

VOLVME TROISIESME DES
CHRONIQUES
D'ENGVERRAN
DE MONSTRELET
GENTIL-HOMME IADIS DEMEVRAINT
A CAMBRAY EN CAMBRESIS.



A PARIS,
Chez Pierre l'Huillier, rue saint Jacques à l'Olivier.

M. D. LXXII.

Avec Priuilege du Roy.

THE NEW YORK

LIBRARY

ASTOR LENOX TILDEN FOUNDATION

1215 FIFTH AVENUE



A. R. I. C.

THE NEW YORK LIBRARY, THE ASTOR LENOX TILDEN FOUNDATION.

NEW YORK

1915

CY COMMENCE LA TABLE DES
CHAPITRES DV TIERS VOLVME
des Chroniques d'Enguerran
de Monstrelet.

Et premierement comment les Anglois prindrent trefues pour dixhuit mois, & fiancerent la fille du Roy René de Cecile pour estre femme du Roy Héry d'Angleterre. Et comment le Roy de Cecile supplia au Roy de France qu'il luy pleust donner secours. Feuillet 1.

Comment le Roy de Cecile vint à Châlons deuers le Roy de France pour traictier au Duc de Bourgogne de sa rancon: Et comment la Duchesse de Bourgogne y vint. Puis dit du trespassement des roines de Espaigne & de Portugal & comment le Roy enuoia vne ambassade en Angleterre. 2.

L'an mille quatre cens quarante cinq que le Roy en retournant d'oïr messe trouua sur son list ce present dicté, dont la teneur s'ensuit. 3.

Comment le Duc de Bretagne feit prendre mesure Gilles son frere: & comment ceux de Genes enuoierent leur ambassade deuers le Roy de France pour le faire leur seigneur: & comment il en aduint. 3.

Comment le Roy de France apres le trespas du Pape Eugene feit tenir un grand conseil à Lion sur le Roine, où vindrent plusieurs ambassades tant d'Allemagne comme d'Angleterre & d'ailleurs, pour mettre l'Eglise à uniō, & oster les schismes qui lors y estoient. 4.

Comment le Duc d'Orleans receut de par le Duc de Milan son oncle la Comté d'Asi en Pimont: puis dit comment le Roy feit assieger la cité du Mans, laquelle luy fut rendue par traicté. 5.

Comment le Roy de France enuoia ses ambassadeurs deuers le Pape Nicolas: Et

comment ceux d'Esmales assieger par les Genciois furent anitaillez par mer. Et comment le Duc d'Orleans se mit en point pour leuer le siege par terre. 5.

Cy est contenu comment sur trefues entre les Rois de France & d'Angleterre, mesire Francois de Surienne du l'Arragonnois print la ville & chasteil de Fougieres appartenant au Duc de Bretagne: & des grans maux qu'ils y firent. 6.

Comment le commun peuple de Londres se esmeut contre les officiers du Roy d'Angleterre, & tuerent inhumainement l'Esquesne de Clocestre & sy empoisonnerent le Marquis de Suffort, lequel ledit Roy feit deliurer. 7.

Cy est contenu comment par la Court de Parlement deux coquins & une coquine furent condamnéz à estre pendus & estranglez pour leurs malefices. 7.

Comment apres la prise de Fougieres les allies du Duc de Bretagne prindrent le chasteil & la ville du Pont-de-l'Arche sur les Anglois: puis parle de la prise de Gerberoy. 8.

Comment le Roy de France deuement informé par plusieurs manieres, que les Anglois eurent brisé les trefues, se delibera de leur faire guerre. Puis dit comment Vernueil fut prins par un Musnier que un Anglois eut battu. 9.

Comment le Comte de saint Pol alla deuant Nogent, laquelle luy fut rendue: parle de la prise de Pont-Audemer. 10.

Cy dit comment les Anglois entrerent en Escosse par deux fois: & comment la tour de Vernueil fut redue: & d'autres autres besongnes. 11.

Cy dit comment le Roy de France feit som-

TABLE DES CHAPITRES

- mer ceux de Manté qu'ils se rendissent à luy ainsi qu'ils firent: & les receut pour
& au nom du Roy le Comte de Dunois son lieutenant general. 12.
- Comment le Roy entra à l'orcuil, & la reception qu'on luy fit. Puis dit comment par l'entreprinse du Seneschal de Poitou le chasteil de Laigny fut rendu au Roy: & y furent plusieurs Anglois prins: & comment Vernon fut rendue au Roy. 12.
- Comment le Roy de France vint en la ville d'Exreux où il fut notablement receu. Et de là sen alla à Louviers. Puis dit comment le chasteil d'Aiou fut mis en l'obeyssance du Roy. Et comment Gournay se rendit: Et comment Houel rendit la Roche-Guion au seigneur à qui elle estoit: Et comment il se tourna François. 14.
- Comment messeigneurs les Comtes d'Eu & de saint Pol prindrent d'assault la ville de Neuf-Chasteil de Niconrt: & comment le chasteil se rendit par composition. Et comment le Comte de Dunois print le chasteil de Harcourt. 15.
- Comment le Duc de Bretagne & le Connestable de France à tout grosse armée de gens de guerre, entrèrent en la basse Normandie: Et allerent mettre le siege deuant saint Lo, qui leur fut rendu: Puis se rendirent plusieurs petites places: & comment la ville de Carenten se rendit. 15.
- Comment le Duc d'Alencon print sa ville d'Alencon. Comment le Comte de Foix print la ville & Chasteil de Maulton. Comment le Comte de Dunois print Argenten, & comment les Anglois se retrairent au Donjon & sen allerent un baston au poing. 16.
- Comment le Roy de Cecile vint à Louviers deuers le Roy de France, & comment ceux de Fresnoy se rendirēt au Duc d'Alencon, puis parle de la composition de
- Gisors. Et comment on asiegea Chasseau-Gaillard. 17.
- Comment le Roy de France mīda les Comtes de Dunois, d'Eu & de saint Pol & leurs gens venir deuers luy pour aller deuant Roien où ils furent trois iours puis sen retournerent. Comment aucuns de Roien luy cuidèrent liurer la ville, & comment le Duc de Bretagne asiegea Fougieres, & comment Condé fut prins. 17.
- Comment l'Archeuesque de Roien & aucuns autres traitterent de rendre Roien au Roy de France, & comment les clefs de ladite ville surēt presentées au Comte de Dunois lieutenant general lequel avec ses gens entra en icelle. 19.
- Comment le Roy de France feit asieger le Comte de Sombresse, Thalebot & leurs gens dedās le Palais de Roien, & comme par composition ils sen allerent parmy redant le chasteau d'Arques, & autres places cy apres declairtes. 20.
- Comment le Roy de France entra à Roien noblement acompaigné, & comment il fut somptueusement receu, puis dit comment meirent en la main du Roy le Chasteau d'Arques, Caudebec, Tancarville & Monfieuuiller. 21.
- Comment le chasteil de Gaillard fut mis en l'obeyssance du Roy. Comment ceux de Fougieres se rendirent au Duc de Bretagne & Belemme au Duc d'Alencon. Puis parle d'une rencontre d'Anglois & François où fut fort combattu. 23.
- Comment le Roy se partit de Roien: Comment il enuoia son lieutenant general mettre le siege deuant Harfleur, comment la ville luy fut rendue par composition, puis parle de la belle Agnes, de sa maladie, de son trespassement & des ordonnances qu'elle feit. 24.
- Comment le Comte de Foix feit une grosse armée & feit mettre le siege deuant le chasteil

- chastel de Guisben, & commēt les Anglois se meurent ensemble pour leuer ledit siege, & comment ils firent desconfits par le sire de Lautrec & le bastard de Foix. 25.
- Comment apres ce que mesure Thomas Kirieli eut prins Valongnes sur les Francois se meit aux champs à grand compaignie d'Anglois, le Comte de Cleremont ausi se meit aux champs à tout ses gens & virent ius lesdits Anglois. 26.
- Comment le Duc de Bretagne à tout son armée meit le siege deuant Auranches, comment elle luy fut rendue, commēt il print Tombelaine, comment Bayeux fut prinse & comment le Connestable de France print Briquebec, & autres incidents. 28.
- Comment le siege fut mis deuant Caen, & comment le Roy de France y vint & le Roy de Cecile, & le Duc de Calabre son fils à grosse armée. Puis dit comment les Anglois apres qu'ils eurent esté fort battus d'engins redirent la ville & chasteau de Caen. 29.
- Cy dit commēt le Roy de France entra en la bonne ville de Caen où il fut noblement receu: puis dit comment les Anglois rendirent Falaise au Roy de France, de laquelle place il ordonna capitaine Pothon de sainte Treille. Puis dit cōment Danfront fut mis en l'obeissance du Roy. 30.
- Cy parle de la mort du Duc de Bretagne et de mesure Gilles son frere. Et comment on le feit mourir moult piteusement. Puis dit commēt Chierbourg par mer & par terre fut assiégée, & commēt elle fut prinse. 31.
- Cy met l'acteur en mémoire les vaillances de plusieurs nobles faictes en la conqueste de Normandie sur les Anglois pour le Roy de France. Comment le Roy enuoia en Guienne le Comte de Ponthieu qu'il feit son lieutenant. 32.
- Comment le seigneur d'Orual rua ius ceux de Bordeaux: Et comment le Duc Pierre de Bretagne vint faire hōmage au Roy. Puis dit comment le Duc Philippe de Bourgogne voulut en Flandres mettre imposition sur le sel. 34.
- Comment le Roy ordonna le Comte de Dunois son lieutenant general pour aller en Guienne, & mist le siege deuant Mont-Gnion, lequel luy fut rendu, & commēt il assiégea la ville de Blaie, laquelle fut prinse d'assault, & le chastel se rendit par composition. 34.
- En ce chapitre sont contenues plusieurs notables requestes de plusieurs villes & chasteaux. Et généralement toute la Duché de Guienne reserve Bayonne. Puis parle comment ceux de Bordeaux se rendirent. 35.
- Cy dit comment la cité de Bayonne fut assiégée par les Comte de Foix & de Dunois tous deux lieutenans du Roy Charles de France. Et cōment ladicte cité de Bayonne se rendit. Et quelles ordonnances y furent faictes par les dessusdits. Puis en apres dit commēt nostre saint Pere le Pape espousa l'Empereur d'Allemagne à la fille du Roy de Portugal. Puis parle des aduenues d'Angleterre. 38.
- Comment Jaques Cœur fut prins prisonnier & les causes pourquoy, comment le Roy de France dessia le Duc de Sauoye, & commēt la paix en fut faicte par le Cardinal de Tournelle. Et comment Thalebott reprint Bordeaux sur les Francois. 40.
- Comment les Gantois assiegerent Audenarde. Et comment le Duc de Bourgogne ordonna son armée contre les Gantois & en occirent plusieurs. 41.
- Comment le comte d'Estampes accompagné des Picards seulement leua le siege d'Audenarde & desconfit les Gantois deuant que le Duc de Bourgogne en sceut riens. 42.

TABLE DES CHAPITRES

Cy parle des gens de guerre que le Duc mist par garnisons à l'enour de Gand. Et d'aucunes courtes que ceux feirēt iusques à Gand & au pais de Voas. 43.

Comment les Gantois fortifierent Neuen en Flandres. Et comment le Comte d'Estampes les rua ius. Et comment iceux Gantois voulurent rompre une Digue pour noyer le pais là où furent de rechief desconfits. 43.

Cy parle de la bataille de Rippemonde où les Gantois furēt desconfits par leur seigneur le Duc de Bourgogne. 44.

Comment ceux d'Acro habandonnerent la place, & fut la ville arse par les gens du Duc de Bourgogne. Et comment le Roy de France enuoia ambassadeurs en Flandres deuers le Duc de Bourgogne pour mettre paix au pais. 44.

Comment le Contellier de Gand fut prins en bataille & les Gantois desconfits. Et comment ils furent de rechief desconfits à Hauſt, & à Monlebecque. 45.

Cy parle des poinets du traictē que feirent les ambassadeurs de France à l'Isle pour appaiser les Gantois à leur seigneur dont neantmoins ils ne tindrent riens à Gand. 46.

Comment les Gantois recommencerent la guerre contre leur seigneur & ardirent Hauſt. Et comment un herault de France eschappa de la ville de Gand. 47.

Comment le Duc rassembla gens d'armes pour guerroyer les Gantois. Et comment iceux Gantois ardirēt Harlebec un vil-laige pres de Courtray. Puis parle des besongnes qui aduinrent de celle guerre à celle fois. 47.

Cy dit commēt le Mareſchal de Bourgogne feis ardoir la ville d'Eſele. Et comment les Gantois furent deboutēz de deuant Allox qu'ils vouloient asieger. 48.

Cy parle d'aucunes entreprinſes faictes entre les Picards & les Gantois. Et dit com-

ment les Gantois allerēt bouter les feux en Hainault. Et comment ils furent rencontrez tantost apres. 48.

Comment les Gantois enuoierent deuers le Comte d'Estampes pour trouuer moyen de paix. Et tost apres s'en allerent asieger Courtray où ils ne gaignerent guerres. Puis dit comment ils cuiderent prendre la Duchesse de Bourgogne allant à Bruges. 49.

Comment Pierre Moreau un capitaine des Gantois emmena une grande compaignie deuant Terremonde. Puis dit d'une grande course qu'ils feirent en Hainault où ils feirent plusieurs maulx. 50.

Comment les Gantois cuiderēt prendre d'assault la ville d'Allox, & comment elle fut bien deſſendue. Puis dit comment les trois membres de Flandres & les nations de Bruges contēdoient à faire la paix des Gantois. 50.

Cy parle de l'armēe que le Duc de Bourgogne enuoia en Luxembourg contre aucuns Allemans qui domageoient les pais & auoient leur retour à Tionuille. Puis dit comment le Duc entra en Flandres à grosse armēe pour guerroyer les Gantois. 50.

Comment le Duc print le chaſtel de Pulcres deuant lequel fut occis le ſieur de Cheualerie meſire Jacques de Lalain. Puis alla asieger le chaſtel de Gavres où fut la deſconfiture des Gantois. Et dit comment il ſei prendre tous ceux de leans aincois que les Gantois le veniſſent combattre. 51.

Cy dit la maniere de la bataille de Gavres. Et comment les Gantois y furent morts & desconfits plus de vingt mille hommes. 52.

Commēt le noble Duc pitoyable enuoia son herault à Gand apres celle deſconfiture pour ſcauoir ſils ſe vouloient mettre en ſa volentē & il auroit piniē d'eux. Et comment

- comment les Gantois enuoierent deuers
luy requerrans sa misericorde. 53.
- Cy apres s'ensuit la declaration des articles
du traité de ceux de Gand à leur bon
Prince le Duc Philippe de Bourgon-
gne. 53.
- Cy parle de l'amendise que firent les Gan-
tois à leur seigneur. Et dit la maniere
comment ils luy firent leur amendise
honorable. 54.
- Comment tandis que le Duc de Bourgogne
demenoit sa guerre en Flandres contre
les Gantois, le seigneur de Croi besogna
contre les Allemans en la Duché de Lu-
xembourg, lesquels y faisoient moult de
maulx. 54.
- Comment le Roy Charles de France septiesme
de ce nom conquist la seconde fois la cité
de Bordeaux & tout le pais de Bourde-
lois: & par auant auoit conquis & par
tout son Roiaume auoit obeissance, &
de la mort du seigneur de Thalebot. 55.
- Cy dit comment le Pape Nicolas enuoia si-
gnifier au noble Duc Philippe de Bour-
gogne l'entreprinse du Turc, & le Duc
voüa d'aller en Turquie sous certaines
conditions. 55.
- Comment Charles Comte de Charrolois fils
du Duc de Bourgogne s'iectà Dame Ysa-
bel de Bourbon sa cousine germaine. Et
comment le Duc tost apres s'en alla es Al-
lemaignes. Et comment apres son retour
fondit fils espousa sadictè cousine. 56.
- Comment le Roy alla en son chasteau de Lu-
figen, comment le sire de Thalebot print
Fronsac, comment les francois allerent
assiéger Chastillon. Et comment le seigneur
de Thalebot assemblea ce qu'il peut auoir
de gens d'armes pour leuer ce siege. Et com-
ment il y mourut. 56.
- Comment apres la reddition de Chastillon
les conduiseurs de l'ost du Roy prindrent
saint Millon & Libourne avec autres.
Puis dit comment le Roy & son armée
estans deuant Bordeaux où estoient grand
nombre d'Anglois lesquels luy rendrent
la ville par composition. 57.
- Cy dit comment le Turc astiega Constanti-
noble. Et comment il s'en icelle cité bastre
d'engins de la grande artillerie qui y estoit.
Puis dit comment ladicte cité fut prinse
d'assault. Et parle aucunement des maulx
qui y furent commis. Puis parle d'un
remede pour aller contre le dessusdit
Turc. 59.
- Cy dit comment le Turc enuoia lettres au
Pape, pource que le Pape vouloit ordon-
ner une croisée pour aller cõtre luy. Puis
dit comment le Blanc Cheualier Maref-
chal de Hõgrie rua ius les Turcs au port
de Sambrine. 61.
- Cy dit comment les sentences de laques Cueur
& de ma Damoiselle de Mortaigne su-
rent prononcées, & comment maistre
Guillaume Edelin Docteur en Theologie
fut presché. 62.
- Comment le Roy de France enuoia une am-
bassade deuers le Roy d'Espaigne. Et com-
ment le Roy de France feit faire deux cha-
steaux à Bordeaux pour tenir le peuple
en subiection. Et comment le Duc d'Orch
feit emprisonner les Ducs de Sombreffer
& de Cloestre, & plusieurs autres inci-
dens. 63.
- Cy dit comment le Comte de Charrolois se
maria à ma Damoiselle Ysabeau de
Bourbon. Puis parle comment le Duc
Philippe de Bourgogne retourna des Al-
lemaignes, & comment il vint à l'Isle
& à Arras où il fut honnorablement
receu. 64.
- Cy parle des grans saillies & aides que le
Duc leua en ses pais pour aller en son
voyage de Turquie. Puis dit comment il
feit Euesque du Treth son fils bastard
lors Euesque de Theroüenne. Et com-
ment il meit à obeissance aucuns rebellas
à l'encontre dudit Euesque. 64.

TABLE DES CHAPITRES

Comment l'Éuesque du Treth trespassa & comment le Duc de Bourgogne alla en Hollande pour en faire Éuesque David son fils bastard. Et comment le Roy de France mist en sa main le Daulphiné. Puis mes les conquestes que feit le dessusdit Blanc Cheualier sur les Turcs & ce qui en cetéps aduint au royaume de Naples. 64.

Comment le Comte de Clermont & le seigneur de Loheac Marechal de France & plusieurs autres capitaines prindrent & meirrent en la main du Roy la Comté d'Armignac & de Rouergue & meirrent l'Archuesque d'Aulx en possession. 65.

Comment le Roy de France fut mal content de son fils le Daulphin qui s'en estoit allé deuers le Duc de Bourgogne sans son congé. Puis parle d'aucunes ordonnances faictes par le Pape Calixte pour le fait de la Chrestienté. 66.

Comment le Duc de Bourgogne mena son fils en Hollande à grand armée & le meis en possession paisible de l'Éuesque du Treth & contrainct par force ceux de d'Enenter d'obtenir au nouuel Éuesque ce que faire ils ne vouloient. 67.

Comment le Duc d'Alencon fut prins à Paris & mis en prison, & comment les Turcs furent desconfits en Hongrie miraculeusement, & parle aussi d'aucunes choses estranges qui aduindrent audit an cinquante six. 67.

Comment Loïs de Valois ainé fils du Roy de France s'en vint à refuge au Duc Philippe de Bourgogne, puis parle d'aucunes autres besongnes qui aduindrent en ce temps. 68.

Cy parle du mal-talés & courroux qui fut entres le Duc Philippe de Bourgogne & le Comte de Charrolois son fils, & comment le Daulphin les appaisa. Puis dit comment la Comtesse de Charrolois accoucha d'une fille, et parle d'aucunes au-

tres choses qui aduindrent lors en diuers lieux. 69.

Comment l'ambassade du Roy de Hongrie vint à Tours par deuers le Roy de France. Et comment ils y furent receuz honorablement, & commēt nouvelles leur vindrent du trespas dudit Roy de Hongrie, & comment les Francois prindrent d'assault Sandwich. 70.

Comment le Duc Philippe de Bourgogne mena le Daulphin à Bruges où il fut receu à tresgrand ioye & à moult grand honneur. Puis parle de plusieurs autres choses qui lors aduindrent. Puis dit comment les Francois prindrent & prindrent Sandwich en Angleterre. 71.

Cy parle d'un différent estant lors entre le Duc Philippe de Bourgogne & le Comte de S. Pol. Puis parle du Roy de qui enuoia demander à mariage la fille de France. 72.

Cy parle de la mort du Roy Lancelot de Hongrie pour lequel le duc fut grand en la court du Roy de France. Puis parle du trespas de Jean de Enimbes Roy de Chippre, & du trespas du Duc de Bretagne. A laquelle Duché succeda Artus Comte de Rochemont son frere. 73.

Comment le Roy Charles de France fut moult griefuement malade. Et comment tost apres il enuoia signifier au Duc Philippe de Bourgogne qu'il prenoit en sa garde les terres du Damoiseau de Rodemac & de la responce du Duc. Puis parle d'autres choses, de Gellées, de neiges & de vents qui lors aduindrent. 74.

Comment à la requeste deceux de Gand le Duc Philippe leur seigneur alla à Gand & de la feste qui luy fut faicte en icelle ville. Puis dit commēt le Roy feit adiourner ledit Duc pour estre avec les autres Pairs de France au conseil du Duc d'Alencon. 74.

Cy parle de la mort du Roy d'Arragon & des

- des signes qui lors aduindrēt. Et dit com-
mēt son bastard Ferrād fut Roy de Na-
ples apres luy. Puis parle du Pape Pius
Et de plusieurs autres choses qui aduin-
drent au temps de lors; comme de la mort
du Duc de Bretagne Et de l'ambassade
de Grece qui vint au Duc Philippe de
Bourgogne. 75.
- Cy parle de l'entrēe que le Duc Philippe de
Bourgogne feit en sa ville de Gand. Et
comment les Gantois la receurent noble-
ment. Puis dit comment le Roy de Fran-
ce enuoia sommer le Duc Philippe de
Bourgogne pour estre au iugement du
Duc d'Alencon. 75.
- Comment le Roy contremanda au Duc de
Bourgogne qu'il ne se traicillast point
d'aller à Montargis; mais y enuoia trois
ou quatre notables personnes pour con-
uenir avec les autres. Puis parle en brie-
f de la sentence donnie par le Roy contre
le Duc d'Alencon en la ville de Vendos-
me, Et la reformation du Roy apres la
sentence rendue. 77.
- Comment le Roy manda les douze Pairs de
France à comparoir en sa ville de Mon-
targis pour ouir le proces du Duc d'A-
lencon. Puis parle de la mort du Pape Ca-
lixte. Et comment le Roy transmua la
iournée de Montargis à Vendosme. 79.
- Cy dit comment le Duc d'Alencon fut con-
damné pour ce qu'il vouloit bailler ses
places aux Anglois anciens ennemis de
France Et les mettre en Normandie. 79.
- Comment l'ambassade d'Angleterre ne peut
auoir acces au Roy de France à celle fois.
Et pareillement comment le Duc de Bour-
gogne enuoia le Duc de Cleues à la iour-
née de Mantua. Et comment la Daul-
phine accoucha d'un fils à Geneue. Et
commēt le Roy d'Esgoce fut tué d'un es-
clar de bombarde. 84.
- Cy parle en brieuf des grandes seditions Et
diuisions qui furent en Angleterre au
temps de lors. 84.
- Cy dit commēt Edouard Comte de la Mar-
che fils aisné du Duc d'Orch desconfit en
bataille la Roynie d'Angleterre Et fut
Roy d'Angleterre par l'aide de ceux de
Londres. Et comment la Roynie sen alla
allier aux Esgois pour auoir leur ai-
de. 85.
- Cy parle d'aucun langage seint par gens
plains de zizanie qu'on vouloit empoi-
sonner le Roy Charles septiesme de ce
nom; dont il n'eut onques puis roye au-
cun. 86.
- Cy parle de douze maisons qui furent arses
à Iudry, et de la feste de la Toison que le
Duc Philippe de Bourgogne tint à saint
Omer auant an soixante Et un, Et de la
naissance de la fille du Daulphin de Ge-
neppe. Puis parle des ambassadeurs d'ou-
tre-mer qui lors vindrent à la court du
Roy de France Et à la court de Bour-
gogne. 86.
- Cy parle encores du trespas du Roy Charles
septiesme de ce nom Et des grandes Et
dures aduētures qu'il eut à son commen-
cement. Et puis de ses glorieux Et grans
faits d'armes. 87.
- Comment le Daulphin Et le Duc de Bour-
gogne se disposerent pour aller à Reims
au sacre dudit Daulphin. Puis parle de
l'enterrement du feu Roy Charles Et du
sacre Roy Loïs à Reims; et des besongnes
qui y furent faictes. 88.
- Cy parle de l'entrēe du Roy Loïs de France
en sa ville de Paris; Et des noblesses qui
y furent faictes à son entrēe. Et par of-
ficial du bruit du Duc de Bourgogne Et
de ses gens. 89.
- Cy parle du parlement du Roy Et du Duc
de Bourgogne de la ville de Paris; Et
du congé qu'ils prindrent l'un d'autre;
puis parle de plusieurs autres choses qui
lors aduindrent en divers lieux. 90.
- Comment Charles de Bourgogne Comte de

TABLE DES CHAPITRES

Charrolois sen alla veoir le Roy Loïs de France à Tours où il fut tresgrandement festoït. Et comment il se perdit à une chasse. Et comment il retourna au pais d'Arthois par le pais de Normandie dont le Roy l'auoit ordonné son lieutenant.	91.	comment le Comte d'Estampes s'eslogna de la maison de Bourgongne. Puis parle d'autres choses qui lors aduindrent.	97.
Comment le Duc Philippe Duc de Bourgogne fut en dangier de mort par maladie, dont neantmoins il eschappa. Puis parle de plusieurs choses qui lors aduindrent.	92.	Cy parle comment le Roy Loïs de France receut les terres enuagées sur la riniere de Somme du Duc de Bourgongne. Et comment il alla veoir le Duc à Hesdin.	97.
Comment le Roy Charles de France septiesme de ce nom apres son trespassement fut apporté à Paris, & de Paris à S. Denys là où son service fut fait moult noblement. Auquel service furent plusieurs Euesques, abbés & autres.	92.	Cy parle du trespass de la roïne de France dame Marie d'Anion. Puis dit comment le Roy feit adiouurner le Comte de S. Pol & le seigneur de Genly à comparoir en personnes deuant luy. Puis parle d'autres choses, & du mariage du fils de Gueldres. Puis parle de l'abolition de la pragmatique Sanction.	98.
Cy parle de la mort villaine de Iehan Constrain sommier de corps du Duc Philippe de Bourgongne, & dit la cause pourquoy il mourut & de celuy mesmes qui l'accusâ.	94.	Cy parle d'une disuïō qui lors estoit entre le Duc de Bourgongne & le Côte de Charrolois son fils, & des dolcances que feit le Comte de Charrolois du seigneur de Croi aux deputez des trois estats des pais du Duc Philippe de Bourgongne son pere.	99.
Cy parle de l'executio criminelte que feit faire le Duc Philippe de Bourgongne en sa Comté d'Arthois sur plusieurs mauvais garnemens tresmal renommez. Puis parle du trespas de l'Abbé de S. Vaast d'Arras & d'autres choses. Puis parle d'aucunes parolles poignâtes que le seigneur de Chimay dit au Roy.	94.	Cy parle de la responce que firent les deputez des pais du Duc de Bourgongne au Comte de Charrolois son fils. Et comment le pere & le fils s'appaiserent ensemble. Puis dit comment le Roy vint en la ville d'Arras & à Tournay.	100.
Comment la Duchesse de Bourbon vint demourer avec son frere le Duc de Bourgongne. Puis parle du secours que le Roy de France bailla à la Roïne d'Angleterre & de plusieurs autres choses qui lors aduindrent en diuers lieux.	95.	Cy parle du voiage du bastard de Bourgongne. Et comment le Roy feit detenir prisonnier Philippe de Savoie, nonobstant la seurte du Roy. Et comment le Comte de S. Pol fut appaisé au Roy. Puis parle en brief d'une bataille qui fut en Angleterre. Et d'aucunes autres choses qui lors aduindrent.	101.
Cy parle de plusieurs & diuerses besongnes qui aduindrent à l'entree de l'an mille quatre cens soixante & trois. Puis parle de la dure fortune de la Roïne d'Angleterre.	96.	Comment le Roy de France vint à Hesdin la seconde fois, puis parle du trespas du Pape rino, & de la prinse du Bastard de Rubempré en Hollande, puis parle d'aucunes autres choses qui lors aduindrent.	102.
Comment le Roy de France donna au seigneur de Croi la Comté de Guisnes. Et			Cy

Cy parle de la charge que le Bastard de Ru-
bempre eut à aller en Hollande pour cui-
der prendre le Comte de Charrolois, puis
parle comment ledit Bastard y fut prins. 103.

Cy parle comment le Roy manda venir de-
uers luy aucuns deputez des villes des-
gaigées & d'autres pais, & de ce qu'il
leur feit remonstrer. Et comment il feit le
Comte de Nevers capitaine de Picardie,
& de l'ambassade qu'il enuoia au Duc
de Bourgongne & Flandres. 104.

Cy parle de la responce que feit le Comte de
Charrolois aux ambassadeurs du Roy.
Et comment le Roy feit prendre Craue-
cœur de la Cambrai. D'une ambaf-
sade que le Duc de Bourgongne enuoia
deuers le Roy, et du trespas du Duc d'Or-
leans. 105.

Cy parle du mariage du Roy Edouard d'An-
gleterre, & des alliances que voulut a-
uoir avecques luy le Roy de France. Puis
dit comment les bastards de Bourgongne
retournerent de leur voiage. Et comment
le Duc de Bourgongne fut malade jus-
ques à la mort. Et comment ceux de
Croi furent deboutez de la maison de
Bourgongne. 106.

C'est icy la copie des lettres que le Comte de
Charrolois enuoia aux nobles hommes
& aux bonnes villes des pais du Duc de
Bourgongne son pere touchans les causes
le mouuans à eslongner ceux de Croi du
seruice de son dit pere. 107.

Cy dit comment le Duc de Berry frere
du Roy de France s'absenta de l'hôtel du
Roy & s'en alla à refuge au Duc de Bre-
tagne. Et comment le Comte de Damp-
martin s'eschappa de la prison du Roy, &
des lettres que le Duc de Berry enuoia au
Duc de Bourgongne. 109.

Cy parle des lettres que le Roy enuoia au
Duc de Bourbon & le Duc au Roy. Et
d'unes autres lettres que le Roy feit pu-
blier par tout son royaume, & d'unes

autres que le Comte de Nevers feit pu-
blier es villes dont il estoit lieutenant pour
le Roy de France. 110.

Comment le Duc de Bourgongne pardonna
à son fils. Et de la grant assemblée que
feit de gens d'armes pour aller en l'aide
du Duc de Berry contre son frere le Roy
de France. Puis parle de plusieurs autres
choses qui aduindrent lors. 111.

Comment le Comte de Charrolois print con-
gé du Duc de Bourgongne son pere pour
tirer en France à rouse son armée &
grande artillerie. Et comment il passa la
riuiere de Somme & meit en son obeis-
sance Neelle, Roie & Montdidier. puis
alla assieger Beau Lieu & passer la ri-
uiere d'Oise. 113.

Comment le Comte de Charrolois passa la
riuiere d'Oise & s'en alla à saint De-
nys, puis s'en alla mettre en bataille de-
uant Paris. Et le Comte de S. Pol s'en al-
la saisir le Pont S. Clou pour passer la ri-
uiere de Seine. Et comment il la passa à
tout son armée. 113.

Comment le Roy se conclut de combattre le
Comte de Charrolois. Et comment ils cō-
uinrent à bataille au desoubz de Mont-
leheri, & de la maniere de celle bataille
ou rencontre qui fut moult aduantageu-
se. 115.

Comment le Comte de Charrolois se main-
tint apres la victoire qu'il eut du Roy de
France à Montleheri & de plusieurs be-
songnes & sequelles qui en aduindrent
lors en diuers lieux. 116.

Comment les Ducs de Berry, & de Bretagne se
trouuerent à Estampes avecques le Com-
te de Charrolois, & tost apres y vin-
drent aussi les Ducs de Bourbon, de Ca-
labre & de Nemours, le Comte d'Ar-
mignac & leurs allies, & le Roy s'en
alla de Paris à Rotten. 117.

Cy parle des diuerses nouvelles portées en
diuers lieux de la journée de Montleheri,
puis d'une guise, puis d'une autre. 118.

TABLE DES CHAPITRES

- Comment entre ces besongnes le Roy de France & les Liegeois firent alliances ensemble pour guerroyer le Duc de Bourgogne & son fils Comte de Charrolois, et d'autres autres choses, & comment iceux Liegeois assiegerent la ville de Luxembourg. 119.
- Cy retourne à parler des Liegeois, et dit comment ceux de Dinant inurierent le Comte de Charrolois lors estans à Conflans. Et le Roy se trouua à Conflans avec le Côte de Charrolois. Et comment le Duc de Bourgogne print la ville de Roïen. 120.
- Cy parle du trespas de la Comtesse de Charrolois. Et comment le Comte de Nevers fut prins au chasteau de Peronne. Puis dit comment les Liegeois furent desconfits à Montenac. Et puis il parle du traité fait à Conflans entre le Roy & les princes de France. 121.
- Cest icy l'extrait des lettres roiaux touchant ce que le Roy ceda & trāsporta au Comte de Charrolois pour le traité de Conflans. 122.
- Comment le Roy voulut veoir l'armée du Comte de Charrolois en ordonnance. Et comment le Comte print cōgé du Roy et s'en alla à toute son armée pour guerroyer les Liegeois. Puis dit comment le Duc de Berry feit hommage au Roy de la Duché de Normandie. 123.
- Cy parle de l'entrée du Duc de Berry à Roïen & comment tost apres le Roy entra en Normandie & reprint en sa main la Duché. Puis dit comment il feit noier & mourir aucuns seigneurs du pais qui auoient fauorisé son frere. 124.
- Comment le Comte de Charrolois entra à toute son armée au pais de Liege. Et comment les Liegeois demanderēt & obtindrent trefues pour un temps. Et comment tost apres la paix y fut trouuée: Mais ne dura guerres de temps. 124.
- Comment apres le traité fait, ceux de Saincton cuidoient auoir occis les gens du Côte de Charrolois. Mais en fin se trouuerent les plus foibles. Et comment ledit Côte retourna à Bruxelles deuers le Duc son pere. Puis dit comment le Roy de France meit sus grosse armée. Et comment le Comte de Charrolois se tint garny & sur sa garde. 125.
- Comment ceux de Dinant en Liege rompirēt la paix & recommencerent la guerre contre le Duc de Bourgogne. Et comment tost apres leur ville fut assiégée & barue d'engins. 126.
- Cy dit la maniere comment la ville de Dinant fut conquise de force par les gens du Duc de Bourgogne, si qu'il les conuint rendre à la volenté du Duc. Puis dit comment le Duc en ordonna pour memoire perpetuelle à toutes villes de pareil condition. 127.
- Cy dit comment apres la destruction de Dinant le Duc se disposa d'entrer au pais de Liege à tout son armée. Et des villes qui se rendirent à luy, puis dit comment la paix y fut trouuée pour celle fois. 129.
- Cy dit comment messire Anthoine bastard de Bourgogne passa en Angleterre pour faire armée contre le seigneur de Scales frere de la Roine d'Angleterre. 130.
- Cy parle du trespas & de l'enterrement du noble Duc Philippe de Bourgogne, & de son notable obseques fait à S. Donnast de Bruges. 131.
- Prologue sur les Chroniques des treschrestiens magnifiques, victorieux & illustres Rois de France Loïs onquesme de ce nom, & Charles viij. son fils. 131.
- S'ensuiuent aucunes recapitulations cy adionstées & recolligées en entieres Chroniques du feu Roy Loïs neuuiesme de ce nom aucunement obmisēs & delaisstēs par Enguerran de Monstrellet en ce qu'il auoit commencé à descrire es Chroniques du Roy Loïs sur le fait de la guerre & des approches de Montleheri. 132.
- Cy apres sont aucunes histoires, gestes & merueilles

- merueille aduenues & demonstrees es pais de France & autres diuerses provinces & regions additionnees & redigees à la verité en ce present volume, pour ce qu'elles ont esté du tout omises & deluiffées à ecrire par le dessusdit Chroniqueur maistre Enguerran de Monstrelet. Et tant durant le regne du bon Roy Charles septiesme de ce nom que durant le temps & regne du Roy Loïs vnziesme son fils. 135.
- Comment le Roy Loïs vint à Paris & puis il sen alla en Picardie & comment le bastart de Roucmpré fut prins en Hollande. Et de la mort du Duc d'Orleans, & comment le Duc de Bourbon feit au cune guerre audit Roy. 135.
- Comment le Roy Loïs fut au pais de Bourbonnois où il print aucunes villes & chasteaux et d'aucunes nouvelles et merueilles en la cité de Paris & ailleurs. 136.
- Du retour du Roy Loïs à Paris apres la journée de Montlehery. 138.
- Comment apres que les Bourgongnons & Bretons furent bien rasfreschis ils retournerent eux loger es villages à l'entour de Paris, pourquoy ceux de la ville firent plusieurs bons & prudents conseils eux forrissians & gardans par bonne desfence. 140.
- Cy apres est parlé d'aucuns ambassadeurs eullez du party du Roy & desdits Bourgongnons pour communiquer sur les disferens. Et des nobles de Normandie qui vindrent à Paris pour seruir le Roy. 143.
- Comment apres le traitté fait à Constans entre le Roy & lesdits Princes de son sang furent portez vniuers aux existans devant Paris. Et comment le Comte de Charrolois en faisant sa monstre se declaira estre vassal & seruiteur du Roy, & ausi luy feit hommage le Duc de Berry & les autres. 146.
- Comment le Roy Loïs mercia ceux de Paris de leurs bonnes prouesses & loiautez. Et conferma les priuileges qu'il leur auoit donnez en leur offrant autres nouueaux, il remeit Brechoft de Paris mesire Robert d'Alouenille cheualier. Et comit ledit Charles frere dudit Roy sui receu moult honnorablement à Roüen comme vray Duc de Normandie. 147.
- Comment le Roy recourra la Duché de Normandie contre fondit frere Charles Duc de Berry. 149.
- Comment le Roy fei partir de Roüen pour aller à Orleans. Et enuoya plusieurs ambassadeurs en Angleterre. Et comment plusieurs malfaisiteurs furent executez à Paris, du dinorfe de sire Guillaume Conlombel & de sa femme. 150.
- Comment le Roy enuoya aucuns Commissaires reformatours à Paris, desquels les pages eurent grande noise & questions aux clerks du palais. Et comment ledit Roy ordonna aucuns seigneurs pour la garde & desfence du roiaume. 151.
- Comment le Roy feit le Comte de Dampmartin son grand maistre d'hostel. De la mort du Duc Philippe de Bourgogne. D'un religieux qui fut occis au temple. Et comment la Roine fut honnorablement receüe en la ville de Paris. 152.
- Comment le Roy ordonna & vœit faire les monstres des bannieres de Paris, d'aucunes guerres au Liege. De la pragmaticque qu'un Legat & baltre cuidèrent abolir. Et comment le Roy feit faire trefues entre le Roy & Charles le Duc de Bourgogne non compris les Liegeois. 154.
- Comment le Roy enuoya Commissaires pour reueoir les monstres de Paris, de l'armée du Roy entre le Mani & à l'encontre des Bretons d'une armée que feit & aslebla le Duc de Bourgogne à S. Quentin. Et des trois estats qui furent tenus en la ville de Tours audit an mille quatre cens lxviij. 157.

TABLE DES CHAPITRES

D'anciennes iouffles faictes à Paris & à Bruges. Et comment le roy fut à Meaulx, du prince de richmond qui vint à Paris, du seigneur du Lau qui eschappa des prisons d'Effon, dont plusieurs furent decapitez. Et de ce qui fut fait entre le roy & les Ducs de Berry & de Bretagne en l'an mille cccc. lviij.	en l'an mille cccc. lxxij.	168.
Cōment le roy alla à nostre Dame de Haux en Allemagne. Et apres fut destruite la ville de Liege.	Des monstres refaictes à Paris, & comment le Duc de Bourgogne se parut bonteusemēt de son siege deuant Beauuais, de l'armée du Roy en Bretagne, de miseigneur de Beaujen qui fut trahy, du Comte d'Armignac & ce qui en fut fait, du Roy de Aragon qui s'enfuit de Perpignan.	160.
De la trahison de maistre Jean Balue Cardinal d'Angiers, de la paix du Roy & de son frere Charles Duc de Guienne, de l'alliance du roy de France & du roy d'Espaigne, & autres plusieurs choses faictes en l'an mille cccc. lxix.	Du siege deuant Perpignan. Et comment le Duc d'Alencon fut detenu prisonnier au Loure. De la mort du Duc Calabre, de l'execution d'un nommé Jean Hardy qui voulut empoisonner le Roy, d'un nouuel edict dudit Roy enuers les gens d'armes & sur les monnoyes, d'une ambassade du Roy d'Aragon & autres plusieurs choses faictes en l'an mille cccc. lxxij.	162.
Du Comte de Waruich & du Duc de Clarence qu'ils avec leurs femmes & familles decrachier du Roy Edouard vindrent es parties de France. De la natiuité du Dauphin Charles, de l'alliance du Roy de France & du Roy Henry d'Angleterre, de la fuite du Roy Edouard, de l'entrée de la Roynie d'Angleterre à Paris, & plusieurs autres choses aduenues en l'an mille cccc. lxx.	Des monstres faictes à Paris present le Roy & autres plusieurs, & du Parlement fait entre le roy & le Duc de Bourgogne.	164.
Des nouuelles qui vindrent au Roy, de la vietoire de Edouard sur ledit Roy Henry d'Angleterre. Des libelles diffamatoires contre le Conestable audit Paris. Et cōment le Duc de Guienne & le Côte d'Armignac furent alliez ensemble & autres choses faictes en l'an mille cccc. lxxi.	Du siege deuant Nuz par ledit Duc de Bourgogne audit an.	167.
Comment le Pape Paule deuxiesme mua le iubilé & puis il mourut. Et apres luy fut eleu à Pape Sixte quatriesme luy estant general de l'ordre des freres mineurs en l'an mille cccc. lxxi.	De la sommation du roy Edouard d'Angleterre au Roy de France, d'un homme ouuert tout viuit par les medecins du roy, & de la reduction de la ville de Perpignan l'an que dessus.	168.
Des indulgēces que le Roy impetra pour dire trois fois auē Maria, de la mort de Charles frere du Roy, des trefues avecques le Duc de bourgogne. Du siege & des assaux à Beauuais, & des viures & biens enuoyez par ceux d'Orleans à Beauuais	Commis l'Empereur & le roy se firent ensemble alliance, de la prinse du Tronquoy, roye, Montdidier & autres places pour le Roy, des trahisons du Conestable, de la fuite & depart du Duc de Bourgogne deuant Nuz, du Parlement & traité du roy Edouard avec le roy & plusieurs autres choses. En l'ā mille cccc. lxxv.	169.
	Commis le Duc de bourgogne liura le Conestable Loīs de Luxembourg aux gens du roy, du proces & de l'executio faicte dudit Conestable à Paris. Du Duc d'Alencon deliurē du Loure. Du Duc de Nemours prins prisonnier à Carlat par le seigneur de Beaupuy pour le roy & autres choses aduenues audit an quatre cent. lxxv.	170.
	Du supplement & emprunt fait par le Duc de	171.

- de Bourgogne à ses païs pour sa recon-
 naissance des Suisses, du Seneschal de Nor-
 mandie qui occist sa femme. Du Duc de
 Lorraine contre les Bourguignons deuant
 Morat & en la Comté de Romont. Et du
 siege remis par le Duc de Bourgogne de-
 uant Nancy, de l'aduenement du Roy de
 Portugal en France & autres choses ad-
 uenues en l'an mille cccc. lxxvi. 187.
- Comment le Duc de Millan fut occis. De la
 destruction & mort du Duc de Bourgogne.
 Et de la reduction des païs & autres
 lieux qu'il usurpoit à la couronne és ans
 mille cccc. lxxvi. & lxxvij. 189.
- Comment le Roy manda venir à Noyon des
 conseilurs de Paris pour faire le procès
 du Duc de Nemours, de la mort du Duc
 de Gueldres deuant Tournay. Et de la
 mort & execution dudit Paris pour
 auoir occis le bourreau d'icelle ville en
 l'an que dessus lxxvij. 193.
- Comment le Cardinal de S. George fut detenu
 prisonnier, là où fut adonques pendu
 & estranglé l'Archeuesque de Pise &
 autres plusieurs pour auoir occis Julien
 de Medicis, du siege du Turc deuant Rhod-
 des. Du saint enfant Symon & un autre
 crucifiez & martirisez. D'un deuot Her-
 mite qui vesquit xv. ans du S. Sacremēt.
 D'un monstre né en la ville de Veronne.
 D'une merueilleuse Comette & autres
 plusieurs choses adionstées en icelles pre-
 sentes chroniques. 194.
- Comment le Roy venant de Picardie à Paris
 deliura les prisonniers de Chasteller, du
 Prince d'Orange & mesire Claude de
 Vandray au Comte de Bourgogne. Et
 comment Edouart Roy d'Angleterre sceit
 mourir son frere en l'ā cccc. lxxviij. 195
- Comment l'argent pour les gages des Fla-
 mens fut prins par les gens du Roy, les-
 quels puis prindrent la ville de Condé,
 d'un cordelier nommé frere Anthoine Fra-
 din qui preschoit à Paris, & de plusieurs
 villes que Charles d'Amboise recourra
 pour le Roy au Duché de Bourgogne. 197
- Des grandes richesses que le Roy donna à plu-
 sieurs Eglises. Et comment un conseil fut
 tenu à Orleans pour la Pragmatique, de
 l'alliance du Roy de Castille avecques le
 Roy. Et comment un moine noir Herma-
 frodite deuint gros d'enfant, d'une Bom-
 barde nouvellement essayée à Paris de-
 quoy furent tuez & nautrez plusieurs
 personnes & autres choses aduenues au-
 dit an lxxviij. 199.
- De l'ordonnance du Roy en ses guerres. De
 plusieurs villes prinſes en Bourgogne
 pour le Roy, d'une descōfiture sur le Duc
 d'Autriche assez pres de Therouenne, d'une
 autre grande execution & destrouſſe fai-
 ſte par les gens du Roy qui gaignerent
 xvij. places & quatre vingts nauires de
 Flandres que Coulon print en Normãdie
 pour le Roy en l'an mille cccc. lxxix. 200
- D'une ambassade d'Angleterre vers le Roy,
 du Legat Cardinal de S. Pierre ad-
 vincula en France, des Suisses mis sus au lieu
 des Francs-archiers, d'un grand Tuer,
 & autres auetques les Anglois en l'an
 mille quatre cens & iij. vingts. 202.
- D'un camp fait pour le Roy entre le Pont de
 l'arche & le Pont S. Pierre, de l'année
 des petis vins. Du Roy qui deuint malade
 à Tours. Puis alla à S. Claude. Et d'une
 grande famine qui fut en ce temps mille
 quatre cens iij. vingts & un. 203.
- Du trespas ma dame Jeanne de France es-
 pouse du Duc de bourbon, & du trespas
 de la Comtesse de Flandres: Du retour de
 S. Claude à nostre dame de Clercy. De la
 mort & occision du seigneur Loïs de
 Bourbon Euesque du Liege & autres
 choses ſaiçtes en l'an mille quatre cens
 quatre vingts & deux. 204.
- Comment le Roy estant malade vint à Amboi-
 se veoir son ſils. Et comment le Roy ſeut cō-
 mēder ſa ſanté par deuotes perſonnes en
 l'Eglise S. Denis en France. 205.


TABLE DES CHAPITRES

Du seigneur de Beaujeu & dame Anne de France la femme, pour la reception de la Dauphine, de la mort du roy Edouard, du trespas de dame Marguerite de Bourbon Comtesse de Bresse. De l'entrée & reception de ladite Dauphine à Paris, du clocher sainte Genesieve bruslé & des nopces du mariage du Dauphin & de ladite Dauphine. 207.	nir en la ville d'Ast, où il eut certaines nouvelles des nobles faits de m ^{se} igneur le Duc d'Orleans au pais de Genes. Et cōment Ludouic & sa femme vindrent veoir le roy Charles audit Ast. 216.
De la sainte zimpolie de S. Remy de Reims portée au roy en son hostel des M ^{se} ils lez Fontz. Et finalement du denot trespas dudit Roy Loïs xi. sepulture en l'Eglise nostre dame de Clerg, lequel Dieu absolve. 208.	De l'entrée du roy Charles en la ville de Cassal. 217.
Chroniques du treschrestien Roy de France Charles viij. de ce nom. 208.	De l'entrée du roy à Paris, & comment il fut receu. 218.
Cōment ledit Roy fut sacré à Reims. Et comment il fit son entrée à Paris. 209.	De plusieurs autres villes & places où le Roy passa: de Plaisance insques à la ville de Luques. 218.
De la mort du Pape Sixte iij. de ce nom & cōment le Pape Innocent fut élu & luy succeda de la guerre de Bretagne, & cōment ledit Roy Charles espousa madame Anne fille du tresnoble Prince Francois Duc de Bretagne. 210.	De l'entrée & reception du Roy en la ville de Luques. 219.
Cōment le Roy Charles rendit liberalement la Comté de Roussillon, de la prinse S. Omer. 211.	Comment le Roy entra en la ville de Pise & en autres insques à Florence. 219.
Commis apres que le Roy Charles eut espousé madame Anne elle fut couronnée Roïne de France en l'Eglise S. Denis en France. Et de son entrée de Paris. 213.	De l'entrée du Roy & de ses gens en la ville de Sene la Vieille à Viterbe. 219.
De l'entreprinse du voiage du Roy Charles pour reconurer son royaume de Naples. 214.	Comment le Roy entra à Rome avec son armée. 220.
Commis un nommé frere Hierosime de Ferrare prescha l'aduenture du Roy & des Francois au pais d'Italie. 214.	Comment le Roy partit de Rome pour aller à Naples. 221.
Comment le Roy partit de Grenoble pour passer de là les Monts & aller à Naples. 215. 216.	Comment le Roy entra triomphamment en la ville & eut de Naples des assaulx & prinse du lieu dui la citadelle, du chasteau Noue & du chasteau l'Oue. 221.
De l'entrée du Roy en la ville de Thurin au pais de Piemont. Et comment il fut receu en grand honneur. 216.	De l'entrée du Roy Charles à Naples comme Roy & seigneur du pais & le Monarche des Italiens. 224.
Commis le Roy se partit de Quiers pour ve-	Comment le Roy se disposa de retourner en France & print congé de ceux de Naples. 224.
nir en la ville d'Ast, où il eut certaines nouvelles des nobles faits de m ^{se} igneur le Duc d'Orleans au pais de Genes. Et cōment Ludouic & sa femme vindrent veoir le roy Charles audit Ast. 216.	Du voiage du Roy Charles en son retour de Naples au pais de France. 225.
De l'entrée du roy Charles en la ville de Cassal. 217.	De la iournée de Fournoue & excellēce vietoire du Roy & des nobles Francois. 225.
De l'entrée du roy à Paris, & comment il fut receu. 218.	Comment le Roy leua son camp dudit lieu de Fournoue pour retourner au pais de France. 227.
De plusieurs autres villes & places où le Roy passa: de Plaisance insques à la ville de Luques. 218.	Du voiage du Roy Charles à saint Denis en France apres son retour de Naples: & comment il retourna à Amboise là où il
De l'entrée & reception du Roy en la ville de Luques. 219.	
Comment le Roy entra en la ville de Pise & en autres insques à Florence. 219.	
De l'entrée du Roy & de ses gens en la ville de Sene la Vieille à Viterbe. 219.	
Comment le Roy entra à Rome avec son armée. 220.	
Comment le Roy partit de Rome pour aller à Naples. 221.	
Comment le Roy entra triomphamment en la ville & eut de Naples des assaulx & prinse du lieu dui la citadelle, du chasteau Noue & du chasteau l'Oue. 221.	
De l'entrée du Roy Charles à Naples comme Roy & seigneur du pais & le Monarche des Italiens. 224.	
Comment le Roy se disposa de retourner en France & print congé de ceux de Naples. 224.	
Du voiage du Roy Charles en son retour de Naples au pais de France. 225.	
De la iournée de Fournoue & excellēce vietoire du Roy & des nobles Francois. 225.	
Comment le Roy leua son camp dudit lieu de Fournoue pour retourner au pais de France. 227.	
Du voiage du Roy Charles à saint Denis en France apres son retour de Naples: & comment il retourna à Amboise là où il	

- où il mourut d'un catarre. 228.
- Du service fait des funeraillies dudit feu Roy és lieux d'Amboise, Paris & saint Denis en France. 228.
- Du Roy Loïs douzième.
- Comment le seigneur Ludouic fut prins prisonnier deuant Nouare & amené en France. 230.
- Comment le Cardinal Ascaigne frere du seigneur Ludouic fut prins & amené en France. 230.
- Comment les habitans de la ville de Millan furent reduits moyennant aucune somme d'argent. 230.
- Comment le Roy enuoya grand nombre de picions à Naples pour la reconquester, & en petit de temps fut prinse, et Vrederic soy disant Roy vint en France. 234.
- Comment monseigneur le Cardinal d'Amboise feit son entrée à Lyon à cause qu'il fut Legat en France. 234.
- Comment apres que Naples fut prinse les Francois seirent guerre aux Turcs. 234.
- Comment l'Archeduc feit son entrée à Lyon sur le Roïne & du second heretique. 234.
- Comment le Cardinal de S. Pierre ad'vincula fut fait Pape. 236.
- Comment Sophiz seist guerre à Vffon Cassan Turc. 236.
- De la male saison & de la grand mortalité qui fut, de la mort de plusieurs grans personages. 237.
- Comment l'Archeduc & la Royne de Hongrie moururent, de la guerre du Pape cõtre les Boulenois. 238. 239.
- La prinse de Boulongne la Grasse par le Pape Iulius deuixiesme & les Francois. 239.
- De damoiselle Triulce. 239.
- Du traitté & appointemēt fait à Cambray par monseigneur le Legat George d'Amboise entre le Pape & l'Empereur Maximilian & le Roy de France & le Roy d'Espaigne. Et comment ledit Roy de France desconfit les Venitiens au lieu de
- Aignadel. 240.
- Comment guerre fut meüe entre le Pape Iulius & le Roy de France à cause du Duc de Ferrare & du Concille fait à l'instance de l'Empereur Maximilian & dudit Roy, dont le Pape ne fut pas content, & comment la ville de Boulongne la Grasse fut prinse par les Francois. 240. 241.
- Comment le Duc de Nemours alla contre ceux de Bresse qui sestoient rebellez contre le Roy & de la grand occision faicte en icelle ville. 241.
- Comment le Duc de Nemours & les Francois desconfirent l'armée du Pape & des Venitiens & Espaignols aupres de Rauienne. Et cõment ledit Duc de Nemours apres la victoire obtenue & ses ennemis chassés hors du camp fut occis. 242.
- Comment apres les batailles dessusdictes & le depart des Francois les Suisses prirent la ville de Milan & autres places qui tenoient pour le Roy. 245.
- De la guerre de Guienne & cõment le Roy de France enuoya secours au Roy de Nauare & des preparacions que feit le Roy d'Angleterre pour venir en France guerroyer. Et comment deux gros nauires l'un Francois & l'autre Anglois se combattirent sur la mer. 245.
- Comment le Roy d'Angleterre descendit à Calais à tout son armée & comment les Francois surēt desconfits à Nouarre par les Suisses. 245.
- Comment aucune compagnie de Francois reuenans d'auisailier la ville de Theroüenne qui estoit assiegée des Anglois & Hennuiers furent desconfits & mis en fuite. 246.
- Comment le Roy d'Escoce entra en Angleterre à tout grosse armée, & comment il fut occis, & de la paix faicte & crüe entre le Roy de France & les Venitiens. 246.
- Comment les villes de Theroüenne & Tournay furent rendues aux Anglois par cõ-

- position. 247.
 Du trespas & sepulture de la treschrestienne Roine de France Anne Duchesse de Bretagne. 247.
 Comment le Roy de France espousa & print à femme ma dame Marie sœur du Roy Henry d'Angleterre & comment monseigneur Francois Duc de Valois & Côte d'Angoulesme espousa ma dame Claude fille dudit Roy de France. Et de l'entrée d'icelle dame Marie faicte à Paris. 248.
 Des iouistes faictes à Paris. Et du trespas et sepulture du Roy Loïs xij. 249.
 Du Roy Francois premier de ce nom.
 Comment le chrestien Roy de France Francois premier de ce nom fut sacré Roy à Reims & feit son entré en la ville de Paris & autres lieux. Et comment ledit Roy partit de France pour aller de là les Mons contre les Suisses qui detenoient la Duché de Millan. 249.
 De ce temps enuoya le Roy querir Pietre de Nauarre, lequel estoit en prison & luy feit le Roy de grans dons & luy bailla charge de gens. 250.
 Comment le Roy de France atout son armée suiuit les Suisses. Et comment la ville & chasteau de Nouare furent rendus au Roy. 251.
 Comment le treschrestien Roy Francois de France desconfit pres de Marignan au camp sainte Brigide l'armée des Suisses le iour de l'exaltation sainte Croix. Et de la cruelle bataille & occision qui fut lors entre les Francois & Suisses. 251.
 Comment les Milannois rendirent la ville de Milan au Roy. Et comment le siege fut mis par les Francois deuant le chasteau de ladicte ville. Et comment il fut rendu au Roy par composition. 253.
 Comment le Pape Leon dixiesme & le Roy conuindrent ensemble en la ville de Boulogne où ils traictèrent de leurs affaires, & comme le Roy reuint en France. 253.
 Comment l'Empereur Maximilian assembla grosse armée de gens pour cuidoier reprendre la ville de Millan & en ietter hors les Francois. Et comment monseigneur de Bourbon lieutenant general du Roy alla contre luy. 254.
 Comment l'Empereur Maximilian soy voyant qu'il ne pouuoit venir à chef de son entreprinse se departit de deuant la ville de Millan. 255.
 Comment le Roy partit de Lyon pour aller en pelerinage au saint Suaire de nostre seigneur. Et comment appointement & paix fut faicte entre luy & l'Archeduc Roy d'Esaigne. 255.







TROISIEME

VOLUME DES CHRONIQUES

D'ENGVERRAN DE

MONSTRELET.



N l'an mil quatre cens quarante quatre à la fin du 1444.
mois d'Auril apres Pasques, les Anglois prindrent
trefues pour huit mois, & fiancerent la fille du Roy
René de Cecille pour estre femme du Roy Henry
d'Angleterre en esperance que paix se feroit entre les
deux Roys, & puis s'en retournerent lesdits Anglois
en Angleterre pour parler à leur Roy & aux estats
du Royaume, & pour conclure du fait de la paix. En
ce temps conclut le Roy en son conseil qu'on en-
uoyeroit les gens d'armes de France tant François
comme Anglois en Allemagne pour viure illec pendant que les trefues de-
mourroient en leur vertu, & les conduiroit monseigneur le Daulphin, lequel
se partit de Troyes ou moys de Iuillet, & cheuaucha tant par iournées à tout
son ost qu'il vint deuant Montbelliart, qui est vne ville d'Allemagne ioinant
de la Comté de Bourgogne, laquelle il assiegea, pource que le Baillif de ladi-
cte ville auoit couru iusques à Langres, vne cité qui est au Roy, & auoit em-
mené les gens prisonniers & les bestes, & auoit fait beaucoup de maulx dont
le Roy fut mal content, & pource meit le Daulphin siege deuant ladicte ville
& chastel, & les print par composition. Le Roy tost apres suiuit le Daulphin à
grand puissance de gens d'armes & cheuaucha tant par iournées qu'il vint en
sa ville & cité de Langres, & passa son auantgarde sur les marches de Lorraine,
& vindrent deuant vn chastel nommé d'Arlay que tenoit vn nommé le Bas-
tard de Vergy, qui d'icelle place & d'autres estans ou pays de Champagne
faisoit beaucoup de maulx, laquelle place il rēdit au Roy & toutes celles qu'il
tenoit ou pays de Champagne: toutesfois ledit Bastard tenoit ledit chastel en
gaige pour aucun argent qu'il disoit auoir baillé aux affaires du Roy de Cecil-
le, lequel chastel estoit tresfort & bien aduitaillé & réparé. Puis vint le Roy à
Espinal vne ville sur les marches de Lorraine, & d'Allemagne: laquelle se te-
noit pour l'Euesque de Mets & le chastel se tenoit pour la communauté, si se
rendit au Roy, lequel y alla en personne, & de là s'en alla le Roy en la ville de

Nancy, adonc supplia le Roy de Cecille au Roy de France qu'il luy pleust donner secours, ayde & confort à conquerre la ville de Mets en Lorraine, & aucunes autres prochaines d'illec estans oudit pays, lesquelles luy estoient rebelles & desobeïssantes, combien qu'elles soient de son propre demaue comme il disoit: pourquoy le Roy en faueur du Roy de Cecille à tout grād armée de Princes, Barons, Cheualiers & escuyers tant de gens de guerre & de traict, comme autrement, & enuoya la plus grand partie de ses gens d'armes deuant ladicte ville & cité de Mets pour sommer les habitans d'icelle ville la luy rendre, ou autrement mettre le siege deuant eux. Et pource qu'ils se firent & monstre-
rent rebelles disans non estre au Roy de Cecille ne à autre quelconque seigneur, ils furent assiegez & furent les gens d'armes deuant, & là entour par l'espace de cinq mois ou plus, puis firent ceux de ladicte ville de Mets aucun traicté avec le Roy en telle maniere que lesdits gens d'armes se deslogeroient d'entour la cité. Et pendant ce siege vint illec vn grand seigneur nommé monseigneur Bourgalement, lequel l'Empereur auoit enuoyé deuers le Daulphin pour le conduire es pays de Basse, Montbelliard, Coulombaria, Selestat, Strasbourg, Haguenau estans au pays d'Aussays à fin de subiuguer les Suysses & les Allemas qui se disoient rien tenir dudit Empereur, lequel Daulphin accompagné de plusieurs seigneurs & capitaines fut iusques à Basse, & trouua à vne lieue dudit Basse bien huict cens Suysses, lesquels se bouterent en vne maladerie, & dedans le iardin d'icelle pour cuider resister audit Daulphin & se defendirent vaillamment veu le petit nombre qu'ils estoient, & tellement qu'ils tuerent le cheualier Allemant qui conduisoit ladicte armée & plusieurs autres: mais certes ils y furent mors & prins la plus grand partie, & puis s'approcha le Daulphin de ladicte cité, & ceux de la ville faillirent sur les gens les cuidans trouuer en desaray: mais ils furent desconfits, à celle desconfiture d'Allemans en y eust bien mille mors & deux ou trois cens prisonniers, & le demourant se meirent en fuite, & de là s'en alla le Daulphin deuant la ville de sainct Ypolite pour la prendre d'assault: mais ils y feirent obeïssance & aussi firent ceux du Vau-du-Lieure: & lors commencerent ceux de l'ost à pillier le pays & à faire grans & enormes maux, pourquoy les Suysses & les Allemas s'assemblerent par grans troupeaux & tuerent grand quantité de ses gens. Et lors voyans que c'estoit vn merueilleux pays, & que celui qui deuoit conduire & qui scauoit les destroits du pays estoit mort, s'en retourna deuers le Roy à Nancy où estoient le Roy de Cecille son oncle & plusieurs autres grans seigneurs, cheualiers & escuyers, & si y estoient les Roynes de France & de Cecille, la Daulphine & la fille du Roy de Cecille, pour laquelle auoir en mariage le Roy d'Angleterre enuoya en ambassade le Comte de Suffort accompagné de plusieurs cheualiers, escuyers & gens de conseil, lesquels parlementerent & firent tant qu'ils l'emmenèrent en Angleterre. Au parlement d'icelle furent faictes moult belles ioustes, & iousterent le Roy mesmes & le Roy de Cecille, monseigneur Charles d'Anjou, les Côtes de Foix & de sainct Pol, Ferry monseigneur de Lorraine & plusieurs autres grans seigneurs cheualiers & escuyers, & dura ladicte feste huict iours & là furent les Roys & les Roynes, Princes, Barons, dames, damoyelles en grans & riches estats & riches habillemens, & puis se
partit

partit la Roynie d'Angleterre & la conuoyerent le Roy de France & le Roy de Cecille son pere iusques à deux lieues de Nancy que le Roy commada à Dieu ladiète Roynie d'Angleterre sa niepce en larmoyant & plorât l'vn à l'autre trespiteusement, & tellement qu'ils ne pouoient parler l'vn à l'autre, & ainsi se departirent & retourna le Roy en la ville de Nancy & le Roy de Cecille pere de ladiète Roynie d'Angleterre passa outre conuoyant sadiète fille iusques à Barle-Duc, la commanda à Dieu, & aussi feit ladiète Roynie sa mere. Tost apres le departement du Dauphin, les Allemans se bouterent dedans la ville de saint Ypolite, & au contempt de l'obeissance qu'ils auoient faicte audit Dauphin bouterent le feu en ladiète ville & l'ardirent toute, & pareillement la ville du Vau-le-Lieure. En ce point vindrent deuers le Roy l'Archeuesque de Treues & Electeur du saint Empire & le Comte Blancquemain enuoyez de par les Allemans deuers luy, & feirent paix ensemble & alliance perpetuelle. Apres ce le siege estant entour ladiète ville de Mets lequel y fut longuement, durant lequel temps furent faictes plusieurs faillies par les gens de ladiète ville de Mets, & aussi vaillamment furent reboutez par les assaillans : durant aussi lequel siege furent prins par les gens du Roy plusieurs petites forteresses : entre lesquelles vn gentil-homme nommé Guillaume Chanu capitaine de Harfleur en tenoit vne il y auoit aussi deux ou trois chasteaux tenus & occupez par les gens du Duc de Bourgongne auxquels ne fut riens demandé, pource que le Roy de Cecille les auoit mys en gaige pour perte de sa rançon, dont il estoit encores tenu enuers ledit Duc de Bourgongne : & à la garde de ladiète ville de Mets y auoit vn moult cruel homme nommé Iean de Vitout Gouverneur d'icelle, lequel cheua choit tousiours vn petit courfier, à la queue duquel pendoit vne sonnette qui faisoit grand noye, & le faisoit affin que chacun le cogneust quand il alloit parmy la ville : cedit Gouverneur estoit si cruel que quand il scauoit aucunes femmes qui y estoient dehors pour aller rachapter leurs maris qui estoient prins des gens du Roy, au reuenir il les faisoit noyer, pource qu'elles leur auoient porté aucunes finances. Et mesmement les gens du Roy qui estoient prins par ceux de ladiète ville, faisoit il mourir sans mercy & ne vouloit souffrir qu'aucun fust prins à rançon : neantmoins le Roy doux & begnin Prince ne desiroit pas sa mort ne ses complices : car pour espargner le sang humain il leur bailla gracieuse & belle composition, & telle que parmy certain present qu'ils y feirent de vaisselle dorée qu'ils y donnerent avec deux cens mille escus qu'ils payerent pour le deffrayment dudit siege, & cent mille florins d'or qu'ils quitterent au Roy de Cecille, lequel luy & ses predecesseurs auoient emprunté aux dessusdicts : iceux demourerent en leurs franchises & libertez comme ils estoient parauant sans rien sur eux innouer ne chose nouvelle reclamer. Et ne fut pas le debat dudit Roy de Cecille ne d'eux terminé de tous points ne mené à fin, pour celle heure. Apres cest accord le Roy ordôna en la ville de Nâcy que tous les gens d'armes qui auoient esté en Allemagne & deuant Mets feroient leurs monstres & des mieux en point, & des plus gens de bien on prédroit cinq cens lances & quatre mille archiers, & le demourant ordonnoit eux en aller en leurs maisons ou en leurs païs, & cassa tous les capitaines ou la pluspart, & ordonna seulement quinze capitaines, lesquels auroient chacun cent lances & les

archiers, lesquels seroient logez par les villes de son Royaume & nourriz & payez des biens du peuple: & si hardy d'iceux gens d'armes ne archiers de faire desplaisir ne riens prendre de lors en auant sur homme des champs ne des villes. Et celle ordonnance ainsi faicte & deuisee se partit le Roy & toute sa compaignie & s'en alla à Chaalons où il demoura par certain temps. En ce temps le Roy de Polane, le Cardinal de saint Ange, le Legat du Pape conquirent avec les Chrestiens qu'ils auoient en leur ayde tout le pays de la Grece & de la Valaquie, & chasserent les Sarrazins iusques à la mer Maiour: mais tost apres le Souldan & le grand Turc feirent grand armée de Sarrazins pour secourir les Turcs, & passerent la mer & trouuerent les Chrestiens qui estoient à celle heure peu de gens & les desconfirent & y furent mors & escorchez tous vifs lesdits Roy de Polane & Cardinal, lesquels sont Martyrs & en Paradis se Dieu plaist: car ils moururent pour exaucer la foy de nostre sauueur Iesus Christ. En ce tēps apres que les gens d'armes du Daulphin furent retourner d'Allemagne se partirent de luy les Anglois qui estoient venus à son seruice, & estoit conducteur vn capitaine nommé Marago, lesquels gens d'armes ledit Marago ramena au pays de Normandie que tenoit leur Roy pour ce temps pour viure illec.

Comment le Roy de Cecille vint à Chaalons deuers le Roy de France pour traicter au Due de Bourgongne de sa rancon. Et comment la Duchesse de Bourgongne y vint: puis dudit trespassement des Roynes d'Espaigne & de Portugal, comment le Roy enuoya vne ambassade en Angleterre.

1445.

LN l'an mil quatre cens & quarante cinq le Roy de France estant à Chaalons, le Roy de Cecille vint deuers luy pour traicter avec monseigneur de Bourgongne de la finance en quoy il festoit rançonné luy estant son prisonnier, & pource qu'il n'auoit point argent assez, luy auoit baillé en gaige les villes & chasteaux de Neuschastel en Lorraine, de Beaumont en Argonne & de Gaudricourt, & là ledit Duc de Bourgongne auoit mis gens d'armes à la garde d'icelle place payez & souldoyez des deniers du Roy de Cecille, & quand ils auoient faute de payement ils couroient les Duchez de Bar & de Lorraine & faisoient de grans maux & dommaiges, & à celle cause fut fait vn traité pourquoy vint la Duchesse de Bourgongne deuers le Roy pour traicter comment le Duc de Bourgongne auroit le val de Cassel en Flandres, & luy donneroit le Roy de Cecille par heritage à luy & aux siens, & en ce faisant rendoit au Roy de Cecille les villes & Chasteaux dessusdits: pour la venue de la dame de Bourgongne furent faictes moult belles ioustes. En ce temps moururent les Roynes d'Espaigne & de Portugal seurs des Roys d'Arragon & de Nauarre, & aussi trespasserent la Roine d'Escocce & la Daulphine fille du Roy d'Escocce & de ladicte feue Roine la femme en ladicte cité de Chaalons, & fut enterrée en la grand Eglise d'icelle ville, & fut grand dommage de sa mort, car elle estoit belle & bonne dame. En ce temps enuoya le Roy en ambassade en Angleterre le Comte de Vendosme son cousin Grant-maistre d'hostel du Roy, l'Archeuefque de Reims premier Pair de France & autres, lesquels allerent en Angleterre deuers le Roy d'Angleterre nepueu du Roy, pour trouuer aucun bon traité ou

appoinctement de paix entre les deux Roys, & pour ce faire, confermer & consentir furent aussi enuoyez autres ambassadeurs du Roy de Castille frere d'armes & allié du Roy, & aussi du Roy de Cecille, des Ducs de Bretagne, de Bourgongne & d'Alençon & de tous leurs alliez pour cōfermer de leur part ce que lesdits ambassadeurs du Roy feroient avec le Roy d'Angleterre: lesdits ambassadeurs furent grandement receuz en Angleterre du Roy & des gr̃s seigneurs dudit Royaume Cardinaux & Prelats, puis traictèrent vnes trefues à durer depuis le mois d'Auril oudit an iusques au mois de Novembre ensuiuant mil quatre cens xlvj. Et ce pendant lesdits deux Roys deuoient conuenir ensemble entre Rouën & Paris ou entre Rouën & Chartres, & pour plus abbreger les choses dessusdictes le Roy d'Angleterre enuoya maistre Adā de Moulins maistre de son priuē seel & eleu Euesque d'Exestre par deuers le Roy son oncle, lequel acquist ralongement de trefues depuis ledit mois de Novembre mil quatre cens xlvj. iusques au mois d'Auril ensuiuant audit an, affin que iceux deux Roys eussent plus long temps de besongner au bien de paix, & pour confermer les choses dessusdictes renuoya le Roy d'Angleterre son nepueu maistre Guillaume Cousinot conseiller & maistre des requestes de son hostel, Jean Hauart son escuyer trenchant, lesquels se confermerent lesdictes trefues iusques audit mois d'Auril. Apres le retour d'iceux renuoya le Roy d'Angleterre l'artiere son Roy d'armes deuers le Roy, lequel apporta lettres patentes du Roy d'Angleterre comment il promettoit en parole de Roy d'estre & de venir deçà la mer deuers le Roy dedans le premier iour de Novembre, & aussi en emporta ledit Roy d'armes pareilles lettres de promesse du Roy & furent publiez lesdictes trefues par lesdits deux Royaumes. En ce temps feit le Duc François hōmage au Roy ou Chastel de Chinon de la Duché de Bretagne & de la Comté de Mont-fort. En ce temps aussi vindrent en France deux filles du Roy d'Ecosse cuydants trouuer viue la Daulphine leur sœur, lesquelles la Daulphine auoit mandées pour la venir veoir ou pour les marier. Et quand elles furent descendues en Flandres, elles oyrent nouuelles que la Roïne d'Ecosse leur mere estoit morte, & aussi comment la Daulphine leur sœur estoit decedée à Chaalōs en Champaigne, dont elles furent moult desolées. Elles doncques venues deuers le Roy il ordonna qu'elles fussent seruies des seruiteurs de la feuë Daulphine, & eurent l'estat qu'auoit ladicte Dame aux despens du Roy iusques à ce qu'elles fussent assignées ou mariées.

L'an mil.cccc.xlvi. aduint que le Roy en retournans d'ouyr Messe trouua sur son lict ce present distict dont la teneur s'ensuyt.

E mal payer, faux conseilliers,
Le discord d'aucuns Cheualiers
Impositions & gabelles
Ont esté guerre nouvelles
Que iamaiz iour ne fineront
Tant que tels choses dureront:
Car maints seruent le Roy Francois
Qui pourrant sont de cuer Anglois :

*Es seruice fait contre cuer
Ne peut prouffiter à nul seur.
Le sage si dit & recorde,
A qui du tout ie bien m'accorde
Que Prince hai en sa terre
Ne peut viure sans auoir guerre:
Ne il n'en chault à ses haults hommes,
Qui du Roy ont les grosses sommes*

L'or & l'argent & les grans terres,
 Par iceux sont menez les guerres
 Qui au payer sont les premiers
 Et au besoing les derniers.
 Mirez vous icy Ducs & Roys
 Qu'en la fin n'oyez le sourdois,
 Et s'en la guerre allez tel erre
 Seurs soyez que vous perdrez terre:
 Car bien payer acquiert amis,
 Mal payer acquiert ennemis.

Laissez boys, laissez riuieres,
 Prenez lances, leuez bannieres,
 Fuyez les faux, suyuez les sages,
 Allez aux champs, yssiez les caiges
 Où vous auez honneur perdue
 Helas France ton nom se mue
 Et si vous dists bien sur ma teste
 Qu'on vous tiendra trestous pour beste
 Je parle au Duc, ie parle au Roy
 Et si suis meü de bonne foy.

Comment le Duc de Bretagne feit prendre mesure Gilles son frere: Et comment ceux de Gennes enuoyerent leur ambassade deuers le Roy de France pour le faire leur seigneur & qu'il en aduint.

1446. **E**N lan mil cccc. xlvj. fut prins messire Gilles de Bretagne par le commandement de son frere le Duc François de Bretagne, pour ce qu'il doubtoit que ledit messire Gilles ne boutast les Anglois en son pays, & fut prins en vn chastel nommé le Guilledon, & furent à sa prise quatre cens lances des gens du Roy, dont furent conduyseurs messire Pregent de Coëtivy Admiral de France, messire Regnault du Dresnay Baillif de Sens, & messire Pierre de Bresle Seneschal de Poictou: lesquels baillerent ledit messire Gilles au Duc de Bretagne pour le mettre & mener où bon luy sembleroit, lequel son frere le feit meürdrir en la prison. Ou mois de Septembre vint l'Euêque d'Exestre maistre du priué seel du Roy d'Angleterre & le sire Dordelay, lesquels feirent leur legation comme ambassadeurs dudit Roy d'Angleterre par deuant le Roy en vne maison en Touraine nommée Rassilé pres de Chinnon, & puis s'en partirent & renuoya le Roy de France par deuers le Roy d'Angleterre son nepueu maistre Guillaume Cousinot & Iean Hauart & raiongerent les trefues pour vn an. Celuy an ceux d'Orie & ceux de Champ-Fregose du langage du pays des Gennenois avec cinq grosses naües armées, arriüées à Marseille enuoyerent deuers le Roy leurs meslages en luy faisant scauoir que le vouloient faire seigneur de Gennes & de tout le pays s'il luy plaïtoit, & sur ce le Roy enuoya ses ambassadeurs pour à tout pourueoir, cest à scauoir monseigneur l'Archeuesque de Reims & autres, lesquels furent à Marseille pour pratiquer la reduction dudit pays de Gennes. A celle heure estoit vn nommé messire Ianus de Châp-Fregose entré en Gennes, Pise & en aucunes places qu'il auoit princes ou nom du Roy, lequel auoit en ladicte ville de Gennes plusieurs amis tant de gens de son lignage que de ceux d'Orie. Si vint à vn matin deuers le port de ladicte ville en vne seüle gallée, à tout quatre cens hommes, & quand ils furent descenduz à terre dedans ladicte ville, il print la banniere du Roy & trouua ses amis qui estoient en icelle ville tous armez, & monta iusques au palais & là fut fait Duc & seigneur de ladicte ville: Et s'en fuyt vn nommé messire Barnabé Adorne, qui peu deuant auoit esté fait Duc par son entreprinse, & si en feit partir ledit Ianus vn escuyer qui estoit au Roy nommé Guillaume Bastard de Poictiers, qui auoit esté avec ledit Champ-Fregose à prendre ladicte ville

ville, pensant qu'il la voulsist mettre en la main du Roy, si feist mettre ledit escuyer hors de ladicte ville, ces nouvelles sceurent les ambassadeurs du Roy, si se meirent en vne gallée au port de ville Franche pres de Nice, & vindrent audit lieu de Gennes pour demonstrier audit Ianus, qui se disoit Duc de Gennes, qu'il meit ladicte ville & le païs en la main du Roy & ainsi comme luy & ses autres parens & amis luy auoient promis & baillé leurs sceelles. Si respondit ausdits ambassadeurs qu'il auoit le païs & la ville conquestée à l'espée, & à l'espée les garderoit cōtre tous. Lesquelles parolles ouyēs retournerent à Marseille, & de là s'en allerent deuers le Roy qui estoit à icelle heure à Bourges. Ou mois de Feurier ensuiuant mourut le Pape Eugene & fut fait & creé le Pape Nicolas le xxviij. iour dudit mois.

Comment le Roy de France apres le trespas du Pape Eugene feist tenir vn grand conseil à Lyon sur le Rosne où vindrent plusieurs ambassades tant d'Allemagne comme d'Angleterre & d'ailleurs pour mettre l'Eglise à vniō & oster les scismes qui lors y estoient.

EN l'an mil.cccc. xlvij. le premier iour d'Auril faillirent les trefues 1447.
entre les Roys de France & d'Angleterre, lesquelles furent ralongées
sous esperance de trouuer aucun bō traité & accord entre lesdictes
parties, iusques en Auril l'an mil cccc. xlix. & dudit premier iour d'Auril
iusques au premier iour de Iuing prochain apres ensuiuant. En ce mesme an
mil cccc. xlvij. apres que grās differēs eurent esté entre le Pape Eugene d'une part
& le Concile de Basle d'autre part, & qu'on estoit à tāt venu que le Pape disoit
qu'audit lieu de Basle n'auoit plus de Concile, & qu'il l'auoit trāsferé à Ferrare,
& depuis à Florence, & apres à Romme. Et au contraire disoient ceux qui estoient
à Basle qu'il n'auoit peu transferer ny ne pouoit iceluy Concile sans sur
ce auoir leur consentement. Et auoient procedé contre luy sicomme ils le tenoient
par auctorité de Concile general à le suspendre de l'administration Papale, & depuis à le
deposer, & apres à eslire en Pape monseigneur Amé de Sauoye, qui estoit retraict à Ripaille
& menoit vie aucunement solitaire, lequel ils appelloient Pape Felix le cinquieme, & se faisoient sentences, censures
& procez tant du costé dudit Eugene comme dudit Felix, qui estoit grand playe
& scysme mis en l'Eglise: lesquelles differēces venuz à la cognoissance du Roy
de France, luy desirant tousiours bonne vniō & bonne paix estre en saincte
Eglise, portoit ceste diuisiō moult desplaisammēt: & pource enuoya plusieurs
ambassadeurs par diuerses fois à Basle, à Romme, en Sauoye pour icelles differences
appaier: pareillement aussi monseigneur Loys Duc de Sauoye fils du Duc Amé
appellé Pape Felix en son obeissance, enuoya par plusieurs fois deuers le Roy
qui pour lors estoit en la cité de Tours affin de trouuer moyen & appoinctement
esdictes matieres. Lequel Roy ou mois de Novembre oudit an mil.cccc. xlvij.
voyant qu'on ne venoit point à conclusion de paix, delibera pour y pourueoir
d'assembler son conseil & de faire certains aduisemens tendans à effect, à ce que
tous les procez, censures & sentences d'un costé & d'autre fussent reputées pour non
aduenues, & qu'ils teinsent & recogneussent vn chacun endroit soy le Pape Eugene
pour vray Pape, ainsi comme on faisoit deuant le procez encommencé: & que monseigneur
Amé de Sauoye, appellé Pa-

pe Felix en son obeïssance demourast & en estat & dignité honorable en saincte Eglise. Et ceux qui auoient esté avec luy & au Concile de Basle fussent recommandez en dignitez, hôneurs & degrez ecclesiastiques: affin que tout appaisé, on peust venir à bon accord à celebrer vn Concile general pour traicter ce qui seroit possible au salut & vtilité de saincte Eglise vniuerselle: car durant lesdictes differéces sembloit au Roy Charles qu'on ne pouoit paruenir à la celebration d'un Concile vniuersel, & que les questions meutes en l'Eglise ne se pouoient terminer par decision & iugement, tant pour les grandes difficultez que l'on n'y trouuoit ame, pource-que on ne pouoit venir à assembler l'Eglise en concorde deuant ladicte pacification. Si enuoya le Roy Charles les aduise-mens faits tant par luy comme par son conseil au Pape Eugene par l'Archeuef-que d'Aix en Prouence, qui lors estoit venu de par luy deuers le Roy Charles pour aucunes matieres: & d'autre costé enuoya en Sauoye & à Basle iceux aduise-mens par maistre Helye de Pompadour, Archediacte de Carcassonne, qui depuis fut Euesque de Lect en Languedoc. Or aduint que ce pendant & par auant que le Roy Charles eust les responces des parties, le Pape Eugene alla de vie à trespas, c'est à sçauoir ou mois de Feurier ensuiuant & le trouua ledit Archeuefque mort, ainçois qu'il veint à Romme. Et tantost apres fut eleu messire Thomas Sarraſanne Cardinal de Boulongne en Pape, & fut appellé Pape Nicolas le v. à laquelle election furent gardées toutes solennitez en tel cas accoustumées. Pourquoy monseigneur Loys Duc de Sauoye enuoya adonc deuers le Roy qui se tenoit à Bourges, en luy priant tres instamment qu'il voulsist labourer de faire obeïssance au Pape Nicolas, & que premierement & auant tout œuvre, Concile general fut assemblé. En ce temps receut le Roy les bulles de l'electiō du Pape Nicolas & eue deliberation en son grand cōseil conclud d'obeïr à luy ainsi comme il faisoit par auant au Pape Eugene. Et neantmoins qu'il pourſuiuiroit pour la pacification de l'Eglise ainsi qu'il auoit encommencé: si cōclud outre d'enuoyer ses ambassadeurs à Lyon, & feit dire par ceux qui estoient venuz de par le Duc de Sauoye qu'ils luy dissent qu'il enuoyast audit lieu de Lyon des gens, & aussi qu'il en feit venir de ceux qui estoient à Basle, affin qu'ensemble & en congregation conuenable on peut là traicter de ladicte pacification. Depuis ou mois de Iuillet ensuiuant en pourſuiuant ladicte conclusion le Roy enuoya ses ambassadeurs notables audit lieu de Lyon. Aussi y allerent l'Archeuefque de Treues d'Alemaigne, & les ambassadeurs de l'Archeuefque de Coulongne & du Duc de Saxogne electeur de l'Empire, qui en ce temps estoient venuz deuers le Roy pour icelles mesmes matieres de la paix de l'Eglise: vindrent aussi à Lyon le Cardinal d'Arle, le Preuost de Montieu, & plusieurs autres tant de par monseigneur de Sauoye, comme de par ceux qui estoient à Basle, auxquels il sembla apres plusieurs collations que pour auoir cōclusion és matieres il estoit besoing que les ambassadeurs du Roy allassent à Geneue où estoit Pape Felix pour parler à luy personnellement, & qu'il seroit bien content qu'ils y allassent. Si fut conclud qu'ils yroient, & ce pendant suruint le Comte de Dunoys enuoyé de par le Roy à Lyon qui amena les ambassadeurs du Roy d'Angleterre. Lesquels tous ensemble ou mois de Novembre ensuiuant s'en allerent en Geneue avec eux. L'Archeuefque d'Ambrun & le sei-
gneur

gneur de Malicorne avec luy, l'Euesque de Marseille ambassadeur du Roy de Cecille, qui tous estoient venus à Lyon pour estre avec les ambassadeurs du Roy en la poursuite de ladicte pacification ensemble. Aussi allerent avec eux audit lieu de Geneue les ambassadeurs du Duc de Saxogne: car l'Archeuesque de Treue s'en estoit retourné en son païs, & celuy de l'Archeuesque de Coulongne s'en estoit allé à Romme. Quand lesdits ambassadeurs furent tous arrivez à Geneue ils eurent plusieurs colloquutions avec Pape Felix, ses Cardinaux & autres conseillers. Et finalement furent fais certains articles, moyennant lesquels il estoit content de accepter la pacification que poursuivoient lesdits ambassadeurs, ou cas que le Pape Nicolas se voudroit consentir en iceux articles: & sur ce retournerent deuers le Roy en la cité de Tours lesdits ambassadeurs & luy porterent lesdits articles, & tout ce qu'ils auoient fait: & lors il sembla au Roy qu'il y auoit bon commencement, pour paruenir à la pacification de l'Eglise, & conclud d'enuoyer son ambassade deuers le Pape Nicolas pour poursuivre qu'il se voulüst condescendre à iceux articles, ou tant faire sur iceux que ladicte pacification s'en peust ensuiuir.

Comment le Duc d'Orleans receut de par le Duc de Millan son oncle la Comté d'Ast en Pismon: puis dit comment le Roy de France seist assieger la cité du Mans, laquelle luy fut rendue par traité.

EN cest an le Duc de Millan deliura la Comté d'Ast à monseigneur d'Orleans son nepueu & peu apres mourut ledit Duc de Millan, apres ce feist mettre le Roy le siege au Mans pource que le Roy d'Angleterre par le traité de son mariage fait entre luy & la fille du Roy de Cecille, auoit promis incontinent apres ledit mariage rendre ladicte ville du Mans & les autres places qu'il tenoit en la Comté du Maine, & auoient deceu le Roy les ambassadeurs du Roy d'Angleterre par leurs parolles en ladicte ville du Mans par l'espace de trois mois, & outre auoient bouté dedans ladicte ville enuiron mil cinqens Anglois. Quand le Roy sceut les nouuelles il y feist mettre le siege & y enuoya grand puissance de gens d'armes, & de trairt iusques au nombre de six à sept mille combattans sous la conduicte du Comte de Dunois, & là furent faictes grandes ordonnances & grans approchemens à l'encontre de ladicte ville contre les Anglois, & tellement que ceux qui estoient dedans la ville ne pouoient resister, & ne auoient deça la mer Anglois ne puissance pour les secourir. Si eussent esté prins par force ce n'eust esté l'Euesque de Cloxestre priué seel du Roy d'Angleterre, lequel feist tant audit Roy que les Anglois laisserent la ville au Roy, & s'en allerent leurs corps & leurs biens sauues pour escheuer que les trefues ne se rompissent & que la guerre ne retournaist entre les deux Roys de France & d'Angleterre. Le Roy se tenoit à Lauardin pres de Vendosme, accompagné d'aucuns seigneurs de son sang à grand compagnie de gens d'armes pour ayder & secourir ses gens se besoing estoit: lesquels tenoient le siege deuant ladicte ville du Mans. Puis apres la reddition se partit le Roy pour venir faire ses pasques en la cité de Tours, & ceux qui tenoient ledit siege s'en allerent en leurs maisons & en leurs garnisons, & les Anglois qui estoient dedans ledit Mans s'en allerent pareillement en Normandie.

Comment le Roy de France enuoya ses ambassadeurs deuers le Pape Nicolas: Et comment ceux d'Esmaal assiegez par les Genneuois furent aduitaillez par mer: Et comment le Duc d'Orleans se meit en point pour leuer le siege par terre.

1448.

EN l'an mil cccc. xlvij. le Roy feit ses pasques à Tours & incontinent apres se partirēt pour aller deuers le Pape Nicolas ses ambassadeurs, desquels les vns s'en allerent par mer es galées de Iaqucs Cueur argentier du Roy, & partirent de Marseille pour aller en ladicte ambassade avec les autres, & arriuerēt vnze fustes tant galiaces, galées que galiottes, & chargerent de vitaille vne partie d'icelles, & vindrent aduitailler la ville & chastel d'Esmaal qui est ou pays de Genneues: laquelle ville & chastel tenoit pour le Roy messire Galiot du Garet seigneur de ladicte place, lequel faisoit guerre aux Genneuois, & pour le dommage que ledit Marquis faisoit ausdits Genneuois ils meirent le siege à deux miles pres, & malgré eux aduitaillerent ladicte place & renuoyerent les fustes à Marseille. Et incontinent l'aduitaillement fait se partirent à tout trois galiaces Taneguy & ledit argentier & vindrent arriuer à vn port pres de Romme nommé Finette Vielle. Les Genneuois feirent grand armée en mer pour les poursuiuir, mais ils ne leur peurēt nul mal faire qu'ils n'arriuaissent seurement au port. Le Duc d'Orleans qui estoit pour lors en la ville d'Asi sceust la venue dessusdictes & dudit aduitaillement. Si vint à grosse armée par terre pour leuer le siege que tenoient lesdits Genneuois, mais quand ils sceurent sa venue ils s'en retournerent à Genneues & laisserent ledit siege: apres ces choses dessusdictes s'assemblerent tous ceux de ladicte ambassade en la Cité de Soane: & puis de là tous ensemble s'en allerent à Romme, & y arriuerent le dixiesme iour de Iuillet en moult grand & honorable appareil, & n'y auoit homme qui oncques y eust veu entrer ambassade si honnorablement & en si grand magnificence, ne qui eust ouy parler de pareille. Estoit aussi avec les ambassadeurs du Roy ceux du Roy de Cecille & du Daulphin, auant que l'ambassade du Roy arriuaist à Romme les ambassadeurs du Roy d'Angleterre y estoient venus long temps deuant, & auoient exhibé au Pape les articles pour parlez à Geneue dont dessus est faicte mention, ausquels le Pape auoit dit que lesdictes articles n'estoient pas dignes de responce & que pour riens ne s'y consentiroit. Puis s'en estoient partiz iceux ambassadeurs d'Angleterre & vindrent en la cité de Viterbe & là trouuerent tous les autres ambassadeurs, & leur dirent qu'ils se tiendroient certain espace de temps audit lieu de Viterbe, affin que se on leur signifoit estre expedient qu'ils retournassent à Romme, cōme ils feirent depuis par les nouuelles qu'ils eurent des ambassadeurs du Roy de France. Le douziesme iour de Iuillet oudit an furent les ambassadeurs du Roy de France, du Roy de Cecille & du Daulphin assemblez pour exposer au Pape ce dōt ils estoient chargez, & proposā moult solennellement l'Archeueque de Reims & apres exhiberent par leur Princes obeissance solennelle au Pape & exposerent en general le fait de la pacification de l'Eglise pour laquelle ils estoient venus, en reseruant d'en parler plus plainement & plus particulièrement: en apres & le Pape leur feit moult grande & solennelle responce, & tant que ce iour là & depuis par tout le temps qu'ils furent à Romme il les traicta moult

moult honnorablement, & plus qu'on n'auoit oncques mais veu traicter quel-
 que ambassade, & tellement que depuis eurent lesdits ambassadeurs plusieurs
 colloctions avec le Pape & les Cardinaux sur les articles de la pacification de
 l'Eglise, & en aucuns le Pape se condescendit, & es autres non. Et quand ils eu-
 rent ce qu'ils peurent obtenir du bon plaisir du Pape, ils se partirent & s'en vin-
 drent en la cité de Lozane où estoit Pape Felix. Auquel ils exposerent ce qu'ils
 auoient fait à Romme & ce qu'ils auoient peu obtenir du Pape Nicolas en le
 persuadant qu'il voulsist donner paix à l'Eglise en renonçant au droit qu'il pre-
 tendoit auoir au Papat. Ausquels fut respondu par ledit Felix que eue delibera-
 tion avecques monseigneur de Sauoye son fils, qui lors vint à Lozane & a-
 uecques autres notables de son conseil il aduiferoit qu'il auoit à faire. Et sur ce
 conclud d'enuoyer deuers le Roy & requist lesdits ambassadeurs du Roy qu'ils
 voulsissent attendre en la cité de Geneue ceux qu'il enuoyeroit deuers le Roy
 de France. A quoy pour le bien de la paix lesdits ambassadeurs se condescendi-
 rent & là feirent aussi venir à l'instance dudit seigneur & autres seigneurs de son
 obeissance monseigneur de Tollette ambassadeur du Pape Nicolas qui se te-
 noit à Lyon en attendant responce des matieres, & qui portoit les bulles conce-
 dées par le Pape Nicolas pour les exhiber ou cas que ledit seigneur accepteroit
 le traité de la paix. Ce pendant & en grand diligence allerent deuers le Roy
 pour & ou nom dudit seigneur & de mon seigneur le Duc de Sauoye son fils
 certains ambassadeurs tendans à celle fin que le Roy s'employast à ce que le Pa-
 pe Nicolas se voulsist plus plainemēt condescendre aux articles qui luy auoient
 esté portées qu'il n'auoit fait. Surquoy le Roy assembla son grand conseil, & a-
 pres par meue deliberation enuoya en Sauoye avec lesdits ambassadeurs vne
 autre ambassade de par luy pour labourer encores en ladite paix avec l'Arche-
 ueſque de Reims, qui lors estoit pourueu en Patriarche d'Antioche & Eueſque
 de Poictiers, avecques luy l'Eueſque de Leſt & messire Jean le Bourſier yroient
 encores à Romme pour auoir certaines lettres dont la forme fut entr'eux &
 d'un commun accord diuisee, & aussi pour pourſuiuir plus plaine prouiſion &
 plus amplex articles autres fois pourparlez. Et apres plusieurs persuasions les-
 dites lettres dont mention est faicte obtenues du Pape Nicolas, & les ambas-
 sadeurs retournerent audit lieu le Lozane, iceluy Pape Felix le quinz ceda totale-
 ment au droit qu'il pretendoit auoir au Papat. Et fut ordonné Legat perpetuel
 en tous ses païs de Sauoye. Ceux aussi qui estoient assemblez avec luy audit
 lieu de Lozane soy disans faire Concile general par la translation du Concile de
 Basle, declairerent obeissance estre faicte au Pape Nicolas & luy obeir comme
 saint Pere de Romme, & puis feirent dissolution de leur congregation qu'ils
 tenoient pour Concile: lesquelles choses faictes se departirent les ambassadeurs
 du Roy & des autres Princes. Et le Patriarche d'Antioche, l'Eueſque de Leſt &
 messire Jean le Bourſier prindrent leur chemin pour aller à Romme avec les
 ambassadeurs du Pape dessus nommé, afin de confirmation de l'appoinctemēt
 fait à Lozane, & les autres s'en retournerent deuers le Roy, & luy porterent les
 lettres & bulles des choses dessusdictes faictes audit Lozane. Et ainsi se departit
 toute la compaignie & s'en alla chacun où il auoit à faire, & ainsi fut sanée la
 grosse playe qui estoit en l'Eglise par celle vnion, par le moyen, pourchats &

excessiue diligence du Roy de France . A laquelle conduire & mener à fin il a grandement trauaillé & pené son corps, aussi despendu largement du sien pour enuoyer deuers les Roys chrestiens, afin qu'ils feussent vnis pour chrestienté garder: car les Roys de France ne voulurent iamais soustenir scisme en l'Eglise, mais treuve l'en es escritures qu'ils ont tousiours aydé à remettre sus les Eglises. En ce temps ordonna le Roy à auoir en chacune parroisse de son Royaume vn archier armé: & prest toutes fois que bõ luy sembleroit pour faire guerre à son plaisir quand il luy seroit besoing, & à celle occasion afin qu'ils fussent subiets à ce faire il les affranchit de toutes subsides courans en son Royaume. Et fut ordonné aux Baillifs dudit Royaume chacun endroit soy par chacuns Bailliages & parroisses à prendre les plus habiles & ydoines .

Cy est contenu, comment sur trefues entre les Roys de France & d'Angleterre, messire Francois de Surienne dit l'Arragonnoys print la ville & chastel de Fougieres appartenant au Duc de Bretagne. Et des grans maulx qu'ils y firent.



N ce mesme an veille de nostre Dame de Mars fut la ville & chasteau de Fougieres, situez en la Duché de Bretagne à l'entrée de Normandie qui estoit trefriche & bien peuplée de notables gens & de moult grand renommée de toute ancienneté, prinse & pillée en effraynant les trefues, & durant icelles entre les Roys de France & d'Angleterre: c'est à sçauoir par messire Francois de Surienne dit l'Arragonnois de l'ordre de la gearetiere dudit Roy d'Angleterre & grand capitaine es marches de France obeissans ausdits Anglois, accompagné de six à sept cens combattans tant de la langue de France comme dudit Angleterre, & tellement qu'ils tuerent en icelle ville aucunes gens, les autres prindrent prisonniers, violerent Eglises & femmes, rauirent tous les biens qui y estoient, & seirent tous les maulx dont ils se peurent aduifer, & non contens encores de ladicte prinse allerent courir en la Duché de Bretagne, prendre prisonniers, appetisser le païs, tuer gens & generallyment feirēt tous exploicts accoustumez au fait de guerre, laquelle prinse & autres choses dessusdictes venues à la cognoissance du Duc de Bretagne comme fort indigné & soy sentant d'icelle prinse fort greué, enuoya deuers le Roy de France à Chinon l'Euesque de Rennes & autres, luy remonstrer comme sous sa trefue en laquelle il auoit esté comprins, soy cõfiant & asseurant en icelle les Anglois auoient prins les villes & chastel de Fougieres en luy requerrant (cõme son treshumble parent, subiect & seruiteur) qu'il luy pleust luy ayder, secourir & cõforter en soy declairant en la guerre cõtre iceux Anglois, car de sa part il estoit prest d'ainsi le faire sans y riens espargner. A quoy par le Roy leur fut respõdu qu'il ne l'abandoneroit point, & qu'il feroit de la cause la sienne cõme bien raison estoit, mais pour mieux mettre Dieu de sa part & le tort à ses ennemis il enuoyeroit premierement sommer le Roy d'Angleterre de reparrer lesdits excez, & le Duc de Sombreffet son lieutenant gouuerneur pour luy deça la mer és païs obeissans à luy . Et lequel auoit prins pouoir de faire reparrer toutes choses qui se feroient contre & ou preiudice de ladicte trefue, & seroit bien ioyeux que ledit Roy d'Angleterre & icelluy Duc de Sombreffet feissent reparation dudit cas aduenu, pour euitier tous incõueniens qui à l'occasion de ce

de ce pourroient aduenir tant par guerre qu'autremēt, & pour ce faire enuoya deuers le Roy d'Angleterre son varlet tréchant nommé Iean Hauart & maistre Ieā Cousinot l'un des Maistres des requestes de son hostel. Et deuers ledit Duc de Sombreffet Pierre de Fontaines son escuyer d'escuyerie. Lesquels rapporterent responce tant dudit Roy d'Angleterre comme dudit Duc de Sombreffet, qu'ils desaduouērēt ledit messire François de Surienne de ce qu'il auoit fait, iacoit ce que selon cōmune renommée, ladiēte prinse auoit esté faicte par le cōmandemēt, exhortation & ordonnance d'iceux Roy & Sombreffet. Le Duc de Bretagne pareillement qui auoit grād interest à la prinse de Fougieres enuoya sommer le Duc par son herault Roy d'armes, de faire rendre & reparer ladiēte ville de Fougieres & restituer les deniers, biens meubles, ioyaux, & autres marchandises qui dedans auoient esté prins estimez à la valeur de seize cēs mil escus. Auquel fut respōdu qu'ils n'aduouōient en riēs ladiēte prinse. Apres le departemēt desquels ambassadeurs & herault ledit Duc de Sombreffet desirāt reparer la faute qui auoit esté faicte en ceste partie par ledit Duc de Surienne, enuoya ses ambassadeurs deuers le Roy pour plus plainemēt excuser ledit faict de Fougieres, en desaduouiant tousiours ledit messire François, en disant icelle prinse estre à luy moult desplaisante qui estoiet parolles friuolles. Et quād de faire offre aucune de reparer le cas torcionerement adueni ne parlerēt en riens ne ne dōnerent certaineté, mais seulement requeroient au surplus pour leur aduātage que tout demourast en seurté tāt d'un costé cōme d'autre. A quoy leur fut respondu par le Roy q se ledit Duc de Sōbreffet estoit desplaisant de ladiēte prinse, qu'il fēit son deuoir cōme celuy qui en auoit le pouoir que restitution fut faicte de ladiēte place avec reparation des biens qui dedans auoient esté prins furtiement & cōtre raison, & que par ce moyen la trefue leur seroit entretenue : & au contraire sainsi ne le faisoient fussent seurs & certains qu'il soustiendroit son beau nepueu de Bretagne. Et quād de leur bailler seurté des places estās es mains d'iceux Anglois il n'en bailleroit point, disant que son beau nepueu de Bretagne auoit de grans seigneurs en son Royaume ses parens, & y auoit plusieurs chefs de guerre & capitaines en iceluy de la nation de Bretagne, qui estoiet fort indignez de ladiēte prinse de Fougieres, & estoit à croire qu'ils mettroiet peine de faire reuenge & de recōquester sur iceux Anglois s'ils pouoiet. Et pource gardassent bien leurs places se bō leur sembloit. Car de sa part il mettroit peine de bien garder les siennes, laquelle responce ouïe supplierēt au Roy lesdits Anglois qu'il luy pleust enuoyer ses ambassadeurs à Louuiers fondez de pouoir souffisant, & que ceux retournez à Rouē ils scauoiet biē que le Duc de Sombreffet commettrait de ses gens pour assembler avec eux, afin de pouoir paruenir à quelque bon appoinctement & accord. Laquelle chose par le Roy tousiours desirant la douce voye & euitier effusion de sang humain, leur fut accordée & furent par luy cōmis aucuns de ses officiers. Et à tant se departirent lesdits Anglois & s'en retournerent deuers ledit Duc de Sombreffet auquel ils narrent ce qu'ils auoient fait avec le Roy de France & l'appoinctement qu'ils auoient prins : parquoy tost apres il enuoya de ses gens audit lieu de Louuiers pour conuenir avec les ambassadeurs dudit Roy de France ainsi comme promis & appoincté auoit esté. En cest an reparent les Anglois la

ville de saincte Iame de Beuron, laquelle chose ne deuoiert faire : car par l'apoinctement fait à causes des trefues ils ne deuoiert reparer nulles places ne du costé des Anglois ne du costé des François : celuy an rendirent les Anglois la ville & chastel de Mayense, de Iuhez de la Counté du Maine, laquelle ils auoiert promis rendre quand ils partirent du Mans.

Comment le commun peuple de Londres se fismurent contre les officiers du Roy d'Angleterre & tuerent inhumainement l'Euesque de Cloxestre & si emprisonnerent le Marquis de Suffort, lequel ledit Roy feit deliurer.



N ce mesme temps & audit an enuiron la fin de karesme commença grād commotion de peuple en la ville & cité de Londres, duquel peuple estoit ducteur & cōduiseur le Maire de ladiète cité, lesquels par l'instigation de l'ennemy esmeuz de leur voulenté desraisonnable, tuerent inhumainemēt l'Euesque de Cloxestre garde du priué seel du Roy d'Angleterre, qui estoit simple & bonne personne & fondé en science. Et avec ce prindrent le Marquis de Suffort qui estoit grand seigneur & le meirent en prison en la grosse tour de Londres. Cedit Maire auoit grand puissance en celle ville & portoit on l'espée deuant luy quand il alloit parmy la ville. En ce temps estoit le Roy d'Angleterre à trois lieues de Londres sur la riuier de Tamise, lequel fut moult esbahy quand il ouit les nouuelles. Et incontinent manda le lieutenant de ladiète grosse tour qu'il vint deuers luy, à quoy il obeit tresdiligemment, comme à son souuerain seigneur. Et apres qu'il eut ouy la maniere & le fait tel qu'il auoit esté au vray, luy feit cōmandement que sans delay il enuoyast querir ledit Marquis de Suffort & amener sauuement, ou autrement il le feroit mourir en sa presence, & prouce trouua il maniere de l'amener deuers le Roy sans le sceu dudit Maire & peuple. Et apres que le Roy l'eut ouy parler il le feit mōter à cheual, & s'en fuit droit vers le païs de North où il se meit en mer pour venir en France. Et fut rencontré d'aucunes gens qui estoient au Duc de Sombresset, lesquels le prindrent & luy coupperent la teste, laquelle ils enuoyerent avec le corps en ladiète ville de Londres. Et adonc manderēt au Roy lesdits Maire & habitans d'icelle ville, qui estoient trefinal contens de ce qu'il auoit fait deliurer ledit Marquis, en luy requerāt qu'il luy enuoyast aucuns de ceux de son conseil qui auoient pourchassé ladiète deliurance, lequel doubtant la fureur du peuple & l'inconuenient de la mort les leur enuoya, & tantost leur feirent trercher les testes. Et ainsi ceux de Londres certain temps apres furent appaisez deuers le Roy.

Cy est contenu comment par la Court de Parlement deux coquins & vne coquine furent condampnez à estre penduz & estranglez pour leurs malefices.

1449.



An mil cccc. xlix. le famedy xviij. iour d'Auril furent iugez par la Court de Parlement deux coquins & vne coquine à estre pendus & estranglez. Et pource furent leuées deux potences de bois pour plus manufester leurs cas qui estoient mauuais & damnaables, comme d'auoir creué les deux yeux à vn enfant pupille estant lors en l'aage de deux ans, & auoient fait le delict d'espines qui estoit grand tyrannie, & aussi estre larrons & attains

& attains de plusieurs autres malefices par eux recogneuz : l'une desquelles potences fut mise hors la porte saint Jacques, en laquelle fut pendu l'un desdits deux hommes : & l'autre potence fut mise hors la porte saint Denys entre la chapelle & le moulin à vent, à laquelle fut pendu l'autre homme qui estoit ioueur de vielle, & avec luy ladicte femme, & combien qu'ils fussent mariez tous deux, neantmoins il la maintenoit. Or est vray que tous trois furent liurez au bourreau es prisons de la conciergerie, & y estoient à cheual pour les conuoyer la plus grand partie des huisliers de Parlement, pource que la sentence auoit esté donnée sur les malfaiçteurs par ladicte Court. C'est à sçauoir que grand multitude de peuple affuioit de toutes parts à la iustice, & par especial femmes & filles pour la grand nouuelleté que c'estoit à veoir pendre vne femme : car oncques plus ne fut veu au Royaume de France. Et fut ladicte femme pendue toute descheuelée en vne longue robbe ceinte d'une corde les deux iambes ensemble au dessus des genoulx. Et disoient aucuns qu'elle requist ainsi estre executée disant la coustume de son pays estre telle en tel cas. Et les autres disoient que la sentence fut donnée telle affin qu'il en fut plus longuement memoire aux autres femmes, & aussi que le delict estoit si enorme qu'il y appartenoit bien plus grande punition qu'elle n'eut : & en y'eut plusieurs autres pendus par-apres, tous coquins, qui estoient encorres es prisons cedit iour en chastelet, qu'on gardoit pour certaines causes : & par especial iusques à ce qu'on eut peu prendre certains autres coquins qui estoient de leur bande & ligues & suiuoient les pardons en plusieurs & diuers lieux de ce Royaume, côme à la Dedicace de saint Denys, à la saint Mor, à la saint Fiacre & à saint Mathurin & ailleurs, & se tenoient es grans chemins es bois où ils faisoient de grans finesses sous vmbre de demander l'aumosne, desquels en ont esté prins les aucuns par les gens & officiers du Roy tantost apres.

Comment apres la prinse de Fougieres, les alliez du Duc de Bretagne prirent le chastelet de la ville du Pont de l'Arche sur les Anglois, puis parle de la prinse de Gerberoy.



Vdit an le xvj. iour du mois de May, les ambassadeurs du Roy & ceux du Duc de Sombresset estans assemblez en la ville de Louuiers pour le fait de la ville de Fougieres côme appointé estoit entre lesdictes parties : aucuns des gens & alliez du Duc de Bretagne, trouuerēt façon & maniere de prédre le chastelet & ville du Pont-de-l'Arche sur la riuere de Seine à quatre lieues de Rouën. Et est vray qu'un voicturier de Louuiers marchât estoit de iour à autre & souuētes fois rencōtré par lesdits Anglois en passant parmy ledit Pont & veoyoit qu'il y auoit petite garde, & pource se transporta deuers lesdits alliez, ausquels il traicta de luy bailler gens pour venir avec luy, & leur exposa certain moyen qu'il leur declaira pour prendre ladicte place : lequel moyen leur sembla bien possible, & print iour de comparer en l'hostel du tauerrier demourant es faulxbourgs : & à ce iour vindrent plusieurs de leurs gens les uns apres les autres affin qu'on ne s'apperceut de rien : entre lesquels on en auoit deux appointez en façon de charpentiers chagun fa coignée sur le col, & aussi arriua illec tantost apres ledit

voïcturier chariant aucunes denrées. Et apres que chacun fut logé enuiron la nuit ils prindrent iceluy tauernier & ses gens & les ferrerent en vne chambre affin que leur entreprinse ne fust descouuerte, & adonc se descouurirent audit tauernier apres qu'il fut bien tard, lequel en fut moult ioyeux comme il disoit, pource qu'aucuns de la garnison d'icelle ville l'auoient seru de nouuel. En icelle nuit vint le seigneur de Bresé & certaines gens de pied avec luy eux embuscher pres dudit lieu du costé de deuers le Port-sainct-Ouen, & le Baillif d'Eureux quatre ou cinq cens combattans à cheual en sa compagnie au plus pres de ladicte ville dedans le bois au costé dudit Louuiers: & ainsi laques de Cleremont & le voïcturier vn pou deuant sa voïcture chargée vindrent deuant iceluy pont priant au portier ou chastel dudit lieu qu'il luy voulsist ouurir la porte, faignant d'aller à Rouën, affin qu'il peust plus tost retourner audit Louuiers, pource qu'il auoit haste & il luy payeroit tresbon vin: en la compagnie duquel estoient seulement lesdits deux charpentiers, pour le passage desquels respondit iceluy voïcturier: & tantost ledit portier pour conuoitise d'auoir argent print vn autre Anglois avec luy & vindrent aualler le pont. Et quand ledit voïcturier fut sur le premier pont à tout sa charette il tira de sa bourse deux bretons & vne plaque pour payer ledit Anglois, & laissa cheoir tout degré vn breton, pour lequel leuer se baissa ledit portier, & en soy baissant ledit voïcturier tira sa dague & le tua, & pareillement les deux charpentiers qui ja estoient sur l'autre pont tuerent ledit Anglois. Adonc saillirent ceux de ladicte embusche tant de pied que de cheual & entrerent dedans la ville & le pont en criât S. Yves, Bretagne, & estoient tous les Anglois encore couchez qui furent tous prins & iusques au nombre de cent à six vingts Anglois: entre lesquels estoit le seigneur de Foulquemberghe cheualier Anglois, qui y estoit venu le soir, bon prisonnier pour vingt mille escus, lequel fut mené à Louuiers pour plus grand seureté, & demourerent aucuns desdits conquesseurs gardes de ladicte place iusques à ce que autremēt en fust ordonné: laquelle prinse venue à la cognoissance des Anglois furent fort desconfortez & troublez, & prindrent la chose à moult grand desplaisir. Ce aussi venu à la cognoissance du Roy desirāt le bien & prouffit de son beau nepueu le Duc de Bretagne, apres plusieurs iournées là tenues & assemblées audit lieu de Louuiers fut content que tout feust réparé tant d'vn costé comme d'autre. C'est à sçauoir ledit Fougieres audit Duc avec les biens qui estoient dedans estimez à seize cens mille escus comme dit est. Et ladicte ville & Pôt-de-l'Arche à iceux Anglois avec ledit seigneur de Foulquemberghe qui leans auoit esté prins, à laquelle chose les Anglois ne voulurent entendre aucunement, qui estoit aller directement contre raison sicomme il sembloit. Et pource de rechef presens certains notaires apostolicques & imperiaux feirent lesdits ambassadeurs du Roy aucunes protestations en requerant lettres & instrumens des offtes par eux faictes ausdits Anglois, en remonstrant comment Dieu & le monde pouoient assez cognoistre & apperceuoir que le Roy s'estoit grandement mis en ses devoirs, & que se la guerre aduenoit (que Dieu ne voulsist) la coulpe n'estoit point par luy, & ainsi se departirent les Anglois & s'en retournerent deuers le Duc de Sombreflet, luy dire ce qui auoit esté pourparlé entre lesdictes parties. Et ce pendant pour proceder plus seurement & sagement

gement le Roy enuoya deuers sondit nepueu en Bretaigne avecques grand & ample pouoir le Comte de Dunois & autres, lesquels feirent appointement, apres plusieurs narrations avec le Duc de Bretaigne (luy estant en sa ville de Rènes où il auoit assemblé la pluspart de ses parés Prelats, Barôs & cheualiers de ses païs) que ledit Duc promettoit de le seruir à l'encôtre desdits Anglois de sa personne & puissance par mer & par terre, ne iamais à eux ne feroit traicté ne paix que ce ne fust du cōsentemēt, congé & bō plaisir du Roy: & de ce en bailla ses lettres patētes signées de sa main, esquelles lettres estoiet les seaux & feings manuels des Barons de sondit païs. Et outre ses parens & Barons le promirent de leurs mains attouchées à celle dudit Comte de Dunois de faire & tenir de point en point sans aller à l'encontre à nul iour le contenu esdictes lettres, & de la part du Roy leur fut par lesdits ambassadeurs promis en baillant leurs lettres qu'ils feroient ratifier par le Roy ledit appointement, ce que depuis il a fait & baillé ses lettres audit Duc, promettant de le porter & soubstenir & faire de sa cause la sienne propre, ne ne fera paix ne autre appointement aux Anglois sans luy comprendre & ses païs, & qu'il fust premierement restitué de ce que les Anglois tiendroient du sien. Et ou cas que ladicte place de Fougieres ne luy seroit rendue le Roy se declairoit à la guerre ouuertement & à plain contre les Anglois dedans la fin du mois de Iuillet prochain ensuiuant. En ce tēps fut prinse la place de Gerberoy en Beauuoisis d'eschelle par le seigneur de Mouy gouuerneur du païs. Et là furent tuez tous les Anglois qui dedās estoiet nombrez trente personnes, dont estoit chief & capitaine vn nommé Iean Harpe qui ce iour estoit allé à Gournay, & ainsi fut reduicte ladicte ville en l'obeissance du Roy de France. En ce meimes temps & biē pou apres fut prinse la ville de Conches par Robert de Floques dit Floquet Baillif d'Eureux. En ce tēps ausli vn gentil-homme nommé Verdun natif du païs de Gascongne à l'aduis & consentement du Duc de Bretaigne print d'eschelle & par emblée les places de Conac & de saint Maigrin assises ou païs de Bourdelois, desquelles estoit garde & capitaine pour le Roy d'Angleterre vn escuyer nommé Mondocho de Lanfac, lequel fut prins pres dudit Conac en venant de Bordeaux: car il cuidoit que ladicte place fust encores en l'obeissance du Roy d'Angleterre & en sa garde cōme par auāt estoit: esquelles deux places furēt prins plusieurs prisonniers. Et quād les Anglois securēt les nouuelles l'Archeuesque de Bordeaux & ceux de la cité enuoyerent vn poursuuāt à Chinon deuers le Roy de France luy requerr qu'il feist rendre lesdictes places de Conac & de saint Maigrin, & qu'il leur donnast sauf-conduit faignans venir deuers luy, dont de tout on ne feist rien pour certaines causes mouuans le Roy & son conseil. Et pareillement enuoyerent lesdits Ducs de Sombreffet & le sire de Thalebot deuers le Roy audit lieu de Chinon aucuns de leurs gens pour requerr qu'on leur rendist les places du Pont-de-larche, de Conches, de Conac, de saint Maigrin & de Gerberoy: A quoy le Roy leur respondit que s'ils vouloient rendre Fougieres à son beau nepueu le Duc de Bretaigne & restituer les biens qui auoient esté prins dedans, il se faisoit fort de leur faire rendre les places qu'ils demandoient par iceluy Duc de Bretaigne, ou par ceux qui à son adueu les auoient princes. Si responderent lesdits ambassadeurs qu'ils n'auoiēt aucune puissance de toucher au fait de

Fongieres, & pource l'en retournerent à Roüen deuers ledit Duc de Sombresfet sans autre chose faire. Tantost apres se rassemblerent les ambassadeurs des deux parties à vne conuention qui fut faicte en l'abbaye de Bô-port, où les gës du Roy feirent offres aux Anglois que fils vouloient rendre le chasteau & vile de Fougieres dedans vn iour qui fut nommé, lequel estoit conuenable & raisonnable es mains du Duc de Bretagne soubz l'obeissance du Roy & les biens qui auoient esté prins dedans estimez (comme dit est) à la somme de seize cens mille escus on leur renderoit les places dessus nommées, & mesmement la personne du seigneur de Foulquemberghe cheualier Anglois qui auoit esté prins dedans ledit Pont-de-l'Arche, & que tous attemptas fussent rembarrez d'un costé & d'autre, laquelle chose ils refuserent, & conuint lesdits François retourner deuers le Roy en cest estat comme deuant. Lequel ouie la relatiõ desdits les ambassadeurs iustificie sagement par beaux instrumens Apostoliques faisans mētion de la cognoissance & deuoir en quoy il festoit mis, & de la faute qui procedoit de la part desdits Anglois le dommage qu'ils portoient & que pourroient auoir les subiets, ausquels il deuoit garder leur action aussi & la rōpure desdictes trefues sans rien vouloir reparer par lesdits Anglois, & mesmement consideroit qu'ils luy vouloient oster vn tel subiect, comme le Duc de Bretagne & le frustrer de son païs par meure & grande deliberation, & en acquitant sa conscience le Roy se delibera & delibera apres les premonitions & offres qu'il auoit fait faire ausdits Anglois, ausquelles premonitions, & offres ne vouloient obtemperer. Ainçois les refuserent iacōit ce qu'ils fussent si iustes & raisonnables que faire se pouoit & plus qu'il ne deuoit, comme il appert & apperra le mestier est de leur faire guerre & recouurer la seigneurie par toutes voyes licites & possibles, laquelle lesdits Anglois auoient occupé indeuement & vsurpé par long espace de temps. Parquoy luy fut conseillé que selon Dieu & raison & conscience il le deuoit ainsi faire, ou que autrement il ne faisoit point son deuoir. En executant laquelle fut conclud qu'il enuoyeroit deuers le Duc de Bretagne pour sur le tout prendre conclusion & appoinctement.

Comment le Roy de France deuëment informé par plusieurs manieres que les Anglois eurent brisé les trefues, se delibera de leur faire guerre : puis dit comment Verneuil fut prinse par un Musnier qu'un Anglois eut battu.



N ce mesme an le Roy fut deuëment informé de la guerre que les Anglois faisoient au Royaume d'Escoce, lequel estoit comprins esdictes trefues, & aussi de la guerre qu'ils faisoient par mer au Roy d'Espaigne son allié & qui estoit esdictes trefues. Et pareillemēt à ses subiets de Dieppe, de la Rochelle & d'ailleurs depuis le commencement des trefues continuellement sans rendre ne reparer chose qu'ils eussent faicte contre lesdictes trefues ne par mer ne par terre, combien que par plusieurs & diuerses fois & mesmement pour ladicte ville de Fougieres il auoit fait sommer & requierir par ses ambassadeurs & ceux dudit Duc de Bretagne le Roy d'Angleterre en son païs, & ceux qui de par luy auoient le gouuernement en Normandie qu'ils reparaissent ou feissent reparer les malefices & dommages par eux ou leuts sub-

iets

ets faits & perpetrez durant lesdictes trefues, desquelles choses accomplir ils auoient esté refusans. Et pource delibera en son grand conseil (voyant ce que dit est qu'il festoit mis en son deuoir de son costé d'entretenir lesdictes trefues) leur faire guerre par terre & par mer: car tant que les trefues auoient duré les Anglois de Mante, de Verneuil & de Laigny alloient sur les chemins d'Orleans & de Paris desrober & couper les gorges aux bonnes gens & marchans qui passoient leur chemin, & pareillement le faisoient les Anglois de Neuf-chastel, de Gournay & de Gerberoy sur le chemin d'entre Paris, Abbeuille & Amyens: & avec ce alloient de nuit par le plat pays prendre & couper les gorges & meurdrir les gentils-hommes en leurs lits qui estoient de l'obeissance du Roy: comme le seigneur de Maillebois, le seigneur de saint Remy, Oliuier de Noirequerque & plusieurs autres. Et de rechef plusieurs marchans, laboureurs & autres gens de mestier du pays de Normandie qui s'estoient retraits en l'obeissance du Roy pour les griefs qu'ils souffroient deuant les trefues données, & eux confians en icelles estoient retournez en leurs maisons aux villages pour faire leurs labeurs & marchandises: mais lesdits Anglois les font venuz tuer en les appellant faux traistres Armignacs. Ce sont & estoient les beaux exploits que ont fait lesdits Anglois durant lesdictes trefues, & se nommoient & faisoient appeler ces malfaicteurs les faux visages, pource qu'en ce faisant ces choses ils se vestoient & desguisoient d'habits dissolus & espouventables, afin qu'on ne les cogneust. Et pour ce pour obuier à tous ces malefices & subiuguer lesdits Anglois qui ainsi greuoient le peuple frauduleusement & traistressement, feit le Roy de France grande assemblée de gens de guerre d'une part, & ledit Duc de Bretagne pareillement pour tenir frontiere contre iceux Anglois: & est vray qu'iceux de la garnison de Fougieres feirent vne saillie sur les gens d'iceluy Duc, lesquels les rebouterent, & si asprement sur eux ferirent & si vaillamment qu'ils y furent que mors que prins six vingts Anglois. En ce temps mesmes, & audit an vn musnier de la ville de Verneuil fut battu d'un Anglois en faisant le guet pource qu'il dormoit, & en despit de ce alla deuers le Baillif d'Eureux, & promist apres certaines conuenances faictes entr'eux le bouter dedans la ville: pourquoy s'assemblerent messire Pierre de Bresé Seneschal de Poictou, ledit Baillif d'Eureux, Jaques de Cleremont & autres, & cheuaucherent tant & si diligemment que tous ensemble se trouuerent le xxix. iour de Tuillet au point du iour pres des murs de ladicte ville. Ledit musnier qui faisoit le guet celle nuit feit descendre les autres qui estoient au guet plus matin qu'ils n'auoient accoustumé, pource qu'il estoit Dimenche & se hastoiét d'aller à la Messe pour desluner. Adonc les François à l'aide que leur faisoit ledit musnier, dresserent leurs eschelles au droit du moulin & entrèrent dedans ladicte ville sans ce que nul s'en aperceust. Et y auoit dedés six vingts Anglois, dont les aucuns furent mors & prins, & les autres se retrahirent au chasteau à grand haste. Le lendemain ledit musnier osta & tollit vne partie de l'eau des fossés dudit chasteau, lequel fut assailly moult vaillamment & deffendu: mais en la fin fut prins d'assault ouquel eut de moult belles armes faites, en especial par ledit Seneschal qui y acquist grand honneur, & mesmement tous les autres: car il n'y eust point de grosse artillerie du costé des assailans, & là furent

morts & prins plusieurs Anglois & les autres se retrahirent en la tour Grise à grand haste, laquelle est moult forte & imprenable tant qu'il y ait dedans à viure, car elle est haulte & grosse, separée dudit chasteau, tresbien garnie & enuironnée de fossez plains d'eauë, & assiegerent de toutes pars ladicte tour par dehors & par dedans. Ce iour y arriua le Comte de Dunois de nouuel institué lieutenant general du Roy de France en ses guerres, accompagné du sire de Culant aussi nouuellement fait grâd Maistre d'hostel & de plusieurs autres cheualiers & escuyers gës d'armes & de traiët, lesquels eux estans deuant ladicte tour tâtost apres se departirent pour ce qu'ils ouirët nouuelles que le sire de Thalebot estoit venu iusques à Breteul pour aider & secourir les assiegez qui estoiet dedans icelle tour : & se partirent tous reserué messire Florent d'Illiers, qui demoura pour gouverner ledit siege à tout huiët cës combattans, & cheuauchèrent tant qu'ils acconsuiurent & rattindirët ledit Thalebot pres de Harcourt, lequel quand il les apperceut se fortifia & ferma de hayes & de ses chariots qu'il auoit amenez pour porter ses viures en telle maniere qu'on ne le pouoit greuer : & quand vint sur la nuit il se retrahit hastiuement audit lieu de Harcourt. Ledits seigneurs furent tout ce iour en bataille deuant ledit Thalebot cuidans le combattre, mais il ne voulut oncques saillir hors de sa fortification. Et là furët faits cheualiers le sire de Herbault, sire Jean de Bar, seigneur de Baugy & Jean Doulon escuyer d'escuyerie du Roy, & ce fait lesdits François voyäs ledit Thalebot retraiët audit lieu de Harcourt, s'en vindrent à Eureux ce soir, & le sixiesme iour d'Aoust audit an le Roy de France se tira à Amboise pour passer la riuiere de Loire & mettre ses gens de guerre en son pays de Normandie & pour secourir, conforter & aider ceux qui tenoient le siege deuant ladicte tour de Verneuil, le Comte de Dunois & toute sa compagnie s'en alla à Eureux où il fut deux iours.

Comment le Comte de saint Pol alla deuant Nogent, laquelle luy fut rendue: puis parle de la prinse de Ponteau-de-Mer.

LE vendredy viij. iour du mois d'Aoust l'an que dessus, le Comte de saint Pol à tout quatre mil cheuaux ou enuiron s'en allerent courre deuant le chasteau de Nogent, desquels en y eut trente ou enuiron des plus vaillans de l'auantgarde qui se vindrent fourrer de plaine escouffe dedans la basse court & gaignerent la barriere: mais pource qu'ils doubtoient fort les canons ils se retrahirent pour attendre leurs compaignons & laisserent lesdits Anglois couler la harfe si hastiuement qu'il demoura deux des François dedäs qui furent prins prisonniers: pourquoy la compaignie venue fut icelle place assaillie du costé des prez bien asprement & vaillamment, & y en eut grand foison de naurez d'un costé & d'autre: & en estoit capitaine & garde pour les Anglois vn nommé Jean le Feure natif d'empres Louuiers, lequel auoit avec luy trête cōpaignons de guerre ou enuiron. Et le samedi ensuiuant se rendirët entre xj. & xij. heures, par telle cōpositiō qu'ils s'en yroiët leurs vies & leurs corps sauues, sans toutesfois emporter quelque habillement de guerre, excepté le capitaine qui emporta vne espée: & meirent tous leurs biens pour celle heure dedans le monstier saint Pierre: lesquels depuis ils vindrent querre & empor-

ter

ter où bon leur sembla. Et le Dimenche ensuiuant les dessusdits voyans ladicte place non estre tenable se deslogerent, & au partir bouterent le feu dedans tant qu'elle fut toute arse & desemparée. Ce mesme iour de vendredy viij. iour dudit mois en l'an dessusdit se partit d'Eureux le Côte de Dunois & plusieurs autres cheualiers & escuyers iusques au nombre de deux mil cinq cens combattans d'un costé, & d'autre part partirent & passerent enuiron deux iours apres au Pont-de-l'Arche les Comtes d'Eu & de saint Pol, les sires de Sauueses, de Roie, de Moÿ, de Rambures & plusieurs autres iusques au nombre de trois cens lances, & de quatorze à quinze cens archiers, qui tous cheuauchioient d'un costé & d'autre pour eux assembler, & tât que le douziesme iour dudit mois ils se trouuerent tous deuant la ville du Ponteau de Mer: c'est à sçauoir ledit sire de Dunois Lieutenant general du Roy (comme dit est) du costé de deuers Roüen, & lesdits Comtes d'Eu & de saint Pol & toutes leurs compagnies du costé deuers Honnefleu, de l'autre costé de la riuiera de Riulle, qui passerent encontre icelle ville, & là meit chacun seigneur ses gens en ordonnance pour assaillir ladicte ville. Et premierement du costé dudit Comte de saint Pol fut assaillie si vigoureuement & longuement & tellement qu'ils emporterent d'assault ladicte ville, iacoit ce que les Anglois qui estoient dedans feirent bien & grandement leur deuoir de la garder & deffendre. Et du costé de môdit seigneur de Dunois y eut aussi de moult belles armes faictes, & entrèrent tous dedans icelle ville autant d'un costé que d'autre: moyenant aussi & par le feu de fusées, qui y furent iettées par dedans les fossés où ils estoient en l'eau iusques au col, qui estoit vne belle proesse. Et se retrahirent les Anglois au bout de la ville en vne maison forte, lesquels estoient en nombre eccc. & xx. Anglois, dont estoient chiefs & capitaines Mont-fort Tresorier de Normandie, & Fouques Ebon, lesquels se rendirent tous prisonniers ausdits Comtes de Dunois & de S. Pol. A celle besongne furent faits cheualiers les seigneurs de Moÿ, le fils du Vidame d'Amyens, le fils du sire de Rambures, & plusieurs autres du paÿs de Picardie iusques au nombre de xxij. Ainsi demoura ladicte place en l'obeissance du Roy de France: ce iour arriua le Roy à Vendosme & y fut iusques au Lundy ensuiuant xvij. iour d'Aoust qu'il se partist pour aller à Chartres où il fut le xxij. iour ensuiuant.

Cy dit comment les Anglois entrèrent en Escoce par deux fois, & comment par deux fois furent desconfits: cōment la tour de Verneuil fut rendue & d'aucunes autres besongnes.

ET pour monstrer euidamment la vertu diuine estre contre les Anglois, & comment (chose meritoire) est vray que lesdits Anglois ont voulu de tout temps entreprendre sur leurs voisins Chrestiens tant au Royaume de France comme en Escoce & es seigneuries d'Irlande, Galles, & ailleurs: & tellement que par eux ont esté faits maints maux, par voye de fait, violement & sans raison, & n'ont point eu deuant les yeux les parolles de nostre sauueur Iesus Christ où il dit. *Reddite qua sunt Cesaris Cesari, & qua sunt Dei Deo.* Qui vault autant à dire: rendez à Cesar ce qui est à Cesar, & aussi ce qui appartient à Dieu rendez le luy. Entre lesquels maux & extorcions par eux faits en plusieurs & diuers lieux ils ont faits vne entreprinse, laquelle

ils ont mise à execution pour aller courre au Royaume d'Escoce, & enuoya le Comte de Salsbery pour mener guerre aux Escoçois deux seigneurs de grand renom natifs dudit pays d'Angleterre: c'est à sçauoir, messire Thomas de Hanton cheualier, & le sire de Perly fils du Comte de Northomberland accompagnez de xv. mille Anglois & au nôbre du pays, & passerent la riuere appelée Sollonnause pour entrer oudit Royaume d'Escoce, ouquel ils furent par l'espace de trois iours entiers, & iusques à six mille du pays qui valent trois lieues de France: mais ce venu à la cognoissance du Comte Donglas Escoçois il print sans delay en sa compagnie six mille Escoçois & vindrent assaillir à plaine de iour & en plain champ lesdits Anglois, en laquelle bataille fut fort combattu d'un costé & d'autre & tellement qu'il y en eut plusieurs mors de chacun costé, & plusieurs prisonniers desdits Anglois, & fut la iournée contre eux & le cháp demoura aux Escoçois: à laquelle iournée furent prins lesdits seigneurs de Hanton & de Perly & ceux qui peurent eschapper porterent leurs piteuses nouuelles au Comte de Salsbery, lequel en fut moult dolent & courroucé & non pas sans cause, & tantost il feit plus grand mandement que par auant, & assembla bien à celle fois lx. mille Anglois au nombre dessusdit pour cuider aller tout destruire le Royaume d'Escoce: mais tantost qu'ils eurent passé la riuere dessusdicte la descendue vint à la cognoissance du Comte Donglas & du Comte d'Ormont son frere, eux ayans Dieu deuant les yeux & voyas lesdits Anglois importunément sans quelque droit, venir gaster leur pays en concordant ausdits de Chatonnet, meirent peine de resister: car il est licite à vn chacun de combattre pour son pays. Eux tantost & sans delay feirent leur armée des seigneurs d'Escoce & se trouuerent bien en nombre xxxij. mille Escoçois bôs & subtils en guerre: lesquels vindrent à vn matin frapper sur les logis d'iceux Anglois & les prindrent en desroy, & tellement furent assailliz qu'il les conuint fuir & desplacer, & en y eut grand quantité de mors, de naurez & de prins. Et furent chassiez & poursuuiz de si pres iusques à icelle riuere qu'il en y eut encores grand foison de noyez, & en y eut bien que mors que prins à ces deux iournées de xx. a xxxiiij. mille Anglois au nombre du pays. Et depuis lesdits Escoçois en attribuât ladicte destrouille à la grace de Dieu & non pas à la puissance humaine, & à ce que lesdits Anglois ne fussent plus si outrageux de cōquerre ce qui n'estoit pas leur en poursuuant lesdits Anglois, passerent ladicte riuere pour entrer ou pays de Angleterre & degasterent bien vingt lieues de long & six lieues de large des lieues de France, & iusques à vne forte place nommée le Neuf-chastel & n'y laisserent oncques ville ne maison que tout ne fust ars en leur chemin, ou au moins toute la plus grand partie. A laquelle chaffe fust mort vn cheualier Escoçois de grand auctorité nommé messire Iean Vbouailles. Puis retournerent iceux Escoçois sauuément en leur dit pays. Lesdictes batailles furent relatées à S. Denys en Frâce par trois prestres du pays d'Escoce du diocèse de Dunblaine dont l'un estoit chanoine & auctentique personne par semblance, & ce affermerent par serment fait deuant les precieux corps monseigneur S. Denis & ses cōpaignons en parolle de prestre estre ainsi, & auoir esté vray par la forme & maniere que dit est iceux examinez par le cronicqueur de France en la presence de plusieurs religieux d'icelle Eglise. Cedit douziesme iour d'Aoust ou enuiron dessusdit

de l'usdit arriua à Vendosme le Roy de France grandement accôpaigné de gens de guerre tant seigneurs, cheualiers, escuyers, archiers côme autres, & là fut iusques au lundy enluiuant xviij. iour dudit mois. Et ce pendant le sire de Loheac, le Marechal de Bretagne, messire Geoffroy de Couré & loachin Rouhault & plusieurs autres assaillirent la ville de S. Iame-de-Beuron, si durement & si asprement que l'assault dura depuis ix. heures du matin iusques à la nuit, & fut fort tiré contre icelle tant de grosse artillerie que de menuë, fort assailly & aussi fort deffendu, & le lendemain s'en allerent par composition les Anglois qui dedans estoient leurs corps & leurs biens saufs, & ainsi fut reduicte icelle place en l'obeissance du Roy de France. Le xxij. iour dudit mois ou dit an entra le Roy en sa cité de Chartres. Et le lendemain se redirent ceux de la Tour-de-Verneuil ses prisonniers qui n'estoient que xxx. dont la pluspart estoient tous François reniez, car pou deuant estoient eschappez plusieurs d'iceux, & auoient emporté tout l'auoir & cheuance qui dedans estoit par la faulte de ceux qui faisoient le guet de nuit. Ledit messire Florent deuant nommé en fut blasme: car pou parauant le Roy luy auoit mandé par vn de ses heraulx qu'il les gardast bien: & apres le departement d'iceux le Roy fut content de faire bon appointement à ceux qui estoient demourez, & ce pour certaines consideratiōs qu'il auoit, pourquoy firent traicté d'icelle tour les sires de Presigny & de Baugy: par ainsi veu que ladicte place estoit imprenable sinon par deffaute de viures ils payerent gracieuse rançon. Et ainsi se departirēt en baillant ladicte place au Roy, dōt chacun estoit & fut bien ioyeux. En ce temps ou pou apres print loachin Rouhault S. Guillaume de Mortaing avec grād partie des seigneurs qui auoient prins S. Iame de Beuron, & dura l'assault depuis dix heures iusques au soir. En ce mesmes temps ledit Comte de Dunois Lieutenant general du Roy, comme dit est, le Comte de S. Pol & autres qui auoient esté à la prinse du Ponteau-de-mer se partirent & cheuaucherent tous ensemble en grand ordonnance iusques deuant la cité de Lisieux pour y mettre le siege. Mais quand iceux de la ville apperceurent si grād nombre de gens d'armes, considerant que la ville ne pouoit pas longuement tenir ne resister contre ladicte puissance, doutans aussi qu'elle ne fust prinse d'assault & par ce perie, pillée & destruite, apres plusieurs parolles & parlemēs faits entre eux ils la meirent en l'obeissance du Roy de France es mains de son Lieutenant par l'administrement & conseil de leur Euesque, qui si gouerna grandement, & honnorablement, & n'y eust en icelle aucun dommage fait ou perpetré: mais demourerent tous & vn chacun endroit foy maistres & seigneurs de leurs biens & reuenuës, dont ils possedoient au parauant de ladicte reddiciō, & rendirent avec ce plusieurs menuës places estans à l'entour dudit Lisieux.

Cy dit comment le Roy de France feit sommer ceux de Mante qu'ils se rendissent à luy ainsi qu'ils feirēt, & les receut pour & ou nom du Roy le Comte de Dunois son Lieutenant general.

LE vingtsixiesme iour dudit mois d'Aoust ou dit an, le lendemain de la saint Loys se partit le Roy de Chartres & alla au giste à moult belle & notable compaignie à Chasteau-neuf en Thimeray. Et ce iour enuoya sommer ceux de Mante par vn de ses heraux de luy rendre ladicte ville, laquelle

ils tenoient & occupoient outre son gré & voulenté. Et ce pendant que ledit herault estoit allé faire sa legation ledit Comte de Dunois, les Comtes d'Eu & de saint Pol & ceux de leurs compaignie qui estoient de cinq à six mil combattans arriuerent ce mesmes iour deuant la ville de Mante pour fommer les gens de guerre manans & habitans d'icelle, la rendre & restituer en l'obeissance du Roy de France, auq̃l elle appartenoit de son propre heritage à quoy ils feirent aucunement refus pour l'amour des gens de guerre qui estoient dedans, combien que les François manans & habitans d'icelle auoient bonne volenté d'estre sous le Roy de France & en sa subietion: adonc ledit lieutenant & ceux de sa compaignie se preparerent pour assaillir la ville, & ce voyans lesdits habitans, doubans fort les Anglois qui estoient dedans en garnison iusques au nombre de deux cēs & lx. hommes de guerre: desquels estoit capitaine en icelle ville messire Thomas Hoscheualier & chancelier des Anglois en leur party, lequel n'estoit pas en la ville: mais son Lieutenant nommé Thomas de sainte Barbe, lequel estoit Baillif d'icelle y estoit & vouloit à toutes fins tenir & deffendre icelle place contre la compaignie des François: pourquoy iceux manans & habitans voyans en ce la perdicion d'icelle ville, apres la sommation à eux faicte feirēt dire au Baillif que s'il n'appointoit ausdits seigneurs & prenoit composition, que certainement eux mesmes la prendroient: ce qu'ils n'eussent iamais dit n'osē entreprendre s'ils ne se fussent sentus les plus forts, & de fait pour mieux subiuguer iceux Anglois, lesdits habitans gaignerent la tour & le portail appelé la Porte-au-Saint, avec vn quartier d'icelle ville: & allerent deuers ledit Lieutenant & les seigneurs estans en sa compaignie, & feirent appointement ensemble: depuis lequel ainsi fait se voudroient esmouuoir lesdits Anglois, & de fait se fussent esmeuz se n'eussent esté ladicte tour & les mōtes que lesdits habitans tenoient & occupoient. Et pource furent enuoyez apres la cōposition recitée entre lesdits seigneurs & iceux habitans, enuiron quatre heures apres Nonne vn herault du Roy, & avec luy cinquāte homme d'armes vindrent en ladicte ville, & furent receuz par iceux habitans & mis en iceluy portail & tour pour iceluy deffendre contre lesdits Anglois se mestier estoit: combien que le Baillif & lieutenant du capitaine auoit ja accepté pour luy & ses compaignons l'appointemēt, & tous les gens dudit Comte furent deuant icelle ville cedit iour depuis le matin iusques au soir, que ledit lieutenant entra avec certains gens d'armes pour garder lesdits habitans de pilleries ou autres oppressions que gens d'armes ont accoustumē de faire en tel cas: & pour confermer & garder l'appointement tel qu'il auoit esté fait avec lesdits habitans & capitaine pour la reddition d'icelle ville en l'obeissance du Roy.

Comment le Roy entra à Verneuil & la reception qu'on luy feit. Puis dit comment par l'entreprinse du Seneschal de Poitou le chastel de Laigny fut rendu au Roy & y surēt plusieurs Anglois prins, & comment Vernon fut rendu au Roy.

LExxvij. iour dudit mois oudit an, entra le Roy de France en sa ville de Verneuil en moult grand estat & noblement accompagné: lequel fut honnorablement receu & à grand ioye de ceux de la ville, qui vindrent au deuant de luy en processions, les gens d'Eglise & honnorablement reuestuz de belles

de belles chappes iufques dehors la ville, & les autres vindrent de pied & à cheual, & feirent faire les feux & tendre & ionchet les rues au mieux qu'ils peurēt en criant Noël de ioye, en laquelle ville il fut par certaine efpace de temps. Auquel lieu vindrent les Euefques de Lifieux & d'Auxerre luy faire hommaige. Et ce pendant fut faicte vne entreprinfe par le Senefchal de Poiçtou pour aller prendre le chafteau de Laigny que tenoit & occupoit vn efcuier de Notmandie nommé le sire de S. Marie, capitaine dudit chafteau pour meffire François de Surienne dit l'Arragonnois feigneur de ladicte place, qui auoit marié fa fille audit efcuier: Et combien que ledit Senefchal n'y fut point en perfonne, neantmoins il auoit fait ledit appointement avec ledit capitaine, qui auoit en fa compaignie deux cens combattans, logez en la baffe court. Et eft vray que les François comparans deuant ladicte place furent boutez dedans icelle par le donjon moyennant ledit capitaine fans le fceu des gens de guerre, qui auoient eſté enuoyez par ledit meffire François pour la garde dudit chafteau & de fa femme qui eſtoit dedans: leſquels quand ils apperceurent les François fe cuidèrent mettre en deffence: mais pource qu'ils eſtoient trop foibles à leur aduis, ils ſe deporterent à tant, & furent prins en icelle baffe court tous leurs cheuaux & autres biens & demourerent tous priſonniers en la volonté du Roy, excepté la femme dudit meffire François, laquelle ſ'en alla à tous ſes biens tremal contente de ſon dit gendre: & demoura iceluy feigneur de S. Marie pour capitaine & garde dudit chafteau ainſi que parauant. Ledit iour & an fut enuoyé deuant Vernon le capitaine de Robert de Floeques Baillif d'Eureux & capitaine de certain nombre de gens de guerre, ſommer les Anglois & les habitans de la ville de Vernon pour icelle rendre & mettre en l'obeiſſance dudit Roy de France, en luy baillant pour iceluy feigneur le clef des portes. A quoy fut reſpondu par Jean d'Ormont efcuier fils du Comte d'Ormont & d'Irlande, capitaine dudit lieu que tresvolontiers le feroit, & pource en ſigne de deriſion & de moquerie alla deuers ſes ferruriers & amaſſa toutes les vieilles clefs qu'il peut trouuer dont & deſquelles il ſeit preſent audit pourſuiuant: lequel reſpondit qu'elles eſtoient trop vieilles pour ſeruir à la fermeture d'une telle ville, & à tant ſe departit pour aller faire ſon rapport aux gens du Roy, deſquels eſtoit chef & lieutenant general monſieur le Comte de Dunois qui n'eſtoit gueres loing de la ville: & le lendemain xxviii. au matin vindrent ledit Lieutenant & meſſieurs les Comtes d'Eu & de S. Pol, avec eux monſieur le Senefchal de Poiçtou & pluſieurs autres capitaines avec grād nombre de francs-archiers mis & intituez de nouuel en France, qui gaignerent de prime face vne petite Ile en laquelle ils feirent aſſortir pluſieurs canons: combien qu'ils n'en ieçterent point: mais fut eſcarmouché de traiçt, & tellement que le pont fut gaigné ſur les Anglois, & y fut le lieutenant du capitaine d'icelle percé d'une fleſche tout au parmy des deux ioües de part en part, qui tresfort les eſbahit. Pourquoy eux conſiderant & penſant la grande puiſſance qui eſtoit deuant & entour d'eux, & les autres lieux & places conquiſes, requirerent & demanderent iceux habitans & Anglois audit Comte de Dunois ſeurté pour quatre ou ſix perſonnes, afin d'aller parler à luy touchant le fait de ladicte ſommaton à eux faicte, ce qui leur fut accordé, & pource par ordonnance du capitaine & habitans furent

cleuz & enuoyez : c'est à ſçauoir Iean Abaron Anglois capitaine des gens de guerre d'icelle ville, maistre Guillaume d'Aguenet plus extreme en la querelle des Anglois que nul autre, Regnault de Bordeaux & certains autres : & fut ordonné ledit d'Aguenet pour porter la parolle : Lequel, ſalutation premiſe audit Lieutenant, dit & propoſa en audience telles parolles qui ſ'enſuiuēt ou en ſubſtāce. Monſieur vous nous auez enuoyé ſommer de par voſtre Roy de luy rendre ceſte ville de Vernon, diſtes nous qui vous meut à ce, ne que vous nous demandez : adonc mondit ſeigneur de Dunois comme froid & attempé ſeigneur en repreſentant la perſonne du Roy leur commençā à dire & expoſer en moult beaux & haux termes (& comme vn des beaux parleurs en françois qui fut de la langue de France) que ladiſte ville & chaſteau tant dedans comme dehors competoient & appartenoint au Roy ſon ſouuerain ſeigneur & le leur, pour raiſon de ſon droit demaine & heritage, leſquels auoient eſté ſouſſtraits à feu de bonne memoire ſon pere, avec autre grand partie de ſondit Royaume & plus par violence qu'autrement, & leur recitā en beau ſtille & auſſi prudemment qu'eut peu faire vn maistre en theologie, le fait de guerre qui eſtoit & auoit eſté entre le Roy de France & le Roy d'Angleterre, dont eſtoient deſcendus maints maux, innumerable & grans inconueniens, qui ſeroit longue choſe à reciter : pour laquelle choſe pacifier le Roy meu de grand charité auoit conſentū patiemment, voulu & accordé certaines trefues pour durant icelles, trouuer aucune bonne forme d'appointement, & que ce nonobſtant, les Anglois de leur voulenté deſordonnée auoient prins d'emblée la ville de Fougieres appartenant au Duc de Bretagne, lequel eſt parent & ſubieſt au Roy & nommé eſdiſtes trefues, & leur fut recité toutes les altercations qui en ceſte matiere auoient eſté ainſi & par la forme & maniere deſſus declairée. Ce conſideré le Roy par meure deliberation de ſes prochains parens & autres ſeigneurs, capitaines, conſeillers & bien vucillans, voyans l'infidelité d'iceux Anglois a mis ſon armée ſur pour requerir ce qui luy appartient de ſon droit & demaine, & à ce faire m'a (dit il) commis ſon Lieutenant. Pourquoy ie vous ay enuoyé ſommer, & encores de rechef vous ſomme de moy rendre ladiſte ville pour le Roy, afin que ſil vous vient inconuenient par rebellion ou inobedience, que vous ne l'attribuez pas au Roy voſtre ſouuerain ſeigneur & le mien, ne à moy, qui de ſa benigne grace m'a inſtitué ſon lieutenant en ceſte partie. Apres le propos duquel ſe retrahirēt à part leſdits Anglois & habitā pour parler enſemble de la maniere, & ſçauoir qu'ils auoient à faire. En traittāt de laquelle ils cheurēt en grād diſcord : car les François conſiderās le Roy de France eſtre leur naturel ſeignr & tout ce que par ledit Lieutenant leur auoit eſté expoſé eſtre fondé en raiſon, ſe vouloient bien rēdre & les Anglois nō. Toutesfois apres pluſieurs parolles, deuiz & altercatiōs fut dit, conclud & ordonné par leſdits habitā qu'ils ſe rendroient vouliſſent les Anglois ou non, en faiſant aucun bon traittē pour iceux habitā, auquel ſeroient leſdits Anglois adioints ſe bō leur ſembloit. Et adōc iceux Anglois voyans non pouoir reſiſter à l'intention deſdits habitā, ainſi prouulguée, requirēt auoir lettres ſcellées du ſeau d'icelle ville, que ladiſte reddition n'eſtoit point faiſte de leur conſentement & accord, ce qui leur fut fait. Et ainſi ſ'en retournerent deuers mondit ſeigneur de Dunois, avec lequel ſeirent traittē & appointe-

appointement par le conseil des seigneurs estans en sa compaignie. Adonc rendirent lesdits Anglois lesdictes villes & chastel de Vernon, où ils estoient douze vingts Anglois combattans dedans, dont estoit chef & capitaine le fils du Comte d'Ormont, comme dit est: lesquels s'en allerent leurs corps & leurs biens saufs, & demourerent ceux de ladicte ville paisibles en leurs maisons sans rien perdre. Et depuis a le Roy donné ladicte ville & chasteau avec leurs appartenances audit Comte de Dunois pour les grans seruices qu'il luy auoit fait, & auoit esperance qu'il luy feroit, en sa conqueste de Normandie & ailleurs en ses affaires & necessitez.

Comment le Roy de France vint à la ville d'Eureux où il fut notablement receu: & de là s'en alla à Louuiers, puis dit comment le chastel d'Anjou fut mis en l'obeissance du Roy, & comment Gournay se rendit, & comment Houël rendit la Roche Guyon au seigneur à qui elle estoit, & comment il se tourna Francois.

ENuiron la fin d'Aoust se partit le Roy de France de sa ville de Verneuil, & entra grandement & noblement accompagné, & en grand appareil en la cité d'Eureux, où il fut receu treslumptueusement des habitans de ladicte ville, en allant au deuant de luy, en faisant feux, en criant Noël & les rues tendues, & coucha en icelle ville vne nuit seulement, & le lendemain se partit pour aller en la ville de Louuiers, où il fut semblablement receu à grand ioye. Et auoit en sa compaignie le Comte du Maine frere du Roy de Cecille & de la Royne de France, & le Comte de Cletmont fils aîné du Duc de Bourbon, le Vicomte de Longmaigne aîné fils du Côte d'Armignac, le Comte de Castres fils du Côte de la Marche, le cadet d'Albreth, Jean monseigneur de Lorraine & plusieurs autres grans seigneurs, Comtes, Barons, cheualiers & escuyers en grand nombre. Et avec ce y auoit pour la garde de son corps deux cens lances & les archiers dedans ladicte ville de Louuiers, sans en ce comprendre quatre armées qui estoient sur les champs: c'est à sçauoir l'armée du Duc de Bretagne, l'armée du Comte de Dunois lieutenant general, l'armée du Comte d'Eu & de S. Pol, & celle du Duc d'Alençon. Et faisoit le Roy grand diligence de pourueoir lesdictes armées, de ce qui leur estoit mestier, tant argët, bombardes, artilleries, comme autres choses. Et venoient de toutes pars gens nouveaux pour porter nouuelles au Roy & ausdictes armées. Cedit iour de samedi ou dit an Guillaume Chanu capitaine de Pontoise avec certain nombre de gens de guerre alla courir deuant le chasteau d'Anjou, & somma de pat le Roy de France, Portugal capitaine dudit lieu de rendre la place & icelle mettre en l'obeissance du Roy de France. Portugal capitaine oyant nouuelles de iour en iour comment tout le pays se rendoit au Roy de France, & le recognoissoient les habitans d'iceluy pays pour leur souverain seigneur, vueillās à iceluy obeir, & sachant de vray à luy estre impossible de resister au Roy ny à sa puissance, a fait traicté audit Chanu, moyennant lequel, ladicte place luy a esté rendue, & par ainsi mise en l'obeissance du Roy, à la garde duquel chasteau, a esté ledit Chanu commis pour le Roy. Le Dimanche apres ensuiuant se partit messire Loys de Luxembourg Comte de S. Pol de Vernon, pour venir mettre le siege deuant Gournay. Et luy arriué deuant ledit lieu vindrent aucuns des bourgeois de la-

dicté ville, dôt estoit garde Guillaume Harpe sous Guillaume Coronam Anglois, afin de bailler & liurer audit Comte ladicte place. Et pource ledit lieutenant doubtant & craignant fort qu'il ne vint mettre le siege deuant eux. Sachât aussi le demené de la guerre, & comment leurs voisins estoient portez en tel cas: considerât aussi les parolles du sage où il dit. Belle doctrine prend en luy qui se chastie par autrui. Pourquoy ledit Comte arriué vint ledit Guillaume Harpe & avec luy vn des habitans d'icelle ville, nommé Raoullet Pailleauoine avec aucuns autres pour entretenir le traité fait avecques ledit Comte de S. Pol, lequel auoit esté fait à Longueville. Et fut l'appoinctement tel que ladicte place luy seroit rendue avec le chasteau, combien que mōseigneur de Moÿ & Guillaume Chanu ignorans l'entreprinse d'iceluy Comte de S. Pol, labourerent fort & instamment pour cuidoer prendre ladicte place d'emblée: mais ce venu à leur cognoissance se depoiterent à tant pour l'honneur d'iceluy Comte, aussi ladicte ville & chasteau, estoient battus de deux vergers: laquelle place le Roy auoit donnée audit Comte sa vie durant avecques toutes leurs appartenances: pour la garde desquelles la ville & le chasteau a esté cōmis de par ledit Comte messire George de Croix seigneur de Blainfel. Et ce pēdant que ces appoinctemēs se faisoient le Comte d'Eu estoit à Endely sur Seine & d'illec s'en alla logger au Pont S. Pierre, où il fut trois iours: puis allerent mettre le siege deuant Harcourt & rappasserent Seine pour ce faire. Le lundy ensuiuant xxix. dudit mois d'Aoust se partirent tous les seigneurs qui auoient esté à la prinse de Vernon & tirerent pour aller deuers le Roy à Louuiers pour cōclurre & proceder ensemble, comment on procederoit en outre au fait de la conqueste: & ce pendant qu'ils furent assemblez monseigneur de Ialongnes Marechal de France, & mōseigneur de la Roche Guyon aians grand compaignie de gens de guerre, aduiserent maniere de conquerre, & reduire le chasteau de la Roche Guyon en l'obeissance du Roy: Et pour ce faire enuoierent trente compaignons ou enuiron par eau bien habillez de trait & de canons, lesquels vindrent deuant la place saignans y vouloit mettre le siege, & faisoient vn si grand huÿ, & bruit que s'ils eussent esté deux cens: & seiournerent ledit lundy, matdy & mercredy tousiours escarmouchās. Et combien qu'ils ne fussent dedās ladicte place que seize Anglois ou au dessus, neantmoins ne conquesterent rien sur eux les François. Et le iedy iij. iour de Septembre vindrent illec le seigneur de Ialōgnes & de la Roche deuant ladicte place. Pourquoy Jean Houël Anglois capitaine dudit lieu (voiant telle compaignie estre deuant luy, à laquelle il ne pouoit resister, doubtant fort le siege, considerant aussi aucunement le bon droit qu'auoit le Roy de France à conquerir son Royaume, & mesmement voiant le seigneur de ladicte place, estre en personne) traita ausdits seigneurs de leur rēdre ledit lieu & place ou cas qu'il n'auroit secours dudit Roy d'Angleterre, ou de son lieutenant en dedans quinze iours prochains ensuiuans: & aussi s'en deuoiet aller luy & ses compaignōs où bon leur sembleroit. Et ce fut notifier au Duc de Sombreflet gouuerneur de Normādie qui estoit à Roüen. Et là trouua façon celuy qui auoit porté lesdictes nouuelles au Duc avecques xxiiij. Anglois d'eux venir bouter dedans ladicte place: & auoient machiné de tuer ledit Houël, & tantost qu'il fut venu audit lieu de la Roche cuida attirer aucuns de la garnison, pour bouter dedans

dedans lesdits xxiiij. Anglois, affin d'executer son damnable propos : mais ce venu à la cognoissance dudit Houël par certaines coniectures il enuoya hastiuement querir ledit seigneur de la Roche, lequel sefstoit retraict en attëdant ledit xv. iour qui estoit prins enuers eux, auquel il bailla ladiète place. Et apres se partirent iceux Anglois & s'en allerent par sauſconduit, ſeurement : & demoura ledit Houël, qui se feit françois en faillant le ſermët, parmy qu'il deuoit iouir des terres de ſa femme estans en l'obeissance du Roy : car elle estoit natifue de France, & l'ordonna ledit seigneur de la Roche à la garde de son chasteau.

Comment messeigneurs les Comtes d'Eu & de S. Pol prindrent d'assault la ville de Neuf-Chastel de Nicourt, & comment le chasteil se rendit par composition. Et comment le Comte de Dunois print le chasteil de Harcourt.

ENuiron la my Septëbre fut conclud & deliberé à Louuiers que veu la grand cheualerie qui estoit assemblée, il estoit expedient pour abbreuiation d'icelle que l'armée se departit en deux parties: c'est à ſçauoir que Charles d'Artois Comte d'Eu, Loys de Luxembourc Côte de S. Pol & autres: lesquels auoiët en leur compagnie de trois à quatre mil combattans, yroient mettre le ſiege deuât le Neuf-chastel de Nicourt, duquel estoit capitaine Adam Illeton Anglois, & pource se partirent pour aller mettre ledit ſiege & y arriuerët le mardy xxj. de Septëbre, & le ieudy ensuiuant la ville fut prinſe d'assault, & le chasteau demoura assiegé, lequel se rëdit au bout de quinze iours par composition. Pour l'autre armée fut ordonné par monseigneur le Comte de Dunois Lieutenant general: avec lequel estoient les Comtes de Cleremont & de Neuers, accompagnez à quatre mille de gens de guerre & bons combattans: lesquels apres le departement de Louuiers alla mettre le ſiege deuant le chasteil de Cambresis le xviii. iour de Septembre, duquel estoit capitaine Guillaume Crinton Anglois, accompagné de deux cens hommes de guerre: deuant lequel chasteil ils furent par l'ëspace de sept iours ou enuiron, & apres se rendirent par composition comme dessus : & feit ladiète composition le Comte de Cleremont audit capitaine & à deux cens hommes de guerre estans en ladiète place. Ainſi demoura ledit chasteau en l'obeissance du Roy. Depuis & ſans interualle alla monseigneur de Dunois & toute ſa compagnie deuant le chasteau de Harcourt, qui est bel & fort: duquel estoit capitaine meſſire Richard Frongueual cheualier Anglois, lequel auoit avec luy huiët vingts Anglois ou enuiron, & furent assiegez par mondit seigneur de Dunois: lequel ſiege y fut par l'ëspace de xv. iours eſcarmouchans lesdits Anglois par chacü iour: & feirent de gräs approches, eſquelles fut tué d'vn canon vn moult vaillant homme d'armes de la garnison de Louuiers, & vn Anglois fut pareillement tué d'vne couleurine ſur le portail de la baſſe court. Et estoit lors ledit Frongueual deshonoré & pendu par les pieds à la porte dudit Louuiers : & adonc les françois qui deuant eux estoient, voians leur rebel lion feirent aſſortir & iëcter leurs canons contre ladiète place, & tellement que du premier coup ils percerent tout outre les murs de la baſſe court, & lors lesdits Anglois doutans fort lesdits canons, compoſerent à rendre ledit chasteau ou cas qu'ils ne ſeroient les plus forts en champ à vn iour

dit, qui fut le vendredy, & de ce baillerent hostages : auquel iour ils ne se trouuerent point, & pource rendirent ledit chastel lequel ils auoient tenu par l'espace de quinze iours. Et par ainsi demoura ledit chasteau en l'obeissance du Roy. En ce temps les Anglois de la garnison de la ville & chasteau d'Assey allerent pescher vn estang allé loing de ladicte ville, & vint à la cognoissance du Duc d'Alençon, lequel incontinent monta à cheual & print gens pour y aller avec luy le plus secretement que faire se pouoit, & tellement & si sagement y besongna qu'ils furent prins, & au plus tost les mena deuant ladicte ville d'Assey, laquelle il leur feit rendre ou autrement il leur eust fait trancher les testes. Et ainsi demoura ladicte ville en l'obeissance du Roy de France. Ce pendant ceux de la garnison de Dieppe pour le Roy de France sceurent qu'il y auoit pou de Anglois en l'abbaye de Fescamp, qui est vn port de mer, & y allerent secretement & la prindrent d'emblée. Et tãstot apres y arriua vne nef qui venoit d'Angleterre, en laquelle y auoit quatre vingts & dixsept Anglois gens de guerre, qui venoient pour estre en garnison en ladicte abbaye, cuidans qu'elle fust encores en leur obeissance : mais les François tout degré les laisserent descendre, lesquels furent tous prins & demourerent prisonniers ausdits François.

Comment le Duc de Bretagne & le Connestable de France à grosse armée de g's de guerre entrerent en la Normandie & allerent mettre le siege deuant S. Lo qui leur fut rendu: puis se rendirent plusieurs petites places. Et comment la ville de Caranten se rendit, &c.



En ce mesme temps, & audit an le Duc de Bretagne & le Comte de Richemont son frere Connestable de France à grand compaignie de nobles hommes & de plusieurs autres gens de guerre du païs de Bretagne, estans en nombre de mil à douze cens lances, entrerent en la basse Normandie pour ledit païs reduire & mettre en l'obeissance du Roy, que les Anglois (anciens ennemis du Royaume) auoient vsurpé & tenu contre raison par l'espace de trente deux ans ou environ. Et vindrent au giste à la ville du Mont S. Michel: & lesdits Princes, seigneurs & leurs gens logerés parroisses des Pas Ardenon hault & bas, Courtis, S. George, en Gaine, Poitulbâch & illec environ. Et au partir de Bretagne laissa son frere messire Pierre de Bretagne sur les marches de Fougieres & d'Auranches pour la garde du païs à tout trois cens lances. Et le lendemain lesdits Ducs & Connestable firent leur auantgarde: en laquelle estoit messire laques de Luxembourg lieutenant dudit Connestable, les Marechal & Admiral de France, estans ensemble de quatre à cinq cens lances, qu'iceluy iour allerent coucher deuant ladicte ville de Constances, & le Duc & le Connestable en leur compaignie, le Comte de Lual & autres pour la bataille estoient ensemble de cinq à six cens lances, & demourerent celle nuit à Grand-ville & illec environ. Et le lendemain le Connestable avec ladicte bataille allerent audit Constances & arriuerent deuers l'hostel Dieu. Et depuis leur armée arriuée deuant ladicte ville de Constances, ils n'y furent que vn iour, que les Anglois qui estoient dedans ladicte ville se departirent, & les bourgeois manans & habitans de ladicte ville demourerēt en leurs biens, comme ils estoient au parauant ladicte guerre. Tantost apres alla ledit Duc de Bretagne

taigne mettre le siege deuant S.Lo, & y enuoya premierement ladicte auantgarde qui le logea d'un costé. Et le lendemain y arriuerent le Duc & Connestable avecques leur bataille d'autre costé, auquel lieu estoient deux cens combattans, dont estoit capitaine messire Guillaume de Poitou: & combien qu'ils fussent belle compagnie, neantmoins ne firent aucune resistance: mais prindrent composition avec ledit Duc, par laquelle ils s'en deuoient aller en leur party où bon leur sembloit: & par ainsi demoura ladicte place en l'obeissance du Roy de France. Et le Duc & Connestable estans audit S.Lo, furent gaignez par leurs gens les places & chasteaux qui s'ensuiuent: c'est à sçauoir le Hommet, Neufville, Torigny, Beuseuille, Hambie, la Mote-l'Euesque, la Haye-du-puis, Chantelou, l'Aunay, & plusieurs autres petites places à l'entour dudit S.Lo: & fut mise garde en chacune d'icelles places, & mesmement audit S.Lo. Apres ce, le Duc & Connestable enuoyerent leur auantgarde deuant la ville de Carenten: & le lendemain ils y arriuerent à route leur bataille, & ne tindrent les gens de guerre qui estoient dedans ladicte place que trois iours qu'ils se rendirent & s'en allerent vn baston en leur main: & ceux de la ville furent restituez en tous leurs biens meubles & heritages. Et adonc se partirent le Marechal & Admiral de France & s'en allerent deuant le Pont-d'Ouë, lequel ils prindrent d'assault: & incontinent apres toute ladicte auantgarde alla courir au cloz de Constantin, & se rëdit à eux la place, laquelle fut baillée à garder à Ioachin Rouhault. Et dudit lieu de Carenten les seigneurs dessusdits s'en retournerent à Constances, & de là ou mois d'Octobre ils enuoyerent partie de leurs gens deuant Gaurey. Et le lendemain arriua le Connestable, & demoura le Duc celuy iour audit lieu de Constances: & auant la venue dudit Connestable auoit esté prins ledit Gaurey d'assault & le bouleuert dudit lieu. Et le lendemain messire Geoffroy de Couuren qui faisoit le guet, mina & feit approches telles, que cedit iour ledit Gaurey fut assailly bien & vaillamment: & tellement que les Anglois qui estoient dedans bien de six à sept vingts combattans, demanderent à parler audit Connestable pour faire composition: lesquels eux & leurs biens s'en allerent par traicté faire.

Comment le Duc d'Alençon print sa ville d'Alençon. Comment le Comte de Foix print la ville & chasteil de Mauleon. Comment le Comte de Dunois print Argenten. Et comment les Anglois se retrahirent au donjon & s'en allerent vn baston au poing.

Durant ce temps le Duc d'Alençon se transporta au point du iour deuant la ville d'Alençon par le consentement des bourgeois & habitants d'icelle ville, par le moyen desquels ledit Duc print & entra dedans ladicte ville & se retrahirent les Anglois dedans le chasteau, lequel incontinent fut assiegé par ledit Duc qui auoit en sa compagnie huit cës lances avec les archiers, & estoient grãd nombre d'Anglois dedans ladicte place, qui eurent tous le cuer failly: car ils firent petite resistance & se rendirent audit Duc d'Alençon, auquel competoit & appartenoit ladicte ville de son propre heritaige, à l'aide duquel vint messire Loÿs de Beaumont gouuerneur du Mans à tout soixãte lances & les archiers, & estoit encores pour lors le Roy à Louuiers. En ce mesme temps, enuiron la fin du mois de Septembre le Comte de Foix accompaigné des Comtes de Comminges, d'Estarç, du Vicomte de

Lautreec son frere, & de plusieurs autres seigneurs, barons, cheualiers & escuyers des païs de Foix, de Comminge, d'Elstact, de Bigore, & de Bierne, iusques au nombre de cinq à six cens lances & deux mil arbalestriers, se partit de son païs de Bierne & cheuacha à toute sa compaignie parmy le païs des basques iusques deuant la ville de Mauleon & de Solle, où il meit le siege, & tantost apres ledit siege mis ceux de ladicte ville doutans qu'ils ne fussent prins d'assault: mesmement veu & consideré la grand compaignie des gens de guerre qui estoient avecques eux pour euitier tous inconueniens, qui à l'occasion dudit siege leur pourroient aduenir, se rendirent par composition: c'est à sçauoir qu'ils ne domageroient en corps & en biens iceux habitâs de la ville. Et lors se retrahirent les Anglois dedans le chasteau qui est le plus fort de la Duché de Guyenne: car il est merueilleusement hault assis sur vne roche. Adonc ledit Comte sceut qu'il y auoit pou de viures dedans iceluy chasteau: & pource y meit le siege de tous costez: pourquoy ce venu à la cognoissance du Roy de Nauarre pour à ce obuier & bailler secours à iceux assiegez, & pour leuer le siege fait son mandemét de toutes pars, & cheuacha accompagné de six mille Arragonnois, Gascons, Anglois & Nauarrois iusques à deux lieues pres dudit siege, le cuidant leuer: mais quand il sceut la fortification & puissance d'iceux qui tenoient le siege fait reculer ses gés, & retraire: puis enuoya ses messagiers deuers le Comte de Foix, luy dire qu'il desiroit de parler à luy, & luy enuoya seureté de venir à telle compaignie que bon luy sembleroit. Et vint ledit Roy de Nauarre à tout petite compaignie à vn quart de lieuë pres dudit ost, à tout sa seureté où estoit ledit Comte de Foix: auquel il dist apres salutatio faicte, que veu qu'il auoit espousé sa fille dont il auoit belle lignée, & aussi attédu l'affinité qui deuoit estre entr'eux deux se donnoit grand merueille commét il auoit voulu assieger ladicte place sous sa sauuegarde: & mesmement, veu que son Conestable en estoit capitaine de par luy pour le Roy d'Angleterre, auquel il auoit promis le faire garder seurement contre tous. Adonc ledit Comte son gendre tresgracieusement & en luy portant tout honneur, luy dit qu'il estoit Lieutenant general du Roy de France és parties d'entre Gironde & les Mons: estoit aussi son patent & subiect, & par son commandement auoit prins ladicte ville, & mis le siege deuant ledit chasteau: & pource, pour son honneur garder & à ce que ou temps aduenir ne luy fust impugné aucun crime ou reproche ne à hôme de son lignaige, iamais pour homme ne sen leueroit ne ne se desplaceroit luy ne son ost s'il n'estoit combattu & vaincu iusques à ce que ledit chasteau fust rendu en l'obeissance du Roy, mais à toutes choses à luy possibles il aideroit, conforteroit & seruiroit ledit Roy de Nauarre pere de sa femme, reserué toutesfois, contre le Roy de France, ses subiects & alliez en tant qu'il touche le fait de la couronne de France. Et ainsi sen retourna le Roy de Nauarre & son ost en son païs. Et quand ceux dudit chasteau virent qu'ils ne pouoient en riens estre secourus, attendu la necessité qu'ils auoient de viures, ils luy rendirent ledit chasteau, par composition, & par ainsi demoura ledit chasteau & ville en l'obeissance du Roy de France. Et tantost le sire de Luce accompagné de six cens combattans portans tous les croix rouges: lequel est homme du Roy de France à cause du chasteau de Mauleon à luy competant & appartenant, alla faire hommage au Roy en la main
du

du Comte son lieutenant és marches & païs que dit est. Et incontinent apres le serment par luy & les gens fait, l'en retourna à toute sa compaignie en sa maison, portans tous les croix blanches dont le peuple, hommes, femmes & enfans furent moult esbahis : & ce fait l'en alla ledit Comte & ses gens en son païs apres garde souffisante mise avecques capitaine audit lieu de Mauleon. Le vingt & septiesme iour de Septembre alla monseigneur de Blanville à grand compaignie de gens d'armes deuât le chasteau de Toucques, qui estoit vn treffort chasteau assis sur vne roche ioignant de la mer, ouquel estoient en garnison soixante Anglois pour la garde d'iceluy : lesquels voyans si grand compaignie estre deuant eux, ne firent gueres de resistance : mais prindrent composition avecques ledit seigneur, par laquelle ils s'en allerent leurs corps & leurs biens saufs, chacun où bon luy sembla. En ce mesme an le dernier iour du mois de Septembre les Comtes de Dunois, de Clermont, de Neuers & plusieurs autres de leur compaignie meirent le siege deuant le chasteau d'Yemmes, lequel les Anglois rendirent incontinent leurs corps & leurs biens saufs, & ainsi demoura ladicte place en l'obeissance du Roy. Apres le partement d'Yemmes s'en alla ladicte armée avec ledit Comte de Dunois lieutenant general deuant la ville & chasteau d'Argentan, où ils meirent le siege. Et tantost les Anglois qui dedans estoient, seinctement commencerent à parlermenter combien qu'ils n'auoient aucune volenté d'eux rendre. Et quand les bourgeois & autres habitans veirent & cogneurent les Anglois ainsi abuser les François à parlermenter : cognoissans aussi que leur volenté estoit d'eux tenir contre la puissance desdits François, & qu'ils disoient au plus loing de leur pensée, lesdits bourgeois & habitans appellerent aucuns desdits François du costé où ils ne parlemoient point, & leur dirent la volenté des Anglois ce qu'ils auoient intention de faire : pourquoy leur demanderent estandart, baniere ou autre panonceau pour enseigner & leur dirent que là où ils mettroient ladicte enseigne ils veinssent seurement, & ils les bouteroient dedans ladicte ville, & ainsi le firent. Et quand les Anglois les apperceurent entrer dedans ladicte ville ils se retrahirent hastiement ou chasteau, & incontinent on tira contre la muraille, vne grosse bombe qui y feit vn grand trou assés grand pour passer vne charette. Et lors les François voyans iceluy chasteau estre ainsi abbattu, assaillirent iceluy chasteau & entrerent dedans parmy ledit trou : mais lesdits Anglois se rebouterent diligemment ou donjon, lequel ils rendirent incontinent de paour d'estre prins d'assault, & combien qu'ils demandassent composition ils n'emportèrent chacun qu'un baston en son poing.

Comment le Roy de Cecille vint à Louuiers deuers le Roy de France. Et comment ceux de Fresnoy se rendirent au Duc d'Alencon, puis parle de la composition de Gisors. Et comment on assiegea chasteau Gaillard.



N ce mesmes temps & saison vint le Roy de Cecille deuers le Roy de France audit Louuiers, lequel fut receu à moult grand chiere. Et aussi estoient illec le Comte du Maine son frere & plusieurs Comtes, barons, cheualiers & escuyers qui seroit longue chose à reciter & iusques au nombre de deux cens lances & les archiers, sans en ce comprendre

la compagnie du Duc d'Allençon: celle du Duc de Bretagne, celle du Comte de Dunois lieutenant general, & celle du Comte de Cleremont, sans celles des Comtes d'Eu, & de S. Pol, lesquelles armées estoient moult grand compagnies & notables hommes. Et pource le Roy voiant si noble cheualerie se conclud & delibera de proceder à la conqueste & recourance de son pays & duché de Normandie, & enuoya mettre le siege à vn lundy deuant le chastel Gaillard qui est moult fort & imprenable sinon par famine, & n'est pas possible de le prendre par force ne autrement tant qu'il y ait que viure dedans ladicte place: car il est assis pres de la riuere de Seine sur vne Roche, & en tel lieu que nuls engins ne la pourroient greuer: & y fut mis le siege par le Seneschal de Poictou & plusieurs autres: lesquels à le mettre se gouvernerent vaillamment & grandement, & y alla le Roy de France. En ce mesme temps monseigneur le Duc d'Allençon mit le siege deuant la ville & chasteau de Fresnoy, où il y auoit grand quantité d'Anglois, lesquels ne se rebellerent en riens, pource qu'ils veioient les gens du Roy ainsi prosperer. Mais rendirent la place audit Duc d'Allençon par composition. Ce pendant que le siege estoit deuant ledit Gaillard auant la reddition d'iceluy deux ou trois iours, messire Richard de Merbury cheualier Anglois, capitaine de Gyfors fit composition pour la ville & chasteau dudit lieu de Gyfors avec le frere de sa femme, le xvij. iour d'Octobre ensuiuant. Et de fait se rendit François ledit capitaine & fit le serment en tel cas accoustumé, moyennant & par condition qu'on luy deliureroit purement & nettement & sans despens deux de ses enfans, l'un nommé Iean & l'autre Hemond, lesquels auoient esté prins au Ponteau-de-Mer: avec ce luy fut accordé qu'il iouiroit des terres de sa femme que les François tenoient & occupoient, fut par don du Roy ou autrement. Et outre-plus, à la requeste des parens de ladicte femme, & pour les agreables seruites que le Roy esperoit que luy & ses enfans luy feroient au temps aduenir, le fit capitaine de S. Germain en Laye, & luy donna sa vie durant, seulement tous les profits & emolumens à ladicte capitainerie appartenans. Et demoura capitaine par le don du Roy de la ville & chasteau de Gyfors monseigneur de Gaucourt, lequel auoit grandement trauaillé son corps ou seruite du Roy & tellement que veu son aage qui est de quatre vingts ans ou mieux il a acquis vn grand honneur.

Comment le Roy de France manda les Comtes de Dunois, d'Eu, & de S. Pol & leurs gens venir deuers luy pour aller deuant Roüen, où ils furent trois iours, puis s'en retournerent. Comment aucuns de Roüen leur cuiderent liurer la ville, comme le Duc de Bretagne assiegea Fougieres. Et comment Condé fut prins.



V mois d'Octobre ensuiuant ou dit an le Roy de France manda au Comte de Dunois & aux autres seigneurs de sa compagnie tenans les champs, qui auoient mis Argenteu en son obeissance. Et pareillement au Comte d'Eu & de S. Pol, & à ceux de leur compagnie qu'ils vinsent deuers luy pource qu'il vouloit mettre le siege deuant la cité de Roüen, & la reduire en son obeissance, lesquels tous hastiuement vindrent à son mädement & cheuaucherent tât, que les compagnies dudit Comte de Dunois, d'Eu & de S. Pol se trouuerent en la champaigne du Neufbourg: & s'assemblerent de l'autre

l'autre costé pres de Roüen. Tantoist apres se partit le Roy de France de sa ville de Louuiers accompagné du Roy de Cecille & des autres, & cheuaucha iusques deuant le Pont-de-l'Arche où ceux de la ville vindrent au deuant de luy aux champs, faïsans grand ioye de son aduenement. Et lors sans quelque delay enuoia sommer ceux de la ville & cité de Roüen par ses heraulx, affin que sans oppressiõ aucune ils luy voulsissent rendre & mettre en son obeïssance ladicte ville & cité: mais les Anglois qui dedäs estoient cõsiderans assez la cause pourquoy lesdits heraulx venoient, ne voudroient laisser approcher ladicte ville ne bailler leur sommation: ains leur respondirent qu'ils s'en retournassent à grand haste: aussi feirent ils: car ils furent en grand peril & danger de mort. Et incontinent lesdits heraulx retournez deuers le Roy & leur rapport fait de la maniere que les Anglois auoient tenue à lesdits heraulx, feit passer tous ses gens audit Pont-de-l'Arche: desquels estoit conduiseur ledit Comte de Dunois comme son lieutenant general, & les enuoia deuant la cité de Roüen où ils furent trois iours en grand multitude & puissance de gens. Pendähs lesquels trois iours iceux gens de guerre autant le grand comme le petit eurent moult à souffrir & endurer par l'orage de pluïe qu'il feit. Et à pou estoit tout l'ost perdu de l'ord chemin & de la pluïe qu'il faisoit. Et ce nonobstant ceux de dedans icelle ville feirent de grans saillies, où il y eut de moult belle proësses & armes faïctes: & y fut prins vn escuyer françois nommé le Bastard Forbier par son cheual qui cheut soubz luy: lesdits seigneurs & gens d'armes quelque temps qu'il fêlt se meirent en bataille deuant ladicte cité, & les enuoyerent la seconde fois sommer par lesdits heraulx du Roy: mais lesdits Anglois ne voulurent souffrir qu'ils approchassent de la ville, ne qu'ils parlassent au peuple: ains s'en retournerët sans riens faire, ains comme ils auoient fait la premiere fois, qui est contre toute ordre de seigneurie & de cheualerie: car heraulx doiuent aller & venir sauueement pour faire ce à quoy ils sont enuoyez, pourueu qu'il n'y ait en leur fait aucune trahison. Et lors lesdits heraulx retournez & leur rapport fait audit Côte de Dunois, iceluy voiant que nul de ladicte cité ne faisoit semblant ne maniere de vouloir rendre ladicte ville: considerant le temps & la saison qui estoit sur l'hyuer & la pluye qu'il faisoit s'en retourna au Pont-de-l'Arche: & les gens de guerre se logerent aux villages à l'entour d'iceluy Pont. Et mesmement celuy iour estoit venu le Roy de France, & le Roy de Cecille iusques à vne abbaye de dames à vne lieuë & demie de Roüen, lequel s'en retourna au giste audit Pont-de-l'Arche & demoura ledit Roy de Cecille derriere iusques à ce que toutes les compagnies se fussent retraictes audit Pont-de-l'Arche, & es marches enuiron. Pou apres vindrent nouuelles audit Roy de France qu'aucunes gens de ladicte ville de Roüen se mettoient sur la muraille d'icelle ville dedans deux tours, & là gardoient vn pan de mur, en maniere que les François pourroient bien entrer par là en icelle ville: & fut enuoyé, de celle part ledit Comte de Dunois avecques l'armée dessusdicte pour entreprendre icelle besongne: lesquels partirent tous ensemble le iedy seiziesme iour dudit mois d'Octobre, & se meirent en mont belle ordonnance sur les champs: puis cheuaucherent tant qu'ils arriuerent deuant ladicte cité de Roüen, & se meirent en bataille deuers le Neuf-Chastel, de laquelle ils feirent & ordonnerent deux parties: dont

l'vne estoit entre la porte des Chartreux & la porte Beauvoisiène. Et en estoient conduiseurs le Comte de Dunois lieutenant general du Roy, le Comte de Nevers, le Comte d'Eu, le Côte de S. Pol & plusieurs autres cheualiers & escuyers: & l'autre bataille estoit entre la iustice de Roüen & la cité: En laquelle estoient le Comte de Cleremont, le Comte de Chartres, le Vicomte de Lomaigne & plusieurs autres cheualiers & escuyers. Et furēt tous en la bataille iusques apres deux heures apres midy. Et à celle heure faillit vn homme de celle cité à cheual, qui vint dire ausdits seigneurs tenans lesdictes batailles qu'il y auoit de gés de la ville qui tenoient de fait & de force deux tours pour bouter les gens du Roy dedans. Et lors incontinent ledit Comte de Dunois & les autres seigneurs tenans la bataille deuant la porte des Chartreux, firent marcher apertement leurs gens de traict pour venir ioindre à vn pan de mur entre lesdictes deux tours: & lors descēdit à pied ledit Comte de Dunois & ceux de sa compagnie, & marcherent iusques à la muraille de ladicte ville, où ils dresserent tant pour d'eschelles qu'ils auoient entre lesdictes deux tours, & faisoit vn chacun grand diligence pour monter contremont le mur. Là furent faits cheualiers le Comte de Nevers, le sire Concrefaut, Brunet de Long-champ, le sire de Pleumartin, Pierre de la Fayette, le sire de Grauille, maistre Guillaume Cousinot, Jaques de la Riviere Baillif de Nyvernois, Robert de Herautullier, & plusieurs autres qui tous faisoient grandement leur deuoir de monter sur ladicte muraille, & tellement qu'ils estoient de trente à quarante François tant dessus le mur que dedans la ville. Sur lesquels vint charger moult vaillamment le seigneur de Thallebot à tout trois cens Anglois en sa compagnie, lequel vint planter sa banniere sur le mur, afin de rebouter lesdits François qui ja estoient en partie dedans la ville, comme dit est: & se combattirent moult vaillamment iceux François, & tellement que la plus grand partie se sauua à ressaillir dedans les fosses, & furent contrains à ce par la force du traict que les Anglois tiroient: & ceux qui ne se peurent retraire furent morts ou prins dedans ladicte ville, & chargerent si asprement sur lesdits François qu'ils furent maistres de toute la muraille & desdictes deux tours: & là furent que morts que prins ou dit assaut de cinquante à soixāte hommes tant des François que de ceux de la ville, qui leur aidoient & fauorisoient: & les aucuns en faillant pour eux cuider sauuer se tuefent, & les autres s'en eschapperent: & mesmement aucuns de ceux qui estoient dedans lesdictes tours se rompirent les iambes, & les autres furent prins par les Anglois & meurdri moult inhumainement, & estoit grand abhominacion de veoir le sang qui estoit entre icelles tours. Ce pendant arriuerēt à Dernatal lesdits Roys de France & de Cecille, lesquels quand ils veirent la chose ainsi faillir & que ceux de la cité & de la ville n'estoient pas bien vnīs ensemble, s'en retournerent le xvj. iour d'Octobre audit Pont-de-l'Arche. Et tous les gens de guerre s'en allerent loger par les villages sur la riuere de Seine où ils auoient leurs ordonnances. Le xvij. iour du mois d'Octobre messire Richard Merbury cheualier Anglois dessus nommé en accomplissant ses promesses bailla & deliura le chasteau & ville de Gisors dont est faicte mention cy dessus & les meit es mains de monseigneur de Gaucourt pour le Roy de France. Et par ainsi luy furēt rendus ses deux enfans qui estoient prisonniers: & avec ce toutes autres promesses à luy

à luy faictes & entretenues, & par ainsi se departit. Et feit departir vn capitaine Anglois nommé Regnéfort qui sous luy auoit eu la garde & charge des gens d'armes, & parauant ce contract ordonné à la garde de ceux ville & chastel. En ce temps se partit le Duc de Bretagne de la basse Normandie où il auoit prins moult de places, comme dit est, s'en retourna mettre le siege à Fougieres que tenoit messire François l'Arragonnois de Surienne. En ce mesme temps fut prins par les François le chasteau de Condé sur Noireau par la porte par defaute de garde. Et là fut prinse la femme de messire François l'Arragonnois qui autresfois auoit esté desnichée & depuis reboutée dedans ledit chasteau de Condé. Et eurent lesdits François tous leurs biés estans en ladicte place avec ce que lesdits Anglois demourerent leurs prisonniers.

Comment l'Archeuesque de Roüen & aucuns autres traisterent de rendre Roüen au Roy de France: & comment les clefs de ladicte ville furent presentées au Comte de Duinois Lieutenant general du Roy, lequel avec ses gens entra en icelle.



Exviii. iour dudit mois d'Octobre les manans & habitans de la cité de Roüen pour la grand paour & frayeur qu'ils auoient eu dudit assaut doubtans que ladicte ville ne fut prinse en pareil cas, & par ce moyen pillée, desolée & destruite, & aussi pour euer l'effusion du sang humain qui pourroit aduenir par icelle prinse, s'assemblerent d'un accord avec l'Archeuesque dudit Roüen, lesquels estoient esmeuz & desplaisans de la mort d'aucuns de ladicte ville, qui auoient esté meurdrys & tuez audit assaut: & s'ils eussent rencontré à icelle heure en la commotion où ils estoient le sire de Thallebot, selon commun l'ageage, ils l'eussent occis comme il auoit fait aucuns de leurs parens. Si rencontrerent le Duc de Sombreffet & luy dirent qu'il estoit tresexpedient qu'ils eussent traicté avec le Roy de France: car autrement ils estoient perdus & affamez: & qu'il y auoit six sepmaines & plus qu'il n'estoit entré en ladicte ville bleds, bois, chair ne vin: lesquelles parolles ne furent gueres plaisantes audit Duc. Adonc commença à regarder autour de luy & veit qu'il n'auoit en sa compagnie que cinquante ou soixante Anglois: & ceux de Roüen estoient bien de huit cens à mil, sans le demourant de ladicte ville, qui estoient en armes parmy les rues, dont fut moult esbahy le Duc. Et adonc le comença à fort humilier & respôdit à l'Archeuesque & au peuple qui là estoit, qu'il estoit prest de faire ce que les gens de la ville voudroient. Et adonc vint pour appaiser le peuple à l'hostel de la ville, où les assemblées ont accoustumé estre faictes, & là pourparlerent ensemble & tant qu'apres plusieurs allegations & collations fut conclud que ledit Archeuesque, avec aucuns cheualiers Anglois & autres bourgeois de ladicte ville yroient au Port-Saint Ouen pour parler au Roy ou aux gens de son grand conseil pour le bien & vtilité de ladicte cité & du bien public: & pource fut enuoyé l'Official de ladicte ville de Roüen au Pont-de-l'Arche deuers le Roy pour auoir vn saufconduit pour aucuns d'icelle tant d'Eglise, gens de guerre, marchans comme autres, afin de trouuer aucun bon traicté & appointement: si leur fut octroyé & baillé. Et ledit Official retourne deuers l'Archeuesque, le Duc & les citoyens de la ville furent ordonnez, c'est à sçauoir l'Archeuesque avec plusieurs autres no-

tables & aucuns cheualiers & escuyers de la part dudit Duc de Sombreffet pour aller au Port-de-Sainct-Ouen à vne lieuë pres dudit Pont-de-l'Arche: où ils trouuerent pour le Roy de France ledit Comte de Dunois son lieutenant general, le Chancelier de France, le Seneschal de Poictou, messire Guillaume Cousinot & plusieurs autres: avec lesquels ils parlementerent longuement, & requeroient tresinstantment qu'abolition generale leur fut baillée: c'est à sçauoir que ceux qui s'en voudroient en aller au partir des Anglois s'en allassent, & ceux qui voudroient demourer demourassent sans quelque perdition ou arrest de leurs biens. Et avec ce que les Anglois s'en yroient en leur party & leur seroit baillé bon & loyal saufconduit pour eux & pour leurs biens. Lesquelles requestes leur furent accordées par ledit Comte de Dunois & autres du grand conseil du Roy, par ainsi que l'Archeuesque & ses consors promettoient de mettre ladiète ville & cité en l'obeissance du Roy de France. Et à tant se departit ledit Archeuesque & ses consors pour aller faire leur rapport tant aux Anglois comme à ceux de ladiète cité: mais pource qu'ils arriuerent tard & de nuict ne peurent faire leur respôce: & lendemain samedy xviii. iour dudit mois au plus matin alla ledit Archeuesque & ceux qui auoient esté avec luy audit port-sainct-Ouen, en la maison de la cité pour reciter deuant les Anglois & les citoyens l'appoinctement & les parolles qu'ils auoient eues avecques les gens du Roy de France: lesquelles parolles & appoinctemens furent tresaggreables à ceux de ladiète ville & tresdesplaisans audits Anglois. Lesquels quand ils veirent & apperceurent la volenté & le grand desir que le peuple auoit au Roy de France furent moult esbahis, & par especial lesdits Duc & sire de Thallebot. Pourquoy se partirent mal contents de la maison de la ville, & se meirent tous en armes: puis se retrahirent au palais, sur les ponts & portaux & au chasteau de ladiète ville. Et adonques quand ceux de la cité cogneurent leur contenance se doubterent fort, & pour ceste cause se meirent pareillement en armes & feirent moult grand guet & grand garde tout ce iour de samedy & la nuict pareillement, & aussi faisoient iceux Anglois de leur party. Celle mesmes nuict les citoyens de ladiète ville desirans expeller les Anglois qui ne vouloient point de traité, enuoyerent vn homme au Pont-de-l'Arche, lequel y arriua le Dimanche au point du iour pour faire à sçauoir au Roy qu'il veint à leur secours, & ils le mettoient dedans ladiète ville. Et cedit iour de Dimanche fut le dixiesme iour d'Octobre à huit heures du matin ou enuiron s'esmeut le peuple qui se tenoit sur sa garde, & veit lesdits Anglois armez dedans icelle ville: ausquels ils coururent sus & les chasserent si durement & si asprement qu'à grand peine peurent ils gagner lesdits pont, palais & chasteau. Et en y eut à ladiète chasteau morts desdits Anglois de sept à huit: Pendant laquelle chasse ceux de ladiète ville gaignerent les murs, portaux & tours. Pour ausquels donner secours promptement & en grand diligence ledit Comte de Dunois Lieutenant du Roy monta à cheual & avecques luy grand compaignie de gens d'armes. Entre lesquels estoit Floquet Baillif d'Eureux, lequel fut frappé d'un cheual de sa compaignie, tellement qu'il luy rompit la iambe pource qu'il n'auoit point eu loisir de prendre son harnois de iambes: & fut porté au Pont-de-l'Arche pour guerir, apres qu'il eut baillé le gouuernement de ses
gens

gens au seigneur de Maulny . Et quand ladicte compaignie fut arriüée deuant Roüen ils sommerent les gens de guerre estans dedans S. Katherine de rendre la place au Roy : Lequel pendant ladicte sommation se partit du Pont-de-l'Arche grandement accompagné de gens d'armes & de traict pour aller deuant Roüen , & feit charger son artillerie pour faire assaillir ladicte place de S. Katherine, combien que de ce ne fut aucun besoing . Car le capitaine de ladicte place , lequel auoit en sa compaignie six vingts Anglois voians si grande & si noble compaignie estre deuant eux, sachans aussi la venue du Roy & doubtrant iceluy, rendirent ladicte place audit Comte de Dunois, & s'en allerent lesdicts Anglois en leur party ou bon leur sembla . Et furent ordonnez à la garde d'icelle place iusques à la venue du Roy les gens du Baillif d'Eureux . Pour la seurte desquels Anglois leur fut baillé vn hérault du Roy pour les conduire & faire passer au Port-sainct-Ouen, avecques bon saufconduit . Et ainsi qu'ils s'en alloient trouuerent & rencontrèrent le Roy, lequel leur dit qu'ils ne prissent riens sur le païs sans le payer, & ils luy respondirent qu'ils n'auoient point d'argent ne dequoy payer . Lors leur donna le Roy pour faire leurs despens la somme de cent francs & ainsi s'en allerent leurs corps & leurs biens saufs, dont ils n'auoient guerres iusques à Honnefleur ou ailleurs où bon leur sembla : & le Roy s'en vint loger celle nuit audit lieu de S. Katherine en poursuiuant tousiours son entreprinse. Pour donc auoir Roüen veindrent le Comte de Dunois, le Comte de Neuers, le seigneur d'Orual , le seigneur de Blanville & le seigneur de Maulny, avec toutes les compaignies des seigneurs dessusdits à la porte de Roüen du costé de deuers Paris nommée Martin-ville à tout les Bannieres du Roy desployées, & là se meirent en bataille au plus pres du boulleuert de ladicte porte, où vindrent les bourgeois de ladicte ville eux presenter & apporter les clefs audit Comte de Dunois, en disant qu'il luy pleust dedans ladicte cité bouter tel & si grand nombre de gens d'armes que bon luy sembloit : à quoy leur respôdit, que à leur voulenté le feroit . Et pour ce apres plusieurs parolles entre-eux dictes & alleguées pour le bien de la ville fut ordonné à entrer messire Pierre de Bresé Seneschal de Poictou à tout cent lances & les archiers, le sire de Maulny à tout cent lances & les archiers dont la plus part estoient des gens de Robert de Flocques : & des gens du Comte de Dunois aussi cent lances & les archiers, & se logerent au plus pres des Anglois qu'ils peurent : c'est à sauoir les gens dudit Comte de Dunois deuant le palais où estoient dedans le Duc de Sombreffet & le sire de Thallebot à tout douze cens Anglois . Le seigneur de Maulny se logea entre ledit palais & le chasteau, & le Seneschal de Poictou deuant ledit chasteau . Et tous les autres capitaines s'en allerent loger aux champs par les villages du costé de Caulx & de Beauuoisis, & estoit moult belle chose à veoir l'armée dudit Roy de France . Et n'est point memoire qu'on voit oncques à Roy aussi belle armée ou compaignie pour vne fois tant de seigneurs, Barons, cheualiers, escuyers comme autres gens . Ce iour mesme au soir rédirent les Anglois ledit Pont & fut baillé en garde au seigneur de Herannoillier : & le lendemain furent les portes de Roüen ouuertes, & y entroit tout hôme qui y vouloit entrer & yssoit qui vouloit yssir. Adonques le-

dit Duc de Sombreffet qui estoit moult desplaisant en cuer & marry de veoir si grand puissance que le Roy auoit requis à parler à luy. Er ceuenu à la conuoissance du Roy il fut trescontent. Pourquoy se partit dudit Palais iceluy Duc le cinquiesme iour ensuiuant accompagné de ses gens en certain nombre & d'aucuns des heraulx du Roy, lesquels le conuoierent iusques à S. Katherine du môt de Roüen, où le Roy estoit accompagné du Roy de Cecille, du Comte de Dunois & autres de son conseil & seigneurs de son sang. Aussi y estoit le Patriarche d'Antioche, l'Archeuesque de Roüë & plusieurs autres Prelats. Et apres que ledit Duc eut salüé & fait la reuerence au Roy il luy requit qu'il luy pleust que luy, le sire de Thallebot & les autres Anglois s'en peussent aller seurement, en iouissant de l'abolition ainsi que ceux de la cité l'auoient faicte & acceptée à luy où à ceux de son grand conseil. A quoy le Roy meurement & sagement luy respondit que sa requeste n'estoit point raisonnable, obstant ce qu'il n'auoit pas voulu tenir le traité & appoinctement de l'abolition dessusdicte n'adherer à icelle: mais en contemp dudit appoinctement auoit tenu & occupé, & encores tenoit & occupoit luy & ses consors, ledit palais & chasteau d'icelle ville, contre sa volenté: & aussi n'auoit voulu que ceux de Roüen luy rendissent ladicte ville: mais y auoit empesché & résisté tant comme il auoit peu, & pour ces causes estoit frustré d'icelle abolition: & avec ce qu'auant qu'il partit dudit palais il luy redroit les places de Honnefleür, Harfleür & toutes autres places de Caulx estans és mains du Roy d'Angleterre. Sur ces parolles print congé du Roy ledit Duc & s'en retourna au palais regardant parmi les rues tout le peuple portant la croix blanche, dont il n'estoit ioyeux, & fut reconuoyé par les Comtes d'Eu & de Clermont.

Comment le Roy de France feit assieger le Duc de Sombreffet, Thallebot & leurs gens dedans le Palais de Roüen: & comment par composition ils s'en allerent parmy rendant le chasteau d'Arques & autres places cy apres declairées.

E mercredy xxij. dudit mois feit le Roy mettre le siege deuant le palais dudit Roüen par deuers les champs & deuant le chasteau pareillement: laquelle compaignie estoit nombree, huiet cens lances avec les archiers, & seirent de grandes tranchées aueur du palais tant aux champs qu'en la ville. Et furent mises & assises à toute diligence bombardes & canons au deuant de la porte dudit palais qui ouure sur la ville, & pareillement deuant celle qui ouure sur les champs. Adonc quand le Duc de Sombreffet veit & apperceut lesdictes approches il fut moult esbahy: & considerant qu'il y auoit pou de viures audit palais & beaucoup de gens, veu aussi qu'il ny pouoit aucunement estre secouru, requis ou fait requerir au Roy le iedy ensuiuant xxviii. dudit mois, qu'il luy pleust qu'il alast parler à luy. Si luy ottroya le Roy tresbenignement. Et lors se partit dudit palais accompagné de plusieurs chevaliers & escuyers Anglois, qui estoient les principaux de sa compaignie iusques au nombre de quarante ou enuiron, & estoit ledit Duc vestu d'une longue robe de veloux figuré bleu, fourré d'une martres sebelines, & sur sa teste auoit un chapeau de veloux vermeil fourré de pareil martres, & passa parmy la ville conuoie & conduit des heraulx du Roy, & à la fail-
lie de

lie de la porte de ladicte ville, vint le Comte de Clermont aîné fils du Duc de Bourbon, & plusieurs autres seigneurs cheualiers & escuyers: lesquels le conduisirent iusques à S. Katherine où le Roy estoit logé, lequel le receut tresbenignement en vne chambre tresrichement parée: & estoient avec luy à ladicte reception le Roy de Cecille, les Comtes du Maine, de Dunois, de Neuers, de Clermont, de S. Pol, de Castres, de Tanquarville, & le Vicomte de Loumaigne & plusieurs autres grans seigneurs, cheualiers & escuyers, qui seroit chose trop prolize à racompter. Et apres salutation faicte au Roy par ledit Duc, il luy supplia treshumblement qui luy pleust donner & aux Anglois pareillement estais dedans le chasteau & palais de ladicte ville, telle composition qu'auoient eu ceux de ladicte cité. A quoy luy fait responce le Roy & luy dit en beaux termes hauts & notables, que par le traicté fait au Port-S. Ouen il luy auoit esté octroïé la composition telle qu'à ceux de Rouën, mais luy ne ses adherans & complices Anglois comme mal aduisez ne l'auoient pas voulu tenir. Parquoy sa requeste n'estoit point raisonnable & pource n'en auroit il siens: & par ainsi print congé du Roy & s'en retourna luy & ceux de sa compaignie audit Palais. Pour la seurte desquels ils furent conduits par les Comtes de Clermont, d'Eu & de Castres. Et lors commanda le Roy au Comte de Dunois son lieutenant general qu'il fait faire autour dudit Palais, trenchis, fosses & approchemens plusforts que par-auant, & tant du costé de la ville que des champs. A quoy ledit lieutenant fait de grans diligences & se monstra prudent & vaillant cheualier en guerre, & meit la place en telle disposition que les Anglois ne pouoient faillir ne yslir de nuls costez desdits palais & chasteau. Et ce voians lesdits Anglois ils requierent le xxiiij. iour ensuiuant dudit mois d'Octobre à parlementer avec ledit Comte de Dunois lieutenant du Roy. Et pour ce faire furent trefues données des deux costez. Et ainsi le Baillif d'Eureux, le mareschal de la Fayette & autres du grand conseil du Roy appelez avecques ledit lieutenant general, commencerent lesdictes parties à parlementer. Et furent lesdictes trefues continuées de iour à autre iusques à l'espace de douze iours: & tout pource qu'iceux Anglois ne vouloient point laisser, en faisant le traicté, en hostage le sire de Thallebot. Mais apres plusieurs allegations & parlemens faicts tant d'un costé que d'autre: finablement ils appoincterent ensemble, & furent d'accord que ledit Duc de Sombreffet gouuernant pour le Roy d'Angleterre, sa femme, ses enfans & les autres Anglois estans audit palais & chasteau, s'en yroïent où bon leur sembleroit en leur party, leurs corps & leurs biens sauues reserué prisonniers & grosses artillerie, & parmy ce qu'ils payeroient au Roy de dedans vn an la somme de cinquante mille escus, & à ceux qui auoient fait le traicté six mil. Avec ce promeirent payer loyaument tout ce qu'ils deuoient à ceux de ladicte cité tant hostellains, bourgeois, marchans comme autres. Deuoient outre-plus, & promeirent les dessufdicts de Sombreffet & ses compagnons mettre à plaine deliurance le chasteau d'Arques, la ville de Caudebec, le chasteau de Tanquarville & l'Isle-Bonne, la ville de Hónesleur & de Môstie-rvilliers, & icelles bailler au Roy ou à ses cômises pour luy: l'accomplissement desquelles choses dessufdictes, & pour plus grand seurte d'icelles, bailla ledit Duc de Sombreffet ses lettres patentes: &

avec ce demourerēt en hostage lesdits seigneurs de Tallebot, le fils du seigneur de Barquiny, le fils du seigneur de Roz & de la Duchesse de Sombreffet, le fils du Comte d'Ormont d'Irlande, & deux autres seigneurs Anglois. Et par ainsi parmy ce traité faisant se partit dudit palais le Mardy quatriesme iour du mois de Novembre ledit Duc de Sombreffet, & sen alla luy & les autres Anglois tāt par eue que par terre droit à Harfleur. Et demourent les hostaiges es mains du Roy de France ou de ses commis dedans Roüen. Et depuis ledit Duc voulat tenir ses promesses commeit & ordōna messire Thomas Hou & Foucques Hou, pour faire rendre au Roy toutes les places dessusdictes & declairées. Ce qu'ils feirent referué ledit Honnefleur dont estoit capitaine vn nommé maistre Courfon qui ne le voulut rendre, & pour ceste cause demoura ledit sire de Tallebot prisonnier du Roy. Et le Ludy dixiesme iour dudit mois, veille de S. Martin le Comte de Dunois & le Baillif de Roüen, feirēt mettre la baniere du Roy dessus ledit chasteau, palais & portes de ladiete cité par vn des heraulx du Roy & en la presence des plus notables bourgeois de ladiete ville & cité.

Comment le Roy de France entra à Roüen noblement accompagné: & comment il y fut sumptueusement receu: puis dit comment les Anglois meirent en la main & obeissance du Roy le chasteau d'Arques, Caudebecq, Tanquarville, Monstier-ville. &c.

Endant desdits appointemens faits entre les gens du Roy & lesdits Anglois, solemnisa le Roy la feste de Toussains audit lieu de S. Katherine en grand ioye & liesse de ce qu'il veoit ainsi ses ennemis succumbez, & tousiours en remerciant Dieu de la bonne fortune qu'il luy enuoyoit de iour en iour: lequel pour venir en sa bone ville de Roüen apres qu'en icelle fut meis police & gouuernement par ledit Comte de Dunois son lieutenant, se partit cedit Lundy de S. Katherine enuiron vne heure apres midy accompagné du Roy de Cecille & d'autres plusieurs grans seigneurs tant de son sang comme autres, & meit ses gens en moult belle ordonnance. Premièrement estoient tous les archiers les premiers vestus de iacquettes de couleur rouge, blanche & vert, semées d'orfauerie. Avec lesquels estoient les archiers du Roy de Cecille, du Comte du Maine & plusieurs autres seigneurs iusques au nombre de six cens archiers bien montez, tous ayans brigâdines & iacquettes dessus de plusieurs & diuerses façons, harnois de iambes, espées, dagues & salades bien richement garnies d'argent. Pour gouuernement & conduicte desquels furent commis & ordonnez de par le Roy les seigneurs de Preuilly, & de Cleré, messire Theaulde de Vaulperge, & aucuns autres qui tous auoient leurs cheuaux couuers de satin de diuerses manieres & couleurs. Apres lesquels archiers estoient les heraux du Roy de France, du Roy de Cecille & autres Princes & seigneurs, estans en la compaignie du Roy tous vestus de leurs cottes d'armes, & avec eux estoient plusieurs poursiuans. Puis y estoient les trôpettes & clairôs qui sonnoient si tresfort que c'estoit grād melodie & belle chose à ouïr. Et estoient les trompettes du Roy vestus de vermeil & leurs mâches couuertes d'orfauerie. En apres estoit messire Guillaume Iuuenal des Vrsins chevalier seigneur de Trainel, & Chancelier de France vestu en habits Royaux, c'est à sçauoir robe, mâteau & chapperô d'escarlatte fourrez de menu vair, & sur chacune de ses

de ses espaules rubans d'or, & trois pour fils de lettices : deuant lequel estoient deux varlets de pied, qui menoient vne hacquenée blanche par la bride, couuerte de drap de veloux bleu semé de fleurs de lis d'or tiffu : sur la couuerture duquel estoit vn petit coffre couuert aussi de veloux bleu, semé de fleurs de lis d'orfauerie, ouquel estoient les grans seaux du Roy. En apres cheuauchoit vn nommé Pierre Fonteuille escuyer d'escuyerie armé tout à blanc monté sur vn grand destrier, couuert & enharnaché de veloux azuré à grans affiches d'argent doré, sur la teste vn chapeau poinctu deuant de veloux vermeil, fourré d'ermine, lequel portoit en escharpe vn mâteau d'escarlante pourpré aussi fourré d'ermine. Apres ledit de Fonteuille & sans moyen deuant le Roy estoit le sire de S. Treille Grand escuyer d'escuyerie du Roy & Baillif de Berry, lequel estoit armé tout au blanc & monté sur vn grand destrier pareillement couuert & enharnaché de veloux azuré, à grans affiches d'argent doré comme ledit Fonteuille lequel portoit en escharpe la grande espée de parement du Roy, dont le pommeau, la croix, la blouque, le morgant & la bouterolle de la gaine estoient couuerte de veloux azuré, & par dessus semées de fleurs de lis d'or. En apres estoit le Roy armé de toutes pieces monté sur vn courfier couuert iusques aux pieds de drap de veloux azuré, semé de fleurs de lis d'or de brodure. Sur sa teste vn chapeau de bicure doublé de veloux vermeil, sur lequel estoit au bout vne houppe de fil d'or. Apres luy estoient ses paiges vestus de vermeil, leurs manches toutes couuertes d'orfauerie blanche : & estoient les harmois des testes de leurs cheuaux couuertes de fin or de diuerses façons d'orfauerie, & plumes d'austuche de plusieurs couleurs. A la dextre du Roy cheuauchoit le Roy de Cécille & à senestre le Comte du Maine son frere armez tout à blanc : leurs cheuaux tresrichement couuers de couuertes de veloux pareilles à croix blanches, & leurs deuises semées parmy les houpettes de fil d'or, & les cheuaux & les paiges enharnachez tout pareil de la couuerture, & estoient les harmois de la teste des cheuaux des dessusdits seigneurs couuers d'orfauerie de fin or à leurs deuises. Et apres estoient les Comtes de Neuers, de S. Pol & de Clermont : celuy de Neuers estoit pareillement armé tout à blanc, monté sur vn courfier tout couuert de veloux verd broché de fil d'or, & apres luy trois paiges vestus de violet & de noir : & si auoit en sa compagnie douze gentils hommes armez tout à blanc, montez sur cheuaux couuers de satin violet : & sur chacune couuerture vne croix blanche excepté l'un d'iceux duquel la couuerture estoit de satin verd. Celuy de S. Pol pareillement estoit tout armé au blanc, monté sur vn destrier enharnaché de satin noir & semé d'orfauerie & de brodure, & apres luy cinq paiges vestus de satin noir decopez par bas, icelles decopures couuertes d'orfauerie : & les harmois des cheuaux de mesme la couuerture. L'un desdits paiges portoit vne lance couuerte de veloux vermeil, l'autre vne couuerte de drap d'or figuré, l'autre portoit vn armet en sa teste tout de fin or richement ouré, & derriere les paiges estoit son pallefrenier vestu & habillé & son cheual enharnaché de pareille liurée que dit est, lequel menoit vn grand destrier en main. Et celuy de Clermont estoit pareillement armé tout à blanc monté sur vn courfier couuert, & ses paiges vestus de sa liurée. Le sire de Culant grâd maistre d'hôtel du Roy (aiât la charge & gouvernement de la bataille où estoient six

eens lances, & en chacune vn pennoncel de satin vermeil à vn soleil d'or venoit apres les paiges du Roy, armé de routes pieces vn chapeau sur la teste, monté sur vn courrier richement couuert de veloux bleu & rouge par bandes : & dessus aucunes desdictes bandes estoient attachées grâdes feuilles d'argent dorées, & sur les autres d'argent blanc : & les harnois de ses cheuaux pareils à ladicte couuerture, & auoit à son col vne escharpe de fin or pendant iusques à la croupe de son cheual. Auec ledit sire de Culant derriere le Roy estoit vn escuyer nommé Rogerin Blosset escuyer d'escuyerie du Roy, lequel portoit l'estandart du Roy, qui estoit de satin vermeil cramoisé à vn S. Michel dedans ledit estandart, & estoit semé tout au long de fueillettes d'or. Auec ce, derriere le Roy estoit Jean de Scaeuille dit Hauart Baillif de Dreux varlet trenchant du Roy, lequel portoit le panon qui estoit de veloux azuré à trois fleurs de lis d'or de brodure. Er estoient lesdictes fleurs de lis bordées de grosses perles. En ladicte compaignie estoient plusieurs seigneurs : c'est à sçauoir le vicomte de Louuaigne, le Comte de Castres, Ferry mōseigneur de Lorraine, Jean monsieur son frere, le seigneur d'Orual, le Comte de Tanquarville, le seigneur de Montgascon fils du Comte de Boulongne & d'Auuergne, le seigneur de Ialongnes Marechal de France, le seigneur de Beauuau & plusieurs autres grans seigneurs cheualiers & escuyers, lesquels estoient tous armez au blanc & fleurs cheuaux couuers de veloux ou de drap de soye, & sur chacun cheual la croix blâche. Et ainsi en l'ordonnance & par la maniere que dit est cheuaucha le Roy iusques à vn traitt d'arc pres de la porte Beauuoisine du costé des Chartreux, & là vint au deuant de luy le Comte de Dunois son lieutenant general, mōté sur vn destrier couuert de veloux vermeil, vestu d'une iaquette de veloux vermeil fourrée de martres, & auoit ceinte vne moult belle espée garnie de pierres, de dyamans, rubis & balais, prise à quinze mil escus. Estoiens aussi le Seneschal de Poictou & laques Cœur argentier du Roy montez sur destriers vestus & couuers comme ledit Lieutenant. Aussi y estoient le Baillif d'Eureux & maistre Guillaume Coufinot : ledit Baillif d'Eureux estoit monté sur vn coursier couuert de veloux vermeil, vestu d'une iaquette de pareil drap. Et ledit Coufinot de nouuel institué Baillif de Roüen estoit vestu de veloux bleu à grans affiches d'argent doré, & son cheual enharnaché de ce mesmes. Et amena ledit Lieutenant deuers le Roy pour luy faire la reuerence & obeissance les Archeuesque de la ville de Roüen, l'Euesque de Lisieux, de Bayeux, de Constances avec les citoyens de sa bonne ville & cité de Roüen. Et incontinent que lesdits Prelats eurent fait leur deuoir ainsi que tenez y estoient, ils s'en retournerent dedans ladicte cité & laisserent lesdits citoyens qui estoient en grand nombre, tous vestuz de bleu & chapeurons rouges avec ledit Lieutenant, lequel les presenta au Roy. Et apres humble reuerence par eux faicte & les clefs de ladicte ville & cité baillées en la main du Roy comme leur Souuerain seigneur; aussi apres plusieurs choses par eux proferées en beaux termes & doux langaiges, il les receut tresbenignement & bailla icelles clefs audit Seneschal qui lors fut institué capitaine d'icelle cité : & adonc le Roy & sa compaignie commencerent à cheuaucher, pour entrer dedans ladicte ville en l'ordonnance qu'ils estoient sur les champs & comme cy dessus est declairé. Et là au mouuement du Roy vindrent en procession au de-

uant

uant de luy les Prelats en habits pontificaux, & toutes autres gens d'Eglise tant reguliers comme seculiers en chappes, portans ioyaux & reliques, & mesmement les quatre ordres mendians tous chantans, *Te Deum laudamus*, pour le ioueux aduenement du Roy de France leur souuerain seigneur. Et se meirent deuant le Chancelier de France & ledit seigneur de la Fayette Marechal de France, le seigneur de Gaucourt premier Chambellan du Roy, le seigneur de Presigny, & Jaques Cueur argentier du Roy, qui tous auoient leurs cheuaux couuers de veloux ou de satin, & iaquettes pareilles à croix blanches: & deuant le Roy se meit sondit lieutenant Comte de Dunois empres l'escuyer d'escuyerie. Et est chose certaine qu'il n'est point en memoire d'hōme qu'oncques homme veit Roy auoir pour vne fois si belle cheualerie ne si richement habillée, ne si grand nombre de gens de guerre comme le Roy auoit illec à la recourance de ladicte cité. A l'entrée de ladicte ville fut fait cheualier par ledit Seneschal de Poitou vn ieune enfant aagé de douze à treize ans ou enuiron, fils du sire de Presigny. Et y auoit à la porte du bouleuert quatre bourgeois des plus notables de la ville qui tenoient vn ciel tresbel & tresriche, lequel ils porterent sur la teste du Roy iusques à l'Eglise de nostre dame de Roüen. Cedit bouleuert, la porte & l'entrée du Roy & les gens d'armes au milieu, & toutes les rues par où il passoit couuertes à ciel & garnies de peuple criant Noel pour son ioueux aduenement. Par les quarefours estoient personages, c'est à sçauoir en vne place vne fontaine des armes de la ville qui sont *Agnus Dei*, iettant breuages par ses cornets. Ailleurs estoit vn Tygre & les petits qui se miroient en miroirs: & au plus pres de Nostre Dame estoit vn cerf volant moult bien & sumptueusement fait, à son col vne couronne, lequel s'agenouilla par mystere deuant le Roy quand il passa par là pour aller en ladicte Eglise. Là endroit estoient à vne fenestre ledit Côte de Dunois pour veoir le mystere avec le sire de Thallebot & les autres Anglois hostages moult pensifs & marris en cuer, & comme ceux auxquels la chose ne plaisoit gueres. Le Roy venu deuant Nostre Dame il descendist à pied où fut receu par l'Archeuesque & tous ceux du college richement reueustuz en chappes, & entra dedans ladicte Eglise où il fut en son oratoire en prieres & en oraisons par certain espace de temps. Puis s'en alla en l'hostel dudit Archeuesque où il fut logé. Et ainsi se partit vn chacun & s'en alla à son logis. Ceux de la ville de grand ioye qu'ils auoient feirent les feux par toute la cité. Et le lendemain feirent les processions generales & solennelles où fut ledit Archeuesque, & garderent la journée de toutes œuvres terriennes comme le dimanche. Pareillement le mercredy & le ieudy ensuiuant estoient les tables mises parmy les rues & y auoit vins & viandes en grand abondance pour tous venans, & tout aux despens des habitans d'icelle ville. Lesquels feirent avec ce plusieurs grans dons au Roy, ses officiers, ses heraux & poursuiuans qui là estoient: depuis, le Roy estant en l'hostel dudit Archeuesque, les gens d'Eglise, bourgeois, manans & habitans luy requirent estre ouïs en certaines requestes qu'ils luy vouloient faire, ce qui leur fut accordé: & ils entrerent en la salle où le Roy estoit assis en sa chayere richement aornée, parée de drap d'or, ceux de son conseil avec luy: & là proposerent plusieurs choses: & entre les autres, luy remonstrent en suppliant treshumblement, qu'il les voulüst auoir en sa bonne grace

& qu'il ne laissast point à pourſuiuir & à faire guerre à ſes anciens ennemis les Anglois: car par le moyen des villes qu'ils tenoient encores en Normandie ils pourroient encores faire pluſieurs enormes maux au païs. Et à ce faire comme bons vrais & loyaux ſubiets luy offrirent aïde de corps & de cheuance: de laquelle propoſition, promeſſe & octroy le Roy fut trescontent & leur feit faire reſponce par ſon Chancellier telle que ſur tous les points par eux propoſez ils eurent icelle reſponce bien agreable, & ainſi prindrent congé & ſ'en allerent chacun en ſon lieu: depuis ſe tint le Roy audit lieu de Roüen pour mettre police & officiers de par luy à gouverner icelle ville. Et ce pendant auſſi, rendirent les Anglois & meirent en la main & obeïſſance du Roy (comme promis auoient & baillé hoſtages pour ce faire) le chaſteau d'Arques, Tanquarville l'Iſle bonne, Monſtiervillier & Caudebec. Et combien qu'ils euſſent promis pareillemēt de la ville de Honneſleur, neantmoins elle ne fut point rendue, pource que le capitaine dudit lieu ne les gens de guerre ne voulurent obeir en ce audit Duc de Sombreſet. Pourquoi le ſire de Thallebot & autres hoſtages demourerent priſonniers du Roy de France. Et fut commis & ordonné meſſire Pierre de Breſé qui eſtoit ſeneſchal de Poictou capitaine dudit Roüen.

Comment le chaſtel de Gaillard fut mis en l'obeïſſance du Roy: comment ceux de Fougieres ſe rendirent au Duc de Bretagne, & Beſme au Duc d'Alençon: puis parle d'une rencontre d'Anglois & Francois où fut fort combattu.

Exxiij. iour de Nouembre enſuiuant ſe rendit en l'obeïſſance du Roy le chaſteau de Gaillard qui eſt place imprenable, comme dit eſt: deuant lequel fut le ſiege par l'eſpace de ſix ſeptmaines & ſe rēdirent les Anglois eſtans dedans iuſques au nombre de cent à ſix vingts, par telle compoſition qu'ils ſ'en deuoient aller leurs corps & leurs biens ſaufs à Harfleur où ailleurs en leur party où bon leur ſembloit. En ce meſmes temps print le Duc de Bretagne la ville & chaſteau de Fougieres où il auoit tenu le ſiege par l'eſpace d'un mois ou enuiron. Pendant lequel temps il feit faire telles approches & tellement battre la muraille de canons & de bombardes, que ladicte ville eſtoit preſte d'allaillir. Et lors voyans les Anglois le danger où ils eſtoient, & qu'ils auoient peu de viures: veu auſſi qu'ils eſtoient de cinq à ſix cens, deſquels eſtoit capitaine ledit meſſire François de Surienne dit l'Arragonnois, ils ſe rendirent par compoſition, par laquelle ils ſ'en allerent leurs cheuaux & harnois ſaufs, & chacun portant vn petit fardet deuant ſoy ſeulement. Et depuis ſe conuertit ledit meſſire François & demoura en l'obeïſſance du Roy de France: nonobſtāt qu'il auoit prins ladicte ville de Fougieres ſur ledit Duc de Bretagne, & qu'à ceſte occaſion & par luy furent rompues les trefues d'entre les Roys de France & d'Angleterre comme dit eſt. Ledit Duc de Bretagne auoit lors en ſa compagnie huiſt mille combattans, ſeigneurs, cheualiers & eſcuyers: leſquels apres ladicte prinſe ſ'en retournerent tous en leurs maiſons pour la mortalité qui ſ'eſtoit frappée en l'oſt dudit Duc, auquel mourut grand nombre de gens, & entre les autres mourut le ſils du Comte de Rohan, qui fut vn grand dommage. Et pource ſ'en retourna ledit Duc en ſon païs: apres qu'il eut laiſſé bonne garniſon es places par luy conquēſtées. En ce meſme temps enuiron la fin de Nouem-
bre

bre meit le Duc d'Allençon le siege deuant la ville & chasteau de Belesme à luy appartenant, occupée par les Anglois contre raison & sa voulené, & estoient en sa compaignie cheualiers & escuyers iusques au nombre de trois cens lances & les archiers, sans en ce comprendre plusieurs gens de deffence de ses pays de la Comté du Maine & de Vendosme, qui estoient estimez en somme trois mil combattans : & apres plusieurs escarmouches & faillies faictes les vns sur les autres, lesdits Anglois voyans eux auoir pou de puissance à resister contre iceluy Duc, commencerent à parlementer, & tantost apres se composerent & promeirent d'eux rendre le vingtiesme iour dudit mois de Decembre, ou cas que ledit iour ne seroient secourus des gens de leur party, & qu'ils ne seroient les plus fors en champ de bataille. Pourquoy le Duc & les siens se fortifierent en vn champ pour attendre la puissance des Anglois, lesquels estoient en chemin, cuidans venir leuer ledit siege, & furent deux mille Anglois iusques à Torigny où ils bouterent le feu, & de là vindrent à Thury : ouquel lieu où ils eurent certaines nouuelles de la puissance & ordonnance dudit Duc d'Allençon. Pourquoy ils s'en retournerent en leurs places. Et ainsi cedit iour le xx. dudit mois le siege estant ia à Harfleur, les Anglois estans dedans ledit Belesme iusques au nombre de deux cens combattans, dont estoit capitaine vn nommé Matago, rendirent ladicte place audit Duc, & s'en allerent par composition leurs corps & leurs biens saufs en leur party où bon leur sembla : ledit Duc d'Allençon teint la journée luy & le sire de S. Treille à pou de gens pour attédré la puissance des Anglois iusques à ce que l'heure ordonnée fust passée. Oudit an environ le Noel les Anglois de la garnison de Vire iusques au nombre de douze vingts estoient allez courre à leur aduenture, & furent rencontrez pres de la croix de Vamoux par aucuns des gens du Connestable, qui estoient en garnison à Gourey. C'est à sçauoir par messire Geoffroy de Couvran, par Ioachin Rouhault & autres, & là fut fort combattu : mais en fin furent les Anglois desconfits, les vns mors, les autres prins & pou s'en eschapperent.

Comment le Roy se partit de Roüen. Comment il enuoya son lieutenant general mettre le siege deuant Harfleur : comment la ville luy fut rendue par composition : puis parle de la belle Agnes, de sa maladie, de son trespassement & des ordonnances qu'elle feit.

Tantost apres se partit le Roy de sa cité de Roüen armé d'une brigandine, & par dessus d'une iaquette de drap d'or, accompagné dudit Roy de Cecille & des autres de son sang en grans habillemens & riches : & par especial ledit Côte de S. Pol qui auoit vn chanfrain à son cheual prisé trente mille escus : & cheuacha le Roy ainsi accompagné iusques en la ville de Caudebec où il fut conclud d'aller mettre le siege à Harfleur : si se prepara d'aller à Monstier-villier qui est à demie lieue pres : & enuoya mettre ledit siege par son Lieutenant general le Comte de Dunois & par les Comtes d'Eu & de Clermont, de Neuers & de Castres & plusieurs autres cheualiers, escuyers, capitaines, gens d'armes & de trait tant de Frans-archiers que d'autres : la compaignie estimée à six mil combattans, & les Frans-archiers à trois mil sans en ce comprendre canonniers, marchans, man-ouriers, gens de me-

stier & mariniers & sans les gens de guerre qui gardoient la mer en xxv. gros vaisseaux, & sans ceux qui tenoient le siege aucunesfois en l'abbaye de Grauil-
 le, estans tant de gens d'armes que archiers iusques au nombre de mil, & y fut
 mis ledit siege le lundy huiëtiefme iour de Decembre. Lequel fut moult des-
 agreable à mettre, pource qu'il n'y auoit nulles maisons pres, ne bois, ne arbres:
 & si faisoit vn tresgrand froid de gellées & de glaces, & plus grans que puis
 long temps il n'auoit fait aussi grand, especiallement de grandes pluies qui es-
 toient bien contraires à ceux du siege: aussi eurent plusieurs beaucoup à souf-
 frir pour la mer qui sourdoit & venoit souuent en plusieurs logis, pource
 qu'ils estoient tous en terre couuers seulement de paille & de genestres. De-
 uant ladicte ville furent assorris seize grosses bombardes, lesquelles le Roy qui
 estoit logé à Monstier-villier veint faire ietter: & auoit grandes tranchées &
 profondes pour aller plus seurement, & s'abandonna fort le Roy à venir veoir
 battre la muraille de ladicte ville, & fut en personne és fosses & és mines armé,
 sa salade sur sa teste & son pauois en sa main. Et pouoit on bien aller par ces
 mines faictes iusques aux murs de Harfleur: desquels canons & mines estoit
 gouverneur maistre Jean Bureau Tresorier de France, homme moult subtil &
 ingenieux en telles matieres & en plusieurs autres. Avec luy aussi estoit Iaspert
 Bureau son frere qui estoit maistre de l'artillerie du Roy. Ce voyant Thomas
 Aurmagan capitaine de ladicte ville de Harfleur & d'autres Anglois qui avecqs
 luy iusques au nombre de seize cens prenans gages, & voyans la puissance du
 Roy le xxiiij. dudit mois de Decembre veille de Noel ils commencerent à
 parlementer avecques le Comte de Dunois Lieutenant general du Roy, &
 traicterent la matiere cedit iour pour eux rendre. Et le lendemain iour de Noel
 furent concluds icelle rendre és mains du Roy: par ainsi qu'ils s'en deuoient al-
 ler où bon leur sembleroit en leur party. Et pouoient emporter tous leurs
 biens par eau ou par terre: & pour ce faire eurent terme prefix iusques au
 premier iour de l'an. Et du party des Anglois furent baillez huiët hostages
 gentils-hommes affin d'entretenir ledit appointement, lesquels furent menez
 en garde à Monstier-villier. Le premier iour de Ianuier furent lesdits Anglois
 menez audit lieu de Harfleur pour fournir l'appointement tel que dit est. Ce
 iour enuiron heure de vespres ledit Thomas Aurmagan Anglois & capitaine
 dudit lieu, bailla les clefs de ladicte ville & des tours audit Comte de Dunois
 lieutenant general du Roy en soy agenouillant & en grand reuerence, en la pre-
 sence de tous les autres Anglois, & mesmement en la presence d'un nommé
 maistre Sanice qui auoit amené audit lieu cinq cens Anglois tous nouveaux au
 parauant dudit siege. Apres les receptions desquelles clefs fut enuoyé par le-
 dit Lieutenant de les gens dedans les deux tours du Haure, & fait oster la ban-
 niere desdits Anglois qui estoit sur l'une d'icelle à champ blanc & vne croix
 rouge parmy: & apres par deux heraux fut mise sus l'une d'icelles tours la
 banniere du Roy de France: en laquelle mettant y auoit grand crierie & res-
 iouissement de peuple: & aussi furent garnies des gens dudit lieutenant, les
 tours de deuers Roüen, & cedit iour se partit la plus grand partie d'iceux An-
 glois par bateaux. Et pource qu'ils ne peurent tous estre prests pour la mer qui
 se retrahit: ledit Lieutenant, ouïe l'humble supplication d'iceux, les permit de-
 mourer

mourer le vendredy & samedi iusques à midy, & leur bailla garde affin qu'il ne leur fust en riens meffait. Et apres le departement d'iceux le Roy donna la capitainerie dudit Harfleur à fondit lieutenant, lequel y commist pour luy le seigneur de Moÿ à tout cent lances & les archiers pour la garde d'icelle ville, pour plusgrand seureté du pays: aussi fut ordonné capitaine de Monstier-villier, & garde d'aucunes autres forteresses, Iaques de Clermont escuyer, auquel fut pareillement ordonné cent lances & les archiers. Et ainsi se departit le Roy de Monstier-villier apres ses ordonnances faictes le cinquiesme iour de Ianuier. Et passer feit tantost apres toute sa compaignie: les vns par Roüen, & les autres par Caudebec, & les aucuns aussi par Tanquarville pour aller mettre le siege deuant Honnefleur: & se retrahit en vne abbaye sur la riuere de Seine nommée Iumieges, qui est à cinq lieuës au dessoubs de Roüen: & là se raffrechit vne espace de temps, pendant qu'on faisoit les ordonnances & les preparatoires pour aller mettre le siege audit lieu de Honnefleur. En icelle abbaye, trouua le Roy vne damoyelle nommée la belle Agnes, qui estoit venue (comme elle disoit) pour aduertir le Roy & luy dire que aucuns de ses gens le vouloient trahir & liurer és mains de ses anciens ennemis Anglois, dequoy le Roy ne teint gueres de compte & ne sen feit que rire. Et pource que ladicte Agnes auoit esté ou seruice de la Royne par l'espace de cinq ans ou enuiron, auquel elle auoit eu toutes plaissances mondaines, comme de porter grans & excellifs atours, de robes fourrées, de coliers d'or & de pierres precieuses & tous ses autres desirs: & que le Roy la veoit volentiers, il fut commune renommée que le Roy la maintenoit en concubinaige: car le peuple est plus enclin à mal dire que bien. Aussi l'amour que le Roy luy monstroït, estoit pour les folies, esbattemens, ioyeusetez & langaige bien poly qui estoient en elle: & aussi qu'entre les belles elle estoit tenue pour la plus belle du monde, & fut appelée damoyelle de Beaulté, tant pour celle cause, comme pource que le Roy luy auoit donné à sa vie la maison de Beaulté de lez Paris. Et si estoit icelle Agnes de vie moult charitable, & large en aumosnes & distribuoit du sien largement aux poures Eglises & aux mendians. Bien est vray que ladicte Agnes eut vne fille qui ne vesquit gueres, laquelle elle disoit estre au Roy, & la luy donna comme au plus apparent: mais le Roy sen est tousiours excusé, & n'y clama oncques riens: elle le pouoit bien auoir emprunté ailleurs, plusieurs en parlerent diuersement. Et finalement luy print le flux de ventre, dont elle fut malade par longue espace de temps: durant laquelle maladie elle eut moult belle contrition, & repentance de ses pechez. Et luy souuenoit souuent de marie Magdaleine qui fut grand pecheresse ou peché de la chair, & inuquoit Dieu deuotement & la vierge Marie à son aÿde. Et comme vraye Catholique apres la reception de ses Sacremens, demanda ses heures pour dire les vers S. Bernard qu'elle auoit escript de sa propre main. Et depuis feit plusieurs vœux, lesquels furent mis par escript, affin de les accomplir par ses executeurs avec son testament, qui se pouoit bien monter tant pour aumosnes que pour payer ses seruiteurs la somme de soixante mil escus: & feit ses executeurs de Iaques cueur Conseillier & argentier du Roy, de maistre Robert Poicteuin Phylicien & maistre Estienne Cheualier Tresorier du Roy: & ordonna que le Roy seul & pouf le tout fust

dessus les trois. Et depuis ladicte Agnes voyant & sçachant sa maladie rengreuer de plus en plus dit au seigneur de Tanquarville, la Seneschalle de Poictou, à l'un des escuyers du Roy nommé Gouffier, & à toutes ses damoiselles que c'estoit pou de chose, orde & puante de nostre fragilité. Et adonc requist son confesseur qu'il la voulsist absouldre de peine & de coulpe par vertu d'une absolution, laquelle estoit à Loches (comme elle disoit) ce que ledit confesseur à sa relation feit. Et apres qu'elle eut fait vn hault cry en reclamant Dieu & la benoïste vierge Marie, se separa son ame d'avec le corps le lundy neufiesme iour de Feurier lan mil cccc.xlix. environ six heures apres midy. Et puis fut ouuerte & son cueur mis en terre en ladicte abbaye: à laquelle elle feit de grans dons, & le corps fut mené & ensepulturé à Loches honnorablement en l'Eglise collegial de nostre Dame, où elle à fait plusieurs belles fondations & dotations. Dieu luy face mercy à l'ame & la mettre en paradis.

Comment le Comte de Foix feit vne grosse armée, & fit mettre le siege deuant le chasteil de Guisichen: & comment les Anglois se meirent ensemble pour leur ledit siege: & comment ils furent desconfits par le sire de Lautrec & le bastard de Foix.



N ce mesmes temps le Comte de Foix feit vne grosse armée & assemblée de gens, & feit mettre le siege par le sire de Lautrec son frere, & par le bastard de Foix deuant le chasteau de Guisichen, qui est trefort, assis à quatre lieues de Bayonne: & quand les Anglois le sceürerent ils se meirent sur les champs iusques à quatre mil combattans, dont estoit chief le Conestable de Nauarre: & avec luy estoient le Maire de Bayonne, George Saltuiron, & plusieurs autres Anglois, lesquels se bouterent & chargerent vaisseaux sur vne riuere qui passe parmy Bayonne, & vindrent descendre pres dudit chasteau. Laquelle descente venue à la cognoissance de ceux qui tenoient ledit siege, ils se partirent le plus secrettement qu'ils peurent, & allerent au deuant desdits Anglois: & les assaillirent si durement & si asptement, qu'ils les desconfirent & meirerent en fuite iusques à leursdits bateaux. Et y furent que morts que prins à icelle chasse douze cens Anglois: & quand ledit Saltuiron veit icelle destrouille doubtant qu'il ne peust recouurer lesdits nauires, il passa parmy le siege à tout soixante lances & se sauua trefvaillamment pour icelle heure dedans le boulleuert dudit chasteau: puis regarda que leans il ne pouoit estre bonement secouru: si se partirent deuant luy & sa compaignie cuidans retourner audit lieu de Bayonne, mais ledit Bastard de Foix sçachant aucunement son parterment le poursuivit, & l'attaingnit, & tellement que ledit Saltuiron fut prins & la pluspart de ses gens. Et le lendemain se rendit ledit chasteau, & tous les pays entre Aux & Bayonne, ouquel pays estoient quinze ou seize places fortes qui toutes se rendirent audit Comte de Foix. Et apres garnisons souffisantes mi les esdictes places s'en retournerent les gens dudit Comte de Foix en leurs pays. Le dixseptiesme iour de Ianuier oudit an fut le siege mis à Honnefleür, le Roy estant à lumieges, par le Comte de Dunois son Lieutenant general & autres seigneurs dessus nommez, qui se gouvernerent moult vaillamment & cheualeureusement: & mesmement les francs-archiers qui auoient esté logez pres dudit Honnefleür par l'espace de dix ou de douze iours auant que la seigneurie
y vint

y vint pour escarmoucher sur iceux Anglois. Et apres que le siege y eut esté fermé, se partit le Roy dudit Iumieges, & alla loger en vne abbaye nommée Gretain à deux lieues pres dudit Honnefleur. Et lors ceux qui estoient audit siege firent grans approches, fosses & mines, & assortirent bombardes, canons & engins vollans qui moult esbahirent ceux de ladicte place, dont estoit capitaine vn nommé maistre Courson qui auoit en sa compaignie de trois à quatre cens Anglois, lesquels faisoient grand deuoir d'eux desfendre & de tirer canons & autres traicts sur les François: desquels François fut tué vn escuyer nommé Regnault Guillaume de Bourgongnon, qui lors estoit Baillif de Montargis dont ce fut dommage: car il estoit vaillant homme de son corps. Et apres furent tellement oppressez lesdits Anglois que paour, & necessité les contraignit d'eux rendre & prendre appointement, pourquoy fut faicte composition qu'ils rendirent ladicte place le dixhuitiesme iour de Feurier ensuiuant ou cas qu'ils ne seroient combattus: & de ce baillerent hostaiges, par ainsi qu'ils s'en yroient leurs corps & leurs biens saufs. Et pour combattre audit iour firent les François grans diligences de ordonner & clore le champ où ils estoient: mais lesdits Anglois n'y vindrent point ne comparurent aucunement: car le Duc de Sombresset n'osoit desemparer la ville de Caen, & aussi n'estoient pas assez fors sans auoir autre secours d'Angleterre. Et ainsi rendirent ladicte place audit iour & s'en allerent en Angleterre où ailleurs en leur party, avec leursdits biens comme promis leur estoit. Tantost apres, que Honnefleur fut reduict, se partit le Roy de ladicte abbaye de Gretain, & s'en alla à Berucy, & de là à Essay, & à Allençon, & enuoya aucuns de sa suite, & mesmement les Francs-archiers pour mettre le siege deuant Fresney: duquel estoient capitaines & gouuerneurs deux Anglois, l'un nommé Andrieu Torfflot, & Ianequin Vaquier: lesquels auoient leur compaignie de quatre à cinq cens Anglois & Normans, appelez François reniez, & cheuanchioient lesdits François en moult belle ordonnance & en grand nombre: parquoy incontinent eux venus deuant ladicte place, lesdits Anglois commencerent à traicter pour la reddition d'icelle, & apres plusieurs parolles finablement fut appointé qu'en rendant ladicte ville en l'obeissance du Roy de France & en baillant dix mille Salus on leur deliureroit à pur & à plain leur capitaine nommé Montfort, qui auoit esté prins au Pontheau de mer, & s'en yroient leurs corps & leurs biens saufs. Et ainsi fut fait & se partirent le vingte-deuxiesme iour de Mars pour eux en aller à Caen ou à Fallaise, ou ailleurs où bon leur sembleroit. Oudit an en la saison de Karesme descendirent à Chierbourg trois mil Anglois, qui venoient du païs d'Angleterre dont estoit chief & conduiseur vn cheualier de grand renom nommé messire Thomas Kirieli: lequel & sa compaignie chevaucherent tant qu'ils vindrent loger és faulxbourgs de Valongnes, où ils meirent le siege, & en estoit garde & capitaine pour le Roy vn escuyer de Poictou nommé Abel Rohault, lequel le teint vaillamment & longuement ou nom de son frere Ioachin Rohault, sans estre aucunement secouru: parquoy il luy conuint rendre ladicte place audit Kirieli, apres qu'il l'eut tenuë trois semaines: & se partit par composition faicte ledit capitaine & ses gens leurs corps, cheuaux & autres biens saufs. Combien que les gens du Roy l'estoient assemblez pour venir leuer ledit siege, & aussi estoient les

Anglois de leurs garnisons pour tenir les champs: c'est à sçauoir messire Robert Ver de la ville de Caen à tout six cens cōbattans, Matago de la ville de Bayeux, à tout huit cens combattans, Henry Morbery de la ville de Vire à tout quatre cens combattans ou enuiron, & estoient nombrez tous de six à sept mil combattans comprins ledit Kiriell & sa compagnie. Et ce voyans lesdits François laisserent rendre ladicte ville: car ils ne peurent point estre prests à temps, pour secourir icelle ville: mesmement veu & considéré que l'armée du Roy n'estoit point ensemble, mais estoit en diuerses parties pour plus diligemment recouurer ladicte Duché de Normandie.

Comment apres ce que messire Thomas Kiriell eut prins Vallongnes sur les François, se mit aux champs à grand compagnie d'Anglois: le Comte de Clermont aussi se mit aux champs à tout ses gens & ruerent ius lesdits Anglois.

1450.



An mil quatre cens cinquante le xij. iour du mois d'Auril apres Pasques se deslogerent de deuant la ville de Vallongnes ledit Kiriell & les gens avec ceux des garnisons de Caen, de Bayeux & de Vire, & passerent tous ensemble les guez saint Clement pour tirer vers Bayeux & vers Caen: laquelle chose venue à la cognoissance des gens du Roy de France, qui s'estoient mis sur les champs pour les trouuer les poursuiuerent combien qu'ils fussent en petit nombre: & cheuaucherent fort tant qu'en la fin les atteignirent, & fut commis de par le Roy à faire ceste poursuite le Comte de Clermont, avecques lequel estoit le Comte de Castres, le Seneschal de Poictou, les seigneurs de Montgascon & de Raiz Admiral de France, & plusieurs autres iusques au nombre de cinq à six cens lancez & les archiers: de laquelle compagnie se separerēt messire Geoffroy de Couvran & Ioachin Rouhault pour querir de tous costez leur aduantaige sur lesdits Anglois, & tant cheuaucherent qu'ils trouuerent leur trac: & combien qu'ils eussent pou gens avec eux, neantmoins ils allerent baudement & vaillamment ferir sur leur arrieregarde & en tuerent & naurerent plusieurs: puis se retrahirent vn pou, & manderent ledit Comte de Clermont qui n'estoit pas loing: lequel feist grand diligence de tirer apres lesdits Anglois, & les consuiuit en vn champ pres d'un village nommé Fourmigny, entre Carentan & Bayeux le dixhuitiesme iour dudit mois. Et quand lesdits Anglois les apperceurent ils se meirent en bataille, & manderent diligemment querir vn capitaine nommé Matago: lequel cedit iour s'estoit party d'avec eux pour aller à Bayeux, & incontinent retourna en l'aide de ses compagnons: là furent François & Anglois les vns deuant les autres par l'espace de trois heures tousiours en escarmouchant. Et ce pendant firent iceux Anglois grans trous & fossez en terre de dagues, d'espées deuant eux, affin que ceux qui les assauldroient peussent tomber eux & leurs cheuaux, & s'estoient lesdits Anglois fort mis à l'aduantage: car ils auoient derriere eux enuiron vn trait d'arc vne petite riuere & grand foison de iardinages plains de pommiers, poiriers, pruniers & autres diuers arbres, affin qu'on ne leur peust courir sus par derriere. Et pource que ledit Comte de Clermont auoit pou gens avecques luy, il enuoya hastiuement à saint Lo, deuers le Comte de Richemont Connestable de France

ce afin qu'il veint à son secours ou autrement luy & ses gens estoient bien taillez d'auoir fort à faire, veu que lesdits Anglois excedoient en nombre de gens de guerre par dessus lesdits François. Et tantost venu à sa cognoissance il se partit incontinent ce xviii. iour d'Auril enuiron trois heures du matin pour secourir la besongne, combien qu'il venoit de Bretagne tout de tire. Et cheuaucha iusques au lieu de Treuieres, accompagné de monseigneur Jaques de Luxembourg, du Comte de Lual, du sire de Loheac Marechal au nôbre de deux cens à douze vingts lances, & huit cens archiers : lesquels cheuaucherent trefdiligemment (car lesdits Anglois auoient ja passé les guetz) & tant qu'ils vindrent iusques à vn moulin à vent au dessus dudit Fourmigny, où ils se meirent en bataille à la veüe desdits Anglois. Et estoient descendus à pied des gens du Comte de Clermont deuant la venue dudit Conestable de mil à cinq cens archiers : lesquels furent reboutez bien asprement par lesdits Anglois & auoient gaigné deux couleures sur les François : & alors le Conestable feit marcher aucuns de ses gens à vn pont de pierre : & lors incontinent que les Anglois aperceurent la venue dudit Conestable, Matago, maistre Ver & bien mille Anglois en leur compaignie s'en fuirent à Caen & à Bayeux. Et ledit Kiriël & sa bataille qui là estoient se retirerent pour gaigner vn ruisseau & le village qui assez pres estoient d'eux. Et au bout dudit pont descendirent à pied partie des archiers du Conestable, & combattirent l'esse d'embas de la bataille desdits Anglois, où il en y eut plusieurs de morts & desconfits : & passa ledit Conestable ledit ruisseau, & se ioignit avecques ledit Comte de Clermont. Et incontinent le grand Seneschal de Normandie demanda congé audit Conestable de faire descendre son enseigne à l'esse d'amont, ce que ledit Conestable luy accorda, en laquelle esse ils combattirent fort, & y furēt lesdits Anglois morts & desconfits. Et tantost marcherent les gens du Conestable en belle ordonnance tant qu'ils furent pres dudit village, où ils passerent ladicte riuere sur le grand chemin. Et lors lesdits Anglois doubterent si fort qu'il laisserent le chāp & se reculerent sur ladicte riuere, & là furent assaillis des François & fut vaillamment combattu d'une part & d'autre. Et combien que lesdicts François ne fussent en tout par le rapport des heraulx que trois mil combattans, & lesdits Anglois estoient de six à sept mil : neātmōins par la grace de Dieu les François desconfirent lesdits Anglois : desquels par le rapport des heraulx, des prestres, & des bonnes gens qui là estoient, furent morts & enterrez en la place en quatorze fosses trois mille sept cens lxxij. Et y furent prins prisonniers messire Anthoine Kiriël, messire Henry Norbery, messire Thomas Drieu, messire Thomas Kirqueby, Christofle Auberton, Arpel, Helix Alengour, lennequin Vacquier, Gobert Caleuille & plusieurs autres capitaines & gentils-hommes Anglois, portans cottes d'armes. Et en cōfermant audit vulgaire qui dit, que mieux vaut vne bonne fuitte qu'une mauuaise attente, les vns s'en fuirent & abandonnant leurs compaignōs, c'est à sçauoir ledit Matago, messire Robert Ver, Henry Lons, maistre Mellian & vn autre capitaine qui auoit charge de trente lances & cinq cens archiers. Et furent estimez les prisonniers Anglois prins en la bataille de douze à quatorze cens. Et s'en alla ledit Matago à Bayeux & ledit messire Robert à Caen. Et ainsi par la vertu diuine furent les Anglois desconf-

fits. Ce iour furēt faits cheualiers le Comte de Castres fils du Comte de la Marche, Godefroy de Boulongne fils du Comte de Boulongne & d'Auuergne, le sire de Vauuert fils du Comte de Villars, le sire de S. Seuer, le sire de Chalon & plusieurs autres. Et ladicte iournée du party des François ne mourut au plus que huit personnes seulement: & ainsi se departirent l'ost des François, & s'en allerent tous ensemble mettre le siege deuant Vire. Apres lequel departement s'esmeut altercation entre aucunes gens de guerre, disans les vns que la louenge de la journée deuoit estre attribuée audit Connestable, comme lieutenant du Roy par tout le royaume de France. Les autres disoient l'honneur deuoit estre audit Comte de Clermont, comme commis & lieutenant à faire celle poursuite, & disoient l'especialité deuoit desroguier à la generalité. Ceste matiere discutée pour les deux parties par plusieurs seigneurs & mesmement du consentement du Roy fut relaté & iugé que ledit Comte de Clermont deuoit emporter l'honneur, combien que par le moyen dudit Connestable la chose prospera en bien. Ceste gracieuse iournée fut tantost diuulgée par tout le Royaume de France: & par especial vint à la cognoissance de reuerend pere en dieu maistre Guillaume Chartier Euesque de Paris: lequel pour remercier Dieu, qui de sa grace auoit voulu ladicte victoire estre obtenue pour le treschrestien Roy de France à l'encōtre de ses anciens ennemis (en consonnāt au dit du Psalmiste où il dit. *Ex ore infantium & lactantium perfecisti laudem*) ordōna vne procession en l'Eglise nostre Dame de Paris: & n'y auoit en icelle que tous enfans allans à l'escole depuis l'aage de sept ans iusques à l'aage de xj. ans, tant enfans males que femelles: & mesmement enfans mandians des quatre ordres de Paris, avec tous les maistres d'iceux enfans: & estoit estimée ladicte congregation de douze à quatorze mil enfans de l'aage dessusdicte: Lesquels se partirent de l'Eglise S. Innocent où la congregation auoit esté faicte: & portoit chacun vn cierge ou autre luminaire allumé en sa main: & avecques eux estoient les chappellains de S. Innocent, qui portoient vn reliquaire appellé l'Innocent. Et duroit ladicte procession depuis ladicte Eglise de S. Innocent iusques à l'Eglise de nostre Dame, qui estoit moult belle chose à veoir & moult grand honneur pour ledit Euesque. Apres que ladicte compaignie fut arriuée à ladicte Eglise, fut chantée vne messe solēnelle: & icelle châtée s'en retournerent deux & deux cōme ils estoient allez pour reconuoyer ledit reliquaire iusques à ladicte Eglise de S. Innocent: & de là se partirent & s'en allerent chacun en son escole. En ce tēps se partit le Comte de Suffort d'un fort chastel, où il estoit pour la doubte des Anglois qui le vouloient faire mourir, & se meit en mer pour eiter la mort. Mais luy estant en la mer fut rencontré des gens du Côte de Sombreffet: lesquels le prindrent & luy coupperent la teste, puis l'enuoierent à tout le corps à ceux de Londres, qui le pendirent par quartiers à leurs portes. Tantost apres la desconfiture dessusdicte & sans interualle alla toute la compaignie mettre le siege deuant la ville de Vire: En laquelle estoient en garnison de trois à quatre cens Anglois bons combattans, desquels estoit capitaine messire Henry Norbery lors prisonnier de la journée dudit Fourmigny. Et ne fut ledit siege pas longuement deuant ladicte ville, que ledit capitaine ne la fait rendre par composition, telle que ceux qui estoient dedās s'en allerent à Caen leurs biens saufs,

& ainsi

& ainsi rendirent la dessusdicte place. Et adoncques se partit ladicte armée & se separa en deux parties : c'est à sçauoir le Comte de Clermont & sa compaignie tirerent à aller deuers Bayeux, & ledit Conneſtable & sa compaignie s'en retournerent deuers le Duc de Bretaigne pour aller mettre le siege deuant Auranches.

Comment le Duc de Bretaigne à tout son armee met le siege deuant Auranches: comme elle luy fut rendue: comme il print Tombelaine: comment Bayeux fut prinſe: comment le Conneſtable de France print Bricquebec & Valongnes & S. Sauueur-le-Vicomte & autres incidens.

L'Armée dudit Duc de Bretaigne retournée deuers luy apres qu'ils furent vn peu raffreſchis, il feit faire ses monſtres, & puis ſans delay il ſe partit bien garny de canons & de Bombardes & de toute autre artillerie & alla mettre le siege deuant la ville d'Auranches: en laquelle eſtoient de quatre à cinq cens Anglois, dont eſtoit capitaine vn nommé Lampet. A aſſeoir ledit siege ſe porterēt moult vaillāment & y eut de moult belles eſcarmouches d'vn coſté & d'autre: & y fut le Duc & ſon oſt par l'eſpace de trois ſepmaines. Pendant lequel temps ils feirent de grans approches & battirent la ville de Engins, & tellement que neceſſité contraignit ledit Capitaine & ſes gens de rendre la place au Duc. Et quelque compoſition que leſdits Anglois demandäſſent, neantmoins ils ne peurent obtenir que d'eux en aller leurs corps ſaufs ſeulement. Et ainſi rendirent la place, & ſ'en allerent chacun vn Baſton en ſon poing. Apres la reddition dudit Auranches, alla ledit Duc de Bretaigne & ſon oſt deuant la place de Tomblaine, qui eſt vne tresforte place & imprenable tāt qu'il y ait à viure dedans: car elle eſt toute aſſize ſur roc en la mer, & pres du mont S. Michel. En laquelle eſtoient en garniſon de quatre vingts à cent Anglois: leſquels voyans ſi grand puisſance deuant eux, ſe rendirent par compoſition, telle qu'ils ſ'en deuoient aller leurs corps & leurs biens ſaufs: & ſ'en allerēt à Chierbourg & rendirent icelle place. Oudit an xvj. iour de May feit le Roy mettre le siege deuant Bayeux par les Comtes de Dunois, de Neuers & d'Eu & pluſieurs autres capitaines cheualiers & eſcuyers. Et ſe logerent entour la ville, & tindrent illec le siege par l'eſpace de quinze iours: pēdant lequel temps feirent les François de grans approches de mines & de foſſez, & tellement furent battus de canons & de traiçt leans, que toute la muraille fut percée & abbatue, ſi qu'il ne reſtoit plus que d'aſſaillir: & ce que les ſeigneurs diſſeroient pour euitier l'eſfuſion de ſang, & aux grans maux qui ſ'en fuſſent enſuiuïs ſe telle cité eut eſté prinſe d'aſſault: mais ce nonoſtant ſans congé & ſans ordonnāce de la grand ardeur & conuoitiſe qu'auoient les gens de guerre de gaigner, ils aſſaillirent ladicte cité deux fois en vn meſme iour: & y eut de moult belles armes faiçtes tant du coſté des aſſaillans, cōme des deſſendans: deſquelles deux parties en y eut pluſieurs de morts de traiçt, & de couleuſines: mais il conuint les François ſe retraire ſans autre choſe faire, pource que l'aſſault n'eſtoit que d'vn coſté. Et ſe ladicte ville eut eſté aſſaillie par l'ordonnance des ſeigneurs & des capitaines, ſans quelque deffaut elle eut eſté prinſe d'aſſault: Matago eſtoit capitaine dudit lieu, lequel fut fort eſpouventé de la vaillance qu'il auoit veüe

esdits François oudit assault: car ils y furent tuez de vaillans gens du party des Anglois: & pourtant il commença à parlementer avec le Comte de Dunois & autres seigneurs, & apres plusieurs parolles dictes entre eux, Matago & ses compagnons traicterent & appoincterent, & quelque composition qu'ils demandassent, ils ne peurent obtenir pour toutes productions que d'eux en aller chacun vn baston en son poing seullement. Et ainsi s'en allerent & faillirent d'icelle cité par la porte du chasteau tous lesdits Anglois nombrez à neuf cens, renommez les plus vaillans gens de leur party, & s'en allerēt à Chierbourg: mais à aucuns d'iceux Anglois pour l'honneur de noblesse furent deliurez leurs cheuaux pour porter leurs damoyelles, & les gentils femmes: & avecques ce leur furent deliurées plusieurs charrettes pour porter aucunes autres des plus notables femmes d'iceux Anglois: lesquelles s'en alloient avec leurs maris, si que c'estoit pitié à les regarder: car elles partirent d'icelles cité de trois à quatre cens femmes sans les enfans, lesquels aussi estoient en grand nombre: les vnes portoient leurs petis enfans en berceaux sur leurs testes, les aucunes sur leurs cols, & les aucunes en auoient de pendus entour elles à bédعاء de toille, & en plusieurs autres façons. Et ainsi demoura ladicte cité en l'obeissance du Roy de France. A laquelle gouverner meit prouision, & ordōna officiers pour le Roy ledit Comte de Dunois son lieutenant general. Et ce fait passa luy & le Comte de Clermont leurs compagnies & tout l'ost la riuere d'Orue, & meirent leurs gens viure sur le païs, en attendant la venue du Comte de Richemont Connestable de France: & laissa audit lieu de Bayeux canons, couleurines & toute autre artillerie pour aller mettre le siege deuant Caen. En ce mesme temps le Connestable de France & ceux de sa compagnie: c'est à sçauoir les gens de monseigneur de Laual, le Marechal de Loheac, les gens de l'Admiral de la mer, & monseigneur de Touthuille, prindrēt la ville de Bricquebec, & la meirent en la main du Roy moyennant qu'ils s'en allerent leurs corps & leurs biens saufs. Apres la reddition dudit Bricquebec s'en alla ledit Connestable mettre le siege deuant la ville de Valongnes, qui nagueres auoit esté prinse des Anglois sur les François: deuant laquelle il ne fut gueres, mais se rendirent tost apres, pource que le lieutenant d'icelle place qui en auoit la garde de par le Roy d'Angleterre estoit fait François: & pource trouua il façon enuers ledit Connestable que les Anglois estans dedans ladicte ville iusques au nombre de six vingts, s'en yroiēt à Chierbourg leurs corps & biens saufs: & par ce moyen se partirent iceux Anglois, & laisserent ladicte ville en l'obeissance du Roy de France. Apres le departement du Duc de Bretagne le Connestable se retira à Bayeux, & enuoya Iaqués de Luxembourg son lieutenant & Oudet Dadie en sa compagnie avec trente lances, mettre le siege deuant S. Sauueur le Vicomte, qui est moult belle place & l'une des plus fortes de Normandie: deuant laquelle place demourerēt l'espace de trois iours en attendant la venue des Marechaux de France & de Bretagne, des seigneurs de Touthuille & de Bouffac & d'autres. De laquelle place estoit capitaine le sire Roberfart vn Baron de Hainault, qui auoit leans en sa compagnie deux cens combattans Anglois: lesquels Marechaux & autres feirent moult vaillamment leur deuoir à mettre ledit siege & feirent de grans approches & tranchées. En faisant lesquelles fut tué d'un canon vn vaillant

lant escuyer du païs de Berry, nommé Jean de Blanche fort, qui fut moult plaint. Et tantost apres leldits Anglois eux voyans estre si oppressez sans ce qu'ils fussent greuez de canons ne d'autres engins, commencerent à parlementer: & tost apres ils rendirent la place par composition, telle qu'ils s'en deuoiēt aller leurs corps & leurs biens laus à huit iours de vuidage. Ainsi par ce moyen fut rendue ladiète ville de S. Sauueur le Vicomte, & mise en l'obeïssance du Roy de France: & ce fait se partirent leldits Mareschaux & cheuaucherent iusques à deux lieües pres de Caen en vn village nommé Ceux, où estoit logé ledit Connestable & sa compaignie: & menoiēt avec eux leldits Mareschaux les hostages que leldits Anglois auoiēt baillé, pour fournir l'appoinctement que dit est: pource qu'ils se partirent, & n'attendirent point leldits huit iours de vuidage, que les Anglois deuoient auoir à vuidier leurs biens de dedans ladiète place.

Comment le siege fut mis deuant Caen: comment le Roy de France y vint, & le Roy de Cecille, & le Duc de Calabre son fils à grosse armée: puis dit comment les Anglois apres ce qu'ils eurent esté fort bastus d'engins rendirent la ville & chasteau de Caen.

LE v. iour de Iuin audit an se deslogea ledit Connestable & sa compaignie dudit lieu de Ceux, & s'en allerent loger és faulxbourgs de ladiète ville de Caen, du costé de deuers Bayeux dedās l'abbaye S. Estienne pres de la muraille d'icelle ville. Et ce iour mesmes se partit de la bataille le Comte de Clermont, le Comte de Castres & plusieurs autres seigneurs cheualiers & escuyers, qui vindrent tous loger avec ledit Connestable oudit lieu de S. Estienne: & estoient en nombre avec leldits deux seigneurs, douze cens lances, & quatre mil & cinq cens archiers, Guisarmiers & Coustilliers, & deux cēs francs archiers à pied. Et le Comte de Dunois lieutenant general du Roy, & se deslogea de demie lieüe pres de ladiète ville de Caen: & se vint loger és faulxbourgs de Vaucelles du costé de deuers Paris à grand compaignie de nobles hommes, gens d'armes & archiers, iusques au nombre de huit cens lances, & de deux mille cinq cens archiers, Guisarmiers & Coustilliers à cheual, & deux mil francs archiers à pied, ainsi fut assiegée ladiète ville des deux costez. Puis firent faire diligemment vn pont au dessus de ladiète ville pour passer la riuierre d'un costé & d'autre. Par dessus lequel pont passerēt au quatriesme iour apres les Comtes de Neuers & d'Eu à grand cōpaignies de gens d'armes, & de traictz lesquels s'en allerent loger és faulxbourgs de ladiète ville, du costé de deuers la mer en vne abbaye de dames, nommée la Trinité: & si tost que leldits François furent illec arriuez, fut assailly le boulleuert estant illec: lequel fut moult vaillamment deffendu & y eut de moult belles armes faictes tant d'une part que d'autre, & neantmoins en fin fut prins d'assault par les François: lesquels le laisserent depuis, pource qu'il estoit ouuert du costé de deuers la muraille d'icelle ville: & semblablement demoura deseparé pour la muraille, & fut habandonné par les Anglois, pource qu'ils firent murer leur porte. Pour venir audit siege se partit le Roy de France de la ville d'Argentan, en sa compaignie le Roy de Cecille, le Duc de Calabre son fils, le Duc d'Alençon, les Comtes du Maine, de S. Pol, & de Tarquarville & plusieurs autres cheualiers, escuyers gens d'armes & de traictz, iusques au nombre de six cens lances & les archiers: & alla coucher

à S. Pierre-sur-Dive: le lendemain à Argenten, & le tiers iour vint dîner aufdits faulxbourgs de Vaucelles. Puis se partit incontinent & passa la riuere par dessus ledit pont, & s'en alla loger en vne abbaye nommée Dardenne, où il fut durant ledit siege, fors vne nuit qu'il fut logé en ladicte abbaye de la Trinité: où demourerēt le Roy de Cecille, le Duc de Calabre son fils & les autres seigneurs qui y estoient venus à tout mil lances: avec le Roy douze mil archiers à cheual, mille Guisarmiers & Coustilliers à cheual, & deux cens François archiers à pied, dont la plus-part estoient logez és villages d'environ. Tâost apres la venue du Roy furent faictes grandes diligences de fossayer autour de la ville, & faisoit vn chacun grand deuoir endroit soy: & commença le Comte de Dunois premierement à faire assaillir les boulleuers de Vaucelles, qui estoient sur la dessusdicte riuere de Dive: lesquels se tindrent longuement, & y fut combattu & deffendu tresvaillammēt d'vn costé & d'autre: mais en fin apres plusieurs beaux faits d'armes, furent lesdits boulleuers prins par les François, & y furent morts, prins & naurez grand foison des Anglois, qui moult esbahirent leurs compaignons. En chacun logis dudit siege estoient mines iusques dedans les fosses de la ville, & par especial du costé de deuers le Conestable: ses gēs d'armes minerent du costé de deuers S. Estienne, tellement que tout cheut & trespacha à terre, & pouoient combattre les François & Anglois main à main par ce lieu: quand lesdits Anglois se veirent ainsi agreffez & approchez de toutes parts, doubtrant qu'ils fussent prins d'assault, demanderent & requirent à auoir traictié: à quoy le Roy de France meut de pitié & compassion à l'exemple de nostre seigneur, qui ne demande pas la mort des pecheurs: mais luy souffrit qu'ils se conuertissent en mettant Dieu deuant luy: considerant aussi la grand pitié & dommage que c'eust esté de destruire vne telle ville, de violer & piller les Eglises, femmes & filles despucceller: cōsiderant aussi l'effusion du sang humain, qui eut peu estre fait dedans la ville, se consentit & octroya que ladicte ville fut prinse par composition. Et en verité elle estoit prenable d'assault, veu les ouuertures & rompures qui ja estoient faictes en ladicte ville & murailles d'icelle: & quand au regard du chasteau & donjon, lesdits Anglois le pouoient bien tenir par longue espace de temps, s'ils eussent eu courage de ce faire: combien qu'en la fin veu la cheualerie & grand compaignie qui deuant eux estoit, il leur eut fallu rendre: & pour monstrier qu'il estoit tenable à ceux qui n'y ont point esté. Vray est que ledit chasteau est vn des plus forts chasteaux de Normandie, garny de haux & grans boulleuers de moult dure pierre, & assis sur vn roc, lequel contient par estimation autant que la ville de Corbueil: & y a dedans vn tresfort donjon d'vne l'arge & haute tour quarrée, entretenue tout autour de quatre grosses tours massiues, depuis le pied du fossé iusques en haut à l'egal de la terre: lesquelles sont moult hautes, & est fermé de haute muraille & forte tour autour selon l'equalité desdictes tours: & de grās & parcons fosses, & tout assiz sur roc: dedans ledit chasteau se tenoient le Duc de Sombresset, sa femme & ses enfans: & en ladicte ville estoit logé messire Robert Ver frere du Comte de Suffort, messire Henry Radefort & plusieurs autres: lesquels estoient conduiseurs pour le Duc de Sombresset de quatre mil Anglois, estans dedans ladicte ville pour la garde d'icelle. Pour entrer doncques en la matiere

tiere de la composition, s'assemblerent & conuerferent plusieurs fois lesdits Anglois & François: c'est à sçauoir pour le Roy de France ledit Comte de Dunois, le Senefchal de Poictou, sire Jean Bureau tresorier de France. Pour les Anglois messire Richard Herisson Baillif de Caen, Robert Parges & aucuns autres: & pour ladicte ville Eustace Gaingnet Lieutenant dudit Baillif, & l'Abbé dudit S. Estienne: lesquels parlementerent & alleguerent plusieurs choses en fortifiant chacun son fait. Et apres plusieurs parolles dictes entre eux, composerent le lendemain de la feste S. Jean Baptiste: & promirent lesdits Anglois mettre ladicte ville, chasteau & donjon és mains & obeissance du Roy de France, dedans le premier iour de Iuillet ensuiuant, ou cas qu'ils ne combattroient le Roy & sa puissance dedans ledit iour, parmy ce que ledit Duc de Sombresset, & sa femme, & ses enfans, & les autres Anglois, qui s'en voudroient en aller s'en yroient eux & leurs biens, femmes & enfans, & emporteroient tous leurs biens meubles. Et aussi s'en yroient leurs corps, cheuaux & harnois saufs: & pour emporter leursdits biens, on leur bailleroit vaisseaux & charroy, & ce qui seroit de necessité pour passer en Angleterre & non ailleurs, à leurs despens & non autrement. Pourueu toutesfoi qu'iceux Anglois rendroient tous prisonniers, & tous scelez, & quitteroient rous ceux de ladicte ville tant gens d'Eglise, bourgeois ou autres qui leur deuoient, ou pouoient deuoir aucune chose, & sans que pour ce au departir ils preussent rien du leur. Et avecques ce qu'ils laisseroient toute artillerie grosse & menue, reserué, arcs, arbalestes & couleuines à main. Pour lequel appoinctement entretenir ils bailleront pour hostages douze Anglois d'Angleterre, deux cheualiers de Normandie & quatre bourgeois de ladicte ville: & pource qu'ils ne furent secouruz en aucune maniere ledit premier iour de Iuillet, ils rendirent ladicte ville, chasteau & donjon: & porta les clefs aux champs par iceluy donjon le Baillif dessus nommé, & les mit en la main du Connestable de France, en la presence dudit Comte de Dunois Lieutenant general: auquel il les liura incōtinent comme au capitaine & gouuemeur d'icelle ville & chasteau pour le Roy de France. Et demoura ledit capitaine aux chāps pour faire tenir le chemin desdits Anglois droit à Estrahan: & tātost apres leur departemēt ledit Comte de Dunois, accompagné du Marechal de Talongnes deuant luy deux cens archiers de pied, & les trompettes & heraulx du Roy: & derriere luy trois escuyers d'escuyerie portans les bannieres du Roy: & derriere icelles cent hommes d'armes à pied, entra par ledit donjon dedans icelle ville & chasteau, & fit mettre lesdictes bannieres sur lesdits donjon & portes.

Cy dit comment le Roy de France entra à Caen, où il fut noblement receu. Puis dit comment les Anglois rendirent Falaise au Roy de France, de laquelle place il ordōna capitaine Pothon de S. Treille: puis dit cōment Daufrois fut mis en l'obeissance du Roy.



Le vij. iour de Iuillet se partit le Roy de France de l'abbaye de Dardene, pour entrer en sa ville de Caen: & estoient en sa compagnie tous les seigneurs qui auoient esté au siege, excepté son lieutenant & le seigneur de Talongnes, qui ja estoient dedans la ville: lesquels estoient tous grandement & richement habillez. Et ainsi vint iusques pres de ladicte vil-

le deux cens archiers deuant luy, avec les heraulx & trompettes, & derriere luy auoit cent lances. Là vindrent au deuant de luy hors de la ville le Comte de Dunois, qui amena les bourgeois de ladicte ville en grand multitude de gens: lesquels apres qu'ils eurent faicte la reuerence au Roy, luy presenterent les clefs & il les receut tresbenignement. Apres ce vindrent les gens d'Eglise reueſtus à proceſſions, ainſi qu'il eſt de couſtume en tel cas de faire. Puis entra en ladicte ville & y auoit quatre gentils-hommes, portans vn ciel ſur luy: & eſtoient toutes les rues par où il paſſoit tendues & couuertes à ciel grandement: eſquelles rues auoit grand ſoiſon de peuple criant Noël: & ainſi cheuaucha le Roy iuſques deuant la grand Eglise S. Pierre, & deſcendit à la porte pour aller faire ſon oraïſon: laquelle faicte il ſen alla loger en la maiſon d'un bourgeois de la ville, en laquelle il demoura certaine eſpace de temps, ſon lieutenant & cōſeil avecques luy pour mettre officiers, police & gouuernement en ladicte ville. Et vindrent à la priſe dudit Caen deuers le Roy le ſeigneur de Croÿ, meſſire Iean de Croÿ ſon frere & le ſeigneur d'Arſy: lesquels eſtoient enuoyez de par le Duc de Bourgogne pour traicter du mariage de la fille du Roy & de monſieur Charles ſils dudit Duc: & pour pluſieurs autres groſſes choſes, dont ils eſtoient chargez de par le Duc. Ledit ſixieſme iour fut mis le ſiege deuant Fallaiſe, & ſy trouua premier Pothon de S. Treille Baillif de Berry, & le lundy apres maïſtre Iean Bureau treſorier de France, avec lequel eſtoient les François archiers pour conduire l'artillerie, dont il eſtoit gouuerneur. Tantoſt apres que les Anglois de la place les apperceurent ils allerent deuant, & les aſſailirent trefaprement: & à iceluy aſſault ſe gouuerna ledit Treſorier tres vaillamment en ſoy deffendant contre leſdits Anglois. Et pendant vint ledit ſeigneur de S. Treille à ſon ſecours, & tellement fut deffendue ladicte artillerie, que leſdits Anglois furent reboutez iuſques aux portes de leur fortereſſe. Puis ſe partit le Roy de ſa ville de Caen pour aller audit ſiege, & vint à vne lieüe pres dudit Fallaiſe en vne abbaye nommée S. Andrieu. Avec luy eſtoit le Roy de Cecille, le Duc de Calabre ſon ſils, les Comtes du Maine, de S. Pol & de Tanquarville, le Vicomte de Loumaigne & pluſieurs. Et fut mis le ſiege tout autour de ladicte ville de Fallaiſe. Et pource que le Roy auoit grand ſeigneurie avec luy, & plus qui ne luy failloit pour tenir ledit ſiege, furent les Comtes de Richemont & de Clermont ordonnez de par le Roy pour aller mettre le ſiege deuant Chierbourg. Dedès Fallaiſe eſtoient en garniſon mil cinq cens combattans Anglois, les mieux en point qui fuſſent en Normandie des ges de leur natiō, dont eſtoient cōduiſeurs & capitaines ſoubs le ſire de Thallebot, deux gentils-hommes Anglois: vn nommé Andrieu Troſlet, & l'autre Thomas Cathon: lesquels voyās telle & ſi grande ſeigneurie & telle multitude de gens d'armes, archiers & arcbaſteſtriers deuant eux, requirent à parlementer avec le Comte de Dunois: lequel par le commandement & ordonnance du Roy leur bailla ſeurte pour aucuns d'entre eux, venir expoſer ce qu'ils vouloient dire. Et adonc requirent à auoir compoſition avecques le Roy, laquelle leur fut accordée par le Roy. Et depuis appointerent enſemble le dixieſme iour de Iuillet par condition qu'ils mettroient en l'obeïſſance du Roy la ville & chaſteau de Fallaiſe le xxij. iour dudit Iuillet, ou cas qu'ils ne ſeroient ſecouruz en dedès ledit iour, pourueu auſſi que
le ſire

le sire de Thallebot qui estoit seigneur de ladicte place du don du Roy d'Angleterre soubz qui ils estoient, lequel estoit prisonnier du Roy au chateau de Dreux, seroit deliuré & mis en sa franche liberté, moyénant certaines promesses que ledit Thallebot deuoit avecques ce faire au Roy. Et futēt baillées trefues entre lesdictes parties, durās depuis ce dixiesme iour iusques au vingtiesme dessuldir. Et pour entretenir ce que dit est, baillerēt douze hostages. Et s'en deuoient aller seldits Anglois en Angleterre leurs corps & biens saufs, ou cas qu'ils ne seroient secourus dedans le iour dessuldir. Auquel ne cōparut aucun eu leur secours. Pourquoy ils s'en allerent franchement ainsi que promis estoit. Et laisserent ladicte ville & chateau en la main & obeissance du Roy: à laquelle garder de par luy il ordonna capitaine Pothon de S. Treille son grand escuyer d'escuyerie & Baillif de Berry. Le xxiiij. iour dudit Iuillet apres la reddition de Falaise se partirent de la cōpaignie du Roy messire Charles de Culant grand maître d'Hostel, le sire de Blanville, sire lean Bureau Tresorier de France ayant tousiours le gouuernement de l'artillerie, & de mille & cinq cens François archiers: Lesquels estans tous ensemble, s'en allerent mettre le siege deuant la ville & chateau de Dampfront. En laquelle estoient en garnison de sept à huit cens Anglois, lesquels sachans le grand nombre de gens d'armes, & la grād seigneurie estans lors en la Duché de Normandie, rendirent ladicte ville & chateau le second iour d'Aoust ensuiuāt dudit an, par telle composition qu'ils s'en allerent en Angleterre leurs corps & leurs biens saufs: ainsi qu'auoient fait plusieurs sauldoyers de leur partie, estans dedans les villes & chasteaux cy dessus escrites.

Cy parle de la mort du Duc de Bretagne & de messire Gilles son frere: & comment on le feit mourir moult piteusement. Puis dit comment Chierbourg par mer & par terre fut assiegé, & comment elle fut prinse.



Vdit an enuiron la fin du mois de Iuillet mourut de mort naturelle messire François Duc de Bretagne nepueu & homme du Roy de France, qui fut vn tresgrād dommage pour le Royaume: car il estoit vn notable Prince, prudit & vaillant homme de son corps: & felloit grandement trauaillé de sa personne & employé ses gens & grand finance ou seruite du Roy à la conqueste du païs de Normandie, comme cy deuāt est dit & declairé. Ce Prince cy en son viuant aimoit naturellement le Roy de France, comme il est assez apparū: car il auoit porté guerre à tous ceux qu'il sçauoit estre contre sa maiesté royalle: & mesmement contre vn de ses propres freres, nommé messire Gilles de Bretagne: lequel ou preiudice du Roy de France & sans quelque adueu de luy, auoir receu l'ordre du Roy d'Angleterre qu'on appelle la laretiere, & auoit accepté l'office du Cōestable dudit Royaume d'Angleterre. Pourquoy rantost apres que cecy fut venu à sa cognoissance, il le feit prendre & le feit mettre à vn de ses chasteaux, où il fut par longue espace de temps diligemment gardé. Et souuentefois estoit exorté & admonesté par ledit Duc & ses parens, subiets & autres bien-vueillans du Royaume de France, de delaisier la querelle des Anglois qu'il soubstenoit contre raison, iustice & tout ordre de droit. Et apres qu'il eut esté traicté par douces parolles, fut

traicté par parolles rigoureuses:mais oncques pour chose qu'on luy sceut dire, il ne se voulut retraire de son propos. Parquoy ledit Duc de Bretagne son frere conceut haine mortelle contre luy, & tellement qu'il ordonna qu'on le feit mourir. Et fut ledit Duc plusieurs & diuerses fois sommé du Roy d'Angleterre par ses heraulx de luy r'enuoyer son Connestable, lequel il tenoit prisonnier, duquel auoit la garde Artus de Montauban. Et de fait pour le reffus qu'en feit ledit Duc de le rendre, les Anglois luy enuoyerent lettres de defiance, qui en felonnerent son fait pis que parauant. Et print ledit Duc vne telle desplaisance en soy que selon commune renommée il fut vne nuit par l'ordonnance du Duc son frere estranglé de deux touailles torfes. Ainsi fina les iours messire Gilles, miserablement & piteusement, qui est grand exemple à tous autres: de ceste mort ainsi piteuse on parle autremét en Bretagne, & dient plusieurs qu'il y eut du poil de leu enuers lesdits de Montauban & ses complices, qui le gardoient avec luy, pourtant qu'ils le feirent mourir ainsi que dit est, par faulx donner à entendre à son frere, cuidant paruenir à aucunes choses: car il estoit content de renoncer à toutes promesses par luy faictes aux Anglois, & de faire tout ce que le Roy & son frere eussent voulu:mais on leur rescriuoit tout au cōtraire comme l'on a assez sceu par aucun d'iceux, qui l'auoient fait mourir, lesquels en ont dit la verité:& furent trescruellement executez par iustice, & le autres qui ont peu echapper ne s'oseroient trouuer au paÿs & pour cause. Le siege estant deuant Chierbourg, lequel y auoit esté mis par le Comte de Richemont Connestable de France, & par autre grosse puissance de seigneurs, cheualiers & escuyers, estans en sa compagnie, cōme il est declairé cy deuant, fut grandement gouverné & vaillamment par les François estans audit siege. Et estoient ceux de dedans fort oppressez de trenchées, de mines & d'autres approchemens:cōbien qu'il y eut vn cheualier & vn escuyer de Bretagne qui y furent tuez:c'est à sçauoir messire Pregel de Cotuiy seigneur de Raiz, lequel fut tué d'un canon qui fut vn grand dommage pour le Roy: car il estoit vn des vaillâs cheualiers & bien renommé qui fut au Royaume de France, prudent aussi & de bon aage:L'autre fut tué d'une couleurine & fut Tuddual le Bourgeois escuyer de bien, & Baillif de Troye:lequel estoit vaillant homme de son corps & pied & à cheual, de grand conduicte & bien cognoissant la subtilité de guerre.Ladicte ville fut fort battue de canons & de bombardes, & le plus subtilement qu'oncques homme veit & mesmement du costé de la mer. Car il y auoit bombardes assises en la mer sur la greue, où elle alloit & venoit par chacun iour & estoient lesdites bombardes chargées de pierres: & combien qu'elles fussent toutes chargées d'eauë quand le flot venoit: Neantmoins par le moyen de certaines peaux grasses, dequoy elles estoient vestues, oncques la mer ne porta dommage à la pouldre estant dedans lesdits engins:mais au plustost que la mer estoit retraicte les canonniers leuoient le manteau & iettoient contre ladicte place,dont les Anglois estoiet moult esbahis:car oncques n'auoiet eu cognoissance de tel mystere. Toutesfois il y eut quatre bombardes & vn canon rompus deuant ladicte ville,& y furent faictes de grandes & belles armes tant sur terre que sur mer,& plus au preiudice des Anglois qu'à leur proffit. Pourquoy Thomas Gouuel escuyer Anglois,capitaine dudit lieu:lequel auoit en sa compaignie

paignie en ladicte place mille combattans sous luy, requit à auoir compositiō avec le Cōestable, laquelle il obtint. C'est à sçauoir que ledit Gouuel laisseroit ladicte ville & chasteau en l'obeissance du Roy de France, parmy ce qu'on luy deliurerait vn sien fils qui estoit en hostage pour sa part & portion de l'argent deu au Roy de France, & à ceux de Roüen. Et ainsi que sondit fils luy fut rendu franc, & il rendit ladicte ville & chasteau de Chierbourg au Roy ou ses commis le xij. iour dudit mois d'Aoust audit an. Et s'en allerent luy & sondit fils & tous les souldoyer en Angleterre leurs corps & biens saufs: Puis en fut fait capitaine pour le Roy le sire de Bueil à tout quatre vingts lances & les archiers. Ainsi fut conqueste toute la Duché de Normandie & toutes les autres citez, villes & chasteaux d'icelle mises en l'obeissance du Roy de France, en vn an & six iours, qui fut vne grand merueille: car iamais si grand païs ne fut conquis en si peu de temps & à moins d'occision de peuple & de gens, ne à moins de domage qui fut vn grand honneur au Roy de France, aux Princes & aux autres seigneurs, & à tous autres qui l'ont accompagné: dont ils deuoient rendre graces à Dieu auquel est deu gloire & louenge. Le temps le deuoit aussi en partie: car c'estoit l'année du grād pardon general de Romme que l'en appelle l'an de Iubilé. Ce païs de Normandie contient six iournées de long, de quatre & de large. Et dedans y a six Eueschez & vn archeuesché, & cent villes que chasteaux, sans ceux qui ont esté abbattus & demolis par la fortune de la guerre. Apres ce fait, ordōna le Roy six cens lāces & les archiers, lesquels il laissa en ladicte Duché pour la garde d'icelle. Et enuoya les autres gens de guerre en Guyēne: Puis se partit pour y aller & arriua en la cité de Tours ou mois de Septembre oudit an, là où par deliberation de son grand conseil, pour rendre graces à Dieu & le remercier d'icelle conqueste, il commanda celebrer processions generales, par toutes les Eglises de son Royaume au quatorziesme iour d'Octobre ensuiuant: & de là en auant par chacun an le douziesme iour d'Aoust.

Cy met l'auteur en memoire les vaillances de plusieurs nobles hommes faictes en la conqueste de Normandie sur les Anglois pour le Roy de France. Comment le Roy enuoya en Guyenne le Comte de Ponthieure qu'il fit son Lieutenant.



Vi voudroit faire mention de tous les vaillans hommes & des vaillances, qui ont esté faictes durant le recouurement de la Duché de Normandie, ce seroit trop longue chose à escrire. Mais neantmoins en fault il aucunement faire memoire pour ceux, qui au tēps aduenir pourroient lire & veoir la maniere & façon du recouurement d'icelle Duché. Premièrement le Roy de France à mis en son armée & en la guerre si bon ordre au fait de ses gens d'armes, que c'est belle chose à sçauoir: car il a fait mettre tous lesdits gens d'armes & de traict en bons & seurs habillemens, c'est à sçauoir les hommes d'armes tous armez de cuirasses, harnois de iambes, salades & espées toutes garnies d'argent, & lances que portoient les paiges de chacun homme d'arme: lequel estoit mōté chacun de trois cheuaux, pour luy, son paige & son varlet: lequel varlet est armé de salade, de brigandine, iaquette ou haubergeō, hache ou guisarme. Et auoit chacun desdits hommes d'armes pout lance deux archiers à cheual, armez le plus de brigandines, harnois de iam-

bes & salades, dont le plus estoient garnies d'argent, & à tout le moins auoient bons iaques & bons haultbergeons. Iceux gens de guerre estoient tous payez pour chacun mois, sans ce qu'ils ayent esté si osez ne si hardis de prendre durant ladicte guerre de Normandie aucunes gens prisonniers, ne rançonner cheual ne beste quelconque. (posé que pour lors elle eust esté en l'obeissance des Anglois, & à ceux de leur party,) ne les viures en quelque lieu que ce feust, sans payer, fors seulement sur iceux Anglois, & gens tenans leur parry, qui estoient trouuez faisans guerre & en armes: lesquels ils pouoient prendre licitement & leur estoit permis & non autrement. Ladicte guerre, durant si gouuerna grandement & honorablement le Comte de Dunois, Lieutenant general du Roy: & aussi feirent pareillement les Comtes de Neuers, de Castres, d'Eu, de S. Pol, le Sire de Culant Grant-maistre-d'hostel, les seigneurs d'Orual, de Toutenille, de Blaniulle, de Beauuau, de Buell, de Beauuois, de Moÿ en Beauuoisiz, son Marechal de Ialongnes, le Seneschal de Poictou, Iean Monsieur de Lorraine, Pothon de sainte Treille, le Baillif d'Eureux, Robert Commugan, & plusieurs autres grans seigneurs, cheualiers & escuyers qui tous notablement, & grandement si sont gouuenez à grans travaux, dangiers, mesaises, peines & perils de leurs corps. Pareillement de la prouision que le Roy auoit mis au fait de son artillerie pour le fait de sa garde, où il a eu le plus grand nombre de grosses bombardes, gros canons, veuglaires, serpentines, crapaudines, couleuvres & ribauldequins, qu'il n'est memoire de homme qui iamaïs veist à Roy si grande artillerie ne si bien garnie de pouldres, de manteaux & de toutes autres choses pour approcher à prendre chasteaux & villes, ne qui eust plus grand soison de charroy à les mener, ne meneurs pour les gouverner qu'il auoit: lesquels estoient payez & souldoyez de iour en iour. Et furent gouuerneurs & condenseurs de ladicte artillerie, maistre Iean Bureau Tresorier de Frâce & Iaspert Bureau son frere maistre de ladicte artillerie: lesquels durant ladicte guerre en ont eu de grans peines & perils: car ils en ont fait grand diligence. C'estoit chose merueilleuse à veoir les boulleuers & approchemens, fossez, trenchis & mines que les dessusdits trouuoient & faisoient faire deuant toutes villes & chasteaux, qui furent assiegez durant icelle guerre. Car à la verité il n'ya eu quelque place rendue, soit par composition ou autrement, qui n'eust esté prinse d'assault & par force d'armes par la vaillance & subtilité des gens de guerre, qui là estoient. Mais tousiours quand lesdictes places estoient approchées & prestes à prendre & à assaillir, le Roy de sa benignité vouloit qu'on les pensist par composition, pour obuier à l'effusion de sang & à la destruction de son pays & du peuple, qui estoit enclos esdictes forteresses. A la conquête de la basse Normandie dont estoit chief en son viuant le Duc de Bretagne, le Comte de Richemont Connestable de France son oncle, le feu Pregent de Coëtivy, lequel en son viuant estoit seigneur de Raix & de Coëtivy, & Admiral de France travaillerent moult leurs corps à la conquête du pays: aussi le Comte de Lauai, le seigneur de Lohéac Marechal de France, son frere, le seigneur de Montauban Marechal de Bretagne, Geoffroy de Couvran, Iames de Tilly Baillif de Vermandois, & aussi fait ledit Tuddual le Bourgeois tant qu'il vesquirit. Pour entretenir le fait & la charge de ladicte guerre, tant sur le fait de la iustice que des finances, & pour conseiller

conseiller bien & loyalement le fait, & entretenement des gens d'armes, & le recouurement de ladicte Duché, se gouvernerent bien & labourerent grandement le seigneur de Trainel Chancelier de France, le seigneur de Gaucourt, messire Theaulde de Vaulpergue Baillif de Lyon, sire Jaques Cueur Conseillier & Argentier du Roy : lequel feit & trouua les manieres & toutes subtilitez à luy possibles d'auoir finance & argent de toutes pars, pour entretenir ladicte armée: & pour souldoyer les gens de guerre, dont il fournist sans nombre. Et aussi firent messire Jean du Bar seigneur de Baugy, & sire Jean Hardouyn Tresorier de France, qui leur fut grand honneur & à tous les autres qui ont trauaillé leurs corps en ceste partie ou seruice du Roy. Apres ce que le Roy Charles septiesme de ce nom au moyen & conduicte de la grace diuine principalement, & de tresnoble & puissante cheualerie ses conseilliers & autres souldoyers de diuers estats, a eu conqueslé sa Duché de Normandie, qui auoit esté occupée par les Anglois ses anciens ennemis par l'espace de trente ans ou enuiron, & subiugué tout le pays, & en iceluy mis prouision, regime & police nouuelle, & mesme ment garde de gens de guerre à la deffence tant des citez, villes, forteresses, chasteaux & autres forteresses: luy tousiours confiant en la grace & misericorde du Roy des Roys, lequel veult à vn chacun garder son droit, comment il est escript en vne omelie de S. Mathieu, où il dit en parlant aux Pharisiens. *Reddite que sunt Cesaris Cesari, & que sunt Dei Deo*: qui est à entendre qu'on doit rendre à vn chacun ce qui est sien: cest à ceste cause disposé & a deliberé en sa volenté d'aller es pays de Guyenne & de Bordeaux occupez par lesdits Anglois de si long temps, qu'il n'est memoire du contraire, en allant directement contre rai- son & contre l'omelie dessus alleguée. Et ont tousiours les nobles & populaires d'iceluy pays esté faux & rebelles à la couronne de France, ou au moins puis deux cens ans, qui est grand laps de temps: combien que ledit pays est & a tousiours esté du domaine d'iceluy Royaume de France. Pourquoy luy voulant v- ser de conseil & faire meurement ses entreprin- ses comme sage, subtil & vaillant Roy, vint en sa ville de Tours au mois de Septembre oudit an cinquante, où il conuoqua & feit assembler grande & noble cheualerie: & là fut deliberé par son conseil d'aucuns de son sang, Prelats & autres ses conseilliers & capitaines d'enuoyer audit pays de Guyenne, apres prouision & garde mise audit pays de Normandie. Pour laquelle garde fut ordonné le Comte de Richemont Con- nestable de France, oncle de Pierre Duc de Bretagne: & avecques luy seigneurs, cheualiers & escuyers dudit pays de Normandie avecques six cens lances, & les archiers payez chacun mois, & grand nombre de Francs-archiers ordonnez de par le Roy: & aussi fut baillé la charge de la cité de Rouën & du pays de Caux à messire Pierre de Bresse Grand Senechal de Normandie. Puis ordonna le Roy en ce mesme conseil d'entrer audit pays de Guyenne, & aller mettre le siege deuant la ville de Bergerac assise oudit pays en la Comté de Perigord, sur la riuie- re de Dourdonne. Et pour ce faire feit son lieutenant le Comte de Pontieu- vre, & de Perigord Vicomte de Lymoges, lequel accepta la charge dudit siege. Et partirent en sa compagnie messire Charles de Culant seigneur de Jalongnes & Marechal de France, Pothon de sainte Treille Baillif de Berry & grad escuyer d'escuyerie du Roy, & plusieurs autres seigneurs cheualiers & escuyers, & au-

tres gens de guerre nombrez à cinq cens lances & les archiers : lesquels y meirent le siege tres-vaillamment & tellement, que par leur puissance & bon gouuernement apres l'arillerie venue & conduicte par maistre Jean Bureau tresorier de France, fut rendue ladicte ville de Bergerac en l'obeissance du Roy de France. Et ainsi les Anglois s'en allerent leurs cheuaux & biens saufs comme la composition auoit esté faicte: & aussi deuoient demourer les habitans s'ils vouloient en faisant le serment & faire leurs labeurs & mestiers comme parauant. Puis s'en retournerent lesdits seigneurs & leurs gens, eux Hyuerner és logis à eux ordonnez : & demoura pour capitaine & maistre dudit Bergerac messire Philippe de Culant: & en sa compagnie cent lances & les archiers. En ce mesme an lesdits seigneurs & la compagnie allerent deuers vn chasteau nommé Iansac (esperans y mettre le siege) situé sur ladicte riuere de Dourdonne, lequel fut prins d'assault, & en y eut des assaillans sept ou huit de naurez, & des Anglois xxv. morts ou enuiron, & le demourant furent prins prisonniers, & demoura ladicte place en l'obeissance du Roy de France. Puis apres se diuisa l'armée du Roy, dont il alla partie à Montferrant où ils teindrent le siege par certaine espace de temps, ouquel fut fort assailly & pou deffendu: car le seigneur dudit lieu voyant la grosse assemblée de gens deuant luy eut paour & demoura prisonnier en ladicte place en l'obeissance du Roy de France. Depuis & sans interualle s'en alla ladicte armée deuant la ville de sainte Foy, assise sur la riuere qui se rendit pareillement sans contredit. Et apres ladicte armée en poursuivant tousiours sa bonne fortune s'en alla deuant vne place appelée Challais, & là fut tenu le siege par certaine espace de temps. Apres lequel les Anglois estans dedans iusques au nombre de cinquante lances, ayans le cuer failly par ce qu'ils veoient telle compagnie deuant eux se rendirent par telle composition qu'ils s'en allerent leurs corps & biens saufs, & meirent ladicte place en l'obeissance du Roy, à laquelle garder fut commis Pierre de Louvain. Le xxvj. iour d'Octobre ou enuiron fut arresté prisonnier maistre Jean de Xancoins receueur general des finances du Roy, & fut mis ou chasteau de Tours, pource selon commune renommée qu'il auoit mauuaiseement distribué & employé les deniers de sa recepte: & tellement que le Roy à son grand besoing ne pouoit finer d'argent pour payer les souldoyers & gens de guerre estans en son seruice ou fait de sa guerre de Guyenne: mais luy conuint trouuer autres moyes merueilleux, pour auoir finances: car autrement son fait eust esté mal pour paruenir à son intention. Et est vray que depuis que ledit receueur fut oudit chasteau en prison enfermé, il fut questionné par aucuns du grand conseil & autres clerks voyans & bien cognoissans és matieres de finances : & fut trouué par sa confession auoir encouru le crime de leze maiesté. C'est à sçauoir tant pour les deniers du Roy qu'il auoit desrobez en grand & excessiue somme, comme pour certaines ratures. Parquoy il fut reputé faulx faire, qui sont causes & peines capitalles, qui luy eust voulu garder iustice. Mais le Roy doulx & misericors luy feit du criminel ciuil, en consonnant à ce qui est escript de nostre sauueur Iesus Christ, où il dit. *Nolo mortem peccatoris : sed magis ut conuertatur & viuat.* Qui est à dire : Je ne vueil pas la mort du pecheur, mais qu'il se conuertisse & viue. Et pource ces cas grans & enormes par luy confessez, il fut condamné par la bouche du Chancelier

cellier de France à tenir prison fermée certain espace de temps, avec cōfiscation de tous ses biens: desquels le Roy donna vn hostel qu'il auoit fait faire à Tours au Comte de Dunois: & outre plus fut ledit Xancoins condamné de payer & restituer au Roy de France la somme de soixante mil escus d'or, qu'il semble estre bien pou de chose au regard de ce qu'il luy auoit pillé, comme sa cōfession le porte: & pour faire sa plaïssance mondaine. Avec luy fut mis prisonnier vn nommé laques Carrier Clerc dudit receueur en prison separé: lequel par le commandement de son maistre & comme complice dudit crime, auoit razé & regrafté par l'instigation de l'ennemy de nature humaine, plusieurs sommes de deniers, pour icelles conuertir au dommage du Roy & à leur prouffit: pourquoy il auoit encouru sentence capitale se la grace & misericorde du Roy ne se fust pareillement estendue sur luy.

Comment le seigneur d'Orual rua ius ceux de Bordeaux: & comment le Duc Pierre de Bretagne vint faire hommage au Roy. Puis dit comment le Duc de Bourgogne vint en Flandres metre imposition sur le sel.

QVdit an dernier iour d'Octobre, le seigneur d'Orual tiers fils du sire d'Albreth & sa compaignie, se partirent de Basas de quatre à cinq cens combattans pour aller courre en l'isle de Medoc: ouquel chemin ils repeurent és bois en vn lieu estant à deux lieues pres de Bordeaux. Et le lendemain iour de Toussaincts au plus matin qu'ils furent montez à cheual cuidans entrer en ladicte isle, leur suruint nouuelles que ceux de Bordeaux tant gens de guerre comme populaires estoient sur les champs ou nombre de huit ou neuf mille tant de pied comme de cheual, pour combattre ledit seigneur d'Orual. Et neantmoins il ne laissa point son entreprinse: mais meit ses gens en belle ordonnance attendant la bataille, combien qu'ils fussent en moindre nombre sans comparaison que les Anglois, desquels estoit conduiseur le Maire dudit lieu. Et commencerent les coureurs dudit d'Orual à leur aller mōstrer bon visage, marchans en bataille par belle ordonnance: lesquels coureurs prindrent vn gentil-homme dudit Bordeaux pres d'un boschage: & là fut si vaillamment combattu par les gens du Roy qu'il mourut dixhui cens hommes tant d'Anglois comme de Bourdelois, tant sur le champ que à la poursuite de ceux qui s'en fuyoient: dont fut le principal en fuite ledit Maire de Bordeaux qui estoit de Cheual, & habandonna tous ses gens de pied, lesquels auoit mis deuant pour faire frontiere de leur bataille. Et outre & par dessus les morts furent prins & demourerent prisonniers ausdits François douze cens hommes, qui fut grand honneur & prouffit ausdits conquerans, attendu le petit nombre de gens qu'ils estoient au regard de leurs ennemis. Apres la besongne faicte par lesdits François, ledit seigneur d'Orual s'en retourna luy & les siens tresioyeusement avec les prisonniers qu'ils auoient en la cité de Basas. Là fut fort abbatu l'orgueil de ceux de Bordeaux & de tout le païs enuiron. Oudit an le lendemain du iour des ames Pierre Duc de Bretagne vint deuers le Roy son souverain seigneur, pour faire hommage de sa Duché de Bretagne: & luy feit faire le serment en tel cas accoustumé le Comte de Dunois & de Longueuille. Et comme grand chambellan du Roy print sa ceinture, l'espée & le bouclier com-

me à luy appartenoit. Et apres ledit serment fait le Chancelier de France luy dit qu'il estoit lige homme du Roy de France à cause de ladicte Duché. A quoy fut respôdu par le Chancelier d'iceluy Duc, que saul la reuerce du Roy & de luy il n'estoit pas lige à cause d'icelle Duché. Et sur ce furé en altercatiô par vn espace de temps. Et finalement le receut le Roy en foy aux vz & aux coustumes, ainsi comme ses predecesseurs les Ducs de Bretaine auoient fait. Et tost apres, il feit au Roy vn autre Hommage pour la Comté de Montfort. A cause de laquelle il confessâ estre son lige, homme & vassal. Et à ce fut receu, à grand chiere du Roy & de sa noble cheualerie. Ce fut fait à vne petite ville & chasteau appellée Montbafon, où le Roy se tenoit pour lors : auquel lieu fut ledit Duc grandement festoié des dames & des damoysselles, & aussi il sacquista grandement enuers elles. Il y eut grosses luites & autres esbatemens durant quinze iours ou enuiron que le Duc fut deuers le Roy, lequel estoit bien en point & en belle compaignie : & auoit avecques luy le Comte de Richemont Connestable de France, & plusieurs autres seigneurs, cheualiers & escuyers estimez iusques au nombre de quatre à cinq cés cheuaux. Oudit an selon le chroniqueur d'Arras le Duc Philippe de Bourgongne aagé de cinquante quatre ans ou enuiron lors Duc de Bourgongne, de Lotrich, de Brabant, de Lembourg & de Luxembourg, Comte de Flandres, d'Artois, de Bourgongne, de Haynault, de Hollande, de Zelande & de Namur, Marquis du S. Empire, seigneur de Frise, de Salins & de Malines, requit aux quatre Membres de son païs de Flandres (qu'il eut fait assembler pour celle cause) que pour tout le païs de Flandres, ils luy voulsissent accorder courre à son prouffit en ladicte Comté imposition sur le sel qui se despendoit illec. C'est à sçauoir sur chacun sac de sel xxiiij. gros de la monnoye de Flandres, promettant que iamais plus en son temps ne leur demâderoit tailles ne aïdes : laquelle requeste ouïe & ruminée par les Gantois principalement, considerans que la nourriture du peuple pour la pluspart est de chairs ou de poissons salez, & pour autres causes à ce les mouuans, refuserent entierement ladicte requeste, disâns que pour mourir ils ne souffriroient icelle imposition auoir cours en leur païs. Et consequamment ceux de Bruges, & d'Yppre, & du Franc, ensuiuans ceux de Gand feirent responce qu'ils feroient en ceste matiere ainsi comme ceux de Gand & non autrement.

Comment le Roy ordonna le Comte de Dunois son lieutenant general pour aller en Guyenne, & mit le siege deuant Montguyon, lequel luy fut rendu. Comment il assiegea la ville de Blaye, laquelle fut prinse d'assault & le chastel se rendit par composition.

1451.



N l'an mil quatre cens cinquâte & vn au mois de May selon le chroniqueur de S. Denys, le Roy estant en la cité de Tours, ordonna le Comte de Dunois & de Longueville son lieutenant general pour aller en Guyenne pour la reduire en son obeissance. Et pource vint audit lieu de Tours au commencement de May. Puis manda le Roy à plusieurs tant cheualiers & escuyers qu'un chacun se preparast pour aller à la conqueste de la Duché de Guyenne. Et lors se partist ledit Lieutenant à tout moult grand & notable compaignie, & alla mettre le siege deuant vn chasteau nommé Mont-

Mont-

Montguyon: auquel lieu vint au service du Roy le Comte d'Angoulesme frere legitime du Duc d'Orleans, maistre Jean Bureau Tresorier de France, Pierre de Louvain & plusieurs autres iusques au nombre de quatre cens lances, & les archiers & guisarmiers avec quatre mil Frans-archiers, qui teindrēt le siege vaillamment en attendant tousiours plus grande seigneurie, laquelle deuoit venir: lequel siege y fut par l'espace de huit iours. Et estoit capitaine dudit chasteau pour les Anglois Regnault de S. Jean escuyer, Gascon & seruiteur du Capital de Beusch, avec certain nombre de gens d'armes: lequel voyant non pouoir resister à la puissance qui estoit deuant luy, feit certain appoinctement & composition avecques les desuidits, moyennant lequel, ladicte place fut rendue en l'obeissance du Roy. Oudit an le seiziesme iour dudit mois de May apres la reddition de Montguyon, alla ledit Comte de Dunois mettre le siege deuant l'une des portes de la ville de Blaye: & se ioignit avec luy messire Pierre de Beauuau seigneur de la Bessiere & lieutenant du Comte du Maine, gouverneur de ses gens d'armes, & Geoffroy de S. Belin: lesquels auoient en leur compaignie environ huit vingts lances, & les archiers & guisarmiers: & là trouuerent messire Jaques de Chabannes Grand-maistre d'hostel du Roy, & Ioachin Rouhault: lesquels avecques leur compaignie se meirent du costé de deuers le chasteau, & se logerent à la maladerie: & auoient deux cens lances & les archiers, & deux mil frans-archiers: & là arriua par mer grand foison de nauires, dont estoit chief & gouverneur messire Jean le Boucher General de France: esquels nauires estoit grand multitude de gens d'armes & de traitz, & grād foison de viures pour aitailler l'ost qui estoit deuant ladicte ville de Blaye: lesquels nauires en approchant dudit siege trouuerent deuant le port d'icelle ville cinq gros vaisseaux bien armez: lesquels estoient venus de Bordeaux pour aitailler & ayder ceux de Blaye: & fut illec combattu tres-vaillamment & tellement, que les nauires des François meirent en fuite les Anglois: desquels il y en eut plusieurs morts & naurez & leur cōuint desancier leurs vaisseaux pour eux en fuir droit à Bordeaux, & les chasserent lesdits François iusques au port. Puis s'en retournerent à tout leurs nauires deuant le Port de Blaye, afin que secours ne viures ne peussent entrer par mer dedans ladicte ville. Et ainsi fut assiegée par mer & par terre de toutes parts: & apres ce fait deux ou trois iours arriua deuant ladicte ville le Comte de Ponthieure à tout cent lances & ccc. arbalestriers, & se logea au siege du Comte de Dunois. Et lors deuant ladicte ville furent faictes de grans vaillances, approchemens de mines, de fossez & de trenchées: & fut terriblement batue de grosses bombardes & de canons, tellement que la muraille fut abbatue en plusieurs lieux: & estoient dedans ladicte ville pour la deffence d'icelle la pluspart des plus vaillans hommes de guerre de la Duché de Guyenne, tenans le party du Roy d'Angleterre. Et environ le xxviij. iour dudit mois de May vn pou deuant soleil couchant à l'heure qu'on sonne le guer, aucuns frācs-archiers de la compaignie de Jean de Meanse, nōmé le seigneur de Mau-gouverne, capitaine des frans-archiers de Touraine, & les gens de Pierre de Louvain, monterent sur la muraille de ladicte ville: & adonc commença l'as-fault de routes parts, tellement que ladicte ville fut prinse: à la prinse de laquelle y eut des Anglois que morts que prins deux cens. Et se retrahirent à grand

haste le Maire & soubz Maire de Bordeaux dedans le chasteau de ladicte ville, le soubzdu seigneur de l'Esparre, le seigneur de Montferrant & plusieurs autres gens de guerre iusques au nombre de deux cens hommes. Et quand ceux dudit chasteau veirent les approches contre eux & qu'ils ne pouoient euader par faute de secours ne par mer ne par terre, traicterent d'eux rendre & mettre le chasteau en la main & obeissance du Roy. Oudit an & sans interualle apres la reddition de la ville & chasteau de Blaye, se partit ledit Comte de Dunois avec toute sa compaignie : & alla mettre le siege deuant la ville & chasteau de Bourg, tant par mer que par terre, & n'y fut ledit siege que cinq ou six iours : car quand ceux qui estoient dedans veirent si grand puissance & en si belle ordonnance, aussi bombardes & canons assortir deuant eux, avec ce mines, aprouchemens & trenchis, ils requirent eux rendre leurs corps & biens saufs : & estoient dedans icelle place de quatre à cinq cens combattans, dont estoit capitaine messire Beraud de Montferrant, lequel luy & ses gens s'en allerent leurs corps & biens saufs à Bordeaux : & demoura ladicte place en garde de par le Roy à messire Jaques de Chabannes Grand-maistre d'hostel du Roy.

En ce mesme an & mois de May, le Comte d'Albreth avec les seigneurs de Tartas & d'Orual ses fils, lequel auoit en sa compaignie trois cens lances & deux mil arbalestiers vint mettre le siege deuant la cité de Dax du costé de deuers Bordeaux, au bout du pont de la riuere de la Guarande. Et enuiron de dix ou douze heures apres que ledit siege fut mis, vint le Comte de Foix avec le Vicomte de Lautrec son frere legitime, messire Bernard de Biarn son frere naturel illegitime, les Barons de Nouailles, de Latirdun, de Roz & de Taraxe, messire Martin Gratian capitaine des Espaignols, Robin-Petit-lot capitaine des Escocois & plusieurs autres seigneurs, cheualiers, escuyers & gens de guerre iusques au nombre de cinq cens lances & les archiers, & deux mille arbalestriers, & meirent le siege du costé deuers Nauarre & de Biarn : lequel siege fut vaillamment tenu, & y eut plusieurs beaux faits d'armes, & aussi vaillamment tenu par ceux de la cité. Et iusques à tant qu'il vint à leur cognoissance, que ceux de Bordeaux faisoient ou auoient intention de faire aucun traicté avec ledit lieutenant ou ses commis : parquoy les assiegez à la requeste dudit Comte de Foix furent comprins en l'appoinctement que feroient ceux de Bordeaux. Et ainsi fut mise en la main & obeissance du Roy de France : & fut commis à la garde d'icelle cité & chasteau par les Comtes de Foix & d'Albreth à quatre Barons du pays de Biarn. En ce mesme temps & mois fut mis le siege deuant le Chastillon en Perigord par monseigneur le Comte de Ponthieure, monseigneur de Salongnes Marechal de France, & maistre Iean Bureau tresorier de France. En ce temps se rendirent au Roy ceux de la ville saint Milion : car ils veioient bien qu'ils ne pouoient resister contre sa puissance. Et fut baillée ladicte ville en garde audit Comte de Ponthieure.

En ce chapitre sont contenues plusieurs notables requestes de plusieurs villes & chasteaux. Et generallyment toute la Duché de Guyenne reserué Bayonne. Puis parle comme ceux de Bordeaux se rendirent.



Le second iour de Iuing ensuiuant le Comte de Dunois enuoya mettre le siege par mer & par terre deuant vne place appellée Fronfac, & il demoura en la ville de Bourg par aucune espace de temps pour faire certaines ordonnances, & mettre illec regime & police au bien & prouffit du Roy: & ce fait vint personnellement audit siege de Fronfac, & enuoya vn herault pour sommer ceux de Liborne d'eux rendre au Roy. Apres lesquelles nouuelles ouies ils ordonnerent aucuns des principaux de la ville pour aller avec le herault deuers iceluy seigneur, pour trouuer le traicté & appointement. Et l'appointement fait & accordé, ladicte ville fut baillée au Comte d'Angoulesme. Et quand au fait du chasteau de Fronfac le plus fort chasteau des marches de Guyenne, & lequel a tousiours esté gardé d'Anglois natifs du païs d'Angleterre, pource que c'est chambre Royale & la clef de Guyenne & de Bourdelois. Pourquoy estoit de necessité ausdits Anglois d'y tenir fort la main, ce qu'ils feirent au mieux qu'ils peurent. Et fut ledit chasteau fort assailly par aucun temps: & aussi par les aduersaires fort deffendu: mais apres que le siege y eut esté enuiron quinze iours, les Anglois qui y estoient, voyans la noblesse & la grand multitude de gens de guerre deuant eux, qui n'estoit pas la moitié de la puissance du Roy non pas le quart: voyans aussi les bombardes, canons & autre artillerie autour d'eux: & les approchemens, comme de fosses & de mines, & la grande cheualerie que le Roy auoit par toute Guyenne, & que les Frans-archiers tenoient le siege en quatre lieux pour icelle heure: lesquels sieges ne pouoient secourir les vns aux autres pour les grosses riuieres de Gyronde & de Dourdonne, qui lors estoient tresgrosses pour les neiges qui fondirent és montaignes en celle saison: & aussi consideroient bien les Anglois qu'il ny auoit siege tenu par les François, combien qu'ils fussent en diuers lieux qu'ils ne fussent assez fors pour attendre & combattre toute la puissance du Roy d'Angleterre, qu'il auoit pour lors en Guyenne. Pourquoy ces choses considérées ceux de la place requierent à parlementer avec ledit Comte de Dunois, & traicterent en ceste maniere, que se dedans la veille de saint Iean Baptiste prochainement venant, les François n'estoient combatus deuant ladicte place par les Anglois, qu'ils se rendroient & mettroient la place en la main du Roy: & pareillement le feroient ceux de Bordeaux & les Barons du païs, eux confians fors de faire rendre toutes les places de la Duché de Guyenne, estans en l'obeissance du Roy d'Angleterre: pourquoy & à greigneur seureté ils baillerent certains hostages, affin d'entretenir ce que dit estoit. Et pour estre à icelle iournée de la S. Iean vindrent les Comtes de Neuers, de Clermont, de Castres, de Vendosme & de Ponthieure grandement accompagnez, & plusieurs autres seigneurs cheualiers & escuyers, & furent en bataille ce iour pour attendre leurs ennemis: laquelle iournée fut haultement & honorablement tenue en riches & grans habillemens. Et là furent fais cheualiers le Comte de Vendosme, le Vicomte de Turenne, le sire de la Roche Fouquault, le fils du seigneur de Commercy, messire Iean de Rochecouard, le sire de Grimaux, messire Pierre des Barres, messire Pierre de Montingrin, messire Ferry de Granfy, messire Iean de Bordeilles, le sire de Fontenelles, le Bastard de Vendosme, sire Iean de la Haye, sire Tristan l'Harmite, sire Iean

de l'Estrange, sire Pierre de Louvain & plusieurs autres iusques au nombre de quarante chevaliers. Et le lendemain au matin qui fut la veille S. Iean Baptiste, rendirent les Anglois ladicte place de Fronsac : car aucun secours d'Angleterre ne leur fut baillé : & le baillerent és mains du Comte de Dunois, lequel le bailla en garde à Ioachin Rouhault : & enuoya ledit Lieutenant vn herault du Roy par deuers le Côte d'Armaignac, qui tenoit le siege deuant la ville de Reom : lequel luy presenta lettres dudit seigneur avec le double du traicté de Bordeaux : & se rendit icelle ville en l'obeissance du Roy de France, & fut baillée en garde au sire d'Albreth : & de là sen alla ledit herault deuers le Comte de Foix : & adonc se meirent ceux de la cité de Dax en l'obeissance du Roy de France. Tantost que les commis à faire le traicté de Bordeaux eurent besogné avecques ceux dudit lieu, ils retournerent par deuers ledit Lieutenant general du Roy, le chancellier de France & autres du conseil, & leur monstrerent par escript les appoinctemens, accords & conuenances signez & scelez tant d'un costé que d'autre : dont il fut moult ioyeux, & aussi furent tous les autres seigneurs. Ainsi fut la chose delaiée l'espace de huit iours, comme dit est, apres le iour du Dimanche à eux octroyé par ledit Lieutenant, auquel iour ne leur vint ne comparust aucun secours. Et neantmoins contre les promesses faictes leuids de Bordeaux, eux confians tousiours de secours auoir, requirent iour de bataille, lequel leur fut octroyé par le seigneur de Dunois au vingtdeuxiesme iour de Iuing ensuiuant, pour illec eux deffendre se secours leur venoit de par le Roy d'Angleterre, ou se ce non ils se deuoient rendre ledit iour : auquel iour comparurent les dessus nommez de France pour cuidoier combattre leus ennemis ou rendre ladicte ville en son obeissance. Auquel lieu ils furent attendans la bataille iusques à soleil couchant. Et à celle heure ceux de Bordeaux voyans auoir faulte de secours, feirent faire vn hault cry par vn herault : lequel cryoyt secours de ceux d'Angleterre pour ceux de Bordeaux. Auquel cry ne fut aucunement respondu ne donné secours. Pourquoy se departirent icelles parties, & sen allerent loger sans autre chose faire pour icelle heure. Et le lendemain retournerent le Chancellier & le Tresorier de France avec plusieurs autres par deuers iceux de Bordeaux, lesquels appoincterent qu'au mercredy ensuiuant ils seroient tous prests de rendre & bailler les clefs des Tours, chasteaux, haures, portes & des barrieres de ladicte ville, & faire les sermens d'estre bons & loyaux subiects de lors en auant, & estre hommes naturels du Roy de France, selon l'appoinctement & promesses par eux faictes : & fut ordonné ledit Tresorier pour les grans diligences qu'il auoit fait à la poursuite de ladicte Duché de Guyenne Maire de la cité de Bordeaux. Et pareillement fut aussi ordonné Ioachin Rohault Contable dudit lieu, & en feit le serment en la main dudit Chancellier, & ledit Maire és mains d'iceux Chancellier & Contable au mercredy ensuiuant, qui estoit prins pour rendre ladicte ville, furent preparez les seigneurs de Bordeaux & ceux du païs pour plus honorablement receuoir ledit Lieutenant du Roy, & la seigneurie estant avec luy : lesquels feirent l'entrée cedit iour. Et pour prendre la possession & saisine d'icelle cité, entrerent premiers par l'ordonnance dudit Lieutenant messire Thibault de Valpargue Baillif de Lyon, & ledit sire Iean Bureau conseiller du

Roy & Maire de ladicte cité, leur furent baillées les clefs de tous les lieux fors estans en icelle cité. A l'entrée ne furent point les frans-archiers. Et comme l'en disoit ce fut fait à la requeste de ceux de Bordeaux. Mais furent enuoyez loger autour de Libourne à vn port estant sur la mer. Ladicte entrée commença à soleil leuant, & fut faicte par le port dudit lieu, où estoient les seigneurs de Lesparre, de Montferrant & plusieurs autres nobles & notables personnes de ladicte ville & du pays. A ceste ioyeuse entrée furent tous les gens d'Eglise reuestuz en chappes tant religieux, chanoines, curez & autres, & receurent grandement & honnorablement à ladicte procession le Lieutenant du Roy & sa tresnoble compaignie. Et premierement commencerent à entrer les archiers de l'auantgarde. C'est à sçauoir des Mareschaux & autres estimez de mille à douze cens : dont estoient gouuerneurs ledit loachin Contable dudit Bordeaux, & le seigneur de Pauanfac Seneschal de Thoulouse : & apres les hommes d'armes de ladicte auantgarde tous à pied, que gouuernoient lesdits Mareschaux de Loheac & de lalongnes estimez ccc. hommes d'armes, & estoient lesdits Mareschaux tresbien montez. Et apres eux venoient les Comtes de Neuers & d'Armignac, & le Vicomte de Lautrec frere du Comte de Foix, qui auoient trois cens hommes de pied. Apres entrerent les archiers du seigneur de la Bessiere lieutenant du Comte du Maine, nombrez de trois à quatre cens. Apres entra la bataille des archiers nombrez à trois mil, & les gouuernoit ledit seigneur de la Bessiere & le Seigneur de la Roche-Foucault. Apres entrerent trois des seigneurs du grand conseil du Roy : c'est à sçauoir l'Euesque d'Aléth, maistre Guy, Bernard Archediacre de Tours, & apres l'Euesque & Duc de Langres. Le Chancelier de la Marche, & aucuns autres des secretaires du Roy : puis entra messire Tristan l'Hermitte Preuost des Mareschaux tout à cheual avec ses sergens. Apres entrerent quatre trompettes du Roy poursuuiuant & heraux portans les cottes d'armes du Roy, & des seigneurs à qui ils estoient. En apres entra vne haquenée blanche couuerte de veloux cramoisy, & auoit sur la croupe vn drap de veloux azuré, semé de fleurs de liz d'or de broderie : & sur la selle estoit vn petit coffret couuert de veloux azuré, semé de fleurs de liz d'or d'orfauerie : dedans lequel estoient les grans seaux du Roy : laquelle haquenée menoit vn vatlet à pied. Et à chacun costé d'icelle estoient deux archiers vestuz de liurée. Puis venoit le Chancelier de France à cheual qui estoit armé d'vn corset d'acier, & par dessus auoit vne iaquette de veloux cramoisy. Apres entra le sire de S. Treille Baillif de Berry & grand escuyer d'escuyerie du Roy, monté sur vn grand courfier couuert de drap de soye : & estoit ledit Baillif armé à blanc tenant vne des banieres du Roy, & le seigneur de Montagu tenant l'autre à fenestre, monté sur vn autre courfier, & cheuauchoiēt sans moyen deuant le Lieutenant du Roy : puis entra ledit Lieutenant, lequel estoit seul monté sur vn courfier blanc couuert de veloux bleu, charge d'orfauerie d'or, & estoit tout armé de harnois blanc. Et apres luy venoient les Comtes d'Angoulême & de Clermont, armez de blanc, & leurs cheuaux couuers, & leurs paiges apres eux habillez moult richement. Puis entrerent les Comtes de Vendosme & de Castres, avecques eux plusieurs nobles Barons & grans seigneurs tous & chascun d'eux moult richement parez & habillez. Et apres entra la bataille des

hommes d'armes au nombre de mille cinq cēs lances:lesquels gouuernoit messire laques de Chabannes grād maistre d'hostel du Roy:& estoit à cheual armé à blanc,son cheual couuert moult richement. En apres entrerent les hommes d'armes du Comte de Maine,nombrez à cl.lances: lesquels gouuernoit Geofroy de S.Belin Bailly de Chaumont en Bassigny. Puis entra l'arrieregarde que faisoient les gens de Iochin Rouhault: avec lequel estoient les gens d'armes du seigneur de S. Treilles. Et ainsi allerēt toutes les compaignies iusques deuant la grand Eglise, & là descendit ledit Lieutenant & les Comtes d'Angoulesme, de Vendolme, d'Armignac, de Castres, le chancelier & plusieurs autres dessusdits. Et adonc vint l'Archeuesque de Bordeaux à la porte d'icelle Eglise reuestu en pontificat, accompagné des chanoines de ladicte Eglise, encensa ledit Lieutenant & luy feit bailler aucun Reliquaire avec la Croix. Puis le print par la main, & le mena dedans le choeur faire la priere & son oraison deuant le grand autel. Auecques ledit lieutenant entrerent deux heraux du Roy vestuz de leurs cottes d'armes. En apres entra la seigneurie dessus nommée & laisserent lesdictes bannieres du Roy dedans l'Eglise. Et tantost apres la deuotion dudit lieutenant faicte & des autres seigneurs, ledit Archeuesque print vn messel & feit iurer & promettre audit Lieutenant du Roy, & aux autres seigneurs là presens, que le Roy les maintiendroît & garderoit à tousiours en leurs franchises & preuileges & libertez anciennes (ce qu'ils feirent) & que bien & loyaument en feroient leurs pouoirs deuers le Roy. Et pareillement ledit Lieutenant feit iurer ledit Archeuesque, que le seigneur de Lesparre & autres seigneurs assistants de ladicte ville & gens d'autorité, seroient à tousiours bons, vrays & loyaux subiects du Roy de France, à luy obeissans & à sa couronne: & mesmement toute la communauté, ce qu'ils feirent & accorderent tous d'vne voix, les mains tendues aux Saints, comme l'en a accoustumé de faire en tel cas. De cedit serment fut excepté le Capital de Busch, qui pour lors estoit cheualier de la Jarretiere qui est l'ordre du Roy d'Angleterre. Apres ouït ledit Lieutenant & toute la compaignie la Messe bien & deuotement, que chanta ledit Archeuesque: deuant laquelle fut chanté *Veni creator. &c. & Te Deum laudamus. &c.* & sonnerēt toutes les cloches solennellement tant en ladicte Eglise cathedrale comme es autres Eglises de la cité. Et apres le seruice diuin fait se retrahirēt ledit Lieutenāt & tous les autres seigneurs d'Eglise, pour aller prendre leurs refections, & se retrahit chacun en son logis, referué le chancelier de France, le grand maistre d'hostel du Roy & le Chancelier de la Marche: lesquels demourerent pour recevoir le serment de messire Oliuier de Coctiuy Seneschal de Guyenne, lequel vint moult grandement accompagné de plusieurs des gens du Roy, de Barons & des cheualiers dudit païs de Guyenne, & aussi des bourgeois dudit Bordeaux. Et là presenta ses lettres oudit chancelier de France. Apres la lecture desquelles ledit chancelier luy feit faire le serment, que bien & loyaument il tiendroît les iurisdicions, & seroit iustice egale au grād comme au petit, au poure comme au riche, & tant en ladicte ville & cité de Bordeaux, cōme en tout le païs de la Duché de Guyenne. Et cōmanda ledit chancelier apres le serment tel que dit est receu dudit Seneschal, que chacun obeit à luy, comme à la propre personne du Roy es choses touchās & conseruans sondit office: & apres que ledit Lieutenant eut enuoyé gens dedans ledit

dit

dit chasteau de Fronfac chambre de Roy, y fut mise vne baniere du Roy. Puis allerent certains deputez de par ledit Lieutenant es tours & haures de ladicte ville, où l'autre baniere fut mise. Et apres fut fait vn cry solennel à son de trôpe, en descendant à tous & toutes de par le Roy & de par le lieutenant que nul ne prenüst sur son hoste ne ailleurs aucune chose sans payer: & ce fait s'en alla chacun loger ainsi que par les fourriers estoit appoincté: mais ne demoura gueres apres dîner que grâd murmure fut en la ville, sur vn qui estoit des gēs du Roy, qui auoit transgressé le cry fait de par le Roy. Et tantost fut prins & amené deuant iustice, où il fut diligemment examiné. Et ce venu à la cognoissance dudit Lieutenant apres le cas par luy confessé, ordonna ledit Lieutenant qu'il fût pendu & estrâglé. Et ainsi fut iustice accôplie qui moult fut plaissant & bon exēple à ceux de ladicte ville de Bordeaux & tout le païs. Outre plus feit ledit lieutenant faire vn gibet tout neuf pour pendre cinq compaignons de l'ost dudit lieutenant, qui en faueur de Guillaume de Flauy auoient nauré messire Pierre de Louvain cheualier luy estant ou seruice du Roy: & l'auoient espié par plusieurs iournées le cuidant trouuer pour tuer, pour certain debat qui estoit de pieça entre ledit Louvain & Flauy: & ainsi fut par ledit lieutenant bonne iustice faicte & accomplie desdits malfaiçteurs, dont tous ceux desdites villes & citez furent moult ioyeux d'auoir veu tel exploict: car du temps qu'ils estoient es mains des Anglois ils estoient tous maistres, & ne couroit que voye de fait. A laquelle le plus saige du monde ne sçauoit pas bien que respondre. En laquelle ville & cité de Bordeaux seiourna ledit Lieutenant par l'espace de quinze iours ou enuiron, pour en icelle mettre police & gouuernement: & tellement fut par luy pourueu que les gens de guerre se gouuernerent par raison si gratieusement, que pendât le temps onques extorcion, dommaige ne aucun grief ne fut fait à aucuns de ladicte ville & cité. Ainsi fut conquisse toute ladicte Duché de Guyēne excepté la cité de Bayonne. A laquelle conqueste faire en toutes les places fortes estans en icelle Duché, se gouuernerent haultement & vaillamment ledit Comte de Dunois Lieutenant general du Roy, & tous autres seigneurs, cōseillers & capitaines, & chacun selon sa puissance: & demoura capitaine dudit Bordeaux le Comte de Clermont & son lieutenant messire Oliuier de Coctiuy, qui auoit la charge des gens de guerre de son frere Pregent de Coctiuy en son viuât Amiral de France. Apres la reddition dudit Bordeaux, fut ordonné que les Comtes de Neuers, de Clermont & de Castres iroient deuers le Roy estant au chasteau de Taillebourg, & leurs armées iroient en leurs païs assignez pour viure. Et les Comtes d'Armignac, d'Angoulesme & de Ponthieure eux & leurs gens iroient en leurs maisons. Et semblablement que tous les francs-archiers qui auoient esté en celle armée s'en iroient en leurs maisons. Et estoit l'armée dessusdicte qui fut à la conqueste dudit Bordeaux, estimée à vingt mille combattans: & ainsi se reposa vn petit la compaignie qui estoit ou seruice du Roy.

Cy dit comment la cité de Bayonne fut assiegée par les Comtes de Foix, & de Dunois tous deux lieutenans du Roy de France: comment ladicte cité se rendit, & quels ordonnances y furent faictes: puis dit comment le Pape Nicolas espousa l'Emperour à la fille du Roy de Portugal: puis parle des aduenues d'Angleterre.



N ce mesme temps & oudit an se delibera le Roy, par le moyen de son conseil, d'aller mettre le siege deuant la cité de Bayonne, renant le party des Anglois. Et pour ce faire ordonna au chasteau de Taillebourg ses lieutenans generaux, les Comtes de Foix & de Dunois, iusques à sept cens lances avec les archiers & guisarmiers: dont il en y auoit quatre cens lées des gens du Roy, & quatre cés lances des Barons, cheualiers & escuyers subiets dudit Côte de Foix: desquels il faisoit beau veoir les môtures & charnois de testes: ledit Comte de Foix auoit avec luy deux mille arbalestriers & les pauaiseux, extraits de son pays: quand ledit Comte fut arriué & qu'il eut posé son siege, il feit plusieurs cheualiers: c'est à sçauoir le fils du maistre d'hôtel du Roy, le seigneur de Tessac frere du seigneur de Nouaillles, Berrand d'Espaigne Seneschal de Foix, Rogier d'Espaigne, le seigneur de Benac & plusieurs autres iusques au nombre de quinze cheualiers: & environ midy celuy iour arriua le Comte de Dunois & de Longueuille, lequel meit son siege deuant la cité du costé de deuers Biarn, entre les riuieres de la Dour & de la Noë, qui sont deux grosses riuieres & larges: & tellement que l'un desdits sieges ne pouoit secourir l'autre: & estoient en la compagnie dudit lieutenant iusques au nombre de six cens lances, les archiers & les guisarmiers: & à mettre le siege se gouvernerent lesdits seigneurs & capitaines grandement & hōnorablement. Et le lendemain qui fut le vi. iour dudit mois, ceux de dedans Bayonne, desesparerent les faulxbourgs de S. Leon, du costé dont estoit ledit Comte de Foix: lesquels estoient tresfort fermez de fossez & de gros pels. Mais la grande multitude des grosses couleurines, serpentines & ribaudequins, qui rompirent les paliz & tuoient les gens de guerre qui yssioient à la deffence, leur firent habandonner & delaisser lesdits faulxbourgs: & adonc boutterent les feux és Eglises qui dedans estoient, & és maisons: & par especial quand ils apperceurent ceux qui tenoient le siege, qui se mettoient à point pour les assaillir. Er adonc entrerent iceux assaillans dedans iceux faulxbourgs, & les poursuivirent si asprement que s'ils eussent esté cent hommes ensemble, ils eussent gaignée la ville, & y fussent entrez par la porte avec ceux de dedans: mais ils ne pouoient si à coup monter lesdits fossez, pour venir à coup & hastiement, tant estoient parfonds: car ils n'auoient nulles eschielles. Et adonc se logerent lesdits assaillans en iceux faulxbourgs, estaindirent le feu estant és Eglises & és maisons, & se logea le Comte de Foix aux Augustins, pource qu'ils estoient pou bruslez: & le vi. iour ensuiuant, vint du costé de Bordeaux le sire d'Albreth & le Vicomte de Tartas son fils, & se logerent à S. Esprit du bout du pont de bois: lequel pont fut rompu la nuit ensuiuant par les gens dudit seigneur d'Albreth, lequel auoit en sa compagnie deux cens lances, & les archiers trois mille arbalestriers. Et le lendemain faillirent hors ceux de Bayonne par vn bouleuers du costé de deuers la mer, pour prendre & dommager ceux estans audit siege à l'esquart. Et lors messire Bernard de Biarn & ses gens vindrent à l'escarmouche, & iusques dedans leur ville. Et ainsi que ledit messire Bernard s'en retournoir de ladicte escarmouche, il fut frappé d'une couleurine, qui perça son pauois & entra la plommée dedas sa iambe entre les deux os, qui depuis fut tirée: & fut si bien gouuerné par les Chirurgiens, que le peril de feu en fut hors. Puis au lendemain matin fut prinse

vne Eglise forte qui estoit fermée de fosséz & de pieux, que prindrent les gens dudit messire Bernad, moitié d'assault moitié d'emblée. Quand ceux de dedans veirent qu'ils n'auoient pas le meilleur, ils se retrahirent dedans la ville, & en y eut de morts & de prins cinq ou six: & ainsi fut assiegée ladicte ville de toutes parts, & furent aucuns enuoyez dedans ladicte Eglise. Et lors du costé dudit Comte de Dunois furent faits de grans approchemens, & de tirer cōtre la muraille sans attendre la venue des grosses bombardes: & qui les eut voulu attendre, sans remede ladicte ville eut esté prinse d'assault, veu les courages des assailans. Toutesfois quand les assiegez sceurent que les bombardes approchoient, commencerent à parlementer, & estoit le xxvj. iour d'Aoust. Pourquoy lesdits Comtes de Foix & de Dunois conioints en ceste partie conuindrent à parlementer avec ceux de la cité, appelez avec lesdits Comtes aucuns du conseil du Roy: lesquels apres plusieurs choses pourparlées traicterent en la maniere qui sensuit: c'est à sçauoir qu'ils bailleroient & mettroient en la main du Roy Dap-Iean de Beaumont leur capitaine, frere du Connestable de Nauarre de l'ordre de S. Ieā de Hierusalem: lequel demourroit prisonnier & en la voulēté du Roy: & tous les gens de guerre estans dedans icelle ville, demourroient pareillemēt tous prisonniers à la voulēté du Roy, & ceux de ladicte ville se sousmettoiet au bon plaisir du Roy. Et pour l'offence de desobeissance qu'ils auoient fait, entant qu'ils n'auoient pas obeï à son commandement, ils payeront quarante mille escus d'or: & ce iour rendirent ledit Iean leur capitaine: lequel en la presence de tous les assistans tant de la ville comme autres, bailla la foy au grand maistre d'hostel du Roy. Ainsi fut fait & conclud le traité de ladicte ville & cité de Bayonne: & tant que ledit siege dura, ceux du pays de Biscaye feirent grosses diligences de fourrir le siege de viures, car le Roy leur en auoit rescript: & fut ledit siege fort aduitaillé tant pour gens d'armes, cheuaux qu'autrement. Il venoit aussi viures de Biarn & de Nauarre: mais c'estoit à grand peine pour la multitude des brigans, qui estoient ou pays: toutesuoyes ledit ost n'eut aucune faute de viures. Ledit Biscayens vindrent à tout douze vaisseaux d'armes nommez espinaces, & vne grande naüe: lesquels arriuerent à demie lieüe pres de Bayonne. Afin que ceux qui estoient dedans ladicte ville ne s'en peussent fouyr par eaüe, & estoient lesdits Biscayens nombrez six cens combattans. Et le vendredy xx. iour dudit mois vn pou apres soleil leuât, le iour fut bel & cler, & feit moult beau temps. Si fut veu ou ciel par ceux qui estoient en l'ost du Roy, & mesmement par les Anglois estans dedans Bayonne, vne croix blanche: laquelle fut veüe publiquement l'espace de demie heure. Et lors ceux de ladicte ville qui s'estoient le iour deuant rendus, & leurs compositions faictes, osterēt leurs bannieres & pēons aux croix rouges, disans qu'il plaistoir à Dieu qu'ils fussent François & qu'ils portassent tous la croix blanche. Celle croix fut veüe le iour de vendredy, qui est le iour que nostre seigneur Iesus-Christ fut crucifié. Et ce dit iour à heure de dix heures entra dedans la ville avec l'Euesque d'icelle le seigneur de la Besliere, pour prendre la possession d'icelle ville & du chastel. Et là furent portées les bannietes du Roy au haut de la tour du chateau d'icelle ville par les heraulx du Roy, dont chacun eut grand ioye. Et à celle heure arriua la nauire de Biscayens dedans le port de Bayonne, laquelle chose il faisoit beau

veoir. Et le samedi xxj. iour dudit mois entrerēt les Comtes de Foix & de Dunois dedans ladicte cité de Bayonne : & entrerent avec ledit Comte de Foix le grand maistre d'hostel du Roy, le seigneur de Lautrec frere dudit Comte, le seigneur de Nouailles & le seigneur de la Bessiere & plusieurs autres : & y en auoit deuant eux mille archiers, que gouuernoit l'espinace. Et apres venoient deux heraux du Roy, & autres portans leurs cottes d'armes : & apres messire Bertrand d'Espaigne Seneschal de Foix armé tout au blanc, qui portoit la banniere du Roy, & cheuauchoit vn coursier couuert de veloux cramoisy. Apres venoit le Comte de Foix armé au blanc, monté sur vn coursier moult richement habillé : & estoit empres luy son Seneschal de Biarn, aussi bien monté & richement habillé, & auoit à son cheual vn chaffrain d'acier, garny d'or & de pierres precieuses prisé à quinze mille escus, & grand nombre de gens apres luy : & sans interualle venoient six cens lances à pied : & de l'autre part entra le Comte de Dunois, & auoit deuant luy douze cens archiers : apres deux des heraux du Roy & autres, portans diuerſes armes. Apres venoit messire Iamet de Sauueses monté sur vn coursier, portant l'une des bannieres du Roy. A icelle entrée ledit Comte de Dunois feit cheualier ledit Iamet, le seigneur de Montguyon, Jean de Montmorin & le seigneur de Bouffey. Apres ladicte banniere entra ledit Comte de Dunois tout armé au blanc, & son cheual couuert de veloux cramoisy. Apres le seigneur Loheac Marechal de France, le seigneur d'Orual & plusieurs autres grans seigneurs, & derriere eux six cens lances. Ainsi tantost se rencontrerent pres de la grand Eglise, & à la porte d'icelle estoient l'Euesque reueſtu en pontificat, les chanoynes & autres gens d'Eglise reueſtuz en chappes, qui les attendoient à tout les reliques : & là descendirent à pied lesdits seigneurs, & baisferent lesdites reliques : & allerent faire leur deuotion dedans ladicte Eglise. Puis ſen allerent en leurs logis : & enuoya ledit Comte de Foix la couuerture de son coursier qui estoit de drap d'or, prisée à quatre cens escus d'or deuant nostre Dame de Bayonne, pour faire des chappes : & le lendemain qui fut Dimanche lesdits seigneurs vindrent ouïr messe en ladicte Eglise : & y estoit avec eux le seigneur d'Albreth qui y estoit entré le samedi au ſoir, & apres la messe prindrent le serment de ceux de la ville. Et y fut commis Maire en icelle messire Jean le Bourſier general de France, & messire Martin Gracien capitaine, lesquels demourerēt pour gouuerner & garder ladicte ville. Et le lundy prochain lesdits seigneurs avec leurs gens ſen allerent au païs, à eux assigné pour viure. Et tantost apres les Barons & cheualiers, nobles bourgeois & les trois eſtats tant de Bordeaux, Bourdelois, Bayonne, Bazadois, & ceux des païs environ allerēt à Taillebourg deuers le Roy, pour confermer & ratifier les articles & appointemens passez par eux. Et pour faire les nobles hommages au Roy de leurs seigneuries : & là le Roy donna vingt mille escus aux Bayonnois, des quarante mille qu'ils deuoient payer par leur composition dessus escripte à leur requeste & priere. Et apres ſen retournerent chacun en leur ville trefcontés du Roy, & des seigneurs de son grand conseil. Ou seruire du Roy à Taillebourg estoient les Cotes du Maine, de Nevers, de Clermont, de Vendosme, de Caltres & de Tanquarville & plusieurs autres grâs seigneurs. Et là vindrent deuers luy les Comtes de Foix & de Dunois, le seigneur d'Albreth, le sire de Loheac & plusieurs autres

autres grans seigneurs : lesquels tantost s'en retournerent en leurs paÿs eux hy-
 uerner, & le Roy s'en alla passer son hyuer en son paÿs de Tourraine. Ainsi par
 la grace de Dieu fut reduicte en la main & obeissance du Roy de France toute
 la Duché de Guyenne & de Normandie, & generallemēt tout le Royaume de
 France, excepté seulement la ville de Calais qui est encores demourée es mains
 des Anglois: Dieu doint que bien brief puisse estre mise & reduicte en ladicte
 obeissance du Roy, si sera ce que dit est accomply. *Melior est obedientia quā sa-
 crificium.* Qui est à dire en substance: Sacrifice ne vaut pas obeissance. Oudit an
 fut l'Empereur Frederic Duc d'Austriche couronné & espousé à Romme par
 le Pape Nicolas à la fille du Roy de Portugal, & y eut grand feste & solennité
 comme aux parties appartenoit bien. Et apres pou de temps se partit de Rom-
 me & s'en retourna en Allemagne & y mena sa femme, & là furent grandemēt
 & honnorablement receuz selon l'vsaige & stile du paÿs. En icelle mesme an-
 née eut grand debat & discord en Angleterre entre le Duc d'Iorth & le Duc de
 Sombresset pour le gouvernement du Royaume: & estoit lors le Roy pour le
 Duc de Sombresset, & tenoit les champs à toute sa puissance en belle baraille
 bien ordonnée: & ledit Duc d'Iorth en bataille pareillement, & les vns deuant
 les autres cuidans combattre. Mais les Prelats & autres avec les seigneurs dudit
 Royaume, considerans les grans maux qui s'en pourroient ensuiuir, les delmeu-
 rent, & trouuerēt maniere de traicter, & promit ledit Duc d'Iorth non faire ia-
 mais assemblée ne armée contre son Roy. Et ainsi s'en retourna chacun en son
 lieu. Et celuy an vint le Cardinal de Touthuille deuers le Roy comme Legat
 cōmis de par le Pape Nicolas, luy requerir qu'il voulsist faire paix avec le Roy
 d'Angleterre, & que la guerre qui estoit entre eux portoit grand preiudice à la
 foy Catholique, & plus pourroit faire se brief ne se faisoit l'accord entre les
 deux Royaumes: car on veoir de iour en iour les mescreans marcher, entreprē-
 dre & gaigner paÿs sur les chrestiens. Et apres que ledit Cardinal eut exposé ce
 dōt le Pape l'auoit chargé luy fut respōdu pour le Roy, que le Roy auoit tou-
 iours voulu & encores vouloit paix pour obuier à l'effusion de sang, & aussi
 pour le bien de la chose publique: & qu'il estoit prest d'y entendre en toutes
 bonnes voyes, & que par plusieurs fois s'estoit mis en son deuoir pour icelle
 paix trouuer, & encores estoit prest d'obtemperer à toutes raisons, & de foy
 employer sur lesdits mescreans en ce qu'il luy seroit possible, & d'y employer
 grans finances pour repulser iceux Sarrazins. Et ce pendant que ledit Cardinal
 estoit encores deuers le Roy, Le Pape ayant la chole au cueur, enuoya l'Arche-
 uefque de Rauenne qui est des Vrsins de Romme, par deuers le Roy d'Angle-
 terre, pour luy remonstrer semblablement qu'il voulsist faire paix avecques le
 Roy de France, pour les causes & raisons deuant touchées: & que la diuision
 pourroit engendrer contempt contre la chrestienté, attendu que desia ils con-
 queroient sur les marches du Royaume de Hongrie & des Allemaignes tref-
 fort. Si feirent responce pour le Roy d'Angleterre ceux à ce commis audit Ar-
 cheuefque, que quand ils auoient autant conquesté du paÿs du Roy de France
 que le Roy de France auoit conquesté sur eux, il seroit temps de parler de ceste
 matiere, qui fut responce de mauuais exemple: & ainsi s'en retourna ledit Ar-
 cheuefque d'une part & ledit Cardinal d'autre, pour porter leur responce au

Pape Nicolas:& autre chose par eux ne fut faicte en ceste matiere. En ce pas icy dit le Chroniqueur d'Atlas, que la conclusion ainsi prinse que dit est par ceux de Gand pour le sel, voyans que leur seigneur estoit indigné contre eux pour le refus de celle imposition, ou autrement ils se prendrent à murmurer contre iceluy leur seigneur, & elleuez en orgueil & despits, se meitent sus en grand nombre & prindrent plusieurs des officiers du Prince demourés en leur ville, & les feirent decapiter sans mercy. Puis sceirent trois nouueaux officiers nommez en leur langage Hogueuens, qui vault à dire souuerains hommes, & les feirent capitaines d'eux, dont le principal estoit nommé Lieuin Seue, qui estoit vn pauvre maçon: les autres deux estoient aussi gens de bien pauvre estat. Ces choses venues à la cognoissance du Duc, il feit tout incontinent son mandement pour assembler gens d'armes en Picardie & en Haynault principalement: & enuoya à Audenarde pour capitaine de la ville vn gentil-homme & vaillant cheualier natif de Haynault, nommé messire Simon de Lalaing, & avec luy vn autre cheualier nommé le seigneur des Cornets. Oudit an en la sepmaine peneuse trois des membres de Flandres: c'est à sçauoir ceux de Bruges, d'Ippre & du Franc, enuoyetent leurs deputez à Bruxelles deuers le Duc leur Prince, & avecques eux vn Chartreux du Conuent de Gand: Lesquels au iout du benoist vendredy se trouuerent deuers le Duc, & luy prietent par la bouche dudit Chartreux estans à genoux deuant luy en grand humilité, que pout l'honneur & en reuerence de Dieu & de sa sainte passion il voulsist aux Gantois pardonner son maltalent, & auoir pitié de son pays de Flandres, offrât pour iceux Gantois amender leurs meffais audit iugement de ceux de son conseil, se croire les vouloient: ausquels le bon Prince respondit que pour l'honneur & reuerence de Dieu & du bon iour qui estoit, moyennant qu'ils feissent reparation de leur meffait au loz de son conseil, il leur pardonneroit tous leurs meffais. Or aduint entre-tant qu'aucuns payfans, qui eurent aucuns de leurs biens retraits à Audenarde pour doubte de la guerre, iusques au nombre de douze cens enuiron, vindrent comme tous ensemble iusques aux portes d'Audenarde, pour repeter & rauoir leurs biens, dont quand messire Simon de Lalaing capitaine de leans en fut aduert, & qu'ils estoient en si grand nombre, il leur refusa l'entrée de la ville, & à rendre leurs biens iusques il l'auroit signifié à son Prince. Lesquels payfans non contens de celle responce s'en allerent à Gand incontinent, & feirent aux Gantois leur doleance, supplians qu'ils leur feissent rauoir leurs biens, qu'ils auoient ainsi retraits à Audenarde: & lors sans tarder les Hogueuens vsans de brief conseil, feirent mettre leurs bannieres dehors, & se meitent sus iusques au nôbre de quinze mille homes de toutes tites.

Comment Iaques Cueur fut prins prisonnier & les causes pourquoy, comment le Roy de France deffia le Duc de Sauoye, comment la paix en fut faicte par le moyen du Cardinal de Toutenille, & comment Thallebot reprins Bordeaux sur les Francois.

1452.

EN l'an mil quatre cens lij. fut prins & arresté prisonnier par le commandement & ordonnance du Roy Iaques Cueur son Argentier & Conseiller pour certain cas touchant la foy Catholique, & aussi crime de leze Majesté, comme autrement. Et est vray que ledit Iaques estoit accusé d'a-
 uoir

uoir baillé & deliuré aux Sarrazins ennemis de la foy Chrestienne, armeures de toutes sortes à vsaige de guerre : & mesmement enuoyé plusieurs armeuriers & ouuriers pour icelles faire, & instruire les Sarrazins pour icelles sçauoir faire, qui est ou grand preiudice & dommage de toute la Chrestienté : a esté aussi arresté pource que luy plus meü de sa volenté que de raison, par l'instigation de l'ennemy de nature humaine, par conuoitise ou autrement comme infidele, à rendu par sa puissance desordonnée ou autrement à vn Chrestien, qui estoit eschappé des mains des Sarrazins, où il auoit esté prisonnier par longue espace de temps, & souffert maint grâd martyre pour la foy de Iesus-Christ : & l'auoit renuoyé de fait & de force où païs de Sarrazinefme, contemnant la foy de Iesus nostre redépteur. A esté aussi fait prisonnier pour ce qu'il a extorqué, prins & rapiné indeüement plusieurs grâs finances sur les païs du Roy, tant en Languedoc, Languedouy comme ailleurs. Pourquoy les habitans desdits lieux se sont absentez qui est le grand dommage du Roy & de son Royaume. A esté aussi arresté pource que mesmement il a pillé & desrobé les finances du Roy, desquelles il auoit le gouuernement : & lesquelles passoient par ses mains de iour en iour, parquoy fut tenu prisonnier. En ce mesme temps fut aussi arrestée prisonniere ma damoyfelle de Mortaigne, pour certaines ostées qu'elle auoit faictes enuers le Roy : & pource qu'elle auoit occupé ledit laques Cueur & aucuns autres d'aucunes choses, dont ils estoient innocés par haine ou autrement. Et pource qu'on trouua ce qu'elle auoit donné à entendre estre menterie, fut mise prisonniere pour receuoir autelle punition que les dessusdits eussent eu, s'ils eussent esté trouuez coupables & chargez du cas, la grace & misericorde du Roy en ce reseruez. Oudit an cinquante & deux se partit le Roy de la cité de Tours ou mois de May, & alla ou chasteau de Tuché faire la feste & solennité de la Penthecouste, & fut là iusques au mois de Iuillet : & lors se partit & alla à Meun sur Yeuze pres de Bourges : & enuoya deffier le Duc de Sauoye, pour certaines & grandes extortions qu'il auoit fait au Roy & à la Couronne de France. Et au mois d'Aoust se partit avec tout son ost où il auoit belle & noble compaignie de seigneurs & autres gens de guerre, & tant qu'il vint ou païs de Forest pour passer & entrer ou dit païs de Sauoye. Si sceut le Cardinal de Touthuille ces nouuelles en s'en allant à Romme, lequel meü de charité s'en retourna & alla deuers le Duc de Sauoye : & puis apres deuers le Roy apres qu'il eut sceu la cause de leur debat, & traicta tant d'un costé & d'autre, que le Duc vint deuers le Roy, en promettant reparer au bon plaisir du Roy tout ce qu'il demandoit. Et ainsi s'en retourna & fut la paix faicte à Feurs en Forest. Et puis le Cardinal s'en alla son chemin deuers le Pape. Oudit an au commencement de Septembre le sire de Leparre & aucuns des bourgeois & habitans de la ville de Bordeaux par le conseil du seigneur de Montferrant, du sire de Rosan, du sire de Lane & du sire d'Anglades soubz certaine faulce couleur, trouuerent façon & moyen d'aller en Angleterre. Et eux arriuez audit païs traicterent d'eux remettre en l'obeissance desdits Anglois s'ils se vouloient retourner, & eürés plusieurs parolles ausdits Anglois. Et là fut par eux machinée grand trahison : pour laquelle mettre à effect feit le Roy d'Angleterre assembler son conseil, & y furent euocquez tous les seigneurs & capitaines du païs. Et là fut conclud d'en-

uoyer le seigneur de Thallebot le mois d'Octobre ensuiuant ou pays de Bourdelois. Et ce fait s'en reuint ledit sire de Lesparre & ses complices, qui pouoient bien estre accõparagez à Iudas: car ils auoient fait serment sur les saintes Eua-giles de Dieu d'estre bons & loyaux au Roy de France & à la Couronne. Et ils auoient conspiré faulse & mauuaise trahison, qui estoit allé directement contre les sermens qu'ils auoient faits. Et ainsi en adherans à ladicte conspiration se partit ledit Thallebot dudit pays d'Angleterre le xvij. iour du mois d'Octobre, accompagné de quatre à cinq mille Anglois & arriua en l'Isle de Medoc, où ils prindrent deux petites places pour loger partie de leurs gens. Et adonc ledit Thallebot commença à faire courre le pays pour le mettre en sa subiection, qui n'estoit pas fort à faire: car il ny auoit aucune resistance, veu que l'armée du Roy estoit retraicte, & n'y estoit demouré que pou de gës es garnisons des fortereilles: la venue duquel sceüe par ceux de ladicte ville de Bordeaux, ils commencerent à parlementer les vns aux autres de la maniere d'eux remettre en la subiection des Anglois & en leur obeissance. Et vouloient les aucuns que les François estans dedans ladicte ville, dont estoit capitaine pour le Roy le sire de Coëuiy Seneschal de Guyenne, & messire Dupin, & feu cheualier & soubz-Maire de ladicte ville, s'en allassent leurs corps & biens saufs: mais ce pendant aucuns d'icelle ville allerent ouurir vne porte aux Anglois & les boute-rent dedans le xxiiij. iour d'octobre, parquoy furent tous prins les François qui estoient dedans la ville, ou au moins la plus grand partie tant gens de guerre comme autres, & demourerent prisonniers ausdits Anglois. Ces nouuelles venues au Roy de France il fut moult dolent: & pource il y enuoya hastiuement les Mareschaux de France, le seigneur d'Orual, Iochin Rouhault & plusieurs autres capitaines iusques au nombre de six.cens lances, & les archiers pour renforcer & garder les places d'entour Bordeaux; ainsi que monseigneur de Clermont Lieutenant general du Roy esdictes marches verroit estre expedient iusques à la saison que le Roy y mettroit plus grand prouision. Neantmoins qu'auant que lesdictes gens du Roy fussent arriuez, ledit Thallebot ses gens & ses Barons du pays de Bordelois, meirent la pluspart des places du pays en l'obeissance du Roy d'Angleterre: & par especial la ville & chasteau de Chastillon en Perigord, laquelle estoit tenue par les gens du Roy de France, leur fut rendue par defaulte de secours & s'en allerent les François leurs corps & biens saufs. Combien que ledit seigneur de Clermont si gouuerna tresgrandement & vaillamment à resister aux Anglois auant la venue desdits François. Puis vindrent d'Angleterre pour renforcer l'armée dudit Thallebot le sire de Camus, le Bastard de Sombreffet, le fils dudit Thallebot seigneur de l'Isle, & le seigneur des Moulins: & estoient quatre mil combattans en leur compagnie & amenerent lxxx. batteaux que grans que petits chargez de farines & de lars pour auitailler la ville de Bordeaux.

Comment les Gantois asiegerent Audenarde: & comment le Duc de Bourgogne ordonna son armée contre les Gantois: & comment les Picars conquerirent le Pont-d'Espre sur iceux Gantois & en occirent plusieurs.

Oudit

Vdit an le xiiij. iour d'Auril apres Pasques, se meirent les Gantois aux champs à grand nombre de chariots chargez d'artilleries & de viures, & s'en allerent mettre le siege à Audenarde, qui sied à cinq lieües de Gand. Et à leur venue yslit contre eux ledit messire Simon de Lalaing, & leur liura vne escarmouche: mais besoing luy fut de retourner en la ville pour la grand planté de Gantois, qui chargerent sur luy & sur les siens: mais à son retour il feit boutter le feu és faulxbourgs de la ville de ce costé là. Et les Gantois fermerent leur siege deuant ladicte ville à tous costez, tellement que viure ne personne ne pouoit plus entrer en icelle ville ne par terre ne par la riuere. Le noble Duc de Bourgongne acertené du siege d'Audenarde, que les Gantois tenoient, fut forment troublé, attendu qu'ils luy auoient puis pou de temps requis pardon de leurs meffaits. Et pourtant il feit son mandement le plus efforceemēt qu'il peut par tout le païs de Picardie & de Haynault: & vindrent à son mandement Iéan-conte d'Estampes son consin germain, lors capitaine general de Picardie, & avec luy tous les gentils-hommes du païs, & leurs gens en grand nombre: lesquels tirerent vers Audenarde le chemin du Pont d'Espieres. Aupres duquel Pont estoit vn petit chastel nommé Helchin, que tenoient aucuns Gantois, & en estoit capitaine vn païsant nommé Beutremā, qui vaut autant à dire comme homme de beurre. Ceux cy ainsi auoient fortifié ledit Pont afin que les Picards ny peussent passer, & le gardoient à grand effort: mais vne compagnie de Picards trouuerēt moyen de passer en vn lieu nommé Vvatrebos, & vindrent pour enclorre iceux Gantois, qui gardoient ledit Pont d'Espieres: & l'autre cōpaignie se prindrent à traire & à lancer pour gaigner le Pont. Quand les Gantois se veirēt ainsi assaillis de toutes parts ils se retrahirent en vn monstier qui estoit là pres: & les Picards passerēt le Pont, & pourfuiuirent les Gantois iusques à ce monstier: & Gantois à eux defendre tellement qu'ils tuerent trois archiers & plusieurs en naurerent, dont le Comte d'Estampes fut si desplaisant qu'il feit le feu boutter en celle Eglise, & Gantois à faillir dehors: mais tous y demourerent morts, si que nul n'en eschappa fors leur capitaine Beureman, qui s'en estoit fuy autre part à Gand: il en y eut de morts à celle fois quatre vingts & dix, lesquels furent trois iours sur le champ ainçois qu'ils fussent mis en terre. Entre ces choses le Duc de Bourgongne en approchant de Gand s'en alla loger à Grandmont bonne petite ville, seant à cinq lieües de Gand: & vindrēt illec deuers luy gramment accompagnez d'hommes d'armes & d'archiers, le Comte de S. Pol & ses deux freres Thibault & Iaques, Adolph de Cleues nepueu du Duc Cornille, le Bastard de Bourgongne, messire Iean de Croÿ & grand nombre d'hommes d'armes & archiers.

Comment le Comte d'Estampes accompaigné des Picards sceulement leua le siege d'Audenarde, & desconfit les Gantois ainçois que le Duc en sceut riens.

LE Comte d'Estampes accōpaigné des seigneurs de Picardie & de leurs gens, seiournant à Vvatrebos & à Launoy apres la conqueste du Pont d'Espieres, se conclud de vouloir leuer le siege que tenoient les Gantois deuant Audenarde, ainçois que le Duc en sceut riens: & pour ce faire se partirent d'illec belle ordonnance le vingteinqüiesme iour d'Auril oudit

ancinquantedeux, & desirans de faire sçauoir leur entreprinse à messire Simon de Lalaing capitaine dedans Audenarde, trois compaignons aduentureux s'offrirent d'aller en la ville, moyennant chacun cinquante escus, que le Comte leur donna pour porter lettres audit messire Simon de Lalaing. Par lesquelles luy estoit signifié l'heure de celle entreprinse: lesquels compaignons approchez du siege voyans que de nul costé ne poutroient entrer en la ville par terre, se deuestirent tous nuds & se meirent en la riuere de l'Escault qui est illec grosse & profonde: & au nau de leurs bras feirent tant qu'ils entrèrent en la ville & aduertirent messire Simon de celle entreprinse des Picards dont il fut tresfort resioüy, entre-tant marchoiert auant ledit Comte & les Picards & feirent de leurs gens trois batailles. En l'auantgarde furent ordonnez Anthoine le bastard du Duc, le seigneur de Saueuses & autres. En la moyenne fut le Comte grandement acompagné. Et en l'arriergarde furent autres vail-lans hommes d'armes & archiers. Quand tous furent approchez de leurs ennemis le seigneur de Saueuses feit cheualier de sa main ledit Comte d'Estampes qui ne l'estoit pas encore, lequel Comte en feit incontinent autres cinquante deux, dont entre les autres & le premier fut ledit Anthoine bastard de Bourgongne, & autres iusques audit nombre de cinquante deux. Quand ils vindrent à vn quart de lieüe d'Audenarde ils trouuerent illec de quatre à cinq cens Gantois gardant illec vn passage. Et lors aucuns Picards s'aduancerent pour les ruer ius: mais ils trouuerent vn cauain de chemin malaisé à descendre, & les conuint planer du long du chemin. Entre ceux cy estoient les principaux messire Jaques de Lalaing, les seigneurs de Baufsegnes, de Creuecueur, de Bosqueaux & du Boz, & avec eux vn nommé le Bourgongnon: lesquels passiez outre ce cauain fe fourrerent entre lesdits Gantois qui tenoient ordonnance, & passerent neantmoins parmy eux. Puis rechargea sur eux ledit messire Jaques l'espée nue en sa main: mais il fut illec si enuironné de picques, qu'il y fut demouré sans doubte, n'eust esté ledit Bourgongnon qui luy donna si bon ayde & secours, qu'il eschappa du dangier. Et lors que les Gantois veirent la bataille des Picards auoir passé le cauain ils se meirent en fuite iusques à vne Eglise prochaine de leur siege, là où ils furent presque tous morts. Ce fait les seignrs feirent tous leurs archiers mettre à pied. Or estoit le siege des Gantois autour de la ville tellemēt clos, q̄ de nuls costez nul ne fut yssu de la ville. Mais aussi ceux du costé de la riuere, qui estoit entre deux ostz, ne pouoient secourir ceux de l'autre costé qui estoit vn grand peril pour les Gantois, comme l'adventure le moustra depuis. Quand doncques les Gantois, qui estoient du costé de Courtray, veirent & cogneurent que les Picards les venoient assaillir de ce costé là, ils yssirent de leur siege & vindrent contre eux en belle ordonnance moult bien garnis de picques & d'artillerie à pouldre: mais si tost qu'ils sentirent le traict des Picards qui leur perçoit le dos & ventre, pource que mal estoient armez, ils ne tindrent comme neant: ains se meirent en fuite, & picards à les chasser: & en occirent tant en celle fuite, que pou en eschappa que tous ny fussent morts: & fut commune renommée qu'il en y eut plus de trois mille morts. Et ne perdit le Comte qu'un nommé Jean d'Athies homme d'armes natif d'Arras, qui fut tué par son outrage. Entre-temps que ces be-
songnes

songnes se demenoient ainsi que dit est, & fut party & islu de Grâdmont le noble Duc de Bourgongne ainsi accompagné que dit est, pour leuer les Gantois de leur siege, ja aduertý comment les Gantois estoient leuez de l'autre costé de la riuiere, & que ceux de son costé tous effrayez s'en retournoient à Gand, & de tant plus s'aduança il de les trouuer & ruer ius, & il les trouua voirement & les meit en chasse, qui dura iusques aux portes de Gand, tuans & affollans tous ceux qu'ils pouoient ataindre iusques à la nuict, qui en feit la departie, & geut le Duc aux champs celle nuict. Et le lendemain au matin s'en alla à Audenarde, là où ils s'entre-seirent grand feste de l'une compagnie & de l'autre, le Duc & le Comte & toutes leurs gens. L'artillerie des Gantois qu'ils eurent laissée & habandonnée fut prinse & mise dedans ladicte ville d'Audenarde: & leurs autres bagues furent butinées des Gantois qui eschapperent de celle desconfiture, furent leurs trois hoguemans. Mais si tost qu'ils furent rentrez à Gand ils furent prins par le commun & furent decapitez sans nulle mercy, & en leur lieu en feit le commun cinq nouueaux.

Cy parle des gens de guerre que le Duc meit par garnisons à l'entour de Gand, & d'aucunes courfes que ceux seirent iusques à Gand, & ou païs de Vvas.



Le siege d'Audenarde ainsi leué que dit est, le Duc grandement accompagné s'en alla à Tendremode. Et le Comte d'Estampes demoura à Audenarde, le Comte de S. Pol fut enuoyé à Allost, & le Marechal de Bourgongne avec aucuns gentils-hommes de Picardie fut enuoyé à Courtray. Et aduint tost apres que le Comte d'Estampes issit d'Audenarde pour aller courre deuant Gand, & qu'en passant deuant le chastel de Gaueure il feit assaillir le chastel, mais partir conuint: car trop estoit fort & bien garny. Puis s'en alla iusques deuant Gand, & issirent de Gand aucuns vaillans hommes de cheval & de pied, qui seirent vne escarmouche sur les Picards: puis rentrerent en leur ville à pou de domnage de l'une partie & de l'autre, sinon que messire Jean de Miramont fut illec ataint d'un vireton si durement qu'il en mourut tantost apres: puis s'en retournerent les Picards d'Audenarde. Un autre iour issit d'Allost le Comte de S. Pol & alla courre deuant Gand, & reboutta vaillamment les Gantois, qui issirent contre luy: plusieurs fois le feit ainsi. Le Comte d'Estampes y ralla aussi vne autresfois avec ses gens qui occirent plus de quarante Gantois, & les autres reboutta dedans la ville: puis s'en retourna en Audenarde, mais ils demourerēt morts sept de ses archiers. Entre Gand & Anuers est vn bon païs gras & fertile, que l'en nomme le païs de Vvas fort païs à merueilles d'eau & de bourbes, garny de plusieurs grans & riches villaiges tous obeissans à ceux de Gand, & n'entendoient auoir autre seigneur que ceux de Gand, lesquels au temps passé pour guerres des Roys & Princes, n'eurent oncques esté pillé n'entamez tant estoit le païs fort & bien garny. Encores à celle fois les Gantois auoient ce païs icy moult bien fortifié de bouleviers & de trenchiz, si qu'il estoit tresdifficile à y entrer, attendu encores que les Gantois le faisoient garder à grand cure & diligence.

LE DUC desirant d'entrer en ce païs de Vvas feit faire vn bon pont de bois deuant Tendremode, pour passer la riuiere: & le pont fait & acheué vn

tres vaillant cheualier nommé messire Jaques de Lalaing fut le premier qui par l'octroy du Duc passa le pont, accôpaigné des archiers de corps du Duc & d'aucuns autres pou de gés de guerre, le xviii. iour de May l'an dessusdict: mais n'eut guere allé auant quand il trouua vne tresgrosse compagnie de Gantois, qui l'assaillirent & l'enclôirent tout incontinent. Et il sy porta si bien & si cheualeusement qu'onques cheualier ne le feit mieux: mais messire Jean bastard de Réty capitaine desdits archiers de corps ne le feit pas ainsi, ains laissa cheoir la baniere du Duc qu'il portoit: & se meit à garand tout le plus tost qu'il peut. En celle tempeste furent occis sept ou huit archiers, dont les trois estoient du corps du Duc. Et le cheual de messire Phelippe de Lalaing ieune cheualier & vaillant, fut occis dessous luy en vne bourbe, là où le bon cheualier, se deffendoit comme vn sanglier aux abaiz: & n'eust esté son frere messire Jaques qui se fourra en la greigneur pressé de ceux qui tenoient son frere en mortel peril, il n'en fut iamais eschappé vif: mais messire Jaques par sa tresgrand vaillance remeit son frere à cheual maulgré tous ses ennemis: & recueillit si pou de gens qu'il auoit par si bonne façon, en soy tenant derriete soubstenât tousiours l'effort des ennemis: les archiers mesmement qui furent demourez avec luy se desestirent de leurs iaches & se prindrent à tirer sur les Gantois par si fiere maniere, qu'ils feirent les Gantois retraire & recreantir de leur effort, si que ledit messire Jaques & lesdits archiers s'en retournerent à Tendremonde sauuement. D'autre part le Comte de S. Pol accompaigné de ses deux freres & d'Aldof de Cleues, de Cornille le Bastard & de plusieurs hommes d'armes & archiers, & de ceux de Tendremonde que menoit le seigneur de Croÿ, se partirent & s'en entreurent oudit pays de Vvas, pout prendre deux boulleuers que les Gantois tenoient à Ouuremare, vn gros village seant oudit pays de Vvas. Eux venus illec ils assaillirent les Gantois si asprement qu'ils habandonnerent les boulleuers, & s'en fuirent à Gand ceux qui se peurent sauuer: puis se meirent les gens du Duc en ordonnance pour aller à Locres vn autre gros village, que les Gantois tenoient, & y estoient pres de trois mille combattans: lesquels auoient promis secours à ceux d'Ouuremare, & venoient en ce point pour les secourir: mais ils vindrent trop tard: comme doncques ils venoient en bonne ordonnance de bataille, & les gens du Duc les veirent venir: le Comte de S. Pol qui conduisoit l'auantgarde feit illec cheualiers nouveaux: c'est à sçauoir Aldof de Cleues, Thibault seigneur de Siennes frere dudit Comte, Cornille bastard de Bourgogne lors gouuerneur de Luxembourg saige damoisel, prudent & vaillant & bien-aymé de chacun, & aucuns autres. Ceux cy vindrent d'un costé sur les Gantois qui marchoient tousiours auant cõtre la bataille du seigneur de Croÿ, qui marchoit contre eux aussi: & partant se trouuerent iceux Gantois assailliz des deux costez si roidement, que tous y demourerent que morts que prins: en celle seconde besogne feirent merueilles d'armes quatre ou cinq des archiers de corps du Duc. Dont les principaux furent Hoste le Sur, & le Martre, puis se retrahirent tous à leurs places.

Comment les Gantois fortifierent Nieuue en Flandres: & comment le Comte d'Estampes les rua ius: & comment iceux Gantois voulurent rompre vne digue pour noyer le pais, là où furent de rechief desconfits.

Entre

Enire Gand & Audenarde estoit lors vn gros-village nommé Nieneue que les Gantois auoient malement fortifié de trenchiz & boulleuers, & s'estoient là retraits vne grosse compaignie pour catillier les Picards d'Audenarde. Mais le Comte d'Estampes qui se tenoit à Audenarde manda vn iour ceux de la garnison de Courtray, & l'en allerēt ensemble pour conquerre ce village & en bouter hors leurs ennemis (ce fut le vingtcinquesme iour de May l'an cinquante & deux dessufdit) ils prindrent de venue & par force lesdits boulleuers & le village, & meirēt les Gantois à desconfiture sans tarder. Or aduint que le Comte se remeit aux champs, & aucuns de ses gens passerent le pont chassans apres les Gantois: aucuns autres se tindrent dedans le village, & descendirent illec pour eux rasteschir: mais n'y eurent guerre seiournē quand vne grosse compaignie de Gantois qui se furent recueillis ensemble, vindrent rentrer en ce village, & trouuerent ceux la qui ne se doubtoiet plus de riens & en meirēt à mort ceux qui peurent atteindre. Entre lesquels furent illec occis le seigneur de Herin chevalier, Ciboy Boucly, lennequin le Preuost, Iean Dinde & aucuns autres iusques à treize bien vaillans hommes d'armes de l'hostel du Comte d'Estampes, & bien cinquante archiers. Et tous y fussent demourez n'eust esté le secours & ayde du seigneur de Saueuses qui y vint premier & si porta moult vaillamment: & tost apres y retourna le Comte à toutes ses gens & fut illec fait vn trefdur hutin & mortel. Mais neantmoins les Gantois y furent desconfits la seconde fois, & y moururent plus de douze cens Gantois: les autres le sauuerent es bois & es haies. Apres laquelle desconfiture le Comte feit mettre les morts de son costé en vne maison: puis feit le feu bouter dedans & par tout le village, puis s'en retournerent à Audenarde. Tost apres le Duc estant à Tendremonde desirant d'entrer à puiffance au païs de Vvas, auoit mandé en Picardie archiers & arbalestriers que les bones villes luy eurent enuoyez en grand nombre, & feit venir vers luy toutes ses gens des garnisons de Courtray, d'Audenarde, d'Alloz & de toutes parts pour entrer audit païs: esquelles bonnes villes il enuoya demourer les archiers & arbalestriers des bones villes de Picardie, pour les garder tandis qu'il seroit au païs du Vvas. Quand les Gantois furent aduertis de celle grande assemblée ils enuoyerēt vne grosse compaignie de leurs gens pour rompre vne digue de mer, laquelle rōpue pourroit noyer tous ceux qui seroiet oudit païs du Vvas: mais le Duc qui de ce fut aduert, enuoya sur ceux vne grosse compaignie de ses gens sous la Côte de S. Pol, lequel exploicta si diligemment qu'il vint trouuer iceux Gantois, & les rua ius incontinent: si qu'il en y eut de morts plus de cinq cens & les autres s'en fuirent & fut la digue refaïcte & rassurée. Puis s'en retourna le Comte deuers le Duc, & trouua que Iean Duc de Cleues nepueu du Duc, luy auoit tout nouuellement amené pour le seruir en celle guerre vne belle compaignie d'Allemands, gens de guerre, hommes d'armes & crennequins: dont le Duc son oncle luy sœur bon gré. Et si y estoit venu aussi Charles fils legitime du Duc Comte de Charrolois.

Cy parle de la bataille de Rippemonde où les Gantois furent desconfits par leur seigneur le Duc de Bourgongne.



Le sixiesme iour de Iuin oudit an cinquante deux, se partit de Tendremonde à toute son armée le noble Duc de Bourgongne, pour entrer ou pays de Vvas. Et ordonna les gens en trois batailles: c'est à sçauoir le Comte de S. Pol en l'auantgarde, les deux freres avec luy, messire Cornille le bastard, le seigneur de Saueules, messire Jaques de Lalaing & autres: le Duc se teint ou moyen de la bataille son fils avec luy, les Cheualiers & escuyers de son hostel & vne partie des Picards, le Comte d'Estampes. & le Duc de Cleues son beau fils scirent l'arrieregarde. Ceste ordonnance ainsi faicte ils tirerent à Vvaselé vn gros village où les Gantois s'estoient mallemét fortifiez, & l'attendoient à bataille, garnis d'engins & d'artillerie à grand planté pour defendre vn boulleuert qu'ils auoient fait moult fort. Quand le Duc approcha de Vvaselé doutant se les Gantois veoient toute sa puissance ensemble qu'ils ne voulsissent point illir de leur fort, enuoya vne bonne compaignie deuant pour regarder le maintien des ennemis, & pour les catillier affin de les tirer au chaps. Et entretemps marchoiem tousiours auant les trois batailles assez pres l'vne de l'autre pour plusgiād seureié, tellemét toutesuoyes que les Gantois ne pouoiēt veoir que la premiere bataille du Duc de Bourgongne. Si tost que les Gantois choisirent ces coureurs & veirent ceux de l'auantgarde qui les luiuoiem, estimans qu'il n'en y eust plus derriere, comme fiers & orgueilleux islirent incontinent de leurs boulleuers, & vindrent pour charger sur ces coureurs qui se meirent en fuite sans tarder, ainsi comme le Duc leur auoit ordonné: & Gantois à les chasser iusques là où le Duc les attendoit à bataille rengée, toutes ses gens de trait à pied. Là cōmença fiere bataille & mortelle, Gantois à tirer de couleures, & Picards à traire fiesches, tant & si roidement que leurs ennemis ne les peurent plus souffrir: ains tournerent le dos, & hommes d'armes à les luiuier & abbatre, tuer & affoler, si que c'estoit horreur de regarder. Mais aduint en celle chaste que messire Cornille le bastard fut attaint d'vn Flament, d'vne picque en sa gorge qu'il n'auoit point de gotgerin, & fut occis illec, qui fut vn grād dommage pour le grand bien que l'enveoit florir en luy. Neantmoins Gantois furent desconfits & en moururent illec plus de deux mille cinq cens. Les autres se retrahirent à Acre, vn gros village qu'ils auoient tresbien fortifié de trenchiz & de boulleuers, & le Duc recueilla toutes ses gens & se meit au retour, loüant Dieu de la belle victoire qu'il luy eust ce iour donnée: mais ainçois feit il leuer le corps de son fils Bastard & l'enuoya bien honnorablement à Bruxelles, là où il fut enterré en l'Eglise de saint Goule.

Comment ceux d'Acre habandonnerent la place & fut la ville arse par les gens du Duc: & comment le Roy de France enuoya ambassadeurs en Flandres deuers le Duc pour mettre paix ou país.



Le lendemain de celle bataille de Rippemonde, veindrent ou seruice du Duc le seigneur de la Vere Hollandois portant l'ordre du Duc, & le seigneur de Launoy lors gouuerneur de Hollande, & en leur compaignie trois mille combattans: dont la pluspart estoient crennequiniars, dont le Duc fut resiouy. Mais souuenant de la mort de son bastard qu'il ne pouoit oublier, il commanda à ardoir & brulser tous les villages du país du Vvas, & tost apres

apres furent bruslez plusieurs gros villaiges : & plus en y eust eu ce ne fust que les pources gens des villaiges vindrent en grand nombre crier mercy à leur seigneur à nuds pieds en grande humilité : & le bon Duc & piteable eut pitié d'eux & feit les feux cesser. Puis se tira vers Acte où Gantois se tenoient en grand nombre : mais ne l'oserent attendre, ains s'en fuirent habandonnans la place, & le Duc feit tout brusler & fut la ville arse. Entre ces choses le Roy de Frâce Charles vij. de ce nom enuoya deuers le Duc vne notable ambassade : de laquelle il nomma chief le Comte de S. Pol lors estans avec le Duc : lequel Comte alla au deuant d'eux iusques à Tournay, là où ils furent grandement festoyez. Puis retourna sçauoir au Duc où il voudroit parler à eux, & il les feit venir à Tendremonde là où il estoit venu pour les ouïr, & auoit laissé son armée ou païs du Vvas. Lesdits ambassadeurs remonstrerent au Duc que le Roy se donnoit grād merueille pourquoy il destruisoit ainsi le païs de Flandres, qui estoit tenu de la couronne, & que les Gantois qui estoient felons & orgueilleux se pourroient allier aux Anglois & les pourroient mettre en leur ville, qui pourroit tourner à grand preiudice pour tout le Royaume : en enhortant le Duc de Bourgongne de faire paix aux Gantois se faite se pouoit, en luy commandant de par le Roy qu'il feit celle guerre cesser. A laquelle proposition le Duc feit responce de soy mesmes, disant qu'il ne craignoit en riens que les Anglois se boutassent dedans Gand : & que pour nul homme viuant il ne feroit paix aux Gantois qui deuoient estre ses subiects, que premietement ils ne se rendissent à sa voulenté, & que à l'ayde de Dieu & de ses bōs amis il les y mettroit biē par force, se par amour ne le vouloient faire. Laquelle responce ouie par les ambassadeurs, ils n'en parlerent plus pour celle fois. Mais ils feirent tant que le Duc à leur requeste & pour l'honneur du Roy leur octroya trefues de trois iours, & si leur bailla saufconduit pour certain nombre de Gantois venir deuers luy se bon leur sembloit, pour traicter de la paix. Ces choses ainsi faictes iceux ambassadeurs (sinon le Comte de S. Pol) s'en allerent à Gand où ils furent treshaultement receuz. Et en la maison de la ville aduertirent les Gantois assemblez illec en trefgrand nombre, de la charge qu'ils auoient eue du Roy des remonstrances qu'ils auoient faictes au Duc, & de la responce qu'il leur auoit faicte. Lesquelles choses ouies iceux Gantois leur dirent que voiremēt leur seigneur leur estoit trop dur & trop merueilleux, & qu'il leur vouloit oster de leurs preuileges : ce que pour riens ils ne voudroient souffrir, disans aux ambassadeurs s'ils ne vouloiēt autre chose dire qu'ils voidassent de la ville tout incontinent. Si s'en partirēt sans plus y arrester & s'en retournerent deuers le Duc.

Comment le Coustellier de Gand fut prins en bataille & Gantois desconfits : & comment ils furent de rechief desconfits à Huiſt & à Moulebecque.



Es ambassadeurs du Roy de France ne furent oncques plustost yssus de Gand, qu'ils yssirent de Gand plus de cinq mil hommes armez pour cōbattre les gens du Duc, où qu'ils les trouuassent. De laquelle compagnie estoit chief & capitaine vn coustellier de Gand gros hōme & pesant, lequel estoit vanté de ruer ius le Duc : & les Gantois luy auoient iuré & promis se ainsi le faisoit qu'ils le feroient leur seigneur du païs de Vvas,

voire Comte de Flandres:ceux cy tirerent vers Huïste vn gros villaige où se tenoit monseigneur le Bastard de Bourgongne Anthoine, à grand compaignie de bonnes gens de guerre,& là les cuidoient surprendre: mais ils scauoient leur venue,& yssirent aux champs contre lesdits Gantois: lesquels ils assaillirent si fierement qu'ils les meirent à desconfiture,& en tuerent bien trois mille:le coustellier fut prins & plusieurs autres Gantois, que le Bastard enuoya à son pere le Duc: le quel les feit tous pendre & estrangler,pource que oncques ne voulurēt crier mercy au Duc leur seigneur, tant le hayoient ils obstincement, & si leur promettoit on sauuer leurs vies,sils eussent voulu crier mercy,qui estoit voirement vn grand signe de haine obstinée & chose de bien grand merueille. Ceux qui eschapperent de celle bataille qui estoient bien encores deux mille hommes, se retrahirent vers Moulebecque vn gros villaige où se tenoient vne grād compaignie de leurs gens, que les Hollandois auoient assiegez droit à celle heu re,& ne scauoient riens d'icelle desconfiture de Huïste: & pourtant quand ils veirent ceux la venir ils se meirent en belle ordonnance de bataille,& en les approchant se prindrent à traire sur eux de leurs Crennequins si dru & si durement que plusieurs en occirent. Et d'autre part ledit Bastard qui chassoit apres eux, les rattaing illec:si que de rechief iceux Gantois furent oultrément desconfits, si que pou en eschappa que tous n'y feussent morts ou prins bien deux mille qu'ils estoient.

Q V A N D ceux de Moulebecque sceurent que leurs compaignōs estoient ainsi morts & desconfits, ils habandonnerent leurs boulleuers & leurs fors & s'enfuirent à Gand. Si que quand messire Anthoine le Bastard & les Hollandois vindrent illec en intention d'assaillir les fors,ils n'y trouverent personne: si entrerent dedans sans contredit, prindrent & pillerent tout ce qu'ils y trouuerent de bon. Puis bouterent le feu par tout & fut la ville toute arse: le Duc estoit lors à Hoiguemustre vn gros villaige au paÿs du Vvas, & là le trouuerent les ambassadeurs du Roy à leur retour de Gand, & luy dirent tout ce qu'ils auoient veu & ouÿ des Gantois: dont iura le Duc que iamais paix à luy n'auroient s'ils ne se mettoient du tout à sa volenté: & s'ils ne se y vouloient mettre qu'il les y mettroit par force,ou il mourroit en la peine. Et lors sans rarder il se partit de son logis & s'en alla à Axelle pour aller loger deuant Gand,& en approchant la ville conquist Axelle & tout le paÿs du Vvas. Puis s'en alla loger & arrester deuant Gand en vn lieu nommé Long-pont assez pres de la ville. Quād ceux de Gand veirent ce ils enuoyerent deuers les ambassadeurs du Roy,& leur feirent prier qu'ils feissent tant enuers le Duc qu'il leur enuoyast sauſconduir, & ils enuoyerent deuers luy pour y trouuer moyen de paix. Le bon Duc à la requeste desdits ambassadeurs & pour l'honneur du Roy, leur enuoya le sauſconduit,disant toutesuoyes à ceux qui le porterent à Gand que ja traicté il ne feroit à eux s'ils ne mettoient leurs corps & la ville à sa volenté. Entretiens que ces choses se faisoient(comme dit est) les gens du Duc courroient tous les iours iusques aux portes de Gand brullans moulins & maisons entour la ville, & au paÿs enuiron sans nul mercy. Et qui empiroirencores les Ganrois trop mallement,ils auoient l'epidimie en la ville si terriblement que c'estoit horreur & pitié: eux ainsi enueloppez en tant de miseres doutans que pis ne leur aduenist,

nist, renuoyèrent prier aux ambassadeurs de France qu'ils voulsissent encores celle fois venir à Gand, & ils y allerent: eux venus illec feirent assembler le peuple sur le marché & leur monstreirent le saufconduit de leur seigneur. Puis conclurent illec que ceux qui vouloient la paix se meissent à vne part, & les autres d'autre part. Et lors sans tarder se meirent à vne part de ceux qui demandoient la paix bien sept mille hommes. Mais de l'autre part de ceux qui demandoient la guerre, se meirent ensemble plus de douze mille hommes: dont leur dirent les ambassadeurs qu'ils reueinssent tous le lendemain en celle mesme place, pour veoir se l'en les pourroit accorder ensemble, & s'en rallerent chacun en sa maison iusques au lendemain que reuindrent sur le marché ceux qui demandoient la paix, & n'en y vint nul des autres. Ceux qui furent là venus requirent aux ambassadeurs qu'ils s'en retournassent deuers le Duc & emmenassent avec eux aucuns leurs deputez, pour trouuer leur paix, se faire se pouoit par quelque bonne maniere: eux venus deuers le Duc, ceux ambassadeurs procederent tellemēt avec le bon Duc qu'ils obtindrent vnes trefues à six sepmaines, par si que les Gantois bailleroient au Duc bons & suffisans hostaiges, & promettoient (si pendant ce terme la paix ne pouoit estre trouuée) de rendre audit Duc tous dommages & interelsts qu'il pourroit auoir pour rompre son armée. Et ceux qui luy conuiendroient mettre à la remettre sus, avec les gaiges de ses gens d'armes pour lesdictes six sepmaines: c'est à sçauoir de ceux qu'il laisseroit par garnisons entour Gand, à Courtray, à Audenarde, à Alost & à Tendremonde: & si ne pourroient iceux Gantois mettre en leur ville autres viures durans les trefues que ceux qu'ils auoient. Lors ne pourroient aussi entrer en quelque bonne ville de Flandres sans congé prendre à la porte. Fut aussi ordonné que le parlement pour celle paix se tiendroir à l'Isle, & qu'ils n'y pourroient venir de Gand que cinquante deputez seulement. Ces choses ainsi pourparlées & conclutes, les trefues furent criées en l'ost du Duc, & donna congé à ses gens d'armes de retourner chacun en sa place, sinon à ceux qui laissa es villes dessus nommées pour la garde d'icelles: & s'en alla le Duc à Bruxelles, & ceux de son conseil s'en allerent à l'Isle. Ceux de l'ambassade du Roy enuoyerent vn herault à Gand pour publier les trefues: & auoir son varlet vne iournée vestue, où estoit l'en-seigne du Duc, c'est à sçauoir la croix de S. Andrieu: mais ce varlet fut prins en la ville en menant ses chevaux boire & pendu & estranglé en despit du Duc, & en vengeance de la mort de leur Coutellier. Et le herault s'en retourna sain & sauf tout effrayé.

Cy parle des poinctz du traité que feirent les Ambassadeurs de France à l'Isle pour appaiser les Gantois à leur Seigneur, dont neantmoins ils n'en tindrent riens à Gand.



Le vingt & deuxiesme iour de Iuillet l'an cinquāte deux, enuoyerent ceux de Gand cinquante de leurs deputez à l'Isle, pour cōuenir avec ceux du conseil du Duc leur seigneur, & ceux de l'Ambassade de France pour paruenir à traité de paix: & avec eux vn nommé maître Iean de Poupincourt aduocat de Parlement, & fut ausdits ambassadeurs baillé par escript tout ce que chacune des parties vouloit dire & proposer: le

Duc n'y vouloit point assister. Mais à l'instance de ceux de son conseil & à la priere des ambassadeurs du Roy, il se partit de Bruxelles & arriva à l'Isle le vingtsiesme iour d'Aoust oudit an. Quand les deputez veirent que leur ap pointement se devoit rendre, & que les trefues de l'ost devoient faillir, ils ne osèrent là plus demourer. Ains s'en retournerent à Gand, & ne laisserent à l'Isle que deux heraulx & vn truchement. Neantmoins apres leur departement tost apres les ambassadeurs de France rendirent sentence sur les dissensions, estans entre le Duc & les Gantois, qui fut telle que les Gantois feroient ce qui s'en suit. C'est à sçavoir que la porte par laquelle ils vuidèrent pour aller assieger Audenarde, seroit close à tel iour de la sepmaine qu'ils yssirent de leur ville chacune sepmaine. Item que la porte par laquelle ils allerent à la bataille de Tendremonde seroit condamnée & close à tousiours. Item mettroient ius & à neant les Blancs-chaperons qui estoit leur enseigne pour la guerre. Item que les bourgeois forains de Gand ne seroient plus soumis de respondre à la Loy de Gand, mais seulement ceux de la ville & Banlieüe. Item qu'ils ne banniroient plus personne sans nommer les causes pourquoy, qu'ils ne feroient iamais.

Item que au renouveler la Loy de la ville, seroient par les officiers du Comte de Flandres esleuz quatre nobles personnes, & quatre de par le commun de la ville: lesquels renouelleroient la Loy, pource que parauant ils mettoient en leur Loy vingt & quatre hommes, dont les douze estoient tousiours de la banniere des tisserrans: laquelle maniere de faire seroit du tout abolie. Item pource que tantost qu'il y auoit trouble en la ville, ils mettroient leurs banieres dehors & s'assembloient sur le marché: fut ordonné qu'ils ne le feroient plus, & que les banieres seroient mises en vn coffre qui se clorroit à cinq clefs, dont le Baillif de Gand en garderoit l'une, le premier escheuin une, le grand doyen des mestiers une, & les autres deux garderoient deux preud'hommes esleuz de par la ville, & si ne se assembleroient plus sur le marché. Item que les Escheuins de la ville ne se escriroient plus en leurs lettres missibles ne autres seigneurs de Gand. Item que tous ceux de la Loy, les Doyens & les Hoiquemans de la ville & autres iusques deux mille personnes d'icelle ville, ystroient de la ville vestus de leurs chemises seulement, & viendroient demy lieüe hors de la ville crier mercy à leur seigneur à genoux humblement, disans que mauuaise ment à leur tresgrand tort ils auoient commencée la guerre cõtre luy, qui estoit leur seigneur en demandant pardon de leur meffait. Item se aucuns des officiers du seigneur delinquoient aucunement de lors en auant, ceux de la Loy n'en pourroient cognoistre. Ains les renuoyeroient au iugement de leur seigneur ou de son conseil. Item sur ce que ceux de la Loy auoient accoustumé de cognoistre de ceux du pays de Vvas, de ceux d'Alloz, de Tendremonde & d'Audenarde fut appointé que les ambassadeurs en ordonneroient dedans la fin de l'ancieñt à sçavoir de leur laisser celle auctorité ou de leur tollir. Ité que pour les fraits & despens que leur seigneur auoit mis en celle guerre, ils seroient tenus de luy payer deux cens cinquante mille ridders. Telle fut la sentence des ambassadeurs de France à l'encontre de ceux de Gand: lesquels neantmoins n'en voulurent riens tenir quelque promesse qu'ils en eussent faicte.

*Comment les Gantois recommencerent la guerre contre leur seigneur & ardirent Hui-
ste. & comment vn Herault de France eschappa de la ville de Gand.*



Vand les deux Heraulx & les Truchemens de Gand furent retour-
nez à Gand, & que les ordonnances de la paix furent leues devant
le commun, ils se prindrent comme tous à murmurer & à dire, que
les ordonnances estoient trop dures à porter, & se partirent d'illec
sans les accorder ne contredire, & en ce point se teindrent bien quinze iours.
Pendant lequel temps aucuns mauvais garnemens se meirent sus en grand nô-
bre: & firent capitaine d'un mauvais garson qui se nommoit le bastard de
Blanc-Estain, & se nommerent les compaignons de la Verde tente. Ceux cy
donques bien armez & embastonnez, s'en allirent vne nuit de Gand & se tire-
rent vers Huiſte vn gros village qui se fust rendu à leur seigneur. Eux là venus
feirent allumer torſins & fallots à vn costé de la ville pour abuser ceux de de-
dans, & qu'ils cuidassent qu'ils voulsissent par là entrer en la ville. Car voiremēt
ceux de la ville s'en allerent tous celle part pour eux deffendre. Mais les fins
gueux tendoient à entrer ens par l'autre costé: & de fait y entrerent sans contred-
dit, & se prindrent à tuer tous ceux qu'ils peurent attaindre. Puis prindrent tous
les biens de la ville & bouterent le feu au demourant, & puis s'en retournerent
à Gand. Entre ces choses les Ambassadeurs du Roy attendans à l'Isle la respō-
ce des Gantois, fils tiendroient le traicté ou non: estans tous esmerueillez qu'ils
n'en oyoyent nouuelles enuoyerent à Gand vn herault portant leurs lettres à
ceux de la ville, pour ſçauoir leur vولenté: le herault venu à son logis pria à son
hoste qu'il le voulsist adresser à bailler ses lettres. Son hostel qui eut pitié de luy,
luy dit qu'il se gardast de parler de riens si cher qu'il aymoit sa vie: & si estoit
cogneu qu'il estoit mort sans remede, & le feit tenir tout le iour en sa chambre
sans issir: & le lendemain luy bailla son varlet à le conuoyer hors de la ville, di-
sant se on luy demādoit riens à la porte, qu'il dit qu'il estoit vn marchand de Frā-
ce qui venoit d'Anuers, & si luy feit sa robbe vestir à l'enuers. Le Herault mal
asseuré creut son hostel, vint au matin à la porte qui estoit cloſe: ceux qui gar-
doient la porte luy demanderent dont il estoit, & il leur respondit qu'il estoit
marchand de France & venoit d'Anuers: ils luy demanderent le vin, & il alla à sa
bourse: entretant ceux ouurirent la porte & il picque son cheual des esperons,
& s'en fouit sans riens payer: & ne fust seur iulques à ce qu'il vint à l'Isle, & com-
pta son aduenture aux ambassadeurs de France, les maîtres: lesquels cognoif-
sans que les Gantois ne tenoient chose qu'ils eussent promise, prindrent congé
du Duc & s'en retournerent en France deuers le Roy Charles, & emporterent
du noble Duc Philippe qu'il leur donna pour leur peine six mille riddes d'or.

Encores ne ſçauoit le Duc la prinſe de Huiſte iulques à ce que les Gantois
eurent prins & arſe la ville d'Axelle: & si cuiderent auoir prins la ville d'Alloſt:
mais messire Anthoine de Vviſſoc qui la gardoit pour le Duc, la deffendist si
bien qu'ils n'y gagnerēt riens. Mais en retournant à Gand ils bouterent les feux
en tous les villages qu'ils trouuoient obeiffans à leur seigneur, mettans à mort
hommes, femmes & enfans sans nul mercy.

Comment le Duc rassembra gens d'armes pour guerroyer les Gantois: & comment iceux Gantois ardirent Harlebecque vn gros villaige pres de Courtray: puis parle des besongnes qui aduindrent de celle guerre à celle fois.



LE Duc de Bourgogne Comte de Flandres attendant à l'Isle la response des Gantois, fut aduertý comment ils auoient prins & ars Huille & Axele: & pourtant il remeit sus son armée tout incontinēt, & manda celle fois venir à son aýde le mareschal de Bourgogne seigneur de Beaumont à noble compaignie de Bourgongnons, lesquels y vindrent en bel arroy: mais entretemps que ceste armée le mettoit sus, les Gantois en vne trefgrosse compaignie islirent de Gand le xxiiij. iour de Septembre oudit an liij. & s'en allerent ardoir Harlebecque vn gros villaige seant à demie lieuē de Courtray, & y tuerent plusieurs gens, hommes, femmes & enfans: pourquoy le Duc tout incontinent enuoya à Courtray son nepueu messire Aldof de Cleues, bien acompaigné de gens d'armes & de traitēt: lesquels venus à Courtray trouuerent ceux de la ville moult effrayez, mais les Gantois s'en estoient retour nez à Gand. Quand le Duc eut toute son armée assemblée, il enuoya à Courtray le Mareschal de Bourgogne & le constitua chief de toute l'armée: messire Anthoine le bastard s'en alla à Tendremonde, messire Symon & messire Jaques de Lalaing furent ordonnez à Audenarde, messire Anthoine de Vvissoc à Alloz, messire Aldof de Cleues reuint auec le Duc à l'Isle: le Mareschal de Bourgogne venu à Courtray feit sçauoir par tout le plat paýs que quiconques vouloit tenir le party du Duc, meissent leurs biens és forts lieux à sauueté, par especial ceux qui estoient à cinq lieuēs de Gand. Dont aduint que la pluspart des villaiges se retrahirent à Gand, & y porterēt leurs biens. Et lors iceluy Mareschal feit pendre tous les prisonniers qu'ils auoient de Gand. Et d'autre part les Gantois ne prenoient homme nul à rançon ne à mercy quelque grand qu'il fust, ne quelque finance qu'ils peussent payer tant estoit la guerre mortelle: mais trop plus du costé des Gantois que de ceux du Duc: le Mareschal voyant que ceux du plat paýs de cinq lieuēs de Gand se furent retraits, & eurent porté leurs biens à Gand, il enuoya courre le paýs & feit ardoir presque tous les villaiges estans à cinq lieuēs de Gand & iusques à Gand, especiallement sur les passaiges. Et se les Picards ou Bourgongnons en laissoient aucuns sans les ardoir, les Gantois les alloient bruller: & pourtant tout y estoit brullé ou de l'une partie ou de l'autre, qui estoit vn moult grand meschief pour tout le paýs de Flandres. Entre ces choses messire Jaques de Lalaing s'en alla vn iour courre iusques aux portes de Gand & ardist deux de leurs moulins, & si print quinze chariots chargez de blé que l'en menoit à Gand, & les feit mener à Audenarde: car nul issit de Gand sur luy à celle fois. D'autre part le Mareschal de Bourgogne alla vn iour courre iusques à Gand en intention de combattre les Gantois s'ils fussent issus, mais ils n'issirent point à celle fois: & il s'en retourna par deuant Pouleres vn bon chastel, & print la basse court d'assault, puis y feit bouter le feu, pource que ceux de dedans se furent retraits dedans le chastel qui estoit bon & fort, puis s'en retourna à Courtray. Le xxv. iour d'Octobre oudit an liij. par vn vendredý se partit de Tendremonde messire Anthoine le Bastard de Bourgogne, &

auec

avec luy ceux de la garnison d'Alloft qu'il eut mādéz pour aller courre deuant Gand, & enuoya deuant iusques à trente coureurs bien montez pour esmouuoir les Gantois à isfir aux champs. Lesquels Gantois aduertiz de leur venue estoient tous prests armez & embastonnez pour isfir, & isfirent si roidement sur lesdits coureurs, qu'ils en furent tous esbahis. Car avec les Gantois estoient lors aucuns Anglois aduantureux qui furent là venus pour gagner, & estoient de cheual, & les Gantois estoient de pied en tresgrand nombre: qui se hastèrent tant d'aller auant, que ledit Bastard fut tout esbahy quand il les veist si pres de luy: & lors il pria tout homme mettre pied à terre, mais ne descendirent que deux hommes & trois archiers pour priere ne requeste que feit ledit Bastard, & ne sçay dont ce vint: car tous se meirent en fuite, si que à grand peine furent les deux hommes d'armes remontez sur leurs cheuaux, mais les trois archiers y demourerent morts. Et le Bastard luy vingtiesme d'hommes d'armes tant desplaisant que plus ne pouoit, demourerent derriere & conduirent leurs gens tellement qu'ils n'en perdirent plus pour le iour, & fait à croire que celle fuite leur sauua à tous les vies: car les Gantois aduertiz de leur entreprinse (comme dit est) auoient mis sus vne autre compaignie de leurs gens qui deuoient isfir par vne autre porte & aller rompre les ponts & les passaiges par où les Picards estoient passez, en intention d'encloire iceux Picards entre leurs deux batailles, par telle maniere que iamais homme n'en fut eschappé. Ainsi doncques par celle malle-adventure furent sauuez de mort messire Anthoine le Bastard & toutes ses gens, fors seulement lesdits trois archiers.

Cy dit comment le Marechal de Bourgogne feit ardoir la ville d'Eslo: & comment les Gantois furent deboutez de deuant Alloft, qu'ils vouloient assieger.

DE l'autre part ceux des garnisons de Courtray & d'Audenarde sçachans que à Eslo (qui est vn gros village à trois lieuës de Gand) se tenoient vne grand compaignie de Gantois, se assemblerent vn iour: & furent leurs principaux conduiseurs le Marechal de Bourgogne & messire Iaques de Lalaing; lesquels s'en allerent en belle ordonnance iusques à Eslo. Et lors si tost que les Gantois les veirent entrer dedans, ils se meirent en fuite & gaignerent le bois qui estoit là pres: mais tous n'y allerent pas, ains en demoura de morts ou villaige plus de quarante: Puis feirent bouter le feu en la ville, pource que ceux de celle ville ne se vouloient deporter de mener viures à Gand, ne de sonner leurs cloches si tost qu'ils veoient courre les Picards pour celle cause, principalement, fut tout arts & brullé entour Gand iusques à cinq lieuës, & se les Picards laissoient aucuns villages sans brusler les Gantois mesmes les brusloient. Le xiii. iour de Novembre oudit an lij. sçachans les Gantois que messire Anthoine de Vissoc capitaine d'Alloft s'en estoit allé vn tour en Artois, s'assemblerent bien vingt mille tout de pied, & en la conduicte d'aucun pou d'Anglois qui se tenoient de cheual, s'en allerent pour assieger Alloft, de laquelle esmeute furent aduertiz de bonne heure messire Anthoine le Bastard & messire François l'Arragonnois, qui se tenoient à Tendremonde. Et lors par bon aduis & par le gré dudit Bastard messire Fran-

gois accompagné de ccc. bons cōbattans s'en alla bouter dedans Alloft. Et tost apres se approcherent les Gantois pour assaillir la ville : mais messire François vaillant & hardy cheualier issit de la ville à tout ce qu'il auoit de gens laissant la ville garnie, & se vint fourrer esdits Gantois par telle façon qu'il les meit en desroy tout incontinent, & se prirent à retourner à Gand non pas tous : car ils y demourerent morts dixhuiſt Anglois & dixsept Gantois, & se la nuit n'y fut si tost venue il en y eust demouré plus largement. Le samedy ensuiuant le Mareschal de Bourgongne s'en alla courre iusques à Gand, mais nul n'issit de la ville contre luy : si se meit au retour, & aduint que douze Picards archiers se eslongnerent des autres bien demie lieuë, pour gaingner fils trouuoient quelque chose. Ils passerent vn petit pont & n'y veirent personne : mais ne furent gueres eslongnez du pont quand ils choisirent deuant eux vne grosse compaignie de Gantois & aucuns Anglois avec eux. Si se meirent au retour, mais ils veirent le Pont tout chargé de païsans qui là les attendoient : Quaud ils veirent ce, ils cueillirent cuer aimans plus à mourir honorablement que estre prins & penduz, & se meirent à pied & lierent leurs cheuaux ensemble : puis se prirent à traire de toute leur force, si qu'il n'y auoit si hardy Gantois qui les osast approcher, dont s'aduança vn Anglois de cheual lequel coucha sa lance sur eux pour les rompre & mettre en desroy : mais ils se ouurirent & le laisserent passer sans eux desroyer, & se prirent à tirer sur luy si fierement qu'ils luy naurerent son cheual en plusieurs lieux, & fut tout ioyeux quād il se peut mettre arriere d'eux. Et lors se prirent à corner comme fils appellassent aucun secours qui fut là pres, dont iceux Gantois furent si effrayez que tout incontinent ils se meirent au retour, & les douze compaignons regarderent deuers le pont & n'y veirent plus personne : car tous les païsans s'en estoient suiz au bois : si monterent sur leurs cheuaux & s'en retournerent sauement avec leurs compaignons qui leur deuoit tourner à grand honneur & hardement. Entre ces choses vne autre compaignie de Picards feirent vne course deuant Gand & prirent aucuns compaignons de la Verte tente & vn de leurs capitaines, lequel fut esquartellé & tous les autres furent penduz.

Cy parle d'aucunes entreprinſes faictes entre les Picards & les Gantois : & dit comment les Gantois allerent bouter les feux en Hainault : & comment ils furent rencontrez tantost apres.



Le second iour de Decembre oudit an lij. messire Philippe de Lalaing ieune cheualier hardy & entreprenant, s'en alla courre iusques à Gand accompagné de la garnison d'Audenarde : & lors issirent sur luy de Gand bien deux cens hommes de cheual, contre lesquels Picards se combattirent : & en leur venue tuerent vn Gantois bien en point, lequel puis pou de temps par auant auoit prins vn ieune fils du party du Duc & en auoit fait son paige. Lequel paige voyant son maistre mort s'en courut rendre audit messire Philippe, & luy dit pour verité qu'ils estoient issus de Gād plus de quatre mille hommes par diuerses portes pour les surprendre & encloerre, & qu'ils pensassent du retour. En ce point saillirent de Gand bien trois cens hommes de cheual, dont se meit messire Philippe au retour en bonne ordonnance, retournant

retournant souuent & escarmouchant les ennemis. Messire Jaques de Lalain son frere aduery de ceste besongne iust incōtinent d'Audenarde à tout ce qu'il peut auoir de gens de guerre, & s'en courut secourir son frere qui ja estoit à vne lieue d'Audenarde, escarmouchant tousiours les Gantois, lesquels aussi le sui-uoient tressaigement, pour leurs gens qu'ils veioient venir de costé à grand effort pour enclorre les Picards: les Picards aussi voyans ceux la venir s'en retournerent à Audenarde sauueement. Et les Gantois se logerent pour la nuit en vne abbaye à demie lieue d'Audenarde, & le lendemain s'en retournerent à Gand. ¹

Tost apres se trouuerent ceux de la Verde tente iusques à dix mille hommes & s'en allerent iusques en Hainault, là où ils tuerent aucuns payfans & y ardirent seize ou dixsept villages. Puis s'en retournerent à Gand sans encombrer. Et pou de iours deuant se partirent de Gand enuiron cinquante Anglois faignans d'aller courir sur les Picards: mais ils s'en allerent rendre à Tendremonde à messire Anthoine le Bastard, lequel les receut bien & voutentiers, & les ordonna avec ses gens. L'un des Princes auoit nom Iean Hout: & sçachant comment les Anglois retournoient de Hainault, il s'en alla courre vers Gand pour les rencontrer à leur retour, & en trouua vne grosse compaignie: & se fourerent dedans eux Picards & Anglois tellement qu'ils en occirent plus de deux cens, & les autres s'en fuirent à Gand, fors aucuns prisonniers que prindrent les Picards & les emmenerent à Tendremonde.

Comment les Gantois enuoyerent deuers le Comte d'Estampes pour trouuer moyen de paix, & tost apres s'en allerent assieger Courtray où ils ne gaignerent guerres: puis dit comment ils cuiderent prendre la Duchesse de Bourgogne en allant à Bruges.

E temps pendant & que ceux de la Verde tente tenoient les champs le plus du temps, ceux de Gand enuoyerent prier au Comte d'Estampes qu'il leur feit auoir vn saufconduit du Duc leur seigneur, pour enuoyer à luy aucuns de leurs deputez pour trouuer quelque bon moyen de paix. Et le Comte y proceda tellement qu'ils eurent le saufconduit. Et fut le lieu pour conuenir ensemble ordonné à Bruges, là où le Duc enuoya ceux de son conseil, & en son lieu le Comte d'Estampes: auquel lieu ceux de Gand enuoyerent vn Chartreux, & vn ancien cheualier nommé messire Baudouin de Boz, que les Gantois auoient long temps tenu prisonnier, pource qu'ils l'auoient suspect & qu'il ne leur fut contraire à leurs capitales opinions: mesmement fut il iusques sur le Hourt, & les yeux bendez pour trencher sa teste: & n'eust esté qu'il y auoit des bons amis, il eust passé le pas. Ces Gantois icy venus à Bruges se démonstrent si hautains & si orgueilleux, & comme fils n'eussent oncques riens meffait à leur Prince, & partant n'eurent point de response. Si s'en retournerent sans riens faire, sinó que le cheualier & le chartreux n'y voulurent oncques puis retourner, ains demourerent à Bruges: & les autres qui s'en r'alloient à Gand, seiournerent tant sur le chemin que leur saufconduit fut expiré: & furent rencōtrez d'aucuns Picards qui les prindrent & les menerēt prisonniers à Bruges, dont entre les autres estoient deux des plus durs ennemis que le Duc eust à Gand.

Le xvij. iour de Feurier audit an lij. ceux de Gand sçachans que leurs de-

putez estoient prisonniers, issirent de Gand en grand nombre, & en trois batailles bien ordonnées s'en allerent rengier deuant la ville de Courtray: & n'y estoit point à celle heure le Marechal de Bourgongne principal capitaine de la ville, ains estoit à l'Isle avec le Duc. En icelle ville estoit vn moult vaillant cheualier & aduenteux Picard, nommé messire Gauvain Quieret: lequel à si pou de gens qu'il auoit contre si grand peuple, issit sur eux, & les escarmoucha tresrudement: mais besoing luy fut de s'en aller en la ville, pource que les Gantois estoient en trop grand nombre. Et si tost n'y sceut s'en aller qu'il n'y perdist deux hommes d'armes & vn archier. Et lors se prindrent les Gantois à assaillir les faulxbourgs: mais ils furent si bien desendus qu'ils n'y gaignerent riens, sinon qu'ils tuerent d'un trait vn homme d'armes, puis s'en retournerent à Gand sauvement. Le second iour de Mars ensuiuant, messire Anthoine Bastard de Bourgongne s'en alla courre vers Gand, & trouua sur les champs vne compaignie de Gantois: esquels ils se fourrerent de telle poulse luy & ses gens, qu'ils en occirent plus de cinquante, & plusieurs en prindrent prisonniers, qu'ils emmenerent à Tendremonde. Le cinquiesme iour dudit mois de Mars se partit de l'Isle la Duchesse de Bourgongne par l'ordonnance du Duc son mary, pour aller à Bruges, dont les Gantois furent tost aduertis: & estimans que elle iroit à Bruges le droit chemin, se meirent sus en grand nombre, & s'en allerent mettre sur ledit chemin en bonne ordonnance pour la ruer ius, & pour mettre à mort toute la compaignie: mais la Duchesse qui en fut aduertie se destourna du droit chemin & par autre chemin s'en alla à Bruges sauvement.

Messire Symon de Lalaing capitaine de l'Escluse, aduertie que la Duchesse venoit de l'Isle à Bruges, se partit de l'Escluse à tout deux cens combattans pour la conduire iusques à Bruges, & s'en vint sur le grand chemin de Bruges, non sçachant que les Gantois fussent illec: en sa compaignie estoit vn cheualier de Flandres seigneur de Maldeghe qui sçauoit les chemins & les passages: lequel en cheuauchant sur le costé du grand chemin, veit d'adventure les Gantois en leur embusche, qui guettoient sur la Duchesse & sur ledit messire Symon qu'ils veoient venir. Et lors incontinent le seigneur de Maldeghe fit ses trompettes sonner à grand force, afin que messire Symon quand il les orroit si retrahist: mais il estoit ja si aduancé qu'il estoit droit au milieu de l'embusche de ses ennemis, ainçois qu'il s'en aperceust, & se trouua tout incontinent assaillie si viuement que son estandard fut abbatu, & conuint bien que luy & les siens monstrassent illec leur vaillance, se mourir ne vouloient: & si bien le firent à l'aide dudit seigneur de Maldeghe qui vint illec à sa rescousse, qu'ils firent les Gantois ressortir: & puis en bonne ordonnance tous ensemble serrez & vnis s'en allerent à Bruges sauvement: sinon qu'ils y perdirent trois ou quatre hommes d'armes & douze ou seize archiers, qui ne fut pas trop grand perte en si pesante besongne.

Trois ou quatre iours deuant ceste besongne les Gantois qui se tenoient à Poulcres, ardirent Englemonstier, vn bon & gros village appartenant au Comte d'Estampes à cause de sa femme: mais au chastel ne firent ils nul mal, pource qu'il estoit fort & si estoit bien garny. Pou de temps apres les Gantois

tois requierent d'auoir sauſconduit du Duc pour enuoyer deuers luy ou ſon conſeil, là où il luy plairoit iuſques à vingt de leurs deputez, pour regarder ſe l'on pourroit mettre fin en celle guerre ſi dommageuſe. Le bon Duc le leur enuoya & assigna le lieu de la conuention à Sclin vn gros village à deux lieux de l'Isle, là où le Duc enuoya pour luy le Comte d'Eſtampes & ceux de ſon conſeil: mais finalement ils ne feirent tiens pour ce que les Gantois ſe tenoient touſiours en leur orgueil & Felonnie. Tantost que ceux qui furent enuoyez à Sclin furent retournez à Gand, vn François ſouldoyer, homme d'armes qui ſe tenoit à Gand pour gaigner, & ſe nommoit Pierre Moteau, & eſtoit vn de leurs capitaines. Ceſtuy cy aſſembla vn iour vne compagnie de Gantois, & ſ'en alla courre iuſques à Tendremonde, là où ſe tenoit meſſire Anthoine le Baſtard: le quel aduertý de leur venue iſſit cõtre eux & les eſcarmoucha tellement qu'ils ſen fuiſirent à Gand & pluſieurs en tua.

Comment Pierre Moreau vn capitaine des Gantois emmena vne grande compagnie deuant Tendremonde. Puis dit d'une grande courſe qu'ils feirent en Hainault, ou ils feirent pluſieurs maux.

EN l'an mil quatre cens liij. le troiſieſme iour d'Auril apres paſques ^{1453.} retourna le deſſuſdit Pierre Moreau à pluſgrand compagnie que deuant deuant Tendremonde, & y liura vn grand aſſault: mais n'y gaigna riens, ains y perdit neuf ou dix de ſes gens, puis ſ'en retournerent à Gand. Le quatorzieme iour du mois d'Auril ils iſſirent de rechief en trefgrand nombre, & ſ'en allerent bouter les feux en Hainault iuſques vers Enghien, & vers Tournay. En laquelle courſe ils tuerent pluſieurs gens & ardirent pluſieurs gros villages, ſans ce qu'ils trouuaſſent qui leur contredit. Pour ce ſelon commune renommée que les gens de guerre ſe tennoient de ſeruir le Duc, pource qu'ils n'eſtoient point payez de leurs ſouldées, & ſi ſ'en eſtoient pour celle cauſe pluſieurs retournez en leurs places. Quand ce vint à la cognoiſſance du Duc il ſe fit ſon mandemēt de gens d'armes le pluſgrand qu'il euſt onques fait pour celle guerre: & furent adonc mandez Fiefz & arriere Fiefz & tous ceux qui eurent accouſtumé de porter armes, delibetant en ſoy meſmes qu'il voudroit mettre fin en celle guerre, & ordonna que chacun fut preſt au quinziesme iour de May oudit an liij. Entre ces choſes & que en l'hoſtel de la ſalle à l'Isle eſtoit l'artillerie que le Duc vouloit mener en Flandres. Aduint ne fut onques ſceu comment, que par vne rayere d'une tour ſervant à vn cellier, où eſtoient les pouldres des engins, le feu y fut bouté: & ſil euſt eſprins leſdictes pouldres celle maiſon, toute l'artillerie, & par aduenture toute la ville euſſent eſté arſes & brulées: mais par cas d'aduenture droit au point que le feu y fut iecté, & qu'il commençoit à ardoir les cercles d'un tonnel à pouldre, aucun de leans alla au celier qui eſtaingnit le feu ſi appoint qu'il ne brulſa riens.

Comment les Gantois cuidoient prendre d'aſſault la ville d'Alloſt: & comment elle fut bien deſſendue. Puis dit comment les trois membres de Flandres & les nations de Bruges contendirent à faire la paix des Gantois.

LE huietiefme iour de May ou dit an cinquante trois, iſſirent de Gaud plus de quatorze mil hommes de pied & deux cens cheuaux pour aſſieger ou prendre d'aſſault la ville d'Alloſt, où eſtoient enuiron trois cens hommes de guerre: entre leſquels eſtoit meſſire Loÿs de la Vieſ-ville comme leur chef ou lieu de meſſire Anthoine de Vviſloc, qui en eſtoit capitaine: mais n'eſtoit il point en la ville ce iour. Ceux cy iſſirent aux champs, & vindrent trouuer les Gantois qui venoient deuant les autres qui venoient de pied, & les cōbattirent tellement qu'ils en occirent aucuns, & conuint les autres retraire & fuir iuſques à leurs gens de pied: puis retournerent les Picards en la ville, & les Gantois ſe logerent pour la nuit deuant la ville. Mais ſi toſt comme le iour fut venu, les Gantois ſe prindrēt à aſſailir la ville en quatre lieux, & liurerent à vn boulleuert ſi dur aſſault qu'ils y occirent ſix hommes d'armes: mais meſſire Loÿs ſuruint illec, & ſy porta ſi vaillamment que les Gantois ne peurēt gagner le boulleuert, & ſi y perdirent enuiron vingt de leurs hommes. Ceſt aſſault dura biē trois heures, & y furēt aſſez d'hommes morts & naurez d'un coſté & d'autre: mais ceux de dedans ſe deffendirent ſi bien, qu'il cōuint les Gantois reculer & retraire de l'aſſault, & ſe logerēt deuant la ville pour la nuit.

QUAND meſſire Anthoine de Vviſloc qui ce iour eſtoit allé à Tendremonde, fut aduertie de ceſt aſſault, ils ſe cueillirent bien ſix cens combatians de Picardie & ſ'en allerent pour combattre les Gantois: mais quand ils les virent en ſi grand nombre & en ordonnance de bataille, ils diſſimulerent de leur entreprinſe & ſe logerent deuant eux pour la nuit, & conclurent de les combattre le lendemain ſils y veoient leur aduantage: mais à celle meſme nuit les Gantois ſe deſlogerent de là, & ſ'en retournerent de là à tout leur charroy & toutes leurs bagues. Entre ces choſes les trois Membres de Flandres avec ceux des nations de Bruges ſe trouuerent à l'ſſe deuers le Duc, & luy requirerent vn ſauſconduit pour aucuns Gantois venir deuers luy, pour trouuer moyen de paix en celle guerre: le noble Duc leur oſtroya pour l'amour de ceux des nations: & toſt apres vindrent à l'ſſe vingt ambassadeurs de Gand, & lors fut tellement beſongné, que l'en cuida que la paix ſe trouuaſt à celle fois: & ſur celle eſperāce ſ'en retournerent à Gand leſdits ambassadeurs: mais quand ils eurent rapporté leur beſongne, le commun de la ville n'en voulut riēs tenir & fut tout rompu. Entre-temps que ces traictez ſe queroient à faire, les gens d'armes que le Duc eut fait mettre ſur les champs, faiſoient tous les mauux du mode és paÿs du Duc, & n'eſtoit homme qui allaſt par les chāps qui ne fut deſrobbe iuſques aux portes des bonnes villes, & dura ceſte peſtilence eſdits paÿs par l'eſpace de ſix ſepmaines ou plus.

Cy parle de l'armée que le Duc de Bourgogne enuoya en Luxembourg contre aucuns Allemans qui dommageroient le païs, & auoient leur retour à Tyonuille. Puis dit comment le Duc entra en Flandres à groſſe armée pour guerroyer les Gantois.

ENuiron Paſques l'an liij. aucuns Allemans ſe prindrent à dommager & à courre le paÿs de Luxembourg appartenant au Duc de Bourgogne, & ſe tenoient en vne bōne petite ville du paÿs nommée Tyonuille bonne place de guerre, & forte à merueilles: & plus n'y auoit de villes cloſes en la

en la Duché de Luxembourg que toutes ne fussent obeissantes au Duc de Bourgongne, sinon celle de Tyonuille. Ces Allemans icy ne celloient de courre & de domager le pays. Pourquoy le Duc fut contrainct d'y enuoyer le seigneur de Reubenpré Picard, accompagné de cent homes d'armes & quatre cens archiers: mais ceux cy trouuerent les Allemans si forts qu'ils ne souffisoient point pour resister contre eux, & ja fut il que le Duc eut bien à faire de gens d'armes pour demener celle guerre de Gand: neantmoins luy fut il besoing d'enuoyer à Luxembourg plus de gens, & y enuoya le seigneur de Croÿ son premier chamberlan & gouuerneur dudit Luxembourg. Et luy bailla à mener avec luy encorcs cent lances & huit cens archiers, entre lesquels estoient les plus principaux le seigneur de Hames, le seigneur de Moreul, le seigneur de Dommarcq & plusieurs autres. D'autre part le xv. iour de Iuing l'an liij. les Gantois de la Verdetente ne celloient entre-temps de courre & de boutter feux en Flandres & en Haynault, & y faisoient tous les maux du monde. Et entre les autres coururēt vers Ath le iour dessuldit pour ardoir le pays, dont messire lean de Croÿ seigneur de Chimay fut aduertey de bonne heure: & tellemēt si gouerna qu'il les tua ius, trois cēs en occit & si en print assez prisonniers, puis s'en retourna à Ath sans encombrer. Et le xx. iour dudit mois le Duc de Bourgongne se partit de l'Isle, & à tout son armée moult grande s'en alla à Courtray à grand Charroy d'artillerie, & à grand planté de pionniers pour abbatre bois & pour applanier les chemins, & grand foison de charpentiers pour faire engins: lesquels charpentiers & pionniers furent enuoyez illec aux despens des pays du Duc. En celle armée avec le Duc estoient pour les plus principaux le Comte d'Estampes, messire Iaques de S. Pol, frere du Comte de S. Pol: lequel Comte pour lors estoit au pays de Bourdelois ou seruite du Roy de Frâce contre les Anglois: il y estoit aussi le Marechal de Bourgongne à tout trois cens hommes d'armes, qu'il auoit amenez de Bourgongne & autres plusieurs grans seigneurs cheualiers & escuyers des autres pays du Duc.

L. xxv. iour dudit mois de Iuing oudit an liij. se partit le Duc d'Audenarde, & à toute son armée s'en alla assieger le chastel de Helsebecque, & vn fort monstier qui là estoit: lequel monstier fut prins d'assault incontinent, & y furent prins enuiron xxxij. Gantois que le Duc feit pendre: au second iour apres se rendirent ceux du chastel, qui estoient enuiron cent & cinqu: tous lesquels furent pendus par commandement du Duc.

Comment le Duc print le chastel de Poulcrs, deuant lequel fut occis la fleur de cheualerie messire Iaques Lalaing: puis alla assieger le chastel de Gaures où fut la destruction des Gantois. Et dit comment il print & feit pendre tous ceux de leans aincois que les Gantois les venissent combattre.



Pres la prise du chastel de Helsebecque, le Duc s'en alla assieger le chastel de Poulcrs que les Gantois tenoient obstineement. Et aduint en assultant vne bombarde deuant ce chastel que messire Iaques de Lalaing qui là estoit avec autres seigneurs, fut atteint au chief d'vne pierre de veuglere venant du chastel, & sur son hanepier emporté du coup si qu'il cheut mort illec, qui fut vn moult grand dommage: car il estoit renom-

mé qu'il n'auoit son pareil cheualier ou Royaume de France: sicomme il auoit sa vaillâce monstrée en maints lieux en Escoce, en Espagne & en plusieurs autres lieux, où il auoit acheué maint grand fait d'armes: & si estoit le plus humble, le plus sage, le plus courtois & le plus large de tous autres, & craignant & seruant Dieu sur toutes riens, & n'auoit encores que xxxij. ans d'aage quand la mort malostrue le print ainsi. malheureusement. Avec ledit mesure laques furent occis dudit Veuglere de ce mesme coup vn homme d'armes & quatre archiers. Pour la mort dudit mesire laques fut le Duc le plus desplaisant du monde: car il l'aymoit autant ou plus que nul autre de son hostel pour ses belles vertus: & pourtant il feit incontinent ses engins affuster contre la place, & ruer par si grand force qu'il n'y demoura tour entiere nonobstant la force du chafstel, & te rendirent à sa voulenté tous ceux de leans. Et les feit tous pendre sans tarder, sinon cinq ou six dont l'vn estoit ladre, & les autres estoient ieunes enfans. Puis feit la place abbatre iusques à terre: & le corps dudit mesire laques enuoya il à Lalaing bien & honorablement.


A P R E S la prinse de Pouleres le Duc retourna à Courtray & laissa son armée viure sur le pays d'illec enuiron, où les gens d'armes seîrēt maint dommage, pource qu'on ne les payoit point: car le Duc n'auoit point encores des finances prestes, & feit lors faire des emprunts aux riches Bourgeois & marchans de ses pays, pource que celle guerre l'auoit, comme tout espuié d'argent. Entremps que le Duc seîourna enuiron douze iours à Courtray ses fināces luy vindrent, & lors il feit payer ses gens d'armes pour vn mois aduenir: si que le xvj. iour de Iuliet ou dit an, il se partit de Courtray & s'en alla assieger le chafstel de Gauere fort chafstel & bien garny, seāt entre Gand & Audenarde que les Gantois tenoient. Et en allant illec il ordonna ses gens en trois batailles: le Marechal de Bourgongne en chief, mesire Anthoine le Bastard, le seigneur de Chimay Baillif de Haynault à grand compagnie d'hommes d'armes & d'archiers, menerent l'auantgarde. En la moyenne bataille estoit le noble Duc homme sans paour & le plus assuré de tous autres, le plus hardy & le plus vaillant. Avec luy estoient son fils le Comte de Charrolois, le Comte d'Estampes, mesire Aldof de Cleues & presque tous les cheualiers & escuyers de Picardie. En l'arrière-garde estoient mesire laques de S. Pol, le sire de l'Isle-Adam & toute la puissance de Boulenois. A la verité l'armée estoit moult à redoubter & besoing en estoit: car les Gantois se furent vantez qu'ils combattroient leur seigneur à celle fois. Quand ils sceurent que le Duc assiegeroit Gauere, ils y enuoyerent vn Anglois nommé Iean de Voz, homme d'armes bien subtil luy xvj. de gens de guerre, & luy iurerēt & promeirent au partir que le Duc n'y seroit ja vingt quatre heures qu'il n'y fut combattu: Neantmoins les gens du Duc se logerent tout à l'enuiron de la place, & furent les engins assis & assustez bien & deüement. A celle heure estoit dedans la place vne trompette qui eut autresfois seruy aucun seigneur de l'ost du Duc, & se fut rendu Gantois: lequel se print à tromper le plus hault qu'il peut, & du plus hault lieu de la place: puis se print à dire plusieurs parolles iniurieuses du Duc en l'appellant Tirant, & en le menaçant que bien brief les Gantois luy rabaisseroient son orgueil. Dont quand le Duc en fut aduertý le bon Prince n'en feit que rire, & tourna tout à la follie de celle

cette trompette. Engins se prindrent à iecter contre la place, & ja fut il qu'elle fut assise en bas lieu, & mal barable d'engins: toutesuoyes ils espoienterent tellement tous ceux de dedans, qu'ils s'offrirent rendre à la volenté du Duc, fauuez leurs vies seulement: Voyans aussi que ceux de Gand ne leur tenoiét point ce qu'ils leur auoient promis. A quoy ils ne furent point receuz.

Q V A N D l'Anglois veit la maniere & que les Gantois luy auoient ainsi menty & failly au besoing, l'en dit qu'il parla à aucuns Anglois estans en l'ost du Duc, & qu'il promit de leur liurer vne des tours dudit chastel & de les mettre dedans: mais il ne peut tenir celle promesse, pource que les Gantois ne se fioiét point en luy ne és autres Anglois. Et lors ils veirent vne nef sur la riuere: & de nuit issirent ledit Anglois luy quatorziesme de celle place, & l'en coururent à celle nef, entrèrent dedans & s'en allerent à Gand: dont quād vint au matin que ceux de Gauere veirent que leur capitaine les auoit ainsi abandonnez, & si n'esperoient plus auoir de secours, ils se rendirent à la volenté du Duc, ainçois qu'il fut midy. Et la volenté du Duc fut telle qu'il les feit tous pendre & estrāgler, mesmement deux cordeliers qui estoient illec avec eux, & celle trompette qui auoit le Duc iniurié. Iean de Voz Anglois venu à Gand & ses compagnōs avec luy, leur remonstra qu'ils faillioient trop grandement à ceux de Gauere, & leur dit qu'ils n'auroient iamais plus belles pour combattre leur seigneur: car il n'auoit point avec luy plus de quatre mille combattans, & s'en estoient tous les autres allez au païs par faute de payement, en les enhortant moult aigrement d'issir toute leur puissance & d'aller combattre le Duc. Entre ces choses meslire Iean de Hout Anglois qui se fut allé rēdre à Tendremōde au bastard de Bourgongne (comme dit est cy dessus) eut aucunes parolles secretes avec le Duc tendans à fin de trouuer façon de faire vn iour issir ceux de Gand au plus grand effort qu'il pourroit pour combattre leur seigneur, qui ne desiroit riēs plus que de les auoir aux champs à toute leur puissance. Et tost apres Iean de Hout s'en retourna à Gand, faignant foy repentir de les auoir laissez, & disant que le Duc perdoit ses gens tous les iours, pource qu'il ne les payoit point. Neantmoins les Gantois doubans qu'il ne les voulsist trahir le meirēt en prison, & là le tindrēt iusques au point que Iean de Voz les eut enhortez d'issir à toute leur puissance pour combattre le Duc deuant Gauere: car lors ils le meirent hors de prison & en feirent vn de leurs principaux capitaine. Et puis tout incontinent, ils feirent clorre leurs portes affin que nul n'allast deuers le Duc noncer leur secretes: & feirent commandement à tout homme puissant de porter armes depuis vingt ans, qu'ils s'armassent & embastonnassent incōtinent sur peine de la hart. Auquel commandement conuenoit que tout homme de la ville obeît ou estre mort, & pourtant en y allerent plusieurs outre leur gré. Et tost apres ils se trouuerent plus de vingt quatre mille hommes armez & embastonnez: & feirent leurs chiefs & conducteurs desdits Anglois & de leurs compagnons, lesquels se trouuerent bien deux cens de cheual. Et lors si tost qu'ils se veirent ensemble en si grand nombre ils vuidèrent de Gand & se meirent à chemin pour aller combattre leur seigneur. Enuiron trois iours deuāt celle besongne le bon Duc attendant d'heure en heure que les Gantois le venissent combattre, & voulant escheuer, que son fils Comte de Charrolois que plus n'en auoir nefut à celle

bataille pour les grands perils qui sont en tels affaires, luy feit entendre que la Duchesse sa mere qui lors estoit à l'Isle estoit griefuement malade, & luy dit que bon seroit qu'il allast veoir comment elle le faisoit: lequel bon fils s'en courut à l'Isle hastiement, mais il trouua la dame haitée & en bone santé. Et lors, il cogneut que son pere luy auoit ce dit pour le destourner d'estre à celle bataille: & dit puis que monseigneur mon Pere sera à celle bataille, c'est bien raison que ie y soye avecques luy pour luy ayder: car il se combat pour moy garder & sauuer mon heritage: & pourtant ie promets à Dieu que ie y seray se ie puis: Ceste promesse venue à la cognoissance de la Duchesse sa mere elle l'enforça de le retenir, mais elle n'en peut finer: car il s'en retourna en l'ost incontinent avec son pere.

Cy dit la maniere de la bataille de Gauere. Et comment les Gantois y furent morts & desconfits plus de vingt mille hommes.

 V mesmes iour que le chastel de Gauere fut rendu au Duc, encore n'estoient pas tous pendus ceux de leans, quand nouuelles vindrent au Duc seant à table pour dîner que les Gantois le venoient combattre, & qu'ils venoient à grand haste: dont feit le Duc crier à l'arme & se meit chacun en ordonnance en trois batailles, ainsi comme dit est cy dessus: & le Duc alla de bataille en bataille soy monstrier pour ses gens encourager, disant qu'au plaisir de Dieu ils seroient tous riches pour le iour. Puis se prindrent à marcher les batailles assez pres l'une de l'autre en bonne ordonnance: ce iour furent faits nouueaux cheualiers messire Jaques de S. Pol & autres plusieurs en grand nombre rant de Bourgongne comme de Picardie, & des autres pays du Duc, & aucuns en y eut qui ce iour leuerent baniere. Celle mortelle bataille fut faicte le vingtdeuxiesme iour de Iuillet l'an liij. Le Duc doncques n'eut oncques plustost mis ses gens en ordonnance, que ceux de l'auantgarde ne veissent les Gantois aussi rengez deuant eux en bataille, leurs couleurs & autres engins à pouldre mis deuant eux par bonne maniere: ceste maniere veüe par le Marechal de Bourgongne chief de l'auantgarde, doubtant que par lefdits engins à pouldre les Gantois ne tuassent beaucoup de ses gens, feit ses gens vn pou reculer, dont cuidèrent les Gantois qu'ils s'en voulsissent fuir: & laissans leurs engins derriere eux se prindrent à hastet & approcher les Bourgongnons: & estoient tous deuant les autres lefdits Jean de Voz & Jean de Hout Anglois & leurs compagnons, lesquelz tout incontinent picquerent cheuaux des esperons, & s'en allerent rendre au Duc, & luy dirent: Monseigneur voyez cy les Gantois que nous vous amenons, & nous mettons en vostre mercy. En ce point commencerent archiers à tirer sur les Gantois tres impetueusement: & Gantois à eux deffendre tres vaillamment: mais si tost que les trois batailles du Duc chargerent rous ensemble sur les Gantois, ils habandonnerent tout & se prindrent à fouir vers Gand. Et les gens du Duc à les chasser si desmesureement, qu'ils en tuerent tant que ce fut vne grand merueille. Or aduint qu'une compagnie des Gantois iusques à quatorze ou quinze cens hommes, se retrahirent en vn pré, où là pres estoit vn petit bosquet, & là reprindrēt courage & se meirent à deffence, pourtant que le pré estoit tout cloz de folleze:

& n'y

& n'y pouoiet le Duc ne ses hommes d'armes entter, sinon à grand dâger pour vn fossé qui là estoit. Entre les autres estoit illec avec le Duc de Bourgongne vn homme d'armes de Bruges, lequel par trois fois feit son cheual saillir le fossé, & escarmouchoit les Gantois en ce pré. Mais à la troisieme qu'il feit son cheual ressaillir, son cheual cheut mort dessous luy des grans horions qu'il auoit receuz des piques des Gantois. Or n'auoit le Duc nuls archiers avecques luy, pource que tous furent descendus à pied & ne pouoient si tost suiur ceux de cheual, & si l'attardoient assez à tuer Gantois qui fuioient deuant eux. Et le Duc qui hayoit lesdits Gantois mortellement estoit tant desplaisant que plus ne pouoit, de ce qu'il veoit aucuns des siens saillir le fossé & combattre les Gantois: mais retournent tantost pour l'effort desdits Gantois. Adonc le vaillant Prince hardy comme vn lyon, saisit sa lance que portoit son page apres luy, & feit son cheual saillir le fossé, & se fourra dedans les Gantois, & deux ou trois hommes d'armes avec luy: entre lesquels estoit Bertrandon de la Broquiere, qui portoit son pënon. Et fut le cheual du Duc nauré en plusieurs lieux, si qu'il les conuint ressaillir le fossé celle fois, iusques à ce que les archiers furent venus. Et lots de rechief il feit son cheual saillir outre le fossé, & son fils apres luy: & plusieurs autres se prindrent à combattre lesdits Gantois de toute leur puissance: lesdits Gantois furent incontinent desconfits, & furent tous morts ceux qui furent trouuez en ce pré: car ils n'en pouoient issir pour les fosses qui là estoient à vn costé, & la riuere de l'Escault estoit à l'autre costé. En laquelle riuere saillirent plusieurs Gantois qui y furent noyez. Aucuns en y eut des plus legerement armez & des plus vades qui fötrent si bien qu'ils gaignerēt la ville de Gād. Et pour certain se le Duc fut à celle heure allé à Gand, il y fut entré sans contredit, tant estoient leans espouentez & desconfits: mais ses guides ne le y sceurent mener ne conduire. Ainsi doncques la bataille finée & aucuns pou de Gantois renttez en la ville, le Duc feit ses gens retraire, & gūt celle nuit aux champs en sa tēte: en laquelle tēte, il se iecta à genoux & rendit à Dieu graces & louenges pour la belle victoire qu'il luy eust donnée ce iour de ses mortels ennemis. En celle bataille moururent de Gantois plus de vingt mille que tuez que noyez: mais toutesuoyes le Bastard de Blanc Estain en eschappa par bien nager outre celle riuere de l'Escault: de la partie du Duc n'y moururent que xvj. hommes qui furent occis des le commencement de la bataille.

Comment le noble Duc & pitoyable enuoya son herault à Gand apres celle desconfiture pour scauoir s'ils se voudroient mettre en sa voulenté & il auroit pitié d'eux. Et comment les Gantois enuoyerent deuers luy requerrans sa misericorde.



Pres celle desconfiture des Gantois, le lendemain le noble Duc & pitoyable de son propre mouuement & vertueux coutage, ayant pitié de ses pures subiets qui par orgueil & outrage se furent ainsi esleuez contre luy, enuoya vn sien herault vestu de sa cotte d'armes en la ville de Gand, portant ses lettres patentes: Par lesquelles il signifioit aux habitans de la ville, que nonobstant la victoire que Dieu luy auoit enuoyée le iour de deuant il auroit encores pitié d'eux, s'ils se vouloient mettre en sa voulenté: & si leur enuoya vn faufconduit pour enuoyer deuers luy aucuns de leurs

deputez se venir y vouloient, pour trouuer leur traicté. Quand les Gantois cogneurent la grâde benignité de leur seigneur, & qu'il les appelloit si doulcemēt retourner à son amour, & à sa bonne grace par lesdictes lettres, ils festoierent le Herault hautement: & lesdictes lettres leutes deuant tout le commun de la ville, tous se conclurent incontinent de crier mercy à leur seigneur. Et sans plus tarder, en ce mesme iour enuoyerent de leurs gens avec le Herault deuers leur Prince. Lesquels en grande humilité luy requierent pardon de leurs meffaits: & qu'il les voulsist receuoir en sa bonne grace, promettans qu'ils mettroient eux & la ville en sa voulenté, & luy requierent qu'il se voulsist retraire à Gauere, & faire retraire ses gens d'armes, & ils iroient là deuers luy pour ouir & pour faire sa voulenté. Le bon Duc leur oſtroya leur requeste, & en retournant à Gauere par le lieu où la bataille eut esté, eut si grand pitié de ceux qui là gisoient morts, les vns sur le champ & les autres noyez en la riuere, qu'il en ploura comme aucuns le dirent depuis. Et pource qu'il y veit des femmes qui queroient illec leurs amis pour les enterrer: il feit crier & deffendre sur la hart que nul ne meffeit à ces femmes cōment qu'il fut. Le xxv. iour de Iuillet oudit an vindrent deuers le Duc à Gauere pour les Gantois l'Abbé de S. Bauon de Gand, le Prieur des Chartreux & autres notables personnes, lesquels se iecterent à genoux deuant luy, & luy prierent mercy pour ceux de Gand, & offrans mettre en sa voulenté eux & leurs biens, sauues leurs vies seulement: & il leur respondit qu'il leur pardonnoit tous leurs meffaits pour l'hōneur de Dieu: par si, toutesuoyes, qu'ils entretiendroient le traicté qui eut esté pourpalé à Sclm, & conclud à l'Isle par les trois membres de Flandres & par ceux des nations de Bruges. Et ils luy promeirent ou nom de tous les habitâs de la ville, qu'ils tiendroient ledit traicté entierement, en remerciant le Duc humblement de sa grande benignité & douceur.

Cy apres s'ensuit la declaration des articles du traicté de ceux de Gand à leur bon Prince le Duc Philippe de Bourgogne.



Le traicté de Gand fut tel que cy apres s'ensuit. Premièrement ceux de Gand seront tenus d'issir de leur ville vne lieüe loing, en tel lieu qu'il plaira à leur Prince, iusques à deux mille hōmes nuds pieds & nuds testes, & de luy crier mercy. Et deuant ceux cy seront tous les Conseilliers, Escheuins & Hoguemans de la ville tous nuds, sinon de leurs chemises & de leurs petits draps. Et là se mettront à genoux deuant luy, ou deuant son fils, ou quelqu'un autre seigneur que le Duc y voudra commettre, & diront, que mauuaiseement & faulxement comme rebelles & desobeissans ils ont esté en armes contre luy, & ont trop mesprins enuers luy, requerans pardon de tous leurs meffaits. Item seront tenus de clorre vn iour en la sepmaine à tousiours la porte par où ils issirent pour aller assieger Audenarde: c'est à sçauoir tous les ieudiz, pource qu'à tel iour ils issirent. Item seront clorre à perpetuité la porte par laquelle ils issirent pour aller combattre leur seigneur à Rippemonde. Item payeront au Duc pour ses dommages & interests deux cens mille riddes d'or de lxviij. au marc. Item pour la reparatiō du païs qu'ils ont bruslé, ils payeront ce qu'il en sera ordonné par les trois membres de Flandres.

dres. Et se les trois membres n'en veulent ordonner, ils payeront pour ce cent mille riddes. Item pour la reparation des Eglises brulées, payeront cinquante mille riddes. Item pour recompense du demaine que ledit Prince peut auoir perdu en Flandres à l'occasion de la guerre, ils mettront sus aucun tribut ou subside qu'ils feront accorder par les autres trois membres de Flandres. Item seront tenus de faire nouuelle Loy par la forme & maniere que leur ordonna pieça le Roy Phelippe de France: c'est à sçauoir que ceux du commun esliront quatre notables personnes, le seigneur ou ses officiers autres quatre: lesquels ensemble feront xxvj. Escheuins, ainçois qu'ils se partent iamais d'une chambre où ils s'assembleront pour ce faire. Item touchant leurs bourgeois, ils en vseront selô leurs priuileges sans plus auoir regard à vsage, ne coustumes passées. Item ne feront aucuns banir de Gand sans appeller le Baillif de Gand, ne sans declarer les causes pourquoy il les baniront. Item ne pourrôt plus faire Edits, ne statuts sans le sceu & octroy de leur seigneur: Et ceux qui ont esté faits autrement, seront mis ius & aboliz. Item ne cognoistront plus ceux de la Loy de Gand des officiers de leur seigneur touchant leurs offices. Item qu'en leurs lettres ou escrits ne se nommeront plus seigneurs de Gand: ains se nommeront ainsi comme ceux des autres villes se nomment. Item ne cognoistront plus des dehis de leurs bourgeois forains: ains seront lesdits bourgeois soumis de respondre aux Iuges des lieux où ils seront demourans. Item seront reus de porter toutes leurs banieres à leur seigneur pour en faire sa voulenté, & n'en pourront faire nulles autres dorenavant. Item ne porteront plus les Blancs-chapperons, & si y a homme qui le porte, il en sera puny à la voulenté de leur seigneur. Item ne cognoistront plus de causes meües au pays du Vvas, ne és villes de Bresueliet, Tendremonde, Audenarde, Courtray, n'Allost: ains demourront les causes és lieux; où, elles seront commencées. Item seront tenus d'entretenir les articles d'un autre traicté qui fut fait autresfois present l'Euesque de Tournay & autres du grand conseil du Duc. Ces choses ainsi declarées en la presence du Duc & de son fils & de plusieurs grans seigneurs & autres en grand nombre, furent turées & promises entretenir par le commun, & les habitans de Gand, presens aucuns notaires à cè appelez pour tesmoigner ledit traicté. Puis s'en retournerent à Gand & reporterent leur traicté par escrit. Lequel fut leu deuant tout le comun de la ville, & fut par eux tous accepté par si grand ioye que ce fut vne grand merueille: car ils seirent allumer les feux & permeirent que les gens du Duc qui aller y vouloient, entrassent en la ville, si que plusieurs cōpagnons y entrerent, & y furent recueillis & festoyez grandement.

Cy parle de l'amende que seirent les Gantois à leur seigneur: & dit la maniere comment ils seirent ladicte amende honorable.



Le dernier iour de Iuillet ou dit an liii. le noble Duc de Bourgogne se partit de Gauere à toute son armée en moult noble arroy, & comme fil allast en bataille, & en ce point s'en alla iusques à vne lieüe pres de Gand, & meit ses archiers en deux ailles en ranc, leurs arcs tendus & bendez, & tenoient bien demie lieüe de long: & puis tous les hom-

mes d'armes tous armez estoient au bout des archiers serrez & regez, qui estoit pour vray vne noble chose à regarder. Au meillieu des hommes d'armes estoit le Duc monté sur le mesme cheual qu'il auoit cheuauché le iour de la bataille. Auquel cheual paroissoient encores les playes eschappées, dont il auoit esté blessé ou pré dessusdit: & estoit lors le Duc accompagné de son fils, & des plus grans seigneurs de son ost. Et lors incontinent issirent de Gand tous ceux & en tel nombre & ainsi habitez, que leur traité le portoit, que conduitoient & alloient deuant l'Abbé de S. Bauon & le Prieur des Chartreux: puis estoient xxv. Escheuins, Conseilliers & Hoiguemens, en pur leurs chemises & petits draps à nuds chiefs: & apres ceux cy suiuoient deux mille hommes vestus de noir nuds pieds, sans ceinture & sans chapperons tous à pied: en ce point passerent tous entre les deux alles des archiers du Duc: & lots d'aussi loing qu'ils choisirent leur seigneur ils se ieterent tous à genoux crians tous ensemble, comme par vne voix, misericorde à ceux de Gand. Ce cry ainsi fait le Chancelier de Bourgogne, s'aduança & en les approchant leur dit & remonstra que mauuaisement & faulcement, & comme mauuaises gens orgueilleux & rebelles ils se furent esleuez contre leur seigneur là present, dont ils auoient mal fait, & pourtant ne sçauoit encores s'il leur voudroit leurs meffaits pardonner: lesquelles parolles ouies iceux Gantois se meirent à genoux comme deuant & à crier, misericorde à ceux de Gand: puis se leuerent & s'en allerent iusques deuant leur seigneur estant illec sur ledit coursier moult richement habillé, & là moult humblement se meirent tous à genoux, & en plorant pitieusement se prindrent tous de rechief à crier, misericorde à ceux de Gand. Puis s'aduança de parler au Prince le conseilier de la ville pour tous les autres, luy suppliant que de sa pitié & benigne grace il voulüst pardonner à son peuple de Gand là present. Lesquels mauuaisement & faulcement, & qui(côme rebelles & desobeissans) s'estoient esleuez contre luy: auoient créé Hoiguemens, & fait plusieurs grans & enormes crimes, & tant que sans nombre il leur voulüst pardonner tous leurs meffaits, en quelque maniere qu'ils les eussent faits, promettans en bonne foy que iamais plus ne leur aduiendroit: mais de lors en auant luy seroient vrais, obeissans & loyaux subiects. Apres lesquelles parolles le noble Duc & bening leur pardóna son maltalent, & aussi feit son fils qui là estoit present. Ces choses ainsi faictes iceux Gantois s'en retournerent à Gand tant ioyeux que plus ne pouoient: & aussi feirent tous ceux de la ville à leur retour la plus grãd toyé que l'en pouoit faire en ville: & le Duc retourna à l'Isle & deffist son armée & s'en retourna chacun en sa place.

Comment tandis que le Duc de Bourgogne demenoit sa guerre en Flandres contre les Gantois, le seigneur de Croÿ besongna contre les Allemans en la Duché de Luxembourg: lesquels y faisoient moult de maulx.



Ntre temps que le noble Duc de Bourgogne demenoit sa guerre en Flandres contre les Gantois (comme dit est) & qu'il eut enuoyé le seigneur de Croÿ en la Duché de Luxembourg, pour reprimer les enuahies que les Allemans faisoient en ladicte Duché: lesquels Allemans auoient prins & tenoient aucunes places au paÿs, qui deuoiēt appartenir au Duc

au Duc. Ces Allemans icy se trouuoient bien quand ils vouloient couter de huiët ou neuf cens ou plus, & auoient leur droit refuge à Tyonuille bonne ville fermée, petite, mais tresforte: iceluy seigneur de Croÿ à l'ayde de ceux qu'il auoit menez avec luy, & de ceux du paÿs qui obeïssoient au Duc, sy gouuerna tellement qu'il reconquit toutes les places que les Allemans eurent conquises ou paÿs, & eut à eux plusieurs enuahies & rencontres, où mouturent plusieurs gens d'un costé & d'autre, mais finablement il les tint si court qu'ils luy requirerent trefues à dix mois: par si qu'ils se submeirent de rendre Tyonuille au Duc, & de luy laisser tout le paÿs quitte, au cas que dedans lesdits dix mois ils ne cobattoient le Duc. Lesquelles trefues par le sceu & octroy du Duc leur furent octroyées iusques au iour de l'Ascension qui deuoit estre l'an mil cccc.liiij. Et ce fait la guerre cessa ou paÿs, & s'en retourna chacun en sa place.

Comment le Roy Charles vij. de ce nom, conquist la seconde fois la cité de Bordeaux & tout le païs de Bordelois: & par auant auoit conquis Normandie, & par tant son Royaume tout à son obeïssance. Et de la mort du seigneur de Thallebot.



Andis que celle guerre de Gand duroit, le Roy Charles de France septiesme de ce nom estoit à grosse armée au paÿs de Bordelois, que les Anglois auoient reprins sur luy: desquels Anglois estoit chief vn moult vaillant chevalier Anglois nommé messire Iean de Thallebot, trefrenommé en armes: & lequel auoit guerroyé en France plus de xxiiij. ans par auant: mais enuiron trois ou quatre ans deuant, quand le Roy reconquit la Duché de Normandie sur les Anglois, il fut prins à Rouen & fut prisonnier au Roy: & le Roy par sa franchise & courtoisie luy eut quitté sa finance, pource qu'il estoit tant vaillant & renommé. Encores luy donna le Roy de riches dons d'or, d'argent & de cheuaux, quand il sceut que ledit seigneur de Thallebot vouloit aller aux pardons de Romme qui seoiēt lors: c'est à sçauoir l'an mil cccc.cinquante. Neâtmoins iceluy Thallebot retourne de Romme en Angleterre se remeit à la guerre, & trouua moyen de reprendre sur le Roy qui tant l'eut honoré la cité de Bordeaux & le paÿs d'enuiron. Et disoit on lors comunement, que ceux du paÿs de Bordelois s'estoient volentiers rendus aux Anglois, pour le grād desplaisir qu'ils prenoiēt en ce q̄ le Roy depuis sa cōqueste, auoit assis ou paÿs grād tailles & grans subides: & si les traictoient les gens du Roy trop pl^{us} durement, qu'ils n'auoiēt accoustumé estre traicté des Anglois.

Cy dis comment le Pape Nicolas enuoya signifier au noble Duc Philippe de Bourgogne l'entreprinse du Turc: & comment le Duc voïa d'aller en Turquie sous certaines conditions.



A veille de S. Martin d'hyuer vint à l'isle vn chevalier enuoyé du Pape Nicolas, portât ses lettres adressans au Duc Philippe de Bourgogne, contenans en effect, comment le grand Turc estoit à tres grosse armée de Sarrazins entré la terre des Chrestiens: & que desia il auoit conquis la noble cité de Constantinople & presque toute la Grece: & qu'en icelle cité il auoit prins l'Empereur de Grece, & l'auoit fait decapiter inhumainemēt, & l'empriere violée: auoit fait trainer parmy la ville le precieux

corps de nostre seigneur: auoit fait ardoir la noble Eglise de sainte Sophie: auoit occis chrestiens sans nombre, hōmes, femmes & enfans: & senforçoit tous les iours de conquerre sur les Chrestiens: pourquoy nostredit S. Pere prioit & requeroit à iceluy noble Duc, qu'il cognoissoit estre Prince bon & Catholique & le plus puissant des Chrestiens, qu'il se voulsist disposer à faire secours & ayde à la chrestienté contre lesdits ennemis de la foy chrestienne. Si tost comme le noble Duc eut fait lire lesdictes lettres deuāt luy, le cheualier luy en bail-
la vnes autres que le Turc auoit escrites & enuoyées à nostredit sainct Pere. Toutes ces lettres veües par le noble Duc Philippe de Bourgogne, il festoya grandement le cheualier qui les auoit apportées, & luy donna grans dons & riches: & luy dit qu'au plaisir de Dieu il donneroit secours aux Chrestiens contre le Turc. Et de fait tost apres il enuoya au païs quatre galées bien fournies de bonnes gens d'armes & d'artillerie, pour commencement de lecoures, en rescriuant au Pape sa voulenté & son intention: assez tost apres vint à l'Isle deuers le Duc Philippe son nepueu le Duc de Cleues: ce fut audit an cinquāte trois vn pou deuant le Karesme, là où il fut festoyé moult grandement: & firent les seigneurs grans festes de conuiues & de banquets. Puis l'vn puis l'autre moult ioyeusement. Entre les autres en feit vn moult noble le Comte d'Estampes & moult plantureux de tous biens, si que ce fut vne moult grand merueille. En fin duquel banquet, vint illec vne trefbelle ieune fille portant vn chapeau de fleurs, moult bien accompagnée: laquelle monta sur la table & meit bien gracieusēmet ledit chapeau sur le chief du noble Duc Philippe, qui le receut aussi moult ioyeusement: & signifioit le chappel que c'estoit son tour de faire le premier banquet qui se feroit: lequel il feit voirement moult noble & moult riche, enuiron douze iours apres par la maniere qui sensuit. Premierement le iour dudit banquet enuiron vne heure apres midy, issit de l'hostel du Duc vn cheualier issu du lignage du cheualier au cigne, armé moult noblemēt, c'estoit messire Aldof de Cleues nepueu du Duc: lequel deuoit ce iour iouster sur le marché de l'Isle contre tous venans à chacun vn cours de lance: deuant ce cheualier estoit vne semblance de cigne de la grandeur d'un cheual, tenant à son col vne moult riche chaine de fin or, par laquelle il cōduisoit & menoit le cheualier: & à chacun costé du cigne estoit vn homme sauage, & le cheualier estoit tout enuironné d'hommes en semblance d'angelets. Le premier qui suiuoit ce cheualier c'estoit le Duc tant richement paré & vestu, que c'estoit noble chose à veoir & regarder. Tous ceux cy cōduirent le cheualier au cigne iusques au marché, là où il fournist à la iouste à tous ceux qui vouloient iouster cōtre luy. C'est à sçauoir Charles Comte de Charrolois, Loys Comte de S. Pol, son frere seigneur de Siennes, messire Anthoine le Bastard de Bourgogne & plusieurs autres. Apres lesquelles ioustes chacun sen retourna en son hostel, & le Duc emmena avec luy les dames & damoyelles qui eurent esté aux ioustes. Entre lesquelles estoit des plus principales dame Ysabel de Portugal, la Duchesse & damoyelle Ysabel de Bourbon niepce du Duc, la dame de Rausstain, & tant d'autres d'ames & damoyelles tāt richemēt parées, que belle chose estoit à regarder. En l'hostel du Duc estoit le banquet tout prest: & lors qu'ils furēt tous assis descēdirent d'enhault chariots moult riches tous plains de toutes

tes manieres de viures, & faisoit chacun chariot vn meſts: deuant la haute table estoit vne fontaine qui donnoit eaüe. Ou moyen de la ſalle estoit vn lyon viſ, deuât lequel l'en battoit vn chiennet: & aſſez pres du lyon en vne fuceillie estoit vn homme ſauuage. En vn autre lieu de la ſalle estoit vne pucelle, qui de ſa māmelle donnoit ypocras en grand largeſſe. Et de coſté la pucelle estoit vn ieune enfant, qui par ſa broquette rendoit eaüe roſe. Tant d'autres noblesſes estoient illec, que trop long en ſeroit le compte. Deuât la table du Duc estoit vne Eglise, de laquelle iſſit vn clerc ſeant ſur vn dromadaire, que menoit vn geant tout viſ: lequel clerc adreſſant ſa parolle au Duc, luy dit & remonſtra en moult beau langage, comment de iour en iour l'Eglise perdoit ſon heritage, & estoit la Chreſtiente ſoulée par ſes ennemis de la foy, en ramenâr à memoire les nobles Princes trespassez: leſquels en leur temps eurent la foy ſouſtenue & deſſendue moult vaillamment. Comme doncques ce clerc icy ſe complaignoit ou nom de ſaincte Eglise, vn nommé Thoison d'or Herault de l'ordre du Duc, portant vn faiſant roſty moult noblemēt paré, le preſenta au Duc pour entremets, diſant que à tel preſent appartenoit de vouër: le Duc luy reſpondit que voirement c'estoit bien raiſon, & en preſence de tous vouâ & promit à Dieu le pere, à Dieu le ſils, & à Dieu le benoiſt S. Eſprit vn ſeul en trois perſonnes, à la glorieuſe Vierge Marie mere de Dieu, & à toute la court de Paradis, que ſe le Roy de Frâce vouloit tenir ſes païs en paix, il iroit à toute ſa puiſſance où le grand Turc ſeroit, & le combatroit de ſon corps contre le ſien ſe au Turc ne tenoit, ou puiſſance cōtre puiſſance: lequel vœu ainſi fait, toute la compagnie qui tout le iour eut eſté en ioye & en lieſſe ſe tourna à gemir & à plorer. Neantmoins le faiſant fut preſenté à tous les ſeigneurs qui là estoient vn apres l'autre: & tous feirent vœux en diuerſes manieres, qui trop me ſemblent longs à racompter, & pourtant ie m'en paſſe icy à tant. Apres le banquet furent les dânces & les mommeries, & puis chacun ſ'en ralla en ſon hoſtel.

Comment Charles Comte de Charrolois ſils du Duc de Bourgogne, fiança dame Yſabel de Bourbon ſa couſine germaine. Et comment le Duc toſt apres ſ'en alla és Allemagnes: Or comment apres ſon retour ſon dicit ſils eſpouſa ſa dicit couſine.



Nuiron huiſt iours apres le banquet deſſuſdit, la premiere ſemaine de Mars oudit an cinquâte trois, fiança le Comte Charrolois damoiſelle Yſabeau de Bourbon, par l'ordonnance du Duc Philippe de Bourgogne ſon pere: laquelle damoiſelle estoit ſa couſine germaine, fille du Duc de Bourbon de la ſœur de ſon pere: & enuoya le Duc à Rome pour les diſpenſer & parfaire leur mariage. Et ce fait il donna congé à tous ſes officiers domeſtiques iuſques à xij. mois, qu'il eſperoit demourer és Allemagnes où il vouloit aller. Et le quinzième iour dudit mois de Mars il ſe partit de l'iſle à ſimple compagnie, & par ſon païs de Bourgogne ſ'en alla és Allemagnes, pour trouuer l'Empereur Federic & autres Princes d'Allemagne, pour ſçauoir ſils voudroient eux mettre en chemin pour aller ſur le Turc: & ſils voudroient ſouffrir ſon armée paſſer par leurs païs ſans encombrer. Il trouua pluſieurs grans ſeigneurs au païs, qui le feſtoyerent trefgrandement: mais l'Empereur qui plus aimoit repos que trauail, & paix que guer-

re enuoya vers luy faignant d'estre malade, & luy feit dite qu'il n'estoit besoing qu'il trauaillast d'aller deuers luy, & il n'y alla point aussi: mais l'Empereur luy feit donner en esperance qu'ils se trouueroient ensemble au chief de six mois pour y conclurre en leurs besongnes. Et par tant conuint le Duc retourner à pou d'exploit: & s'en retourna en son païs de Bourgongne, là où il se teint vne espace de temps.

Comment le Roy alla en son chasteau de Lusignan: comment le sire de Thallebot print Fronsac: comment Francois allerent assieger Chastillon: & comment le seigneur de Thallebot assambla ce qu'il peust auoir de gēs d'armes pour leuer ce siege: & comment il y mourut.



V dit an mil cccc.liij. se parit le Roy de France de la cité de Tours, & vint loger en son chasteau de Lusignan: & ce pendant ledit Thallebot met le siege deuant le chasteau de Fronsac: duquel estoit capitaine Ioachin Rohaul pour le Roy de France, & conuint rendte ladicte place aux Anglois auant que l'armée du Roy fut prestee: & s'en allerent les François leurs corps & biens saufs. Le second iour de Iuin ensuiuant se partit le Roy dudit chasteau de Lusignan, & alla à S. Iean d'Angely: & le septiesme iour ensuiuant fut mis le siege deuant Challais: c'est à sçauoir par messire Iean de Chabannes Grand-maistre-d'hostel du Roy, & par le Comte de Ponthieure les seigneurs de sainte Seuer & de Boucat. Et le xvij. iour ensuiuant fut ledit Challais prins d'assault par les seigneurs dessusdits & autres de leur compaignie, nombrée de quatre à cinq cēs lances & les archiets & certains francs-archiers, combien que dedans ladicte ville estoient en garnison huitz vingt combattans. Desquels à la prinse d'icelle furent tuez de soixante à quatre vingts: & les autres se retrahirent en vne tour où ils furent certaine espace de temps, cuidans auoir aucun secours de leurs gens: & pource qu'ils n'en eurent point, les conuint rendre à la volenté du Roy. Et estoient dedans ladicte tour iusques au nombre de quatre vingts hommes, qui tous furent decapitez pour leurs sermens qu'ils auoient faulsez, & les trahisons dont ils estoient complices. Et estoit pany de Bordeaux le seigneur d'Anglades, pour les cuider venir secourir: lequel quand il sceut les nouuelles de la prinse desdits Anglois & de ladicte ville, il s'en retourna hastiuement. Audit an & le treiziesme iour du mois de Iuillet fut mis le siege par les François deuant Chastillon en Perigord, assis sur la riuere de Dourdōne occupé par les Anglois: & y furent enuoyez pour mettre ledit siege, le sire de Loheac & le sire de lalongne Mareschaulx de Frâce, & plusieurs autres grans seigneurs, Barons, cheualiers, escuyers, capitaines & gens de guerre, iusques au nombre de seize à dixhuit cens hommes d'armes & les archiers: entre lesquels estoient les gens du Comte du Maine que conduisoit le seigneur de la Bessiere, nommé messire Pierre de Beauuau: & si y estoient les gens du Comte de Neuers que conduisoit messire Ferry de Francy. Aussi y estoient les gens du Comte de Castres, fils de monseigneur de la Marche, que conduisoient messeigneurs Loys du Puy Seneschal de la Marche, Guillaume de Lufac & Iean de Messignac. Et les gens du Duc de Bretaigne, dont estoit chief le Comte d'Estampes son nepueu, & pour luy les conduisoit le seigneur de la Hunodaie

Hunodaie & le sire de Moutauban, pource que ledit Comte estoit demouré deuers le Roy. Et là estoit la grosse & menue artillerie du Roy, dôt auoit la charge maistre Iean Bureau, & Ialpart Bureau son frere maistre de ladicte artillerie. Et auoient en leur cōpaignie sept cens manouuriers : lesquels par l'ordonance dudit Tresorier & son frere, firent hastiuemēt elorre & fermer vn chāp de fossez où estoit toute ladicte artillerie : & adonc meirent le siege deuāt Chastillon. Ce venu à la cognoissance dudit Thallebot, il se partit incōtinēt & en haste de Bordeaux accompagné de huit cens à mille Anglois de cheual. Entre lesquels y estoit son fils seigneur de Ille, le seigneur de Moulins & plusieurs autres des plus vaillans du Royaume d'Angleterre tāt seigneurs, cheualiers que escuyers : & aussi du païs de Bourdelois, & apres venoient de quatre à six mille Anglois de pied : & arriua ledit Thallebot & sa cōpaignie deuāt ledit siege le Mercredy dixseptiesme iour de Iuliet, enuiron le point du iour. Et quand les François sceurent la venue dudit Thallebot, ils se bouterent au champ qui estoit fermé de fossez, & trouua ledit Thallebot aucuns Francs-archiers en son chemin qui n'estoient pas encores retraits audit champ, car ils estoient de pied : si frapperent lesdits Anglois sur eux & en tuerent de cent à six vingts de ceux qui ne se peurent retraite à temps audit champ. Et lors commencerent lesdits François à fort ferir pour gagner ledit champ : pource que lesdits Anglois commencerent à marcher pour approcher, cuidans que les François s'en fussent & leuaissent leur siege : & feit ledit Thallebot en attendant partie de ses gens à pied, mettre vne queuē de vin sur le bout pour leur donner à boire & à les rafraichir. Et ce pendant les François arriuerent au parc de toutes parts, & se meirent en bonne ordonnance. Et aussi les canonniers assortirent leurs coulcurines & ribaudequins sur les fossez, deuant la venue d'iceux Anglois. Et trouueant façon ceux de dedans Chastillon de mander audit Thallebot qu'il s'aduançast legerement, & que les François s'en fuioient. Mais quand il fut venu il fut tout esbahy de veoir la fortification que auoient faicte lesdits François, tant de fossez, artillerie comme autrement. Et là estoient pour resister encontre lesdits Anglois messeigneurs les Marechaux, le Grand-maistre-d'hostel, le Comte de Ponthieure, le Seneschal de Poictou, le sire de la Bessiere, sire Iean Bureau & plusieurs autres, lesquels estoient commissaires pour la conduction d'icelle armée : combien qu'il y auoit plusieurs autres grans seigneurs en la cōpaignie, qui teindrent le champ vaillamment & honorablement à l'encontre des aduersaires du Roy. Or vint ledit Thallebot & sa cōpaignie & arriuerent droit à la barriere cuidans entrer ou champ : mais ils trouuerent frontiere de vaillans gens, bien experts au fait de guerre, qui leur firent bon visaię & hardy, dont lesdits Anglois furent moult esbahis veu ce qui leur auoit esté mandé. Ledit Thallebot estoit monté sur vne petite haquenée & ne descendit point à pied, pource qu'il estoit ancien homme : mais il feit mettre pied à terre à tous ceux de sa cōpaignie, qui estoient venus à cheual. Et à l'arriuer auoient lesdits Anglois huit bannieres desployées tant du Roy d'Angleterre comme de saint George, de la Trinité & dudit Thallebot, avecques plusieurs estandarts sciemment pourpensez. Et adoncques commença l'assault & y eut de grans vaillances, & fut fort combattu de l'vne partie contre l'autre : &

dura le chappliz par l'espace de vne forte heure. Et apres pour rafreschir les François qui moult auoient trauaillé à la garde d'icelle barriere, furent enuoyez querir le sire de Montauban & de la Hunodaie, qui gouernoient les gens du Duc de Bretagne qu'il auoit enuoyez au Roy, & desquels estoit chief le Comte d'Estampes. Et pour renforcer ceux qui toute iour auoient gardé celle barriere: lesquels de grand couraige à leur venue incontinent qu'ils furent arriuez feirent tant à l'aide de Dieu & par leur proesse, que lesdits Anglois tournerent le dos, & furent abbatues & rüees par terre toutes leurs bannieres par lesdits Bretons. Et auoit lors dedans ledit champ tel cliquetiz de couleurines & de ribaudequins, que iceux Anglois furent contrains d'eux en fuir. Toutefuoyes plusieurs furent morts en la place, & par especial fut ferüe d'une couleurine la haquenée dudit Thalbot, deffous laquelle fut illec tué des François. Pareillemēt aussi furent morts son fils le seigneur de l'Isle, messire Hedouel Haul, Thomas Aurigan, le seigneur de Puiguillam Gascon, & trente cheualiers du Royaume d'Angleterre, & des plus vaillans comme l'en disoit, & y fut prins le sire de Moulins. Et pource que lesdits François estoient de pied & fort allenez & trauaillez, & qu'ils ne pouoient pourueoir par tout, eschapperent plusieurs Anglois & Gascons, & se bouterent dedans la ville & chasteau dudit Chastillon de huiet cens à mille. Entre lesquels estoient le fils du Capital de Busch Comte de Candalle, le seigneur de Montferrant, le sire de Rosam & le seigneur d'Anglades. Et eschappa le sire de Leparre qui auoit esté le principal de toute la trahison. Et les autres qui ne se peurent sauuer, prindrent la clef des champs à l'adventure, les vns par eau, les autres par terre. Et quant au regard de ceux qui alloient par eau, ils furent noyez pour la pluspart. Et pour aduancer ceux qui sen fuisoient par terre, monterent à cheual le Comte de Ponthieure, le Baillif de Touraine & plusieurs de tous estats estans de la compaignie des François: lesquels ne cesserent onques de tuer Anglois en les poursuivant iusques aupres de S. Milion. Et à la besongne du champ furent enterrez de quatre à cinq cens Anglois. Et le lendemain ordonnerent les seigneurs à approcher canons, veugleres & bombardes deuant ladicte ville, pour festoyer ceux de dedans: lesquels voyans l'appareil qu'on leur faisoit, se commencerent à humilier & à abbesser l'orgueil dont ils estoient plains, & se rendirent tous prisonniers à la volenté du Roy, estimez mil & cinq cens en nombre: desquels les seigneurs desdits furent prisonniers du Roy.

Comment apres la reddition de Chastillon les conduiseurs de l'ost du Roy prindrent saint Milion, & Libourne avec autres. Puis dit comment le Roy & son armée estoient deuant Bordeaux où estoient grand nombre d'Anglois, lesquels luy rendirent la ville par composition.

DE puis la reddition dudit Chastillon, partirent lesdits seigneurs conduiseurs de l'ost du Roy & commissaires en ceste partie, avec leur puissance, canons & arillerie: lesquels vindrent deuant S. Milion, laquelle tantost se meit en l'obeissance du Roy, considerans qu'il ne leur estoit pas possible de resister contre la puissance: Le Roy les receut en sa mercy. De là se tira toute l'armée deuant la ville de Libourne, laquelle n'auoit pas

pas esté baillée du gré des gens de ladicte ville és mains des Anglois, quand le seigneur de Thalbot arriua à Bordeaux: car on leur auoit baillé François pour les garder. Et quand ils sceurent la venue dudit Thalbot, lesdits François desemparèrent ladicte ville. Et lors conuint aux habitans d'icelle obeir audit Thalbot, pourquoy par la derniere reddition n'ont esté en riens molestez & les a le Roy receuz en sa bonne grace. En ce mesme temps & saison estoit le Comte de Clermont lieutenant general du Roy oudit pays de Guyenne & de Bourdelois, lequel tenoit son armée de là la riuere de Gironde és pays d'amont: estoiet en sa compaignie le Comte de Foix, le Comte d'Albreth, le seigneur d'Orual son fils, messire Theaulde de Vaulpergue Baillif de Lyon, le sire de Santreille grand escuyer d'escuyerie, messire Bernard de Biarn, le Vicomte de Turenne, le sire de Lauedan & plusieurs autres capitaines nombrez à hui&t cens lances & les archiers, lesquels se gouvernerent en telle maniere, que pour course qu'ils feissent sur les pays en prenant prisonniers, en dissipant & gastant prouisions des Anglois, tant vins, foins, auoynes, bleds que autrement: oncques Anglois de Bordeaux qui estoient bien hui&t mille combattans, ne se embattirent sur eux ne ne leur contredirent en riens. Le xiiij. iour dudit mois de Iuillet les Comtes de Clermont, de Foix, & d'Albreth, allerent mettre le siege deuant Chastel-neuf de Medoc, & furent deuant par l'espace de quinze iours: & tenoit la place pour le Roy d'Angleterre le sire de l'Isle cheualier Gascoin, lequel voyant luy estre impossible de la tenir, la rendit ausdits seigneurs. Puis se partirent lesdits Comtes de Clermont & d'Albreth & plusieurs de leur compaignie, lesquels allerent mettre le siege deuant Blanquefort, & se departit l'armée: le Comte de Foix, le Vicomte de Lautrec son frere allerent mettre le siege deuât le chasteau de Cadillac, & le sire de Santreille alla deuant S. Makaire & le meit en l'obeissance du Roy. Et ledit seigneur d'Albreth se partit de deuât Blanquefort, & alla deuant Langon & Villendras, lesquels il meit pareillement de l'obeissance du Roy, estans encores les autres deuant ledit Blanquefort, & tenoient deux ou trois sieges à la fois. Pour lesquelles conquestes maintenir ils auoient en leur compaignie mille lances & les archiers, en ce comprins les gés du Comte d'Armignac que conduisoit vn escuyer nommé l'Ainé de Lange, Seneschal de Rouargue. Et en la compaignie d'au-delà la riuere de Gironde, estoient la pluspart cheualiers & escuyers. Et ce pendant que le siege estoit deuant Cadillac, le Comte de Clermont tenoit tousiours le siege deuant Blanquefort, & iusques à ce qu'il se rendit à luy.

Le xvij. iour de Iuillet en ce mesmes an se partit le Roy de la cité d'Angoulesme pour aller ou pays de Bourdelois, pour conforter & ayder son ost: Estoiēt en sa compaignie les Comtes d'Angoulesme & du Maine, de Neuers, d'Estampes, de Castrès, de Vendosme & plusieurs autres barons, cheualiers & escuyers, & vint en la ville de Libourne, & fut son ost deuant Fronsac que tenoient les Anglois: lesquels se rendirent & s'en allerent par composition en Angleterre, chacun vn baston en son poing. Puis passa son ost la riuere de Dourdōne pour mettre en l'obeissance du Roy le pays d'entre deux mers, & y prindrēt plusieurs petites villes & chasteaux que tenoient lesdits Anglois. Et le Roy vint à Montferrant & feit mettre vne bastille deuant Lormont de lez Bordeaux par vne par-

tie de son ost. Et l'autre partie meirent le siege deuant la ville & chasteau de Cadillac. Et d'autre costé estoit le Comte de Clermont lors Lieutenant general es pays de Guyenne & de Bordelois, comme dit est. Les Comtes de Foix & d'Albreth, le seigneur d'Orual, le seigneur de Santreille Baillif de Lyon & plusieurs autres iusques à mille lances, & les archiers qui estoient deuant Bordeaux, du costé de deuers les landes pour faire le gast & manger foins, bleds & autres provisions qui estoient sur les pays, affin que ceux de Bordeaux ne s'en peussent ayder.

Le dixhuietiemesme iour dudit mois de Iuliet, le Roy en personne & son ost assaillirent la place de Cadillac, & fut prinse & emportée d'assault : & entra le premier dedans vn escuyer nommé Gouffroy de S. Hellin, Baillif de Chaumont en Basigny. Et lors les Anglois se retrahirent audit chasteau qui estoit moult fort. Et combien qu'ils fussent retraiz & bien enfermez : neantmoins la grand puissance du Roy & le bon gouuernement & police qu'il auoit mis en son ost, qui estoit mille lances & des archiers, il conuint ausdits Anglois dire le mot. Et pource se rendirent au mois d'Octobre ensuiuant tous prisonniers du Roy, & le capitaine dudit lieu nommé Gaillard & fut decapité. Dedans la bastille de Lormont estoient le seigneur de Loheac Marechal de France & plusieurs autres seigneurs, cheualiers & capitaines, iusques au nombre de quinze à seize cens lances avec les gens de trait & bien garnis d'artillerie. Et aupres d'icelle bastille estoient les vaisseaux de l'armée du Roy par mer. C'est à sçauoir de Bretagne, de Poitou, d'Espaigne, de Hollande, de Zellande & de Flandres armez & auitaillez. Et là furent dedans la riuere de Gironde iusques à ce que la ville de Bordeaux fut mise en l'obeissance du Roy. Du party des Anglois pareillemēt estoient les bastiaux & nauires venus du party d'Angleterre : & incontinent eux arriuez fait le sire de Camus mettre les cordages dedans ladicte ville de Bordeaux, affin qu'ils ne s'en peussent aller *Hospite insalutato* : c'est à dire sans prendre congé à l'hoste : firent aussi lesdits Anglois faire vne bastille contraire à celle des François & au dessus d'icelle : combien que ce leur prouffita bien peu, neantmoins qu'ils fussent dedans ladicte ville pour le Roy d'Angleterre grans gés. C'est à sçauoir le sire de Camus, le sire de Cliton, le Bastard de Sombreffes, le sire de Lestrate Gascon, le sire de Rossem comme de trois à quatre mille Anglois d'Angleterre, & autant ou plus de gens du pays de Gascongne, dont l'vne des parties estoit dedans icelle ville, & l'autre dedans leur bastille pour garder leurs nauires. Et là furent les deux puissances les vns deuant les autres, & chacun à sa bastille pour garder les nauires depuis le premier iout d'Aoust iusques au xvij. iour d'Octobre, dommageant & greuant chacun iour l'vne l'autre en toutes les manieres qu'ils pouoient. Et quand lesdits Anglois se veirent oppressez de auoir faulte de viures, ils furent bien esbahis, & aussi le cas le requeroit, veu qu'ils perdoient toutes les places & forteresses d'iceluy pays, mises par force d'armes en planiere obeissance du Roy de France, & requirent qu'on leur fust amiable cōposition. A quoy le Roy eut regard à deux choses. La premiere qu'il estoit prest de faire & rendre le bien cōtre le mal. Et secondement considera la mortalité qui estoit fort à douter, affin de changer air : pourquoy il fut content de composer ausdits Anglois en la maniere qui s'ensuit. C'est à sçauoir que ladicte

dicté ville & cité de Bordeaux luy seroit rendue & demoureroient tous les habitans ses vrais, obeissans & subiects, & feroient le serment de non iamais eux rebeller contre la couronne de France, recognoissans & affermans le Roy estre leur souuerain seigneur. Et les Anglois eurent congé d'eux en aller en leurs nauires ou pays d'Angleterre, ou à Calais se bon leur sembloit. Et pource que aucuns des seigneurs du pays & de ladicte cité, auoient esté frauduleusement, traistusement & malicieusement querir en Angleterre lesdits Anglois, en rompant leur foy & serment qu'ils auoient fait l'année précédente au Roy, qui de force & à grand peine, fraiz & mises les auoit conquis, furent bannis du pays de Bourdelois vingt personnes, telles qu'il plairoit au Roy de ceux qui auoient esté querir iceux Anglois en Angleterre : du nombre desquels estoit le sire de Duras, le sire de Lesparre. &c. Et fut faicte ladicte compositiō le xvij. iour d'Octobre audit an liij. Et en verité le Roy sy trauailla grandement de corps & de biens & de son sens: car apres l'ayde & grace de Dieu, la bonne conduite qui a esté en luy, le doulx acueil de ses gens, & le reconfortement en allant de place en autre l'a fait estre seigneur dudit pays paisiblement. Tous ses vassaulx pareillement & alliez dessus nommez, ont seruy le Roy de leur puissance, & comme se ce eust esté leur propre fait, & en ce sont grandement à louer, & pour l'amour d'eux leurs successeurs. Messire Pierre de Beauuau seigneur de la Bessiere mourut trois iours apres la bataille de Chastillon, dont fut grand dommage : aussi mourut messire Jaques de Chabannes grand-maistre d'hostel qui fut moult plaint, car il estoit vaillant cheualier. Ledit pays ainsi mis à deliure, se delibera le Roy sen retourner en sa cité de Tours. Et pource laissa pour la prouision & garde d'iceluy pays le Comte de Clermont son Lieutenant general, avec messire Theaulde dit Vaulperge, & sire Jean Bureau tresorier de France & Maire de ladicte cité, & plusieurs autres gens d'armes, archiers & arbalestriers avec eux à la deffence dudit pays. Car de ce estoit grand besoing & vrgente necessité, veu la grand trahison qui par eux auoit esté commise & perpetrée. Et ainsi que dit la Loy, *Semel malus semper presumitur malus*. Pourquoy est expedient de leur tenir le fer au doz, afin qu'ils soient en greigneur subiection, & telle qu'ils ne se puissent plus rebeller.

Cy dit comment le Turc asiegea Constantinople : comment il feit celle cité battre d'engins de grande artillerie qui y estoit : puis dit comment ladicte cité fut prinse d'assault, & parle aucunement des maulx qui y furent commis. Puis parle d'un remede pour aller contre ledit Turc.



Vdit an mil cccc.liij. le quatriesme iour d'Auril apres pasques, Morbefan fils de Oreste, seigneurs és parties d'Achaye courut aupres de Constantinople: & le cinquiesme iour dudit mois posa son siege deuant ladicte cité. Item oudit siege estoient entour deux cens mille hommes, desquels ils en pouoit bien auoir lx. mille de fait, & de trente à xl. mille cheuaux : & estoient armez le quart en haubergeons ou de Iaques, & aucuns en y auoit armez à la guise de France, aucuns à la guise Burgaire, aucuns en autres façons, aucuns auoient chappeaux de fer, & auoient aucuns arcs & crennequins. Les autres gens de fait pour la pluspart estoient sans armes, sauf qu'ils

auoient targes & semitarges, qui sont espées de Turquie. Et le surplus des autres desdits lx. mille estoient robeurs, gasteurs de payz, marchans, artisans & autres suiuaus le siege pour gaigner. Item oudit siege estoient plusieurs bombardes & tresgrand nombre de couleurines & autres engins pour assaulx. Et entre les autres y estoit vne grosse bombarde de metal toute d'une piece, tirant Pierre de douze espans & quatre doigts de tour, & pesans mille huit cens liures. Lesquelles bombardes tiroient chacun iour de cent à six vingts coups. Et dura celle tempeste lv. iours, pourquoy conuient dire qu'ils employerent chacun iour mille liures de pouldre, & par ainsi fault dire qu'il y auoit dix mille couleurines. Item l'armée du Turcq en mer estoit tant au port comme dehors de seize à dixhuit gallées, soixante ou quatre vingts galiotes de xvij. à xx. vauchieres, & de xvj. à xx. barques petites, comme pour porter cheuaux, qu'ils appelloient palendrins, & assez d'autres fustes. Item le siege posé & mis par terre, Sangombassa conseillicr du Turc & celuy qui auoit plus de credit & d'auctorité enuers luy, feit porter delà la mer par dessus terre l'espace de deux à trois milles de soixante à quatre vingts galées, tant galées que autres fustes, armez iusques dedans la pulle Mondagarin, qui est empres Pere, les deux citez. Auquel port ne pouoient autrement les nauires du Turc entrer pour l'armée des chrestiens, estans à terre du Pac pour aller de Constantinople à Pere pour soy entre-secourir: & de ceste armée de Turq fut capitaine vn nommé Albitangoth, lequel rompit quatre nefz Geneuoises. Et lors le Turc feit vn autre capitaine, & ainsi fut son siege fermé par mer & par terre. Item Constantinople est tresforte cité en figure triangulaire, & a vingt milles de tour deuers terre, & cinq deuers la mer, cinq deuers le port & gousse cinq. Et les murs de deuers la terre sont tresgros & haulx: & dessus y a barbaquennes & macicoliz, & dehors faulx murs & fossiez. Et sont haulx lesdits murs principaux de quinze à xxij. brasses, & larges estimez en aucuns lieux six, & es autres lieux huit brasses: les faulx murs de dehors ont le terran hault xxij. brasses & gros de trois brasses, & parsons de dix brasses. Item en icelle cité estoient en tout de xxv. à trente mille hommes & six mille combattans. Item au port pour deffendre la chainne, estoient de Chrestiens trente nefz & neuf galées. C'est à scauoir deux subtilles & trois marchandes Venitiennes, trois de l'Empereur & vne de messire Iean Iustienien long Geneuois aux gaiges de l'Empereur. Constantinople donc ainsi assiégee par mer & par terre, & ainsi fort combattue de bombardes & de traict, se deffendit cinquante iours: durant lequel temps le capitaine de la galée Trapefonde monta sur vne galée subtile, pour brusler la nauire du Turc, avecques certains autres à ce ordonnez: mais la galée fut effondrée d'une bombarde de Turcs, & furent par le fondement affichées aux peux agus deuant ceux qui faisoient la garde sur la mer. Item du costé de la terre estoit Sangombassa Roy Albanois, qui en son siege auoit plusieurs hommes accoustumez de miner l'or & l'argent, qu'il feit miner en quatorze lieux sous les murs de la ville pour les trebuscher. Commenceant ses mines bien loing des murs. Les Chrestiens contreminerent, & par souuentesfois estoufferent les Turcs en leurs mines par fumée, & aucunesfois par puantises, & en aucuns lieux les noyerent par force d'eaux, & aucunesfois à combattre main à main.

Item

Item ledit Sangombassa feit vn chasteau de bois si hault, si grand & si fort qu'il seigneurioit le mur. Item feit faire sur basteaux vn pont long de mille brasses, & large de sept pour passer la mer au trauers. Item feit plusieurs autres instrumens de bois treshaulx & grandes estables & legieres. Item aussi faisoient chacun iour grandes escarmouches, où il mourut moult de gens deça & delà. Mais pour vn qui mourut de ceux de dedans il en mourut cent de dehors. Item au siege du Turc estoient plusieurs Chrestiens de Grece & de plusieurs autres nations : lesquels combien qu'ils soient du Turc subiects, toutesuoyes si ne sont ils pas par luy contrains à renier la foy Chrestienne. Ains aorent Dieu & prient à leur plaisir. En outre y estoient autres capitaines & autres puissans Turcs, qui par despit de Sangombassa qui trop les oppressoit, aduiserent ceux de dedans par lettres qu'ils tiroient dedans la ville, & en toutes autres manieres possibles de tout ce qui se faisoit au siege : & entre les autres furēt les Chrestiens aduisez comment le Turc avec tous les Barons, Princes, seigneurs & conseillers auoient tenu conseil quatre iours. Et entre lesquels estoit vn capitaine nommé Colombassa qui conseilloit à leuer le siege en alleguant au Turc. Tu as fait ton deuoir, tu leur as ja donné plusieurs grans batailles, & à tant de iours en ont esté morts grand quantité de tes gens. Tu vois la cité deffenable & inexpugnable, & en maniere que tant plus va de gens à l'assault plus en demoure. Ceux qui ont esté sur le mur ont esté reboutez & tuez, & tes antecesseurs iamais ne vindrent ne iamais ne voulurent venir si auant, & cest grand gloire d'y auoir esté, & te doit souffire sans vouloir destruire toutes tes gens. Et tant fut dit que le Turc deliberaoit soy leuer & s'en retourner, & de ficher là aucunes colonnes pour notifier à iamais, qu'il auoit fait ce que nul de ses antecesseurs n'auoit oncques fait ne entrepris : & qui plus est nul Turc ne se osa onc si pres approcher de Cōstantinople. Sangombassa estoit de opinion contraire & disoit au Turc. Tu as fait le plusfort. Tu as rué ius vne grand partie des murs. Nous en ruerons encores de l'autre, donnons encores vn aspre assault, & se nous faille, nous prendrons tel party que bon te semblera. Tant sceut dire que le Turc s'y consentit, & de tout ce furent aduisez ceux de dedans & confortez, & qu'ils se feissent vaillans deux ou trois iours : car lors seroient ils seurs que le siege s'en iroit sans nul seiour. Le Turc delibera d'ainsi assaillir. Trois iours deuant l'assault commanda solemnelle ieuſne pour l'honneur du Dieu du ciel, lequel seul il adore : ieuſnerent luy & ses gens trois iours continuels, par ainsi que tout le iour ne mangerent riens, mais seulement de nuit pour leur vie : de nuit feirent infiny lumiere de chandelles de bois, qui brusloit de soy mesmes en mer & en terre, tant qu'il sembloit que mer & terre brussoient, avecques trefgrans sons de tabours & autres instrumens : car de trompettes n'ont ils que bien pou. Les choses estans en ces termes, & le Turc delibera d'assaillir quelque opinion ou intention qu'il eut de vaincre. Et ceux de dedans deliberez d'eux bien deffendre. Le Turc commença son assault le may bien lentement au soir. Et auoit ordonné le Turc ses gens en la maniere qui sensuit. C'est à sçauoir Siglardy capitaine general de Turquie vingt mille hommes, à la porte de Puchi où estoit la grand bataille. Et Sangombassa aussi conseiller du Turc & amis aux Chrestiens, avec Proce : la tierce partie des gens

du siege à la porte S. Romain loing du Puchy enuiron vn mille, Ebbigabeth capitaine general de Gteece fut mis au costé de Galigaria à l'endroit du Palais de l'Empereur. Et estoient la plusgrand part des mines loings de S. Romain deux milles. Sangombassa Albanois renié estoit outre l'eaüe deuers Pere avecques plusieurs Chrestiens reniez. Car de ce païs là sen renient moult tous les iours. L'assault commencé ceux de dedans se deffendirent par tout vaillamment. A S. Romain est le lieu le plus legier à prendre, & la muraille plus foible : de laquelle auoit ja esté abbatue, par les iours passez vne partie. Là estoient les bombardes qui bouterét ius vne barbaquenne, & la moitié du mur du meillieu: duquel en cheut bien deux cens brasses : aussi auoit de couleures & de traict tant que à peine veoit on le ciel. Toutesfois ceux de dedans releuoient les brasses de mur de grosses tonnes & de bois en terre & d'autres choses, & se deffendoient au mieux qu'ils pouoient. Item en ce lieu deffendoit messire Jean Iustinien long Geneuois, qui estoit aux gaiges de l'Empereur & sy porta moult vaillamment, aussi toute la cité auoit grand espoir en luy & en la vaillance. Item en ce lieu pour faire son dernier effort s'approcha le Turc à deux bannieres, avec dix mille homes elleuz pour la garde de sa personne, & autre infiny nombre de Turcs, avec ceux de chasteau du bois par échelles & autres instrumens : & commencerent à emplir les fosses & monter sur le muf. Lors fut messire Jean Iustinien blecé d'une couleure, & sen partit pour soy faire medeciner, & bailla sa garde à deux gentils-hommes Geneuois : les Turcs neantmoins monterent sur le mur. Et adonc les Chrestiens eux voyans si oppressez, & aussi que ledit Iustinien sen estoit allé cuidans qu'il sen fuit, habandonnerent leur garde & sen fuirent. Ainsi les Turcs entrerent en Constantinople le xxviij. iour de May audit an, mettans tout à l'espée ceux qui luy faisoient resistance.

APRES n'auoient encores eu nul assault, & estoient la plusgrand part des Periciens à Constantinople pour le deffendre. Ceux qui estoient demourez à Pere qui n'auoient riens osté de leurs biens, delibererent d'enuoyer les clefs au Turc & se recommander à luy, & luy offrir la cité, laquelle estoient six mille hommes attendans la misericorde de Dieu. Toutesfois vne grand partie des hommes & des femmes monterent sur vne nef de Geneuois pour eux en aller. Mais vne nef chargée des femmes de Pere fut prinse des Turcs. L'Empereur de Constantinople mourut illec, & dient aucuns qu'il eut la teste trachée. Autres diét qu'il mourut à la porte & en la presse sen voulant isir, l'un & l'autre peult estre vray. C'est qu'il fut mort en la presse, & que depuis les Turcs luy eussent tranchée la teste. Celle entrée fut moult piteuse & douloureuse pour les Chrestiens : car apres que les Turcs eurent possession paisible de la cité, ils se transporterent es Eglises d'icelle, & par especial en la maistresse qui est appellée de sainte Sophie qui est moult grande, large & espacieuse : & là trouuerent ils plusieurs dames, damoiselles & femmes de grande auctorité avecques plusieurs autres filles pucelles : Lesquelles cogneurent & eurent leur compagnie charnelle de force & outre leurs grez & vouldentez, & ou contemp de Dieu nostre createur & de la Foy catholique : & mesmement le Turc viola en icelle Eglise la femme de l'Empereur, & la teint pour sa concubine & l'emmena avec luy quand il partit de la cité : plusieurs aussi de ses gens commencerent illec

le peché de luxure en plusieurs & diuerſes manieres. Item les gallées groſſes Veniſſiennes du païs de Rommenie & de Capezande demourerent là iuſques à midy, attendans y ſauuer aucuns Chreſtiens, dont il en iſſit bien quatre cens. Entre leſquels fut ledit Iaques Tetaldi qui eſtoit ſur le mur à ſa garde bien loing de la part où entrerent les Turcs : & ſentit leur entrée bien deux heures apres. Et ainſi gaigna la mer & ſe deſpouilla & nagea iuſques aux gallées qui le receurent. Item ſe l'armée de Veniſe que menoit meſſire Iean la Rendour fut arriuée vn iour auant, certes il n'y auoit nulle doubte qu'elle euſt mont ſecouru. En laquelle eſtoient neuf gallées Veniſſiennes, & vingt naües : à tout le moins il ne vingt pas à temps : mais ſeulement arriua à Nigrepont vn iour apres celle prinſe. Item ont eſtimé que les biens de Conſtantinople ont valu aux Turcs quatre mille millions de ducats : la perte de Veniſe ſeſtime cinquante mille ducats : car en ceſte gallée ſeſt ſauué enuiron pour vingt mille ducats des Geneuois : il ya perte grande & infinie des Florentins vingt mille ducats : de ceux de la Marche d'Anconne plus de quinze mille ducats. Anconne eſt la meilleure cité de la Marche d'Anconne. Item on trouue par ceux qui ont conuerſé avec le Turc, qui ont cogneu ſes faits, ſes conditions & ſa puiſſance, qu'il eſtoit lors de vingt-trois à vingt-quatre ans cruel plus que Neron & delectant à reſpandre ſang, courageux & ardent de ſeigneurier & triompher tout le monde, voire plus que Alexandre ne Ceſar ne autres quelque vaillans qu'ils ayent eſté : & allegue qu'il a plus grand ſeigneurie & puiſſance que nuls d'eux n'auoit : & toujours fait lire hiſtoires deuant luy & demanda où & comment : & tient que legiere & bien aſſée choſe ſeroit, à auoir fait vn pont de Megitara durant iuſques à Veniſe pour paſſer là ſes gens d'armes. Et pareillement demanda de Romme où elle eſt aſſiſe, & auſſi du Duc de Millan & de ſes vaillances & d'autres choſes. Il ne parle fors de guerre. Dit auſſi qu'il veult faire ſon ſiege à Conſtantinople : car là il peult & veult faire merueilleuſes nauires. Il eſtime ne qu'il ſera nul ne en mer ne en terre qui ne luy apporte les clefs auant qu'on l'attende. Conſiderant qu'il a prins par force Conſtantinople la plus forte cité d'Europe, & ſi puiſſant qu'on ne cuidoit iamais que armée quelque grande qu'elle fut le deuſt ſurmonter : & conſiderant que luy & les ſiens ſont hardis & genieux en armes, & ne ſont eſtime de leur vie. Item ont eſtimé que par ceſte eſté le Turc ne fera autre grand fait d'armes, mais entendra ſes faits pour là venir à Conſtantinople, ſinon que aucun lieu de volenté ſans guerre ſe vouliſt rendre. Ses gens voudroient chacun retourner en ſa maiſon pour recueillir leurs biens & ſe repoſer, mais on peult tenir pour certain qu'il ſ'apreſte merueilleuſement par mer & par terre, pour ſoy mettre ſus au temps nouuel : mais ſe Chreſtiens y œurent preſtement, on tient fermement qu'on les chaffera du païs, & acqueſtera l'en ſur eux du païs pour iamais. Et les manieres d'y pourueoir ſeront ceſtes. Premier il faudroit faire paix entre les Chreſtiens. Item faudroit que les Veniſſiens, le Duc de Millan, les Florentins & autres ſeigneurs d'Italie ſeiſſent vne armée de vingt mille cheueux, bien en point & bons capitaines : laquelle fut conduite deuers Pere par Albanie, iuſques aux ceniſues des Chreſtiens : & là ſe poſaſt en lieu habondant de viures, car là ils ſont & ſeroient ſeurs, & incontinent augmentez d'Albanois, Sclauons

& autres nations Chrestiennes, qui volentiers iroient pour deffendre la foy Catholique. Item par mer outre l'armée ja faicte à icelle, il faudroit adjoindre vne autre armée du Roy d'Aragon, des Veniciens, des Genneuois, des Florentins, de coursfaires & autres gens qui sont en la marine, qui souffriroit à vaincre celle du Turc s'elle n'estoit plus grosse qu'elle n'est de present: laquelle armée s'en alast au port de Nigrepont pour prendre Sagripoch, & les autres lieux du Turc, & pour obuier au passage de l'estroit que le Turc veult faire de Turquie en Grece. Item faudroit que l'Empereur, les Hongres, les Boësmes, les Poulains, les Valaques & autres nations d'iceluy païs, avec Iean Vvaiuoda en ceste partie trefredouté des Turcs, feissent vne autre armée qui entrast en Grece par Andrinopoch, & les autres lieux occupez des Turcs: & faudroit tenir maniere que toutes ces armées fussent tout en vn temps esdits lieux, & eussent moult belle intelligence l'une de l'autre de se faire sçauoir c'est effect. Item le Turc qui a fait tout son effort & toute sa puissance n'a que cc. mille hommes que bons que meschans, entre lesquels il ya grand quantité de Chrestiens, & autres ses subiects qui le suiuent mal volentiers: lesquels sentans l'armée des Chrestiens habandonneroit le Turc, & se adjoindroiet aux autres Chrestiens. Item le Turc par nature & vsage ne attent point la guerre n'en cité, n'en chasteau: mais se tient continuellement aux champs, luy & toute sa puissance, parquoy il se diminue luy & les siens. En outre les Chrestiens de Roussie & de autres païs viendroient tous à l'armée des Chrestiens. Item outre le Caraman qui est grand seigneur en Turquie est ennemy capital du Turc, s'il aduise que les Chrestiens guerroyent ledit Turc, il l'oppresseroit grandement en Turquie & luy feroit guerre, & à pou de chose se feroit Chrestien. Item en Grece n'y aura païsant ne laboureur, qui ne porte viures aux Chrestiens. Les viures faudroient aux Turcs en Grece, le païs de Turquie luy sera rompu par mer, les Chrestiens de Grece voudront recouurer à l'espée leurs terres du Turc ainsi: mais que les armées s'approchent pou à pou l'une de l'autre, il n'est nulle doute que brief le Turc & toute son exercite ne soit assamée & deffaicte. Mais se on n'y pouuoit diligemment & qu'on donne temps & loisir au Turc de foy mettre à point par mer & par terre, il n'est nulle doute qu'il ne face grand esclandre aux Chrestiens, dont Dieu nous gard. Item en ceste Galée sont reuenus huict citadins Veniciens de Constantinople & là sont demourez xxxviij. gentils-hommes & d'autres gens de bien plus de quarante, Dieu leur vueille ayder quoy qu'il leur couste pour depescher.

Cy dit comment le Turc enuoya lettres au Pape, pourquoy que le Pape vouloit ordonner vne croisée pour aller contre luy. Puis dit comment le Blanc Cheualier Marechal de Hongrie vint ius les Turcs au port de Sambrine.



Vdit an & tantost apres ledit Turc voyant sa prosperité indeuë re-
luire sur luy, meü de presumption & grand orgueil, enuoya au Pape
Nicolas deux lettres toutes d'une mesme matiere: l'une en Latin &
l'autre en François, duquel François la teneur s'ensuit. Morbeseñ sei-
gneur és parties d'Achaïe fils de Horrestes avec les freres, dont l'un est Callabu-
labre collateraux vellateurs de Vrbanus imperateur: au grand Prestre Rom-
main

main nostre iouxtes les merites salut. Il est n'agueres paruenue à noz oreilles que aux prieres & requestes du peuple des Veniciens, vous faictes publicquement diuulguer en voz Eglises, que quiconques prendra armes contre nous aura en cest siecle remission de ses pechez, & leur promettez benoiste vie au temps aduenir: de laquelle chose nous auons cogneu la certaine verité par la venue d'aucuns pietons portans croix, lesquels ont n'agueres transfreté & passé la mer és nauires des Veniciens. Pour laquelle chose nous sommes vehementement esmerueillez: Car iaçoit ce que du grand Dieu tonnante vous fut donné la puissance de absouldre & de deliier les pures ames, tant deuriez vous plus meurement à ce proceder, ne ne deuriez induire les Chrestiens encontre nous, & especiallement les Italiens: car nous scauons depuis n'agueres, que noz peres dirent que nostre peuple de Turcs auoient esté innocens, & quittes de la mort de vostre Christ crucifié: & comment qu'il soit ainsi que les lieux & les terres où sont voz choses saintes, ne possessions ne nous ne noz gens n'en ayons la cognoissance, mais tousiours ayons eu & ayons en haine le peuple des Iuifs: car selon que nous lisons en noz histoires & chroniques, ils baillerent proditoirement & par enuie iceluy Christ au iuge des Rommains en Hierusalem, & le feirent mourir au gibet de la croix. Nous esmerueillons aussi & doulons que les Italiens se sont mis contre nous, comme il soit ainsi que nous auons inclination naturelle à les aimer: car ils sont ains issus du sang de Troye, & en ont leur primitive noblesse & seigneurie. Duquel sang & seigneurie nous sommes anciens hoirs, & les nostres auoir esté augmentateurs & accroisseurs: lesquels estoient issus du grand Roy Priamus & de sa lignee. En laquelle nous sommes nez & auons intention de mener nostre seigneurie & Empire és parties d'Europe, selon les promesses que noz peres ont ouïes de noz Dieux. Nous auons aussi intention de reparer Troye la grand & de venger le sang de Hector, de la Royne Yxion, en subiugant à nous l'Empire de Grece, & en l'vnissant à l'estat de nostre Dieu Palas, & punirons les hoirs des transgresseurs. Nous auons aussi intention de soubmettre totalement à nostre Empire & seigneurie Crete & autres isles de la mer: lesquelles le peuple des Veniciens deuantdits, nous ont violentement ostées, & nous sont promises: & pource nous requerons vostre prudence & priors que vous imposez silence à voz messaigiers par la terre d'Italie à la requeste dedit Veniciens, en non prouocant plus le peuple Chrestien soubz espoir de puissance, comme nous n'ayons nulle guerre vers luy pour la creance & difference qui est entre nous. Comme il ne nous appartient en riens se nous ne croyons point en vostre Christ: lequel nous reputons auoir esté tresgrand Prophete. Et aussi selon que nous auons entendu selon la loy d'iceluy, vous ne nous deueriez point compeller à sa creance. Et se aucune controuersie est meue entre nous & le peuple des Veniciens, cela procede que indeuement & sans nulle couleur de iustice: sans l'auctorité de Cesar ne d'autre Prince: mais par leur orgueil & temerité ils ont subiugué & occupé aucunes isles de la mer, & autres lieux, lesquels sont commis à nostre Empire: lesquelles desormais nous ne pouons ne deuons souffrir: car le tēps de nostre repromission approche. Par lesquelles choses vous puez & deuez par raison desister de voz entreprinſes & de ce vous taire. Especiallemēt cōme nous cognoissons iceluy peuple des Veniciens estre estrāge

de la vie & meurs des Rommains: car ils ne vivent pas selon les meurs & selon les loix des autres, mais se cudent estre meilleurs de tous les autres peuples adiacens: desquels à l'ayde de nostre grand Dieu Iupiter nous mettrons l'orgueil & forcenerie en fin. Ou autrement se vostre prudence ne se desiste de ces entreprinſes, nous nous efforcrons contre vous à l'ayde des organeurs Imperateurs & autres Roys d'Orient: lesquels faignent au iour d'huy se dormir, & de noz contrées ferons venir aydes d'armes & nefſ copieuſes & artificieuſes, par lesquelles nous auons intention de reſiſter belliqueuſement: non pas ſeulement contre voz pietons portans la croix, mais auſſi contre Germanie, Rommanie & France ſe contre nous les incitez. Et avec l'ayde de Neptunus Dieu de la mer, nous auons intén de paſſer Hellespont & Dalmacie, avec innumerables nauires menées par voilles & par auirons. Et auons auſſi intention de paſſer par la region ſeptentrionale, & viſiter eſpeciallement Dalmacie & Tracie. Donné en l'an de Mahomet viij. cens xl. en luing, en noſtre palais triomphal ſeéllée & enreſgistrée. Memoire qu'un nommé le cheualier Blanc Mareſchal de Hongrie: lequel n'eſtoit pas noble: car il eſtoit Mareſchal au parauant qu'il ſe mit à la guerre capitaine ſoubs le Roy de Hongrie, ſe mit ſur les champs pour combattre les Turcs, & auoit en ſa compagnie de xx. à xxiiij. mille combattans: lesquels auoient ja gagné le port de Sambrine, où eſtoient bien quatre vingts mille Turcs. Auquel port furent quinze iours pour attendre toutes uiſſances qui pourroient venir ſur luy & ſes gens. Et ce venu à la cognoiſſance dudit cheualier Blanc, ſe partit de Mortune, & vint ioindre aux Turcs enuiron deux heures deuant le iour: & tellement fut cōbattu ſur ceux qui eſtoient ſur terre, que tout fut mort iuſques au nombre de xxiiij. mille: & ceux de la mer voyans le deluge & fortune eſtre tournée ſur leurs gens, ſ'en fuirent & ne peurent eſtre pourſuiuiz, pource que ledit cheualier Blanc n'auoit aucunes nauires. Toutesſois leſdits Turcs ſe combattirent vaillamment, & tant que ledit cheualier Blanc fut fort nauré & pluſieurs de ſes gens: & ainſi ſ'en retourna, & y furent prins cinquante Turcs ou enuiron: desquels ledit cheualier Blanc en enuoya ſix au Pape Nicolas, ſix au Roy de France, & ſix à monſieur de Bourgogne: le propre couſin du Turc y fut prins.

Cy dit comment les ſentences de Iaques Cueur & de ma damoiſelle de Mortaigne furent prononcées. Et comment maĩſtre Guillaume Edelin Docteur en Theologie fut preſché.



Vdit an mil cccc. liij. le xix. iour de May, fut prononcée certaine ſentence preſent le Roy par monſieur le chancelier de France, contre Iaques Cueur deſſus nommé, conuaincu des cas pour leſquels il eſtoit empriſonné en maniere qui ſ'enſuit. Combien que ledit Iaques Cueur pour les crimes par luy commis & perpetrez eut conſiſqué corps & biens: Toutesſois le Roy qui touſiours veut uſer d'equité, en preferant auſſi l'amendement & conuertiffement d'un chacun pecheur, nō pas la mort: luy remet de grace eſpecialle la mort & luy ſauue la vie, & le condamne racheter des mains des Sarrazins le Chreſtien qu'il a rendu, ſil eſt en lieu qu'il ſe puiſſe faire quelque ſomme d'argent qu'il doie couſter: ou ſi non racheter des mains des

Sarrazins

Sarrazins vn autre chrestien. Item pour les sommes de deniers par luy indeüement prinſes & extorquées ſur les ſubieſts du Roy montans à ſommes inſtimables, il eſt condamné en la ſomme de cent mille eſcus. Item pour les offences par luy commiſes à pluſieurs & diuerſes fois, le Roy le condamna en la ſomme de quatre cens mille eſcus. Item le ſurplus de tous chacun ſes biens quelque part qu'ils ſoient, ſont & demourront conſiſquez audit ſeigneur. Item il eſt priué de tous offices royaux, ſecrets & publiques, & déclaré eſtre inhabile à iamais les tenir. Item & avecques ce eſt banny à tousiours du Royaume de France. Item ſera tenu de faire amende honorable au Roy, à la perſonne de ſon procureur ſans chapperô & deſceint, vne torche de dix liures peſant en ſes mains, en diſant que fauſcement & deſloyaument il auoit rendu ledit chreſtien aux Sarrazins, & auſſi leſdits harnois & armeures, en reuerant à Dieu mercy, au Roy & à iuſtice. Item eſt déclaré les ſcelleſ des ſeigneurs de la Fayette & de Cadillac eſtre nuls & de nulle valeur, & que ledit laques Cueur ne ſes heritiers ne ſ'en pourroient ayder à l'encontre d'eux, & comme nuls & de nulle valeur, caſſez & adnullez leur furent renduz. Apres lequel arreſt prononcé le Roy feit dire par ſon dit Chancellier ces parolles, reſerué au Roy touchant ledit banniſſement & autres choſes la bonne grace & plaſir du Roy. Et au regard de la damoiſelle de Mortaigne combien qu'elle ayt conſiſqué corps & biens. Toutes fois en conſideration des grans ſeruices que les predeceſſeurs d'elle & ſon mary ont fait audit ſeigneur, iceluy ſeigneur luy remet la mort & luy reſtitue ſes biens comme non conſiſquez: & luy eſt deſſendu en peine de conſiſcations de corps & de biens de non approcher la perſonne du Roy ne de la Roïne à deux lieües pres, & auſſi à eſtre condamnée de faire amende honorable au Roy & à la perſonne de ſon Procureur. En diſant que fauſcement & deſloyaument elle a accuſé & occupé ledit laques Cueur, laques Colompne & Martin Prandoux, en reuerant de ce à Dieu, au Roy & à iuſtice pardon & mercy, & enuers les deſſusdits: c'eſt à ſçauoir enuers ledit Martin a eſté condamnée en la ſomme de quatre cens liures courās. Et enuers la femme & les deux filles dudit laques de Coulompne, enuers chacune de cent liures tournois, qui montoient trois cens liures tournois. Oudit an le dimanche ſurueille de Noël fut eſchauffaudé & preſchié publiquement en la cité d'Eureux, & condamné à demourer perpetuellement es priſons de l'Eueſque d'icelle cité, maiſtre Guillaume Edelin Docteur en Theologie Prieur de S. Germain en Laye, & au deuant Auguſtin & de certaines autres ordres: lequel par temptation & exhortaiô de l'ennemy d'enfer, auquel il ſ'eſtoit donné pour accomplir ſes delices mondaines: & par eſpecial pour faire ſon plaſir d'une dame cheualereſſe comme on diſoit, & ſe meit en telle ſeruitude de l'ennemy, qu'il luy conuenoit eſtre en certain lieu toutes fois qu'il eſtoit inuité par ledit ennemy. Ouquel lieu ils auoient accouſtumé de faire leur conſiſtoire, & ne luy failloit que monter ſur vn balait qu'il eſtoit preſtement transporté, là où ledit conſiſtoire ſe faiſoit. Et confeſſa ledit maiſtre Guillaume de ſa bonne voulété auoir fait hommage à l'ennemy eſtant en eſpece & ſemblance d'un mouton, en le baiſant par le fondement, & perſeuerale deſſusdit maiſtre Guillaume par pluſieurs & diuerſes années en ſon damnable propos: & auoit tousiours ayde de l'ennemy en tout ce qu'il luy vouloit reque-

rir: & iufques à ce qu'il fut accusé & atteint dudit malefice, parquoy il fut arresté & detenu prifonnier, depuis lequel emprifonnement fait par iustice la puiffance de l'ennemy fut de nul effect: & demoura ledit maistre Guillaume en prifon, en la fosse au pain & à l'eau par la cōdamnation que dit est. Et luy remonstra l'inquisiteur de la foy moult hautement & solemnellement, les belles predications & enseignemens qu'il auoit fais au peuple au temps passé, quand il alloit par les pays prescher la foy de Iesus: & plusieurs autres remonstrances luy furent faictes par ledit inquisiteur, & fut mitré en la presence de grand multitude de peuple durant la predication dudit inquisiteur. Apres laquelle remonstrance, ledit maistre Guillaume sachant qu'il auoit voirement delinqué moult grandement enuers nostre redempteur & createur, commença à gémir & douloir de son meffait en criant mercy à Dieu, à l'Euesque & à la iustice, & en foy recōmandant aux prieres des assistens: Puis fut enfermé & mené en la fosse pour faire penitence du treshorrible cas qu'il luy estoit aduenü.

Comment le Roy de France enuoya une ambassade deuers le Roy d'Espagne: comment le Roy de France feit faire deux chasteaux à Bordeaux pour tenir le peuple en subiection: comment le Duc d'orth feit emprifonner les Ducs de Sombresset & de Clocestre & plusieurs autres incidens.

1454.



N l'an mil cccc.liiiij. se partit reuerend pere en Dieu maistre Iean Bernard Archeuesque de Tours & messire Guillot Destan, cheualier Seneschal en Rouergne, pour aller en ambassade de par le Roy de France deuers le Roy de Castille, pour confermer les alliances des Roys de Frâce & d'Espagne. Oudit an enuoya le Roy de Frâce grand nōbre de gens d'armes & de Francs-archiers dedans la ville & cité de Bordeaux. Et ordōna faire deux chasteaux en icelle cité pour tenir le peuple en subiection: dont l'un estoit situé sur le bort de la riuere, & l'autre à l'autre bout de la ville, du costé de deuers Biarn: & estoient pour la fortification d'iceux chasteaux faire faire ordōnez & commis le Comte de Clermont, le seigneur de Santrailles Bailif de Lyon, le gouverneur de la Rochelle, sire Iean Bureau Maistre de ladicte ville, & messire Guichart le Boursier: lesquels feirent grosses diligences de faire besongner de iour en iour esdits chasteaux, qui seront fort merueilleusement à resister contre tous hommes: & mesmement à tenir les habitans & demourans en icelle ville & cité en subiection plus qu'onques-mais n'auoient esté. En ce mesme temps & an print le Duc d'orth le gouvernement du Roy d'Angleterre, & feit mettre en prifon le Duc de Sombresset & de Clocestre: c'est à sçauoir le Duc de Sombresset en la grosse tour de Londres, & celui de Clocestre ou chateau de Proufroït. En ce mesme temps & an le Comte de Charrolois fils de monseigneur le Duc de Bourgongne, espousa la fille du Duc Charles de Bourbon, & mourut le Roy d'Espagne en l'age de cinquante ans qui fut grand dommage: car il estoit bon, sage & beau Prince. Et celui an mourut le Pape Nicolas qui estoit encores en sa force. Mais il fut empoisonné comme il fut trouué quand il fut ouuert par les Physiciens, & fut esleu Pape Calixte. En cest an mesmes au mois de Feurier le Roy d'Angleterre manda aucuns des seigneurs de son pays, & leur remonstra commēt le Duc de Sombresset & le Duc de Clocestre

de Clocestre ses propres parens & de son sang estoient prifonniers, si vouloit bien que fils n'estoient bien grâdement trouuez chargez de cas criminels touchans contre sa maiefté royale qu'ils fussent deliuez, dont ils furent d'accord, & mesmement le maistre & gouverneur de Londres dit qu'il les deliureroit en baillant bonne & seure caution d'estre à droit: & tantost apres la deliurâce desdits seigneurs vint le Duc de Sombresset en pouoir & auctorité, & tellemēt qu'il eut le regime & gouvernement du Roy: & ce voyant le Duc d'Iorth il se departit de la court & s'en alla le plus secrettement qu'il peut en son païs, doutant que le Duc de Sombresset ne luy feit desplaisir. En ce mesmes temps fut prins le seigneur de Leparre, lequel autresfois en allant contre son serment auoit esté querir les Anglois, pour remettre en leurs mains le païs de Bourdelois, ainsi fut traistré à son souverain & naturel seigneur le Roy de France: & combien que ladicte trahison eut esté toute manifeste: neantmoins le Roy à la derniere prinse de Bordeaux soy mōstrant tousiours bening & misericors, luy remeit la vie, & fut tant seullement banny du païs de Guyenne & de Bourdelois: & puis par l'instigation de l'ennemy d'enfer sous ombre d'un fausçōduit, il cuidoit encores mettre de rechief ledit païs de Bourdelois es mains d'iceux Anglois, comme plus faulx & desloyal traistré que par auant. Et pource que l'escriure dit. *Quia nullum absconditum quod non sciatur, nec occultum quod non reueletur.* Qui est à dire, que nulle chose tant soit secrettement ne muſſeement faicte, ne peut estre celée qu'elle ne soit sceüe, ne demourer lōguemēt chose mal-faicte impunie. Ce venu à la cognoissance du Roy, il fut prins & mené en la ville de Poictiers & sur ce questionné. Et apres par luy la chose confessée fut iudiciairement condamné à mort, & fut baillé au bourreau lequel luy osta le moule de son chapperon: c'est à sçauoir la teste, & puis fut escartellé & mis en six pieces & pendu en diuers lieux, comme l'en a accoustumé de faire en tel cas qui peut estre exemple à tous autres.

Cy dit comment le Comte de Charrolois se maria à ma damoiselle Ysabeau de Bourbon: puis parle comment le Duc Philippe de Bourgogne retourna des Allemaignes: Et comment il vint à l'Isle & Arras où il fut honnorablement receu.



Penultime iour d'Octobre audit an liiij. que le Duc Philippe de Bourgogne estoit retourné des Allemaignes, mōseigneur Charles son fils Comte de Charrolois, espousa en la ville de l'Isle ma dame Ysabeau de Boutbon sa cousine germaine par dispense de saincte Eglise, le Duc estāt en Bourgogne & par tant ne fut point aux nopces: mais la Duchesse y fut, & fut le mariage si soudain que plusieurs dirent lors que le Comte n'en sceut riens, qu'il ne fut à vn iour pres: mais son pere le voulut ainsi & luy manda & commanda bien estroitement qu'il s'en deliurast, ce qu'il feit comme bon fils & obeissant à son pere. Aucuns aussi disoient qu'il faisoit conscience de prendre sa cousine germaine. Aucuns autres disoient qu'il se fut plus volentiers allié par mariage en Angleterre à la fille du Duc d'Iorth qui tendoit à la couronne d'Angleterre. Et quoy qu'il en fut il se maria lors au gré de son pere, à ladicte cousine: & se maintint si bien & si honnorablement avec elle que gens mariez ne le pourroient mieus faire, si qu'il fut renōmée que

onques puis qu'il fiança il ne cogneut autre femme. Encores à sa recômandatiô en l'absence de son pere, estâs és Allemagnes qu'il eut le gouuernemêt des paÿs de son pere. Il eut grace de bien aimer iustice & d'estre tresbien conditionné, si non de trop tost soy informer & de croire trop legierement les premiers rapports qu'on luy faisoit, qui est vne perilleuse condition en grand seigneur. Enuiron la my Feurier dudit an cinquantequatriesme, vint à l'Isle le noble Duc Philippe de Bourgongne où il fut receu de ses subiects moult honorablement. Et tost apres c'est à sçauoir le xxiiij. iour dudit mois il alla à Arras, où il fut encores receu plus honorablement & à moult grand ioye, pource que longuement auoit demouré, & que Dieu l'auoit ramené des Allemagnes sain & sauf & sans encombrir.

Cy parle des grans tailles & aydes que le Duc leua en ses païs pour aller à son voyage de Turquie: puis dit comment il feit Euesque du Treth son fils Bastard, lors Euesque de Theroüenne: & comment il meit à obeïssance aucuns rebellans audit Euesque.

En iours apres que le noble Duc Philippe de Bourgongne eut esté receu & festoyé en sa ville d'Arras, il feit illec conuenir & assembler les trois estats de son paÿs d'Arthois, & leur feit remonstrer commêt il auoit voué d'aller en arme contre le Turc: & auoit voulenté déterminée d'y aller à toute sa puissance au cas que le Roy son seigneur luy vouldroit garder ses paÿs & les tenir en seurté, & que pour faire le voyage luy estoit necessité d'auoir l'ayde de ses bons vassaux & subiects: & pourtant leur demanda & requist qu'ils luy vouldissent ayder de quatre aydes môrans à lvi. mille francs monnoye royale. Surquoy iceux trois estats parlerent ensemble. Et finalement luy accorderent trois aydes montans à xliij. mille francs, par condition que sil n'alloit audit voyage ils n'en payeroient riens: & le bon Duc leur respondi que voirement il n'en vouloit nuls s'ils n'y alloient. Puis s'en alla en ses autres paÿs de Flandres, de Hainault & de Brabant, là où il leur feit pareille requeste: & ils luy accorderent grans aydes à leuer esdits paÿs pour luy ayder à faire ledit voyage.

Comment l'Euesque du Treth trespassa: Et commêt le Duc de Bourgongne alla en Hollande pour en faire Euesque David son fils Bastard: comment le Roy de France meit en sa main le Dauphiné: puis met les conquestes que feit le Blanc cheualier sur les Turcs: & ce qui en ce temps aduint au Royaume de Naples.

1455.

El'an de grace mil cccc. lv. trespassa l'Euesque du Treth qui est en Allemagne tenant au paÿs de Hollande: & comme le Duc Philippe de Bourgongne eut de longue main pensé d'y vouloir mettre vn sien fils Bastard nommé David, lors estant Euesque de Theroüenne, il auoit prié du viuant de leur Euesque aux chanoines du Treth, se le cas aduenoit que leur Euesque allast de vie par mort, qu'en faueur de luy ils vouldissent eslire pour estre leur Euesque sondit fils David: mais neantmoins ils n'en feirent riens, ains esleurent le Preuost de leur Eglise frere germain du seigneur de Broderode, vn grand Baroni de Hollande parent dudit Duc Philippe: de laquelle election le Duc non content enuoya à Romme, & besongna tellement avec le

Pape

Pape qu'il donna son Euesché du Treth à son dit fils, mesmement le luy auoit le Pape donné des le uiuant l'Euesque du Treth: & pourtant tost apres la mort dudit Euesque, le Duc s'en alla à la Haye de Hollande, & contendit par doux moyens & par prieres enuers ceux du Treth, affin qu'ils voulsissent son fils recevoir à Euesque, ce qu'ils ne voulurent faire: & à ce faire fut en Hollande depuis la S. Remy, l'an lv. iusques à la S. Iean Baptiste, l'an cinquante six.

Comment le Comte de Clermont & le seigneur de Loheac Marechal de France & plusieurs autres capitaines, prindrent & meurent en la main du Roy la Comté d'Armignac & de Rouergne. Et meurent l'Archeuesque d'Aux en possession.

CVdit an lv. ou mois de May le Roy de France enuoya le Côte de Clermont, le seigneur de Loheac Marechal de France & plusieurs autres capitaines en la Côte d'Armignac. Et pareillement enuoya le Côte de Dâpmartin, le Baillif d'Eureux & plusieurs autres au pays de Rouergne à l'encontre dudit Comte d'Armignac, pource qu'il n'auoit point voulu obeïr à mettre l'Archeuesque d'Aux en possession & faïssine de l'Archeuesché: lequel estoit esleu à bõ droit, & de ce auoit ses bulles du Pape. Et vouloit ledit Comte qu'un nommé de l'Estin contre tout ordre de droit le fut, & l'auoit bouté en ladicte cité, & fait prendre possession contre le gré & vouloir du Roy. Et pource que ledit Comte auoit posé ledit de l'Estin de fait & de force, le Roy moult indigné sur ce, enuoya gens d'armes deuant la cité de Lestore, pour y mettre le siege: laquelle se rendit aux gens du Roy & pareillement toutes les places de ladicte Comté, celles de Rouergne & celle du Valdore. Et ainsi perdit ledit Comte toutes ses terres pour la rebellion qu'il auoit fait au Roy, car forte chose est de regiber contre l'aguillon. Et ce fait s'en retournerent lesdits seigneurs & capitaines où le Roy ordonna. Oudit an Henry Roy d'Angleterre par le conseil du Duc de Sombresset, manda tous les grans seigneurs de son Royaume pour venir deuers luy en leur simple estat, pour ordonner (comme il disoit) des haultes affaires de son Royaume, dont il vint vne grand partie à Londres, & se pensa le Duc d'Iorch qu'il se trouueroit, & de fait se mit en chemin & partit de son pays à tout mille combattans. Et luy venoient de quatre à cinq mille combattans: desquels mille combattans fut le Roy & ceux de Londres bien aduertis, & non pas des autres qui venoient apres. Si se delibera le Roy & le Duc de Sombresset accompagner du Comte de Northombeland & de plusieurs autres seigneurs, & de ce qu'ils peurent finer hastiuement des gens de dedans Londres de le ruer ius, tous esbahis de ce qu'il venoit en armes sur les champs, & ne scauoit riens de la compagnie qui suiuoit ledit Duc d'Iorch de loing. Pourquoy le Roy se mit sur les champs & cheuaucha luy & son ost, tellement qu'il rencontra iceluy Duc. Et tantost sans quelque proces comencèrent les parties à frapper les vns sur les autres. Et là fut si fort combattu qu'il en y eut grand foison de mors d'un costé & d'autre: toutesfoies la victoire de la iournée demoura audit Duc d'Iorch. Et furent tuez lesdits Ducs de Sôbresset & Comte de Northombeland, & plusieurs autres tant seigneurs qu'autres, iusques au nombre de iiij. à cinq cens hommes. Et mesmement fut le Roy nauré & percé d'une fleche parmy le col, & fut en grand aduenture de son corps. Et print le Duc d'Iorch

plusieurs prisonniers tant seigneurs, nobles qu'autres. Lesquels il mena à Londres avec le Roy, & là furent les vns deliurez, & les autres punis selon leurs demerites. Et de ceste heure fut tout le gouuernement du Roy renuersé, & demoura ledit Duc d'Iorth gouuerneur du Roy d'Angleterre & du Royaume feul & pour le tout. En ce temps se retrahit ledit Comte d'Armignac quand il eut tout perdu és royaumes de Nauarre & d'Arragon.

Comment le Roy de France fut mal content de son fils le Daulphin s'en estre allé deuers le Duc de Bourgongne sans son congé. puis parle d'aucunes ordonnances faictes par le Pape Calixte pour le faict de la Chrestienté.

1456.



N l'an mil quatre cens lvj. le Roy sachant son aîné fils estre patty de son païs du Daulphiné, & s'en estre allé és païs du Duc de Bourgongne desirant de parler audit Duc, fut mal content de ce qu'il ne luy en auoit riens fait sçauoir. Et pource qu'il doubtoit qu'il ne cteut mauuais conseil, & qu'il ne se gouuernast autrement que par raison, pour euitter à tous inconueniens qui par faute de gouuerneurs se pourroient ensuiuir, affin qu'il fut plus enclin à se reduire & venir en obeïssance deuers luy, comme vray fils doit faire à son pere, il se transporta au païs de Daulphiné à tout noble & puissante compagnie de gens d'armes: & la print & meit en sa main toutes les rentes & reuenües. Ensemble toutes les villes, forteresses & chasteaux d'iceluy païs, affin que sondit fils ne peut de riens iouïr esperant de le retraire par ce moyen: & enuoya gens d'armes en plusieurs & diuers lieux pour garder les passages, comme à Pontoise, à Compienne, en la Brie & ailleurs, en rescriuant aux bonnes villes, qu'on ne baillast aucun passage audit Daulphin n'entrée en bonne ville ne à ses gens, aussi sans estre les plus forts, & mesmement pource qu'il luy sembloit trop volage & plain de sa vouléité, comme le Roy l'auoit aperceu clerement, en tant que quand il se partit d'avec le Roy son pere il ne demanda congé que pour quatre mois, & il'en demoura à sa grand desplaisance bien pres de dix ans. En ce mesme temps furent faictes certaines ordonnances par le Pape Calixte pour le fait de la Chrestienté, & indulgences données à tous ceux qui mettroient à execution le contenu d'vnes bulles données par ledit Pape, lesquelles ont esté publiées par predicateurs en plusieurs lieux d'icelle Chrestienté. En ce mesme an furent enuoyez certains articles au Roy par les ambassadeurs du Duc de Bourgongne, touchans le fait du Daulphin son fils. En ce mesme temps feirent les Hongres ou païs de Hongrie vne grand destuccion sur les ennemis de la foy de Iesus-Christ, par le conseil de sire Jean Capestrain disciple iadis de S. Bernardin: & par le cōseil d'un sage & puissant chevalier appelé messire Guillaume Blanc, furent boutez hors & expellez de la cité de Belgrade, en laquelle y auoit grād planté de Turcs, lesquels furent tous morts iusques au nombre de quinze mille, & n'en eschappa onques homme que tous ne fussent occis & mis à mort. Et vindrent grans osts accompagnez d'autres Turcs: lesquels furent le lendemain vaillamment combattus par les Chrestiens, & tellement qu'il mourut de rechief cent mille Turcs entre soleil leuant & soleil couchant. Et là estoit en personne le Souldam de Perse, principal capitaine de tous lesdits Turcs. Lequel voyant telle desconfiture estre sur ses gens, s'en fuit

fuit avec vn pou de ses gens en vne cité nommée Boibe, & de là en la Grece. Apres se transporterent ledit cheualier nommé le cheualier Blanc, & toute sa cōpagnie deuant ladicte cité de Boibe, laquelle fut par eux gaignée & y meirent à mort deux mille Turcs. En apres en enluiaunt leur bonne fortune par l'ayde de Dieu, gaignerent plusieurs citez & chasteaux. C'est à sçauoir la cité Bastiliane Vlgaria, Fastigia, Emere & vne autre cité nommée Angasta, qui estoit moult belle cité. En laquelle moururēt & furent destruits xv. mille Turcs. Et à celle iournée mourut cinq mille Chrestiens, desquels Dieu mette leurs ames en Paradis. *Quia dignus operarius mercede sua.* Depuis prindrent lesdits Chrestiens S. Vincēt, & la ville de Valence avec le chasteau, & tellement procederent que tout fut conuertý à la foy Catholique. Ce fait s'en allerent lesdits Chrestiens pour gaigner de plus en plus, & prindrent la ville & chasteau de Flagis: puis prindrēt Gaudadalo: apres prindrent Porrus: apres prindrent Stauengier & Chastouen: & là furent destruits iiii. mille Turcs & la cité gaignée: mais il y mourut cent Chrestiens que Dieu absolue. Et tantost apres entra toute la cōpagnie d'iceux Chrestiens en la terre de Grece: & là gaignerent vne grande cité nommée Glotuafe, où ils tuerent x. mille Turcs: & de là s'en fuirent & delaisserēt tous les chasteaux, villages, villes closes & murées & autres forteresses estant esdictes marches, & s'en allerent en la Prouince de Caldée qui est empres Constantinople: & ainsi leur demoura la terre & le peuple & grād partie du pays d'Occident & de Grece. Apres furent prins sur lesdits Turcs la cité de Latheris, celle de Glamus & le chasteau aueques plusieurs autres places, forteresses & villages. Apres lesquels allerent à toute puissance tous les Chrestiens estās assemblez en icelles parties. Et là furent nombrez tous les Turcs qui auoient esté destruits, deux cens mille en huict vingts citez, & villes murées, & quatre cens chasteaux & autres forteresses. Ceste dicte conqueste fut relatée pour mettre és chroniques, & affermée sur les saintes Euāgiles de Dieu, & sur le vœu de prestise par venerables ecclesiastiques personnes messire Ieā Valate prestre, messire Patrice Tournaille aussi prestre, & Andrieu Valate homme lay tous trois estans du Dyocese d'Vmbrianum en Dacie: & fut nauré ledit cheualier Blanc d'vne lance en la derniere bataille tresgriefuement, & tant que necessité le contraignit soy tetraire en la cité d'Auguste: en laquelle il alla de vie à trespas: Dieu face mercy à l'ame de luy cōme chose bien desseruite. Et pareillement fut fort nauré le Turc & se retrahit en Constantinople, où il fut malade par certaine espace de temps. Interrogez par le Chroniqueur de France les dessusnommez par le serment que dit est: Comment ils sçauoient les choses deuant dictes estre vrayes, ils deposerent qu'ils auoient esté & assisté personnellement en toutes les batailles en armes, à cōbattre: & pour les grans perils de mort où ils auoient esté s'estoient voüez à mōseigneur S. Denys, & en plusieurs autres pelerinages, qu'ils auoient intētion d'accomplir auant que iamais ils retournassent en leurs pays. Et se monstroient (cōme il sembloit) bien affectez au fait de la Chrestienté. Et depuis se partit ledit Turc de Constantinople pour retourner en son pays. Oudit an le samedy iiii. iour de Decembre enuiron trois heures deuant le iour, se meut vn terremote és contrées de Naples, de Puille & de Calabre, & tel qu'il n'est homme qui le peut penser s'il ne l'auoit veu, dont se sont ensuiuis grans maux & innommetables, tels

& en la maniere qui s'en suit. Tout premieremēt est fondue & perie vne cité ou dit Royaume nommé Arriano, en laquelle sont morts huiēt mille personnes. Item vne autre cité nommée Padule où demouroiēt trois mille personnes, qui ont esté tous morts sans en eschapper vn. Item vne autre terre nommée Bouchery, & en telle maniere qu'il n'est hōme qui sceut dire qu'onques eut veu ausdits lieux, citez, villes, chasteaux ne forteresses, excepté ceux qui les ont veues par auāt qu'elles fussent fondues ou peries. Item est allé en ruine par ledit Terremote la moitié d'une cité nommée Troye, en laquelle est mort grand peuple. Item est allé par terre la plusgrand partie du chasteau & ville de Canosse par ledit Terremote. Item les citez d'Ascoly, de S. Agathe, le chasteau d'Arpy & plusieurs autres. Item en la Côte de Molese sont fondus en abisme la cité de Campobasso, la cité de Laurentino, le chasteau de S. Iulian, la cité de Macona, le chasteau de S. Lou, les chasteaux de Castine & de la Rippe, & aussi plusieurs terres de la Comté d'Alteuille fondues comme dessus, & esquelles sont morts xxviij. mille personnes. Item en la cité de Naples a eu par ledit Terremote aucun dommage, & par especial plus aux Eglises qu'aux edifices de ladicte cité, & dura ledit Terremote par l'espace de trois iours, & en aucunes parties plus longuemēt. Et est à sçauoir que depuis le iij. iour dudit mois iusques au vij. includs, sont morts cēt mille personnes, cōme il a esté relaté par gēs de diuerses contrées, qui sçauent la chose estre vraye. Itē a esté mis en ruine par ledit Terremote en vne nuit le chasteau de Sanguine, le chasteau de Presole, & la Roche de Capoa, & n'y est demouré muraille ne maison. Item a mis en ruine ledit Terremote la moitié de la cité de Sermone & le chasteau d'Oliueto, esquels sont morts cinq cens personnes, & ou chasteau de Pesolo six cens. Et pareillement ou chasteau de Thoquo est mort le seigneur, & toutes les personnes qui estoient dedans. Item en vne nuit meit en ruine ledit Terremote la prinse du mur d'Ancone deuers la porte d'Elmote. Itē a eu aussi tresgrand dommage és edifices de Capoa, d'Aversa, & de Beneuento & le chasteau de Lusano, qui est chose bien forte & difficile à croire, qui ne l'auroit veu. Ceste grande & merueilleuse perte fut enuoyée au Marquis de Ferrare en escrit par messire Hercules son frere, qui estoit ou Royaume de Naples avec le Roy d'Arragon, & escrit à Rougia le vij. iour de Decembre mille cccc. lvj. Oudit an lvj. le premier iour de l'an le Roy estant à S. Prier ou Dauphiné pres de Lyon, Oētho Castelan Florētin argētier du Roy fut prins sur le pōt de Lyon par Isā de la Gardette Preuost de l'Hostel du Roy, pource q̄ le Roy auoit esté informé & aduertī q̄ ledit Oētho auoit fait certaines carecteres à l'encōtre & au preiudice de sa persōne: car il auoit fait certaines images, par lesquels par art diabolique il deuoit auoir le gouuernemēt du Roy, tellemēt que le Roy feroit tout ce qu'il plairoit audit Oētho: & aussi estoit son complice Guillaume Gouffier, lequel longuemēt fut tenu en prison pour sçauoir la verité du fait: & fut ledit Oētho mené prisonnier à Toulouse au Parlement, là où il auoit demouré longuemēt tresorier pour le Roy, & ledit Gouffier fut mené à Tours, & en l'an lvij. fut condamné par le Chancellier ou grand cōseil du Roy à perdre tout ce qu'il auoit, & estre banny: mais le Roy luy feit grace qu'il ne perdit fors les offices qu'il tenoit de luy, & fut remis à ses biens autres, & banny à vingt lieues du Roy: & fut condamné à mille escus pour les frais

frais & despens qui auoient esté fais pour luy . Item auoit ledit Otho commis le peché de Sodomic, pourquoy il fut remené à Tours l'an lvij pour estre sentencié, &c. Combien qu'il fut depuis amené à Paris és prisons du Palais, pource que plusieurs disoient qu'il auoit appelé à Parlement. Et au regard de la cōclusion, ie m'en rapporte à ce que fait en a esté : car il a esté transporté de prison en autre, parquoy m'est incogneüe la diffinition. Oudit an fut en ce Royaume grand année de pluye. Pou apres le Duc de Sauoye & sa femme vindrent deuers le Roy & eut la fille du Roy vn fils du Prince de Piemont, ainsé fils du Duc de Sauoye, lequel l'auoit espousée . En ce tēps vint l'ambassade du Roy d'Espagne pour confermer l'alliance des deux Royaumes : en ce temps vint le Prince de Nauarre deuers le Roy demander la Duché de Nemours : en ce temps vint le Cardinal d'Auignon, de Bretagne venant de canoniser S. Vincent de l'ordre des Iacobins en la cité de Vennes . Pou apres vint le Cardinal deuers le Roy pour auoir vn dixiesme sur les gens d'Eglise de ce Royaume pour aller sur les Turcs, comme il disoit .

Comment le Duc de Bourgogne mena son fils en Hollande à grande armée & le mit en possession paisible de l'Euesché du Treth, & contraignit par siege ceux de Deuenter d'obéir au nouuel Euesque ce que faire ne vouloient .



Vand le Duc Philippe veit que par amour ne par priere il ne pourroit son fils mettre en l'Euesché du Treth, il manda gens d'armes en Picardie & Hainault, & ils y allerent bien xiiij. mille combattans. Et lors changerent ceux du Treth leur propos, & receurent son fils à Euesque soubz certaines conditions . C'est à sçauoir que le frere du seigneur de Brederode qui eut esté esleu, auroit de pension sa vie durant sur l'Euesché du Treth quatre mille Francs tous les ans, & sur l'Euesché de Theroüenne deux mille francs : Et pour les fraiz & despens auroit cinquante mille lyons pour vne fois. Et outre seroit ledit esleu premier Conseillier du Duc au païs de Hollande à mille Florins de Rin de gages chacun an : & moyénant ces choses se deporta de son Euesché, duquel l'en dit communemēt qu'il vaut bien tous les ans cinquāte mille mailles de Rin. Ces choses ainsi faictes & traictées, le Duc Philippe entra dedans la cité du Treth à toute sa compagnie le v. iour d'Aoust l'an lvj. là où il fut receu honnorablement, & le lendemain sondit fils y entra en armes grandement accompagné, & dit la messe en la grande Eglise le Dimenche ensuiuant. Et tantost apres s'en alla le Duc à toute son armée vne bōne ville assieger de l'Euesché du Treth, nommée Deuenter, pource qu'ils ne vouloiēt obéir à leur nouuel Euesque. Et issirent ceux de la ville sur luy, & l'escarmoucherent si durement qu'il en y eut de morts de l'vne partie & de l'autre : Mais en fin furent ceux de la ville rebouttez dedans leur ville. Et au iiij. iour apres fut vn bouleuert qu'ils auoient fait moult fort deuant leur porte, si fort battu d'engins à pouldre, que ceux de dedans mesmes voyans que ne leur pourtoient tenir, y boutterent le feu & l'ardirent de nuit : & y fut depuis le siege tenāt iusques enuiron la fin de Septembre, que ceux de dedans enuoyerēt deuers le Duc & promirent d'obéir à toutes les autres villes dudit Euesché. Entre-temps que ces traictes se faisoient, le Duc de Gueldres qui auoit espousée la niepce du Duc

Philippe, de laquelle il auoit vn beau fils, aagé de xvj. ans ou enuiron : & lequel Duc de Gueldres auoit promis audit Duc Philippe luy faire seruite, & luy auoit habandonné son païs, & ses places. Neantmoins il feit vne hastiue alliance avec ceux de Frise, & l'assemblerent en tresgrand nombre pour ruer ius le Duc Philippe, qui iamais ne s'en fut doubté : mais sa niepce aduertie de la mauuaistié & trahison que son mary vouloit faire à son oncle, s'embla vne nuit de la place où elle estoit : print son fils avec elle & vne compagnie de ses gens, & s'en alla deuers son oncle, qui tenoit encore le siege deuât Deuenter, & l'aduertit de celle grande mauuaistié que son mary luy vouloit faire : ceste cy fut la cause pourquoy le Duc Philippe se hastia plus de prédre traitié à ceux de Deuenter : si que le traitié fait & passé & les seurtez sur ce faictes, le Duc leua son siege le xxvij. iour de Septembre, oudit an lvj. s'en retourna au Treth, & du Treth à la haye de Hollande, laissant Dauid son fils paisible Euesque du Treth, puis deffist son armée : bon gré deuoit sçauoir à sa niepce du bon aduertissement qu'elle luy feit : car s'il fut demouré deux iours plus à son siege, le Duc de Gueldres & les Frisons luy eussent couru sus, ainçois qu'il eut riés sceu de leur entreprinse, qui luy eut peu tourner à grād meschief, & au Duc de Gueldres à grād reproche, atredu qu'il auoit espousée la niepce du Duc Philippe (côme dit est) & q̄ le bō Duc Philippe auoit leur fille mariée & enuoyée au Roy d'Escoce à ses propres despens, & autres plusieurs biens & hōneurs qu'il auoit fais au Duc de Gueldres.

Comment le Duc d'Alençon fut prins & mis en prison : & comment les Turcs surēt desconfits en Hongrie miraculeusement : & par là ainsi d'aucunes choses estranges qui aduindrent oudit an lvj.



Vdit an lvj. és festes de Penthecouste ou tost apres, fut prins en la ville de Paris le Duc d'Alençon : & le print par le commandement du Roy le Comte de Dunois bastard d'Orleans, & fut enuoyé à Melun, & de Melun fut mené deuers le Roy, & fut trouué (si que disoit cōmune renommée) qu'il auoit machiné avec les Anglois de prendre à mariage pour son fils ainé la fille du Duc d'Orth au desceu du Roy, & qu'il deuoit mettre les Anglois en ses places au grand peril & nuisance du Roy, & par especial de sa Duché de Normandie : lequel cas il confessa, & partāt fut mis en estroicte prison, là où il fut tenu & enfermé estroictemēt iusques apres le trespas du Roy, & tost apres sa prinse courut vne voix, que le Duc de Bourgongne estoit consentant de ce que machinoit le Duc d'Alençon avec les Anglois : dont le Roy fut si mal cōtēt, qu'il feit crier par son Royaume & deffendre sur la hart, qu'il ne fust hōme ne femme qui plus en dōnast charge à son beau frere de Bourgōgne, ne parlast en quelq̄ maniere q̄ ce fust cōtre l'hōneur dudit Duc de Bourgōgne.

O V D I T an lvj. ou mois de Iuing apparut en l'air vne comette à longue queue en la partie de soleil couchant, & tiroit sa queue vers Angleterre, & apparut illec plus de trois sepmaines : en cest an aussi furent les vins nouueaux si vers que les vieils vins furent plus requis que les nouueaux, pource qu'ils valoient trop mieux, & qu'ils estoiet plus vineux. En celle année aussi le grād Empereur des Turcs nommé Morbefan, assiegea vne bōne ville & chasteau nommée Belgrado, scāt sur la fin de Hongrie, & y tint le siege plus de iiij. mois & demy, dōt il eut

il eut si grand despit qu'il iura vn iour deuant ses gens qu'il feroit celle ville assaillir, & qu'il la prédroit par force, ou il y mourroit & toutes ses gés. Or estoit en l'ost du Turc qui en aduertirent ceux de la ville, affin qu'ils feussent sur leur gardes: & ils le feirēt sçauoir à Ouidianus vn des plus nobles & des plus puissans Princes de Hongrie, lequel tout incontinent assembla bien ix. cens hommes de cheual & xl. mille pietôs de toutes sortes, & par la Dunoe entra de nuict en celle ville à toute son armée, que le Turc n'en sceut riens: car il ne tenoit son siege que par terre, & ne faisoit point garder celle grande riuere de la Dunoe: il y entra la nuict de la Magdaleine que le Turc la deuoit assaillir, sicomme il dit: car pour son sermenr accomplir, il ordonna que la tierce partie de ses gens assauldroient celle ville des minuict, & l'assaillirent aussi trelaigrement. Et elle fut si biē deffendue qu'ils en furēt reboutez. Et dura leur assaut iusques à huit heures du matin, dont s'aduança l'autre tierce partie des Turcs & assaillirent la ville plus asprement que deuant: mais aussi fut la ville si bien deffendue qu'ils furent retraens, & les conuint retraire. Et lors incontinent s'aduança le Turc mesmes en personne accompagné de ses gentils-hommes & des plus vaillâs de son ost, & reçōmença l'assault par si grande à hatine, qu'il dura celle tierce fois depuis quatre heures apres midy que le second assaut fut rebouté, iusques au midy du lendemain qui fut xx heures, qui fut vne terrible chose & merueilleuse peine à ceux de dedans de porter lesdits trois assaulx cōtinuels, sans auoir repos: & tellement qu'ils furent si las & si trauaillez, qu'ils ne se pouoient plus ayder, & cōmencerent les Turcs à entrer dedans la ville à puissance. Entre les Chrestiens estoit leās vn moult deuot Cordelier nommé Cappristanus, lequel en ce point que les Turcs entroient en la ville print l'image d'un Crucifix, & le porta en la main iusques au plus hault lieu du chasteil. Et en soy escriāt tout hault dit les parolles qui ensuiuent. *O Deus meus, Deus meus: O altissime pater veni in adiutorium, veni & libera populum quē redemisti pretioso sanguine tuo: Veni noli tardare. Deus meus ubi sunt misericordia tua antiqua, veni ne Turci & increduli dicant ubi est Deus eorum.* En disant lesquelles parolles le Cordellier ploroit moult fort, & lors que les Chrestiens l'eurēt oüy & entendu, ils se trouuerent cōme tous fraiz & rous nouueaux & cōme se parauant ils n'eussent senty mal ne douleur: & assaillirent les Turcs qui entroient en la ville si durement qu'ils les occirent presques tous: & les autres meitent en fuite & les chasserent bien huit lieues tousiours tuans & affollans ceux qu'ils pouoient attaindre, & tellement qu'en la ville qu'aux champs ils en tuerēt plus de cent mille, & si cōquirent toute l'artillerie du Turc, & rant d'autres biens & de richesses que ce fut vne grand merueille. Entre autres choses ils gaignerent xj. grosses bōbardes, dont les six auoiēt xxxij. quartiers de long, & vij. quartiers de hault, & plus de cc. autres petites bombardes & canôs. Ceste miraculeuse victoire venue à la cognoissance du Pape, qui lors estoit, il la signifia par ses lettres Apostoliques par toute la Chrestienté: & ordōna d'en faire és Eglises processions & oraisons, & que graces & louēges en feussent à Dieu rédues. Et entre autres choses ordonna de sonner l'Ante Maria apres dîner entre deux & trois heures que le miracle aduint, ainsi comme on le sonne par coustume au soir en toutes Eglises, & entretiēnt ceste maniere de sonner apres dîner en plusieurs Eglises ou Royaume de France.

Comment Loïs de Valois aîné fils du Roy de France s'en vint à refuge au Duc Philippe de Bourgogne. Puis parle d'aucunes autres besongnes qui aduindrent en ce temps.



Vdit an mil cccc. lvi. Loïs de Vallois aîné fils du Roy de France Daulphin de Vienne, se tenoit lors & demouroit en son Daulphiné, & se y estoit tenu dix ou douze ans, pource que son pere estoit mal content de luy: & disoient aucuns que c'estoit pource qu'il traictoit trop durement ses subiects ou Daulphiné, & especiallement les Eueſques, Prelats & gens d'Eglise en prenant leurs biens contre leur gré, pour conduire & entretenir son estat: dont aucuns le excusoient aucunement, pource que le Roy son pere ne luy donnoit plus riens: aucuns autres disoient que celle haine du pere au fils venoit pour cause de la mort de la belle Agnes, qui mourut par poisons: dont aucuns le souspeçonnerent, pource que iceluy Daulphin auoit plusieurs fois blasné & murmuré cōtre son pere pour la dessusdictē belle Agnes: laquelle pour veoir auoir esté la plus belle femme, ieune & en bō point, que l'en pouoit regarder, & qui estoit en la grace du Roy plus beaucoup que n'estoit la Royne: & à laquelle faisoient plus d'honneur & de seruice les plus grans seigneurs du Roy, qu'ils ne faisoient à la Royne qui estoit moult bonne dame & hōnorable, dont le Daulphin auoit tresgrād despit, & que par despit il luy feit la mort aduancer: & toutesfois depuis que la belle Agnes fut morte, la damoiselle de Villequier sa niepce teint son lieu deuers le Roy, lequel en ses derniers iours vouloit ades, auoir en son seruice les plusbelles damoiselles que l'en pouoit recouurer en tout son Royaume. Quelle que la cause fut de celle haine du pere au fils, le Roy ordonna au Comté de Dampmartin messire Anthoine de Chabannes d'aller en Daulphiné à vne bonne compagnie de gens d'armes, pour prendre son fils le Daulphin, & le luy amener ou par force comment qu'il fut: & couroit lors cōmune renommée que sil y fut venu, le Roy luy eust fait tresdure compagnie: & qu'il eust fait Roy Charles son autre fils aîné: mais il ne fut prins ne trouué. Car quand il fut de ce aduertý il feit semblant vn soir de vouloir aller chasser le lendemain, & commanda que le disner fut tout prest au bois où la chassese feroit. Laquelle chose venue à la cognoissance du Comte de Dampmartin, il se meit en aguet & en ordonnance pour prendre le Daulphin à celle chasse: Mais le Daulphin qui se doubtoit de tout ce que l'on machinoit contre luy: le lendemain au matin que l'on cuidoit qu'il alast à la chasse, print six ou sept de ses plus familiers & montez sur bons cheuaux: d'auantage se prindrent à cheminer vers le païs de Bourgogne, autant comme leurs cheuaux en pouoient souffrir: & ne cesserent de cheminer iusques à ce qu'ils furent venus à S. Claude, vne ville de Bourgogne: & leur fut bien besoing de cheminer ainsi roidement: car s'ils eussent tardé quelque pou le Comte de Dampmartin les eust r'atint, qui le suiuoit à trac au grand exploit.

QUAND doncques le Daulphin fut venu à saint Claude, il trouua tost apres le Prince d'Oranges à Nasere, qui le receut honnorablement. Et lors qu'il luy eut ouý dire qu'il se doubtoit d'estre poursuiuy, & qu'il vouloit aller tout le plus tost qu'il pourroit deuers le Duc de Bourgogne: le Prince manda hastiement

uement le Marechal de Bourgongne, lequel vint incontinent bien accompagné de gens de guerre : & se partirent sans tarder pour tirer au pays de Brabant. A la verité ceste cy fut vne merueilleuse besongne : car le Prince d'Orenge & le Marechal de Bourgongne estoient deux des hommes du monde que le Daulphin auoit les plus haïs, pource que par plusieurs fois ils luy auoient ses hommes destrouffez & ceux de son pere, quand ils entreprenoient sur les marches de Bourgongne, que le Duc vouloit garder non estre violez ne desrobez. Mais necessité qui n'a loy, amena celle fois le Daulphin à refuge à ses plus grans haineux pour soy en ayder à son besoing. Car le Marechal de Bourgongne le conduisist & le mena si bien par les pays du Duc de Bourgongne, qu'ils vindrent sauuement à Louuain : & de Louuain s'en allerent à Bruxelles. Et lors incontinent il enuoya deuers le Duc en Hollande par l'un de ses gens signifier sa venue. Lequel bon Duc desirant le recevoir & festoyer comme fils aîné de son souverain seigneur, se hasta le plus qu'il peust de recevoir ceux de Deuancer à traité pour retourner en son pays de Brabant. Si tost doncques qu'il fut retourné à Bruxelles, il trouua le Daulphin & le receut tant honnorablement pour l'honneur du Roy, & pour l'honneur de sa personne, que Prince n'en eust sceu plus ne mieux faire : & luy assigna tout incontinent trois mille francs pour chacun mois pour maintenir son estat : & si luy pria qu'il esleust en ses pays telle place qu'il vouldroit pour soy retraire, & il luy feroit deliurer. Et le Daulphin demanda Genepe vn chastel en Brabant bien assis & en belle place, là où il se tint & demoura par longue espace de temps, à quatre lieues pres de Bruxelles. En ceste année courant. lvi. meslire Thibault de Luxembourg seigneur de Fienes, frere du Comte de saint Pol, vëuf de la fille du seigneur d'Antoing : de laquelle il auoit plusieurs enfans, se rendit moyne de citeaux, nonobstant ce que en sa ieunesse il eust esté bien mondain. Enuiron la fin du mois d'Octobre tost apres la venue du Daulphin en Brabant, le Duc de Bourgongne enuoya vne notable ambassade dont fut chief le seigneur de Chimay grand Baillif de Hainault deuers le Roy de France, pour le contenter de ce que son fils estoit ainsi venu à luy : & pour luy dire comment pour l'honneur de luy il l'auoit receu, & qu'il luy feroit tout le mieux & le plus d'honneur qu'il pourroit. Lesquels ambassadeurs demourerent longuement, ainçois qu'ils eussent audience ne expedition : mais randis qu'ils y seiournerent, le Roy enuoya gens d'armes à compiegne & à Soissons qui sont villes prochaines du pays du Duc de Bourgongne. Lequel Duc (doubtant que le Roy ne luy voullist faire guerre, & aussi en doubterent plusieurs gens) feit son mandement en ses pays de Picardie, de Flandres & de Hainault, pour tout homme mettre en armes pour soy deffendre se le Roy le vouloit assaillir. Enuiron Noël oudit an lvi. trespassa de ce monde Charles Duc de Bourbon, & luy succéda son fils aîné qui estoit de par sa mere nepueu dudit Duc de Bourgongne.

Cy parle du maualens & courroux qui fut entre le Duc Philippe de Bourgongne, & Charles Comte de Charrolois son fils. Et comment le Daulphin les appaija : puis dit comment la Comtesse de Charrolois accoucha d'une fille : & parle de aucunes autres choses qui aduindrent lors en diuers lieux.



E xviij. iour de Ianuier audit an lvi. le Duc de Bourgongne estant à Bruxelles meut vn debat entre le seigneur de Quijeuram & le seigneur d'Aymeries tous châbellans du Comte de Charrolois, pource qu'en l'absence du seigneur d'Auxy son premier chambellan, chacun d'eux se vouloit preferer à son compaignon: & vouloit bien leur maistre que le seigneur d'Aymeries allast deuant l'autre: dont quâd ce vint à la cognoissance du Duc, il manda son fils & luy commanda qu'il preferast le seigneur de Quijeuram au seigneur d'Aymeries: le fils respondit au pere qu'il n'en feroit riens, & que iamaïs ceux de Croÿ ne le gouuérneroient ainsi qu'ils l'auoient gouuerné. De laquelle responce le Pere fut si trefoutré d'ire & de courroux, qu'il vouloit courre sus à son fils & luy commanda qu'il vuidast tous ses pays. Le fils s'en alla aussi forment courroucé & dolent. Et comme la nuict fut venue le Duc ainsi troublé qu'il estoit, demanda vn cheual & monta dessus & s'en alla tout seul aux champs, iacoit ce qu'il pleust trespben, & tost apres se trouua en vn bois & se perdit illec, si qu'il ne sçauoit où il estoit: mais si bien luy vint qu'il adressa à la maison d'vn pource homme qui demouroit là & coucha leans celle nuict: & tout au plus matin se fait mener & conduire par son hoste droit à Geneppe, & au departir donna à sa Guide huit florins de Rin.

En celle mesme nuict se meirent à suiur le Duc aucuns de ses gens, si que le lendemain il se trouua grandement accompaigné, & s'en retourna à Bruxelles. Et tost apres pardonna à son fils son mauualent à la requeste & priere des plusgrans de son hostel, & especiallement du Daulphin: mais il fait bannir de tous ses pays deux des seruiteurs de son fils, pource qu'il les souspeçonna d'auoir conseillé à son fils ce qu'ils auoit fait contre son gré des deux chambellans dessus nommez. Aduint tantost apres côme le Daulphin & le Comte de Charrolois fussent allez chasser ensemble en vn bois, & vint sur le soir qu'ils couroient par le bois, separez l'vn de l'autre, que le Daulphin se perdit en ce bois luy troisiésme de ses gens. Et cuidant le Comte de Charrolois qu'il fut retourné à Bruxelles s'en reuint sans luy. Et adonc quand le Duc le veit ainsi reuenue sans le Daulphin, il se courrouça trespurement, & fait son fils remonter à cheual & autres en grand nombre à torsins & à lumiere, & leur chargea qu'ils le querissent par tout, & feissent tant qu'ils le trouuassent: & ils feirent si bonne diligence qu'ils le trouuerent qu'il estoit eslongné de Bruxelles bien huit lieux, & le ramenoit à Bruxelles vn payfant, auquel il auoit donné vn escu d'or: & par ce moyen le trouuerent plustost ceux qui le requeroient, & eurent moult grâd ioye quand ils le trouuerent: & aussi eust le Duc quand il le veist retourné. En celle mesme année le xiiij. iour de Feurier, la Comtesse de Charrolois accoucha d'vne fille en ladicte ville de Bruxelles, & la teindrent sur sons le Daulphin & la Duchesse de Bourgongne, & la dame de Rauestain: & la nomma le Daulphin Marie en l'honneur de la Royne sa mere que l'on nommoit Marie: de la naissance de celle fille feirent grand feste tous ceux du pays du Duc, & en furent faits feux & bonnes villes & graces & louenges rendues à Dieu. Vn pou de temps apres le Duc de Bourgongne renuoya deuers le Roy son ambassade: c'est à sçauoir le seigneur de Chimay & messire Symon de Lalaing, pour certifier au Roy comment le Daulphin estoit de sa propre volenté venu deuers luy, & pour

trouuer

trouuer moyen que le Roy fut content. En ce mesme temps mourut le Patriarche d'Antioche frere du Chancelier de France, de l'Archeuesque de Reims, & d'un autre cheualier en armes. Tous lesquels quatre freres estoient tresbien en la grace du Roy de France, & estoit leur surnom de Iouuenel.

Comment l'ambassade du Roy de Hongrie vint à Tours deuers le Roy de France: & comment ils y furent receuz honnorablement. Comment nouvelles leur vindrent du trespas dudit Roy de Hongrie: & comment les Francoys prindrent d'assault Sandwich.



N l'an mil cccc. lviij. le Roy de France affectant de insulter ses ennemis, & par especial les terres Sarrazines & autres estans contre la foy 1457.
Chrestienne, feit alliance avec le Roy de Hongrie trespuissant Prince, & Roy de trois Royaumes: c'est à sçauoir de Hongrie, de Pologne & de Boëme. Par le moyen desquelles il deuoit auoir ma Dame Magdaleine fille du Roy de France en mariage: & pour icelle fiancer furent enuoyez par ledit Roy plusieurs grans seigneurs de chacun d'iceux Royaumes, comme Barons, cheualiers & autres: & mesmement des gens d'Eglise, comme l'Archeuesque de Coulongne & l'Euesque de Patameuse & plusieurs autres tant nobles que autres, iusques au nombre de cinq à six cens cheuaux: lesquels allerent deuers le Roy vestus de diuers habits selon la coustume de leur pays: & arriuerent en la ville de Tours, le Roy estant au Montis & la Roynie & sa fille estoient à Tours: & là presenterent à la Roynie vne robe de drap d'or semée de perles & de pierrerie moult riche, & vne autre pareille à la fille: & auoient amené vn chariot branlant moult sumptueux & moult riche. Au deuant desquels ambassadeurs allerent iusques à vne lieuë ou environ plusieurs grans seigneurs de l'hostel du Roy. Et quand ils furent arriuez, ils furent moult haultement receuz du Roy & de toute sa compaignie, en grand chiere de boire & de manger: & par especial le Comte de Foix les festoya moult grandement le ieu dy deuant Noël en l'abbaye S. Iulien de Tours, là où estoient tous les seigneurs & les Princes estans à la court. Là eurent lesdits seigneurs tresgrand habondance de viandes, les plus precieuses & delicieuses qui se peurent trouuer. Comme faisans, perdrix, oustardes, grues & oayes sauuages, connins sans nombre, chapons de haulte gresse, six vingts quartes d'ypocras tant blanc comme rouge, entremets, morisques d'enfans sauuages saillans d'une roche, chantes, trompettes & clarons, & plusieurs autres choses moult nobles: tant que le disner cousta en somme xviij. cens escus, & en grans & riches dons. Et feirent tousiours grande & bonne chiere, esperant tousiours l'un desdits seigneurs, de fiancer par procureur apres Noël pour le Roy de Hongrie ladicte fille de France: & pour ce qu'il est escript, que souuent ce que l'homme propose au contraire Dieu en dispose: ainsi le lendemain de Noël vindrent au Roy de France trespiteuses nouvelles de la mort & trespas de ce treshaut, puissant Prince le Roy de Hongrie: parquoy luy & toute seigneurie fut fort troublée & feirent grand dueil. Et adonc le Roy ordóna son seruice & funerailles estre faits en la ville de Tours, en la metropolitaine Eglise de monseigneur S. Gratien, tant en sonnerie, luminaire, de torches, & cierges en grand & excessif nombre, comme à vn tel Prince appartenoit. Et adonc le premier iour de l'an reuolu, prindrent congé du Roy

pour eux retourner en leur pays, & vindrent parmy la ville de Paris, où ils furent grandement receuz : & allerent au deuant d'eux iusques au moulin à vent hors de la porte S. Jacques toute la seigneurie estant lors à Paris. Ils auoient gens establis à coucher dessus leurs chariots enchainnez de grosses chaines quelque froidure qu'il feist, qui estoit bien nouuelle chose : & estoient fermées à serrure & à clef que l'un des gouuerneurs emportoit au soir, quand il s'en alloit coucher. En l'Eglise de nostre Dame fut fait vn notable seruice, & y eust grand luminaire tant en torches, cierges comme autrement. Lesdits Hongres estans à Paris faisoit grans gelées, glaces & verglas parmy Paris pour les eues qu'on iettoit deuant les huis des maisons. Pourquoy les seigneurs n'osoient aller parmy la ville ne à pied ne à cheual : mais auoient vn traineau tout quarré de bois sans rouës, & se faisoient trainer à vn cheual ou à deux, eux assis dedans par tout où ils auoient à besongner, tant à visiter la ville & la cité comme autrement. Eux estans à Paris allerent visiter la noble & royalle Eglise de monseigneur S. Denys, où ils furent notablement receuz du conuent l'Abbé absent : & estoit ledit conuent en chappes, & furent receuz à la porte de ladicte Eglise : & leur fut porté à baisser vne croix d'or plaine & semée de pierre, en laquelle y a vne partie du fut de la vraye croix : fut aussi porté le texte de l'Euangille, aspergez d'eau benoiste & encensiers. Et fut la reception telle, qu'on eut peu faire au Roy de Hongrie deffunct s'il y feust venu en son viuant. En icelle Eglise leur fut monstré tout le tresor, les vestemens du sacre, & les corps Saints qui sont en ladicte Eglise en chacune chappelle : & aussi les sepultures des Roys & des Roynes, inhumez en icelle Eglise : dequoy ils furent bien ioyeux : & y auoit vn des poursuiuans du Roy qui estoit leur Trucheman, ordonné de par le Roy, pour ce qu'il scauoit leur lagage : puis s'en retournerent audit lieu de Paris, & de là en leur pays. Le vingt & vnième iour du mois d'Aoust oudit an partit de Honnesseu messire Pierre de Brezé, seigneur de la Varenne & Comte de Mauleuriet, accompagné de Robert de Floques Baillif d'Eureux & de plusieurs autres seigneurs bien accompagnez de gens d'armes, & de traict, iusques au nombre de quatre mille combattans. Et le vingtcinquième iour dudit mois dudit an, se partirent lesdits seigneurs de la Fosse & de l'Eure & teindrent la mer, & allerent en plusieurs lieux sans aucune aduerture trouuer ne descendre en terre par la grãd importunité du temps. Le dimanche ensuiuant vingthuitième iour dudit mois, ils descendirent à deux lieues de Sauduich en Angleterre, environ heure de six heures du matin de seize à dixhuit cens combattans, & se meirēt en trois batailles bien ordonnées, & marcherent deux grosses lieues à pied, & trouuerent de tresmauuais chemin : & cheuaucherent iusques à vn boulleuert remparé nouuellement, duquel les fosses estoient plains d'eau. Auquel boulleuert ils trouverent deux estandars garnis de traict, & y fut donné vn assaut biē aspre, où plusieurs furent blecez des deux costez : il y mourut plusieurs Anglois : & par force d'armes fut gaigné ledit boulleuert, & desemparé par lesdits Anglois, lesquels se retrahirent en la ville. Le Baillif d'Eureux qui estoit en l'arrieregarde, demoura durant ledit assaut sans partir : & apres que ledit boulleuert fut prins & gaigné, ne marcha ne auant ne arriere nullement, & ainsi auoit esté ordonné. Les aucuns alloient par mer & menoient avecques eux plusieurs combattans,

battans, & arriuerent en la dessusdicte ville. Et quand ceux de pied le sceurent ils furent moult ioyeux, & leur fut vn tresgrand resconfort veu la belle ordonnance & le bon gouuernemēt en fait de la guerre, qu'ils tenoient. Laquelle chose voyans les Anglois furent moult affoiblis. Et y auoit vn guidon du Comte de Dunois que portoit Guillaud de lanoilhac. Dedās le Haure de ladicte ville fut trouué vne grande carraque & trois nefes de guerre, où estoient retraits plusieurs Anglois qui portoient & eussent porté pour lors grand dommage à la compaignie: mais le grand Seneschal de Normandie enuoya deuers ceux qui estoient esdictes nauires, & leur manda que s'ils ne cessoient de traire il feroit brulter lesdictes nauires. Et lors fut prins appoinctement qu'ils seroient esdictes nauires, & cesseroient de faire guerre, pourueu que leurs personnes seroient sauues. Lequel appoinctement fut tenu de point en point. Et ce mesme iour fut ordonné par ledit grand Seneschal, & fait commandement à tous que nul si hardy à peine de mort ne touchast aux biens des Eglises, & que l'honneur des femmes fut gardé, & que l'on ne boutast feu, ne ne fut aucun tué de froit sang. Lesquelles choses furent bien honnorablement entretenues sans les enfreindre. Et à celle heure entrerent les gens de pied dedans ladicte ville de Sauduich par la porte, & ceux de la mer par le haure. Ausquels donnerent lesdits Anglois bien à besongner: car tousiours se deffendirent & rallierent en chacun quarrefour d'icelle ville: & si bien feirent les François qu'ils rebouterent lesdits Anglois hors de ladicte ville à bien grand peine, & meirent leurs enseignes aux portes: ausquelles se tengerent lesdits François comme besoing leur fut, car les Anglois se rallierent à grand puissance. Et vindrent illec plusieurs des patties voisines: lesquels auoient esté aduertis que les François deuoient venir audit Sauduich, & par leur fierté disoient qu'ils n'en croioient riens iusques au veoir. Lesquels Anglois qui tousiours enforçoient, teindrent les escarmouches hors des portes cōtre lesdits François biē dix heures sans rōpre: & en y eut plusieurs blecez des deux costez, & des Anglois morts à chacune saillie. Illec furēt fais cheualiers iusq̃s au nōbre de trente. C'est à sçauoir Robert de Floques dit Floquet Baillif d'Eureux, Thibault de Tarmes Baillif de Chartres, Iean Charbonnel seigneur de Cheureuses & plusieurs autres: lesquels dessusdits le feirēt grandement & vaillamment. Enuiron cinq heures apres midy, au regard aux escarmouches qui auoient duré fort & longuement sans rompre: & que tousiours lesdits Anglois enforçoient, & que les François auoient esté longuement sur la mer en grand tourment, pour l'importunité du temps, qui leur auoit esté fort contraire: fut aduisé que retraicte se deuoit faire, & que trop grieue chose seroit à leurs gens de porter le faix de la nuit apres les grans trauaulx qu'ils auoient souffert: considéré qu'il en y auoit plusieurs de blecez, & la plupart qui n'auoient beu ne mangé toute iour se pou uoir: & aussi que tousiours venoient Anglois fraiz de tous costez. A ladicte traicte n'y eut autre dommage sur lesdits François, fors en vn boquet, où estoient xij. hommes de guerre, lequel esfondra: & pource enuoya les ix. qui fut grand dommage: car ils auoient fait le iour bien leur deuoir. Dieu leur pardoint par sa grace, & leur face vray mercy & à tous les autres. Se n'eust esté la grand foison des vins, qui estoient dedans ladicte ville de Sauduich, dont plusieurs archiers se chargerent plus que besoing ne

leur en estoit: le grand Seneschal & toute sa compaignie y eussent demouré toute la nuit: mais ils s'en partirent avec plusieurs grans biens & richesses, & plusieurs nauires grâs & petits gaignez au haure de ladicte ville. Entre lesquels nauires auoit trois grans nefs de guerre, & s'en vindrent poser l'ancre à la rade, à deux lieües dudit Sauduich: duquel lieu ils festoient partis au matin, & là furent iusques au mercredi ensuiuant. Les Anglois estoient tousiours en bataille en grand nombre à terre au traict d'un canon, les vns des autres. Et le ieu dy ensuiuant se partit le dit Seneschal avec toute sa compaignie, & auoit grand foison prisonniers, & plusieurs autres biens: & vint arriuer à ladicte fosse de l'Eure, & de là à la ville de Honneleur, où lesdits prisonniers furent mis à finance & le butin party. Celuy an fut chere année par tout le Royaume de France, & en plusieurs autres lieux mortalité.

Comment le Duc Philippe de Bourgogne mena le Daulphin à Bruges, où il fut receu à tresgrande ioye, & à moult grand honneur: puis parle de plusieurs autres choses qui lors aduindrent. Puis dit comment les Francois prindrent & pillerent Sauduich en Angleterre.



Ost apres Pasques oudit an mille cccc. lvij. se partit de Bruxelles le Duc Philippe de Bourgogne, en la compaignie du Daulphin aîné fils du Roy Charles de France: & pour aller à Bruges passerent par Audenarde & par Courtray. Esquelles villes iceluy Daulphin fut honnoré & receu moult noblement. Puis allerent à Bruges, là où ceux des nations vindrent au deuant d'eux moult richement habillez, & montez & autres des bourgeois, iusques au nombre de huiet cens, & tant de peuple que sans nombre, pour faire feste & honneur audit Daulphin & pour complaire à leur seigneur.

Le premier iour de Iuillet ouditan, se tint vne journée aux champs entre S. Omer & Grauelines, où furent le Comte d'Estampes & le Bastard de Bourgogne, pour & ou nom du Duc, & le Comte de Vvaruich pour le Roy d'Angleterre, pour reprimer plusieurs courses & entreprinſes, que faisoient les Anglois es païs du Duc: & tellement y fut besongné qu'il y eust trefues octroyées entre les parties pour huiet ans. Le x. iour dudit mois de Iuillet oudit an lvij. Madame Charlotte de Sauoye, fille du Duc de Sauoye espouse du Daulphin, fut amenée deuers sondit maty en la ville de Namur par le seigneur de Montagu: par lequel il l'auoit enuoyée querir, & fut illec leur mariage consommé & parfait: le quel auoit esté commencé cinq ans deuant sans toucher ensemble, si comme aucuns disoient. Et n'estoit point adonc le Duc Philippe audit Namur, ains estoit allé en Picardie & sur la riuere de Some, pour cognoistre l'intention de ceux de S. Quentin, de Corbie, d'Amyés & de Abbeuille: pource que rumeur estoit illec entour, que le Roy auoit tout preste vne grosse armée, & ne ſçauoit où il la vouloit employer: & couroit la renommée qu'il estoit tresmal content du Duc, cuidant qu'il teint son fils avec luy contre son gré & pour le contempner: & pourtant estoit allé le Duc esdictes villes à luy appartenâs par le traicté d'Arras, pour les aduertir & prier se le Roy leur enuoyoit gens d'armes pour mettre en leurs villes, qu'ils ne les voulsissent receuoir. Mais se le Roy y venoit en sa personne,

personne, qu'ils luy feissent ouuerture & honneur, comme à son souuerain seigneur. Ce que lesdictes villes luy accorderent bien & voulentiers. Enuiron la fin dudit mois de Iuillet, furent arses en la ville de Dourdrech en Hollande par feu de meschief bien deux mille maisons, & plusieurs personnes, qui fut vne chose moult pitoyable.

O V D I T an enuiron la fin d'Aoust, monterent en mer & partirent de Normandie vne grand compaignie de François, faisans courre vne voix qu'ils alloient en l'ayde du Roy d'Eſcoce, contre les Anglois. Mais ils allerent prendre port & descendre à Sauduich en Angleterre, & la prindrent d'Assault, ainçois que ceux du pays enuiron se peussent assembler pour resister aux François: & pillerent toute la ville, là où ils gaignerent beaucoup. Mais n'y arresterent que vne marée de mer. Car s'ils y eussent plus demouré tous y fussent demourez, par le grand effort des Anglois, qui y affuioient de toutes parts: de celle armée fut le chief le seigneur de la Varenne Seneschal de Normandie, & là furent faits cheualiers nouueaux Floquet, Charlot des Mares, Porrus de Liques & aucuns autres iusques au nombre de vingt gentils-hommes. A cest assaut furent morts ccc. Anglois, & de François enuiron xxx. Puis s'en retournerent en Normandie & departirent leur butin qui fut grand. D'autre part vn pou deuant entrerent en Angleterre vne compaignie de Bretons, & bouterent les feux en aucuns lieux, pillerent aucuns villaiges, & puis s'en retournerent en Bretaigne sans faire long sejour, affin d'euitier plusgrand peril pour eux: car les Anglois s'assemblerent incontinent pour les trouuer & ruer ius: mais ils ne les trouuerent point. En celle mesme année ou mois de Septembre, vindrent à Bruxelles deuers le Duc Philippe de Bourgongne ambassadeurs du Roy, l'Euesque de Constances & autres en petit nombre, remonstrer au Duc aucunes choses touchant ce que le Daulphin se tenoit avec luy, dont le Roy n'estoit pas content.

Cy parle d'un different estant lors entre le Duc Philippe de Bourgongne & le Comte de saint Pol: puis parle du Roy de Hongrie qui enuoya demander à mariage la fille de France.

Comme des l'an lvj. le Duc Philippe de Bourgongne comme Comte de Hainault, eust fait prendre en sa main la terre d'Enghien, appartenant au Comte de S. Pol, assise oudit pays de Hainault, & n'eust touché nulle autres des terres dudit Comte, assises ou Royaume de France es pays dudit Duc, le Comte de S. Pol de ce desplaisant & desirant s'en appaiser avec le Duc, luy enuoya prier & requerre, que son plaisir fut qu'il se peust trouuer deuant sa personne, pour ouir ce dont l'en le vouloit charger, & pour y respondre ainsi qu'il appartiendroit: & pour y aller feit requerre saufconduit du Duc: à quoy le Duc respondit qu'il ne deuoit point demander de saufconduit, s'il ne se reputoit son ennemy. Et le Côte feit replequer & dire au Duc que son ennemy ne se reputoit il point, mais son vray & loyal subiect. Ains le demandoit pour sa seureté, & pour euitier à l'ire ou fureur de son Prince: pource qu'il auoit entour luy de ses plus prochains conseilliers, qui ne l'aymoient guerres, & qui mettoient le trouble entre eux deux: & pource n'estoit point cōseillé

de foy trouuer deuant luy fil n'auoit faufconduit. Finablement le faufconduit luy fut enuoyé. Renommée couroit lors que le Comte de S. Pol reputoit pour son hayneux le seigneur de Croÿ premier Chambellan, & principal conseiller du Duc: pource que long temps par auant le Comte de S. Pol, & le seigneur de Croÿ auoient fait le mariage de l'ainé fils dudit seigneur de Croÿ, & de la fille dudit Comte: & auoit le seigneur de Croÿ icelle fille avec la dame de Croÿ sa femme. Laquelle il nourrissoient comme leur enfant, pource que trop ieune estoit pour marier: & ne sçay pourquoy le Comte soy repentant de ce mariage, eust bien voulu l'auoir sa fille pour la marier plus haultement: & pour la r'auoir enuoya secrettement l'un de ses fils, où elle estoit: mais le seigneur de Croÿ aduertit de toutes ces choses, y pourueut si sagement, qu'il parfeit le mariage & le feit coucher ensemble, ainçois que le fils du Comte de S. Pol y sceust mettre remede. Ceste cy estoit la cause de leur haine. Le Comte doncques garny de faufconduit du Duc, vint à Bruxelles deuers le Duc à deux cens cheuaux ou plus, grandement accompagné de nobles hommes: & le lendemain qui fut enuiron la my Septembre, eust audiëce: & present le Duc fut accusé d'auoir occis ou fait tuer certaines personnes, qui luy furent nommées, & d'auoir prins ou fait prendre plusieurs biens d'aucuns gens à tort, & contre iustice. Pour lesquelles causes & autres, le Duc auoit fait mettre en sa main ladiëte terre d'Enghien: & si luy fut dit qu'il recognoist mal les biens qui auoient esté fais à luy, & aux siens par le Duc & par ses predecesseurs. Aufquelles charges le Comte respôdit, qu'il estoit & auoit tousiours esté prest de seruir & obeir le Duc, & qu'il le tenoit pour si bon & si beniuolent, que fil n'auoit qui le greuast enuers luy, qu'il esperoit qu'il seroit content de luy, se son plaisir estoit de le vouloir ouïr à part, & de tout en tout il se submettroit en sa bonne grace: & se à part ne le vouloit ouïr, estoit content de respondre à toutes les charges à luy imposées illec presentement & publicquement. A quoy il fut receu: mais quelque excusation qu'il dit ou qu'il feit dire, il ne peut obtenir d'auoir la main leuée de sa terte d'Enghien, & s'en retourna sans riens faire celle fois.

OV DIT AN lvij. vindrent en la ville de Tours en Touraine ambassadeurs du Roy Lancelot Roy de Hongrie, & de Behaigne en beau nôbre & notable, pour sept cens cheuaux ou plus: entre lesquels estoient vn Archeuesque, douze ou treize Barons & cheualiers, & autres trente gentils-hommes: & si auoient bien xxvj. chariots bien attelez & richement, pour porter leurs bagues. Mais ainçois qu'ils entrassent en la cité, enuoya le Roy Charles de France à leur encôtre tous les plus grans de son hostel en grand nombre, pour les honnorer & amener en la ville: & si sifirent à leur encontre de l'Eglise, & du peuple moult honorablement: le Roy pour le iour residoit en vne place nommée les Montis, là où il se tenoit volentiers, & auoit esté malade, pourquoy il conuint lesdits ambassadeurs sejourner à Tours dix iours, ainçois qu'ils eussent audience: puis s'en allerent à ladiëte place le xvij. iour de Decembre oudit an, là où ils trouuerent le Roy & la Royne, leur maisné fils Charles, & Dame Magdaleine leur fille, & plusieurs autres nobles gens. Eux venus deuant le Roy & la reuerence faicte, ledit Archeuesque de Bolisdaïen feit la proposition en Latin telle qu'il l'auoit prise de son seigneur, & remonstra au Roy tout premierement le prochain lignai-

ge, l'amour & beniuolence que de tous temps auoient eu l'un enuers l'autre, les Roys de France, & de Hongrie, & de Behaigne: disant oultre que pour l'entretènement de ladicte amour & beniuolence le Roy Lancelot leur souuerain seigneur, les auoit enuoyez deuers luy. Quand, dit il, paix & amour sera entre vous deux, qui seroient ceux ou monde qui vous pourroient nuire? Tes predecesseurs & noz souuerains seigneurs les Roys de Hongrie & de Behaigne ont de tout temps esté alliez ensemble, & presentement sommes à toy venus pour celle mesme cause. Tu es la coulomme de la chrestienté & mon souuerain seigneur est l'escu. Tu es la chrestienne maison, & mon souuerain seigneur est la muraille. Plusieurs autres belles parolles dit il au Roy, & en conclusion luy requist & demanda sa fille Dame Magdaleine en mariage, pour le Roy Lancelot son seigneur, laquelle il auoit fait demander autresfois plus simplement que à ceste cy. Et pource le Roy voulant entendre au parfait dudit mariage, ordonna de ses principaux conseilliers, pour communiquer avec ceux de l'ambassade: mais les premiers iours furent employez à festoyer lesdits ambassadeurs, de disners & de banquets moult riches & plantureux: puis l'un seigneur puis l'autre. A tous lesquels mangiers estoient toute la seigneurie de la court de France, Ducs, Comtes, Barons, cheualiers & escuyers, & les dames & damoisselles en si noble arroy, que c'estoit noble chose à regarder de heraux & de poursuuians, de trompettes & de menestrelz, tant que sans nombre: mais par dessus tous les autres le disner que leur feit tout premier le Comte de Foix, passa tous les autres en mets & en entremets, merueilleusement beaulx à regarder: dont des entremets le premier fut vn chasteau à quatre petites tours: aux cornets du chasteau, & ou meillieu vne plus grosse tour à quatre fenestres: & à chacune fenestre vn visage de damoiselle, ayans ses beaux cheveux iaunes, comme fin or, espars sur les espauls: & ne veoit on que les visages & cheveux: & au sommet de celle tour estoit vne banniere armoyée des armes du Roy Lancelot: & autour des quatre petites tournelles, estoient les armes des chiefs de l'ambassade: & dedans la grosse tour à couuert, estoient six ieunes fils chantans illec tresmelodieusement, si qu'il sembloit que ce fussent les damoisselles. Le second entremets estoit la semblance d'un Tigre, qui est vne terrible beste, à corps gros, court & amassé, deux courtes cornes & agues au front, & dens de sanglier: dedans laquelle beste estoit vn homme mussé, qui la faisoit remouoir comme selle fut enuie, & iettoit feu par la gueulle moult terriblement: & le portoient quatre gentils-hommes abillez à la mode de Byarn, dansans à la façon du pays. Le tiers entremets fut vne grande roche, où estoit vne fontaine & grand planté de connins Blancs & autres: de laquelle roche issirent cinq petits enfans sauuages, qui se prindrent à dancer la Morisque. Le quart entremets fut vn tresbille escuyer, semblant estre à cheual moult gentement vestu, & bouchié luy & le cheual: auquel bien aduenoit de faire saillir & bondir le cheual, & tenoit en sa main vn pot paint de diuerses couleurs: & de ce pot sailloient roses, marguerites & autres fleurs: & au dessus estoit vn tresbeau liz bien chargé de fleurs de liz, & le mit sur la table. Puis vint auant vn gentil-homme, portant vn paon en vie, qu'il mit sur la table, pour vouer ceux qui vouer voudroient, se aucuns en y auoit. Et lors vouerent deux des

cheualiers de l'ambassade: l'un de faire armes, & l'autre de iouster: finalement furent portez à la grande table plats plains d'espices confites en maniere de dragée, faictes en semblance de cerfs, de biches, de sangliers, d'ours & de singes, de lyons, de licornes & de tigres, & d'autres diuerses bestes: & en chacun plat estoient les armes de ceux que l'en seruoit à ce dîner, & apres le dîner les dances.

Cy parle de la mort du Roy Lancelot de Hongrie, pour lequel le dueil fut grand à la court du Roy de France. Puis parle du trespas de Jean de Cymbres Roy de Chippre, & du trespas du Duc de Bretagne: à laquelle Duché succeda Artus Comte de Richemont son frere.

LA veille de Noël l'an lvij. vindrent nouuelles à la court du Roy de France que le Roy Lancelot estoit allé de vie à trespas, tandis que les seigneurs de France s'enforçoient de festoyer ses ambassadeurs en la cité de Tours, comme dit est. Et partant leur feste mua en si trefgrand dueil, que ce fut vne grand merueille & pitié à regarder, especiallement des ambassadeurs qui cognoissoient la volenté de leur seigneur, & le grand desir qu'il auoit d'auoir à mariage la fille du Roy de France: non pas par conuoitise d'auoir avec elle terres ne seigneuries, or ne argent: mais seulement par droicte amour & faueur desir, qu'il auoit d'estre allié au Roy de France, luy qui estoit ieune de l'aage de dixhuiet ans. Cognoissans aussi iceux ambassadeurs la grand ioye, estant à la court du Roy pour celle alliance, & la grand feste que l'en leur faisoit par tous les lieux, où ils passoient, pour honnorer celle noble fille de France, qu'ils eussent emmenée avec eux. Et pourtant se leur dueil fut grand ne fait à demander. Celle mort fut celée au Roy Charles six iours, tant pour sa maladie affin qu'il n'en empirast, comme pour le supporter d'un grand dueil qu'il auroit. Et fut le seruice fait en l'Eglise de S. Martin de Tours moult solemnel, ainçois que le Roy en sceust riens: mais ou mesme iour luy fut celle mort reuelée, dont il demena moult grand dueil. Et le lendemain se meirent au retour lesdits ambassadeurs tant desplaisans que plus ne pouoient. Celle mort fut rapportée au Duc Philippe de Bourgogne des le iour de Noël, pour laquelle il demonstra signe de grand dueil, pource que le Roy Lancelot & luy estoient prochains de lignage: nonobstant qu'il cogneust assez, que celle alliance d'iceux deux Roys, ne se faisoit que pour le greuer, & par especial pour luy tollir la Duché de Luxembourg, qu'il auoit conquise tant par acqueste comme par armes. Laquelle Duché disoit à luy appartenir le Roy Lancelot: & estoit lors commune renommée qu'il l'auoit donnée par testament à Dame Magdaleine de France, & qu'il auoit ordonné son executeur le Roy Charles, pour en faire iouir sa fille: dont neantmoins le Duc Philippe de tout aduertie ne se soucioit gueres. Et tantost apres Noël fait faire en sa ville de Bruges un trefnoble obseques, pour le salut de l'ame dudit Lancelot. Commune renommée fut adonc que le Roy Lancelot mourut de venin, que luy donnerent aucuns de ses gouuerneurs, doubtrant s'il auoit la fille de France qu'ils ne fussent estloignez de leur gouuernement: car depuis qu'il eut prins la poison, il ne vescu qu'une heure.

heures. En celle année aussi trespassa de ce monde Iean de Cuymbres Portugalois, nepueu de la Duchesse de Bourgongne, allié par mariage à la veufue Roynie de Cypre, & à cause d'elle Roy de Cypre qui fut vn grand dommaige: car il auoit tresbeau commencement de bon & vertueux Prince. En ce temps aussi trespassa le Duc de Bretaigne sans laisier hoir de sa chair, & escheut la Duché à son frere Artus Comte de Richemont Conestable de France, lequel fut Duc apres son frere.

Comment le Roy Charles de France fut moult grief malade: & comment tost apres il enuoya signifier au Duc Philippe de Bourgongne, qu'il prenoit en sa garde les terres du Damoiseau de Rodemac, & de la responce du Duc. Puis parle d'autres choses, de gelées, de neiges, & de vent qui lors aduindrent.

En ce temps fut le Roy Charles de France si griefuement malade à Tours en Touraine, que l'en cuida qu'il deust mourir: & furent faictes en plusieurs lieux de son Royaume processions & prieres à Dieu, affin qu'il luy enuoyast santé: & tost apres il repola & fut guery. Si tost qu'il fut guery il enuoya vn gentil-homme de son hostel, portant ses lettres de credence au Duc Philippe de Bourgongne: lequel gentil-homme exposant sa credence au Duc, luy dist que le Roy luy faisoit signifier, qu'il auoit prins en sa garde toutes les terres du Damoiseau de Rodemac: tant celles estans en son Royaume comme celles estans hors du Royaume. A quoy le Duc respondit promptement que les terres du Damoiseau n'estoient point ou Royaume, ains estoient en la Duché de Luxembourg: & pourtant qu'il estoit son subiect, & que le Roy n'y auoit que veoir: ie voudroye, dit il, bien sçauoir se le Roy veult tenir la paix d'Arras, laquelle de ma part ie ne briseray pas: mais dictes luy que ie luy prie qu'il me face sçauoir sa voulenté & me recommander à luy: ie sçay bien qu'il n'en à nuls en son conseil qui me ayment guerres. Ceste responce faicte par le Duc, il enuoya le lendemain au matin vne secrette ambassade deuers le Roy. Ce Damoiseau de Rodemac qui ses terres auoit en la Duché de Luxembourg, auoit tousiours tenu le party du Roy Lancelot, & se tenoit contre le Duc. D'autre part le Comte de S. Pol tendant à estre Conestable de France, se tenoit lors avec le Roy, si que par telles coniectures aucuns esperoient plus la guerre que la paix entre le Roy & le Duc.

En ceste année fut hyuer si froid & si long, que la gelée dura depuis la saint Martin, iusques au dixhuitiesme iour de Feurier, si que les grosses riuieres furent tant engelées, qu'on charioit dessus en plusieurs lieux. Et en fin cheurent tant de neiges & tant de pluyes, que les eaues furent si grandes, que on les veist onques parauant, & feirent maint dommaige en plusieurs lieux. Puis fut le vent si grand & si terrible, que plus grand ne fut onques veu, & si grand qu'il abbatit en plusieurs lieux, comme bonnes villes, & villages, maisons & edifices, & tant de cheminées que sans nombre: plusieurs vaisseaux furent brisez sur la mer & riuages, si qu'il sembloit que ce fut vn deluge de vent.

ENVIRON la fin de ceste année fut vne si grand allée au mont S. Michel d'Allemands & Brabançons, & des païs environ, tant d'hommes, de femmes & d'enfans, qu'onques la pareille ne fut veüe: & ne sçauoient dire raison pourquoy ils allerent celle fois en si grand nombre, sinon subite deuotion qui à ce les mouuoit.

Comment à la requeste de ceux de Gand le Duc Philippe leur seigneur alla à Gand, & de la feste qui luy fut faicte en celle ville. Puis dit comment le Roy feit adouner le Duc pour estre avec les autres Pairs de France au iugement du Duc d'Alençon.

1458.



N l'an mil quatre cens lviii. le xxij. iour d'Auril apres Pasques, entra le Duc Philippe de Bourgongne en sa ville de Gand à la priere & requeste de ceux de la ville, non pas à leur premiere requeste: car ils l'en auoient fait prier plusieurs fois tant par le Daulphin comme par autres grans seigneurs: mais n'y auoit voulu aller iusques audit iour, qu'il y entra sans le Daulphin: car il ne voulut point mener pour certaines causes à ce les mouuans, ne son fils Comte de Charrolois, ne le seigneur de Croÿ son premier chamberlan. En laquelle ville il fut receu le plus honnorablement qu'onques fut Prince ne seigneur en sa ville: car toute la ville issit à son encôtre. C'est à sçauoir toutes gens d'Eglise reuestus & parez des ornemens de leurs Eglises, vn quart de lieüe hors de la ville. Et puis tous ceux de la iustice, tant du seigneur comme de la ville. Puis y estoient les Doyens des mestiers iusques à lxx. chacun accompagné de dix hommes de son mestier, tous vestus autrement les vns que les autres. Apres ceux cy estoient les cheualiers, & les escuyers & les bourgeois de la ville bien iiii. cens ou plus. Eux venus iusques au Duc, le Baillif de Gand luy dit, que ceux de Gand illec presens, venoient à son encounter, & luy prioient qu'il voulsist ouïr ce qu'ils luy diroient. Dont l'aduança le conseiller de la ville, & luy dit telles parolles ou en substance: Mon tresredoubté seigneur, veez cy ceux de vostre ville de Gand, qui vous requierent & supplient (& lors celle meirët à genoux & leurs mains ioinctes) qu'il vous plaise oublier les outrages & les malles vouldentez qu'ils ont eües par cy deuant, & leur tout pardonner: car ils sont prests & appareillez de vous seruir, obeïr & estre voz pources subiects, & se besoingest de mourir avec vous. Puis luy dit aucunes autres parolles à ce mesmes propos. Avec le Duc estoïent le Comtes d'Estampes, le seigneur de Raueslain & plusieurs autres iusques à trois cens cheualiers.

Ces choses dictes ils se prindrent à approcher la ville. Ceux de la ville deuant, & le Duc apres eux: lequel auoit ses heraulx & ses trompettes deuant luy, vestus de leurs cottes d'armes: & entour le Duc estoient cinquante de ses archiers de corps vestus de leurs heuëques, chacun vn vouge en sa main: à l'entrer ens, trouua le Duc les manteaux des portes mis dehors aux champs. Et de dessus la porte où il entra, descendit vne pucelle par vn engin pour ce fait, laquelle en salüant & reuerant le Duc, luy dit en latin. *Inueni quem diligit anima mea.* Qui est à dire en françois: J'ay trouué celuy que mon ame ayme. Depuis celle porte iusques à l'hostel du Duc, estoient toutes les rues tendues de riche draps: & aux fenestres des maisons estoient torches allumées tant que sans nombre, & le peuple plorant de pitié & de ioye qu'ils auoient à regarder leur seigneur, demonstans

monstrans tous tresgrand signe d'humilité. A chacun quarrefourg des rues où le Duc passa, estoient hours où l'en ioüoit d'histoires sans parler, les plus riches du monde, & grans feux allumez à chacun quarrefourg. Tant d'autres ioyeu- fetez y furent faictes, que ce sembloit vn songe, si que le Duc meit plus de deux heures à aller de la porte iusques à son hostel, pour l'occupation qu'il prenoit à regarder tant de belles histoires, & de beaux mysteres, lesquelles faisoit beau veoir. Finablement à l'entrer à son hostel, estoit vn homme vestu de la peau, & en la semblance d'un lyon, qui print son cheual par la bride & le mena dedans son hostel. Encores le lendemain ceux de la ville feirent feux de rechief, & meirent tables par les rues, beuuans & mangeans, & faisans signe de ioye ex- celliue, & de tresgrand humilité.

Cy parle de la mort du Roy d'Arragon & des signes qui aduindrent : & dit comment son bastard Ferrand fut Roy de Naples apres luy. Puis parle du Pape Pius, & de plusieurs autres choses, qui aduindrent ou temps de lors, comme de la mort du Duc de Bretagne, & de l'ambassade de Grece qui vint au Duc Philippe de Bour- gogne.



Nuiron la S. Iean Baptiste l'an lviiij. trespassa de ce monde Alphons Roy d'Arragô, de Naples & de Cecille en la ville de Naples: lequel en son temps eut esté moult riche, puissant & redoubté côme il apparut apres son trespas: car selô commune renommée il laissa à son fils Bastard, nommé Ferrand outre & avec les Royaumes de Naples, & de Cecille six millions de florins d'or monnoyé, & la chapelle qui estoit merueilleusement ri- che: ensemble tous ses ioyaux qui valoient plus d'un million d'or. Il auoit en son temps fait faire la plus grande naüe que l'on veit onques aller sur mer. Laquelle naüe estant lors à la mer, fut ramenée au port de Naples droitement le iour du trespas du Roy: & luy aduint qu'elle hura au grauier tellemēt que le mat rom- pit, & cheut si durement qu'il elcartella la naüe en plus de mille pieces, & fut pe- rie: car l'arbre estoit si gros, que cinq hommes ne le pouoient embrasser: & au cheoir feit si grand noise que ce fut grand horreur à l'ouïr. Encores huit iours apres son trespas, cheut en la salle de sôn hostel vn moult riche tabernacle, painct & doré moult gentement, qui estoit droit dessus le siege où il se seoit par cou- stume, droit à telle heure que le Roy trespassa. Ce Roy icy eut esté frere & cō- pagnô d'armes au Duc Philippe de Bourgogne: & iaçoit-ce qu'ils fussent loings l'un de l'autre: neantmoins ils s'entreaïmoient tellement qu'ils portoient les or- dres l'un de l'autre, & si ne veirent onques l'un l'autre. Le Pape Calixte qui lors estoit en entendant, que le Royaume de Naples luy fut escheu par le trespas de ce Roy, pource qu'il ne laissa onques apres luy nuls enfans legitimes, pria Ferrand le bastard dudit Royaume de Naples: & l'excōmunia, pource qu'il ne s'en voulut desister & tous ses adherés: mais tost apres que ce Pape Calixte fut tref- passé, le Pape Pius qui luy succeda rendit au Roy Ferrand le Royaume de Na- ples: & fut commune renommée que le Roy Ferrand donna à ce Pape Pius vne tresgrand somme d'or pour son absolution, & pour demourer Roy paisible de Naples. Apres que Pape Calixte eut tenue la Papalité enuiron quatre ans, il tref- passa de ce monde, & fut esleu & fait Pape apres luy vn Cardinal de Sene, nom-

mé *Ænée*, qui eut esté secretaire de l'Empereur Federich bon Orateur, & fut nommé le second de ce nom. En la saison de l'Esté de ceste année le temps fut tât sec, qu'il ne pleut comme neant depuis le mois d'Auril iusques au my mois d'Octobre: il n'estoit adonques memoire d'auoir veu plus sec Esté, & furent les vins moult bös celle année, & les bleds à bas pris: mais ce nonobstât & la beauté du temps, la pestilence courut en aucuns lieux moult terrible: c'est à sçauoir à Paris, & à Abbeuille & en plusieurs autres bonnes villes. En ceste année eut-on la S. Martin d'Hyuer, vint vne ambassade d'Angleterre deuers le Duc Philippe, lors estant en la ville de Monts en Hainault. Et fut commune renommée qu'ils estoient venus deuers le Duc pour requerre alliances de mariage, & que le Duc leur respondit qu'il ne le pouoit faire par le traicté d'Arras, sans le sceu & consentement du Roy de France, comme ne faisoit le Roy par ledit traicté avec les Anglois, sans le consentement du Duc. Apres laquelle responce ils s'en allerent deuers le Roy de France.

Cy parle de l'entrée que le Duc Philippe de Bourgongne feit en la ville de Gand: & comment les Gantois le receurent noblement. Puis dit comment le Roy de France enuoya sommer le Duc Philippe de Bourgongne pour estre du iugement au Duc d'Alencon.



Reshault & puissant Prince le Duc de Bourgongne, entra en la ville de Gand le dimenche xxij. iour d'Auril apres Pasques, l'an mil quatre cens lviii. environ de quatre à cinq heures apres midy: laquelle entrée fut faicte en tresgrand & puissant estat comme sera déclaré cy apres. Premièrement se meirent en ordonnance toutes les gens d'Eglise par maniere de procession au dehors de la ville, en faisant reuerence chacun en son endroit la plus humble & deuote qu'il pouoit. Item le Baillif & les escheuins en partie avec les bourgeois dudit lieu, furent au deuant de mondit seigneur à cheual vestus de noir, & le receurent le plus humblement & obeïssamment que faire peurent: l'autre partie desdits elcheuins furent à la porte. Et la tierce à la porte de mondit seigneur: & en chacun desdits lieux luy feirent reuerence en mettant chacun d'eux l'un des genoux à terre, en luy prelantant corps & biens, &c. Item & les Doyens des mestiers & les turez, furent aussi au dehors de la porte chacun vne torche en sa main, & en bonne ordonnance: c'est à sçauoir deux cens ou plus vestus de manteaux pers, & autant vestus de manteaux bläcs trainans iusques à terre. Item au dehors de ladicte porte outre l'eaüe, furent personnages de chacun costé de la rue: vns à maniere de prophetes, l'un faisant maniere de regarder mondit seigneur, tenant en sa main vn rollet ouquel auoit escrit *Eccē nomen domini venit de longinquo. Isaye xxx.* Et l'autre personnage fut regardant les trompettes, qui furent sur la porte. Et estoit escrit en son rollet. *Cannite tuba pariter omnes, &c.* Item au dehors & au pied de ladicte porte, estoit fait vn iardin ou vergier, ouquel estoit vne ieune fille pucelle environ de l'aage de dix ans, les cheueux pendans, vestue tressimplement de drap de damas en forme de manteau: laquelle se mettoit à genoux & à ioinctes mains, & auoit vn escriteau disant. *Inueni quem diligit anima mea. Cantic. iij.* Item l'auant-porte & aussi la porte furent tēdues de draps noir, gris & vermeil. Et ou drap de l'auant-porte ou barriere, fut escrit en lettres d'or. *Venit nobis pacificus dominus, utere ser-*

uitio

uitio nostro: sicut placuerit tibi. Iudic. ij. Et sur le drap de la grand porte, estoient les armes de mōdit seigneur à timbre. Item depuis ladicte porte iusques à la court de mōdit seigneur, furent les rues tendues d'un costé & d'autre de drap desdictes couleurs. C'est à sçauoir noir, gris & vermeil: & au noir drap estoit en escript en lettres d'argent. *Venit nobis pacificus dominus.* Ou gris. *Vt re seruitio nostro.* Et ou vermeil. *Sicut placuerit tibi.* Et au dessus desdicts draps, estoient torches cinq ou six ceus sur chacun drap: ainsi somme desdictes torches comprinfe celles qui furent deuant les maisons, & sur les bateaux dedàs la riuere de quinze à xvj mille torches. Ité dedàs la ville assez pres de ladicte porte, estoit vn personnage de l'enfant prodigue, que le pere apres la cognoissance de son meffait, receut en grace: & y estoit en escript. *Pater peccauit in celum & coram te. Luc. xv.* Ité assez pres de là, estoit vn personnage en maniere de Prophete, qui tenoit vn rollet auquel auoit en escript. *Lex clemētia in lingua eius. Proverb. xxxj.* Item en apres estoit vn eschauffault, sur lequel fut en escript le personnage de l'Empereur Gayus, ou meillieu de douze Senateurs. Et deuant luy estoit le personnage de Marcus Tullius, qui en loüant la clemence dudit Empereur, en la liberation de plusieurs prisonniers qu'il auoit prins, quand il gaigna Romme commençant. *Diurni silentij.* En laquelle oraison entre autres choses est cōceu. *Nulla de virtutibus tuis maior clementia est.* Lequel mot fut ou rabat des courtines de ladicte figure. Item en ensuiuant, estoit vne figure où estoit vn lyon noir, qui tenoit en sa patte vn estandart des armes de mōdit seigneur, & deuant vne lyonne blanche humblement couchée à terre. Et ou meillieu de deux deux, estoient trois petits lyonceaux à moitié morts: lesquels par le cry du dudit lyon reprendrēt vie, santé & consolation: & estoit illec escript. *Quasi leo rugiens: & formidabunt filij eius. Osee xj.* Item encores de là estoit vn Prophete qui en regardant mōdit seigneur, tenoit vn rollet ouquel estoit en escript. *Ecce venit desideratus cunctis gentibus. & replebitur gloria eius domus domini. Aggei ij.* Item pres de là estoit vne figure de Dauid, lequel de l'indignation qu'il eut cōtre Nabel, fut rappaisé à l'humble priere de la femme dudit Nabal par sa grande humilité, & estoit en escript. *Benedictus dominus Deus Israël quoniam te misit. Primi Regum xx.c.* Item l'autre porte fut couuerte de drap noir & gris: en laquelle estoient les armes de mōdit seigneur à timbre: & aussi les armes de chacun de messeigneurs de l'ordre de la toylon. Item dedans ladicte porte estoit vn eschauffault: & ou meillieu estoit vne fontaine, & à l'enuiron l'estat de l'Eglise triomphant. Item assez pres de là estoit vn pasteur, qui auoit retrouué les brebis esgarées: lequel tenoit vn rollet, où auoit en escript. *Congratulamini michi quia inueni ouem quam perdideram. Luc. xv.* Item apres au pont, estoit vne figure de Pompée capitaine de Rōme, qui auoit prins le Roy d'Armenie, pour les rebellions par luy commises contre les Rommains. Lequel voyans son obeissance & humilité eut de luy pitié, & le remeit en sa premiere liberté, par si qu'il luy sembloit chose d'aussi grād gloire de pardonner comme de vaincre: & y eut en escript. *Æquē pulchrum est vincere reges, &c. Valerij libro quinto capitulo.* Item & outre estoit vn autre Prophete apres de l'autre porte, qui mōstroit du doigt vers l'eauē, & tenoit vn rollet, auquel auoit en escript. *Respice domine in seruos tuos. Psalm. lxxxix.* Item en la riuere estoient cinq ou six Apostres, entre lesquels estoit S. lean, qui disoit par escript à S. Pierre.

Dominus est. Matth. xiiij. Et puis S. Pierre voulant venir deuers nostre seigneur qui estoit cheminant sur l'eauë, & foy voyant en dâgier de noyer, dit pat escri. *Domine saluum me fac. Matth. xiiij.* Et nostre seigneur eut vn rollet qui dit. *Moderice fidei quare dubitasti? Eodem cap.* Et en icellé mesme riuier estoit vn grâd bateau chargé de torches ardantes. Item encores vn personnage en guile de Prophete, qui tenoit vn rollet en sa main, & monstroït vne autre grande figure deuant luy en disant par escript. *Exultabunt omnia ligna siluarum à facie domini quoniam venit. Psalmo. xv.* Item deuant ledit Prophete auoit vn grand eschauffeur, sur lequel & au deuant d'iceluy, estoit vne forteresse à deux tourelle: aux Carneaux de laquelle forteresse furēt pendus des escus, armoyez des armes de tous les pays ce mondït seigneur. A la porte d'icelle forteresse, estoit vn personnage à maniere de geant, qui fut nommé Mars: & fut interpreté le victorieux en armes, qui empres luy auoit vn lyon. Et deuant ladicte forteresse estoit vn bois, auquel estoïent diuerſes manieres de bestes, comme dragons, loups, regnards & autres bestes sauuages, qui feirent semblant de vouloir entrer & vouloir enuahir ladicte forteresse, qui toutes furent rebouttées. Et estoit deuant ladicte porte vn homme, representant les trois estats des pays de mon dessusdit seigneur, vestu: c'est à ſçauoir sur la teste comme homme d'Eglise, du costé dextre d'vne robbe longue de drap de foye: Le costé senestre cōme laboureurs des champs. Si auoit en escript au dessus d'iceluy. *Diligam te domine fortitudo mea. Et nisi custodieris ciuitatem frustra vigilat qui custodit eam. Psalmo. xxv.* Item en auant fut vn personnage du Roy Salomon, & de la Roïne Saba: deuant lequel personnage fut escript. *Maïor est gloria tua quam rumor quem audiui. iij. Regum. cap. x.* Item apres vne figure de Gedeon, auquel puis qu'il eut obtenu victoire, les enfans d'Israël vindrent humblement à luy, en disant. *Dominare nostri tu, hic est filius tuus & filij tui quia liberaſti nos. Iudic. viij.* Item en apres fut vn elephant, portant vn chasteau: sur lequel furent deux hommes & quatre enfans qui chatoient vne ioyeuse & nouvelle chanſon, dont les mots ensuiuent.

*Vine Bourgongne est nostre cry
Gardons l'en fait & en pensê
Autres n'aurons bien nous agréé
Nous le voulons tousiours ainſi.
Vine Bourgongne est nostre cry
De cuer chanſons ie vous en prie
En ſa haute ioyeuſe entrêe:*

*Vine Bourgongne est nostre cry.
Reſſoiſſons nous pour celuy
Qui est venu en ſa contrêe,
Par qui no triſteſſe est finêe,
En criant de courage vny:
Vine Bourgongne est nostre cry.*

Icelle entrêe fut moult haulte & la plus excellête, que Prince ſeit long temps au parauant: car à costé de luy estoit à cheual le chapperon sur l'espaule le bastord d'Armignac, Mareſchal de mōseigneur le Daulphin: & deuant luy estoient les huisſiers d'armes, son premier escuyer d'escuyerie portant l'espêe deuant luy, & les Roys d'atmes, heraulx & pourſuiuans vestus de leurs cottes d'armes & en grand nombre. Item deuant leſdits heraulx estoient les trompettes, & clairons enuiron douze ou quatorze. Item deuant eux le Comtes d'Estampes & messire Thibault de Neuf-chastel, seigneur de Blancmont Mareſchal de Bourgongne. Item deuant eux les seigneurs & gentils-hommes de

de monseigneur le Daulphin: les deux fils de monseigneur de Ctoÿ, & les deux fils dudit Marechal de Bourgongne. Item deuant eux estoient monseigneur Aldof de Cleues, monseigneur le bastart de Bourgongne, & messire Philippe Pot, richement habillez eux & leurs heraulx. Item deuant eux estoient tous les grans seigneurs de la court: & deuant lesdits seigneurs les gentils-hommes deux & deux, sans varlet ne page: & deuant lesdits gentils-hommes, estoient ceux de la ville en grand nombre vestus de noir. Item apres mondit seigneur estoient cinquante archiers de son corps à pied, vestus de leurs heucques, & chacun ayant vn vouge en sa main: & derriere luy estoient quinze pages, & plusieurs gentils-hommes: & furent les cheuaux eltimez qui estoient à ladicte entrée sans les varlets & les pages, qui estoient ja dedans ladicte ville deux cens cheuaux ou plus. Item conclusion, ce fut le plus grand triomphe qui fut fait au païs passé cinq cens ans, pour la venue du seigneur: car le lendemain au soir toutes les torches furent allumées. C'est à sçauoir nouuelles torches & fallots. Ceux de la ville iouèrent plusieurs personnages, par lesquels en l'hostel de la ville, ils firent exposer les personnages & figures dessusdictes en louant le Prince, & en confessant leur meffait. Item semblablement firent le mardy au soir: mais pour iceluy soir ne furent point tant de torches allumées comme les deux iours precedens, car aucuns dient que monseigneur ne le vouloit pas. Item en ladicte ville y auoit vn bourgeois qui auoit fait couvrir sa maison d'argent, & dessus d'or: & deuant icelle vne tresgrand quantite de torches & de lanternes. Item semblablement en plusieurs & diuerses rues, plusieurs des bourgeois auoient fait aormer & parer leurs mailons de draps, & de luminaires tresrichement & à grans fraiz, & dura ceste feste deux iours. Item cedit mardy les bourgeois & officiers de ladicte ville, vindrent deuers mondit seigneur en son hostel, & illec le remercierent humblement, de ce qu'il estoit venu à sa bonne ville en luy offrant corps & biens, dont il les remercia. Et lors les genoux à terre, luy supplierent qu'il luy pleut soupper par maniere de banquet en la maison de ladicte ville, le dimanche ensuiuant dernier iout d'Auril, lequel leur oëtroya. Et disoit on que ledit banquet seroit fait à tous venans, & comme court ouuerte, & qu'il cousteroit plus de dix mille escus d'or: car le lendemain ceux de Gand enuoyerent querir par toutes contrées à nœuf lieux à la ronde toutes les viandes delicieuses qu'ils peurent finer, tellement que l'en vëdoit vn petit poussin deux patars. Oudit an lvij. enuiron la fin d'Auril, enuoya le Roy certains ambassadeurs deuers le Duc Philippe: par lesquels il luy feit signifier qu'il auoit prins iour au xv. iour de Iuing prochain aptes, de rédre sentence & iugement au Duc d'Alençon en sa ville de Montargis, en luy intimant & sommant qu'il fut present audit iour & audit lieu, avec les autres Pairs de France, luy qui estoit l'un & le Doyen des Pairs. Et pour illec aussi ouir traicter de plusieurs besongnes touchant le bien du Royaume. Aufquels ambassadeurs le Duc respondit incontinent & leur dit: Iacoit (ce dit il) que monseigneur le Roy par le traicté d'Arras ne me doive riens commander, & que de ma personne soie exempt de luy: neantmoins ie y seray personnellement au plaisir de Dieu. Apres laquelle responce & que les ambassadeurs se furent partis, le Duc enuoya sans tarder deuers son thoison-d'or Roy d'armes de son ordre, pour di-

re au Roy certaines parolles que le Duc luy chargea. Puis feit crier par toutes les bonnes villes de les païs, que tout homme ayant accoustumé de porter armes, siefez & arriere siefez & les sermentez d'icelles bones villes, archiers & arbalestriers, se meissent en armes, & se trouuassent deuers luy où qu'il fut le premier iour de Iuing, lors prochain, pour l'accompagner deuers le Roy à Montargis, là où le Roy l'auoit fait sommer d'y estre en personne, & où il auoit intention d'estre au plaisir de Dieu en la plusgrand puissiance qu'il pourroit assembler, & mener avec luy. D'autre part le Roy de France feit crier l'arriereban par tout son Royaume, pour chacun estre prest en armes audit premier iour de Iuing: parquoy chacun cuida lors qu'ils fussent venus à la guerre: mais la voix courroit en France que c'estoit pour resister aux Anglois, qui se prepa-roient de passer en France. En ce mesme temps ceux du Treth se rebellerent contre leur Euefque: pourquoy le Duc Philippe pere dudit Euefque, enuoya messire Anthoine son bastard en Hollande accompagné de huiët vingts lances, & de sept à huiët cens archiers: mais quand les rebelles en furent aduertis, ils se rappaiserent & obeïrent à leur Euefque comme deuant, & l'armée sen retourna deuers le Duc.

Comment le Roy contremanda au Duc de Bourgogne qu'il ne trauaillast point d'aller à Montargis, mais y enuoyast trois ou quatre nobles personnes pour conuenir avec les autres. Puis parle en brie de la sentence donnée par le Roy contre le Duc d'Alençon en la ville de Vendosme & la reseruacion du Roy apres la sentence rendue.

LE Nuiroir le premier iour de Iuing audit an lvij. retourna de deuers le Roy thoison-d'or, & rapporta au Duc Philippe son seigneur & son maistre, comme le Roy auoit entendu que le Duc s'apprestoist de venir à Montargis à tresgrand armée, ce que faire ne le pourroient sans la tresgrand foule & dommage du plat païs. Et pourtant luy mandoit, qu'il se tenoit pour excusé de sa personne. Mais luy prioit qu'il enuoyast à ladicte iournée trois ou quatre de son conseil, & il luy souffiroit. Et le Duc incōtinent ordonna messire Iean de Croÿ, messire Symon de Lalaing cheualiers, & aucuns autres clercs de son cōseil, & ledit Thoison-d'or estre à ladicte iournée. En ceste année se tint vne assemblée à Grauelignes, d'entre les gens & conseilliers du Duc Philippe, & des Anglois. Et le Comtes d'Estampes tost apres alla à Calais par fauseconduit, là où il fut grandement receu & festoyé par les Anglois. Et fut commune renommée qu'ils traictèrent celle fois vnes trefues d'entre les Anglois, & le Duc pour tous leurs païs. Le Roy considerant qu'à Montargis ne pourroient tant de gens qu'il eut mandez pour ouïr la sentence du Duc d'Alençon, remeit la journée à comparoir à Vendosme. Auquel lieu il fut en personne en si tresnoble estat, que noble chose estoit à regarder: & si y comparurent tous ceux qu'il eut mandez ou procureurs pour eux. Et lors que le iour fut venu, & que tous ceux comparurent deuant luy qui eurent esté mandez, & qu'ils n'estoient illec que deux Pairs tēporels. C'est à sçauoir le Roy & les procureurs dessus nommez, pour le Duc Philippe de Bourgogne: Le Roy de son auctorité constitua Pairs du Duc de Bourbon, du Côte de Foix, du Comte de la Marche, & du Comte d'Eu, pour assister le Roy en iugement. Eux ainsi instituez & assis

affis és lieux pour ce preparez, maistre Iean l'Orfeure President de Luxembourg, l'un des procureurs du Duc de Bourgogne, supplia au Roy qu'il luy pleüst ouir ce qu'ils auoient de charge de leur seigneur, de luy dire & de parler pour le Duc d'Alençon, le Roy fut content qu'il parlât. Et lors iceluy maistre Iean feit sa proposition longue assez, & moult bien ordonnée & auctorisée par les escriures, contenant quatre considerations: dont le Duc de Bourgogne son seigneur faisoit aduertir le Roy, pour l'encliner à misericorde enuers le Duc d'Alençon, qu'iceluy Duc de Bourgogne tenoit son prochain parent. La premiere consideration fut, qu'il appartenoit à la maiesté royale faire tous temps misericorde & vsfer de clemence. La seconde, que le Duc d'Alençon estoit parent du Roy. La tierce, les seruices que les predecesseurs du Duc d'Alençon & luy mesmes auoient fait à la couronne de France. Et la quarte, la simplessie de sa personne: & que ces choses considerées par le Roy, il voulsist estendre sa misericorde & clemence au Duc d'Alençon. A quoy fut respondu pour le Roy par le Cardinal de Constances, que le Roy auoit bien entendu les causes, pourquoy le Duc de Bourgogne luy requeroit misericorde pour le Duc d'Alençon. Et dit quât au premier point, que voirement misericorde & clemence appartiennent aux Roys, & aux grans Princes souuerainement: mais aussi leur appartient faire iustice, qui est vne vertu par laquelle les Roys regnent: car se n'estoit iustice, les Royaumes ne seroient que larronneries. Quant au second point, que le Duc d'Alençon estoit parent du Roy, fut respondu, que de tant estoit il plus tenu au bien & à la conseruation du Roy & de la Couronne. Quant au tiers point touchât les seruices faits à la Couronne par ses predecesseurs, &c. fut dit qu'il ne les auoit pas ensuiuis ne fait comme ils feirent. Et comme les enfans ne doiuent porter le forfait de leurs peres, aussi ne doiuent ils proffiter de leurs merites & biensfaits. Quant au dernier point, fut dit que voirement monseigneur d'Alençon auoit bien monstré qu'il n'estoit pas sage, ne si simple qu'ils le disoient: ains auoit en la matiere procedé par grande subtilité & malice, comme l'en pouoit veoir bien par son proces. Et qu'il n'auoit pas tenu à luy, que sa mauuaise vouldent n'estoit pas venue à effect: & que par tant il estoit digne de punition, comme se le cas fut aduenu: puis leur fut dit en conclusion, que le Roy procederoit en celle matiere par l'aduis des Princes & seigneurs de son sang, & de ceux de son cōseil. Et eut le Roy bien voulu & desiré que le Duc de Bourgogne y eut esté pour en auoir son bon conseil, & qu'il en feroit tât qu'iceluy Duc de Bourgogne, & tout le monde en deueroient estre contents..

Ceste responce ainsi faicte sensuit le dictum du Roy, qui fut len illec en presence, le Roy seant en son siege iudiciaire, par la bouche de son Chancelier qui dit ainsi.



Charles par la grace de Dieu Roy de France. Comme nous deuement informez que Iean Duc d'Alençon Pair de France, auoit conduit & mené, & fait conduire & mener plusieurs traictiez & appointemens avec noz anciens ennemis, & aduersaires les Anglois. Sçauoir faisons que veües & visitées par nous & par nostre court garnie de Pairs, & d'autres à ce appelez, les charges & informations de tesmoings faictes à l'encontre de Iean d'Alençon, ensemble ses confessions & autres choses contenues ou proces

bien au long, & à tresgrande & meure deliberation: & considéré ce qu'il faisoit à cōsiderer en ceste partie. Nous par l'aduis & deliberatiō de nostredicte court garnie comme dessus:auons dit & déclaré, difons & declarons par arrest ledit d'Alençon estre crimineux de crime de leze maiesté, & comme tel l'auons priué & deboutté, priuons & debouttons de l'honneur & dignité de Pairrie de France, & autres ses dignitez & prerogatiues. Et l'auons cōdamné & condamnons à receuoir mort, & estre executé par Iustice. Et auons déclaré & déclarōs, tous & chacun les biens dudit d'Alençon estre confiscuez & à nous competer & appartenir. Sauf toutesuoyes & reserué à nous de faire & ordōner sur le tout ainli que bon nous semblera. Laquelle sentence ainli rendue que dit est, le Roy declara son plaisir estre tel. C'est à sçauoir, q̄ premierement l'executiō de iustice à faire de la personne du Duc d'Alençon, seroit differée iusques à son bō plaisir. Itē touchant les biens dudit Duc confiscuez, &c. laçoit-ce que ses enfans selon raison & vsage deussent estre priuez & debouttez de tous biens, hōneurs & prerogatiues, & viure en telle poureté & médiçité que ce fut exemple à tous autres, attendu l'enormité des crimes de leur pere, neantmoins pour remembrance des seruices faits par leurs predecesseurs au Roy & à sa Couronne, esperant le Roy que lesdits enfans se gouuernerōt & conduiront enuers le Roy comme vrays & loyaux subiects doiuent faire enuers leur souuerain seigneur. En faueur aussi & cōtemplation des requestes sur ce faictes au Roy par le Duc de Bretaigne, oncle dudit d'Alençon, le Roy de sa grace voulut & declara, que lesdits biens fussent & demourassent à la femme & aux enfans dudit d'Alençon, reserué au Roy l'artillerie, harnois & autres habillemens de guerre. Au regard des terres & seigneuries, le Roy retint à luy les villes, chasteaux & vicomtez d'Alençon, de Dampfront, de Verneul tant deça comme delà la riuere d'Erne, avec toutes les appartenances & dependences desdictes villes, chasteaux & vicomtez: lesquelles des lors le Roy vnit, adjoit & incorpora au demaine de sa Couronne. Item aussi retint le Roy la terre, chastellenie & seigneurie de S. Blāsay en Touraine, ensemble le payage que ledit d'Alençon auoit & prenoit sur les ponts de Tours: Et toutes les autres rentes qu'il prenoit & auoit en ladicte ville & chastellenie de Tours, pour en ordonner à son bon plaisir. Item retint le Roy à luy les fois & hommages, droits, deuoirs & recognoissances qui compettoient & appartoient audit d'Alençon à cause de la Comté du Perche, sur & par raison de Nogent le Rétrou & ses appartenances & pendences, & autres terres appartenans au Comte du Maine, à cause de la Cōtesse du Maine sa femme. Item au regard des autres terres, seigneuries & biens immeubles qui appartoient audit d'Alençon, le Roy voulut qu'ils demourassent à ses enfans. C'est à sçauoir, la Cōté du Perche pour en iōiir par Regné seul fils dudit d'Alençon, & par ses hoirs massés descendans de son corps en loyal mariage, sans toutesuoyes, aucune dignité ou prerogatiue de Pairrie. Et quand au surplus des autres qui furent audit d'Alençon, le Roy ordonna qu'elles demourroient ausdits enfans tant massés comme femelles, pour en iōiir & vser par la main du Roy iusques à ce que lesdits enfans seroient en aage: & eux aagez en iōiuroient comme de leur propre chose: & par leurs hoirs procreez de loyal mariage, selon la coustume des païs où lesdictes terres sont assises.

Ces choses ainsi faictes & acheuées le Roy enuoya le Duc d'Alencon tenir prison à Aiguemorte, un fort chasteil seant vers Auignon.

En ce mesmes temps issirent de Calais bien viij. cens combattans, & s'en allerent à Estaples en Boullenois, là où ils trouuerent plusieurs vaisseaux chargez de vin de Poitou, que les Bretons y auoient amenez, pour gagner lesquels ils rançonnerēt & si y prindrent plusieurs mulles que marchans de Languedoch y auoient amenez, pour charger des sorrets & les rançonnerent aussi, & remenerent plusieurs prisonniers. En ceste année aussi enuiron le Noël, le Duc Philippe de Bourgogne enuoya vne notable ambassade à Romme deuers le Pape Pius, pour luy faire obeissance pour tous ses païs, comme bon fils de l'Eglise. Et tost apres iceluy Duc renuoya deuers le Roy vne autre ambassade, pour tousiours euitier à la guerre que plusieurs gens coniecturoient à venir, pourtant que le Daulphin cōtre le gré du Roy son pere se tenoit avec le Duc, & ne vouloit retourner deuers son pere. Et pource qu'en celle année les Anglois de la frontiere de Calais, ne cessioient de courre & de piller les païs du Duc. Il meit & ordonna gens d'armes par garnisons à Boulongne, à Ardre, à Grauelines, à Fiennes, à S. Omer & en autres places, pour reprimer les courses & roberies desdits Anglois, & pour les prendre & pour en faire iustice. En ceste année enuiron la feste de Noël trespassa de ce monde Artus de Bretagne, sans laisser hoir de sa chair: & pourtant succeda à ladiete Duché Iean de Bretagne Comte d'Estampes, fils du frere du vieil Duc de Bretagne, & de la sœur du Duc d'Orleans. Et iacioit ce qu'il fut Comte d'Estampes, ce nonobstant Iean de Bourgogne frere au Comte de Neuers, se disoit aussi Comtes d'Estaples: mais sans profit: car le Roy le tenoit en sa main, & en bailloit les profits à qui il vouloit. En ce temps aussi fut faicte la paix & l'accord du Duc Philippe de Bourgogne, & du Comte de S. Pol, tellement que le Côte luy fut depuis aussi amé & aussi familier, qu'il eut onques esté parauant, & se trouua tresbien en grace du Comte de Charrolois fils du Duc. Encores en ce temps vint deuers iceluy Duc Philippe, vne ambassade de Grece de cinquante cheuaux ou enuiron. Lesquels prierent & requierent au Duc, qu'il voulüst estre ou enuoyer à certaine iournée assignée par le Pape Pius, là où se deuoient trouuer tous les Princes Chrestiens ou leurs commis & deputez, pour certaines causes touchans le bien de toute la Chrestienté. Aufquels ambassadeurs le Duc feit bon recueil & honnorable, & leur donna de ses biens largement, & si leur dit qu'au plaisir de Dieu il enuoyeroit aucuns de ses deputez à celle iournée.

Comment le Roy manda les douze Pairs de France à comparoir en sa ville de Montargis, pour ouir le proces du Duc d'Alencon: Puis parle de la mort du Pape Calixte, & comment le Roy transmua la iournée de Montargis à Vendosme.

Edit an cinquante huiet mada le Roy aux douze Pairs de son Royaume, tant d'Eglise que laiz, & à ceux de sa court de Parlement, qu'un chacun se rendit en sa ville de Montargis le huietième iour du mois de Iuing: auquel lieu il auoit intention de tenir son liēt de iustice ou conuen-

tion, pour aucuns affaires touchant le fait de son Royaume moult grâdement, ce qu'ils feirent pour la plupart. Et là furent par l'espace de deux mois, pour traicter l'expedition & absolution, ou condamnation du Duc d'Alençon cousin germain du Roy, & l'un des Pairs de France. Lequel estoit detenu prisonnier pour certains crimes de leze Majesté, qui luy estoient imputez, & dont on disoit qu'il estoit coupable. Et estoient à ceste-dicte conuention les Comtes de Dunois, & de Longueville, le Chancelier de France, maistre Pierre du Reffuge general de France, & plusieurs autres seigneurs & officiers. A ceste-dicte conuention ne comparut aucunement le Duc de Bourgogne, qui est premier Pair de France, combien qu'il fut admonnesté d'y venir, s'il y vouloit assister ou comparoir. Mais ce nonobstant il n'y vint point, pource que par le traicté fait à Arras entre le Roy & luy, il n'estoit ne ne pouoit estre contraint à quelque assemblée ou conuention, sinon de son bon gré & voulenté. Leditz deux mois dessusdits durans se tenoit le Roy à Baugency, esperans tousiours aller oudit lieu de Montargis. Mais luy doubtant la mortalité & mauuais ayr qui là estoit, se departit & donna congé à vn chacun de s'en retourner en son lieu: & fut transmué la dicte conuention au quinziesme iour dudit mois prochain ensuiuant, au lieu de Vendosme. Oudit an le quatriesme iour d'Aouust mourut le Pape Calixte, & fut crée Pape vn nommé Pius natif d'Italie. En ce mesmes an le xv. iour d'Aouust vindrét audit lieu de Vendosme par mandemēt, tous les Conseilliers pour le Roy en la court de Parlement, tant laiz que d'Eglise, & mesmement l'Euesque de Paris & l'Abbé de S. Denys, qui n'auoient point esté à Montargis.

Cy dit comment le Duc d'Alençon fut cōdamné pource qu'il vouloit bailler ses places aux Anglois, anciens ennemis de France & les mettre en Normandie.



Charles par la grace de Dieu Roy de France à tous presens & aduenir. Salut & dilection. Comme nous deuement informé que Jean Duc d'Alençon Pair de France, auoit conduit & demené & fait conduire & demener plusieurs traictiez & appointemens avec noz anciens ennemis & aduersaires les Anglois. Et pour ce faire auoit enuoyé en Angleterre & ailleurs ou pays desdits Anglois plusieurs messages, sans nostre congé & licence, & sans aucune chose nous en faire sçauoir, ou grand preiudice de nous & de la chose publique & de nostre Royaume. Et pour ceste cause & pour obuier aux inconueniens qui s'en eussent peu ensuiuir, se par nous n'eust esté donné remede sur ce. Nostre chier & amé cousin le Comte de Dunois, & de Longueville: & noz amez & feaux conseilliers & chambellans, Pierre de Bressey seigneur de la Varenne & grand Seneschal de Normandie, Jean le Boursier General sur le fait de noz finances, Guillaume Cousinot Baillif de Roüen cheualier, & Oudet d'Archie Baillif de Constantin, eussent par nostre commandement & par vertu de noz lettres patentes, données à Chastelier pres Esbrimbe le xxiiij. iour de May mil quatre cēs cinquāte six prins, & arresté ledit d'Alençon nostre nepueu. Et pour proceder à l'expedition de son proces par l'aduis & deliberation des gens de nostre conseil, eussions ordonné par noz autres lettres, données de Mont-Richart le xxij. iour du mois de May dernier passé, que nostre-dicte court

court de Parlement lors seant à Paris, seroit & se tiendrait en nostre bonne ville de Montargis, en commençant le premier iour du mois de Iuing dernier passé, & iusques à la perfectiō d'iceluy proces. Et pour icelle court tenir, eussions mandé & ordonné à venir audit lieu de Montargis aucuns de noz Presidens & Cōseilliers en nostredicte court, en bon & souffisant nombre, & mādē pour y estre les Pairs & seigneurs de nostre sang & lignage, tenans de nous en parrie & autres: aussi y estre nostre amē & seāl Chancelier, & aucuns des Maistres des requestes de nostre hostel, & autres gens de nostre conseil. Ensuiaūt laquelle ordonnance nostre-dit Chancelier & noz amez & seaux conseilliers l'Archeuesque & Duc de Reims, les Euesques & Ducs de Laon & de Langres, & les Euesques & Comtes de Beauuais, de Chaalons & Noyon Pairs de France, & nosdits Presidens, & aucuns de nosdits maistres des requestes, & de nosdits conseilliers de nostre-dicte court de Parlement, & aussi de nostredit conseil: se soient trouuez ausdits iours & lieu, & illec ayent besongné aux preparatoires dudit proces, par aucun temps & aux interrogations d'aucuns adherens, faicteurs & cōplices dudit d'Alençon, & iusques enuiron le dixiesme iour de Iuillet dernier passé. Attendants l'allée de nous de par delà & des Seigneurs de nostre sang, & d'autres gens de nostre conseil, estans par deuers nous en l'intention de proceder à la fin & conclusion dudit proces: à laquelle allée nous eussions differé à cause de la mortalité, qui pēdant ledit temps suruint en la ville d'Orleans, à Sully & autres lieux circonuoisins dudit lieu de Montargis, esquels nous conuenoit passer pour y aller. Et tant à cause de la mortalité, & pour euitier aux incōueniens qui à cause de ce sen eussent peu ensuiuir: & aussi que nouuelles nous suruindrēt à plusieurs païs que noz ennemis auoient fait certaine grosse armée sur la mer, en intētiō de faire descēte en nostre Royaume, es marches de Xaintonge & de Poitou, ou de la basse Normandie. Et affin que peussions estre en lieu de marche plus propice & conuenable pour secourir aux lieux de l'entreprinse, & nosdits ennemis eussions par l'aduis & deliberatiō de nostre-dit conseil voulu ordonner, & establir nostre-dicte court de Parlement estre conuenue & entretenue en nostre ville de Vendosme. Et aussi les gēs de nostredicte court garnie de Pairs, & ceux de nostre sang & lignage, & autres par nous mādēz y estre & comparoir au xij. iour du mois d'Aoust dernier passé. Et semblablement eussions mandé & ordonné y estre le surplus de noz Presidens, maistres des requestes de nostredit hostel, & autres noz conseilliers de nostredicte court de Parlement: lesquels pour lors encores estoient demourans en nostre bonne ville & cité de Paris, pour proceder outre & besongner oudit proces iusques à la perfectiō d'iceluy, ainsi qu'il appartiendroit par raison. Et depuis soyons venus audit lieu de Vendosme, & aussi plusieurs des seigneurs de nostre sang & lignage Pairs de France, & tenans en Pairrie. Et les Archeuesque & Euesques dessus nommez aussi Pairs de France, & plusieurs autres Prelats, Comtes, Barons & cheualiers en grand nombre, nostre-dicte court de Parlement & autres de nostre conseil, & pardeuant nous seās en nostre-dicte court garnie de Pairs & autres à ce appellē: ait esté amené ledit d'Alençon: Le quel apres le serment par luy fait de dire verité, interrogué sur les cas & crimes dōt il a esté chargé par information, a dit & confessé de franche & liberalle volenté ce qui sensuit.

QV E apres que le seigneur de Thallebot eust prins Bordeaux, vn nommé
 Jaques Haye Anglois seruiteur d'un nommé Richard d'Ondeuille, cheualier
 aussi Anglois, vint à sauſconduit à Alençon, & parla audit Duc d'Alençon en
 ſecret du fait de mariage de la fille dudit d'Alençon avec le ſils du Duc d'Iorth.
 Et que tant pour le fait dudit mariage comme de toutes autres choſes, qu'ils
 voudroient faire ſçauoir les vns aux autres, luy & ledit Jaques Haye, & eleu-
 rent enſeigne de prendre le pouſſe de la main d'iceluy: auquel meſſage de l'une
 deſdictes parties ſe addreſſeroit. Et enuiron le mois d'Aouſt l'an qu'on diſoit
 mil quatre cens cinquante & cinq, ledit d'Alençon enuoya querir vn nommé
 Thomas Gille, preſtre demourant à Dampfront, & luy ſeit faire le ſerment d'e-
 ſte ſecret: & apres dit qu'il le vouloit enuoyer en Angleterre: & le teint par
 aucun temps à ceſte cauſe, & le mena avec luy à la Fleſche en Anjou, eſperant
 le deſpeſcher illec. Et que lors ſuruint audit lieu de la Fleſche vn nommé Hou-
 tuit Anglois, Herault d'Angleterre: auquel il ſe deſcouurit, & luy bailla char-
 ge d'aller en Angleterre, pour admonneſter & exhorter de par luy noſdits en-
 nemis, à venir & deſcendre en noſtre païs de Normandie: en leur mandant qu'ils
 feuffent d'accord de par Dieu ou de par le diable, & qu'ils penſaſſent en autre
 choſe, & qu'il ſeroit heure de ſoy bouter auant: & que onques ils n'auoient
 eu ſi beau faire qu'ils auoient pout lors, & qu'il eſtoit temps ou iamais: & que
 nous eſtions loings & noſtre armée en trois parties, l'une en Armignac, l'autre
 en Guyenne, & l'autre pour aller contre noſtre trefaymé ſils le Daulphin de
 Viennois: & que les nobles, les bonnes villes, & le peuple en tous eſtats eſtoient
 ſi mal contents que plus n'en pouoient, & que ledit d'Alençon meſmement e-
 ſtoit mal content: & que ſe noſdits ennemis ſe vouloient ayder il leur ayderoit,
 de places, d'artillerie & de tout ſon pouoir: & qu'il auoit aſſez d'artillerie pour
 combattre dix mille hommes aux champs pour vn iour: & que noſdits enne-
 mis amenaffent le Roy d'Angleterre & trente ou quarante mille hommes, pour
 combattre du moins, & qu'il n'y auoit en noſtre dit païs de Normandie que
 vn de noz chiefs de guerre, & quatre cens lances: & qu'ils auroient conqueſté
 grand partie du païs, auant que y peuffions mettre remede. Et qu'il conſeilloit
 à noſdits ennemis, que le Roy d'Angleterre apres ſa deſcente, ſeit crier à ſon de
 trompe, & ſur peine de la hart, que nul ne fut ſi hardy de prendre aucune choſe
 ſur les laboureurs & gens du plat païs: & que chacun peust demourer paiſible-
 ment en ſes biens & heritaiges: & ſe aucun faiſoit le contraire, qu'incontinent
 punition en fuſt faiſte. Auſſi que le Roy d'Angleterre reuocaſt les dons faits
 par ſon pere & par luy, & pardonnaſt à tout le monde de tout le temps paſſé,
 & procedaſt comme en conqueſte nouuelle: auſſi que noſdits ennemis feiſſent
 leur deſcente en pluſieurs païs. Ceſt à ſçauoir le Roy d'Angleterre & le Duc
 d'Iorth en la baſſe Normandie, & le Duc de Bouguingan à Calais pour venir par
 Picardie & le païs de Caulx, & que ſe nous voulons aller eſdictes marches pour
 deffendre ledit païs: ceux de Guyenne, leſquels (comme diſoit le Duc d'Alen-
 çon) eſtoient mal contents: & ſe noſdits ennemis leur vouloient donner pou-
 d'ayde, ſe pourroient mettre ſus & rebeller contre nous. Et que en brieſ nous
 perdriens tout le païs de par delà. En oultre que noſdits ennemis feiſſent ſça-
 uoir audit d'Alençon leur deſcente trois mois deuant icelle, afin qu'il peust
 pourueoir

pourueoir à ses places, & que n'en peussions faire à nostre plaisir: & qu'apres leur descence ils enuoyassent ledit Houtuiton deuers luy, pour luy dire quels gens ils auoient, & leur intention: afin qu'il aduisast qu'il auoit à faire pour soy conduire avec eux. Et oultre plus leur madoit par ledit Houtuiton, qu'ils amenassent le plus de finances qu'ils pourroient, & luy feissent deliurer à Bruges ou ailleurs vingt mille escus, ou à tout le moins promptement dix mille escus: & vn mois apres le surplus, pour luy ayder à payer vne partie des gens qu'il mettroit en ses places, & pour parfaire son artillerie. Et aussi donna charge audit Houtuiton de dire à nosdits ennemis, qu'ils trouueroient apres leur descence à Allençon ou à Damfront partie de son artillerie. Et promeit ledit d'Allençon & iuraés mains dudit Houtuiton herault dessusdit, qu'il tiendroient à nosdits ennemis tout ce qu'il leur promettoit. Et aussi feit iurer & promettre audit Houtuiton de dire les choses dessusdites audit Duc d'Iorth, Richard d'Ondeuille & Iaques Haye: & qu'il ne le diroit ne reueleroit à autres qu'à eux. Et pour certifier & approuuer tout ce qu'il auoit donné en charge audit Houtuiton, de dire à nosdits ennemis au partement dudit Houtuiton, ledit d'Allençon luy bailla lettres de creance adressantes audit Duc d'Iorth, signées d'une N. trenchée contenans ceste forme: Seigneurs vueillez croire ce porteur de ce qu'il vous dira de moy, & vous remercie de vostre bon vouloir: car j'ay bonne volenté se à vous ne tient, disant avec ce nostredit nepueu, qu'il estoit bien recors en general, qu'il auoit baillé audit Houtuiton toutes les persuasions & couleurs, tant d'artillerie cōme d'autre chose, qu'il auoit peu pour paruenir à ses fins. Et apres pour executer ce que dit est, auoit enuoyé ledit Houtuiton en pourueance en Angleterre: disant aussi ledit d'Allençon, que certain temps apres il auoit enuoyé ledit Thomas Gillet, prestre en Angleterre: & luy auoit donné charge de dire audit Duc d'Iorth ou Richard d'Ondeuille, de par luy ausdites enseignes de poulce l'estat du païs, & la charge de nostre peuple: & de amener nosdits ennemis le plustost qu'ils pourroient, pour descendre en ce Royaume en la plus grand compaignie qu'ils pourroient: & qu'ils estoient bien meschans, qu'ils ne s'aduisoient de venir: & qu'ils n'auoient oncques eu si beau faire à conquerir le païs, qu'ils auoient perdu: & que s'ils estoient vingt mille hommes de par deça, ils auroient conquesté grand partie du païs auant que y peussions pourueoir: & aussi que nous estions loings, partis de Berry pour aller sur nostredit fils le Dauphin: & que au païs n'auoit aucuns gens d'armes, & estoit tout le peuple mal content, qu'à icelle heure estoit temps qu'ils vinsent ou iamaïs: & avec ce que quand ils viendroient ils amenassent le plus de gens, qu'ils pourroient: & qu'il leur dit que ledit d'Allençon estoit fort esbahy, qu'il n'auoit eu aucunes nouuelles d'eux ne sondit poursuiuant: & qu'ils le luy renuoyassent & feissent sçauoir de leurs nouuelles: & qu'il leur dit franchement que ce n'estoit riens de leur fait ne de leur entreprinse, s'ils ne monstroient autrement qu'ils voulsissent besongner. Aussi qu'il leur parlait desdits vingt mille escus, dont il auoit donné charge audit Houtuiton: & avec ce qu'il chargeast audit Thomas Gillet de dire audit Duc d'Iorth, que de tous les siens de par deça il estoit le mieux aymé en Normandie, & estoit celuy pour qui les gens du païs feroient le plus. Et chargea en oultre audit Gillet qu'il feit aux Anglois, qu'apres leur descence, ils

feissent les ordonnances, cris & obligations, telles qu'il auoit dictes & declairées audit Houtuiron : & que se on patloit audit Gillet du mariage de la fille de nostredit nepueu, avecques le fils aîné dudit Duc d'Iorth, il dit de ladiète fille ce qu'il en sçauoit & auoit veu : & qu'il baillast audit Gillet certaines lettres pour porter audit Duc d'Iorth, contenant la forme qui s'enfuit. Seigneur. &c. Je me recommande à vous, & vous prie que tout en haste me faciez sçauoir de voz nouuelles, & pensez de moy : car il est temps, & pour Dieu mettez diligence en vostre fait, & vous acquitez à ceste fois : car trop ennuie à qui attend. Et en toute haste enuoyez argent, car vostre fait m'a cher cousté. Et à Dieu, qu'il vous doint ce que desirez. Escript *ubi supra*. Et au dessoubz le tout vostre. N. Disant outre, qu'un pou deuant Noël enluiuant, il enuoya vn nommé Pierre Fortin à Calais, & luy donna charge de parler ausdictes enseignes du poulce, ausdits d'Ondeuille & Jaques Haye, & sçauoir à eux s'ils auoient eu aucunes nouuelles desdits pourfuiuers, & de Thomas Gillet. Oultre confessa qu'entre ladiète feste de Noël & l'Epiphanie audit an, lesdits pourfuiuers & Thomas Gillet reuindrent d'Angleterre deuers luy, & luy feir ledit pourfuiuant rapport dudit Gillet, par lequel luy dit. Que ledit Duc d'Iorth & le chancelier d'Angleterre le remercioient de son bon vouloir, & que le Parlement d'Angleterre n'estoit point encores assemblé, ne le Roy d'Angleterre en estar de luy faire responce finale. Mais que brief en tiendroient Parlement, & besoignerait l'en si bien que ledit Duc d'Alençon en seroit bien content : & que nosdits ennemis luy feroient asçauoir de leurs nouuelles par ledit Ondeuille dedans Karesme lors apres enluiuant. Et que nosdits ennemis ou aucun d'eux, auoient laissé les armes ou enseigne des lettres dudit Duc d'Alençon, lesquelles portoit ledit pourfuiuant pour l'honneur dudit Duc d'Alençon. Disoit aussi que ledit Gillet par son rapport luy auoit dit, que ledit Duc d'Iorth se recommandoit à luy & le remercioit de son bon vouloir : & aussi luy prioit, que tousiours le voulsist continuer : & que auant qu'il feust le mois de Septembre enluiuant, ledit Duc accompagné des plus grans seigneurs d'Angleterre, descendroit en nostre païs de Normandie à si grand & bonne puissance, que ledit Duc d'Alençon en deuroit estre content. Aussi que nostredit nepueu trouuaist maniere de recouurer aucune place ou port de mer, pour là descente de nosdits ennemis : & qu'il leur feist sçauoir se nostredit fils le Dauphin iroit point en Normandie. Et icelle & semblable responce auoit fait Thomas Gillet au chancelier d'Angleterre, pour la dire & faire sçauoir audit Duc d'Alençon. Et oultre plus dit & confessa, qu'incontinent apres le retour desdits messagiers & Thomas Gillet, il enuoya en Angleterre vn nommé maistre Emond Gallet, apres ce qu'il eut prins le serment de luy sur le liure, de tenir les choses secretes : & qu'il bailla audit Gillet vnes lettres adressantes audit Duc d'Iorth, signées de son vray seing & de son nom Iean, lequel il auoit trencée à quatre : & le bailla audit Gillet pour le regarder à part desdictes lettres : desquelles il disoit l'effect estre tel. Seigneurs ie me recommande à vous : itay ouï ce que m'avez fait sçauoir. Et vous prie que ie y aye de vous autres nouuelles le plus tost que vous pourrez, se vous voulez entendre aux matieres, dont ce porteur vous parlera : il en est temps, j'y entendray volentiers, & feray tant que vous en serez content, & le croyez de ce qu'il vous dira de ma part.

part. Aussi disoit qu'il auoit donné charge audit Gillet de sçauoir la respõce dudit mariage, & des autres choses qu'il leur auoit fait sçauoir par ledit Houtuitõ, par son messagier, & par Gillet : & de leur dire qu'il estoit temps de besongner, fils vouloient riens bien faire : & qu'il voudroit qu'ils fussent descendus aussi espes que mouches ou gresle : & qu'il estoit adcertené, que nous allions sur nostre dit fils le Daulphin : & qu'il se tenoit seur d'auoir du retour des nopces : & q' fils venoient & prenoient appointement avecques luy, ledit Daulphin leur ayderoit de ses places, de son artillerie & de tout ce que au monde luy seroit possible, & qu'ils ne faillissent point à venir. Et aussi qu'il n'y ayt point de faulte, que ne luy fussent deliurez lesdits vingt mille escus. Disant oultre que environ Pasques lors prochain ensuiuant, pource qu'il s'esmeruilloit fort que ledit Gillet n'estoit encores retourné d'Angleterre, il enuoya ledit Fortin audit lieu de Calais, & luy donna charge de parler ausdits Anglois aux enseignes dessus nommez, & leur demanda fils vouloient riens ou non. Et oultre plus dit & confessa que environ quasimodo prochain ensuiuant, ledit Gillet retourna d'Angleterre par deuers luy & luy apporta lettres du Roy d'Angleterre signées (comme disoit ledit Gillet) de la main d'iceluy : c'est à sçauoir HENRY, & que lesdites lettres contenoient en effect ce qui s'ensuit. Treschier cousin nous vous metcions du vouloir qu'avez à nous, nous enuoyérons nos facteurs au premier iour d'Aoust à Bruges, pour le fait des tresues d'entre nous & beau cousin de Bourgongne : & que là aussi se trouuent voz facteurs pour appointer de toutes choses, & ferons tant (se Dieu plaist) que vous serez bien content. Et oultre disoit que ledit Gillet auoit dit, que le Roy d'Angleterre auoit recueilly le gouvernement, & que ledit Duc d'orth estoit allé en Galles : & qu'à ceste cause ledit Gillet s'estoit adressé audit Roy d'Angleterre, & luy auoit dit le vouloir & intention dudit Duc d'Alençon, dont il le remercioit : & faisoit sçauoir par luy qu'il enuoyeroit ses ambassadeurs audit lieu de Bruges, selon le contenu desdites lettres : & que ledit Duc d'Alençon y enuoyast semblablement. Et que lesdits ambassadeurs appointeroient ensemble desdits vingt mille escus, & aussi de bailler sceillez de toutes autres choses. Dit aussi & confessa ledit Duc d'Alençon, que tant pource que le terme dessusdit, auquel nosdits ennemis luy deuoiennent enuoyer lesdits vingt mille escus, luy estoit long : que aussi pource qu'il desiroit sçauoir l'issue de son appointement avec nosdits ennemis : il renuoya ledit Gillet de rechief en Angleterre, afin d'auancer ledit argent : & aussi pour recouurer vn saufconduit pour l'un de ses gens, duquel saufconduit le nom deuoit estre en blanc, afin qu'il peust enuoyer aucun homme pour besongner avec lesdits Anglois, là où mestier eust esté & passer ses appointemens. Et que en oultre il dit audit Gillet, qu'il ne sçauoit quelles fortunes de la guerre seroient, & qu'il voudroit bien auoir quelque retraicte en Angleterre, se le cas aduenoit, afin qu'il se retrahist par delà, & qu'il luy parlât de la Duché de Bethfort, de la Duché de Clocestre & des terres que les Ducs desdites Duchez tenoient en leur viuant, afin qu'il en fut parlé au Roy d'Angleterre. Et qu'au parement dudit Gillet il luy bailla vnes lettres adressantes au Duc d'orth contenant ceste forme. Seigneur ie me recommande à vous, & me donne grand merueille, que autrement n'ay eu nouvelles de vous par ce porteur : & vous prie

que m'en faciez ſçauoir de brief, & vueillez le croire de ce qu'il vous dira de par moy. Et outre eſcriuit autres lettres à maistre Loys Galet demourant en Angleterre, & pere dudit maistre Emond, contenans que ledit d'Alençon le mercioit de ſa bonne voulenté qu'il auoit eue à luy, ainſi qu'il auoit ſceu par ſon fils, & qu'il adreſſaſt touſiours les matieres. Diſoit outre, que (ainſi que luy & ledit maistre Emond deuſoient, des matieres) ledit maistre Emond luy dit, que l'intention des Anglois eſtoit que le Duc de Cloceſtre & le ſils du ſire de Thalleboth deſcendroient en Guyenne à tout dix ou douze mille combattans. Et que le Roy d'Angleterre, le Duc d'Iorſh & pluſieurs autres deſcendroient en noſtre dit païs de Normandie. Et que le Duc de Bouguingan, le Comte de Villechier & d'Vncheſtre deſcendroient à Calais, & viendroient par Picardie dix ou douze mille combattans. Outre plus dit & confeſſa ledit d'Alençon auoir parlè à Fortin ſon varlet de chambre, afin que ledit Fortin fut de ſon alliance touchât le fait deſdits Anglois: & en outre luy auoit donné charge pour ſçauoir comment noſtre place de Granduille eſtoit emparée, ſ'elle eſtoit bien fortiſſée, & quelles reparations on y auoit faiſtes: & en eſpecial du coſté, où elle auoit eſté autresfois prinſe. Et qu'il ſe fut ioinct avec leſdits Anglois, comme il apparoit qu'il feir: il euſt bien voulu trouuer maniere par quelque moyen que ce euſt eſté, de bailler ladiſte place de Granduille & toutes les autres places qu'il luy euſt eſté poſſible auſdits Anglois, & y faire tout le pouoir & diligence qu'il euſt peu. Diſoit outre ledit d'Alençon, qu'il a eſté meü de faire exciter & eſmouuoir par leſdits meſſaiges leſdits Anglois à venir deſcendre en ce Royaume, à la ſubiection d'un nommé Mathieu Preſtre: duquel il ne ſçauoit le nom, qui ſe diſoit eſtre du païs de Lyonnois, & ſeruiteur au baſtard d'Armignac: lequel (comme diſoit iceluy d'Alençon) luy auoit apporté lettres de creance ſur le porteur de icelles, & par noſtre dit ſils le Daolphin: & auſſi de par ledit baſtard d'Armignac: eſquelles lettres de noſtre dit ſils ledit d'Alençon (ainſi comme il diſoit) faiſoit doubte pource qu'elles n'eſtoient pas en la forme, ſelon laquelle noſtre dit ſils luy auoit accouſtumé de reſcrire. Et auſſi faiſoit doubte en la ſignature deſdites lettres: ſur laquelle choſe & à ſa requête euſſent eſté examinez pluſieurs teſmoings par aucuns noz commiſſaires, nommez par ledit d'Alençon ſeruiteurs de ſon hoſtel. Et leſquels affermerent comment ils auoient veu ledit preſtre: & auſſi euſt eſté examiné ledit maistre Emond Galet, avecques lequel ledit d'Alençon ſe diſoit bien amplement auoir communiqué touchant le fait dudit preſtre. Et ledit Galet euſt eſté confronté ſur ce avec ledit d'Alençon: auſſi euſſent eſté interrogez ſur ce leſdits meſſaiges, & autres complices dudit d'Alençon: leſquels (comme il eſtoit à croire) deuoient ſçauoir de ladiſte matiere ou cas que ce feust choſe vraye. Pour tous leſquels teſmoings, n'ont eſté trouuez aucune choſe en ceſte partie de ce que dit eſt par ledit d'Alençon, ainçois ayent depoſé pluſieurs choſes qui donnent preſumption au contraire. Et en outre diſoit ledit d'Alençon, qu'onques il n'eut lettres de noſtre dit ſils, & ne ouit parler de ladiſte matiere de par luy à autre que audit Mathieu, & ne ſçauoit encores ſ'il le diſoit de luy meſmes, ou par qu'il le diſoit: & que ledit d'Alençon n'auoit onques eu pouoir ne inſtruction de noſtre dit ſils touchant icel le matiere. Et ſur ce & autres choſes, euſſent eſté faiſtes audit d'Alençon pluſieurs

sieurs remonstrances, par lesquelles eust apparu que c'estoit chose controuuée par luy, pour soy cuider couvrir & donner couleur à sa charge. Aufquelles remonstrances ou à la pluspart d'icelles, ledit d'Alençon eust dit quil n'y scauoit que respondre, ou autres de tel effect. Et outre plus ledit d'Alençon en parlant dudit prestre, & en respondant aux dessusdictes remonstrances, & aussi aux interrogations qui sur ce auoient esté faictes, eust esté vacillant & variant en plusieurs points & articles: comme tout ce appert plusaplain par ledit proces. Parquoy ne par quelque chose qui ayt esté dicté par ledit d'Alençon, ne déposée par lesdits tesmoins sur ce examinez à sa requeste, ne autrement par chose contenue oudit proces, n'a esté trouuée chose parquoy nous, ne nostredicte court doions tenir ne tenons nostredit fils, ne aussi ledit bastard d'Armignac autrement charger enuiron nous en iustice. Et depuis eust esté conclud & delibéré que ledit proces estoit en estat de iuger. Sçauoir faisons, veuës & visitées par nostredicte court garnie de Pairs & d'autres, comme il appartient, les charges, informations & confrontations des tesmoins faictes à l'encontre dudit d'Alençon: ensemble ses confessions & autres choses contenues oudit proces bien au long, & à tresgrande & meure deliberation de nostredicte court, garnie comme dessus: auons dit & declairé, disons & declairons par arrest, ledit d'Alençon estre crimineux de lezemaisté. Et comme tel estre priué & debouté d'honneur & dignité de parrie de France, & autres dignitez & prerogatiues: & l'auons condamné & condamnons à receuoir mort & estre executé par iustice. Et avec ce auons declairé & declairons tous ses biens quelconques, estre confisquez & à nous competer & appartenir. Toutesuoyes nous auons reserué & reseruons, de faire ordonner sur le tout nostre bon plaisir, lequel nous declairons estre tel. C'est à sçauoir qu'au regard de la personne dudit d'Alençon, nous plaist que l'exécution d'icelle soit differée iusques à nostre bon plaisir. Et quand aux biens qui furent & appartindrent audit d'Alençon: iaçoit ce que veuë l'enormité des cas & crimes dessus declairez, les enfans dudit d'Alençon selon droit & les vsages gardez en tel cas, deussent estre priuez & deboutez de tous biens, honneurs & prerogatiues & viure en telle pource & mendicité que ce fut exemple à tous autres. Neantmoins en remembrance des seruices des predecesseurs dudit d'Alençon fais à nosdits predecesseurs, & à la chose publicque de nostre Royaume, esperans aussi que lesdits enfans sy gouverneront enuers nous comme bons, vrais & loyaux seruiteurs doiuent faire enuers leur souverain seigneur, & en faueur & contemplation des requestes à nous sur ce faictes par nostre treschier & tresaymé cousin le Duc de Bretagne, oncle dudit d'Alençon. Nous de grace especialle en moderant la confiscation, & forfaiture des biens dessus declairez: voulons, declairons & nous plaist en tant qu'il touche des biens meubles qui furent audit d'Alençon, soient & demeurent à ses femme & enfans, reserué à nous l'artillerie, harnois & autres habillemens de guerre. Et au regard des seigneuries & biens immeubles, nous en moderant (comme dessus) retenons à nous ville, chastellenie & Vicomté de Dampfront, les ville, chasteau, chastellenie & Vicomté de Vernueil tant deça que delà la riuier d'Erne, avecques les appartenances & dependances des dessusdictes villes, chasteaux, chastellenies & Vicomtez: lesquels des à present nous vnißons, incorporons & adioingnons au

patrimoine & demaine de nostredit Royaume. Et avecques ce nous auons retenu & retenons à nous le surplus des chasteaux, chastellenies, terres, Vicomtez, seigneuries, rentes, reuenues, possessions & biens immeubles, qui furent de la Duché adiaçoce & appartenāce d'icelle Duché, ensemble tous droits, noms & actions qui furent & pourroient escheoir, competer & appartenir au dessusdit Duc d'Alençon à cause de ladicte Duché & seigneurie, tant en propriété, possession que autrement, & tous autres droits & seigneuries, qui sont parties de nostre couronne & appennage de France, où qu'ils soient reserué, la Comté du Perche, dont cy apres en sera faicte mention, pour en faire & ordonner à nostre bon plaisir. Et aussi auons retenu & retenons à nous les chasteau & chastellenie, terre & seigneurie de saint Blansay en Touraine: ensemble ce que ledit d'Alençon auoit & prenoit sur les ponts de nostre ville de Tours & autres rentes, hiefs & reuenues que ledit d'Alençon auoit & prenoit en nostredite ville & chastellenie de Tours pour en faire & ordonner comme dessus. Et avec ce auons reserué à nous les fois & hommages, droits & recognoissances qui competoient & appartenoient audit d'Alençon, à cause de ladicte Comté du Perche, sur & pour raison des terres & seigneuries de Nogent le Retrou & appartenances & appendances, & autres terres & seigneuries appartenans à nostre treschier & tresamé cousin le Comte du Maine, à cause de nostre treschiere & tresamée cousine sa femme. Et au regard des autres terres, seigneuries & biens immeubles, qui furent & appartindrent audit d'Alençon. Nous les laissons & voulons qu'ils demeurent aux enfans dudit d'Alençon, ainsi & par la maniere qui sensuit: c'est à sçauoir la Comté, terre & seigneurie du Perche, pour en iouir par Pierre seul fils dudit d'Alençon, & par ses heritiers masles descendans de son corps en loyal mariage: sans toutesuoyes aucune dignité ou prerogative de pairie. Et quant au surplus des terres & seigneuries qui furent & appartindrent audit Jean d'Alençon: Nous laissons & voulons qu'elles soient & demeurent aux enfans dudit Jean d'Alençon tant masles que femelles, pour en iouir par lesdits enfans soubz nostre main, iusques à ce qu'ils & chacun d'eux soient aagez. Et apres ce qu'ils seront aagez, par leurs mains comme de leur propre chose, & par leurs heritiers descendans de leur propre corps en loyal mariage, & tout selo les coustumes des païs, où lesdictes terres & seigneuries sont situées & assises. En tesmoing de ce. &c. Donnée à Vendosme le dixiesme iour d'Octobre l'an de grace mille cccc. lvij. & de nostre regne le xxxvij.

A CELLE sentence esté donnée & prononcée en l'absence dudit Jean d'Alençon, & apres à luy notifiée: & fait à sçauoir en la prison où il estoit par le grand President de Thorette, maistre Jean de Boullengier conseiller du Roy en la court de Parlement, maistre Jean Bureau Tresorier de France, & aucuns autres du grand conseil du Roy, ledit d'Alençon fut bien esbahi & desconforté & non sans cause. Oudit an mille quatre cens lvij. ou mois de Ianuier termina de vie à trespas treshault & puissant Prince monseigneur Artus Duc de Bretaigne & au parauant & en apres sa vie durant Connestable de France. Apres la mort duquel succeda à ladicte Duché monseigneur François fils de Madame d'estampes seur de monseigneur d'Orleans: laquelle en personne le mena pré-dre possession de la dessusdicte Duché.

Comment l'ambassade d'Angleterre ne peut auoir accex au Roy de France celle fois : comment le Duc de Cleues alla à la iournée de Mantua : & comment la Daulphine accoucha d'un fils à Genepe : & comment le Roy d'Eſcoce fut tué d'un eſclat de bombarde.

EN ladiſte année lviij. retournerent de France les ambassadeurs d'Angleterre, leſquels à grand inſtance queroient pour auoir alliance avec le Roy de France, par mariage ou par trefues. Mais le Roy ne les voulut veoir ne ouïr. Et pourtant ſ'en retournerent ſans riens, & qui plus eſt ne trouverent ſeigneur ne dame qui voulüſt prendre de leurs haquenées qu'ils auoient amenées en grand nombre, pour complaire aux ſeigneurs & aux dames de la court du Roy. En l'an mille cccc. lix. ou mois de luing le noble Duc de Bourgongne, deſirant Ades le bien commun de la chreſtienté, enuoya pour luy & en ſon nom ſon nepueu le Duc de Cleues à la iournée de Mantua, là où deuoient conuenir & eux enſemble le Pape & les Cardinaux & tous les Princes chreſtiens, pour auoir aduis enſemble comment pour le mieux l'en pourroit reſiſter aux entreprinſes du grand Turc : le quel eſſorçoit tous les iours de conquerre terre ſur les chreſtiens, eſpeciallement en la Grece : ouquel voyage iceluy Duc de Cleue fut trefnoblement feſtoyé en pluſieurs lieux où il paſſa, pour l'honneur tant du noble Duc de Bourgongne duquel il eſtoit ambassadeur, comme auſſi pour l'honneur de ſa perſonne & de ſa haulteſſe. En ce meſme temps le Comte d'Estampes par commandement & ordonnance du Duc Philippe de Bourgongne ſon oncle, print priſonnier en la ville d'Amiens le Vidame d'Amiens, ſeigneur de Picquegnay : le quel il mena ou enuoya tenir priſon à Vuilleverde en Brabant, pource qu'il ſe gouuernoit autrement qu'il appartenoit à tel ſeigneur, comme il eſtoit. En ceſte année auſſi environ la fin de luillet, dame Charlotte de Sauoye Daulphine de Vienne ſe deliura d'un beau fils, le quel à ſon baptême fut nommé Ioachin. Pour laquelle natiuité duquel fils, fut grand ioye demenée par tous les païs du Duc Philippe de Bourgongne : deuers lequel le Daulphin & ſa femme ſe tenoient tandis qu'il eſtoit en la malle grace du Roy Charles de France ſeptieſme de ce nom ſon pere : & ſe y entretint tant comme ſon pere veſquit, tenant ſa reſidence ou chaſtel de Genepe en Brabant. Touteluyes la ioye pour la natiuité de ſondit fils, fut toſt apres en dueil terminée : cat l'enfant trefpaſſa tantost apres. Item en ceſte année enuiron le mois d'Aouſt, comme le Roy d'Eſcoce faiſoit aſſuſter vne bombarde pour eſſayer, aduint que l'aſſuſt rompit, & que le Roy fut atteint d'un eſclat ſi durement, qu'il en mourut, qui fut vn moult piteux cas : il auoit eſpouſé la niepce du Duc Philippe de Bourgongne, fille du Duc de Gueldres, de laquelle il laiſſa pluſieurs enfans. En ceſte année en la ville d'Arras ou païs d'Artois, aduint vn terrible cas & pitoyable, que l'en nennoit Vaudoïſie ne ſçay pourquoy : mais l'en diſoit que ce eſtoient aucunes gens, hommes & femmes qui de nuit ſe tranſportoient par vertu du Diable des places, où ils eſtoient. Er ſoubdainement ſe trouuoient en aucuns lieux arriere de gens, és bois ou és deſers, là où ils ſe trouuoient en trefgrand nombre hommes & femmes : & trouuoient illec vn diable en forme

d'homme, duquel ils ne veioient iamais le visage : & ce diable leur lisoit ou disoit ses commandemens & ordonnances, & comment & par quelle maniere ils le deuoient aorer & seruir. Puis faisoit par chacun d'eux baisser son derriere, & puis il bailloit à chacun vn pou d'argent. Et finalement leur administroit vins & viandes en grand largesse, dont ils se repaissoient : & puis tout accoupp chacun prenoit sa chacune : & en ce point s'estaindoit la lumiere, & cognoissoient l'un l'autre charnellement : & ce fait tout soudainement se retrouuoit chacun en sa place, dont ils estoient partis premierement.

Pour ceste folie furent prins & emprisonnez plusieurs notables gens de ladicte ville d'Arras, & autres moindres gens, femmes folieufes & autres : & furent tellement gehinez & si terriblement tormentez, que les vns confesserent le cas leur estre tout ainsi aduenu, comme dit est. Et outre plus confesserent auoir veu & cogneu en leur assemblée plusieurs gens notables, Prelats, seigneurs & autres gouuerneurs de bailliages & de villes : voire tels selon commune renommée, que les examinateurs & les Iuges leur nommoient, & mettoient en bouche : si que par force de peines & de tormens ils les accusoient, & disoient que voirement ils les y auoient veuz. Et les aucuns ainsi nommez, estoient tantost apres prins & emprisonnez & mis à torture, tant & si treslonguement, & par tant de fois que confesser le leur conuenoit : & furent ceux cy qui estoient des moindres gens executez & bruslez inhumainement. Aucuns autres plus riches & plus puissans, se rachapterent par force d'argent, pour euitier les peines & les hontes que l'on leur faisoit. Et de tels y eut des plus grans, qui furent prechez & seduits par les examinateurs, qui leur donnoient à entendre : & leur promettoient s'ils confessoient le cas, qu'ils ne perdroient ne corps ne biens. Tels y eut qui souffrirent en merueilleuse patience & constance les peines & les tormens. Mais ne voulurent riens confesser à leur preiudice. Trop bien donnerent argent largement aux Iuges, & à ceux qui les pouoient releuer de leurs peines. Autres y eut qui se absenterent & vuidèrent du pays, & prouuerent leur innocence, si qu'ils en demourerent paisibles. Et ne fait icy à traire ce que plusieurs gens de bien cogneurent assez, que ceste maniere de accusation fut vne chose controuuée par aucunes mauuaises personnes, pour greuer & destruire ou deshonorer, ou par ardeur de couuoitise aucunes notables personnes, que ceux hayoient de vieille haine : & que malicieusement ils feirent prendre meschantes gens tout premierement, ausquels ils faisoient par force de peines & de tormens, nommer aucunes notables gens tels que l'en leur mettoit à bouche : lesquels ainsi accusez estoient prins & tormentez, comme dit est. Qui fut pour veoir au iugement de toutes gens de bien, vne chose moult peruerse & inhumaine au grand deshonneur de ceux qui en furent notez, & au tresgrand peril des amcs de ceux qui par tels moyens vouloient deshonnorer gens de bien : & à tant fin de ceste matiere.

Cy parle en brieſ des grandes ſéditions & diuiſions qui furent en Angleterre au temps de lors.

En l'an

EN l'an mille cccc.lx. furent en Angleterre grandes diuisions, grandes batailles, grans meurdres & grandes occisions des plusgrans du pays, les vns contre les autres. Les vns tenoient le party du Roy Henry, comme le Duc de Sombreffier & autres: & les autres tenoient le party du Duc d'Orth: sicomme le Comte de Salsebery, le Comte de Vvaruich & autres: & vindrent vn iour à bataille horrible & cruelle, à grande occision de gens de l'un party & de l'autre. Mais le Duc d'Orth la gaigna: puis feirent paix & traité par telle maniere que se le Roy Henry alloit de vie à trespas le Duc d'Orth seroit Roy d'Angleterre, pour luy & pour ses hoirs apres luy: & par tant seroit priué de la couronne le prince de Galles fils d'iceluy Roy Henry, & de la fille du Roy René de Cecille. Lequel traité fut fait contre le gré de la Roïne d'Angleterre: laquelle feit son amats de gens d'armes, & de tous ceux qui voulurent tenir son party pour son fils: & se meit aux champs pour combattre le Duc d'Orth. Lequel aussi auoit fait son armée la plusgrande qu'il auoit peu assembler, pour soustenir sa querelle, & pour soy deffendre. Et aduint que le premier iour de Ianuier oudit an ils conuindrent à bataille, & se combattirent par si grande fierté, qu'il y eust vn tresgrand meurdre de gens de l'une partie & de l'autre: mais la desconfiture tourna sur le Duc d'Orth à celle fois: car il fut prins & avec luy son second fils, & le Comte de Salsebery. Et tost apres les feit la Roïne tous trois decapiter, & leurs testes mettre sur trois lances: & sur la teste du Duc fut mise vne couronne de papier par grand derision, pource qu'il auoit voulu estre Roy, & n'y auoit peu paruenir. Le Comte de Vvaruich eschappa de celle bataille, & trouua son moyen d'issir du Royaume, & de venir à Calais en vn petit batel à pou de gens moult aduentureusement.

Incident.

EN ceste année en vn village pres de Soissons estoit vn curé: lequell voult auoir dismes en vne cense estant oudit village, appartenant aux croisez d'outre mer: le censier qui lors y estoit reffusa payer icelles dismes, & fut porté & adoué desdits freres croisez. Le proces en fut fait & parfait & en decheut ledit curé. Pour laquelle cause iceluy curé print en haine mortelle iceluy censier & sa femme. En ce mesme village estoit vne forcieri trop malle femme, & vsant de mauuais art poure femme: laquelle eut noyse à la femme de ce censier pour aucune cause, & se plaignit à plusieurs gens pour le tort que celle censiere luy eut fait: mesmement audit curé en feit elle sa plainte. Lequel curé perseuerant en la hayne dudit censier & de sa femme, dit à celle femme qu'il se vengeroit moult volentiers d'eux sil scauoit par quelque voye. Et elle luy respondit qu'elle l'en vengeroit bien sil vouloit faire ce qu'elle luy diroit: le curé luy dit qu'il ne seroit riens qu'il ne feit, pour soy venger d'eux: lors luy alla querir celle malle femme vn pot de terre, dedans lequel estoit vn gros crapault, qu'elle auoit long temps nourry & luy dit: prenez sire (dit elle) ceste beste & le baptisez ne plus ne moins, disant, comme se c'estoit vn enfant, & le nommez Iean: puis consacrez vne hostie & la luy donnez à manger & vous attendez à moy du demourant.

Le maudit Prestre aueuglé de sa haine, baptiza la malle beste, & la nomma Iean: luy donna à vser le precieux corps de nostre Seigneur: puis le rendit

à la forcieri: laquelle tout incontinent le tua & le desmembra par pieces, & de ce fait vn forceron avec autres diables qu'elle y meit: puis bailla le forceron à vne ieune fille qu'elle auoit, & luy dit qu'elle le portast à la maison dudit censier à l'heure de son dîner: & qu'en parlant à eux d'aucun propos, iettast le forceron dessoubz la table, où ils mangeoient luy, sa femme & leurs enfans: puis s'en reuint. La fille le feit tout ainsi que sa mere luy auoit dit: dont aduint que le censier, sa femme & vn de leurs fils qui disnoient à celle table se sentirent malades ainçois qu'ils eussent pardigné, & moururent tous trois ainçois que trois iours fussent passez. Pour lequel cas venu à cognoissance de iustice la forcieri fut prinse, & sa fille, & le Curé: & la verité sceue la forcieri fut arse en la ville de Soissons: la fille se feit enceinte, & fut mise en prison, de laquelle elle eschappa: puis fut reprinse, & par appel fut amenée en parlement: & le curé fut mené es prisons de l'Euesque de Paris, dont il issit depuis par force d'amis & d'argent: ne sçay à quelle fin vint la fille.

Cy dit comment Edouard Comte de la Marche fils aîné du Duc d'Iorth desconfit en bataille la Roïne d'Angleterre, & fut Roy d'Angleterre par l'ayde de ceux de Londres: & comment la Roïne s'en alla allier aux Escocois pour auoir leur ayde.



Vdit an mille quatre cens soixante le xxviij. iour de Mars iour de Pasques flories, Edouard fils aîné du Duc d'Iorth, ainsi decapité que dit est: iceluy Edouard accompagné du Comte de Vvaruich & d'autres barons & seigneurs d'Angleterre, se partit en armes de la cité de Londres: en laquelle il eust esté receu comme Roy, s'il eust voulu prendre la couronne. Mais il ne voulut, disant qu'il vouloit premierement combattre ses ennemis, & les bouter hors d'Angleterre. Et mena sa grande armée droit à Iorth, où estoient la Roïne d'Angleterre, le Duc de Sombreffet & tous leurs alliez à vne tresgrosse puissance, qui les attendoient illec à bataille. Eux approchez les vns des autres, ils prindrent iour de combattre en bataille arrestée, & esleurent vne place nommée Faribuge à huiet lieues d'Iorth. Le iour venu que dit est, les Comtes de la Marche & de Vvaruich, enuoyerent leur auantgarde deuant, que menoit l'oncle du Comte de Vvaruich: laquelle auantgarde trouua si dure encontre de leurs ennemis que tous y furent ruez ius, & mors inhumainement. Cuidant donques le Duc de Sombreffet auoir tout gagné, ils se meirent à piller & à despouiller les morts. Ces nouvelles venuës au Comte Edouard & en son ost, qu'il auoit encores grand & entier, les gens se commencerent moult à effroyer. Quand il les veit ainsi effroyez, il feit crier par tout son ost, que quiconques auoit paour s'en retournast en sa maison: & quiconques voudroit demourer pour viure ou pour mourir avec luy, ils auoient chacun vne certaine somme d'argent. Mais s'il estoit qu'aucun s'enfuit depuis qu'il seroit demouré, celuy qui le tueroit auroit aussi vne grande somme d'argent.

D'AUTRE part quand le Comte de Vvaruich ouït dire que son oncle estoit mort, & tous ceux de sa compaignie: il s'escria plorant, & dit, ie prie à Dieu qu'il ayt les ames de ceux qui sont morts en celle bataille. Beau sire Dieu, ores n'ay-je recours au monde sinon à toy, qui es mon createur & mon Dieu, si te requiers vengeance. Et lors en tirant son espée baïsa la croix, & dit à ses gés.

Qui

Qui veult retourner, si s'en voise: car ie viuray ou mourray auioird'huy avec ceux qui demourront avec moy. A celle parolle il faillist à pied & tua son cheual de son espée. Quand vint le lendemain que les parties estoient si prochaines les vnes des autres, qu'il n'y auoit q̄ de ioindre, ils s'assemblerent tous à bataille tant horrible & tât mortelle, que ce fut vn horreur du meurtre qui y fut: car ils se combattirent par trois iours tousiours tuans & affolans l'un l'autre, que l'on ne sçauoit qui en auroit la victoire. Mais finablement la desconfiture tourna sur les gens de la Roïne, & du Duc de Sombreffet: & furent presque tous morts que prins. Et entre les autres de ses gens de nom y moururent le Comte de Northombellant, le seigneur de Clisfort, le seigneur de Muelle frere dudit Comte, le seigneur de Villeby, le seigneur de Vvelez, le fils au Duc de Bouguinguen, le seigneur de Gray, messire Andrieu Trollo terrible homme & vaillant, & qui feist merueilles d'armes en icelles batailles, & plusieurs autres seigneurs & vaillans hommes de guerre, iusques au nombre de xxx. mille: & aucuns y furent prins qui depuis furent decollez à Iorth.

Ces choses ainsi faictes le Comte Edouard entra dedans Iorth, & feist prendre les testes de son pere & des autres ses amis, & les feist enterrer moult honnorablement avec leurs corps: & leur feist faire vn moult notable & riche obsequie. Puis s'en r'alla à Londres à grand gloire de sa victoire, là où il fut receu moult honnorablement: & tost apres fut couronné Roy d'Angleterre. D'autre part la Roïne & le Duc de Sombreffet se retrahirent en vn chastel, & là se teindrent iusques à ce qu'ils furent aduertis, que le Roy Edouard les venoit illec assieger: car lors ils abandonnerent le chastel & s'en allerent en Escoce au reffuge de la Roïne d'Escoce, fille du Duc de Gueldres: lesquelles Roynes pour parlerent ensemble le mariage du ieune Prince de Galles fils du Roy Henry, & de la fille d'Escoce: affin d'auoir alliance des Escosois & leur aïde, contre le Roy Edouard: mais le Duc de Bourgogne oncle de celle Roïne d'Escoce enuoya hastiuement deuers elle, le seigneur de Gruthuse pour empeschier celle alliance, pource que le Roy de Cecille Duc d'Anjou, pere de la Roïne d'Angleterre n'aymoit gueres iceluy Duc de Bourgogne, & fut celle besongne interrompue. Mais tost apres le retour dudit seigneur de Gruthuse les Escosois firent celle alliance avec la Roïne d'Angleterre & son fils, par condition que la ville & chastellenie de Vvaruich, & toute l'isle que les Anglois tenoient à l'en trée d'Escoce leur seroit rendue. Aymans mieux les Escosois aduéturer vne fille à r'auoir celle Isle & celle place, qui est forte à merueilles que faire autremēt: & par tant fut le mariage fait du ieune Edouard Prince de Galles, & de la fille d'Escoce seur au ieune Roy d'Escoce: iaçoit ce que les marians fussent trop ieunes, pour cōuenir ensemble: car ils n'auoient chacun d'aage que vij. ou viij. ans. Durans icelles diuisions en Angleterre, & auant le couronnement du Roy Edouard, il auoit enuoyé deux ieunes freres qu'il auoit en Hollande, pour les sauuer (se fortune luy eust esté aduerse) soy cōfiāt en la noblesse de cuer, & en la beniuolēce du noble Duc de Bourgogne. Ouquel païs ils se teindrēt vn'espace de tēps secrettemēt: mais le noble Duc si tost comme il les y sceust, il les enuoya querir, & les feist venir deuers luy à Bruges, là où il les hōnora moult grādement, & les y feist moult bien festoyer. Et lors qu'iceluy Roy Edouard eut tous ses ennemis

deboutez de son Royaume, il enuoya prier au Duc qu'il les voulsist réuoyer, & le bon Duc le feit moult volentiers : & les feit conduire iusques à Calais bien & honnorablement: ce fut enuiron la fin d'Auril l'an mil cccc. lxj.

Cy parle d'aucun langage semé par gens plains de zizanie, qu'on vouloit empoisonner le Roy Charles vij. dont il n'eut onques puis ioye au cuer.

1461.



N l'an mil cccc. lxj. enuiron le commencement du mois de Iuillet, fut semé certain langage par gés plains de zizanie: & disoit on qu'on vouloit empoisonner le Roy Charles vij. de ce nom, luy estant à Meun sur Yeure: de laquelle chose apres qu'il fut de ce informé, il ficha tellement ledit empoisonnement en son cuer, qu'onques puis n'eut ioye ne santé. Et pource qu'il en fut aduertý par vn capitaine qui bien l'aimoit, il y adiouta telle foy & se desconforta tellement, qu'il delassa le manger par l'espace de huiet iours ou enuiron, pour ce qu'il ne l'osoit fier en nul de ses gens: ne pour chose que les Physiciens luy deissent ne vouloit manger ne prendre aucune refection: & iusques à ce que les Physiciens luy dirent que s'il ne mangeoit qu'il estoit mort. Et adonc il meit peine de manger: mais il ne peut, car ses conduits estoient ja tous retraits. Et lors il se confessa, & ordonna comme bon Catholique. Et depuis voyant sa maladie aggresser, & ses iours abreger, il receut bien & deuotement tous ses sacremens, & feit ses dernieres ordonnances, & ses laiz tels que bon luy sembla: & ordonna à ses executeurs qu'il vouloit estre sepulturé à S. Denys en Frâce, en la chappelle où son pere & son grand pere sont enterrez. Puis fina ses derniers iours, le iour de la Magdaleine oudit an & mois, en ladite ville de Meun sur Yeure.

Cy parle de xij. maisons qui furent arses à Iuchy, & de la feste du Thoison que le Duc Philippe de Bourgogne tint à S. Omer oudit an soixante & vn, & de la naissance de la fille du Dauphin à Genepe: puis parle des ambassadeurs d'outre-mer qui lors vindrent à la court du Roy de France, & de la court de France à la court de Bourgogne.



N ce mesme temps furent xij. maisons arses à Iuchy, vn village delez Cambrai par feu de meschief: & commença le feu en la maison d'un homme lequel auoit ce iour mesme bouté sa propre mere hors de sa maison par trois fois, & à la tierce fois luy auoit dit par grand felonnie qu'il aymeroit mieux veoir le feu en sa maison & tout ardoir quelle y demourast iamais iournée. Et tost apres ce iour mesme le feu print en la maison, ne sceut nul cōment: & fut toute arse, & celles de ses voisins iusques à douze, qui pouoit sembler punition diuine quād à la maison du mauuais homme. Le premier iour de May oudit an mil cccc. lxj. le noble Duc Philippe de Bourgogne commença la feste, de foy ordonner du Thoison en sa ville de S. Omer moult noble & moult riche. A laquelle feste furent presens la pluspart des chevaliers & seigneurs, portans ledit ordre. Et entre les autres y furent monsieur Charles son fils Côte de Charrolois, le Duc de Cleues & Aldof son frere nepeueu du Duc, le Comte d'Estampes, le Marechal de Bourgogne, le seigneur de Croÿ, le seigneur de Chimay, son frere & le seigneur de Launoy leur nepeueu,

de

le seigneur de Haubourdin, le bastard de S. Pol, le seigneur de Bieures Bastard de Bourgogne & plusieurs autres, les Ducs d'Orleans, & d'Alençon n'y furent point en leurs personnes, mais y furent leurs procureurs. A celle feste regarder vindrent plusieurs seigneurs tant d'Allemagne comme de France, d'Escoce & d'autres païs, & dura celle feste trois iours en la maniere accoustumée. Et combien qu'oudit ordre ne pouoit estre ne demourer cheualier de reproche, neantmoins vn cheualier y assista pour & ou nom du Duc d'Alençon, que le Roy de Frâce auoit déclaré reproché, & le faisoit encores tenir prisonnier pour les causes que dictes sont cy dessus. Mais le Duc de Bourgogne le tenoit pour seigneur d'honneur & sans reproche, & que par mauuaise enuie, &c. le Roy luy auoit fait ce deshonneur à tort, & aussi le feit dire & prescher le Duc durant sa feste. Et comme ils eussent de coustume d'eux assembler en leur chapitre leur feste faicte, & d'eslire nouveaux freres de leur ordre, ou lieu de ceux qui estoient trespassez: ils esleurent à celle fois messire Philippe Pot seigneur de la Roche Bourguignon, le seigneur de Gruthuse Flament, le seigneur de Roye Picard: & si y fut esleu le Roy d'Aragon: auquel le Duc enuoya le colier par le seigneur de Crequy, qui le luy porta noblement accompagné. Apres laquelle feste faicte & leurs besongnes acheuées, le Comte de Charrolois, Aldof de Cleues & Anthoine bastard de Bourgogne, iousterent contre tous venans & y eut de richief moult noble feste. En ce mesmes temps accoucha d'une fille à Genepe en Brabant la Daulphine de Vienne, femme & espouse de monsieur Loys aîné fils du Roy Charles de France, soy tenant pour le temps en Brabant pour crainte du Roy son pere: duquel estoit en la mal-grace comme dit est.

O V D I T mois de May vindrent à la court du Roy de France les ambassadeurs des païs d'outre-mer. Entre lesquels estoient vn Prelat en habit de cordelier qui se nommoit Patriarche d'Anthioche, vn cheualier ambassadeur de l'Empereur de Trappesonde, vn autre cheualier ambassadeur du Roy de Perse, vn autre cheualier ambassadeur du Roy de Giorgie & de Mesopotamie, cestuy cy estoit le plus estrangement habitude de tous les autres. Il estoit homme gros & robuste, qui portoit sur sa teste deux tonsures, ainsi que les clerics de France en portent vne sur leur chief: & à chacune oreille luy pendoit vn anel. Il y estoit encores vn autre ambassadeur du petit Turc, lequel disoit se les Chrestiens vouloient faire guerre au grand Turc, que son seigneur se joindroit avec les Chrestiens, accompagné de cinquante mille combattans. Puis y estoit vn autre ambassadeur du Roy d'Armenie beau cheualier & gent. Et finalement y estoit encores vn cheualier ambassadeur du Prestre-Jean, que l'en-disoit estre grand clerc: & disoit on aussi comunement qu'ils auoient vacqué par l'espace de xvij. mois à venir de leurs païs, ainçois qu'ils fussent venus deuers le Roy de Frâce. Eux dōques venus deuant le Roy, le nommerēt le Treschrestien Roy, & luy requierent qu'il voulsist enuoyer vne armée par delà avec son enseigne pour resister contre le grand Turc: & il auoit l'ayde & la cōpagnie de tous les Roys Empereurs & seigneurs desdits ambassadeurs, & si ne vouloient point de son argent: car leurs seigneurs en auoient assez, disans outre, que l'enseigne du Roy de France venüe par delà, & vn capitaine qu'il y enuoyeroit en son nom, espouuenteroit plus le Turc & toute son armée, que ne feroient autres cent mille personnes: de la res-

ponce du Roy ne ſçay comment il alla, mais il les feit feſtoyer & tenir bien ayſés. Et toſt apres ſe departirent de la court du Roy, & vindrent tous enſemble deuers le Duc de Bourgogne à Bruxelles: le quel noble Duc les receut & feſtoya grandement, & leur donna beaux dons & riches. Et fait à ſuppoſer qu'ils luy feirent meſme requeſte qu'ils eurent faiſte au Roy de France, & que le Duc leur feit dire & reſpondre, que ſ'il pouoit trouuer façon deuers le Roy de tenir ſes païs en paix & en bonne ſeurté, qu'il les ayderoit & ſecourroit à ſon pouoir.

Cy parle encores du trefpas du Roy Charles vij. de ce nom, & des grandes & dures aduentures qu'il euſt à ſon commencement. Et depuis de ſes glorieux & grans faits d'armes.



Vdit an mille cccc. lxj. le xxij. iour de Iuillet au chaſteau de Meun pres de Bourges en Berry, trefpaſſa de ce monde le Roy Charles de France vij. de ce nom, aagé de lvij. ans & de ſon regne xxxix. ans: le quel Roy au commencement de ſon regne trouua fortune ſi dure & ſi diuerſe, qu'il perdit tout ſon Royaume depuis la mer de Flandres & d'Angleterre, iulques à la riuere de Loyre par l'eſfort du Roy Henry d'Angleterre: le quel auoit ſa ſœur epouſée, & contendir à eſtre Roy de France par layde & faueur qu'il auoit du Duc de Bourgogne: du quel iceluy Roy Charles auoit fait ou conſenty meurdrir le pere: c'eſt à ſçauoir le Duc Iean de Bourgogne en la ville de Monſtreau ſur Yonne, nonobſtant qu'ils euſſent fait paix & accord enſemble: & que pour ſeurté de tenir celle paix, ils euſſent pou de temps deuant receu le vray corps de Ieſus-Chriſt conſacré & party en deux, dont chacun de eux en vſa la moytié, & le tout: & qu'ils euſſent celle paix iurée à tenir inuiolablement, qui fut vn cas moult enorme & deſhonnorable, & duquel l'en ne peut trop pou parler: mais touteſuoyes le noble Duc Philippe de Bourgogne loyal à la couronne de France, deſplaiſant de la deſtruction de ſi noble Royaume: & affin que la couronne ne veint és mains des Anglois anciens ennemis d'iceluy Royaume: à la requeſte, inſtance & priere d'iceluy Roy Charles, feit paix & accord à luy en la ville d'Arras l'an xxxv. Et depuis lors en auant qu'il ſe departir des Anglois, le Roy Charles prospera tellement, qu'il reconquit tout ſon Royaume ſur leſdits Anglois, fors ſeulement Calais, Guisnes & Hamet, qui ſieient és fins de la Comté de Boulongne. Et depuis ſes conqueſtes il entretint tousiours xv. cens lances, & de cinq à ſix mille archiers, leſquels auoient leurs gages determinez: c'eſt à ſçauoir l'homme d'armes à trois cheuaux xv. florins monnoye royalle, & l'archier vij. florins pour mois: leſquels florins ſe cueilloier par railles, que payoient les bonnes gens des villages, ſi ordinairement qu'en leur payement n'auoit iamais faute. Et de la part d'iceux gens d'armes ils ſe gouuernoient & maintenoient ſi honnorablement parmy le Royaume, qu'il n'y auoit paillard ne brigand, qui auſſent plus deſrober ſur les chemins pour doubte de eſtre trouuez & rattaing de ces gens de guerre, qui les perſecutoient avecques les gens de luſtice, par tous les lieux où ceux ſe retrayoient. Meſmement ces gēs de guerre conduiſoient & guidoient les marchans, & ceux qui alloient par les champs ſi ſauuement, que chascun en eſtoit content, qui fut vne merueilleuſe mutation & moult honnorable. Car par auant icelle ordonnance, ceux que l'en nommoit

nommoit escorcheurs (pource qu'ils desroboient tout le monde) deuindrent guideurs & gouuerneurs des marchans , & autres gens qui vouloient aller par les champs .

C E S T V Y Roy Charles remeit sus en son Royaume l'exaction , que l'en nomme le quatriesme , qui se prenoit sur tous les vins que l'on vèd à detail parmy le Royaume , sur quoy le quatriesme se lieue au profit du Roy . Et dit on quand ceste exaction fut mise sus premierement , que l'en n'en prenoit que le centiesme au profit du Roy : Puis vint de cent à l. de l. à xx. de xx. à viij. de viij. à iij. là où il est demouré , qui est vne exaction de grand charge (pour ceux qui l'entretiennent en son cours) dure & pesante à ceux qui le payent . Cestuy Roy Charles , ainçois qu'il fut appaisé au Duc Philippe de Bourgogne , fut de moult belle vie & deuote : mais depuis qu'il eut reconquis son Royaume , il mua ses meurs , & enlaidit sa vie de tenir femmes mal famées en son hostel , & de laisser la compagnie de sa bonne & lealle femme : & souffroit à icelles femmes faire par les plus grans de son hostel plus d'honneur & de reuerence , qu'à la Roïne : & si estoient ades plus richement parées & aornées que n'estoit la Roïne : qui estoit chose de tresmauuais exemple en si noble personne . Neantmoins il gouuernoit son Royaume moult noblement & moult sagement : & auoit en luy de belles vertus : & maintenoit iustice , & la faisoit garder & tenir par tout son Royaume . Si tost comme il fut trespaslé , messire Charles d'Anjou , son beau pere , enuoya son trespas signifier à messire Loys fils ainé dudit Roy estant à Geneppe en Brabant (comme dit est cy dessus) & le luy enuoya signifier par trois messages . Lesquels firent si bone diligence , qu'iceluy Daulphin en eut les nouvelles audit lieu au mesmes iour , que son pere fut trespaslé .

COMMENT LE DAULPHIN ET LE DUC DE Bourgogne se dispoferent pour aller à Reims au sacre dudit Daulphin : Puis par le de l'enterrement du feu Roy Charles , & du sacre du Roy Loys à Reims : & des besongnes qui y furent faictes .



I tost comme le Daulphin sceut le trespas de son pere , il enuoya hastiement en la ville de Hesdin son message au Duc Philippe de Bourgogne , qui luy signifia le trespas du Roy , mais le Duc en estoit ja aduerty : & prindrent iour le Daulphin & le Duc de estre à Auesnes en Hainault pour d'illec tirer à Reims , pour facrer illec iceluy Daulphin Roy de France . Er pour plus grand seurté de ce faire , le Duc feit mettre sus en armes tous les nobles hommes de tous ses pays : & leur ordonna par ses mandemens que tous feussent en point autour de S. Quentin en Vermédois au viij. iour d'Aoust lors prochain . Er lors n'y eust seigneur ne Baron qui ne se meist au plus beau point de monture , & de harnois qui faire le pouoient , & ou plus grand nombre d'hommes d'armes . & d'archiers , si que ce fut vne moult noble chose à regarder . Mais quand le Daulphin fut aduerty que le Duc mettoir sus si grande armée , doubtant que les pays où ils passeroient ne fussent tous mangez & gastez , il pria au Duc qu'il voulüst mettre ius celle armée , & qu'il ne menast avec luy que les plus grés de ses pays

à leur estat quotidian, armez ou desarmez: Ce que le Duc feit volentiers & renuoya la pluspart de son armée chacun en sa place: & n'allerent avec luy que enuiron quatre mille combattans le mieux en point qu'onques furent nobles hommes: & se tous y fussent allez, l'en disoit lors qu'ils eussent esté plus de cent mille combattans. D'autre part des païs du Roy venoient tous les iours au Daulphin plusieurs seigneurs eux rendre à son obeissance, & le cognoistre à Roy, & semblablement ceux des bonnes villes. Tost apres les nouvelles du trespas venues à la cognoissance du Duc Philippe de Bourgongne, il se partit de Hesdin & s'en alla à Auesnes en Hainault deuers le Daulphin qui là l'attendoit, & eux mis ensemble, fut fait vn moult notable seruice pour le feu Roy les ij. & iij. iours d'Aoust. Auquel furēt faisans le dueil vestus de noir iceluy Daulphin en chief, & apres luy le Duc Philippe de Bourgongne, & puis son fils Comte de Charrolois apres luy. Puis le suiuiot le Comte d'Estampes, Jaques de Bourbon, Aldof de Cleues, & autres plusieurs grans seigneurs. Et le seruice fait, tout incontinent, le Daulphin que ie nommeray desormais le Roy, lors se vestit de pourpre, qui est à la coustume de France: pource que si tost comme le Roy est mort, son fils plus prochain se vest de pourpre & se nomme Roy. Car le Royaulme n'est iamais sans Roy. Le quatriesme iour d'Aoust se partit d'Auesnes le Roy Loys pourtirer vers Laon, & le Duc de Bourgongne s'en partit le lendemain pour tirer vers S. Quentin, pour recueillir les nobles hommes de ses païs qu'il auoit mādéz venir illec, & pour le compagner au sacre du Roy. Entre ces choses le corps du feu Roy Charles fut embaulmé, & porté sur vn chariot à grād humilité couuert de drap d'or, iusques à Paris en l'Eglise de nostre Dame, là où sur son corps fut faict vn moult noble seruice: puis fut porté à S. Denys: & sur son corps fut fait de rechief vn moult beau seruice: puis fut mis en terre avecques les autres Roys ses predecesseurs, qui sont enterrez en l'Eglise de celle Abbaye de S. Denys.

Le xiiij. iour d'Aoust l'an mille quatre cens lxj. entra le Roy Loys de France en la cité de Reims, accompagné du noble Duc Philippe de Bourgongne, & du Comte de Charrolois son fils, du Duc de Bourbon, du Duc de Cleues, du seigneur de Rauestain son frere, tous trois nepueux dudit Duc Philippe, du Cōte de S. Pol, & de tant d'autres Baroīs, seigneurs & nobles hommes, que noble chose estoit à regarder, car tous estoient richement habillez: puis y estoient le Comte d'Angoulesme, le Comte d'Eu, le Comte de Vendosme, le Comte de Grand-pré, messire Philippe de Sauoye, le Comte de Nafau & plusieurs autres. Et le lendemain iour de l'Assumption de nostre Dame, fut ledit Roy Loys sacré & fait Roy de France par l'Archeuesque de Reims, presens les Pairs de France ou leurs procureurs. Et lors comme le Roy fut habillé & prest pour recevoir le sacré il tira son espée & la bailla au Duc Philippe de Bourgongne, en luy priant qu'il le feit cheualier de sa main, qui fut vne nouuelle chose: Car l'on dit communement, que tous les fils des Roys de France sont cheualiers sur les fons à leur Baptême. Neantmoins le Duc pour luy obeir luy donna l'accollée & le feit cheualier de sa main, & cinq ou six seigneurs qui là estoient: c'est à sçauoir le seigneur de Beaucieu, & Jaques son frere freres au Duc de Bourbon: les deux fils du seigneur de Croÿ, & maistre lean Buteau tresorier de France. Puis

pria au Duc de Bourgongne qu'il feist les autres qui le vouloient estre: & il en feist aucuns, tant qu'il en fut tenné, & commeit cest office aux autres seigneurs qui en firent, que longue chose seroit de les nommer tous icy. Mais l'en disoit lors qu'il y eut cedit iour fais pres de deux cens cheualiers nouueaux.

PLVSIEURS beaux mysteres & ceremonies furent faictes à sacrer le Roy: à ce noble mystere furent presens outre & avecques les seigneurs temporels, qui y estoient, le Cardinal de Constances, le Patriarche d'Antioche, vn Legat du Pape, quatre Archeuesque, dixsept Euesques & six Abbez. Apres le sacre disnerent à la table du Roy les douze Pairs de France aiusi que faire le deuoient. Quand les tables furent ostées le noble Duc de Bourgongne vsant de son accoustumée benignité & noblesse de courage, se meit à genoux deuant le Roy, & luy pria en l'honneur de la Passion & de la mort de nostre Seigneur, qu'il voulsist pardonner son mautalent à tous ceux qu'il tenoit suspects d'auoir mis le discord entre son feu pere & luy, & qu'il voulsist tous les officiers de son feu pere entretenir en leurs offices, se n'estoit que par bonne & dueue information, fut trouué qu'ils eussent fait faute en leurs offices. Laquelle requeste luy accorda, reseruées sept personnes, ne sçay quelles: Puis luy dit le Duc. Mō tresredoubté seigneur, ie vous fais hommage presentement de la Duché de Bourgongne, des Comté de Flandres, & d'Arthois & de tous les païs que ie tiens de la noble couronne de France, & vous tiens à seigneur & vous en promets obeissance & seruice, & non pas seulement de celles que ie tiens de vous: mais de tous mes autres païs que ie ne tiens point de vous, & d'autant de seigneurs & de nobles hommes de gens de guerre & d'autres qui y sont, que i'en pourray traire, ie vous en promets faire seruice avec mō propre corps tant que ie viuray: avec aussi tout quanque ie pourray finer d'or & d'argent. Apres lesquelles parolles tous les autres Princes, Ducs & Comtes, & tous les autres seigneurs firent hommage au Roy. Puis se partirent de Reims ces choses ainsi faictes & s'en alerent à Meaux en Brie: de là s'en alla le Roy à S. Denys, & au sepulchre de son pere faire sa deuotion: & entre-temps le Duc de Bourgongne à petite compagnie s'en alla de Meaux à Paris, & y arriua le dimêche penultime iour d'Aoust: & trouua à Paris son fils & la pluspart de ses gens qui y estoient arriuez huiet iours deuant.

Cy parle de l'entrée du Roy Loïs de France en sa ville de Paris, & des noblesses qui y furent faictes à son entrée. Et par especial du bruit du Duc de Bourgongne & de ses gens.



Le lundy dernier iour d'Aoust oudit an lxj. s'en issit de Paris apres disner le trefnoble Duc Philippe de Bourgongne moult noblement accompagné pour compagner le Roy, qui ce iour mesmes y deuoit entrer pour la premiere fois apres son sacre, & attédoit apres le Duc aux champs. Quand doncques ils eurent trouué l'un l'autre, & honnoré comme bien faire le sçauoient, ils firent mettre leurs gens en ordonnance pour entrer en la ville en la maniere qui s'ensuit. Et premieremēt deuant tous les autres alloient le seigneur de Rauestain, le seigneur de Bausselines, & le seigneur de la Roche, tous trois en reng chacun ayant six pages apres luy, tāt noblement mō-

tez & tant richemēt fringans, que noble chose estoit à regarder. Apres lesquels suiuoient deux & deux en reng les archiers du Comtes d'Estampes, qui estoient vingt & quatre moult bien en point, & deux cheualiers auecques eux comme leurs chiefs. Et apres eux suiuoiēt le Comte de Neuers & ledit Comte d'Estampes freres: & apres le Comte d'Estampes, estoient treize pages moult richement habillez. Et apres eux tous les seigneurs & gentils-hommes de l'hostel dudit Comte, tant noblement montez & habillez, que belle chose estoit à regarder, & estoient plus de trente. Apres ceux cy estoient les archiers du Duc de Bourbon iusques à xxiiij. ou plus. Apres ceux cy estoient les archiers du Comte de Charrolois iusques à trente, tresbien en point & deux cheualiers, lesquels estoient leurs chiefs. Puis y estoient deux cheualiers capitaines des archiers du Duc de Bourgongne, qui conduisoient les archiers du Duc qui estoient illec iusques à cent moult bien en point. Apres les archiers du Duc, suiuoient les seigneurs & les nobles hommes de sa compagnie, & de son hostel en grand nombre tant richement montez, parez & houssez que c'estoit noble chose à regarder: & estoient plus de deux cens & quarante housures pendans iusques à terre, moult nobles & moult riches: puis estoient apres eux l'Amiral de France & le Marechal, & autres plusieurs seigneurs & gentils-hōmes de l'hostel du Roy, iusques à quarante housures moult bien en point. Et deuant ceux cy estoient les Comtes d'Eu, de la Marche, & de Patriarc sans housures, tous trois en rang. Puis suiuoient les Heraulx du Roys & des Princes, qui estoient bien soixante & feize. Puis y estoiet les archiers du Roy iusques à six vingts tresbien en point, chacun ayant son varlet de pied de costé luy. Puis y estoient les trompettes iusques à liiij. mais ne sonnoient sinon celles du Roy. Apres les trompettes estoiet le Marechal de Bourgongne, & le seigneur de Croÿ moult bien en point & richement. Apres eux estoit Ioachin Rouhault premier escuyer d'escuyerie du Roy portant l'espée en escharpe. Apres luy estoit le fils de Floquet, qui portoit le heaume du Roy à vne couronne d'or moult riche. Entre cestuy-cy & le Roy estoit vn cheual, que l'en menoit à dextre, couuert de veloux bleu tout semé de fleurs de lys d'or. Puis y estoit le Roy monté sur vn blanc cheual, vestu d'une robe de soye blanche sans manches, & affublé d'un petit chapperon loqueté. Et entour luy estoient quatre bourgeois de Paris qui portoiēt sur lances vn drap d'or, dont ils couuroient ledit Roy, ainsi que l'on fait quand l'en porte le saint Sacrement de l'Autel. Et derriere le Roy estoient deux hommes d'armes de pied, tenans chacun vne hache en sa main. Puis suiuoit apres le Roy le noble Duc de Bourgongne tant noblement & tant richemēt habillé luy & son cheual, que les bagues valloient dix cens mille escus, comme disoit commune renommée. Et apres luy estoient neuf pages tant noblement montez & habillez, que c'estoit noble chose à regarder. Chacun page portoit salade moult riche: & entre les autres en y auoit vne, que l'en disoit valoir cent mille escus: le chanffrain du cheual du Duc estoit tout chargé de pierrerie moult riche: delez le Duc à sa fenestre estoit le Duc de Bourbon son nepueu moult richemēt mōté & habillé. Et au costé fenestre du Duc de Bourbon, estoit le Comte de Charrolois fils du Duc de Bourgongne tant bien en point, & tant richemēt que c'estoit merueilles à regarder. Apres ceux cy vn iect de pierre, suiuoit le Duc de

Cleues

Cleues moult richement paré de pierrerie & autrement. Puis y estoient tous les autres seigneurs de la cōpagnie du Roy si grād nombre, que iusques à xij. mille cheuaux tant beaux & tant richement parez, que noble chose estoit à regarder: nō pas ainſi, ne ainſi houſſez cōme ceux du party de Bourgongne: car pluſieurs y estoient qui ne ſçauoient comment ils estoient du Roy ou bien ou mal: mais deuant que ceſte maniere d'entrée commençast vint vn Cardinal, & auecques luy vindrent ceux de Paris faire la reuerēce au Roy au dehors de la ville: le Duc d'Orleans n'ſſit point de Paris, tant pour ſon ancienneté, cōme pource qu'il faiſoit dueil pour le Roy Charles: mais il ſe meit en vne chambre ſur la rue pour veoir paſſer toute la compagnie: & auſſi feit la Duchefſe d'Alēcon, & ſon ſils le Comte du Perche aagé de quinze ans ou enuiron en noble eſtat & ioyeux: car ſon pere fut mis hors de priſon ſi toſt comme le Roy Charles fut treſpaſſé. A l'entrée de la porte de Paris estoit vne nef moult bien faiſte: de laquelle par engin descendirent deux angelets droit deſſus le Roy, & luy poſerent vne courōne ſur ſon chief: puis remonterēt en leur nef. En la rue S. Denys estoit vne fontaine qui donnoit vin & ypocras à ceux qui boire en vouloient. Au coing d'une rue pres du quartier des halles, estoit vn boucher de Paris qui ſeſcria à haute voix quād il veit le Duc de Bourgōgne, & luy dit. Franc & noble Duc de Bourgongne vous ſoyez le bien venu en ceſte ville de Paris, long temps a que vous n'y fuſtes, combien que vous y ayez eſté moult deſiré. A l'entrée du chaſtelet estoit faiſte la priſe de la baſtille de Dieppe, que le Roy Loys auoit cōquife luy eſtant Dauphin: & en autre lieu estoit la crucifixion de noſtre Seigneur. puis y estoient hiſtoires de diuers myſteres. Et ſi estoient les rues ſi plaines de gens, que à pou pouoient paſſer ceux de cheual: iaçoit ce que l'on eut crié à ſon de trompe que nul ne ſe trouuaſt ſur les rues, par où le Roy deuoit paſſer: mais ce nonobſtant chacun deſiroit à veoir ſi grand nobleſſe: car là estoit toute la ſeigneurie de France, excepté le Roy Renē de Sicile & ſon frere le Comte du Maine, qui ſe tenoit avec la veſue Royne ſa ſœur: auſſi n'y furent point le Duc de Bretagne, le Duc d'Alençon, ne le Comte d'Armignac, que le Roy deſſunct auoit déclaré banny de ſon Royaume, & déclaré tous ſes biens conſiſquez: mais toſt apres, c'eſt à ſçauoir le xvij. iout de Septembre il vint à Paris deuers le nouueau Roy qui luy feit bonne chiere, & l'abſoult & luy rendit toutes ſes terres & ſeigneuries: puis ſe trouua deuers le Duc de Bourgongne quiluy feit auſſi treſbon recueil.

Le Roy Loys venu à Paris (comme dit eſt) il ſ'en alla tout droit à l'Egliſe de noſtre Dame, où il feit ſa deuotiō: & feit illec le ſermēt tel que les Roys ont accouſtumé de faire à leur premiere entrée dedans la ville, & feit en celle Egliſe quatre cheualiers nouueaux. Puis remonta à cheual & ſ'en alla au palais, qui estoit tendu & paré moult noblement: & là tint il court planiere & y ſouppa, & auecques luy à ſa table ſoupperent les Pairs de France & ceux de ſon ſang. Et le lendemain ſ'en alla loger aux tournelles: le Duc de Bourgongne fut toujours logé en ſon hoſtel d'Artois, qui estoit tout tendu & paré moult noblement, & de la plus riche tapiſſerie, que les Pariſiens euſſent oncques veüe: & ſi y estoit ſon eſtat tant riche & tant noble que Prince teniſt oncques: ſi que tout le mōde alloit en fondit hoſtel, & ſeſmerueilloient de la grand largeſſe quiluy veoiēt. Meſ-

mement quand il cheuaucoit par les rues pour aller en aucunes Eglises faire sa deuotion, tout le monde couroit pour le veoir, pource que tous les iours il portoit quelque nouuelle bague de si grād pris, que c'estoit noblesse à regarder : & si l'accompagnoient tousiours parmy la ville sept ou huit que Ducs que Cōtes, & trente ou quarante de ses archiers estans à pied, tenans chacun en sa main vn vouge ou hache, ou autre bastō de guerre. En la salle de son hostel où il māgeoit, estoit vn dressoir quarré à degrez : lequel dressoir à l'heure du manger, estoit couuert & chargé de vaisselle d'or & d'argēt moult riche : & à chacun cornet du dressoir, estoit vne vnicorne tant riche & tant bien faicte, que merueilles estoit à regarder . En son iardin estoit vn pavillon tendu moult riche, tout couuert par dehors de fin veloux, tout semé de fusils d'or, estincelle d'or moult richement brodé. Et entre les fusils estoient les armes de tous ses pays & seigneuries moult richement faictes. En cōclusion fut le Duc à l'hostel ou par les rues, chacun desiroit à le veoir tant pour son noble maintien, comme pour ses grans richesses.

Cy parle du partemēt du Roy & du Duc de Bourgōgne de la ville de Paris : & du cōgé q' ils prindrēt l'un à l'autre. Puis parle de plusieurs choses qui lors aduindrēt en diuers lieux.



LE Roy estant à Paris, comme dit est, il desmit aucuns officiers, & en feit de nouveaux. Puis se disposa de partir de Paris pour aller à Amboise visiter la Roïne sa mere, qui y residoit pour lors : & le iour de deuant son partemēt, s'en alla à l'hostel d'Arthois pour prendre congé de son oncle le Duc de Bourgogne : lequel à celle heure seoit à dīner. Mais il se leua de la table si tost qu'il ouït dire que le Roy venoit à luy, & s'en alla cōtre luy à pied bien auant en la rue, tant qu'il encontra le Roy, & s'agenouilla deuant luy en le salūant. Et le Roy tout incontinent descendit à pied : & ainsi tous deux à pied s'en allerent en l'hostel dudit Duc . Et lors qu'ils y furent entrez le Roy, oyans tous ceux qui là estoient, remercia le Duc des biens & des honneurs qu'il luy auoit faits, recognoissant que les biens & les honneurs qu'il auoit, luy venoient de luy : & que s'il n'eust esté par aduenture qu'il ne fut pas en vie. Puis print congé du Duc & s'en retourna en son hostel aux tournelles : & le lendemain vingtquatriesme iout de Septembre se partit de paris, & le conuoya le Duc & tous les seigneurs de sa cōpagnie iusques bien loing aux chāps, nonobstant le congé prins le iour deuant . Et là de rechief le remercia le Roy comme deuant, & print congé de luy, & le Duc luy offrit corps & biens à son seruice moult honorablement . Puis s'en alla le Roy son chemin, & le Duc retourna à Paris à tout sa noble compagnie, là où il se tint iusques au dernier iour de Septembre qu'il se partit de Paris, & s'en alla à S. Denys, où il seiourna deux iours, avecques luy la Duchesse d'Orleans sa niepce . Et en l'Eglise de S. Denys feit faire vn moult notable seruice tāt pour l'ame du feu Roy Charles, comme pour les pauvres ames de tous les Roys qui estoient leans enterrez : desquels il estoit descendu. Puis feit dīners & bāquets aux seigneurs & aux dames & damoiselles, qui l'auoient conuoyé iusques à S. Denys. De S. Denys se partit le noble Duc, & s'en retourna par Compiengne & par les places du Comte de S. Pol, qui le festoya moult grandement iusques en la ville de Cābray : car le Roy & le

Duc

Duc estans à Paris, le Roy feit la paix dudit Comte de S. Pol enuers le Duc, qui par auant l'auoit eu en sa malle grace: & si feirent la paix dudit Côte, & du seigneur de Croÿ qui par auant hayoient l'un l'autre. Et finalement paruint le Duc en sa ville de Bruxelles en Brabant. Son fils Côte de Charrolois print congé de luy à S. Denys, & du gré de sondit pere s'en alla en Bourgogne, où il fut festoyé moult grâdemment. Car il n'y auoit point esté depuis qu'il y fut né: ains en fut apporté ieune, & fut nourry en la ville de Gand: il alla visiter le corps de monseigneur S. Claude és fins de Bourgogne: puis print le chemin pour aller à Tours deuers le Roy. En ceste année fut l'Esté moult beau, & moult sec: & furent les vins bons, & les bleds aussi, & furent les bleds à bon marché: & apres Aoust regnerent fiebres & chaudes maladies en plusieurs lieux sans mortalité, & tenoient longuement.

EN VIRON la S. Remy ou dit an que les gabelles & exactions se baillerēt à ferme parmy le Royaume, à cry & à renchier, aduint en la ville de Reims que le commun de la ville s'esmeut contre ceux qui les auoient mis à pris, & en tuerent aucuns. Puis prindrent leurs papiers où leurs marchez estoient escripts, & les ardirent en plaine rue: dont quand le Roy en fut aduert, il y enuoya vn grand nombre de gens de guerre, habitez comme marchans ou laboureurs, qui entrerent en la ville par diuerses portes, cy deux, cy trois par si bonne maniere, qu'ils se trouuerent en tresgrand nombre, & comme les plus forts: & puis incōtinent vindrent autres gens de guerre tout plainemēt entrer en la ville, desquels estoit chief le seigneur de Moÿ: & prindrent de quatre vingts à cent personnes des plus coulpables de celle esmeute, & les feirent decapiter, & par tant les autres se tindrent en paix, & n'oserent plus contredire à la volenté du Roy. En celle année en la cité de Bordeaux mourut Potho de S. Treille Seneschal de Bourdelois, qui auoit esté en son temps sage, prudent & vaillant en armes: lequel avec vn autre capitaine nommé la Hyre, qui trespassa deuant luy: seruirent le feu Roy Charles si bien & si vaillamment à conquerre son Royaume sur les Anglois, que l'en disoit cōmunement, qu'ils estoient cause de sa recōqueste plus que nuls autres de son Royaume. En cest an aussi le xj. iout d'octobre, fut presque tout arse l'Eglise & la ville d'Encre en moins de demie heure, qui fut vne grād perte pour les pauvres gēs d'icelle ville. Oudit an enuiron la S. Remy & la Toussaints, furent veuz en l'air aucuns merueilleux signes, cōme des grans brandons de feu de longueur de iiii. toyses, & de grosseur cōme d'un pied durans fixes en l'air, la moitié de demy quart d'heure, & fut veu par ij. fois. Aucuns autres disoient auoir veu en l'air de nuit cōme batailles de gens, & auoir ouy grans noyses & grād bruit.

Comment Charles de Bourgongne Comte de Charrolois s'en alla veoir le Roy Loïs de France à Tours, où il fut grandement festoyé. comment il se perdit à vne chasse: & cōment il retourna au pais d'Artois par la Normādie, dōt le Roy l'auoit ordōné son lieutenant.



Vand le Comte de Charrolois eut fait son pelerinage à S. Claude, il print son chemin pour aller à Tours, où le Roy Loïs seiournoit pour le temps: & auoit le Comte avec luy pour sa compagnie enuiron trois cens & cinquante cheuaux, & grād nombre de grans seigneurs & de nobles hommes. Quand le Roy sceut qu'il approchoit de Tours,

il enuoya à son encôtre aux champs des plus grans seigneurs de son hostel : lesquels luy firent la reuerence & tresioyeux recueil : & par l'ordonance du Roy le menerent descendre en l'hostel du Roy, lequel descendit de sa chambre & le vint festoyer moult grandement : & si firent tous les plus grans seigneurs de son hostel. Puis le mena le Roy iouer & esbatare, côme tous les iours es plus belles places d'illec entour, & par tout le faisoit festoyer moult grandement. Vn iout vint que le Roy le mena à la chasse, & accueillirēt vn rouge beste : laquelle courut longuemēt, & le Comte de Charrolois tousiours apres : & tellemēt que quand vint sur la nuit, il se trouua esgaré en ce pays là, qu'il ne cognoissoit & n'estoit en ce point que luy cinquiesme. Tant allerent qu'ils trouuerent vn village, où estoit vne bone hostellerie, & estoit toute noire nuit, si se logerēt leās.

Q V A N D le Roy fut retourné en son logis, & il cogneur que son beau frere n'estoit point retourné, & ne trouuoit homme qui luy sceut dire qu'il estoit deuenue : il fut tant desplaisant qu'onques homme ne l'auoit veu plus trouble : & lors incontinent il enuoya de ses gens par les villages d'illec entour, & fait allumer torches sur les clochiers des villages, afin que par l'adresse du feu le Côte trouuaist son chemin : ceux mesmes qui alloient par les champs & par les bois, portoient torches & fallots. Le Roy iura qu'il ne beueroit iulques à ce qu'il en auroit nouuelles, tant en estoit desplaisant, & aussi estoiet tous ceux de son hostel : mais entre-temps le Comte doubtant que le Roy pourroit estre en mesaise de luy, sachant par son hoste qu'il estoit à deux lieues pres du lieu où le Roy estoit, luy escriuit vnes lettres, & les luy enuoya par vn de ses gens que conduisoit vn païsant : par laquelle lettre il signifioit au Roy où il estoit arresté & logé pour la nuit, & qu'il ne se donnaist point de mauuais temps pour luy : lesquelles lettres veues par le Roy, il fut tout resioüy & le renuoya querir au plus matin. Avec le Roy estoit lors le Duc de Sombreffet Anglois banny, & exillé d'Angleterre de par le Roy Edouard : auquel il auoit tousiours esté ennemy, & auoit demené la guerre contre luy pour la querelle de la Roynie d'Angleterre. Et estoit venu en France à recours & refuge du Roy Charles : mais il le trouua trespassé. Et pourtant fut prins par les gens du nouveau Roy Loÿs : & fut amené en son hostel : mais à la requeste du Comte de Charrolois, le Roy le deliura & luy donna or & argent assez : car le Comte de Charrolois l'aymoit tresfort comme son parent : & pourtant aussi qu'il aymoit plus le party du Roy Henry que celui du Roy Edouard : nonobstant qu'il sceut assez que le Duc Philippe son pere aymoit plus le party du Roy Edouard que celui du Roy Henry. Et tost apres se voulut retraire en Escoçe ledit Duc de Sombreffet : mais quand il fut aduertý que le Roy Edouard le faisoit espier, il s'en alla à Bruges, là où il se tint bien & simplement vne bonne espace de temps.

Q V A N D le Comte de Charrolois eut seiourné pres d'un mois avec le Roy & vint au congé prendre : le Roy luy ordōna xxxvj. mille francs de pension pour an, & le constitua son lieutenant general en la Duché de Normandie : puis luy donna congé. Et le Comte s'en retourna par Blois deuers le Duc d'Orleans, qui le festoya moult grandement. Puis s'en retourna par Normandie, & par tout où il passoit par les bones villes, ils issoient des villes à croix & à processions, & luy faisoient autant d'honneur qu'ils eussent fait au Roy mesmes : car le Roy l'auoit ainsi

ainsi ordonné, & l'auoit fait sçauoir és bônes villes, par lesquelles il deuoit passer: entre les autres il fut à Rouën moult grandement honnoré & festoyé. Et finalement retourna par Abbeuille & par Hesdin sans seiourner nulle part, iusques il vint à Aire où estoit la Comtesse sa femme. Et d'Aire tost apres s'en allerent droit à Bruxelles, où estoit le noble Duc Philippe son pere.

En ce temps Iean Euesque d'Arras procura tellement par l'enhort du Pape enuers le Roy Loys de France, que la pragmatique sanction qui auoit duré en France apres de trente ans, fut mise sus. Et pour le plaisir que cest Euesque feit à la court de Romme en ceste partie, le Pape luy enuoya le rouge chappel & le feit Cardinal, & fut nommé le Cardinal d'Arras. Durât ladicte Sanction, les benefices par le Royaume de France se donnoient par la nomination des vniuersitez, dont s'ourdoient proces infinis, & tournoit à trop grand preiudice & dommage à la couronne de Romme. En ce temps mourut Floquet vn des capitaines du Roy, vaillant homme de guerre & subtil, & qui par sa subtilité print le Pont-de-l'Arche en Normandie sur les Anglois, qui fut la premiere cause de perdre Normâdie audits Anglois. En ce tēps aussi mourut à Authun en Bourgongne maistre Nicolas Raulin, lequel premieremēt fut aduocat en Parlement: puis fut Chancelier du Duc Philippe de Bourgongne: lequel il gouuerna si gaigement tout son tēps & en moult grās affaires, que le Duc le proposa tousiours en toutes ses besongnes: mais aussi feit maistre Nicolas ses propres besongnes si biē, qu'il acquist ou seruices du Duc plus de xl. mille frācs de rētes & de seigneuries: si qu'il feit ses fils riches & grās seignrs, & ses filles maria moult noblemēt.

Cy dit comment le Duc Philippe de Bourgongne fut en dangier de mort par maladie, dont neantmoins il repassa. Puis parle de plusieurs choses qui lors aduindrent.



Vdit an soixante & vn enuiron la Chandeleur, le noble Duc Philippe de Bourgongne accoucha malade en sa ville de Bruxelles, d'vne si griefue maladie, que tous ses medecins se desesperent de sa vie: & luy estant en ce point manda son fils au Quesnoy en Hainault venir deuers luy, & il y alla sans tarder. Et lors incontinent qu'il veit son pere si fort oppressé de maladie, il enuoya hastiuement par toutes les bonnes villes de ses païs, & par les Abbayes requerre & prier, que tous se meissent en deuotion, & priaissent à Dieu de bon cueur qu'il voulsist par sa digne grace remettre son pere en bonne santé: lesquelles nouuelles venues à cognoissance, l'en commença à faire processions, oraisons & prieres par si grande affection, que Dieu piteux & misericors renuoya santé au bon Duc: car il estoit aymé de ses subiets autant comme fut oncques Prince ne seigneur. Son fils mesmes Comte de Charrolois que plus n'auoit d'enfans legitimes, monstra encores par autre maniere comment il ayroit son pere: car il estoit tousiours au plus pres de luy, pour luy administrer ou faire administrer tout ce que pour la santé luy estoit bon & necessaire: si qu'il y fut trois ou quatre iours & nuicts sans dormir ne reposer: dōt son pere mesmes estoit desplaisant, & luy disoit souuent qu'il alast reposer, & que mieux valoit en perdre vn que deux: finalement on pria tant pour le bon Duc, & fut si bien pensé qu'il reuint en conualescence: mais oncques puis ne fut qu'il ne fut plus foible & plus debilité: & fait à croire se n'eussent esté

les prieres d'aucunes bonnes personnes, qu'il n'en fut iamais repassé. En ce tēps trespasla la dame de Rauastin niepce de la Duchesse de Bourgongne moult bonne dame, deuote & aumosniere, & fut moult plainte de maintes gens qui la cognoissoient. En ce temps aussi enuiron l'entrée de Mars trespasla la dame de Bar, femme & espouse du Comte Loys de S. Pol, laquelle laissa de son mary quatre fils & plusieurs filles : & succeda son fils aîné nommé Loys de Luxembourg à la Comté de Marle, le second à la Comté de Brienne, & le tiers à la seigneurie de Roussy. Elle fut moult noble dame & de grād lieu venue. En ce mesmes temps mourut aussi à Abbeuille vn cheualier moult renommé en armes messire Gauvain Quijaret, le plus aduantureux de tous autres en fait de guerre, & aymé de toutes gens. Encores oudit an en Mars la Duchesse d'Orleans niepce du Duc de Bourgongne accoucha d'un beau fils, que teint sur fons de baptême le Roy Loys de France, & luy donna son nom de Loys : & si le leua la Royne d'Angleterre femme du Roy Henry, laquelle à celle heure estoit venue deuers le Roy son cousin germain, pour luy requerre secours & ayde pour recouurer le Royaume d'Angleterre sur le Roy Edouard, quil'auoit tollu à son mary. En ce temps & trois ou quatre ans deuant se faisoient tous les maux du monde ou pays d'Artois, de meurdres, de larrecins & de violer femmes : mesmement dedans les bonnes villes, & souuent à la veuë des gens de iustice : mais ils n'en faisoient semblant, se n'estoit sur pources gens, qui n'auoient port ne adueu d'aucuns seigneurs. Mesmement & plus que ailleurs se commettoient ces cas icy en la ville, & en la cité d'Arras, qui est chief ville d'Artois : qui estoit vne chose moult enorme & de tresmauuais exemple.

Comment le Roy Charles de France septiesme de ce nom, apres son trespassement fut apporté à Paris : & de Paris à S. Denys, là où son seruice fut fait moult noblement : ouquel seruice furent plusieurs Euesques, Abbez & autres.



Le iour donques de la Magdaleine oudit an mille quatre cēs lxj. trespasla le Roy Charles septiesme de ce nom, tres victorieux Prince ou chasteau de Meun sur Yeure, à qui Dieu face mercy & pardon à l'ame. Le Mardy ensuiuant fut fait son seruice à saint Denys en Frâce moult solemnellemēt, tout ainsi qu'on a accoustumé de faire tous les ans, pour le Roy Loys le gros iadis Roy de France. Item le mercredi cinquiesme iour d'Aoust ensuiuant à dix heures de nuit fut apporté le corps dudit Roy Charles à Paris, & laissé hors la ville à l'Eglise nostre Dame des Champs : & y eut quatre seigneurs de la Court de Parlement qui tenoient les quatre cornieres du poille, vestus de manteaux d'escarlatte, & plusieurs autres seigneurs vestus de vermeil tenans ledit poille. Item apres le corps du Roy, lequel estoit couuert d'un poille de drap d'or bien riche en vne litiere, laquelle portoient sixvingts henouars : & y estoient monseigneur d'Orleans, monseigneur d'Angoulesme, monseigneur d'Eu & monseigneur de Dunois, faïsans le dueil à cheual tous quatre. Item apres vn chariot, ouquel auoit esté apporté ledit corps depuis Meun iusques à Paris, couuert d'un poille de veloux noir tout à trauers, couuert d'une croix blanche de drap de veloux figuré moult riche. Item audit chariot auoit cinq cheuaux qui le menoient couuers, iusques à terre de veloux noir figuré, &

ne

ne veoit on que les yeux desdits cheuaux. Item apres ledit chariot estoient six paiges vestus de veloux noir, enchapperonnez de mesmes sur six cheuaux, dont les harnois estoient de veloux noir. Item deuant le corps estoient monseigneur le Patriarche, lors Euesque d'Auranches: lequel feit le seruice tant à nostre Dame de Paris qu'à S. Denys, comme il sera dit cy apres: & y estoient ceux de nostre Dame de Paris & ceux du Palais avec les parroisses. Item deuant estoit le Recteur & l'Vniuersité de Paris. Item deuant estoient messeigneurs des cōptes vestus de noir. Item messeigneurs des requestes. Itē deuant estoit le Preuost de Paris, la court de chastelet & le peuple de Paris chacun par ordonnance. Item deuant estoient plusieurs ordres de religion dudit Paris. Item deuant estoient les quatre ordres des mendians de ladicte ville. Item & tout derriere toutes ces gens & ledit corps, estoit innumerable peuple tant de Paris comme d'ailleurs. Item y auoit deux cens torches chacune de quatre liures, que portoient. cc. hommes vestus de noir. Item & l'Eglise nostre Dame de Paris, estoit tendue doublement de toile perse, en son large toute semée de fleurs de liz. Item fut porté le corps dudit Roy ou meillieu du cueur de nostre Dame de Paris: & là furent châtées vigilles des morts. Le lendemain la Messe, laquelle chanta monseigneur le Patriarche, & fut le vendredy vj. iour d'Aoust l'an dessusdit. Cedit vendredy enuiron trois heures apres midy les seigneurs dessus nommez, lesquels auoient esté au seruice du Roy, apporterent son corps de Paris iusques à la Croix-ou-Fiens: laquelle est entre la Chappelle-sainct-Denys, & le Lendit comme dessus en ordonnance: & là eust grosse contradiction pour porter ledit corps iusques à l'Eglise. Et demoura en ce lieu par longue espace de temps. Et tellement que les bourgeois de S. Denys prindrent la bierre ainsi comme elle estoit, & voulurēt porter ledit corps à S. Denys, pource que les henouars le laisserent sur le chemin pour la somme de dix liures, qu'ils demandoient pour le porter: & de celle somme de dix liures le Grand Escuyer d'Escuyerie du Roy leur en respondit: & lors ils l'apporterent iusques dedans le Cueur de l'Eglise monseigneur S. Denys, & fut bien huiet heures de nuict, auant que ledit corps arriuaſt audit S. Denys. Item à celle heure furent chantées vespres des morts seulement pour ledit Roy, & le lendemain matines: c'est à sçauoir *Dirige* enuiron six heures du matin: & y estoient monseigneur d'Angoulesme, mōseigneur de Dunois, monseigneur de Brosſes, monseigneur de Chasteau-Brun, monseigneur le Grand Escuyer, l'Euesque de Paris & la court de Parlement, l'Euesque de Bayeux: feirent le seruice, les Euesques de Troyes, & de Chartres: l'office l'Euesque d'Orleans, l'Euesque d'Angiers, l'Euesque de Beſſiers, l'Euesque de Senlis, l'Euesque de Meaux, l'Abbé de S. Germain, l'Abbé de S. Magloire, l'Abbé de S. Etienne de Dijon, l'Abbé de S. Victor, tous les dessus nommez furent à la Messe: & n'y eut qu'une grande Messe pour le Roy: monseigneur & Madame d'Orleans y furent. Item apres la Messe fut le Roy mis en terre, en la chappelle de son grand pere entre ledit grand pere & son pere. Item le cueur de ladicte Eglise fut tendu tout autour de drap de veloux noir & vne chappelle, laquelle estoit moult belle: ou meillieu dudit cueur, sous laquelle estoit ledit Roy, tendue pareillement de veloux, & par dessus tant de cierges qu'on y peut mettre. Item estoit le Roy dedans vn coffre de cyprés, enchaſſé en vn auge de

plomb de son long, lesquels estoient enfermez dedans vne biere de bois. Item estoit ledit Roy par dessus en figure sur vn matheras, vne paire de draps de lin & le poile dessusdit: & estoit ladicte figure vestue d'une tunique & vn manteau de veloux à fleurs de liz, fourré d'hermines, tenant en vne de ses mains vne main, comme vn sceptre: & en l'autre main vn grand sceptre, vne couronne sur la teste, & vn oreiller de veloux dessous. Item auoient les gens du Roy apporté vn ciel de drap d'or, auquel auoit viij. lances pour le porter: & à ladicte Croix-au-fiens sur le chemin de Paris, vindrent huit des religieux de S. Denys prendre le ciel, pour le porter sur le corps du Roy iusques audit S. Denys: mais ledit escuyer le refusa à bailler, en disant, que ce n'estoit pas la coustume: & que ledit ciel ne se deuoit point porter sur ledit corps parmy les champs: mais se deuoit porter parmy les villes seulement: & quand le corps fut à la porte de saint Denys fut faicte station illec: & là furent chantées trois oraisons, lesquelles se chantoient à chacune station: & là fut baillé ledit ciel ausdits religieux, lesquels le porterent iusques à l'Eglise par dessus le corps, en telle maniere qu'on pouoit veoir iceluy corps tout à plain, c'est à sçauoir ladicte figure. Item apres l'enterrement dudit Roy, eust grosse contradiction entre l'Escuyer d'escuyerie, & les religieux dudit S. Denys, pour le poile qui estoit sous ladicte figure: pource que ledit Escuyer disoit que à luy appartenoit: & tellement qu'il conuint que ledit drap fut mis en la main de monseigneur de Dunois, & de monseigneur le chancelier de France. Et finalement fut appointé que ladicte poile, laquelle estoit de drap d'or vermeil moult bel, demourroit à S. Denys. En disant par le Grand Escuyer que se aucun droit y auoit, il le donoit à ladicte Eglise de saint Denys. Item au regard dudit ciel, il demoura à l'Eglise de S. Denys sans contradiction avec veloux, cendaux, cire & toutes autres choses: mais ils remporterent le drap de veloux noir à la croix blanche, lequel couuroit ledit chariot & toutes autres choses. Item allerent ledit Comte de Dunois & ledit Grand Escuyer par toutes les chappelles, où il y auoit corps Saints, & donnerent à la decoration des autels du drap de veloux & de satin, à couvrir deux tables d'autel hault & bas. Item au meillieu de là grand Messe y eust vne predication, que feit maistre Thomas de Courcelles Docteur en Theologie. A laquelle auoit grand peuple gemissant & priant pour ledit defunct, lequel fut illec tiltré, le Roy Charles septiesme de ce nom tres-victorieux. Item apres l'enterrement fut crié, viue Loys de France: & Dieu ayt l'ame de Charles septiesme, come dit est. Et adonc ietterent leurs verges sur la fosse les huissiers, & autres sergens. Item apres tout le seruice fait, allerent dîner en la grand salle de l'Abbé: & y eust court planiere & ouuerte à tous venans. Et de ceste heure le dîner fait & graces dictes, le Cōte de Dunois & de Lōgueuille dit à haulte voix, que luy & les autres seruiteurs auoient perdu leur maistre, & qu'un chacun pensast à soy pourueoir. Si furent moult dolens chacun à son endroit & non sans cause, & par especial comencerent les pages tresfort à plorer.

Cy parle de la mort villaine de Jean Constatin solemmeillier de corps du Duc Philippe de Bourgogne: & dit la cause pourquoy il mourust, & de celuy mesme qui l'accusa.

En l'an

EN l'an mille cccc.lxij. par vn dimêche iour de S.laques & S.Christofle ou mois de Tuillet, fut prins & mené à Rippemonde Iean Cōstain fommeillier de corps du noble Duc Philippe de Bourgongne: pour ce qu'il auoit voulu faire mourir par poisons le Comte de Charrolois, seul fils legitime de son maistre: & vint son peché à cognoissance par vn poute gentil-homme de Bourgongne, nommé Iean d'Iuy. Auquel ledit Constain auoit marchandé pour vne grande somme d'argent, d'aller en Piémont acheter la poison: & fesoit à luy descouuert, de ce qu'il en vouloit faire: comme donques cestuy Iean d'Iuy eust acheté la poison, & qu'il l'eust apportée audit Constain à Bruxelles: & il luy demandast ce que Constain luy auoit promis, Constain en fut refusant, & ne luy vouloit pas tant donner qu'il luy auoit promis, & si luy dit plusieurs grosses parolles & iniurieuses: car il n'auoit son pareil d'orgueil & de felonnie. Iean d'Iuy malcontent dudit Constain pour les causes dictes, sen complaignit à vn autre gentil-homme de Bourgongne, nommé Arquembart, & luy descourrit tout leur secret: dont ledit Arquembart fut merueilleusement esbahi, & conseilla audit Iean d'Iuy, qu'il allast hastiement descourrir toute la verité de celle besongne au Comte de Charrolois, disant que s'il n'y alloit, luy mesme iroit & luy diroit tout. Iean d'Iuy sans tarder s'en alla deuers le Comte, & se ietta à genoux deuant luy, & luy pria humblement qu'il luy voulüst pardonner le meffait de ce qu'il vouloit dire. Puis luy ouurit la matiere & luy dit toute la verité. Le Comte qui fut bien esbahi & fort troublé, sen alla hastiement deuers son pere le Duc, & luy dist la maniere de ceste mauuaistié, tout ainsi que Iean d'Iuy le luy auoit compté; en luy requerant iustice de l'homme si desloyal, & luy nomma Iean Constain. Le Duc luy dit qu'il luy en feroit iustice voirement: le Comte retourné en son logis, ordonna Iean d'Iuy d'aller tenir prison à Rippemonde, & qu'il attendit illec & il y alla. Quand vint le lendemain au matin le iour de S. laques (comme dit est) & que le Duc auoit ordonné le seigneur d'Auxi & Philippe de Creuecueur de mener Iean Constain à Rippemonde, & que Iean Cōstain chassoit à celle heure, & se iouoit dedans le parc du Duc. Le Duc l'appella & luy dit qu'il vouloit qu'il allast à Rippemonde avec le seigneur d'Auxi, pour respondre à vn gentil-homme, qui le chargeoit grandement de son honneur: Constain luy respondit tresfierement selon sa coustume, qu'il ne craignoit homme du monde, & sen alla houer & monter sur vn tresbon cheual luy cinquiesme: & en ce point sen alla à l'hostel du seigneur d'Auxi: lequel il trouua monté à cheual, & avec luy ledit Philippe de Creuecueur, & quinze ou seize archiers de corps du Duc. Quand Constain veit tant d'archiers, il se commença à douter de malle mesure. Neâtmoins ils sen allerent tous ensemble parmy la ville de Bruxelles. Mais quand ils vindrent aux champs, le seigneur d'Auxi feit descendre Iean Constain de son gros cheual, & le feit monter sur vne haguette qu'il cheuauchoit: si se douta Constain encotes plus que deuant: car le seigneur d'Auxi luy meit adone la main sur l'espaule, & le feit prisonnier du Duc: puis s'en allerent de tite tant qu'ils vindrent à Rippemonde, & n'y furent oncques plus tost venus que le Comte de Charrolois n'y fut aussi tost que ledit Constain, & print luy mesmes les clefs de la tour où Iean Constain fut mis en prison: tost apres vindrent illec Anthoine

Bastard de Bourgogne, l'Euesque de Tournay, le seigneur de Croÿ & le seigneur de Goux : & ne parloit nuls audit Constain que ceux cy & que le Comte ne fut present, où qu'il ne les ouist. Eux ainsi assemblez ils firent comparer Iean d'Iuy deuant Iean Constain, & à luy dit Iean d'Iuy, comment il auoit marchandé à luy d'apporter les poisons, & les luy auoit apportés : mais ne l'auoit voulu payer ainsi qu'il le luy auoit promis : & pour verifer ses dits, luy monstra ses lettres escriptes de la main dudit Constain, & signées de sa main, non pas vne seule, mais plusieurs. Ce nonobstant Constain denioit tout, & dit audit d'Iuy plusieurs grosses & iniurieuses parolles : mais finalement sans torture & sans quelque torment de gehaine il confessa tout son cas : & dit que luy mesme auoit esté depuis Noël l'an lxj. par deux fois en Piémont pour auoir lesdictes poisons, & n'en auoit peu recouurer : & que pour les auoir, il auoit voirement marchandé audit Iean d'Iuy tout ainsi, comme il auoit dit : disant au premier que ce n'estoit pas pour faire mourir ledit Comte de Charrolois : mais affin que le Comte l'eust en la bonne grace & qu'il le laissast en son estat, & ne luy ostant riens du sien se le Duc alloit de vie à trespas : mais finalement il cogneust que c'estoit pour faire mourir le Comte, & qu'il auoit proposé de luy donner la poison à quelque banquet qui se feroit à la My-Aoust : laquelle poison prinse il n'eust peu viure qu'un an apres seulement. Ces choses ainsi sceuës & cogneuës par ledit Iean Coustain, il fut le prochain vendredy apres mené sur vne des plus haultes tours du chasteil, pour estre decapité : & luy illec pria moult qu'il peust encores parler au Comte & luy dire aucunes choses secretes. Le Comte vint & parla à Constain à luy vne bonne espace de temps seul à seul, nul des assistens ne sçauoit quelle chose il luy disoit : mais bien veoient que le Comte se seignoit à chacune parolle que Constain luy disoit. Et fait à supposer qu'il accusoit quelcun cuidant par tant amender sa besongne. Puis pria au Comte que son corps ne fut esquarteré, & qu'il fut mis en terre sainte : & puis incontinent il eut la teste trenchée. Puis fut appelé Iean d'Iuy, & luy demanda le Comte, se Iean Constain luy eust bien tenu sa promesse, s'il eust leur fait accusé, il respondit que non, & pourtant le Comte luy feit aussi la teste trencher. Les biens dudit Constain qui montoient à plus de trois cens mille francs pour vne fois, furent declairez confisquez & appartenir au droit du Duc : mais le noble & bening Duc les redonna à la femme dudit Constain, & à ses enfans. On dit tousiours depuis communement, que ledit Constain auoit fait mourir par venin la bonne Dame de Rauastin, pource que icelle Dame auoit blasme la femme dudit Constain du grand estat qu'elle portoit, comme pareil à celuy des Princeesses.

Cy parle de l'exécution criminelle que feit faire le Duc Philippe de Bourgogne en sa Comté d'Artois, sur plusieurs mauuais garnemens tresmal renommez; puis parle du trespas de l'Abbé de S. Vast d'Arras, & d'autres choses : puis parle d'aucunes parolles poignantes que le seigneur de Chimay dist au Roy.



Vdit an ou mois de Septembre, que le Duc Philippe de Bourgogne eut esté aduertý des grans malefices, qui se faisoient en la Comté d'Artois, par les seruiteurs d'aucuns seigneurs, que les Baillifs & officiers du Prince ne osoient prendre ne punir, pour doute d'estre battuz ou morts ou affolez,

affolez. Les Baillifs d'Amyens, de Cambresis, & d'Orchies vindrent & entrèrent dedans la ville d'Arras le plus secrettement qu'ils peurent, cy deux, cy trois & se logerent en diuers hostels, ayans avec eux des archiers de corps du Comte d'Estampes lors capitaine de Picardie, iusques à l.cheuaux ou plus, garniz du mandement du Prince, qui vouloit que tous les mauuais garçons qu'ils pourroient prendre & apprehender : dont de leurs cas apparoissoit par informations precedentes, fussent prins & executez criminellement à quelque seigneur qu'ils fussent, mesmes fussent les seigneurs, voire mesmes ceux de son sang. Et fait à croire se le bon Prince eust sceu plustost les malefices, que l'on faisoit en son païs d'Artois, qu'il y eust plus tost poutueu : mais il auoit entour luy aucuns qui n'eussent pas voulu qu'il en eust esté aduertý. Quand donques ces Baillifs icy furent venuz à Arras (comme dit est) ils se meirent ensemble par nuict, & s'en allerent és lieux où ils pensoient trouuer les mauuais garçons. Aucuns en prindrent, & aucuns s'enfuirent & se absenterent : puis allerent sur le plat païs & en prindrent aucuns de tresmal renommez, & les pendirent aux arbres sur les chemins, & feirent vn tresbon exploict pour celle fois. En ceste mesme année le xv. iour de Septembre, trespassa de ce mode l'Abbé Iean surnommé du Clerc Abbé de S. Vvast d'Arras, lequel fut moult plaint & ploré de maintes pources gens. Car il fut en son temps grand aumosnier, & gouuerna l'Abbaye de saint Vvast par l'espace de xxxiiij. ans, le plus notablement que Abbé qui y eust esté puis deux cens ans deuant luy, comme il pouoit apparoir en son Eglise, és maisons & edifices qu'il instaura en plusieurs lieux : lesquelles Eglises & maisons il auoit trouuées en grand ruine. Il feit entre autres choses vne chose & grande recommandation, & qui est digne de memoire perpetuelle : car en l'an xxxviii. que le bled valut dix francs le septier, ou v. francs le mencault d'Arras, & que les pources gens ne pouoient recouurer de bled, il feit ouurir ses greniers qu'il auoit tous plains de bled, & en feit deliurer à toutes pources gens, & non à autres le meëcault pour xxviii. sols, & n'en laissoit emporter que deux boiceaux au coup : affin se la famine duroit longuement, que son bled durast aussi plus longuement. Il feit faire le portail de l'Abbaye & la nef de l'Eglise, & si garda si bien les rentes & les reuenues appartenant à l'Abbaye, que onques Abbé ne le feit mieux : & si en acquist des nouuelles affez : & trespassa qu'il auoit d'age quatre vingts & six ans, Dieu luy face pardon & mercy. Environ ce temps retourna de deuers le Roy de France, le seigneur de Chimay, que le Duc de Bourgongne y eust enuoyé pour aucuns differans estans entre eux : & le plus grand si estoit que l'en disoit communement que le Roy vouloit faire publier és païs du Duc, qu'il ne fut homme qui baillast confort ne ayde à quelconque maniere que ce fut au Roy Edouard d'Angleterre : ce que le Duc ne vouloit souffrir publier en ses païs, attendu qu'il auoit trefues avec ledit Roy Edouard, & si luy estoit fauorable. Et si vouloit le Roy Loys faire courre & leuer la gabelle du sel en la Duché de Bourgongne, ce qui n'y eut esté fait grand temps deuant. Ce que le Duc ne vouloit aussi souffrir ne permettre. Pour icelles choses & autres remonstret au Roy, & luy prier qu'en faueur & pour l'amour de luy il s'en voulüst deporter. Mais le seigneur de Chimay fut bien longuement poursuuiuant deuers le Roy pour auoir audience, & ne la pouoit auoir, iusques à vn iour qu'il fut dili-

gent d'attendre le Roy à l'issue de sa chambre : & tant y attendit que le Roy en issit. Dont quand il veit ledit seigneur de Chimay, il luy dit : quel homme (dit il) est le Duc de Bourgongne : est il autre ou d'autre metal que ne sont les autres Princes & seigneurs de mon Royaume? Ouï sire, dit le seigneur de Chimay (qui estoit homme hardy & courageux) le Duc de Bourgongne voirement est autre, & d'autre metal que les autres Princes de vostre Royaume, ne des pays enuiron : car il vous a gardé, porté & soustenu contre la volenté du Roy Charles vostre pere, que Dieu absolue, & de tous autres auxquels il en desplaisoit, ce que nul autre Prince n'eut voulu ne osé faire. A ces parolles se teust le Roy, & ne luy dit plus riens : ains reentra en sa chambre & ne parla oncques puis à luy pour celle fois. Aucuns disoient lors que le Comte de Dunois auoit demandé au seigneur de Chimay, comment il auoit ozé parler ainsi au Roy, & qu'il luy respondit. Se i'eusse esté cinquante lieues loing, & i'eusse pensé que le Roy m'eust voulu dire ce qu'il m'a dit de monseigneur mon maistre, ie fusse retourné pour luy dire ce que ie luy ay respondu : puis s'en retourna faire son rapport au Duc.

Comment la Duchesse de Bourbon vint demourer avec son frere le Duc de Bourgongne : puis parle du secours que bailla le Roy de France à la Roynie d'Angleterre, & d'autres choses qui aduindrent en diuers lieux.



N ce mesmes temps vint la Duchesse de Bourbon veufue, visiter son frere le noble Duc de Bourgongne accompagnée de trois ou quatre de ses fils, & de deux de ses filles. Car elle auoit eu du Duc de Bourbon son mary six fils & cinq filles. Le premier fils nommé Loÿs, estoit Duc au lieu de son feu pere : le second fut marié à la fille du Roy de Chypre, mais il mourut de lepre ainçois qu'il y allast : Charles le tiers fils fut Archeuesque de Lyon sur le Rosne, & Abbé de S. Vast d'Arras : le iiij. nommé Loÿs fut Euesque de Liege : le v. nommé fut seigneur de Beau-Ieu, & eust à femme la fille du Duc d'Orleans : le vj. nommé Jaques mourut en son aage d'adolescence. Des filles l'une eut espousé le Duc de Calabre, duquel elle eut vn beau fils, mais elle trespassa tost apres : la seconde espousa le Comte de Charrolois son cousin germain, fils du Duc Philippe de Bourgongne & en eut vne seule fille, puis trespassa la bonne Dame. La tierce eut espousé le fils du Duc de Gueldres, nepueu dudit Duc de Bourgongne : vne des autres fut mariées depuis au seigneur d'Arguel : & l'autre estoit lors, à marier, & les auoit tous & fils & filles ainsi alliez & aduancez le noble Duc de Bourgongne leur oncle : en ce temps mesmes le Roy de France enuoya en Angleterre pour le secours de sa cousine la Roynie, deux mille combattans, sous la conduite du seigneur de Varenne grand Seneschal de Normandie : lequel auoit comme tout gouverné le feu Roy Charles, & disoient aucuns, que pour le mettre à l'aduenture le Roy Loÿs l'eut là enuoyé tout volentiers. Neantmoins il sy porta si bien, qu'il y conquist plusieurs places : attendant illec apres le Duc de Sombreffet, qui luy auoit promis mener vne grosse armée d'escocce & d'autre part, dont il luy faillit : car il trouua son moyen entretant d'estre appaisé au Roy Edouard, qui luy rendit ses terres & ses seigneuries. Et partant se trouuerēt François assiegez par le Comte de Vvaruich es places qu'ils auoient conquises : si qu'ils furent contrains

trains de tout rendre & de retourner en France, sauues leurs vies seulement: non pas tous, car aucuns en y eut qui furent prins & retenuz en aucunes rencontres & escarmouches, qu'ils auoient faits les vns sur les autres. En ce temps aussi enuoya le Duc de Bourgogne cent hommes d'armes, & cccc. archiers en l'ayde de l'Euesque de Maience, lequel auoit guerre mortelle & terrible contre vn autre seigneur d'Allemagne: si que à l'occasion de celle guerre, furent arses & destruites deux ou trois iournées du plat pays: & fut chief de celle compagnie que le Duc y enuoya. En ceste année le xxj. iour de Novembre fut eclipte de Soleil, & tost apres en ce mesme mois, se firent à Bruxelles ioustes & grans esbatemens à la bien venue de la Dame de Bourbon & de ses enfans, qu'elle auoit amenez avec elle (comme dit est) auxquelles festes le Duc de Bourgogne estoit en grand bruit moult richement paré & adoubé, pour veoir les ioustes.

En ce mesme temps furent prins à Bruxelles, par l'ordonnance du Comte de Charrolois, trois hommes & vn apoticaire d'icelle ville: lesquels trois hommes auoient fait faire par ledit apoticaire six Images de cire: trois en forme d'hommes & trois en forme de femmes, pour faire aucune forcelerie: mesmement sur la personne dudit Comte de Charrolois, comme disoit commune renommée. Et fut ceste chose sceüe, par ce que l'apoticaire sen deuifa à aucuns des seruiteurs dudit Comte, & leur dit que ceux qui luy auoient fait faire lesdictes Images, luy auoient dit qu'ils en feroient merueilles: & qu'ils feroient lesdictes Images aller & parler, qui seroit vne chose bien nouuelle. Et tant en fut parlé que le Comte de Charrolois en ouit parler, & commanda prendre lesdits trois hommes, qui estoient au Comte d'Estampes: & si fut prins l'apoticaire: mais il fut tost apres absoulz & deliuré, pource qu'il ne sçauoit à quelle fin les Images eurent esté faits. Vn gentil-homme de l'hostel dudit Comte d'Estampes, nommé Charles de Noyers se rendit fuitif: mais il fut raint & prins & mené prisonnier au Quesnoy le Comte en Hainault. Et fut commune renommée que ces quatre personnes, furent tresfort interrogez & examinez & qu'ils cōfessèrent de merueilleuses choses que l'en teint si secretes, que pou de gens en sçauoient parler & demourerent longuement en prison.

Cy parle de plusieurs & diuerses besongnes qui aduindrent à l'entrée de l'an mille quatre cens. lxiij. Puis parle de la dure fortune de la Royne d'Angleterre.

EN l'an mille cccc. lxiij. le xix. iour d'Auril apres Pasques, trespassa de 1463. ce monde maistre Robert le Jeune, gouuerneur d'Arras, aagé de iiii. xx. xij. ans: lequel à son premier aduenement fut aduocat à Amyens. Puis fut prins & retenu au conseil du Roy Henry d'Angleterre. Lequel Roy le feit cheualier, & si luy feit grans biens. Apres la mort de ce Roy Henry, le Duc de Bourgogne le feit baillif d'Amyens: Ouquel office il se gouerna tellement à la faueur du Duc de Bourgogne & des Anglois, que l'en dit de luy communement, qu'il y feit que pendre que noyer ou decapiter plus de xix. cens personnes: & trop plus de ceux du party des François que l'en nommoit Armignacs, que du party contraire: & tellement que le commun d'Amyens le print en si grand haine, qu'il n'y osa plus demourer: & sen alla demourer à Arras: & le feit le Duc de Bourgogne gouuerneur d'Arras. En quel-

quel lieu qu'il demourast, il se gouerna si haultement, qu'il feit deux fils qu'il auoit grans seigneurs & riches : si que l'un fut Euesque d'Amyens & puis Euesque & Cardinal de Therouenne, le plus riche de tous les Cardinaux : mais il mourut en son aage de xl. ans, & dit on que sa mort luy fut aduancée par venin : l'autre fils fut chevalier en armes grand terrien, & qui eut grand gouuernement en l'hostel de la Duchesse de Bourgongne : & depuis en l'hostel de son fils Côte de Charrolois : la fille dudit maistre Robert fut mariée bien richement & noblement. Oudit an vint de Bruges à l'Isle le Duc Philippe de Bourgongne le vj. iour de Iuillet, & n'y auoit esté depuis celle grande maladie qu'il auoit eüe l'année deuant. Et pourtant ceux de la ville le receurent si treshonorablement, qu'onques Prince ne fut mieus receu en ville : car ils allerent au deuant de luy hors de la ville plus de cccc. homes, chacun tenant vne longue torche ardent en sa main, sans les autres notables gēs & bourgeois de la ville : & si estoient les rues par où il passa si plaines de ieux, de mysteres & d'allumeries tāt riches, & tant bien faites, que l'en veoit aussi cler comme à plain iour : iacoit ce qu'il fut bien tard, & que la nuit fut obscure : & en ce point fut couoyé en son hostel. Le Duc Philippe de Bourgongne desirant tousiours qu'il peust acheuer le veu qu'il feit à l'Isle l'an liij. d'aller à puissāce sur le Turc, pour le rebouter en son pays outre la mer, que l'en nōme le bras S. George, & voulētiers y fut allé de sa personne se n'eust esté la crainte qu'il auoit ades, que luy absent de ses pays le Roy de France ne voulüst greuer ou prédre : pour ceste cause donques il enuoya en cest année vne notable ambassade deuers le Pape Pius, de laquelle furent chiefs l'Euesque de Tournay, le seigneur de Montigny & le seigneur de Forestel chevaliers, pour sçauoir la volenté de nostre S. Pere sur le fait de son veu, qu'il ne pouoit accōplir (cōme dit est) en offrāt d'enuoyer cōtre le Turc six mille bons cōbatans à ses propres cousts & despens, par telle maniere qu'il plaisoit au Pape d'en ordōner.

ICy conuient bien dire l'adventure que la Roynne d'Angleterre eut à celle fois avec le seigneur de la Varēne : car elle toute esgarée passant vn iour par vne forest en Angleterre son fils avec elle, furent prins de pillars qui les desfroberent & desbagerent de tous points : & fait à croire qu'ils les eussent meurdres n'eust esté qu'ils prindrent noīse les vns aux autres au departir leurs bagues : & tellemēt monta la noīse, qu'ils se combatiēt treshien : dont quand la Roynne les veit ainśi messer & combattre, elle print son fils entre ses bras, & s'en fuit en la forest ou plus profond du bois, là où elle se trouua tant lassée & tant travaillée, qu'elle ne pouoit plus aller auant. Et en ce point trouua vn brigant auquel elle bailla son fils à porter, & luy dit, tiens mon amy sauue le fils de ton Roy : le brigant le print tout volentiers & s'en allerent tellement que tost apres ils vindrent par mer à l'escluse : & de l'escluse elle s'en alla à Bruges tousiours son fils avec elle, là où elle fut receüe moult honorablement : entretant estoit son mary le Roy Henry ou pays de Galles en vne des plus fortes places qui fut en Angleterre. Elle laissant à Bruges son fils Edouard, s'en alla à l'Isle deuers le Comte de Charrolois, qui moult l'honora & festoya grandement : puis s'en alla de l'Isle à Bethune pour parler au Duc de Bourgongne : lequel aduertý que grand nombre d'Anglois estoient venus à Calais luy enuoya ses archiers, qui l'amenerent de Bethune à S. Pol : là où le Duc alla deuers elle, nōobstant qu'il cognoissoit assez qu'elle

ne l'auoit onques aymé : mais vſant le noble Duc de la nobleſſe de ſon coura-
ge, la feſtoya grandement, & luy donna du ſien largement: aucuns diſoient lors
qu'il luy dōna deux mille eſcus d'or, & au ſeigneur de la Varenne mille eſcus, &
à chacune des femmes d'icelle Royne cent eſcus, & ſi la ſeit conuoyer iuſques
tant qu'elle fut ou paÿs de Barrois, qui eſtoit au Duc de Calabte frere d'icelle
Royne: laquelle Royne ſe reputoit mal'heureuſe de ce que plus toſt ne ſ'eſtoit
retraite deuers le noble Duc de Bourgongne, eſperant que par ſon bon moyen
ces beſongnes en euſſent mieux vallu.

*Comment le Roy de France donna au ſeigneur de Croy la Comté de Guiſnes: & comment
le Comte d'Eſtampes ſe eſlongna de la maiſon de Bourgongne. Puis parle d'autres
choſes qui lors aduindrent.*

AVdit an lxiiij. que le Roy Loÿs de France eut eſté par tout ſon Roy-
aume viſiter, & ſçauoir comment tout y alloit, il reuint à Paris &
ſe fit crier à ſon de trompe parmy la ville, qu'il auoit donné au ſei-
gneur de Croÿ la Comté & ſeigneurie de Guiſnes: & par auant l'a-
uoit fait ſon grãd maiſtre d'hoſtel. Et des lors auoit ledit ſeigneur de Croÿ tout
delaiſſé la maiſon de Bourgongne, & ſe tenoit avec le Roy qui ſembloit à plu-
ſieurs gens choſe moult eſtrange: car ledit ſeigneur de Croÿ auoit eſté des ſa
ieuneſſe nourry & eſleué en icelle maiſon de Bourgongne: en laquelle il eſtoit
le plus aduacé de tous autres, & eſtoit premier chambellan & tout gouuerneur
de la perſonne du Duc: & tellement y auoit prouſité, qu'il auoit acquis ou ſer-
uice dudit Duc de xl. à l. mille francs de rente: & tant d'ouurages qu'il auoit faiſ,
que c'eſtoit vne grand merueille: & ſi auoit ſes amis ſi aduancez, qu'ils n'auoiēt
leurs ſemblables eſ paÿs du Duc: & ſil auoit eſté bien du Duc, auſſi fut il du
Roy: car le Roy ne luy reſfuſoit choſe qu'il luy demandait pour luy, ou pour les
ſiens. Et diſoit commune renommée, ſi que le Roy l'honoreroit ainſi, pource
qu'il luy auoit dreſſé le moyen de racheter du Duc de Bourgongne les terres &
les bonnes villes, eſtans ſur la riuere de Sōme, pour la ſomme de cccc. cinquante
mille eſcus. Auquel remboursement receuoir le ſeigneur de Croÿ auoit en-
cliné le Duc de Bourgongne: car il vſoit plus de ſon conſeil que de nul autre de
ſa court. Toutesuoyes quand ledit ſeigneur de Croÿ eut ſeourné à la court du
Roy vn eſpace de temps, il ſ'en retourna en la maiſon de Bourgongne, & exer-
cea ſes offices comme deuant. Ou voyage que le Roy ſe fit en Guyenne & en
Bourdelois, il ſe fit la paix du Roy d'Eſpaigne & du Comte de Foix: leſquels e-
ſtoient en grand diſcord, pource qu'ils auoient deux ſeurs eſpouſées filles du
Roy de Nauarre. En ce temps auſſi lean de Bourgongne Comte d'Eſtampes
ſ'eſtoit eſlongné de la maiſon de Bourgongne, & ſe tenoit avec le Roy: & diſoit
commune renommée qu'il eſtoit en la malſe grace du Duc de Bourgongne, &
plus encotes de ſon ſils, pour cauſe de ſes Images de cire, dont touché eſt cy deſ-
ſus: & doutoit le Comte de Charrolois de ſoy trouuer avec luy pour doute de
ſorcelerie: & tenoit le Comte de Charrolois delez luy le Comte de S. Pol, le-
quel auoit le principal gouuernement de ſon hoſtel & de ſa perſonne: parquoy
aucuns diſoient que le Comte d'eſtampes, & le ſeigneur de Croÿ eſtoient eſlon-
gnez de celle noble maiſon de Bourgongne: car le Comte de S. Pol ſelon cōmu-

ne renommée ne aymoit ne l'un ne l'autre. Enuiron ce temps vint deuers le Roy en la ville de Senlis la Roynne Ysabel de Sauoye sa femme en petit estat: car pour le temps le Roy despendoit le moins qu'il pouoit, & entendoit à assembler tresfor tant pour rembourser le Duc de Bourgogne des villes engagées sur la riuier de Sôme, comme pour faire ses plaisirs, come celuy qui aymoit merueilleusement à chasser & à voller, & donnoit largement à braconniers & à fauconiers qui luy faisoient son deduit: à autres gens ne donoit que pou ou neant, & ne tenoit compte de soy vestir ne parer richement: ains se vestoit le plus du temps de drap de petit pris & de pourpoints de fustaine, plus meschamment que à son estat n'appartenoit: ains aymoit tous ceux qui ayans à besongner à luy venoient deuers luy en simple estat: il ne diminua tailles ne subsides en son Royaume, ains en mettoit sus des nouuelles tous les iours, dont son peuple fut grâdemêt foulé & trauaillé. Oudit an lxiiij. le vij. iour de Septembre, fut rendue sentence par arrest de Parlement contre le Comte de Dampmartin messire Anthoine de Chabannes: lequel apres le trespas du Roy Charles se fut rendu fugitif pour crainte du Roy Loys, auquel neantmoins il vint crier mercy vn an apres, & se meit du tout à sa volenté. Et le Roy l'enuoya prisonnier en la conciergerie du Palais, & manda à ceux de Parlement qu'ils luy feissent son proces. Et son proces fait, fut dit par Parlement qu'il auoit comis cas de leze maiesté deuers iceluy Roy Loys: & par tant son corps estre digne de mort, & tous ses biens & heritaiges confisquez au droit du Roy. Neantmoins le Roy luy donna la vie, par si qu'il promettoit d'aller en Rhodes & demourer illec le demourant de sa vie, & que pource faire il bailleroit caution. Mais il ne peut trouuer la caution, & pourtant il fut remis en prison en la bastille de S. Anthoine à Paris. Enuiron ce temps le Roy Loys pour sa singuliere volenté feit brusler & ardoir par toute l'Isle de France toutes les rets, filez & engins que l'en y peut trouuer, seruās à prédre toutes manieres de bestes sauuages & d'oiseaux: & n'en fut nul espargné noble ne villain, reserué en aucunes garennes appartenans, aux Princes: & disoit on communément qu'il feit ce afin que nul ne chassast ne vollaist que luy, & qu'il fut tant plus de bestes & d'oiseaux: car toute son affection estoit à chasser & à voler.

Cy dit comment le Roy Loys de France racheta les terres engagées sur la riuier de Somme du Duc de Bourgogne: & comment il alla veoir le Duc à Hesdin. Puis parle d'aucunes autres choses.

LE Roy de France qui fut deliberé de rembourser le Duc de Bourgogne, & de racheter de luy les villes & terres de dessus la riuier de Sôme: feit tellement sa besongne qu'il assembla vne trefgrosse finance venant de diuers lieux: car il ne demoura en France Abbaye, ne chanoinerie, ne marchans renomméz d'auoir argent, qui ne luy donnast ou prestast. Et lors qu'il eut tout prest son remboursement, il enuoya au Duc de Bourgogne iusques à Abbeuille: & le Duc l'enuoya querir illec & le feit rapporter deuers luy en la ville de Hesdin, où il estoit lors à seiour. Et tost apres vint le Roy deuers luy à Hesdin, là où le Duc alla à son encontre, & le receut moult honnorablement comme bien faire le sçauoit: & le logea en son hostel illec en son propre logis: & promeit adonc le Roy au Duc de paraccomplir tout

ce que du traité d'Arras n'estoit encores accomply, dont neantmoins il ne feit pas tout. Le Roy & le Duc estans ainsi ensemble au chastel de Hesdin, vint illec vne grosse ambassade d'Angleterre: de laquelle estoit chief vn Euesque frere du Comte de Vvaruich, & estoit de trois cens à quatre cens cheuaux bien en point & richement. Entretant aussi qu'ils seiournerét à Hesdin, le Duc enuoya plusieurs messagiers deuers le Comte de Charrolois son fils, qui lors estoit en Hollande, afin qu'il veinst faire la reuerence au Roy: mais il n'y voulut venir, disant que tant que le Comte d'Estampes & le seigneur de Croÿ fussent avec le Roy (comme ils estoient) qu'il ne se trouueroit point deuers le Roy, & non fait il, sçachant que voirement le Roy les tenoit avec luy, & qu'ils estoient de son plus estroit conseil: & si couroit lors commune renommée, que par le cōseil & enhort du seigneur de Croÿ le Duc festoit condescendu au remboursement de la riuere de Somme, qui estoit chose faicte à la grand desplaisance du Comte de Charrolois, & pour le greuer au temps aduenir. Aucuns aussi disoient que le Roy quand il eut bien regardé le chastel & la ville de Hesdin, qui est comme la clef de la Comté d'Artois, qu'il la demanda au Duc & qui luy offrit en ce lieu dōner la ville de Tournay, & Mortaigne, & aucunes autres places: mais le Duc n'y voulut entendre estimant que telles requestes se faisoient plus à sa nuysance que autremēt. Quand le Roy se partit de Hesdin où le Duc l'eut festoyé moult honnorablement, il le conuoya iusques aux champs, ce fut le xix. iour d'Octobre l'an lxij. & disoit on lors que le Duc au partement du Roy luy feit aucunes requestes: & entre les autres luy pria, qu'il voulüst entretenir en leurs offices ceux que le Duc auoit mis & establis és villes & aux païs desgaigez. Et que le Roy luy accorda tout ce qu'il luy auoit requis & demandé. Mais neantmoins il n'en feit riens: ains en mua aucuns en commençant à Abbeuille, là où il feit renouueller les sermens de ceux de la ville & des gentils hommes d'illec entour, dont les plusieurs eurent seruy le Duc route leur vie. Mais le Roy les faisoit iurer qu'ils le seruiroient de lors en auant contre tout homme. Puis osta au seigneur de Sauueses la capitainerie d'Amyens, de cité lez Arras, & de Dourlens, & combeit en son lieu le seigneur de Launoy nepueu du seigneur de Croÿ: lequel de Launoy estoit gouverneur de l'Isle, Douay & Orchies de par le Duc de Bourgongne: & si luy donna encores le Roy la capitainerie de Mortaigne, & en depōsa le seigneur de Haubourdin bastard de S. Pol. Il osta aussi au seigneur de Creuecœur le Bailliage d'Amyens, & le donna audit seigneur de Launoy. Et outre par dessus tous ses offices, luy donna deux mille liures de pension tous les ans: desquels biens & aduancemens plusieurs se donnerent merueille: attendu que ledit seigneur de Launoy auoit prins son commencement d'honneur, de richesses en la maison de Bourgongne, & n'auoit fait onques seruice au Roy Loÿs de France.

Cy parle du trespas de la Royne de France Dame Marie d'Anjou: puis dit comment le Roy feit adiourner le Comte de S. Pol & le seigneur de Genly à comparoir en personne deuant luy: puis parle d'autres choses, & du mariage du fils de Gueldres: puis parle de l'abolition de la Pragmaticque sanction.



En ce mesmes téps trespasla de ce monde dame Marie d'Anjou Royne de France, mere du Roy Loÿs lors regnant: laquelle tout son téps eut bonne renommée d'estre tresbonne & tresdeuote dame, & moult aumosniere & patiente. En ce temps aussi le Roy de France feit adjourner le Comte de S. Pol, & le seigneur de Genly à comparoir deuant luy, où qu'il fut, & en leurs personnes au quinziésme iour du mois de Nouembre. Et disoit on communement que la cause estoit, pour ce que le seigneur de Genly estoit noté d'auoir esté deuers le Duc de Bretaigne, pour faire aucunes alliances entre le Duc & le Comte de Charrolois, affin de resister contre le Roy, qui les auoit tous deux en sa malle grace, comme pouoit apparoir par ce que le Duc de Bretaigne auoit ses places fortifiées, & son armée prestee en son paÿs, pour soy deffendre se le Roy le vouloit enuahir. L'on disoit encore que le Duc de Bourbon, & aucuns autres Princes de France estoient de celle alliance contre le Roy, pour les tors & estrangetez que le Roy leur faisoit en plusieurs & diuerses manieres. En ce temps le quinziésme iour d'Octobre, apparut au ciel vn signe de feu à l'entrée de la nuit, & sembla que le ciel ouuist, & feit trespeler autant comme à dire vn *Aue Maria*: puis se recloyt, & samoncela ainsi comme en vn brandon de feu bien long: & puis à long traict il l'esuanouist, ainsi comme font les en l'air. En ce temps aussi retourna de Rome l'Euesque de Tournay, que le Duc de Bourgogne eut enuoyé deuers le Pape Pius: & rapporta au Duc que pour aller contre le Turc, iceluy Pape Pius le fut fait sort de trouuer quarante mille combattans, & de les mener soy mesmes, & de soy croiser contre les infidelles, ou cas que le Duc y voudroit aller accompagné de six mille combattans ou capitaine pour luy. Desquelles nouuelles le noble Duc fut tresgrandement resioÿ: si que tout incontinēt il enuoya ses lettres aux seigneurs, qui auoient voué d'aller avec luy en Turquie, & à tous ses autres cheualiers & vassaux pour estre deuers luy à Bruges le xv. iour de Decembre audit an lxxij. Ausquels venus illec audit iour, il feit dire & remonstrer que son intention estoit d'aller en sa personne cōtre les Turcs & infidelles, & d'estre à Aiguenorte pour monter sur mer au my. May prochain: mais les remanderoit encores vne fois deuant son parlement, pour leur dire commēt & en quel gouuernement il laisseroit les paÿs tandis qu'il seroit audit voyage. En cest année le xvij. iour de Decembre en la ville de Bruges furēt faictes les nopces du fils aîné du Duc de Gueldres, & d'une des filles de Bourbon, sœur à la Comtesse de Charrolois, tous deux nepueu & niepce du Duc Philippe de Bourgogne. C'est à sçauoir le fils du Duc de Gueldres & la fille du Duc, & de la Duchesse de Cleues: laquelle Duchesse auoit esté sa sœur, & estoit trespassee enuiron deux mois deuant lesdictes nopces. Ce iour des nopces apres dîner iousterent aucuns seigneurs de la court. Entre lesquels iouxta le seigneur de Renty, & le cōpaignoit vn ieune escuyer de Picardie, nommé Jean de Fremessent fils de David qui plus d'enfans n'auoit, auquel Jean aduint vne dure fortune: car d'un esclaz de lance qui luy cheut sur la teste, il fut tellement blessé qu'il en mourut. En ce mesme iour deux autres hommes furent occis en la presse à cause desdictes ioustes, qui doit estre impueez à leur grād folleie, & tous leurs semblables. En ce temps vint deuers le Roy de France Gaudeffroy Euesque d'Alby, Cardinal d'Abbeuille: duquel

duquel l'on disoit vn pou deuant que le Roy ne l'aymoit gueres, mais neantmoins le Roy le receut grandement. Ce fut celuy qui pou de temps par auant auoit procuré tellement deuers le Roy que la pragmatique sanction, mise sus au Royaume de France par le conseil de Basse, fut mise ius du gré du Roy: & qui pour auoir le consentement du Roy en ceste partie, auoir promis au Roy certaines choses, dont il luy auoit failly, ne sçay comment il en auoit appaisé le Roy: car il auoit promis au Roy que le Pape enuoyeroit vn Legat en France, qui doneroit les benefices affin que l'argent demourast au Royaume, & ne fut plus porté à Romme: mais quand le Pape se trouua faizy de la Chartre de celle Pragmatique sanction, il ne feit force d'enuoyer le Legat en France. Ains feit ladicte Chartre trainer parmy les rues de Romme, pour complaire aux Rômains, en faizant publier qu'elle estoit abolie & mise ius. On disoit lors communement que le Cardinal d'Alby eut le rouge chappel, & fut institué Cardinal pour le merite d'auoir trouué moyen d'abolir celle Pragmatique sanction: laquelle à la verité fut nuisante aux pauures clerics & aux pauures escolliers. Car tant de questions & de reproches se faisoient lors à cause des benefices, que c'estoit vne trefmerueilleuse chose: les riches auoient les benefices, qui pouoient soustenir la despence des proces, & les pauures clerics les perdoient par faute d'arget quelle nomination qu'ils eussent.

Cy parle d'une diuision qui lors estoit entre le Duc de Bourgogne & le Comte de Charrolois son fils: & des doléances que feit le Comte de Charrolois du seigneur de Croÿ aux deputez des trois estats des pais du Duc Philippe de Bourgogne son pere.

EN ce mesme temps le Duc de Bourgogne seiournant en la ville de Bruges, manda les trois estats de ses pays, estre à Bruges deuers luy au ix. iour de Ianuier: le Comte de Charrolois son fils lors estant en la malice grace de son pere, manda lesdits trois estats estre deuers luy à Anuers le troisieme iour dudit mois de Ianuier, pour les aduertir des causes pourquoy son pere le tenoit en indignation: ainçois qu'ils se trouuassent deuers son pere, affin de trouuer aucun bon moyen entre eux de venir à appaisement: mais le Duc de ce aduertiy mada de rechief ausdits estats, que nul n'allast deuers son fils: aucuns neantmoins y estoient ja allez, & aucuns estoient sur le chemin pour aller à Anuers & n'y allerent point.

A v. neufiesme iour de Ianuier se trouuerent tous deuers le Duc à Bruges en trefgrand nombre: car ils y furent trois Euesques, soixante Abbez, nobles hommes en trefgrand nombre, & les deputez de toutes les bonnes villes des pays dudit Duc. Eux conuenans ensemble deuant le Duc, il les feit tous remercier de leur bonne diligence & obeissance par la bouche de l'Euesque de Tournay: disant outre qu'il auoit eu de son fils certaines nouuelles pour lesquelles il se trouuoit si troublé, que pour lors il ne leur vouloit autre chose dire. Neantmoins le Duc qui ne peut sa parolle contenir leur dit, qu'il estoit troublé contre son fils, pourtât qu'il se laissoit gouuerner par gens qu'il n'aimoit pas, & que son fils ne vouloit faire sa volenté. Puis bailla vn escrit à vn de ses secretaires, & luy dit qu'il le leut en audience: disant que c'estoit ce que son fils luy auoit escrit, & que chacun y entendit. L'escrit contenoit que son fils disoit que la

chose du monde qui plus luy desplaïsoit, estoit ce qu'il sentoient son seigneur & pere troublé contre luy, priant qu'il ne luy despleut qu'il n'estoit venu deuers luy quand il eut mädé, & qu'il l'en voulsist tenir pour excusé: & que deuers luy ne se voudroit il trouuer, tant que ceux fussent qui estoient entour luy: lesquels l'auoient cuidé faire mourir par poisons, & qui tous les iours pourchassoient sa mort, comme il le sçauoit certainement: pensoit assez que le trouble de son seigneur & pere, luy venoit pour trois causes principalement. La premiere pour ce qu'il n'auoit point le seigneur de Croÿ, pour les causes qu'il auoit autres fois declarées en la presence de sondit pere, & dudit seigneur de Croÿ. Et que encores de nouuel n'auoit causé de l'aymer: car luy & ses alliez auoient tâté procuré enuers le Roy, que le Roy r'auoit les paÿs engagez, qui estoit chose faicte à son grand preiudice de ses hoirs & de tous ses paÿs: & qui ne se deuoit faire, attédu que le Roy n'auoit pas fait n'accomply autres plusieurs points contenu en leur traité d'Arras. La seconde cause pensoit estre, pourtant qu'il auoit retenu de son hostel l'Archediace d'Aualon, depuis qu'il se partit du seruice du Comte d'Estampes: dont neantmoins son pere ne se deueroit troubler, s'il sçauoit les causes pourquoy ce dont il l'aduertiroy, se son plaisir estoit de le vouloir ouïr. La iij. cause pouoit estre (comme pensoit le Comte) pour ce que par ses archiers le Duc auoit enuoyé querir en Hollâde maistre Anthoine Michel, lequel auoit esté rescoux des mains desdits archiers au desceu dudit Comte. Disant s'il sçauoit ou pouoit trouuer ledit maistre Anthoine, qu'il l'enuoyeroit prisonnier à sondit pere. Ces choses ouïes par lesdits trois estats, le Duc les remercia, & leur donna congé de retourner chacun en sa place iusques à son remand, qui seroit assez brief. Et à lors s'en retournerent la plupart: & aucuns demourerent pour ayder à trouuer aucun bon moyen, pour mettre en bon accord le pere & le fils. Entre lesquels estoit vn tresnoble clerc Abbé de Cisteaux: Lequel desiroit moult a veoir cest appaisement, & si faisoient tous les autres.

Les trois estats estant à Bruges (comme dit est) le Comte de Charrolois s'en vint à Gand, & tost apres se trouuerēt deuers luy lesdits deputez, avecques l'Euesque de Tournay & autres cōseilliers du Duc: & par la bouche dudit Abbé, luy fut remonstré par tesmoignage de la saincte escriture l'obeissance que fils deuoit à pere, en luy suppliant qu'il se voulsist en humilité submettre à la voulenté de son pere, & mettre hors de son seruice aucuns de ses seruiteurs pour luy complaire. Quand cest Abbé cessa de parler, l'Euesque de Tournay se mit à genoux deuant le Comte, & luy feit plusieurs belles remonstrances, seruant à ce mesmes propos, disant qu'il n'estoit point venu deuers luy comme seruiteur de son pere: Mais comme Euesque de Tournay, pour trouuer quelque bon moyen pour mettre en bon accord, & pour euitier grand meschief qui de leur debat pourroient suruenir. A laquelle parolle le Comte luy respondit, que s'il n'eut oncques esté seruiteur de monseigneur son pere, il n'y eust gueres gaigné. Puis dit aux deputez des trois estats, qu'ils ne luy auoient touché en leur proposition que de maistre Anthoine Michel, & maintenant luy muoient propos: & pourtāt ne croyoit il point que l'Abbé de Cisteaux eust eu charge d'eux, de luy faire telles requestes. Mais les deputez adouuerent le dessusdit Abbé, disant qu'ils luy auoient ainsi chargé de dire, & que pour obeir à son plaisir ils estoient

estioient tous venus deuers luy en celle ville de Gand: dont leur dit le Comte en desullant son bōnet, qu'il estoit tresioyeux de leur venue: & les remercia comme les tresloyaux amis de la peine, travail & amour qu'ils luy monstroient, & que iamais ne les oublieroit. Ains le recognoistroit à tous les pays dont les deputez estoient là presens, & à eux mesmes. Et que pour le grand bien qu'ils luy monstroient, il ne leur celeroit plus son courage. Ains leur vouloit dire & les aduertir de plusieurs delicts & malefices que le seigneur de Croÿ & ses allies auoient fait & commis. Premiere dit que quand il eut esté deuers le Roy la derniere fois, le seigneur de Croÿ auoit dit depuis (la Comtesse de Charrolois sa femme lors estant malade) que fil n'eut crainr à courroucer, que luy il l'eut fait prendre prisonnier, & mettre en tel lieu qu'il n'eut iamais fait mal à luy ne à autre. Item que le sire de Croÿ auoit dit à Pius notable seigneur, que luy qu'il n'accomptoit riens à luy: & qu'il auoit neuf cés que cheualiers qu'escuyers qui luy auoiēt promis & iuré de le seruir iusques à la mort. Item dit quand il le veit reuenir: Veez cy ce grand diable qui vient, tant qu'il viue nous n'aurons bien à la court. Item que depuis qu'il se fut retrait en Hollande, le sire de Croÿ dit qu'il auoit grand paour de luy: & que quand il luy vouldroit mal faire, il ne seroit point mieux en Hollande qu'autre part, & qu'il y estoit ainsi comme vne gauffre entre deux fers. Item que le sire de Croÿ se fut vanté que quand viendroit au fort, il estoit seur d'estre seruy de ceux d'Arthois, & qu'il auoit tout le pays à son cōmandement: disant outre: Que cuide faire monseigneur de Charrolois, de qui se cuide il ayder: se cuide il ayder de ces Flamēgastes & de ses Brabançons, il s'abuse bien. Car ils le habandonneroient à son besoing, comme ils ont fait à leur seigneur autresfois, ce que ie ne croy pas, se dit le Comte: car ie les tiens pour mes bons & loyaux amis: & aussi fais-ie ceux d'Arthois & de Picardie, & ne me doute guerres d'eux. Item leur dit, que le seigneur de Croÿ auoit enuoyé au Preuost de Vvatenes la figure de sa natiuité, & que le Preuost auoit iugé qu'il seroit durement fortuné, & que les plusgrans meschiefs du monde luy deuoient aduenir. Et tout cecy auoit il recordé au Duc son pere, pour le blasmer enuers luy. Item qu'il auoit requis audit Preuost de Vvatenes qu'il feist tellement, que son pete le tenist tousiours en haine & l'ellongnast de luy. Item dit qu'il luy estoit apparu souffisamment, que l'en auoit pour chassé sa mort par fors & par voyes estranges. Et que l'en auoit fait six images, trois en forme d'homme, & trois en forme de femme. Sur lesquels images estoit escript le nom du diable nommé Belial, & le nom de celuy sur qui ils vouloient adresser, avec aucuns autres noms. Et deuoient lesdits images seruir à trois. La premiere pour estre en la grace de celuy, pour qui ils auoient cōposé l'image. La seconde pour le faire haÿr de ceux qu'ils voudroient. Et la tierce pour le tenir en langueur quand ils voudroient: & auoit vn Eueque Prieur de Morocq en Bourgongne, baptize lesdits images: dit outre que les composeurs d'iceux images, auoient esté deux ou trois des seruiteurs du Comte d'Estampes: dont l'un estoit son medecin, que le Comte d'Estampes luy auoit enuoyé prisonnier pour soy excuser & iustifier. Puis dit le Comte finablement ausdits deputez. Mes amis, dit il, ne cuidez pas que ie me desfie de vous, se ie ne vous nomme tous les complices de ceux qui ont pourchassé ma mort. Ie ne le choile que pour sauuer leur hōneur,

& pour l'horreur que vous auriez se vous les oyez nommer. Je vous mercie de rechief de vostre bõne diligence, & vous prie que parlez ensemble & que vous me vueillez conseiller que j'ay à faire: car ie croy que vous seriez desplaisans, si me mesuenoit de moy mettre és mains de mes ennemis. Par eux ne vueil-je point estre gouuerné: mais par mes bons & loyaux seruiteurs: Si ayez bon aduis sur tout ie vous en prie, car ie ne me partiray d'icy iusques à ce que j'auray ouïe vostre responce: Dieu la me doint ouïr aussi bõne comme l'en ay en vous parfaicte fiance.

Cy parle de la responce que firent les deputez des païs du Duc de Bourgogne au Comte de Charrolois son fils: & comment le pere & le fils s'appaiserent ensemble: puis dît comment le Roy vint à Arras & à Tournay.



Pres que le Comte de Charrolois eut ainsi parlé aux deputez des trois estats des païs du Duc son pere, ils se retrahirent tous ensemble en vne chambre à part, & conclurent illec la responce qu'ils luy feroient: puis allerent vers luy & se iecterent à genoux deuant luy: mais il les feit leuer incontinent, dont parla l'Abbé de Cisteaux pour tous les autres: & luy dit cõment ils auoient parlé ensemble, & qu'ils estoient tous concluds en vne opinion, qui fut telle: qu'ils luy requeroient tres humblement, que pour paruenir à la bonne grace & amour de monseigneur son pere, il voullist retourner deuers luy, pour escheuer les inconueniens qui pourroient aduenir de leur discord. Et au regard de ceux qu'il tenoit ses ennemis, Dieu l'en auoit gardé iusques à celle heure, & encores l'en garderoit, par les bonnes prieres de tous ceux de ses païs: & quãd son pere le verroit deuers luy, il en auroit si grãd ioye qu'il le garderoit bien: & qu'il voullist pour celle fois laisser derriere autuns de ses seruiteurs, sans leur donner congé: & par tant esperoient que brief il se ferrouueroit en la bonne grace de son pere, eux offrans fils y pouoient aucun bien faire d'eux y employer de tout leur pouoir. A celle parolle le Comte les remercia tous, & leur dit que pour entretenir l'amour de Dieu, de monseigneur son pere & d'eux, il leur accorderoit leur requeste, & vseroit de leur conseil, en leur priant qu'ils le voullissent accompagner iusques deuers monseigneur son pere: & qu'ils le voullissent requerre pour ses seruiteurs remettre en la bõne grace: Ce qu'ils luy accorderent liberallement. Le lundy ensuiuant iceluy Comte de Charrolois, accompagné de grand nombre de cheualiers & escuyers avec luy lefdits deputez, se parti de Gand & vint à Bruges, & allerent en son encontre tous les plus grans de l'hostel du Duc, ensemble ceux de la loy de la ville, & s'en alla descendre à l'hostel du Duc son pere, & monta en sa chambre: & si tost comme il le veit, il s'agenouilla par trois fois: & à la tierce fois luy dit. Mon tresfiedoubté seigneur & pere, j'ay entendu que vous estes mal content de moy pour trois choses, en luy declarât les mesmes choses qu'il auoit dictes aux deputez: desquelles il s'excusa tout pareillement qu'il auoit fait ausdits deputez. Toutesfoyes se en ce ou en autres choses ie vous ay aucunement troublé ou courroucé, ie vous en crie mercy. Adonc luy respõdit son pere: De toutes voz excusations sçay-je biẽ qu'il en est, n'en parlez plus. Mais puis que vous estes icy venu à mercy soyez bon fils & ie vous seray bon pere: puis le print par la main & luy

& luy pardonna toutice fait les deputez prindrēt congé au pere & au fils & s'en retournerent chacun en sa place, forment resioüs de celle recöciliation: & leur fut dit au congé prendre par le Duc qu'ils retournaissent illec deuers luy au viij. iour de Mars prochain. Ce mesmes iour que cest accord fut fait, le partir de Bruges des le matin le seigneur de Croÿ & se retrahit à Tournay deuers le Roy Loÿs qui lors y seiournoit. En ceste annee lxiij. & en l'an apres fut le blé à tresbö marché ou paÿs d'Arthois, & tous autres grains: si qu'il n'estoit memoire de les auoir oncques veuz à si bas pris.

L. e xxiiij. iour de Ianuier ou dit an entra le Roy Loÿs de France en la ville de Ciré lez Arras, où il fut receu moult honnorablement par le Clergié & par les habitans d'icelle cité. Il descendit à la porte, & alla à pied iusques à l'Eglise de nostre Dame, là où il feir la deuotion. Puis s'en alla loger en l'hostel de l'Oficial bon logis, mais petit: & ne vouloir point loger en l'hostel de l'Euesque, iacoit-ce qu'il soit grand, bel & norable. Mais la coustume du Roy estoit d'aymer les petits logis plus q̄ les grās. Avec le Roy estoit son frere Duc de Berry, le Côte d'Eu, le Prince de Piemont & aucuns aures en petit nombre: & ne voulut le Roy que nuls de ses gens logeassent en la ville d'Arras, pource que ceux d'Arras n'auoient voulu souffrir, qu'ils sy logeassent par le fourrier, que premierelement les hostelleries ne fussent plaines, esquelles hostelleries on pouoit loger de quatre à cinq mille cheuaux: de laquelle maniere le Roy n'eust pas esté content, & se tint en celle Cité depuis le lundy iusques au samedy, sans entrer en celle ville d'Arras, & iusques à ce qu'il eust fait veoir & visiter les priuileges d'icelle ville d'Arras. Et lors qu'il y entra ce samedy, il trouua à la porte grand nöbre de gens bannis de la ville, qui luy requierent qu'il leur voullist rendre la ville à son ioyeux aduenement, ausquels il respondit: Enfans (dit-il) vous me requerez de grace & ce n'est pas la coustume aux Roys de France de ce faire: & pourtant ne vous fiez point en moy: car iene vueil point rompre les priuileges de beaux oncle de Bourgongne, & autre chose ne peurent auoir de luy. Puis alla ouir messe en l'Eglise de saint Vast, & la messe ouïe il s'en retourna dîner en la Cité.

L. e dimanche ensuiuant le Roy reentra en la ville d'Arras, & visita tout à son loisir l'Abbaye de S. Vast & les logis de leans. Puis alla sur le marché: & comme en retournant par deuant S. Gery où la bläche cloche estoit, & l'horloge de la ville il fut là venu, vn ferrurier garde de la cloche, laquelle il faisoit rinçter à la venue du Roy, descendit du clocher tout armé à blanc, & vint prédre le Roy par la bride de son cheual comme vn lourdaud, & luy demanda le vin: le Roy voyant soudainement cest homme armé il seffraya vñ pou. Neärthoins il luy feit donner le vin, & luy pardöna ce qu'il luy auoir meffait. En n'eust esté ce que le Roy luy pardonna, le folästre eust esté en grand dangier de sa vie. Encorä à ceste occasion tandis que le folästre descendoit du clocher, les enfans qui tinötoient celle blanche cloche luy feirent aucune rudesse, tellement qu'elle fut cassée, qui fut vn gräd dommage à la ville. Car c'estoit la meilleure cloche, qu'on sceut nulle part trouver & la greigneur. Celle blanche cloche pesoit de xviij. à xviiiij. mille liures de metal. Puis s'en alla le Roy aux champs pour veoir où le Roy son grand pere eut esté logé, quand il tint le siege deuant la ville d'Arras.

l'an mille quatre cens quatorze . Et puis il sen retourna en la cité, & le lendemain se partit de la cité bien soudainement selon sa maniere de faire, & ses gens le suiuirent tout incontinent & sen alla à Tournay, là où il fut receu moult honnorablement : car ils allerent à son encontre plus de trois mille hommes vestuz de blâc, à vne fleur de liz d'or de brodure sur leurs robbes. A la porte de la ville estoit vn chasteil de papier, fait à la semblance de la closture de la ville:lequel chasteil surpresenté au Roy avec les clefs de la ville. De dessus celle porte descendit par engin vne pucelle la plus belle fille de la ville. Par laquelle en salüant le Roy, ouurit sa robbe deuant sa poictrine, & auoit vn cuer bien fait : lequel cuer se fendit & en issit vne fleur de liz d'or de grand pris:laquelle elle donna au Roy de par la ville & luy dit, Sire, dit elle, ie suis pucelle & aussi est ceste ville:car onques ne fut prinse ne tourna contre les Roys de Frâce: & ont tous ceux de ceste ville chacun vne fleur de liz en son cuer. Puis trouua le Roy sur les rues plusieurs histoires & personnages, & sen alla logger sur vn cha noine. De Tournay sen alla le Roy à l'Isle & y arriua le xviij. iour de Feurier, qui lors estoit le quatriesme iour de Karesme : la nuit du bouhourt le Duc de Bourgongne y vint aussi & y eut le lendemain grand feste de ioustes & d'esbattemens, qui durerent depuis le dimenche iusques au vendredy. Eux estans à l'Isle le Roy remōstra tant d'vnes & d'autres au Duc qui vouloit aller en Turquie, que le Duc luy promeit qu'il n'yroit deuant vn an passé. Et le Roy luy promeit liurer dix mille combattans payez pour quatre mois pour le compagner quād il y voudroit aller. On disoit aussi communement que le Roy d'Angleterre luy ayderoit de grand nombre d'archiers. Par ceste maniere fut le voyage de Turquie rôpu pour le noble Duc Philippe de Bourgongne, qui luy tourna à grand desplaisir:car tout son desir estoit d'y aller vne fois. Ces choses ainsi faictes le Roy se partit de l'Isle, & sen retourna en France, & trouua à S. Clou le Duc de Sauoye, qui là l'auoit attendu longuement tout debilité de gouttes, & avec luy son fils aîné. Et disoit on lors, qu'ils estoient en la malle grace de ceux de leur paÿs, pource qu'ils ne se gouernoient point au gré d'eux: & qu'ils auoient prins pour eux gouuerner son iij. fils nommé Philippe, qui estoit renommé d'estre sage & subtil & vaillant en armes.

Cy parle du voyage du Bastard de Bourgongne : & comment le Roy feit detenir prisonnier Philippe de Sauoye, nonobstant la seurte du Roy: & comment le Comte de S. Pol fut appaisé au Roy. Puis parle en brieſ d'une bataille qui fut en Angleterre & d'aucunes autres choses qui lors aduindrent.



Exviij. iour de Mars l'an soixante trois, le Duc de Bourgongne desplaisant que le Roy l'auoit retardé de son voyage de Turquie, feit euoquer les trois estats de ses paÿs en la ville de l'Isle. Ausquels il feit dire & remonstrier comment à la grand instance & priere du Roy, il auoit différé son voyage de Turquie iusques à vn an. Mais afin que le Pape & les Princes Chrestiens se contentassent de luy, il auoit intencion d'y enuoyer Anthoine son bastard accompagné de deux mille combattans, & de Baudoin son autre fils bastard aagé de dixhuiet ans ou enuiron : & qu'au plaisir de Dieu s'il n'estoit mort ou malade, il seroit en personne ou paÿs de Turquie dedans le iour

iour S. Iean Baptiste l'an soixante cinq, à tout la plus grand armée qu'il pourroit assembler. D'autre part le Roy sceit adiourner à comparoier en personne deuant luy le Comte Loys de S. Pol sur le iij. deffaut, & luy enuoya faulconduit. Lequel Comte doubtant estre banny du Royaume sil n'alloit deuers le Roy, se cōclud d'y aller: & y alla & trouua tant de bōs amis enuers le Roy, que le Roy le receut à tresgrand ioye, & fut sa paix faicte: & sceit feauté & hommage au Roy des terres qu'il tenoit de luy. L'on disoit lors que le Roy le requilt qu'il ne seruit iamais le Comte de Charrolois. Mais il luy respondit en foy excusant gracieusement, que ce ne pouoit il faire, & qu'il estoit obligé au Comte par foy & serment qu'il ne pouoit rompre. Tost apres Pasques l'an mille quatre cens lxiij. vint deuers le Roy à son command Philippe de Sauoye troisieme fils du Duc de Sauoye: lequel le Roy auoit mandé & prié venir deuers luy, avec & en la cōpagnie de son premier escuyer d'escuyerie, qu'il luy auoit enuoyé portant lettres de credence signées de la main du Roy, laquelle credence exposée par ledit escuyer, ill'asseura ou nom du Roy de venir & de retourner sauuemēt. Mais ce nonobstant si tost comme iceluy Philippe approcha du Roy le Roy le feit prendre, & l'enuoya tenir prison au chastel de Loches en Touraine, qui est vne forte place: en laquelle il fut prisonnier deux ans entiets: ne scay pourquoy, si non par entie que le Roy eut sur luy, pource qu'il auoit greigneur gouuernement en Sauoye, plus que n'auoit le Duc: & luy obeilloient plus volentiers ceux du païs qu'ils ne faisoient au Duc. Neantmoins au chief de deux ans, le Roy de son mouuement le feit deliurer & mettre hors de prison. En ce mesmes temps trespassa de ce monde Charles Comte de Neuers, sans laisser hoirs de sa chair, & pourtant fut Iean son frere Comte de Neuers apres luy & de Rethel, & seigneur de plusieurs autres places & terres. Oudit an le iour de la Penthecouste xx. iour de May Anthoine bastard de Bourgogne, & aucuns autres cheualiers & gentils-hommes de l'hostel du Duc de Bourgogne, prindrent la croix pour faire le voyage d'outre-mer: & le lendemain se partirent enuiron deux mille combattans, & monterent sur mer au port de l'Escluse en Flandres, voyant le Duc de Bourgogne: lequel luy auoit ce iour donné cent mille escus d'or pour faire son voyage, & si luy auoit donné la Comté de la Roche & aucunes autres terres. A l'occasion de ce voyage se croiserent plusieurs ieunes hommes de diuers païs de la Chrestienté, pour aller contre les Turcs, & prindrent le chemin de Roimme. Mais pource qu'ils alloient sans ordonnances & sans chief cy x. cy xx. leur fait cheut à neant, & s'en retournerent chacun en sa place, iacoit ce qu'ils fussent en vn tresgrand nombre, s'ils se fussent trouuez ensemble: mais Dieu ne le voulut permettre celle fois.

O v d i t mois de May fut vne bataille de rechief en Angleterre entre les gens du Roy Edouard, que conduisoit le Comte de Vvaruich contre les gens du Roy Henry, que cōduisoit le Duc de Sombresset cuidant à celle fois recouurer le Royaume pour le Roy Henry, allant neantmoins contre la paix & le traité qu'il auoit promis & iuré au Roy Edouard: lequel luy auoit rendues ses terres: & luy auoit tout pardonné, dont mal luy print: car il perdit la bataille, & fut prins & tous ses hommes morts ou prins, & fut présenté au Roy Edouard, lequel tout incontinent luy feit la teste trencher. Le second iour de Iuing ou-

dit an vint à l'isle grandement accompagné de nobles hommes le Comte de Charrolois deuers le Duc Philippe son pere, qui n'estoit pas cōtent de luy à celle heure: mais le sire de Sauueuse parla & procura tant enuers le Duc qu'il patia à son fils, & luy pardōna son mautalent. On disoit lors que le Comte parla aussi au seigneur de Croÿ, & qu'il luy dit entre autres choses, que quand il seroit enuers luy ainsi qu'il deuoit faire, qu'il luy seroit bon seigneur. Neantmoins ne peut il encores r'auoir à celle fois sa pension de son pere. Le xv. iour dudit mois de Iuing, fut occis Pierre Louvain l'un des capitaines du Roy, & sur la sauuegarde du Roy, par les mains de messire Raoul de Flauy, seigneur de Rubencourt, encōtre-vengeāt la mort de Guillaume de Flauy son frere que l'on disoit auoir esté occis par la femme du sceu dudit Pierre Louvain: & ne firent les facteurs mal ne grief à ceux de la compagnie dudit Louvain. Sa femme à la verité qui estoit de bon lieu, feit fonder mary meurdrir & coupper la gorge par son barbier en le barbiāt. Et pource que le barbier ne luy couppa pas la gorge tout outre, elle la par-couppa du rasoir mesmes, qui fut vn bien merueilleux cas: Attendū qu'elle auoit vn beau fils de fonder mary: mais il auoit grace de luy estre moult rude & de tenir garces en sa maison, avec lesquelles il couchoit en delaisant sadicte femme ieune & en bon point, & venue de haut lieu, comme dit est: & si auoit fonder mary prins le pere d'elle & detenu en estroict prison si longuement, qu'il y estoit mort. Pour lesquelles causes & autres aucuns excusent la femme de la mort de son mary. Ledit quinziesme iour de Iuing audit an lxxij. aduint vne merueilleuse chose au Palais à Paris, en plaidoyāt vne cause d'un procez estant illec entre l'Euesque d'Angiers & vn riche bourgeois de la ville. Auquel l'Euesque imposoit qu'il estoit heretique & vsurier: & qu'il auoit dit presens plusieurs gens de bien qu'il ne creoit point qu'il fut Dieu ne Diable, Paradis n'enfer: dont aduint comme l'Aduocat de l'Euesque en plaidoyant, recita ces mesmes parolles auoir esté dictes par ledit bourgeois, que celle chambre du plaist commença à trembler tresfort & cheut vne Pierre de haut en bas sans blesser personne: mais toutesuoyes n'y eut homme en celle chambre, qui n'eut tresgrand paour & grand merueille: & viderent tous leans iusques au lendemain, que celle cause fut appellée & plaidoyée: mais en la plaidoyant la chambre se print à trembler comme dessus: & issit vn des somniers de la chambre de sa mortaise, & aualla bien deux pieds en bas sans cheoir: dont cuiderent tous mourir ceux qui estoient leans, & viderent si impetueusement de la chambre qu'aucuns y laisserent leurs bōnets, & aucuns autres leurs chaperons, leurs patins, & autres choses: & ne plaida on plus en celle chambre iusques à ce qu'elle fut bien refaictē & rassurée.

Comment le Roy de France vint à Hesdin seconde fois: puis parle du trespas du Pape Pius, & de la prise du bastard de Reubempré en Hollande: puis parle d'aucunes autres choses qui lors aduindrent.



Vdit mois de Iuing l'an soixante quatre, vint de rechief le Roy de France à Amyens, & d'Amyens à S. Pol où il trouua le Duc de Bourgogne, là où le Comte de S. Pol les festoya grandement: puis s'en alerent le Roy & le Duc à Hesdin, & là les festoya le Duc moult noblement.

Eux

Eux estans à Hesdin vint vn ambassade d'Angleterre deuers le Duc de par le Roy Edouart, ausquels le Duc feit tresbonne chere. Commune renommée estoit lors que le Roy requist au Duc qu'il luy voulsist rendre les Chastellenies del'Isle, Douay & Orchies, par si qu'il luy rendroit cc. mille liures tournois, & dix mille liures de rente. Pour lesquelles sommes elles eurent esté engagées par vn Roy de France, à vn Cōte de Flandres. A quoy le Duc respondit que quand son grand pere le Duc Philippe de Bourgogne, fils du Roy Iean print à mariage Dame Marguerite, fille du Comte de Flādes: que lesdictes chastellenies luy furent baillées par le Roy, pour en iouir par luy & ses hoirs males: & ou cas qu'il n'en y auroit nuls, elles deuoient retourner à la Courōne, moyennant lesdictes sommes d'argent & de rente, que le Roy en deuoit rendre & payer au Comte de Flandres. Aucunes autres requestes feit le Roy au Duc selon cōmune renommée: dont le Duc n'en oſtroya riens, pource que les requestes ne luy sembloient point raisonnables. Le Duc de sa part feit aussi trois requestes au Roy. La premiere, qu'il voulsist auoir en sa bonne grace son fils le Comte de Charrolois: pource qu'il auoit entendu que le Roy estoit mal content de luy. La seconde qu'il se voulsist deporter de contraindre les nobles hommes qui tenoient du Roy aucunes terres, & fils tenoient de luy à faire autre serment que nobles hōmes n'auoient accoustumé de faire, pource que le Roy en auoit voulu contraindre aucuns de celle condition à le seruir contre tous hōmes. La tierce qu'il voulsist faire & accomplir tout ce qu'il deuoit, & auoit promis & iuré de ce qui restoit à faire du traité d'Arras: mesmement quand il se rembourſa des terres engagées sur la riuere de Somme: ausquelles requestes le Roy euasā sans respondre: & se partit le lendemain de Hesdin, pour tirer vers Abbeuille & Rouē. Et tantost apres, c'est à sçauoir en la fin de Iuillet il retourna à Nouuion vn village delez la forest de Cressy, où il se tint vne espace de tēps, le Duc estant à Hesdin, sans plus visiter l'vn l'autre, sinon que le seigneur de Croÿ alloit souuent parler au Roy puis retournoit à Hesdin. Le Duc estant à Hesdin il feit pēdre & estrangler au gibet de Hesdin vn gentil-homme nōmé Iean de l'Esquerre, pour plusieurs malefices par luy commis & perpetrez. Nonobstant qu'il fut vn des vaillans hommes de la Cōté d'Arthois, & que ses amis feissent requeste au Duc pour sa saluation: mais ils obtindrent de reprendre son corps du gibet, & de le faire enterrer en l'Eglise des Cordelier dudit Hesdin. Le xv. iour d'Aoust oudit an lxiiij. trespasſa de ce monde le Pape Pius: & aduint le iour de son trespas que foudre de ciel cheut en plusieurs lieux entour Rōme, & fouldroya les biens de terre: dont les gens parlerent en diuerſes guises. Apres Pape Pius fut Pape Paulus second de ce nom.

Cy parle de la charge que le Bastard de Reubempré eut d'aller en Hollande pour cuidoier prendre le Comte de Charrolois: puis parle comment ledit Bastard y fut prins.

LE Roy doncques estant à Hesdin, aduint que le bastard de Reubempré eut charge de ie ne sçay qui d'entrer au Crotoy en vaisseau de mer moult aduantageux, que l'en nommoit Ballenier, & quarante hommes de guerre avec luy toutes gens de grand façon pour tirer en Hollande, où lors estoit le Comte de Charrolois (comme dit est) & ne sçauoient nuls de la

ne foy le Bastard les vouloit mener ne quelle charge il auoit: sinon qu'on leur auoit dit qu'il les conuenoit aller où le Bastard les menroit, & faire outrement tout ce qu'il leur commanderoit. Eux doncques appliquez à vn port en Hollande, le Bastard laissant illec son vaissel à l'ancre, print trois ou quatre de ses compagnons, esquels plus il se fioit: & s'en alla en vn lieu où le Comte de Charrolois se tenoit, & il alla le plus secrettement qu'il peut: mais neantmoins en beuuant illec en vn cabaret il fut recogneu & accusé au Comte, qui le feit prendre luy & ses deux ou trois compagnons, & les feit mettre en prison: mais tost apres les compagnons furent mis à deliure, & demoura seul prisonnier ledit Bastard ou luy deuxiesme. Le Comte enuoya pour prendre les autres, mais ils ne furent point trouuez: car ils se meirent en la mer & s'en retournerēt au Crotoy, si tost qu'ils furent aduertiz de la prinse de leur maistre. Commune renommée courroit lors, que le Roy auoit baillé charge par lettre escrete ou signée de sa main au bastard de Reubempré, de prendre viſ ou mort le Comte de Charrolois & le luy amener: & ce fait luy estans pres de Hesdin, & qu'il auoit sur la riuere de Somme vne grosse armée, il eut prins ou fait prédre le noble Duc Philippe qui n'y vifoit gueres: & l'eut tenu & mené avec luy ainsi comme il y tenoit & menoit le Duc de Sauoye son beau frere, affin qu'il eut marié à son plaisir la seule fille du Comte de Charrolois ieune dame de vij. ou viij. ans, & qu'il eut departis les pays du Duc: c'est à sçauoir la Duché de Brabant au Comte de Neuers, & les autres pays à qui qu'il eut voulu: mais Dieu qui cognoist les courages des gens, ne voulut souffrir ne permettre si grāde ruine aduenir en celle noble maison de Bourgongne: laquelle pour veoir est le plus beau, le plus ferme & le plus seur pillier de la Courōne de France: Dieu par sa grace vueille ces deux nobles maisons de France & de Bourgongne tenir ades en bonne paix, & bōne amour ensemble. Toutefuoyes ie qui ay mis par escript ce que dit est selon la renommée de lors, ne croy point que le Roy pensast onques à faire à celle noble maison de Bourgongne si grande iniquité. Attendu les biens & les honneurs qu'il en auoit receuz. Neantmoins estoit encores prisonnier à la façon de cest escript, le bastard de Reubempré en Hollande en fin de Feurier l'an lxxvij. deuant Passques. Si tost doncques que le Bastard fut prins (comme dit est) & qu'il eut cōfessé son cas au Comte de S. Pol, qui lors se tenoit en Hollande avec le Comte de Charrolois: & qu'il fut mis en bonne prison & seure, le Comte le feit sçauoir à son pere estant encores à Hesdin: & y auoit tresgrandement festoyé la Royne de Frace qui l'estoit venue veoir à Hesdin, à Abbeuille & à Nouuion. Entre ces choses le Duc de Bourbō vint à Abbeuille deuers le Roy, duquel il n'estoit pas bien en grace: pourtant que commune renommée disoit que le Duc de Bourbon, le Duc de Bretagne & le Comte de Charrolois se furent alliez ensemble, & qu'ils auoient promis & iuré ensemble d'aider l'un à l'autre, se le Roy vouloit faire contre eux ou l'un d'eux aucune entreprinse. Tost apres: c'est à sçauoir le x. iour d'Octobre oudit an lxxij. le Duc de Bourgōgne receut lettres du Roy, conteuans qu'il le viendroir veoir à Hesdin le lendemain. Et en ce mesme iour à son disner auoit receu les lettres de son fils, faisans mētion de la prinse dudit Bastard de Reubempré, & qu'il n'estoit pas seulement à Hesdin: lesquelles nouvelles ouies tout incontinent qu'il eu disné monta à cheual & tout soubdainement

ment, & à petite compagnie se partit de Hesdin, & s'en alla au giste à S. Pol : & chacun le suiuit incontinēt, & laissa à Hesdin messire Aldof de Cleues son nepeueu, & le seigneur de Crequy pour la garde & seurté de la ville & du chastel. En leur ordonnant neantmoins se le Roy y vouloit venir, qu'ils luy feissent ouuerture de la ville & du chastel. D'autre part si tost que le Roy sceut que le Duc se fut party de Hesdin si soudainement, il se partit d'Abbeuille & s'en alla à Roüen : & le Duc de Bourbon s'en alla à l'Isle deuers le Duc son oncle passant par Hesdin : & de l'Isle s'en alla à Gand deuers le Comte de Charrolois : & fut tresgrandement festoyé & du pere & du fils à l'Isle & à Gand.

Cy parle comment le Roy manda deuers luy aucuns deputez des villes desgagées & d'autres pais, & de ce qu'il leur feit remonstrer : comment il feit le Comte de Neuers capitaine de Picardie : & de l'ambassade qu'il enuoya au Duc de Bourgogne à l'Isle.

LE Roy venu à Roüen, il manda ceux de Tournay & de toutes les villes desgagées de la riuere de Somme aller deuers luy, & toutes y enuoyerent leurs deputez, sinon ceux de Cambray. Ausquels deputez il feit remonstrer par son Chancellier comment il estoit courroucé, de ce que l'on disoit communement par tous les pays du Duc de Bourgogne, qu'il auoit enuoyé en Hollande le Bastard de Reubempré pour prendre le Côte de Charrolois, & l'amener deuers luy, dont il n'estoit riens. Bien estoit vray, que le Duc de Bretagne ne luy obeissoit point ainsi qu'il deuoit. Et qu'il auoit enuoyé son vi-Chancellier en Angleterre, pour faire alliances avecques ses anciens ennemis les Anglois, que faire ne deuoit sans son congé : & que pour celle cause il auoit enuoyé ledit Bastard en Hollande pour prendre le vi-Chancellier se prendre le pouoient, entendant qu'il retourneroit d'Angleterre par Hollande. Dit outre qu'un prescheur auoit presché à Bruges où conuiennent toutes nations de la Chrestienté, que le Roy auoit enuoyé ledit Bastard pour prendre ledit Comte, ce qu'il n'auoit oncques pensé : & pourtant estoit son intentio de punir griefuement tous ceux qui contre son hōneur semoient tels langages. Leur dit outre que le Roy auoit mandé pour les aduertir, qu'il auoit ordonné le Comte de Neuers son lieutenant & capitaine general des pays desgagés, & iusques à la riuere de Loire, pour resister à ses anciens ennemis, sil estoit qu'ils voulussent faire quelque entreprinse en son Royaume : en leur comandāt qu'ils obeissent audit Côte de Neuers cōme à sa propre personne. Ces choses ainsi faites & remōstrées de par le Roy, les deputez s'en retournerēt chacū en sa place.

Le x quatriesme iour de Nouembre ou dit an lxiiij. vint en la ville de l'Isle le Comte de Charrolois, accompagné de quatre vingts à cent que cheualiers que gentils-hommes, & bien six cens cheuaux : & à sa venue crierent Noël les petits enfans de la ville, de la grand ioye qu'il donna en celle ville pour sa venue. Et tost apres qu'il fut descēdu s'en alla deuers le Duc son pere, qui le receut ioyeusement. Le lēdemain vindrent à l'Isle le Côte d'Eu, le Chancellier de France, & l'Archeuesque de Narbone ambassadeurs du Roy de France, à grande compagnie & notable, & le iour ensuiuant se trouuerēt deuant le Duc, en la presence duquel & du Côte de Charrolois son fils le Châcellier exposa la charge qu'ils auoiet du Roy, pour remōstrer au Duc iij. choses principalement. La premiere

fut q̄ le Roy demâdoit à rauoir le bastard de Reubempré prisonnier en Hollande. La seconde, que le Roy fut réparé des parolles qu'on auoit fait courre à son deshonneur, pour la prinse dudit bastard. Et la tierce, q̄ le Duc enuoyast au Roy vn gentil-homme de l'hostel du Comte de Charrolois, nommé Oliuier de la Marche, par lequel lesdictes parolles auoient esté dictes premierement, au deshonneur du Roy, & le prescheur aussi qui en auoit presché à Bruges pour en faire iustice telle comme à tel cas appartenoit: disans pour l'excusance du Roy, qu'il auoit enuoyé le Bastard en Hollande pour prendre le vi-Chancellier de Bretagne à son retour d'Angleterre. Et pourtant auoit le Comte grandement offensé le Roy de faire prendre & empescher ledit Bastard. A ces parolles le Comte se meit à genoux deuant le Duc son pere, & luy supplia qu'il luy voulüst donner congé de respondre à ces mots, lesquels touchoient son honneur: disant s'il plaifoit à Dieu le tenir en sa grace qu'il ne craignoit homme soubz le ciel sinon luy, qui estoit son seigneur & son pere: & qu'il se donoit grand merueille de ce que le Roy le requeroit si fort: dont dit le Chancellier de France qu'ils n'auoient nulle charge du Roy de parler ne de respondre au Côte de Charrolois. Et le Duc dit à son fils qu'il se deportast de parler iusques à vne autrefois. A laquelle parolle il obeit comme bon fils doit faire à son pere, bien enuiz toutesuoyes. Puis dit le Chancellier au Duc que le Roy se donnoit grand merueille de ce qu'il se fut party de Hesdin si soudainement. Attendu qu'il auoit dit qu'il ne s'en partiroit point, qu'il n'eust parlé au Roy ou sans son congé, luy qui auoit accoustumé tousiours tenir sa parolle. Quand le Duc l'eut bien escouré & laissé dire tout ce qu'il voulut, il luy respondit de soy mesmes de point en point: & premierement à ce qu'il auoit dit que son fils estoit doubtif. S'il est doubtif, dit-il, il ne le tient pas de moy. Car oncques en ma vie ie ne doubtay homme ne Prince quel qu'il soit: & s'il est doubtif ce luy viét de par sa mere, qui s'est doubtee maintesfois que ie n'allasse à autre femme qu'à elle. Touchant la reddition du Bastard de Reubempré dit qu'il ne le rendroit point: attendu qu'il eut esté prins en Hollande. Duquel pays, dit-il, ie suis seigneur en la terre & en la mer sans en recognoistre nul à souuerain que Dieu: & que là n'auoit le Roy riens à veoir, à cognoistre ne à repeter: & que là estoit le Bastard en iustice, laquelle on luy feroit selon qu'il auroit desferuy. Combien qu'il estoit renommé d'estre vn mauuais garnement, & qui riens ne valoit, homicide & mauuais garçon. Touchant ce que le Roy vouloit auoir Oliuier de la Marche, qui rapporta les premieres nouuelles de la prinse du Bastard, & le prescheur qui en eut presché à Bruges: le Duc respondit au prescheur qui estoit homme d'Eglise, ne voudroit il toucher: & qu'il ne luy appartenoit pas, & qu'ils sont aucuns qui preschent à la fois, qui ne sont ne sages ne prudens: puis s'en vont de lieu en autre, si que l'en ne sçait qu'ils deuient: & ne croy point (dit-il) qu'aucuns en ayent presché: tant qu'est d'Oliuier de la Marche, il est de l'hostel de mon fils. Ie ne pense point qu'il ait fait chose qu'il ne deust faire ou dire: & s'il a fait autrement ie m'en informeray, & en feray telle iustice qu'il appartiendra. Touchant que ie n'ay point tenu ma parolle, ie vueil bien (dit-il) que chacun sache, que ie ne promis oncques chose de ma bouche à homme qui viue, que ie n'aye tenu à mon pouoir. Ce dit il vn pou passionné, puis dit en riant. Ie ne feis oncques faute si

non

non aux dames, & vueil bien q̄ vous le sachez: & le dictes à mōseigneur le Roy, q̄ quand dernieremēt ie prins cōgé de luy, ie luy dis voiremēt q̄ s' autres nouuelles ne me suruenoiēt, ou s' autres choses ne requeroiēt mō retour, q̄ ie ne me par tiroye de Hesdin sans parler encores à luy s'il luy plaisoit, & autre chose ie ne luy promis. Or à l'heure q̄ ie m'en partis me vindrent nouuelles tāt de la prinse du Bastard de Reubēpré, cōme d'autres grās affaires, que partir me cōuinr, & si ne me hastay gueres. Car ie n'allay que iiii. lieues pour iour tāt que vins à l'Isle. Dont luy dit le Chancellier, qu'attendu l'honneur & l'amour qu'il auoir tousiours porté à la Couronne de France, la notable ambassade que le Roy luy auoit enuoyée presentement: c'est à sçauoir le Comte d'Eu son parent, luy qui estoit son Chancellier, qu'au moins ils peussent emporter de luy de rauoir le bastard de Reubēpré, & qu'il se voulüst sur ce conseiller. Le Duc luy respōdit promptement que voirement il auoit tousiours au Roy voulu & pourchassé tout le bien & l'honneur qu'il auoir peu: mais de chose, dit-il, que ie requis onques au Roy il ne m'en a riēs accordé ne tenu chose qu'il m'ait promis: mesmes des terres desgagées dont il m'auoit promis que l'en iouïroie ma vie durant: tout incontinent qu'il les eut rachetées il me cloÿt le pas, & m'en osta la iouissance, dont gueres ne me chault. A ces mots s'aduança de parler maistre Pierre de Goux cheualier, & maistre en loix, & dit aux ambassadeurs du Roy: messeigneurs, dit-il, affin que chacun l'entende. Monseigneur qui cy est, ne tiēt pas du Roy tout ce qu'il a de terres & seigneuries: il tient voirement du Roy la Duché de Bourgongne, les Comtez de Flandres & d'Arthois: mais il a hors du Royaume maintes belles seigneuries, comme les Duchez de Brabant, de Luxembourg, de Lembourg & de Lotrich, avec les Comtez de Bourgongne, de Hainault, de Hollande, de Zelande & de Namur, & d'autres pays qu'il tiēt de Dieu tant seulement: neantmoins n'est il pas Roy: dont parla le Duc, & dit: Ie vueil bien que chacun sache, que se i'eusse voulu que ie fusse Roy, sans declarer d'où ne comment: ne plus n'en dit sinon qu'ainçois que trois iours fussent passez, il leur feroit rendre plus ample responce: si se departirent pour le iour, mais en ce propre iour le Duc escriuit vne lettre au Roy, & les luy enuoya par vn poursuuiuant, lequel les porta au Roy, & du Roy rapporta lettres au Duc: & ne meit le poursuuiuant que dix iours à aller & à retourner: du contenu de leurs lettres n'en sçay plus.

Cy parle de la responce que feit le Comte de Charrolois aux ambassadeurs du Roy. Comment le Roy feit prendre Creueueur delez Cambray: d'une ambassade que le Duc de Bourgongne enuoya delez le Roy. Et du trespas du Duc d'Orleans.



Eviii. iour de Novembre oudit an lxiij. furent appellez deuant le Duc les ambassadeurs du Roy: & là en présence de tous ceux qui y estoient en grand nombre, respondit le Comte de Charrolois aux charges qu'ils luy auoient données de point en point tout froidement, sans monstrier signe de Passion ne de troublement de courage, si notablement que tous en eurent grand merueille: mesmement le Duc son pere apres l'assemblée departie, dit à aucuns de ses priuez, qu'il ne cuidoit pas auoir vn fils si sage. Ainsi doncques sen retournerent iceux ambassadeurs sans riens emporter de

chose qu'ils eussent requis ne remonstřé : & en passant par Tournay, par Arras, par Amyens : & en tous les lieux où ils passèrent, ils assemblèrent les loix & les communes & leur dirent & remonstřerent, que le Roy estoit bien troublé & courroucé des parolles qu'on disoit de luy, touchant le vouloir de faire prendre le Comte de Charrolois : disans & affermās que le Roy ne le pensa onques, & qu'il ne l'eust daigné faire, & qu'ils le luy auoient ouy dire de sa bouche : & pourtant se aucuns en auoient parlé contre l'honneur du Roy, n'en parlassent plus sur peine de gřiefue punition à l'arbitraige de la personne du Roy. Le xv. iour de Novembre oudit an lxiiij. vindrent à Creuecueur delez Cambray les seigneurs de Torcy & de Moÿ, enuoyez illec de par le Roy, garnis de ses lettres patentes : par vertu desquelles ils prindrent & remeirent en la main du Roy la ville & chastel dudit Creuecueur : nonobstant que le Roy pou deuant l'eust donnée à messire Anthoine Bastard de Bourgongne heritablement, pour luy & ses hoirs. Et pource que le chastellain du chastel feit vn pou de refus de rendre le chastel, & qu'il eut assemblé xvj. ou vingt compaignons de guerre avecques luy : ils luy dirēt tant d'vnes & d'autres qu'il leur rendit la place. Mais ils le prindrent prisonnier & l'emmenerent deuers luy, & fut en doute de sa vie. Mais en fin il reuint quitte & deliuré. Enuiron la feste de Noël oudit an, enuoya le Duc de Bourgongne notable ambassade deuers le Roy de France. C'est à sçauoir l'Euesque de Tournay, le seigneur de Crequy & autres notables gēs : lesquels trouuerent le Roy à Tours en Touraine, là où le Roy assembla tous les Princes & seigneurs de son Royaume en grand nombre : & entre les plus grans y furent le Roy de Cecille Duc d'Anjou, le Duc d'Orleans, les Comtes de Neuers & de S. Pol & autres plusieurs. Aufquels ainsi assemblez le Roy dit de sa bouche, qu'il ne les auoit pas mandez pour vouloir nuire ne greuer le Duc de Bourgongne, ainsi que plusieurs gens le cuidoient. Car au Duc estoit il tant tenu que plus ne pouoit, & ne luy vouloit que tout bien & honneur. Ains estoit pour le Duc de Bretagne, lequel auoit dit & escript au Comte de Charrolois, au Duc d'Orleans, au Duc de Bourbon, au Roy de Cecille & aux autres Princes du Royaume : que ce pourquoy le Roy se tenoit tant ou pays de Picardie, estoit pour trouuer paix ou aucun traicté avecques les Anglois ses anciens ennemis : & que pour venir à celle fin il leur promettoit donner la Duché de Normandie & celle de Guienne : affin que par leur aÿde il peust subiuguer & destruire le pays de Bourgogne, & de Bretagne, de Bourbon, d'Orleans, & des autres les plus grans Princes de son Royaume issus de son sang : iurant le Roy & affermant, qu'il n'auoit onques voulu ne pensé ce faire : disant outre s'il vouloit telles choses faire, qu'il ne seroit pas digne de tenir iamaiz la Couronne ne d'estre Roy : mais se fut tenu en Picardie, pource que le Duc de Bourgongne auoit intention d'aller outre mer pour guerroyer le Turc. Et pourtant vouloit il voiremēt traicter avecques les Anglois : affin que durant le voyage du Turc, ses pays feussent en paix & en seureté. Puis demanda à tous les Princes presens, s'ils creioient que ce fut vray ce que le Duc de Bretagne leur auoit escript : lesquels tous par vne voix luy respondirent, qu'ils n'en creioient riens : dont leur requist le Roy que chacun en droit luy, le voulussent seruir contre le Duc de Bretagne, qui si grande iniure luy auoit faicte. Et tous luy respondirent, qu'ils le seruiroient de toute leur puissance.

ce. Le iiii. iour de Ianuier ou dit an. lxiiij. trespassa de ce monde Charles Duc d'Orleans, en son aage de lxx. aus ou enuiron, lequel delaisa vn fils de l'aage de trois ans, nommé Loys & vne fille aagée de sept ou huit ans. Ce fut celui qui commença la guerre en France contre le Duc Iean de Bourgongne, pour vengeance de la mort de son pere: laquelle guerre dura plus de trente ans à si grand perte, & si grande depopulation du Royaume, que pitié seroit du recorder, cōme on le peult veoir cy dessus par Chroniques d'Enguerran de Monstrelet. Ce Duc Charles d'Orleans fut pris à la bataille d'Azincourt, & fut mené prisonnier en Angleterre, où il fut par l'espace de xxv. ans: & fait à croire qu'il n'en fut iamais issu le n'eust esté le moyen du Duc Philippe de Bourgongne, qui l'en racheta, & luy donna à femme vne siéne niepce seur au Duc de Cleues: de laquelle il eut les deux enfans cy dessus escripts. Et depuis son retour de prison fut tousiours de belle vie & honneste & deuot, si que tous les vendredis de l'an il donnoit à dîner à xiiij. pourses personnes pour l'honneur de Dieu, & les seruoit à table luy mesmes ainçois qu'il mangeast, puis leur lauoit leurs pieds à l'exemple de nostre Seigneur, qui laua les pieds à ses disciples le iour de la sainte Cene.

Cy parle du mariage du Roy Edouard d'Angleterre, & des alliances que voulut auoir avec luy le Roy de France. Puis dit comment les bastards de Bourgongne retournerent de leur voyage: comment le Duc de Bourgongne fut malade iusques à la mort: & comment ceux de Croi furent deboutez de la maison de Bourgongne.

Q Vdit an lxiiij. entre le Noël & le Karefme, Edouard Roy d'Angleterre que l'en nommoit Edouard à lōgues iambes, vn des beaux cheualiers d'Angleterre, print à mariage la fille du seigneur de Riuières chevalier Anglois de moyen estat, lequel en sa ieunesse auoit esté enuoyé en France seruir la Comtesse de Bethfort: le mary de laquelle estoit frere du Roy Henry, & regent de France ou lieu dudit Roy Henry: laquelle Comtesse estoit seur au Comte Loys de S. Pol moult belle Dame. Laquelle apres le trespas de sondit mary, vsant de son propre conseil contre la volenté de tous ses amis, especiallement du Cardinal de Rouen son oncle, print à mariage & espousa ledit seigneur de Riuières, renommé d'estre le plus beau cheualier que l'en sceust nulle part: lequel l'emmena tost apres en Angleterre, & onques puis ne l'un ne l'autre ne s'oserent trouuer en France, pour crainte des amis de la Dame. Ceste Dame eut dudit seigneur de Riuière plusieurs enfans: & entre les autres vne fille la plus belle fille d'Angleterre: de laquelle fille se enamoura ledit Roy Edouard, & la print à femme espousée pour sa grande beauté, dont furent mal contents le Maieur de Londres & plusieurs autres seigneurs d'Angleterre: & eussent volentiers empesché que le mariage ne se fut point parfait. Mais afin qu'il ne semblaist à ceux cy que la Dame ne fut de bon lieu: iceluy Roy Edouard enuoya deuers le Comte de Charrolois, & luy feit prier qu'il luy enuoyast quelqu'un seigneur du lignage de la Dame pour estre à leurs nopces: & le Côte luy enuoya laques de S. Pol oncle d'icelle Dame, tresbien accompagné de cheualiers & de gentils-hommes, iusques à cent cheuaux: laquelle venue veüe par les Anglois, feit cesser le murmure de plusieurs gens, & si le contenta

tresgrandement le Roy Edouard, si qu'apres la feste faicte & qu'ils voulurent retourner en France, le Roy donna audit laques de S. Pol trois cens nobles: & à chacun cheualier & gentil-homme de sa compagnie cinquante nobles, & si les auoit fait festoyer moult noblement. On disoit lors communement, que le Comte de Charrolois luy auoit enuoyé compagnie de nobles hommes pour luy complaire, & affin de l'attirer à son amour, sachant que le Roy de France festoit voulu alier audit Roy Edouard à sa nuissance: & que le seigneur de Lau noy estoit allé en Angleterre au commandement du Roy de France, pour traiter leur alliance: mais le Roy Edouard n'y voulut oncques entendre: les lettres mesmes que le Roy de France luy auoit enuoyées par le seigneur de Lau noy, il les enuoya à veoir au Duc de Bourgongne: & si luy rescrituit tout ce que le seigneur de Lau noy luy auoit dit de par le Roy de France, dont le Duc fut bien esbahy: si que des lors il se commença à doubter du Roy & d'autres qui hantoient entour luy. On disoit aussi que le Roy Edouard auoit fait dire par laques de S. Pol au Comte de Charrolois, que s'il auoit affaire de gens de guerre, qu'il luy en enuoyeroit tant comme il en voudroit auoir. En cest an lxiij. fut la gelée si forte & si aspre, que pain & vin engeloient: à la table mesmes geloit, & les celiers & en aucuns pays: & dura depuis le dixiesme iour de Decembre iusques au xv. iour de Feurier: & pour sept ou huit iour fut la gelée si aspre, qu'aucunes gens moururent de froid par les champs: & disoient les anciens que depuis le grand hyuer qui fut l'an sept, ils n'auoient veu si fort geler: & n'y auoit riuere de Seine ne d'Oyse qui ne fussent engelées, si qu'on charioit dessus les riuieres, & si furent beaucoup de neiges en cest hyuer.

ENVIRO N la fin de Feurier ou dit an, retournerent messire Anthoine & Baudoin Bastard de Bourgongne du voyage qu'ils auoient voulu faire en Turquie. Et iacoit ce qu'ils se fussent partis de l'Escluse enuiron deux mille cobatans, neantmoins en demourerent sans retourner quatre ou cinq cens, par la mortalité qui se print en leur compagnie. Et laisserent leurs nauires & leurs harnois à Marseille, retournans par terre par Auignon & par Bourgongne, tant qu'ils vindrent à Bruxelles. En ce mesmes temps retournerent aussi de deuers le Roy l'Euesque de Tournay, & les autres ambassadeurs du Duc de Bourgongne: & fut lors commune renommée que s'ils n'y feussent allez, que le Roy estoit tout deliberé de faire entreprinse sur les pays du Duc, cuidât auoir pour luy & pour le seruir le Comte de S. Pol & le Duc de Bretagne, mais il n'en peut finer. En ce temps aussi accoucha malade à Bruxelles le noble Duc Philippe de Bourgongne de si griefué maladie, que chacun despera de sa santé & de sa vie. En laquelle ville estoit lors son fils Comte de Charrolois: lequel doubtant de la mort de son pere, & tout aduertý que le seigneur de Croÿ & ses aliez auoient le gouuernement, comme de tous les pays du Duc, & par especial des meilleures & des plus fortes places qui y fussent: & considerant que ledit seigneur de Croÿ se fut tiré deuers le Roy plus de quinze iours par auant, enuoya tout soudainement de ses plus feaux & priuez gens en Luxembourg, en Namur, en Boulle nois, à Beaumont, en Hainault & en autres lieux, & lesdictes places prendre & saisir de fait par nouveaux capitaines, qu'il y enuoya si tost come il veit le Duc son pere en si dange reux estat par maladie, & que les medecins desperoient de son

son terour à santé: il enuoya plusieurs & diuers messages en tous les païs du Duc, aux Abbayes & aux monasteres, & en tous lieux où estoient gens de deuotion: & les feit aduertir de la maladie de sondit Pere, en les enhortant de faire prieres & deuotions & processions, tant par les gens d'Eglise comme par le peuple: & le bon prince ainé de son peuple plus que nul autre, fut secouru de suffrages & d'oraisons, tellement que Dieu ouït leurs prieres, & reuint en assez bonne santé: & luy reuenu en santé ordonna son fils Gouverneur de tous les païs, lequel fils tout incontinent recula le seigneur de Quiourain qui estoit son second Chambellan, apres le seigneur d'Auxi, & meit en son lieu le seigneur d'Aymeries, dont le Duc fut tresmal content, & reuoca tout incontinent l'ordonnance qu'il auoit fait à son fils: dont assembla le fils des plus grans de la Court. C'est à sçauoir le Comte de S. Pol, messire Anthoine le bastard son frere, & la pluspart de ceux du cōseil de son pere, & leur dit. le ne vous vueil pas celer mon courage, ains vous vueil dire presentement ce que voulentiers ie vous eusse dit pieça: ie vueil que vous & tous mes amis sçachent, que le seigneur de Croÿ & les siens & tous ses alliez, sont & les repute tous mes mortels ennemis, en leur déclarant les causes pourquoy: & lesquelles causes il signifia tâtost apres à toutes les bonnes villes des païs de sondit pere par ses lettres misibles, dont la copie est recitée ou prochain chapitre ensuiuant.

Et lors incontinent qu'il eut ainsi parlé à ses amis, il enuoya dire au seigneur de Quiourain par deux ou trois cheualiers de son hostel: & lequel estoit premier Chambellan du Duc en l'absence du seigneur de Croÿ son oncle, qu'il partit du seruice du Duc son pere: & qu'il sen allast le plus doucement qu'il pourroit sans ce que son pere en fut aduerty, affin qu'il ne sen troublast: le seigneur de Quiourain tout perplex de ces nouvelles partant enuis de celle noble maison, & doutant mesprendre enuers le Côte de Charrolois, vñ de son propre conseil sen alla le lendemain au matin deuers le Duc: se ietta à genoux deuant luy & en le remerciant des biens & des hōneurs que le Duc luy auoit faits, luy supplia qu'il voulüst auoir prins en gré le petit seruice, qu'il luy auoit fait: disant outre qu'il luy donnast congé de soy partir, car le Comte son fils luy auoit mandé qu'il sen allast: & pour tant doutoit encore, qu'il ne le voulüst faire tuer. Quand le Duc l'ouït ainsi parler, il se troubla durement, & luy deffendit qu'il ne sen allast point: puis print vn espieu & sen issit de sa chambre tant courroucé que plus ne pouoit, disant à ceux qui estoient entour luy, qu'il iroit veoir se son fils voudroit tuer ses gens. Aucuns de ses gens voyās la maniere sen coururent clorre la porte de son hostel, & feirent musser le portier à toutes ses clefs, affin que le Duc n'en peust issir: & par tant le conuint illec arrester attendans apres le portier. En ce point vindrent à luy la dame de Bourbon sa seur, & plusieurs autres Dames & Damoiselles de son hostel, & messire Anthoine le bastard de Bourgogne: & luy dirent tant d'vnes & d'autres qu'il amodera son courage & son ire, & retourna en sa chambre: entre ces choses le seigneur de Quiourain se partit de l'hostel, & sen alla luy deuxiesme le plus secrettement qu'il peut. Le Comte de Charrolois sçachant que le Duc son pere estoit si mal content de luy, teint tous les iours conseil tant de ses gens comme des plus principaux conseilliers de son pere, querans voyes & moyens pour l'appaiser

son pere, & n'y auoit celuy qui ne se employast à ce faire de tout son pouoir: & se conclurent ensemble que bon seroit que le Comte escriuit à toutes les bonnes villes des pays de son pere tout ce qu'il auoit sur le cueur: & qui le mouuoit à eslongner ceux de Croÿ du seruite de son pere & de luy: & pareillement aux nobles hommes, & que lesdictes lettres fussent leues publiquement par toutes les bonnes villes, afin que chacun en fut aduertÿ: desquelles lettres la tenneur s'ensuit ou prochain chapitre.

C'est icy la coppie des lettres que le Comte de Charrolois enuoya aux nobles hommes, & aux bonnes villes des pais du Duc de Bourgogne son pere: touchâs les causes, le mouuans à eslongner ceux de Croÿ du seruite de son dit pere.



Reschiers & bien ayez vous sçauéz comment (graces à Dieu) mon tresredouté seigneur & père à longuement & haultement & grandement, que par le moyen des grandes & notables vertus qui ont esté & sont en sa personne: il a mis & esleué ceste maison de Bourgogne, dont il est le chief tresnoble, en plus grand degré qu'elle ne fut de la memoire des hommes. Et combien que de present à cause de son ancien aage, il soit foible de sa personne & trauaillé de maladie, Toutesuoyes si a il tousiours, comme nous cognoissons, vouloir & intention aussi de bons & grans moyens de continuer, d'entretenir sa seigneurie, & maintenir ses bons subiects de bien en mieux en iustice, paix & tranquillité: & ne voyons ne apperceuons chose aucune qui à ce donne empeschement, fors là fraude & damnable deception du sire de Croÿ & des siens, qui par ambition & extreme couuoitise, & pour leur singulier prouffit veulent embrasser & auoir tout le gouuernement des pays & seigneuries de mondit seigneur & pere tant qu'il viura. Et comme ingrats apres son decez les mener & faire venir à totalle ruine & perdition pour hayne de nous, que paruenü à aage de cognoissance, ils ont de tout leur pouoir labouré & rendu toute peine à eux possible, par faux & non veritables rapports de nous mettre en l'indignation & malle grace de mondit seigneur & pere, comme vous & les estats de sondit pays auez par nous esté & estes assez informez & aduertis: eux sentans que par ce moyen ne pourroient encore plainement paruenir à leurs fins & intentions: ont trauaillé de querir autres voyes pour nous greuer, deffaïre & destruire, s'il eust esté en leur puissance. Car monseigneur le Roy estant par deçà encores Dauphin, ils se trauaillerent de faire mettre la main à nous, & nous constituer prisonnier. Ainsi que monseigneur le Roy depuis son couronnement nous a de sa grace certifié de sa bouche: dont & de sa singuliere amour qu'il nous demonstra, nous tenons & tiendrons à tousiours obligez à luy. Et depuis ledit couronnement pour le grand desplaisir qu'ils auoient, & prenoient de ce que monseigneur le Roy nous tenoit bons termes & nous tenoit en grace: ils n'ont iamais cessé iusques à ce, qu'ils ont trouué facon & maniere de nous mettre hors de sa grace, & du tout nous eslongner d'icelle. Et à leur moyen ses ambassadeurs en la presence de mondit seigneur & pere, luy estant nagueres en la ville de l'Isle, nous ont publiquement imposé grandes charges, comme vous auez pou sçauoir: & ont lesdits de Croÿ & les siens offert & présenté à monseigneur le Roy, de le seruir à l'encontre de nous apres le decez
de

de mondit seigneur & pere, ou cas que greuer & guerroyer nous vouldroit : ce que ne pourrions croire que faire voullist. Car nous n'auons fait ne ferons, se Dieu plaist, chose qui le doie à ce mouuoir. Et se font vantez de nous faire guerre des places, & forteresses de Boulogne, Namur, Luxembourg & autres que tenoient en leurs mains, & icelles mettre en autre main que dudit seigneur & pere, de nous. D'autre part, lesdits de Croÿ ont par faulx & mauuais rapports à nostre charge, meü & incité mondit seigneur le Roy à r'acheter les terres royales, que mondit seigneur & pere auoit engage. Et pource que mondit seigneur & pere y faisoit difficulté, & n'estoit pas enclin d'y entendre, par ce que mondit seigneur le Roy requeroit auoir quittance de certaine & grande somme, qui se deuoit payer en faisant ledit rachapt: ledit de Croÿ luy dit & fait dire, que mondit seigneur le Roy luy laisseroit ledictes terres, & qu'il en iouïroit sa vie durant, nonobstant iceluy rachapt: dont toutesuoyes ledit seigneur de Croÿ scauoit bien le contraire, ainsi qu'il est notoire. D'autre part, pour encores par autre voye vouloir & cuider greuer & dômager les pays & seigneuries de mondit seigneur & pere, ledit seigneur de Croÿ & les siens ont de tout leur pouoir fauorisé, soustenu & aydé à l'encôtre de nous le Comte de Neuers nostre cousin: iacoit-ce qu'ils fussent & soiét biē aduertis de ce que emprins auoit esté cōtre nostre personne, & comment nostredit cousin de Neuers s'estoit vanté, que mondit seigneur le Roy luy auoit promis de bailler quatre cēs lances avec l'ayde des Liegeois, pour entrer au pays de Brabant, & s'en faire seigneur apres le trespas de mōdit seigneur & pere: & pat ce moyen nous en debouter, dechasser & desheriter. Et pour luy bailler plus de puissance de pouoir faire dômage aux pays & seigneuries de mondit seigneur & pere & à nous: iceluy seigneur de Croÿ luy auoit fait auoir le don du capitaine general, & lieutenant de mondit seigneur le Roy esdictes terres rachaptées: lequel office en besongnant ou fait dudit desgagement, il festoit fait donner: & moyennāt ce nostredit cousin de Neuers luy a transporté vne Baronnie, nomēe Rosay en Rethelois, & dit on publiquement que luy & les siens sont alliez par serment scelez & promesses à l'encontre de nous. Et combien que puis nagueres de temps aucuns des seruiteurs de mondit seigneur & pere, desirans le radressement dudit seigneur de Croÿ enuers nous & nostre appaisement enuers luy & les siens, ayent esté à celle fin par deuers nous. Et pour honneur & reuerence de Dieu nostre createur, auteur de paix & de mondit seigneur & pere, sans auoir resgard aux grādes iniures, persecutions, desplaisirs & dommage à nous faits par iceluy seigneur de Croÿ, & les siens, nous feussions condescendus à octroyer, & de fait expedier certaine cedulle signée de nostre main, contenant en effect: que quād ledit seigneur de Croÿ nous feroit aucuns seruices nous l'aurions & tiēdrions pour agreable, & ne ferions pas ingrats enuers luy: & que se à cause desdits seruices qu'il nous feroit, luy aduenoit aucuns dommages ou inconuenient, luy en ce cas le porterions & soustiēdrions contre & enuers tous si auant, que par raison faire pourrions & deuerrions. Toutesfois iceluy de Croÿ ne tint onc compte du contenu de ladicte cedulle: ains a depuis tousiours perseueré de mal en pis à l'encontre de nous: & quād on luy a remonsté, qu'il se deuoit mettre enuers nous en ses deuoirs, auertement qu'il n'auoit fait par cy deuant: & que les places qu'il tenoit de mondit

seigneur & pere, n'estoient pas son heritage, il a plainement respondu que mondit seigneur & pere les luy auoit données à la vie de luy & de ses enfans, & qu'il auoit bien intention que lesdits enfans les tiendroient apres luy : mesmement lesdictes places de Namur, Boulongne & Luxembourg. Et si est vray, que par deuant il fest parforcé d'auoir le don de modit seigneur & pere de la vraye propriété & seigneurie desdictes places : lequel don il eust lors obtenu se mondit seigneur & pere y eust esté enclin, & se aucuns ses conseilliers notables n'y eussent obuié par bonnes & louables remonstrances. Et en outre pour mieux cuider brouiller & mettre en inconuenient les pays de mondit seigneur & pere, le dit seigneur de Croÿ a esté nagueres de iours en la ville de Namur, en laquelle & ou chastel d'illec il a cuidé bouter & mettre grād nōbre de gens d'armes, faingnant & prenant couleur que c'estoit contre les Liegeois. A quoy Dieu mercy il a faillly : car les bonnes gens de la dessusdicté ville, scachans & cognoissans la fin à quoy il tendoit, ne l'ont point voulu souffrir. Et quand il a ce veu, il s'en est party & s'en est allé à la ville de Beaumont en Haynaut : auquel lieu & ou chastel d'illec il a pareillement voulu mettre gens d'armes, mais ceux de la ville ne l'ont voulu souffrir. Et d'autre part, a puis pou de temps en ça fait venir deuant la ville de Luxembourg le Duc Loÿs de Bauiere, Comte de Valence son beau fils, où aucuns de par ledit Duc à tout grand nombre de gens de guerre, pour soy cuider faire maistre d'icelle ville & du chastel de Luxembourg : ce qu'il eut fait se prouision n'y eust esté mise auant sa venue. Finablement ledit seigneur de Croÿ & les siens par toutes les voyes & moyens qui leur ont esté, & sont possibles : mescognoissans, comme ingrats, les grans excessifs biens & hōneurs qu'ils ont receuz de mondit seigneur & pere, leur seigneur & prince, ont contenu & contentent iournellement à mettre à totalle ruine, ou aumoins en dangier de guerre ou de grans inconueniens les pays & seigneuries de mondit seigneur & pere, & le bon & loyal peuple habitant & resident en iceux. Toutes lesquelles choses par nous considerées ayant pitié du poure peuple, desirans & voulans de tout nostre cueur (sans plus faire de dissimulation) pourueoir & remedier à ce que par le moyen & cause dudit seigneur de Croÿ, & des siens aucun esclandre, inconuenient ou dangier ne aduienne aux pays & subiets de mondit seigneur & pere : faisons garder songneusement, curieusement & seuremēt lesdits chasteaux de Namur, de Luxembourg & de Boulongne, pour en seruir mondit seigneur & pere, & tenir ses pays en seureté, seuremēt & non à autre fin. Et aussi puis aucuns iours en ça, auons supplié & requis en toute humilité modit seigneur & pere, que son plaisir fut nous donner audience de parler à luy, à fin de luy pouoir remonstrer & declairer les choses dessusdictes, avec nostre bon desir, vouloir & intention sur celles. Et pource que n'auons encore pou paruenir à ladicte audience auoir : nous auons fait depuis deuers nous assembler ceux de son sang avec tous les chevaliers, escuyers & gens de conseil notables de son hostel, & du nostre estā presentemēt en ceste ville : ausquels bien au long auons remonstré & donné à cognoistre les choses auant-dictes : & comment nous estions & sommes concluds, determinez & deliberez de pourueoir à l'ayde de Dieu aux inconueniens apparans aduenir à fin telle, que mondit seigneur & pere demeure entier en sa seigneurie & nous apres luy.

Pour

Pour laquelle garder & entretenir, nous voulons mettre & exposer corps & biens & demourer son treshumble & obeissant, sans entreprendre aucun gouvernement, fors autant & si auant que son plaisir sera nous en bailler. En leur declairant, que pout nous mieux employer à le seruir & obeir comme bon & obeissant fils, est tenu de faire nostre intention est de continuellement nous tenir dorenavant empres luy, & en son hostel, sans souffrir à nostre pouoir que iceluy seigneur de Croÿ ne les siens (lesquels tenons & reputons pour noz ennemis) ayent plus de gouvernement empres luy, en sondit hostel ne en ses pays, comme ils ont eu par cy deuant iusques à present. Leur declairant aussi que au regard des autres bons & loyaux officiers, conseillers, seruiteurs & subiects de mondit seigneur & pere, nous les tenons & reputons tous noz bons amis, & les aymons & cherissons comme les nostres propres: & que se le temps passé ils ont bien & loyaument seruy, ils veulent continuer & perseverer de bien en mieux au bien de luy & de sesdits pays: & de nostre part entendrons liberallement, songneusement & de bon cueur à faire & executer tout ce qu'il luy plaira par bon aduis, & conseil nous commander & ordonner pour le bien, seurété & deffence de sesdits pays & seigneuries: en leur requerant que tous voulussent auoir regard & consideration à nostre bon, loyal & entier vouloir: sans dorenavant porter, à ymer, soustenir ne favoriser en aucune maniere ledit seigneur de Croÿ ne les siens (lesquels, comme dit est, nous tenons & reputons noz ennemis) Ains nous aydent & confortent en tout ce que pourrions auoir à faire, pour la garde, deffence & preservation desdits pays de mondit seigneur & pere: laquelle nostre requeste tous ceux qui estoient à l'assemblée dessusdicté ont liberallement accordée & octroyée.

DE PUIS ces choses le seigneur de Quiourain, nepueu dudit seigneur de Croÿ s'est party de ceste ville: dont mondit seigneur & pere a esté mal content: & s'est à ceste cause aucunement meu & troublé à l'encontre de nous: mais au plaisir de nostre seigneur & à l'ayde & bonne remonstiance de ses bons & loyaux conseillers, nous esperons tellement faire qu'il se contentera & appaisera. De toutes lesquelles choses trefchiers & bien aymez, vous aduerisfons par ces presentes comme noz bons & loyaux amis: ausquels nous voulons & desirons plainement ouuir & manifester le secret de nostre pensée. Et affin que vous sçachez & cognoissiez la pure verité des choses, ainsi qu'elles sont aduenues, vous priant & requerant trefacertes, trefassetteusement & de ce cueur, que vous ne vueillez recevoir ne donner faueur ausdits de Croÿ ne à leurs alliez, tenans ne qui tiendront leur party: ainçois en faictes comme des ennemis de nous & de mondit seigneur & pere: & que ne vueillez adiouster foy aux rapports, lettres ne escriptures qu'on vous pourroit faire au contraire des choses dessusdictes: car nous voulons & desirons de tout nostre cueur ades seruir, honnorer & obeir mon deuantdit seigneur & pere: & en toutes façons & manieres à nous possibles, ainsi que tenus en sommes, & auons fait iusques à ores: ne ja ne ferons, se Dieu plaist, chose aucune dont par raison il ayt ne doieue auoir cause d'estre mal content de nous: ainçois sans entreprendre sur sa personne, sur sa seigneurie, ne sur le gouvernement d'icelle, nous employerons de tout nostre pouoir en corps & en biens à la bonne garde, seurété & preser-

uation desdits païs & subiects enuers & contre tous : qui parforcer ou aduancer se vouldroient de les greuer, fouler, inuader ou adommager en quelque maniere que ce soit : à quoy vous prions & requérons aussi trescordialemēt nous vouloir seruir, ayder & assister au mieux que possible vous sera se mestier en auons, comme nous y auons parfaicte fiance . Treschiers & bien aymez, le S. Esprit vous ayt en sa bonne garde : escrit à Bruxelles le xxij. iour de Mars l'an mille cccc. lxiij. Ainsi signé CHARROLOIS : & estoit la superscription desdites lettres, de par le Cōte de Charrolois seigneur de Chasteau-Belin & de Bethune.

Cy dit comment le Duc de Berry seul frere du Roy de France, s'absenta de l'hostel du Roy, & s'en alla à refuge au Duc de Bretagne : & comment le Comte de Dampmartin eschappa de la prison du Roy : & des lettres du Duc de Berry au Duc de Bourgogne.



Nuiron l'entrée de Mars audit an lxiij. Charles Duc de Berry seul frere du Roy Loys de France, aagé de xvij. ans ou enuiron, que le Roy tenoit delez luy plus simplement qu'il ne vouldist, & en moindre estat qu'il n'auoit eu du viuant de leur pere, faignāt vn iour d'aller à la chaste tādīs que son frere estoit allē en pelerinage delez Poictiers : dont il se fut party au matin, & s'en alla luy x. ou enuiron, à la plus grād hastiuerē qu'il peur : & faisoit rompre apres luy les ponts où il passoit, à fin s'il estoit suivy qu'il ne fut r'ataint : & s'en alla à refuge au Duc de Bretagne . Et disoit on lors, qu'iceux deux Ducs de Berry & de Bretagne auoient puis pou de temps fermé alliances auec le Duc de Bourbon & de Calabre, & auec le Comte de Charrolois & autres seigneurs du sang de France à l'encontre du Roy, si estoit qu'il vouldist aucuns d'eux greuer ou nuire : car le Roy vsoit forment de ses voluptez, lesquel les sembloient à plusieurs estranges & desraisonnables . Pour lequel si foubdain departement de son frere, le Roy fut tresdolent & desplaisant : & manda hastiurement en toutes les bonnes villes & forteresses de son Royaume, que chacun fut sur sa garde, & qu'ils feissent par tout bon guet . Et entre les autres outre ce mandement, il quicsta aux villes desgagēes sur la riuere de Somme certains payages, afin de plus attraire leurs courages à son amour & seruice . En icelle sepmaine qui lors estoit la premiere de Mars, le Comte de Dampmartin que le Roy detenoit prisonnier dedans la bastille de S. Anthoine à Paris, trouua moyen de faire vn trou ou mpr d'vne des tours de leans : par lequel il issit, & trouua vn batteau prest sur l'eau du fossē auquel entra . Puis si trouua cheuaux prests sur le bort du fossē, qui l'attendoient illec mōta sur l'un & se meit à chemin droit en Bretagne . En celle mesme sepmaine le seigneur de Roubaix accompagné de plusieurs gens de guerre au command du Comte de Charrolois, s'en alla prédre & saisir la ville de Launoy & le chasteau, cuidans trouuer le seigneur de Launoy lors gouuerneur de l'Isle, & Baillif d'Amiens nepueu du seigneur de Croÿ : mais ne trouuerent ne luy ne sa femme ne ses enfans : car il auoit esté aduert de leur venue & auoit tout vuidē : mesmement son or & son argent & ses meilleurs biens, & s'estoit retraits en la cité de Tournay, qui estoit pres de sa maison à deux lieues . Encores en celle mesmes sepmaine furent prins par le commandement dudit Comte de Charrolois

lois l'Abbé de Hauons, & vn nommé Pierrechon seruiteur & sommeillier de corps du seigneur de Croÿ, & qui estoient les plus prieuz dudit seigneur: & furent retenuz prisonniers vne espace de temps. Tost apres le Comte de Charolois donna à Jaques de S. Pol frere du Comte de S. Pol la ville & chastel de Launoy. Dedans lequel chastel furent trouuez pour la garnison de leans de cent à dix vingts pourceaux salez, & de farine grand planté, avec blé & auoïne à grād largesse: & si estoit leans vn moulin tout neuf à moudre blé. En ce mesmes mois de Mars oudit an lxiij. enuoya le Duc de Berry au Duc Philippe de Bourgongne, vnes lettres escriptes à Nantes le xv. iour de Mars: par lesquelles il luy escriuoit ainsi que apres l'ensuit. Treschier & tresamé oncle ie me recomande à vous tant comme ie puis: & vous plaise sçauoir que depuis aucun temps en ça, j'ay eu souuentesfois les clameurs de la pluspart des seigneurs du sang mes parens, & autres nobles hommes de ce Royaume en tous estats, du discord & piteux gouuernement qui par tout iceluy a cours, par le conseil des gens estans entour de Monseigneur, plains de toute mauuaise & iniquité: lesquels pour leur profit & affection singuliere & desordonnée ont mis monseigneur en suspection & hayne vers vous, moy & tous les seigneurs dudit Royaume: mesmes vers les Roys de Castille & d'Escoce alliez de si long temps à la Couronne que chacun scet: au regard comment l'autorité de l'Eglise a esté gardee, iustice faicte & administree: les nobles maintenus en leurs droits de noblesse & vsaiges, le poure peuple supporté & gardé d'oppression ne vous en escripts plus auant, car ie sçay que assez en estes informé. Et moy desplaisant des choses susdictes ainsi que doy estre, comme celuy à qui le fait touche de si pres que chacun scet: & desirant y pourueoir par le conseil de vous, desdits seigneurs & parens, & autres nobles hommes, qui tous ont promis moy y ayder, & seruir & sans espargner corps ne biens au bien du Royaume & de la chose publique d'iceluy, aussi pour sauuer m'a personne que ie sentoye en danger: car incessamment & ouuertement mondit seigneur & ceux d'entour luy parloient de moy parolles telles, qui par raison me deuoient donner cause de moy doubter: ie me suis party d'avec mondit seigneur & venu vers le beau cousin de Bretagne: Lequel ma fait si bon recteïl & si louable, que assez ne m'en sçauroye louer: & est deliberé de moy seruir de corps, de biens & de toute sa puissance au bien dudit Royaume & de la chose publique. Et pource treschier & tresamé oncle, que mon intention & desir est de moy employer avec vous & lesdits seigneurs mes parens: par le conseil desquels ie vueil vser & non autremēt à la ressource & adresse dudit Royaume desolé, & que ie sçay que estes des plusgrans de ce Royaume, à qui le bien ou le mal touche bien auant, & Doyen des Pers de France, Prince renommé, d'honneur & de iustice, ainsi qu'il appert par voz grans faits conduite & entretenement de voz grandes seigneuries: sçachāt que le desordre dudit Royaume vous à despleu & desplait comme raison est, desiroye de tout mon cuer avec vous & les autres seigneurs mes parens pouoir assembler, afin de pourueoir par le conseil de vous & d'eux à tous les faits qui par deffaute d'ordre, iustice & police sont au iourd'huy en tous les estats dudit Royaume: & au soulagement du poure peuple qui tant a porté que plus ne peut, & mettre tel ordre en tous endroits, qu'elle puisse estre à

Dieu plaissante, à l'honneur, felicité & bien dudit Royaume & à retribution d'honneur & loüable memoire perpetuelle de tous ceux qui sy seroient employez. Si vous prietreschier & tresaymé oncle, qu'en ceste matiere qui est si grande & pour si bone fin, vous plaïse monstrer & assister & employer: & aussi faire employer mon beau frere de Charrolois vostre fils en mô ayde, comme ie me suis tousiours confié qu'ainsi le feriez:&affin que vous & moy puissions assembler, qui est la chose que plus desiroye (pource que mon intention est de brief & incontinent entrer en pays,& tenir les châps avec les autres Princes & seigneurs, qui m'ont promis moy y accompagner & ayder) ie vous prie qu'il vous plaïse mettre sus & tirer de vostre pays en paix vers France: & ou cas que faire ne le pourriez,y vueillez faire tirer môdit beau frere de Charrolois avec bonne puissance de gens. Et avec ce enuoyer & faire venir deuers moy aucun de vostre conseil feable,pour estre & assister pour vous, à ce que lesdits autres seigneurs du sang aduiseront estre à faire pour le bien dudit Royaume: & par lesquels pourrez tousiours estre informé de ma bonne & iuste intention: laquelle par vous & lesdits seigneurs du sang, ie veul conduire & non autrement:& ce que par mondit beau frere en vostre absence sera fait & dit pour le bien de la chose publique du Royaume & soulagement du pauvre peuple, ie le soustiendray & maintiendray iusques à la mort & de ce pouez estre bien certain. Treschier & tresaymé oncle,faiçtes moy tousiours sçauoir sil est chose que pour vous puisse:& ie le feray de bõ cueur, priâr Dieu qu'il vous doint bonne vie & ce q vous desirez. Escrit à Nantes en Bretagne le xv.iour de Mars. La subscription estoit vostre nepueu Charles,& le dessus, A mon oncle le Duc de Bourgongne. Enuiron ce temps retourna d'Angleterre Iaques de S.Pol, que le Comte de Charrolois eut enuoyé deuers le Roy Edouard, tant pour luy faire honneur à ses nopces,comme dit est cy dessus, comme pour auoir son ayde contre le Roy de France le besoing luy en estoit,ou au moins qu'il ne le voulsist nuire:car le Roy de France y auoir enuoyé premier le seigneur de Launoy pour les allier ensemble à la nuissance dudit Comte. A quoy le Roy Edouard n'auoit voulu entendre:mais pour complaire au Duc de Bourgogne, luy auoit enuoyé les propres lettres que le Roy de France luy eut enuoyées: dont le Duc fut tout esbahy, pource mesmement que le seigneur de Launoy auoit porté lesdïctes lettres au Roy Edouard. En ceste année aussi des le huiçtiesme iour d'Auril fut vne grande coniuñction ou ciel de Saturne & de Iuppiter: dont les clerks iugerent grans maulx aduenir au monde.

Cy parle des lettres que le Roy enuoya au Duc de Bourbon, & le Duc au Roy. Et d'vnes autres lettres que le Roy feit publier par tout son Royaume: & d'vnes autres que le Comte de Neuers feit publier es villes, dont il estoit lieutenant pour le Roy de France.



Vdit mois de Mars l'an lxiiij. le Roy de Frâce enuoya lettres signées de sa main au Duc de Bourbon. Par lesquelles il luy signifia comment son frere le Duc de Berry f'estoit party de delez luy, & estoit allé en Bretagne sans son sceu. Puis luy escriuoit que toutes excusations cessans,il veint deuers luy incontinent ses lettres veües: & qu'il adioustast
foy

foy à ce que Ioffelin du Boys luy diroit de par luy celle fois, & qu'il mit cent lances sur les champs pour les auoir toutes prestes. Sur lesquelles lettres le Duc de Bourbon icelles veües & par credence ouïr, rescriuit au Roy vnes lettres. Par lesquelles il recitoit tout premietement ce que le Roy luy auoit escript, en le remerciant de la grande confidence qu'il monstroït auoir en luy. Puis l'aduertit comment par les fautes & iniustices, que les seigneurs de son sang ont veu parmy le Royaume: & dont le Roy auoit en plusieurs remonstrances & doléances par plusieurs d'iceux seigneurs, auxquels les choses touchoient de pres: & neantmoins n'y auoit encores voulu entendre, par l'empeschement que y mettoient aucuns qui se tenoient entour luy: pourquoy tous lesdits Princes & seigneurs de son sang, voyans que pour doléances ne remonstrances qu'ils eussent fait, ou fait faire prouision n'y auoit esté mise, estoient concluds & alliez ensemble par sermens & par leurs sceulx baillez les vns aux autres d'y pourueoir, & y mettre remede & ordre autre q' n'y auoit esté depuis que la Couronne estoit venue en ses mains: & tellement que ce seroit à son honneur mesmes, & de sa Couronne, & au bien & vtilité de la chose publique, de tout son Royaume, & à la recommandation & memoire perpetuelle de tous ceux qui y rendroient peine. Puis dit par ses lettres qu'attendu ce que dit est, le cas ne requiert pas qu'il voise ne qu'il se trouue deuers luy, & que s'il estoit bien aduisé il pouruoyeroit à tout, ainçois que les Princes se meissent sus pour ce faire en son default: priant en fin de le tenir pour excusé qu'il ne va deuers luy: & declarant expressement qu'il est de celle alliance avecques les autres Princes pour le bien du Roy & de tout son Royaume: en fin suppliant que pour l'honneur de Dieu il y vueille pourueoir de bonne heure pour euitier l'inconuenient, qui par faute de prouision pourroit aduenir en son Royaume: & finalement luy escript & luy assure que celle besongne n'est pas entreprinse contre sa personne, ne contre le bien de son Royaume: mais seulement pour remettre les choses en ordre pour son honneur, & pour son bien, & pour le reliefuement du pauvre peuple, qui sont choses de tout droit & bonne raison & dignes de recommandation: & où il eschiet prompte & conuenable prouision: ces lettres furent escriptes à Molins le xiiij. iour de Mars. Ces lettres veües par le Roy & la matiere par luy bien entendue, il feit escrire lettres & les enuoya publier par tout son Royaume: contenant en substance comme aucuns meuz de mauuais espoir, & en damnable propos: non ayans regard à Dieu honorer ne conscience ne à loiauté, qu'ils luy doiuent, eussent conspiré & machiné contré luy & contre le bien de la chose publique de son Royaume: vueillans empescher le bon & paisible estat lors estant par tout iceluy: ont induit & suborné son frere de Berry ieune d'aage, & non considerant leur mauuaïse intention de soy separer d'avecques luy, & de son obeïssance: & ont fait dire & semer par tout qu'il vouloit fonder frere faire emprisonner, & attenter à sa personne ce qu'il ne pensa oncques. Ont aussi prins & fermé alliances ensemble sous ombre de bien qu'ils faignent vouloir à la chose publique du Royaume. Iasoit ce qu'ils ne contendent que mettre guerre & trouble au Royaume, comme faux pariures & mauuais seducteurs. Mesmement par leur occasion pourroient les Anglois anciens ennemis du Royaume eux ioindre avec eux, & descendre au Royaume, & recommencer les sem-

blables maux & desertions, qu'on y auoit veu puis pou de temps par la guerre, qui y auoit esté, voire si grans que c'estoit horreur: & neâmoins doubtrons lesdits seducteurs, traystres & rebelles au Roy & à la Couronne, que pour leurdicte alliance ne soit le Roy si troublé contre eux, qu'il ne leur vueille pardonner leur offence, pourtât ne l'osent requerre: ains se preparent à la guerre, & à force soubstenir leur damnable propos: ce nonobstât le Roy signifie que lesdictes lettres à tous Princes, seigneurs, prelatz, & toutes autres gens estans de celle alliance, que fils le veulent laisser & retourner à sa grace qu'ils soient assurez d'y estre receuz benignement: & n'y mettent point de doute ou cas qu'ils y viendront en dedans vn mois, ou au plus tard six sepmaines apres la date desdictes lettres. Et ce fait seront quittes, absous & remis en leur bonne fame & renommée, & en tous leurs biens aucuns à celle cause eussent esté prins & empeschez. Et finalement mande le Roy par icelles lettres & commande à tous capitaines, iuges, officiers & tous autres, qu'ils fassent celle grace & pardon du Roy publier par tout en leurs places, & recoiuent les delinquans à ladicte grace qui viendront deuers eux en dedans le terme dessusdit. Lesdictes lettres données à Thouars sous le grand scel du Roy le xvj. iour de Mars audit an lxiij. Des ce mesmes iour Jean Comte de Neuers lieutenant & capitaine general de par le Roy és parties des païs, estans entre les riuieres d'Oyle & de Somme, enuoya ses lettres par toutes les bonnes villes desdictes marches, contenans en effect comment le Roy luy auoit escrit & mädé, qu'il feist bonne garde de toutes lesdictes places: & qu'il luy en rëdit bon compte. En outre qu'il feist preparer tous les vassaux & subiects desdits païs pour seruir le Roy en armes, quand aduertis en seroient. Et pourtant ordonnoit & vouloit estre publié par tout, que tout homme accoustumé d'armer, fut prest au seruice du Roy si tost comme illes manderoit & non plus tost sur les peines accoustumées. Et furent lesdictes lettres données à Meliers sur Meuze ledit xvj. iour de Mars oudit an lxiij. D'autre part le Comte de Charrolois escriuit aussi vnes lettres en iceluy mesmes temps au gouuerneur, majeur & escheuins d'Arras, contenant en effect qu'il auoit entendu que le seigneur de Croÿ, & les siens faisoient assemblée de gens d'armes, & de les leuer & tirer hors des païs du Duc son pere. Et pareillement le Comte de Neuers son cousin, qui sont alliez ensemble pour dommager & greuer lesdits païs. A quoy il vouldroit remedier & obuier. Si leur mande que par cry publique ils fassent deffence és mettes de leurs offices, que nul ne se mette sus pour seruir sondit cousin ne ceux de Croÿ ses ennemis, se n'est par son expres commandement & ordonnance, & de sondit pere sur peine de confiscatiõ de corps & de biens. Lesdictes lettres données à Bruxelles le xxv. iour de Mars audit an soixante quatre.

Comment le Duc de Bourgogne pardonna à son fils: & de la grande assemblée qu'il feist de gens d'armes pour aller en l'ayde du Duc de Berry contre son frere le Roy de France. Puis parle de plusieurs autres choses qui aduindrent lors.

Le xij.



Le xij. iour d'Auril ou dir an lxiiij. deuant Pasques qu'il estoit le iour de la Passion de nostre benoist sauueur Iesus Christ, vn notable clerc prescha en la maison du Duc de Bourgongne en la ville de Bruxelles moult notablement deuant le Duc: & par sa parolle demonstra à propos que c'estoit de clemence & de misericorde, afin d'atraire le Duc à pardonner à son fils son mautalent. Ce qu'il n'auoit voulu faire deuant ce iour. Apres lequel preschement plusieurs cheualiers de l'ordre du Thoison se tirerent deuers le Duc, & luy prierent moult humblement qu'en ensuiuant la parolle du prescheur, il voulsist pardonner à son fils ce qu'il luy auoit meffait: & tellement que le lendemain nuit de Pasques son fils Comte de Charrolois, enuiron douze heures de iour, s'en vint au Duc son pere & se meit à vn genouil, & luy dit telles parolles en substance. Mon tresredoubté seigneur & Pere ie vous supplie en l'honneur de la Passion de nostre seigneur Iesus Christ, qu'il vous plaise moy pardonner ce que ie vous ay meffait: car ce que i'ay fait, ie l'ay fait pour moy preseruer de mort & vous aussi, & pour la preseruatiō de tous voz pays & subiects, comme cy apres ie diray plus aplain. Plusieurs autres parolles dit le fils au pere tressagement, & treshautement au gré & plaisir de tous les escoutans. Et le Duc le tenoit par le coulede, en le regardant tousiours au visage, puis luy dit: Charles mon fils, quanques vous me feistes oncques iusques au iourd'huy, ie le vous pardonne, soyez moy bon fils & ie vous seray bon pere. En disant laquelle parolle les larmes apparurent aux yeux du Duc, & si feirent elles à tous ceux de la compagnie, iacoit ce qu'ils y fussent presens plusieurs cheualiers & seigneurs & autres en grand nōbre. Ces choses faictes & les festes de Pasques passées qui commencerent l'an mille cccē. lxxv. le Duc manda venir deuers luy à Bruxelles les trois estats de ses pays au xxiiij. iour d'Auril: ausquels illec venuz & assemblez deuant luy, il feir par l'Euefque de Tournay lire les lettres que le Duc de Berry luy ent' enuoyées: puis leur feir dire que son intention estoit de faire son armée la plus grande qu'il eut oncques faicte, pour ayder ledit Duc de Berry: de laquelle il feroit chief son fils Comte de Charrolois pour estre prest le viij iour de May: & ce qu'il ne pouoit faire sans grande despence. Et pourtant feir demande au pays d'Arthois de xvij. mille francs, & aux autres pays pareillement selon leur puillāce. Iour fut prins de respondre au xij. iour de May: le pays d'Arthois luy accorderent l'ayde de xiiij. mille frācs & les autres pays chacun à son aduenant. Ce temps pendant se preparēt & meirent sus le Comte Loys de S. Pol & ses trois fils, laques de S. Pol son frere, le seigneur de Rauestain nepueu du Duc, les deux bastards de Bourgongne, messire Anthoine & Baudoin, & presques tous les cheualiers & nobles hommes des pays du Duc, d'Arthois, de Boullenois, de Hainault, de Flandres, de Brabant, de Hollande & de Zelande, en si grand nombre qu'ils furent estimez à plus de xiiij. mille combattans: c'est à sçauoir xliij. cens lances & viij. mille archiers, & autres crennequiniers, conleuriniers & coustilliers, & gens de guerre, sans compter ceux du Charroy qui y estoient en grand nombre, portās chacun vn maillet de plomb, avec ceste compagnie n'estoient aucuns de Bourgongne, lesquels deuoient faire leur armée à par-eux, pour venir joindre avec les autres: & estoient bien six cens lances & autres gens de guerre: dont estoient chiefs le Marechal de Bour-

1465.

gongne, le Prince d'Orenge, le seigneur d'Argueil, les seigneurs de Chargny, de Thoulongon & plusieurs autres grans seigneurs du pays. Entre temps que ceste armée mettoit sus Iean de Longueval, capitaine des archiers de messire Anthoine bastard de Bourgongne, accôpagné d'une route de gens d'armes, s'en alla prendre & saisir les villes d'Atleux & de Creuecueur, que le Roy faisoit tenir en sa main: & auoit tollues audit bastard: puis somma le capitaine du chastel dudit Creuecueur de le luy rendre amiablement, ou il feroit tant qu'il le prendroit de force: lequel capitaine le luy rendit sauue son corps & ses biens, & s'en retourna en Normâdie dont il estoit. Et quand Iean de Longueval eut fait cest exploit, il laissa en icelles places les gens de guerre pour les garder: puis s'en retourna avec les autres. Quand le Roy de France fut adcertené de celle grande armée qu'auoit le Comte de Charrolois, il enuoya son Chancellier à Amyens & à Abbeuille. Et tost apres iceluy Châcellier se retourna avec les Comte d'Eu & de Neuers, & feirent publier par tout de par le Roy, que tout homme qui auoit accoustumé de porter armes, fussent prests pour seruir le Roy: & ne fassent deffous autre quelconque seigneur ou les commis, sur peine de confiscquer corps & biens: mais ce nonobstant plusieurs cheualiers & nobles hommes qui tousiours auoient tenu le party de Bourgongne, se meirent avec le Comte de Charrolois, mettans à l'adventure tout ce qu'ils tenoient du Roy. Aucuns en y eut qui ne s'armerent de l'un costé ne de l'autre: il en y eut des autres aussi qui s'armerent deffous le Roy. Entre ces choses le Comte de Neuers cognoissant qu'il estoit en la male grace du Comte de Charrolois, enuoya plusieurs messages deuers luy pour trouuer sa paix: mais ne pouoient finer d'estre ouïs, dont aduint que plusieurs de ceux qui seruoient le Comte de Neuers & des plus principaux de son hostel, laisserent son service & se retrahirent deuers le Comte de Charrolois, pour demourer en sa bonne grace. Quand le Comte de Neuers se veit ainsi abandonné, il enuoya prier au seigneur de Saueuses qu'il allast parler à luy, mais il n'y voulut point aller, & si luy manda plusieurs fois. Or aduint que le Comte sceut que le seigneur de Saueuses deuoit vn iour passer à Bray sur Somme, & lors luy mesmes s'en alla à Bray, où il le trouua & parla à luy bien longuement, affin tousiours qu'il luy peut trouuer son moyen d'estre appaisé au Comte de Charrolois. Et le bõ seigneur luy promet qu'il en parleroit bien & voulétiers au Comte de Charrolois, ou cas qu'il ne s'armeroit point ne pour l'une partie ne pour l'autre: & qu'il ne boutteroit dedans la ville de Peronne nulle garnison de gens d'armes: ce que luy promet à faire. Or aduint entre-temps que le Comte s'en fut allé de Bray à Amyens, qu'il fut aduertty par ceux de Peronne que le Comte de S. Pol: lequel auoit fait ses monstres deuant la ville, les auoit sommez de rédre la ville au Duc de Bourgongne ou à son fils, & qu'ils auoient prins trois iours de delay pour luy respondre. Et pourtant ces nouuelles ouïes par le Comte d'Amyens incontinent, avec luy Ioachin Rouhault Marechal de France: lequel auoit deffous luy cent lances & deux cens archiers de l'ordonnance du Roy, & rentterent en Peronne le xv. iour de May à cinq ou six cens cheuaux de gens de guerre. Commune renommée couroit lors, que le Duc de Bourgongne auoit donné en mariage au Comte de Neuers son nepueu les terres & chastellenies de Peronne, Montdidier, & Roie, pour

pour en iouir sa vie durant, ou iusques à ce qu'elles seroient rachaptées de luy pour xxxij. mille courônes d'or, ou qu'il auroit autre seigneurie d'autre valeur que lesdictes chastellenies. Et le Comte maintenoit le deuoir auoir heritablement à tousiours, par dou & octroy du Roy, & du Duc de Bourgongne puis pou de temps. Et le Comte de Charrolois disoit que audit Côte de Neuers estoient escheutes nouuelles & grandes seigneuries. C'est à sçauoir les Comtez de Neuers & de Rethel, & autres grandes seigneuries: pourquoy il pretendoit r'auoir pour le Duc son pere lesdictes chastellenies. Attendu mesmement que son pere les auoit données par la maniere dicté, sans son gré qui estoit son seul fils & heritier. Le duc mesmes maintenoit qu'il n'auoit données lesdictes terres qu'à rachapt, & que se le Comte auoit ses lettres qui cōtenissent plus auant, que elles auoient esté faictes sans son sceu & scellées. Entre ces choses le seigneur de Sauens es auoit si bien besongné deuers le Comte de Charrolois pour le Comte de Neuers, qu'on disoit tout cōmunement qu'il auroit sa paix. Mais les nouuelles qui vindrent, qu'il auoit bouté dedans Peronne grand nombre de gës de guerre contre ce qu'il auoit promis, rompirent tout.

Comment le Comte de Charrolois print congé du Duc de Bourgongne son pere pour tirer en France à tout son armée & grande artillerie. Et comment il passa la riuere de Somme & meir en son obeissance Neelle, Roye & Montdidier: puis alla assieger Beau-lieu & passer la riuere d'Oyse.



LE xv. iour de May ou dit an lxx. ou enuiron, sachant le Comte de Charrolois que son armée estoit toute preste & toute son artillerie: & que son autre armée estoit aussi en Bourgongne toute preste luy estant à Bruxelles: print congé du Duc son pere: auquel le Duc dit selon commune renommée: mon fils faictes bien la besongne & vous y portez bien, & ayez mieux mourir que fouir: se vous estes en danger, vous ny demourrez pas pour employer encores cent mille hommes de guerre. Ainsi donques le congé prins du pere, le fils s'en alla au giste au Quefnoy en Hainault, là où l'attendoient deux ambassades. C'est à sçauoir vne de Bretagne & vne du Roy de France: de laquelle estoit chief l'Euesque du Mans frere du Comte de S. Pol: ceux cy besongnerent bien pou ou neant, & ceux de Bretagne furēt aussi bien tost expediez. Puis s'en alla le Comte le lendemain à Honnecourt entre Creuecueur & S. Quentin, là où l'attendoit toute son artillerie, dont il auoit tāt que c'estoit vne grand merueille. Car par la ville d'Arras en estoient passez deux cens & xxxvj. charretes, venans du chastel de l'Isle, que bombardes, que serpentes, que crapaudeaux, que mortiers & autre artillerie à pouldre, sans les autres venans de Brabant & de Namur qui passerent à Cambray. De Hōnecourt s'en alla le Comte loger à Roseil à deux lieues de Perōne, là où il se tint aucūs iours accompagné de tout son ost & de son artillerie, dont cuiderēt bien ceux de Peronne auoir le siege: mais le Comte de Charrolois pensoit à faire autrement. Le iiij. iour de Iuing ou dit an lxx. se partit le Comte de Roseil & feit toute son armée rirer à Bray sur Somme: ceux de Bray vindrent à son encontre, & luy offrirent les clefs de la ville: puis passerent outre la riuere le Comte de S. Pol & le bastart de Bourgongne, avec leurs gens, & s'en allerent deuant Neelle en Ver-

mandoïſ: & feirent ſemblant de vouloir aſſaillir la ville, mais ceux de dedans la leur rendreient par tel ſi, que huit hommes d'armes qui leans eſtoient en garniſon, ſ'en iroïent ſauues leurs vies, cheuaux & harnois: & les archiers qui y eſtoient enuiron ſix vingts, ſ'en iroient en leurs pourpoints ou paletoz chacun vne vergette en ſa main: neantmoins le ſeigneur de Neelle qui y fut trouué fut detenu priſonnier. En ce meſmes iour le ſeigneur de Haubourdin, baſtard du Comte de S. Pol à grand route de gens d'armes & d'archiers ſ'en allerent à Roye en Vermandois, & feirent ſemblant de vouloir la ville aſſaillir: mais ceux de ladiſte ville doubtans le peril, ſe rendirent à luy pour & ou nom du Comte de Charrolois. Et ils y entrerent & trouuerent leans la Comteſſe de Neuers: à laquelle ils ne feirent force ne grief, ains luy donnerent faculté de foy retraire, là où elle voudroit. Et elle ſe retrahit à Compiengne deux ou trois iours apres, & la conuoya le ſeigneur de Rauaſtain à cinq ou ſix cens combattans, deux ou trois iours apres ſe rendirent au Comte de Charrolois ceux de Montdidier, en laquelle ville eſtoit Hues de Mailly, ſeigneur de Bouillencourt cheualier hardy & vaillant. Lequel auoit touſiours tenu le party de Bourgongne. Et auſſi en demoura il capitaine du gré de tous ceux de la ville: laquelle ville auſſi auoit touſiours tenu ledit party de Bourgongne. Tandis que leſdictes villes ſe mettoient ainſi en l'obeiſſance du Comte de Charrolois, le Comte de Neuers doubtant qu'il ne fut aſſiégededans Peronne, ſ'en partiſt, avec luy Ioachin Rouhault Mareſchal de France, le ſeigneur de Moy & autres iuſques au nombre de deux mille combattans, & ſ'en allerent pour entrer dedans la cité de Noyon: en laquelle ils n'entrerent pas ſi toſt, & iuſques à ce qu'ils eurent promis qu'ils n'y entreroient pas tous, & qu'ils ny feroient quelque deſtroy. Mais nonobſtant leur promeſſe ils entrerent tous & y feirent deſtrois aſſez. Et aduint à leur entrée que ceux de la ville cuiderent abbatre leur arche, & cheut ſur vn homme d'armes & le tua. Enuiron le quinziefme iour de Iuing le Comte de Charrolois ſe partiſt de Roye, & ſ'en alla aſſieger le chaſtel de Beaulieu forte place, appartenant au ſeigneur de Neelle: dedans lequel chaſtel eſtoient pluſieurs cōpagnons de guerre, leſquels ardirent le plus beau de la ville entour le chaſtel, qui fut vn grand dommage. Ce nonobſtant le chaſtel fut battu d'engins à pouldre, tellement que ceux de dedans le rendirent au iour S. Iean Baptiſte, ſauues leurs corps & leurs biés. Tandis que le ſiege eſtoit deuant Beaulieu, le ſeigneur de Haubourdin baſtard de S. Pol, trouua maniere de paſſer par bateaux la riuiere d'Oyſe, & ſ'en entra en la ville de Ponts-ſainct-Maxence, ainçois que ceux de la ville en ſceuſſent riens. Ceux cy eſtoient de l'auantgarde du Comte de Charrolois, dont eſtoit conduiſeur le Comte de S. Pol. Le Comte de Charrolois eſtoit en la bataille, & le baſtard de Bourgongne eſtoit chief de l'arriere-garde.

Comment le Comte de Charrolois paſſa la riuiere d'Oyſe, & ſ'en alla à S. Denys: puis ſ'en alla mettre en bataille deuant Paris: & le Comte de S. Pol ſ'en alla ſaiſir le Pont S. Clou, pour paſſer la riuiere de Seine: & comment il la paſſa à toute ſon armée.

Quand



Vand le Comte de Charrolois sceut que ses gens estoient à Pont saincte-Maxence, il feit toute son armée tirer celle part, pour passer celle riuiere d'Oyse. Ceux de la ville luy feirent toute obeïssance comme au lieutenant du Duc de Berry : & le Comte tout incontinent feit criez de par le Duc de Berry, duquel aussi il se disoit lieutenant general, qu'il mettoit iustoutes impositions & subsides, quatriesmes & autres exactiōs comme il auoit fait à Roye & à Montdidier, où il auoit passé, dont le peuple estoit grandement resioüy : le Comte entra en ladicte ville de Ponts le iour de S. Pierre & S. Pol, & se tint illec par aucuns iours, puis se partirent d'illec & s'en allerent à S. Denys en France, en laquelle ville le Comte fut receu amiablemēt tant ou nom du Duc de Berry comme ou sien: Car par force ne l'eussent ils peu tenir contre luy. Là se tint toute l'armée tout le remenant du mois de Iuing entre Paris & S. Denys, attédans que les Ducs de Berry & de Bretagne, de Calabre & de Nemours, de Bourbon & tous les autres de leur alliance deussent venir, ainsi que promis l'auoient les vns aux autres. Dont quand le Comte de Charrolois veit que nul ne venoit, & si estoit le terme passé qu'ils auoient promis d'estre là, ne ses Bourgongnons aussi qu'il attédoit de iour en iour: & qu'il eut esté aduertý qu'ils ne pouoient passer par l'armée du Roy qui les costoyoit de pres, & vint le huitiesme iour de Iuillet, il meit toute son armée ensemble & en tresbelle ordonnance: s'en alla mettre deuant Paris, & presque ceux de la ville les voyoient à plain. Et à dire voir pour peu de gens qu'ils estoient, c'estoit là plus fiere armée que l'on pouoit regarder. Ioachin Rouhault voida de Paris pour regarder icelle armée, laquelle il auoit costoyée par auant tant à Beaulieu comme autre part par plusieurs fois, pour faire quelque destourbier s'il y eut veu son aduantage: mais il les trouuoit tousiours en point & sur leur garde, tellement qu'il ne les osa oncques assaillir, ains le queroient les gens du Comte, & conuenoit bien qu'il se retrahist à point. Ce iour mesmes qu'il isist de Paris eut il esté encloz de gens dudit Comte, s'il ne fut rentré dedans Paris viftement: & lors incontinent qu'il y fut entré le Comte feit iecter deux ou trois serpentines par dessus la ville, dont ceux de dedans furent tous effrayez. Puis se meit le Côte deuant toutes ses batailles, & s'arresta illec à vn moulin assez pres de la ville, dont cuiderent ceux de Paris auoir l'assault: mais non eurent: ains leur auoit le Comte fait remonstrier & es autres places où il estoit passé, qu'il n'estoit là venu que pour le bien du Royaume, & à la priere & requeste du Duc de Berry, qui luy auoit mandé qu'il seroit bien brief avec luy, soy donnant merueilles de ce que plus tost n'estoit venu. Disant outre quetout ce que le Duc de Berry vouloit faire n'estoit que pour le bien du Royaume: puis les feit sommer & requerre qu'ils obeïssent à luy cōme lieutenant general du Duc de Berry, mais ils n'en voulurēt riēs faire. Quand Ioachin fut entré dedās Paris il encōtra sur la rue vn chanoine d'Arras, nommé messire laques de Villiers: lequel apres qu'il eut eu besongé à Paris, desiroit moult de retourner au païs: Ioachin luy demanda dont il estoit & où il vouloit aller: il luy respōdit qu'il estoit d'Amyens, & qu'il y vouloit retourner: dont luy dit Ioachin & le luy feit iurer & promettre, qu'il diroit au Comte de Charrolois qu'il auoit tout freschement receu lettres du Roy de France: par lesquelles il luy signifioit pour tout certain qu'en dedās quatre iours

le Roy se trouueroit à Paris, & iroit là où le Comte seroit: & que l'on verroit lors qui seroit le plus fort. Le chanoine en tenant la promesse, dit au Comte de Charrolois les mesmes parolles à ce moulin, où il estoit encores, & le Comte luy respondit qu'il ne croyoit pas bien Ioachin, & autresfois luy auoit mandé des choses qu'il n'auoit pas trouué vrayes. Celle monstre ainsi faite deuant Paris par le Comte de Charrolois, il remmena toute son armée loger en la place du Lendit, où les maisonnettes estoient encores. Et feit illec son ost endorre de son charroy, dont il auoit tant que c'estoit vne grand merueille, tant de son arillerie cōme de ceux des seigneurs de son ost. Entre-temps qu'ils estoient là, le Comte de S. Pol chief de l'auant-garde, trouua sur la riuere de Seine vn grand bateau qui menoit foin à Paris: il feit prendre ledit bateau & vider le foin, puis entrèrent dedans & passerent la riuere les vns apres les autres tous ceux de l'auant garde: & s'en allerent prendre & saisir le pont de S. Clou, & se rendirent à eux aucunes gens de guerre qui gardoient le passage, sauues leurs corps & leurs biens & s'en allerent. Quand le Comte de Charrolois en fut aduert, il feit toute son armée tirer à ce pont & passer la riuere de Seine pour tirer vers Estampes, esperant trouuer illec les Ducs de Berry & de Bretagne: lesquels ne pouoient passer pour l'armée du Roy qui les empeschoit. Ceste armée passa celle riuere de Seine le quinziesme iour de Iuillet. Et en ce mesme iour s'en alla loger le Comte de S. Pol à tout son auant-garde à Montlehery: auquel lieu est vn bon chasteau que tenoient les gens du Roy, & ne firent quelque semblant de faire entreprinse les vns sur les autres. Le Comte de Charrolois demoura celle nuit à vne lieüe pres du Môt à tout sa bataille. Et le bastard de Bourgogne qui menoit l'arriere-garde, se logea à vne lieüe arriere du Comte, & à deux lieües du Mont. Le Comte de S. Pol enuoya ses escoutes outre le Mont iusques à Chastres, trois lieües outre sur le chemin d'Estampes: lesquels trouuerent en leur chemin les messagiers du Roy qu'il enuoyoit à ceux de Paris: ausquels Parisiens le Roy mandoit par ses lettres qu'ils fussent tous prests le lendemain pour luy ayder à combattre le Comte de Charrolois. Ces messagiers icy furent amenez deuers le Comte de S. Pol: ausquels ils certifierent que le Roy de France & à tout sa puissance estoit à Chastres, & là enuiron de ceste heure qui lors estoit l'vnziesme en la nuit. Ces nouvelles ouies le Comte de S. Pol se deslogea de Montlehery, & se logea au dessoubz du mont au costé de Paris en la vallée, en vne champagne qui est illec. Et feit incontinent ces nouvelles scauoir au Comte de Charrolois, en luy mandant qu'il se hastast de venir auant, ou qu'il luy mandast ce qu'il vouloit faire: & que le Roy luy liureroit bataille le lendemain au point du iour. Le Côte de Charrolois ouies les opinions de ses gens se deslogea incontinent, & s'en alla ioindre la bataille avec le Comte de S. Pol, & manda au bastard de Bourgogne qui menoit son arriere-garde, qu'il s'aduançast de le suiur tout le plus tost qu'il pourroit, sicōme il feit: si que le xvj. iour de Iuillet le Comte de Charrolois & son frere le bastard de Bourgogne, se trouuerent avec le Côte de S. Pol en celle vallée dessoubz Môtlehery des soietz leuant. Et là se meirent & ordonnerent pour attendre le Roy en bataille en celle place. D'autre part le Roy qui eut esté en Bourbonnois, & qui eut gasté le pays: & qui estoit aduert, de toutes ces assemblées, auoit son armée toute preste,

preste, & doubtant que l'armée de Bretagne & celle de Bourgogne ne ioinissent ensemble, par cōsequēt fussent plus forts, & feissent plus à redoubter pour cōbattre, assambla tous les chiefs de guerre pour auoir aduis, s'il cōbattrait son frere & les Bretons premier ou le Côte de Charrolois, & iaçoit ce qu'aucū fussent de diuerses opinions: toutesuoyes la plus part furent d'opinion qu'il cōbatist premier le Côte de Charrolois. Car s'il le pouoit ruer ius, il pourroit de legier r'auoir son frere & les Bretons à sa voulenté, mesmement tous les autres Princes de leur alliance. Encores tandis que les Bourgongnons n'estoient encores venus, ne ioinctz avecques le Comte de Charrolois par empeschement que leur bailloient aucū des capitaines du Roy. Et iaçoit-ce que la pluspart du cōseil fussent de cest aduis, neantmoins le seigneur de Varenne Seneschal de Normandie dit & repliqua, qu'il n'estoit point de celle opinion: & qu'il cognoissoit assez que le Comte de Charrolois n'estoit pas homme pour delmarcher, & que les Picards & ceux qui estoient avec luy des autres païs de son pere, l'aymoient de si grād courage, & si estoient cōme tous accoustumez de guerre, qu'ils ne laisseroient iusques à la mort. Et poutāt estoit son opiniō de cōbattre premier le Duc de Berry & le Duc de Bretagne: avec lesquels estoient plusieurs gens de guerre, qui auoient esté de l'ordonnāce du Roy Charles son pere: lesquels quād ils veroient la personne du Roy n'auroient espoir ou voudroient combattre contre luy, ains tourneroient de son party. Pourquoy il pourroit de legier mettre le demourant à sa mercy, dont fut dit au Seneschal qu'il auoit paour. Et il respondit que non auoit, & que s'il y auoit bataille ou rencontre il monstreroit qu'il n'auoit pas paour. Et que ce qu'il auoit dit, il l'auoit dit seulement pour loyaument conseiller le Roy.

Comment le Roy se conclud de combattre le Comte de Charrolois. Et comment ils conuindrent à bataille au dessoubz de Montlehery: & de la maniere de celle bataille ou rencontre qui fut moult aduantureuse.

QUand le Roy eut ouy toutes les opinions de ses chiefs de guerre, iaçoit ce qu'elles feussent diuerses: neantmois il conclud tout chaudement de combattre le Comte de Charrolois: & commanda tout incontinent que chacun sur peine de mort le suiuit & se meit au chemin par si grād exploit, que le xiiij. iour de Iuillet audit an lxxv. (comme dit est) il cheuaucha à toute son armée que de iour que de nuit. xxiij. lieues, & vint gesir à Estampes, & le lendemain vint à Chastres à trois lieues de Montlehery: en venant lequel chemin il passa à sept ou à huit lieues pres de l'ost des Ducs de Berry & de Bretagne, ignorant que ses messages fussent prins qu'il eut enuoyé à Paris, ne que le Comte de Charrolois fut si pres de luy. De Chastres se deslogea le Roy le xvj. iour de Iuillet des deuant soleil leuant. Et tost apres se trouuerēt au Montlehery & veirent l'armée du Comte de Charrolois, qui estoit dessoubz en la vallée. Et lors incontinent le Roy feit mettre ses gens en bataille & en feit trois. En l'auant-garde fut ordonné le Seneschal de Normandie, le fils du Comte de Noirenton, le seigneur de Barbasen, Malortie, Floquet, Salzart & autres gens de guerre. En la seconde & moyenne se meit le Roy, & avec luy plusieurs grās seigneurs & capitaines. En l'atriere-garde furent commis le seigneur du Maine, &

avec luy de sept à huit cens hommes d'armes: si que selon commune renommée le Roy pouoit auoir en ces trois batailles deux mille, deux cens hommes d'armes ou lances, les mieux poinct & les mieux montez que gens d'armes furēt oncques: car là estoit toute la fleur des gens de guerre de toute la puissance du Roy de France. Avec lesquels estoïēt outre plusieurs archiers, & autres gens de guerre en tresgrand nombre. Et si en estoient beaucoup demourez derriere de pied & de mal montez, qui suiuiōient tousiours le train du Roy.

D'AUTRE part quand le Comte de Charrolois, veit l'armée du Roy ainsi prestee, il feit de ses gens trois batailles. En la premiere fut mis & ordonné le Comte de S. Pol, il se tint en la seconde. Et son frere le Bastard mena son arrieregarde. Mais il les feit toutes trois ioindre ensemble, & les feit elorre par derriere de son charroy: & feit de ses engins à pouldre affuster deuant ses batailles. Et à ses archiers feit il prendre chacun vn pel pointu, pour mettre deuant eux contre la fouldre des cheuaux s'ils les eussent voulu rompre: & ceux tenans celle ordonnance attendoient que le Roy leur vint courre sus & les combattre. Mais non feit: ains furent en ce point les vns deuant les autres pres de quatre heures sans eux mouuoir, sinon d'aucunes petites escarmouches. Et si estoient pres les vns des autres à vn traitt d'arbalestre: pource que le Comte de Charrolois & ses gens estoient comme trop eslongnez de leur artillerie, aucuns furent d'aduis que bon seroit qu'ils se tirassent plus pres en reculāt leurs cheuaux, leurs visages tousiours deuers leurs ennemis sans mōstrer de doz: mais le seigneur de Haubourdin blasfēmāt celle opiniō luy dit, s'il reculoit vn pied du lieu où il estoit qu'il luy tourneroit à trop grand peril & deshonneur: & donneroit à ses ennemis courage & hardement. Entre temps aussi d'vn costé & de l'autre se iectoïēt serpentines & engins à pouldre, qui tuerent assez & des vns & des autres. Finalement le Comte de Charrolois doubtrāt que ceux de Paris ne veinssent soudainemēt en l'ayde du Roy à grosse puissance: & que par ce moyē ils ne fussent encloz ne assailliz deuāt & derriere, ou qu'ils fussent illec affamez en delayāt la bataille: ouïe sur ce l'opinion de ses plus principaux capitaines, cōclud d'aller assaillir le Roy. Et lors issans de leur fort en belle ordōnāce, se prindrēt à marcher auāt tous ensemble, les vns du costé du bois & les autres du costé du village, la bataille ou milieu ayant le bois au dos. Et lors tout incōtinent qu'ils se prindrēt à marcher auant, aussi feirēt grād partie des François en frōt à l'endroit de la bataille du Côte, & passerēt vne fosse qui là estoit pres du village: mais les archiers du Comte les chargerent de traitt si dru & durement, qu'ils les feirent ressortir outre le fossé, & le Comte apres à les chasser iusques dedans le village bien auāt sa banniere de costé luy, que portoit pour le iour le seigneur du Boys.

Or tandis que ceste besongne se portoit en ce point, & que le Côte auoit ordonné vne grosse route d'archiers & certain nombre d'hōmes d'armes pour les garder, & pour deffendre le passage à iij. ou iiij. cens lāces de François, qui se tenoient à l'endroit d'vne bresche, & regardoïēt leur point pour enfondrer sur lesdits archiers, & d'aller à l'artillerie du Comte: aduint qu'iceux hommes d'armes voyās ressortir les François, & que le Côte les auoit chassiez iusques dedās le village, laisserēt leur garde & coururēt apres le Côte: & lors tout incōtinent iceux François voyans lesdits archiers ainsi destituez de leurs gardes & de leurs pels qu'ils

qu'ils auoient laissez, se prindrent à fourrer dedans comme foudre: & tellement qu'ils tuerent & mehaignerent la plupart desdits archiers, qui fut la plus grand perte du Comte pour le iour. Et ces archiers ainsi ruez ius & desbaretez, iceux François s'en coururent iusques au charroy & à l'artillerie, & y tuerēt & prindrēt vn pou de gens. Mais ceux qui gardoient le charroy, & qui estoient garniz de maillets de plōb se recueillirent au mieux qu'ils peurēt, & tournerent aucūs de leurs chariots, tellement q̄ les François n'en sçauoient issir & en assommerēt illec la plus grand partie: ceux qui en peurent eschapper cuidās retourner au village, rencontrerēt le Côte & la route qui retournoiet du village droit en ce point: les quels les assaillirent si durement que tous y furent morts de ceux qui furent au charroy, tant par ceux du charroy cōme par ceste dernière rencōtre: nonobstāt qu'aucūs François eussent suiuy le Comte, & qu'ils se cōbattissent à ses gēs. Auquel retour fut occis Philippe d'Oingnies aupres du Côte: le Comte mesme fut nauré au visage & en grand dāgier d'auoir la gorge couppee à cause de ceste diuersité de cōbatre: c'est à sçauoir que le Côte de prime face feit ressortir les François, & qu'il les chassa iusques bien auant dedās le village, s'en fouirēt de l'ost du Roy toute son arrieregarde, q̄ menoiēt le Côte du Maine & l'Admiral de France seigneur de Montauban, & plusieurs autres iusques au nōbre de vij. ou viij. cens lāces: & si durement s'en fuirent qu'ils laissoiēt par les chāps bagues & harnois, & si n'estoit hōme qui les suiuit. Aduint aussi à celle cause, que le seigneur du Boys porta la banniere du Côte si auant, cuidāt qu'on le suiuit qu'il fut prins outre le village & emmené prisonnier: car le Comte estoit retourné du village cōme dit est. D'autre part à l'occasion de ceux de la Bresse, qui ruerent ainsi ius les archiers du Comte, ils s'en fuirent du party du Côte plus du quart de ses gēs: c'est à sçauoir le seigneur de Haplaincourt, le seigneur d'Ameries, le seigneur d'Inchy, le seigneur de Rabodenghes & plusieurs autres. Mais quand le seignr de Rabodenghes eut foüy environ deux lieües, il trouua vn herault qui luy dit, que le Côte auoit le plus beau de la bataille: & partant il retourna, & en feit retourner autres plusieurs en grand nombre qui vindrēt au Comte biē à point. Car il ne cessoit de rallier ses gens, & de soy porter aussi vaillāmēt que cheualier qui fut en la place, encourageant ses gēs & disant, qu'il vouloit illec viure ou mourir avec eux: si que par son bien faire & de ses hommes l'auant-garde du Roy fut ruez ius, & l'arriere-garde s'en estoit foüie. En celle tempeste des le commencement de celle besongne, fut occis du party du Roy le grand Seneschal de Normandie, Floquet, Geoffroy, la Hyre & plusieurs autres vaillās hōmes de guerre, iusques à trois ou quatre cens lances: & du party du Côte furent occis le seigneur de Hames, messire Philippe de Lalaing & aucuns autres en petit nombre d'hommes d'armes. Mais trop plus d'archiers, & si en y eut de prins d'un party & d'autre. Le Roy de sa part encourageoit ses hōmes à son pouoir, & sy porta vaillāment de son corps: mais quand il veit ses gēs ainsi reboutez, il se retira dedans le village: & le Comte demoura sur le champ ralliant ses gens & les tenāt en ordonnance, cuidant d'heute en heure que le Roy leur reueint courre sus: mais non feit, ains se contint au village depuis huiēt heures de soir que la bataille cessa, iusques à soleil couchāt tant desplaisant que plus ne pouoit: enquerant de ceux qui luy estoient demourez, lesquels s'en estoient fuiz, & lesquels

estoyent demourez delez luy: & trouua des fuians vn trefgrand nombre, & que bien pou estoient demourez avec luy. D'autre part grand nombre des gens du Comte qui eurent fourré les bois & les hayes, s'en reuindrent cy vn ça l'autre remettre avec les autres en ordonnance, eux tenans illec tous ensemble & attendant le hutin d'heure en heure, comme dit est: à la verité ceste chose cy fut vne trefauantageuse bataille ou rencontre & perilleuse pour chacune partie: & fait à croire que l'honneur de la victoire d'icelle vint de la grace de Dieu au Côte de Charrolois, lequel n'auoit pas gens tels, n'en si grand nombre comme auoit le Roy: encore se nul ne s'en fut fuy de l'vne partie ne de l'autre, eust esté la besongne plus terrible & plus mortelle: mais Dieu par sa bonté ne le voulut autrement aduenir, dont son nom soit loué. Ainsi donques aduint que le Roy ainsi melancholié & troublé qu'il estoit & à bon droit, se teint dedans le village iusques à soleil couchant. Puis s'en partit & s'en alla à Corbeil à six lieues pres d'illec, où il arriva à dix heures de la nuict à petite compaignie: car tous les autres s'en estoient fuis, & si ne les chassoient nuls: & tels y eut qui fuirent iusques à Amboise, & disoient par tous les lieux où ils passoient, que le Roy estoit mort & tous ses hommes desconfits.

Comment le Comte de Charrolois se maintint apres la victoire qu'il eut du Roy de France à Montlehery: & de plusieurs besongnes & sequelles qui en aduindrent lors en diuers lieux.



E Comte de Charrolois soy tenant sur le champ de la bataille, cuidant que le Roy fut encore à Montlehery, & qu'il le voulsist encore combattre le lendemain, teint toute celle nuict ses gens en bataille iusques à soleil leuant, que lors il fut aduertý du parlement du Roy: & l'en alla dedans le village luy & tous ses hommes, là où ils trouuerent celiers plains de corps morts & tuez, que les François y auoient iettez, affin qu'on ne sceust le nombre des morts de leur party: ainçois que celle bataille se commençast trois heraux auoient esté enuoyez à Paris de par le Roy: lesquels venus illec, ainsi comme à heure de midy, s'en allerent crier à l'arme parmy la ville de toutes parts: & que tantost & sans delay chacun se meit en armes & s'en allassent ayder le Roy qui combattoit le Comte de Charrolois deuant Montlehery. Mais nonobstant le cry, oncques homme du commun ne autre n'en issit de Paris, sinõ Ioachin Rouhault Marechal de France, qui tenoit ades avec luy de cinq à six cens hommes de guerre: lesquels faillirent hors de Paris tous à cheual, & s'en coururent au pont S. Clou, là où ils ne trouuerent personne: car ceux qui le gardoient pour le Comte de Charrolois s'enfuirent incontinent qu'ils veirent les seigneurs de Happlaincourt, d'Aymeries & les autres en trefgrand nombre, qui leur dirent que le Comte auoit tout perdu: si que le Marechal entra dedans la place sans contredit: & reteindrent prisonniers tous ceux qui y vindrent depuis pour passer illec, & les menerent à Paris. Ces seigneurs icy qui s'enfuirent ainsi, cuidèrent passer au pont de S. Maxence la riuiera d'Oyse: mais ils y trouuerent le seigneur de Mouý capitaine de Compiengne accompagné de ceux des garnisons de Creil, de Senlis, de Clermont, de Creppy & d'autres places en trefgrand nombre, qui se furent assemblez illec apres qu'ils eurent ouý

ouï dire que le Roy auoit gaigné la bataille: & auoient assiéé le Pont du costé vers Monrdidier. Et pourtant ceux de dedans cuidans que voirement le Roy eut eüe la victoire: mesmement pour la fuite des seigneurs & autres qui se furent bouttez leans avec eux, se rendirent à eux sauues leurs vies seulement au premier assaulx qui leur fut fait. En celle place furent prins les seigneurs d'Aymeries & d'Inchy & plusieurs autres: le seigneur de Happlaincourt fut prins sur les champs & mené prisonnier à Paris: oncques homme de nom de tous les fuians n'eschappa de mort ou de prison: mais aucuns pources compagnons aduantureux en eschapperent: lesquels neantmoins retournerent tous desrobbez & en trespoure estar: de ceux qui furent menez à Paris en y eür plusieurs morts & noyez en Seine. A l'assault du pont sainte Maxence, fut tué par ceux de dedans d'un traict à pouldre vn gentil-homme du party du Roy, nommé Ieanet de Grouches, lequel auoit son frere avec le Comte de Charrolois. Quand le Comte de Charrolois fut tout certain que le Roy se fut retrait à Corbeil, il feit crier par tout son ost à son de trompe, s'il estoit homme qui le voulsist requerre de bataille, qu'il estoit prest de le receuoir, puis feit les morts enterrer: & entre les autres il feit enterrer en vne chappelle prochaine du mont les corps de messire Philippe de Lalin, du seigneur de Hames, le seigneur de la Varenne, & aucuns autres: mais tost apres vindrent de Paris par sauconduir aucuns, qui requirerä au Comte le corps dudit seigneur de la Varenne: & par son congé le feirent porter à Paris, & le feirent moult noblemēt enterrer en l'Eglise des Freres Prescheurs: il fut plaint de maintes gens pour les vertus qui furent en luy.

Q V A N D le Roy eut seiourné à Corbeil vn iour ou deux, il s'en alla à Paris: & y vint à petite compagnie le ieudy xvij. iour de Iuillet par le costé de la riuere vers S. Denys: & n'estoient avec luy que cent cheuaux ou enuiron, mais tost apres & tous les iours reuindrent deuers luy le Comte du Maine son Admiral, & tous ses capitaines & gens de guerre en si grand nombre, que la ville de Paris en fut toute plaine, & les chäps entour Paris du costé de la riuere. Le Comre de Neuers alla deuers le Roy à Paris: mais il n'y arresta gueres, ains s'en retourna à Peronne. Quand le Roy eut vn pou seiourné à Paris, il enuoya l'Euesque de Paris sage Prelat & prudent deuers le Comte de Charrolois, pour trouuer aucun bon moyen de paix entre le Roy & les Princes. L'Euesque venu deuant le Comte il luy dit, que le Roy l'auoit enuoyé deuers luy pour sçauoir qui l'auoit meu d'entrer en son Royaume à si grosse armée: & que le Roy luy mandoit que quand il alla és pay's de son pere, il n'y alla pas à grande armée: Ains y alla simplement & à petite compagnie. Le Comte de soymesmes respondit à l'Euesque tout promptement, que deux choses l'auoient meu d'entrer ou Royaume. La premiere estoit pour tenir sa promesse & son scellé, que luy & plusieurs Princes de France auoiet promis ensemble: c'est à sçauoir d'eux trouuer ensemble entour Paris pour le bien du Royaume dedans le iour S. Iean Baptiste. La seconde cause estoit pour rauoir deux hommes, lesquels estoient soubstenuz au Royaume, & qu'il estoit venu à si gräde armée pour garder son corps: lequel en son propre pay's & heritage de son pere on l'auoit cuidé faire mourir, ou par venin, ou par espée, ou le prendre pour le mener en esträge pay's: & que pourtant vouloit il estre bien accompagné pour soy garder: au regard

que le Roy luy mandoit qu'il ne vint pas és païs de son pere à si grande armée, quand il y vint : le Comte luy respondit que pour lors il n'auoit pas la puissance d'y venir fort accompagné, & que és païs de son pere il eut esté receu noblement, richement & paisiblement : & ne luy auoit on pas fait ainsi comme on luy auoit euidé faire : dit outre qu'il n'estoit pas venu ou Royaume pour y nuire : mais pour le bien d'iceluy : & qu'il auoit commandé à ses gens que chacun payast ce qu'il y prendroit, sans faire grief à personne. Au regard, dit il, de la puissance que j'ay amenée : ie vueil bien que chacun sçache, que ie suis bien homme pour contester à mes ennemis, & pour ayder & conforter mes amis : & celle responce ouïe l'Euesque de Paris s'en retourna deuers le Roy.

Comment les Ducs de Berry & de Bretagne se trouuerent à Estampes avec le Comte de Charrolois : & tost apres y vindrent aussi les Ducs de Bourbon, de Calabre & de Nemours : le Côte d'Armignac & leurs allies : & le Roy s'en alla de Paris à Rouen.



Vand le Comte de Charrolois eut seiourné sur le champ de la bataille, & à Montlehery tant comme il luy pleut : il tira toute son armée vers Estampes, attendant apres les Ducs de Berry & de Bretagne : lesquels y arriuerent le xxj. iour de Iuillet oudit an, accompagnés de dix mille combattans & gens de guerre bien en point. Le Comte de Charrolois alla aux champs à leur rencontre, & feirent grand ioye & grand feste les vns aux autres : puis entrerent en la ville à leur entrée. Entre ces choses le Comte de Charny, qui s'estoit party de Bourgongne à cinquante lances pour estre en l'ayde du Comte de Charrolois, ne se voulut point mettre desloubz le Marechal de Bourgongne chief de l'armée de Bourgongne, ains tint vn chemin à par luy : mais il fut espié des gens du Roy, & fut vn iour prins & retenu prisonnier : mais ses gens eschapperent & se sauuerent le mieux qu'ils peurent. Environ huit iours apres que les Ducs de Berry & de Bretagne furent venus à Estampes, vindrent aussi audit lieu les Ducs de Bourbon, & de Nemours, & le Comte d'Armignac à belle armée : puis y vint le Duc de Calabre aussi à belle compagnie : & entre les autres estoient avec luy aucuns Suisses hommes non armez, mais hardis & entreprenans. Puis y vint finablement le Marechal de Bourgongne, & avec luy plus de six cens lances de Bourgongnons, & plusieurs autres coustelliers à pou d'archiers, tous ces seigneurs icy fussent volentiers plustost venus avec le Comte de Charrolois, s'ils eussent peu passer : mais ne se osoient aduancer pour crainte du Roy qui les faisoit costoyer de pres. Aussi fait à croire qu'ils furent plus hardiz de venir quand ils sceurent que le Comte de Charrolois auoit esprouué le passage, & bien asseuré pour tous les autres passer. Eux tous ainsi assemblez tirerent le chemin de Beaulse, & de Gastinois pour leurs gens viure plus aisément, & feirent ouerture au Duc de Berry les bonnes villes où ils passioient. D'autre part le Roy s'en alla à Rouen, pour reformer son armée : & fait mettre sus en armes tous siefuez & arrierechiefuez, & toutes autres gens idoines à porter armes pour estre avec luy.

ENTRE ces choses & que les Princes se furent r'affreschiz, & leurs gens és païs de Beaulse & de Gastinois, esperans tous les iours que le Roy les veinist combattre. Et voyans qu'il n'estoit approché d'eux, feirent faire vn pont à Mouret & passerent

& passerent illec la riuere de Seine : & par le païs de Brie s'en allerent arrester & loger aupres de Paris, passans la riuere de Marne au pont de Charenton. Auquel lieu se logerent les Ducs de Berry & de Bretagne à toutes leurs gens : le Comte de Charrolois se logea à Conflans dedans le chasteau: le Comte de S. Pol & ceux de l'auantgarde entre Paris & Conflans, & le Bastard de Bourgogne & ceux de l'arrieregarde entre Conflans & Charenton. Puis s'en allerent loger les Ducs de Berry & de Bretagne à S. Mor, & à Beauté, & entour du Bois de Vinflainnes d'un costé de la riuere: & le Duc de Calabre & les autres, c'est à sçauoir Bourgongnons, Armignacs & de Nemours, demourerent en Brie à l'autre costé de la riuere à toutes leurs gens, qui pouoient môt de cinq à six mille combattans. Entre ces choses le Comte de Charrolois feit reprendre le pont S. Clou : car les gens du Roy le delaissèrent tantost apres la bataille de Montlehery : puis feit prendre Laigny sur Marne, & faire ponts pour passer outre la riuere, quand ils vouldroient : & assieger Paris, là où se tenoient le Comte du Maine & autres gens de guerre en si tresgrand nombre, qu'il en conuint grand partie loger par les villages outre la riuere de Seine, & en autres forts & boulleuers qu'ils feirent illec en aucuns lieux.

D'AUTRE part, quand les ponts furent faits & mis sur la riuere, vne partie de l'ost des Princes passerent la riuere, & s'en allerent loger pres de Paris : & si pres des gens du Roy, qu'il n'y auoit qu'un fossé entre deux : & là se feirent plusieurs escarmouches d'un costé & d'autre, esquelles estoient aucuns morts ou prins bien souuent. Et entre les autres y fut vn iour occis vn des fils de messire Symon de Lalaing, qui fut moult plaint des gens du Comte de Charrolois. Vn iour vint que les Princes feirent sommer à ceux de Paris pour faire ouuerture au Duc de Berry, comme regent de France: ou sinon ils destruiroient leurs vignes, & leurs maisons & tous les villages d'illec entour, & puis ils assauroient la ville : entre quoy les Parisiens prindrent iour de respondre. Pendant lequel ils enuoyerent à Roüen ceste sommation signifier au Roy, & dire s'il ne les venoit secourir que rendre les conuiedroit: lesquelles nouuelles ouïes par le Roy, il assembla hastiuement tout ce qu'il peut recouurer de gens: & s'en alla à Paris où il entra le vingthuietieme iour d'Aoust oudit an lxxv. Et dedans trois iours apres enuoya deuers les Princes l'Eueque de Paris, & autres conseillers & notables gens & grans seigneurs : lesquels procurerent tellement enuers les Princes, que tresues furent données d'un costé & d'autre pour aucuns iours : durans lesquels fut vn lieu ordonné entre Paris & Conflans, & oudit lieu vne belle tente pour conuenir aucuns deputez d'un party & d'autre: afin de trouuer quelque bon moyen de traicté & d'appaisement entre les parties.

Cy parle des diuerses nouuelles portées en diuers lieux de la journée de Montlehery : puis d'une guise & puis d'une autre.

DE ceux qui s'enfuirent le iour de la bataille de Montlehery des les commencement de l'assemblée, & qui ne pouoient sçauoir la fin de la besongne : aucuns passerent la riuere d'Oyse, & disoient par tout que le Comte de Charrolois auoit tout perdu. Entre les autres en passa vn à Compiengne, qui dit au Comte de Neuers que voirement l'auant-

garde du Roy auoit esté ruée ius au commencement de la bataille : mais en fin le Roy auoit eu victoire, & que le Comte de S. Pol & le seigneur de Haubourdin y estoient morts: ne scauoit du Côte de Charrolois fil estoit prins où mort, ne son frere le Bastard. Ces nouuelles icy furent signifiées & escrites au Duc de Bourgongne par le capitaine de Montdidier : & passa le messagier porteur desdictes lettres par la ville d'Arras: & desdictes nouuelles emplit toute la ville: tellement que tout incontinent le pays en fut tout plain à l'environ, donr maintes gens demenerent grand dueil & grans plainres merueilleusement : ignorans ce qu'ils deussent faire: le seigneur de Sauueses qui se tenoit à Corbie ces nouuelles ouïes, laissa Corbie en passant delez Bray sur Somme: manda au seigneur de Roubaiz capitaine d'icelle ville qu'il la gardast bien, & fil auoit pou de gens il luy en enuoyeroit assez. Puis passa outre accompagné de vingt archiers ou environ, & vint à Bapaumes. Mais ceux de la ville luy refuserēt l'entrée de prime face, dont il fut si mal content qu'il leur dit, que s'ils ne le mettoient dedas qu'il y entreroit par force. A laquelle parolle ils le meirent dedans. Ce refus icy sembla bien estrange à beaucoup de gens: attendu que Bapaumes est neuuement au Duc de Bourgongne & de la Comté d'Arthois. D'illec s'en alla à Arras, & feit assembler ceux de la ville : ausquels il remonstra qu'il estoit besoing de bié garder la ville & la cité, & de mettre gens sus pour desfendre le pays, & pour secourir leur seigneur à la plus grande diligence que faire se pourroit : offrant que se l'en luy vouloit prester vingt mille en rente courant hereditablement, ou viagiere sur tous ses biens & reuenues, qu'il les employeroit à souldoyer gens d'armes pour aller au secours du Côte de Charrolois, & pour la deffence du pays. Et nonobstant qu'il ne trouuaist personne, ne qu'il luy voullist bailler argent en celle maniere ne autrement. Toutesuoyes il assemblea tout ce qu'il peut recourir de gens de guerre: & tellemēt qu'il en meit sus & en point de quatre à cinq cens que de pied comme de cheual. Pour laquelle diligence ainsi faicte par le seigneur de Sauueses, le Duc de Bourgongne luy enuoya lettres patētes: par lesquelles il le commit & ordonna capitaine general de la Comté d'Arthois : & manda à toutes les bonnes villes du pays & de la chastellenie de l'Isle, que tout homme qui pouoit porter armes se meit sus, & se tirast deuers le seigneur de Sauueses : & tellement qu'en moins de quinze iours il en eut avec luy plus de deux mille combattans : mais la pluspart estoient de pied. D'autre part si tost que le seigneur de Roubaiz, le seigneur de Fosseux & les autres qui eurent esté commis à Bray pour garder la ville, ouïrent dire lesdictes nouuelles ils abandonnerēt Bray: & se tirerēt deuers le seigneur de Sauueses, qui les blasma moult d'auoir ainsi leur garde abandonnée, & tellement qu'ils y retournerent aucuns d'eux huiēt ou dix iours apres que courroient lors autres nouuelles. De l'autre part si tost que ceux de Compiengne eurent ouï les premieres nouuelles de la desconfiture du Comte de Charrolois, ils prindrent, comme dit est, le Pont de sainte Maxence, puis s'en allerent assaillir la ville de Roye : mais le seigneur du Faÿ qui en estoit capitaine la desfendit tellement, qu'ils n'y gagnerent riens: ains y perdirent aucuns de leurs gens : & à leur partement dirent à ceux de la ville qu'ils y reuiendroiēt en brieſ à greigneur cōpagnie. Pourquoy ceux de Roye & ceux de Montdidier enuoyerent hastiuement deuers le Duc de Bourgongne, pour

pour auoir secours & ayde: & le seigneur de Saueuses leur enuoya tout incontinent de ceux qu'il eust assemblez, le plus qu'il peut: & si en enuoya à Bray & ailleurs à grand diligence.

ENTRE ces choses, les passages des riuieres d'Oyse & de Seine estoient tous si pres gardez par les François, que nul n'y pouoit passer ne porter lettres ne bagage, que tout ne leur fut tollu & destroussé: si que par ce moyen on ne pouoit sçauoir la verité de celle bataille, iusques à ce que vindrent aucuns Carmes, freres mineurs ou prescheurs & aucuns autres, qui passerent à nau les riuieres: lesquels rapporterent pour tout certain que le Comte de Charrolois auoit eu victoire & l'honneur de la iournée.

Comment entre ces besongnes le Roy de France & les Liegeois firent alliances ensemble, pour guerroyer le Duc de Bourgogne & son fils Comte de Charrolois: & d'aucunes autres choses: & comment iceux Liegeois à siegerent la ville de Luxembourg.

N pou de temps deuant celle besongne de Montlehery: c'est à sçauoir ou mois de Iuing dudit an lxxv. le Roy de France auoit enuoyé vne ambassade deuers les Liegeois anciens ennemis de la maison de Bourgogne, pour faire alliances avec eux, affin de guerroyer le Duc de Bourgogne & son fils Comte de Charrolois: lesquelles alliances furent faites entre eux par telle condition, qu'en dedans le iour saint laques & saint Christofle les Liegeois deuoient entrer és païs de Brabant & de Namur appartenans au Duc de Bourgogne: & d'y bouter les feux, & y faire tous les maux que l'on sçait faire en temps de guerre. Et pour les ayder à ce faire le Roy leur deuoit enuoyer. cc. hommes d'armes chacun à trois cheuaux du moins, pour entrer en païs de Haynault: & si leur promettoit par ladicte alliance qu'il ne feroit paix ne accord au Duc ne aux siens sans leur consentement, & qu'ils n'y fussent comprins: & de ce leur bailla le Roy son seellé selon commune renommée, de toutes lesquelles besongnes le Duc de Bourgogne fut tost apres aduertty. Dont aduint que le xxij. iour d'Aoust ou enuiron comme, le Duc de Bourgogne estant en la ville de Bruxelles deuoit monter à cheual pour aller à la chasle, qu'un herault luy apporta lettres des Liegeois contenant en effect, qu'ils desbioient son fils le Comte de Charrolois de feu & de sang, & que sur ce vouloient auoir responce: le Duc veist les lettres: puis dit au messaige en luy rebaisant les lettres qu'il les portast à son fils. Ceste responce ouïe le messagier retourna en Liege. Et lors sans tarder ils enuoyerent de rechief deffier le Duc mesmes, & tous ses alliez: & tost apres viderent de leur cité de Liege, & entrerent ou païs du Duc: bouterent feux & y firent des maux assez & s'en allerent assieger la ville de Luxembourg appartenant au Duc: le Duc de Bourgogne aduertty de ces choses, manda tout incontinent ses amis & alliez: sicomme le Duc de Cleues, le Duc de Gueldres ses nepueux, le Comte de Nazo, le Marquis de Rotelin, le Comte de Horne, & plusieurs autres voisins aux Liegeois, & les feit mettre sus à grosse puissance: il mesmes de sa personne voulut aller iusques à Namur pour combattre lesdits Liegeois: mais quand ils veirent que la puissance du Duc estoit si grande, nonobstant celle que son fils auoit en France: & que

le Roy leur auoir failly d'enuoyer deux cens lances courre en Haynault, ils leuerent leur siege & s'en retournerent à Liege. Entre ces choses la Duchesse de Cleues fille du Côte de Neuers vint deuers le Duc à Bruxelles, où elle fut trois ou quatre iours, ainçois que le Duc voulüst parler à elle. Puis fut appellée deuers luy & à genoux moult humblement & plorant tendrement, luy supplia qu'il voulüst auoir pitié de son pere & d'elle: car se son pere estoit destruit & deshonnoré, elle & ses enfans le seroient aussi: mesmement trois beaux fils qu'elle auoit du Duc de Cleues son mary: recognoissant que tout le bien que son pere auoit & elle aussi venoit de luy, qui les auoit nourris & esleuez si haultement que c'estoit chose notoire à chacun: ausquelles parolles le Duc se appitoya si que l'en luy veoit les larmes aux yeux & dit à la dame. Vostre pere recognoist & a mal recogneu le bien qu'il a eu en l'hostel de ceans: ie luy auoye fait dire qu'il se partit de Perône, & qu'il s'en allast en la Côte de Neuers ou de Rethelois qui sont à luy: & qu'il se tenist là iusques à ce que ie feroye tant que mon fils seroit content de luy, dont il n'a riens fait. Ains s'est armé contre mon seigneur de Berry & contre mô fils, & a fait le pis qu'il a peu, & tient mô heritage de Peronne, Montdidier & Roye, cuidant qu'ils soient siens: mais non sont, ains les tient pour vne somme d'argent que ie luy donnay pieça: laquelle on luy a voulu rendre, mais il ne l'a voulu prendre. Je ne sçay s'il cuide ainsi auoir mesdits heritaiges & autres seigneuries que i'ay. Il ne les aura pas se ie puis, ie l'en garderay bien au plaisir de Dieu. A ce mot il laissa la Dame. Trois ou quatre iours apres vint à Bruxelles le Duc de Cleues, qui eust laissé les gens d'armes par garnisons entout le pays de Liege, pour parler au Duc son oncle: deuers lequel il n'auoit esté grand temps deuant, obstant lesdictes diuisions. Et le bon Duc le receut tres-honorablement & le festoia grandement comme bien faire le sçauoit. Car là estoient les Duchesses de Bourbon, de Cleues, de Gueldres & autres Dames.

O V D I T mois de Iuing oudit an lxxv. furent arses de cent à six vingts maisons en la ville d'Ardre: & fut commune renommée que le feu y fut boutté par malefice d'aucuns mauuais garçons, que le Chancelier de France ou autres du party du Roy de France y eurent enuoyez pour ce faire, & pour faire le semblable es pays du Duc de Bourgogne. Desquels compagnons furent aucuns prins en la ville de S. Omer, & partant les autres s'eslongnerent du pays. Apres la iournée de Mondehery se passerent pres de quinze iours ainçois que le Duc de Bourgogne en fut aduertie de certain. Car on ne luy osa riens dire iusques à tant que l'on sceut tout certainement comment la besongne estoit allée, pour doubte qu'il ne rencheust es maladies dont il estoit reuenu, & n'en estoit pas encore bien refaict. Quand donques il en fut bien adcertené, il enuoya argent à son fils pour payer les gens d'armes en la conduicte du seigneur de Sauueses, accompagné de toutes ses gens tant de pied comme de Cheual: lequel les mena iusques à Conflans en la compagnie du seigneur de Haubourdin, que le Comte de Charrolois auoit enuoyé iusques à Montdidier à grand compagnie de gens de guerre, pour greigneur seureté: car les François se meirent en peine de les destrousser, mais ne les oserent onques enuahir. Quand le seigneur de Sauueses approcha de Conflans, il meit tous ses hommes en belle ordonnance

de bataille : & en ce point s'en vint deuers le Côte qui le receut tresioyeusemẽt, & print grand plaisir à veoir le vieillard si bien armé & si bien en point: puis luy dit qu'il eut voulu qu'il luy eut cousté quarante mille escus & qu'il eut esté avec luy à la iournée de Montlehery.

Cy retourne à parler des Liegeois, & dit comment ceux de Dinant iniurierent le Comte de Charrolois lors estant à Conflans : comment le Roy se trouua à Conflans avec le Comte de Charrolois: & comment le Duc de Bourbon print la ville de Rouen.



Ntre ces choses ceux de Dinant Liegeois hayans mortellement le Duc de Bourgongne & son fils le Comte de Charrolois : eux confians en la force de leur ville & en leurs richesses, & ramenans à memoire que deuant leur ville en diuers temps auoient esté xviij. sieges mis par Roys & par Empereurs, & n'auoient oncques esté conquis . N'auoient cessé de long temps de pillier & rober leurs voisins , & par especial les subiects du Duc de Bourgongne, & les biens apportez en leur ville: parquoy ils auoient tant plus accru leurs richesses . Ces folastres gens cuidans par les premieres nouuelles qui leur vindrent , que le Comte de Charrolois eut esté desconfit à Montlehery , conclurent ensemble de faire vne grande folie en demonstrent la grande & enuieillie haine qu'ils auoient au Duc & à son fils: car ils feirent faire vne semblance & pourtraicture du Comte de Charrolois, laquelle ils vestirent de ses armes : Puis s'en allerent à grosse compagnie & en armes iusques deuant Bouuines vne ville leur voisine , appartenant au Duc de Bourgongne à cause de la Comté de Namur: & là leureut vn gibet auquel ils pendirent celle pourtraicture . Puis se prindrent à crier disans à ceux de Bouuines . Veez là le fils de vostre Duc le faulx trahistre Comte de Charrolois , que le Roy de France à fait ou fera pendre ainsi comme il est icy pendu: il se disoit fils de vostre Duc , il mentoit : ains estoit villain bastard, changé en son enfance au fils du seigneur de Hainseberghe: nostre Euesque cuidoit ruër ius le noble Roy de Frâce : plusieurs autres villaines parolles dirent ils lors du Duc de Bourgongne & de son fils, menassant de destruire & ardoir ses païs . En ce faisant comme fols outrageux & outrecuidez , ils iniurierent moult la bonne Duchesse de Bourgongne mere du Comte de Charrolois : car selõ commune renommée elle auoit tousiours esté tenue & renommée pour la meilleure femme de son corps , qui fut en la tette de Portugal : donc quand ces iniurés icy vindrent à la cognoissance du Duc & de son fils , ils en furent moult troublez : & iura adonc le fils qu'ils le compareroient vne fois, comme il en aduint assez tost apres . Les Princes estans entour Paris (cõme dit est) le Roy se partit vn iour de Paris luy vingtiesme, entra en vne nacelle & s'en alla à Conflans où se tenoit le Comte de Charrolois : lequel Comte aduertý de sa venue, alla à son encontre & se feirent bon semblât embrassans l'un l'autre comme amis & bien ueillans . Puis se prindrent à parler ensemble , ne sçay de quoy : mais tost apres le Comte escriuit au Duc son pere comment le Roy auoit esté deuers luy , & luy auoit dit assez de belles parolles . Au partement du Roy il dit au Comte fil vouloit venir à Paris, qu'il luy feroit bonne chere . Et le Comte luy respondit qu'il auoit iuré & promis , qu'il n'entreroit en bonne ville iusques il seroit sur son retour : puis conuoya le Roy ac-

compaigné de ses archiers: ausquels le Roy donna cinquante escus d'or pour aller boire ensemble. Durans ledictes trefues le seigneur de Croÿ & les siens se tenoient à Paris, & contendoient à toute diligence de r'auoir leur paix & traité au Comte de Charrolois: le Roy mesmes s'y employa grâdemment à leur faueur: mais le Comte n'y vouloit entendre & n'en vouloit ouïr parler. Et comme vne fois le Roy fut allé deuers le Comte à Conflans, & le seigneur de Croÿ avec luy: le Comte luy feit dire qu'il n'y alast plus: le Roy y alloit & venoit bié souuent, & eurent ensemble le Roy & le Comte plusieurs deuises & parolles secretes: & monstroït le Roy au Comte aussi bon semblant d'amour & d'honneur que l'en pourroit faire amy à autre: & renuoyoit ses propres gens à Paris demourant avec le Comte à petite compaignie, & disant qu'il se tenoit plus asseur avec luy que s'il eust esté en la ville de Paris. Entre ces choses aduint à Boulogne sur la mer, que celui qui estoit commis à la garde du chastel d'illec, & vn sergent vendirent ledit chastel de Boulogne aux Anglois de Calais & de Guisnes: & les y deuoient mettre le vingthuietieme iour d'Aoust oudit an, tandis qu'ils auroient bouté le feu en la basse Boulogne, & qu'on entendroit au feu rescourre: de laquelle trahison ils se descoururent à vn autre sergent, lequel les accusa: & furent prins, & leur fait cogneu, furent decapitez le deuxiesme iour de Septembre ensuiuant & leurs corps pendus au gibet. Ce furent ceux mesmes qui trouuerēt façon de mettre hors dudit chastel le fils du seigneur de Croÿ, & qui y meirent les gens du Comte de Charrolois: & pour celle cause leur auoit le Comte donné tous les biens dudit chastel appartenans audit de Croÿ: & plusgrans biens leur auoit promis à faire, & neantmoins ils le cuiderent ainsi trahir & decevoir. Oudit mois d'Aoust l'an lxxv. fut prins le Roy Henry d'Angleterre par les gens du Roy Edouard: & fut mis sur vn petit cheual, & mené par les rues de Londres: & auoit le Roy Edouard deffendu sur la hart, que nul ne le saluast ne feit honneur: & en ce point fut mené iusques au chastel, deuant lequel estoit vn arbre en maniere de piloris, entour lequel on le feit tourner trois fois. Puis fut boutté dedans le chastel: de laquelle besongne furent bien troublez plusieurs des bourgeois de Londres, mais n'en osèrent faire semblant ne dire mot.

O V D I T an lxxv. enuiron la fin de Septēbre prindrent les Bretons la ville de Ponthoife de nuit par le moyen du Capitaine mesmes de leans, & d'autres ses complices. D'autre part aussi le Duc de Bourbon accompagné de gens de guerre, entra ou chastel de Rouen sous vmbre & ou nom du Duc de Berry, & le y meit la dame vefue du seigneur de la Varenne: en laquelle neantmoins le Roy auoit grande confidence. Mais les plus grans de la ville conseillerent à la dame de le faire ainsi. Et tost apres s'en alla le Duc à la maison de la ville, là où tout le commun vindrent deuers luy, & se meirent en son obeissance pour le Duc de Berry, comme leur seigneur & Duc de Normandie. Puis s'en alla le Duc es autres villes de la Duché & iusques à Caen, & toutes se rendirent à luy pour le Duc de Berry. Entre ces choses se boutoient les feux par les gens du Duc de Bourgongne ou pays des Liegeois, & pareillement es pays du Duc par iceux Liegeois: especiallement par ceux de Dinant, si que c'estoit pitié de veoir les dommaiges que faisoient les vns & les autres. Aduint vne fois entre
les

les autres que ceux de Dinant furent rencontrez des gens du Duc & ruez ius: & en y eut aucuns mors de leur costé, & les autres s'en retournerent hastant plustost que le pas. Et pour eux venger s'en coururent aux prisons de la ville, où estoient trois prisonniers des gens du Duc: lesquels ils allerent pendre au premier arbre qu'ils trouuerent hors de leur ville: mais il en y eut l'un qui se voüa à saint laques l'Apostre, que la corde rompit & par tant eschappa sain & haitié: mais au lieu de celui là ils voulurent pendre vn ieune fils d'Arras, fils de Martin Corneille qu'ils auoient prins ainsi qu'il reuenoit des estudes. Et ne eussent esté aucuns qui leur remonstrentent, qu'ils pourroient pour l'enfant auoir du pere vne grosse finance ils l'eussent pendu sans remede.

Cy parle du trespas de la Comtesse de Charrolois: & comment le Comte de Neuers fut prins au chasteil de Peronne. Puis dit comment les Liegeois furent desconfits à Montencac: & puis il parle du traité fait à Conflans entre le Roy & les Princes de France.



LE xxv. iour de Septembre audit an lxx. trespassa de ce monde la Cōtesse de Charrolois en la ville de Bruxelles, fille de Bourbon bonne dame & deuote: laquelle dame delaiissa de son mariage vne fille seulement nommée Marie. Celle Dame eut tousiours la grace d'estre humble, benigne & plaine des meilleures meurs que Dame pouoit auoir, & iamais ne se courrouçoit: à son trespas furent les Duchesses de Bourgogne & de Bourbon, lesquelles pour son trespas demenerent grand dueil.

Le iij. iour d'Octobre audit an vn gentil-homme de Bourgogne, nommé Arkembarc: lequel depuis vn mois par auant auoit esté plusieurs fois à Peronne deuers le Comte de Neuers, par le moyen du seigneur de Saueufes & par saufconduit du Roy. Auoit aussi esté deuers le Comte de Charrolois, & du Comte de Charrolois deuers le Duc son pere: tendant tousiours à fin de trouuer moyen deuers le Comte de Neuers tendre Peronne: & fait à supposer qu'ils eurent entre eux aucunes deuises secretes, & aucunes conclusions: car le iour dessusdit des quatre heures du matin, ledit Arkembarc accompagné des seigneurs de Roubaiz & de Frommeles, & de cinq à six cens combattans, s'approcha de Peronne le plus coyement qu'il peut: & laissant illec toute celle compagnie, s'approcha luy douzième seulement du boulleuert qui estoit hors du chasteil, & entrèrent dedans par eschelles: puis prindrent ceux de dedans, & par leur moyen entrèrent dedans la tour & donjon du chasteil. En laquelle ils trouuerēt au liēt le Comte de Neuers, le seigneur de Sally & aucuns autres, & les prindrēt tous prisonniers qu'il estoit sur le point du iour: le Comte & les autres se prindrent à crier, tellement que aucuns les ouïrent de la ville: se meirent en armes & vindrent pour entrer au chasteil, dedans lequel estoient ja entrez de lx. à quatre vingts hommes des gens du Duc, de la compagnie dessusdictē: lesquels se meirent sus les murs, & remonstrentent à ceux de la ville comment ils estoient au Duc de Bourgogne, & que le Duc les auoit là enuoyez en les sommant qu'ils se rendissent à luy: lesquels de la ville se meirent à part, parlerent ensemble & enuiron le soir dudit iour feirent responce qu'ils vouloient obeïr au Duc: puis

ouurirent leurs portes & meirēt dedans la ville le seigneur de Roubaiz, & toute sa compagnie : ainsi fut prinse la ville de Peronne & mise en l'obeissance du Duc de Bourgongne. Et fut commune renommée que le Comte de Neuers l'auoit ainsi voulu, affin qu'il ne semblast au Roy à qui il auoit fait sermēt qu'il l'eut rendue de son gré : & disoit on encores que par ce moyen le Comte auroit son traité au Duc de Bourgongne & à son fils : neantmoins quoy qu'il en fut le Comte tout incontīnēt fut mené tenir prison au chasteau de Bethune. Et Arkembare demoura à Peronne comme garde de la ville & du chasteil.

O V D I T an cinquante & cinq à cinq heures apres minuit, le xv. iour du dit mois d'Octobre, fut veu dessus la ville d'Arras le ciel ouurir & fait cler comme d'escler, & soudainemēt fut veu & qui dura par l'espace d'un quart d'heure ainsi comme vn barreau de fer embrasē de la lōgueur d'une lance : lequel tournoya & tourna de trauers, & que le bout de deuant qui estoit menu deuint plus gros : & celui de derriere qui estoit gros, deuint gresse : puis se diminua tellemēt qu'il alla à neant.

O V D I T an le xix. iour d'Octobre entrerent au païs de Liege xviii. cens cōbattans ou enuiron des gens du Duc de Bourgongne : dont estoient chiefs le Comte de Nazau, le Seneschal de Hainault, les seigneurs de Grutuse, de Gasebecque, messire Iean de Rubempré grād baillif de Hainault, & plusieurs autres cheualiers & escuyers, & gens de guerre iusques audit nombre de dixhuiēt cēs : & se prindrēt à boutter feux, à ardoir maisons & à faire tous les maux du monde : tant qu'ils vindrent à approcher vn gros village nommé Montenaç, seant à cinq lieues de la cité de Liege : lequel les Liegeois auoient fortifié, & le gardoiēt à puissance quatre mille Liegeois qui se tenoiēt leans : Lesquels Liegeois voyās passer les gens du Duc si pres d'eux & ne faisoient semblant de les vouloir assaillir, pour ce qu'ils estoient ainsi fortifiez, faillirent aux champs & se meirent en vn lieu par lequel les gens du Duc deuoient passer en intention de les combattre : ouquel lieu ils s'encloyrent de leur charroy, & meirent leurs engins à pouldre deuant eux bien & gentement. Quand donques les gens du Duc virent les Liegeois qui attendoient à bataille, ils parlerent ensemble & conclurēt qu'ils contendroient à faire lesdits Liegeois issir de leur fort. Et lors pour venir à celle fin, ils firent semblāt de retourner & d'auoir paour : Liegeois voyans ceste maniere de faire cuidoient qu'ils s'en voulsissent fuir, & issirent incontīnēt de leur fort pour courre apres. Mais la chose alla tout autrement, qu'ils ne pensoient : car les gens du Duc retournèrent & les assaillirent si vistemēt qu'ils les meirent tout incontīnēt à desconfiture & en fuite, si que fut la place & en la fuite y moururent des Liegeois plus de vingt deux cens : & des gens du Duc ne perdirent qu'un archier, qui fut vne belle besongne pour les gens du Duc. D'autre part le Roy estant lors à Patis, & les Princes de France estans logez entour Paris à toute leur armée : les conseilliers de l'une partie & de l'autre conuindrent ensemble par plusieurs fois, pour trouuer entre eux aucun bon moyē de paix. Lequel y trouuerent finalement par la maniere qu'icy apres s'ensuit au plus brief, que ie l'ay sceu recueillit. Premierement fut ordonné que pour pourueoir au desordre du Royaume : & pour releuer le peuple des exactions, pertes & dommages qu'ils auoient portées : le Roy commettrait trente six no-

tables

tables hommes, saiges & prudens de son Royaume: c'est à sçauoir douze Prelats, douze Cheualiers, & douze hommes de conseil cognoissans és fais de iustice: ausquels il donneroît pouoir & auctorité d'eux informer des deffaultes, & des torts fais, qui se faisoient en son Royaume, lesquels y mettroient remede conuenable: & promet le Roy en parolle de Roy, tenir ferme & stable à tousiours tout ce qu'ils ordonneroient sur ce: lesquels deuoient commeneer à besongner sur ceste matiere le quinziésme iour de Decembre oudit an soixante & cinq, & deuoient auoir tout ce fait & acheué en dedans quarante iours apres lesdits deux mois. Item seroient toutes diuisions mises à neant, & ne pourroit nul reptoucher à autrui le party qu'il auoit tenu durant lesdites diuisions, & n'en seroient nuls en griefs n'en danger à ceste cause: & si r'auoit chacun ce qu'il luy competoit & appartenoit par deuant l'armée mise sus, nonobstant empeschemens à celle cause mis à iceux leurs biens ou heritages, ne dons d'iceux.

Item que le Comte de Dunois r'auoit toutes les terres que le Roy luy eut tollues. Item que le Comte de Dampmartin r'auoit sa Comté de Dampmartin & toutes ses terres & biens queleconques, que le Roy luy eut tollues & données à autrui comme confiscuez. Item que le Comte d'Armignae r'auoit aussi toutes les terres que le Roy luy eut prinſes & tollues. Item que le Due de Bourbon r'auoit aussi toutes ses villes & ses places, que le Roy auoit prinſes & conquises sur luy. Et outre auroit pension de trente six mille francs tous les ans sur le Roy, pour cause du mariage de sa femme qui estoit sœur du Roy: & si auroit la charge & seroit capitaine des gens d'armes de l'ordonnance du Roy. Item que pour aucunes fautes faictes de la part du Roy au Due de Calabre, pour conquerre le Royaume de Naples, il auroit du Roy pour vne fois deux cens mille escus d'or, & la conduicte de trois cens lanees des gens d'armes de l'ordonnance du Roy. Item le Due de Nemours seroit capitaine de deux cens lanees desdites gens du Roy, & capitaine de l'Isle de France.

Item le Comte de sainct Pol fut fait & constitué Conneſtable de France, & luy bailla le Roy l'espée de sa main publiquement en son Palais à Paris. Item le Due de Berry seul frere du Roy pour son partage du Royaume de France, auroit la Duché de Normandie par empannage, pour luy & pour ses hoirs massés procréés de son sang: pour la tenir en telle franchise & liberté que les Ducs de Normandie l'auoient tenue du Roy anciennement: C'est à sçauoir en feauté & en hommage, & que de lors en auant les Ducs de Bretagne & d'Alençon tiendroient leurs Duchez du Due de Normandie, comme ils auoient fait au temps passé. Item que le Comte de Charrolois r'auoit toutes les terres racheptées par le Roy du Due son pere, avec la Comté de Guisnes, pour en iouyr par luy & ses hoirs en la maniere que dit seray cy apres. Item promet le Roy par ledit traicté de non iamais contraindre aucuns desdits Princes de venir deuers luy en leurs personnes quelque mandement qu'il leur en feit, sauf toutesuoyes non estre exemptez des seruices qu'ils doient au Roy à cause de leurs fidelitez, & pour la deffense & bien euident du Royaume. Item que toutes les villes, places & fortereſſes prinſes de l'un party & de l'autre durant les diuisions, seroient rendues à ceux ausquels elles appartenoint parauant, & tous autres biens. De toutes lesquelles besongnes ainsi traictées & accordées,

vn chacun des Princes leua lettres du Roy, pourtant qu'à vn chacun d'eux pouoit toucher.

C'est icy l'extrait des lettres royaux, touchans ce que le Roy ceda & transporta au Comte de Charrolois par le traité de Conflans.

LOÿs, &c. Par l'aduis & deliberatiō de nostredit frere de Normãdie & de noz trefchiers & trefamez cousins les Ducs de Breraigne, de Calabre, de Bourbon & de Nemours: les Côtes du Maine, du Perche, & de Armignac, des gens de nostre grãd conseil de nostre Parlemēt, autres & notables hômes de nostre Royaume: auôs baillé & trãsporté: baillôs & transportons par ces presentes à nostredit frere & cousin le Comte de Charrolois, pour consideration & en recompēsation des choses dessusdictes: & aussi pour ce que nostredit cousin s'est liberallement & plainement accordé en tant qu'en luy estoit, & tresgrãdement employé enuers nostredit frere & autres seigneurs du sang, à l'appoinctement desdictes diuisions: & pour bien de paix pour luy & ses hoirs males & femelles descendans de luy en droicte ligne à tousiours, les citez, villes & forteresses, terres & seigneuries appartenans à nous de & sur la riuere de Somme d'un costé & d'autre: comme Amyens, S. Quentin, Corbie, Abbeville, ensemble la Comté de Ponthieu deçà & delà la riuere de Somme, Dourleans, S. Requier, Creuecueur, Arleux, Monstreul, le Crottoy, Mortaigne avec leurs appartenances & appendences quelconques, & toutes autres qui nous peuuent appartenir à cause de nostredit Couronne, depuis ladicte riuere de Somme inclusement en tirant du costé d'Arthois, de Flandres & de Hainault tant de nostredit Royaume que de l'Empire: lesquelles nostredit oncle de Bourgongne tenoit & possèdoit nagueres au moyen dudit traité d'Arras, & auant le rachat & desengagement que nous en auons fait: en y comprenant aussi au regard des villes seans sur ladicte riuere de Somme du costé de nostredit Royaume: les banlieuës & escheuinages d'icelles villes, & tout ainsi en la forme & maniere que nostredit oncle les tenoit & possèdoit: pour en iouir par nostredit frere & cousin & seldits hoirs, & les hoirs de seldits hoirs males ou femelles descendans d'eux en droicte ligne desdictes citez, villes, forteresses, terres & seigneuries en tous profits & reuenues tât de demaine cōme d'aydes, ordonnées pour la guerre: & aussi tailles & autres emolumens quelsconques ainsi que faisoit nostredit oncle: & sans y retenir aucunes choses fortes les foy, homages, ressort, & souveraineté. Et lequel transport nous auôs fait & faisons au rachat de deux cens mille escus d'or bons & de poix à present ayant cours: lequel rachat nous & noz successeurs ne pourrons faire de nostredit frere & cousin durant sa vie: mais seulement nous & noz successeurs le pourrons faire des hoirs de nostredit frere & cousin descendans de luy en droicte ligne, & des hoirs aussi descendans d'eux en droicte ligne qui tiendront icelles terres, parmy leur baillât & payant à vne fois ladicte somme de deux cēs mille escus: pour la seurte duquel rachat de nostredit frere & cousin, nous baillera ses lettres patentes en bonne forme, & voulons & entendons que nostredit frere & cousin & seldits hoirs descendans de luy: & qui tiendront lesdictes terres, pourront commettre & ordonner plainement & à leur voulenté tous officiers qui seront nécessaires

nécessaires à mettre & instituer au regard du demaine desdictes citez terres, &c. Et que les autres officiers qui seroient nécessaires pour les droits royaux, aydes & tailles, soient instituez de par nous & nosdits successeurs, à la nomination de nostredit frere & cousin, & seldits hors pout iceux aydes & tailles imposer & leuer, ainsi qu'il se faisoit du temps que nostredit oncle de Bourgongne les tenoit & possédoit. Et en outte comme par ledit traité d'Arras entre autres choses ait esté accordé, que la Comté de Boulongne seroit & demourroit à nostredit oncle de Boulongne, & à ses enfans mâles procteez de son propre corps: & que nostredit feu seigneur & pere seroit tenu de recompenser ceux qui prétendent y auoir droit: Nous pour les causes & considérations desluidictes, & sans desroguer audit traité d'Arras: Auons accordé, accordons & declairons de nostredit frere & cousin, que luy & ses enfans mâles ou femelles procteez en mariage de son propre corps, tant seulement duraqs leurs vies, tiennent & puissent tenir ladiçte Comté de Boulongne en la forme & maniere que par ledit traité d'Arras, nostredit frere & cousin les peut tenir, & en faire les fruits leuer comme de leur heritage. Et à ce nous ferons consentir ceux qui prétendent droit en ladiçte Comté. Et seront tenus de faire les recompensations qu'il appartiendra, & en tenir paisible nostredit frere & cousin & seldits enfans. Et ausli auos promis & accordé, promettons & accordons à nostredit frere & cousin, que nous luy ferons bailler & despeschet plainement, purement & franchement, & en tant qu'en nous est: luy baillons & deliurons des maintenant les chasteaux, villes, chastellenies & preuostez de Peronne, Montdidier & Roye, avec toutes leurs appartenances & appédances deschargez de toutes gaigeries & rachapts. En tels & semblables droits que celles furent baillées & transportées à nostredit oncle son pere par ledit traité d'Arras, pout les tenir & en iouir ainsi & par la maniere, que contenu & déclaré est oudit traité: & ferons & procurerons par effect, que nostre treschier & tresaymé cousin le Comte de Neuers, transporte & remette à nostredit frere & cousin tout le droit qu'il y a & pretend à auoir esdits chasteaux, villes, preuostez & chastellenies: & de ce qu'il en tient il vuide & despesche de la possession, & mains de nostredit frere & cousin ou de ses commis: & avec ce auons baillé & transporté, baillons & transportons à nostredit frere & cousin, pour luy & ses hoirs & successeurs quelsconques & en heritage perpetuel, la Comté de Guînes & ses appartenances & appendances quelsconques, pour en iouir par nostredit frere & cousin, & seldits hoirs & successeurs en tous droits, profits & emolumens tant de demaines, aydes, tailles comme & pareillement que des autres. Et du droit que le sire de Croÿ & autres pourroient auoir & pretendre en ladiçte Comté, nous ferons tenus de recompenser, & d'icelle Comté faire & tenir frere & cousin seldits hoirs quittes & paisibles enuers ledit de Croÿ & tous autres. Toutes lesquelles choses nous auons promis & promettons en patolle de Roy, &c. Ces lettres icy furent données à Paris, sous son grand scel le cinquiesme iour d'Octobre l'an mille quatre cens soixante & cinq: & passées en Parlement l'vnziesme iour dudit mois, &c. En fin desquelles lettres, le Roy mède à tous luges & officiers: à toutes ses gens de Parlement, & à tous autres de tenir & faire tenir lesdictes promesses & transports. Et au commencement d'icelles lettres, sont les causes contenues mouuës

le Roy faire lesdits dons & transports au Comte de Charrolois. Premièrement pour les grans mises & despens, que le Comte de Charrolois auoit fais à l'occasion d'icelle armée, qu'il auoit mise sus au commandement du Duc de Berry frere du Roy, pour le bien du Royaume. Secondement pour appaiser les discords & diuisions estans lors entre le Roy & les Princes: ausquels appaiser le Comte de Charrolois s'estoit moult bien employé. Tiercement qu'à l'occasion desdictes diuisions, les Liegeois s'estoient mis en armes & estoient entrez es pays du Duc de Bourgongne, où ils auoient bouttez les feux & fait grans dommages. Quartement pour le rachapt fait par le Roy des pays engagez au Duc de Bourgongne: desquels pays le Duc entendoit iouir sa vie durant, nonobstant ledit rachapt, & le Roy en auoit prins la iouissance incontinent le rachapt fait. Et finalement pour recompenser le Comte de Charrolois de sa pension de trente six mille francs, que le Roy luy auoit donnée, & depuis la luy auoit tolue. Pour toutes lesquelles considerations le Roy feit lesdits dons & transports au Comte de Charrolois, par lesdictes lettres & par leur traité fait à Conflans. Et outre à la requeste & remonstrance dudit Comte de Charrolois, le Roy luy accreut ausdictes terres & seigneuries, les preuostez de Vimeu, de Beauuoisis, & de Feuloy pour euitier questions & discords, qui eussent peu soudre entre les officiers du Roy & ceux du Comte: pource que lesdictes preuostez sont enclauées ou bailliage d'Amyens, pour en iouir par ledit Comte & ses hoirs tout semblablement comme des autres, par vnes autres lettres données par le Roy à Paris, sous son scel le xiiij. iour dudit mois d'Octobre dudit an lxx. passées par Parlement comme dessus le xvj. iour dudit mois. Et par tant furent appeisez le Roy & les Princes.

Comment le Roy voulut veoir l'armée du Comte de Charrolois en ordonnance: & comment le Comte print congé du Roy & s'en alla à tout son armée pour guerroyer les Liegeois. Puis dit comment le Duc de Berry feit hommage au Roy de la Duché de Normandie.



E traité fait entre le Roy & les Princes de France (comme dit est) ils assemblerent vn iour tous ensemble au Bois-de-Vincennes dedans le chasteau: ouquel estoit logé pour le iour le seigneur de Saueuses de par le Comte de Charrolois: auquel lieu Charles Duc de Normandie nouvellement, feit hommage au Roy son frere de ladicte Duché. Et puis consequemment tous les autres Princes feirent les deuoirs au Roy de tout ce qu'ils luy deuoient faire chacun endroit luy, à cause de leurs terres & seigneuries: puis prindrent tous congé du Roy & les vns aux autres pour se retraire chacun sur le sien. Ces choses faictes le Comte de Charrolois feit faire monstres & reueüs de ses gens: ausquelles faire le Roy voulut estre present, pour veoir les faire: pource mesmement qu'elles se feirent entre Paris & Conflans: dont quand le Roy les veit, il fut tout esbahy: & dit qu'il n'eut point cuidoie que le Comte de Charrolois fut si puissant ne qu'il eut tant ne telles gens de guerre. Ces monstres faictes le Comte print de rechief coge au Roy & aux autres Princes, & se partit de Conflans le dernier iour d'Octobre & avec toute son armée: & le conuoya le Roy iusques à Villiers le Bel quelque priere que le Comte luy

te luy feit pour retourner, & si n'auoit le Roy guerres de ses gens avec luy: mais qui plus est, furēt ensemble audir village trois ou quatre iours faisans trespōne chiere, & deuisans ensemble secrettement de leurs affaires. Et mōstroit le Roy si grand amour au Côte & si grande familiarité qu'il n'en pouoit plus faire, car il ne se vouloit de luy partir n'elōgner. Finablement le Roy s'en retourna & le Côte s'en alla à Senlis, où il fut receu moult honorablement, & puis à Cōpiengne: pareillemēt à Noyon aussi & es autres villes du Roy, où il passa: car le Roy l'auoit ainsi ordonné, & qu'il entraist par toute ses villes à toute telle compagnie qu'il vouloit: & il y entroit si bien accompagné, qu'il se trouuoit par tout le plus fort: mais aussi payoient ses gens tout ce qu'ils y prenoient sans faire quelque desroy, car le Comte l'auoit ainsi ordōné sur la hart. Le Côte de Charrolois estant encores à Conflans, auoit receu plusieurs lettres du Duc de Bourgongne son pere: par lesquelles le Duc mandoit qu'il luy enuoyast cinq ou six mille combattans, pour ioindre avec ceux qu'il auoit ordonnez contre les Liegeois: & que son intention estoit d'y aller en personne pour les cōbattre: pourquoy le Comte desiroit tāt plus le retour de France pour estre à combattre lesdits Liegeois, & pour soy venger de ceux de Dinant qui l'auoient tant iniurié comme dit est: mais pource que le traicté fait du Roy & des Princes, plusieurs seigneurs & gens de guerre de son armée se furent partis de son ost & retournerent en leurs places, il enuoya ses lettres par tous les païs de son pere: & feit faire commandement sur la hart & sur confiscations de biens, & d'estre banny de tous les païs de son pere, que tous ceux qui eurent esté en France avec luy, & tous autres eurent accoustumé de porter armes, fussent deuers luy entour Maisieres sur Meuse le quinziesme iour de Novembre, armez & montez tout le mieux qu'ils pourroient: auquel lieu de Maisieres se tira le Comte à tous ceux qui luy furent demourez: dont aduint qu'audit iour se trouuerent entour Maisieres les gens d'armes des païs du Duc de Bourgongne: mais plusieurs en y eut qui y allerent contre leur gré & bien enuis, pource qu'ils eurent esté petitemēt payez de leurs gages oudit voyage de Frāce: car de vingt deux sepmaines qu'ils y eurent seruy, ils ne furent payez que de dix sepmaines: mais n'eussent osé cōtredire tāt se faisoit le Comte craindre & redoubter. Et tellemēt qu'il setrouua à Maisieres plus puissant & à plus grād armée, qu'il n'eut en Frāce: car les bōnes villes des païs du Duc enuoyerent en celle armée archiers & arbalestriers: & si y allerent à celle fois plusieurs cheualiers & escuyets de païs engagez, & autres gens de guerre, qui n'eurent point esté au voyage de France: & de tels mesmes qui eurent esté du party du Roy contre le Comte de Charrolois.

Cy parle de l'entrée du Duc de Berry à Roüen: & comment tost apres le Roy entra en Normandie & reprint en sa main la Duché: puis dit cōment il feit noyer & mourir aucuns seigneurs du païs qui eurent fauorisé son frere.



V partement de Conflans Charles nepueu du Duc de Normandie, accompagné du Duc de Bretaigne, du Comte de Dunois & d'autres seigneurs, s'en tira en sa nouuelle Duché de Normandie: & tout premierement s'en alla au mont S. Katherine deffus Roüen: car tout le païs s'estoit mis en son obeïssance, comme dit est. Et fut aduisé qu'il feroit son

entrée à Rouen le iour S. Katherine lors prochain. Et pour le receuoir honnorablement feirent ceux de Rouen grandes preparacions. Mais le Duc de Bretagne faisoit differer ladicte entrée, tendans à aucunes fins couuettes : duquel delayemēt ceux de Rouen non contens, & voyans que leur Duc ne faisoit semblant de faire son entrée, se meirent en armes : & en grande puissance s'en allerent deuers leur nouveau Duc luy prier instamment, qu'il voulsist entrer en la ville: dont luy conseilla le Comte de Harcourt qui lors estoit de ses plus prieuz & familiers, qu'il y entrast, & qu'il ne differast plus : & il le creut si que voulsist le Duc de Bretagne où non, il l'en alla avec ceux de la ville entrer dedans, là où il fut moult honnorablement festoyé qui tourna à grand desplaisir au Duc de Bretagne : mais ne le pouoit autrement faire par celle fois. Car il n'auoit point adonc les gens d'armes avec luy, & pourtant le conuint dissimuler : & commēt troublé & courroucé s'en alla, où ses gens estoient pour soy retraire en Bretagne : & en allant prenoient les liëts & les linceulx des bonnes gens, leurs autres biens comme s'ils fussent ennemis . Et prindrent aucunes villes audit pays de Normandie, où le Duc laissa de ses gens pour les tenir sous luy: dont entre les autres il se faisoit de la ville de Caen, & laissa dedans le chastel vn grand nombre de ses gens. Ces choses venues à la cognoissance du Roy, il assembla hastiuement tout ce qu'il peut auoir de gens d'armes: & alla tout premieremēt à Caen, laquelle luy fut rendue de par le Duc de Bretagne. Et tost apres se rendirent au Roy toutes les autres villes de Normandie, reteruées Rouen, Louuiers, le Pôt-de-l'Arche, & aucuns autres chasteaux . Et le Duc se tenoit à Rouen avec ceux de la ville qui l'auoient receu & tenu à seigneur, & luy auoient promis d'eux tenir à luy iusques à la mort: mais le Duc s'apperceut assez bien qu'ils ne luy tiendroient pas longuement leur promesse. Et pourtant il se partit vn iour de la ville de Rouen, & s'en alla à refuge au Duc de Bretagne, qui le receut benigne-ment . Tost apres que le Duc fut issu de Rouen ceux de la ville se rendirent au Roy, & puis le Pont-de-l'Arche, puis Louuiers: si que toute la Duché de Normandie reuint en la main du Roy, nonobstant don ne promesse par luy faicte à son frere par le traicté de Conflans : & rappella le Roy deuers luy le Duc de Bourbon, vsant de son conseil plus que de nul autre Prince . Si tost comme le Roy se veit au dessus de celle Duché de Normadie, il se print à persecuter ceux qui eurent tenu le party de son frere, & qui l'eurent fauorisé: dont entre les autres il feit prendre & noyer le seigneur d'Esternay, qui auoit esté du temps du feu Roy Charles General de Normandie, homme bien aymé ou pays, sage, prudent & tant deuot qu'il n'auoit son pareil ou pays . Plusieurs autres seigneurs & gens de bien feit le Roy prendre & mourir à celle cause, & aucuns autres s'absenterent du pays, abandonnans leurs maisons & leurs terres, pour crainte de la tyrannie du Roy: pour lesquelles besongnes le Roy se feit blâmer & parler sur luy maintes gens, qui en ouirent parler.

Comment le Comte de Charrolois entra à tout son armée ou pais de Liege. Et comment les Liegeois demanderent es obtindrent trefues pour vn temps. Et comment tost apres la paix y fut trouuée: mais ne dura gueres de temps.

Ceux



Eux de Liege aduertie du traité fait entre le Roy & le Comte de Charrolois, cuidèrent bien estre comprins audit traité: mais quand ils sceurent que non estoient, & que le Côte les approchoit à si grosse armée ils enuoyerēt deuers le Duc à Bruxelles vne grande ambassade: & luy feirent offrir grans reparations à faire. Et luy supplierent en toute humilité d'auoir paix à luy & au Comte son fils: & tant feirent deuers le bon Duc qu'ils obtindrent vnes trefues à quinze iours. En ce point estoit dedans Saintron le Comte de Charrolois, qui est vne bonne ville des Liegeois: laquelle se rendit à luy quand il vint. Et ces nouuelles ouies desdictes trefues, il feit crier parmy son ost que nul ne pillast ne feit dommage ou païs de Liege sur la hart, nonobstant que ses gens n'eussent encores receu de leurs gages: & par tant les cōuenoit viure sur les païs du Duc les plus prochains: lesquels païs ils foulerent durement, & si s'espendirent iusques en Lorraine, & autre part moult loing les vns des autres: car autrement n'eussent ils peu viure tant de gens ensemble sans argent. Les quinze iours passez desdictes trefues, elles furent encores r'alongées de huit iours, & puis encores autres huit iours: & finalement iusques au douziesme iour de Ianuier, qui fut occasion d'un grief dommage à iceux païs voisins: car ils furent durement & piteusement foulez & mangiez en si longue espace de temps. Quand le Comte de Charrolois veit si longue trainée, & que les Liegeois ne tenoient ce qu'ils auoient promis: il r'assembla toute son armée & entra dedās le païs de Liege, & rescriuit au Duc son pere, qu'il luy enuoyast ce qu'il auoit de gens d'armes pour ioindre avec les siens, & qu'il auoit intention de combattre les Liegeois à celle fois. Le Duc tout incontinent luy renuoya le seigneur de Sauueles à toutes ses gens, & luy manda qu'il le suiuroit brieu en sa personne, & qu'il ne les combattit point sans luy. Comme doncques le Duc se voulüst vn iour partir pour aller en icelle guerre, nonobstant sa foiblesse qui luy douloit encores à l'occasion de la grande maladie qu'il auoit eüe. Son fils luy rescriuit en ce point, comment ceux de Liege estoient venus deuers luy, & luy auoient apporté le traité tout tel qu'il le leur demandoit, scellé du scel de la cité de Liege. Et que les Liegeois luy crioient mercy, supplians humblement qu'il voulüst estre content d'eux: & qu'il auoit le traité accepté, ou cas que ce seroit son plaisir. Ces nouuelles venues au Duc il demoura en paix, & ne se partit point de Bruxelles. Le vingt & deuxiesme iour de Ianuier audit an lxx. sachās ceux de Liege que le Comte de Charrolois & toute son armée entroient en leur païs & à puissance, & que desia son auantgarde que menoit le Comte de S. Pol estoit bien aduacée: Ils enuoyerēt deuers le Comte de Charrolois de quatre vingts à cent homme notables, bien montez & bien armez, pour doubte de leurs gens mesmes bannis & mauuais garnemens, qui ne demandoient que la guerre & qui empeschoient les autres à venir à paix. Ceux cy doncques trouuerent le Comte de Charrolois entre Saintron & Tongres deux bonnes villes appartenans aux Liegeois, & luy presenterent le traité tel que ceux de la cité auoient accordé & promis tenir, scellé du scel de la cité: eux faisans fors sus leurs vies pour les autres villes & tout le païs de Liege. Ouquel traité estoit contenu tout au long, tout ce que le Duc & son fils leur demandoient, & vouloient qu'ils feissent, & à genoulx moult

humblement requirent au Comte mercy & pardon & sa bonne grace: promettant pour tout le païs que de lors en auant ils luy seroient seruiteurs & bons voisins.

Le traité fut veu par le Comte & accepté, moyennant les reparations & les amèdes profitables, qu'ils promirent payer & faire, & par tât leur pardon. Na le Comte son maltalent. L'amende profitable fut de six cens mille florins de Rin, qu'ils payeroient au Duc en six ans lors prochains aduenir: & que luy Duc de Brabant, & les autres Ducs de Brabant apres luy, seroient à tousiours de lors en auant Mainbrugs & capitaines de tout le païs de Liege à deux mille florins de Rin de pension chacun an. Et qu'iceux Liegeois ne pourroient plus aucune chose recommencer de grand ne de pesant, fut guerre ou autre chose, que ce ne fut du gré & congé de leur Mainbrug. Autre plusieurs points furent contenus audit traité, que ie tais icy pour cause de briefueté: & pourtant aussi tost apres ils rompirent ledit traité & n'en tindrent riens.

Ce traité doncques ainsi fait & accepté par le Comte de Charrolois, il feit crier la paix par tout son ost, & que toute son armée fut deuers luy le lédemain apres de Tongres, en intention que lesdits ambassadeurs de Liege les veissent en ordonnance de bataille, affin de leur inferer crainte & qu'ils doubtaissent à eux rebeller. Celle armée ainsi mise ensemble le lendemain en ordonnance de bataille, donna grande admiration ausdits Liegeois & aux autres qui le voulurent veoir de Saintron, de Tongres & des autres villes: car iamais n'eussent creu ne cuidé que le Comte eut peu leuer si grand puissance de gens d'armes pour vne fois. A la vetité dire selon commune renommée, ils estoient en icelle armée plus de xxviij. mille cheuaux, sans ceux de pied qui y estoient en tresgrand nombre: & si en estoient beaucoup retournez en leurs places tant par congé comme sans congé par faute d'argent. Le Comte voyant ainsi son armée ensemble & en ordonnance, alla tout du long d'icelle bataille, remerciant les capitaines & les autres hommes de guerre bien courtoisemēt, en les priant qu'ils le teinsent pour excusé s'il les auoit mal payez, car il ne l'auoit peu faire autrement celle fois: mais il les payetoit mieux vne autre fois, & les recompenserait tellement que tous seroit bien contens. Dit outre aux pauvres compagnons, s'il en y auoit aucuns bannis entre eux des païs du Duc son pere, qu'ils veinsent deuers luy à Bruxelles & il feroit tant deuers son pere qu'ils l'auoient leurs païs: à laquelle parolle il print congé d'eux & s'en alla à Saintron en Halsebain, & tous les autres s'en retournerent chacun en sa place.

Comment apres le traité fait ceux de Saintron, cuiderent auoir occis les gens du Comte de Charrolois: mais en fin se trouuerent les plus foibles: & comment le Comte retourna à Bruxelles deuers le Duc son pere: puis dit comment le Roy de France meit sus vne grosse armée: & comment le Comte de Charrolois se tint garny & sur sa garde.



omme par vn dimenche apres le traité fait des Liegeois, le Comte estoit à Saintron. Et que les gens d'armes passoient par celle ville pour retourner en leurs places. Ceux de la ville cuidans par aduenture que tous fussent passez, prindrent noise à aucuns compagnons de guerre des gens

gens du bastard de Bourgogne, & en tuerent deux: puis feirent clorre la porte, par laquelle les gens d'armes entroient venans de Tongre & garder les autres. Et fait à croire qu'ils vouloient occire tous ceux, qui lors estoient dedans leur ville: mais les gens d'armes gaignerent celle porte sur eux & entrerent dedans la ville, & s'en allerent tout droit au marché, là où ils se recueillirent & meirent en ordonnance de hulin cōtre ceux de la ville, qui se furent assemblez: mais ne tindrent guerres ains se meirent en fuite pour eux sauuer, neantmoins il en y eut de tuez xix. ou xx. Et n'eut esté que le Comte en fut aduertty, & le remede qu'il y meit ses gés eussent occis tous ceux de la ville, & eussent tout pillié & tout robbé: car des lors commençoient ils à rompre huis & fenestres, & entrer és maisons: toutesuoyes ils se logerent és maisons & y prindrēt pour viure tels biens qu'ils y trouuerent. Aucuns de ceux de la ville qui eurent esmeu celle noise, se retrahirent en vne foite maison: en laquelle neantmoins ils furēt assiegez & prins, & par tant la noise cessa. Ce fut fait le xxvj. iour de Ianuier l'an lxxv. Puis se partit de Saintron le Comte de Charrolois, & s'en alla à Bruxelles deuers le Duc son pere qui le receut à si grand ioye comme pere pouoit receuoir fils: & furent ensemble par aucuns iours. Puis s'en partit le Comte pour aller à Boulongne payer vn pelerinage, qu'il y auoit promis faire à pied: & s'en alla de Bruxelles à Gand, & de Gand à Bruges & à S. Omer. Esquelles villes il fut moult hautement receu & festoyé. En celle ville de S. Omer vint deuers luy le Comte de Neuers, luy requerre mercy & pardon de tout ce qu'il luy pouoit auoir messait & offensé, & il luy pardonna tout: & furent ensemble vne espace de temps, & si bien en grace l'un de l'autre, que le Comte de Charrolois rescriuit à ceux des villes: par lesquelles le Comte de Neuers deuoit retourner, qu'ils le receussent & festoyassent aussi honorablement comme sa propre personne: Et en fut ainsi fait là où il passa. De S. Omer s'en alla le Comte de Charrolois à Boulongne, de Boulongne à Rue, à Abbeuille, à Amyens, à Corbie, à Peronne. En tous lesquels lieux il fut honorablement receu: iacoit ce q̄ plusieurs desdites villes rengagées fussent bien desplaisans qu'ils n'estoient plus au Roy. Le Comte de Charrolois estant à Peronne, fut aduertty que le Roy de France mettoit sus la plus grande armée qu'il eut oncques mise sus: & qu'il auoit fait faire tant d'artillerie, que c'estoit vne grand merueille: mesmement faisoit prendre en aucunes villes des cloches, & en faisoit faire serpētines & autres engins à poul dre: & si escriuoit à la fois au Comte de Charrolois moult doucement, & qu'il le tenoit pour le meilleur amy qu'il eût: mais neantmoins le Comte ne sy hoit pas trop: & doubtant tousiours la mutabilité du courage du Roy, feit crier es pays de son pere que tout homme accoustumé d'armer, fut prest le quinziesme iour de Iuing pour aller en la compagnie du Roy en la Duché de Normandie contre les Anglois, qui se vouloient enforcer d'y descendre (car ainsi faisoit le Roy courre la voix parmy son Royaume, que les Anglois se preparoient pour descendre en Normandie en la prochaine saison: qui estoient parolles fainctes du Roy, qui pensoit faire tout autrement que les gens ne pensoient: car il auoit enuoyé en Angleterre le bastard de Bourbon, lequel auoit obtenu trefues des Anglois pour douze mois, moyennant vne grande somme d'or que le Roy deuoit payer aux Anglois) neantmoins il faisoit tenir Parlement à S. Omer avec

les Anglois: & y auoit enuoyé son frere le bastard de Bourgogne: & pour le Roy d'Angleterre y estoit le Côte de Vvaruich& autres seigneurs d'Angleterre affin d'auoir l'alliance du Roy d'Angleterre & des Anglois, sil aduenoit que le Roy de France le voulsist guerroyer comme il estoit apparent d'aduenir.

Comment ceux de Dinant en Liege rompirent la paix, & recommencerent la guerre contre le Duc de Bourgogne. Et comment tost apres leur ville fut assiégée & battue d'engins.

1466.



N l'an mille cccc.lxvj. depuis Pasques iusques à la my-Aoust, se marierent tant de gens en la Comté d'Arthois & ou pays enuiron, qu'il n'estoit memoire d'homme d'auoir veu le semblable ne ouï parler. En ce temps aussi ceux de Dinant ennuyez de la paix qu'ils auoient obtenue du Duc de Bourgogne à leurs requestes & prieres, ayans leurs courages enfléz & enclins à la guerre plus qu'à la paix, laisserent entrer dedans leur ville plusieurs bannis & mauuais garnemens, qui ne queroient que mal faire. Et tost apres islirent de leur ville & s'en allerent courre & pillier plusieurs villages en Hainault, & en Namur boutter les feux, violer Eglises & faire tous les maulx du monde. Ces nouuelles ouïes par le Duc de Bourgogne, il feit le plus grand mandemēt de gens d'armes qu'il eut oncques fait, pour estre tout homme entour Namur le vingthuitiesme iour de Iuillet audit an lxxvj. Mais non-obstant ses mandemens les gens d'armes differoient le plus qu'ils pouoient de eux monter & habiller, ne d'ayder les pauures compagnons eux mettre sus, redoubtans la despence & souuenans de ce qu'en l'année precedente ils eurent esté trop petitement payez: dont quand le Duc fut aduertý de toutes ces choses, luy estant vn iour à table enuiron l'entrée de Iuillet, il en fut si tresfort troublé & si despit qu'il boutta la table ius: Disant qu'il veoit bien qu'il estoit gouuerné & qu'il negouuernoit plus: & toutesuoyes auoit il payé pour l'armée de l'année precedente plus de deux cens mille écus de son tresor, & ne scauoit comment on les auoit employez. Et comme plus parloit, & plus se courrouçoit, & tellement qu'il en cheut en douleur & en apoplexie: si que l'on cuida deux ou trois iours qu'il n'en releuast iamais, mais si feit. Et lors incontinent & subitement il manda gens d'armes en tous ses pays, en comandant sur la hart que tout homme fut prest. Entre ces choses & que le Comte de Charrolois se tenoit à Perône, il feit remettre sus la gabelle du sel: laquelle il auoit fait mettre ius à son allée en France à la tresgrād ioye du peuple: mais celle remise sus leur mua leur ioye en dueil & en grand murmure: pource mesmement que le Comte feit recueillir les arrierages de l'an qu'elle n'auoit point couru.

L E Duc de Bourgogne conclud & dispose d'aller en Liege à toute la puissance, feit mettre & attacher aux portes des Eglises des bonnes villes de ses pays, la coppie d'vne sentence d'excommunication, donnée du Pape contre ceux de Dinant & leurs complices & adherens, pour punition des maulx qu'ils faisoient & senforçoient de faire tous les iours, en allant contre le traicté de la paix & comme desobeissans au sainct siegé Apostolique. Par laquelle sentence le Pape donoit cougé & licence au Duc de Bourgogne & à ses gens de les punir, & de les faire obeir: lesquels en ce faisant acquerroient plains pardons de leurs

leurs pechez comme ministres de l'Eglise. Et par celle mesme sentence desendoit le Pape le seruice diuin faire en la ville de Dinant. Neantmoins ceux de Dinant obstinez en leurs capitales vouldent & opinions, eux demonstans rebelles & desobeissans à nostre mere sainte Eglise, cōtraignirent leurs prestres, & leur feirent faire le seruice diuin & chanter messes comme deuant. Et pour ce qu'ils en trouuerent aucuns qui ne vouldrent celebrer n'obeir à l'Eglise ils les noyerent. En ce point que l'armée du Duc de Bourgogne estoit prestee pour aller à Dinant, le bastart de S. Pol seigneur de Haubourdin, qui auoit toutes ses besongnes prestes comme les autres, vne maladie le print si griesue qu'il en mourust tantost apres dont ce fut pitié & dommage. Car il eut esté vaillant, sage & prudent : & estoit encores vn des bons chiefs de guerre, que le Duc eut en son armée, beau cheualier entre tous les autres & portant l'ordre du Duc, de Toison d'or.

EN VIRON le commencement d'Aoust ou dit an lxvij. se meit sus l'armée du Duc de Bourgogne pour tirer vers Namur, ainsi comme il l'auoit commandé & que chacun l'aymoit & vouloit seruir & obeir. Et fut à celle fois la plus belle & la plus grosse armée que l'en eut veu pieça: voire plus grande la moitié, que celle qui fut menée en Frâce: car selon commune renommée, ils estoient en celle armée plus de trente mille payez: en laquelle pour les plus grans estoient le Comte de Charrolois, le Comte de S. Pol Connestable de France, le seigneur de Rauestain, les trois fils du Comte de S. Pol, les deux bastards de Bourgogne & Baudoin, le Comte de Nasso & tant d'autres barons, seigneurs, cheualiers & gentils-hommes qui trop seroient longs à nommer: & sy estoit le Marechal de Bourgogne en son estat: car l'armée de Bourgogne n'y estoit pas, le Duc mesmes en sa personne y voulut aller: & s'en alla de Bruxelles à Namur le quatorziesme iour dudit mois d'Aoust. Et tost apres passerent outre & s'en allerent courre iusques es faulxbourgs de Dinant enuiron trois cens combattans, où estoient le Comte de Charrolois, & le Marechal de Bourgogne & aucuns autres. Sur lesquels faillirent ceux de la ville, & les escarmoucherent par deux où par trois fois: mais tousiours furēt reboutez & fut vne horreur de veoir les engins qu'ils iecterent de la ville: mais n'en tuerent nuls: & de ceux de la ville en y eut de tuez trois ou quatre. D'autre part à l'autre costé de la riuier de Meuse, tenoient les champs le Comte de S. Pol, messire Iaques son frere & autres en grand nombre: lesquels faisoient leurs approches de Dinant à toute diligence. Et le seigneur de Saeueses estoit à Bouuines, vne bone petite ville de la Comté de Namur, seant à demie lieüe de Dinant ou enuiron. Nouuelles vindrent en l'ost des gens du Duc, que ceux de la cité de Liege auoient fait mostres de leurs gēs, & qu'ils se trouuoient bien xl. mille combattans: dont ils en auoient enuoyé quatre mille à Dinant, & qu'ils se furent vâtez en Liege se le siege se mettoit deuant Dinant qu'ils le leueroient où ils mourroient en la peine. Le xvij. iour dudit mois d'Aoust se meit à chemin toute l'armée en deux esles, & le charroy ou meillieu, pour aller à Dinant: & portoit l'estâdard du bastart de Bourgogne le seigneur de Cohem pour l'auant-garde, le Comte de Charrolois en la bataille, & le Comte de Marle grandement accompagné menoit l'arriere-garde. Si tost comme ils approcherent de Dinant, ceux de dedans se prindrent à ruer de leurs

engins à pouldre à grand planté: saillirent dehors, & s'en allerent bouter le feu en vne grosse cense estant illec au dessus d'une abbaye: mais ils furent rencôtrez si durement qu'ils rentrent en leur ville plustost que le pas, & abandonnerent leurs faulxbourgs, si qu'à pou tint que les gens du Comte n'entrent avec eux dedans leur ville: en ceste maniere furent gaignez les faulxbourgs de Dinant, nonobstant qu'ils fussent encloz d'eau & de bonnes murailles aussi fors comme vne bonne ville. Esquels faulxbourgs estoit vne belle Eglise de freres mineurs, vn monastere de femmes & vne paroisse: & delez les faulxbourgs vne abbaye de blancs Moynes. Et à ce faire ne perdit le Comte de Charrolois que cinq ou six hommes. Quand ces faulxbourgs icy furent ainsi conquis du costé de Bouuines, ceux de la ville allerent bouter le feu & ardoir ceux qui estoient de l'autre costé, ainçois que le Comte de S. Pol y veinst qui estoit de ce costé là: ce feirent ils affin que nul ne logeast. En la nuit ensuiuant se logea le Comte de Charrolois en celle abbaye, & fit vne bombarde affuster droit deuant la porte de la ville. Dedans l'enclos des freres mineurs, se logerent grand planté de gens de guerre qui y feirent bon guet toute celle nuit: celle bombarbe rua contre celle porte si durement qu'en briebs iours elle la cassa & rompit, mais ceux de la ville la remmurerent incontinent. D'autre part le Conneftable de France qui se fut logé sur la riuere au dessous de la montaigne, fit abbatre de engins vne tour Corniere qui forment les castilloit.

Cy dis la maniere comment la ville de Dinant fut conquise de force par les gens du Duc de Bourgongne, si qu'ils les conuint rendre à la voulenté du Duc: puis dit comment le Duc en ordonna pour memoire perpetuelle à toutes villes de pareille condon.



Vand vint le mardy ensuiuant l'en feit rompre & abbatre toutes les portes & les murailles des Cordeliers, & de l'abbaye pour affuster les engins, & pour abbatre & demollir les murs de la ville: & se prendrent à ruer engins de toutes parts tant dehors comme dedans, & en y eut quatre morts des ges du Comte de trait & de la ville: & entre les autres fut tué le maistre de la bombarde en cueillant vne verge. Durant ce que les gens du Comte approcherent ainsi la ville: les viures furēt si chers en l'ost qu'un pain de deux deniers y valoit douze deniers, & pareillement les autres viures. Et cōuenoit pour viure les cheuaux, aller trois ou quatre lieues loing en fourrage. Ce iour de mardy s'en alla le Côte de Charrolois loger aux Cordeliers à vn iect de pierre pres de la porte. Et le Duc son pere vint de Namur loger à Bouuines.

Les engins ainsi mis & affustez, ceux de la ville furent sommez d'eux rendre à la voulenté du Duc. Et ils respondirent qu'ils n'en auoient talent, continuans tousiours en leurs villains parlers: iniurians le Duc & son fils plus qu'ils n'eurent oncques fait & disans du Duc: Que s'est dementé ce vieil monnart vostre Duc de cy venir mourir? A il tant vescu pour cy mourir villainement? Et vostre Comte Charlotel qu'a il à cy venir mourir? Il s'en voise à Montlehery combattre le noble Roy de France, qui nous venra secourir. Croyez qu'il ne nous fauldra pas, car il le nous a promis. A malle-heure y vint il oncques, il a le becq trop iaune, ceux de Liege le feront brieuf desloger villainement. Autres plusieurs

plusieurs villaines parolles disoient les Dinadois du Duc & de son fils, qui trop longues feroient à écrire, & ne cessoient iamaïs:encore feirent ils piz. Ceux de Bouuines leurs voisins ainçois que le siege leur veint leur enuoyerent vnes lettres, par lesquelles ils leur conseilloyent d'eux rendre au Duc & de non attendre le siege: mais par grand despit & felonnie ils feirent decapiter leur messagier: ce non obstant ceux de Bouuines desirans leur salut, leur renuoyerent vn enfant innocent portant leurs lettres, adressans à ceux de la Loy de la ville. Par lesquelles ils les admonnestoient de rechief, qu'ils trouuassent leur traicté deuers le Duc, ainçois qu'il les approchast plus pres: affin aussi qu'ils ne fussent plus folez ne mangiez des gens d'armes qui tout gastoient: les felons obstinez feirent mourir le pauvre enfant innocent en despit du Duc & de leurs voisins de Bouuines: & dient aucuns qu'ils feirent le pauvre enfant desmembrer. Autre derision & outrage auoient ils fait ainçois que le siege y veinst, sachans toutesuoyes qu'on luy venoit mettre: car eux en grand nombre s'en allerent assez pres de Bouuines. Et par dessus vne fosse plaine d'eauë, profonde, orde & puante, & plaine de bestes venimeuses, traufferent vn bancoq, sur lequel ils asirent la semblance du Duc de Bourgongne, vestu & armoyé de ses armes: crians & disans à ceux de Bouuines: Veez cy le siege du grand crapaut vostre Duc. Mainte autre chose laide & villaine feirent les Dinandois en despit du Duc & de son fils. Desquelles & le pere & le fils furent bien aduertis. Pourquoy le Duc & le Comte desiroient tant plus prendre vengeance de si male gent.

Q V A N D doncques les engins du Comte furent bié mis & affustez, on les feit ruer contre la ville & dedans icelle si terriblement & si continuellement trois ou quatre heures durans, qu'il n'estoit homme ne femme en la ville qui se sceut ou tenir leans. Si estoit la fumée si grande & le feu si terrible, que ce sembloit leans vn droit enfer. En laquelle tempeste furent occis grand nōbre de gēs hommes & femmes. Et entre temps le Duc faisoit faire à Bouuines deux ponts de bois pour passer la riuere de Meuse, affin de les enclorre & assaillir de tous costez. Vint le vendredy que les tours & les murailles estoient tresfort dommagées, qu'ils issirent de la ville huit hommes des plus resseans: & par saucoūit vindrent en l'ost cuidans trouuer aucun moyen de paix, mais ils n'y feirent riēs. Le samedy fut commadé par tout l'ost que chacun fut le lendemain tout prest d'assaillir la ville, & que chacun fut garny d'vn fagot pour remplir les fosses de la ville. Et comme le iour fut venu le Duc ne voulut pas qu'elle fut encores assaillie, mais voulut qu'elle fut de rechief battue des engins. Et elle le fut si terriblement que ceux de la garnison se desespererent de leur salut, & s'enfuerent dehors, dont se voulurent les habitans rendre sauues leurs vies. A quoy le Duc ne les voulut recevoir. Entre ces choses aduint vn meschief entre les gens du Comte par vn pou de feu, qui cheut en vn tonneau de pouldre de canon quel'en auoit oublié à couvrir: car ils y furent ars & morts trente ou trente-deux de ses hommes & plusieurs autres bruslez, qui depuis furent gueris. D'autre part l'Euesque du Liège qui se tenoit à Huy feit sçauoir au Duc son oncle, qu'ils estoient issus de la cité de Liège de trente à quarante mille hommes pour leuer le siege de Dinant, & qu'il fut sur sa garde: surquoy le Duc eut aduis

de ses gens & fut conseillé d'affaillir la ville ainçois que les Liegeois y peussent venir à téps: dont se meirrent tous en point pour comencer l'assault, & pouoient estre cinq heures du soir: mais ceux de la ville doutans qu'ils ne peussent la ville tenir ne deffendre: n'obstant la batture & demolition de leurs tours & de leurs murs: doutas aussi qu'ils ne feussent tous occis s'ils feussent prins d'assault, se rendirent à la voulété du Duc: & porterent les clefs au Bastard de Bourgongne, lequel les porta au Côte de Charrolois: mais ne les voulut recevoir, iusques à ce qu'ils en eut le consentement de son pere. En celle mesme nuit entra ledit Bastard dedans le chastel de Dinant qui luy fut deliuré. Et le Marechal de Bourgongne & aucuns autres seigneurs à toutes leurs gens entrerent en ladicte ville, & garderēt les portes iusques au lendemain que le Comte y entra ainsi comme à midy: & feit ses gēs loger par fourrier auāt la ville, iusques à tant qu'il scauroit la voulenté du Duc son pere: lequel y fut allé volentiers: mais on le luy descōseilla, attendu que sa voulenté estoit determinée à destruire la ville, si n'y alla point. Quand le Côte sceut qu'il ny viēdroit pas, & que ses gens d'armes estoiet tous logez leans: & il habādonna tout à piller & à butin chacun en son quartier. Et lors commença leans vn grand desfroy & gens d'armes à piller, & à eux entretenir tels y auoit: comme chacun voulsist garder & deffendre son quartier, & auoir ce qu'il pouoit trouuer: mais les plus forts y auoient le plus beau du ieu, car ils tolloient aux foibles ce qu'ils auoient trouué: chacun qui pouoit y prenoit son hoste prisonnier: nonobstant qu'ils eussent tous leurs biens perdus: lesquels biens estoient moult grans: car Dinant de son grand estoit la plus riche ville & la plus forte, que l'en sceust nulle part qui fut causē de sa ruine: car ils estoient tant surmontez d'orgueil & d'outrecuidance pour leurs richesses, qu'ils ne craignoient Dieu ne l'Eglise, ne Prince qui fut sur terre: & pourtant fait à croire que Dieu les voulut ainsi punir. Ainsi donques le Mardy, le Mercredy & le leudy, l'en ne feit leans que raurir & butiner, tellement que la riuere estoit toute plaine de bateaux, & les rues plaines de chariots qui menoient les biens hors de la ville, & hommes tous chargez des biens qu'ils en emportoient. Et si y trouuerent les gens d'armes viures si largement, qu'ils estoient leans garnis assez pour deux ou trois ans. Puis fut enqueste faicte, qui eurent esté les mauuais de la ville, & qui eurent, ainsi que dit est, iniurié le Duc & son fils. Aucuns en furent nommez & prins & iettez en la riuere deux à deux liez ensemble. Puis feit le Comte prendre le Bombardier de la ville, & le feit pendre sur la montagne au dessus de l'Eglise: tous ceux qui furent trouuez coupables d'auoir recommencé la guerre furent noyez en la riuere. Des le commencement que la ville fut abandonnée, le Comte feit crier que nuls sur la hart n'enforçast femme: neantmoins il en y eut trois prins qui furent conuaincus de leur peché, lesquels le Comte feit passer par trois fois parmy toutes ses gens, afin que chacun y print exemple: puis les feit tous trois pēdre à vn gibet: & iura lors si l'en scauoit nulz quels qu'ils fussent nobles ou non nobles, qui enforçast femme qu'il les feroit tous pendre: si n'y eut onques puis si hardy qui osast violer femme contre son grē: le Comte aussi feit vider de la ville les femmes & les petis enfans & les gens d'Eglise, & les feit par ses gens mesmes conduire iusques pres de la cité de Liege: & fut vne piteuse chose d'ouir lesdictes femmes & enfans faire leurs

cris

cris & leurs plains à leur issue de la ville: & n'estoit si dur cuer qui eut veu leur pauureté & ouï leurs plains à qui n'en eut prins pitié. Le vendredy xxviij. iour d'Aoust audit an lxxvj. que la ville estoit lors vuide de tous ses biens, les Eglises & les maisons toutes descouuertes de leur plomb, enuiron vne heure apres minuit se print le feu ou logis du seigneur de Rauestain delez nostre dame, en telle maniere que l'en ne peut sçauoir se ce fut par meschief, ou sil y fut boutté à escient pour faire vuidier les gens d'armes dehors, ou pour les ardoir leans ou autrement. Toutesuoyes le Comte commanda à l'estaindre qui pourroit, & y meit on peine pres de deux heures: mais entre-temps se print aussi le feu en la maison de la ville, où estoient grand planté de pouldres de canon: lesquelles pourprindrent de feu la maison par si grand force, qu'il monta iusques au comble de l'Eglise de nostre Dame, & fut ars le comble: mais pource que l'Eglise estoit voultee de pierre, le feu ne passa point si tost, & pourtant furent sauées les reliques, & les aornemens d'icelle Eglise: & les feit le Comte prendre & porter à Bouuines, voire celles qui vindrent à sa cognoissance. Car l'on en auoit prins & rauy beaucoup, ainçois qu'il y venist: & si en y eut assez de bruslées, & tant d'autre butin aual la ville que les gens du Comte y perdirent de leur butin treslargement: & si y eut des gens assez bruslez & eschaudez, tant estoient aigres ou pilliage: & le feu les suiuidoit de si pres que c'estoit vne grand merueille: si qu'il pourroit sembler que Dieu vouloit toute la ville destruire & ardoir pour punir son orgueil. Tandis que celle ville de Dinant estoit ainsi en feu & en flamme, estoit à Bouuines venue deuers le Duc vne grosse ambassade de Liege pour trouuer leur traicté, lesquels veoient celle ville ardoir, qui leur estoit vn dur exemple. D'autre part quand le Comte veit le feu ainsi enforcer en celle ville, il en feit boutter par tous les lieux où il n'en y auoit point tant en la ville comme es faulxbourgs, affin qu'elle fut tout arse. Puis feit venir gens à planté de tout le pays enuiron, par lesquels il feit demolir & abbatre toutes les tours, & les murailles & tous les forts de la ville: & fait à chacun d'eux doner trois patars pour iour à ce faire avec tout le butin qu'ils y pourroient trouuer: & ils y besongnerent tellement, que dedans quatre iours apres le feu cessé en la ville, ceux qui le veoient lors pouoient dire, cy fut Dinant: car il n'y auoit plus porte ne tour, muraille, Eglise, ne maison que tout ne fut ars ou abbatu. Encore estoit aduenue, quand le feu print en la grande Eglise, que plusieurs bons prisonniers qui estoient dedans y furent ars & perdus, & autres plusieurs qui se furent retraits en aucunes tours & forts de la ville furent ars & bruslez là dedans. Ainsi fut destruite celle ville de Dinant par continuer en folie & en orgueil.

Cy dit comment apres la destruction de Dinant le Duc se disposa d'entrer ou pais de Liege à toute son armée & des villes qui se rendirent à luy. Puis dit comment la paix y fut trouuée pour celle fois.



Pres que celle orgueilleuse ville de Dinant fut ainsi destruite, que dit est: le Duc de Bourgogne se partit de Bouuines le premier iour de Septembre oudit an lxxvj. & par la riuere s'en retourna à Namur, avec luy celle ambassade de Liege poursuiuant tousiours d'auoir appointment à luy: puis passa toute l'armée par Namur & s'en alla le bastard de

Bourgongne loger ou pays de Halsebam à deux lieues de Saintron, & le Comte de Charrolois se logea entre Tillemont & Saintron. Tost apres se rendit au Comte de S. Pol la ville de Thuyn, qui luy eut esté par le Duc donnée en récompense de ce qu'il n'auoit point esté au butin de Dinât: laquelle ville ne fut point pillée moyennant vne somme d'argent qu'ils payerent audit Comte de S. Pol: & si feirent abbatre leurs portes & leurs murs: le pareil feirent ceux de Saintrô, & par ce moyen ne furent pillées ne Thuyn ne Saintron. Puis s'en alla le Comte de Charrolois pour assieger la ville de Tongres: mais pource qu'on luy dit qu'il n'y auoit personne leans, & que tous s'en furent fuis, il feit tout son ost tirer vers la cité de Liege, & le Duc son pere demoura à Namur: le Comte s'en alla iusques à Montenac à quatre lieues de Liege tousiours ses gens & son charioy en ordonnance de bataille. Là luy vindrent nouuelles que ceux de la cité estoient issus en grand nombre pour le combattre, & pourtant il se prepara pour les combattre & meit ses gés d'armes en bonne ordonnance, & feit deux esles de ses gens & la bataille ou meillieu. En ce point se teindrent plus de trois heures attédans que les Liegeois les venissent combattre, mais non feirent ains luy enuoyerent requerre leur estat iusques au lendemain dix heures, promettans de faire tout ce qu'il leur demandoit: & partant le Comte fut content pour le iour qui estoit le vij. iour de Septembre. Ces choses ainsi faictes le Comte de S. Pol Connestable de France & le Bastard de Bourgongne à toutes leurs gés, s'en allerent pour veoir la conduicte des Liegeois qui furent issus de la cité: lesquels se tenoient sur la riuiera de Gerre, & tantost leur fut dit & rapporté que les coureurs d'iceux Liegeois qui eurent conduict leur ambassade escarmouchoient les fourriers de l'ost du Comte: si y enuoyerent vne compagnie de leurs gés. Et lors incontinent que les Liegeois les veirent ils se retrahirent avec les autres. Quand vint sur le soir les gens du Comte apparceurent les Liegeois tout clerement & se meirent en bataille deuant ceux au moins d'un quart de lieu: le Connestable passa celle riuiera de Gerre pour les enclorre, & feit vne partie de ses gens descendre à pied qu'il estoit enuiron cinq heures du soir. Ceux cy eussent volentiers assailly les Liegeois: mais le Comte ne le voulut permettre pour cause du leur estat qu'il leur auoit octroyé, dont tous ceux de son ost furent bien desplaisans: car ils pouoient là auoir leurs ennemis à bon compte, & que homme n'en fut iamais elchappé: car ils ne pouoient fuir pource qu'ils là estoient encloz, & si estoient bien deux mille à cheual & dix mille à pied ou plus: car plusieurs estoient ou village, que l'en ne pouoit descourir: aussi des gens du Comte se tenoient plusieurs en vn gros village nommé Varennes, & n'en vouloient issir pour eux ioinde avec leurs compagnons: pourquoy le Comte feit ardoir le village, & par tât les couint issir dehors & eux mettre en bataille avec les autres, & si perdirêt de leurs bagues assez par le feu. En ce point teint le Côte ses gés en bataille iusques à dix heures en la nuit: puis feit chacun retraire à son logis. Le Dimenche vij. iour de Septembre ou dit an lxxvj. tout au plus matin remeit le Comte toutes ses gens en bataille, & se teindrêt en ce point tous ensemble sans passer celle riuiera de Gerre iusques à dix heures du iour, que lors reuint celle ambassade des Liegeois: & dirent au Comte de Charrolois que ceux de Liege estoient prests & conclus de tenir & parfournir de tous poincts tout ce que le

Duc

Duc son pere & luy leur demandoient, requerans qu'ils les tenissent en paix:& pour seureté de tenir le traicté ils baillioient en hostages cinquante hommes tels qu'ils plaisoit au Duc les eslire: c'est à sçauoir xxxij. hommes pour la cité de Liege, six pour la ville de Tongres, six pour la ville de Saintron & huit pour la ville de Hessel. En ce mesmes iour en liurerent ils vne partie, lesquels furent menez à ludenge deuers le Duc, qui y estoit venu de Namur pour combattre les Liegeois avec son fils. Par ce moyen fut faite la paix des Liegeois au Duc de Bourgongne, & à son fils pour celle fois. Par lequel traicté ils promeirent payer six cens mille florins de Rin en six ans, chacun an cent mille. Et liurerent tost apres les cinquante hostages qu'ils auoient promis liurer, & tels comme le Duc les voulut auoir: lesquels deuoient retourner en leurs lieux au bout de l'an la premiere année payée, par si que autres cinquante fussent renuoyez au Duc comme deuant. Et par ledit traicté iceluy Duc de Bourgongne comme Duc de Brabant & ses successeurs Ducs de Brabant, apres luy seroient à tousiours perpetuellement Maimbrugs & capitaines des Liegeois, & de tout leur pays: sans le conseil & voulenté desquels Ducs de Brabant iceux Liegeois ne pourroient quelque chose faire de nouuel d'oresnauant. Autres plusieurs choses promeirent faire lesdits Liegeois que ie laisse à escrire, pource que tost apres ils ne teindrent chose qu'ils eussent promise. En ce point estoient viures si trefchiers en l'ost du Comte de Charrolois, que à tresgrand peine ils en pouoient recouurer. Ce mesmes iour qu'il estoit iour de Lundy huitiesme iour du mois de Septèbre que la paix estoit faicte & accordée, vint l'armée des Bourgongnōs enuiron quatre cens lances, que conduisoient le seigneur de Montagu, & le Marquis de Rotelin. Et si y vindrent vne route de Suisses de soixante hommes ou enuiron, & trois cens hommes que ceux d'Anuers enuoyerent au Comte pour luy ayder à combattre les Liegeois. Le mercredy ensuiuant vindrent ceux de la cité, & deliurerent au Comte les lettres de leurs promesses seellées des sceaux des villes de Tongres, de Saintron, de Hessel & des autres villes de leur seigneurie. Estoit aussi traicté se aucuns des hostages mouroient deuant la fin de l'an, que les Liegeois en renuoyeroiēt des autres en leurs lieux: & pour les interets du Duc depuis le premier traicté fait, promeirent les Liegeois en payer autant comme le Duc ordōneroit & diroit qu'il en vouldroit auoir. Ce iour mesmes de la paix ainsi faicte, elle fut criée par tout l'ost & fut deffendu que nul ne pillast ne fourrageast des lors en auāt ou pays de Liege. Ces choses ainsi faictes & acheuées le Comte de Charrolois se mit au retour à toute son armée, & se trouua le Dimenche ensuiuant à vn gros village nommé Chasteler, appartenāt au chapitre de Liege: auquel lieu vindrent deuers luy les hommes de la ville de Thuyt faire leur amendise, & crier mercy humblement à genoux: puis furent ordonnez & enuoyez en leur ville cent hommes pour abbattre & demolir les portes, & les tours & tous les murs de la ville aux despens d'icelle ville. En celle place deffist le Comte son armée, & chacun s'en retourna sur le sien, & le Côte se retrahit deuers le Duc son pere à Bruxelles où il estoit retourné. Et tost apres enuoyerent vne ambassade en Angleterre deuers le Roy Edouard du besongnié, desquels ie ne mets icy riens pource que ie n'en sçay riens.

Cy dit comment meſſire Anthoine baſtard de Bourgongne paſſa en Angleterre, pour faire armes contre le ſeigneur d'Eſcalles frere de la Roynie d'Angleterre.

1467.



En enſuiuant apres Paſques mille quatre cens lxvij. ſ'en alla en Angleterre meſſire Anthoine baſtard de Bourgongne, pour faire certaines armes cōtre le ſeigneur d'Eſcalles frere de la Roynie d'Angleterre: & y alla tresbien accompagnē de gens de guerre, & garny d'artillerie: pource que nouuelles couraient lors (& vray eſt) qu'aucuns pirates & eſcumeurs de mer guettoient ſur luy pour le ruer ius faignans qu'ils fuſſent Eſpagnols, mais ils eſtoient François. Et aduint que les gens dudit baſtard prindrent deux de leurs nauires tresbien garnies de pluſieurs biens, & de gens de guerre, leſquels biens furent butinez: puis arriua ſauuement en Angleterre & feit ſes armes bien & notablement, leſquelles ne durerent gueres: car elles eſtoient à la voulentē du Roy d'Angleterre qui ne les laiſſa gueres combattre, & ſi ne les faiſoient que pour leur plaifance. En ceſte annē fut aſſez grand plantē de vins & de bleds, & furent bons & les bleds de bonne garde. En ceſte annē auſſi delaiſſerent les dames & damoiſelles les queūes à porter à leurs robes: & en ce lieu meirent bordures à leurs robes de gris de leſtices, de martres, de veloux & d'autres choſes ſi larges, cōme d'un veloux de hault ou plus: & ſi meirent ſur leurs teſtes bourrelets à maniere de bonnet rond, qui ſameuuiſoit par deſſus de la hauteur de demie aulne ou de trois quartiers de long tels y auoit: & aucunes les portoient moindres, & deliez couurechiefs par deſſus, pendans par derriere iuſques à terre, les aucuns & les autres: & prindrent auſſi à porter leurs ceintures de ſoye plus larges beaucoup, qu'elles n'auoient accouſtumé: & les ferrures plus ſomptueuſes aſſez, & coliers d'or à leurs cols, autrement & plus cointement beaucoup qu'elles n'auoient accouſtumé & de diuerſes façons. En ce temps auſſi les hommes ſe prindrent à veſtir plus court, qu'ils n'eurent oncques fait: tellement que l'en veoit la façon de leurs culs & de leurs genitoire, ainſi comme l'en ſouloit veſtir les ſinges, qui eſtoit choſe tresmal honneſte & impudique: & ſi faiſoient les manches fendre de leurs robes & de leurs pourpoints, pour monſtrer leurs chemiſes deliées, larges & blâches: portoient auſſi leurs cheveux ſi longs qu'ils leur empeſchoient leurs viſages, meſmement leurs yeux: & ſur leurs teſtes portoient bonnets de drap hauts & longs d'un quartier ou plus. Portoit auſſi comme tous indifferement chaines d'or moult ſomptueuſes cheualiers, & eſcuyers: les varlets meſmes pourpoints de ſoye, de ſatin & de veloux. Et preſque tous eſpeciallement es cours des Princes portoient poulaines à leurs ſouliers d'un quartier de lōg, voire plus tels y auoit: portoiēt auſſi à leurs pourpoints gros mahoitres à leurs eſpaules, pour monſtrer qu'ils fuſſent larges par les eſpaules, qui ſont choſes moult vaines, & par aduenture fort haineuſes à Dieu. Et qui eſtoit huyt court veſtu, il eſtoit le lendemain long veſtu iuſques à terre. Et ſi eſtoit ceſte maniere ſi commune, n'y auoit ſi petit compagnon qui ne ſe vouliſt veſtir à la mode des grans & des riches fut long, fut court, non regardans ou couſt ne à la deſpēce, ne ſil appartenoit à leur eſtat.

Cy parle

Cy parle du trespas & de l'enterrement du noble Duc Philippe de Bourgogne, & de son notable obseques & enterrement fait à S. Donnaſt de Bruges.

LE douziesme iour de Iuing oudit an. lxxvij. par vn vendredy au soir en la ville de Bruges; print au noble Duc Philippe de Bourgogne vne moult griefue maladie, laquelle luy dura iusques au lundy ensuiuant quinziesme iour dudit mois, qu'il rendit à Dieu son ame entre neuf & dix heures du soir. Le Dimenche deuant quand l'en vit son mal enforcer, l'on l'enuoya signifier au Comte de Charrolois son fils, qui lors se-iournoit à Gand: lequel tout incontinent se partit de Gand & à si trefgrand haste, qu'il ne pouoit plus: s'en alla à Bruges descendre en l'hostel de son pere, qu'il estoit l'heure de midy dudit iour de Lundy: & s'en courut où estoit son pere au liēt, lequel il trouua qu'il auoit la parole perdue: neātmoins il se ietta à genoux deuant luy, & en plorant tendrement luy requist sa beneïſſon, & que se aucune chose il luy auoit meſſait qu'il le luy voulsist pardonner: le confesseur qui se tenoit delez le Duc le admonnesta, que s'il estoit qu'il ne peust parler, que au moins il luy demonſtraſt par ſigne ſa bonne volenté: à laquelle admonition le bon Duc & bening ouurit les yeux: print son fils par là main, & la luy eſtraignit qui fut ſigne de pardon & de beniuolée. Et le bon fils se teint auez au plus pres de son pere, & ne le laissa iusques à ce qu'il rendit à Dieu son ame. Dieu par ſa grace luy face pardon & mercy, & vueille son ame ſauuer & mettre en Paradis. Le corps du noble Duc ainſi mort fut laiſſé ſur son liēt toute celle nuit, vn noir bonnet ſur ſon chief: & le lendemain encores iusques au soir: ſi qu'à chacun loïſoit de le aller veoir, qui veoir le vouloit: & il y en alla tant que ce fut vne grand merueille: & tous prioient pour luy que Dieu le voulsist ſauuer. Le Mardy ſur le ſoir fut ſon corps ouuert & embaumé, & furent mis à part ſon cueur: ſon corps & ſes entrailles chacun en vn vaiſſeau de plomb bien cloz & ſouldé, & fut tout mis & poſé celle nuit en la chappelle de ſon hostel ſur vne bierre de cinq à ſix pieds de hault, couuerte de noir veloux iusques au paumēt: & par deſſus estoit vne croix de drap de damas blanc, aux quatre coſtez de la bierre estoient quatre grans cierges ardans: & là furent celebrées Meſſes & prieres iusques à nonne tous les iours iusques au Dimenche ensuiuant, que lors entre quatre & cinq heures apres midy, le corps fut porté à ſainct Donnaſt pour enterrer illec dedans l'Egliſe iusques à ce que l'en auroit pourueu pour le porter autre part, ainſi comme il l'auoit ordonné des ſon viuant. Au porter le corps à l'Egliſe alloient deuant ſeize cens hommes tous veſtus de noir, armoiez des armes du Duc, portans chacun vne torche ardent en leurs mains: dont les quatre cens estoient de l'hostel & aux deſpens du nouueau Duc: quatre cens de par la ville de Bruges, & quatre cens de par les meſtiers d'icelle ville: & les autres quatre cens de par le païs du Franc à leurs deſpens, chacun endroit luy deſdictes trois membres: Ou moyen deſdictes torches alloient bien neuf cens hommes tant nobles hommes, comme officiers & ſeruiteurs du feu Duc: & y estoient les Loix de Btuges & du Franc, & xxj. Prelats. Entre lesquels estoit vn Eueſque d'Ybernie, qui chanta le lendemain la premiere Meſſe: entre les Prelats & le corps estoient quatre Roys d'armes embronzés, veſtus

de leurs cortés d'armes : le corps fut porté par dix ou douze Cheualiers notables & de nom . Er entour eux estoient les archiers de corps du feu Duc . Sur le corps estoit vn drap de veloux noir long iusques à terre, & vne croix de drap de damas blaue . Et par dessus le corps tout hault portoient vn poille de drap d'or sur quatre lances, le Comte de Nassó, le Comte de Boucan, Baudouin bastard de Bourgongne, & le seigneur de Chalon . Deuant le corps estoit le premier escuyer du feu Duc, qui portoit l'espée la pointe dessus . Ceux qui feirent le dueil apres le corps, furent le nouveau Duc tout premier, & apres luy Iaques de Bourbon & Aldof de Cleues ses deux cousins germains : puis y estoient le Comre de Marle, Iaques de S. Pol, le seigneur de Rouffy & aucuns autres des plus notables de la cour . Deuant lesquels alloient ceux des quatre ordres mendians, & ceux des Eglises de toutes les parroisses de Bruges : esquelles parroisses & en chacune d'icelles l'on celebra ledit iour vigiles des morts, & le lendemain seruice solénel pour le salut de l'ame du trespasé . Quand le corps fut mis & posé dedans le cueur de l'Eglise de S. Donnast, il y auoit sur la biere vn drap d'or bordé de damas à vne croix de blanc veloux avecques quatre grans cierges ardans, & plusieurs autres menbres iusques au nombre de xiiij. cens ou plus tous ardans : si qu'il conuint trouer les voirrieres de l'Eglise, pour euaporer la chaleur qui y estoit : l'aurel du cueur & le dessus estoit tout tendu de drap d'or noir : le liettrin tendu de veloux noir dedans & dehors pendant en bas, armoýé des armes du Duc : puis y estoit vn pennon lacheté d'armes, & la grande banniere du Duc : toute la nef de l'Eglise fut rendue de drap noir, le dessous & le dessus de camelot noir . Quand vint au mettre le corps en terre, n'est homme qui sceust dire la pitié que ce fut d'ouïr les pleurs & les plains des officiers, & des autres presens illec : voirement en deuoient ils bien plorer & douloir & rous ses autres subiets, car ils auoient perdu vn Prince le plus renommé de bonté & de vertus qui fut en toute la terre des Chrestiens, plain de largesse, plain de tout honneur, plain de hardement & de vaillance, & aorné & remply de toutes bonnes vertus : & lequel tout son temps auoit bien gardé & tenu tous ses païs en paix, tant par son sens & de ceux de son conseil, comme à la poincte de l'espée, sans espargner son corps, ne contre qui que ce fut tant fut grand ne redoubté . Il fut tout son temps refuge à tous ceux qui venoient à luy à garand, fussent mesmement ses ennemis, faisant le bien à chacun, & rendant le bien pour le mal : il n'eut onques son pareil en modestie . Ceux mesmement qui ne l'auoient onques veu & qui le hayoient par aucune occasion, si tost comme ils l'auoient veu & cogneu sa benignité, le prenoient en amour . Le cueur & le corps du bon Duc furent mis chacun par soy en vn plat sercus, couuert d'une biere de bois d'Irlande . Le lendemain fut fait le seruice : duquel l'Euesque de Tournay celebra la Messe, & à sa Messe feit vne briefue collation à la louenge du trespasé : & afin de chacun prier pour le salut de son ame, que Dieu par sa digne grace vueille mettre en son saint Paradis . Amen.

Prologue sur les croniques des treschrestiens, magnifiques, victorieux & illustres Roys de France, Loïs vnziesme de ce nom & Charles huitiesme son fils.

Quand

Q Vand i'ay consideré la sentence du tragedieux Senecque, disant au liure de ses Prouerbes . Qu'il est trespbon d'ensuiure la voye & maniere de viure de ses maieurs & souuerains fils ont droictement precedez . Rememorant aussi le dit du sage en ses Prouerbes : Que trestol est celuy qui suit oisueré : car selon l'Ecclesiastique elle enseigne plusieurs malices. l'ay tout acoup & diligéement recueilly aucunes gestes de chroniques dignes de memoire des Chrestiens, illustres & victorieux Roys de France Loys xj. de ce nom, & Charles viij. son fils, avecques plusieurs merueilles aduenues és temps de leurs regnes . Et tant au Royaume dudit France, côme és Duchez de Bretagne, Bourgongne, Normandie, Sauoye & Lorraine, Comtez de Flandres, d'Arthois & de Bourgongne: ensemble autres païs adiacens & circonuoisins . Et pareillemét aussi és Royaumes d'Espaigne, Angleterre, & Cecille, En Rôme, Italles, és Duché de Milan & toute Lóbardie: Selon que i'ay leu és auéntiques gestes & chroniques de feu trespamé orateur, & excellent historiographe maistre Robert Guaguin , en son viuant Docteur en Decret & general ministre de l'ordre de la saincte Trinité . Et côme i'ay aussi recueilly en plusieurs autres histoires descrites & recitées à la verité . l'ay pareillement preueu & regardé les chroniques des renommez chroniqueurs historiques maistres leâ Froissart , & Enguerran de Monstrelet: lequel i'ay ensuiuy apres ce qu'il a recité & descrit de aucuns autres trespchrestiens Roys precedens : & mesmement iusques en aucuns gestes & faits dudit xj. Roy Loys inclusiuement. Soubz aussi la reueréce duquel i'ay recolligé & recapitulé aucunes merueilles par luy obmises & delaisées, sur les gestes & au temps du regne dudit Roy Loys. Pource par aduénure qu'il n'en auoit esté aduerty: car il est bié difficile à sçauoir aucunes fois, cōprendre & descire toutes les trespnobles prouesses, valeureux faits & merueilles aduenues és temps & regnes de si treshaulx, excellens, magnifiques & triomphans Princes , que les trespchrestiens Roys de France. Sur lesquelles choses i'ay, soubz correctiō, entrepris & delibéré (aydant le vray Dieu qui tout peut) d'escire & rediger plusieurs matieres qui sont à louer & rememorer, moy éstât en ceste trespamée, populeuse & triomphante cité de Paris, non pas toutesfois pour vouloir reprendre ou corriger ledit Enguerran de Monstrelet ne autres : car aussi ie n'ay ceste charge: mais l'ay fait côme fidele & loyal François, & tel veux estre & demourer : & aussi pour moy occuper en euitant oisueré, mere & nourrice de tous maux: & affin pareillement de demonstrier les voyes & sentes de noz Princes & souuerains: lesquels sont memoratiuement à ensuiure, fils ont droictemét precedé: car plusieurs se delectent & prénent plaisir à ouir nobles prouesses & merueilles & parties du monde, affin que par icelles ils puissent choisir le bienfait & laisser le mal en arriere, comme aduerty des choses precedentes. Pourquoy i'ay compilé & accumulé ce present opuscule, lequel est petit quand à moy, mais grand quand aux euures & ttiomphes des Princes. Et aussi de ma part ie n'entēs icelle ma petite euure estre appelée, dicté ou nommée chronique, pource qu'il n'appartient à moy: Mais l'ay seuilemét ainsi reduicte pour donner aucun petit passe-temps & recreation aux lisans , ou escoutant toutes les choses dedans escrites & recitées. Leur priant humblement excuser & supplier à mon ignorāce, & adresser ce qui seroit mal mis ou escrit en aucun passage . Car plusieurs des

fais & merueilles qui s'enſuiuent ſont aduenus en tant de diuerſitez, lieux aſſez loingtains, & manieres eſtranges, que difficilement auroit eſté à moy, ou autre de bien au vray & au long eſcrire la verité des choſes aduenues durant ledit temps. Toutesſois ſans aucune faueur & à mon poſſible i'ay tout reduit à la verité ſelon les prenommez aucteurs. Et en ſuiuant continuellement, où a delaiffé le predit de Monſtrelet és chroniques dudit Roy Loys, ſans auoir aucunes redictes iuſques au trefpas d'iceux deux Roys, Loys & Charles.

Fin du prologue.

S'enſuiuent aucunes recapitulations cy adiouſtées & recolligées és entieres chroniques du feu Roy Loys vnziefme de ce nom, aucunement obmiſes & delaiffées par Enguerran de Monſtrelet, en ce qu'il auoit cōmencé à deſcrire és chroniques dudit Roy Loys, ſur le fait de la guerre & des approches de Montlehery.

A Pres que ledit chroniqueur historiographe maistre Enguerran de Monſtrelet a deſcript & recité en ſon iij. volume des chroniques de aucuns trefchreſtiens Roys de France, des Roys d'Angleterre, Ducs de Bourgogne & pluſieurs autres grans Princes, notables ſeigneurs & vaillans cheualiers. Et meſmement iuſques au temps du trefchreſtien, crain & redoubté Roy Loys de Valois. xj. de ce nom incluſiuement : & iuſques auſſi à la mort & au trefpaſſement du feu Philippe de bonne memoire, en ſon viuant Duc de Bourgogne & pere du Duc Charles dernier decedé au païs de Lorraine deuant la ville de Nancy. Au trefpas & triumpant enterrement duquel Duc Philippe, ledit de Monſtrelet finit & termine les chroniques par luy extraictes & compilées : dont apres qu'il a en ce meſmes iij. & dernier volume d'icelles chroniques, eſcript & traicté du trefnoble & magnifique couronnement, & ſacrée vñction dudit Roy Loys en ſa bōne cité de Reims, & de ſa premiere triūphante & ioyeuſe entrée en la trefnoble cité de Paris ville, monarche & capital de France. Et apres auſſi que ledit chroniqueur a aſſez amplemēt traicté de la guerre & bataille de Montlehery : de laquelle il a parlé & deſcript, comme il luy a pleu, mais par aduenture en faueur : car i'ay trouué & ay leu à la verité outre ce qu'il dit : qu'à ceſte iournée dudit Montlehery, qui fut le mardy ſixieſme iour du mois de Iuillet, l'an mille cccc. lxxv. Ledit Roy Loys venāt de ça

1465. Orleans à Paris, arriua haſtiuemēt cedit iour matin à Chaſtres ſous ledit Mōtlehery : & de là ſans foy rafreſchir ou bien peu, & ſans attendre toute ſa compagnie (qui eſtoit pour gens à cheual la plus belle & mieux accouſtrée que iamais auoit eſté veuë par auant, pour autant de gens qu'il pouoit auoir) ſe vint vaillamment & de courage magnanime frapper dedans l'armée du Comte de Charrolois, & de ſes Bourgongnons : en telle maniere qu'il meit en fuite leurs auantgardes. Et à la rencōtre d'iceux Bourgōgnons, pluſieurs occis & mis à mort, & vne grande quantité leſquels furent prins priſonniers. Et auſſi d'icelle rencontre & deſconfiture furent incontinent ſeures nouuelles dedans la cité de Paris : de laquelle ville iſſirent aux champs plus de trente mille perſonnes. Partie deſquels ſ'en allerent bien montez, cheuauchans ſur guet à l'eſcart : & en allant trouuerent partie deſdits Bourgongnons, leſquels furent prins & deſconfits par eux : &

auffi

aussi de ceux des villages voisins d'icelle ville, comme de Vanves, Illi, Seure, S. Clou, Arqueil, Surefnes & autres lieux. Et en ce faisant fut conquis & gaigné vn tresgrand butin sur lesdits Bourgongnons, tellement qu'on estimoit leurs pertes à plus de deux cens mille eieus d'or. Et apres que ladicte auantgarde des Bourgongnons eut esté ainsi rompue & desconfite, ledit Roy Loys non cōtent de ce : mais desirant tousiours de perseuerer & mettre à fin iceux Bourgongnons, sans foy refreschir ne prendre aucun repos, se remeit & entra vaillamment dedans la bataille avecques sa garde, & enuiron quatre cens lances de sa compagnie. Mais les bourgongnons s'estoient fort r'alliez, & auoient prestes leurs artilleries par le moyen du Comte de S. Pol qui moult grandement seruit & ayda ledit Comte de Charrolois à ceste journée: parquoy ledit Roy fut fort oppressé ceste fois, & tellement qu'il se trouua plusieurs fois en dangier de sa personne : car il n'auoit qu'un peu de gens, & sans artillerie, & aussi il estoit tousiours des premiers dedans la bataille meslé : mais posé ores qu'il eust pour lors bien peu de gens, il se maintint toutesfois moult vaillamment & en grande prouesse. Et fut la commune renommée telle : que s'il eust eu d'auantaige cinq cens archiers de pied, il eust mis en telle subiection iceux Bourgongnons, que iamais n'eust esté memoire d'eux en aucuns faits d'armes. Ledit Comte de Charrolois perdit icelle toute sa garde : & aussi feit le Roy beaucoup de la sienne. Et si fut iceluy seigneur de Charrolois prins par deux fois du noble Geoffroy de sainct Belin, & Gilbert de Grassy : mais toutesfois il fut rescoux. Et adonques enuiron la nuit les Escoçois prindrent le Roy pour le soulager : car il estoit moult las & affligé, pource qu'il n'auoit cessé de combattre & faire grans armes toute la journée, sans boire & sans manger : & ainsi le menerent pacifiquement & sans bruit dedans le chasteau dudit Montlehery. Et pource que plusieurs gens de l'armée du Roy n'auoient point veu qu'il eust esté ainsi mené audit Montlehery, & qu'on ne le scauoit où trouuer aucuns cuidans qu'il fut mort ou prins. Et à ceste cause la plus part de aucuns se meirent en fuite. Et lors monseigneur le Comte du Maine, monseigneur l'Amiral de Montaulban, le seigneur de la Barde & autres capitaines, lesquels auoient bien de sept à huit cens lances, se retirerent prenant la fuite & abandonnerent le Roy en ceste maniere, & ne frapperent oncques vn seul coup à ladicte journée. Dont est bien notamment à scauoir, que se tous ceux du party de France si peu qu'ils pouoient estre à ceste journée, eussent esté aussi vaillans & magnanimes, comme estoit le dessusdit Roy leur chief, ils eussent euz vne perpetuelle victoire sur lesdits Bourgongnons : car la plus part d'eux en furent prins & desconfits : & aussi furent aucuns occis du party du Roy. Et tellement que apres que tout fut fait on trouua au champ, où auoit esté la bataille tant d'une part que d'autre trois mille & six cens hommes morts, desquels Dieu vueille auoir les ames. Et ainsi me tairay à tant de la journée dudit Montlehery. Car la reste peult plus amplement estre veüe en la chronique dudit Enguerran de Monstrelet : lequel toutesfois s'estoit aucunement teu de la verité en ceste maniere. Tay semblablement leu à ce propos : Que parauant ceste dicte journée du Montlehery, les Bourgongnons arriuerent en la ville de sainct Denys en France le Vendredy cinquieme iour dudit mois de Iuillet, & audit an mille quatre cens soixante

& cinq. Et depuis cuidèrent passer au pont de S. Clou (Ainsi que dit aucunement ledit Enguerran) mais ils ne peurent pour ceste fois, tant trouuerent bonne resistance des nobles & vaillans François. Pourquoy le dimanche prochain ensuiuant septiesme iour dudit Iuillet, lesdits Bourgongnons cuidèrent venir faire aucunes voultés & allarmes deuant la cité de Paris: mais toutesfois il est à sçauoir qu'ils n'y gaignerent aucune chose: car il y eut aucuns d'eux tuez & occis de l'artillerie estant sur les murs de ladicte cité: dont les autres retournerent hastiement au predict lieu de S. Denys. Et le lendemain qui estoit le lundy viij. iour du dessüsdit mois de Iuillet, lesdits Bourgongnons vindrent de rechief deuant la ville de Paris, & aucunement avecques eux toutes leurs artileries. Puis pour cautelle & subtilité auant qu'ils se demonstraßent pleinement, ils enuoyèrent quatre heraulx aux portes, & par dessus de la porte de S. Denys en ladicte cité de Paris: de laquelle estoient pour ce iour capitaines & commissaires maistre Pierre l'Orfeure, seigneur d'Ermonneuille, & maistre Jean de Pôpaincourt, seigneur de Cercelles ausquels les heraulx dessüsdits demanderent viures pour leurs ost. Et aussi qu'on leur donnast passage par ladicte ville de Paris. Lesquelles choses ils demanderent par rigueur & avec menaces. Et ainsi comme l'on escoutoit proposer iceux quatre heraulx sur les dessüsdites demandes, auant qu'on peut auoir loisir de leur faire aucune responce: les dessüsdits Bourgongnons (cuidans aucunement prendre improuez les nobles manans & habitans de ladicte ville & cité de Paris, & mesmement ceux qui gardoient ladicte porte de S. Denys) vindrent à grosse compagnie de gés d'armes passer iusques à S. Landre, & encores plus auant: cuidans aussi gaigner les barrières qui nouuellement auoient esté faictes és faulxbourgs, & deuant la porte de ladicte ville: en iettant par eux canons, serpentes & autres bastons de pouldre & à feu, avecques trait de bastons inuasibles à main: mais iceux Bourgongnons furent si vaillamment resistez & rebouttez par les notables seigneurs, bourgeois & habitans dudit Paris, & autres illecques de par ladicte ville, & aussi par les gens de Ioachin Rouhault & de luy mesmes: lequel se vint trouver en l'escarmouche de ce conflict, qu'il y eut plusieurs dedsüds Bourgongnons occis & mis à mort, & autres beaucoup fort naurez: parquoy lesdits Bourgongnons se retournerent incontinent aux champs sans autre chose faire: & se cuidèrent mettre en bataille deuant ladicte ville & cité de Paris: ainsi comme plus amplement peut estre veu de la reste en la chronique dudit Enguerran, où il parle de ceste affaire. Allant lesdits Comtes de Charrolois & de saint Pol au Montlehery.

Cy apres sont aucunes histoires, gestes & merueilles aduenues & demonstrees és pais de France: & autres diuerses prouinces & regions additionnées & redigées à la verité en ce present volume. Pource qu'elles ont esté du tout obmises & delaisées à escrire par le dessüsdit chroniqueur maistre Enguerran de Monstrelet. Et tant durant le regne du bon Roy Charles vij. de ce nom, que durant le temps & regne du Roy Loïs xj. son fils.

Pour

POur venir à recueillir aucunes histoires, gestes & merueilles aduenues és païs de France, & autres plusieurs & diuers lieux, & mesmement par ordre de temps. A commencer au precedent en l'an de nostre salut eternal mille quatre cens & soixante où temps du Roy Charles septiesme: auquel an il est à sçauoir pour commencement que les riuieres de Seine & de Marne furent moult grandes & excessiues, tellement que ladicte riuiere de Marne deuint & fut si grande en vne nuit à l'environ de saint Mor des fosses, qu'elle creut comme de la hauteur d'un homme, dont elle feit plusieurs grans dommages en diuers lieux de ceste contrée. Et entre les autres ladicte riuiere vint par si grande inondacion en vn village nommé Claye: & mesmement dedans vn hostel illec estant, qui est à l'Euesque de Meaux, qu'elle demolit & empoita toute la maçonnerie du deuant dudit hostel: ouquel estoient adoncques deux belles tours nouuellement basties, dedans lesquelles y auoit certaines belles chambres bien accoustrées de nattes & verrieres, & aussi bien richement garnies de bons lits & tapisserie: avecques paremens de menuiserie & autres plusieurs choses, que ladicte riuiere emporta en ceste grande crue & inondation des eaües. En ce mesmes temps aduint au païs de Normandie, que le thief de l'Eglise de l'Abbaye de Fescamp par infortune & feu d'auenture, qui vint de la partie de la mer deuers les marches de Cornouaille, & se bouta au cloché d'icelle Abbaye, lequel fut tout ars & bruslé: en telle maniere que les Cloches estant audit cloché, furent toutes fondues & mises en masse, qui fut vne moult grande perte & pitié en ladicte Abbaye de Fescamp. Au temps desusdit furent grandes nouuelles par tout le Royaume de France & en autres lieux, d'une ieune fille d'environ l'age de dixhuit ans: laquelle estant en la ville & cité du Mans, feit plusieurs folies & grandes merueilles: & disoit que le Diable la tourmentoit, dont elle failloit en l'air: crioit & escumoit par la bouche, avecques plusieurs autres choses: lesquelles merueilleuses elle faisoit & disoit en abusant & deceuant plusieurs personnes, qu'ils l'alloient veoir & regarder ses gestes. Mais on trouua finablement, que ce n'estoit sinon tout abus: & que ceste fille estoit seulement vne meschante folle, laquelle faisoit icelles follies & diableries par l'enhortement, conduite & moyen de aucuns officiers de l'Euesque dudit lieu du Mans: lesquels la maintenoient & en faisoit tout ce que bon leur sembloit. Pourquoy ils estimoient n'en estre aucuns aduertis au moyen d'icelles follies, esuelles ils l'auoient induite. J'ay trouué consequemment selon le prenommé maistre Robert Gaguin, lequel dit enuiron la fin de la chronique dudit Roy Charles vij. & en ceste mesme année mille quatre cens soixante: que apres aucun outrage & inire fait au Roy Henry d'Angleterre, par Richard Duc d'Iorth & le Comte de Vvaruich: ledit Duc d'Iorth fut suiuiement apres & de brief occis & mis à mort, où lieu dit és plains de S. Albon, par le Duc de Sombreflet cousin & affin dudit Roy Henry, accompagné d'aucuns autres ieunes seigneurs ses pères & consanguins. Aussi comme assez amplement d'escript & recite ledit de Monstrelet en la precedente chronique: pourquoy le mercredy troisieme iour du mois de Feurier audit an, le tresvictorieux Roy Charles vij. feit lire & publier à Roüé & autres plusieurs lieux du Duché de Normandie, és lieux publiés

1461. & à son de trompe aucunes certaines & patentes lettres de par luy. Par lesquelles il mandoit & declairoit son plaisir estre tel, que par tout ledit pays de Normandie, & les ports de mer d'iceluy fussent laissez paisiblement descendre tous Anglois & Anglesches de quelque estat qu'ils fussent, & en tel habit que bon leur sembleroit, tenans & adherans le party du Roy Henry d'Angleterre & de la Roynie aussi sa femme, sans aucun saufconduit auoir de luy. Et de là en auant les laisser conuerſer & demourer par tout son Royaume. En quoy fut demonſtré la grâde courtoisie & benignité du predict Roy Charles septiesme: car il faisoit donner & acquerre liberté en son Royaume de France, & en ses pays à ce-luy Roy Henry, lequel souuentſois luy auoit voulu greuer & faire dommage de tout son pouoir, comme son ennemy. Il est pareillement à noter & ſça-
 uoir que le mardy xxj. iour du mois de Iuillet, & iour precedent de la mort & deuot trespas du predict Roy Charles septiesme, l'an mille quatre cens soixante & vn, vne grande comette fut veüe trefrefulgente & pleine d'une grande & resplendiſſante clarté, decourante en l'air. Laquelle selon aucun deſignoit & ſignifioit la mort d'un ſi trefgrand & notable Prince, & de plusieurs autres choses au temps à venir. Et aussi le lendemain qui estoit mercredy xxij. iour dudit mois de Iuillet, & iour de feste de la glorieuſe Marie Magdaleine, mourut & trespassa en nostre ſeigneur Ieſus-Christ iceluy prenommé Roy Charles, environ deux heures apres midy, luy exiſtant en la ville de Meun ſur Yeuſe. Si prie deuotement à Dieu qu'au benoiſt Royaume des cieux puiſſe eſtre ſon ame en repos: car il auoit touſiours veſcu comme vn bien ſage & vaillant ſeigneur: & tellement qu'il laiſſa ſon Royaume bien vny & en bonne paix, garny de iuſtice & tranquillité. De la mort duquel noble Prince, & de ſon triomphant enterrement en l'abbaye de S. Denys en France, deſcrit & recite bien amplement ledit Enguerran de Monſtrelet en ſa precedente chronique. En apres parle & deſcrit ledit de Monſtrelet, comment le trefnoble & victorieux Roy Loys vnzieme de ce nom & ſils dudit feu Charles, fut couronné & ſacré Roy de France en la cité de Reims. Et puis conſequemment comment il ſe fit premiere entrée & ioyeux aduenement de Roy en la noble cité de Paris: & des triumphes & nobleſſes q̄ui furent faictes en ceſte cité avecques pluſieurs autres choses, comme il appert au dernier volume de ſadiète chronique. Le trouue en vn autre chronique dudit Roy Loys, ſur ce qu'a obmis & delaiſſé ledit de Monſtrelet: qu'iceluy Roy faiſant ſadiète entrée de triomphe audit Paris le dernier iour d'Aouſt, & l'an deſſuſdit, il paſſa par deſſus le pont aux châges: ſur lequel eſtoiet faits & demonſtrez pluſieurs beaux perſonnages, & ſi eſtoit tout eſcouert & tendu par deſſus. Et à l'heure que le Roy paſſa, on laiſſa voler parmy ledit pont plus de deux cens douzaines d'oyſeaux de diuerſes ſortes & manieres, que les oyſeleurs de Paris laiſſerent aller à plain vol, comme ils ſont tenus de ce faire: Pource qu'ils ont ſur ledit pont lieu & place ordinaire à iour de feste pour vendre & diſtribuer leurs oyſeaux de chant, & d'autres manieres & façons, ainſi qu'il leur plaist. Et en tous les lieux de ladiète ville, par où ledit nouveau Roy Loys paſſa ceſte iournée, eſtoit tout tendu & paré de tapiſſerie au long des rues moult bien & honorablement: & aussi ledit Roy alla faire ſon oraïſon à l'Egliſe de noſtre Dame de Paris: & puis il retourna à ſoupper & au giſte en ſon palais

lais royal, ainsi cōme de coustume est & qu'il est amplemēt dit en ladiēte chronique. Et le lendemain de son entrée, qui estoit le premier iour de Septēbre audit an mille cccc. lxj. le prenommē Roy deslogea de sondit palais, & s'en alla loger en son hostel des Tournelles pres la bastille de S. Anthoine, là où il seiourna depuis par aucun peu de temps. Estant doncques le Roy en sondit hostel des Tournelles, il feit & ordonna plusieurs choses touchant les besongnes & affaires de son Royaume de Frāce, & de ses païs: & illec en ce lieu feit plusieurs nouvelles ordonnances, & tellement qu'il desappointa les plus grans & principaux officiers de sondit Royaume: Cōme le Chancellier Iuuenal, le Marechal, l'Admiral, le premier President de Parlemēt, le Preuost de Paris & plusieurs autres: Et en leurs lieux meit & ordōna autres nouueaux officiers. Il desappointa aussi pareillement aucuns Maistres des Requestes, Secretaires, Conseilliers & cleres des Comptes, de la Court de Parlemēt, des Generaux des aydes, de la chābre du tresor, des Generaux des monoyes, & autres. Et en leurs lieux furent aussi mis, establis & instituez autres nouueaux officiers. Le iij iour dudit mois de Septēbre oudit an mille cccc. lxj. Le prenommē Roy Loys avecques aucuns nobles seigneurs & gentils-hommes de sa maison, soupperent en l'hostel & domicile de maistre Guillaume de Corbie, lors cōseiller en sa court de Parlemēt: lequel iceluy Roy feit & erea premier President de ses païs du Daulphiné: & là en ce lieu furent au conuiue plusieurs notables damoïselles, & hōnestes bourgeois de ladiēte ville & cité de Paris. Et en ce mesmes temps le Roy estāt encores audit lieu de Paris feit plusieurs honnestes & bōnes cheres en diuers lieux & hostels de Paris, & se tourna moult pacifique. Et en apres il se departit dudit Paris, & print honneste congé pour aller à Amboise, ainsi comme puis apres recite & descrit biē au long ledit Enguerran de Monstrelet en ladiēte chronique: lequel parle bien longuement sur les faits & gestes du Duc Philippe de Bourgogne, & pareillement de son fils ledit Comte de Charrolois. En l'an mille cccc. lxj. 1462. ensuiuant, ne suruindrent pas grandes nouuelles qui fussent guerres de memoire, pour en auoir fait ou descrit aucune mention en chroniques. Et quād au regard de l'année ensuiuāt mille cccc. lxij. ie trouue qu'il fut aucune grande quantité de vins en plusieurs païs, & lesquels furēt assez bons. Puis de la reste des autres choses touchant Princees, seigneurs & dames, ledit Enguerran de Monstrelet en a assez amplement traitēte & descrit: ainsi qu'il peut estre veu & leu au troisiēme & dernier voulume de ladiēte chronique, & en ce mesmes an.

Comment le Roy Loïs vint à Paris, & puis il s'en alla en Picardie: & de là retourna à Roien: & comment le bastard de Rubempré fut prins es marches de Hollande: puis alla ledit Roy à Tours & autres lieux, & vint à Poitiers, où ceux de Paris luy enuoyerent ambassadeurs pour aucunes franchises: semblablement vint audit Roy une ambassade du Duc de Bretagne, qu'ils emmenerent le Duc de Berry: & de la mort du Duc d'Orleans: & comment le Duc de Bourbon scit guerre audit Roy Loïs: & autres plusieurs choses faictes & aduenues en l'an mille cccc. lxij. Toutes lesquelles choses ont esté omises & delaisiées es Chroniques dudit de Monstrelet: & aussi d'aucuns faits & de la mort du bon Pape Pie deuxiesme, & du Pape Paul deuxiesme, outre ce que dit ledit chroniqueur.

1464.



En l'an mille quatre cens lxiiij. vn iour de mardy xv. de May le Roy Loys vint & arriua en sa ville & cité de Paris, qui venoit de Nogent-le Roy: auquel lieu la Royne auoit esté deliurée d'une belle fille. Et ce iour ledit Roy souppa à Paris en l'hostel de maistre Charles d'Orremont seigneur de Mery. Et puis quand il eut traicté d'aucunes ses affaires: il se partit audit mois de May de ladicte ville de Paris, pour aller és marches & limites de Picardie, cuidât illec trouuer les ambassadeurs du Roy Edouard d'Angleterre, pource qu'on luy auoit dit qu'ils deuoient venir par deuers luy: mais routes fois ils n'y vindrent point: & à ceste cause ledit Roy Loys se partit dudit pays de Picardie, pour aller à Rouën & autres lieux de Normandie. Aduint en ce temps qu'un balenier fut prins sur mer és marches de Hollande: dedans lequel Balenier estoit avecques autres vn nommé le Bastard de Rubempré, lesquels furent tous prins prisonniers par aucunes nauires de Flandres. Puis apres ceste-dicte prise, plusieurs Picards & Flamans dirent & publierent que le Roy Loys auoit ainsi enuoyé ledit Bastard, & les autres pour prendre prisonnier le Comte de Charrolois dont toutes fois il n'estoit riens. En ce mesmes temps se partit le Roy dudit pays de Normandie, pour retourner audit lieu de Nogent-le Roy. Et puis s'en alla à Tours, à Chinon, & iusques à Poictiers: auquel lieu alla & fut par deuers luy vne ambassade de Paris, pour luy requerir & impettrer aucunes franchises pour ladicte ville: dont riens ou que peu ne leur accorda, sinon que l'impositio foraine n'auoit plus cours en ladicte ville, qui n'estoit pas vne grande chose: mais encores n'en iouïrent ils point, nonobstant la donation: pource que les gens des Comtes auxquels leurs lettres s'adressoient ne leur voulurent donner sur icelle expedition. Et pareillement enuiron le commencement du mois de Mars en l'an dessusdict, furent les ambassadeurs du Duc de Bretagne audit lieu de Poictiers par deuers le Roy: lequel les ouit exposer aucuns leurs articles touchant le fait dudit Roy, & d'iceluy Duc: lesquels articles ou la plus part furent par le Roy accordez. Et en accordant iceux articles, lesdits ambassadeurs promirent de faire venir ledit Duc de Bretagne audit Poictiers ou ailleurs ou bon plaisir du Roy, pour confermer & entretenir iceux articles accordez par iceluy Roy. Et à tant se departirent les ambassadeurs prenant humble congé du Roy. Puis à leur depart saignirent retourner audit pays de Bretagne, mais ils feirent tout le contraire: car ils partirent dudit Poictiers vn iour de samedi, & ne feirent que quatre lieues: & illec demourerent iusques au lundy ensuiuant, que monseigneur Charles le Duc de Berry frere du Roy Loys partit secrettement dudit lieu de Poictiers absent ledit Roy, & vint iusques ausdits ambassadeurs, qui le recueillirēt & le menerent audit pays de Bretagne à bien grand haste & diligence, doubans que le Roy ne le sceut, afin qu'ils ne fussent fuiuis. Comme de la reste parle aucunement ledit chroniqueur Enguerran au chapitre faisant mention du Duc de Berry. Apres ledit departement du Duc de Berry, ainsi que dit est: & que plusieurs particuliers allerent apres luy au pays de Bretagne, monseigneur le Duc d'Orleans se departit aussi dudit lieu de Poictiers. Et vn peu apres luy suruint vne maladie à Chasteleraut, laquelle le greua en telle maniere qu'il mourut & trespassa en nostre seigneur Iesus-Christ, & puis il fut sepulture en l'Eglise de S. Sauueur au chasteau de Blois. Et tantost apres

apres le Duc de Bourbon feit & porta aucune guerre au Roy & à ses païs, en telle maniere qu'il print toutes les finances estant pour lors au païs de Bourbônnois:lesquelles appartenoiẽnt au Roy. Ledit Duc de Bourbon feit semblablement prendre & arrester le seigneur de Crussol, lequel estoit bon & loyal familier du Roy: pource qu'il passoit lors par les païs du predict Duc avecques sa femme,& plusieurs de ses biens. Tous lesquels furẽt arrestez en la ville de Cofne en Bourbonnois. Vn peu apres aussi pareillement furent prins, & arrestez prisonniers en la ville de Molins audit Bourbonnois, le seigneur de Trainel par auant Chancellier de France, & maistre Pierre d'Oriol General des finances du Roy:lesquels furent longuement detenus & arrestez en ladicte ville de Molins. Puis consequẽment furent deliurez par iceluy Duc & retournerent audit Roy Loÿs. Le mercredy xv.iour du mois de Mars,messire Charles de Meleun lieutenant du Roy,maistre Iean Baluẽ eleu Euefque d'Eureux, & maistre Iean le Preuost notaire & secretaire du Roy, vindrent & arriuerent à Paris en l'hostel de la ville, où illec fut fait lecture d'aucuns articles dont le Roy leur auoit donnẽ charge. Et apres ladicte lecture ainsi faicte (entendu le bon vouloir du Roy) furent faictes en l'hostel de ladicte ville plusieurs belles ordonnances pour la tuition, garde & seurte d'icelle ville de Paris: comme de faire trefbon guet,mettre & alseoir gardes en aucunes portes d'icelle, & les autres fermer & murer:& aussi mettre & apprester les chaines de fer des rues de ladicte ville de Paris en trefbon estat, pour seruir quand mestier seroit. Et semblablement furent ordonnẽes plusieurs autres choses, qui longues seroient à escrire que ie passe pour bresuẽt. Enuiron ce temps furent prins par inuentoire,& mis en la main du Roy tous & chacun les biens de Pierre Morin trouuez & estans à Paris, pource que ledit Morin qui estoit pour lors tresorier du Duc de Berry,tenoit pour ledit seigneur contre le Roy la ville & la tour de Bourges. Et à ceste cause le Roy dõna encores l'office de huissier du tresor qui estoit au predict Morin,à vn nommé Iaques Teste-clere. Consequẽment Anthoine de Chabannes Comte de Dampmartin,lequel sestoit eschappẽ de la bastille de S.Anthoine audit Paris, là où il estoit prisonnier (comme a dit ledit Enguerran) trouua facon & moyen de prendre & auoir sur Geoffroy Cueur fils de feu Iaques Cueur,les places de sainct Forgeul & S.Maurice,où il print & saisit ledit Geoffroy comme son prisonnier.Et avecques aussi print tous les biens qu'il auoit en chacun desdits lieux. Et apres ces choses le Roy Loÿs adressa son chemin deuers Angiers & le pont de Sée, pour sçauoir le vouloir de ceux lesquels ainsi à son deuseu sestoient iniquement partis & absentez de luy,pour aller au païs de Bretagne avecques sondit frere le Duc de Berry. Et pour ce faire auoit ledit Roy Loÿs en sa compagnie le Roy de Cecille, Duc d'Anjou, & le Comte du Maine,& si le suiuoient plusieurs gens de guerre de son Royaume en si grand nombre,qu'on les estimoit estre de vingt à trente mille tous bons combattans. Et apres que ledit Roy Loÿs eut ainsi esté illec vne espace de temps, voyãt qu'il n'y auoit pas aucuns grans affaires, il s'en alla & tira au païs de Berry deuers Isouldum Viarron,le Bourg-de-Dieux & autres places enuiron. Et mena avecques luy vne grande quantite de ses gens de guerre,& de son artillerie.Et adõcques il laissa lesdits Roys de Cecille & Comte du Maine freres & ses oncles de

par la mere, avecques vne grosse cōpagnie de gēs d'armes, pour garder & deffendre q̄ lesdits Ducs de Bretagne & de Berry n'entraissent en Normandie, ne es autres lieux de son Royaume pour le dōmager. Et quād le Roy Loÿs de Frâce fut ainsi arriué au paÿs de Berry, il seiourna illec aucū peu de tēps: & puis il se partit pour aller au paÿs de Bourbonnois, & ne voulut aller en la ville de Bourges, pour ce qu'il y auoit dedās grāde garnison de gens d'armes: desquels estoit cōducteur & capitaine le Bastard de Bourbon pour ledit seignr de Berry. En ceste mesmes année mille cccc. lxiij. le xiiij. ou xv. iour du mois d'Aoust, mourut & trespassa le bō Pape Pie deuxiesme de ce nom, ainsi cōme a d'escrit ledit chroniqueur de Monstrelet: sur quoy est en outre à sçauoir, qu'iceluy Pape Pie deuxiesme, eleu l'an de nostre seigneur mille cccc. cinquante huiet, fut par auant appellé *Ænée Siluius* de la cité de Siene, homme eloquent, grād Orateur & Poète lauré, ambassadeur & secretaire du grand Empereur Sigismond, lequel auoit escrit vn notable traicté au Concile de Basle pour l'auctorité d'iceluy Concile, avecques plusieurs beaux liures & de bōne doctrine qu'il a composez. Il canoniza S. Katherine dudit Siene de l'ordre des freres Prescheurs: en l'an mille cccc. soixante & vn, il manda & rescrit en autres certaines belles epistres latines à plusieurs Princes chrestiens, pour faire passage & croisée contre les Turcs & infidelles. Ainsi que noiamment appert au liure de ses epistoles: & tellement qu'il eut avecques luy plusieurs deldits Princes & seigneurs chrestiens de diuers paÿs, avecques vn grand ost & exercite de vaillās gens d'armes: & si furent mis grande quantité de galées, naües & nauires sur mer bien equippees de gens de guerre, artillerie & ce qu'il conuenoit: dont plusieurs ainsi assemblez parvindrent avecques ledit Pape Pie iusques en la Marche d'Ancone. Auquel lieu venoit à luy le Roy d'Hongrie, avecques vn trefgrād & puissant exercite terrestre. Mais apres toutes telles bonnes & deuotes dispositions & salutaires entreprinſes, ce bon Pape Pie mourut & trespassa en ladicte Marche d'Ancone l'an & iour cy dessus escrit, Dieu le reçoie en Paradis. Cest an dessusdit mille quatre cens soixāte quatre, fut eleu Pape Paul deuxiesme successeur dudit Pape Pie: lequel Paul fut Venitien. Et approuua incontinent la celebration de la feste de ladicte glorieuse vierge Katherine de Siene. Il ayma iustice & eut desir d'amasser richesses, parquoy il commença de faire construire & edifier vn grand Palais de costé l'Eglise de S. Marc à Romme.

Comment le Roy Loÿs fut au paÿs de Bourbonnois, là où il print aucunes villes & chasteaux: & d'aucunes nouuelles & merueilles en la cité de Paris & ailleurs: & comment ledit Roy meit le siege deuant la ville de Rion au paÿs d'Auergne: & aussi plusieurs autres choses aduenues en l'an mille quatre cens soixante cinq, obmises & delaisſées par ledit de Monstrelet iusques à la guerre du Montlehery.



Pres dōques toutes icelles choses, le Roy Loÿs fut au paÿs de Bourbonnois: Auquel lieu enuiron le iour de l'Ascension de nostre Seigneur, l'an mille quatre cens soixante cinq, fut prinſe d'assault la ville & chasteau de S. Amand Lalier: & peu de temps apres luy fut rendue la ville & chasteau de Molucon par composition: dedans laquelle estoient Iaques de Bourbon & trentecinq lāces, qui s'en allerent eux & leurs biēs saufs.

Et

Et iurerent que iamais ne f'armeroient contre ledit Roy. Enuiron ce temps arriuerent à Paris le Chancelier Trainel, maïstre Estienne cheualier, Nicolas de Louuiers, maïstre Iean des Moulins. Par lesquels le Roy eferiuoit à ses bõs manans & habitans de Paris, en les merciant de leurs bons vuloir & loyautez : les priant & exhortant aussi de rechief du bien en mieux cõtinuer. Et par iceux leur madoit qu'il leur enuoyeroit la Royne sa femme, pour accoucher de l'enfant dont elle estoit enceinte audit lieu de Paris, comme en la ville du monde que plus il aymoit. Le ieudy penultime iour du mois de May audit an mille cccc. soixãte cinq, aduint qu'à vn moulin qui est par de la Moret en Galtinois, nommé le Moulin Basset. Et vne hostellerie illec estant, se vindrent loger Iean de la Hure marchant de la ville de Sens, vn sien nepueu & autres en sa compagnie. Et en ladicte hostellerie enuiron minuit, vindrẽt enuiron de trẽte à quarante hommes à cheual tous en armes : lesquels estoient venus desdits S. Maurice & S. Forgeul. Et de ceste hostellerie menerent prisonniers esdits lieux ledit Iean de la Hure, & ceux de ladicte compagnie, ensemble tous leurs biens & bagues qu'ils pouoient auoir avec eux. Et le ieudy sixiesme iour de Iuing audit an mille quatre cens soixante cinq, aduint à Paris en la rue S. Denys, deuant la barbe d'or, qu'un ancien homme bonnetier nommé Iean Marceau se pendit & estrangla en sa maison, & fut le corps trouuẽ mort. Si fut despẽdu & apportẽ au chastellet dudit Paris, pour illecques estre visité. Et apres ladicte visitation faicte, fut enuoyẽ & portẽ pendre ledit corps au gibet de Paris. Et en ce mesmes iour eut vn laboureur demourãt à Clignencourt, nommé Iean Petit qui couppa la gorge à sa femme. En ce mesme tẽps le Bastard & le Marechal de Bourgogne, prindrent les villes de Roye & Montdidier, ainsi que dit Montstrelet. Le dimanche ensuiuant neufiesme iour dudit mois de Iuing, fut faicte à Paris vne moult belle & notable procession generale: En laquelle furent portees les chasses du benoist S. Marcel & de madame sainte Geneuefue glorieuse vierge, avecques plusieurs autres saintes reliques de diuerses Eglises : lesquelles processions vindrent deuotement par belle ordonnance en la grande Eglise de nostre Dame audit Paris, où illecques fut dicte & celebrẽe vne haulte messe de la glorieuse vierge Marie. Et pres ha au peuple vn nommé maïstre Iean de l'Oliue Docteur en Theologie, lequel declaira ladicte assemblée & processio estre faicte pour la santẽ & bonne prosperitẽ du Roy, & aussi de la Royne sa femme & du fruit qui estoit en elle. Et semblablement pour la paix & bonne vnion estre mise entre le Roy & les autres Princes, & pour tous les biens dessus terre. Audit an mille quatre cens soixante & cinq, le Roy estant en Bourbonnois se tira à S. Pourcain: Auquel lieu la Duchesse dudit Bourbonnois & d'Auuergne sa sœur, s'en alla pour parler à luy comme marrie & desplaisante du discord qu'elle veoit entre iceluy Roy, son frere & le Duc de Bourbõ son mary: & pour y cuidoer trouuer aucun bon moyen, ce qui ne se peut faire lors. Et ce temps pẽdant ledit Duc de Bourbon partit & issit de Molins, & alla iusques à Rion au païs d'Auuergne. En ce temps fut ordonnẽ en l'hostel de la ville de Paris que les portes de S. Martin, Montmartre, le Temple, S. Germain des prez, S. Victor & S. Michel seroient murẽes & les ponts leuez, & qu'on feroit le guet de nuit dessus les murs d'icelle ville. En ce mesme temps fut enuoyẽ mettre le siege

deuât S. Maurice, pour lors tenu & occupé par l'adueu dudit Comte de Dampmartin. Et furent à tenir iceluy siege le Baillif de Sens nommé messire Charles de Meleun, & plusieurs gens de commune avec luy. Et encores y fut de rechief enuoyé Anthoine Baillif de Meleun, lequel mena avec luy aucuns archiers & arbalestriers de ladicte ville de Paris. Il aduint en l'an dessusdit, qu'un nommé maistre Loys de Tillieres notaire & secretaire du Roy, tresorier de Carcassonne & grenetier de Sélles en Berry, qui estoit seruiteur de messire Anthoine de Chasteau-neuf, seigneur du Lau, fut tué par infortune & grand accidēt d'un archier qui esprouuoit vn arc, duquel il tiroit vne fiesche contre vn huis, qui estoit deuant luy, qu'à l'heure ledit maistre Loys ouuroit pour issir dehors la maison dont luy vint passer la fiesche tout au trauers du corps. Et incontinent ledit maistre Loys falla ietter dessus vne couchette estant en la chambre, là où rātoist apres il mourut & rendit son ame à Dieu. Et le iour de S. Iean Baptiste vingtquatriesme iour de Iuing : aucuns qui se baignoient à leur plaisir en la riuere de Seine, par infortune se noyerent. Et pour ceste cause de ce il fut crié par les carrefours de Paris, que de là en auant ne fut aucū si hardy de soy plus baigner en ladicte riuere, & que chacuntint par iour deuât son huis, vn seau plain d'eau sur peine de prison & de soixante sols. parisis d'amende. Le incontinent vingtcinquiesme iour dudit mois de Iuing, fut ordonné en ladicte ville de Paris, que toutes les chaisnes de fer des rues de ladicte ville seroient abbattues, & laissées gesir sur la terre es lieux où elles sont ordonnées : & regarder où il y auroit faute pour les amender, & y pourueoir à les trouuer toutes prestes quand befoing en seroit : ce qui fut fait. Et en outre fut aussi enioinct & ordonné à vn chacun de ladicte ville qu'ils farnassent, & eussent prouisiō d'armesures chacun selon son estat pour la garde de ladicte ville : & pour estre tous prests, quād mestier en seroit : Laquelle chose fut ainsi faicte par cedulles enuoyées de par ladicte ville à vn chacun en particulier. 1465. Audit temps mille quatre cens soixante & cinq tous Bourgongnons, Picards, & autres nations de l'obeissance & sous la conduicte du Comte de Charrolois fils du Duc Philippe de Bourgongne, marcherent tant en France par leur outrage & ambition, qu'ils vindrent & arriuerent iusques à Pont-saincto-Maxence, qu'ils trouuerēt moyen d'auoir : & qu'un nommé Mardré capitaine pour maistre Pierre l'Orfeure, seigneur d'Ermonneuille, leur bailla par cōposition & argēt qu'il print dudit Comte de Charrolois. Parquoy de là en auāt entrerēt en l'Ille de France faignant estre pour le bien public, ce que toutesfois n'estoit pas. Ils vindrent à S. Denys deuant Paris & de là à Montlehery, où fut faicte vne grande bataille : ainsi comme amplement escrit ledit chroniqueur maistre Enguerran de Monstrelet. Et comme i'ay aussi desia additionné & recapitulé à la verité au premier chapitre de ce present mon petit ouure : parquoy ie delaisse la reste de toute ceste guerre & bataille rengée, à requerrir es chapitres de cest affaire au dernier volume des chroniques dudit chroniqueur. Or est notamment à sçauoir qu'au commencement de ces choses, le Roy Loys qui estoit adoncques au païs de Bourbonnois, alla mettre le siege deuant la ville de Rion au païs d'Auuergne : Dedans laquelle estoient le Duc de Bourbon, le Duc de Nemours, le Comte d'Armignac, le seigneur d'Allebret & autres. Et auoit ledit Roy deuant ladicte ville vne moult belle & noble

ble armée, autant qu'onques fut guerres veüe, car il auoit plusieurs vaillans & notables gens de guerre iusques outte le nombre de xxiiij. mille hommes combattans. Et apres que ledit siege eut esté ainsi mis deuant ladicte ville de Rion: Voyant à Paris que lesdits Bourgongnos approchoiēt de ladicte ville: il fut ordonné & establi en icelle ville de Paris vn grand guet de cheual, qui alloit toutes les nuicts selō les murs & en ladicte ville, depuis l'heure de minuit iusques au iour apparent. Pour la conduicte duquel guer, y auoit capitaines à ce ordonnez de gens de renom par icelle ville & par chacune nuict. Le lundy deuxiesme iour de Iuliet audit an mille quatre cens soixante & cinq, maistre Iean Baluē Euesque d'Eureux feit le guet de nuit parmy la ville de Paris: Et mena avecques luy la compagnie dudit Ioachin Rouhault avecques clairs & trompettes, & autres instrumens sonnans par les rues, & selon les murs d'icelle ville: ce qui n'estoit accoustumé de faire à gens de guet, & mesmement en iceluy temps. Et le mercredi ensuiuant quatriesme iour dudit mois de Iuliet en l'an dessusdit: le Roy Loys estant deuant ladicte ville de Rion, manda & rescriuit vnes lettres à messire Charles de Melun son lieutenant audit Paris. Semblablement audit Ioachin, & ausdits habitans de Paris par sire Charles de Charlay son cheualier du guet audit lieu de Paris: Par lesquelles lettres le Roy mercioit tresafectueusement lesdits habitans de Paris de leurs bonnes loyalties enuers luy, en les priant & exhortant de tousiours y continuer & perseuerer, pour le grand bien de son Royaume. Et que dedans quinze iours ensuiuans luy & toute son armée seroient à Paris. Et aussi il leur mandoit de bouche par ledit de Charlay certain accord, qu'il auoit fait avecques lesdits Ducs de Bourbon & Nemours, & les sires d'Armignac & d'Albreth. Et comment en faisant ledit accord chacun d'eux auoit promis au Roy de bien loyauté le seruir, & de viure & mourir pour luy. Et par lesdits appointemens iceux seigneurs de Bourbon & autres dessus nommez, promettoient de faire tout deuoir: & de faire traicter la paix audit Roy par les autres seigneurs avecques eux aliez contre luy. Et que pour ce faire, seroient enuoyez de par lesdits quatre seigneurs, certains ambassadeurs deuers le Roy à Paris, dedans le iour & feste de l'Assumption nostre Dame en la my-Aoust prochain ensuiuant, pour traicter de ladicte paix. Et ou cas que lesdits autres seigneurs avecques eux aliez contre luy ne voudroient entendre à icelle paix: Ils promeirent & iurerent à certes, que dorenavant à iamais ils ne farmeroient contre ledit Roy: Et qu'ils viuroient & mouroient pour luy & pour deffendre son Royaume. Et fut tout ce que dit est, ainsi promis par les dessusdits quatre seigneurs au lieu de Moyssiāt pres dudit Rion. Et pour plus amples & seures promesses, ils fobligerēt es mains de deux notaires Apostoliques, voulans & accordans estre incōtinent excommuniez, se par eux ou l'un d'eux estoit aucunement fait le contraire. Et pour les nouvelles dessusdites, fut ordonné & delibéré audit Paris, que le vendredy ensuiuant seroient pour ce faictes processions generalles en l'Eglise de S. Katherine du Val des escolliers audit Paris. Laquelle procession y fut faicte deuotement moult honneste & tresfolennelle. Et y prescha cedit iour maistre Iean Pain-&-Chair Docteur en Theologie. Et le mercredi ensuiuant xj. iour dudit mois de Iuliet audit an mille cccc. soixante cinq, fut publié & fait scauoir par les quat-

refours de ladicte ville de Paris: qu'en chacun hostel d'icelle ville y eut vne lanterne & vne chandelle ardante dedans durant la nuit. Et que chacun mesnage qui auroit aucun chien quel qu'il fut, l'enfermât dedans la maison: le tout sur peine de la hart. Le vendredy prochain ensuiuant, la compagnie, ou la plus part desdits Bourgongnons, vindrent & arriuerēt en la ville de saint Denys en France euz loger illec, pour faire leurs dessusdicte emprinsē deuant ledit Paris & au Montehery: ainsi comme il peut estre veu en la chronique dudit Enguerran de Monstrelet.

Du retour du Roy à Paris apres la iournée de Montehery. Et aussi de certains conseils, ordonnances & executions faictes audit Paris d'aucuns personages. Auecques plusieurs autres choses aduenues apres ladicte iournée oudit an mille cccc. lxxv. Desquelles fest seu & n'a riens escript ledit Enguerran chroniqueur.



Après la iournée du Montehery que le Roy Loÿs xj. de ce nom fut retourné en sa bonne ville & cité de Paris le iedy dixhuitiesme iour dudit mois de Iuillet oudit an mille quatre cens soixante & cinq. Il souppa ce iour en l'hostel de son lieutenant general nommé messire Charles de Meleun. Et selon maistre Robert Gaguin soupperent auecques luy cedit iour plusieurs grans seigneurs & damoiselles & bourgeois de ladicte ville de Paris: auquel lieu il recita son aduēture aduenue audit Montehery. En quoy faisant il declaira plusieurs piteux mots, desquels il pronouqua tous & toutes à plorer & gémir euz escoutans son doux parler. Et puis il dit encores plus, qu'au plaisir de Dieu il retourneroit de rechief & bien briueuement à l'encontre de ses ennemis & qu'il mourroit en la poursuite ou qu'il auroit vengeance d'eux en gardant tousiours son bon droit. Mais toutesfois il feit autrement, pource qu'il fut conseillé pour le mieux. Et aussi il est à noter qu'il fut pour lors assez laschement seruy d'aucuns ses gens de guerre: car s'ils l'eussent tous courageusement seruy comme il se monstra preux & vaillât à ladicte iournée, il eut eu adonques entiere victoire de tous les ennemis. Le lendemain dixneufiesme iour dudit mois de Iuillet vn gentil-homme nommé Laurens de Mory pres de Mitry en France, lequel auoit esté constitué prisonnier en la bastille saint Anthoine audit Paris pour occasion de ce qu'il auoit fauorisé lesdits Bourgongnons & leurs alliez, & les auoit induits & menez en certains lieux & en plusieurs maisons assises en diuers villages d'entour Paris, appartenans à aucuns bourgeois dudit lieu de Paris, pour icelles maisons pillier & prendre les biens desdits bourgeois dudit Paris. Pourquoy ce faisant & avec plusieurs larrecins fut fait son proces sur lesdits cas par aucuns commissaires à ce faire ordonnez, par lesquels fut dit audit de Mory qu'il auoit commis crime ce leze Majesté. Et comme tel le condemnèrent à estre escartelé es halles de Paris avec ses biens & heritages acquis & confisquez au Roy, dequoy ledit de Mory appella en la court de Parlement. Pour reuerence duquel appel fut differé estre executé pour iceluy iour. Et le lendemain iour de samedy: en corrigeant ladicte sentence fut dit par arrest de Parlement que ledit Laurent de Mory seroit pendu & estranglé au gibet de Paris & fut executé cedit iour. Ce mesmes iour de samedy vingtiesme iour dudit mois de

de Iuillet l'an dessusdit mille cccc.lxv. maistre Guillaume Charretier Euesque de Paris & autres conseilliers & gens d'Eglise de ladicte ville, furent deuers le Roy en son hostel des Tournelles pres de la Bastille S. Anthoine : comme des-
 crire ledit Gaguin. Et là fut proposé deuant luy par ledit Euesque, disant plusieurs
 prudetes & honnestes parolles qui toutes tendoient à fin, q̃ le Roy eut à cōduire
 & ordōner de là en auāt tous ses affaires par bō cōseil, ce q̃ le Roy luy accorda.
 Dont fut lors ordonné que des lors iroient au conseil du Roy dixhuiēt sages &
 prudens hommes. C'est à sçauoir six conseilliers de la court de Parlement, six
 autres clercs prins & choisis en l'vniuersité. Et pareillement six bourgeois con-
 seilliers de ladicte ville. Et pource aussi que le Roy veit & cōsidera qu'il auoit
 plusieurs ennemis en son Royaume: Il meit en cōseil & deliberation de trouuer
 plusieurs gens de guerre, avec ceux lesquels il auoit. Et pareillement il fut dit
 qu'il seroit sceu & aduisé combien on en trouueroit à Paris. Et à ceste cause
 fut ordonné que tous ceux de Paris seroient prins par escrit & par dixaines pour
 en prendre de chacune dixaine dix hommes. Ce que toutesfois ne fut fait :
 car il suruint vn si grand nombre de gens de guerre au Roy qu'il ne fut besoing
 de ce faire. Si aduint que le Roy estant encores à Paris, se trouua fort chargé
 d'iceux gens de guerre: pour lesquels payer & souldoyer de leurs gages, luy
 estoit besoing de trouuer aucunes grandes sommes de deniers : car il ne rece-
 uoit riens d'aucunes villes, sur lesquelles lesdits gaiges estoient assignez: pour-
 ce que lesdites villes estoient reuues & vsurpées par aucuns Prince pour lors
 ennemis du Roy, lesquels ne vouloient souffrir estre riens cueilly dudit paye-
 ment en tous leurs pays. Dont ledit Roy fut adoneques contraint de faire
 certain emprunt d'argent sur plusieurs officiers & autres de ladicte ville de
 Paris: ausquels de par luy fut demandé argent à prester, dequoy ils furent re-
 fusans, aumoins de si grande somme qu'on leur demandoit. Et pour leur
 reffus fut dit & declairé à aucuns de par ledit Roy, qu'ils estoient prieuz &
 forclos de toutes leurs offices royaux. Ce qui fut fait à maistre Jean Chan-
 teau greffier en la court de Parlement, maistre Martin Picard conseiller des
 Comptes & plusieurs autres. Et apres plusieurs autres choses en ces entre-
 faites : le vendredy ensuiuant vingtsixiesme iour dudit mois de Iuillet,
 le Roy ordonna qu'il demoureroit deux cens lances à Paris sous la char-
 ge & conduicte du Bastard d'Armignac, de messire Gilles de saint Symon
 Baillif de Senlis, le sire de la Barde, Charles des Marests, & dudit messire
 Charles de Meleun, que le Roy constitua lieutenant pour luy en ladicte ville
 de Paris, à la relation & requeste d'aucuns seigneurs d'Eglise, & des Preuosts
 des Marchans, & Escheuins en ladicte ville. Le lendemain iour de samedi
 vingtsieptiesme dudit Iuillet audit an quatre cens soixante cinq, sur le millia-
 ire vn nommé Jean de Bourges, qui auoit esté clerc & seruiteur de maistre
 Jean Berard conseiller du Roy nostre sire en sa court de Parlement: & lequel
 clerc auoir esté prins & constitué prisonnier avec Gratian Meriodeau & Fran-
 çois Meriodeau son frere, pour occasion de ce queux & autres estoient ti-
 rez du lieu de Paris en Bretagne: par deuers ledit seigneur de Berry en con-
 spirant contre le Roy fut iceluy Jean de Bourges tiré & mis hors de la bastil-
 le saint Anthoine audit Paris & ledit François Meriodeau avec luy: & par

la sentence du Preuost des Mareschaux, furent noyez en la riuere de Seine par le bourreau de Paris deuant la tour de Billy assez pres de ladicte bastille. Et le mardy ensuiuant trentiesme iour d'iceluy mois de Iuillet, ledit Gratian qui estoit notaire du Roy au chastelet dudit Paris, fut pour ce cas pareillement tiré de ladicte bastille comme les autres dessus nommez & noyez au lieu dessusdit. Et semblablement y fut aussi noyé vn pauvre man-ouurier ayde à maçon, lequel par la femme d'un nommé maistre Odo de Bucy, fut enuoyé de Paris à Estampes pour porter lettres audit de Bucy son mary, qui lors estoit aduocat ou chastelet dudit Paris. Et lequel estoit audit lieu d'Estampes avec le frere du seigneur de saint Pol, duquel il estoit seruiteur: estant audit Estampes avecques les autres Princes & seigneurs estans contre le Roy, ainsi que dit est. Et lequel ayde à maçon sollicita & apporta responce desdictes lettres à ladicte femme dudit maistre Odo. En quoy faisant, il auoit gagné chacun iour de son voyage deux sols parisis. Pour lequel cas ledit ayde à maçon fut aussi condamné à mourir, & fut noyé au lieu dessusdit de ladicte tour de Billy apres les autres dessus nommez. Et le lendemain fut fait commandement à icelle femme dudit maistre Odo, de partir & vider hors de la ville dudit Paris. Ce qu'elle feit & s'en alla à saint Anthoine des champs hors ladicte ville, où depuis s'est tousiours tenue iusques à ce que l'appointement fut fait entre le Roy & les dessusdits Princes & seigneurs les contraires. Lesquels depuis vindrent à saint Mor des Fossees, Conflans & deuant Paris apres qu'ils eurent seiourné aucuns iours en ladicte ville d'Estampes: ainsi comme assez amplement descript & recite ledit Monstrelet au troisieme & dernier volume de ladicte chronique. Le samedi troisieme iour d'Aoust audit an mille quatre cens soixante cinq, le Roy ayant vn singulier desir de faire & impartir aucuns biens & soulagemens à ladicte ville de Paris & aux habitans d'icelle: remeit le quatrieme du vin vendu à detail en ladicte ville au huietieme. Et voulut en outre que tous priuilegiez peussent iouir & vser de leurs priuileges, tout ainsi & par la maniere qu'ils auoient fait au temps & durant la vie de son feu pere le bon Roy Charles septiesme, que Dieu absolve. Et outre-plus ordonna encores ledit Roy Loys que toutes les impositions, qui auoient cours en ladicte ville, fussent abbatues & forcloses: Excepté toutesfois les denrées des six fermes vendues en gros en icelle ville: c'est à sçauoir les fermes de la busche, du pied fourché, du drap vendu en gros, du poisson de mer & des autres. Lesquelles choses furent ce mesmes iour publiées à son de trompe par les carrefours de Paris: en la presence de sire Denys Hesselin Eleu sur le fait des aydes de ladicte ville de Paris. Et incontinent apres ladicte publication tout le populaire de ladicte ville de Paris crioit de ioye & à bon droit Noël Noël. Et de ce furent faits les feux parmy les rues dudit Paris. Le dimanche ensuiuant quatrieme iour d'Aoust audit an, Reuerend pere en Dieu maistre Jean Baluë fut sacré Eueque d'Eureux, en l'Eglise nostre Dame de Paris. Et ce mesmes iour le Roy souppa en l'hostel de son tresorier des finances maistre Estienne Cheualier. Et le mardy ensuiuant sixiesme iour d'Aoust en l'an dessusdit mille quatre cens soixante cinq, ainsi que recite Gaguin, fut executé es halles de Paris vn ieune compagnon nommé maistre Pierre de Gueroult natif de Lusignan, lequel fut illec decapité &

puis

puis mis en quatre quartiers par la sentence du Préuost des Mareschaux, pour occasion de ce qu'il auoit confessé estre venu de Bretagne, pour dire & aduertir le Roy que plusieurs capitaines & chiefs de guerre de son ordonnance & retenue estoient à luy cōtraires, ce qu'il disoit pour mettre dissentiō entre le Roy & lesdits gens de guerre. Et aussi pour acculer plusieurs notables personnes de Paris de non estre feaux au Roy. Et avecques ce pour espier & regatder quels gens de guerre & puissance le Roy pouoit auoir: affin de le rapporter ausdits Princes & seigneurs contraires au Roy, pour mieux & plus aisement executer contre luy leurs mauuaise & damnée entreprinse: dont pour ledit cas fut ainsi executé que dit est, & tous ses biens & heritages acquis & confisquez au Roy. En ce temps que les Bretons & Bourgongnons euidōtent passer les riuieres de Seine & Yonne, deux bons & loyaux capitaines pour le Roy, c'est à sçauoir Salezart & Malortie, leur resisterent plusieurs fois moult vaillamment à tout si peu de gens qu'ils pouoient auoir. Et en ce mois d'Aoust ou dit an furent par distribution logez en Paris les francs archiers de Normandie, qui estoient des bailliages de Caen & d'Allençon: c'est à sçauoir ceux de Caen qui auoient iaquettes, où estoit escrit dessus la broderie, Caen, furent tous mis & logez dedans l'hostel & pourpris du Temple. Et les autres dudit bailliage d'Allençon qui auoient iaquettes, où estoit aussi dessus escrit de broderie, *Audi partem*, furent logez au quartier dudit Temple par tout où ils peurent estre logez outre l'ancienne porte dudit Temple. Audit temps le trezieisme iour d'Aoust mille quatre cens soixante cinq, fut crié & publié par les quarefourgs de Paris, que tous ceux de ladicte ville qui auoient marests aux champs d'icelle ville, feissent couper & abbatre tous les faulx & autres arbres estans en iceux, & tout ce dedans deux iours apres ladicte publication: autrement tous iceux faulx & autres arbres estoient abandonnez à tous ceux qui les voudroient abbatre. Et ce mesme iour vint & arriua à Paris le seigneur & Comte d'Eu, comme lieutenant general du Roy: & comme tel fut aussi receu honnestement en ladicte ville. Le mardy ensuiuant quatorzieisme iour dudit mois d'Aoust, vn nommé Cassin Cholet sergent à verge du chastellet de Paris, lequel durant aucune escarmouche faicte deuant icelle ville & par auant la journée dudit Montlehery, auoit crié en courant lors par les rues de Paris, boutez vous dedans voz maisons & fermez voz huis: car les Bourgongnons sont entrez dedans ceste ville de Paris. Au moyen dequoy plusieurs femmes grosses auoient enfanté auant terme, & autres en moururent & perdirent leur entendement. Dont pour ceste cause auoit esté mis en prison ledit Cassin Cholet. Et ce iour adoncques present fut par sentence du Préuost de Paris condamné à estre battu & fustigé par les carrefours de ladicte ville: priué de tous offices royaux, & estre encores vn mois en prison au pain & à l'eau. Et fut ainsi mené battre par lesdits carrefours au cul d'un ord & vil tombereau, dont on venoit de porter la boüe à la voirie, & puis fut remis en prison. En ce mesmes iour arriuerent à Paris deux cens archiers tous à cheual: dont estoit capitaine vn nommé Mignon, tous lesquels estoient assez bien en point. Et en cedit nombre estoient plusieurs portans crannequins, voulges & couleurines à main. Et tout derriere icelle cōpagnie alloient à cheual huit folles femmes pecheresses & vn moyne noir pour leur confesseur.

En ce temps messire Charles de Meleun qui auoit esté lieutenant pour le Roy audit lieu de Paris, fut despoigné de sa charge, & fut baillé audit seigneur de Eu. Et au lieu dudit estat de lieutenant, le Roy feit ledit de Meleun son grand maistre d'Hostel. Et avec ce luy donna le bailliage d'Eureux: duquel lieu aussi il le feit & ordonna capitaine, & de Honneur.

Comment apres ce que les Bourgongnons & Bretons furent raffreschis, ils retournerent eux loger es villages & enuiron à l'entour de Paris: parquoy ceux de la ville firent plusieurs bons & prudents conseils, eux fortifiens & gardans par bonne defence, estant le Roy en Normandie, lequel retourna en brieu temps. Et furent saïstes aucunes monstres, coïffes & saillies de ladicte ville: Estant adoneques lieutenant pour le Roy le Comte & seigneur d'Eu, avec plusieurs autres choses obmises & delaisées par ledit chroniqueur de Monstrelet.



Le iour de la feste de l'Assumption nostre Dame en la my-Aoust mille cccc.lxv. les Bourgongnons & Bretons qui estoient raffreschis en la Brie & au Gastinois, retournerent à Laigny sur Marne. Et le vendredy ensuiuant vindrent loger à Creil, & autres plusieurs lieux sur la riuere de Seine illec enuiron à l'entour de Paris. Et pource qu'on doubtoit aucunement iceux Bourgongnons & Bretons retourner deuant ladicte ville de Paris, attendu l'absence du Roy. Et qu'il fut aussi rapporté qu'un nommé maistre Girault Canonnier de leur party, estoit vanté d'asseoir & sortir son artillerie dessus les voiries deuant les portes de S. Denys, & S. Anthoine audit Paris, pour dommager aucuns lieux d'icelle ville & au long des murs. Il fut ordonné ce iour en ladicte ville de Paris, que de chacū hostel allast le lendemain vne personne esdictes voiries, chacun en son quartier: & tous garnis de pics & pelles pour ruer & resprendre icelles voiries, ou ce qu'il en pourroit estre fait: mais on en feit bien petite chose, puis fut tout laissé. Et à ceste cause furent faïctes & ordonnées plusieurs tauldis, bouleuers & trenchées au long desdits murs, pour la seurte & deffense de ladicte ville & des habitâs, & aussi de ceux qui s'employeroient à la bien garder. Et le samedi ensuiuant audit an plusieurs notables personnage & de diuers estats de ladicte ville, furent par deuers le Comte & seigneur d'Eu lieutenant pour le Roy, auquel ils firent plusieurs belles remonstrances: par lesquelles ils vouloient dire & conclure qu'il luy pleut pour le bié, profit & vilité du Roy, de ladicte ville de Paris & des subiects d'icelle & de tout le Royaume, d'aduiser façon & moyen par deuers lesdits seigneurs de Berry, Bourgongne & Bretagne & autres deuant nommez, d'auoir avec eux aucune bonne pacification ou accord, à l'honneur du Roy & au soulagement & bien de tout le Royaume: ausquelles choses ledit seigneur d'Eu feit responce telle. Que le Roy l'auoit mis & laissé à Paris pour y estre son lieutenant, & en son absence dōner de tout son pouoir prouision à tout ce qui seroit necessaire, tant au Roy qu'au fait du Royaume, & qu'à ce faire estoit bien tenu & obligé: pourquoy il employeroit tout son possible à pourchasser ledit accord & bonne vnion pacifique avecques les seigneurs dessusdits, & que se mestier y estoit l'offroit d'y aller en personne. Et avecques ce furent encorés faïctes plusieurs belles offres ausdits de Paris par ledit seigneur d'Eu & maistre lean de Pôpain-
court

court son conseillicr. Le lundy apres ensuiuant lesdits Bourgongnons & Bretôs s'approcherēt encores plus pres de Paris. Et le lendemain qui estoit iour de mardy ledit seigneur Côte d'Eu lieutenant du Roy, enuoya deuers lesdits seigneurs contraires vn nommé le seigneur de Rambures pour sçauoir de leur intention & qu'ils vouloient dire. Et le lendemain iceluy seigneur de Rambures retourna à Paris, mais de ce qu'il feist par deuers lesdits seigneurs de Berry & les autres en fut peu de bruit. Et le iedy ensuiuant vingtdeuxiesme iour dudit mois d'Aoust, lesdits Bretons & Bourgongnons vindrent faire aucune escarmouche, mais de Paris issirent aux champs plusieurs gens de guerre. Et lors vint vn Breton archier de corps du Duc de Berry accoustré d'une brigandine couuertes de veloux noir à cloux dorez, & vn bicoquet sur son chief gamy de boutons d'argent doré: le quel frappa vn cheval par les flans & cuisse, sur quoy estoit monté vn homme d'armes de l'ordonnance du Roy, lequel retourna à Paris cheut son cheual mort dessous luy: mais incontinent que ledit Breton eut ainsi naturel ledit cheual il vint à luy vn archier de la cōpagnie dudit seigneur d'Eu, qui d'une demie lance le trauersa tout outre le corps, dont tantost cheut mort dessus terre. Et adonques furent prins ses habillemens & son cheual pour amener audit Paris & fut illec laissé le corps mort en seule chemise. En ce temps le Roy feist aller la Royne à Orleans, qui lors estoit à Amboise. Et le iedy ensuiuant dixhuietiesme iour dudit mois le Roy souppa en l'hostel du seigneur d'Armonneuille où il feist grand chiere. Et y mena avecques luy le Cōmte de Perche, Guillaume de Bisheguiot, Durie, Jaques de Creuecueur, mō seigneur de Craō, messire Yues du Sau, messire Gastonnet du Leon, Vuaiste de Mompeldon, Guillaume le Cointe & maistre Regnault des Dormans. Et pour femmes y estoient ma damoiselle d'Armonneuille, la Longue loye & la Duchesse de Longueuil. Et pour bourgeoisies Estiennette de Paris, Perrette de Chaallon & Jeanne Baillette. Et le mardy vingtdeuxiesme iour dudit mois, le Roy alla par deuers lesdits Princes à priuée mesnie sans sa garde iusques à la granche aux merciers, sauf que monseigneur de Berry n'y estoit point. Et le iedy ensuiuant monseigneur le Duc de Bourbon vint parler au Roy en la place deuant Paris par deça la fosse de granche de Ruilly. Et estoit le Roy ce iour le plus honnestement habillé qu'on ne l'auoit point veu deuant: car il estoit vestu d'une robe de pourpre descinte & toute fourrée d'ermine, qui luy seioit beaucoup mieux que ne faisoient les cours habits qu'il auoit portez par auant. Et le samedi ensuiuant mondit seigneur de Charrolois se departit de son ost, & feist crier par tout iceluy sur peine de la hart, que tous ceux de son armées & compagnie, feussent incontinent prests pour aller seruir à l'encontre des Liegeois, qui gastoient & mettoient à feu & à l'espée tout ce qu'ils trouuoient es pays dudit seigneur de Charrolois. Et les dimanches, lundy & mardy ensuiuant monsieur de Berry qui estoit logé à S. Mor-des-Fossez, fut vn peu malade d'une fièvre qui le tint durant lesdits trois iours, & puis fut guery. Et pareillement que deuant le Roy feist ledit iour de lundy les feux & le guet parmy ladicte ville, & redre les chaînes de toutes les rues foraines. Ce mesmes iour de iedy l'an mille quatre cens soixante cinq, estant ledit seigneur de Berry logé à Beauté avec plusieurs desdits autres seigneurs du sang: ainsi q̄ descript & recite ledit de Mōstrelet. le trou-

ve outre plus en autre authentique chronique, & mesmement selon ledit Gauguin, qu'il enuoya aucuns ses heraux à ladicte ville de Paris, qui apportèrent de par luy quatre lettres: les vnes aux bourgeois manans & habitans d'icelle ville. Autres à l'vniuersité: les autres aussi aux gens d'Eglise, & les autres à la court de Parlement. Toutes lesquelles contenoient en effect, que luy & ceux de son sang assemblez, estoient illec venuz pour tout le bien vniuersel du Royaume de France: & que par ladicte ville luy fussent enuoyez cinq ou six notables hommes, affin d'ouïr les causes pourquoy luy & ceux de sondit sang estoient venus, ainsi comme dit est: & en obtempérant ausdictes lettres, & affin que lesdits habitans & autres peussent ouïr & escouter qu'il seroit dit sur celt affaire, furent esleuz & deleguez pour ladicte ville, maistre Iean Choart pour lors lieutenant civil au Chastellet de ladicte ville de Paris, maistre François Halle Aduocat en Parlement & Arnoult l'Villier changeur de Paris. Pour l'Eglise, maistre Thomas de Courcelles Doyen dudit Paris, maistre Iean de l'Oliue docteur en Theologie & maistre Eustache l'Villier aussi aduocat en ladicte court. Pour ladicte Court de Parlement, maistre Iean le Boulenger, maistre Iean le Sellier Archediacre de Brie & maistre Jaques Fournier. Pour l'vniuersité, maistre Jaques Iuing lisant: pour la faculté des arts, maistre Iean l'Villier: pour Theologie, maistre Iean de Montigny: pour Decret & maistre Enguerran, de Parente pour Medicine. Tous lesquels ensemble furent menez, conduits & presentez par ledit Reuerend pere en Dieu maistre Guillaume Charretier Euesque de Paris. Cedit iour vint nouvelles que maistre Pierre d'Oris le general des finances du Roy l'auoit delaisé, & s'en estoit allé rendre audit seigneur & Duc de Berry. Et ce mesmes iour aussi les dessus nommez ambassadeurs de Paris qui ainsi estoient allez à Beaulre par deuers lesdits seigneurs, retournerent en ladicte ville & vindrent arriuer en l'hostel des Tournelles pres la Bastille, où ils trouuerent ledit seigneur d'Eu: auquel ils declairerent ce qui leur auoit esté dit & proposé de par lesdits seigneurs. Et le samedi xxiiij. iour dudit mois d'Aoust apres disner, furent seulement assemblez pour tenir conseil en l'hostel de ladicte ville de Paris, l'vniuersité, l'Eglise, la court de Parlement & autres officiers avecques le corps de ladicte ville, pour ouïr la deliberation & conclure sur la relation desdits ambassadeurs: & en ceste assemblée fut dit & conclud par les oppinans, qu'au regard des trois estats que requeroient estre tenus lesdits Princes & seigneurs, estoit vne requeste iuste: & en outre que passage leur seroit baillé à Paris, & viures pour eux en payant: & aussi en donnant par eux bonne caution, que nul mal ou esclandre ne seroit fait par eux, ou leurs gens en ladicte ville, ne aux manans & habitans d'icelle, & sauf sur tout le bon plaisir du Roy: & à tant iceux ambassadeurs dessus nommez retournerent par deuers lesdits Princes, pour leur reporter ladicte deliberation de ceux de Paris. Ledit iour de samedi au mois d'Aoust en l'an que dessus mille. cccc. lxv. les gens d'armes de l'ordonnance du Roy estant pour lors en ladicte ville de Paris, firent leurs monstres parmy icelle: & pareillement tous les marchans les vns apres les autres, & par ordre qui faisoit bon veoir. Et premierement alloient à pied les archiers dudit Normandie. Apres les archiers à cheual, puis les hommes d'armes des copagnies dudit seigneur & Comte d'Eu, du seigneur de Craen, du seigneur de la Barde & du

predit

predict Bastard du Maine : lesquels pouoient bien estre en tout enuiron de quatre à cinq cens lances bien en point, & sans ceux de pied qui bien estoient de quinze à seize cens hommes, & tous hommes de bonne desfence. Et ce mesme iour le Roy enuoya lettres à ceux de Paris, par lesquelles il leur mandoit qu'il estoit à Chartres avecques son oncle le Comte du Maine, & vn grād nombre de gens de guerre : & que dedans trois ou quatre iours il seroit audit Paris. Et cedit iour vint & arriua l'Amiral de Montauban, & vne grande quantité de gens de guerre avecques luy. Et adonques le Duc de Berry qui estoit allé seul avecques son train à S. Denys, retourna avecques les autres Princes audit lieu de Beauté doubtant fort le retour du Roy. Et aussi le mercredy ensuiuant xxviij. iour dudit mois d'Aoust & en l'an dessusdit, le Roy retourna à Paris ainsi que descript & recite ledit chroniqueur de Monstrelet : mais il a obmis & delaisé ce que j'ay icy diligemment recueilly en autre certaine chronique : car ledit Roy vint adonc audit lieu de Paris, avec sondit oncle le Comte du Maine, le seigneur de Ponthieure & autres : & si ramena son artillerie qu'il auoit menée avec luy, & vne grande quantité de Pionniers qu'il auoit prins audit pays de Normandie : lesquels furent tous logez en l'hostel du Roy à S. Pol. Et de ceste venue du Roy en sa ville de Paris, fut le populaire d'icelle fort resiouy en criant à haulte voix par tout, où il passoit en ladicte ville Noël. Et le lendemain qui estoit ieu dy, vindrent lesdits Bretons & Bourgongnons comme par maniere de vouldre, & vouldroient faire escarmouche deuant ledit Paris. Mais dessus eux issirent & fortirent grand nombre de gens de guerre de l'ordonnance du Roy. Lesquels tant par port d'armes que des grosses serpentines du Roy qui fort tirerent & feirent deuoir, y eut plusieurs desdits Bretons & Bourgongnons tuez & abbatus. Le vendredy ensuiuant vindrent & arriuerent à Paris plusieurs grandes charges de farines & autres viures dudit pays de Normandie. Et entre les autres choses y fut amené de la ville de Mante, deux cheuaux chargez de pastez d'anguilles de Gort, qui furent vendus deuant le chastellet dudit Paris en la place de la volaille. En ce mesmes iour apres disner, issirent dehors ladicte ville de Paris Poncet de Riuiere & ceux de sa compagnie, qui bien pouoient estre de trois à quatre cens cheuaux cuidans trouuer lesdits Bretons & Bourgongnons : lesquels ne se trouuerent point, pourquoy ne fut à lors riens fait : Et la nuict de ce iour les Bourgongnons qui estoient logez à la Grange-aux-merciers, se deslogerent de ce lieu, pource que l'artillerie du Roy portoit de Paris iusques à ladicte Grange. Et au desloger ils abbatirent toute la couuerture dudit lieu, & emporterent tout le preparatif : comme huis fenestres & autres bois pour eux tauldir & faire du feu à leur besoing & necessité. En cedit iour selon ledit Robert Gaguin : le Roy feit dire à cinq des deuant nommez, qu'ils auoient esté à Beauté deuers lesdits Princes, apres la deliberation ainsi faicte que dit est deuant en l'hostel de ladicte ville, qu'ils partissent & voidassent hors ledit Paris : desquels les noms cy sensuiuent. Maistre Jean l'Villier curé de S. Germain l'Auxerrois, maistre Eustache l'Villier & Arnoulx l'Villier ses freres, maistre Jean Choast & maistre François Halle Aduocat en Parlement. Le samedy ensuiuant dernier iour d'Aoust, furent faictes aucunes belles faillies par les portes de S. Anthoine, & de S. Denys : à laquelle porte fut tué vn archier du Roy : & du costé desdits Bretons

& Bourgongnons, furent plusieurs tuez & naurez. Et ce mesme iour le Roy saillit aux champs du costé de son bœlleuert de la tour de Billy: & illec feit passer au trauers de la riuere de Seine de l'autre costé de trois à quatre cens pionniers: lesquels estoient venus du païs de Normandie, pour aller pionner à l'endroit du port à l'Anglois, & deuant Conflans: aussi à l'endroit de la riuere, où estoit le siège desdits Bourgongnons: car on disoit que lesdits Bourgongnons & ceux du party contraire, auoient intention de faire là endroit vn pont pour passer ladicte riuere: pourquoy le Roy meit & ordonna certain nombre de gens de guerre, pour garder & deffendre de faire ledit pont, & passer la riuere illec en ce lieu. Et aussi le Roy passa ladicte riuere apres les pionniers luy estant en vn bac, & sans descendre de sur son cheual. Et le dimanche ensuiuant premier iour de Septembre l'an mille quatre cens soixante cinq, lesdits Bourgongnons meirent & assirent vn pont pour passer ladicte Riuere au port à l'Anglois: mais à l'heure qu'ils cuidoiient passer par sur ledit pont, arriuerent incontinent plusieurs francs archiers & autres gens de guerre pour le Roy, lesquels vindrent asseoir engins & bastons à feu au bout dudit pont: dont ils tirerent à l'encontre desdits Bourgongnons: desquels ils tuerent & naurerent plusieurs, parquoy les conuint reculer. Et de l'autre part de la riuere du costé desdits Bourgongnons, passa l'eau à nage vn Normand: lequel alla coupper les chables & cordes ordonnées à porter ledit pont, dont il sen alla aual l'eau. Et ce iour aussi furent tirez plusieurs coups d'artillerie dedans l'ost desdits Bourgongnons, dont ils furent contraincts d'eux reculer & tirer arriere. Et aussi tirerent les Bourgongnons de leur artillerie audit port à l'Anglois: & y eut vn gentil-homme de Normandie qui eut la teste emportée d'un coup de serpentine. Et adonques en ce temps vindrent & arriuerent à Paris par deuers le Roy deux ambassades pour le Duc de Nemours, & l'autre pour le Comte d'Armignac. Ledit iour aussi fut faicte belle saillie aux champs par messire Charles de Meleun avecques le capitaine Malortie, & ceux de leurs compagnie: lesquels saillirent bien en point pour escarmoucher sur lesdits Bretons & Bourgongnons. Et ledit iour arriuerent en Paris bien enuiron quatre cens hommes, venans du païs & Duché d'Anjou: lesquels portoient voulges & crênequins pour bastons de guerre: & ainsi ils furent menez sur lesdits du party contraire: & à ceste fois furent deux archiers de l'ordonnance du Roy tuez & vn prins, & les gens du Roy tuerent sept Bourgongnons & en prindrent deux. Et encores cedit iour de dimanche fut à Paris à seurté par deuers le Roy le Comte de Sombreffet du Royau-me d'Angleterre, qui estoit en l'ost desdits Bourgongnons: & parla au Roy estant en la bastille saint Anthoine assez longuement. Et puis luy fut donné à boire, & print congé du Roy: lequel pource qu'il plouuoit luy donna sa cappe qui estoit de veloux noir. Le lundy ensuiuant deuxiesme iour de Septembre oudit an, le Comte du Maine qui estoit logé à Paris deuant l'hôtel du Roy, enuoya au Duc de Berry deux muids de vin vermeil, quatre demies queües de vin de beaulne, & vn cheual chargé de pommes, de choux, & de raves.

Cy apres est parlé d'aucuns ambassadeurs esleuz du party du Roy, & desdits Bourgongnons pour communiquer sur leurs differens : & des nobles de Normandie qui vindrent à Paris, pour servir le Roy : & aussi d'aucunes faillies & assaulx donnez, & autres choses aduenues en ce mesmes an mille quatre cens. lxxv. obmises & delaisées par ledit chroniqueur de Monstrelet, iusques à l'appointement fait entre le Roy & lesdits Princes.



LE Mardy deuxiesme iour de Septembre audit an mille quatre cens loizante cinq apres aucuns preparlemens, furent nommez & esleuz aucuns ambassadeurs pour le Roy & lesdits Bourgongnons : afin de veoir & communiquer sur leurs differens : Cest à sçavoir que pour le Roy furent esleuz le Comte du Maine, le seigneur de Precigny President du Parlement de Thoulouse. Et du costé desdits princes & seigneurs contraires, furent nommez le Duc de Calabre, le Comte de S. Pol & le Comte de Diunois. Et ce iour par cas fortuit fut mis & bouté le feu dedans la poudre à canon, qui estoit à la porte du temple : & là estoient huit pieces d'artilleries prestes à tirer, qui au moyen de ce furent deschargées & emporterent le comble du dessus de ladite porte. Et incontinent que lesdits seigneurs ambassadeurs furent ainsi esleuz & nommez, ils preparerent ensemble sur l'accord & pacification d'entre eux : & furent faictes trefues iusques au ieudy ensuiuant, pourquoy ne fut lors faicte aucune chose d'un costé ne d'autre. Mais durant ce temps chacun meit peine de soy fortifier, & conuersioient les vns avecques les autres de chacun des deux parties, iusques audit iour de ieudy, que le Comte du Maine en retournant de l'ost desdits Bourgongnons, dit aux portiers de la porte S. Anthoine audit Paris, qu'ils feissent tous bonne chere, & qu'au plaisir de Dieu avant quel fut huit iours ils auroient tous cause de ioye & chanter Noël : & cedit iour furent encores continuées lesdits trefues iusques au mercredy suiuant. Et le vendredy apres, furent tous iceux seigneurs cōsulter ensemble en la Grange aux merciers, desloubz vn pauillon pour ceste cause illec ordonné. Et ce pendant environ deux mille des plus honnestes Bretons & Bourgongnons vindrent en grandes pompes eux monstrier iusques aux fossez de derriere S. Anthoine des chāps : & aussi illirent de Paris plusieurs personnes pour les aller veoir & parler à eux, combien que le Roy l'eust desfendu & aussi en fut mal content : pourquoy voyant ces choses, fut meü de leur faire ietter plusieurs canons & serpentines, qui estoient chargées en la tour de billy & pres d'illec. Et le Dimanche ensuiuant viij. iour de Septembre feste de la natiuité nostre Dame, le Roy partit de son hostel des Tournelles pour aller à la grande Eglise : & en y allant passa par l'Eglise de la Magdaleine, où illec se fit frere & compagnon de la grande confrarie des bourgeois de Paris : & avecques luy se meirent l'Esque d'Eureux & autres. Et le lundy ensuiuant ix. iour dudit mois de Septembre, lesdits Bretons & Bourgongnons furent prendre & vendanger les vignes de Clignencourt, la courtulle & autres vignobles d'entour Paris : & ainsi feirent vin pour boire, combien que les raisins ne feussent encores meurs. Et à ceste cause les citoyens furent contrains de vendanger toutes leurs autres vignes à l'entour, cōbien qu'elles ne feussent meures, dont furent de trefpetits vins. En ce temps vin-

drent à Paris plusieurs nobles & gentils-hommes de Normandie pour seruir le Roy en ses guerres: tous lesquels furent logez és faulxbourgs de S. Marcel lez ladicte ville. Et entre iceux furent aucuns particuliers qui feirent plusieurs griefs & larcins en iceluy lieu, pourquoy ils furent reprints par aucuns bourgeois de ladicte ville: en laquelle pour ceste cause se voulurent perforce d'entrer outre leurs volentez. A quoy lesdits bourgeois obicierent & furent refusans. Et pour ce refus, iceux de Normandie leur dirent plusieurs iniures & mauuaises parolles, en eux rebellant à l'encontre d'eux; & en les appellant trahistres Bourgongnons, & qu'ils les mettroient bien en point: disans encores de rechief qu'ils n'estoient venus dudit pays de Normandie audit lieu de Paris, que pour les tuer & piller: desquelles choses comme dit maistre Robert Gaguin, furent faictes informations à la plainte de ceux dudit Paris: lesquels se sentirent fort iniuriez desdictes parolles: dont les informations faictes & veuës deuement, le principal malfacteur & prononceur d'icelles parolles, fut condamné à faire amende honorable deuant l'hostel de ladicte ville: c'est à sçauoir à la personne du Procureur d'icelle pour toute la ville: laquelle amende il feit publiquement le chief descouuert, descint & vne torche au poing, en disant par luy que faulsement & mauuaiseement il auoit menty en disant lesdictes parolles, en priant & regrant, icelles luy estre remises & pardonnez: & apres eut la langue percée d'un fer chault, & fut banny pour son demerite. Et le lundy suiuant aucuns Bourgongnons se vindrent monstrier deuant Paris: entre lesquels estoit le Comte de S. Pol, auquel pour parler issit le Roy dehors Paris & parlerent ensemble enuiron deux heures: puis pour soy retourner seurement le Roy bailla pour luy en ostage le Comte du Maine, lequel demoura en l'ost desdits Bourgongnons iusques au retour dudit seigneur de S. Pol. Et ce mesme iour selon ledit Gaguin le Roy retournant des champs dit à plusieurs de Paris estans à ladicte porte saint Anthoine, que lesdits Bourgongnons ne leur donneroient plus tant de peine comme ils auoient fait: & qu'il les en garderoit bien. Et lors vn procureur de Chastellet nommé Pierre Beron luy respondit, voire Sire: mais ils vendagent noz vignes & mangent noz raisins sans y sçauoir remedier. Et le Roy repliqua qu'il valloit mieux qu'ils vendangeassent leurs vignes & mangeassent leurs raisins, qu'ils veinssent dedans Paris prendre leurs raisins & vaillant, qu'ils auoient mis & mussé dedans leurs caues & celliers. Et le vendredy ensuiuant vindrent & arriuerent és halles de Paris deux cens cheuaux tous chargez de marée & de diuerses sortes, en despit & malgré tous lesdits Bretons & Bourgongnons & autres: lesquels auoient menassé ceux de ladicte ville de leur faire manger leurs chars & rats par grande famine. Et depuis furent lesdictes trefues continuées par deux ou trois fois iusques au dixhuitiesme iour de Septembre: lequel temps durant lesdits Bretons & Bourgongnons se auitaillerent fort en leur ost, à la grand charge & foule de tout le pays & du peuple. Et n'est point à douter, que se le Roy eust voulu dire auant, & habandonner pour aller frapper sur lesdits Bourgongnons (pourueu qu'il eust esté bien seruy de ses gens de guerre avecques les nobles & peuple de Paris, qu'ils auoient bone volenté d'eux employer) il eust subiugué & mis tous lesdits ennemis en tel estat, que iamais ne fussent retournez dont ils estoient partis, pour venir ainsi deuant ladicte ville de

Paris

Paris par leur fier outrage. Le mercredy xvij. iour dudit mois de Septembre, nonobstant le preparé desdits ambassadeurs de costé & d'autre, fut tout rompu & perdu tout le bon espoir qu'on eu par auant. Et cedit iour fut totalement desesparé le siege, que le Roy auoit fait audit port de l'Anglois, parquoy tous les gensd'armes estans audit siege, s'en vindrent retraire & loger aux Charioux, là où furent logez six cens hommes de guerre avec leurs cheuaux: & tellement en fut remply ledit lieu, que les saints hommes religieux de leans en furent dechassez & boutez hors de leurs celles & lieux de deuotion. Et le lendemain iour de ieudy fut vn grand conseil & assemblée en la chambre des comptes: auquel lieu avec autres furent les seize quarteniers & les cinquanteniers: & de chacun desdits quarteniers six hommes notables avec aucuns conseilliers de la Court de Parlement, officiers & autres. Et illec le Chancellier dit Moruillier, dit & exposa de par le Roy, comment il festoit grandement mis en son deuoir, d'auoir offert & présenté aux Princes & seigneurs qui estoient deuant Paris, aux demandes qu'ils luy faisoient pour l'apanage de son frere le Duc de Berry: pour lequel ils demandoient auoir la Duché de Guyenne, Poitou & le pays de Xaintonge ou la Duché de Normandie. A quoy fut dit & respondu par ledit conseil ainli assemblé, que le Roy ne luy pouoit pas bailler ne desmembrer de la couronne. Et depuis le Roy luy offrit de bailler les pays de Champagne & Brie, reserué à luy Meaux, Mōstrean & Meleun pour ledit apanage. Et ausdiis de Charolois & autres seigneurs feit plusieurs grans offres pour leurs deffraiemens, ce qu'ils ne deuoient refuser: mais riens ne voulurent accepter & ainli demoura le tout iusques au vendredy suiuant. Ce iour de vendredy le ieune Senechal de Normandie issit hors Paris avec enuiron six cens cheuaux, de bons hommes de guerre pour escarmoucher, & eux monstrent deuant leldits seigneurs contraires, où ils seirent tresuaillement. Et dedans les vignes pres S. Anthoine des champs, furent prins enuiron xxiiij. pillars, larrons Calabriens, & Bourgonnons comme tous nuds & mal en point, que tous furent vendus au butin, & en donnoit on quatre pour vn escu d'or. Qui estoit pour lors audit pris de vingt six soubz six deniers Parisis la piece. Le samedy ensuiuant au point du iour enuiron la fin du mois de Septembre audit an mille cccc. lxy. les Bretons prindrēt la ville de Ponthoife sur le Roy, ainli comme dit simplement ledit Enguerran chroniqueur: mais plus outre descript ledit Gaguin en la chronique d'iceluy Roy Loÿs xj. Qu'un nommé Loÿs Forbier pour lors Lieutenāt audit Ponthoife de Ioachin Rouhault Marechal de France, par fauce & mauuaise trahison qu'il feit & conspira contre le Roy son souuerain seigneur, meit & bouta dedans ladicte ville leldits Bretons & autres adonc ennemis dudit Roy. Et iceluy Loÿs faisant par luy ladicte trahison, meit & decreta en son appointement; que ceux qui estoient audit lieu de Ponthoife de la compagnie dudit Ioachin, qui ne voudroient demourer s'en iroient sauement eux & leurs biens saufs: & incontinent qu'il eut ainli baillé & deliuré ladicte ville, & s'en partit luy & aucuns de sa compagnie, & allerent deuant Meulant porter & monstret la croix blanche enseigne du Roy, affin que ceux estans audit lieu les boutassent tantost dedans sans en faire difficulté: mais auant la venue ceux dudit Meulant estoient aduertis d'icelle trahison, dont incontinent qu'il fut apperceu par les-

dits de Meulant qui ja estoient en armes dessus les murs, ils luy crièrent à haute voix: allez faux & desloyal traistre: en ce disant luy ietterent aucuns engins de ladicte ville, & par tant fut contrainct de soy retirer audit lieu de Ponthoise tout remply de honte & vergongne. Et le dimanche ensuiuant au point du iour, les dessusdits ennemis vindrent comme par maniere de refueil, & faire escarmouche deuant Paris deuers la porte S. Anthoine, & estoient vn grand nombre. Mais d'icelle ville leur furent incontinent iettez plusieurs traicts de canons & serpentines, & autres artilleries. Parquoy ils desplacerent adonques, & se retirerent arriere. Et le lundy suiuant apres (comme recite ledit Gaguin) apparut de nuict à ceux qui faisoient le guet en ladicte ville, comme vne commette embrasée de feu, qui vint des parties dudit ost: laquelle sembla cheoir dedans les fosses d'icelle ville à l'environ de l'hostel d'Ardoise, dont plusieurs furent espouventez non sçachans que ce pouoit estre. Mais cuidans que ce eust esté vne fusée ardante, illec iettée & enuoyée par lesdits Bourgongnons. Si fut ceste chose incontinent rapportée au Roy estant en son hostel des Tournelles: lequell comme diligent Prince monta tantost à cheual & sen alla dessus les murs à l'endroit dudit hostel d'Ardoise, & y demoura grande espace de temps. Et si feit adonques tous assembler les quartiers de Paris, pour aller chacun en sa garde dessus lesdits murs: mais il ne fut pour lors veu ne ouy aucun effroy du party desdits Bourgongnons. Et en ce mesme temps lesdits ennemis Bretons & Bourgongnons ainsi logez deuant Paris, feirent plusieurs ballades, rondeaux & libelles diffamatoires, & autres choses pour blasmer & vituperer aucuns bons seruiteurs estans pour lors à l'entour du Roy, affin qu'à ceste cause le Roy les print en sa mal-vueillance, & les dechassast de son seruice pour iceux ennemis mieux & plus facilement paruenir à leur damné vouloir. Vn soir enuiron deux heures de nuict maistre Iean Baluë Euesque d'Eureux, fut guetté & accueilly par aucuns ses ennemis en la rue de la Barredu-Bec: lesquels vindrent frapper sur luy d'espées & bastons, dont fut blefcé: en telle maniere qu'il luy conuint prendre la fuite estant monté dessus sa mulle: laquelle comme toute esgarée l'emporta iusques au cloistre de nostre Dame en son hostel, dont elle estoit partie. Et de ce fut marry le Roy, pourquoy il ordonna en faire aucune information: mais on ne peut sçauoir qui c'estoit, parquoy tout demoura en ceste maniere sans riens en sçauoir: combien qu'aucuns dirent depuis que ce auoit fait faire le seigneur de Villier-le-boscage, pour l'amour d'une nommée Ieanne du bois, de laquelle il estoit amoureux. Et en ce temps vn nommé Alexandre l'Orget natif de Paris, qui estoit homme d'armes soubz l'Ordonnance du Roy & à la charge du seigneur de la Barde, sen alla & absenta dudit Paris luy cinquiesme, pour soy aller rendre au Duc de Berry estant pour lors à S. Denys, où ledit l'Orget emporta sa male & toutes ses bagues. Le ieudy ensuiuant enuiron la fin dudit mois de Septembre, vindrent en l'hostel de la ville de Paris plusieurs grandes plaintes par aucuns des bourgeois d'icelle ville, eux complaignans & faisant doléances de certaines mauuaises parolles mal sonâtes, que disoient & publioient plusieurs gens de guerre estans en ladicte ville contre lesdits bourgeois manans & habitans d'icelle, pour y donner prouision. Et estoient lesdictes parolles telles proferées & dictes en substance par iceux gens de guerre. Le regnie,

& au-

& autres villains fermens. Les biens qui sont à Paris, ne aussi la ville ne appartient à ceux qui y sont demourans ne residens: mais sont à nous gens de guerre, qui y sommes presentement: & voulons bien que vous sçachez que malgré voz visages nous porterons les clefs de voz maisons, & vous en ietterons dehors vous & les vostres: & se vous en caquetez nous sommes assez en Paris pour estre maistres de vous tous. Et entre les autres dit vn fol Normand à la porte de S. Denys. Que ceux de Paris estoient bien simples de penser que les chaînes de fer tendues au trauers de leurs rues, leur peult valloir à l'encontre d'eux. Par lesquelles parolles ainsi mal sonnans (que dit est) fut soudainement ordonné par aucuns en l'hostel de ladiète ville, ausquels ledictes parolles furent ainsi dictes & raportées: que ceste nuit chacun quarternier de Paris seroit leu grans feux allumez par toutes les dixaines de son quartier: & que chacū seroit en armes & sur sa garde deuant lestdits feux. Et si furent aussi ordonnez toutes les chaînes des rues foraines estre tendues, ce qui fut fait: & ainsi veilla chacun iusques au point du iour. Et ceste nuit fut grand bruit, que la Bastille S. Anthoine fut laissée ouverte pour donner entrée dedans Paris aux ennemis, qui estoient deuant. Et si furent trouuez ceste nuit aucuns canons pres dudit lieu, dont les huis des chambres estoient fermez & enclouez: afin qu'ils ne peussent seruir quand mestier seroit. Et desdits feux & du grand guet qui y fut fait, & ainsi ordonné que dit est, furent lestdits capitaines qui estoient à Paris moult esbahis: pourquoy aucuns d'eux se retirerent en la chambre du Roy en son hostel des Tournelles audit Paris, sçauoir à luy se c'estoit de son ordonnance & commandement que lestdits feux & guet estoient ainsi faits & ordonnez, ou de par qui c'estoit. Lequel Roy dit & respondit qu'il n'en sçauoit riens. Parquoy le Roy manda incontinent venir à luy sire Jean l'Villier pour lors Clerc de ladiète ville: lequel vint bien diligemment, & luy certiffia que lestdits feux & guet estoient fais à toute bonne fin, & de ce asseura le Roy & lestdits capitaines. Et nonobstant ordonna à messire Charles de Meleun, qu'il allast en l'hostel de la ville & par tous les quartiers d'icelle, dire, qu'on laissast lestdits feux & que chacun l'allast coucher: dont riens n'en voulurent faire lestdits habitans, mais demourerent ainsi armez iusques au iour. Et maintenoient plusieurs depuis que ce fut grace de Dieu, & que s'ils s'en fussent allez & departis, ladiète ville estoit perdue & destruite. Et que lestdits de deuant Paris y feussent entrez par ladiète Bastille, & par ce demourée ladiète ville destruite & du tout desolée.

Et le vendredy ensuiuant vindrent à Paris deux poursuiuans, l'un de Gisors qui vint dire au Roy qu'il enuoyast secours en ladiète ville, & que deuant y auoit bien cinq ou six cens lances. Et que dedans icelle n'y auoit nulles gens de guerre de par le Roy. Et si n'auoient aussi nulle artillerie, pouldres ne autres defences. Et l'autre poursuiuant estoit aussi enuoyé au Roy de par Hue des vignes escuyer, homme d'armes de l'ordonnance dudit seigneur sous la charge & compagnie du seigneur de la Barde: Lequel Hue estoit lors à Meulant: par lequel poursuiuant estoit mandé au Roy, que ledit des Vignes auoit sceu par gens de foy, que les Bretons & autres auoient entrepris d'entrer à Roien tout ainsi qu'ils auoient fait à Ponthoïse: & par dedans le chasteau ou Palais de ladiète ville, afin qu'il y pourueust. Et cedit iour de vendredy lestdits ambassadeurs

ordonnez de chacun costé disnerent à S. Anthoine des champs dehors Paris. Et là leur fut enuoyé de par le Roy pain, vin, poisson, & tout ce que mestier leur estoit pour ledit disner. Et fut illec aussi porté en vne charrette plusieurs des côptes rendus en la châtre des côptes à Paris, des pays & villes de Champagne & Brie. Et le samedy ensuiuant leldits ambassadeurs de costé & d'autre, furent de rechief assemblez en deux parties. C'est à sçauoir môseigneur du Maine, & ceux de sa compagnie pour la partie du Roy avecques les autres Princes & seigneurs estans dehors tous en la Grâche-aux-merciers. Et pour le Roy audit S. Anthoine des champs y estoient ordonnez, maistre Estienne Cheualier tresorier de Frâce, maistre Arnould Bouchier & Christofle Paillart cōseillier des côptes. Et les cōmissaires de l'autre partie estoient Guillaume de Bische, maistre Pierre Doriolle, maistre Iean Berart, maistre Iean Compaing, vn autre Licencié efcumans latin, & maistre Ythier Matchant, & ce iour ne firent que peu de chose. Cedit iour le Roy receut lettres & de la vesue messire Pierre de Brezé : par lesquelles luy mandoit qu'elle auoit fait prendre le seigneur de Broquemont capitaine du Palais de Roüen, pource qu'elle se souspeçonnoit dudit cas : & qu'il n'eust aucune doubte de ladiète ville de Roüen, du bout du pont du Palais, & des habitans d'icelle : & que tous ils se trouueroient bons & loyaux euers luy. Et le dimanche ensuiuant au point du iour, se vindrent rendre au Bouleuert de la tour de Billy sept hommes, qui estoient eschappez prisonniers de l'ost desdits Bourgongnons : dont il en y auoit quatre facteurs de marchans d'Orleans, deux autres facteurs de marchans de Paris, & vn Flamant, qui tous auoient esté condamné à estre pendus par leldits Bourgongnons : pource que depuis leur prinse n'auoit eu personne qui les eust pourchassez. Et rapporterent que le mercredy precedent, fut tirée vne serpentine de la tour de Billy dedans l'ost desdits Bourgongnons : laquelle d'vn seul coup tua sept Bourgongnons, & en blessa plusieurs. Ce iour apres disner vindrent nouvelles au Roy que Roüen estoit prins par môseigneur le Duc de Bourbon, qui y entra par le chastel de Roüen du costé des champs : le vendredy au soir precedent, par le moyen de la vesue messire Pierre de Brezé, à qui le Roy auoit fait moult de biens & où il auoit grand fiance. Et conduisoit le fait d'icelle vesue l'Euesque de Bayeux, & ledit maistre Iean Hebert & autres. Et au moyen de ladiète prinse quād les seigneurs de dehors Paris sceurent icelle, ils donnerent responce au Roy, que monseigneur Charles frere du Roy qui par auant se feust contenté de Champagne & Brie, n'auoit point d'autre ampanage que la Duché de Normandie : laquelle chose feit le Roy par force & contraincte. Et poutce qu'il n'y pouoit remedier, bailla à mondit seigneur Charles pour son ampanage ladiète Duché de Normandie, & reprint à luy la Duché de Berry. Et apres que le Roy eust baillé ladiète Duché de Normandie audit monseigneur Charles, il fut apres contrainct de recompenser tous leldits Princes & seigneurs de leurs armes & interests qu'ils auoient fait conte luy, qui tous les butinerent. Ainsy comme assez amplement le descript & recite ledit chroniqueur maistre Enguerran de Monstrelet au tiers liure de sa chronique. Le chapitre deuant les lettres royaux du traité des Princes à Conflans.

Comment apres le traité fait à Conflans entre le Roy & lesdits Princes de son sang, furent portez viures aux existans deuant Paris, Bretons, Bourgongnons & autres avec lesdits Princes, en payant deuëment lesdits viures. Et cōment le Comte de Charrolois en faisant sa monstre se declaira estre vassal & seruiteur du Roy, & aussi luy feit hommage le Duc de Berry & les autres. Et la publication du traité, avec plusieurs autres nouuelles aduenues audit Paris.



Edit iour fut crié à Paris de par le Roy que chacun portast des viures & autres choses pour aitailler & reuestir lesdits Bourgongnons & Bretons, laquelle chose fut faicte. Et incontinent que ledit cry fut fait, plusieurs marchans de Paris y porterent grand foison de viures aux champs deuant sainct Anthoine : lesquels viures y furent incontinent bien recueillis par lesdits de l'ost, qui y vindrent de toutes pars : & acheptoient iceux viures ce qu'on leur faisoit, par especial pain & vin : car lesdits de l'ost estoient tant affamez, les iouës velues & li pendans de malheureté qu'ils auoient longuement enduré, que plus n'en pouoient, & la plus part estoient sans chausses & soulliers, plains de poulx & d'ordure. Et entre autres vindrent & arriuerent ausdits viures plusieurs, Liffrelofres, Calabriens & Suisses, qui auoient telle rage de faim aux dents, qu'ils prenoiēt fromages sans peler & mordoient à mesmes : & puis beuuoient de grās & merueilleux traicts en beaux pots de terre, & Dieu sçet en quels nopces ils estoient : mais ils ne leur estoient pas franchises pource qu'ils payoient bien leur escot. Et plusieurs autres choses y eust faictes ce iour, qui sont cy passées pour cause de briefueté : mais chacun peut sçauoir que c'est chose incomprehenfible & inestimable que la puissance de Paris : car lesdits Bourgongnons, Bretons, Calabriens, Bourbonnois, Picards & autres ainsi estant deuant Paris, que dit est, qu'on estimoit à bien cent mille cheuaux après l'appoinctement fait : & ceux de Paris qui estoient trois fois plus, furent tous fournis & nourris des biēs de ladicte ville par moult grand espace de temps, & sans riens encherir. Et apres leur partement y fut encores beaucoup meilleur marché que deuant n'auoit esté. Et le iedy ensuiuant ne fut riens fait sinon que tousiours on auitailloit lesdits de l'ost. Et aussi ce mesmes iour le Roy avecques peu de gens alla iusques ioignant de Conflans parler audit seigneur de Charrolois : laquelle chose sembla à toutes personnes voulans son bien, estre simplement fait à luy. Et de ce se faroient & mocquoient les Picards & autres de leur party, qui en disoient tels mots. Et reuoitiez vo Roy qui parle à no seigneur de Charrolois, & a passé à deux heures qu'ils y sont, & par foy se vouliōs il est à no commandement.

Et le vendredy ensuiuant quart iour dudit mois le Roy ordonna de ladicte porte sainct Anthoine, qu'on laissast entrer lesdits Bourgongnons en icelle ville dont plusieurs y vindrent à ceste cause & en grand nombre qui y feirent plusieurs excès & maistrises : ce qu'il ne leur eust pas esté souffert, qui bien eust sceu que le Roy ne s'en fut point courroucé. Et à cause de la permission d'icelle entrée, y eut vn Bourgongnon entre les autres, qui voulut entrer en icelle ville par ladicte porte S. Anthoine cōtre le gré des portiers illec estans : & mesmemēt d'un de la cōpagnie dudit Bastard du Maine, qui gatdoit le guichet de ladicte porte

S. Anthoine. Et pour le reffuz que feit ledit archier audit Bourgongnon d'entrer dedans ladicte porte & en icelle ville, ledit Bourgongnon bailla à iceluy archier en entrebaillant ledit guichet, d'une dague dedans le ventre: & incontinent ledit Bourgongnon fut prins & merueilleufement battu & nauré, & le voulurent plusieurs tuer, ce qui leur fut deffendu: mais on feit assaouir ces choses au Roy, qui ordonna que on le menast audit seigneur de Charrolois pour en faire iustice, lequel y fut incontinent mené. Et tout aussi tost qu'il fut vers luy arriué, & qu'il fut aduertý des choses dessusdictes, le feit pendre & estrangler à la iustice estant pres du pont de Charenton. Ce iour aussi le Roy ordonna que en chacun quartier de Paris fust fait des feux: & ceux desdits quartiers de ladicte ville estre illec en armes, & qu'en chacun desdits carrefours y eust vn notable homme eleu pour parler aux passans parmy les rues, & scauoir qu'ils estoient, & où ils alloient: & ce iour fut esclipsé de Lune. Et le Dimenche ensuiuant plusieurs des seigneurs de l'ost vindrent soupper à Paris avecques le Roy, en l'hostel de sire Jean l'Villier Clerc de ladicte ville de Paris. Et là sy trouuerent plusieurs dames, damoyelles & autres nobles femmes d'icelle ville. Et cedit iour Sallezart capitaine & vingt hommes d'armes de sa compagnie, furent aux champs dehors Paris & issirent par la Bastille de S. Anthoine: pource que la porte estoit gardée & deffendue de par le Roy, que homme n'ist hors d'icelle ville. Mais à les bouter dedans on n'y en mettoit que dix à vne fois: car on leuoit le pont leuiz deuers ladicte place, & les menoit on aux champs & puis reuenoit on querir les autres dix, pour aussi faire passer aux champs. Tous lesquels vingt hommes d'armes estoient vestus & habillez de hocquetons de camelot violet à grans croix blanches: & auoient belles chesnes d'or autour du col, & en leurs testes cramignolles de veloux noir à grosses houppes de fil d'or de chippre dessus. Et tous leurs cheuaux estoient couuers de campanes d'argent. Et au regard dudit Sallezart, pour deffence de ses gens, il estoit monté dessus vn beau coursier, à vne moult belle housure toute couuerte de tranchouers d'argent: dessus chacun desquels y auoit vne grosse campane d'argent dorée. Et tour deuant ladicte compagnie alloit la trompette dudit Sallezart, monté dessus vn cheual grison: lequel en courant au long des fossiez d'entre ladicte porte S. Anthoine & le bouleuert de la tour de billy: ledit cheual cheut dessoubs ladicte trompette si tres lourdement, qu'icelle trompette se rompit le col. Et le lundy ensuiuant vint nouuelles à Paris, que le seigneur de hautbourdin & le seigneur de Saueuses auoient prins Peronne, & le Comte de Neuers qui y estoit dedans. Et cedit iour eschapperent trois prisonniers des prisons de Tizon: dont l'un auoit esté cause avec Loys Sorbier, de bouter les Bretons & autres dedans Ponthoise, & estoit de la cõpagnie Ioachin Rouhault. Ce iour aussi se print le feu à Paris en vne maison en Champ-gaillard, dont le Roy en eut vn peu de paour. Et ordonna pour ceste cause qu'on en feit faire des feux par tous les quartiers de Paris, & les habitans armez deuant iceux: & le guet fut renforcé, ce qui fut fait.

CEDIT mois d'Octobre furent aucunes gens de guerre du party dudit de Bourgongne deuant la ville de Beauuais, pour sommer les prelais & populaire d'icelle, d'eux rendre & mettre és mains dudit seigneur de Bourgongne, & ladi-

Et

cte place aussi: lesquels Prelats & habitans prindrent ladicte sommation par es-
 crit & l'enuoyerent au Roy, qui incontinent l'enuoya au seigneur de Charro-
 lois, avec lequel il auoit fait paix & trefue. Lequel Charrolois rendit responce
 que ce n'estoit point de par luy qu'on faisoit ledictes sommations, en disant que
 le diable peut emporter ceux qu'ils faisoient tels, & qu'ils faisoient plus qu'on
 ne leur commandoit. Et dit le Roy audit seigneur de Charrolois, que puis que
 appoinctemēt auoit esté fait entre eux, qu'il ne failloit plus vser de telles voyes:
 & si luy dit plus le Roy qu'il luy dōneroit ladicte ville de Beauuais s'il vouloit.
 Et le mercredy ensuiuant neufiesme iour dudit mois fut ordōné de par les pre-
 uosts des Marchans & Escheuins de ladicte ville, que chacū quartenier & dize-
 nier d'icelle ville, feissent faire des feux és lieux accoustūmez de les faire: & que
 toutes les chaisnes des rues foraines fussent tendues: & que chacune petsonne
 fut veillant deuant lesdits feux, laquelle chose fut faicte. Et le ieudy ensuiuant
 vint ledit seigneur de Saueuses, & arriua en l'ost desdits Bourgongnons à tout
 grand puissance de gens, qui amenoient certaine grand somme d'or & d'argent
 pour faire le payement des gens de guerre dudit seigneur de Charrolois. Et ce
 iour aussi le Duc de Bretaigne eut son appoinctement avecques le Roy nostre
 sire, de ses vacations, fraiz & mises de luy & son armée, pour estre venu contre
 luy & son Royaume deuant Paris, avecques les autres Princes & seigneurs des-
 sus nommez. Et en faisant ledit appoinctement luy fut rebaillee sa Comté de
 Montfort, & autres avecques grand somme de deniers. Et le vendredy ensui-
 uant vint en l'hostel de ladicte ville maistre Jean Boulengier President en Par-
 lement, dire illec de par le Roy nostre sire, qu'on feist assaioir aux quarteniers
 & dizeniers de ladicte ville, & de main en main au populaire d'icelle, qu'on ne
 s'esbahit point se on veoit la puissance des Bourgongnons venir ce iour deuant
 Paris: & que ce seroit pour illecques faire leurs monstres. Et nonobstant ce n'y
 vindrent point ce iour: mais les feirent depuis le pont de Charenton iusques au
 bois de Vincennes, & se monstrent grand puissance. Et là le Roy se trouua
 pour veoir icelles monstres bien simplement, comme de luy quattiesme seule-
 ment: c'est à sçauoir le Roy, le Duc de Calabre, le seigneur de Charrolois, &
 monsieur de S. Pol, ainsi comme descrit ledit Enguerran de Monstrelet: mais
 non pas en telle maniere, pourquoy ie l'ay ainsi laissé. Et quand lesdictes mon-
 stres furent faictes, le Roy s'en retourna par eaüe à Paris: & auant son partemēt
 & en sa presence, ledit seigneur de Charrolois dit à tous lesdictes gens de guer-
 re ces mots. Mes seigneurs vous & moy sommes au Roy mon souuerain sei-
 gneur, qui cy est present pour le seruir toutes les fois que mestier en aura. Et le
 samedy ensuiuant douziesme iour dudit mois d'Octobre quatre cens soixante
 cinq, vint nouuelles que la ville d'Eureux auoit esté baillée & liurée aux Bre-
 tons, par vn nommé messire Jean le Beufcheualier, qui les bouta en ladicte vil-
 le le mercredy precedēt iour de S. Denys, ainsi que les bourgeois & habitans
 de ladicte ville alloient en vne procession hors d'icelle ville. Et ainsi qu'ils issi-
 rent par l'une des portes d'icelle en allant à ladicte procession, lesdictes Bretons
 entroient en ladicte ville par vne autre porte. Et le seiziesme iour d'iceluy mois
 d'Octobre, aduint qu'on aduertit le Roy qu'il y auoit entreprinse faicte sus sa
 personne par aucuns ses ennemis, de le prendre ou tuer dedans ladicte ville. Et

pour soy engarder & dormir seurement ordonna expressement, qu'on feist grâd guet & garde en ladicte ville, tant sur la muraille que dedans: & que par chacû quartier & rue feussent faits les feux, ce qui fut fait. Et vint aussi nouuelles que la ville de Caen & autres de Normandie l'estoient remises & reduictes en l'obeïssance de mondit seigneur de Berry. Et depuis ce le Roy enuoya en la ville de Mante grand quantité de gens de guerre, & de francs-archiers. Et le mercredi ensuiuant trentiesme & penultime iour du mois d'Octobre audit an, furent leües & publiées les lettres de la paix ou trefue faictes entre le Roy, & lesdits Princes en la court de Parlement, où illecques fut enregistre. Et ce mesme iour le Roy partit de Paris pour aller au Bois de Vincennes par deuers lesdits Princes. Et là môdit seigneur de Berry luy feist homage de la Duché de Normandie, qui baillée luy auoit esté pour sondit ampanage. Et cedit iour fut ladicte ville de Paris fort gardée: & feist on armer tous les archiers & arbalestriers d'icelle & autres, pour garder les portes de ladicte ville, iusques à ce que le Roy fut retourné en icelle de deuers lesdits Princes, où il s'en estoit ainsi simplement allé. Et delibera le Roy cedit mesmes iour, de coucher la nuit audit lieu du Bois, & enuoya querir son liect qui estoit à Paris: mais le Preuost des Marchans & les Escheuins de ladicte ville, luy enuoyerent messages expres luy humblement prier & requerre, qu'il n'y couchast point pour moult de causes. Ce qu'il leur accorda & s'en retourna au giste audit lieu de Paris. Et le iedy ensuiuant monseigneur de Berry, monseigneur de Charrolois, & autres se departirent de deuers Paris & s'en allerent en diuers lieux: c'est à sçauoir môdit seigneur Charles s'en alla en Normandie, & le conuoya le Roy bien loing sur le chemin de Ponthoïse. Et puis s'en tira luy & ledit Comte de Charrolois vers Villiers le Bel, où ils furēt deux ou trois iours: & puis s'en alla ledit de Charrolois au pays de Picardie: & de là s'en alla faire guerre aux Liegeois. Ainsi comme bien amplement dit Enguerran de Monstrelet.

Comment le Roy Loïs remercia ceux de Paris de leurs bonnes proïesses & loyautex: & conferma les priuileges qu'il leur auoit donnez, en leur offrant autres nouueaux. Il remeit Preuost de Paris messire Robert d'Estouteuille cheualier: puis il desappointa aucuns de leurs offices, & en leurs lieux mit autres officiers, puis alla à Orleans. Et cōment ledit Charles frere dudit Roy, fut receu moult honnorablement à Roüen, comme vray Duc de Normandie avecques plusieurs autres choses. Et comment le Roy retourna audit pais de Normandie.

El leundy ensuiuant messire Robert d'Estouteuille cheualier, seigneur de Beine, qui auoit esté Preuost de Paris du tēps du feu Roy Charles: & que le Roy luy auoit ostée la Preuosté & baillée à Jacques de Villiers seigneur de l'Isle Adam, fut remis & restitué audit office de Preuost de Paris. Et ce mesme iour fut en l'hostel de ladicte ville pour les affaires du Roy, & là luy fut baillé le nom de la nuit comme à Preuost de Paris. Et le mardy ensuiuant le Roy souppa en l'hostel d'icelle ville, où il y eut moult beau seruire de chair & poisson. Et y soupperent avec plusieurs gens de grand façon, inuitex & mandez avecques leurs femmes. Et auant ledit soupper le Roy proposa à aucuns quarteniers & dizeniens pour ce aussi amenez: Disant qu'il

qu'il les mercioit tous en general & particulier de la grande feauté & loyauté, qu'il auoit trouuée en eux. Et que pour eux il estoit du tout disposé de faire tout ce que possible luy seroit. Et que pource que deuant la guerre & diuision qui auoit esté deuant ladicte ville, il auoit donnez & conferez à icelle aucuns priuileges, & qu'aucuns pourroient auoir imagination qu'il auroit ce fait pour la necessité, où il s'estoit trouué d'auoir d'eux secours. Et qu'apres ladicte paix ou accord les leur pourroit oster: il leur declaira pour ceste cause des lors & des maintenant pour lors à tousiours, qu'il leur auoit données & laissées sans iamais auoir esperance de les rappeler ne venir contre. Et se mieux vouloient auoir de luy qu'ils le demandassent, & il le leur octroyeroit. Et leur dit encores qu'il laissoit en ladicte ville le seigneur de Beine, comme Preuost de ladicte ville de Paris: auquel il vouloit qu'ils obeissent cōme à luy: & leur dit qu'il auoit moult bien seruy à la journée de Montlehery, & pour autres causes qu'il declaira audit preuost des Marchans & escheuins de ladicte ville de Paris. En leur priant d'estre tousiours bons & loyaux enuers luy & à la Couronne de France, sans ce qu'aucune partialité fut trouuée en ladicte ville. Et illecques ce iour fut fiancée la fille naturelle du Roy à môseigneur le Bastard de Bourbon. Et apres soupper y furent faictes plusieurs ioyeusetez, dances & autres plaisances. Et là mondit seigneur le Bastard y dança, & y feit grande & bonne chiere. Et le lundy ensuiuant septiesme iour de Novembre audit an quatre cens soixāte cinq, ledit messire Robert d'Estouteuille fut amené au chastellet de Paris par messire Charles de Meleun & maistre Iean Dauuet premier President du Parlement de Thoulouze: auquel President le Roy mandoit qu'il auoit receu le serment dudit d'Estouteuille à Preuost de Paris, au lieu de Iaques de Villiers seigneur de l'Isle Adam: auquel il auoit donné ladicte Preuosté à son ioyeux aduenement, & qu'il le meit & instituast en possession & saisine dudit office de Preuost de Paris. Et apres que les lettres de don dudit office furent leües au grād parc du chastellet de Paris, iceluy d'Estouteuille fut mis & institué en possession dudit office, sans preiudice du cas d'appel dudit de Villiers. Et tantost apres ces choses ainsi faictes le Roy manda venir à luy les Presidents de la court de Parlement, ausquels il dit telles ou semblables parolles. Il est vray qu'apres que ie vins à mô ioyeux aduenement à la Couronne, ie feiz le premier President en ma court de Parlement messire Helie de Thorettes, qui tantost apres alla de vie à trespas. Et à l'heure que ie le feiz, i'auoye mô affection singuliere d'y mettre en son lieu maistre Iean Dauuet nostre premier President à Thoulouze, qui cy est present: mais tant par importunité de requerans qu'aussi à la priere & requeste de messire Iean Bureau, nous y meismes le President de Nanterre, qui depuis y a esté iusques à la venue de nostre ville de Paris d'aucuns seigneurs de nostre sang, qui nous seirent dire & remonstrer, qu'en nostre Royaume auoient esté faictes plusieurs grandes iniustices, & mesmement en nostre court de Parlement. Pourquoy & autres causes qui nous meuent, declairons que ledit de Nanterre ne sera plus nostre premier President en nostre court de Parlement. Et que pour & en son lieu y auons mis & creons ledit maistre Iean Dauuet, pour y estre & demourer tant qu'il nous plaira. Et le samedi ensuiuant neuuesme iour dudit mois de Nouëbre messire Pierre de Moruillier cheuallier, qui auoit esté Chan-

cellier de France fut desappointé dudit office : & y fut mis en son lieu messire Jean Iuuenel des Vrsins, qui aussi auoit esté Chancelier de France, & qui encores estoit au iour du trespas dudit feu Roy Charles. En ce temps aussi le Roy desappointa messire Pierre Puy de l'office de maistre-des-Requestes ordinaire de son hostel, & donna ledit office à maistre Regnault des Dormans.

A P R E S ces choses le Roy se partit de Paris pour aller à Orleans, & emmena avecques luy Arnoult l'Huillier changeur & bourgeois de ladicte ville : auquel il chargea trefexpressément de le suiure & estre tousiours pres de luy. Et si y mena aussi maistre Jean Longue-joye le ieune, nouuellement marié à damoiselle Geneuiefue fille de maistre Jean Baillet, pour estre de son grand conseil. Et à l'heure dudit partement il crea Tresorier de France maistre Charles d'Orge-mont, seigneur de Mercy. Et feit ledit Arnoult l'Huillier Tresorier de Carcas-sonne, & maistre Pierre Ferteil mary de Terteau, maistre-des-Requestes de son hostel sans gages & interest. Et le lundy ensuiuant dixhuietiemes iour dudit mois, aduint à Paris à six heures du matin, qu'une comette y cheut en resplendisseur de feu, qui dura longuement : & estoit telle qu'il sembloit que toute la ville fut en feu & en flambe. Et de ceste espouventable & merueilleuse chose, un homme en la place de Greue, qui à ladicte heure alloit ouïr messe au S. Esprit, fut de ce si tresmerueilleusement espouventé, qu'il en deuint fol & en perdit son sens & entendement.

E T apres toutes ces choses, mondit seigneur Charles qui ainsi estoit party de Paris pour aller en Normandie, s'en alla iusques à S. Katherine du mont de Roüen, où il seiourna illecques par diuerses iournées, en attendant que ceux de Roüen eussent préparé ce qu'ils auoient intention de faire pour son entrée : mais ce pendant se meult noise entre mondit seigneur Charles Duc de Bretagne & le Comte de Dampmartin : dont fut dit audit monseigneur Charles, que ledit Duc de Bretagne & le Comte de Dampmartin, auoient entrepris de le prendre & ramener en Bretagne : pour laquelle cause Jean monseigneur de Lorraine qui de ce fut aduertý, alla incontinent dire ces nouvelles en l'hostel de ladicte ville de Roüen, qui incontinent y pourueurent & feirent armer tous ceux de ladicte ville. Et à grand port d'armes ledit monseigneur Jean de Lorraine à l'ayde desdits de Roüen, alla en la place dudit lieu de S. Katherine, où on ne le vouloit laisser entrer : & illec malgré ledit Duc de Bretagne & Comte de Dampmartin sans solemnité garder, feit monter mondit seigneur Charles sur un cheual garny de selle & de harnois simplement, sans aucune housure : & auoit vestu à ceste heure une robe de velours noir : & en cest estat le menerent en ladicte ville de Roüen tout droit, en l'Eglise nostre Dame, où chanté fut. *Te Deum laudamus*, & de là au chasteau dudit lieu.

E N ce temps le Roy estant à Orleans, feit plusieurs ordonnances & establissemens, & desappointa plusieurs capitaines de guerre. Et entre les autres, il osta les cent lances dont Poncet de Riuiere auoit la charge, & le feit Baillif de Môt-ferrant, & de autres : osta aussi les charges & meir d'autres en leurs lieux. Et quand ledit Poncet de Riuiere se veit ainsi desappointé de ladicte charge, il s'en alla outre la mer au saint voyage de Hierusalem : & de là à S. Katherine du Mont de Synay. Et si remeit & feit le Roy le seigneur de Lohéac Marechal de Fran-

ce, comme autresfois l'auoit esté: & fut mis au lieu du Comte de Comminge Baillard d'Armignac. Et apres ces choses ainsi faictes, le Roy partit d'Orleans, & s'en alla en Normandie à toute son armée, francs-archiers & son artillerie grosse & menue: & s'en tira vers Argenteu, Eymes, Falaize, Caen & autres places dudit païs pour les prendre, saisir & mettre en ses mains: & là il trouua le Duc de Bretagne qui furent ensemble vne espace de temps. Et d'autre part audit païs de Normandie y estoit par le Roy monseigneur de Bourbon, qui alla deuant Eureux pour l'auoir, qui n'y obeirent point de premiere venue: mais depuis traicterent avecques luy & le bouterent dedans ladicte ville luy & ses gens. Et apres d'illec se partist & s'en vint deuant Vernon sur Seine, où semblablement luy fut fait refus de premiere venue, & puis le meirent dedans. Et d'une autre part estoit messire Charles de Meleun grand maistre d'hostel du Roy, qui aussi prenoit & faisissoit villes & places, comme Gisors, Gournay & autres: & si rua ius enuiron six vingts Escoçois qui s'en alloient au seigneur de Bueil pour monditz seigneur Charles. Et fut la rencontre faicte desdits Escoçois à vn village du bailliage de Caulx nommé Cailly. En ce temps le seigneur d'Esternay qui estoit General de Normandie, qui s'en estoit party hors de la ville de Rouën pour la doubte & fureur du Roy: & affin qu'il ne fut cogneu, s'habilla en Cordelier de l'obseruance, fut rencontré par aucuns gens de guerre de la compaignie dudit grãd Maistre au Pont S. Pierre, qui est à quatre lieües de Rouën & auoit avec luy vn Augustin: lesquels apres qu'ils eurent esté saisis furent cherchez par lesdits gens de guerre, & trouuerent sur eux plusieurs bagues & or monnoyé content, qu'iceux prindrent & saisisrent. Et apres mōdit seigneur Charles qui s'en estoit allé à Rouën, s'en alla à Louuiers cuidant y trouuer monseigneur de Bourbon, lequel il n'y trouua poinct: & incōtinent s'en retourna audit lieu de Rouën. Et apres son retour audit lieu de Rouën ceux de ladicte ville le receurent & le menerent en l'hostel de ladicte ville, où illec l'espouserent à leur Duc. Et en ce faisant luy baillerent vn anneau qu'ils luy meirent au doigt, qu'à ce faire est ordonné. Lequel depuis mōdit seigneur Charles porta & promet lors ausdits de Rouën, de les entretenir & garder en leurs franchises & libertez. Et leur ordonna à ceste heure la moirié de tous les aydes, que par auant sa reception ils auoient payez. Et ces choses faictes luy fut dit & remonstré par les gens d'Eglise, les nobles, bourgeois & populaire d'icelle ville, qu'ils se rendoient & demouroient du tout ses vrayz & loyaux subiects: tous biens deliberez de viure & mourir pour luy, iusques au dernier homme. Et puis luy feirent lire vn article contenu en vne chronique, qui estoit en icelle maison de la ville publiquement deuant tous, qui contenoit en effect: que iadis y eut vn Roy de France qui mourut, & apres son trespas demoura deux fils, dont l'un par aisneesse succeda à la Couronne. Et à l'autre fut baillé pour son ampanage la Duché de Normandie, que depuis ledit Roy de Frâce voulut l'auoir & en print grand guerre cōtre son frere pour la r'auoir. Et outre pour leur dit Duc guerroyerēt tellemēt ledit Roy de France, que par leur puissance d'armes ils meirent en exil ledit Roy de France, & feirent leur dit Duc Roy. Et apres ladicte lecture luy dirent, qu'il ne se souciait de riens. Et que de là en auant ceux de ladicte ville le fourniroient dedans icelle & dessus leurs

murs d'engins & autres choses deffensables, & de tout ce que necessité leur seroit d'auoir. Tellement qu'aucun dommage ou esclandre neviendroit audit seigneur ne à eux, ne à leurdicte ville.

Comment le Roy reconoura la Duché de Normandie contre sondit frere Charles le Duc de Berry: & à ce retour fut noyé le seigneur d'Esternay. Et aussi furent executez plusieurs officiers de Normandie, & autres bannis dudit Duché. Pourquoy sen alla de Rouen ledit Duc de Berry. Et apres luy cuida aller Jean monseigneur de Lorraine: mais il fut prins & mené vers le Roy, & autres choses aduenues.



Le lundy penultime iour de Decembre audit an: Le Roy en retournant dudit bas pays de Normandie, vint au Pontheau-de-mer: & de là en la Champaigne du Neufbourg pres Conches. Et enuoya mondit seigneur de Bourbon deuant la ville de Louuiers. Et le mercredy ensuiuant premier iour de Ianuier ladicte ville de Louuiers, fut rendue à mondit seigneur de Bourbon pour le Roy. Et ce mesmes iour le Roy entra dedans ladicte ville de Louuiers apres disner. Et en ce mesmes iour aussi fut mené par les gens dudit grand maistre d'hostel le seigneur d'Esternay, qui aussi en iceluy iour fut noyé en la riuere d'Vre: & aussi ledit Augustin avec luy par les gés du Preuost des Mareschaux. Et puis fut le corps dudit seigneur d'Esternay retiré hors de ladicte riuere & mis en terre, en l'Eglise de nostre Dame de Louuiers, où illec fut fait son seruice. Ainsi comme mesmes recite ledit chroniqueur de Monstrelet: mais non pas en telle maniere, qui est selon ledit Gaguin, pourquoy ie l'ay ainsi laissé.

A V D I T temps furent plusieurs personnes officiers, & autres dudit pays de Normandie executez & noyez par le Preuost des Mareschaux, pour les questions du Roy, & monseigneur Charles son frere. Et apres le Roy se partit dudit Louuiers, & vint mettre le siege deuant la ville du Pont-de-l'Arche qui est à quatre lieües de ladicte ville de Rouen. Et le iedy sixiesme iour dudit mois de Ianuier, fut crié en la ville de Paris, que tous marchans accoustumez de porter viures en ost, portassent viures en l'ost du Roy qui estoit deuant ladicte ville du Pont des-Arches. Et aussi que tous pionniers fussent tous prests à partir le lendemain, pour aller audit lieu du Pont-des-Arches soubz sire Denys Giber, l'un des quatre Escheuins de ladicte ville, à la conduicte d'iceux ordonné. Et le mercredy ensuiuant les gens du Roy qui estoient allez à leur aduantage sur les chäps, prirent quatre hommes d'armes de la compagnie, & estans soubz ledit monseigneur Charles. Et qui autresfois auoient esté en l'ordonnance du Roy: & l'un d'iceux estoit nommé le petit Baillif, qui autresfois auoit esté de la compagnie de Ioachin Rouhault Marechal de France, & qui auoit esté cause de la prinse de Ponthoise contre le Roy. Furent menez deuers le Roy, & incōtinent fut ordonné qu'on leur couppast leurs testes. Et lors ils requierent au Roy qu'il leur sauuaſt la vie, & ils luy feroient rēdre ledit Pont-de-l'Arche: ce que le Roy leur accorda à la requeste de mondit seigneur de Bourbon, & de plusieurs autres Princes & seigneurs. Et ce mesmes iour le Roy & la compagnie entrerent dedans ledit Pont-de-l'Arche: & ceux qui estoient dedans ladicte ville se retirerēt dedans le chateau. Entre lesquels y estoit maistre Jean Hebert, General des finances

nances du Royaume de France. Et trois iours apres fut rendu au Roy le chasteau dudit Pont-de-l'Arche. Et apres que ladicte ville & chasteau eurent esté ainsi rendues au Roy: ceux de Roüen enuoyerent par deuers luy, pour parler d'appoinctement: lequel en chargea hault & bas les Ducs de Bourbon & de Bretagne. Et pour ledit appoinctement auoir, vindrent de ladicte ville de Roüen aucuns commissaires ordonnez de paricelle, pour luy faire plusieurs requestes & remonstrances. Et entre autres que quelque chose qu'ils eussent fait, le Roy voulsist estre content d'eux, & qu'il luy pleust declarer qu'ils n'auoient point failly ne fait chose contre luy, dont il leur voulsist donner pardon, grace ou remission. Et que le Roy de là en auant les affranchit en la maniere qu'il auoit fait ceux de sa ville de Paris: & plusieurs autres requestes feirent au Roy qu'il leur rendit responce, que sur le tout il auroit son aduis. Et durât ces choses plusieurs des gens du Roy alloient & venoient en ladicte ville, & les vns avecques les autres. Et ce pendant mondit seigneur Charles luy & plusieurs autres de sa compagnie, sortirent dehors de ladicte ville de Roüen & s'en tirerent à Honneheur & à Caen, où ils furent depuis certaine espace de temps. En ces entrefaites Jean monseigneur de Lorraine, se cuida eschapper pour aller en Flandres: mais il fut rencontré par les gens du Roy, qui le prindrent & menerent vers le Roy. Et donna le Roy la plupart des offices de ladicte Duché de Normandie, & y feit de nouveaux officiers & en debouta les autres. Et apres ledit partement dudit môseigneur Charles de ladicte ville de Roüen, elle fut remise & reduicte au Roy: & ce fait le Roy renuoya tous ses francs-archiers, & leur donna congé iusques au premier iour de Mars ensuiuant, & renuoya aussi son artillerie à Paris: & puis print son chemin pour aller au bas païs de Normandie, & vers le Mont S. Michel. En ce tēps Anthoine de Chabannes Côte de Dâp martin (dont dessus est fait mention) se tint avecques le Roy, & y eut gouuernemēt & charge de gēs d'armes de cent lāces, dont auoit la cōduicte messire Charles de Meleun grād Maistre d'hostel du Roy: Et si luy osta l'office de grand Maistre, & la bailla à môseigneur de Craon: iāçoit que moult de gēs estoiet assez d'opinion q̄ ledit de Meleun eut biē seruy le Roy, & fait de moult grād seruices: mesmemēt à la grād diligence qu'il print à la garde de la ville de Paris en l'absence du Roy, & luy estāt en Bourbōnois. Où tāt & si bien se gouuerna & maintint, que plusieurs estoient d'opinion que se n'eust esté sa grand diligence & bonne conduicte, que ladicte ville eust eu beaucoup à souffrir au grand dommage du Roy & du Royaume. Et en ces choses faisant le Roy feit eschange avec ledit Comte de Dampmartin d'un sien chāstel, qu'il auoit en Gascogne nommé Blancāfort: Et à l'encontre le Roy luy bailla tout le demaine & souueraineté qu'il auoit es villes de Gouneffe, Gournay sur Marne, & Crecy en Brie. Et de ce luy bailla lettres adressāns à sa court de Parlement pour icelles estre par eux expedies, & pour les ioindre avecques ladicte Comté de Dampmartin. Audit temps le Roy ordonna que la place de Chaumont sur Loire, qui appartient à messire Pierre d'Amboise seigneur dudit lieu de Chaumont, fut mise en feu & en flambe & arrāfee, ce qui fut fait. Et le lundy tiers iour de Feurier vn nommé Gauvain Manniel, qui estoit lieutenant general du Baillif de Roüen, fut prins en ladicte ville & mené prisonnier au Pont-de-l'Arche. Et là par le Preuoist

des Marefchaux deffus le pont dudit lieu, fut dressé vn eschaffaut: deffus lequel ledit Gauvain fut decapité pour aucuns cas de crime à luy imposez. Et deffus ledit pont fut sa teste mise au bout d'une lance, & son corps iecté en la riuere de Seine. Et en ce temps le hault Doyen de l'Eglise de Roüen, & autres chanoynes de ladicte Eglise iusques au nombre de six, furent enuoyez hors icelle, & leur fut ladicte ville interdite: & furent enuoyez demourer hors de la Duché de Normandie.

Comment le Roy se partit de Roüen pour aller à Orleans: & enuoya plusieurs ambassadeurs en Angleterre. Et comment plusieurs malfaiçteurs furent executez à Paris, du diuorçe de sire Guillaume Colombel & de sa femme: du seigneur du Lau qui fut prins prisonnier. D'un mandement du Roy publié à Paris contre les Anglois, avec lesquels furent faictes trefues. Et comment plusieurs perdirent leur sens & entendement audit Paris, du temps que les febues florissoient.



1466.

Pres ce le Roy se partit de Roüen & s'en alla à Orleans, où la Royne estoit: & y demoura par long tēps, & puis s'en alla à largeau & illec enuiron: & pēdant qu'il y fut, arriuerēt deuers luy plusieurs ambassades de diuerses contrées & pour diuers cas. Et durāt ce le Roy delibera enuoyer ambassade au Royaume d'Angleterre pour aucunes causes: Et pour ce faire eleut le Comte de Roussillon Bastard de Bourbon & Admiral de France, le sire de la Barde, l'Euesque & Duc de Langres, maistre Iean de Poincourt seigneur de Cercelles, maistre Oliuier le Roy Conseiller & maistre des Comptes & autres. Et partirent pour aller audit Royaume d'Angleterre au mois d'Auril mille cccc soixante six. Et audit temps par la iustice ordinaire de Paris, furent prins plusieurs pauvres creatures larrons, crocheteurs & autres malfaiçteurs, qui pour lesdits cas furent les aucuns pendus & estranglez au gibet de Paris à Montfaucon, & les autres en furent batus au cul de la charrette par les carrefourgs de ladicte ville. En ce temps damoiselle Ysabeau de Cambray femme de sire Guillaume Coulombel, puissant, & riche homme, fut mise & constituée prisonniere en la Conciergerie du Palais royal à Paris à la requeste & pourchats de sondit mary, qui principallement la chargeoit de trois choses. La premiere qu'elle s'estoit forfaicte & abandonnée à autre qu'à luy. La seconde qu'elle l'auoit desrobbé de ses biens en grans sommes de deniers: & aussi que elle auoit fait & cōpilé plusieurs poisons pour l'empoisonner & faire mourir: & sur ces choses auoit sondit mary fait faire ses informations. Apres lesquelles veües & pour lesdits cas, demoura longuement prisonniere & fut sur ce gehainée. Et finalement veu par la Court de Parlement lesdites charges & informations sur ce faictes, & sa confession prinse par arrest & iugement diffinitif d'elle, fut dit & prononcé que lesdites charges par ledit Colombel imposez à ladicte femme estoient souffisamment prouuées. Pourquoy fut declairé par ledit arrest priuée de toute communauté de biens, & douaire avecques sondit mary. Et au regard des poisons furent appoinctez contraires, dequoy elle proposa erreur & signa six vingts liures parisis. Le dixiesme iour de May audit an soixante six, messire Anthoine de Chasteau-neuf seigneur du Lau, qui auoit eu congé du Roy lon temps par auant, fut trouué par cas d'aenture par

re par le seigneur de Chabefnais & autres és plains de Clery près Orleans. Et pource que luy & ses gens furent apperceuz en habits mefcogneuz, fut prins prisonnier & mené au Roy, qui l'enuoya avecques ses gens prisonnier en vn chastel pres Mehun. Et le Mercredy veille de l'Ascension nostre seigneur, par l'ordonnance du Roy maistre Iean le Preuost notaire & secretaire du Roy, entra dedans la Bastille saint Anthoine par moyens subtils: & d'illec en meit & iecta hors vn nommé Marc, qui en estoit Lieutenant pour monseigneur des Bordes nouvellement espousé avec la fille naturelle dudit mesire Charles de Meleun, qui estoit fils dudit seigneur des Bordes. Et apres ledit Marc & ladicte femme & mesnaige, s'en retournerent à refuge par deuers ledit mesire Charles en la ville de Meleun. Et le samedy veille de Pentecouste vingquatriesme iour dudit mois audit an mille quatre cens soixante six, furent leües & publiées en ladicte ville de Paris par les carrefours d'icelle à son derrompe & à cry public, que le mandement du Conestable de France: dedans lequel estoit inferé le mandement du Roy qui contenoit que le Roy estoit deüemét informé que les Anglois ses anciens ennemis en grosse & merueilleuse armée, estoient deliberez d'entrer & descédre au Royaume de France pour destruire & gaster icy luy. Et que pour ce faire, auoient desia fait grand amats de nauires. Et pour ce le Roy voulant resister à leur mauuaise & damnée entreprinse, & pour les greuer & nuire en tout ce que possible seroit: mandoit audit Conestable que par toutes villes, païs & lieux dudit Royaume és places, où on a accoustumé de faire cry public: Il feist à sçauoir que tous nobles tenans du Roy en fief & arrierefief de quelque estat ou condition qu'ils feussent, feussent en armes & habillemens dedans le quinzième iour de Iuing ensuiuant, sur peine de confiscation de corps & de biens. Et aussi à tous francs-archiers à estre tous prests audit iour. En ce temps le Roy qui ainsi auoit desappoincté ledit seigneur des Bordes de la capitainerie de la Bastille S. Anthoine, donna ladicte capitainerie au seigneur de Blot Seneschal d'Auuergne, qu'on disoit estre homme de grand conduicte. En ce temps ledit seigneur de Montauban, qui auoit esté Admiral, grand maistre administrateur & general reformateur de toute la noise aduenue en Bretaigne, & par cōséquent au Royaume de France: & qui auoit eu des biens du Royaume & argent inestimable mourut à Tours, & ne fut point pleuré. Et apres sa mort le Roy donna ses offices: c'est à sçauoir l'office d'Admiral à monseigneur le Bastard de Bourbon, qui auoit espousée vne sienné fille naturelle. Et l'office de grand Maistre des caües & forests fut donnée au seigneur de Chastillon, frere du Marechal de Loheac.

A V D I T temps furent prinles trefues avec lesdits Anglois durans vingt deux mois tāt par mer que par terre: & furent lesdites trefues publiées: & aussi audit temps monseigneur du Maine pour aucunes causes qui meurent le Roy, fut desappoincté du gouuernement de Languedoc & fut baillé à monseigneur de Bourbon. Et apres ledit mariage fait dudit monseigneur l'Admiral, le Roy luy donna le chastel & place d'Vslon en Auuergne, qu'on dit estre la plus forte place du Royaume, avecques les capitaineries de Honnefleür & autres places de Normandie. Audit mois de Iuing que les febues florissent & deuiennent bonnes, aduint que plusieurs hommes & femmes perdirent leur bon entendement.

ment & mesmemēt à Paris. Il y eut entre autres vn ieune homme nommé maistre Marcial d'Auuergne, Procureur en la Court de Parlemēt & notaire au chancellet de Paris. Lequel apres qu'il eut esté marié trois sepmaines, avec vne des filles de maistre Iaqués Fournier conseillier du Roy en ladicte Court de Parlement, perdit son entendement en telle maniere que le iour de monseigneur S. Iean Baptiste enuiron neuf heures de matin: vne telle frenaisie le print qu'il se iecta par la fenestre de sa chambre en la rue, & se rôpit vne cuisse & froissa tout le corps: & fut en grand dangier de mourir. Et depuis perseuera longuement en ladicte frenaisie & apres ce reuint & fut en son bon sens.

Comment le Roy enuoya aucuns commissaires reformateurs à Paris: desquels les pages eurent grande noise & question aux clerics du Palais. En ce temps y eut grande guerre entre les Liegeois, & le Duc de Bourgongne. Puis fut vne moult grande pestillence & mortalité à Paris des enuiron. Et comment ledit Roy ordonna aucuns seigneurs pour la garde & desfence du Royaume, & autres choses aduenues audit Paris en l'an mille quatre cens lxvi.

AV mois de Iuillet ensuiuant vindrent & arriuerent à Paris plusieurs Prelats, seigneurs, cheualiers, gens d'Eglise & autres gens de cōseil, que le Roy ordonna venir: & qu'on disoit qu'ils estoient ordonnez pour mettre ordre & pollice en la iustice, & reformer en toutes choses & leur fut baillé moult grand pouoir. Et par iceluy estoient nommez vingt & vn commissaires: Dont mōseigneur Iean Bastard d'Orleans Comte de Dunois & de Longueuille estoit l'vn & premier. Et duquel nombre de vingt & vn, ne pouoit estre riens fait qu'ils ne fussent treize. Ledit Comte de Dunois tousiours deuant & le premier. Et les appelloit on lors les reformateurs du biē public. Et sur la ladicte commission ainsi à eux baillée, commencerent à besongner le mardy xvj. iour dudit mois de Iuillet audit an mille quatre cens lxvj. Et pour y bien commencer & mettre tousiours en leurs faits Dieu deuant, fut fait par eux chanter vne belle messe du S. Esprit en la saincte Chappelle du Palais royal à Paris. Laquelle messe fut chantée & celebrée par l'Archeuesque de Reims luuenel, qui estoit eleu & nommé l'vn desdits commissaires. Et à cedit iour eut vn an que le Roy rencontra monseigneur de Charrolois à Montlehery. Et le lendemain qui fut le mercredy seiziesme iour de Iuillet, aduint en la court dudit Palais que plusieurs des pages des conseilliers de ladicte court illec attendans leurs maistres, prindrēt noise & question aux pages desdits seigneurs, tenans le conseil dudit bien public: & se meut la noise d'entre lesdits pages du Palais, contre lesdits pages du bien public, sur ce qu'ils n'auoient point payé leurs bien venues à iceux du Palais, & de ce auoient esté reffusans. Et demoura à tant ladicte noise iusques au lendemain qui fut ieudy, que tous lesdits pages d'vn costé & d'autre retournerent en icelle court, & remeirēt sus leurdicte question. Et en pourparlant d'icelle, lesdits pages du bien public coururent sus auidits pages du Palais, qui se reuencherent & baillerent les vns aux autres de terribles & merueilleux coups tant poings, de pierres, bastons, cousteaux & dagues, qu'il y en eūt plusieurs naurez, battus, & les yeux creuez: & faillut fermer les portes, & que gens de bien s'en messassent pour les desmesler & appoincter.

appointer. Et de ce fut dit par plusieurs, que ces choses signifoient le bout de l'an de la rencontre de Montlehery. Ladicte année fut fort moiste, & en diuers lieux en France y creust de bons bleds, en autres lieux ne valurent gueres, & estoient nuilleiz : & eut de grans tempestes en diuers lieux, tant d'esclair que de tonnoire, vents, pluies & autres tempestes : qui feirent moult de maulx & de dommages en diuers lieux dudit Royaume, & par especial au pays de Soissonnois : où elle gasta les bleds, les vignes & autres fruiçts, & destruisit plusieurs belles maisons, manoirs, couuertures d'Eglises, & feit plusieurs autres maulx. En ce temps s'esmeut grand guerre entre les Liegeois & le Duc de Bourgogne, qui pour ceste cause se meit en armes, & leur alla faire guerre & se feit porter en vne lieitiere, & y mena avecques luy son fils ledit seigneur de Charolois, avecques tous les nobles hommes gens de guerre, & autres qu'il peut recouurer & tous ses bahuz & artillerie : & feit mettre le siege deuant la ville de Dinant, comme assez amplement descript ledit de Monstrelet enuiron la fin de ladicte chronique.

En ladicte année es mois d'Aoust & Septembre, fut grande & merueilleuse chaleur : au moyen de laquelle s'en ensuiuit grande mortalité de pestillence & autres maladies : dont & dequoy il mourut tât en la ville, villages, voisins, Preuosté & Vicomté de Paris quarante mille creatures & mieux. Entre lesquels y mourut maistre Arnoul Astrologien du Roy, qui estoit fort homme de bien, sage & plaissant : & aussi y mourut plusieurs medecins & officiers du Roy en ladicte ville de Paris : & si grand nombre de creatures furent portez enseuellir & enterrer au cimiterie des sainçts Innocens en ladicte ville de Paris, que tant des morts en ladicte ville que de l'hostel Dieu tout y fut remply. Et fut ordonné que de là en auât on porteroit les morts au cimiterie de la Trinité, qui est & appartient à l'hostel de la ville de Paris. Et continua ladicte mort iusques au mois de Novembre : Que pour la faire cesser & prier Dieu, il luy pleust de le faire, furēt faictes de moult belles processions generalles à Paris par toutes les Parroisses & Eglises d'icelle, où furent portées toutes les Chasses & sainçtes Reliques. Et mesmement les Chasses de nostre Dame, de sainte Geneuiefue & saint Marcel : & lors cessa vn petit ladicte mort. Et en ce temps fut grand bruit à Paris de larrons & crocheteurs allans de nuit crocheter huis, fenestres, caues & celliers. Et pour lesdits cas en furent aucuns battus au cul de la charrette, & les autres pendus & estranglez au gibet de Paris. Auditan fut pendu & estranglé audit gibet de Paris vn gros Normand natif de Constantin en Normandie, pource qu'il auoit longuement maintenue vne sienne fille, & en auoit eu plusieurs enfans : que luy & ladicte fille incontinent qu'elle en estoit deliurée meurdriſſoient. Et pour ledit cas fut pendu comme dit est, & ladicte fille fut arſe à Maigny pres Ponthoife, où ils estoient venus demourer dudit pays de Normandie. En ce temps furent apportées à Paris les Chasses de saint Crespin & saint Crespinien pour trouuer remede à ladicte maladie de pestillence : Et aussi pour eux queſter, affin d'auoir dequoy recourir l'Eglise desdits Sainçts audit lieu de Soissons, que ladicte foudre & tempeſte auoit ainſi destruite & abbatue, comme dit est deuant. Et durât ce temps le Roy & son conseil se tindrent à Orleans, Chartres, Bourges, Mehun, Amboise & autres

lieux : & durant qu'il y fut vindrent plusieurs ambassades de diuerſes nations , comme d'Angleterre, de Bourgongne & autres. Et delibera à lors le Roy de faire guerre audits Duc de Bourgongne & Comte de Charrolois ſon ſils. Et pour ceſte cauſe feit crier és villes de ſon royaume, ban & arriereban. Et ordonna & crea pluſieurs Franch-archiers outre le nombre ordinaire. Apres ce que dit eſt, le Roy feit pluſieurs ordonnances & eſtabliſſemens pour la tution & garde de ſes païs & villes . Et ordonna monſieur le Marechal de Loheac ſon lieutenant en la ville de Paris, & en l'Île de France . Et à monſieur de Chaſtillon fut baillé le païs de Champagne. Et la garde du païs de Normandie fut baillée à monſieur le Comte de S. Pol Conneſtable de France, qui au parauant auoit eſté ennemy du Roy avecques le Duc de Bourgongne, & mondit ſeigneur de Charrolois. En apres au mois de Feurier mille quatre cens foixante ſix, arriua vne ambassade de Bretagne par deuers le Roy: leſquels apres qu'ils eurent par luy eſté ouïs, les receut tresbien. Et puis apres ſ'en allerent en Flandres deuers ledit Duc de Bourgongne, & monſieur le Comte de Charrolois ſon ſils. Et lors fut grand bruit par tout qu'il y auoit appointement fait entre le Roy & monſieur ſon frere , dont pluſieurs gens de bien furent moult ioyeux. Et auant ce le Roy auoit enuoyé ſes ambassadeurs au païs du Liege : entre leſquels y eſtoit ledit maistre lean Heſbert, monſieur l'Eueſque de Troyes & autres. Et en iceluy temps aduint en la ville de Paris que trois ſergens à verge du Chaſtellet qui eſtoient bien mal renommez, furent de nuit prendre vn preſtre de l'Egliſe monſieur S. Pol à Paris : lequel preſtre eſtoit paiſiblement couché en ſa chambre : en laquelle par force & violence entrerent dedans leſdits ſergens : & illec le battirent & mutilerent, & puis l'en emmenerent en la rue, & le trainerent au long d'icelle, & le naurerent en pluſieurs lieux, & puis le laiſſerent : & apres ledit preſtre les en pourſuiuit par iuſtice, & tellement qu'ils en furent conſtituez priſonniers au Chaſtellet, où leur proces fut fait : & furent illec condamnez à eſtre bannis du royaume de France. Et leurs biens & heritages conſiſquez & à faire amende honorable. Dont & de quoy ils appellerent en la court de Parlement : dont auſſi en appella le Procureur du Roy, de ce qu'ils auoient eſté trop peu iugez . Et depuis par arreſt d'icelle court, fut dit que avecques le iugement de ſentence du Preuoſt de Paris, qu'ils ſeroient battus par les carreaux de Paris ce qui fut fait.

Comment le Roy feit le Comte de Damp-martin ſon Grand-maiſtre-d'hoſtel. Et puis il alla à Roien où il manda venir à luy le Comte de Vuaruch: & illec fut la Roïne audit Roien : de la mort du Duc Philippe de Bourgongne. Puis le Roy ſ'en alla à Chartres où il feit venir aucuns de Paris, pour leur ordonner faire bannieres en chacun eſtat & vocation: d'un religieux qui fut occis au temple: & comment la Roïne fut moult honorablement receüe en la ville dudit Paris.



E T le iedy xxij. iour d'Auril mille quatre cens lxxij. Anthoine de Chabannes Comte de Damp-martin, qui ainſi eſtoit eſchappé de la Baſtille S. Anthoine, & qui depuis feit moult de maux au Roy & à ſes ſubieſts en Auvergne & ailleurs, venu deuant Paris avecques les autres Princes, fut fait & crée Grand-maiſtre-d'hoſtel du Roy au lieu du ſeigneur

gneur de Croÿ En doubtant de ce, ledit de Croÿ, messire Charles de Meleun, & tous autres: & luy en furēt baillées lettres par le Roy, qui certiffioit que ledit de Chabannes luy auoit fait serment de loyaument le seruir à l'encontre de tous. Depuis toutes ces choses au mois de Iuing audit an quatre cens soixante sept, le Roy se partit de Paris, & alla en Normandie à Rouën & ailleurs. Et luy estant à Rouën, feit venir à luy le Comte de Vvaruich qui estoit hors du Royaume de Angleterre pour aucunes causes qui le meurent, & descendit à Honnefleu & à Harfleu. Et illec se meit en bateaux luy & sa compagnie, & vindrent iusques à la Bouille village assis sur la riuere de Seine, à cinq lieues pres de Rouën à vn samedi septiesme iour du mois de Iuing à l'heure de disner: lequel trouua illec son disner tout prest. Et le Roy y estoit illec aussi arriué pour le receuoir, & y fut moult fort festoyé & tous ceux de ladicte compagnie: & puis après disner reu- tra ledit Vvaruich esdits bateaux: & s'en alla par la riuere de Seine, & le Roy s'en alla par terre luy & sa compagnie iusques audit Rouën. Et allerent à l'encô- tre ceux de ladicte ville par la porte du Cay S. Eloy, où le Roy luy feit faire moult grand receuil & honorable: car de toutes les parroisses & Eglises de ladi- cte ville furent portées au deuant de luy les croix, bannieres & eaulx benoïste, & tous les prestres reuestus en chappes. Et ainsi fut conduit iusques à la grand Eglise nostre Dame de Rouën, où il feit son offrande & apres s'en alla en son logis, qu'on luy auoit ordonné aux Iacobins dudit lieu. Et apres vindrent en ladi- cte ville la Roynie & ses filles, & demoura illec le Roy avecques ledit de Vvaruich par l'espace de douze iours. Et apres ledit de Vvaruich s'en departit & re- tourna en Angleterre. Et renuoya avecques luy monseigneur l'Amiral, l'Eue- que de Laon, maistre Iean de Pompincourt son conseillicr, maistre Oliuier le Roux & autres. Et est à sçauoir que durant le temps que ledit de Vvaruich, & ceux de ladicte compagnie furent & seiournerent à Rouën, que le Roy leur feit de moult grans dons, comme de belles pieces d'or, vne coupe d'or toute gar- nie de pierrerie. Et monseigneur de Bourbon aussi luy donna vn moult beau ri- che diamant & d'autres choses. Et si fut du tout desfrayé de toute la despence, que luy & tous ses gens auoient faicte depuis qu'ils descendirent de la mer à terre, iusques à ce qu'ils remontassent en mer. Et apres ledit partemēt de Rouën le Roy s'en retourna à Chartres, où illec il demoura par aucun temps. Audit mois de Iuing audit an, le Duc Philippe de Bourgongne mourut en la ville de Bruges, & fut son corps porté en la ville de Dijon & inhumé aux Chatreux. Ainsi que bien au long descript ledit chroniqueur de Monstrelet au dernier cha- pitre, & pour la fin & termination de ladicte chronique. Et aussi feit & ordonna le Roy audit lieu de Chartres, que toutes personnes estans & residens à Paris fe- roient des bannieres: & qu'en chacun desdictes bannieres auroit des gouuer- neurs qui seroient nommez principaux & soubz principaux, qui auroient la conduicte & gouuernement desdictes bannieres. Et que tous les subiects estans soubz icelle, seroient armez de laques, de brigandines, sallades & harnois blâc, voulges, haches & autres choses qui y appartiennent, pour estre bien armez tant de mestier, officiers, nobles, marchans, gens d'Eglise que autres: laquelle chose fut faicte.

Et en ce mesme an au mois de Iuing, le Roy manda aller par deuers luy au

Mellay pres de Chartres plusieurs gens notables de Paris : entre lesquels y fut maistre Jean le Boulenger President en Parlement, maistre Henry de Liures Conseillier de ladicte Court, sire Jean Clerbout general maistre des monoyes, Jaques Rebour procureur en ladicte ville de Paris, maistre Eustache Millet aussi conseiller en ladicte court, Nicolas Laurens, Guillaume Roger, Jean de Hacqueuille & plusieurs autres bons marchans, que le Roy enuoya à Chartres deuers le conseil, qui depuis y furent par aucun temps durans : le quel vn nommé Robert-de-la Mote & Jean Raoul, qui auoient longuement esté tenus prisonniers par l'accusation d'un religieux de S. Lo de Roüen, nommé maistre Pierre le Marechal, qui les auoit accusez d'estre ennemis du Roy & conspiré contre luy. Et avecques eux en auoit accusé plusieurs autres, ce qui ne peust monstrer ne enseigner : mais fut trouué qu'il auoit menty de tout ce qu'il auoit dit : & comme faux accusateur fut iugé à mort, & fut noyé le quatorziesme iour du mois de Iuillet audit an. Et apres ce furent despeschez lesdits de la Mote, Jean Raoul & autres renuoyez en leurs maisons. Et apres ce le Roy enuoya en la ville de Paris vn mandement pour y estre scellé, & fut signé Michel de Ville-Chartre : par lequel le Roy vouloit que pour bien repeupler sa ville de Paris, qui disoit auoir esté fort depopulée : tant pour les guerres, mortalitez & autrement, que quelque gens de quelque nation qu'ils feussent, peussent de là en auant venir demourer en ladicte ville & és faux bourgs & banlieue, ils peussent iouir de toutes franchises de tous cas par eux commis : comme de meordre, furt, larrecins, pipeties & tous autres cas reserué crime de leze maiesté. Et aussi pour resider illec en armes, pour setuir le Roy contre toutes personnes : lesquelles lettres furent leuës & publiées par les carrefourgs de Paris à son de trompe, & tout selon le priuilege donné à tous bannis residens, & demourans és villes de S. Malo & Valenciennes. Et ce mesme mois aussi le Roy feit crier & publier que tous nobles tenans fiefs & arrierchefs, fussent tous prests & en armes. Et mesmement ceux de l'Isle de France, tant en la ville de Paris que ailleurs au quinziesme iour d'Aoust, pour le seruir & estre tous prests quand mestier en auroit. Et le lundy tiers iours d'Aoust audit an, aduint à Paris que l'un des religieux du temple nommé frere Thomas Loueste, qui estoit receueur dudit Temple, eust la gorge couppee audit lieu du Temple par vn de ses freres & compagnons nommé frere Henry, pour aucunes noïses qu'il auoit conceu contre ledit frere Thomas. Et pour raison dudit cas ledit frere Henry l'absenta, & ne peust estre trouué qu'il ne feust le dixiesme iour dudit mois, que enuiron dix heures de nuict vn examinateur du chastellet de Paris, nommé maistre Jean Potin accompagné de trois sergens en feit telle diligence, qu'il le trouua mucé en l'hostel de S. Pol à Paris, dedans vne armoire en habillement d'un Rocquet blanc de toille, & vn chapeau noir : & en ceste estat fut mené prisonnier en chastellet, & puis rendu en la court de Parlement, pource qu'il estoit appellant de sa prinse : & disoit que le lieu où il auoit esté prins, estoit lieu de franchise & qu'on luy deuoit remettre. Et puis fut requis par les religieux du Temple leur estre rendu, ce qui fut fait : & fut mené és prisons dudit lieu du Temple. Le mercredy douziesme iour d'Aoust audit an mille quatre cens soixante sept : & le ieu dy ensuiuant le grand Prieur de France pour ledit cas, accompagné de plusieurs autres seigneurs de leurdit

leurdit ordre pour faire le proces dudit frere Henry , qui depuis fut par eux condamné à demourer prisonnier en lieu tenebreux , & d'auoir illec pour pitance tant qu'il y pourroit viure , le pain de douleur & eue de tristesse . En ce temps retournerent du Royaume d'Angleterre monsieur l'Amiral & autres dessus nommez , qui ainsi s'en estoient allez avec ledit Vvaruich audit païs d'Angleterre : lesquels y demourerent longuement & n'y feirent riens . Et par eux ledit Roy d'Angleterre enuoya au Roy des trompes de chaffe , & des bouteilles de cuir , à l'encontre des belles pieces d'or , coupee d'or , vaiselle , pierres & autres belles besongnes , que le Roy & autres seigneurs auoient donnez audit Vvaruich à son partement de Rouën . Et le vendredy dixhuietiemes iour du mois d'Aoust le Roy arriua à Paris enuiron huit heures de soir , & estoit avecques luy monsieur le Duc de Bourbon & plusieurs autres seigneurs . Et le mardy premier iour de Septembre , la Royne aussi arriua à Paris en bateaux par la riuere de Seine , & vint arriuer au terrain de nostre Dame : & illec à l'arriuer qu'elle feit , trouua tous les Presidens & conseilliers de ladiete court de Parlement , l'Euesque de Paris & plusieurs autres gens de façon , tous honnestement vestus & habillez . Et à l'entrée dudit terrain y auoit fait de moult beaux personages , illec richement mis & ordonnez de par la ville de Paris . Et si est à sçauoir que auant que ladiete Royne se meit esdicts bateaux pour venir à Paris , furent au deuant d'elle : & pour la receuoir les conseilliers & bourgeois de ladiete ville en grand & notable nombre aussi tous en bateaux , qui estoient tous richement couuers de belle tapisserie & draps de soye . Et dedans iceux estoient les petis enfans de cuer de la sainte Chappelle , qui illec disoient de beaux virelais , chançons & autres bergerettes moult melodieusement . Et si y auoit autre grand nombre de Clarons , trompettes chanteaux & bas instrumens de diuerses sortes , qui tous ensemble iouoient chacun endroit soy moult melodieusement , à l'heure que ladiete Royne , ses dames & damoyelles entrerent en leur bateau : dedans lequel par lesdits bourgeois de ladiete ville luy fut presenté vn beau cers fait de conficteure , qui auoit les armes d'icelle noble Royne pendues au col . Et si y auoit plusieurs autres drageoirs tous plains d'espicerie de chambre , & belles conficteures : grand quantité aussi y auoit de fruiets nouueaux de moult de sortes , violettes fort odorans , ietrées & semées tout parmy le bateau : & vin à tous venans y fut baillé & distribué , tant qu'on en vouloit auoir & prendre . Et apres qu'elle eut faicte son oraison à nostre Dame de Paris , elle se rebouta en son bateau & s'en vint descendre à la porte deuant l'Eglise des Celestins , où aussi elle trouua dessus ladiete porte de moult beaux personages . Et elle descendit à terre , monta & ses dames & damoyelles sus cheuaux , belles bacquenées & palefrois , qui illec les attendoient : & puis s'en alla iusques en l'hostel du Roy aux tournelles . Et deuant la porte dudit hostel , trouua autre moult beau personnage . Et icelle nuit furent faits à Paris les feux par les ruës d'icelle , & illec mises aussi tables rondes & donné à boire à tous venans . Et le iedy ensuiuant quatriemes iour dudit mois de Septembre ensuiuant ; maistre Nicolle Baluë frere de Monsieur l'Euesque d'Eureux , fut marié à la fille de maistre Jean Bureau chevalier , seigneur de Montglat : & fut la feste desdictes nopces faicte en l'hostel de Bourbon , laquelle fut moult belle & honneste . Et luy fut illec fait

grand honneur ce iour: car le Roy & la Royne, monseigneur de Bourbon & Madame sa femme, monfieur de Neuers, Madame de Bueil & route leur noblesse, qui les suiuioint y furent: & sy trouuerent & y fut fait moult grand chiere & si leur feit on de moult grans beaux & riches dons. Et depuis ce le Roy & la Royne feirent de grans chieres en plusieurs des hostels de leurs seruiteurs, & officiers en ladicte ville. Et entre les autres le iedy dixiesme iour dudit mois de Septembre audit an quatre cens soixante sept, la Royne accompagnée de madiete Dame de Bourbon & Madamoyelle Bonne de Sauoye seur de la Royne, & plusieurs autres dames de sa compaignie, soupperent en l'hostel de maistre Jean Dauuet premier President en Parlemenr. Et illec furēt receuës & festoiées moult noblement & à grand largesse: & y eut faits quatre moult beaux bains & richement aornez, cuidant que la Royne sy deust baigner: dont elle ne feir riens, pource qu'elle se sentit vn peu mal disposée, & aussi que le temps estoit dange-reux. Mais en l'vn de dits baings sy baignerent madiete Dame de Bourbon, Madamoyelle Bonne de Sauoye. Et en l'autre baing au ioingnant, se baignerent Madame de Montglat & Perrette de Chaalon bourgeoise de Paris, & la feirent bonne chiere.

Comment le Roy ordonna & veit faire les monstres des bannieres de Paris: de aucune guerre au Liege: de la Pragmaticque qu'un Legat & Baluë cuiderent abolir. Et comment le Roy feir grace au Duc d'Alencon condamné à Vendosme, du seigneur du Lau. Et comment le Comte de S. Pol feir faire trefues entre le Roy & Charles le Duc de Bourgongne non comprins les Liegeois. Et plusieurs autres choses faictes en l'an mille quatre cens soixante sept.



LE iedy ensuiuant xiiij. iour dudit mois de Septembre, le Roy qui auoit ordonné mettre sus les bannieres de Paris, comme dit est deuant, feir publier que audit iour ils feussent toutes prestes pour estre aux chāps dehors Paris, en faisant sçauoir à tous de quelque estat ou conditiō qu'ils feussent, depuis l'aage de seize ans iusques à soixante ans, ilussent hors de ladicte ville en armes & habillemēt de guerre: & si l'en y auoit aucū qui n'eussent harnois, q̄ neātmoins ils eussent en leurs mains vn bastō deffensable & sur peine de la hart, ce qui fut fait. Et issit hors de ladicte ville la plus part du populaire d'iceluy chacun soubz estādart ou bāniere, qui faisoit moult beau veoir. Car chacun y estoit en moult belle ordōnance & sans noise ne bruit. Et estoient bien de lx. à lxxx. vingt mille testes armées, dont il en y auoit biē xxx. mille tous armez de harnois blancs, iaques ou brigandines. Et tous estans en belle bataille, le Roy, la Royne & leur compaignie, qui les suiuioint les vindrent veoir: laquel chose leur pleust moult. Car onques n'auoient veu isire de ville du monde à beaucoup pres telle ne si grand armée. Et se trouuerent soixante sept bannieres des mestiers sans les estandars & guidons, de la court de Parlemenr, de la chambre des comptes, du tresor, des généraux, des aydes, des monnoyes, du Chastellet & hostol de la ville: desquels il se trouua autant & plus de gens de guerre que soubz toutes lesdictes bannieres. Et hors Paris en aucuns lieux ordonnez, leur feir porter & conduite plusieurs tonneaux de vin, qui illec furent deffoncez pour faire boire & rafraeschir tous ceux de ladicte monstre, qui tenoient moult grand

grand pays: car ils estoient tous en bataille à commencer au bout de la voirie d'entre la porte S. Anthoine, & celle du temple: dedans les fossez de Paris en moniant contremont iusques à vn pressouer deuant ladicte voirie: & de là en bataille au long des vignes iusques à S. Anthoine-des-champs. Et puis apres iusques au long des murs dudit S. Anthoine des champs, iusques à la granche de Rully: & d'icelle granche iusques à Cōflans. Et dudit Cōflans en reuenant par la Granche-aux-merciers, tout au long de la riuere de Seine iusques au boulleuert du Roy de la tour de Billy. Et d'iceluy boulleuert tout au long des fossez de ladicte ville par dehors, iusques à la Bastille & à la porte S. Anthoine. Et brief c'estoit merueilleuse chose à veoir le monde qui estoit en armes dehors Paris. Et si maintenoient plusieurs qu'il en estoit à peu pres demouré autant dedans Paris, qu'il y en auoit dehors. Et le mardy ensuiuant xxij. iour de Septembre audit an quatre cens soixante sept, le Roy partit de Paris apres dîner pour aller à pied iusques à S. Denys en France: & auoit avecques luy aussi mondit seigneur d'Eureux, monseigneur de Crussol, Philippe l'Huillier & autres. Et entre Paris & S. Denys le Roy allant à son pelerinage, trouua trois ribaux qui luy vindrent requerrir grace & remission, de ce que tout leur temps ils auoient esté larrons, meurdriers & espieurs de chemins: laquelle chose le Roy leur accorda benignement. Et tout ce iour demoura audit lieu de S. Denys iusques au lendemain vespre, qu'il s'en retourna en son hostel des Tournelles. Et d'illec s'en alla soupper en l'hostel de sire Denys Hesselin son pannetier & eleu de Paris, qui nouuellement estoit deuenu compere du Roy à cause d'une sienne fille dont sa femme estoit accouchée, que le Roy feit tenir pour luy par maistre Iean Baluë Euesque d'Eureux. Et pour commerces y estoient Madame de Bueil & Madame de Montglat. Et audit hostel le Roy y feit grand chere, & y trouua trois beaux baings honnestement & richement attintelez, cuidant que le Roy deust illec prendre son plaisir de se baigner: ce qu'il ne feit point pour aucunes causes qui en raison le meirent: c'est à sçauoir tant pource qu'il estoit enrimé, que aussi pource que le temps estoit dangereux. En ce temps s'esmeut grande guerre entre les Liegeois & monseigneur de Bourgongne, & leur Euesque cousin de mondit seigneur de Bourgongne, & frere de monseigneur le Duc de Bourbon: lequel Euesque lesdits Liegeois allerent assieger dedans vne ville nommée Huye. Et apres que iceux Liegeois eurent bien longuement esté deuant icelle ville, ils la prindrent & gaignerent, & en ce faisant eschappa leurdit Euesque estant en icelle. Et durant ce que dit est, le Roy ordonna aller au secours & ayde desdits Liegeois quatre cens lances de son ordonnance: dont auoient la charge le Cōte de Dampmartin, Sallezart, Robert de Conihan & Steuenot de Vignolles, avecques six mille frances archiers prins & eleuz en Champagne, Soissonnois & autres lieux en l'Isle de France. Et apres ce que ledit de Bourgongne eut bien sceuë la gaigne que lesdits Liegeois auoient faicte de ladicte ville de Huye, & qu'ils y auoient tué plusieurs Bourgongnons: il assembla tout son ost, en soy delibérant d'aller aux armes sus les champs en intention de tout destruire & mettre à feu & à sang lesdits Liegeois: & ainsi le feit crier & publier par tous ces pays. Et ceux qui faisoient lesdictes publications en icelles publiant, tenoient en vne main vne espée toute nue, & en l'autre vne torche alumée qui signifioit

guerre de feu & de sang. Audit temps au mois de Septembre le Roy bailla ses lettres à vn legat venu de Romme de par le Pape, pour la rompture de la Pramatique Sanction : lesquelles lettres furent leuës & publiées au Chastellet de Paris, sans y faire aucun cōtredit ou oppositiō. Et le premier iour d'Octobre ensuiuant maistre Iean Baluë fut & alla en la salle du Palais royal à Paris, la Court de Parlement vaccant : pour illec aussi faire publier lesdictes lettres, où il trouua maistre Iean de S. Romain Procureur general du Roy nostre sire, qui formellement s'opposa à l'effect & execution desdictes lettres, dont ledit Baluë fut fort desplaisant. Et pour ceste cause feir audit de S. Romain plusieurs menasses, en luy disant que le Roy n'en seroit point content, & qu'il le desappoincteroit de son office : dequoy ledit S. Romain ne tint pas grand compte, mais luy dist & respondit que le Roy luy auoit donné & baillé ledit office : lequel il tiendrait & exerceroit iusques au bon plaisir du Roy : & que quand son plaisir seroit de la luy oster, que faire le pourroit : mais qu'il estoit du tout deliberé & bien resolu de tout perdre auant que de faire chose, qui feust contre son ame ne dommage au Royaume de France & à la chose publique : & dist audit Baluë qu'il deuoit auoir grand honte de poursuiure ladicte expedition. Et en apres le Recteur de l'Vniuersité de Paris & les suppos d'icelle, allerent par deuers ledit Legat, que de luy appellerent & de l'effect desdictes lettres au S. Concile, & par tout ailleurs où ils verroient estre à faire. Et puis vindrent audit Chastellet où pareillement autant en feirent, & feirent illec enregistrer leur oppositiō. Audit temps le Roy enuoya par deuers ledit Charrolois lesdits Legat & Euesque d'Eureux qui nouvellement auoit esté Cardinal à Romme, maistre Iean de l'Adreische tresorier de France & autres, pour faire de par luy aucunes choses dōt il leur auoit donné charge. Et le ieudy viij. iour d'Octobre audit an mille quatre cens lxvij. vn nommé Seuestre le Moyne natif de la ville d'Auxerre, pour aucuns cas & delicts par luy commis & imposez : & qui par aucun temps auoit esté constitué & tenu prisonnier en prisons de Rhizon, fut ledit iour tiré hors desdictes prisons, & fut mené noier en la riuere de Seine pres de la Granchaux-merciers, par la sentence & iugement de messire Tristan l'Ermite Preuost des Marechaux de l'hostel du Roy. Et le dimanche xj. iour dudit mois d'Octobre, fut vn grand & merueilleux escler & tōnoire enuiron huiët heures de soir. Et auant & depuis durant ledit mois furent faictes grâdes & merueilleuses chaleurs, & les plus extremes qu'hōme eust veu en sa vie, qui sembloit chose estrange & desnatrée. Et le lundy xij. iour dudit mois d'Octobre audit an. lxvij. le Roy se partit de son hostel des Tournelles à Paris, pour aller en l'Eglise nostre Dame où il ouit les vespres. Et apres icelles dictes, fut faicte procession par l'Euesque & chanoynes dudit lieu : & puis sen alla reposer en l'hostel de son premier President, maistre Iean Dauuet où il fut certaine espace de temps. Et puis sen partit pour se retourner en sondit hostel des Tournelles. Et à l'heure de son partement qui estoit heure de noire nuit, il veit & apparut au ciel vne estoille au dessus de l'hostel dudit President : laquelle incontinent que le Roy commença à marcher pour sen retourner, ladicte estoille le suiuoit, & fut tousiours apres luy iusques à ce qu'il fut entré en sondit hostel. Et incōtinēt qu'il y fut entré elle se disparut, & depuis ne fut veüe. Et le ieudy ensuiuant xv. iour dudit mois vint

nouuelles

nouvelles au Roy, que certain grand nôbre de Bretons estoient venus eux bou-
ter dedans le chasteil & en la ville de Caen . Et puis s'en allerent d'illec à Bayeux
& teindrent lesdictes villes contre le Roy, dont de ce il fut courroucé. Et en ren-
uoia pour ceste cause le Marechal de Loheac, qui lors estoit avecques le Roy,
& qui auoit cent lices de Bretagne sous sa charge esdictes villes de par le Roy,
pour y pourueoir & mettre prouisiõ. Et ausquels Bretõs le Duc d'Alençon qui
comme crimineux de leze maiesté du temps du Roy Charles dernier trespaslé,
auoit esté constitué prisonnier pour aucuns crimes qu'il auoit machinez contre
luy, & à la faueur des Anglois anciens ennemis du Royaume, en la ville de Van-
dosme le lys de iustice illec seant: auquel lieu apres ses cõfessiõs prinſes & pro-
ces fait, fut condamné à mourir sauf surce le bon plaisir du Roy. Et lequel d'A-
lençon depuis le tẽps des lors iusques au trespas dudit feu Roy Charles, fut tenu
prisonnier au chasteau de Lohes. Et apres iceluy trespas q̃ le Roy vint à sa cou-
ronne, le bouta hors desdictes prisons & luy pardonna tout, en voulant que du-
dit proces ne fut iamais nouvelles. Et puis aduint qu'un boiteux qui auoit accu-
sé ledit d'Alençon audit deffunct Roy, craignoit fort que ledit d'Alençon ne luy
feit quelque grãd desplaisir, se tira par deuers le Roy , en luy suppliant qu'il luy
feit auoir assurance dudit d'Alençon: laquelle chose il feit & ordonna & com-
manda le Roy de sa bouche audit Duc d'Alẽçon, que sur sa vie il ne luy meſſeit
ne ſeit meſſaire: en luy disant qu'il le mettoit en sa main, protection & sauuegar-
de, ensemble sa famille & ses biens: laquelle chose ledit d'Alençon luy promett
& enconuenança: mais tantost apres ledit d'Alençon en allant contre sondit ser-
ment, ſeit prendre ledit Boiteux & amener deuant luy. Et nonobſtant les deffen-
ces ainſi à luy faictes de par le Roy, ſeit incontinent iceluy boiteux meurdrit
& mettre à mort: pour laquelle mort la femme dudit boiteux se tira deuers le
Roy, luy faire ſçauoir ces choses & pour eſtre ſon iniure réparée, dont & de-
quoy le Roy depuis empeſcha les villes & terres dudit d'Alençon: mais biẽ toſt
apres tout luy fut deliuré, & par luy tout pardonné cõme deuant . Et puis apres
le Duc d'Alẽçon pour bien le remunerer de toutes ſes graces & biens faits, bail-
la ou offrit bailler toutes ſes villes & païs ausdits Bretons & à monsieur Char-
les cõtre la voulenté du Roy & à ſa plaifance. En ce temps auſſi meſſire Anthoi-
ne de Chasteauneuf chevalier ſeigneur du Lau, Grand-Bouteiller de France &
Seneschal de Guienne, qui estoit Grand-Chambellain du Roy, & de luy plus
aymé qu'onques n'auoit eſté autre, & qui fut autour de luy & en ſon ſeruiſe: car
en moins de cinq ans il amenda des biens du Roy de trois à quatre cens mille
eſcus d'or: qui auoit eſté fait prisonnier du Roy, & mis au chasteau de Sully ſur
Loire: de l'ordonnance du Roy fut enuoyé audit lieu au mois d'Octobre meſſi-
re Tristan l'Ermite, Preuoſt des Mareſchaux de l'hoſtel du Roy, & maistre Guil-
laume Ceriſay nouuellement greffier civil de Parlement, pour illec tirer hors
ledit ſeigneur du Lau & le mener prisonnier au chasteau de Hufſon en Auuer-
gne. Mais lors qu'il fut amené au dehors dudit lieu, il fut grand bruit que ledit
ſeigneur du Lau auoit eſté noyé, & fut ce que dit eſt longuement continué.

Et le mardy xx.iour dudit mois d'Octobre le Roy ſe partit de ſa bonne ville
de Paris, pour aller au païs de Notmandie: & alla cedit iour au giſte à Villepe-
reux, & le lendemain à Mante. Et auant ſon partemẽt en enuoya pluſieurs capi-

taines qu'il auoit avecques luy, querir tous les gés de guerre qui estoient soubz leurs charges pour venir apres luy audit païs de Normâdie, ou autre part quelque lſeu qu'il fut. Et le iour de ſon dit parrement il feit & ordonna certaines lettres & ordonnances, par leſquelles il vouliſt & ordonna que de là en auant, ſon plaifir eſtoit que tous les officiers de ſon Royaume demouraffent paiſibles en leurs offices: & que nulle office ne fut diſte vacant ſi non par mort, reſignation ou conſiſcation. Et ſil donnoit nulles autres au contraire par importunité de requerans ou autrement, vouloit qu'il n'y fur aucunement obtempéré: & que de là en auât toute iuſtice fut faiſte & ordonnée à vn chacun. Et puis ſ'en partit dudit lieu de Mante & ſ'en alla à Vernon ſur Seine, où il demoura illec depuis par certain temps: durant lequel vint & arriua deuers luy monsieur le Conneſtable, lequel rrouua moyen que le Roy bailla & donna trefue entre luy & monsieur de Charrolois iuſques à ſix mois lors apres enſuiuans, ſans en ce y comprendre les villes & païs de Liege, qui deſia eſtoient mis ſus & en armes à l'encontre dudit ſeigneur de Chartolois, en eſperance d'auoir l'ayde & ſecours du Roy, ainſi que promis leur auoit eſté, & à ceſte cauſe demourerent du tout abandonnez. Et puis apres ce que dit eſt, ainſi fait, ledit mōſieur le Conneſtable ſ'en retourna par deuers ledit monsieur de Bourgongne, luy porter les nouuelles deſdictes trefues. Et ce fait maifſtre Iean Baluë Cardinal d'Eureux, maifſtre Iean de Ladrieſche & maifſtre Iean Preuoſt, retournerent deuers le Roy audit lieu de Vernon, qui eſtoient allez en Flandres de l'ordonnance du Roy, par deuers ledit de Bourgongne. Et taſtoſt apres ledit retour fait, le Roy ſe partit dudit lieu de Vernon, & ſ'en alla à Chartres où il feiſt illec venir & arriuer la plus grand parrie de ſon artillerie, qui lors eſtoit à Orleans pour enuoyer à Alençon & autres villes du païs, pour les auoir & mettre en ſes mains. Et apres le Roy enuoya ledit maifſtre Iean Preuoſt audit lieu de Flandres par deuers ledit de Bourgongne, pour luy porter & bailler les lettres deſdictes trefues. Et apres vint & arriua à Paris le xvj. iour du mois de Novembre ledit mōſeigneur le Cardinal, ledit treforier de Ladrieſche, maifſtre Iean Berart & maifſtre Geoffroy Alnequin, pour faire faire les monſtes des Bannieres de Paris par deuant eux, & pour faire autres charges qui leur eſtoient données de par le Roy. Et apres ſ'en partit dudit lieu de Chartres pour aller à Orleans, Clery & autres villes d'illec, & puis à Vendosme, & de là iuſques au mont S. Michel. Et avecques luy feiſt mener grande quantité de ſadiſte artillerie: & ſi alloient avec luy grand nombre de ſes gens de guerre. Et en ces entreſaiſtes les Bretons iſſirent tous en armes hors de leur païs, & vindrent en Normandie iuſques à la cité d'Aureanches & autres villes dudit païs. Et apres iceux Bretons ſ'espandirent par ledit païs de Normandie, comme iuſques à Caën, à Bayeux, Conſtances & autres lieux. Audit temps ledit ſeigneur de Bourgongne au moyen deſdictes trefues à luy baillées par le Roy: eſquelles n'eſtoient aucunement comprins leſdits Liegeois, entra audit païs du Liege avecques toute ſon armée, en pourſuiuât leſdits Liegeois. Tous leſquels pource que le Roy leur failloit de ſecours & qu'ils veirent clerement leur deſtruction aduenue, ſe rendirent audit de Charrolois: enſemble toutes leurs villes, avec lequel ils prindrent compoſition. Et pour ce faire & auoir luy donnerent & baillerent grand ſomme d'or, & ſi eurent vne partie de leurs portes & murailles abbatues.

Comment

Comment le Roy enuoya commissaires pour reueoir les monstres desdictes bannieres dudit Paris, & generallyment de tous officiers & autres. De l'armée du Roy contre le Mans & Alençon contre les Bretons. D'une armée que feit & assembla le Duc de Bourgongne à S. Quentin : & des trois estats qui furent tenus en la ville de Tours audit an mille quatre cens soixante sept.

EN apres ledit Cardinal Baluë, & commissaires deuant nommez procederent à faire les monstres des bannieres desdicts mestiers, par deuant iceux commissaires en plusieurs & diuers lieux de ladicte ville, tant dessus les murs d'icelle d'entre les portes du temple, & saint Martin en la closture du Temple sur les murs d'entre la tour du bois, & la porte saint Honnoré, deuant le Louure, au marché aux brebis, & sur les murs iusques à ladicte porte saint Honnoré. Et le samedi ensuiuant xxij. iour dudit mois de Novembre, le Roy feit crier par les carrefourgs de Paris, que toutes gens qui auoient accoustumé de suiure la guerre, & qui auoient esté cassez de gaiges se trahissent par deuers certains commissaires, qu'il auoit ordonnez pour les receuoir & mettre à ses gaiges & souldées pour le seruir en ses guerres. Et le lundy ensuiuant xxiiij. iour de Novembre maistre Jean Preuost retourna par deuers ledit seigneur de Charrolois, où le Roy l'auoit enuoyé porter les lettres de trefues qu'il auoit faictes avecques luy, & pour rapporter au Roy la response que ledit seigneur de Charrolois auoit faicte audit Preuost, touchant le fait desdictes trefues. Et le iedy ensuiuant xxvj. iour dudit mois de Nouëbre partie desdictes monstres furent faictes dehors Paris, deuant l'Eglise & abbaye de saint Germain des prez, iusques sur la riuere de Seine : esquelles monstres y auoit grand nombre de gens à pied & à cheual, tous bien en point & armez : où estoient les tresoriers de France, les cōseilliers & clerks des Comptes, les Generaux des monnoyes & des aydes, le tresor, les esleuz & toute la Court de Parlement tout ensemble. Apres y estoient tous les praticiens & officiers de Chastellet de Paris en bien belle & grosse compaignie. Et avecques les compaignies dessusdictes estoient aussi tous ceux estans soubz l'estandart & guidon de la ville de Paris, qui estoient moult grand nombre de gens à pied & à cheual. Et si y vindrent pour l'Euesque, vniuersité, abbez, prieurs & autres gens d'Eglise de ladicte ville certaine quantité de gens en armes, & en icelles monstres y auoit grand nombre de gens bien armez. Et apres lesdictes monstres ainsi faictes, ledit Cardinal & commissaires dessus nommez, maistre Jean de Ladriesche tresorier de France, maistre Pierre l'Orseure seigneur d'Ermonneville & autres officiers du Roy, partirent de la ville de Paris pour aller deuers le Roy, qui estoit lors entre le Mans & Alençon à tout moult grand armée : car il auoit qui le sui-uoit plus de cent mille cheuaux, & plus de vingt mille hommes à pied, pour resister à l'armée desdits Bretons : & feit mener le Roy avec luy de son artillerie grand quantité pour mettre le siege à Alençon. Et en ces entrefaictes fut pourparlé de trefues, qui tindrent le Roy & ladicte armée longuement sans riens faire, & en ce faisant mangerent & destruirent tout le plat pays bien à vingt ou trente lieues dudit lieu du Mans, & d'Alençon. Et durant ce que dit est, ledit seigneur de Charrolois qui ainsi auoit destruit lesdits Liegeois & leur pays, s'en re-

tourna deuers S. Quentin: & feit crier par tous les païs que toutes gens de guerre desdits païs s'en tirassent deuers S. Quentin, pour illec faire leurs monstres au quinziesme iour du mois de Decembre sur bien grosses peines. Et si feit aussi crier par tout le païs de Bourgongne que tous nobles & autres gens suiuant les armes, feussent tous prests à Montsauiou, pour illec prendre les gages & souldees dudit seigneur de Charrolois, par les mains de ses commissaires qu'il auoit ordonnez. Et ce dedans le vingtiesme iour de Decembre lors prochain ensuiuant: & pour partir dudit Montsauiou & aller audit S. Quentin par deuers luy, pour le accompagner & luy ayder à secourir son treschier & amé frere monseigneur Charles de France, & le Duc de Bretagne estant avecques luy à l'encontre de aucuns leurs malueillans: & telle substance portoit ledit cry. Pour occasion duquel cry, les marchans & facteurs des marchans de Paris, qui estoient allez audit païs de Bourgongne pour faire leurs emploictes, s'en retournerent à Paris bien hastiuement sans riens faire. Et derechief apres toutes ces choses, ledit de Charrolois feit mader à luy venir toutes ses gens de guerre audit saint Quentin au quattiesme iour de Ianuier ensuiuant.

Et le lundy feste des Saints Innocens xxviij. iour de Decembre, vint & arriua à Paris monseigneur le Duc de Bourbon de par le Roy, pour mettre garnison en plusieurs villes & garder les Bourgongnons d'entrer es païs du Roy. Et vint & arriua avec luy monseigneur le Marechal de Loheac, qui venoit à Paris comme on disoit pour estre Lieutenant de ladicte ville: lequel de Loheac s'en partit deux iours apres pour aller à Roüen & autres villes de Normandie, pour y mettre garde & ordre de par le Roy, & illec demoura par certain temps. Et mondit seigneur de Bourbon depuis demoura à Paris par certain autre temps: pendant lequel fut festoyé de plusieurs nobles gens de ladicte ville. Et en ce temps la ville d'Alençon qui estoit tenue par les Bretons, comme dit est deuant, fut rendue & mise es mains du Roy par le Comte du Perche fils du Duc d'Alençon, qui tenoit le chasteau dudit Alençon: & lesdits Bretons tenoient la ville: mais durant ce le Roy ne partit point de ladicte ville du Mans: & durant qu'il y fut enuoya deuers mondit seigneur Charles audit païs de Bretagne le Legat du Pape, dont pourparlé est deuant, & Anthoine de Chabannes Comte de Dampmartin, le Tresorier de Ladrièche & autres pour cuider trouver aucun bon expedient. Et en fin le Roy se condescendit que les trois estats se tiendroient & assembleroient. Et pour ce faire leur fut lieu assigné en la ville de Tours, pour illec eux y trouver au premier iour d'Auril mille quatre cens lxvij. Et s'en reuint le Roy dudit païs du Mans & s'en alla aux Montils lez Tours, à Amboise & illec enuiron: & puis furent assemblez lesdits trois estats tenus audit lieu de Tours, qui pour ceste cause y estoient allez. Et illec le Roy present fut pourparlé & conclud sur la question pour laquelle ils estoient assemblez audit lieu de Tours, iusques au iour de Pasques qui fut l'an mille quatre cens lxviij. Que chacun d'eux illec venus s'en retournerent en leurs maisons, apres la conclusion par eux prinse sur le fait de ladicte assemblée. Et pour ceste cause y estoient venus le Roy premierement, le Roy de Cecille, monseigneur le Duc de Bourbon, le Comte du Perche, le Patriarche de Hierusalem, le Cardinal d'Angiers: & plusieurs autres seigneurs Barons, Archeuesques, Euesques, Abbez & autres

autres nobles personnes & gens de grād façon: ensemble aussi les ambassadeurs venus audit lieu pour ceste cause, de la pluspart de tout le Royaume de France. Et par tous iceux ainsi assemblez & à grande & meure deliberation: fut dit & conclud qu'au regard de la question d'entre le Roy & mondit seigneur Charles touchant son ampanage, qu'il auoit & receuroit pour iceluy ampanage: & de ce se tiendroît pour bien content de douze mille liures tournois en assiete de terre par an, & tiltre de Comté ou Duché. Et en outre que le Roy luy fourniroit en pension par chacun an iusques à soixante mille liures tournois par chacun an. Et tout ce sans preiudice aux autres enfans, qui pour le temps aduenir pourroient venir à ladicte couronne, de pouoir demāder tel & semblable estat. Pource que le Roy pour auoir paix & bonne amour avecques son dit frere, se eslargissoit à luy bailler si grand somme que de soixante mille liures tournois par chacun an. Et en tant que touchoit la Duché & païs de Normandie, monseigneur Charles ne l'auoit point: disans qu'il n'estoit pas au Roy de la bailler ne desmembrer sa couronne. Et qu'au regard du Duc de Bretagne qui detenoit mondit seigneur Charles: & qui auoit prinſes les villes du Roy en Normādie, lequel on disoit auoir intelligence avecques les Anglois anciens ennemis de la couronne de France: Fut dit & delibéré par lesdits trois estats, qu'il seroit sommé de rendre au Roy lesdites villes. Et ou cas qu'il en seroit reſſuz, & que le Roy seroit deuément aduertý de ladicte alliance ausdits Anglois, que incontinent le Roy recourast seldites villes à main armée & de luy courir sus: & que pource faire lesdits trois estats promeirent de secourir & ayder au Roy. C'est à ſçauoir les gens d'Eglise de prieres & oraisons & biens de leur temporel, & les nobles & populaires de corps & de biens & iusques à la mort inſlũuement. Et qu'en tant que touchoit la iustice de tout le Royaume, le Roy auoit ſingulier deſir de la faire courir par tout son dit Royaume: & fut content qu'on eſleust nobles personnes de tous estats pour y mettre remede & bonne ordre. Et furent d'opinion lesdits trois estats, qu'à ce faire monseigneur de Charrolois se deuoit fort employer: tant à cause de proximité de lignage qu'il a au Roy, comme aussi de Per de France. Et apres ladicte deliberation le Roy se partit de Tours & s'en alla à Amboise. Et puis apres enuoya son ambassade par deuers l'assemblée estat à Cambray, afin de ſçauoir leur vouloir & reſponce ſur ladicte deliberation prinſe par lesdits trois estats ainsi assemblez comme dit est.

D'aucunes iouſtes ſaiſtes à Paris & Bruges: & comment le Roy fut à Meaux. Du Prince de Piémont qui vint à Paris: du ſeigneur du Lau qui eſchappa des priſons de Viſſon, dont pluſieurs furent decapitez. Les Bretons ou Bourgongnons prindrent Merville. Meſſire Charles de Meleun fut decapité: & de ce qui fut fait entre le Roy & les Ducs de Berry & de Bretagne: & comment apres fut ſaiſte paix avec le Duc de Bourgogne en l'an mille cccc. lxxviij.



Pres ces choses le lundy cinquiesme iour de May mille quatre cens soixante huit, Dame Ambroise de Lore en son viuant femme de messire Robert d'Estouteuille chevalier Preuoſt de Paris, alla de vie à trespas ce iour enuiron vne heure apres minuit: laquelle fut fort plaincte, pource qu'elle estoit noble Dame bonne & honneſte. Et en l'hostel

de laquelle toutes nobles & honnestes personnes estoient honnorablement receues. Et ce mesme iour entre neuf & dix heures de nuit se boura le feu en l'un des moulins aux mufniers de Paris, qui appartenoit au Prieur de saint Ladre: & fut tout le comble d'iceluy brulé par un paillard varlet monnier, qui auoit attaché vne chandelle contre le mur de son lit, qui cheut dedans iceluy lit & brusta tout referué ledit paillard qui se sauua & s'enfuir comme un regnard.

Le quinzième iour d'iceluy mois de May, furent faictes ioustes à Paris deuant l'hostel du Roy aux Tournelles par quatre gentils-hommes de guerre, de la compagnie du grand Seneschal de Normandie, qui auoient ordonné les lisses & préparé le champ: En faisant assaouir à tous qu'ils se trouueroient audit quinzième iour de May pour attendre les venans, rompars chacun trois lances à l'encontre d'eux. Auquel iour y vindrent & comparurent les enfans de Paris: desquels & tout premier y vint & arriva Iean Raguier Grenetier de Soissons, & Tresorier des guerres au Duché de Normandie, fils de maistre Anthoine Raguier cōseillier & tresorier des guerres du Roy: lequel Iean Raguier vint & arriva à bien grand haste de la ville de Rouën, où il estoit pour estre & comparoir ausdictes ioustes: & arriva le soir de deuant à S. Ladre les Paris, accompagné de plusieurs nobles hommes de la charge & cōpagnie de messire Ioachim Rouhault Marechal de France, & plusieurs autres gens iusques au nombre de vingt chevaux. Auquel lieu de S. Ladre ils se tindrent secrettement, & sans faire bruit iusques à lendemain, qu'ils menerent & compaignerent ledit Iean Raguier bien & honnorablement garny de trompettes & clairons, qui faisoient de grans melodies iusques au lieu desdictes lisses: & lequel Iean Raguier accompagné, comme dit est, auoit autour de luy quatre pietons vestus de liurée, & rousiours estans pres de luy & du coursier, surquoy il estoit monté: lesquels estoient prests de le servir & recueillir son bois: & estoient tous ceux de sa cōpagnie habillez de hocquetons brodez à grans lettres d'or. Et audit champ & dedans les lisses se pourmena plusieurs tours en attendant les quatre champions, ou l'un d'eux: contre lesquels il se porta vaillamment: car il rompit cinq lances bien nettement: & eut fait plus s'il eust pleu aux commissaires ordonnez pour lesdictes ioustes. Et apres lesdictes lances ainsi rompues s'en partit moult honnorablement, en soy pourmenant par lesdictes lisses & prenant cōgé des Iuges desdictes ioustes: & merçant les dames, damoiselles & bourgeois qui illec estoient venues, desquelles il acquist moult grand los. Et apres luy y vint & comparut un eleu de Paris nommé Marc Senamy, & deux des fils messire Iean Sanguin, qui aussi vindrent en ladicte iouste honnorablement: & y feirent tous les maulx qu'ils peurēt: mais ils n'en emporterent guerres de bruit. Et en apres y vint aussi & arriva un nommé Charles de Louviers eschanson du Roy, qui moult bien & vaillamment s'y porta, en portant bien & honnestement son bois & sans ayde, & rompit nettement plusieurs lances: & tellement se porta à la iournée qu'en la fin le pris luy fut donné. Et demourerent lesdits quatre gentils hommes dedans moult folez. Desquels les deux porterent le bras en escharpe, & le tiers eut la main blessée dessous le ganteler. Et par ainsi l'honneur fut & demoura ausdits enfans de Paris. Et le dimanche precedent qui fut huietième iour

iour dudit mois de May, se feirent aussi à Bruges en Flandres autres ioustes deuant monseigneur le Duc de Bourgogne, qui aussi furent moult triumpantes: esquelles aussi vn enfant de Paris nommé Hierosme de Cambray, seruiteur dudit monseigneur le Duc iousta & illec se porta vaillamment, & tellement qu'il en emporta l'honneur de ladicte iouste. Apres lesdictes ioustes le Roy qui estoit à Amboise sen partit par aller à Paris: & emmena avec luy monseigneur de Bourbon, monseigneur de Lyon, monseigneur de Beauieu & autres seigneurs: Et se tint par aucun temps à Laigny sur Marne, à Meaux & autres villes illec enuiron. Et auant son partement dudit Amboise, aduint que le iour veille d'Ascensio nostre seigneur, la terre trembla à Tours, audit lieu d'Amboise & autres lieux en Tourraine. Et quād le Roy se partit de Laigny où il estoit tenu par aucunes iournées pour aller à Meaux, il enuoya à Paris son mandement, pour faire publier par les quarrefourgs d'icelle ville, que tous nobles & gens suiuaus la guerre fussent tous prests & en armes le huietiésme iour de Iuiller, pour aller & eux trouuer où il leur seroit ordonné de par le Roy, & sur peine de confiscation de corps & de biens.

E t puis ces choses ainsi faictes, le Roy sen alla à Meaux en Brie: & durant le temps qu'il y fut y eut vn homme natif du païs de Bourbonnois, qui pōt aucun cas par luy commis: & aussi pour auoir reuelé les faits du Roy aux anciens ennemis les Anglois, fut decapité audit Meaux le lundy vingtsiesme iour de Iuing audit an soixante huit. Et au parauant le Roy enuoya à Paris le Prince de Pimont fils du Duc de Sauoye, pour bouter le feu en Greue: Et si meit en ladicte ville de Paris les prisonniers à deliurance, qui estoient en Parlement, en Chasteller & autres prisons. Enuiron ce temps y eut vn nommé Charles de Meleun homme d'armes de la cōpagnie de monseigneur l'Admiral: lequel de Meleun estoit capitaine d'Vsson en Auuergne, qui auoit sa garde de par le Roy du seigneur du Lau sur sa vie audit lieu d'Vsson: dont il eschappa, dequoy le Roy fut fort desplaisant. Et pour ledit cas fait constituer prisonnier ledit de Meleun au chasteau de Loches: auquel lieu & pour iceluy cas fut decapité. Et apres luy fut aussi decapité pour iceluy cas vn ieune fils nommé Remōnet, qui estoit fils de la femme dudit Charles de Meleun en la ville de Tours. Et si fut aussi pour iceluy cas decapité en la ville de Meaux le procureur du Roy audit lieu d'Vsson. Et puis le Roy sen alla dudit lieu de Meaux à Senlis & à Creil.

A v d i t temps les Bourgongnons ou Bretons estans en Normandie prindrent le seigneur de Meruille, seant entre S. Sauueur d'Yue & Caen, & luy firent rendre & mettre en leurs mains ladicte place: dedans laquelle y auoit plusieurs francs-archiers. Et incontinent qu'ils furent dedans, tuerent & meurdrirent tout ce qu'ils y trouuerent: & puis pendirent ledit seigneur de Meruille & pillerēt tout ce qu'ils trouuerent, & puis ils bouterēt le feu en ladicte place. Et apres le Roy se deslogea de Creil & sen alla à Cōpiegne, où il fut depuis par aucun tēps, & puis sen retourna à Senlis. Et d'illec sen vint à Paris monseig. de Bourbon le iour de la feste del'Assumption nostre Dame. Et par auant le Roy auoit enuoyé par deuers le Duc de Bourgogne, monseig. de Lyon, monseig. le Cornestable & autres seigneurs, pour tousiours se mettre en deuoir & trouuer par tout bon moyen de paix sans figure de guerre. Et ce nonobstāt le Roy enuoya son armée

au pays de Normandie: dont auoit la charge & conduicte monseigneur son Amiral, qui bien y besongna: car en moins d'un mois il chassa les Bretons estâs dedans Baieux. Et puis apres le samedy vingtiesme iour du mois d'Aoust audit an mille quatre cent soixante & huiet, messire Charles de Meleun seigneur de Notmanuille, qui auoit esté grand Maistre d'hostel du Roy: & lequel nouuellement auoit esté constitué prisonnier au chasteau de Gaillard en la garde du Comte de Dampmartin capitaine dudit lieu, fut par le Preuost des Marechaux fait son proces sur le cas à luy imposé. Et ledit iour fut tiré hors de sa prison & mené au marché d'Andely, où illec publicquement deuant tous fut decapiré & mis à mort. Et depuis ce le Roy se tint par certain long temps à Noyon, Compiengne, Chauny & autres places enuiron, iusques au xv. iour du mois de Septembre, que nouuelles luy furent illec apportées, que monseigneur Charles son frere & le Duc de Bretagne s'estoient remis & deuenus bôs amis & bié vieillans au Roy: & prest mondit seigneur Charles de prendre la pension de lx. mille liures toutnois par an, iusques ce qu'il son ampanage luy eust esté assigné selô le dit de plusieurs Princes & seigneurs, q' ledit monseigneur Charles esliroit pout ce faire: & ausquels il se vouloit rapporter. C'est à sçauoir à monseigneur le Duc de Calabre & monseigneur le Cônestable de France. Et ledit Duc de Bretagne offrit bail-
 ler au Roy les villes, que luy & ses gens tenoient en Normandie: en luy rendât & restituant les autres villes & places, que les gens du Roy tenoient en Bretagne. Laquelle chose le Roy luy accorda. Et puis le Roy feit sçauoir ces choses au Duc de Bourgongne, qui estoit à tout son ost aux champs pres de Perô-
 ne entre Esclusiers & Cappy sur la riuiere de Somme: desquelles nouuelles il ne vouloit riens croire, iusques à ce qu'il en fut autremēt acertené par lesdits monseigneurs Charles & Duc de Bretagne. Laquelle chose luy fut depuis dicte & certifié par le herault dudit Duc de Bretagne: mais ce nonobstât il ne s'en voulut aller ne desemparer son ost. Et s'en alla avec sondit ost tenir & edifier vn parc audit lieu d'entre Esclusiers & Cappy-le-Doz au lōg de la riuiere de Somme. Et pendant certain temps qu'ils y furent, furent enuoyez par diuerses fois audit Duc de Bourgongne de par le Roy plusieurs ambassadeurs, comme monseigneur le Cônestable, monseigneur le Cardinal d'Angiers, maistre Pierre d'Orjolle & autres, pour tousiours trouuer moyen de bonne amour & pacificatiō du costé du Roy, qui tousiours la vouloit auoit: iacoit ce que les capitaines & gens de guerre du Roy n'en estoient point d'opinion: mais requeroiēt au Roy qu'il les laissât faire, & qu'ils rendroient au Roy ledit Duc de Bourgongne, & ceux de sadiete compagnie tout à son bon plaisir & volenté: laquelle chose il ne voulut souffrir ne tollerer qu'on leur courut sus, mais leur defendir de le faire & sur la hart. Et durant ce temps & iusques au douzieme iour d'Octobre ensuiuant mille quatre cens soixante huiet, furent grans nouuelles, que le Roy & ledit Duc de Bourgongne auoient fait vno trefue iusques au mois d'Auril prochainemēt ensuiuant. Et sur l'esperance d'icelle trefue le Roy delibera foy en retourner de Compiengne, où il estoit pour s'en venir à Creil & à Ponthoife. Et pour ceste cause enuoya ses fourriers audit lieu de Ponthoife, qui y priarent son logis: mais depuis il changea propos & retourna hastiement dudit lieu de Compiengne, à Noyon, où peu de temps par auant y auoit esté. Pendant lequel
 temps

temps Philippe de Sauoye, Poncet de Riuere seigneur Dulté, le seigneur du Lau & autres qui sestoient mis & meslez ensemble, feirent moult de maulx. Et ce pendant le samedy huietiesme iour du mois d'Octobre, fut crié à son de trépe par les carrefours de la ville & cité de Paris, que tous les nobles tenans fiefs ou arrierefiefs de la Preuosté & Vicoté de Paris, fussent tous prests & en armes à Gounesse, pour d'illecques partir le lundy ensuiuant, & aller où mādé leur seroit. Lequel cry esbahist beaucoup plusieurs de Paris, qui cuidoient bien que veu ledit cry il n'y auoit point de trefue n'abstinence. Et puis le Roy qui estoit à Noyon s'en partit, & ledit Duc de Bourgongne s'en partit pour aller à Perōne: auquel lieu le Roy s'en alla bien hastiuement par deuers luy audit lieu de Peronne & à bien petite compagnie: car il n'auoit auecques luy que ledit Cardinal d'Angiers & vn peu de gens de son hostel, monseigneur le Duc de Bourbon & autres. Et ainsi priuément, que dit est, s'en alla iusques audit lieu de Peronne par deuers ledit Duc de Bourgongne: lequel luy feit grande reuerence comme bien tenu y estoit. Et puis parlerent ensemble longuement, & furent fort bien contens l'un de l'autre quelque rumeur qu'il y eust eu au parauant: & tellement pacifierent ensemble qu'ils feirent entre eux paix. Et iura ledit monseigneur de Bourgongne que iamais ne feroit riens contre le Roy, & qu'il vouloit estre son subiect & seruiteur & viure & mourir pour luy. En faisant laquelle paix, le Roy luy conferma le traicté d'Arras, & plusieurs autres choses. Ainsi que depuis le Roy le mādā & feit assauoir aux nobles gens d'Eglise, à sa court de Parlement & autre populaire de ladicte ville de Paris, qui pour cause de ce & par son ordonnance feirent processions generalles chātans aux Eglises, *Te Deum laudamus*, & autres loüenges à Dieu. Les feux furent faits parmy les rues & tables dressées donnans à boire à tous venans. Et plusieurs autres grans ioyes en furent faictes en ladicte ville & cité de Paris. Et en ces entrefaictes vint nouuelles que les Liegeois auoient prins & tué leur Euesque, & tous ses officiers: dont & dequoy le Roy, ledit monseigneur de Bourgongne, monseigneur le Duc de Bourbon & messeigneurs ses freres & autres, furent moult desplaisans & marris: & furent grans nouuelles que le Roy & ledit seigneur de Bourgongne iruiēt en personne pour punir & destruire lesdits Liegeois. Et incontinct apres vindrent autres nouuelles, que ledit Euesque n'estoit point mort ne prins: mais l'auoient iceux Liegeois contrainct de chanter messe. Et depuis se tindrent iceux Liegeois bien contens de luy, & se rendirent tous à luy comme à leur vray seigneur naturel, en eux offrant à luy cōme à leur vray seigneur naturel, en eux offrant à luy à tout son bon plaisir faire: cuidans à ceste cause appaiser tout le mal tallent du parauant.

Comment le Roy alla à nostre Dame de Haulx en Allemagne. Et apres fut destruite la ville du Liege. Puis le Roy conferma avec ses officiers de Paris ce qu'il auoit traicté au Duc de Bourgongne. Et puis il feit prendre aucuns oiseaux, & tous les cerfs & bisches qui furent trouuez à Paris pour mener à Amboise. Du Comte de Foix qui fut amoureux, des grandes enües qui furent en Hollande & Zelāde. Et d'un prisonnier au chastelet de Paris, lequel accusa de larcin plusieurs autres ses compagnons qui furent tous pendus audit an mille quatre cens soixante huiet.

EN cet tēps le Roy s'en alla à nostre Dame de Haulx en Allemagne, où il ne seiourna gueres. Aussi Philippe de Sauoye & autres estans avecq's luy, firent leur paix au Roy par le moyen de mōdit seignr de Bourgogne: & apres q' le Roy eut fait son voyage & pelerinage audit lieu de nostre Dame de Haulx, il s'en alla à Namur par deuers ledit seignr de Bourgogne: où on luy feit deliberer d'aller avecq's ledit de Bourgogne deuant la cité du Liege, où ils furēt & demourerent depuis par aucun tēps logez aux faulx bourgs d'iceluy tenās le siege. Et avecques le Roy y estoiet monseignr de Bourbon, mōseigneur de Lyon, monseigneur de Beauieu & monseigneur l'Euesque dudit Liege, tous freres: le quel mondit seigneur du Liege estoit issu hors d'icelle ville, pour aller deuers mondit seigneur de Bourgogne, pour sçauoir sil pourroit trouuer aucun bon appointement pour les habitans dudit Liege. En luy offrant par eux luy bailler & deliurer ladicte ville & tous les biens de dedans, pourueu que les habitans d'icelle ville, hommes, femmes & enfans eussent leur vie sauue seulement, dont il ne voulut tiens faire: mais au contraire feit serment que luy & tous ses fatalites mourroient en la poursuite, ou il auroit ladicte ville & tous les habitans d'icelle, pour en faire du tout à son plaisir & volenté: & retin par deuers luy ledit Euesque du Liege, sans vouloir souffrir qu'il s'en retournast en ladicte ville. Nonobstāt que ledit Euesque auoit promis & iuré ausdits du Liege de retourner par deuers eux, & de viure & mourir avecques eux. Et tantost apres le partement dudit Euesque de ladicte ville & cité du Liege: & ce que lesdits Liegeois furent aduertis, que leur dit Euesque estoit detenu par ledit de Bourgogne, & ne s'en pouoit retourner en ladicte ville. Iceux Liegeois firent plusieurs sailles sur lesdits Bourgognons & gens du Roy, & sur leurs compagnies. Lesquels Liegeois quand aucuns en pouoient prendre, les mettoient à mort & gens & cheuaux: mais nonobstant toutes ces choses, le dimanche trentiesme & penultime iour d'Octobre audit an cccc. soixante huiet, entre neuf & dix heures de matin: ledit Duc de Bourgogne feit ordōner de bailler & liurer assaut en icelle ville, ce qui fut fait: & y entrerent iceux Bourgognons sans aucune resistance. Et y entra aussi le Roy & les Ducs de Bourgogne, monseigneur de Bourbon, messeigneurs de Lyon, de Liege & Beauieu freres. Et aussi dudit assaut la plus grand & saine partie des habitans d'icelle cité s'en fuirēt, & retrahirent & laisserent vn peu de populaire: comme femmes, enfans, prestres, religieuses & vieils & anciens homes qui tous y furent tuez & meurdri: & moult d'autres merueilleuses cruautéz & inhumanitez y furent faictes, comme ieunes femmes & filles forcées & violées. Et apres le desordonné plaisir prins d'elles, les tuer & meurdrir. Les religieuses aussi forcer, petis enfans tuer, & prestres consacrans *Corpus Domini*: aussi tuer & meurdrir dedās les Eglises. Et apres toutes ces choses faictes, roberent & pillerēt toute lesdicte ville & cité. Et en apres la bruslerent & ardirent & ietterent la muraille dedās les fosséz.

ET apres toutes ces choses ainsi faictes que dit est, le Roy s'en retourna à Sélis & Compiengne, où il manda aller par deuers luy toute sa Court de Parlement, sa Chambre des Comptes, Generaux des finances & autres ses officiers, ce qu'ils firent. Et eux venus & arriuez par deuers luy feit & ordōna plusieurs choses: & aussi pource qu'il n'auoit pas intention de seiourner audit lieu: il feit proposer

proposer par la bouche dudit Cardinal d'Angiers, à tous les dessusdits officiers tout ce que par luy auoit esté accordé audit seigneur de Bourgogne, qui plus à plain estoit contenu & spécifié en quarante deux articles, qui par ledit Cardinal furent declairez lors ausdits officiers. En leur disant de par le Roy, que son plaisir estoit que par ladicte Court de Parlement & tous autres ses officiers, fut fait & accompli tout ce qu'il auoit cōclud & accordé avecques ledit de Bourgogne: & que tout luy fut du tour enteriné & accompli sans aucun contredit, ou difficulté sur certaines grans peines que lors il exprima de bouche. Et puis le Roy s'en alla en aucuns lieux pres Paris sans vouloir entrer dedans ladicte ville. Mais aucuns grans seigneurs estans autour de luy, y vindrent & y sejournerent comme messeigneurs de Bourbon, de Lyon & de Beauieu freres, le Marquis du Pont & autres. Et le samedi dixneuuesime iour de Novembre audit an quatre cens soixante huit, fut criée & publiée à son de trompe & cry publicque par les quaresours de Paris ledit accord & vnion fait, comme dit est, entre le Roy & mondit seigneur de Bourgogne. Et que pour raison du temps passé, personne viuant ne fut si osé ou hardy de riens dire à l'opprobre dudit seigneur, fut de bouche, par escrit, signes, peintures, rōdeaux, ballades, libelles diffamatoires, chansons de geste, n'autrement en quelque maniere que ce peut estre. Et que ceux qui seroient trouuez auoir fait ou esté au contraire, fussent griefuement punis, ainsi que plus à plain ledit cry le contenoit. Et ce mesme iour furent prinſes pour le Roy, & par vertu de sa commission adressant à vn ieune fils de Paris, nommé Henry Perdriel en ladicte ville de Paris toutes les pies, jais & choüettes estans en cages ou autrement, & estans priuées pour toutes les porter deuers le Roy: & estoit escrit & enregistré le lieu, où auoient esté pris ledits oiseaux. Et aussi tout ce qu'ils ſçauoient dire, cōme larron, pail-lard, fils de putain, va dehors va, Perrete donne moy à boire. Et plusieurs autres beaux mots qu'iceux oiseaux ſçauoient bien dire, & qu'on leur auoit aprins. Et depuis encores par autre commission du Roy adressant à Merlin de Cordebeuf: fut venu querir & prēdre audit lieu de Paris tous les cerfs, biches & grues, qu'on y peut trouuer & tout fait mener à Amboise. En apres le Côte de Foix qui nouuellement estoit venu à Paris au mois de Decembre ensuiuant, deuint merueilleusement amoureux d'une moult belle bourgeoise de Paris, nommée Estiennette de Besançon, femme d'un marchand de ladicte ville nommé Henry de Paris, qui estoit bon marchand & puissant hōme. Et si estoit ladicte bourgeoise moult prisee & honorée entre toutes les femmes de bien de ladicte ville, & fort priée & requise d'estre & soy trouuer en tous banquetts, festes & hōnestes assemblées, qui se faisoient en icelle ville: communiqua avecques ledit Comte de Foix de questions ioyeuses & amoureuses: & sur plusieurs requestes offres & autres plaisāns bourdes, que luy feit & promet ledit Comte de Foix, conuindrent tellement ensemble, que le dimanche douziēme iour dudit mois de Decembre audit an mille quatre cens soixante huit: icelle Estiennette se departit de son hostel de Paris qu'elle laissa & abandonna, ensemble son dit mary, ses enfans, pere & mere, freres & sœurs & tous ses parens & amis: & ainsi follement seduite, s'en alla apres ledit seigneur de Foix avecques aucuns de ses gens & seruiteurs: qui pour ce faire estoient demourez audit lieu de Paris, & l'emme-

nerent à Blois où estoit demouré à sejour ledit seigneur, attédant illec la venue d'icelle Estiennete: avecques lequel seigneur icelle Estiennete demoura par l'espace de trois iours. Et puis s'en partit ledit seigneur de Foix, & s'en alla à Tours par deuers le Roy. Et en fait mener avecques luy icelle Estiennete, qui fut illec bien recueillie par Martin Ponchier, marchât & bourgeois de Tours oncle d'icelle Estiennete. Et peu de temps apres fut ladiçte Estiennete enuoyée à Fronteaux par deuers la Prieure dudit lieu tante de ladiçte Estiennete: où depuis elle demoura par certain long temps apres. En apres le Roy se tint & sejourna à Tours, à Amboise: & illec environ tousiours attendât que la Roynie deust accoucher qu'on disoit estre fort grosse. Mais elle n'eut point d'enfant. Et apres ces choses le Roy ordonna certaine quantité des lances de son ordonnance pour aller seruir le Duc de Calabre, pour recouurer son Royaume d'Arragon. Et avecques lesdites lances, y ordonna aussi aller huit mille francs-archiers avec grand quantité de son artillerie, où ils ne furent point, nonobstant ladiçte ordonnance. Et le mois de Feurier ensuiuant vindrent à Paris les ambassadeurs de mondit seigneur de Bourgogne, pour l'expedition des articles à luy accordez de par le Roy. Et pour lesquels le Roy escriuit & chargea bien expressement au Preuost des marchans & escheuins, & tous autres officiers & gens notables de ladiçte ville, que de tout leur pouoir ils festoyassent fort & honnorablement lesdits ambassadeurs. Laquelle chose fut faicte, & furent moult honnorablement & abondamment festoyez. Et premierement par ledit monseigneur l'Amiral d'Angiers: Secondement par le premier President de la court de Parlement. Tiercement par maistre Jean de l'Adriesche President en la chambre des Comptes & Tresorier de France. Quartement par monseigneur de Mery. Et quintement & pour derniere fois par le Preuost des marchans & bourgeois de ladiçte ville, lequel festoy fut moult honorable. Et durant lesdites choses, furent leurs lettres expedies par toutes les cours de Paris: tous lesdits articles ainsi à eux accordez par le Roy comme dit est. Et le iedy seiziesme iour de Feurier audit mille an quatre cens soixante huit: aduint au chastellet de Paris qu'un nommé Charlot le Tonnellier dit la hotte, varlet chaussetier demourant à Paris, qui auoit esté constitué prisonnier audit chastellet de Paris pour raison de plusieurs larcins: dont on le chargeoit qu'il denioit, fut ordonné par le Preuost de Paris & les officiers du Roy audit chastellet, que son proces seroit fait sur les chatges à luy imposées: & conclud d'ainsi faire, dont il appella. Et par arrest fut renuoyé audit Preuost, pour estre fait son dit proces. En l'amenant de sa prison en la chambre de la questio dudit chastellet, faist vn cousteau qu'il aperceut sus son chemin, & d'iceluy se couppa la langue: & puis fut ramené en sa prison sans autre chose faire pour ledit iour. Audit temps aduint qu'au pays de Hollande & Zelande qui sont des pays de monseigneur de Bourgogne, y vindrent & abonderent si grandes eaües, que l'eaü noya & emporta plusieurs villes & places dedit pays, pour raison de plusieurs escluses qui tenoient la mer, qui se rompirent. Et à ceste cause y eut de grans dommages faits & plus grand destruction, comme on disoit, que ledit seigneur de Bourgogne n'auoit fait par fureur en la cité & habitans du Liege. Et apres que ledit Charlot tonnellerie (dont est parlé deuant) qui ainsi festoit incisée la langue & fut guery: fut de rechief amené en la question

question pres d'estre estendu en la gehaine, pource qu'il ne vouloit cognoistre les cas à luy imposez: lequel apres qu'il eut esté longuement assis sur la sellette, dit qu'il droit verité: & lors declaira tout au long la vie & de moult grands & merueilleux larcécins: & si accusa moult de gens coupables à faire icelles: comme vn sien frere surnomé le gendarme, vn ferrurier, vn orfeure, vn sergent hieffé nommé Pierre Moynel & plusieurs autres, qui pour lefdits cas furēt constituez prisonniers: & sur ce interroguez, qui depuis confesserēt auoir fait plusieurs larcécins. Et apres toutes ces choses, le mardy de la sepmaine peneuse: ledit la Hote & son frere, ledit sergent hieffé, le ferrurier, vn tondeur de grans forces, & vn frippier nommé Martin de Coulongne par la sentence du Preuost de Paris, furent condamnez à estre pendus & estranglez au gibet de Paris, dont ils appellerent en Parlement. Et par arrest de la Court ladicte sentence fut confermée au regard des quatre d'iceux: c'est à sçauoir desdits de la Hote, son frere, dudit tōdeur de grans forces, & dudit ferrurier. Et le lendemain qui fut mercredy furent menez pendre au gibet. Et au regard desdits frippier & sergent hieffé, ils demourerent encores en la prison iusques apres les festes de Pasques. Et le védredy Sainct & aouré vint & ilist du ciel plusieurs grans esclats de tonnoire, & espartissemens & merueilleuse pluie, qui esbahist beaucoup de gens: pource que les anciē dient tousiours, que nul ne doit dire helas fil n'a oüy tonner en Mars. Et apres ce que dit est, ledit frippier nommé Martin de Coulongne fut rendu par ladicte Court de Parlement audit Preuost de Paris, & fut enuoyé audit gibet le famedy veille de Quasimodo mille cccc.lxix.

De la trahison de maistre Iean Baluē Cardinal d'Angiers, dont il fut prisonnier du Roy de Cecile, & sa femme qui vindrent au Roy: de la paix dudit Roy & de sondit frere Charles pour lors Duc de Guenne: lequel vint depuis aux Montiz lez Tours: de l'alliance du Roy & du Roy d'Espagne: & cōment le Duc de Bretagne refusa l'ordre du Roy: & du ban & arriereban ordonné par le Roy pour obuier au Roy Edouard d'Angleterre. Et autres plusieurs choses faictes en l'an mille cccc.lxix.



Av mois d'Avril ensuiuāt mille cccc.lxix. maistre Iean Baluē Cardinal d'Angiers, qui en peu de tēps auoit eu moult grans biēs du Roy & du Pape, par le moyen du Roy: qui pour l'auancer & faire si grād comme de Cardinal: & auquel Cardinal le Roy se fioit moult fort, & faisoit plus pour luy que pour Prince de son sang & lignaige. Et iceluy Cardinal non ayant Dieu en memoire, ne l'honneur & profit du Roy ne du Royaume deuāt ses yeux, mena le Roy iusques à Peronne: auquel lieu il le feit ioindre avec iceluy Duc de Bourgongne & leur feit faire ensemble vne telle quelle paix: laquelle fut iurée & promise entre les mains dudit Cardinal. Et puis voulut, conseilla & ordonna que le Roy iroit & accōpaigneroit ledit de Bourgongne iusques en ladicte cité du Liege, qui par auant festoient esleuez & mis sus pour le Roy contre ledit de Bourgongne, & pour luy porter dommage. Et au moyen d'icelle allée du Roy deuant icelle cité desdits Liegeois: & icelle cité furent ainsi meurdri & destruis, tuez & fugitifs, cōme dit est deuant: mais qui pis est, le Roy, messeigneurs de Bourbon, de Lyon, Beauieu & Euesque dudit Liege freres, & toute la seigneurie estant deuant ladicte cité, furēt en moult grād dan-

gier d'estre morts & tous perils : qui eut esté fait la plus grãd esclandre qui oncques fut aduenue au Royaume de France, depuis la creation d'iceluy . Et apres que le Roy sen fut retourné deuers Paris, pour sen retourner à Tours & autres lieux enuiron : & le garda d'entrer en ladicte bone ville & cité de Paris, & le feir passer deux lieues pres d'icelle , en cuidant par luy à ceste cause mettre ladicte bonne ville & cité, ensemble les subiects d'icelle en l'indignation du Roy. Et en faisant ledit voyage audit lieu de Tours & Angiers par le Roy , il feit content monsieur son frere de son ampanage, & luy bailla pour iceluy la Duché de Guienne & autres choses, dont il se tint à bien content du Roy . Et voyant par iceluy Cardinal, la paix & bonne vnion estre entre le Roy & sondit frere, cuida de rechief faire son effort & rebouter trouble & malueillance entre le Roy & autres seigneurs de son Royaume, comme deuant auoit fait . Car il enuoya & meit sus messages especial avecques lettres & instrumens , qu'il enuoyoit audit de Bourgogne en luy faisant assçauoir, que ledit accord ainsi fait estoit du tout fait à sa confusion & destruction : & n'estoit fait à autre fin que pour l'aller destruire incontinent que le Roy & sondit frere seroiēt assemblez . Et que pour se garder contre eux luy estoit besoing & necessité, qu'il se meit en armes comme deuant auoit fait : & qu'il assemblast plus grand armée qu'oncques n'auoit fait , & mouuoir guerre au Roy plus que iamais : & autres grandes & merueilleuses diableries qu'il escriuoit audit de Bourgogne par vn sien seruiteur, qui de cedit lettres & instructions qu'il portoit, fut trouué faisy, & promptement furent portées au Roy : lequel incōtinent ces choses par luy sceües, fut iceluy Cardinal prins & faisy & mené prisonnier à Montbalon, où il fut laissé en la garde de monsieur de Torcy & autres. Et apres furēt prins & faizys en la main du Roy tous ses biens & seruiteurs : & furent lesdits biens prins par inuētoire, & luy furent baillez commissaires pour l'interroguer sur les cas & charges à luy imposées : c'est à sçauoir messire Tanneguy du Chastel gouverneur de Roussillon, messire Guillaume Cousinot, mondit seigneur de Torcy & maistre Pierre d'Oriolle general des finances : tous lesquels besongnerēt à l'interroguer & examiner sur lesdits cas & charges . Et en apres le Roy donna & distribua des biens dudit Cardinal à son plaisir : c'est à sçauoir sa vaiselle d'argēt fut vendue & l'argēt baillé au tresorier des guerres, pour les affaires du Roy : la tapisserie fut baillée audit gouverneur de Roussillon, & la librairie audit maistre Pierre d'Oriolle : & vn beau drap d'or tout entier contenant vingt quatre aulnes & vn quart qui bien valoit douze cens escus, & certaine quantité de mattres sebelines, & vne piece d'escarlate de Fleurance furent baillez & deliurez à mōsieur de Crussol : & ses robbes & vn peu de mefnage fut vendu pour payer les fraits des officiers & commissaires, qui auoient vacqué à faire ledit inuentoire .

E t durant ces choses le Roy de Cecille & la Roynesa femme, vindrent deuers le Roy à Tours & Amboise , où illec furent moult honnorablement receuz de par le Roy . Et apres tout ce que dit est, le Roy, mondit seigneur de Bourbon & autres seigneurs sen tirerent deuers Niort, la Rochelle & autres lieux enuiron, où ils trouuerent monsieur le Duc de Guienne frere du Roy : & en iceluy voyage (moyennant la grace de Dieu & de la benoiste vierge Marie) le Roy & mondit seigneur de Guienne furent reünis & mis en bonne paix, &

amour

amour l'un avec l'autre : dont moult grand ioye fut incontinent espendue par tout le Royaume. Et pour ceste paix, fut dit & châté en sainte Eglise. *Te Deum laudamus*, fair les feux par toutes les bonnes villes, tables rondes dressées & de moult grans soulas, esbatemés & ioyes pour ce deménées. Et puis apres le Roy s'en retourna à Amboise par deuers la Royne: qui (comme bonne, honneste & tres noble dame) auoit fort trauaillé à traicter ladicte bonne paix & vnion, que nostre seigneur par sa sainte grace & bonté vueille de bien en mieux tousiours bien entretenir. Et puis fut delibéré par le Roy & son grand conseil, d'aller conquerir, prendre & auoir la Comté d'Armignac: & mettre en la main du Roy & promis d'icelle bailler à mondit seigneur de Guiéne. Et pour ce mettre à execution y enuoya le Roy grand quantité de son artillerie, de ses gens de guerre & frâcs-archiers. Et pour ledit voyage faire & preparer ladicte armée: le Roy s'en partit dudit lieu d'Amboise pour aller iusques à Orleans, où seiourna cinq ou six iours, & puis s'en retourna audit lieu d'Amboise. Et peu de temps apres vint & arriua à Paris monsieur de Chastillon, Grand Maistre enquesteur & general reformateur des eaües & forests, pour prendre, recevoir & veoir les monstres des bannieres, des officiers, gens d'estat & populaire de la ville de Paris.

Et le samedy quatriefme iour de Novembre mille quatre cens soixante & neuf, fut leüe & publiée par les carrefours de Paris, és lieux ordinaires en icelle ville, l'alliance & bone vnion faicte entre le Roy de France & le Roy d'Espaigne: laquelle lecture & publication fut faicte par maistre Jean le Cornu clerc de la Preuosté de Paris, és presences des Lieutenâs criminel & ciuil de ladicte Preuosté, & de la plus part des examinateurs ordinaires & extraordinaires dudit chastellet. Et depuis ce le Roy, monsieur de Bourbon & autres seigneurs d'entour luy, se tindrēt à Amboise: & illec enuiron & iusques au samedy vingtquatriefme iour de Decembre audit an mille quatre cens lxi. que monsieur de Guienne accompagné des nobles de sa Duché, en moult grand, belle & noble compaignie, arriua par deuers le Roy en son chasteau des Môtiz lez Tours: qui de sa venue eut moult grand ioye & aussi eürēt la Royne, ma dame de Bourbon & autres dames & damoiselles de leur compaignie: qui incontinent qu'ils sceuerent ladicte venue, se parièrent dudit lieu d'Amboise pour aller audit lieu des Montiz, pour aller veoir & festoyer ledit monsieur de Guiéne. Et en ces entre-faictes fut tout le païs d'Armignac mis & rendu és mains du Roy & sans effusion de sang: & tout deliuré à monsieur l'Amiral & Comte de Dampmartin, comme gouuerneur de ladicte armée pour le Roy. Et demourerent depuis le Roy, monsieur de Guienne, la Royne, ma dame de Bourbon & autres de ladicte compaignie audit chasteau de Montiz, faisâns illec de moult grâs chieres & iusques à Noël. Et apres ce mondit seigneur de Guienne s'en partist & print cōgé du Roy & de toute sa compaignie, & s'en alla & retourna à la Rochelle, à S. Ieā d'Angeli & autres ses païs voisins, pour illec tenir ses estats & appoincter des offices & autres affaires de son dit païs & Duché de Guiéne. Et apres le Roy s'en reuint & retourna audit lieu d'Amboise, où il se tint depuis par aucun tēps: durāt lequel il enuoya ses ambassadeurs par deuers le Duc de Bretagne, par lesquels ses ambassadeurs il enuoya audit Duc de Bretagne son ordre nouuellement mise & créé sus: affin qu'icelle il portast, & iurast tout ainsi & selon que

l'auoient prinſe & iurée pluſieurs autres Princes & ſeigneurs de ce Royaume. Et iaçoit ce que le Roy luy eut fait ceſt hõneur: neantmoins de prime face il la reſuſa & ne la voulut prendre n'accepter. Et diſoit on que c'eſtoit au par auãt que ledit Duc de Bretagne auoit prinſe la toiſon d'or, en ſoy declairãt amy, frere & alliẽ du Duc de Bourgongne: pourquoy le Roy ſe tint pour mal content & nõ ſans cauſe. Et biẽ toſt apres le Roy ordõna certaine quãtitẽ de gens d'armes de ſon ordonnãce & ſes archiers avec partie de ſon artillerie, pour faire guerre audit Duc de Bretagne & ſes paÿs: mais auant le partemẽt deſdictes gens de guerre d'aller audit paÿs de Bretagne, fut donẽ delay audit Duc de Bretagne de dix iours entiers: qui faillirent le xv. iour de Feurier pour donner au Roy ſa reſponſe de tout ce qu'il auoit intention de faire, & comment il ſe vouloit avecques luy gouuerner. Et le mercredy quatorziẽme iour d'iceluy mois de Feurier, furent leũes & publiẽes ſes carrefours de Paris le mãdemẽt patent du Roy ſignẽ Guillaume de Cirifay: par lequel le Roy mandoit au Preuoſt de Paris, qu'il eſtoit deũement acertẽnẽ que le Roy Edouard d'Angleterre & les Princes, ſeigneurs & populaire dudit Royaume, qui pour long temps auoient eſtẽ en grãd guerre & diuiſion entre eux, auoient fait leur paix & pacification entre eux. Et que tous iceux eſtans assemblez en conſeil auoient conclud, promis & iurẽ de venir deſcendre en pluſieurs & diuers lieux de ce Royaume, en intention d'y prendre, ſaiſir & gaſter villes, places, paÿs & forterelles: & deſtruire ledit Royaume & les habitãs d'iceluy, tout ainſi qu'autreſois il auoit fait. Pour leſquelles cauſes, & voulant par le Roy de tout ſon pouoir & puiffance obuier aux damnẽes & faulſes entreptinſes deſdits Anglois: ordonna ſon ban & arriereban eſtre fait. Et que par ledit Preuoſt de Paris (toutes excuſations ceſſant) il contraignit vigouteuſemẽt & ſans deport aucun, tous les nobles & non nobles tenans en fief & arrierefief, preuilegiez & non preuilegiez, à eſtre tous en armes & habillemẽt ſouffifant & en perſonne, ſans y prẽdre ne recevoir aucun au lieu d'eux, dedans le prenuier iour de Mars enſuiuant: & ſur peine de conſiſcation de corps & de biens: en deffendãt de par le Roy, par leſdictes lettres audit Preuoſt & tous autres, de bailler ne recevoir aucune excuſation ou certification pour iceux tenant en fief ou arrierefief, ſur peine de perdition de leurs offices: & de conſiſcation de corps & de biens & nonobſtant oppoſitiõs ou appellations. Et auſſi en declairant les deffaillans ou reſuſans eſtre ennemis du Roy, & auoir cõfiſquẽ enuers luy corps & biens, ſans iamais le leur remettre ou pardõner. Et ce meſme iour de mercredy vint nouuelles à Paris, que monſieur de Bourgongne auoit eſtẽ veu en la ville de Gand, portãt à l'vne de ſes iambes la iarretiere, & ſur luy la croix rouge, qui eſtoit ordre & enſeigne dudit Roy Edouard d'Angleterre. Et à ceſte cauſe ſe demonſtroit & declairoit ennemy capital du Roy & du Royaume, & cõme Angloiſtenu & reputẽ. En apres ledit ſeigneur de Bourgongne enuoya à Tours ſes ambassadeurs par deuers le Roy: leſquels depuis y demourerent par certain tẽps illec, attendans leur expẽdition: durans ces choſes le Vicomte & ſeigneur de Villars en Poiẽtou, alla de vie à treſpaſſement: lequel en ſon viuant auoit donnẽe & laiſſẽe ſa ſucceſſion au Roy pour en iouir par luy incõtinent apres ſon treſpas. Et pour icelle ſucceſſion auoir & recueillir, le Roy ſen partit pour aller audit paÿs de Poiẽtou, pour prendre, ſaiſir & auoir ladiẽte ſucceſſion

successiō d'iceluy seigneur de Villars: à quoy faire le Roy y demoura tout le mois d'Auril. Audit mois d'Auril vn nommé maistre Pierre Durand, qui estoit nepueu dudit Cardinal d'Angiers: leq̃l par long tēps auoit esté detenu prisonnier au chasteau de Mailly, eschappa des prisons dudit lieu & sen vint iusques à Paris, où il fut cogneu par vn apotichaire nommé Chamberin: & fut de rechief prins & faizy & mené prisonnier és prisons de la consiergerie du Palais royal à Paris, où il fut detenu iusques au xxvj. iour d'Auril mille cccc. lxx. apres Palques fut tiré & mis hors desdites prisons de la cōsiergerie, & baillé & deliuré és mains des lergés & seruiteurs du Preoust des Mareschaux, pour mener où ordonné leur seroit.

Du Comte de Vvaruich & du Duc de Clairance, qui avecques leurs femmes & familles dechasserz du Roy Edouard d'Angleterre, vindrent és parties de France: & aussi la Roïne dudit Angleterre & son fils: dont fut mal cōient le Duc de Bourgongne. De la natiuité du Dauphin Charles. De la pacification du Duc de Bretagne avecques le Roy. Du retour dudit Comte de Vvaruich. De l'alliance du Roy & du Roy Henry d'Angleterre: De la fuite du Roy Edouard. De l'entrée de la Roïne d'Angleterre à Paris. De ceux d'Auxerre tenans pour ledit Duc de Bourgogne. Des victoires par les gens du Roy és Duchés dudit Bourgongne. Comté de Charrolois & Picardie. D'aucū voyages du Roy & autres plusieurs choses aduenues en l'an mille quatre cens soixante & dix.



V mois de May ensuiuant mille quatre cens lxx. le Comte de Vvaruich & le Duc de Clairance avec leurs femmes, qui dechassées auoient esté par le Roy Edouard d'Angleterre au moyen de certains grans debats & questions, qui festoient meuz entre eux: se meirent eux, leurs sertiteurs & autres gens qu'ils auoient peu recueillir en plusieurs manieres sur mer, iusques au nombre de quatre vingts nauires, & sen vindrent prendre terre en Normandie iusques à Honneufleu & Harfleu. Et illec ils trouverent monsieur l'Amiral, qui les recueillit: & bouta lesdits de Vvaruich, de Clairance, le Comte de Vualonfort, dames & damoiselles, avec vn peu de leur priuée mesgnée. Et au regard des nauires, ils se retrahirent depuis & ceux estans dedās és hables de Honneufleu & Harfleu. Et en apres aussi se deslogerent les dames & damoiselles & leur train, & sen allerēt à Valongnes où leur logis leur fut ordonné. Et bien tost apres ces choses, le Duc de Bourgongne sachant ce que dit est, escriuit lettres missiues à la Court de Parlemēt: par lesquelles il leur mādait qu'il auoit sceu, que le Roy auoit recueilly ledit de Vvaruich en acunes villes de son Royaume, és marches de Normandie: qui estoit allé contre l'appoinctement fait à Perōne entre le Roy & luy. En priant & enhortant ausdits de Parlemēt, qu'ils voulsissent demonstrier ces choses au Roy: affin qu'il ne fauorist ledit de Vvaruich & ceux de sadiète cōpagnie, qu'il disoit estre son ennemy capital & dudit Royaume: ou autrement il l'iroit querir quelque part qu'il le peut sçauoir en France: pour en faire à son bō plaisir. Et nonobstāt ce ledit de Vvaruich seiourna & demoura depuis certain temps: c'est à sçauoir durāt le mois de Iuing audit Honneufleu. Et durant ce temps plusieurs gens de guerre de l'ordonnance du Roy deslogerent de leurs garnisons, & sen vindrent gaster tout le plat païs: loger & mettre en plusieurs villes & places sur les marches de Normandie

& Picardie. Audit mois de Iuing aduint que deux hommes de guerre de ladicte ordonnance soubz la charge de monsieur le Connestable, tuerent & meurdrirent deux ieunes clers du tresorier des guerres en plaine Beaulse, pour auoir l'argent qu'ils portoient pour le payement des gensdarmes. Et peu de temps apres furent prins & saisis à Honnefleu : & d'illec menez par deuers monditz seigneur le Connestable en la ville de Meaux, où il ya deux arbres & sur deux diuers chemins, furent pendus & estranglez. En ces entrefaictes le Roy se tint & seiourna à Tours, à Amboise, Vendosme & autres lieux pres d'illec, par deuers lequels ledits Anglois allerent. Et aussi y fut & alla la Royne d'Angleterre & le Prince de Galles son fils. Et illec tous arriuez fut pour parlè entre eux de la maniere, pourquoy ils estoient illec tous venus & arriuez : & depuis s'en retournerent ledits Anglois à Honnefleu, Valongnes, S. Lo & autres lieux en Normandie : durant ce que dit est, le Duc de Bourgongne feit prendre & mettre en sa main toute la marchandise qu'il auoit en ses pays, appartenant aux marchans de France, iusques à ce que les marchans de ses pays eussent eu restitution d'aucuns biens prins sur mer par ledits Anglois.

Audit temps le famedy dernier iour de Iuing mille cccc.lxx. environ entre deux & trois heures de matin, la Royne accoucha au chasteau d'Amboise d'un beau fils, qui illec fut baptizé & nommé Charles par monsieur l'Archeueque de Lyon, avec le Prince de Galles fils de Henry iadis Roy d'Angleterre, & prisonnier detenu par Edouart qui se disoit Roy dudit pays d'Angleterre. Et la commere fut Madame Jeanne de France Duchesse de Bourbon. Et de ladicte natiuité fut grand ioye faicte & espendue par tout le Royaume de France, & en fut chanté en diuers lieux. *Te Deum laudamus*, & autres belles louenges à Dieu : les feux fais parmy les rues, tables rondes & autres grans ioyes & esbatemens. Et tantost apres ladicte natiuité, le Roy de Cecille, monsieur de Guienne, monsieur de Bourbon, de Lyon, Beauieu & autres, s'en allerent à Angiers, à Saumur, le Pont de See & autres lieux illec environ, pour trouuer pacification & accord avec le Duc de Bretagne, sur aucune question qui estoit entre le Roy & le Duc dessusdit. Et illec demourerent par certain temps, & iusques à tant que appointement si trouua, & fut fait entre eux : & puis le Roy s'en retourna par deuers la Royne à Amboise. Apres ledit accord ainsi fait, furent enuoyez ambassadeurs dudit Duc de Bretagne par deuers ledit Duc de Bourgongne : & luy furent rendus le seel & alliance, qui estoit entre eux : dequoy ledit de Bourgongne se courrouça fort quand il apperceut l'accord du Roy & dudit Duc de Bretagne. Durant ce que dit est, le Comte de Vvaruich (dont deuant est parlé) qui estoit audit pays de Normandie, cuidant soy en retourner en son pays d'Angleterre : fut ordonné & estably sur mer de par ledit de Bourgongne plusieurs beaux & grans nauires de guerres : comme hurques, gallées & autres nauires en grand quantité, tous fort auitaillezz & garniz d'artillerie & gens de guerre, d'Anglois, Bourgongnons, Picards & autres. Et singlerent en mer tellement, qu'ils s'en vindrent arriuer sur la coste de Normandie, environ la fosse de l'aire, cuidans trouuer & rencontrer ledit de Vvaruich & sa compagnie pour les desconfire. Et illec demourerent à l'ancre par certain long temps : pendant lequell le Roy qui estoit à Amboise s'en partit & alla au Mont-Sainct-Michel en pelerinage. Et apres ice-
luy

luy fait & accomply, s'en reuint & retourna à Auranches, Tombelaine, Constances, Caen, Honnefleu & autres places de Normandie: & illec sur le costé de la mer feit aussi arriuer & auitailler sa nef, la nef monsieur l'Amiral, la nef de Colon & autres plusieurs beaux nauires: dedans lesquels se meitent & bouterent lesdits de Clarence, de Vvaruich & ceux de leur compagnie, avec aucuns Francs-archiers & autres gens de guerre que le Roy leur auoit baillez, pour leur seureté & conduicte: & incontinent qu'ils furent ainsi montez que dit est, pres de partir & singler en mer lesdits Bourgongnons, Anglois & autres voyât qu'ils auoient longuement esté à l'ancre sans auoir riens fait & mägé tous leurs viures: retirerent lesdits ancrs, & s'en retournerent à leur Duc sur traine boyau, & sans auoir riens, dequoy il eust bien tost ris son saoul, pource qu'ils auoient perdu grand temps: & si auoit beaucoup fraié & despendu à l'auitallement desdictes nauires, & au soullooy desdictes gens de guerre. Et ce fait ledit de Vvaruich accompagné comme dessus, entrerent en mer & eurent vent propre & à gré: tellement qu'en peu de temps ils vindrent arriuer audit Royaume d'Angleterre, & descendirent & arriuerent iceux nauires à Peulme & Dertemue à heure de nuit. Et tout incontinent qu'il eut mis pied à terre, il enuoya dix mille dedans ledit pays d'Angleterre par aucuns de ses gens, prendre & saisir vn Baron d'Angleterre qui estoit en son liét couché, & qui ne pensoit point à ladicte descendue: & l'amenerent au matin par deuers ledit de Vvaruich: auquel Baron incontinent luy arriué fut mise la teste hors des espaules. Et apres s'en alla audit lieu Dertemue à Bristo, où il fut bien recueilly: & illec auoit laissé son artillerie & de ses bagues quand il s'en alla en Normandie. Et apres qu'il eut recouuré ses choses, & auant qu'il fut trois iours il vint & arriua par deuers luy plus de soixante mille hommes en armes pour le seruir, viure & mourir pour luy: il se mit dessus les champs tousiours cherchant à trouuer ledit Edouart. Et fut plus de xv. iours apres ladicte descendue, auant qu'en France on peust auoir aucunes de ses nouuelles. Apres les choses dessusdictes le seigneur d'Argueil fils du Prince d'Orengé qui estoit domestique, & le plus prochain dudit Bourgongnon: & qui estoit marié à la seur de monseigneur de Bourbon, s'en partit & embla d'autour dudit de Bourgongne: & s'en vint & retrahit par deuers le Roy qui bien le recueillit. Et quand ledit Duc sceust ledit partement il cuida enragier & creuer de dueil. En la presence de ladicte ambassade de Bretagne, ledit Duc de Bourgongne declaira ledit seigneur d'Argueil, auoir confisqué enuers luy corps & biens. Et puis feit arraser & abbatre toutes les places & chasteaux qu'il auoit en ses pays. En apres le xiiij. iour d'Octobre audit an mille cccc. lxx. le Roy enuoya ses lettres patentes à Paris, qui furent leuës & publiées par les quarrrefourgs d'icelle, presens les Lieutenans criminel de la Prenoité de Paris & plusieurs des examinateurs d'iceluy chastellet. Et par lesdictes lettres estoit contenu l'alliance faicte du Roy, & du Roy Henry d'Angleterre, en mandant par lesdictes lettres tous Anglois laisser venir & descendre en ce Royaume, pour leurs affaires & marchandises sans faulscouidits ne autre seureté, comme les subiects de France: sauf en ce non comprins Edouart de la Marche nagueres Roy dudit Royaume d'Angleterre, ses alliez & complices. Et à ce iour & depuis vindrent certaines nouuelles en France que lesdits de Clarence, Vvar-

uich qui ainsi estoient sur les champs & en armes audit Royaume d'Angleterre, cuidans trouuer ledit Edouart, prospererent illec tellement que tous les Princes, seigneurs, nobles, prelatz, bourgeois & commune dudit pays d'Angleterre: & singulierement tout le populaire de Londres, vindrent au deuant dudit Vvaruich, & tournerent le doz audit Edouart: & vindrent mettre à plaine deliurance ledit Henry, qui par long temps auoit esté detenu en captiuité de prison par ledit Edouart: & luy baillerent de rechef la possession & iouissance dudit Royaume: & fut fait ledit de Vvaruich gouuernant dudit Royaume. Et puis vindrent en la cité de Londres faisans grans chieres. Et illec & ausli audit Royaume, furent mis à plaine deliurance tous François qui illec estoient prisonniers, & renuoyez en France quittement. Et si feit ledit de Vvaruich prendre & saisir tous les biens aux subiects dudit de Bourgongne, & mettre en arrest & en ses mains: & puis ledit Edouart voyant qu'il estoit seul demouré & du tout abandonné, s'en fuit & voida hors ledit Royaume: & s'en vint à recours audit Duc de Bourgongne son beau frere, & audit Royaume d'Angleterre demoura la femme & mesnaige.

EN apres le Roy qui par long temps n'estoit bougé de Tours & Amboise, meu de bonne deuotion, s'en partit & alla à nostre Dame de Celles qui est en Poictou, où il seiourna vn peu de temps: & puis retourna audit lieu d'Amboise. Audit mois de Novembre le Roy enuoya à Paris ses lettres patentes par lesquelles il mandoit aux nobles clerks & laiz de la ville de Paris, qu'ils feissent processions & louenge à Dieu, & à la vierge Marie: & toutes œures cessans par l'espace de trois iours en louant & merçant Dieu nostre createur, la benoïste vierge Marie & tous Saincts & Sainctes de Paradis, de la bonne victoire que auoit eu Henry de l'Enclastre Roy d'Angleterre de sondit Royaume, à l'encontre de Edouart de la Marche, qui longuement sur luy l'auoit vursupé à la faueur dudit Duc de Bourgongne: & ausli de la bonne paix & vnion que faicte estoit entre le Roy & ledit Roy Henry d'Angleterre. Laquelle procession fut faicte & accomplye, ainsi que le Roy l'eut mandé: & tout ainsi en fut fait par toutes les bonnes villes de ce Royaume. En apres le Roy escriuit autres lettres, par lesquelles il mandoit à Paris qu'il y enuoyoit la Royne d'Angleterre femme dudit Roy Henry avec son fils, le Prince de Galles & sa femme, fille dudit Comte de Vvaruich: avec la femme dudit de Vvaruich mere de la femme dudit Prince de Galles: la dame Vuilchere & autres dames & damoyelles de la compagnie d'icelle Royne d'Angleterre: laquelle Royne d'Angleterre y vint & arriua audit lieu de Paris accompagnée, comme dit est: & estoient à l'accompagner de par le Roy les Comtes d'Eu, de Vendosme & de Dunois, de monseigneur de Chastillon & autrés plusieurs nobles hommes. Et furent & issirent hors de ladicte ville de Paris, pour aller & estre au deuant de ladicte Royne, & du commandement expres du Roy, le Prelat & Euesque de ladicte ville, l'Vniuersité, la Court de Parlement, le Preuost de Paris & suppost de Chastellet: le Preuost des marchans & escheuins, marchans, bourgeois, manans & officiers d'icelle ville, tous moult honnorablement & en habits honnestes, & en moult grād & merueilleux nombre. Et entra en icelle ville par la porte S. Iaques, & par toutes les rues par où elle passa, auoit de moult belles tapisseries & tentes au long desdites

des rues depuis ladicte porte, par où elle passa iusques au Palais, où son logis luy fut moult honnorablement appresté. En ce temps fut amenée à Paris toute la belle artillerie de Tours, que le Roy auoit : laquelle fut mise & descendue au chasteau du Louure. Audit temps aussi le Roy escriui au preuost & escheuins de ladicte ville de Paris, que son plaisir, vouldenté & intention estoit de faire & tenir la feste de son ordre en ladicte ville. Et que pour ceste cause & pour estre à icelle feste, y ameneroit tous les seigneurs de son sang, qui y viendroient & seroient à grand compagnie de gens. Et que pour ceste cause les manans & habitants de ladicte ville, feussent contens qu'ils y feussent logez & hebergez par fourriers, ce qui leur fut accordé. En ce temps aussi qui estoit le mois de Decembre, messire Artus de Longueual cheualier & autres gentils-hommes, entrerent pour le Roy en la ville de S. Quentin en Vermandois du bon vouloir des habitants dudit lieu. Et puis le dixiesme iour dudit mois monseigneur le Connestable vint & entra pour le Roy en ladicte ville, à tout deux cens lances & les archiers. Et d'icelle entrée le quatorzieme iour dudit mois ensuiuant, maistre Iean de Ladriféche tresorier de France, maistre Robert Fessier, maistre Pierre de Boieuual & plusieurs autres officiers de mondit seigneur le Connestable, feirent faire vn cry publicque à son de trompe à la table de marbre au Palais Royal à Paris. En faisant scauoir la prinse & entrée ainsi faicte audit S. Quentin, par mondit seigneur le Connestable : & que de ce on merciait Dieu en luy priant de donner bonne prosperité au Roy, & audit Connestable stipulât pour luy au recouurement de ses autres villes & pays engagez : qu'il auoit bonne intention de recouurer & mettre hors des mains de Charles soy disant Duc en Bourgongne : & ainsi le contenoit ledit cry. Au mois de Ianuier ensuiuant le Roy qui estoit party d'Amboise pour venir à Clery & Orleans, s'en partit pour venir au pays de Beauisse, & vint coucher au Puiset : & le lendemain s'en alla au giste à Palaisseau pres de Montlehery. Et le lendemain vint à disner à Seaux le grand, en vn hostel qui appartenoit à maistre Iean Baillet maistre des requestes ordinaire de l'hostel du Roy : & d'illec s'en vint au giste en la ville de Paris en son hostel des Tournelles. Et avecques ce, aussi y vindrent la Royne, Madame de Bourbon & autres plusieurs dames & damoyelles en leur compagnie : & demoura le Roy à sa bonne ville de Paris iusques au samedi vingtsixiesme iour dudit mois, qu'il s'en partit pour s'en aller à Senlis, à Cöpiengne & autres lieux voisins, où estoit la pluspart de toute son armée pour batailler contre ledit Duc de Bourgongne. Et apres luy fut menée par eaüe & par terre grand quantité de son artillerie, & menée à Compiengne, Noyon & ailleurs au pays de Picardie & Flandres. Et puis fut crié à Paris par les quarrefours de ladicte ville à son de trompe, que tous les Frans-archiers de l'isle de France & aussi tous les nobles, fussent tous prests & en leurs habillemens pour suite & aller avec le Roy en ladicte armée. Et durant ce temps fut fait à Paris moult grande quantité de pouldre à canon & serpentines, pour fournir à ladicte guerre. En ce temps auoient esté enuoyez de par le Roy sire Christoffe Paillard seigneur des Comptes, & sire Iagues Hefselin conterolleur du grenier à sel à Paris, en la ville d'Auxerre pour sommer les habitants d'icelle d'eux & ladicte ville rendre au Roy, & de prendre illec garnison pour luy. Et par lescdits commissaires leur furent faictes de moult belles

remonstrances: lesquels habitans demanderent ausdits ambassadeurs terme iusques au ieu dy ensuiuant pour auoir aduis entre eux, & de ce leur rendre responce. Pour laquelle responce attendre s'en allerent lesdits ambassadeurs à loigny, distant d'illec de six lieues: & y seiournerent iusques audit ieu dy que iceux habitans leur enuoyerent responce par vn homme de ladicte ville, que l'on disoit estre sauetier: lequel leur dit & rendit responce, que lesdits habitans d'Auxerre mandoient ausdits commissaires, qu'ils auoient mis & bouté avecques eux dedans ladicte ville grande garnison de gens de guerre pour ledit Duc. Et qu'au regard d'eux ils estoient fermes & deliberez de viure & mourir pour ledit Duc, & garder ladicte ville pour luy. Et le iour que ladicte garnison y fut boutée, y fut tué & meurdry vn des bourgeois d'icelle ville nommé Guillemain Goutier, qui fut domage: car il mourut pour la querelle du Roy soustenir. Et apres le partement du Roy de sa ville de Paris pour aller à Compiengne & à Senlis: se rendirent pour le Roy, les villes d'Amyens, de Roye & Montdidier. Et puis le mardy quatriesme iours de Feurier, furent faictes à Paris processions generalles moult honorables. Et y fut la Royne, Madame de Bourbon & toute leur noble compagnie: & allerent en la grand Eglise de nostre Dame, & delà à nostre Dame de recouurance aux earmes. Et là fut prié pour le Roy, la Royne & leur bonne prosperité. Et fut dit & declairé comment lesdictes villes estoient rédues au Roy, & entre les autres la ville d'Abbeuille, dont il n'estoit riens. Audit réps furent prins à Paris & contrains tous manouuriers de bras: comme massons, charpentiers de la grand coignée & autres plusieurs, de aller esdictes villes ainsi nouuellement reduictes au Roy: dont on bailla la charge au regard desdits pionniers à maistre Henry de la Cloche procureur du Roy au Chastellet de Paris, qui estoit bon & loyal François: qui les mena & conduict iusques en ladicte ville de Roye, où illec furent fais de grans boulleuers, fossez, trenchées & autres belles fortifications: & aussi en furent faictes d'autres en autres villes & diuers lieux: & illec demourerent lesdits pionniers certain grand espace de temps, & iusques enuiron le iour de Pasques, que le Roy donna & bailla trefue pour certain temps avecques le Duc de Bourgongne: lequel estoit assiégré par les gens du Roy en son parc qu'il tenoit entre Bapaulmes & la ville d'Amyens. Et là où il fut en telle misere & poureté, qu'il estoit du tout & foudit ost à la disposition & voulenté du Roy, pour en auoir du tout fait à son plaisir se n'eust esté ladicte trefue. Et depuis la guerre encommencée iusques à ladicte trefue, y eut de trefgrandes & merueilleuses desconfitures, faictes par les gens du Roy sur les Flamens & Picards: tant sur ceux qui auitailloient le Parc desdits Bourgongnons, qu'à cause de plusieurs belles faillies que les gens du Roy faisoient sur les tenans le party desdits Bourgongnons. Et mesmement se feit de moult belles destrouffes en la Duché de Bourgongne & Comté de Charrolois & Masconnois, où les gens du Roy y gaignerent de moult beaux butins: & y prindrent de moult beaux prisonniers, & moult grand nombre en y eut de tuez. Et auoient tout gagné messigneurs les Comte Dauphin d'Auvergne, de Comminge, le sire de Combrode, de Charentes, messire Guillaume Cousinot & moult d'autres nobles hommes, n'eust esté que le Roy leur manda qu'ils cessassent tout pour la-mour desdictes trefues, qui moult en furent desplaisans & moult de gens de
façon

façon aymans le Roy en son honneur. Et à ceste cause s'en feirent à Paris des capitaphes qui furent mis & assis à S. Innocent, à l'hostel de la ville & autres lieux, en vituperant & dōnant grand charge à plusieurs seigneurs estans pres du Roy. Et durant ladicte trefue le Roy, monseigneur de Guienne & autres seigneurs & nobles hommes d'autour d'eux, se tindrent à Han avecques monseigneur le Connestable. Auquel lieu durant ledit temps se feirent grandes allées & venues des ambassadeurs du Roy, & de ceux de mondit seigneur de Bourgongne. Et illec demourerent par long temps sans riens conclure: mais en la fin fut fait trefue entre le Roy & ledit Duc de Bourgongne durant vn an. Et pour appoincter les differens du Roy & ledit Duc de Bourgongne, y eut ambassadeurs ordonnez: & pour appoincter des debats & questions des gens de guerre de chacun des deux costez. Et puis se partirent dudit lieu de Han & s'en allerent chacun à sa maison. Et demourerent les gens de guerre du Roy en garnison és villes qui par auant ladicte trefue auoient esté gaignées par le Roy.

Des nouuelles qui vindrent au Roy, de la victoire de Edouart sur ledit Roy Henry d'Angleterre & les siens. & comment le Roy, le Duc de Guienne & autres furent à Paris, & puis à Orleans où mourut le Prince de Piémont. Des libelles diffamatoires contre le Connestable audit Paris. De la mort du Comte d'Eu: & comment ledit Duc de Guienne & le Comte d'Armignac furent alliez ensemble, & autres choses faictes en l'an mille cccc. lxxj.

EN ce temps se meurent de grans questions, noïses & debats au Royaume d'Angleterre entre le Roy Henry de l'Enclastre Roy dudit 1471. Royaume, le Prince de Galles son fils, le Comte de Vvaruich & autres seigneurs dudit Royaume, tenant le party dudit Henry, contre ledit Edouard de la Marche, qui vsurpoit ledit Royaume contre ledit Henry. Et y eut à cause de leur dit debat de moult grand meordre fait de costé & d'autre. Et dura ladicte guerre iusques au mois de Iuing mille cccc. lxxj. Que nouuelles furent apportées au Roy audit lieu de Han: que ledit Edouard accompagné de grand quantité de gens de guerre, tant Anglois, Ostrelins, Flamens, Picards & autres nations que ledit de Bourgongne luy auoit enuoyez se meit sur les champs, à l'encontre de l'armée & puïssance desdits Roy Henry, Prince de Galles, la Royne, ledit de Vvaruich & autres Princes & seigneurs tenans ledit party de Henry. Et y eut les vns contre les autres de grans armes faictes, & grād nombre de gens morts de chacun costé, ainsi comme par auant a esté descript la maniere. Mais en la fin ledit Edouard demoura Victorieux, tant par trahison qui estoit du costé d'aucuns estans en l'armée dudit Henry, que autrement. Et y mourut & fut tué ledit Prince de Galles, qui fut moult grand pitié: car il estoit moult beau ieune Prince. Et aussi y mourut ledit de Vvaruich, qui aussi fut vn grand dommage: car il auoit singulier desir de bien seuir le Roy & le Royaume. Et pour lequel le Roy auoit frayé & despendu moult grand finance, pour l'entretenement dudit Comte de Vvaruich. Et de ladicte desconfiture fut le Roy moult desplaisant. Et puis apres ces nouuelles ouïes se partit le Roy de ladicte ville de Han en Vermandois: & en emmena avecques luy mondit seigneur de Guienne, le Comte de Dampmartin, le President des Comptes & plusieurs au-

tres:& vint à Paris où il ne seiourna gueres:& durant qu'il y fut, il feit si grande & ioyeuse feste, & feit cest honneur à ladicte bonne ville & cité de Paris, de luy mesmes bouter le feu au feu fait en la place de Greue d'icelle ville, la veille S. Iean Baptiste. Et puis s'en partit & s'en alla à Orleans, où le Prince de Piémont y deuint malade de maladie, dont il alla de vie à trespas audit lieu d'Orleans. En apres s'en alla le Roy à Tours & à Amboise veoir la Royne, & monseigneur le Daulphin.

EN ce temps audit mois de Iuing mille quatre cens lxxj. le Roy fut mal content des epitaphes & libelles diffamatoires, qui ainsi auoient esté mis & attachez à l'esclandre dudit monseigneur le Connestable & d'autres. Et pour sçauoir la verité de ceux qui ce auoient fait, feit crier à son de trompe & cry publicque par les carrefourgs d'icelle ville, que quelque personne qui sçauroit aucune chose desdits epitaphes ou de ceux qui les auoient faits, qu'ils le venissent incontinent dire & denoncer aux commissaires sur ce ordonnez, & on dōneroit trois cens escus d'or au denonciateur. Et qui le sçauroit & ne le viendrait declairer auoit le col couppe. Et pour suspicion de ce, fut mis & constitué prisonnier vn ieune escollier de Paris nommé maistre Pierre le Mercier, fils d'un lunetier du Palais, qui pou de temps apres fut deliuré non chargé du cas. Aussi y fut mis & constitué prisonnier maistre Henry Mariette, qui auoit esté Lieutenant criminel de la Preuosté de Paris: tant pour raison desdits que aussi pour aucunes iniures ou parolles par luy dictes (comme on disoit) de maistre Iean de Ladrieffche tresorier de France. Et puis fut deliuré iceluy Mariette par la court de Parlement, & mis hors des ptisons de la consiergerie, où il estoit detenu pour ceste mesme cause.

AV mois de Iuillet audit an lxxj. mourut monseigneur le Comte d'Eu, qui fut moult grand dommage: car c'estoit vn noble, sage & bon seigneur: & qui de tout son pouoir auoit bien & loyaument seruy le Roy, & fort aymé le bien & vtilité du Royaume. Et fut mise ladicte Comté d'Eu en la main du Roy, & mise & baillée es mains de monseigneur le Connestable à la grand desplaissance de monseigneur le Comte de Neuers, frere de mondit seigneur d'Eu. Et qui apres ladicte mort cuidoit bien iouir de ladicte Comté d'Eu & des autres terres dudit deffunct, comme son vray heritier. Depuis ledit mois de Iuillet iusques au iour de Noël, ne fut riens fait audit Royaume de France: sinon que les ambassadeurs du Roy & de mondit seigneur de Bourgongne feirent plusieurs allées & venues les vns avec les autres, pour pacifier & trouuer moyen de paix & accord entre eux. En ladicte année fut mortalité commune & vniuerselle par la pluspart dudit Royaume, de maladie de flux de ventre & autres maladies, à cause dequoy plusieurs gens de façon moururent en ladicte ville de Paris & ailleurs. Audit an monseigneur de Guienne qui s'en estoit retourné dudit païs de Guienne apres le retour d'Amyens, deuint mal content du Roy: & manda venir à luy le Comte d'Armignac, qui auoit esté fugitif hors du Royaume, & duquel le Roy auoit mis ladicte Comté en sa main: lequel Côte vint par deuers mondit seigneur de Guienne:& puis mondit seigneur luy rendit la plus part de ladicte Comté contre le gré & volenté du Roy. En apres lesdits de Guienne & Armignac, & aussi le Comte de Foix & autres assemblerent en leur païs gens de

de guerre, faignans de vouloir faire faire guerre au Roy: lequel pour ce leur empêcher y enuoya sur la marche dudit Guiéne cinq cens lances, & certain nombre de Francs-archiers avecques grand nombre de son artillerie, qui depuis ce y fut & seiourna par long temps: pendant lequel vint & fut nouuelles que mondit seigneur de Guienne estoit mort à Bordeaux, dont il n'estoit riens. Audit temps aussi furent enuoyées par diuerses fois de par le Roy ambassades par deuers le Duc de Bourgongne, pour le fait de la trefue d'entre eux, qui faillloit lo quatriesme iour de May mille quatre cens lxxij. Et y estoient encores le premier iour de May, le sire de Craon, maistre Pierre Doriolle & autres.

Comment le Pape Paule deuxiesme mua le Iubilé, & puis il mourut: & apres luy fut esleu en Pape Sixte quatriesme luy estant general de l'ordre des freres mineurs en l'an mille quatre cens lxxj. Et d'une ieune fille qui eut les playes & stigmates de nostre seigneur Iesus Christ és pieds, és mains, & en son costé.



N ce mesme an mille cccc. lxxj. le Pape Paule deuxiesme de ce nom, qui fut Venitien & homme tenable & auaricieux: en faueur des ames l'an Iubilé qui estoit celebré de cinquante en cinquante ans, apres fut par luy mué de vingtcinq ans en vingtcinq ans: affin que sur iniquité qui habondoit au peuple, fut superhabondante la diuine grace de nostre seigneur, pour impetter remission de noz vices & iniquitez. D'iceluy Pape Paule furent dictes plusieurs parolles non à reciter: car Dieu est le souverain iuge, & le seul scrutateur des cueurs. Il feit commencer de construire vn grand Palais pres de l'Eglise de saint Marc à Romme: mais il mourut & trespassa faisant c'est edifice le vingt & vniésme iour du mois de Iuillet en l'an dessusdit: & auoit regné en dignité Papale l'espace de sept ans entiers. Apres le trespas dudit Pape Paule, fut eleu & luy succeda le Pape Sixte quatriesme de ce nom, en l'an que dessus. Et est à sçauoir que iceluy Pape Sixte estoit par auant dit & appelé François de Sauonne, de la prouince & region de Genes: il estoit docteur en theologie, homme bien famé & de bonnes meurs. Pourquoy luy estant general de l'ordre des freres mineurs, fut appelé & eleu dudit Pape Paule pour estre Cardinal, sans en faire aucune pourluite & hors son sceu. Et en ce mesme an Bernard Iustinian orateur de Venise, luy recita que le Turc auoit osté & ravy à la Chrestienté deux Empires, quatre Royaumes, vingt prouinces & deux cens citez: dont estoit perdu vn infiny nombre de peuple, hommes, femmes & ieunes enfans. Parquoy le prenommé orateur exhortoit ledit Pape Sixte, qu'il luy pleust soy disposer de resister à tel accident qui touche nostre sainte foy. Ledit Pape Sixte eut la cure & sollicitude de reparer la cité de Romme en plusieurs regions. Et mesmement és principales rues il feit faire & reparer vn pont dessus le Tibre, lequel anciennement estoit appelé pont Iudée: & depuis fut dit pont de Sixte. Il restaura l'hospital du saint Esprit, où sont tous les iours faictes de tresgrandes aumosnes, & misericordes aux malades & pources enfans orphelins. Luy aussi comme bon zelateur du salut des ames, ouurit moult grandement le tresor de l'Eglise sous la misericorde de Dieu, en donnant plusieurs pardons & indulgences au deuor peuple Chrestien en diuerses prouinces. Et li feit plusieurs choses qui sont bien dignes de

memoire. Et au temps du regne dudit Pape Sixte, vne ieune fille vierge, adonques nouuellement conuertie, nommée Stine és parties Vvestphalie en vne ville appellée Hame, eut clerement les stigmates & playes de la passion de nostre seigneur IESVS CHRISTS, és pieds, és mains & au costé. Et apres l'espace de quinze sepmaines de sa conuersion, enuiron la feste du Saint Sacrement, en l'an millecccc. lxxiij. elle monstra icelles playes veritablement deuant douze tesmoings: & leur predict que lesdictes playes & stigmates, se retourneroient d'elle deux heures apres: & que adonc ne se verroient plus, ce qui fut fait: car les lieux où estoient les playes furent adonques du tout sanées.

Des indulgences que le Roy impetra pour dire trois fois Aue Maria. Du trespas de l'Euesque de Paris: du Duc de Calabre: du sen à nostre Dame de Clercy. De la mort Charles frere du Roy, pourquoy il alla en Guienne. Des trespas avec le Duc de Bourgongne. Et comment la ville de Nesle fut prinse par trahison. Et de la crudelité des Bourgongnons. Du siege & des assaux à Beauuais. De ceux d'Auxerre desconfits. D'aucunes ordonnances & refellions à Paris: des charges sur le Connestable. Et des viures & biens enuoyez par ceux d'Orleans à Beauuais. En l'an mille quatre cens soixante & douze.

1472.

ET ledit premier iour de May mille quatre cens lxxij. fut fait à Paris vne moult belle & notable procession en l'Eglise de Paris: & fait vn preschement bien solennel par vn docteur en Theologie, nommé maistre Brete natif de Tours: lequel dit & declaira entre autres choses, que le Roy auoit singuliere confidence en la benoïste vierge Marie: prioit & exhortoit son bon populaire manans & habitans de sa cité de Paris, que doresnauant à l'heure de midy que quand on sonneroit à l'Eglise dudit Paris la grosse cloche, chacun fut fieschy vn genouil à terre, en disant trois fois *Aue Maria* pour donner bonne paix au Royaume de France. Et apres ladicte procession faicte, reuerend pere en Dieu môseigneur l'Euesque de Paris maistre Jean Charetier, cheut malade d'une maladie: de laquelle ce mesme iour alla de vie à trespas, dont fut grand dommage & fut fort ploré: car il estoit saint, bonne personne & grand clerc. Et ce iour furent en son hostel episcopal grand populaire de la ville de Paris, tant hommes que femmes, pour le veoir mort en sa chappelle haulte, estant au long de la grand salle fille dudit hostel. Et illec par ledit peuple fut moult piteusement ploré, & pour son ame deuotement prié: & au partir luy baïsoient les pieds & les mains, & disoient la plus part d'iceux qu'ils croyoient fermemēt, que ledit Euesque fut Saint & bien aymé de Dieu. Et le xv. iour dudit mois de May le Roy enuoya lettres au Preuost des Marchans & escheuins & bourgeois de Paris: par lesquelles il leur faisoit scauoir que ledit Euesque en son viuant luy auoit esté mauuais, & n'auoit pas aymé son profit: & qu'il auoit eu intelligence avec le Duc de Bourgongne & autres Princes & seigneurs, qui auoient esté deuant la ville de Paris durant le bien publicque: & que pour leur dōner faueur en icelle ville auoit suborné lesdits habitans. Et q̄ pour ces causes, & affin qu'il en fut memoire: ordōna estre faicte & mise sur son corps vn epitaphe contenant les choses dessusdictes: lequel epitaphe fut fait faire par les dessusdits iusques à l'asseoir. En ce temps audit mois de May la trefue d'entre le Roy & le

Duc

Duc de Bourgongne qui faillloit au iiii. iour dudit mois, fut de rechief contenue iusques au xv. iour de Iuing ensuiuant. Audit mois de May le Duc de Calabre nepueu du Roy de Cecille & de Hierusalem, à qui le Roy auoit fait tant d'honneur de luy donner sa fille aînée en femme & espouse, s'en alla hors de sa Duché de Lorraine par deuers ledit Duc de Bourgongne, pour traicter d'auoir & espouser sa fille, en delaissant (en ce faisant) ladicte fille du Roy sa femme, qui fut chose moult estrange à luy de ainsi faulcer sa foy, & foy ainsi abaïsser de delaïsser la propre fille aînée du Roy son souverain seigneur, pour cuider auoir & prendre la fille dudit de Bourgongne subiect & vassal du Roy. Et par auant ces choses, ledit de Bourgogne auoit fait & fait faire moult de guerre au Royaume de Frâce à la faueur de môdit seigneur de Guienne, faignant à ceste cause de luy donner & bailler ladicte fille: dont il ne feit riens: mais feit tout le contraire en abusant iceux plusieurs autres sous vmbre dudit mariage.

Et le ieu dy xiiij. iour dudit mois de May mille cccc. lxxij. aduint par male fortune, que tout le comble & feste de l'Eglise nostre dame de Clery & aupres d'Orleans, que le Roy auoit fait faire & edifier de nouuel, où il y auoit moult noble & belle couverture, tant de charpenterie de bois que d'ardoise & de plomb, fut toute arse & brouÿe, & tout tombé en bas & par terre: par ce qu'un plombreur besongnant en icelle couerture, s'en desuala en bas & laissa le feu, où il chaussoit les fers à fonder en icelle couerture sans aucune garde: & le quel feu le vêt acueillit tellemēt, qu'il s'en vola & dispersa au long d'icelle charpenterie & couerture, en telle façō que sans y pouoir remedier tout fut bruslé & ars.

Et ce mesmes iour le Roy eut certaines nouuelles, que luy feit assauoir môseigneur de Malicorne seruiteur & bien fort aymé de mondit seigneur de Guienne, que sondit seigneur & maistre estoit allé de vie à trespas en la ville de Bordeaux. En iceluy mois monseigneur de Craon, maistre Pierre Doriolle general des finances, maistre Oliuier le Roux conseil lier & maistre des comptes, & autres ambassadeurs du Roy, par luy euoyez par deuers ledit Duc de Bourgogne, retournerent deuers le Roy, luy relater ce que fait auoient avec luy & de la trefue qu'ils auoiēt ainsi faicte qui deuoit durer iusques audit xv. iour de Iuin ensuiuant. Durāt laq̃lle trefue, & nonobstant icelle, ledit de Bourgogne feit mettre ses gens de guerre sus les chāps, & mençr & asseoir son pare & artillerie entre Arras & Bapaumes, en un lieu qu'on nôme Hubuterne en Atthois. Et pédāt ce temps le Roy apres les nouuelles de la mort de mondit seigneur de Guienne son frere, s'en partit du Plessis du parc lez Tours, & s'en tira au paÿs de Guiēne, la Rochelle, S. Iean d'Angely, Bordeaux & autres lieux voisins: & y meit & crea officiers nouueaux de par luy. Et d'icelle Duché de Guienne feit & establit gouuerneur monseigneur de Beaujeu, frere de monseigneur le Duc de Bourbon.

Après ces choses ledit de Bourgogne en perseuerant tousiours en ses diableries, folles obstinations & mauuaistiez, comme deuant auoit fait, le ieu dy xj. iour de Iuing audit an lxxij. enuoya deuant la ville de Nefle: dedans laquelle y auoit de par le Roy un nômé le petit Picard, qui estoit capitaine de v. cens Frācs archiers de l'Isle de France, qui estoient dedans ladicte ville. Et par grand force & violence, voulurent auoir ladicte ville & chasteau: & pour l'auoir y baillerēt & violerent de grans & diuers assaux: ausquels Bourgongnons fut vaillamment

resisté par ledit Picard & ceux de ladicte compagnie. Et iusques au vèdredy qui estoit le lendemain xij. iour dudit mois de Iuing, que enuiron cinq heures du matin: ledit Picard en la compagnie de la Comtesse dudit lieu de Nefle, issirent hors de ladicte place pour aller par deuers le Bastard de Bourgongne & autres, ayans illec leur armée pour ledit de Bourgongne, pour cuider trouuer pacification & accord entre les gens du Roy & ledit de Bourgogne: qui traicta avec eux en telle maniere que ledit Picard & ceux de sa compagnie, s'en iroient leurs vies sauues en rendant ladicte place, & en laissant leurs biens & harnois: à quoy faire ils furent contens. Et à tant se departirent & s'en retournerent en ladicte ville de Nefle, & dirent aux dessusdits Franks-archiers leur composition: & comment ils deuoient tous laisser leurs biens, cheuaux & harnois, & enx en aller leurs vies sauues. Pour laquelle chose incontinent apres plusieurs d'iceux par l'ordonnance dudit Picard leur capitaine, se despouillerent & habandonnerent leursdits harnois. Et en ce faisant & auant qu'ils feussent bien assurez d'auoir lettres de leurs promesses & traictéz, furent par aucuns dudit lieu de Nefle mis & boutéz en icelle place lesdits Bourgongnons: qui incontinent (non obstant ladicte promesse) vindrent charger sur lesdits Franks-archiers, ainsi deshabillez sous vmbre d'icelle promesse, & plusieurs en tuerent & meurdrirent: & partie d'iceux cuidans eux sauuer s'en allerent & retrahirent dedans l'Eglise dudit lieu de Nefle, où depuis lesdits Bourgongnons allerent les tuer tous & meurdrir. Et apres qu'ils furent tous ainsi tuez & meurdrys: y suruint & sy trouua ledit de Bourgongne, qui tout à cheual entra dedans ladicte Eglise: en laquelle y auoit bien demy pied de hault de sang des pources creatures illec estans, qui à ceste heure estoient tous nuds gisans illec morts. Et quand ledit Bourgongnon les vit, dit qu'il veoit moult belle chose, & qu'il auoit avecq's luy de moult bons bouchers. Et le lendemain ensuiuant qui fut le samedy treiziesme iour dudit mois, ledit petit Picard qui estoit prisonnier avecques autres de ladicte compagnie, furent pendus & estranglez de l'ordonnance dudit de Bourgongne: & puis feit arraser ladicte place, & mettre le feu dedans. Et le dimanche quatorziesme d'iceluy mois s'en partirent dudit lieu de Nefle, & allerent deuant Roie, où estoient enuiron quatorze cens archiers de la compagnie & charge de Pierre Aubert, baillif de Meleun & de Nugnon. Et aussi y estoient pour gentils-hommes & capitaines Loiset de Balagny, capitaine de Beauuais, monseigneur de Mouÿ, le seigneur de Rubempré & autres, qui bien auoient deux cens lances bien en point. Et iacoit ce qu'ils feussent dedans ladicte ville que le Roy auoit fait réparer, bien aitailler & garnir de moult belles serpentes: ils se rendirent le mardy ensuiuant seiziesme iour d'iceluy mois à l'heure de midy, & laisserent illec ladicte artillerie, leurs cheuaux & harnois: tout habillement de guerre & toutes leurs bagues, où le Roy & eux eurent dommage de cent mille escus d'or & plus. Et feu reuindrent tous nuds & en pourpoint vn baston en leur poing: & demoura illec ledit Duc de Bourgongne depuis par certain temps. Et d'illec s'en alla deuant la ville de Beaunais, pour y mettre le siege: où il y arriua le samedy xxvij. iour de Iuing audit an mille quatre cens soixante & douze: où de plaine venue y donnerent vn fort assaut, à quoy fut fort resisté par les bourgeois manans & habitans d'icelle ville. Et celle mesme

nuict y arriua Guillaume de Vallée Lieutenant du Seneschal de Normandie à tout deux cens lances, qui moult bien secoururent ceux dudit lieu: car ils y arriuerent à l'heure du fort de leur assault: & tout incontinent monterent dessus la muraille, & feirent reculer lesdits Bourgongnons. Et le lendemain ensuiuant y vint monseigneur de Crussol, Ioachin Rouhault, la compagnie de monseigneur de Bueil, Guerin le Groing, monseigneur de Torcy & autres, à tout trois cens lances & autres nobles de Normandie, qui tresuaillamment se conduirent. Et pendant ce tēps, furent bien secourus de ceux de la bonne ville de Paris: tāt de pionniers, pics, pelles, farines, vins, pouldres à canon & autres habillemens & auitaillemens qui feirent tresgrand bien ausdits gens de guerre, & aux habitā d'icelle ville. Et en ces entrefaictes y eut de belles & grādes escarmouches, où plusieurs Bourgongnons estans deuant icelle ville furent morts & tuez.

EN ce temps aduint que aucuns des habitans d'Auxerre, faillirent hors de leur ville, pour aller courir és païs du Roy: pour prendre & mener audit lieu d'Auxerre beufs, vaches & tout ce qu'ils pourroient trouuer pour eux auitailler: & vindrent pres de Joigny, de Seignelay & illec enuiron. Contre lesquels y allerent le Bastard dudit Seignelay, le seigneur de Plancy & autres iusques au nombre de trois cens, qui vindrent rencontrer lesdits d'Auxerre, qui se meirent en bataille contre eux. Et quand les dessusdits seigneurs les eurent ainsi veuz, ils se frapperent dedans moult vigoureusement, & y en eut huict vingts de morts & quatre vingts de prins. Et le demourant se meit en fuite ou fut noyé. Audit temps pour raison de l'approchement desdits Bourgongnons, ainsi venus à Beauuais, furent faictes à Paris de moult belles ordonnāces par sire Denys Hefselin Pannetier du Roy nostre sire Esleu de Paris, & Preuost des marchans de ladicte ville: comme de faire redifier la muraille & gardes de dessus les murs, faire faire belles & grandes tranchées, mettre en point les chesnes, redifier les fosses, bouleuers & barrieres des portes, en faire murer d'aucunes: faire faire de moult belles serpentines toutes neufues, & d'autres belles ordonnāces y furent faictes. Et le iedy second iour de Iuliet vint & arriua à Paris le seigneur de Rubempré, qui venoit de ladicte ville de Beauuais: & apporta lettres des capitaines de ladicte ville adressans au seigneur de Gaucourt Lieutenant du Roy à Paris, aux Preuost des marchans & escheuins de ladicte ville de Paris: par lesquelles leur estoit fair sçauoir, que le Duc de Bourgongne & ceux de son ost estoient en telle necessité de viures, qu'un pain de deux deniers à Beauuais valoit audit ost trois sols parisis. Et que iceluy Duc de Bourgongne auoit intention de iouer au desespoir, & auoir ladicte ville pour y perdre la plus part de tous ses gens. Et pource prioient ausdits de Paris qu'on leur enuoyast de la menue artillerie, des arbalestriers, du traict & des viures: laquelle chose fut faicte & enuoyée à eux par le bastard de Rochouart seigneur de Meru, qui y mena & conduict les soixante arbalestriers de Paris avec traict, arbalestres, artillerie & viures. Et le iedy neufiesme iour dudit mois de Iuliet, enuiron l'heure de sept heures au matin, apres que ledit de Bourgongne eut fait ietter grand nombre & quantité de Bombardes, & autres artilleries contre les murs de ladicte ville, à l'endroit de la porte de l'hostel Dieu: vindrent & acoururent dedans les fosses de ladicte ville grand quantité desdits Bourgognōs,

qui y apportèrent grand nombre de bourrées, clayes & autres mefrain dedans lesdits fossez: & puis y dressèrent eschelles, & moult vigoureusement assaillirēt à l'endroit de la muraille, & portail dudit hostel-Dieu: dont auoit la garde & charge messire Robert d'Estouteuille cheualier, seigneur de Beine & Preuost de Paris, qui moult honnorablement & vaillamment si contint & ceux de sādīcte compagnie. Et dura ledit assaut depuis ladicte heure de sept heures iusques apres vnze heures: durant lequel temps y eut grande quantité de Bourgongnōs ruez & abbatus morts de dessus lesdits murs dedans les fossez d'icelle ville: & de naurez grand nombre, & bien iusques au nombre de quinze à seize cens hōmes. Et plus largemēt y en eut eu de morts, sil y eut eu faillie à istre hors d'icelle ville. Mais toutes les portes d'icelle estoient murées du costé de l'ost desdits Bourgongnons: pourquoy ne se peut faire ladicte faillie: dont furēt moult dolans les nobles seigneurs, capitaines, gens d'armes & de traict, qui estoient dedans icelle ville en bien grand nombre: comme de quatorze & quinze mille combattans: dont auoit la charge & conduicte le Comte de Dampmartin, Iochin Rouhault Marechal de France, Sallezart, Guillaume de Vallée, Mery de Coué, Guerin le Groing, les sire de Beine & de Torcy freres, & plusieurs autres gentils-hommes de conduicte, & grand façon. Et durant ledit assaut moyenant la grace de Dieu ne fut point tué des gens du Roy plus de trois ou quatre personnes, & encores disoit on que ce auoit esté par leur outrage. Et au regard de toute l'artillerie, qui fut tirée par lesdits Bourgongnons durant le temps en icelle ville iusques au neufiesme iour de Iuillet, n'en fut tué plus de quatre personnes. Et le lendemain dudit assaut enuiron le poinct du iour, fut de rechief enuoyé par ledit sire Denys Heschin Preuost des Marchans audit lieu de Beauuais grand quantité de traict, & arbalrestres & des cordes pour y seruir des poudres à canon & couleurine, & des chirurgiens pour penser & guerir les blessez en iceluy lieu.

Et le samedy xxj. iour dudit mois de Iuillet au matin, fut tiré hors des prisons du chastellet de Paris vn messagier de l'hostel du Roy, qui auoit esté constitué prisonnier esdictes prisons, pour ce qu'il auoit dit & publié au Palais & autres plusieurs lieux de ladicte ville de Paris, que monseigneur le Connestable auoit tiré dudit lieu de Beauuais aux champs les capitaines estans dedans icelle, faignant d'auoir conseil avecques eux: à sçauoir qu'il estoit de faire pour la seurté & deffence d'icelle ville. Et que ce pendant qu'il tenoit ledit conseil, lesdits Bourgongnons furent auitaillees en leur ost de grand quantité de viures: à quoy eut esté fait faire resistance par lesdits capitaines si n'eut esté ledit conseil. Desquelles parolles ainsi dictes par ledit messagier, qui sonnoiēt mal à la charge de monditz seigneur le Connestable: & que de ce se tint fort à mal content, fut ledit messagier baillé & deliuré par l'ordonnance du Roy à maistres Milles Huissier d'armes de son hostel, qui le mena & conduict par deuers ledit Connestable: & si luy porta les charges & informations qui faictes auoient esté desdictes parolles. Et le vendredy dixiesme iour dudit mois, qui fut le lendemain dudit assaut par vne trenchée qui fut faicte pour istre hors dudit lieu de Beauuais: Sallezart & autres de sa compagnie entrerent dedans le parc d'iceluy de Bourgongne enuiron le poinct du iour: où furent tuez tous les Bourgongnons qu'ils

qu'ils rencontrerent. Et en iceluy parc y furent brullées trois tentes, & tout ce qui estoit dedans: & en vne d'icelles y furent tuez deux homes de grand façon; iacqoit-ce qu'ils promettoient de payer moult grād finance: & pource qu'en iceluy oist fut fait grād cry & noise, en criant viue Sallezart: lesdits de l'ost fasemblerent en bien grād nombre, parquoy il conuint audit Sallezart se retraire audit lieu de Beauuais: & en se retrayant & ceux de sa compagnie, en emmenerent avecques eux de bien belle artillerie: comme deux des chambres des bombardes, qui auoient battu & iecté en bas la muraille de ladicte ville: lesquelles châmbres pour cause de hastiueté, ils iecterent dedans les fosses. Et si bouterent dedans ladicte ville deux bien belles Serpentes, avecques vn gros canon de cuiure nommé l'vn des douze Pers, que le Roy à la iournée au rencôtre de Montlehery y perdit. Et fut ledit Sallezart suiuy de bien pres & fort battu & nauré, & son cheual aussi nauré de plusieurs coups de picques de Flamens & autres: non obstant qu'il le reporta iusques audit lieu de Beauuais, où ledit cheual mourut incontinent qu'il y fut arriué: & depuis ladicte faille n'aduint audit ost guerres de choses iusques au xxj. iour dudit mois de Iuillet, que les bourgeois manans & habitans de la ville d'Orleans enuoyerent, & feirent passer parmy la ville de Paris la quantité de cent tôneaux de vin du creu dudit lieu d'Orleans, qu'ils enuoyoient & donnoient ausdits seigneurs & gens de guerre estans audit Beauuais, pour les raffreschir & ayder à bien besongner à l'encontre desdits Bourgongnons. Et si leur enuoyerent encores grand quantité de trousses de fiesches & arcs, artillerie arbalestres & des pouldres à canon: & pour conduire les choses dessusdictes, y estoient en personne aucuns bourgeois dudit lieu d'Orleans, pour faire le present ausdits seigneurs & gens de guerre, estans audit Beauuais de par icelle ville d'Orleans.

Des monstres refaisies à Paris. Et comment le Duc de Bourgongne se partit honteusement de son siege deuant Beauuais. De l'armée du Roy en Bretagne: Et des honteux faits dudit Bourgongnon en Normandie. Des Francois qui reprindrent Eu: du Comte d'Eu Dauphin contre le Comte de Roussi: comment la Royne accoucha d'un autre fils qui fut Duc de Berry: de monseigneur de Beauuen trahy du Comte d'Armignac, & ce qui en fut fait à Lestore fut reprise & ledit Comte d'Armignac tui: du Roy d'Arragon qui s'enfuit de Parpignan: le Duc d'Alencon fut prins prisonnier: comment le Roy alla à Bordeaux & du fils du Comte d'Albret decapité à Poitiers.

EN ce temps furent faictes les monstres en la ville & cité de Paris, par les manans & habitans d'icelle par chacune dizaine & quartiers de ladicte ville. Tous lesquels y furent en armes, & par moult belle ordonnance. Lesquelles monstres furent veües & receües par le seigneur de Gaucourt lieutenant pour le Roy en ladicte ville de Paris, maistre Ieā de Ladriesche President des Comptes, de sire Denys Hesselin Panetier du Roy Eleu sur le fait des aydes, & Preuost des Marchans de ladicte ville: lesquelles monstres il faisoit moult beau veoir, & plus eut fait se les arbalestriers, couleuriens, gens prins és bannieres & autres gens de guerre en grand nombre, enuoyez de ladicte ville audit lieu de Beauuais y eussent esté. En ce temps fut mis en termes qu'encores seroit prins parmy ladicte ville, iusques au nombre de

trois mille combattans, qui seroient armez & souldoyez de par ladicte ville, ceux de Parlemēt, de Chastellet, la chābre des Comptes, la chambre des Monnoyes, le Chancellier Maistres des Requestes, les Eleuz & autres qui sembla estre moult grand charge aux habitans d'icelle, veu le grand nombre de gēs que desia on auoit enuoyé audit Beauuais. Et qu'aussi ladicte ville en demourroit moult affoiblie. Et furent ces choses moult honnorablement remonstrées par ledit sire Denys Hesselin aux capitaines, estans audit Beauuais: qui desdictes remonstrances se tindrent à bien cōpens & se contenterent de ce qu'il leur auoit esté enuoyé, sauf qu'ils prièrent qu'encores on leur menast cent arbalestriers & couleuriniers, ce que feit ladicte ville. Et depuis le mercredy feste de la Magdaleine enuiron l'heure de trois heures de matin, ledit Duc de Bourgongne honteusement se deslogea de son ost, & s'en partit: & s'en alla sans autres chose faire, sinon que durant l'espace de xxvj. iours entiers qui fut deuant ladicte ville, il ne cessa de faire iecter son artillerie contre ladicte ville nuit & iour, qui peu ou neant greuerent icelle ville, ne les habitans d'icelle. Et y donna & feit donner deux grās & merueilleux assaulx, ausquels y furent tuez & meurdri bien grād nombre de ses gens de guerre des plus grās qu'il eut en sa compagnie. Et si perdit durant iceluy temps grand quantité de son artillerie, que ceux de la garnison d'Amyens pour le Roy gaignerent dessus lesdits Bourgongnons. Et depuis ledit partement desdits Bourgongnons, ils s'en allerent boutās les feux és bleds & és villages par tout, où ils passoient: & vindrent deuant S. Valery lez le Crotoy, qui leur fut rendu par ceux de dedans: pource qu'ils n'estoient pas assez gēs, & que la place n'estoit point de tenir contre sa puissance. Et apres s'en alla à Eu, qui pareillement luy fut rendue pour les causes que dessus. Et le mercredy xxix. iour de Iuillet, monseigneur le Connestable, monseigneur le Grand maistre & autres capitaines, qui estoient dedans la ville de Beauuais accompagnez de huiet cens lances, se partirent dudit lieu pour eux tirer au païs de Caux vers Arques & Montieruillier: pour estre au deuant desdits Bourgongnons, qu'ils supposoient qu'ils y deuoient aller, ce que firent lesdits Bourgongnons. Et allerent mettre & asseoir leur parc entre ladicte place d'Eu & Dieppe, en vn village nommé Ferrieres. Et illec depuis il seiourna bien grand piece sans riens conquerir, sinon le neuf Chastel de Nicourt, où ils se boutterent: pource que dedans n'y trouuerent aucun qui leur contredist, & y furent par l'espace de trois iours, puis s'en allerent: & au partir y boutterent le feu & bruslerent la ville & chastel, qui fut vn moult grand & piteux dōmage: car c'estoit vn moult belle ville de guerre & grande. Et en apres feit mettre & bouter ledit Bourgongno le feu à Lōgueuille, au Fahy & autres plusieurs lieux & villages du bailliage de Caux, que pour tout son vaillant n'eut sceu reparer. Et plus ne autre vaillance ne feit que de bouter lesdits feux, depuis son partemēt de ses païs, iusques au premier iour de Decembre quatre cens lxxij. Durant ces choses le Roy qui estoit en Bretagne à tout plus de cinquante mille combattans, ne feit que peu ou rien: pource qu'il fut mené de belles parolles & par ambassades, au moyen dequoy il cuidoit auoir bonne pacification & accord avecques ledit Duc de Bretagne, sans effusion de sang ne perdition de ses gēs de guerre, que tousiours il a fort crainct plus sans comparaiſon que ledit de Bourgongne: qui estoit trop cruel

cruel & plain de mauuaise obstination, ainsi qu'en son temps l'a bien monstté & monstroit chacun iour. Et apres que ledit Duc de Bourgongne fut retourné dudit païs de Chaux, où ainsi auoit bouté les feux, comme dit est: Et que deuant Arques & Dieppe fut si vigoureuſement recueilly & battu luy & ſes gens, ſ'en partit d'iceluy païs & delibera de ſ'en aller deuant la bonne ville & cité de Roüen, où plus que deuant fut bien receu. Et tellement qu'au moyen des ſailles & grans vaillances, que feirent ſur luy ceux de dedans, luy conuint ſoy en retourner bien honteuſement, & à ſa grand perte vers Abbeuille: & ſeit courir lors le grand bruit de mettre le ſiege deuant la ville de Noyon, & icelle auoir par force. A quoy luy fut bien reſiſté par le ſire de Cruſſol, & autres vaillans capitaines pour le Roy: qui ſe vindrent loger dedans & qui la fortifierét d'engins, de viures & autres choſes pour repulſer ſa damnée fureur: mais vn grand mal fut fait par ſon moyen, car leſdits capitaines pour eſtre & demourer plus ſeurs en ladicte ville, feirét brulſer & abbatre les faulxbourgs d'icelle ville, pour garder d'y loger leſdits Bourgongnons qui n'y vindrent point.

A V D I T temps meſire Robert d'Estouteuille cheualier Preuoſt de Paris, qui eſtoit dedans la ville de Beauuais avecques les nobles de la Preuoſté & Vicomté de Paris, & certain nombre de francs archiers ſ'en partit dudit lieu de Beauuais, & ſ'en vint loger és faulxbourgs de la ville d'Eu du coſté d'Abbeuille. Et ce meſme iour auſſi arriua d'autre coſté eſdits faulxbourgs du coſté de Dieppe, monſieur le Mareſchal Ioachin: leſquels incontinét enuoyerent ſommer les Bourgongnons qui eſtoient dedans, & tels eſſrois leur feirent les gens du Roy, qu'ils prindrent compoſition qui eſtoit telle qu'ils ſ'en allerent tous, & ſi rendirent ladicte ville: c'eſt à ſçauoir les cheualiers chacun ſur vn petit courtault: Et tous les autres Bourgongnons qui eſtoient bien cent & plus, ſ'en allerent chacun vn baſton en leur main: & laiſſerent tous leurs habillemens, biens & cheuaux & ſi payerent dix mille eſcus: & puis ne demoura guerres que leſdits Ioachin & d'Estouteuille, eux & leurs gens ſ'en allerent deuant la ville de S. Vvalery, qu'ils eurent par ſemblable condition, & payerent ſix mille eſcus. Et puis ſ'en allerent à Rembures vn bien bel & fort chasteau, où dedans eſtoient aucuns Bourgongnons, qui vindrent au deuant dudit d'Estouteuille & Ioachin: auſquels ils rendirent ledit chaſtel, moyennant que leſdits Bourgongnons ſ'en allerent eux & leurs bagues ſauues. En ces entreſaictes aucuns tenans le party dudit de Bourgongne: comme le Comte de Rouſſi ſils dudit Conneſtable & autres de leur party, tindrent les champs au païs & marche de Bourgongne: & ſe vindrent eſpandre & loger en la Comté de Tônerre, où ils ne trouuerent aucune reſiſtence. Et en gaſtant & deſtruiſant païs, vindrent iuſques à Iaigny, qui fut fort ſecouru par les gens du Roy & ne feurent point. Et puis ſ'en allerent vers Troyes boutans feux és granches & villages, & autre vaillance ne feirent. Et pendant qu'ils faiſoient tels maulx, ſemblablement le faiſoiét le Comte Daulphin d'Auuergne, & autres nobles hommes de ſa compagnie au païs de Bourgongne pour le Roy: où ils meirent & bourerent auſſi le feu en pluſieurs des villes, villages & lieux dudit de Bourgongne. Et y feirent du dommage irreparable: mais c'eſtoit pour reuenger de ce que ledit Bourgongnon auoit fait ſur les villes, païs & ſubiects du Roy comme mauuais qu'ils eſtoient à leur vray &

souuerain seigneur. Au mois de Septembre ensuiuant le Roy qui auoit esté par certain temps au pays de Bretagne, fait trefue & abstinence de guerre: en laquelle trefue estoient comprins les amis & alliez de Bretagne: lesquels il declaira estre ledit Duc de Bourgogne, qui aussi print & accepta la ladicte trefue. Ledit temps durant aussi pour luy, ses amis & alliez qu'il declaira estre l'Empereur d'Allemagne, les Roys d'Angleterre, Escocce, Portugal, Espagne, Arragon, Cecille & autres Roys iusques au nôbre de sept: & plusieurs autres Ducs & grans seigneurs. En ce temps accoucha d'un fils la bonne Royne de France qu'on appella monsieur de Berry, qui ne vesquit gueres.

V E R S la fin du mois d'Octobre aduint que monseigneur de Beauieu, frere de monseigneur le Duc de Bourbon, qui estoit allé par l'ordonnance du Roy au pays d'Armignac, comme gouverneur de Guienne: lequel estoit bié accompagné de grans seigneurs & nobles hommes, luy estant dedans la ville & cité de Lestore audit pays, fut par trahison prins & mis es mains dudit Comte d'Armignac, lequel au moyen d'icelle prinse recouura ladicte cité. Et puis apres icelle prinse, ledit d'Armignac deliura plusieurs des seigneurs estans avec ledit seigneur de Beauieu, qui depuis furent prins & de par le Roy: pource qu'il auoit iuspeccion qu'ils eussent esté cause de la prinse dudit seigneur de Beauieu, & furent menez plusieurs au chasteau de Loches. Et de ladicte prinse dudit de Beauieu fut le Roy moult dolant. Et pour le r'auoir, enuoya deuant icelle cité de ses gens de guerre & artillerie en grand nombre: & luy mesmes alla iusques à Poitiers, à la Rochelle & au pays d'environ: & y estoit le iour S. Andry audit an lxxij. & puis en retourna à Angiers. Et à cause de ladicte prinse y eut vn gentil homme seruiteur dudit monsieur de Beauieu, nommé Iean Deymer, qui estoit prisonnier audit lieu de Loches: lequel fut escartellé en la ville de Tours, pource qu'il cōfessa auoir esté trahistre au Roy, & à son dit maistre. Et à l'heure qu'il d'eust mourir, parla moult honnorablement & publiquement deuant tous dudit seigneur de Beauieu: En disant par luy qu'il estoit bon & loyal, & qu'il n'auoit riens sceu de ladicte trahison: mais d'icelle en chargea fort le Cadet d'Albret seigneur de sainte Basille: auquel ledit de Beauieu auoit eu grand confidence: pource qu'il auoit esté nourry, & eu moult de biens en la maison de Bourbon. Apres ces choses le Roy sejourna longuement en Poitou, & vers les marches de Bretagne: & tant y demoura qu'appoinctement se feit entre le Roy, & le Duc de Bretagne: dont de ce faire se mesla fort Oudet de Rie seigneur de l'Escun, à qui le Roy à ceste cause feit de grans biens: & par auant luy en auoit aussi fait, & en faisant ledit appoinctement, le Roy bailla & deliura audit Duc de Bretagne la Comté de Monfort, & certaine somme de deniers. Et apres ledit accord ainsi fait, fut enuoyé par ledit Duc de Bretagne le faire fortifier & sçauoir par ses ambassadeurs au Duc de Bourgogne. Et pour r'auoir de luy les sceelles que ledit Duc de Bretagne luy auoit baillez en faisant l'alliance d'entre eux. Au mois de Feurier audit an cccc.lxxij. le tiers iours dudit mois: aduint sur le poinct de six heures au soir, que le temps estoit fort doulx & chault qui descendit du ciel deux grans clartez comme deux chandelles, passant deuant les yeux des regardans, qui sembloit estre fort espouuante: & en illoit moult grand clarté, mais ce ne dura gueres. Le septiesme iour dudit mois de Feurier monsieur

ſieur l'Eueſque de Paris ſils de môſieur de la Foreſt, ſeit ſon entrée cōme Eueſque de ladiète ville, & y eut grande ſolennité gardée à ſon entrée. Et apres le ſer uice fait en la grand Eglife, donna à diſner aux gens d'Eglife, Vniuerſité, Parlement, chambre des Comptes, Generaux, Maîtres des Requeſtes, Secretaires, Preuoſt des Marchans, eſcheuins & bourgeois de ladiète ville bien & honno rablement. En ce temps fut tirée de la ville de Leſtore vne groſſe ſerpentine en l'oſt des gens du Roy, eſtās deuant: laquelle d'un ſeul coup tua le maîſtre de l'ar tillerie du Roy, & quatre autres canonniers. Audit temps fut prins priſonnier le Duc d'Alençon par meſſire Triſtan l'Ermite Preuoſt des Mareſchaux, & me né deuers le Roy pour occaſion de ce qu'on diſoit, qu'il ſ'en eſtoit party de ſes païs, cuidant ſ'en aller par deuers ledit de Bourgongne, pour luy vendre & de liurer toutes ſes terres & ſeigneuries qu'il auoit au païs du Perche & Norman die, auecques ladiète duché d'Alençon.

A v mois de Mars enſuiuant mille quatre cens ſeptante deux le vendredy cinquieſme iour, le Comte d'Armignac eſtant dedans ladiète ville de Leſtore: & qui audit iour auoit compoſition faicte auecques le Roy par le moyen de meſſire Yues du Fau, que le Roy auoit enuoyé par deuers ledit d'Armignac pour ceſte cauſe: afin de ſoy en vider dudit lieu de Leſtore, luy, ſa femme & ſeruiteurs leurs vies ſauues: fut ledit d'Armignac tué & meurdry par les gens du Roy, qui par aſſault entrerent en icelle ville: pource que ledit d'Armignac, non obſtant ſondit appoinctement, en allant à ſ'encontre voulut tuer & meurdrit aucuns des gens du Roy, qui entrerent en icelle ville, ſoubs & couleur dudit traitté: les quels quand ils veirēt que ledit d'Armignac les voulut ainſi traicter, crierent aux tenans illec le ſiege, qu'ils les vouliſſent ſecourir ce qu'ils feirēt: & vindrent aſſaillir ladiète ville à l'endroir où elle auoit eſté battue: & par là entrerēt dedans, le Senefchal de Limoſin & autres en grand nombre & tels, qu'ils tuerēt ledit d'Armignac, toutes ſes gens & tous les habitans de ladiète ville de Leſto re: tellement que de tous n'en demoura que la Comteſſe d'Armignac, & trois femmes, & trois ou quatre hommes que tout ne fut tout meurdry & tout pillé. Et partant môſieur de Beauieu & les autres ſeigneurs & gentils-hōmes, que ledit d'Armignac tenoit priſonniers au lieu de Leſtore, furent deliurez & ſ'en vindrēt deuers le Roy. Et des choſes deſſusdites en apporta nouuelles au Roy vn des cheuaucheurs de ſon eſcuyrie, nommé Iean d'Auuergne: dōt le Roy fut moult ioyeux. Et pour ceſte cauſe le ſeit & crea ſon herault, & ſi luy donna cēt eſcus d'or. Et auſſi entra dedans ladiète ville le Cardinal d'Arras, qui moult vail lamment ſ'eſtoit porté deuant icelle, en y tenant le ſiege pour le Roy. Et apres fut toute ladiète ville arſe & tout iceté dedans les foſſez. Et pour la deſconſiture dudit lieu de Leſtore & dudit d'Armignac, en alla la nouuelle au Roy d'Arragon, qui eſtoit à Parpignan, lequel pour la cauſe deſſusdite, & auſſi qu'on luy ap porta que Philippe môſieur de Sauoye ſ'en alloit à luy pour luy faire guerre & recouurer ladiète ville de Parpignan, qu'il auoit prinſe ſur le Roy, & venoit illec à tout grand compaignie de gens de guerre: tant des païs de Sauoye, du Dauphiné que d'Armignac, ſ'en alla & departit dudit Parpignan & ſe retrahit en autres lieux ſes païs. Et puis le ſamedy matin xiiij. iour du mois de Mars à l'heure de ſix heures, le Roy qui eſtoit au Pleſſis du Parc iadis nommé les Mon-

tiz lez Tours, s'en partit à priuée compagnie & s'en alla à Bordeaux & à Bayonne. Et affin que homme viuant autres que ceux, qu'il auoit ordonnez ne le suivissent n'allassent apres luy: fait tenir toutes les portes de Tours fermées depuis ladicte heure iusques à dix heures sonnées, & fait rompre vn pôt pres dudit lieu de Tours, par où il estoit passé: affin que homme ny passast: & fait illec aussi demourer monseigneur de Gaucourt capitaine des gentils-hommes de sa maison, affin que personne n'allast apres luy.

Et le mercredy septiesme iour d'Auril auât Pasques audit an septâte deux, le Cadet d'Alembret fils du Comte d'Alembret, qui auoit esté avec modit seigneur de Beauieu audit lieu de Lestore: & qui auoit trahy & baillé ledit seigneur au Comte d'Armignac, fut iceluy Cadet prins prisonnier audit lieu de Lestore apres la mort dudit d'Armignac, & amené en prison à Poictiers, où illec fut fait son proces & condamné à estre decapité: lequel y fut ledit iour de mercredy Auril septiesme. Et incontinent qu'il eut le col couppé fut son corps & sa teste mis en vn serueil, couuert d'un poille armoyé à ses armes. Et fut porté ledit corps enterrer par les quatre mendians dudit Poictiers, & luy fut fait un moult beau seruice. Audit mois d'Auril fut fait de rechief trefue entre le Roy & le Duc de Bourgongne iusques à un an prochain ensuiuant, qui fineroit l'an lxxiiij.

Du siege deuant Parpignan: & comment le Duc d'Alençon fut detenu prisonnier au Louure: de la mort du Duc de Calabre: de l'execution d'un nommé Iean Hardy qui voulut empoisonner le Roy: d'un nouuel edict dudit Roy enuers les gens d'armes, & sur les monnoyes. D'une ambassade du Roy d'Arragon & autres plusieurs choses faictes en l'an mille cccc.lxxiiij.

1473.



An mille quatre cens soixâte & treize enuiron la fin d'Auril, aduint que le Roy d'Arragon fait entreprinse sur la ville de Parpignan. Et la print sur monseigneur du Lau, qui en auoit la garde & la charge: mais le chasteau demoura au Roy & à ceux qui dedans estoient, & le tindrent depuis ladicte ville prinse bien longuement. Et iusques la conqueste faicte dudit lieu de Lestore, qu'apres icelle le Roy en enuoya son armée deuant ladicte ville de Parpignan: deuant laquelle ils meirent le siege & y assiegerent ledit Roy d'Arragon, & son fils. Et avec les nobles seigneurs, capitaines & Seneschaux de ladicte armée y estoit aussi monsieur le Cardinal d'Alby, qui moult bien & sagement s'y gouuerna. Et deuant icelle ville tindrent le siege longuement: & iusques au mois de Iuing que le Roy y enuoya de rechief pour reconforter ladicte armée quatre cens lances, prinse à Amyens & autres villes voisines: & si y enuoya grand quantité d'artillerie & canonniers. Au mois de Iuing audit an mille cccc.lxxiiij. le Duc d'Alençon que ledit Roy auoit fait prendre & mener prisonnier à Loches, fut mené à Paris au chasteau du Louure: & y arriua le mercredy veille du S. Sacrement xvj. iour dudit mois de Iuing à l'heure d'entre neuf & dix heures au soir à l'arche de Bourbon, où il descendit illec des bateaux qui l'auoient amené de Corbeil: & estoient à le conduire monsieur de Gaucourt, le sire de la Choletiere maistre de l'hostel du Roy: & avecques ce en leur compagnie y estoient cinquante archiers de la garde & xxiiij. gentils-hommes de l'hostel du Roy: lesquels apres que leur dit seigneur eut esté mis ou bou-

té audit chasteau du Louure, s'en retournerent deuers le Roy, & le laisserent en la garde dudit seigneur de la Choletiere & des atchiers de ladicte ville de Paris: & est assçauoir que le iour qu'il arriua fut mené loger en la rue S. Honnoré à l'enseigne du Lyon d'argent. Et ledit iour dudit Sacrement apres soupper aussi à ladicte heure d'entre neuf & dix heures au soir, fut mené & conduit ledit seigneur audit chasteau du Louure. Et apres que ledit siege eut esté longuement tenu deuant ladicte ville de Parpignan: aduint que les gens du Roy au moyen de la grande & extreme chaleur, qu'ils auoient & souffroient illec: & aussi que ils auoient grand souffrete de viures, prindrent trefues lesdits de Parpignan, & eux vn peu de temps: pendant lequel chacun sauaitaila & appoincta de ce que besoing leur estoit: & en ces entrefaictes y furent enuoyez grand quantité de gens de guerres: & pour y remettre le siege & fournir de viures ledit ost, le Roy enuoya monsieur de Gaucourt, maistre Iean Bourré, & le changeur du tresor: pour prendre viures & les payer par tout où recouurer en pourprieté, pour mener audit Parpignan. Durant ce temps & au mois de Iuillet quatre cens septante trois, mourut vn des enfans du Roy nommé monsieur François de France Duc de Berry, dôt le Roy porta moult grâd dueil: & fut par l'espace de six heures au chasteau d'Amboise que hôme ne parloit à luy. Audit mois de Iuillet le Duc de Calabre mourut de pestillence à Nancy en la Duché de Lorraine. Et incontinent apres son trespas fut nouuelles qu'un Alemand, qui auant son trespas auoit la conduicte de l'armée dudit de Calabre print prisonnier le Comte de Vaudefmons heritier de ladicte Duché de Lorraine, à l'adueu & faueur du Duc de Bourgongne: pour laquelle cause & affin de r'auoir leur Comte de Vaudefmons, fut prins pour marque en ladicte ville de Paris, vn ieune fils escollier nepueu, de l'Empereur d'Allemagne. Audit mois de Iuillet fut ordonné vn grand conseil estre tenu en la ville de Senlis, entre les gens du Roy & ceux du Duc de Bourgongne pour appoincter sur les differens d'eure eux. Et y enuoya le Roy de son costé le Comte de Dampmartin, qui y feit de grans pompes, monsieur le Chancelier, mōsieur de Craon, mōsieur le premier President de Parlemēt, maistre Guillaume de Serisay greffier ciuil d'icelle court, & maistre Nicolle Bataille aduocat en ladicte court: lesquels y seiournerent par longue espace de temps & iusques au iour de my-Aoust dudit an lxxij. sans aucune chose faire.

En ce mesme temps le Duc de Bourgongne meit sus son armée, & s'en alla à la Duché de Gueldres, pour la subiuguer & mettre en ses mains. Audit mois d'Aoust le dimēche huietiēme d'iceluy, le Roy estant dedans le chasteau d'Alençon qui s'en alloit hors d'iceluy, aduint que par grâd defortune ainſi qu'il iſoit hors du chasteau d'iceloy lieu, cheut dessus luy dessus l'une de ses manches vne grosse pierre de faix, dont & dequoy il fut en moult grand dāgier de sa personne: duquel dangier Dieu & la benoiste Vierge Marie & tous les saints & saintes de Paradis, à la grace de laquelle il estoit moult enclin, en fut garenry & hors iecté. Audit mois d'Aoust le conseil du Roy, qui estoit en la bonne ville de Senlis avec les ambassadeurs de Bourgogne & Bretagne: & qui auoiet seiourné longuement, s'en departirent & s'en alla & retourna chacun en son lieu sans riens faire de la matiere, pour laquelle ils estoient allez. Et au regard du fait & dispositiō du temps de ladicte année, l'Esté fut moult chault: & par especial de-

puis le mois de Iuing iusques au premier iour de Decembre : & plus chault & ardent qu'onques n'auoit esté veu d'age d'homme lors viuants : & à ceste cause furent les vins chaux & ardans, & plusieurs d'iceux deuindrent aigres & puans : & en fut grand quantité de perdus iectez par les rues, & ne feit point de froid ne ne gella point qu'il ne fut la chandeleur passée. En ce temps pource qu'il estoit bruit que les Bourgongnons tiroient vers Lorraine & Barrois : le Roy y enuoya cinq cens lances soubz la conduicte de monseigneur de Craon, qu'il feist son lieutenant general : & enuoya les nobles de l'Isle de France, de Normandie & les francs archiers, qui furent logez en diuers lieux au païs de Champagne, & y demourerent plus de deux mois. Et puis s'en retourna chacun en sa maison sans riens faire. Audit temps ledit Bourgongnon amena l'Empereur d'Allemagne iusques à Luxembourg : Et ledit Empereur dedans la ville de Mets, pour les enhorter de bouter ledit de Bourgongne en ladicte ville, ce qu'ils ne voulurent pas faire. Et s'en retourna ledit Empereur audit de Luxembourg, & d'illec s'en retourna en Allemagne. En ce temps ledit de Bourgongne enuoya à Venize, pour emprunter de l'argent aux Veniciens : & de celuy argent en souldoyer six cens lances du païs pour le téps de trois mois. Et passerent par la Duché de Milan, & s'en vindrent ioindre au hault païs de Bourgongne avecques les subiects dudit Duc : pource qu'ils n'estoient pas assez forts pour greuer l'armée du Roy, qu'il auoit fait loger sur les marches dudit Duc de Bourgongne. Audit temps le Roy maria son aînée fille que par auant il auoit promise au feu Duc de Calabre, à monseigneur de Beauieu frere de monseigneur le Duc de Bourbon. Audit temps les Bourgongnons par trahison & emblée entrerent au païs de Niernois, & y prindrent des places de monseigneur de Neuers, comme la Roche, Chastillon & autres. Audit temps se rassemblèrent à Compiengne les ambassadeurs du Roy qui au par auant auoient esté assemblez à Senlis, cuidant y trouuer l'ambassade de Bourgongne, qui auoient promis y venir : lesquels feirent longuement attendre lesdits ambassadeurs du Roy : lesquels s'en retournerent à Paris, pource que lesdits Bourgongnons ny venoient point. Et puis encores y retournerent le mois de Ianuier, & y estoit le quinzième iour dudit mois. En ce temps fut nouuelles que ledit Duc de Bourgongne voyant qu'il n'auoit pas puissance de paruenir à destruire le Royaume de France, ainsi que grand peine y auoit mis : conspira avecques vn nommé maistre Ythier Marchant, qui auoit esté seruiteur de monseigneur de Guienne : & avecques vn nommé Jean Hardy seruiteur dudit maistre Ythier, qui s'en estoient retirez apres ledit trespas dudit de Guienne deuers ledit de Bourgongne, de trouuer moyen de faire mourir & empoisonner le Roy : de laquelle chose faire ledit Hardy print à luy la charge. Et pour ce faire & accomplir, luy furent baillez les poisons en luy promettant faire moult de biens : & de luy donner cinquante mille escus, pour distribuer à celuy ou ceux qui feroient ladicte execution. Et si fut deliuré argent audit Hardy, pour faire ses despens en la poursuite : lequel Hardy fol non ayant Dieu deuant les yeux, & non voulant cognoistre que se ladicte execution eut esté accomplie (où Dieu à bien pourueu) tout le tresnoble Royaume de France estoit du tout perdu & destruit : s'en partit & tira là où le Roy estoit. Et pour mettre sa damnée entreprinse à execution (&

non cognoissant que le Roy l'auoit recueilly & donné grand argent) s'adressa à vn des seruiteurs du Roy, ayant la charge en sa cuisine de faire faulces : & auquel ledit Iean Hardy auoit eu cognoissance, durant que ledit Saulcier & Hardy auoient esté en l'hostel & au seruice de mondit seigneur de Guienie. Et déclara ledit Hardy de ladicte entreprinse, en luy promettant vingt mille escus, ou cas où il voudroit faire & accomplir ladicte charge, qui luy presta l'oreille, & dit qu'il n'y pourroit riens faire sans le moyen de Colinet Queux du Roy : & qui aussi auoit esté & demouré avecques ledit Hardy & Saulcier en l'hostel dudit seigneur de Guienie : En disant par ledit Saulcier à iceluy Hardy qu'il parleroit audit Queux, & y feroit ce qu'il pourroit. En disant outre audit Hardy qu'il luy deliurast lesdictes poisons, pour les môstrer audit Queux. Et bien tost apres ledit Saulcier & Colinet, qui de ce auoient parlé ensemble en allerent aduertir le Roy, dont il fut moult esbahy & espouenté. Et dudit aduertissement furent lesdits Queux & Saulcier moult honnorablement & prouffitablement guerdonnez du Roy. Et en toute diligence fut ledit Iean Hardy suiuy qui s'en retournoit deuers Paris : & fut prins vers Estampes & remené deuers le Roy, qui l'interroqua ou il feit interroguer sur les choses dessusdictes, & icelles luy confessa estre vrayes. Pourquoy & affin d'y donner le iugement, ordonné estre fait en pareil cas. S'en partit le Roy d'Amboise & s'en vint à Chartres, Meulan, Creil & autres lieux es marches de Beauuoisin. Et apres luy estoit mené ledit Hardy en vne basse charrette, où il estoit moult bien enfermé de gros fers & encheigné : & le conduisoit Iean Blosset escuyer, capitaine de cent archiers de la garde de monseigneur le Daulphin : & auoit avecques luy cinquante desdits archiers tousiours estans autour de ladicte charrette. Et ainsi accompagné que dit est, fut ledit Hardy enuoyé à Paris, pour estre deliuré au Preuost des Marchans & escheuins de ladicte ville : & y fut mené, & y arriua le ieudy vingtiesme iour de Ianuier quatre cens soixante & treize, enuiron l'heure de trois heures apres disner, que sire Denys Hesselin conseillicr & maistre d'hostel du Roy Preuost des Marchans, & Eleu sur le fait des aydes de ladicte bonne ville, l'alla recueillir es faulxbourgs de la porte saint Denys d'icelle ville. Et avecques luy estoient les quatre escheuins, le clerc & sergens de l'hostel de ladicte ville, & autres notables habitans d'icelle : Et accompagnoient lesdits Preuost & escheuins avecques les archiers d'icelle ville & par bel ordre. Et fut ledit Hardy ainsi accompagné que dessus, & assis sus vne haulte chaire mise au dessus : & au milieu d'une charrette, affin qu'il fut manifesté & apperceu par le populaire d'icelle ville. Ausquels & affin qu'ils ne fussent meuz de mal faire, ou iniurier ledit Hardy pour l'enormité dudit cas, fut deffendu de le mutiller, blasphemer ne iniurier. Et ainsi estant en ladicte charrette que dit est, fut amené tout au long de la grand rue S. Denys & descendu audit hostel de la ville, & deliuré par ledit Blosset es mains & en la garde desdits Preuost des Marchans & escheuins. Ausquels le Roy voulut leur attribuer l'honneur d'en auoir la garde, & faire faire son proces & iceluy mettre à execution. Audit temps le Roy estant à Creil, feit vn edit touchant les gens d'armes de son Royaume : par lequel il déclara que chascune lance n'auroit ne ne tiendroît que six cheuaux. C'est à sçauoir la lâce, trois cheuaux pour luy, son page & le coustillier : & les deux archiers deux che-

uâux, & vn cheual pour le varlet, & qu'ils n'auroient plus de panniets à porter leurs harnois. Et avec ce ne seiourneroient qu'un iour en vn village. Et en outre fut crié, que nul marchand ne vendist ausdits gens de guerre ne prestast aucuns draps de soye, ne camelots sur peine de perdre l'argent, que lesdits gens de guerre leur pourroient deuoir à cause de ce. Et aussi qu'on ne leur vèdist aucun drap de laine plus de trente deux sols parisis l'aulne. Audit temps le Roy feit ordonnance sur le fait des monnoyes, & ordōna ses grans blans courir pour vnze deniers tournois, qui par auant ne valoient que dix. Les targes vnze deniers tournois, qui en valoient douze: l'escu trente sols trois deniers tournois. Et ainsi de toutes les autres especes de monnoyes rout fut changé. Audit tēps enuiron le xx. iour de lanuiier cccc. lxxij. fut fait accord & appointement entre le Roy & monseigneur le Cōestable, qui auoit prins & mis en sa main la ville de S. Quentin: & en meit hors le sire de Creton, qui y auoit cent lāces de par le Roy. Et par ledit accord demoura ledit Conneftable audit S. Quentin, ainsi qu'auant auoit fait. Et luy fut rendu Meux & autres places, dont il auoit esté desappointé: & si luy bailla on commissaires pour eux informer de ceux qui auoient parlé dudit Conneftable: pour raison de ladicte prinse de S. Quentin, affin de les punir. Et luy fut deliuré l'argent du souldoy de ses gens de guerre, qui empesché fut incontinent apres ladicte ville de S. Quentin prinse. Audit temps le Roy vint des parties d'Amboise, où il estoit soy tenir à Senlis & illec enuiron. Et ce pendant les ambassadeurs du Roy & du Duc de Bourgongne, qui cōmuniquerent sur le fait de trouuer entre eux appointement de paix ou resfues: & finablement fut ladicte trefue continuée iusques à la my-May, en attendant plus ample appointement. En ce temps le Roy qui estoit à Senlis s'en vint loger à Ermonneuille en Santerres, appartenant à maistre Pierre l'Orfeure conseiller des comptes. Et illec y seiourna enuiron vn mois: pendāt lequel tēps monseigneur de Bourbon que le Roy auoit diuerses fois mandé venir par deuers luy y vint, & arriua & n'y demoura q̄ x. ou xij. iours. Puis s'en retourna en son païs faire ses Pasques ainsi que le Roy luy en donna le congé: auquel il promeit incōtinent apres quasimodo s'en retourner & reuenir. En ce tēps au mois de Mars ieudy xxx, & penultime iour dudit mois, Iean Hardy emprisonné (dont est parlé deuāt) fut cōdamné par arrest de la Court de Parlement, à estre trainé depuis l'huis de la cōsiergerie du Palais iusques à la porte dudit lieu: & d'illec bouter en vn tombeau & mené deuant l'hostel de la ville de Paris, dessus l'eschauffaus pour ce illec dressé, pour y estre escartellé, ainsi qu'il fut fait & cōdamné: la teste estre mise & demourer dessus vne lance deuāt l'hostel de ladicte ville: les quatre membres porter en quatre des bōnes villes des extremitéz de ce Royaume: & chacun desdits membres estre mis vne epitaphe, pour faire sçauoir la cause pourquoy lesdits membres y estoient mis & posez. Et outre cōdamné le corps estre brûlé & mis en cendre deuāt l'hostel de ladicte ville. Toutes les maisons dudit Iean Hardy arrasées, & mises par terre: mesmemēt le lieu de sa natiuité icetē par terre sans iamais y estre fait edifice: & d'y mettre epitaphe, pour faire sçauoir l'enormité du cas dudit Hardy, & pourquoy estoit faicte ladicte demolition. Et fut ledit Hardy ainsi executé ledit iour de ieudy és presences du seigneur de Gaucourt Lieutenant du Roy, du premier President Boulenger, du Preuost de

Paris, du Preuoist des Marchans & escheuins de ladicte ville, du Procureur & clerc d'icelle, & plusieurs autres notables personnes. Et fut baillé audit Hardy pour la cōduicte de son ame & conscience vn notable Docteur en Theologie, nommé maistre Iean Hue. Et puis le samedy ensuiuant enuiron minuiet: (parquoy ce fut, il n'a point esté sceu) la teste dudit Hardy mise au bout d'une lance, fut ostée de dessus l'eschauffaut, où elle estoit mise & iectée en vne caue pres de illec. Ledit iour vint & arriua à Paris vne moult belle ambassade du Roy d'Arragon, qui fut bien recueillie par monseigneur le Comte de Ponthieure, monseigneur de Gaucourt & autres, qui bien festoyerent ladicte ambassade en plusieurs lieux de Paris: & iusques au iour de Pasques Fleuries, qu'on cessa pour la sepmaine peneuse qui entra de les festoyer. Et puis vint & arriua le Roy à Paris le samedy xvj. iour d'Auril lxxiiij. apres Pasques.

Des monstres faictes à Paris present le Roy & autres plusieurs: d'aucunes ambassades, & du parlement faict entre le Roy & le Connestable: des trefues entre le Roy & le Duc de Bourgogne, avecques autres plusieurs choses. Et commēt le Duc d'Alencon fut condamné estre decapité à Paris. Le Roy met en ses mains le pais d'Anjou: du siege deuant Nuz par ledit Duc de Bourgogne: lequel print autres villes, nonobstant lesdictes trefues audit an que dessus.



1474
T le samedy ensuiuant vingtiesme iour dudit mois d'Auril mille quatre cens soixante & quatorze: le Roy ordonna que les monstres fussent faictes des officiers, bourgeois, manās & habitās de ladicte ville de Paris, ce qui fut fait. Et fut ladicte mōstre faicte & monstrée au dehors de Paris depuis la bastille S. Anthoine en allāt au lōg des fossēz, iusques à la tour de Billy: & d'illec en bataille iusques à la grange aux Merciers: & de l'autre costé aussi estoit en bataille les habitās de ladicte ville, qui estoit moult grande & belle chose à veoir. Et estimoit on le nōbre des armez de cent & quatre mille hommes, tous d'une liutée de hocquetons rouges à belles croix blanches: & furent aux champs grand quantité d'artillerie de ladicte ville de Paris, qu'il faisoit moult beau veoir. Et à veoir ladicte mōstre y estoit le Roy & l'ambassade du Roy d'Arragon, qui tous faisoient grandes admirations de la quantité des gēs de guerre, qu'ils veirēt issir hors de ladicte ville. Et avecques le Roy estoit sa garde, les gentil-hommes de sa maison, le Comte de Dampmartin qui s'y trouua moult fort pompeux. Aussi y estoient Philippe monseigneur de Savoie, Côte de Bresse, mōseigneur du Perche, Sallezart & plusieurs autres capitaines notables hōmes & gēs de nom. Et apres ladicte mōstre faicte, le Roy s'en alla au bois de Vincennes soupper, & mena avecques luy ladicte ambassade de Arragon. Et peu de temps apres le Roy donna aux deux seigneurs chiefs de ladicte ambassade, deux hanaps couuers à personnages tout de fin or, qui pesoient quarante mars d'or fin, & cousterent trois mille deux cens escus d'or. Et puis s'en partit le Roy pour s'en retourner à Senlis, où il y seiourna depuis par certain temps. Pendant lequel tēps vint & arriua l'ambassade de Bretagne, qui s'en alla deuers le Roy. Et des Alemagnes aussi arriua à Paris ambassade, dōt estoit chief le Duc de Bauiere. Et avecqs ladicte ambassade de Bretagne, y vint Philippe des Essars seigneur de Thieux maistre d'hostel du Duc de Bretagne:

lequel auoit au par auant esté contre le Roy. Et le recueillit ttesbien le Roy, & luy donna dix mille escus, & si le fit maistre enquesteur & general tefformateur des eaües & forests, es marches de Brie & de Champaigne, que tenoit monseigneur de Chastillón à qui le Roy l'osta pour bailler audit Philippe des Essars. Audit temps que le Roy estoit à Senlis, à Ermonneuille & illec enuiron, y vint & arriua l'ambassade de Bourgongne, qui y demoura assez longuement sans riens faire: & le Roy s'en alla à Compiengne, à Noyon & autres places enuiron. Et là le Connestable vint par deuers luy pour aucuns differens, qui estoient entre le Roy & luy: & parlerent aux champs ensemble en vn village, où fut fait vn pont entre eux deux: & chacun d'eux estoient garnis de gens de guerre pour la garde de leurs personnes. Et illec ainsi assemblez, que dit est, parlerent de leursdits differens: mesmement pour raison de la prinse & retenue que faisoit ledit Connestable de la ville de S. Quentin, qu'il auoit prinse & mise en sa main: & en dechassé & bouté dehors le sire de Creton, qui auoit la charge d'icelle ville de par le Roy & la retenue de cent lances: qui tous par la force & contraincte dudit Connestable vuidèrent dehors de ladicte ville, dont le Roy fut bien malcontent. Et pour ceste cause le Roy fit arrester les deniers & deschatges, qui auoient esté leués pour le payement dudit Connestable, & des quatre cens lances de sa charge, & retenue pour le quartier d'Auril, May & Iuing lots escheu, qu'il print ledit S. Quentin. Et apres ledit pourparlé ensemble, le Roy leua sa main dudit arrest & fit tout le payement deliurer audit monseigneur le Connestable, & puis se departirent d'ensemble bons amis. Et si fit illec la paix dudit seigneur & du Comte de Dampmartin, qui rien ne s'entredemandoient. Et audit partement le Roy pardóna tout audit monseigneur le Connestable, qui luy promeit & iura de non luy faire iamais autres fautes, mais que bien le seruiroit de là en auant à l'encontre de tout le monde sans nul en excepter. En iceluy tps le Roy s'en retourna à Senlis, Ermonneuille, Pont S. Maxence & autres lieux: & souuēt & presque tous les iours alloit le Roy en l'abbaye de la Victoire prier & aore la benoiste Vierge Marie illec requise: à l'honneur & louenge de laquelle il fit faite audit Prieur de bien grans dons en or content, qui bien monterent dix mille escus d'or. Audit an le Roy ayant en singuliere recommandation son populaite & gens de guerre: pour escheuer effusion de sang par guerre, fit vne trefue avecques son ennemy & aduersaire le Duc de Bourgongne pour vn an, finissant le premier iour d'Auril mille quatre cens lxxv. Combien que plusieurs ambassades feussent venues par deuers luy de par l'Empereur d'Allemagne, luy humblement prier & requeirir, qu'il ne fit point ladicte trefue avecques ledit de Bourgongne. Et que par port d'armes, ils le rendroient fugitif & en la metcy du Roy. Et que toute la conquête & prouffit qu'ils pourroient faire & auoit fut ledit de Bourgongne, ils promettoient la bailler & donner au Roy sans tiens luy couster du sien: mais nonobstant ce que dit est, fut ladicte trefue faicte & accordée avec ledit de Bourgongne à la grand desplaisance des trefbons & loyaux subiects du Roy. Et nonobstant ladicte trefue & au commencement d'icelle, lesdits Bourgongnons firent de grans outrages & dommages aux pays & subiects du Roy estans à l'entour desdits Bourgongnons, dont aucune repARATION ne fut faicte par iceux Bourgongnons: laquelle chose demoura

demoura en grand esclandre, de veoir le vassal du Roy ainsi outrager les payz & subiects de son souverain seigneur. Au commencement du mois de Juillet mille quatre cens lxxiiij. le Roy vint & arriua en sa bonne ville & cité de Paris, où il ne seiourna qu'une nuit: Et le lendemain s'en alla à l'Eglise nostre Dame, & de là en la sainte chappelle du Palais: & dina en la consiergerie dudit Palais au logis & domicile de maistre Jean de Ladrieche President des Comptes. Et illec enuiron quatre heures apres midy, s'en partit & alla en vn bateau par la riuere, depuis la poincte dudit Palais iusques à la tour de Nesle, où il monta à cheual & s'en alla à Chartres, à Amboise & de là à nostre Dame de Behuart en Poictou.

AVDIT an le Roy enuoya grand nombre de gens d'armes de son ordonnance, des Francs-archiers & autres, & de son artillerie pour se conquerir le Royaume d'Arragon: dont on disoit que Dieu leur donnaist grace de y bien besongner & de retourner ioyeusement: car on dit communement que c'est le cimetiere aux François. Audit temps le lundy xvij. iour dudit mois de Juillet lxxiiij. l'arrest fut prononcé en la court de Parlement par monseigneur le Chancelier nommé maistre Pierre d'Oriolle, du proces fait à l'encontre dudit d'Alençon, qui par auant auoit esté detenu prisonnier au Louure & audit Palais. Et par iceluy arrest fut ramené à fait les cas & crimes à luy imposez, & la condamnation iadis contre luy prononcée à Vendosme, du temps du Roy Charles dôt Dieu ait l'ame. Et le pardon & grace que de ce luy auoit depuis fait le Roy, de luy laisser la vie sauue, & que depuis il auoit encores continué de mal en pis cōme ingrat: & tout dit & recité publiquement en icelle court, fut ledit d'Alençon declairé par arrest estre criminel de crime de leze maiesté: & comme tel condamné à estre decapité & souffrir mort: sauf sur ce le bon plaisir du Roy. Et toutes ses terres & seigneuries, & tous ses biens estre acquis & confisquez au Roy. Et luy fut le dictum dudit arrest dit à sa personne par mondit seigneur le Chancelier. Et bien tost apres fut ramené prisonnier en sa premiere prison dudit Louure, en la garde & conduicte de sire Denys Hesselin cleu de Paris, & de ses gens pour luy: de sire Jaques Hesselin son frere escuyer d'escuyrie du Roy & de sire Jean de Harlay cheualier du guet de nuit de ladicte ville, & autres ordonnez de par le Roy à la garde dudit seigneur. Apres ledit arrest le Roy s'en tira à Angiers & au pays d'enuiron: & feit mettre en sa main ladicte ville d'Angiers & autres terres & seigneuries, qui estoient & appartenioient au Roy de Cecille pour aucunes causes qui à ce le meurent. Et au gouuernement & administration desdictes seigneuries & terres, y fut mis & commis maistre Guillaume de Cerisay Greffier Ciuil de la Court de Parlement. Et apres le Roy retourna par deuers le pays de Beaulle, à Chartres & en Gastinois, au Bois-de-malesherbes & autres lieux voisins, où il seiourna par certaine longue espace de temps, en chassant & prenant bestes sauuages: comme cerfs, sangliers & autres bestes, dont il trouua largement. Et pour raison de la grand quantité des bestes qui y furent trouuez ayma fort ledit pays. Combien qu'en autres choses il est maigre pays, sec, inutile & de petite valeur. Et puis s'en partit le Roy & s'en alla au Pont-de-Chamois, où aussi il demoura par certain temps & iusques au iedy sixiesme iour d'Octobre audit an lxxiiij. qu'il s'en partit, & alla iusques à Montereau-fault-yonne. Et

audit Pont-de-Chamois demoura mondir seigneur de Beaujeu : par deuers lequel s'en alloient par chacun iour les gens du grand cōseil en l'absence du Roy. En ce temps le Duc de Bourgongne qui s'en estoit party de ses païs, pour aller faire guerre aux Allemans, alla en Allemagne tenir & mettre le siege deuant la ville de Nuz, qui est vne bōne ville pres de Coulongne sur le Rhin, où il seiourna bien longuement tenant le siege illec deuant avec roure son armée & artillerie. Audit temps furent enuoyez en Bretaigne ambassadeurs de par le Roy: c'est à sçauoir monseigneur le Chancelier, Philippe des Essars & autres. Et au rerour de ladicte ambassade reuinr & retourna dudir Bretaigne messire Pierre de Moruillier, iadis Chancelier, qui s'en estoit allé avec feu monseigneur de Guienne, & depuis son trespas s'en estoit retrair audit païs de Bretaigne. En ce temps les gens renans le party dudit de Bourgongne (nonobstant ladicte trefue) prindrent la cité de Verdun en Lorraine, dont le Roy estoit seigneur & gardien. Et pour la rauoir le Roy enuoya trois cens lances & quatre mille Francs-archiers, qui estoient accompagnez du seigneur de Craon & autres. Audit temps aussi lesdits Bourgongnois prindrent par emblée vne ville au païs de Nyvernois nommée Molins en Gibers, où pareillement le Roy enuoya des gens de guerre & de son artillerie. Et ne diffiera point ledit de Bourgongne que par ses païs & de son party (nonobstant icelle trefue) de tousiours faire maux & persecuter les gens seruireurs, villes & subiects du Roy.

De la sommation du Roy Edouard d'Angleterre au Roy de France: & des bonnes nouvelles de l'armée des Francois en Arragon auecques aucuns Arragonnois decapitez. D'un homme ouuert tout viuant par les medecins du Roy & preserué de mort: de la feste du Roy saint Charles Charlemaigne: de la perte du Duc de Bourgongne deuant Nuz & autres conquestes faictes sur luy en Picardie & Bourgongne. de aucuns Barons executez à Paris: & de la reducion de la ville de Parpignan l'an que dessus.

EN iceluy temps Edouard Roy d'Angleterre enuoya ses heraulx par deuers le Roy, le sommer de luy rendre & bailler les Duchez de Guyenne & de Normandie, qui disoit à luy appartenir, ou qu'en son reffus il luy feroit guerre: ausquels heraulx fut faicte & rendue response, & par iceux le Roy enuoya audit Edouard le plus beau courcier qu'il eust en son escuyrie. Et depuis ce le Roy luy enuoya encores par Iean de Laiffier mareschal de ses logis, vn asne, vn loup & vn sanglier: & à tant s'en retournerent lesdits heraulx en leur dit païs par deuers leur Roy. Audir mois de Nouëbre le Roy vint par deuers Paris & fut logé à Ablon sur Seine: depuis au bois de Vincennes, à Hauberuillier & autres lieux: & puis illec se deslogea & alla en la France soy loger en yn hostel appartenant à maistre Dreux Budé audencier, nommé le Bois-le-conte. Et messieurs de Lyon, de Beauieu & autres seigneurs suiuaus le Roy se logerent à Mistray en France. Et puis se deslogea le Roy & alla auecques les seigneurs deuãdits à Chasteau Thjerry, où il demoura certaine espace de tēps. Et iusques enuiron le douzième iour de Decembre qu'il retourna à Paris, & y feit son Noël: & fur le Roy au seruice la veille de Noël en l'Eglise nostre Dame de Paris. Le lendemain de Noël qui estoit le jour S. Estienne, le Roy eut des nouvelles que les Anglois estoient en armes en grand nombre

bre sur mer, & estoient vers les parties du mont S. Michel. Et incontinent feit monter à cheual enuoyer en Normandie les archiers par luy mis sus de la nouuelle garde, nommée la garde de monseigneur le Dauphin.

En ce temps le Roy eut des nouuelles de son armée, qu'il auoit enuoyée en Arragon: & comment ses gens auoient prins vne place pres de Parpignan nommée Gonne: dedans laquelle y estoient aucuns gentils-hommes & habitans d'icelle ville de Parpignan, qu'on voulut faire mourir comme trahistres: mais on différa pource qu'ils proumeirent dedans vn temps qu'ils nommerent, de faire reduite & mettre en l'obeissance du Roy ladiète ville de Parpignan: laquelle chose ils ne firent point dedans le temps qu'ils auoient promis, parquoy en furent aucuns d'eux decapitez. Et entre les autres y eut vn nommé Bernard de Douys, qui eut le col couppé. Et bien tost apres fut fait appointement entre le Roy & lesdits d'Arragon: par lequel la Comté de Roussillon fut de rechief remise en la main du Roy.

A v mois de Ianuier lxxiiij. aduint qu'aucuns larrons Bourgongnons sans maistre ne adueu, se meirent sur les champs & vindrent courir és pays du Roy, & iusques pres de compiegne, où ils prindrent & tuerent plusieurs gens: & puis voulurent ediffier vne place pour eux retraire pres de Roie nommée Arson, où ils amenerent grand quantité de pionniers. Et quand le Roy en eut ouy les nouuelles, il manda aux garnisons d'Amyens, Beauuais & autres lieux avecques la compagnie du grand maistre, & aussi des arbalestriers & archiers de Paris & autres de ladiète ville, que messire Robert d'Estouteuille Preuost de Paris conduisoit, qu'ils allaissent destruire lesdits Bourgongnons & place: mais incontinent qu'ils en ouirent la nouuelle ils desempaterent tout, & s'en fuirent comme paillards qu'ils estoient. Audit mois de Ianuier cccc.lxxiiij. aduint qu'un Franc-archier de Meudon pres Paris, estoit prisonnier és prisons de Chastellet pour occasion de plusieurs larrecins qu'il auoit faictes en diuers lieux: & mesmemet en l'Eglise dudit Meudon. Et pour lesdits cas & comme sacrilege, fut condamné à estre pendu & estranglé au gibet de Paris nommé Montfaucon: dont il appella en la Court de Parlement, où il fut mené pour discuter de son appel: par laquelle court & son arrest, fut ledit Franc-archier declairé auoir mal appelé & bien iugé par le Preuost de Paris: par deuers lequel fut renuoyé pour executer sa sentence. Et ce mesmes iour fut remonstré au Roy par les medecins & chirurgiens de ladiète ville, que plusieurs & diuerses personnes estoient fort trauallez & molestez de la pierre, colique passion & maladie du costé: dont pareillement auoit esté fort molesté ledit Franc-archier. Et aussi desdictes maladies, estoit lors fort malade monseigneur du Boscage: & qu'il seroit fort requis de veoir les lieux, où lesdictes maladies sont concrées dedans les corps humains: laquelle chose ne pouoit mieux estre sceue que inciser le corps d'un homme viuant, ce qui pouoit bien estre fait en la personne d'iceluy Franc-archier, qui aussi bien estoit prest de souffrir mort: laquelle ouuerture & incision fut faicte au corps dudit Franc-archier: & dedans iceluy quis & regardé le lieu desdictes maladies: & apres qu'ils eurent esté veues, fut recoué & ses entrailles remises dedans: & fut par l'ordonnance du Roy fait tresbien penser, & tellement que dedans quinze iours apres il fut bien guery, & eut remission de ses cas sans

despens, & si luy fut donné avec ce argent.

En ce temps le xxviij. iour dudit mois de Ianuier, le Roy ayant singuliere affection aux Saincts faiz, & grans vertus de sainct Charlemaigne, voulut & ordonna que ledit xxviij. iour de Ianuier fut faicte la solennité de S. Charlemaigne: laquelle chose fut faicte & solemnisée en la ville de Paris, & ladiète feste gardée comme le Dimenche. Et ordonné que dotesnauant par chacun an ladiète feste seroit faicte ledit xxviij. iour de Ianuier. Au mois de Feurier ensuiuant, furent les Allemans auitaillez en la ville de Nuz par ceux de la ville de Coulongne sur le Rhin, & autres Allemans de la partie de l'Empereur d'Allemaigne: nonobstant le Duc de Bourgongne, qui passé a long temps estoit demouré tenant le siege deuant ladiète ville de Nuz: & qui auoit fait arriuer plusieurs nauires pour cuider empescher, que ledit auitaillement ne vint en icelle ville: mais nonobstant toute sa puissance & armée, vint & entra tout ledit auitaillement en ladiète ville. Et furent toutes les nauires dudit Duc rompuës, & mises en pieces dedans la riuere du Rhin, & morts plus de six à sept mille Bourgongnons, estans dedans iceux nauires. Et au parauant auoient eu & souffert lesdits Bourgongnons de grans pertes, & maux par lesdits de Nuz. Au mois de Mars ensuiuant pource que lesdits Bourgongnons des parties de Flandres, Picardie & aussi de ceux estans par ledit Duc de Bourgongne logez à Roye, Peronne, Môt-didier & autres places tenans son party, estoient venus courir és pays & sur les subiects du Roy: Et en iceux prins plusieurs prisonniers, viures & biens, & menez en leurs places contre la trefue faicte entre le Roy & luy: se meirent aux champs plusieurs des compagnies de l'ordonnance du Roy estans és garnisons d'Amyens, Beauuais, S. Quentin & autres lieux, iusques au nombre de cccc. lances & autres populaires, qui pareillement allerent courir sur lesdits Bourgongnons: & iusques dedans les faulxbourgs d'Arras, où ils coucherent vne nuict entiere. Et illec au moyen de certaine grande quantité de vants, fleaux & autres hostils: dont les gens du Roy auoient mené grand nombre avec eux en charrettes & chariots, fut battu tout le grain estant & trouué és granches dudit pays de Bourgongne & Picardie. Et iceluy bestail, gens prisonniers & vtencilles, fait amener & conduire par Salezart & autres capitaines dedans lesdites villes d'Amyens & Beauuais. Durant lequel temps le Roy ne bougea de Paris, & y feit son Karesme faisant grand chere & sy trouua sain & bien disposé comme il disoit. Audit temps de Mars aduint à Paris qu'un ieune fils Brigandinier, qui auoit esté nourry en partie par un poissonnier d'eau douce de ladiète ville, nommé Iean Penfart meu de mauuais courage & trahison, sçachant que ledit Penfart auoit grand argent, qui estoit venu & issu de la vente du poisson qu'il auoit vendu durant le Karesme: & dont il deuoit la plus part à plusieurs seigneurs & autres nobles hommes, qui luy auoit vendu le poisson de la pesche de leurs estangs. Et lequel argent ledit Brigandinier auoit veu & le lieu, où iceluy Penfart le mettoit: vint & entra de nuict en l'hostel dudit Penfart: & apres la minuiet passée, vint ouuir l'huys du Penfart à tout trois Escocois qu'il auoit illec fait venir pour auoir ledit argent, & desrober ledit Penfart: dont l'un desquels Escocois estoit nommé Mortmer dit l'escuyer, & l'un des autres Thomas le Clerc: desquels Escocois par le moyen dudit Brigandinier crocheterent, prindrent & emporterent

emportèrent ledit argent montant en somme deux mille cinq cens liures tournois. Et pour lequel recouurer fut fait bien grand diligence, tellement que ledit iour dudit desrobement, fut ledit Brigandinier tenant franchise aux Carmes de ladicte ville de Paris: duquel lieu il fut tiré hors & apporté au chastellet de Paris: pource qu'au moyen des fers dôt il estoit enfermé, il ne pouoit aller: & illecques il confessa que lesdits Escoçois auoient eu tout ledit argent. Pourquoy fut fait grand diligence de le recouurer. Et eut esté ledit Mortemer prins, & fait amener audit chastellet par l'ordonnance de maistre Philippe du Four, se n'eussent esté deux Escoçois de la garde du Roy: qui voulurēt tuer ledit maistre Philippes & ses sergens: & feirent eschapper ledit Mortemer. Et depuis ledit Thomas le Clerc trouuerent tenant franchise dedans l'Eglise S. Katherine-du-val-des-escoliers, qui illec fût prins à grand port d'armes, qu'il feist contre les gens dudit monseigneur le Preuost de Paris, dont il blessa plusieurs. Et à la fin apres qu'il eut receu plusieurs playes, fut amené esdictes prisons, où il confessa ledit larrecin: à cause dequoy fut rendue pariz de ladicte somme, qu'il auoit mûcée pres saint Estienne des Grecz. Et pour ledit cas & autres, par mōdit seigneur le preuost de Paris eu sur ce opinion & deliberation de sages, fut condamné à estre pendu & estranglé au gibet de Paris, dont il appella. Et depuis fut ledit appel voidé par la court de Parlement, & renuoyé audit monseigneur le Preuost pour executer la sentence: laquelle fut mise à execution le ieudy seiziesme iour dudit mois de Mars l'an lxxiij. pour veoir laquelle gent, furent iusques audit gibet sire Denys Hesselein, maistre Jean de Ruel comme commis par maistre Pierre de La-dehors à l'exercite de l'office de Lieutenant criminel, pour occasion de la maladie dudit de La-dehors. Audit temps fut la ville de Pargignan mise & reduicte en l'obeissance du Roy, & sen allerent ceux de dedans qui s'en voulurent aller eux & leurs biens saufs, fors que l'artillerie qui dedans estoit qui demoura au Roy: laquelle estoit belle & de grand valuē.

Comment l'Empereur & le Roy feirent ensemble alliance. Des ambassadeurs de Florence & dudit Empereur: avec autres prudens & nobles faictz du Roy: d'une deuote procesion à Paris: de la prinse du Tronquoy, Roze, Montdidier & autres places pour le Roy, des trahisons du Conestable, d'une grande desconfiture de Bourignons & Lombards par le Duc de Bourbon, où furent prins le Comte de Roussy & plusieurs autres grans seigneurs de Bourgogne: d'une autre grande desconfiture de ceux d'Arras par les gens du Roy: de la deliurance du Prince d'Orenge. De la fuite & depart du Duc de Bourgogne deuant Nuz; du Parlement & traitté du Roy Edouard d'Angleterre avec le Roy, & autres plusieurs choses aduenues à Paris & autres diuers lieux, en l'an mille quatre cens septante & cinq.

LE septiesme iour du mois d'Auril l'an mille quatre cens septante cinq, fut publiée à Paris l'alliance d'entre l'Empereur & le Roy: & de l'ordonnance du Roy fut enuoyé publier deuant le logis de mōsieur du Maine Duc de Calabre, & l'ambassade de Bretagne: qui estoit en ladicte ville, & apres pat les carrefours d'icelle ville. Audit mois d'Auril vint par deuers le Roy deux ambassades, l'une de Florence, & l'autre de l'Empereur d'Allemagne: lesquelles furent moult honnorablement receües & festoïées

tant du Roy, que des autres seigneurs de autour de luy. Audit mois de May le Roy se partit de Paris, pour aller à Vernon sur Seine: auquel lieu l'attendoient monsieur l'Amiral & les autres capitaines, pour conclure de la guerre & ce qui estoit à faire, pour la trefue qui failloit le dernier iour dudit mois d'Auril: & puis s'en retourna à Paris, où il arriua le vendredy xiiij. iour dudit mois. Et le lundy xxv. iour dudit mois d'Auril, feu partit le Roy pour aller à Pont-Saincte-Maxence, pour illec preparer de son armée. Et en emmena pour le conduire & estre autour de luy avec les gentils-hommes, sa garde & officiers de son hostel viij. cens lances fournies: & y fut mené & conduicte grand quantité d'artillerie, grosse & menue: entre lesquelles y auoit cinq bombardes, dont les quatre auoient nom: c'est à sçauoir, l'une Londres, l'autre Brabant, & la tierce Bourg en Bresse, & la quarte S. Omer. Et outre & par dessus la cōpagnie desdits de la garde Escoçoise & François, & autres gentils-hommes & officiers de l'hostel, y fut & y alla grande cōpagnie des nobles & Frانس-archiers de France & Normandie. Et pour l'aitaillement de l'ost y furent chooyez viures de toutes parts.

Et le lundy premier iour de May le Roy se partit de l'Abbaye de la Vieitoire, où il estoit pour aller audit Pont-Saincte-Maxence, pour faire ses approches & ordonner de la guerre, en ce qui estoit affaire sur les Bourgongnons, & fut enuoyé deuant le Tronquoy & Montdidier. Et le mardy x. de May vint & arriua à Paris monsieur de Lyon, qui venoit deuers le Roy: lequel fut estably lieutenant du Roy au conseil de Paris. Et le mercredy troisieme iour dudit mois feste de S. Croix, fut faicte vne moult belle procession generale audit lieu de Paris, de toutes les Eglises: en laquelle faisant furent tous les petits enfans de Paris chacun tenant vn cierge, & fut allé querir le S. Innocent & porté à nostre Dame. Et en ladicte procession estoient monsieur de Lyon, monsieur le Chancelier de costé luy. Et apres alloient monsieur de Gaucourt lieutenant du Roy à Paris, les preuosts des marchans & escheuins de ladicte ville, les Presidens & conseillers de Parlement, Chambre-des-comptes & autres officiers d'icelle ville. Et apres le populaire alloient en grand & merueilleux nombre, qu'on estimoit à c. mille personnes ou mieux: & fut porté ledit S. Innocent en ladicte procession par monsieur le premier president, & par Nanterre president en ladicte court de Parlement: & le president des comptes de Ladrièche & le preuost des marchans. Et pour conduire & mettre ordre en ladicte procession, y estoient les archiers de la ville & autres gens ordonnez, pour garder de faire bruit & noise en icelle procession. Et le mardy second iour de May audit an, le Roy qui auoit enuoyé sommer les Bourgongnons tenant ledit Tronquoy, furent par iceux Bourgongnons tuez ceux qui estoient allez faire ladicte sommation. Et pour ceste cause feit tirer son artillerie contre ledit lieu du Tronquoy: tellement que ledit iour à cinq heures apres midy y fut liuré l'assault fort & aspre, & fut emportée ladicte place d'assault. Et furent tuez & pendus tous ceux qui furent trouuez dedans, sauf & reserué vn nommé Motin de Caulers, que le Roy feit sauuer, & si le feit Esleu de Paris extraordinaire. Mais auant qu'ils fussent prins feirent tresgrand resistance iceux Bourgongnons contre les gens du Roy: & tuerent audit assault le capitaine de Ponthoife, qu'on disoit estre vaillant homme, & autres gens de guerre & Frانس-archiers: & puis fut ledit lieu abbatu

& demoly. Et ledit iour de Sainte Croix, s'en alla l'armée du Roy mettre le siege deuant Montdidier, pource qu'ils furent refusans d'eux rendre au Roy. Et le vendredy cinquiesme iour dudit mois d'Auril audit an, fut mise & reduicte en la main du Roy ladicte ville de Montdidier, & s'en allerent ceux de dedans leurs vies sauues, & laisserent tous leurs biens: & puis fut toute ladicte ville abbatue.

Le samedy ensuiuant vj. iour de May, fut pareillement rendue la ville de Roye. Et s'en allerent les Bourgongnons de dedans vies & bagues sauues, & puis fut aussi rendu le chasteau de Moreul pareillement que ceux de Roye. Et en faisant telles executions, que dit est, sur ledit de Bourgongne & son pays pour l'armée du Roy, qui estoit si noble telle & si belle compagnie & artillerie, que là où elle eust esté menée, y auoit gens assez pour en brief temps prendre & mettre en la main du Roy toutes les villes & places de Bourgongne, tant Flandres, Picardie que autres lieux: car tout fuioit deuant iceux. Et pour rompre icelle armée fut le Roy aduertty par aucuns, & mesmement de par monseigneur le Conestable, que besoing luy estoit de garder la Duché de Normandie, pour les Anglois qu'on luy disoit qui y deuoient descendre: & si luy fut dit par monseigneur le Conestable, au moins fut mandé ou escript, qu'il feist hardiment ledit voyage en Normandie, & qu'il ne se souciaist point d'Abbeuille & Peronne, & que ce pendant qu'il iroit les feroit reduire en sa main. Et le Roy croiant ces choses s'en alla audit pays de Normandie: & là mena avec luy moseigneur l'Amiral & cccc. laces avec les nobles & Frâcs-archiers: & à ceste cause departit l'armée & s'en alla chacū en son logis. Et puis quād le Roy fut en Normandie trouua qu'il n'estoit nulles nouuelles desdits Anglois, & alla à Harfieu, Dieppe, Caudebec & autres places, & ce pendant ne feist riens à l'auantage du Roy: mais au contraire au moyē de ladicte allée en Normandie feirent lesdits Bourgognōs de grans maux aux subiects & pays du Roy, qui y eurent de grans pertes. Et puis s'en vint le Roy à nostre Dame d'Escouis en vn hostel pres d'illec, nommé Gaillard-bois appartenant à Colon Lieutenant de monseigneur l'Amiral, où il se teint par aucun temps: durant lequel eut nouuelles de monsieur le Conestable, de la venue & descendue que faisoient lesdits Anglois à Calais. Et aussi que mondit seigneur de Bourgongne estoit leué de deuant Nuz: dont il disoit qu'il auoit la possession, & fait de son appointement avec l'Empereur: lequel Empereur avec ledit de Bourgongne s'en venoit faire faire guerre au Roy: desquelles choses n'estoit riens, & fut trouué tout le contraire estre vray.

DYRAND ces choses fut prins vn herault d'Angleterre nommé Scalles, qui auoit plusieurs lettres qu'on escriuoit de par le Roy Edouard à diueres personnes: lesquelles lettres le Roy veit & dit & certifia au Roy ledit Scalles, que les Anglois estoient descendus à Calais, & que le Roy Edouard y deuoit estre le vingt & deuxiesme iour de ce present mois de Iuin à tout douze ou treize mille combattans. Et si luy certifia outre, que ledit de Bourgongne auoit fait son accord avec ledit Empereur: & estoit retourné à Bruxelles, dont de tout n'estoit riens. Audit lieu d'Escouis fut aussi le Roy aduertty que mondit seigneur le Conestable auoit enuoyé à monsieur de Bourbon son seellé, pour suborner & tant faire que mondit seigneur de Bourbon voullist deuenir & estre cōtre le Roy, &

de soy allier avec ledit Duc de Bourgongne: de toutes lesquelles choses le Roy fut moult esmerueillé. Et incontinent par plusieurs & diuers messages, fut mādé par le Roy monditz seigneur de Bourbon venir à luy. Et en la fin l'enuoya querir par monseigneur l'Eueque de Mande: par lequel ledit seigneur de Bourbon auoit enuoyé au Roy le seellé dudit monsieur le Connestable des choses deuant dictes.

A V D I T temps le Roy eut nouuelles de monditz seigneur de Bourbon, comment les gentils-hommes de ses païs, Frانس-archiers & autres que monditz seigneur auoit enuoyez faire guerre pour le Roy à la Duché de Bourgongne: par laquelle guerre le Roy auoit commis mōdit seigneur à son Lieutenant general, qu'ils auoient trouué lesdits Bourgongnons à Guy pres de chasteau Chinon, & illec chargé sur iceux: lesquels desconfirent & y en eut de prins, de morts, & sen firent grand quantité: entre lesquels Bourgongnons y fut deffait ce. lances de Lôbardie, dont la plus part y moururent, & si y mourut le seigneur de Conches & autres seigneurs. Et y furent prins le Comte de Rouilly, le mareschal de Bourgongne, le sire de Longy, le Baillif d'Auxerre, le sire de l'Isle, l'enseigne du seigneur de Beauchamp, le fils du Comte de S. Martin, messire Loys de Mōtmartin, messire Jean de Digoigne, le seigneur de Rugny, le seigneur de Chaligny, les deux fils de monseigneur de Viteaux, dont l'un estoit Comte de Joigny & autres: & fut ladicte deltrouffe ainsi faicte le mardy xx. iour de Iuing.

A V D I T mois de Iuing nonobstant les lettres ainsi enuoyées par monditz seigneur le Connestable au Roy, le Roy eut nouuelles de l'Empereur, qu'il auoit fait rasfeschir ceux de ladicte ville de Nuz: & d'icelle auoit mis hors tous les naurez & malades, & les auoit auitaillez pour vn an entier, & mis gens tous nouueaux: & par tant meit ledit de Bourgongne à sa croix de par Dieu: & que avec ce auoit gaigné grand quantité de son artillerie, sa vaisselle d'argent & autres bagues. Audit temps de Iuing le mardy xxvij. monsieur l'Amiral & ceux de sa compagnie, qui auoient esté ordonnez de par le Roy à faire degast en Picardie & Flandres: & de mettre à feu & à sang tout ce qu'ils trouueroient esdits païs: vint ledit iour mettre ses embusches pres de ladicte ville d'Arras. Et icelles enuoya enuiron xl. lances courir deuant ladicte ville d'Arras: lesquels d'Arras cuidans descōfire lesdictes lances, feirent sur eux grās faillies, qui vindrēt esprement courir sus ausdictes xl. lances: lesquelles se vindrent rēdre esdictes embusches, & apres eux lesdits d'Arras tous: lesquels furent enclos par ceux desdictes embusches, qui sur eux chargerent & les meirent en fuite: & en fuiant y en eut de tuez de xiiij. à xv. cens hômes, & y fut tué le cheual du sire de Romont fils de Sauoye & frere de la Roïne, mais il se sauua, le gouuerneur d'Arras nommé laqs de S. Pol, & plusieurs autres seigneurs & gens de nom y furent prins, que monditz seigneur l'Amiral mena deuant icelle ville pour les sommer d'eux rendre es mains du Roy leur souuerain seigneur, ou autrement qu'il feroit couper les cols ausdits seigneurs prisonniers. Audit mois de Iuing le Roy qui auoit à son prisonnier le Prince d'Orenge seigneur de Arlay, & qui estoit à trente mille escus de finance, le deliura & donna ladicte finance. Et en ce faisant deuint hōme lige au Roy, & luy feit hommage de ladicte principauté d'Orenge. Et par tant le Roy le renuoya à ses despens en ses païs, & luy donna & octroya telle preminence,

nence, qu'il se peut nommer par la grace de Dieu, puissance de faire monnoye d'or & d'argent de bon aloÿ, aussi bon que la monnoye du Daulphiné: donne aussi toutes graces & remissions & pardons, reserué d'heresie & de crime de leze maiesté. Et si donna le Roy dix mille escus contens au seigneur, qui auoit prins ledit Prince.

Audit mois de luing le Roy enuoya ses lettres patentes à Paris, par lesquelles il feit publier que les Anglois estoient descendus à Calais: & que pour resister il mandoit au Preuost de Paris, de contraindre tous les nobles & non nobles tenans fief & arrierefief, pour estre prest le lundy troisiésme iour de Iuillet entre Paris & le bois de Vincennes, pour d'illec partir & aller où ordonné leur seroit, & nonobstant leur priuilege & pour celle fois seulement. Et ensuiuant lequel cry furent enuoyez par ceux de Paris plusieurs gens en armes, montez & habillez par deuers monditz seigneur le preuost de Paris au pays de Soissonnois. Au mois de Iuillet ensuiuant le Roy qui seiourna en Normandie par aucun temps, s'en retourna à nostre Dame d'Escouis & à Gaillard-bois pres d'illec, où aussi il seiourna vne piece: & puis s'en partit pour aller à nostre Dame de la Victoire, où il fut aussi vne autre espace de temps, & puis s'en alla à Beauuais. Audit mois ledit Duc de Bourgogne, qui auoit esté deuant la ville de Nuz par l'espace de douze mois, s'en partit: & s'en alla de nuit & honteusement de deuant icelle ville, sans l'auoir peu conquerir, qui luy vint à moult grand blasme & perte de gens & biens. Et puis s'en reuint en ses pays, où il trouua son frere le Roy Edouard d'Angleterre, qu'il y auoit fait descendre, pour en continuant son mal & malice de rechief faire guerre au Roy & à ses pays & subiects. Audit temps se feit de grandes bateries & destruccions de pays & terres dudit de Bourgogne: & cy eut plusieurs villes, bourgs & villages ars & destruis. Et audit temps fut mandé par le Roy venir à luy monseigneur le Duc de Bourbon, qui auant qu'il y vint eut plusieurs lettres & messages: & puis vint par deuers le Roy luy estant à nostre Dame de la Victoire. Et arriua en la ville de Paris monditz seigneur de Bourbon au mois d'Aoust à moult belle & honnestre compagnie de nobles hommes, & bien fort triumphans: & auoit bien avecques luy de sa compagnie cinq cens cheuaux. Et s'en partit ledit Duc de Bourbon de ladicte ville de Paris pour aller par deuers le Roy le lundy quatorziésme iour d'Aoust. Et fut vn peu d'espace de temps avecques le Roy, & puis s'en partit de Senlis pour aller à Clermont. Audit mois d'Aoust le Roy eut ambassade de par le Roy d'Angleterre, qui s'estoit venu loger à Lyhons en Santerres, qui communiquierent avec le Roy aucunes matieres, avecques lequel pour parlé le Roy enuoya à Paris monseigneur le Chancelier, messeigneurs les gens des finances & autres, pour auoir prest d'argent de ceux de ladicte ville: ausquels fut fait promesse & obligation, de leur restituer leur prest dedans le iour de Toussaincts. Et fut presté de ladicte ville septante cinq mille escus d'or, qui furent baillez ausdits Anglois au moyen de certain traicté fait avec eux. Et si fut enuoyé au Roy grand quantité de gens en armes de par ladicte ville, montez & habillez aux gages & despens des officiers & autres habitans à ladicte ville. Audit mois d'Aoust le mardy vingtneufiésme iour dudit mois, le Roy se partit d'Amyens & aussi messeigneurs de Bourbon, de Lyon & autres nobles

hommes capitaines, gens d'armes, officiers & autres gens en moult grád & merueilleux nombre, que bien on estimoit estre cent mille cheuaux pour tous aller à Picquigny : auquel lieu le Roy Edouard d'Angleterre vint parler au Roy, & en emmena avecques luy son auâtgarde & arrieregarde, & demouta en bataille pres dudit Picquigny. Et dessus le pôd dudit Picquigny le Roy auoit fait dresser deux appentis de bois, l'un deuant l'autre : dont l'un estoit fait pour le Roy, & l'autre pour le Roy d'Angleterre. Et entre les deux appentis y auoit vne cloison de bois : dont la moitié par le hault estoit treillisée tellement, que chacun des deux Roys pouoient mettre leurs bras par dedâs ledit treillis : & en l'un desdits appentis vint & arriua le Roy tout le premier, & incontinent qu'il y fut arriué, s'en partit vn Baron d'Angleterre illec attendant la venue du Roy, qui alla dire au Roy d'Angleterre, qui estoit en son parc loing d'vne bonne lieüe dudit Picquigny accompagné de vingt mille Anglois bien artillez dedâs son dit parc. Si s'en vint incontinent audit lieu de Picquigny audit appentis, qui luy estoit appareillé. Et amena avec luy pour l'attendre au ioignant d'iceluy appentis vingt & deux lances de sadiète compagnie, qui illec furent & demourerent dedans l'eauie à costé dudit Pont, par tout le téps que le Roy & ledit Roy d'Angleterre furent & demourerent en iceluy appentis. Durant lequel temps vint vne moult grande & merueilleuse pluie, qui feir moult de mal & perte aux seigneurs & gentils-hômes du Roy, à causes des belles houffures & nobles habillemens, qu'ils auoient preparez pour la venue dudit Roy Edouard d'Angleterre : & lequel Roy d'Angleterre quand il veit & apperceut le Roy il se iecta à vn genouil à terre : & depuis par deux fois sy iecta auant qu'arriuer au Roy, lequel le receut bien benignement, & le feit leuer : & parlerent bien vn quart d'heure ensemble és presences de mesdits seigneurs de Bourbon, de Lyon & autres seigneurs & gens des finances, que le Roy auoit fait illec venir iusques au nombre de cent. Et apres ce qu'ils eurent parlé ensemble en general, le Roy feit tout reculer & parlerent à priué ensemble, où aussi ils furent & demourerent vne espace de temps. Et au departement fut publié que l'appoinctement estoit fait entre eux tel qu'il s'ensuit. C'est à sçauoir, que trefues estoient accordées entre eux pour le temps de sept ans, qui commencerent ledit vingtheufiesme iour d'Aouût l'an septante cinq, & fineroient à pareil & semblables iour, qui seroit l'an mille quatre cens quatre vingts & deux. Laquelle trefue seroit marchande, & pourroient aller & venir lesdits Anglois par tout le Royaume armez & non armez, pourueu qu'ils ne seroient en armies en vne compagnie plus que de cent hommes. Et fut publiée ladiète trefue à Paris, Amyens & autres lieux du Royaume de France. Et puis fut baillé audit Roy d'Angleterre soixâte & quinze mille escus d'or. Et si feit le Roy d'autres dons particuliers à aucuns seigneurs d'autour dudit Edouard : & aux heraulx & trompettes de ladiète compagnie, qui en feirent grand feste & bruit en criant à haute voix *Largeffe au tres noble & puissant Roy de France, largeffe, largeffe.* Et si promist encores audit Roy Edouard luy payer & donner par chacune desdictes années cinquante mille escus. Et si festoyabien fort le Duc de Clairance frere dudit Roy d'Angleterre, & luy donna de beaux dons. Et puis le Roy Edouard retira tous ses Anglois, qu'il auoit tant de son ost qu'autres qu'il auoit enuoyez à Abbeuille, Perône & ailleurs : & feit troussier & baguer

baguer tout son bagage, & s'en retourna à Calais, pour passer la mer & s'en aller en son Royaume d'Angleterre. Et le connoya iusques audit lieu de Calais maistre Hesberge Euesque d'Eureux. Et si laissa ledit Edouard au Roy deux Barons d'Angleterre: l'un nommé le seigneur de Hauart, & l'autre le grâd-escuyer d'Angleterre, iusques à ce que le Roy euteu aucune chose que ledit Edouard luy deuoit enuoyer du Royaume d'Angleterre. Et lesquels de Hauart & Grâd-escuyer estoient fort amis & en la grace dudit Edouard: & qui auoient esté moyen de faire ladicte paix, trefues & autres traictez entre iceux Roys. Et futēt iceux Hauart & Grand-escuyer fort festoiez à Paris. Et puis le Roy, mesdits seigneurs de Bourbon, Lyon & autres seigneurs, qui estoient à Amyens, s'en retournerent à Senlis, où ils furent vne espace de temps. Et ordonna le Roy les gens de sa maison pour mener & conduire lesdits de Hauart & escuyer parmy la ville de Paris & autres lieux: & entre autres y ordonna & bailla la charge à sire Denys Hesselin son maistre d'hostel & Eleu de Paris, qui en feit bien son deuoir à l'honneur & louenge du Roy: & demourerent en ladicte ville par l'espace de huit iours entiers, où ils furent bien fort festoiez & menez iouer au bois de Vincennés & ailleurs. Et entre autres choses furent bien fort festoiez aux Tournelles en l'hostel du Roy, & pour ce faire leur fut enuoyé pour les honnestement entretenir, plusieurs dames, damoiselles & bourgeoises. Et puis s'en retournerent lesdits de Hauart & escuyer par deuers le Roy qui estoit à la Victoire pres Senlis. Et audit mois le Roy qui estoit audit lieu de la Victoire, s'en alla vers le pays de Soissonnois & à nostre Dame de Liencie. Et en ce voyage print & reduisit en ses mains la ville de saint Quentin, que monseigneur le Connestable auoit prinse sur luy, & bouté hors ceux à qui le Roy en auoit baillé la charge, ainsi que dit est deuant. Et par auant ledit Connestable s'en estoit allé, & en l'obeissance dudit de Bourgogne. Et apres (qui pis estoit) auoit escript & mandé au Roy Edouard d'Angleterre aptes le traicté par luy fait avecques le Roy: & qu'il estoit retourné à Calais pour passer la mer & retourné en Angleterre, qu'il estoit vn lasche, deshonoré & poure Roy, d'auoir fait ledit traicté avecqs le Roy sous vmbre des promesses qu'il luy auoit faictes: dont il ne luy tiendroit riē, & qu'en fin s'en retourneroit deceu. Lesq̃lles lettres ainsi audit Roy Edouard escriptes par ledit Connestable, il enuoya dudit lieu de Calais au Roy, lequel aperceut que ledit Connestable n'estoit point feal comme estre deuoit. Et puis fut donné congé par le Roy audit de Hauart & Grand-escuyer d'eux en retourner audit Royaume d'Angleterre. Et leur fut donē de beaux dons tant en or, que en vaisselle d'or & d'argēt. Et si feit le Roy publier à Paris qu'on leur laissast prendre des vins au pays de France tant que bon leur sembleroit, pour mener en Angleterre en les payant. Audit mois d'Octobre le Roy qui estoit à Verdun & autres places enuiron la Duché de Lorraine, retourna à Senlis & à la Victoire, & y vindrent les ambassadeurs de Bretagne, qui feirent la paix entre le Roy & ledit Duc de Bretagne, qui renōça à toutes alliances & scelez qu'il auoit fait & baillez contre le Roy. Et pareillement ledit monseigneur de Bourgogne print & accepta trefues marchâdes avecques le Roy, pareillemēt q̃ la trefue des Anglois.

Et le lundy seiziesme iour dudit mois d'Octobre audit an mille cccc. lxxv. fut publiée solennellement au son de deux trompettes & par les quarefourgs

de ladicte ville de Paris, ladicte trefue marchande d'entre le Roy & mondit seigneur de Bourgogne, pour le temps & terme de neuf ans, commençans le quatorzième iour de Septembre audit an: & finissans à semblable iour l'an mille quatre cens quatre vingts & quatre. Par laquelle toute marchandise deuoit auoir cours par tout le Royaume de France. Et ce temps durant, chacun pouoit retourner en ses possessions immeubles. Et puis le Roy sen retourna à S. Denys, & puis à Saugny pres Montlehery, & de là au bois de Malesherbes, & en apres à Orleans, à Tours & à Amboise. Et le lundy vingtiesme iour de Novembre audit an lxxv. fut mené escarteller aux halles à Paris par arrest de la Court de Parlement, vn gentil-homme natif de Poictou nommé Regnault de Veloux, & fort familier de monseigneur du Maine, pour occasion de ce que ledit Regnault auoit fait plusieurs voyages par deuers diuers seigneurs de ce Royaume, & conseillé de faire plusieurs traictez: & porté plusieurs sceellez cōtre & au preiudice du Roy, du Royaume & de la chose publicque. Et fut ledit Regnault par l'ordonnance de ladicte court fort secouru, pour le fait de son ame & conscience. Car il luy fut baillé le curé de la Magdaleine Penitancier de Paris & moult notable clerc Docteur en Theologie, & deux grans clercs de l'ordre des Cordeliers. Et furent pēdus ses membres aux quatre portes de Paris & le corps au gibet.

Comment le Duc de Bourgogne deliura le Connestable Loys de Luxembourg aux gens du Roy, par lesquels il fut amené prisonnier dedans la Bastille à Paris. Et comment le Comte de Roussy fut mené prisonnier de Bourges aux Montiz lez Tours: & de ce que le Roy luy dit. Du proces & de l'exécution faicte dudit Connestable audit Paris. D'aucuns officiers desappointez en icelle ville, & autres choses qui y furent faictes. Du Duc d'Alencon deliuré du Louure, d'un Concille ordonné par le Roy: & des nouvelles qu'il eut d'une grande desconfiture du Duc de Bourgogne par les Suisses pres Gransson: du Duc de Nemours prins prisonnier à Carlas par le seigneur de Beauieu pour le Roy, & autres choses faictes audit an mille quatre cens soixante & quinze.



Et pource que par le Roy d'une part, & ses ambassadeurs pour luy, & les ambassadeurs de monseigneur le Duc de Bourgogne: au mois d'Octobre qui estoit passé dernier, en faisant par eux la trefue de ix. ans entre eux deux, dont est faicte mention deuant: auoit esté promis de par mondit seigneur le Duc de Bourgogne, de mettre & liurer és mains des gens & ambassadeurs du Roy ledit Connestable de France, nommé monseigneur Loys de Luxembourg. Fut par ledit Duc de Bourgogne baillé & liuré ledit Connestable és mains de monseigneur l'Amiral bastard de Bourbon, de monseigneur de S. Pierre, de monseigneur du Bouchaige, de maistre Guillaume de Cerisay & autres plusieurs. Et que tous les dessus nommez en fut mené prisonnier en la ville de Paris, & mené par dehors les murs d'icelle du costé des chāps à l'entrée de la bastille S. Anthoine: laquelle entrée ne fut point trouuée ouuerte. Et pource fut ordonné & amené ledit monseigneur le Connestable passé parmy la porte S. Anthoine au dedans de ladicte ville, & mis en ladicte Bastille. Et estoit ledit monseigneur le Connestable vestu & habillé d'une cappe de camelot,

lot, doublée de veloux noir: dedans laquelle il estoit fort embrunché. Et estoit monté sur vn petit cheual à cours crains fort velues. Et audit estat apres ce qu'il fut descendu audit lieu de la Bastille, trouua illec monseigneur le Chancelier, le premier President & les autres Presidents en la Court de Parlement, & plusieurs conseilliers d'icelle Court. Et aussi y estoit sire Denys Hesselin maistre d'hôtel du Roy nostre sire, qui tous illec le receurent. Et apres s'en departirent, & le laisserent en la garde de Philippe l'Huilier capitaine dudit lieu de la Bastille. Et auquel lieu de la Bastille ledit monseigneur l'Amiral present mondit seigneur le Connestable, ausdits Chancelier, Presidents & autres dessus nommez, profera & dit telles où semblables parolles en effect & substance. Messieurs qui cy est tous presens, veez cy môseigneur de S. Pol: le quel le Roy m'auoit chargé d'aller querir par deuers monseigneur le Duc de Bourgogne, qui luy auoit promis le luy faire bailler en faisant avecques le Roy son dernier appointement de la trefue d'entre eux. En fourmissant à laquelle promesse, le me fait bailler & deliurer pour & au nom du Roy. Et depuis l'ay bié gardé, iusques que ie le mets & baille en voz mains pour luy faire son proces le plus diligement que faire le pourrez: Car ainsi m'a chargé le Roy de le vous dire. Et à tant s'en partit ledit monseigneur l'Amiral dudit lieu de la Bastille. Et apres que ledit Connestable eut esté ainsi laissé és mains des dessus nommez monseigneur le Chancelier, premier & second Presidents de Parlement, & autres notables & sages personnes en bien grand nombre, vacquerent & entendirent à bien grand diligence & sollicitude à faire ledit proces. Et en faisant iceluy interroguerent ledit seigneur de saint Pol, sur les charges & crimes à luy mis sus & imposez: ausquels interrogatoires il respondit de bouche sur aucuns poincts: lesquels interrogatoires & confessions furent mis au net & enuoyez deuers le Roy.

Et le lundy quatriesme iour de Decembre audit an lxxv. Aduint qu'un herault du Roy nommé Montioye natif du païs de Picardie, & qui faisoit la plus part de sa residence avecques ledit seigneur de S. Pol luy estant Connestable: vint & arriua luy & vn sien fils en la ville de Paris, par deuers maistre Jean de Ladriesche President des Comptes, & Tresorier de France, natif du païs de Brabant, pour luy apporter lettres de par le Comte de Marle, sa femme & enfans, afin de secourir & ayder par luy en ce que possible luy seroit audit Connestable, pere dudit Comte de Marle. Lesquelles lettres ledit maistre Jean de Ladriesche ne voulut pas recevoir d'iceluy Heralte, sinon en la presence de monseigneur le Chancelier, & des gens du conseil du Roy. Et à ceste cause ledit maistre Jean de Ladriesche, mena & conduisit ledit Heralte iusques au logis dudit monseigneur le Chancelier, afin que par luy lesdictes lettres feussent veues, & ce qui dedans y estoit contenu. Mais pour ce que ledit Jean de Ladriesche demoura longuement au conseil, avecques iceluy monseigneur le Chancelier & autres, ledit Montioye & son fils s'en retournerent en leur logis. Et illec monterent incontinent à cheual, & s'en allerent au giste au Bourget. Combien qu'à leur partement ils dirent à leur hôte, que se aucun les demandoit: qu'il dit qu'ils s'en estoient allez au giste au Bourg-la-royne. Et quand ledit de Ladriesche cuida trouuer ledit Heralte pour auoir lesdictes lettres, ne le trouua point: pour-

quoy fut hastiuement enuoyé apres ledit Herault iusques au Bourg-la-royne, où il ne fut point trouué. Mais fut trouué par deux archiers de la ville de Paris audit lieu de Bourget: & par eux ramené le dimanche tiers iour de Decembre audit an: lequel fut mené & conduit iusques à l'hostel d'icelle ville: & illec deuant les gens du conseil à ce ordonnez, fut ledit Montioye & sondit fils chacun à part interrogué: & furent leurs depositions redigées & mises par escript par le sire Denys Hesselin. Et apres ce furent lesdits Montioye & sondit fils mis & laissez en la garde de Denys Baudart archier de ladicte ville, & en son hostel. Auquel il fut & demoura par l'espace de xxv. iours. Et illec bien & diligemment gardé avec sondit fils par trois des archiers de ladicte ville.

A V D I T temps au commencement du mois de Decembre, fut amené le Comte de Rouffy qui prisonnier estoit dedans la grosse tour de Bourges, iusques au Plessis du Parc, autrement dit le Montiz lez Tours, où le Roy estoit. Et illec fut parlé à luy, & luy fait plusieurs grans remonstrances des grâdes folies, esquelles par long temps il festoit entremis. Et comment il auoit au Roy duré ce qu'il auoit esté & soy porté son ennemy, & fait plusieurs grans & enormes maux à ses villes, pays & subiets comme Marechal de Bourgongne pour le Duc. Et comment villainement & honteusement il auoit esté prins prisonnier par les gens de guerre du Roy, qui pour luy estoient en armes audit pays de Bourgongne, sous la charge de monseigneur le Duc de Bourbonnois. Et par ledit de Rouffy baillée sa foy au seigneur de Combronde, & comment il auoit achepté de mondit seigneur le Duc vingt & deux mille escus d'or. Et luy fait le Roy de grans paours & effrois, dont ledit seigneur de Rouffy cuida auoir froide ioye de sa peau. Mais en conclusion le Roy le meit à quarante mille escus de rançon. Et luy fut par luy donné terme de les trouuer, & rapporter deuers le Roy dedans deux mois apres ensuiuans, pour tous termes & delais: & qu'autrement, & où il y auroit saute dedans ledit terme, qu'il fut assureé qu'il mourroit. Et depuis ces choses, fut procedé par toute diligence à faire le proces dudit Conestable par mesdits seigneurs le Chancellier, President, & conseilliers, clerks & laïcs de la court de Parlement, desdits de S. Pierre & autres à ce faire ordonnez & appelez. Lequel proces veu par eux & conclud, tellement que le mardy dixneuuesime iour de Decembre audit an mille quatre cens septatrecinq, fut ordonné que ledit Conestable seroit mis & tiré hors de sa prison, & amené en la court de Parlement, pour luy dire & declairer le dictum donné & conclud à l'encontre de luy par icelle court de Parlement: & fut à luy ledit iour de mardy en la chambre & logis d'iceluy Conestable en ladicte Bastille S. Anthoine où il estoit prisonnier, ledit monseigneur de S. Pierre, qui de luy auoit la garde & charge: lequel en entrant en la chambre luy fut par luy dit. Monseigneur que faites vous, dormez vous: lequel Conestable luy respondit, Nenny: long temps a que ne dormy: mais suis icy où me voyez pensant & fantasier. Auquel de S. Pierre dit, qu'il estoit necessité qu'il se leuast pour venir en ladicte court de Parlement par deuant les seigneurs d'icelle court, pour luy dire par eux aucunes choses, qu'ils luy auoient à dire touchant son fait & expedition: ce que bonnement ne pouoit mieux faire en ladicte court. En luy disant aussi par ledit de S. Pierre, qu'il auoit esté ordonné que avecques luy & pour l'accompa-

gner

gner y feroit & viendroît mōseigneur Robert d'Estouteuille cheualier Preuost de Paris, dont de ce ledit Connestable fut vn pou espouenté, pour deux causes que lors il declaira. La premiere pource qu'il cuidoit qu'on le voullist mettre hors de la possessiō dudit Philippe l'Villier, capitaine d'icelle Bastille: avecques lequel il festoit bien trouué, & l'auoit fort agreable, pour le mettre es mains dudit seigneur d'Estouteuille, qu'il reputoit estre son ennemy: & que s'il y estoit doubtoit qu'il luy fait desplaisir, & aussi qu'il craignoit le populaire de Paris & de passer parmy eux. A toutes lesquelles doubtes ainsi faictes par ledit Connestable, luy fut solu & dit par ledit seigneur de saint Pierre, que ce n'estoit point pour luy changer son logis: & qu'il le meneroit seurement audit lieu du Palais, sans luy faire aucun mal: & à tant s'en partit dudit lieu de la Bastille, monta à cheual & alla iusques audit Palais tousiours au meillieu desdits d'Estouteuille & de S. Pierre, qui le firent descendre aux degrez de deuant la porte aux Merciers d'icelle court de Parlement. Et en montant esdits degrez trouua illec le seigneur de Gaucourt & Hesselin, qui le saluerent & luy firent le bien venant: Et iceluy Connestable leur rendit leur salut. Et puis apres qu'il fut monté, le menerent iusques en la tour criminelles dudit Parlement, où il trouua monseigneur le Chancelier qui à luy s'adressa en luy disant telles parolles: monseigneur de S. Pol vous auez esté par cy deuant, & iusques à present tenu & reputé le plus sage & le plus constant cheualier de ce Royaume. Et puis doncques que tel auez esté iusques à maintenant, il est encores mieux requis que iamais qu'ayez meilleure constance qu'onques vous n'eustes. Et puis luy dit: monseigneur il faut que vous ostiez d'autour de vostre col l'ordre du Roy, que y auez mise. A quoy respondit ledit de S. Pol que volentiers il le feroit. Et de fait mit la main pour la cuider oster, mais elle tenoit par derriere à vne espingle, & pria audit de S. Pierre qu'il luy aydast à l'auoir, ce qu'il fit. Et icelle baissa & bailla audit monseigneur le Chancelier. Et puis luy demanda ledit monseigneur le Chancelier, où estoit son espée, qui baillée luy auoit esté en le faisant Connestable: lequel respondit qu'il ne l'auoit point, & que quand il fut mis en arrest, que tout luy fut osté, & qu'il n'auoit riens avecques luy autremēt qu'ainsi qu'il estoit, quand il fut amené prisonnier en ladicte Bastille, dont par mondit seigneur le Chancelier fut tenu pour excusé. Et à tant se departit mondit seigneur le Chancelier. Et tout incontinent apres y vint & arriua maistre Iean de Pompincourt President en ladicte Court, qui luy dit autres parolles telles que sensuiuent. Monseigneur vous sçauiez que par l'ordonnance du Roy, vous auez esté constitué prisonnier en la Bastille S. Anthoine pour raison de plusieurs cas & crimes à vous mis sus & imposez: ausquelles charges auez respondu & esté oüy en tout ce que vous auez voulu dire, & sur tout auez baillé voz excusatiōs. Et tout veu à grand & meure deliberation: Je vous dis & declare par arrest d'icelle Court, que vous auez esté crimineux de crime de leze Majesté, & comme tel estes condamné par icelle Court à souffrir mort dedās le iourd'huy: c'est à sçauoir, que vous serez decapité deuant l'hôtel de ceste ville de Paris: Et toutes voz seigneuries, reuenues & autres heritaiges & biens declarez, acquis & confisquezz au Roy nostre sire: duquel dictum & sentence il se trouua fort perplex, & nō sans cause: car il ne cuidoit point que le Roy, ne fa iustice le deussent

faire moutir, Et dit alors & respondit: Haa Dieu soit loué veez cy bié dure sentence. le luy supplie & requiers qu'il me donne grace de bien le cognoistre au iour d'huy. Et si dit outre à monsieur de saint Pierre: ce n'est pas cy ce que m'auez tousiours dit: Et à tant se retrahit. Et lors ledit monsieur de S. Pol fut mis & baillé es mains de quatre Docteurs en Theologie: dont l'un estoit Cordellier nommé maistre Jean de Sordun, l'autre Augustin, le tiers Penirancier de Paris, & le quart estoit nommé maistre Jean Hue Curé de S. Andry des Ars, Doyen de la faculté de Theologie audit lieu de Paris: ausquels & à mondit seigneur le Chancelier il requist, qu'on luy baillast le corps de nostre Seigneur, ce qui ne luy fut point accordé: mais luy fut fait chanter vne messe deuant luy, dont il se conta assez. Et icelle dicté, luy fut baillé de l'eüe benoiste & du pain benoist, dont il mangea: mais il ne beust point lors depuis. Et ce fait demoura avecques lesdits confesseurs iusques à entre vne & deux heures apres midy dudit iour qu'il descendit dudit Palais: & remonta à cheual pour aller en l'hostel de ladicte ville, où estoient fais plusieurs eschauffaux pour son executiō. Et avecques luy estoient le greffier de ladicte Court, & huisriers d'icelle. Et audit hostel de la ville descendit & fut mené au bureau dudit lieu, contre lequel y avoit vn grand eschauffault dressé: & au ioignant d'iceluy on venoit par vne allée de bois à vn autre petit eschauffault, là où il fut executé. Et en iceluy bureau fut illec avecques lesdits confesseurs faisans de grans & piteux tegrès: & y feit vn testament tel, que & soubz le bon plaisir du Roy que ledit sire Denys Hesselin escriuit soubz luy. En faisant lesquelles choses il demoura audit bureau iusques à trois heures dudit iour, qu'il islit hors d'iceluy bureau, & s'en vint iecter au bout dudit petit eschauffault, & mettre la face, les deux genoux flechis deuant l'Eglise nostre Dame de Paris pout y faire son oraison: laquelle il tint assez longue en douloureux pleur & contrition, & tousiours la croix deuant ses yeux que luy tenoit maistre Jean de Sordun: laquelle souuent il baisoit en bien grand reuerence & moult piteusement plorant. Et apres ladicte oraison ainsi faicte, & qu'il se fut leué debout, vint à luy vn nommé petit Jean, fils de Henry Cousin l'otmaistre executeur de la haute iustice, qui apporta vne moyenne corde dont il lia les mains dudit de S. Pol, ce qu'il souffrit bien benignement. Et en apres le mena ledit petit Jean, & feit monter dessus le petit eschauffault, dessus lequel il s'arresta & tourna le visage par deuers ledit Chancelier, de Gaucourt Preuost de Paris, seigneur de S. Pierre, Greffier Civil de ladicte Court, dudit sire Denys Hesselin & autres officiers du Roy nostre sire, estans illecques en bien grand nombre en leur criant mercy pour le Roy, & leur requetant qu'ils eussent son ame pout recommandée. Non pas (comme il leur dit) qu'il n'entédoir pas qu'il leur coustast tiens du leur. Et aussi se retourna au peuple estant du costé du S. Esprit, en leur suppliant aussi de prier pour son ame. Et puis s'en alla mettre à deux genoux dessus vn petit carreau de laine aux armes de ladicte ville, qu'il met à point & le remua del'un de ses pieds: où il fut illec diligemment bendé par les yeux par ledit petit Jean tousiours parlant à Dieu & à seldits confesseurs & souuent baisant ladicte croix. Et incontinent ledit petit Jean saisit son espée que foudit pere luy bailla, dôt il feit voller la teste de dessus les espaulles si tost, & si transsiuement que son corps cheut à terre aussi tost que la teste: laquelle

teste

celle incontinent apres fut prinſe par les cheueux par iceluy petit Iean, & miſe lauer en vn ſcau d'eau eſtans pres d'icelle. Et puis miſe ſur les appuies dudit petit eſchauffault, & monſtree aux regardans ladiſte execution, qui eſtoient bien deux cens mille perſonnes & mieux. Et apres ladiſte execution ainſi faiſte, ledit corps mort fut deſpouillé & mis avecques ladiſte teſte tout enſeuſy dedas vn beau drap de lin: & puis botté dedans vn ſercueil de bois que ledit ſir De-nys Heſſelin auoit fait faire. Et lequel corps ainſi enſeuſy, que dit'eſt, fut venu querir par l'ordre des Cordeliers de Paris, & ſur leurs eſpaulles l'emporterent inhumier en leur Eglife. Et auſquels Cordeliers ledit Heſſelin feit bailler quarante torches, pour faire le conuoy dudit corps: apres lequel il fut & le cōuoya iuſques audit lieu des Cordeliers: & le lendemain y feit auſſi faire vn beau ſerui-ce en ladiſte Eglife. Et auſſi en fut fait ſeruiſe à S. Iean en Greue, là où auſſi ſa foſ ſe auoit eſté faiſte, cuidant qu'on luy d'eust enterrer: & y eut eſté mis ſe n'eust eſté que ledit Sordun dit à iceluy de S. Pol, qu'en leur diſte Eglife y auoit enterree vnē Comteſſe de S. Pol: & qu'il deuoit mieux vouloir y eſtre enterré qu'en nulle autre part: dont iceluy de ſainct Pol fut bien cōtent, & pria à ſes iuges que ſon dit corps fut porté auſdits Cordeliers. Et eſt vray qu'apres ladiſte ſentence ainſi declairée, appert, audit deſſunct de S. Pol que dit'eſt, fut tout ſon proces bien au long declairé au grand parc de ladiſte Court & à huis ouuerts. Auquel proces fut dit & declairé de moult merueilleux & enormes cas & crimes, auoit eſté faits & perpétrez par ledit de S. Pol. Et en iceux maulx ſoy eſtre entteſenu, continué & maintenu par long temps & par diuerſes fois. Et entre les autres choſes fut dit & recité comment leſdits de Bourgongne & de S. Pol, auoient enuoyé de la partie d'iceluy Duc de Bourgongne, meſſire Philippe Bouton & meſſire Philippe Pot cheualiers: & de la partie dudit Conneſtable Hector de l'Eſclufe par deuers monsieur le Duc de Bourbon, afin d'eſmouuoir mondit ſeigneur de Bourbon de ſoy eſleuer & eſtre contre le Roy, & ſoy departir de ſa bonne loyauté: auſquels fut dit pour ledit ſeigneur par la bouche du ſeigneur de Fleu-rac ſon Châbellan, qu'ils ſ'abuſoiēt, & que ledit ſeigneur aimeroit mieux mourir que d'eſtre contre le Roy: & n'en eurent plus pour ceſte fois. Et que depuis ce ledit de l'Eſclufe y retourna de rechief, qui dit audit monſeigneur de Bourbon: que ledit Conneſtable luy mandoit par luy que les Anglois deſcendroient en France: & que ſans difficulté à l'ayde dudit Conneſtable, ils auroient & em-porteroient tout le Royaume de France. Et que pour eſcheuer ſa perteſſion & de ſes villes & païs, ledit ſeigneur de Bourbon voulliſt eſtre & ſoy allier avec ledit de Bourgongne: & luy dit en ce q̄ faiſant luy en viendroit de grād prouffit. Et où il ne voudroit faire le bien, luy en conueniſt que ſil luy en prenoit mal, qu'il ne ſeroit pas à plaindre. Lequel mondit ſeigneur de Bourbon dit & reſpō-dit audit de l'Eſclufe, qu'il n'en ſeroit riens: & qu'il aymeroit mieux eſtre mort & auoir perdu ſon vaiſſant, & deuenir en auſſi grand captiuité & pauureté que oncques fut Iob, que de conſentir, faire, n'eſtre fait quelque choſe que ce fut au dommage & preiudice du Roy: & à tant ſ'en retourna ledit Hector ſans autre choſe faire. Et par auant ces choſes, mondit ſeigneur de Bourbon enuoya au Roy leſdites lettres de ſcellé dudit Conneſtable: par leſquelles appairoit la grande trahiſon dudit Conneſtable: & pluſieurs autres grans cas, trahiſons &

mauuaistiez qu'auoit confessées à sondit proces ledit Conestable, bien au lóg declairées en iceluy proces, que ie laisse icy pour cause de briefuete. Et si est verité que ledit Conestable apres ce qu'il eut esté confessé, & qu'il vouloit venir audit eschauffault: dit & declaira à seldits confesseurs, qu'il auoit dedans son pourpoint soixante & dix demy escus d'or, qu'il tira hors d'iceluy en priant audit Cordellier, qu'il les donnast & distribuast pour Dieu en aumosne pour son ame & en sa conscience: lequel Cordellier luy dit qu'ils seroient bien employez aux pauvres enfans nouices de leur maison, & autant luy en dit ledit confesseur Augustin des enfans de leur maison. Et pour tous les appaiser dit & respondit iceluy dessun & Conestable à seldits confesseurs, qu'il prioit à tous seldits quatre confesseurs, que chacun en prinst la quarte partie: & qu'en leurs consciences le distribuassent, là où ils verroient qu'il seroit bien employé. Et en apres tira vn petit anneau d'or, où auoit vn diamant qu'il auoit en son doigt: & pria audit Penitancier, qu'il le donnast & presentast de par luy à l'image nostre Dame de Paris, & le met dedans son doigt ce que ledit Penitancier promet de faire. Et puis dit encores audit Cordellier Sordun, Beau pere veéz cy vne pierre que l'ay longuement portée en mô col, & que l'ay moult fort aymée pource quelle a moult grande vertu: car elle resiste contre tout venin, & preserue aussi de toute pestilence: laquelle pierre ie vous prie que portez de par moy à mô petit fils, auquel direz que ie luy prie qu'il la garde bié pour l'amour de moy: laquelle chose luy promet de le faire. Et apres ladicte mort, mondit seigneur le Chancelier interroqua seldits quatre confesseurs, si leur auoit aucune chose baillée: qui luy dirét qu'il leur auoit baillé seldits demy escus, diamant & pierre dessus declaire. Lequel monseigneur le Chancelier leur respondit, qu'au regard d'iceux demy escus & diamant ils en fessent ainsi qu'ordoné l'auoit: mais qu'au regard de ladicte pierre, qu'elle seroit baillée au Roy pour en faire son bon plaisir. Et de ladicte executio ainsi faicte, que dit est, en fut fait vn petit epitaphe tel côme il s'ensuit.

*Mille quatre cens l'année de grace
Soixante quinze, en la grand place
A Paris que l'on nomme Greue
L'an que fut fait aux Anglois trefue
De Decembre le dixneuf,
Sur un eschauffault fait de neuf*

*Fut amené le Conestable
Accompagné grand & notable
Comme le veut Dieu & raison
Pour sa tresgrande trahison:
Es là il fut decapité
En ceste trefnoble cité.*

Et apres ladicte execution ainsi faicte dudit Conestable, fut le samedy xxij. iour dudit mois de Decembre fait publier à Paris à son de trompe & cry publicque, le desappoinctement des Generaux, maistres des monnoyes, pour les causes contenues audit mandement. Et au lieu d'eux le Roy meir & establist quatre personnes seullement: c'est à sçauoir sire Germain de Merle, & Nicolas Potier, Denys le Breton, & Symon Ausoran. Et fut ordonné que les escus d'or du Roy, qui par auant auoient eu cours pour xxiiij. sols parisis & trois tournois, auroient cours pour trente cinq vnzains, vallant vingt cinq sols huit deniers parisis. Et qu'on feroit des autres escus d'or, qui auroient vn croissant au lieu de la couronne qui estoit es autres escus, qui vaudroient trente six vnzains, du pris de vingt six sols & six deniers tournois. Et des douzains neufs de douze tournois

nois pour piece . Et ledit iour de famedy par la permission du Roy, furent allez querir & alsembler le corps qui pendu estoit au gibet de Paris de Regnault Veloux, & la reste qui mise estoit au bout d'une lance es halles de Paris, & fut tout assemblé ensemble. Et puis furent portez inhumer & enterrer au conuent desdiis Cordeliers de Paris: auquel lieu luy fut fait son service, & honnorablemēt pour le salut & remede de son ame, tout au coust, mises & despens des parés & amis dudit deffunct Regnault de Veloux. Et le mardy ensuiuant iour S. Estienne apres Noël audit an septante cinq, fut & cōparut par deuant l'hostel de ladicte ville de Paris vn cheualier Lombard, nommé messire Boufillé, qui auoit esté desfié d'estre cōbaitu à outrance en lice de pied, par vn cheualier natif du Royaume d'Arragō: qui audit iour y deuoit comparoir, mais il n'y vint point. Et pour auoir contre luy tel deffaut que de raison par ledit Boufillé, s'en vint par deuers le Comte de Dampmartin illec ordonné iuge de par le Roy, de la questiō d'entre lesdictes deux parties. Et vint en icelle place ledit de Boufillé iour armé de son harnois, & en l'estat qu'il deuoit combattre sa hache au poing. Et deuant luy faisoit porter son enseigne, & auoit trois trōpettes: & apres luy auoit plusieurs seruiteurs, dont l'un luy portoit encores vne autre hache d'armes. Et apres qu'il eut ainsi parlé audit de Dāpmartin & fait ladicte requeste, il se retrahit & s'en retourna en son hostellerie, où pend l'enseigne du grand gōdet pres dudit hostel de la ville. Et le iedy vingthuitiesme iour de Decembre audit an cccc. soixante & quinze, enuiron l'heure de six heures de nuict: monseigneur d'Alençon dont est parlé deuant, & qui auoit esté lōgnement detenu prisonnier audit chasteau du Louure, en fut mis dehors par la permission du Roy: qui octroya à ses gardes qu'on le meit en ladicte ville en vn hostel de bourgeois où ils verroient estre bon, & il fut mené logger en l'hostel feu maistre Michel Laillier. Et y estoiet à le mener dudit Louure iusques audit hostel, ledit sire Denys Hesselin, Iaques Hesselin son frere, sire Jean de Harlay cheualier du guet, & autres personnes en armes. Et deuant ledit seigneur estoient portées quatre torches. Au mois de Ianuier ensuiuant dudit an lxxv. fut publiée à son de trompe par les quarrefours de Paris, les lettres parentes du Roy nostre sire: qui contenoient comme de toute ancienneté il auoit esté permis aux Roys de France par les saincts peres Papes, que de cinq en cinq ans ils pussent faire assemblée de tous les Prelats du Royaume de France, pour la reformation & affaires de l'Eglise, ce qui de long temps n'auoit esté fait: pour laquelle chose & aussi que le Roy voulant les droits de l'Eglise estre gardez & obseruez, voulut & ordonna qu'il tiendroit le cōcille de l'Eglise en la ville de Lyon, ou autre lieu pres d'illec: pourquoy il vouloit, mandoit & ordonnoit, que tous Archeuesques, Euesques & autres constituez en dignité, fussent residens chacun en leurs benefices & sy en allaient demourer, pour estre tous prests & appareillez à aller où ordonné leur seroit: & où ils n'auoient ce fait dedans six mois apres ladicte publication, que tout leur tēporel fut saizy & mis en la main du Roy. Et apres ledit cry fut fait de rechief publier, comme des pieça le Roy pour luy subuenir à aucuns ses affaires: & pour la necessité de son Royaume, eut mis & ordonné vn escu à estre leué & payé sur chacune pipe de vin à mener dehors du Royaume: & qu'il en seroit tiré & de toutes autres denrées à la valeur, qui par aucun tēps auoit esté delaisé

à cueillir. Lequel ayde d'un escu sur chacune pipe de vin seulement, & nō point sur autre marchandise: fut de rechief mis sus par toutes les extremitez du Royau me. Et à ce faire & recueillir furēt maistre Laurēs Herbelot cōseillier dudit seigneur, & Denys Cheualier iadis notaire au chastellet de Paris: non obstant que de ceste mesme charge le Roy y auoit pieça ordonné maistre Pierre Iouuelin correcteur des Comptes, que de ce en demoura deschargé.

A v mois de Feurier audit an mille cccc. lxxv. le Roy qui estoit à Tours & à Amboise s'en partit pour aller au païs de Bourbonnois & d'Auuergne: & de là s'en alla faire sa neufuaine à nostre Dame du Puy, & de là en Lyonnois & au païs de Dauphiné. Et luy estant audit lieu du Puy eut nouuelles, que les Suisses auoient rencontré le Duc de Bourgogne & son armée, qui vouloient entrer audit païs de Suisse. Et comment ils auoient mis ius ledit Duc de Bourgogne, & des gens de son armée bien de seize à dixhuit mille hommes: & si gaignerent toute son artillerie par la maniere qui s'enfuit. Apres que le Duc de Bourgogne eut prins Granlson où il y a ville, il s'en alla au long du lac de Verdon en tirant deuers Fribourg, & trouua moyen d'auoir deux chasteaux qui sont sur les montaignes à l'entrée de Suisse: mais les Suisses qui bien scauoient sa venue & la prinse qu'il auoit desdits deux chasteaux & dudit Granlson, s'approcherent. Et le vendredy au soir deuāt le iour des Brandons, trouuerēt iceux Suisses moyen d'enclorre lesdits deux chasteaux, en façon telle que ceux qui estoient dedans n'en pouoient faire faillir: & meirent leurs embusches entre & assez pres desdits deux chasteaux en vn petit bois pres de là où les Bourgonnons auoient mises leurs batailles. Et le lendemain ensuiuant veille desdits Brandons au bien matin, ledit Duc de Bourgogne passa avecques ses gens & son artillerie. Et incontinent qu'il fut passé, lesdits Suisses qui n'estoient qu'environ de quatre à six mille couleutiniens & tout à pied, qui se prindrent à tirer & bouter le feu dedās leurs bastōs: dont ils feirent tel & si bon bruir que les chiefs de l'auantgarde dudit de Bourgogne y furent tous tuez, & ainsi tourna en fuite toute ladicte auantgarde. Et tantost apres chargerent lesdits Suisses si estroit, que la bataille tourna en fuite. Et non obstant ce que ledit Duc de Bourgogne feit son pouoir de rallier ses gēs pout resister à la fureur desdits Suisses: finalement luy fut force de tourner en fuite & s'en eschappa à grand peine & dangier de sa personne: & luy cinquiesme en cheuauchant & fuiant sans arrester, & souuent regardoit derriere luy vers le lieu où fut faicte sur luy ladicte destrouffe iusques à loigné, où il y a huit grosses lieues qui en valent bien seize de France la iolie, que Dieu sauue & gard. Et y furent morts à ladicte rencontre la plus grand part des capitaines & gēs de renom de l'armée dudit Duc de Bourgogne. Et fut faicte ladicte destrouffe le samedi deuxiesme iour de Mars audit an septante cinq, où il y eut grand meurdre fait desdits Bourgonnons. Et apres ce que ledit Duc de Bourgogne s'en fut ainsi honteusement fuy que dit est: & qu'il eut perdu toute son artillerie, sa vaisselle & toutes les bagues: lesdits Suisses reprindrent lesdits deux chasteaux & feirent pendre tous lesdits Bourgonnons, qui dedans estoient. Et aussi reprindrent la ville & chastel du Granlson. Et feirent despendre tous les Allemans que ledit de Bourgogne y auoit fait pendre: lesquels estoient en nombre cinq cens & douze, & les feirent mettre en terre

en terre sainte. Et puis feirent pendre les Bourgongnons qui estoient dedans ledit Grâsson és mesmes lieux & des licols, dont ils auoient pendu les Allemans ou Suisses. Audit mois de Mars & audit an septante cinq, le Roy qui auoit enuoyé monsieur de Beaujeu avec grand quâtité de gens de guerre assieger mōdit seigneur le Duc de Nemours, qui lors estoit à Carlat en Auuergne, se meit & rendit mōdit seigneur de Nemours és mains de monseigneur de Beaujeu, qui le mena par deuers le Roy estans lors au païs du Daulphiné & Lyonnais. Et fut ledit de Nemours de l'ordonnance du Roy mené prisonnier au chasteau de Vienne. Et durant ce qu'il fut ainsi assiegé au chasteau de Carlat, ma dame la femme fille de Charles d'Anjou Comte du Maine, accoucha d'enfant en iceluy lieu de Carlat. Et tant par la desplaisance de sondit seigneur & mary que du mal d'enfant, alla de vie à trespas: dōt ce fut grand dōmage, car on la renoit biē bōne & honneste dame. Et apres ces choses fut mené ledit seigneur de Nemours à Pietre assise lez Lyon. Au mois d'Auril audit an, le Côte de Campobache Lombard ou Milanois, qui auoit la conduicte de deux cens lances de Lombardie, qu'il auoit amenées audit Duc de Bourgongne luy tenant le siege deuant la ville de Nuz, & qui depuis festoit trouué avec ledit de Bourgongne à la destrouffe sur luy faicte pres de Granlson: se partit ledit de Campobache dudit de Bourgongne, & alla par deuers le Duc de Bretagne, duquel il se disoit estre parent: & faignant par luy aller en pelerinage à S. Iaques en Galice: lequel Duc de Bretagne le recueillit tresbiē & luy donna del'argent. Et illec ledit Cāpobache disoit dudit de Bourgongne, qu'il estoit trescruel & inhumain: & qu'en toutes ces entreprinſes n'y auoit point d'effect, & ne faisoit que perdre temps, gens & païs par ses folles obtinations.

Du suppliement & emprunt fait par le Duc de Bourgongne à ses païs pour sa reconuërce de Suisses: de la venue du Roy de Cecille au Roy estant à Lyon & de ce qu'ils feirēt: du Seneschal de Normandie, qui occist sa femme & son veneur pour leur adultere: du Duc de Lorraine cōtre les Bourgūgnons deuant Morat & en la Cōté de Romont: d'aucuns pelerimages & voyages du Roy: de la ville de Nancy reconuërte par ledit Duc de Lorraine, du Roy de Portugal en Frāce, & autres choses aduenues en l'an 1476.

AV mois de May ensuiuant mille quatre cens septante six, & apres la 1476. rencontre sur ledit Bourgongnon faicte par lesdits Allemans pres dudit Granlson: ledit de Bourgongne delibera de poursuiure & continuer sa poursuite, & sur & à l'encontre desdits Allemans, & d'aller deuant la ville d'Eltrabourg y mettre le siege: laquelle chose bonnement il ne pouoit faire sans auoir ayde & secours de gens, & aussi auoir argent de ses païs. Et à ceste cause y enuoya son Chancellier nommé maistre Guillaume Gounet, & autres deleguez avecques luy iusques au nombre de douze en aucuns de ses païs & villes: pour leur dire & remonstrer la destrouffe, ainsi sur luy faicte par lesdits Allemans ou Suisses. Et que nonobstant icelle son intention estoit, de tirer auant & estre vengé des dessusdits Suisses: pour lesquelles choses luy failloit auoir argent & gens. Et qu'ils voulussent aydet du sixiesme de leur vaillant & de six hommes l'un, puissant de porter harnois: ausquels douze ainsi deleguez de luy, que dit est, fut rendue & faicte responce de Gand, Bruges, Bruxelles, l'ille

les Flâdres & autres, qu'au regard dudit de Bourgogne ils le reputoient leur vray & naturel seigneur, & que pour luy feroient leur possibilité. Et en disant par eux que fil se feroit aucunement empressé desdits Allemas ou Suisses: & qu'il n'eust auecques luy assez gens pour s'en retourner franchement en ses pays, qu'il le leur fait assçauoir, & qu'ils exposeroient leurs corps & leurs biens pour l'aller querir pour le ramener sauvement en seldits pays: mais que pour faire plus de guerre par luy, n'estoient point deliberez de plus luy ayder de gens ne d'argent.

D V R A N T ces choses le Roy demoura à Lyon faisant grand chere: & vint par deuers luy le Roy de Cecille son oncle: auquel il fait moult bel recueil à l'arriuer par deuers luy audit lieu de Lyô. Et luy mena veoir la foire, qui estoit audit lieu auec les belles bourgeois & dames dudit Lyon. Aussi y vint & arriva vn Cardinal nepueu du Pape, qui auoit fait aucuns excès en Auignon contre le Roy, & mōseigneur l'Archeuesque de Lyon Legat d'Auignō. Lequel Cardinal demoura par long temps autour du Roy, auant que de luy peult auoir son expedition. Et puis tout ledit debat fut appointé entré le Roy, ledit Legat d'Auignon & ledit Cardinal.

A V D I T temps le Roy de Cecille appoincta, voulur & accorda auecques le Roy, qu'apres la mort sa Comté de Prouence retourneroit de plain droit au Roy, & seroit vnie à la Courōne. Et en ce faisant la Roynie d'Angleterre fille dudit Roy de Cecille vefue du feu Roy Henry d'Angleterre, qui estoit prisonniere au Roy Edouard d'Angleterre, fut par le Roy rachetée: & pour sa rançon en fut payé audit Edouard cinquante mille escus d'or. Et à ceste cause ladicte Roynie d'Angleterre ceda & transporta au Roy tout le droit, qu'elle pouoit auoir en ladicte Comté de Prouence: moyennant aussi certaine pēson à vie que le Roy luy bailla par chacun an durant le cours de la vie d'icelle Roynie.

E N C E temps le samedy xiiij. iour du mois de luing mille cccc. lxxvj. Le Seneschal de Normandie Comte de Mauleurier, fils de feu messire Pierre de Brezé, qui fut tué à la rencontre de Montlehery. Lequel Seneschal qui s'en estoit allé à la chasse pres d'un village, nommé Romiers lez Dourdan à luy appartenant. Et auecques luy y auoit mené ma dame Charlotte de France sa femme, fille naturelle dudit feu Roy Charles, & damoiselle Agnes Sorel. Aduint par male fortune apres que ladicte chasse fut faicte, & qu'ils furent retournez au soupper & au giste audit lieu de Romiers: ledit Seneschal se retrahit seul en vne chambre pour illec prendre son repos de la nuit. Et pareillement ladicte femme se retrahit en vne autre chambre: laquelle meūe de lecherie desordonnée (comme disoit sondit mary) tira & amena auecques elle vn gentil-homme du pays de Poitou, nommé Pierre de la Vergne, lequel estoit veneur de la chasse dudit Seneschal: & lequel elle fait coucher auecques elle. Laquelle chose fut dieste au Seneschal par vn sien seruiteur & maistre d'hostel, nommé Pierre l'Aporichaire. Lequel Seneschal incontinent print son espée & vint faire rōpre l'huis, où estoient lesdits dame & veneur. Lequel veneur il trouua en chemise: auquel il bailla de son espée dessus la teste & au trauers du corps, tellement qu'il le tua. Et ce fait s'en alla en vne chambre, où il retrait au ioignant de ladicte chambre, où il trouua ladicte femme mussée dessous la couste d'un liect, où estoient couchez ses enfans: laquelle il print & la tira par le bras à terre. Et en la tirant abas, luy frappa
de

de ladicte espée parmy les espaulles. Et puis elle descēdue à terre & estāt à deux genoux, luy trauerfa ladicte espée parmy les mammelles & estomach, dont incōtinent elle alla de vie à trespas: & puis l'enuoya enterrer en l'abbaye de Coulons, & y feit faire son seruice. Et feit enterrer ledit Veneur en vn iardinau ioignant de l'hostel où il l'auoit occis. En apres le Roy estāt à Lyon, qui aupres d'illec auoit grand quātité de son armée, eut certaines nouuelles que le Duc de Lorraine qui estoit au païs de Suisse avecques les Suisses, Bernes, Allemans & Lorrains pour desconfire ledit de Bourgongne, qui par sa folle obstination & outrecuidance estoit entré audit païs de Suisse: Et avec luy mené grand quātité d'artillerie, gens de guerre & marchās suiuaus son ost qu'il auoit parqué, & mis en forme de siege deuant vne petite ville dudit païs de Suisse nommée Morat. Et le samedy xxij. iour dudit mois de Iuing audit an quatre cens lxxvj. enuiron l'heure d'entre dix & vnze de matin: ledit Duc de Lorraine accompagné (cōme dit est) s'en vint assaillir ledit de Bourgongne: & de prime venue iceluy de Lorraine desconfit toute l'auantgarde dudit de Bourgongne, qui estoient xij. mille combattans & mieux, dont auoit la charge & conduicte mōseigneur le Comte de Romōt, qui à bien grād haste trouua moyen de foy sauuer & mettre en fuite luy xij. Et puis se bouterent les gens de guerre, estans dedans ledit Morat avecques les autres de ladicte armée de mondit seigneur de Lorraine dedans le parc dudit de Bourgongne, où ils tuerēt tout ce qui y fut trouué & sans misericorde aucune. Et fut ledit Duc de Bourgongne contrainct de se retraire avec vn peu de gens de guerre de son armée qui se sauuerent. Et depuis sondit parc s'ensuit sans arrester, souuēt regardant derriere luy iusques à loigné, qui est bien distant dudit lieu, où fut ladicte desconfiture de xv. à xvj. lieües Françoises. Et illec perdit tout son vaillāt qui y estoit: cōme, or, argent, vaisselle, joyaux, tapisseries, toute son artillerie, tentes, pauillons, & generallemēt tout ce qu'il y auoit mené. Et apres ladicte desconfiture, lesdits Allemans & Suisses cōsiderant le grand seruice à eux fait par ledit de Lorraine, luy dōnerent & deliuerent toute ladicte artillerie & parc dudit de Bourgongne, pour la recompense de son artillerie, qu'il auoit perdue audit lieu de Nancy: qu'iceluy de Bourgongne par violēce de vouloir desordōné sans aucun tiltre, auoit prinse & emportée hors d'icelle ville. Et en ladicte desconfiture moururēt xxij. mille vij. cens hōmes, qui y furent trouuez morts tant dedans ledit parc que dehors, par le rapport fait des heraux & poursuiuaus, qui pour ladicte estimation faire se transporterent audit lieu. Et apres ladicte desconfiture ainsi faicte, que dit est, ledit de Lorraine & Suisses feirēt leur fuite apres ledit de Bourgongne: & tuerēt depuis plusieurs autres Bourgongnons, qui aussi se retroient audit lieu de loigné: & depuis feirent bouter les feux & destruire toute la Comté de Romont en Sauoye, où ils tuerent tout ce qui y fut par eux trouué, & sans misericorde aucune. Apres ces choses ainsi faictes ledit seigneur de Lorraine se retrahit à Strabourg, audit païs de Suisse: & d'illec apres s'en partit à tout quatre mille combattans de ladicte armée: & alla mettre le siege deuant sa ville de Nancy, où dedans estoient bien de mille à xij. cens cōbattans pour ledit de Bourgongne: Lequel siege il meit & ordōna deuant ladicte ville de Nācy: & apres qu'il eut ce fait, s'en retourna audit lieu de Suisse. Et depuis retourna audit siege à tout grand quantité d'autres gens de guerre.

EN apres le Roy par long temps festoit tenu à Lyon : & illec enuiron s'en retourna au Plessis du parc lez Tours, où estoient la Roynie & monseigneur le Dauphin, où il seiourna vn peu de temps. Et puis s'en alla rendre graces à nostre Dame de Behuart, de ce que ses besongnes s'estoient bien portées durant sondit voiage dudit lieu de Lyon. Et si y enuoya argent en plusieurs & diuers lieux, où est reuerée la benoïste glorieuse vierge Marie. Et entre autres lieux donna, & enuoya à nostre Dame de Ardenbourg en Flandres deux cens escus d'or. Et en soy retournant dudit Lyon feit venir apres luy deux damoïselles dudit lieu iusques à Orleans: dont l'une estoit nommée la Gigonne, qui autrefois auoit esté mariée à vn marchand dudit Lyon. Et l'autre estoit nommée la Passe-fillon, femme aussi d'un marchand dudit Lyon, nommé Anthoine Bourcier. Et pour l'honnesteté desdites deux femmes, leur feit & donna le Roy de grans biens : car il maria la Gigonne à vn ieune fils natif de Paris, nommé Geoffroy de Caulers : & pour ledit mariage donna argent & des offices audit Geoffroy. Et au mary de Passe-fillon, donna l'office de Conseillier en sa chambre des comptes à Paris, au lieu de maistre Jean de Reilhac: auquel pour ceste cause elle fut ostée. Et puis laissa la conduite desdites deux femmes à les mener à Paris dudit lieu d'Orleans, à damoïselles Ysabeau de Caulers femme de maistre Philippe le Begue, correcteur en la chambre des comptes à Paris. En apres le Roy s'en alla dudit lieu d'Orleans à Amboise & à Tours, par deuers la Roynie & monseigneur le Dauphin: & depuis en pelerinage à nostre Dame de Behuart & autres saints lieux. Et apres s'en retourna audit Plessis du Parc, & autres lieux voisins. En apres ladicte desconfiture faicte desdits Bourgongnons audit lieu de Morat: & que le siege eut esté ainsi mis deuant ledit Nancy, que dit est, par ledit Duc de Lorraine, fut icelle ville remise en ses mains: & s'en allerent lesdits Bourgongnons, estans dedans par composition eux & leurs biens saufs. Et apres ce que ledit seigneur de Lorraine eut ainsi recouree ladicte ville de Nancy, & de nouuel auitaillée: & mis gens pour la garde d'icelle, ne demoura pas vn mois apres que ledit Duc de Bourgongne, qui s'estoit retrait en vne ville nommée Riuières, qui est pres de Salins en Bourgongne: & qui auoit assemblé & fait amas de gens le plus qu'il auoit peu, s'en vint de rechief mettre le siege deuant ladicte ville de Nancy. Et d'autre part s'en alla ledit Duc de Lorraine audit pays de Suisse, pareillement faire son amas de gens pour reuenir secourir ses gens du dit Nancy & leuer ledit siege.

APRES ces choses le Roy de Portugal qui pretendoit à luy appartenir les Royaumes de l'une & l'autre castille, ensemble toutes les Espaignes à cause de sa femme: se partit de sondit Royaume de Portugal, & vint descendre es marches de France, & puis vint à Lyon, & de la à Tours par deuers le Roy pour luy aider à recouurer lesdits Royaumes: & fut receu du Roy moult benignement & honnorablement: & apres ce qu'il eut esté audit lieu de Tours par certaine espace de temps, où il fut fort festoyé & entretenu de plusieurs seigneurs & nobles hommes estans avecques le Roy: & tout aux coûts & despens du Roy. Ledit Roy de Portugal print congé du Roy & s'en alla à Orleans, où il luy fut fait honneste recueil. Et apres s'en partit dudit Orleans & vint en la bonne cité de Paris, dedans laquelle il feit son entrée. Et y arriua le samedy xxij. iour de Nouembre

uembre cccc.lxxvj. enuiron l'heure d'entre deux & trois apres midy. Et y entra par la porte S. Iaques. Et pour aller au deuant de luy & le recueillir aux champs iusques au moulin à vent, y furent tous les estats de Paris & par ordre & honnestes & riches habits, tout ainsi que ce eut esté pour faire l'entrée du Roy: & premierement issirent hors Paris pour aller à luy les Preuost des marchans & escheuins de ladicte ville, qui pour ladicte venue furent vestus de robes de draps, de damas blanc & rouge, fourrées de martres. Lesquels estoient accompagnés des bourgeois & officiers de ladicte ville. En apres y fut aussi messire Robert d'Estouteuille Preuost de Paris, qui estoit accôpagné de ses lieutenants ciuil & criminel, & tous les officiers du Roy & prauiciens du chastellet, qui sy trouuerent en grand nombre & honnestes habits: en apres y vint monseigneur le Chancelier d'Oriolle, messeigneurs les Presidens & conseilliers de la Court de Parlement, les conseilliers & gens des Comptes, les Generaux sur le fait des aydes & monnoyes & du tresor: avecques grand quantité de Prelats, Euesques & Archeuesques, & autres notables hommes en moult grand & honnest nombre. Et ainsi accompagné que dit est, fut mené & conduit iusques à la porte S. Iaques, où illec en entrant par icelle dedans ladicte ville, trouua de rechief lesdits Preuost des marchans & escheuins, qui luy presenterent vn moult beau poille ou ciel, qui estoit armoyé par les costez aux armes du Roy, & au meilleur lieu y estoient les armes d'Espagne: & puis se bouta dessous iceluy poille. Et luy estant ainsi dessous vint & fut conduit iusques à S. Estienne des Grecs, où il trouua là les Recteurs, supposts & bedeaux de l'vniuersité de Paris, qui proposerent deuant luy sa bien venue. Et ce fait s'en vint iusques à l'Eglise de Paris, où il fut receu par le Prelat d'icelle moult honnorablement. Et apres son oraison faicte, s'en vint au long du pont nostre Dame: & trouua à l'entrée de Marchepalu cinquante torches allumées, qui le conduisirent autour dudit poille. Et au bout dudit pôt nostre Dame, à l'endroit de la maison d'vn cousturier nommé Motin, y fut trouué vn grand eschauffault où estoient diuers personages, qui estoient ordonnez pour ladicte venue: & d'illec s'en alla descendre en son logis, qui luy fut ordonné en la rue des Prouuaires en l'hostel de maistre Laurens Herbelot, marchant & bourgeois de ladicte ville, où il fut bien recueilly. Et là luy furent faits plusieurs beaux presens tant de ladicte ville que d'ailleurs: & fut veoir tous les beaux lieux & estats de Paris. Et premierement fut mené en la court de Parlement, qui fort triompha à ce iour de sa venue. Car toutes les chambres y furent tendues & patées. Et en la grand chambre y trouua monseigneur le Chancelier d'Oriolle, messeigneurs les Presidens, Prelats, conseilliers & autres officiers tous honnestement vestus. Et deuant luy y fut plaidoyé & publié vne matiere en tegalle, par maistre François Hasle archediacre de Paris & aduocat du Roy en ladicte Court. Et contre luy estoit pour aduocat maistre Pierre de Braban aduocat en ladicte Court, & curé de S. Eustace: lesquels deux aduocats il faisoit moult bel ouïr. Et apres ladicte plaidoyerie luy furent monstrez les chambres & lieux de ladicte Court. Et par autres iournées fut en la grand salle de l'hostel de l'Euesque de Paris, pour illec veoir faire vn Docteur en la faculté de Theologie. Et apres alla veoir le chastellet, les prisons & chambres qui toutes estoient tendues, & tous les officiers chacun en son estat vestus

de beaux & honnestes habits. En apres le dimanche premier iour de Decembre audit an quatre cens lxxvj. allerent passer par deuant son logis toute l'vniuersité de Paris, & toutes les facultez & subiects d'icelle. Et puis s'en vindrent chanter vne grand Messe à saint Germain l'Auxerrois. Et par tout où il alloit par ladicte ville estoit mené & conduict par monseigneur de Gaucourt Lieutenant du Roy audit lieu de Paris, qui luy donna en sa maison vn moult beau & riche soupper, où y furent grand nombre de gens notables d'icelle ville tant hommes que femmes, dames & damoiselles & autres.

Audit mois d'Octobre aduint à Tours qu'un nommé Ieanbon natif du pays de Galles, qui auoit belle pension du Roy, & qui l'auoit marié à vne femme de Mante qui auoit bien du sien: conspira par l'enhortement du Duc de Bourgongne (comme il confessa) d'empoisonner & mettre à mort mōseigneur le Dauphin aîné fils du Roy. Et pour ledit cas qu'il confessa estre vray, fut condamné par le preuost del'hostel du Roy, à estre decapité. Et en le voulant exécuter luy fut demandé par ledit preuost s'il vouloit plus rien dire. Lequel respondit que non, si non qu'il pleust au Roy d'auoir sa femme & ses enfans pour recommandées. Et à lors luy fut dit par ledit preuost, qu'il choisist de deux choses l'une: c'est à sçauoir de mourir ou d'auoir les yeux creuez. Lequel choisit d'auoir les yeux creuez, ce qu'il luy fut fait faire par ledit preuost, & puis fut deliuré à sa femme. Laquelle le Roy voulut qu'elle eust la pension de sondit mary durant sa vie.

Comment le Duc de Milan fut occis & de ce qui en fut fait: de la totale destruction & mort du Duc de Bourgongne par le victorieux Duc de Lorraine deuant la ville de Nancy: & de la reduction de ses pais & autres lieux qu'il usurpoit à la couronne: comme les villes d'Arras, & de Hedin où furent decapitez aucuns dudit Arras, Cambray, & aussi plusieurs autres villes, & ans mille quatre cens lxxvj. & lxxvij.

AV mois de Decembre audit an lxxvj. feste de saint Iean & festes de Noël: aduint par male fortune que le Duc de Milan fut tué & meurdry par vn gentil-homme du pays, que ledit iour en faignant de vouloir parler à luy dedans la grand Eglise dudit Milan, où il se pourmenoit avecques vne ambassade qui estoit venue par deuers luy, vint secrettement luy bouter vn cousteau parmy la fente de sa robbe dedans le petit ventre, où le meit soudainement par trois ou par quatre fois & sans dire mot, cheut soudainement à terre tout mort. Et fut fait ledit fait pour raison de ce que ledit gentil-homme, ses parens & amis, auoient mis & employé tout leur vaillant pour payer le vaccant d'une abbaye, pour vn de leurs parens. Auquel ledit Duc de Millan luy auoit ostée pour la bailler à vn autre. Et pource qu'il ne voulut delaisser & en souffrir iour leur dit parent. Iceluy gentil-homme apres ce qu'il eut de ce fait plusieurs requestes audit Duc de Milan, qui ne luy vouloit accorder, feit & commist ledit homicide à la personne dudit Duc de Milan dedans ladicte Eglise. En laquelle aussi incontinent ce fait fut tué & meurdry, & vn autre de ladicte ville qui accompagnoit ledit gentil-homme, qui aussi auoit deliberé de tuer ledit Duc de Milan, pour ce qu'il luy detenoit & maintenoit sa femme contre

contte son gré & voulenté estant avecques luy. Et par la sentence des nobles dudit pays, des iuges & autres notables personnes dudit Milan: fut dit & delibeté que tous les hommes, femmes & enfans du costé & ligne de iceluy gentil-homme: & celuy de sadiçte compaignée quelque part qu'ils seroient trouuez, seroient tuez & meurdrys: & leurs maisons & seigneuries demolies & iettez par terre & arrasez: mesmement les arbres portans fruiçts à eux appartenans destracinez, & mise la racine dessus: ce qui fut fait. Audit mois de Decembre quatre cens septante six, mourut & alla de vie à trespas Madame Agnes de Bourgongne, au chasteau de Moulins en Bourbonnois. Laquelle eut espousé feu Prince de ttes noble memoire, monseigneur Charles en son viuant Duc de Bourbonnois & d'Auuergne, dont est illue tres noble & treshonneſte lignie tant massles que femelles: comme treshault & puissant Prince monseigneur Iean Duc de Bourbonnois & d'Auuergne, qui espousa tres excellente princesse Madame Ieanne de France fille aînée du Roy Charles septiesme de ce nom, monseigneur Loys seigneur de Beaujeu, qui mourut ieune, monseigneur Charles Archeueſque & Comte de Lyon primat de France, Cardinal de Bourbon: monseigneur Pierre seigneur de Beaujeu qui espousa l'aînée fille du Roy de France lors fille dudit Roy Charles, monseigneur l'Eueſque du Liege, Iaqués monseigneur qui mourut à Bruges, Madame Ieâne qui fut espousée au Prince d'Orenge seigneur d'Arlay, Madame Marguerite femme de Philippe, monseigneur de Sauoye seigneur de Bresse. Et laquelle deffuncte Dame vesquit saintement & longuement. Et son trespas fut fort plaint & ploré de tous ses enfans, parens, seruiteurs & amis, & de tous autres habitans esdits pays de Bourbonnois & d'Auuergne. En benoist repos gise son ame. Elle gist en l'Eglise de Souigny. Et apres que ces choses eurent esté ainsi faictes, que dit est, le Duc de Bourgongne qui auoit mis le siege deuant la ville de Nancy en Lorraine, pour icelle auoir comme deuant auoit eüe: meit les gens qui estoient dedans icelle ville pour ledit Duc de Lorraine en telle necessité, qu'ils n'auoient plus que menger: & par grand contraincte de famine s'estoient mis en composition d'eux rendre és mains dudit Duc de Bourgongne. Le dimenche veille des Roys v. iour de Ianuier andit an lxxvj. vint & arriua ledit monseigneur de Lorraine accompagné de xij. à xliij. mille Suisses, Allemans & autres gens de guerre pour leuer ledit siege, combattre ledit de Bourgongne, & recouurer ledit Nancy: dont en aduint ce qui sensuit. C'est à ſçauoir que quatre iours auant la journée & venue dudit de Lorraine deuant Nancy, qui fut le v. de Ianuier veille des Roys cccc. lxxvj. le Comte de Câpobasse, le sire Ange & le seigneur de Montfort laisserent le Duc de Bourgongne, & l'abandonerent en sondit parc. Et le mercredy deuant la bataille ou iournée, iceluy Comte de Campobasse, en emmena bien avecques luy neuf vingts hommes d'armes. Et le samedy ensuiuant les deux autres capitaines dessus nommez, en emmenerent bien six vingts hommes d'armes, qui tous vouloient estre François. Mais on dissimula de les receuoir pour la trefue. Et fut ordonné par aucuns à qui ils s'adresserent qu'ils sen iroient en Lorraine. Laquelle chose ils feirēt, reserué vne partie qui demoura pour garder Condé, qui est vne place sus la riuere de Mozelle, par où tous les viures dudit Duc de Bourgogne passoierēt, qui venoient du val de Mets & du pays de Luxembourg. Et sen tira ledit sei-

gneur de Cápobasse deuers môseigneur de Lorraine, & l'aduertit de tout le fait dudit de Bourgongne. Et incontinent s'en retourna luy & ses gens audit lieu de Nancy. Et ledit iour de samedy quatriesme iour dudit mois de Ianuier, ledit monseigneur le Duc de Lorraine arriua à sainct Nicolas de Varengeuille, & les Suisses avecques luy, qui bien estoient dix mille cinq cens de vray compte fait: & d'autres Allemans y auoit beaucoup, sans les Lorrains & autres gens de guerre.

Le dimanche ensuiuant cinquieme iour dudit mois enuiron huiët heures de matin, desemparèrent & partirent lesdits seigneurs de Lorraine & de Suisse: & vindrent à Neufuille, & outre vn estang pres d'illec feirent leurs ordonnâces. Et en effect lesdits Suisses se meirent en deux bandes, dont le Comte Dabstain & les gouuerneurs de Fribourg & de Zurich auoient l'une d'icelles bandes. Et les aduoiëz de Berne & de Lucerne l'autre: & enuiron midy marcherent tous à vne fois. C'est à sçauoir vne bande deuers la riuere, & l'autre tout le grand chemin à venir deuers ledit Neufuille audit Nancy. Ledit Duc de Bourgongne festoit ja mis hors de son pare & en bataille. Et au deuant & deuers luy, y auoit vn ruisseau qui passe à vne maladerie nommée la Magonne: & estoit ledit ruisseau entre deux fortes hayes des deux costez, entre luy & lesdits Suisses. Et sur le grand chemin par où venoient l'une des bades d'iceux Suisses, auoit ledit Duc de Bourgogne fait asseoir tout le plus fort de son artilletie. Et ainsi que les deux bandes marchoiënt, & qu'elles furent à vn grand traict d'arc des Bourgongnôs deschargea sur iceux Suisses & y feit quelque dommage. Laquelle bande des Suisses laissa ledit chemin & tira au dessus vers le bois, & feit tant qu'elle fut au costé dudit Duc de Bourgongne au plus hault du lieu.

En faisant ces choses ledit Duc de Bourgogne feit tourner ses archiers, qui tous estoient à pied deuers iceux Suisses: & ordonna deux esles de ses hommes d'armes pour batailler, dont en l'une estoit laques Galiot capitaine Italien. Et à l'autre estoit le souuerain de Flâdres nommé messire Iosse de Lalaing. Et si tost que lesdits Suisses se trouuerēt au dessus, & au costé dudit de Bourgongne: tout à vn coup se tournerent le visage vers luy & son armée: & sans arrester marcherent le plus impetueusement & orgueilleusement que iamais gens feirent. Et à l'approcher pour ioindre, deschargerent leuts couleures à main. Et à ladiète descharge (qui n'estoit pas des Generaux des finances) tous les gens de pied dudit de Bourgogne se meirent en fuite. La bande desdits Suisses qui estoit deuers la riuere, marcherent quant & quant celle dudit Galiot: & de ceux qui estoient avecques luy, & frapperent lesdits Suisses dedans eux, tellement qu'ils furēt incontinent deffaits. L'autre esle desdits Bourgongnôs, tourna pareillement sur l'autre bande desdits Suisses: mais ils les recueillirent bien & si tost que lesdits gens dudit Duc de Bourgongne, qui estoient à pied se meirent en fuite: tous les gens de cheual picquerent apres, & tirerent pour passer au pont de Bridores à demie lieüe de Nancy, qui estoit le chemin à tirer vers Thionuille & Luxembourg. Et le quel pont de Campobasse auoit empesché & y estoit luy & ses gens & autres gës d'armes tous en armes: & auoit fait mettre des chariots au trauers dudit pont. Et ainsi que la foule desdits Bourgongnôs y arriuoit trouua illec empeschement: monseigneur de Lorraine & ses gens qui le suiuiöient au dos, pource

pource qu'on gardoit ledit pont, & qu'il estoit bataille, lesdits Bourgongnons furent contrains d'eux ietter aux guez de la riuiere. Et là fut la grand desconfiture & plus la moitié qu'au champ de la bataille: car ceux qui se iettoient en l'eauë, estoient incontinent tuez par lesdits Suisses qui y vindrent: & ceux de l'autre partie se noyoient eux mesmes, & tout le demourant fut prins ou mort & bien peu s'en sauua. Et aucuns quand ils veirent l'embusche dudit pont, se titerent vers les bois, & là les gens du païs si les suiuiot & les prenoient & tuoient, & à quatre lieus enuiron on ne trouuoit que gens morts par les chäps & chemins. Et dura la chasle sur lesdits Bourgongnons iusques à plus de deux heures de nuit, que monsieur de Lorraine s'enquist de tous costez qu'estoit deuenu ledit Duc de Bourgogne & si l'en estoit souü ou si l'estoit prins, mais à l'heure n'en furent sceuës aucunes nouuelles. Et tout incontinent fut enuoyé par ledit de Lorraine homme propre en la ville de Mets par deuers vn, qui estoit nommé Jean Dais clerc de ladicte ville de Mets, pour sçauoir se ledit Duc de Bourgogne estoit point passé: & le lendemain ledit Jean Dais manda dudit lieu de Mets audit seigneur de Lorraine, que seurement il n'estoit point passé: & ne sçauoit-on qu'il estoit deuenü & qu'il n'auoit point tiré vers Luxemboutg. Et le lendemain qui fut lundy iour des Roys, ledit Comte de Campobasse, môstra vn paige qui auoit esté prins, qui auoit nom Baptiste natif de Romme, de la lignée de ceux de la Coulonne, qui estoit avec le Comte de Chalon Neapolitain, lequel estoit avec ledit Duc de Bourgogne. Et apres qu'il eut esté interrogué fut iceluy paige mené à grand compagnie de gens de guerre au lieu, où ledit de Bourgogne gisoit mort, lequel estoit tout nud. Et en iceluy lieu le mardi ensuiuant de ladicte bataille au matin, ledit paige monstra clerement ledit Duc de Bourgogne mort & tout nud: & enquiron luy quatorze hommes tous nuds les vns assez loing des autres. Et auoit ledit Duc de Bourgogne vn coup de baston, nommé hallebarde à vn costé du millieu de la teste par dessus l'oreille iusques aux dents, vn coup de picque à trauers des cuisses, & vn autre coup de picque par le fondement. Et fut cogneu manifestement que c'estoit ledit Duc de Bourgogne à six choses. La premiere & la principale fut aux dents de dessus, lesquelles il auoit autresfois perdues par vne cheute. La seconde fut d'vne cicatrice, à cause de la plaie qu'il eut à la journée de Montlehery en la gorge en la partie dextre. La tierce à ses grans ongles, qu'il portoit plus que nul autre homme de sa court ne autre personne. La quarte fut d'vne plaie qu'il auoit en vne espaule, à cause d'vn escarboucle que autresfois y auoit eue. La cinquiesme fut à vne fistule, qu'il auoit au bas du ventre en la pennilliere du costé dextre. Et la sixiesme fut d'vn ongle qu'il auoit retrait en l'orteil. Et ausdictes enseignes donna son iugement pour tout vray vn sien medecin Portngalois, nommé maistre Mathieu que c'estoit ledit Duc de Bourgogne son maistre. Et aussi le dirent pareillement ses varlets de chambre, le Grand-Bastard, messire Oliuier de la Marche, son chappellain, & plusieurs autres de ses gens prisonniers dudit monseigneur de Lorraine.

ET TANTOST apres que ledit Duc de Bourgogne ainsi trouué eut esté porté audit lieu de Nancy, & illec lauë & mûndé & nettoyé: il fut mis en vne

chambre bien close, où il n'y auoit point de clarré: laquelle fut tendue de velours noir, & estendu le corps dessus vne table, habillé d'un vestement de toille depuis le col iusques aux pieds. Et dessus sa teste fut mis vn oreillier de velours noir. Et de sus le corps vn poille de velours noir: & aux quatre cornets auoit grans cierges, & aux pieds la croix & l'eau benoiste. Et ainsi habillé qu'il estoit le vint veoir mondit seigneur de Lorraine, vestu de deuil: & auoit vne grand barbe d'or venant iusques à la ceinture, en signification des anciens Preux, & de la victoire qu'il auoit sur luy eue. Et à l'entrée dit ces mots, en luy prenant l'une des mains de de sus ledit poille. Vos ames ait Dieu, vous nous auez fait moult de maux & douleurs. Et à tant vint prendre l'eau benoiste & en ietta dessus le corps: & depuis y enterrent tous ceux, qui le voulurent veoir. Et puis le feit ledit Duc de Lorraine enterter en sepulture bien & honnorablement & luy feit faire moult beau seruice.

ET incontinent apres ladicte desconfiture & mort dudit de Bourgongne, ledit monseigneur de Lorraine & autres seigneurs & capitaines se meirent à conseil, & ordonnerent que aucuns d'eux iroient en la Duché de Bourgongne, en la Comté & autres lieux qui se tenoient pour ledit de Bourgongne, pour tous les reduire & mettre en la main du Roy: laquelle chose fut incontinent faicte sans resistance. Et pareillement ceux de la Comté d'Auxerre se rendirent & feirent serment au Roy. En ladicte bataille moururent la plus part de tous les gens de bien de ladicte compagnie: & y furent prins le grand bastard de Bourgongne, lequel depuis ledit monseigneur de Lorraine mena au Roy, luy estant en Picardie. Le bastard Baudouin de Bourgongne & plusieurs autres grans seigneurs prisonniers.

APRES ces choses, & que le Roy eut esté deuëment acertené de ladicte mort dudit Duc de Bourgongne & des choses dessusdictes, il se partit de Tours pour aller en pelerinage à sa deuotion. Et apres s'en retourna à Chartres, à villeperceur, à Hauberruillier, à nostre Dame de la Victoire, & apres à Noyon & à Compiengne. Et ce pendant se reduisirent à luy plusieurs villes & places, tenues & occupées par ledit de Bourgongne: comme Monrdidier, Peronne, Abbeuille, Monstreul sur la mer & autres places estans pres d'Arras. Mais lesdits d'Arras ne voulurent point obeir de prime face & se fortifierent en ladicte ville de gens de guerre, viures & artillerie. Et furent enuoyez de pareux au Roy plusieurs ambassadeurs, qui teindrent la chose en trefue: pendant laquelle le Roy feit le plus grand amas d'artillerie, pouldres, pionniers, gens de guerre & autres preparatoires, que iamais on auoit veu: tousiours attendans quelle conclusion prendroient lesdits d'Arras, ou de appoinctement ou de guerre. Et pour faire les fraiz des choses dessusdictes, fut fait de grans emprunts à Paris & autres bonnes villes de ce Royaume. Et apres le Roy trouua moyen d'auoir & mettre la cité dudit Arras en sa main: dedans laquelle il entra le mardy quatriesme iour de Mars l'an septante six. Et feit fortifier & redifier ladicte cité contre ladicte ville d'Arras: dedans laquelle y auoit vn tas de gens illec venuz de plusieurs lieux, tenans le party de Bourgongne: & mesmement des villes qui nouuellement s'estoient reduictes au Roy. Et illec sans auoir chief ne hommes de conduicte se fortifierent fort. Et feirent de grans

grans blasphemés au Roy : comme faire gibets en ladicte ville & sur les murs, & y pendre croix blanches, monstrent leur cul & autres villenies. Et l'entretindrent en leurs folles imaginations iusques à vn peu de temps apres, que vindrent deuers le Roy en ladicte cité aucuns manans dudit lieu d'Arras, pour auoir de luy aucune bonne pacification : avecques lesquels nonobstant qu'ils fussent de faulx & mauuaise obstination, & qu'en icelle eussent trop perleueré : Le Roy fut content avec eux que ladicte ville d'Arras seroit mise en sa main comme souverain, & par deffaute d'homme, droitz & deuoirs non faits. Et que les fruits & reuenues de ladicte ville & appartenances, seroient recueillis par ses commissaires : laquelle reuenue se pourroit prendre par lesdits commissaires, & soubz la main du Roy par icelle damoiselle de Bourgongne, iusques à ce qu'elle luy eut baillé homme. Et qu'au regard de ladicte ville d'Arras, le Roy n'y mettroit puissance ne gens d'armes sans le bon gré & vouloir des habitans dudit lieu : apres lequel appoinctement ainsi fait, le Roy enuoya audit lieu monseigneur le Cardinal de Bourbon, monseigneur le Chancelier, messire Guiot Pot Baillif de Vermandois, messire Philippe de Creuecueur seigneur Desquerdes gouuerneur de ladicte ville, & autres tresnobles hommes pour prendre & receuoir les sermens des habitans dudit Arras, laquelle chose fut faicte. Mais en icelle faicte, lesdits habitans d'Arras en aucune partie se rebelèrent, & vindrent en l'abbaye de saint Vast, où estoient assis à disner lesdits seigneurs, Cardinal & autres nommez, en armes : & fort effrayez crians, tuez tuez : dont tous lesdits seigneurs eurent la plus grand paour & fraieur, qu'ils eurent onques en leur vie : mais il n'y eut point de mauuais mal fait pour ceste fois. Et apres ces choses & qu'ils furent retourner en la cité d'Arras, le Roy s'en partit & alla faire ses Pasques à Theroüenne. Et apres s'en alla à Hesdin, où il eut la ville : mais aucun paillards tenans le party du Duc de Bourgongne, s'en allerent mettre & bouler dedans le parc & chasteil dudit Hesdin : auquel lieu le Roy feit tirer de son artillerie, & incontinent y feit vne grande bresche, par laquelle les gens du Roy y entrerent. Et en telle mesme heure ceux de dedans eurent composition de rendre ladicte place, & eux en aller eux & toutes leurs bagues sauues.

L'AN mille quatre cens septante & sept, apres ce que ledit lieu de Hesdin eut esté ainsi prins que dit est : aduint qu'aucuns habitans dudit Arras faignans de vouloir aller deuers le Roy, obtindrent vn bon & seur saufconduit de monseigneur l'Amiral qui le leur bailla : mais pource qu'il luy sembloit qu'ils auoient autre imagination que d'aller par deuers le Roy, les feit suiure : & trouua on qu'iceux alloient au pays de Flandres par deuers ladicte damoiselle de Bourgongne : pour laquelle cause ils furent prins & ramenez audit lieu de Hesdin, auquel fut fait leur proces. Et par iceux fut trouué, qu'ils alloient audit voyage en mauuaise intention : pour laquelle cause furent decapitez audit lieu de Hesdin, iusques au nombre de dixhuiet : entre lesquels y estoit vn nommé maistre Oudard de Bucy procureur general de ladicte ville d'Arras & de la Comté d'Artois, auquel fut le col couppé dedans vn chapperon d'escarlata fourré de lereisses : & ladicte teste avecques ledit chapperon mise & boutée au bout d'vn cheuron, auquel fut fort cloué ledit chapperon, affin qu'il ne fut emblé entiem-

ble ladicte teste: & contre ledit cheuron y auoit vn escripteau, où estoit escript: Cy est la teste maistre Oudart de Bucy Conseillier du Roy en sa Court de Parlement à Paris. Et apres ladicte execution faicte, le Roy s'en alla à nostre Dame de Boulongne sur la mer. Et pour raison des dessusdits ainsi decapitez, le Roy eut grande malle-vueillance contre ladicte ville d'Arras, & declaira lors qu'elle seroit toute destruiete. Et pour ce faire y enuoya manouriers, gens de guerre, artillerie, viures & autres habillemens de guerre: & y fut mis le siege fort & aspre. Et tira l'artillerie dedans icelle ville d'Arras, vers la fin du mois d'Auril que le Roy retourna en la dessusdicte cité d'Arras, où incontinent feit tirer sadicte artillerie, tant bombardes que autres: à cause dequoy toute la ville fut moult fort souldroyée, & fut fort abbattu le Bouleuert que iceux de la ville d'Arras auoient fait contre ladicte cité: tellement qu'on veoit de ladicte cité parmy le bouleuert tout au long de ladicte ville d'Arras. Et tellement que apres ces choses ainsi faictes, lesdits manans & habitans dudit Arras furent fort espouentez & cuidoient bien mourir: mais il trouuerent moyen d'enuoyer deuers le Roy pour de luy obtenir sa bonne grace & misericorde, lequel le leur bailla & octroya: combien qu'il auoit abandonnée aux nobles hommes & Francs-archiers lors estans pour luy deuant ladicte ville, qui se teindrent à mal contents de la composition que leur auoit donnée le Roy, veu & considéré sondit abandonnement. Et que les dessusdits en perseuerant de mal en pis auoient iniurié le Roy, tué de ses gens & fait moult de maulx, parquoy leur sembloit bien que le Roy ne les prendroit point à mercy. Et les gens du Roy au moyen dudit appoinctement entrerent dedans ladicte ville d'Arras le dimanche quatriesme iour de May mille quatre cens septante sept.

EN APRES la composition ainsi faicte dudit lieu d'Arras, s'en partit le Roy & vint à la Victoire. Ainsi s'en partit monseigneur l'Amiral, les gentils-hommes & Francs-archiers de Normandie, pour eux en aller chacun en leur maison. Et le Roy estant audit lieu de la Victoire, eut nouvelles que cinquante archiers de son ordonnance estoient allez à Peronne, pour y mettre & loger cinq prisonniers de par le Roy, ausquels il auoit fait refus d'y entrer, pourquoy il s'en partit & alla audit Peronne, cuidant qu'on y voulsist faire aucune rebellion: où il fut depuis par aucun temps que autres nouvelles luy furent apportées, que les Flamens & autres tenans leur party estoient sur les champs pour nuire au Roy & ses pays: pourquoy incontinent le Roy feit publier son arriereban, & que tout homme noble & non noble, priuilegié & non priuilegié: & pour ceste fois fut tout prest & en armes pour le seruir & resister à leur fureur. Et fut ledit cry publié à Paris le dimanche dixhuietiesme iour de May audit an mille quatre cens septante sept. En apres le Roy s'en alla à Cambrai, où il fut receu par composition. Et illec fut receu par certain temps, & sy rafraeschirent ses gens d'armes iusques au iour de la Trinité.

Comment le Roy manda venir à luy au lieu de Noyon tous ses conseillers de Paris, pour faire le proces & expedition du Duc de Nemours: d'un Falsificateur executé à Paris: de la victoire du seigneur de Craon contre le Prince d'Orange: de la mort du Duc de Gueldres deuant la ville de Tournay: & de la mort & capitale execution dudit Duc de Nemours audit Paris: puis d'aucuns Flamans desconfits & sans parquer & blancs fosses. Et des executez audit Paris pour auoir occis le Bourreau d'icelle ville de Paris en l'an que dessus lxxviij.

EN ce temps le Roy enuoya ses lettres patentes, adressans aux gens tenans sa court de Parlement à Paris: par lesquelles leur mandoit tous en general aller & eux transporter en la ville de Noyon, avec aussi les maistres des requestes de l'hostel du Roy: pour avecques le Roy & autres seigneurs de son sang & lignage, qui seroient illec veoir prendre conclusion & fin sur le fait du proces fait à l'encontre dudit de Nemours, qui par long temps auoit esté detenu prisonnier en la Bastille S. Anthoine à Paris: laquelle chose feirent lesdits de Parlement, & partirent de Paris pour aller audit lieu de Noyon le lundy second iour de Iuing, pour estre le lendemain audit Noyon, ainsi que mandé leur estoit par lesdites lettres.

AUDIT temps & au mois de Iuing, le samedi quatorziesme iour d'iceluy mois, vn qui auoit esté de l'hostel du Roy, & qui auoit falsifié son signet, & celuy d'un des secretares: & à ceste cause auoit fait & signées plusieurs lettres & baillées en diuerses villes de ce Royaume, où il auoit (au moyen d'icelles) prins plusieurs sommes de deniers au nom du Roy, & icelles à luy appliquées: fut par ledit cas ledit delinquant son proces fait de par le Preuost de l'hostel du Roy ou son lieutenant, & depuis enuoyé audit lieu de Paris: auquel lieu & pour ledit cas fut pillorié & mitré: & puis flasté au fronc, le poing couppé & banny du Royaume de France, & ses biens & heritages declarez & acquis confiscuez au Roy.

AUDIT mois de Iuing aduint que le seigneur de Craon, à qui le Roy auoit baillé la charge de son armée, pour aller en la Comté de Bourgogne faire guerre à l'encontre du Prince d'Orange, pour aucunes iniures à luy faictes par ledit de Craon, qui n'estoit pas de pareille maison de luy: & pour soy venger d'icelle iniure. Et aussi le Roy qui auoit baillé le gouuernement du pays audit Prince, & qui auoit esté aussi au moyen de faire mettre ledit pays en la main du Roy. Et l'auoit de ce deschargé pour bailler audit de Craon, son courroux fort & trouua moyen de faire recouurer contre le Roy les pays, villes & places, qui à sa requeste s'estoient reduictes à luy. Et avecques & en sa compagnie se meit, & bouta vn cheualier dudit pays de Bourgogne nommé messire Claude de Vaudray, qui soustint & eut la guerre contre ledit de Craon iusques à certain tēps, que ledit de Craon sceust que ledit d'Orange estoit en vne ville nommée Guy, où il vint mettre le siege, & y demoura par deux iours q̄ ledit seigneur de chasteau Guyon frere dudit d'Orange & autres, vindrēt pour le secourir: dont fut aduertey ledit de Craon, qui s'en alla mettre en bataille contre ledit seigneur de chasteau Guyon, & y eut grand hurtiz à ladicte rencōtre: & de costé & d'autre y mourut de gens de façon xiiij. ou xv. cens combattans. Et de ladicte desconfiture, y fu-

rent faictes par l'ordonnance du Roy processions generales à Paris en l'Eglise S. Martin des champs.

A v mois de Iuillet ensuiuant audit an lxxvij. le Duc de Gueldres qui estoit venu loger pres de Tournay à tout xiiij. ou xv. cens Allemans, & vint cuidât bouter le feu es faulxbourgs dudit Tournay, & soy loger au pont de Pierre pres de ladicte ville, vindrent dommager icelle: fut fait saillie par deux fois sur ledit de Gueldres, où à la premiere saillie il fut tellemēt qu'il y mourut, & son corps apporté en la ville de Tournay & puis à la seconde saillie issirent sur ceux de son armée de trois à cccc. lances de l'ordonnance du Roy, avec aucuns particuliers de ladicte ville: lesquels meirent en fuite tous lesdits Allemans & Flamens, & bien tuerent deux mille, & de sept à huit cens prisonniers. Et de ladicte descōfiture en fut chanté en l'Eglise de Paris, *Te Deum laudamus*. Et fait faire les feux parmy les rues de ladicte ville.

A V D I T an mille cccc. lxxvij. le lundy iij. iour d'Aoust, messire Iaques d'Armignac Duc de Nemours & Comte de la Marche, qui auoit esté constitué & amené prisonnier de la Bastille S. Anthoine à tel & semblable iij. iour d'Aoust en l'année precedente, pour aucuns cas, delits & crimes par luy commis & perpetrez: durant lequel temps de son emprisonnemēt en iceluy lieu de la Bastille, luy furent faits plusieurs interrogatoires sur lesdites charges: ausquels il respondit de bouche & par escrit: tant par deuant messeigneurs le Chancelier de France nommé maistre Pierre d'Oriolle, qu'autres des Presidens & conseillers de la Court de Parlement par plusieurs & diuerses iournées: & encores par certains grās cleres du Royaume, demourans en diuerses citez & villes dudit Royaume pour ce mādēz & assemblez de l'ordonnāce du Roy en la ville de Noyō, avec & en la compagnie desdits de Parlemēt. Et en la presence de monseigneur de Beaujeu illec representant la personne du Roy, fut tout veu & visité la procedure par ladicte Court faicte à l'encontre dudit de Nemours: ensemble aussi les excusations par luy faictes & baillées seruans à sa saluation. Et tout par eux veu, cōclurent audit proces: tellement que ledit iour de lundy iij. iour d'Aoust fut audit lieu de la bastille messire Iean le Boulengier premier President audit Parlement, accōpné du greffier criminel de ladicte Court, de sire Denys Hefselin maistre d'hostel du Roy, & autres qui vindrent dire & declairer audit de Nemours, que veües les charges à luy imposées, ses cōfessions & excusatiōs par luy sur ce faictes: & tout veu & consideré à grande & meure deliberation, luy fut dit par ledit President & par la Court de Parlemēt, qu'il estoit crimineux de crime de leze Majesté. Et cōme tel cōdamné par arrest d'icelle Court, à estre ledit iour decapité es halles de Paris, ses biens, seigneuries & terres acquises & cōfisquées au Roy: laquelle execution fut ledit iour faicte à l'eschauffaut ordonné esdites halles à l'heure de trois heures apres midy, qu'il eut illec le col couppé: & puis fut enseuely & mis en biere & deliuré aux Cordelliers de Paris, pour estre inhumé en ladicte Eglise: & vindrent querir ledit corps esdites halles iusques enuiron de sept à huit vingts Cordelliers, à qui furent deliurées xl. torches pour mener & cōduire ledit corps dudit seignr de Nemours en leurdite Eglise.

A V D I T mois le Roy qui estoit à Theroüenne enuoya partie de son armée, pour combattre & mettre hors de leur parc certaine quantité de Flamens, qui

qui estoient parquez en vn lieu nommé le Blanc-fossé:lesquels Flamens quand ils ouïrent nouuelles de la venue du Roy & son armée, s'enfuirent & desparquerent : & audit desparquement frapperent noë gens sur les dessusdits Flamens, desquels en y eut bien tué deux mille. Et depuis furent suiuis iusques bien loing dedans le pays de Flandres:& passerent lesdits gens du Roy au mont de Cassel à Fiefues, & autres places qui furent prinſes & arrasées, & tuerent encores bien autres deux mille. Et desdictes desconfitures en furent faictes de moult belles processions en la ville de Paris.

AVDIT mois l'an mille cccc.lxxvij. aduint qu'un ieune fils Bourreau à Paris, nommé Petit-Iean fils de maistre Henry Cousin maistre Bourreau en ladicte ville de Paris, qui desia auoit fair plusieurs exploicts de Bourreau. Et entre les autres auoit executé & coppé le col de messire Loys de Luxembourg Connestable de France, fut tué & meurdry ledit petit Iean en ladicte ville de Paris, au pourchars d'un menuisier, qui estoit nommé Oudin du Bust, natif du pays de Picardie, qui auoit conceu haine mortelle contre ledit Petit-Iean, pour raison & cause de ce que ledit Petit-Iean auoit frappé ou battu long temps par auant ledit du Bust, pour aucune noise qu'ils eurent ensemble, à cause de ce que ledit menuisier du Bust luy demandoit la grosse & sée d'une obligation, en quoy ledit Petit-Iean estoit obligé à iceluy Oudin du Bust. Et de laquelle obligatiō ledit Petit-Iean auoit payé le principal, & ne restoit que ledit grossement & sée. Et pour estre ledit du Bust vengé dudit Petit-Iean, s'associa ledit du Bust de trois ieunes compagnons demourans en ladicte ville de Paris: l'un d'iceux nommé l'Empereur du Houlx sergent à verge, l'autre Iean du Foing fontenier & plombreur : & l'autre nommé Regnault Goris orfeure fils de Martin Goris, courtier de geolerie. Tous lesquels quatre de guet à pense & propos delibéré, vindrent assaillir ledit Petit-Iean qu'ils trouuerent au coing de la rue de Garnelles pres de l'hostel du Moulinet : & vint le premier à luy ledit Empereur du Houlx soubz fiance amiable, qui le print par dessous le bras en le tenant fermement. En luy disant qu'il n'eust point de paour des dessusdits, & qu'ils ne luy feroient point de mal. Et en luy disant ces choses vint ledit Regnault Goris, qui frappa ledit Petit-Iean d'une pierre par la teste, dont il chancela. Et lors ledit Empereur le lascha : & incontinent vint à luy ledit Iean du Foing, qui luy bailla d'une Iaueline au trauers du corps, dont il cheut mort en la place : & depuis qu'il fut mort ledit du Bust luy vint couper les iambes. Et à tant se departirent les quatre dessusdits, & s'en allerent bouter en franchise aux Celestins de Paris : auquel lieu la nuit ensuiuant furent prins & tirez dehors, par l'ordonnance & commandement de messire Robert d'Estouteuille Cheualier, preuost de ladicte ville de Paris, & gens de conseil. Pource que par information leur apparut dudit guet appens & propos delibéré, dequoy leddits Celestins appellerent : & par la court de Parlement fut l'appel voidé, & dit qu'ils ne iouyroient point des priuileges de l'Eglise. Et apres comme clercs furent requis par l'Euesque de la ville de Paris, comme ses clercs. Aussi pareillement fut dit par arrest de parlement qu'ils ne iouyroient point du priuilege de Clerc, & furent renuoyez par deuant ledit preuost: par la sentence duquel, ils furent tous condannez à estre pendus & esträglez, dont ils appellerent

en la Court de Parlement: laquelle conferma ladiète sentence, qui fut executée: & furent tous quatre pendus au gibet de Paris, par les mains dudit maistre Héry pere dudit petit Iean, qui pourtant fut vengé de la mort de sondit fils le ieudy veille de monseigneur S. Iean de Collace xxviij. iour dudit mois. Et furent pendus en la maniere qui s'ensuit, & tout au ioingnât l'un de l'autre. C'est à sçauoir ledit Empereur le premier, Iean du Foing le secōd, Regnault Goris le tiers, & ledit Iean du Bust le quatriesme & dernier. Et est assçauoir que lesdits Empereur, du Foing, & Goris estoient trois beaux ieunes hommes: Et en outre pour le cas, fut battu de verges & banny du Royaume de France vn ieune fils cordonnier, qui auoit conspiré de la mort dudit petit Iean, mais point ne s'estoit trouué à icelle.

Comment le Cardinal de saint George fut detenu prisonnier à Florence, là où fut adonc pendu & estranglé l'Archeuesque de Pise: & autres plusieurs pour auoir occis Iulian de Medicis: du siege du Turc deuant Rhodes: du Saint Symon & vn autre crucifiez & martyrisez: d'un delict Hermite qui vesquit xv. ans du S. Sacremēt: d'un mōstre né en la ville de Veronne: d'une merueilleuse comeste, & autres plusieurs choses adioustées en icelles presentes chroniques.



Nuiron ce temps & vn peu apres que le Duc de Milan eut esté tué, ainsi qu'il est dit, vne grande sedition fut esmeüe dedans la cité de Florence: en laquelle vn noble citoyen de ladiète ville dit & appellé Francisque des Paets, aduoué de plusieurs autres grans personages Italiques, accompagné de leurs familles, naura & occit d'une dague vn nommé Iulian fils de Cosme de Medicis dedans l'Eglise de Sainte, réparée en ladiète ville: le quel meurtre fut fait & commis celebrāt les solennitez des messes en icelle Eglise. Et aussi fut blessé son frere ainné nommé Laurent de Medicis, mais il fut puis apres sané. Et pour ceste cause tresreuerend pere en Dieu le seigneur Nicolas Cardinal du tiltre S. George, nepueu du Comte Hierosme, fut detenu prisonnier en garde secrette. Et ainsi reuerend pere en Dieu le seigneur Francisque de Saluiat Archeuesque de Pise, fut publiquement pendu & estranglé en habit Episcopal au palais des seigneurs de Florence. Et pareillement furent pendus avec luy plusieurs autres de sa famille, & de ceux dudit Cardinal, & aucuns d'eux executez par autres diueres manieres: Pour lesquelles executions faictes, le Pape Sixte iiii. de ce nom du conseil des seigneurs Cardinaux, feit prononcer & manifester vne merueilleuse excommunication & horrible interdit en ladiète ville de Florence. Et aussi fut suscitē vne cruelle guerre en toute Tuscie par l'Eglise, & furent faictes aucunes grandes occisions. Et en ces entrefaictes, par aucun Orateur de la seigneurie de Venise, fut remis & rēdu ledit Cardinal de saint George en sa liberté, & retourna en la cité de Romme: mais toutesfois dura encores la guerre aucun temps entre l'Eglise & les Florentins. Puis en apres fut appaisée & vſa de misericorde enuers les predits Florentins, lesquels furent absoulz & pacifiez avec l'Eglise. Les Iuifs enuiron ce temps prindrent & roberent en la cité Tridentine, vn ieune enfant en l'age de xiiij. ans appellé Symon: le quel ils crucifierent & luy feirent souffrir les mysteres de la passion, à la similitude de nostre seigneur Iesus Christ: & ainsi le feirent mourir en l'es-

en l'effusion de son sang: pourquoy ils furent grandement punis, selon leurs merites. Et adonc fut porté iceluy martyr en l'Eglise Cardinalle d'icelle cité: Là où venoit de toutes parts vne grâde affluence de peuple, car par la deuotion dudit enfant estoient faits plusieurs beaux miracles pour la memoire de la passion de nostre Seigneur. Consequemment apres aduint vn pareil cas en la cité où chasteau d'Opiterge soubz la seigneurie de Venise, où les iuifs martyriserēt & meirent à mort vn ieune enfant en telle maniere que dessus: parquoy ils furent amenez à Venise: & illec apres la confession de leur vilain peché, furent bruslez tous vifs en vn feu au meillieur de deux colonnes, en la place deuant S. Marc. Ce mesme temps fut né en la ville de Veronne, vn monstre en forme de fille: laquelle auoit tant seulement vn chef & deux pieds, mais elle auoit quatre bras: c'est à sçauoir, deux les plus gros: lesquels elle mouuoit à sa volenté, & les deux autres plus tendres & menus, estoient immobiles. Elle auoit aussi deux ventres conioints enuers l'estomach: & si auoit pareillemēt deux portes & pertuis au ventre dessous, par lesquelles elle purgeoit & iectoit hors ses naturelles superfluitez. Et en ceste maniere estoit menée & portée ceste fille de ses parens par toute Italie, lesquels la mandioient & prenoient argent de ceux qui auoient desir de la veoir. Et enuiron ce temps furent tresgrâdes inondations des eaües, & aussi treshorribles vents qui subuertirent plusieurs edifices. Le grand Turc enuiron ce temps avecques son grand & puillāte exercite de guerre par terre & par mer, vint assieger la cité de Rhodes, en laquelle ils feirent plusieurs grans dommages, destruisant les murailles d'icelle cité de Rhodes de leurs bōbardes & artilleries: & si occirent plusieurs Chrestiens par diuerses & cruelles manieres, dont ils feirent innumerables playes en Chrestienté: car ils enuironnerent la cité de plusieurs parties & vindrēt iusques à la tour de S. Nicolas, lieu moult inexpugnable & de grande deffence pour ladicte ville. Et tellement que plusieurs & la plusgrand partie d'iceux Turcs, furent iusques dessus les murs & cōme prests de crier la ville gaignée: mais le seigneur grand maistre dudit Rhodes desploya adoneques vne grande baniere, en laquelle estoit singulierement depeinct l'image & representation du benoist crucifix: laquelle baniere desployée furent incontinent lesdits Turcs comme tous auenglez, & par le diuin ayde de nostre Seigneur victorieusement repulsez arriere. Et depuis ne feirent iceux Turcs aucuns efforts ne assaulx à ladicte ville qui fut chose miraculeuse: mais toutesfois furent plusieurs morts & occis d'vne part & d'autre. En apres entrerent aucuns Turcs en aucunes parties du Royaume de Cecille, là où ils gasterent plusieurs lieux & aucunes villes: car ils prenoient les hōmes qu'ils estrāgloient & faisoient mourir, & autres prenoient de leurs biens. Et tellement que lesdits Turcs feirent adoneques vne moult cruelle pestilence de glaïue en tout le païs: ils prindrent la cité d'Ottrente, là où ils occirent & meirent à mort quasi tous les habitans d'icelle cité pour la foy. Laquelle chose ils supporterent virillement & le plus constamment, qu'ils peurent pour l'hōneur de Dieu. Et puis ils prindrent finablement l'Archeuesque d'icelle cité, lequel ils sierent par le meillieu: mais aussi est bien à sçauoir que plusieurs d'eux furent occis au conflict de ladicte ville. Vn deuot hermite fut enuiron ce temps ou vn peu deuant, és parties & limites des Suisses pres Vnder Valde: lequel seulement tous les

mois reſect & ſubſtanté du S. Sacrement, veſquit l'eſpace de quinze ans & plus, ſans prendre n'eſtre nourry d'autre viande corporelle. Et en ceſte maniere fut trouuée la verité de pluſieurs teſmoings, leſquels l'aſſermerent ainſi: or n'eſt pas de merueilles ſe tant de guerres, meurtres, eſfuſion de ſang humain, & aucuns grans Princes & ſeigneurs, ont eſté les vns occis & autres executez ainſi que dit eſt. Car deuant pluſieurs icelles choſes aduenues en ceſte maniere: il eſt à noter & recapituler icy en ce lieu, pource qu'il a eſté obmis, qu'en l'an mille cccc.lxxij. au commencement de l'année enuiron la feſte ſaincte Agnes au mois de Ianuier, ſ'apparut & demonſtra vne grande comette: laquelle adôcques paſſa deſſus Colongne en l'oppoſite du ſigne de Libra: & auoit icelle comette vne longue queue comme de trente degrez; qu'elle enuoya deuers Occident: & au iour de la feſte S. Blaiſe, qui eſt le troiſieſme iour de Feurier, elle demoura & fut ſtante au ſigne d'Aries: & enuoya adoneques ſadiſte queue côm aux Pleiades, qui ſont eſtoilles pluuiiales deuers Orient. Ceſte comette eſtoit ſouuentefois beaucoup vague, aucunes fois blanche, & puis autres fois elle eſtoit comme toute enflammée, & grandement citrine: dont icelle comette ainſi conſiderée, & eſt aſſauoir ſelon la deſcription de tous Aſtrologiens, qu'elle ne pouoit autre choſe ſignifier, ſinon batailles, epidimie & grâde peſtilence de glaïue en diuerſes parties: & auſſi en l'an prochain enſuiuant fut vn Eſté moult chault & ferme: & ſi fut telle ſechereſſe qu'il n'eſt memoire de ſemblables, & en aucunes terres & regions fut le feu allumée ſoubs terre, côm iuſques à l'areine & pouldre pour la vehemente chaleur, Dieu nous vueille tous preſeruer. Si retourneray à parler des faits & chroniques de France & autres parties de Gaule, Flandres, Bourgongne & Angleterre: En reprenant où j'ay laiſſé pour les choſes cy deſſus eſcrites.

Comment le Roy venant de Picardie à Paris, deliura les priſonniers de chaſtellet: du Prince d'Orange: & meſire Claude de Vaudray au Comté de Bourgongne: de S. Loïs & S. Charlemagne qu'il ſurent deſcendus de leurs lieux: le Roy ſeiſ faire douze groſſes bombardes, & comment Edouard le Roy d'Angleterre ſeiſ mourir ſon frere en vne pipe de maluoïſe. D'aucunes charges contre Daniel ſeruiſeur de maiſtre Oliuier: du retour du Roy audit Picardie: & de pluſieurs grans ſeigneurs & dames feſtoyez à Paris en l'an mille quatre cens lxxviij.



Vdit temps le Roy qui eſtoit au païs de Picardie, ſe partit dudit païs, & y laiſſa pour ſon lieutenant general monſeigneur le baſtard de Bourbon Amiral de France, pour la conduicte de la guerre & garde de tout le païs. Et au regard des gens de guerre de l'ordonnance du Roy, & autres eſtans pour luy eſdits païs, on leur bailla & assigna len leur logis, en la cité & ville d'Arras, Tournay, Lens, la Baſſée, & autres lieux ſur les frontieres de Flandres & autres païs, qui encores ſe tenoient pour ladiſte damoiſelle de Flandres fille du Duc de Bourgongne. Et apres toutes ces choſes ainſi faiſtes & ordonnées, le Roy ſ'en vint à noſtre Dame de la Viſtoire veoir la belle dame illec aomée: & puis apres ſ'en tira à Paris où il ne ſeiourna gueres: & y eſtoit le iour de la feſte S. Denys. A la reuerence duquel Sainct, il deliura tous les priſonniers eſtans en ſes priſons de chaſtellet de Paris. Et puis ſ'en alla à Tours,

à Tours, à Amboise & autres lieux voisins, où il se tint par assez longue espace de temps: durant lequel les Bourgongnons & autres ennemis du Roy sous les charges & compagnies du Prince d'Orange, messire Claude de Vauldray, & autres estans en la Comré de Bourgongne firent & porterent de grans guerres aux gens du Roy, estans pour luy audit pays: & en fut fait de grans desconfortures sur lesdits gens du Roy, tant en la ville du Grey sur Sofne & ailleurs, où lesdits gens du Roy s'estoient logez. Et y tuerent lesdits Bourgongnons aucuns gentils-hommes de l'ordonnance du Roy, sous les charges & compagnies de Sallezart & de Conyngan capitaine des Escoçois en bien grand nombre. En ladicte année, le Roy ayant en singuliere recommandation les saints faits de S. Loys & S. Charlemaigne, ordonna que leurs images de pierre pieça mis & assis en deux des pilliers de la grand salle du palais royal à Paris, du reng des autres Roys de France, feussent descendus: & voulut iceux estre mis & posez au bout de ladicte grand salle au dessus, & au long de la chapelle estant au bout de ladicte salle ce qui fut fait. Et en furent payez les deniers que l'ouvrage cousta à faire par Robert Cailletel receueur des aydes en ladicte ville de Paris.

A v mois de Decembre audit an, le Roy pour tousiours accroistre son artillerie, voulut & ordonna estre faictes douze grosses bombardes de fonte & metal de moult grãde longueur & grosseur: & voulut icelles estre faictes: c'est à sçauoir trois à Paris, trois à Orleans, trois à Tours, & trois à Amyens. Et durât ledit temps fait faire bien grand quantité de bouilles de fer, és forges estans és bois pres de Creil: dont il bailla la charge à maistre Iean de Reilhac son secretaire. Et pareillement fait faire és carrieres de Peronne grand quantité de pierres à bombarde. Et aussi faire dedans les bois grãd nombre de cheuretes & taudis de bois, avecques des eschelles à assaillir villes & forteresses, pour auoir & prendre les villes de Flandres & Picardie, qui encores audit temps estoient à reduire.

A V D I T temps aduint au Royaume d'Angleterre, que pource que le Roy Edouard dudit Royaume fut accertené, qu'un sien frere qui estoit Duc de Clairance, auoit intention de passer la mer & aller descendre en Flandres, pour donner ayde & secours à sa sœur Duchesse en Bourgongne veufue dudit defunct le dernier Duc: fit iceluy Roy Edouard prendre & constituer prisonnier son dit frere & mettre en la tour de Londres, où il fut depuis detenu prisonnier par certaine longue espace de temps: pendant lequel ledit Edouard assembla son conseil, & par la declaration d'iceluy fut condamné à estre mené depuis ladicte tour de Londres, trainant sur les fossez iusques au gibet de ladicte ville de Londres: Et illec estre ouuert & ses entrailles ictez dedans vn feu: & puis luy coupper le col & mettre le corps en quatre quartiers, mais depuis par la grand priere & requeste de la mere desdits Edouard & de Clairance, fut sa condamnation changée & muée: tellement qu'au mois de Feurier audit an, iceluy de Clairance estant prisonnier en ladicte tour, fut prins & tiré de ladicte prison, & apres qu'il eut esté confessé fut mis & bouté tout vif dedans vne pipe de maluoisie deffoncée par l'un des bouts la teste en bas: & y demoura iusques a ce qu'il eut rendu l'esprit. Et puis fut tiré dehors, & luy fut le col coupé: & apres enseuely & porté enterrer aux Carmes avecques sa femme, iadis fille du

Comte de Vvaruich, qui mourut à la iournée de Conueneray avecques le Prince de Galles fils du saint Roy Henry d'Angleterte de l'Anclastre.

A V D I T temps aduint à Paris, qu'un nommé Daniel de Bar seruiteur de maistre Olliaier le Dain premier barbier & varlet de chambre du Roy, fut mis & constitué prisonnier en la court de Parlemēt, pour raison de plusieurs plainctes qui furent baillées à ladicte Court à l'encontre dudit Daniel: & mesmemēt à la complaincte d'une nommée Marion femme dissolue, qui chargeoient ledit Daniel de les auoir efforcées: & en elles fait & commis l'ord & villain peché desordonné. Et apres que ladicte court & par la iustice du Preuost de Paris, eut esté vacqué par longue espace de temps à besongner audit proces: icelles femmes se desdirent desdictes charges, en confessant par elles qu'icelles charges auoient faictes à la petition & requeste dudit Panier, & d'un nommé lanuier comme ennemis dudit Daniel: & pour eux venger de luy: Pourquoy lesdictes deux femmes par sentence du Preuost de Paris, furent condamnée à estre battues nues & bannies du Royaume de France, leur biens & heritages confisquezz au Roy: sur quoy premierement seroient prins les dommages & interest dudit Daniel, premierement & auant toute euvre. Laquelle sentence fut prononcée & apres executée par les carrefours de Paris, le mercredi xj. iour de Mars audit an quatre cens lxxvij.

A V D I T an & mois de Mars le Roy qui estoit à Tours, s'en vint vers Paris loger à Ablon sur Seine, en un hostel appartenant à Marc Senamy eleu de Paris, où il ne se iourna que deux iours, puis vint à Paris & coucher en son hostel des Tournelles: & d'illec le lendemain matin s'en alla en l'Eglise de Paris, faire son oraison à la benoiste Vierge Marie. Et icelle sainte s'en alla coucher à Louures & es lieux voisins, où il se iourna un peu de temps. Et apres alla à Hesdin, Amiens & autres lieux de Picardie, où le seigneur de Hauart de par le Roy Edouard d'Angleterre y vint, & communiqua de trouuer accord entre le Roy & les Flamans. Et du costé du Roy y fut commis le seigneur de S. Pierre & autres. Et durant ce temps le Roy feit tousiours passer son armée audit pays de Picardie, tant ceux de son ordonnance que nobles archiers de retenue, & autres gens de guerre en bien grand nombre.

1478. A V D I T temps audit mois de Mars quatre cens septante huit, apres Quasi modo, vint & arriua à Paris madame d'Orleans, monseigneur le Duc d'Orleans, un ieune enfant fils du Duc de Cleues nepueu d'icelle dame, madame de Nerbonne fille du feu Duc d'Orleans & femme de monseigneur le Vicôte de Nerbonne fils du Comte de Foix, le fils du Comte de Vendosme & autres plusieurs seigneurs, gentils-hommes, dames & damoiselles, qui moult bien furent festoyez par deux fois en ladicte ville de Paris. Pour la premiere fois par monseigneur le Cardinal de Foix en l'hostel d'Estampes pres la Bastille. Et la seconde fois par monseigneur le Cardinal de Bourbon en son hostel à ladicte ville de Paris, qui y donna à soupper à icelle dame, à toute sa compaignie & plusieurs autres, le mercredi dernier iour de Mars audit an quatre cens lxxvij. Et fut ledit soupper moult honnorable, plantereux & bien honnestement seruy de tout ce qu'il estoit possible de trouuer, avecques chantes & plusieurs instrumens melodieux, farces, mommeries & autres honestes ioyeusetez. Et fut l'assiete dudit

dut soupper en la gallerie dorée, reserué madiète dame de Nerbonne, qui estoit fort grosse: qui pour son aise auoir avecques monseigneur son mary & iusques au nombre de huict, soupperent en vne chambre basse dudit hostel au logis de Iean Roye, secretaire de monseigneur le Duc de Bourbon & garde dudit hôtel de Bourbon.

Comment l'argent pour les gages des Flamans fut prins par les gens du Roy: lesquels depuis prindrent la ville de Condé: d'un Cordellier nommé frere Antioine Fradin, qui prescha à Paris, & en apres fut mis en exil: d'un Legat enuoyé du Pape au Roy & au Duc d'Autriche: de la deception dudit Duc d'Autriche, enuers le Roy: & de ce qui en fut appointé, & de plusieurs villes que Charles d'Amboise recourra pour le Roy au Duché de Bourgogne.

A V mois d'Auril audit an mille quatre cens lxxviij. fut sceu par Guerin le Groin baillif de S. Pierre-le-Môstier, & Robinet du Quesnoy: Lesquels & chacun d'eux auoient charge de cent lances de l'ordonnance du Roy: & qui estoient en garnison au païs de Picardie, que les Flamens venoient à Douay, pour apporter argent à ceux dudit lieu pour leurs gages & souldées, & aussi pour les affaires de ladiète ville. Lesquels capitaines se meirent aux champs pour gagner ledit argent, ce qu'ils feirent: & tuerent ius ceux qui le portoiét, & en tuerent aucuns & plusieurs prisonniers y furent prins. Et pource que ceux de ladiète ville de Douay & de l'isle lez Flâdres, eurent certaines nouuelles de ladiète destrouffe, se meirent aux champs pour rescourre ledit argent & prisonniers: & nonobstant qu'ils feussent moult grand nombre, nosdits gens se sauuerent par-my eux: en tuerent quatre vingts & mieux, & en emporterent ledit argent par eux gaigné, & n'y mourut point des gens du Roy plus de vingt six ou vingt sept hommes.

A v mois de May audit an mille quatre cens lxxviij. le Roy qui estoit audit païs de Picardie ne feit gueres de choses, sinon de gagner & auoir par sa puissance vne petite ville nommée Condé, qui estoit tenue pour les Bourgongnois: laquelle estoit fort nuisante à auitailler & porter viures à ceux de la cité de Tournay. Dedans laquelle ville y auoit des gens de guerre du party du Duc en Autriche, qui se laisserent battre. Mais en fin quand ils apperceurent le grand ost qui leur estoit apparent, ils prindrent composition avecques le Roy de luy bailler ladiète ville & le chasteau. A quoy le Roy les receut & s'en allerent eux & leurs biens saufs.

En ladiète année vint à Paris vn Cordellier, natif de Ville-Franche en Beauiois pour prescher à Paris & blasmer les vices: & y prescha bien longuement disant & publiant les vices, dont les creatures estoient entachées. Et par ses parolles y eut plusieurs femmes qui estoient données aux plaisances des hommes, & autres pechez qui de ce se retrahirent. Et aucunes d'icelles se meirent & rendirent en religion en delaisant leurs plaisances & voluptez, où par auant estoient demeneez. Et si blasma tous les estats: & si prescha de la iustice, du gouvernement du Roy, des Princes & seigneurs de ce Royaume: & que le Roy estoit mal scruy, & qu'il auoit autour de luy des seruiteurs qui luy estoient traistres: & que s'il ne les mettoit dehors, qu'ils le destruiroiet & le Royaume aussi.

Desquelles choses en vindrent nouuelles au Roy, parquoy ordonna qu'on luy deffendist le prescher. Et pour ceste cause vint à Paris maistre Oliuier le Dain barbier du Roy pour luy faire deffendre le prescher, ce qui luy fut interdit. Ce qui fut à la grand desplaisance de plusieurs homes & femmes, qui fort s'estoient rendus enclins à le suiure & ouïr ses parolles & predications. Et pour doubte qu'on ne le print ne qu'on ne luy feit aucun opprobre, le firent veiller nuit & iour dedans le conuent des Cordeliers dudit lieu de Paris. Et si disoit on que plusieurs femmes y alloient curieusement de nuit & de iour, qui garnissoient en leurs patois de pierres, cendres, cousteaux muez & autres ferremens & bastons, pour frapper ceux qui luy voudroient nuire ou empescher sadieste predication. Et qu'ils luy disoient qu'il n'eut poinr de paour & qu'ils mourroient auant qu'esclandre luy aduenist.

D V R A N T ces choses sen alla en Picardie vn Legat de par le Pape, pour remonstrer au Roy & au Duc d'Autriche le grand mal que faisoient les Turcs infidelles à l'encontre de la Chrestienté, en les exhortant de faire paix entre eux: & d'eux deliberer d'eux exposer à la deffence de ladieste Chrestienté, & destruire lesdits infidelles. Au moyen dequoy fut vn peu cessé ladieste guerre, en esperant de trouuer accord en leursdits debats: mais nonobstât ce ne cesserent point les Bourgongnons de la Duché & Comté de Bourgogne, de tousiours faire guerre ausdits pays & à l'armée que le Roy y auoit enuoyée. Et de prendre sur les gens du Roy, villes, chasteaux & places par le Roy recourez: & y tuerent des gens du Roy & francs archiers bien grand nombre.

E T le mardy xxvj. iour de May fut crié à son de trompe & cry publicque par les carrefours de Paris, comme de toute ancienneté il soit de coustume, & qu'il ne loïse à nuls de quelque estat qu'ils soient, de faire assemblées de gens en la ville de Paris sans le congé & licence du Roy ou de sa iustice. Et que ce neâtmoins au moyen de certains sermons & predications puis nagueres faits en ladieste ville par frere Anthoine Fradin de l'ordre des Cordeliers, plusieurs personnes se sont assemblez & venus au conuēt desdits Cordeliers pour illec garder ledit Cordelier: auquel n'auoit esté fait aucun opprobre par le Roy ne sa iustice: mais y auoient esté enuoyez seulement aucuns des conseilliers du Roy, pour l'interroguer sur aucunes choses & matieres secretes: dont le Roy en vouloit sçauoir la verité. Et illec s'estoient tenus nuit & iour pres d'iceluy frere Anthoine, & pour le garder siccomme ils disoient. Laquelle chose estoit en grand esclandre: parquoy & par l'aduis de la court de Parlement & Preuost de Paris, estoit interdit & deffendu à toutes personnes de quelque condition qu'ils feussent, de non plus faire lesdites assemblées en ladieste Eglise des Cordeliers ne ailleurs sur peine de confiscation de corps & de biens. Et qu'au regard de ceux qui ainsi estoient assemblez audit lieu des Cordeliers, incontinent apres le cry se departissent & allassent chacun en sa maison sur lesdites peines. Et aux maris qu'ils feissent deffence à leurs femmes de plus aller ne eux tenir ausdites assemblées. Apres lequel cry ainsi fait que dit est, fut par grand desfrision crié par plusieurs des escoutans, que ce n'estoit que follie, & que le Roy ne sçauoit riens des choses dessusdictes. Et que c'estoit mal fait d'auoir ordonné de faire ledit cry.

Et le lundy premier iour de Iuing audit an, par le premier President de Parlement & autres, qui se disoient auoir charge du Roy : fut dit & declairé audit frere Anthoine Fradin, qu'il estoit à tousiours bāny du Royaume de France: & que pour ce faire il vuidast incontīnēt & sans arrester hors d'iceluy Royaume, ce qu'il feist & vuida le lendemain de ladicte ville de Paris qui fut mardy secōd iour dudit mois de Iuing mille cccc.lxxviij. Et quand ledit frere Anthoine partit dudit lieu des Cordelliers de Paris, y auoit grand quantité de populaire criās & souppirans moult fort son departement, & en estoient tous fort mal contēs. Et du courroux qu'ils en auoient disoient de merueilleuses choses : & y en eut plusieurs tant hommes que femmes qui le suiuiοient hors de la ville de Paris iusques bien loing, & puis apres s'en retournerent.

A V D I T temps le Roy qui estoit allē au païs de Picardie en intētion d'auoir & mettre en ses mains & obeissance les villes & places & païs, que tenoit le defunct Duc de Bourgongne au iour de son trespas, cōme appartenans au Roy & à luy acquises par la rebellio & desobeissance du deffunct Duc de Bourgōgne : & qui pour icelles auoir y auoit menēe la plus belle & grande quātitē d'artillerie & gens d'armes de son ordonnāce, francs archiers & nobles hōmes, qui oncques fut veüe en France. Et demoura longuement audit païs cuidant tousiours auoit les Flamens, & le Duc Maximien d'Autriche qu'ils appelloient leur seigneur. Soubz vmbre duquel auoir fut enuoyē deuers le Roy luy estant à Cambray & en la citē d'Arras ambassadeurs dudit Duc d'Autriche, qui pour parlerēt de bailler au Roy paisiblement les Comtez d'Arthois & de Boulongne, l'Isle, Doūay & Orchies, S. Omer & autres villes auecques la Duchē de Bourgongne entiere. Et soubz vmbre desdictes promesses, le Roy leur bailla la iouissance de Cambray, Queſnoy, le Comte, Bouchain & autres villes. Et pour estre plus pres du Roy pour communiquer des choses dessusdictes, s'en vint loger & parquer ledit Duc d'Autriche luy & son ost, qu'on disoit estre vingt mille combattās & mieux entre Doūay & Arras. Et illec tindrent le Roy en belles parolles soubz vmbre desdictes promesses, iusques en la fin dudit mois de Iuing, que le Roy n'eut aucune chose de ce qui luy auoit esté promis. Et si auoit eu liberallement du Roy iceluy Maximien lesdictes villes, cuidāt que de son costē fut entreteñu ce q̄ promis luy auoit: dōt il ne feist riēs & n'y eut aucune cōclusiō sur ce prinse.

D V R A N T ledit mois de Iuing l'armēe que le Roy auoit enuoyēe en la haute Bourgongne, pour recouurer ses villes contre luy rebellēs: & dōt auoir la charge le gouuerneur de Champagne nomē d'Amboise, prospera fort & regaignerent & meirent ēs mains du Roy la ville de Verdun, Monſauion, & Semur en l'Auxois, tant par assault que par cōposition. Et apres allerēt mettre le siege deuant la ville de Beaulne, où ils furent depuis par aucun tēps & iusques au cōmēcemēt du mois de Iuillet ensuiuāt: & audit an lxxviij. que ladicte ville de Beaulne se rēdit au Roy par cōposition ēs mains du gouuerneur Charles d'Amboise: tellement qu'ils eurent leurs vies & biens saufs, & payerent en ce faisan par forme d'amende pour leurs deffauts xl. mille escus: & si furent condānez à rendre & restituer tout le vin & autres debtes qu'ils pouoient deuoir aux marchans de Paris & autres marchans du Royaume, tāt en vin par eux vėdu & non liurē, que d'argent à eux baillē & prestē. Et au regard des gens de guerre ils s'en allerēt par

gneur de Beaujeu, monseigneur le Chaneellier & plusieurs autres nobles homes du conseil du Roy. Lequel monseigneur le Chaneellier en la presenee de monseigneur de Beaujeu & autres, dit & declaira les causes pourquoy ladicte assemblée estoit ainsi faicte audit Orleans, & les causes qui mouuoient le Roy d'auoir fait faire icelle assemblée: laquelle proposition fut respondue par maistre Iean Hue Doyen de la faculté de Theologie pour ladicte vniuersité de Paris, qui en ce faisant feit de grandes remonstrances & parla fort & hardimée, pourcee qu'il estoit aduoué de par lesdits de l'vniuersité de Paris. Et aussi y parla pour ladicte vniuersité de Montpellier vn autre grand clere, qui aussi parla moult bien. Et apres qu'icelle assemblée eut illec esté certaine espace de renuis, le Roy vint à sa deuotion en l'Eglise nostre Dame de Clergy: Et apres sa deuotion faicte alla audit lieu d'Orleans, où il ne seiourna que demie iournée. Et apres qu'il sen fut retourné, tout ledit conseil ainsi assemblé que dit est, sans conclurre: se departit & alla chacun, dont il estoit party pour y venir: & fut ledit conseil remis à Lyon au premier iour de May apres enluiuant.

A P R E S le Roy estant audit pays de Touraine, enuoya ses lettres closes à ses bons bourgeois de Paris, leur faisant sçauoir quand il auoit enuoyé ses ambassadeurs par deuers le Roy de Castille & de Leon sur aucuns differens, qui estoient entre le Roy & luy, afin de trouuer auec un bon accord entre eux sur lesdits differens. Lesquels ses ambassadeurs estoient retournez dudit voyage: & auoient rapporté, que ledit Roy de Castille estoit bien content du Roy: & luy auoit promise & iurée bonne amour & vraye allianee: pourquoy le Roy voulut de ces choses estre loué & regracié Dieu nostre createur & la benoiste glorieuse Vierge Marie, mandoit ausdit de Paris que de ce ils feissent processions generales à Paris: & que les feux fussent faits parmy les rues de ladicte ville, laquelle ehofe fut faicte. Et furent icelles processions faictes, qui allerent de nostre Dame à madame sainte Geneuiefue au mont de Paris: & y fut illec presté par le Prieur des Carmes, qui illecques declaira bien au long & honnorablement l'intention & contenu desdictes lettres du Roy.

E N ladicte année au mois d'Octobre aduint au pays d'Auuergne, qu'en vne religion de Moynes noirs appartenant à monseigneur le Cardinal de Bourbon, y eut vn des religieux dudit lieu, qui auoit les deux sexes, d'homme & de femme: & de chacun d'eux sayda, tellement qu'il deuint gros d'enfant: pourquoy fut prins & saisy & mis en iustice, & gardé iusques à ce qu'il fut deliuré de son apostume, pour apres ieeul venu, estre fait dudit religieux ce que iustice verroit estre à faire.

A V D I T pays aduint aussi qu'un gentil-homme dudit pays d'Auuergne, nourrissoit vn lion qui luy eschappa & le perdit par aucun tēps, qu'il ne sçauoit où il estoit, ne qu'il estoit deuenue. Laquelle beste sen alla à l'escair & sur auens chemin, là où mägea & deuora plusieurs creatures tant hommes que femmes: pour cause dequoy grand nombre de gens dudit pays se meirēt sur les champs pour le tuer, & y alla aussi sondit maistre: & tant firent qu'ils trouuerent ladicte beste. Laquelle entre autres personnes reeogneut & vint à sondit maistre, & incontinent fut tué & meurdry. Et pareillement aussi audit pays y sourdit vne fontaine en lieu, où iamais n'en auoit point eu: & illec deliue la terre mouuant

& tremblant merueilleusement.

A V D I T an lxxviii. au mois de Nouembre, vn nommé Symon Courtois, que le Roy auoit fait son procureur general par toute la Comté d'Arthois : au moyen de la trefue qui estoit entre le Roy & les Flamens, se partit de la ville d'Arras faignât aller à ses affaires au pays de Flandres. Auquel pays s'en alla par deuers la Comtesse dudit Flandres femme de Maximien d'Autriche: par deuers laquelle & non content de l'honneur à luy fait par le Roy, de l'auoir ainsi créé son dit procureur general en ladicte Comté, dit à icelle Comtesse qu'il estoit bien son seruiteur comme ses autres parens auoient esté. Et qu'elle voulsist prendre de luy le serment & créer son dit procureur, & de raison elle luy reuandroit: & aimoit mieux qu'elle fut & demourast en ses mains qu'en celles du Roy: lesquelles choses qui furent sceües par le gouuerneur dudit Arras pour le Roy, fut ledit Symon Courtois prins & faizy & mené deuers le Roy à Tours, où il confessa tout ce que dit est dessus: Et à ceste cause il fut decapité.

A V D I T an lxxviii. le lundy deuant les Roys, aduint que plusieurs officiers du Roy en son artillerie firent assortir vne grosse bombarde, qui en ladicte année auoit esté faicte à Tours pour illec essayer & esprouuer: & fut acculée la queue d'icelle aux champs deuant la Bastille S. Anthoine. Et la gueulle d'icelle en tirant vers le pont de Charenton: laquelle fut chargée pour la premiere fois, & tira la pierre d'icelle de vollée iusques à la iustice dudit pont de Charéton. Et pource qu'il sembla aux dessusdits, qu'elle ne fesoit pas bien deschargée de toute la pouldre qui mise & boutée auoit esté dedans la chambre d'icelle bombarde: fut ordonné par les dessusdits qu'encores seroit chargée de nouveau, & q̄ de rechief seroit tirée par seconde fois: & qu'auât ce elle seroit nettoyée dedans la chambre d'icelle auant que d'y mettre la pouldre, ce qui fut fait: & fut faicte charger & boutée la boulle qui pesoit cccc.liures de fer dedas la gueulle d'icelle bombarde: à laquelle gueulle estoit vn nommé Iean Maugué fondeur, qui icelle bombarde auoit faicte: laquelle boule en roullant au long de la vollée contre le tampon de la chambre d'icelle bombarde, se deschargea incontinct sans scauoir dont le feu y vint. A cause dequoy elle tua & meurdrit, & meit en diuerses pieces ledit Maugué & iusques à quatorze autres personnes de Paris: dont les testes, bras, iambes & corps estoient portez & iectez en l'air & en diuers lieux. Et alla aussi ladicte boule tuer & mettre en pieces & loppins vn pauvre garçon oiseleur, qui tendoit aux champs aux oiseaux. Et de la pouldre & vent de ladicte bombarde, y en eut quinze ou seize autres personnes qui tous en eurent plusieurs de leurs membres galez & bruslez, & en mourut plusieurs depuis: & tellement que de ceux qui y moururent ledit iour, que de ceux qui furent happez dudit vent, en mourut en tout de xxij. à xxiiij. personnes: Et apres le trespas dudit Maugué fondeur de ladicte bombarde, son corps fut recueilly, enseuely & mis en biere & porté à S. Medry à Paris son patron pour y faire son seruice. Et fut crié par les carrefours de Paris qu'on priaist pour ledit Maugué, qui nouvellement estoit allé de vie trespas entre le ciel & la terre au seruice du Roy nostre sire.

E N ladicte année le mardy second iour de Mars le corps d'un nommé Laurens Garnier de la ville de Prouins, qui auoit par atrest de la Court de Parlemēt esté pendu

pendu & estrégé au gibet de Paris vn an & demy par auant ledit iour, pour occasion de ce qu'il auoit tué & meurdry vn collecteur ou receueur de la taille dudit lieu de Prouins: & duquel cas il auoit obtenu remission qui ne luy fût point enterinée par ladicte Court: fut au pourchas d'un sien frere fait despendre dudit gibet par Henry Cousin executeur de la haute iustice audit lieu de Paris. Et illec fut enseuely ledit corps & mis en vne biere, couuerte d'un corceuil: & dudit gibet mené dedans Paris par la porte S. Denys: & deuant icelle biere alloient quatre crieurs de ladicte ville sonnant de leurs clochettes, & en leurs poitrines les armes dudit Garnier. Et autour d'icelle biere y auoit quatre cierges & haict torches, qui estoient portez par hommes vestus de dueil & armoyez, comme dit est. Et en tel estat fut mené passant parmy ladicte ville de Paris iusques à la porte S. Anthoine, où fut mis ledit corps en vn chariot couuert de noir, pour mener inhumer audit Prouins. Et l'un desdits crieurs qui alloit deuant ledit corps crioit: bonnes gens dictez voz patenostres pour l'ame de feu Laurens Garnier, en son viuant demourant à Prouins qu'on a nouuellement trouué mort sous vn chesne: Dictez en voz patenostres que Dieu bone mercy luy face. En ladicte année audit mois de Mars le iedy xviij. iour dudit mois, vn gentil-homme nommé Oriole natif du pays de Gascogne, qui au parauant auoit eüe la charge & conduite de par le Roy de cent lances de son ordonnance: laquelle charge & ordonnance le Roy auoit nouuellement fait casser avec autres, laquelle chose il print à desplaisance. Et à ceste cause fut rapporté que ledit Oriole parloit mal & vsoit de menasles: & qu'avec ce aussi qu'il meit en deliberation avec les lieutenants de sa compagnie de laisser le Roy & son seruice, & aller seruir en guerre son aduersaire le Duc en Autriche. En quoy faisant commettoit crime de leze Majesté enuers son souverain seigneur: pour lesquels cas & autres, furent iceux Oriole & sondit lieutenant decapitez en la ville de Tours ledit iour de iedy. Et apres ladicte execution faicte, furent portez par maistre Denys Cousin executeur de la haute iustice, & qui auoit executé ledit Oriole & sondit lieutenant, leurs testes & partie de leurs membres attacher & mettre aux portes d'Arras, Bethune au pays de Picardie. Audit an & mois de Mars fut aussi prins prisonnier à Paris vn nommé le seigneur de Mauues, qui aussi auoit esté cassé de la charge de cent lances, dont aussi auoit eüe la charge pour le Roy: & fut prins en l'hôtel du Cornet pres S. Iean en Greve, par Philippe l'Huillier escuyer capitaine de la Bastille S. Anthoine, & par luy on par autres mené prisonnier audit lieu de Tours par deuers le Roy, qui lors y estoit. Et depuis fut deliuré comme ignorant des cas à luy imposez.

De l'ordonnance du Roy en ses guerres. Et des Flamens mis dedans Cambray: de plusieurs villes prinsez, en Bourgongne pour le Roy: lequel pource fit aucuns voyages en Champagne: des ambassadeurs d'Espagne: & du Duc d'Albanie qui vint à Paris: d'une desconfiture sur le Duc d'Autriche assez pres de Théroüenne, où fut prins le fils du Roy de Poulaine: d'une autre grãde execution: & destrouffe faicte par les gens du Roy, qui gaigerent xviij. places, & quatre vingts nauires de Flandres que Conlon print en Normandie pour le Roy, en l'an mille cccc. lxxix.



V mois d'Auril mille cccc.lxxix. apres pasques le Roy qui estoit au pays de Touraine, delibera du fait de la guerre, & de ce qu'estoit de faire touchât le fait d'icelle: pource que la trefue qui sur ce auoit esté entre luy d'une part & le Duc en Autriche d'autre part, estoit presques faillie. Et que par ledit d'Autriche n'auoit esté aucune ambassade enuoyé deuers luy, pour accord faire entre eux sur leurs differens. Et pour conclusion de ce qu'ils auoient à faire apres la fin d'icelle trefue. Au mois de May ensuiuant, nonobstant que ladicte trefue ne fut expirée ne faillie, les manans & habitans de la ville de Cambrai, meirent & bouterent les Picards, Flamens & autres ennemis du Roy, tenans le party dudit Duc d'Autriche dedans ladicte ville de Cambrai. Et d'icelle en dechasserēt & meirent dehors les gens de guerre, qui estoient dedans le chasteau de ladicte ville de par le Roy: nonobstant que ladicte ville le Roy auoit laissée & baillée en la garde & confidence du seigneur de Fiennes: & incontinent apres vindrent de trois à quatre cens lances desdits Flamens, & Picards deuant la ville & chaste de Bouchain: dedans laquelle n'y auoit en garnison pour le Roy que xvj. lances qui se retrahirent dedans ledit chaste, pource qu'ils apperceurent que les habitans dudit Bouchain auoient deliberé de mettre lesdits ennemis du Roy dedans leur ville, incontinent qu'ils y seroient arriuez, ce qu'ils firent. Et incontinent eux arriuez vindrent lesdits habitans assaillir lesdits gens du Roy, que par force ils prindrent & les tuerent tous dedans ledit chasteau: & de tous ceux qui y estoient n'en eschappa qu'un seul, lequel s'enferma dedans une chambre. Et par un tuiau des chambres aisées, se laissa choir dedans les fosses & se sauua: desquelles entreprinſes & choses ainsi faictes, le Roy en fut fort mal content & non sans cause, veu que ladicte trefue rompue & entreprinſes dessusdictes, ne se faisoient point pour aucune faute ou coulpe que eussent fait les gens de guerre du Roy sur lesdits ennemis. Et à ceste cause le Roy enuoya certain grand nombre d'artillerie en la Duché & franche Comté de Bourgogne, avecques grand nombre de nobles hommes & Francs archiers du Royaume de France, par deuers le gouverneur de Champagne qui estoit gouverneur & lieutenant general du Roy audit pays, & mettre de rechef en sa main. Et y besongnerent lesdits gouverneur & ceux de sa compagnie si vaillamment, que par assaut & port d'armes ils gaignerent d'assaut le chaste de Rochefort, & tuerent ceux qui estoient dedans en pillant tout ce que ils y trouuerēt. Et de là s'en allerent deuant la cité de Dole, laquelle fut fort battue d'artillerie: & apres fut assaillie tellement qu'elle fut prinſe d'assaut, à cause dequoy plusieurs gens de façon & bons marchans y moururent, & si fut ladicte ville arrasée & mise par terre.

A v mois de Iuing ensuiuant messire Robert d'Estouteuille cheualier; seigneur de Beyne, qui auoit esté preuost de Paris par l'espace de quarante trois ans, alla de vie à trespas audit lieu de Paris. Et en son lieu le Roy donna ledit office de preuost de Paris à laques d'estouteuille fils dudit deffunct preuost: en faueur de ce qu'il disoit, que ledit deffunct l'auoit bien & loyaument seruy à la rencontre de Montlehery & autres diuers lieux. Durant ces choses le Roy estant à Montargis, ouït les nouuelles des choses dessusdictes, dont il fut fort ioyeux: & lors se partit & s'en alla à nostre Dame de la Victoire pres Sélis y faire
les

ses offrandes:& de là s'en vint au bois de Vincennes, où il ne seiourna qu'une nuit. Et d'illec se partit & print son chemin pour aller à Prouins, & de là au pays de Champagne, à Langres & autres lieux: & ce pendant fut chargé à Paris par l'arriere de Seine moult grand nombre de belle & grosse artillerie: entre laquelle y auoit seize grosses bombardes toutes de fonte, & grand quantité de pouldres & salpestre, pour mener à Chaalons en Champagne, à Bar-le-Duc: & d'illec aller cōquieser la Duché de Luxembourg, mais ledit voyage fut rompu & n'en fut riens fait. Et le samedy tiers iour de juillet audit an lxxix. vint & arriua à Paris vne moult belle & honneste ambassade du pays d'Espagne, que menoit & conduisoit pour le Roy l'Euesque de Lombais, Abbé de S. Denys en France. Et les receurent aux champs hors de ladicte ville les Preuost des marchans & escheuins de ladicte ville, & autres estats d'icelle ville. Et apres leur entrée faicte en icelle ville, s'en allerent à S. Denys, où ils furent fort festoyez par ledit Abbé dudit lieu. Et aussi audit lieu de Paris par aucuns des gens & officiers du Roy estans en icelle. En icelle année lxxix. arriua en France vn ieune Prince du Royaume d'Ecosse, qui par ledit Roy estoit dechassé hors dudit Royaume: lequel s'en vint au Roy à refuge, qui luy feit faire grand honneur à l'entrée qu'il feit à Paris: car au deuant de luy furent aux champs par la porte S. Anthoine sur le chemin allant au bois de Vincennes, tous les estats de Paris & en la compagnie de monseigneur de Gaucourt, qui comme lieutenant du Roy, le recueillit bien honorablement: & d'illec fut amené & conduit dedans Paris & mené loger en la rue S. Martin, combien que de sa compagnie & gens de nation n'auoit avecques luy que de dix à douze cheuaux. Et le feit le Roy accompagner par messeigneurs de Monypigny cheualier, le seigneur de Congressault qui estoit aussi Escossois. Au mois d'Aoust ensuiuant les Picards, Flamens & autres ennemis du Roy, estās logez és pays de Flandres & autres villes contraires au Roy, se meirent sur les champs, tendans affin de trouuer & combattre les gens du Roy, & vindrent pource faire pres de la ville de Theroüenne: laquelle ville tenoient les gens du Roy, & lesquels ennemis cuidoient auoir & emporter ladicte ville par force & violence. Et apres leur venue la batirēt fort de leur artillerie, à quoy il fut moult vaillamment resistē, & contredit par mōseigneur de S. Andry, comme lieutenant de cent lances de monseigneur le Duc de Bourbon & autres capitaines & nobles hommes de l'ordonnance du Roy. Et dudit exploit en furent aduertis les autres gens de guerre, estans pour le Roy en garnison esdits pays de Picardie: tous lesquels pour secourir ceux de Theroüenne & ladicte ville, s'assemblerent & meirent sur les champs, & vindrēt trouuer lesdits Picards, Flamens & autres gens de guerre ennemis du Roy à vne lieuë pres dudit Theroüenne: lesquels ennemis & aduersaires estoient en moult grand nombre, comme soixante mille combattans, qui estoient menez & cōduits par ledit Duc en Autriche, le Comte de Romont & plusieurs autres seigneurs tenants ledit party: desquels vindrent frapper les gens du Roy estans en garnison audit Theroüenne, avecques plusieurs des compaignies des lances, que le Roy auoit en Picardie: dont auoit la conduicte le seigneur des Querdes & autres capitaines avecques luy: tous lesquels par grand vigueur & honneste courage frapperent dedans lesdits aduersaires & ennemis, & tellement qu'ils desfirent

toute l'auantgarde dudit Duc au pays d'Autriche. A ceste cause dequoy y eut moult grand occision des gens dudit Duc, & y perdirent beaucoup de biens & furent menez chassans. Et pource que aucuns Frانس-archies du Roy, qui suiuoient ladiète chaste se meirent à piller le bagage & autres biens laissez par les dessusdits aduersaires ainsi chassez, cōme dit est: vint & arriua sur lesdits Frانس-archiers & autres gens de guerre le Comte de Romont, qui bien auoit de xiiij. à xv. mille pietons picquiers, qui tuerent partie desdits Frانس-archiers & autres gens de guerre. Et tant y en mourut des deux costez, qu'on disoit & estimoit les morts de xiiij. à xv. mille combattans. Dont en y eut desdits Bourgongnons, Picards & Flamans de morts enuiron de vnz à douze mille combattans sans les prisonniers: dont les gens du Roy prindrent grand quātité. C'est à sçauoir comme de neuf cens à mille prisonniers: entre lesquels y fut prins vn des fils du Roy de Poulaine, & vn autre ieune fils qu'on disoit estre le mignon dudit Duc d'Autriche, avecques grand nombre de gens de bonne & grande maison & tous bōs prisonniers. Et au regard des gens de l'armée du Roy, y mourut le capitaine Beauuoisien, & Vvaste de Mompedon Baillif de Roüen: & des gens de guerre de l'ordonnance du Roy, y mourut enuiron trois cens archiers de ladiète ordonnance sans les Frانس-archiers. Et apres ladiète desconfiture ainsi faicte que dit est, ledit Duc en Autriche, le Comte de Romont & autres de leur compagnie se rallierent & vindrent deuant vne place nommée Malaunoy, dedans laquelle estoit vn capitaine Gascon nommé le Cadet Remonnet, & avec luy de sept à huict vingts lacquets arbalestriers aussi Gascons: laquelle place par lesdits d'Autriche & Romont fut assaillie. Et par lesdits Gascons fut fort resisté, mais en fin furent emportez d'assault & y moururent la plus part desdits lacquets: & les autres se ietterent dedans les fosses. Et au regard dudit Cadet il fut prins prisonnier, & mené par assurance deuers ledit d'Autriche: lequel nonobstant ladiète assurance & trois iours apres ladiète prinse, & de sang froid & rassis, ledit d'Autriche le feit pendre & estrangler. Et pour vengeance faire de sa mort le Roy tresmal content d'icelle, feit pendre iusques au nombre de l. des meilleurs prisonniers que les gens d'armes eussent en leurs mains, & par le Preuost des Mareschaux, lequel les feit pendre: c'est à sçauoir sept des plus especiaux prisonniers au propre lieu, où le Cadet Remonnet auoit esté pendu, dix autres prisonniers deuant Douay, dix autres deuant S. Omer, dix deuant la ville d'Arras & dix deuant Lisle. Et estoit ledit Preuost accompagné pour faire faire ladiète execution, de huict cens lances & six mille Frانس-archiers: tous lesquels apres icelle execution faicte, s'en allerent costé le Comte de Guynes: & en reuenant iusques en Flandres prindrent xvij. places & maisons fortes, & tuerent & brullerent tout ce qu'ils trouuerent: & en amenerent beufs, vaches, cheuaux iusques es autres biens: & apres s'en retournerent en leursdictes garnisons. Audit tēps fut prins sur mer par Coulon & autres escumeurs de mer en Normandie pour le Roy, iusques à quatre vingts nauires de Flandres, qui estoient allez querir des seigles en Puce pour aitailler le pays: & tout le Harene de la Peche d'icelle année, où il fut fait la plus grād desconfiture qui passé a cent ans fut faicte sur mer, en la grande confusion & destruction desdits Flamans.

D'une ambassade d'Angleterre vers le Roy : d'aucune commission donnée contre le Duc de Bourbon: de l'Euesque de Constance prisonnier en la conciergerie. Du Legat Cardinal de S. Pierre ad vincula en France, & autres parties. Le Roy feit deliurer de prison le Cardinal Baluë: Des Suisses mis sus au lieu des Frances-archiers. D'un grâd hyuer: des trefues qu'eurent les Flamâs, & autres avecques les Anglois, en l'an mille quatre cens quatre vingts.

EN l'année mille quatre cens quatre vingts, passerent la mer d'Angle- 1480.
terre pour venir en France par deuers le Roy, le seigneur de Hauart,
vn prothonotaire & autres ambassadeurs Anglois, pour le fait de l'en-
tretienement de la trefue d'entre le Roy & le Roy d'Angleterre. Les-
quels ambassadeurs furent bien receuz du Roy, & leur feit on bonne chiere &
grande, & s'en retournerent apres leur expedition. Et leur fut donné par le Roy
de l'or contant & de belle vaisselle d'argent. Audit an mille quatre cens & qua-
tre vingts, le Roy bailla lettres de commission à maistre Iean Avin cōseillier en
sa Court de Parlement, & à Iean Doyac de la ville de Cusset en Auuergne, pour
faire sur monseigneur de Bourbon ses villes, payïs, officiers & bons subiets plu-
sieurs damnez exploits & nouuelletez, que lesdits cōmissaires prindrent ioyeu-
sement à faire, cuidans destruire & porter dommage audit monseigneur le Duc
contre Dieu & raison & sans cause: mais pour complaire à la voullenté du Roy,
qui le menoit, afin de destruire ledit seigneur & mettre en exil. Et par lesdits
cōmissaires en ensuiuant leutdicte commission, feirent adiourner à compa-
roir personnellement en la Court de Parlement à Paris la plus part des officiers
d'iceluy monseigneur le Duc: comme son Chancelier, son Procureur general,
le capitaine de sa garde & autres plusieurs en grand nombre, qui y comparurét
au iour à eux assigné, où par cōmissaires d'icelle court furent examinez: &
pource furent longuement detenus en arrest en ladicte ville: à l'encontre des-
quels maistre François Hasle aduocat du Roy en ladicte Court de Parlement
plaidoit pour son plaisir faire, contre Dieu & raison, le service de corps & d'a-
me. Et apres par ladicte Court furent eslargis & renuoyez en leuts maisons. Et
apres ces choses ainsi faictes, fut aussi adiourné à comparoir en ladicte Court
maistre Iean Hebert Euesque de Constances, pour respondre des crimes & cas
à luy imposez, où il vint & comparut: & fut sur ce interrogué & puis par arrest
de ladicte Court fut fait constituer prisonnier és prisons de la conciergerie, &
tous ses biens & temporel mis en la main du Roy. En ladicte année au mois
d'Aoust fut faicte trefue avec le Duc en Autriche pour sept mois, dont les trois
mois deuoient estre marchans, les trois autres d'abstinence de guerre, & le vij.
mois de repentailles. En ladicte année au mois de Septembre le lundy quart
iour dudit mois, vn Legat du Pape nommé le Cardinal de S. Pierre *ad vincula*,
qui estoit venu en France, & arriua en la ville de Paris, où il fut honnorablemēt
receu par tous les estats de Paris, qui allerent au deuant de luy par la porte S. Ia-
ques. Et par tout son chemin où il passa par ladicte ville, estoit tout rendu de ta-
pissierie iusques à l'Eglise nostre Dame de Paris, où il feit illec son oraïson. Et a-
pres icelle faicte s'en alla au logis qui luy estoit ordonné au college de S. Denys
pres les Augustins. Et l'accompagnoit & estoit tousiours pres de luy trefnoble

iresfreuerend pere en Dieu monseigneur le Cardinal de Bourbon. Et le lendemain qui fut mardy vj. iour dudit mois, maistre Oliuier le Diable dit le Dain barbier du Roy, festoya lesdits Legat, Cardinal de Bourbon & moult d'autres gens d'Eglise & nobles hommes, tant plantureusement que possible estoit. Et apres dîner les mena au bois de Vincennes esbatre, & chasser aux dains dedans le pare dudit bois, & apres s'en reuint chacun en son hostel. Et le iedy ensuiuant veille de la natiuité de la benoïste Vierge Marie & vendredy ensuiuant, ledit Legat fut aux vespres & messe en l'Eglise nostre Dame de Paris, où moult de gens de tous estats furent en ladicte Eglise, pour veoir faire ledit seruice audit Legat, qui le feit bien & honnorablement. Et le dimenehe ensuiuant xij. iour dudit mois, ledit Legat alla dîner & soupper en l'hostel de Bourbon à Paris, où mondit seigneur le Cardinal de Bourbon le festoya & y mena ledit Legat plusieurs Archeuesques, Euesques & autres seigneurs & gentils-hômes, où estoient l'Atcheuesque de Befançon & celuy de Sens, les Euesques de Chartres, celuy de Neuers, celuy de Theroüenne, celuy d'Amiens, celuy d'Aleth & autres, le seigneur de Curton, Moireau maistre d'hostel du Roy, & plusieurs autres gentils hommes & gens d'Eglise : où ils furent moult honnorablement festoyez. Et le lundy apres ensuiuant xij. iour dudit mois, ledit Legat se partit de Paris & s'en alla à S. Denys en France, où aussi il fut festoyé par l'Abbé de S. Denys : & dudit S. Denys s'en alla au pays de Picardie & Flandres, pour cuidoier communiquer avecques les Flamens, & Picards : & essayer de faire aucun accord entre le Roy & eux sur leurs differens, où il fut depuis par long temps : la pluspart d'iceluy sejournant à Peronne, cuidant auoir seur aceez d'entrer audit pays de Flâdres, où le Roy y enuoya aussi maistre François Hasle, le Preuost de Paris & autres, qui sans y riens faire retournerent à Paris. Et aussi retourna ledit Legat audir lieu de Paris, le iedy deuant Noël xxj. iour de Decembre mille cece. quatre vingts : lequel Legat alla veoir môseigneur le Cardinal de Bourbon, avec lequel il souppa & coucha. Et le lendemain s'en partit dudit hostel par la porte dorée, & passa la riuere iusques en l'hostel de Neelle, où il monta à cheual avecques ses gés qui illec l'attédoient. Et s'en alla iusques à Orleans, où il seiourna certain temps, pendant lequel le Roy feit deliurer le Cardinal Baluë & s'en alla audit Orleans deuers ledit Legat. Et en ce téps se tint le Roy au pays de Touraine, où il demoura par la pluspart de l'hiuer, & iusques à enuiron les Roys, qu'il s'en alla à Poitiers, & autres lieux : & puis s'en retourna à Tours, & aux forges vers la fin du mois de Ianuier. En ce temps le Roy feit casser & abbatre tous les francs archiers du Royaume de France, & en leur place y voulut estre & demourer pour seruir en ses guerres, les Suisses & picquiers. Et feit faire par tous coustelliers grand quantité de pieques, hallebardes & grans dagues à larges rouelles.

En ladicte année l'hiuer eommença tard, & ne gella point qu'il ne fut le lendemain de Noël iour S. Estienne : & dura iusques au huietiésme de Feurier, qui sont six sepmaines : durant lequel temps feit la plus grâde & aspre froidure, que les anciens eussent iamais veu faire en leurs vies. Et furent les riuieres de Seine, Marne, Yonne & toutes autres riuieres affluës en ladicte riuere de Seine, prinsees & gellées si tresfort, que tous charrois, gens & bestes passoient par dessus la
glace

glace. Et au desgel desdictes riuieres, en aduiut plusieurs grans maux & domages à cause desdictes glaces, qui en emporterent plusieurs ponts estans sur lesdictes riuieres. Et les glaçons feirent de grans domages: car ils rompirent & emporterent grand quantité de basteaux, dont partie s'en allerent frapper cōtre les ponts nostre Dame, S. Michel d'icelle ville de Paris: lesquels basteaux sauuerent plusieurs grans heurs, qu'eussent fait lesdits glaçons contre lesdits ponts, qui furent en bien grand dangier d'estre abbarus. Et pour la paour qu'en eurent les demourans sur lesdits ponts, desemparerent lesdits ponts eux & leurs biens, iusques le dangier en fut passé: & lesquels glaçons rompirent sept des pieux du moulin du Temple. Et à ceste cause ne vint point de bois à Paris par la riuieret & fut bien cher cōme de sept à huiet sous parisis le moule: mais pour secourir le poure peuple, les gens des villages amenerent en ladicte ville à cheuaux & charrois grād quātité de bois verd: & eust esté ledit bois plus chier, se les Astrologiens de Paris eussent dit verité: poutce qu'ils disoient que ladicte grande gelee durerait iusques au viij. iour de Mars: & il desgella trois semaines auant mais depuis ledit desgel, le temps fut fort froid iusques bien auant le mois de May. A cause de quoy plusieurs bourgeons des vignes, qui estoient trop auancez, furent perdus & gelez: & les fleurs des arbres & les fouches en diuers lieux perdues & gelées. Durant ledit huiet & iusques au mois d'Auril, que faillloit la trefue entre le Roy & les Flamens ne fut riens fait de costé ne d'autre, pource que lesdits Flamens enuoyerent leur ambassade deuers le Roy à Tours: ausquels il donna expedition & continua les trefues d'un an, esperant que durant iceluy se trouueroit quelque bon expedient de paix finale. Audit temps les ambassadeurs du Roy Edouart d'Angleterre vindrent par deuers le Roy, pour le fait de la trefue. Et print le Roy la peine d'aller deuers eux iusques à Chasteau-Regnault, où le Roy les ouï sur la matiere, pourquoy ils estoient venus: & illec furent expediez par le Roy, & puis s'en retournerent en Angleterre. Et apres leur partement fut dit & publié, que la trefue d'entre lesdits deux Roys estoit continuée pour bien lōg temps. Audit an mille quatre cens quatre vingts au mois de Mars, le Roy étant en son hostel du Plessis-du-parc lez Tours, fut merueilleusement malade d'une maladie qui soudainement le print: dont fut dit depuis qu'il fut en grand dangier, de mort: mais moyennant l'ayde de Dieu la santé luy fut rendue, & reuint en conualescence.

*D'un champ fait pour le Roy entre le Pont-de-larche & le Pont-saint Pierre: des bar-
nois de guerre empeschez que le Duc de Bretagne faisoit apporter de Millan: de
l'année des petis vins et autres choses aduenues: du Roy qui deuint malade à Tours,
parquoy faisant aucuns pelerinages fut veoir le Dauphin son fils à Amboise: puis
alla à saint Claude: & d'une grande famine qui fut en ce temps l'an mille quatre
cens quatre vingts & un.*



EN l'année mille cccc. cens quatre vingts & un le Roy voulut & ordōna que certain champ de bois, qu'il auoit fait faire pour tenir les champs contre ses ennemis, fut dressé & mis en estat en une grand plaine pres le Pont-de-l'Arche, pour illec le veoir: & dedans iceluy certaine quantité de gens de guerre, armez avec halebardes & picques que nou-

uellement auoit mis sus: dont il auoit donné la conduïte desdits gens de guerre à messire Philippe de Crecqueur cheualier, seigneur des Querdes, & à maître Guillaume Picard Baillif de Roüen: dedans lequel champ il voulut que lesdits gens de guerre fussent par l'espace d'un mois, pour sçauoir cōment ils se cōduiroient dedans: & pour sçauoir quels viures il conuiendroit auoir à ceux, qui seroient dedans ledit champ durant le temps qu'ils y seroient. Et pour aller audit champ, que le Roy auoit ordonné estre prest dedans le xv. iour de Iuing: le Roy s'approcha pres de Paris, & feit la feste de Pentecouste à nostre Dame de Chartres. Et d'illec sen alla audit Pont-de-l'Arche, & de là audit champ, qui fut choïsy & assis entre le Pont-de-l'Arche & le Pont-sainct-Pierre: partie duquel chāp tel qu'il pouoit contenir, fut fossoyé au long de ce qui en fut dressé: & dedans fut tendu des tentes & paviillons, & aussi y fut mis de l'artillerie, & de tout ce que y estoit requis. Et par ladicte proportion ainsi dressée qui fut agreable au Roy, fut fait iugement quel auitaillement il faudroit auoir, pour fournir tout iceluy champ, quand il seroit du tout emply de ce que le Roy auoit intētion de y mettre & bouter. Et apres ces choses & que le Roy eut bien veu & visité, s'en vint à bien content & s'en partit pour s'en retourner audit lieu de Chartres, Selome, Vendosme & à Tours. Et en r'enuoya toutes les compagnies, qui estoient venus audit chāp. par son ordonnance chacun en sa garnison. En ladicte année le Duc de Bretagne enuoya acheter à Milan certaine quantité de harnois: comme cuirasses, sallades & autres harnois, qui furent enfardelez en fardeaux en façon de draps de soye, & autres marchandises fort enuolopez de cotton. Et tellement qu'à temuer les fardeaux, ne faisoient poin de noise: lesquels fardeaux qui se porterent sur mulets, arriuerent aux montaignes d'Auuegne: laquelle marchandise de harnois les gens & commis de Doyac prindrent: & incontinent fut mandé au Roy qui donna lesdits harnois audit Doyac & autres ses satellites. En ladicte année toutes les vignes presque vniuersellement par tout le Royaume de France, faillirent & ne rapporterent qu'un peu de chose. Et le vin qui creut en ladicte année, ne valut gueres & si se vendit bien chier. Et à ceste cause le vin de l'année precedente, qui aussi ne valoit guetes, fut vendu moult chier: car le vin qui au commencement d'icelle année, qui ne fut vendu à detail & tauetne que quatre deniers tournois, fut vëdu douze deniers tournois la pinte. Et par aucuns marchans bourgeois de Paris & d'ailleurs, qui auoient gardé du vin creu autour de Paris: comme de Champigny sur Marne, & autres lieux voisins, le vendirent bien chierement. Car plusieurs en vendirent à detail deux soulds parisis la pinte, qui estoit audit pris xxxvj. liures tournois le muid. Et aduint qu'au moyen de ce que lesdictes vignes faillirent, comme dit est, & que le vin ne valut gueres, plusieurs marchans s'en allerent chercher les bons en diuerses regions loingtaines: lesquels marchans feirent amener en la ville de Paris, qui fut pareillement chier vendu, comme six & sept blancs la pinte. Et lesquels vins furent allez querir iusques es fins & mettres des dernieres villes d'Espaigne. En ladicte année les garnisons pour le Roy estans au païs de Picardie, tenans frontiere sur lesdits Flamens: nonobstant la trefue, feirent de gtans courtes les vns contre les autres, en faisant mauuaise guerre: car tous les prisonniers de guetie prins de chacun desdits costez sans misericorde aucune, estoient pendus quand prins estoient sans

aucun en mettre à reſçon. Audit temps le Roy qui auoit eſté malade à Tours, ſ'en partit dudit lieu de Tours & ſ'en alla à Touars: où auſſi y deuint tresfort malade, & y fut en grand dangier de mort. Parquoy & affin de recouurer ſa ſanté, enuoya faire maintes offrandes & donner de bien grans ſommes de deniers en diuerſes Eglifés de ce Royaume, & feit de grandes fondations. Et entre les autres fondations, fonda en la ſaincte Chappelle du Palais royal à Paris, vne haute meſſe pour y eſtre dicté chacun iour en l'honneur de monſeigneur ſainct Iean, à l'heure de ſept heures de matin: laquelle il ordonna eſtre chantée par huiſt chantres, qui eſtoient venus dn paÿs de Prouenceſ lesquels auoient eſté au Roy René de Cecille & de ſa chappelle, qui ſ'en vindrent apres le trespas dudit feu Roy René leur maiſtre deuers le Roy, qui les receuillit côme dit eſt. Et fonda ladiſcte meſſe de mille liures pariſis, prinſes ſur la ferme & couſtume du poiſſon de mer, qui ſe vend és halles de Paris. Et apres ce que dit eſt, & que le Roy eut eſté ainſi malade, il ſe voÿia d'aller en pelerinage à monſeigneur S. Claude, ce qu'il entreprint de faire: & ſ'en vint à noſtre Dame de Clery faire ſes offrandes, & puis ſe partit d'illecques pour aller accomplir ſon dit voyage. Et pour eſtre ſeulement de ſa perſonne, y mena avecques luy huiſt cens lances, & pluſieurs autres gens de guerre, qu'on eſtimoit bien à ſix mille combattans: & auant ſon partement du paÿs de Touraine, alla à Amboiſe veoir monſeigneur le Dauphin ſon ſils, que i'amaïs n'auoit veu, au moins que bien peu. Et au departement luy donna la benediſtion, & le laiſſa en la garde de monſeigneur Pierre de Bourbon ſeigneur de Beaujeu: lequel il feit ſon lieutenant general par tout ſon Royaume durant ſon dit voyage. Et lors declaira le Roy à monſeigneur le Dauphin, qu'il vouloit qu'il obeït à mondit ſeigneur de Beaujeu, & qu'il ſe fit tout ce qu'il luy ordonneroit. Et tout ainſi que luy meſmes luy commandoit. En ladiſcte année durant le voyage de S. Claude, fut le bled moult chier vniuerſellement par tout le Royaume de France: & meſmemēt au paÿs de Lyonnois, Auvergne, Bourbonnois & autres paÿs voiſins. Et à ceſte cauſe y mourut grād quantité de peuple, tant de maladie que de famine, qui fut merueilleuſement grande par toutes contrées. Et ſe ce n'euffent eſté les grandes aumolnes, & ſecours de ceux qui auoient des bleds, la mort y eut eſté moult doloſeuſe. Nonobſtant ce partirent deſdits paÿs pluſieurs pauſres gens, qui alletent à Paris & en pluſieurs autres bonnes villes. Et furent mis en vne grāge ou maiſon à S. Katherine du Val des eſcolliers, où illec les bons bourgeois & bonnes bourgeois de Paris les alloient ſongneueſement penſer: & depuis furent menez à l'hoſtel Dieu de Paris, où il moururent tous ou la plus part: car quand ils euidoient manger, ils ne pouoient, pource qu'ils auoient les conduits retraits par auoir trop eſté ſans manger.

2
 Du trespas ma dame Ieanne de France, eſpouſe du Duc de Bourbon: & du trespas de la Comteſſe de Flandres avecques la declaration: du trespas de pluſieurs autres perſonnages & autres choſes aduenues à Paris. Du retour du Roy de S. Claude à noſtre Dame de Clery & autres lieux. Des ambassadeurs de Flandres: de la prinſe de la ville d'Aire: de la mort & occiſion du ſeigneur Loÿs de Bourbon Enſeigne du Liège: & autres choſes ſaiſſes en l'an mille ccc. quatre vingts & deux. *21*



N l'an mille quatre cens quatre vingts & deux, le iedy quatriesme iour de May enuiron l'heure de quatre à cinq heures: trefnoble, puis-
sante, sainte & des bonnes viuans l'exemplaire: c'est à sçauoir ma-
resfredoubtée Dame Madame Ieanne de France, femme & espouse
de monseigneur Iean Duc de Bourbonnois & d'Auuergne, expira & rendit l'a-
me à Dieu en son chasteau de Molins en Bourbonnois, par le moyen d'une
forte fièvre si merueilleuse, que l'art de medecine n'y peut pourueoir. Et fut son
corps inhumé en l'Eglise de nostre Dame dudit Molins: laquelle Dame fut fort
plorée & lamentée, tant par mondit seigneur son espoux & mary, ses seruiteurs
& gens de ses païs, & par tous autres du Royaume de France, qui ladicte dame
auoient veüe & eu cognoissance, pour les grandes vertus & biens dont estoit par
grace remplie. Et au parauant icelle année, alla aussi de vie à trespas au païs de
Flandres, Madame la Comtesse de Flandres & Arthois, fille du feu Duc Charles
de Bourgogne, femme d'un Duc en Autriche, & niece de messeigneurs de Bour-
bon: de laquelle issirēt deux enfans: c'est à sçauoir vn fils & vne fille, lesquels de-
mourerent en la garde des Flamés en la ville de Gand. En ceste dicte année mille
cccc. lxxij. de ladicte maladie de fièvre & rage de teste, moururent en diuers
lieux moult de norables & grans personages tant hommes que femmes. Et entre
autres moururent les Archeuesques de Narbonne & Bourges, l'Euesque de Li-
sieux & maistre Iean le Boulengier premier President en la Court de Parlemēt,
& aussi messire Charles de Gaucourt cheualier, qui auoit esté Lieutenant pour
le Roy en la ville de Paris: lequel fut fort plaint: car il estoit vn beau & honneste
cheualier, beau personage, sage homme & grand clerc. Et de ladicte Court de
Parlement, moururēt plusieurs des conseillers & aduocats d'icelle. Et entre au-
tres mourut vn nommé maistre Nicolle Bataille, qu'on disoit estre le plus grād
Legiste du Royaume de Frâce, bone personne & fort plaissant, qui fut fort plaint
& nō sans cause: Et disoit on qu'il mourut par le courroux, qu'il print de sa fem-
me qui fut fille de maistre Nicole Erlaut en son viuant Tresorier du Dauphiné,
combien qu'elle eust de fondit mary tout le plaisir, que femme en pouoit auoir.
Et d'elle auoit eu douze enfans en mariage, & auoit ledit deffunct au iour de
fondit trespas xliij. ans d'aage. Laquelle femme se conduisit en la lescherie de sa
putē charongne, avecques ribaux particuliers durant fondit mariage. Et entre
autres entretint en ladicte lescherie vn ieune garson, fils d'une venderesse de poi-
rées & poisson de mer des halles de Paris, nommé Reghault la Pie: lequel auoit
autresfois eue grand familiarité autour du Roy, comme son varlet de chambre.
Et depuis auoit esté mis dehors de son seruice par ses fautes & abus, dont l'accu-
sa Oliuier le Diable dūt le Dañt aussi son compaignon, comme barbier varlet de
chambre du Roy. Laquelle femme le print en son amour desordonné. Et pour
l'entretenir, en vendit & engagea de ses bagues & vaisselle de fondit mary. Et si
print aussi de l'argent de fondit mary larcineusement, pour l'entretenelement de
fondit paillard: de toutes lesquelles choses fondit mary en fut aduertý, qui en
print si tres grand courroux, qu'à cause d'iceluy il alla de vie à trespas, qui fut
trouuē grand dommage. Au Royaume des cieux gise l'ame de luy en bon repos.
Et apres que le Roy eut fait & accomply son voyage audit lieu de S. Claude, il
s'en retourna fort malade à nostre Dame de Clerý, là où il feir sa neuuaine. Et
apres

apres icelle faicte, moyennant la grace & bonté de la benoiste vierge Marie illec requise: & à laquelle il auoit sa singuliere confidence & deuotion, reuint en assez bonne conualescence & fut fort allegé de ses maux. Durant & pendant le temps que le Roy estoit audit lieu de Clery, y mourut beaucoup de gens tant de son hostel que d'autres. Et entre les autres y mourut vn Docteur en Theologie, que nouuellement il auoit fait son conseillicr & aumosnier, qui estoit natif de Tours, fils d'un bouchier de ladicte ville. Et se nommoit ledit docteur maître Magistri. En apres le Roy qui estoit audit lieu de Clery s'en partit & s'en alla à Mehun sur Loire, à S. Laurens-des-Eauës, & illec enuiron. Et y fut iusques pres la feste nostre Dame de My-Aoust qu'il se partit dudit saint Lautës, & retourna de rechief audit lieu de Clery à la feste & solennité de la nostre Dame de My-Aoust. En ladicte année au commencement de Iuillet, se meirent sus vne belle & honneste ambassade du païs de Flandres, pour venir deuers le Roy audit lieu de Clery, où ils arriuerent. Et illec parlerent au Roy: auquel ils feirent remontrer & à son conseil les causes, pour lesquelles ils estoient venus deuers luy, de par les nobles hommes gens d'Eglise & populaire dudit païs de Flandres. Lesquelles causes estoient tendans à fin, qu'il pleust au Roy auoir bon appointement avecques luy pour lesdits Flamens, qui ne tēdoient à autre, sin que d'auoir paix finale avecques le Roy. Lesquels ambassadeurs furent du Roy tresbien & honnestement receuz & recueillis. Et leur fut de par luy donné expedition, dont iceux ambassadeurs furent tresbien contens. Et ce fait ils s'en retournerent audit païs de Flandres: & furent conduits & menez de par le Roy en la ville de Paris par monseigneur de S. Pierre, qui les feit bien festoyer par le Preuost des marchans & escheuins d'icelle ville de Paris bien & honnestement. Et puis apres s'en retournerent à Gand & autres villes de Flandres, dont ils estoient partis. Et ainsi que ladicte ambassade s'en retournoit, le Roy auoir fait mettre sus les champs grād partie de ses gens de guerre, qu'il auoit en garnison au païs de Picardie: dont auoit la charge & conduicte le seigneur des Querdes: laquelle compagnie il faisoit beau veoir, car elle estoit fort belle. En laquelle compagnie auoit xiiij. cens lances fournies, tresbien accompagnées de six mille Suisses, & aussi de huit mille picquiers: tous lesquels gens de guerre ainsi assemblez, que dit est, s'en allerēt à triumphe & bruir, mettre le siege deuant la ville de Aire, qui est vne tresbelle place & bien assise pres de S. Omer & Therouenne: dedans laquelle ville y auoit plusieurs gens de guerre de par le Duc en Autriche. En laquelle place tout incontinent que les gens du Roy y furent arriuez, la battirent moult fort d'artillerie: dont & de quoy les manans d'icelle ville furent & se trouuerent fort espouuentez, mais aucuns des gens de guerre illec estans, qui auoient bonne intelligence avecques ledit seigneur des Querdes pour le Roy, de luy bailler ladicte place & ville, feirent composition pour icelle ville qui estoit telle, qu'elle seroit mise en la main du Roy. Et fut faicte ladicte composition par vn chevalier nommé le seigneur des Contrans, qui estoit du païs de Picardie. Et lequel auoit la garde de ladicte ville de Aire de par ledit Duc en Autriche. Et meit ladicte place en la main du Roy, en luy faisant le serment de le seruir bien & loyaument: dont & pour bien le recompenser, le Roy luy donna la charge de cent lances. Et si luy fut outre baillé & donné trente mille escus en or con-

rent. En ladicte année és mois d'Aouſt & Septembre, vn cheualier du paÿs du Liege, nommé meſſire Guillaume de la Marche dit le Sanglier d'Ardaïne, feit & conſpirâ guerre mortelle à l'encontre de tres noble Prince & trefreuerend pere en Dieu monſeigneur Loÿs de Bourbon Eueſque de ladicte cité de Liege, qui auoit par auant nourry ledit Sanglier d'Ardaïne, pour le tuer & meurdrier. Et apres ce fait de mettre & faire Eueſque dudit Liege, le frere dudit Sanglier. Et pour faire par iceluy Sâglier ſa damnée entreprinſe, le Roy luy feit deliurer argent & gens de guerre en grand nombre: au moyen deſquels & auſſi de certain nombre de mauuais garſons, larrons, pipeurs & pillards, qu'il print & aſſembla tant en la ville de Paris qu'en aucuns des villages voiſins d'icelle ville iuſques au nombre de deux à trois mille, leſquels il feit veſtir & habiller de robes rouges. Et à chacune deſdictes robes deſſus la manche ſeſtre, y feit mettre vne hure de ſanglier: Et eſtoient leſdits mauuais garſons legierement armez. Et ainſi ledit Sanglier les mena iuſque audit paÿs du Liege. Et luy illec arriué, trouua façon & moyen d'auoir intelligence avecques aucuns traîtres Liegeois de ladicte ville à l'encontre de leur ſeigneur, de dechaffer, tuer & meurdrier leurdit Eueſque, & le mettre hors de la cité avecques ce qu'il auoit de gens: ce que feirét leſdits Liegeois. Et ſous vmbre d'une amitié ſaincte, qu'ils diſoient auoir à leurdit Eueſque, luy dirét que force eſtoit qu'il allaſt aſſailir ſon dit ennemy. Et que leſdits habitans le ſuiuroient en armes, & viuroient & mourroient pour luy: & qu'il n'y auroit point de faute, que ledit Sanglier & ſa cōpagnie demoureroient deſconfits & deſtruits: le quel monſeigneur du Liege inclinant à leur requeſte, ſailit de ladicte cité du Liege, & alla avecques eux aux champs tout droit, où eſtoit ledit de la Marche: le quel quâd il veit ledit Eueſque ſe deſcouurit de l'embuſche, où il eſtoit & ſ'en vint tout droit audit monſeigneur l'Eueſque. Et quâd leſdits traîtres habitans du Liege veirent leurdit Eueſque és mains dudit de la Marche ſon ennemy, luy tournerent le dos, & ſans coup ferir ſ'en retournerent en ladicte cité du Liege. Et incontinent ledit monſeigneur du Liege, qui n'auoit ayde ne ſecours que de ſes ſeruiteurs & familiers, ſe trouua tresfort eſbahy: car ledit de la Marche qui eſtoit ſailly de ſadicte embuſche, ſ'en vint à luy: & ſans autres choſe dire luy bailla d'une taille ſur le viſage, & luy meſmes le tua de ſa propre main. Et apres ce fait, iceluy de la Marche feit mener & ieſter ledit Eueſque & eſtendre tout nud en la grand place deuant l'Egliſe de monſeigneur S. Lambert, maiſtreſſe Eglife de ladicte cité de Liege. Où illec fut manifeftemēt monſtré tout mort aux manans & habitans de ladicte ville, & à vn chacun qui le vouloit veoir. Et tantost apres ladicte mort y arriuerent cuidans le ſecourir, le Duc d'Autriche, le Prince d'Orenge, le Comte de Romont & autres gens de guerre. Leſquels quand ils ſceurent la mort dudit Eueſque, ſ'en retournerēt ſans riens faire à l'occaſion d'icelle.

Comment le Roy eſtant malade vint de Tours à Amboiſe recommander à ſon ſils maiſtre Olinier le Dain, & autres: du mariage du Daulphin & de Marguerite Comteſſe de Flandres. De l'appointement fait entre les Roys d'Eſcoſſe & d'Angleterre, comprenant le bon Duc d'Albanie: & comment le Roy feit recommander ſa ſanté par deuotes perſonnes en l'Egliſe S. Denys en France.

EN ladicte année au mois d'Octobre, le Roy se trouua fort malade en son hostel du Plessis du Parc lez Tours. A cause de laquelle maladie eut grand paour de mourir. Et pour ceste cause se feit porter à Amboise, par deuers monseigneur le Daulphin: Auquel il feit plusieurs belles remonstrances, en luy disant qu'il estoit malade d'une maladie incurable. En l'exhortant que apres son trespas, il voulsist auoir aucuns de ses feaux seruiteurs pour bien recommandez. C'est à sçauoir maistre Oliuier le Diable dit le Dain son barbier, & Jean de Doyac gouverneur d'Auuergne, en disant qu'il auoit esté bien seruy d'eux: & que ledit Oliuier luy auoit fait plusieurs grans seruices, & qu'il ne fut riens de luy se n'eust esté ledit Oliuier. Et aussi qu'il estoit estrangier & qu'il se seruist de luy, & qu'il l'entretenist en son seruice & aux offices & biens qu'il luy auoit donnez. Luy recommanda aussi monseigneur du Boscaige, & messire Guyot Pot baillif de Vermandois. Et luy enchargea qu'il creust leur conseil: car il les auoit trouuez saiges & de bon conseil. Et si dit oultre à mondit seigneur le Daulphin, qu'il confermast tous les officiers qu'il auoit faits en leurs offices. Et que principalement il eust son poure peuple pour recommandé, lequel il auoit mis en grande pourté & desolation. Et plusieurs autres choses luy remonstra, que depuis il feit manifester en plusieurs des bonnes villes de son Royaume, & en la Court de Parlement. Et si luy dit oultre que pour la conduicte de la guerre, il se seruist du seigneur des Querdes: & lequel il auoit trouué en tous ses affaires bon, loyal & notable cheualier, & de bonné & grande conduicte, & ce fait s'en retourna aux Montils. Audit temps le Roy feit venir grand nombre & grand quantité de ioueurs de bas & doux instrumens, qu'il feit loger à saint Cosme pres Tours, où illec ils s'assemblerent iusques au nombre de six vingts. Entre lesquels y vint plusieurs bergiers du pays de Poictou: lesquels souuent iouerent deuant le logis du Roy, mais ils ne le veoient point, afin que ausdits instrumens le Roy y print plaisir & passetemps, & pour le garder de dormir. Et d'un autre costé y feit aussi venir grand nombre de bigots, bigottes & gens de deuotion: comme Hermites & saintes creatures, pour sans cesser prier à Dieu qu'il permist, qu'il ne mourust point & qu'il le laissast encores viure. En ce temps és mois d'Octobre & Novembre, se feirent de grans allées & venues par les Flamens de la ville de Gand, & qui vindrent en ambassade deuers le Roy: lequel pour les ouïr y commeist maistre Jean de la Vacquerie, qui estoit du pays de Picardie, & lequel il auoit nouuellement fait & créé son premier President en la court de Parlement à Paris, pour consulter de la matiere: c'est à sçauoir de bonne paix & vnion estre faicte entre le Roy & lesdits Flamens. Et avec ledit President, y commeist le Roy ledit monseigneur des Querdes & autres. Et tellement fut communiqué par lesdictes parties tant d'un costé que d'autre, qu'ils feirent & traicterent ladicte paix. En laquelle faisant se deuoit faire le mariage de monseigneur le Daulphin & de la fille du Duc en Autriche, qui estoit en la possession & garde desdits Flamens de Gand: dont de ce le Roy fut fort ioyeux, & eut ladicte paix & vnion pour bien agreable. Et pour l'honneur d'icelle en fut châté par tout le Royaume *Te Deum laudamus*: & si en furéefais les feux en la ville de Tours. Et incōtinent ces choses faictes, fut grād bruit q̄ lesdits Flamens

festoiert partis dudit lieu de Gand, pour ramener ladicte fille : laquelle pour la bien & honnestement recueillir, le Roy y auoit ordonné mes dames de Beaujeu sa fille aisnée, ma dame de Dunois sœur de la Royne, ma dame de Tournai, ma dame l'Amiralle & plusieurs autres dames, damoiselles & gentils femmes, qu'on cuidoit qu'ils deussent venir & arriuer. en la ville de Paris le viij. iour de Decembre: mais ladicte venue seiourna pour aucun menuz differens, qui suruindrent du costé desdits Flamens & iusques à ce que lesdits differens eussent esté vuidéz. En ladicte année les Roys d'Angleterre & d'Escoce, eurent grand guerre l'un cōtre l'autre. Et enterrent lesdits Escossois bien auant audit Royaume d'Angleterre, lequel ils dommagerent moult fort: & nonobstant que lesdits Escossois estoient cent mille hommes en bataille, plus que n'estoient les Anglois, toutesfoi afin qu'ils ne frappassent l'un sur l'autre, se meit & fut fait appointement entre eux par le moyen du Duc d'Albanie, frere du Roy d'Escoce son frere: laquelle querelle d'entre eux estoit telle que ledit Duc d'Albanie disoit, que sondit frere vsurpoit sur luy ledit Royaume, pource que lesdits Roy d'Escoce & Duc d'Albanie qui estoient freres, estoient venus & issus sur terre d'une ventrée: Et que ledit Duc d'Albanie qui estoit le premier issu, & que par ainsi il auoit acquis droit d'aisnée de deuant sondit frere audit Royaume. Et à ceste cause ceux qui menoient ladicte guerre pour ledit Roy d'Escoce, firent composition avecques lesdits d'Albanie & Anglois qui estoient ensemble, tellement qu'ils ne frapperent point les vn contre les autres, & s'en retourna chacun au lieu dont il estoit party. En ladicte année au mois de Ianuier, vindrent & arriuerēt en la ville de Paris les ambassadeurs de Flādres, qui auoient moyenné la paix d'entre le Roy & les Flamens, au moyen du mariage de monseigneur le Daulphin, & de damoiselle Marguerite d'Autriche. Au deuant lesquels & pour les receuoir en la ville de Paris de par le Roy, y furent monseigneur l'Euesque de Marseille lieutenant pout le Roy en icelle ville de Paris, accompaigné du Preuost des marchans & escheuins, bourgeois & habitans d'icelle ville, & d'un Docteur de la ville de Paris nommé Scourable, qui fit vne moult honorable proposition par deuant lesdits Flamens, qui moult s'en tindrent pour bien contens. Et le lendemain qu'ils furent arriuez en ladicte ville, qui fut le dimanche quatriesme iour de Ianuier, furent lesdits ambassadeurs Flamens en l'Eglise nostre Dame de Paris ouïr illec la messe. En laquelle Eglise de nostre Dame y furent faictes processions generales, & y prescha ledit Scourable qui y fit vne moult belle collation, dont tous ceux qui l'ouïrent furent moult bien contens. Et de ladicte venue & publication de ladicte paix, en fut châté en icelle Eglise, *Te Deum laudamus*: fait les feux, & aussi de grans chieres parmy les rues de ladicte ville. Et furent ledit iour de dimanche iceux ambassadeurs au partir de ladicte Eglise de nostre Dame, menez dîner en l'hostel de ladicte ville de Paris, là où ils furent moult bien festoyez. Et le lendemain lesdits ambassadeurs se partirent dudit lieu de Paris, & s'en allerent par deuers le Roy. Et d'icelle venue & bonne paix, en furent resioüis & ioyeux tresnoble & tresreuerend pere en Dieu monseigneur le Cardinal de Bourbon: qui à l'occasion d'icelle bone paix, fait faire en son hostel de Bourbon à Paris vne moult belle moralité, sottie & farce, où moult de gens de la ville allerent pour les veoir iouer, qui moult pris-

rent ce qui y fut fait. Et eussent les choses dessusdictes esté plus triumpantes, se n'eut esté le temps qui moult fut pluuieux & mal aduenant, pour la belle tapisserie & le grand appareil fait en la court dudit hostel : Laquelle court fut toute tendue de la tapisserie de monseigneur le Cardinal, dõt il en auoit grande quantité & de belle. Apres lesdits ieux ainsi faits que dit est, lesdits ambassadeurs s'en partirent de Paris le lundy ensuiuant, comme dit est : & s'en allerent à Amboise, où ils furent moult honnorablement receuz de par le Roy : & y veirent par deux fois monseigneur le Daulphin qui les recueillit moult honnestement. Et à leur departement de Tours, où ils furent depuis : ledit Roy leur feit donner pour leur deffroy trente mille escus au soleil, & de belle vaisselle d'argent largement. Et depuis iceux ambassadeurs s'en retournerent à Paris, où ils feirent publier en la Court de Parlement les articles faits pour ladicte paix : c'est à sçauoir publicquement & en plaine Court à huis ouuers. Et apres ladicte lecture faicte, leur furent iceux articles confermez par ladicte Court. Et au departement d'icelle Court, maistre Guillaume le Picard Baillif de Roën, mena & conduisit lesdits ambassadeurs & autres officiers du Roy estans illec, en son hostel assis audit lieu de Paris, en la rue de Quinquempoix, où illec il donna à dîner à toute la compagnie : & y furent moult plantureusement festoyez à vn iour de mardy quatriesme iour de Feurier, en ladicte année mille quatre cens quatre vingts & deux. Audit mois de Feurier, le Roy escriuiut lettres à tous les estats de Paris : par lesquelles il les prioit tresinstamment, qu'ils se voulsissent transporter en l'Eglise monseigneur S. Denys, luy faire priere qu'il vueille estre intercesseur & moyen enuers nostre seigneur Iesus Christ, qu'il voulsist permettre que le vent de bise ne courut point, pource que par le rapport de tous medecins auoient esté d'opinion que ledit vent de bise quand il venteroit, feroit moult de maulx, tant à la santé des corps humains que des biens de terre. Et par l'ordonnance du Roy, furent tous lesdits estats de Paris à diuers iours audit lieu de S. Denys, faire processions & chanter lesdictes messes.

Du seigneur de Beauieu & dame Anne de France sa femme, & autres pour la receptiõ de la Daulphine: de la mort du Roy Edouard d'Angleterre : & du trespas de dame Marguerite de Bourbon Comtesse de Bresse: de l'entrée & reception de ladicte Daulphine à Paris: du cloché de sainte Geneuiefue brulé : & du mariage & nopces du Daulphin & de ladicte Daulphine.

LE samedi xix. iour d'Auril mille quatre cens quatre vingts & trois apres Pasques, monseigneur de Beauieu & ma dame sa femme vindrent à Paris pour eux aller en Picardie receuoir ma dame la Daulphine des mains des Flamens, qui par le traité de la paix la deuoient mettre es mains de mondit seigneur de Beauieu pour le Roy. Et feit ladicte dame de Beauieu son entrée en la ville de Paris, cõme fille du Roy, & y feit des mestiers nouueaux. Et estoient lesdits seigneur & dame bien honnestement accompagnez de grans seigneurs & dames: comme le seigneur d'Albret, le seigneur de S. Valier & autres nobles hommes: Ma dame l'Amiralle & autres dames & damoiselles, lesquels seiournerent à Paris par trois iours: durant lesquels monseigneur le Cardinal de Bourbon les festoya moult hõnorablement. Audit mois

d'Auril le Roy Edouard d'Angleterre, mourut audit Royaume d'une apoplexie qui le print. Autres dient qu'il fut empoisonné en beuuant du bon vin du creu de Chaluau, que le Roy luy auoit donné: duquel il beut en si grande abondance qu'il en mourut: combien qu'on a dit depuis qu'il vesquit iusques à ce, qu'il eut fait Roy en son lieu son fils aîné. Audit mois & an mourut aussi ma dame Marguerite de Bourbon, femme de Philippe monseigneur de Sauoye Comtesse de Bresse, de maladie qui longuement luy dura: & d'icelle maladie on n'y peut mettre remede qu'elle n'en mourut hetique: dont fut grand dommage, car elle estoit en son viuant moult honneste & bonne dame, & pleine de grans biens & vertus. Au mois de May le samedi iij. iour d'iceluy mois par l'ordonnance & commandement du Roy, tous les estats de Paris comme le Preuost Iuge ordinaire, avecques les supposés & praticiens du chastelet dudit Paris: la Court de Parlement, la chaire des Cōptes, les Generaux, des aydes & monoyes, la chaire du Tresor & les esleuz: avecques les Preuosts des marchés & escheuins d'icelle ville, allerēt en belle processio dudit lieu de Paris, iusques au lieu & en l'Abbaye de monseigneur S. Denys en France: pour en icelle Abbaye prier pour la bone prosperite du Roy, de la Roynie, monseigneur le Daulphin & tous les seigneurs du sang royal, & aussi pour tous les biens qui estoient sur terre. Au mois de Iuing ensuiuant le lundy ij. iour dudit mois enuiron cinq heures du soir, feir son entrée en la ville de Paris ma dame la Daulphine, accompagnée de ma dame de Beaujeu, ma dame l'Amiralle & autres dames & gentils-femmes Et entrerent à ladite heure audit lieu de Paris par la porte S. Denys, où estoient preparez pour sa venue trois beaux eschauffaux: en l'un desquels tout en hault, estoit vn personnage representant le Roy comme souuerain: Au second estoient deux beaux enfans, vn fils & vne fille vestus de damas blanc, faisant & representans mondit seigneur le Daulphin, & madicte damoiselle de Flandres. Et autres estages au desloubz estoient deux personnages de mondit seigneur de Beaujeu, & de ma dame sa femme. Et à chacun d'iceux personnages à costé, estoient les escussions des armes desdits seigneurs & dames. Et si y auoit aussi quatre personnages: c'est à sçauoir l'un de labour, l'autre de clergé, l'autre marchandise, & l'autre noblesse, qui tous dirent vn couplet à icelle entrée. Et est à sçauoir que par tout, où madicte damoiselle de Flandres passa, tout fut tendu par les rues. Et y furent encores faits plusieurs beaux personnages, tous consonnans ausdits monseigneur le Daulphin & ma dame la Daulphine. Et pour l'honneur de ladicte venue, furent mis hors & deliurez tous prisonniers de ladicte ville de Paris, & y fut fait nouueaux mestiers. Et le vendredy vij. iour dudit mois de Iuing enuiron l'heure d'entre huit & neuf heures du soir, se leua grand tonnoire audit lieu de Paris. Et à vn des esclats dudit tonnoire qui fut à ladicte heure, vint iceluy tonnoire enflamber & mettre le feu au clocher de ma dame sainte Geneuefue au mont de Paris: lequel brulla toute la charpenterie dudit clocher, qui estoit demourée par l'espace de neuf cens ans: fondit toutes les cloches dudit clocher & le plomb, dont il estoit couuert, où il y auoit par estimation cent mille liures de plomb & plus, & y eut vn grand dommage qui estoit pitié à veoir. Au mois de Iuliet audit an mille quatre cés quatre vingts & trois, fut fait & solemnisé la feste des nopces de mondit seigneur le Daulphin, & damoiselle Marguerite de Flandres

en la

en la ville d'Amboise. Et y auoit & estoit presens plusieurs nobles & notables personnages de ce Royaume, enuoyez des citez & bonnes villes dudit Royaume & par l'ordonnance du Roy.

De la sainte ampolle de S. Remy de Reims, portée au Roy en son hostel des Montils-lez-Tours. Et finalement du deuot trespas dudit Roy Loys xi. sepulture en l'Eglise de nostre Dame de Clery, lequel Dieu absolve.



N ladiete année mille quatre cens quatre vingts & trois, le Roy delibera d'auoir & luy estre portée la sainte Ampolle, qui estoit en l'Eglise S. Remy de Reims : & qui auoit esté apportée par grace diuine des l'an cinq cens, par vne coulombe blanche au bon S. Remy de Reims, pour en oindre & sacrer à Roy de France le Roy Clovis, qui fut le premier Roy Chrestien : lequel mourut en ladiete année, & gist en l'Eglise S. Geneuiefue au môr de Paris. Et par ainsi estoit demourée ladiete sainte Ampolle audit lieu de S. Remy neuf cès quatre vingts & trois ans, qu'elle en fut tirée & mise hors de son lieu, & apportée à Paris par Claude de Montfaulcon, gouverneur d'Auuergne à ce cõmis de par le Roy. Et arriua à Paris le dernier iour de Iuillet : & fut apportée en tresgrande reuerence & processions reposer en la S. Chappelle du Palais royal à Paris, où elle y demoura iusques au lendemain au soir premier iour du mois d'Aoust, qu'elle fut emportée dudit lieu de Paris au Roy en son hostel des Montils les Tours, avecques les verges de Moysé & Aarõ : & la Croix de la Victoire qui aussi fut enuoyée par grace diuine au bon Roy S. Charlemagne, pour obtenir victoire à l'encõtre des infidelles : Lesquelles verges & croix auoient tousiours esté audit lieu de la S. Chappelle à Paris, avecques les saintes reliques estans illec au premier iour d'Aoust, qui en furent avecques ladiete sainte Ampolle par l'Euesque de Sees & autres commissaires à ce ordõnez de par le Roy, emportées. Audit an le lundy xxv. iour dudit mois d'Aoust, le Roy deuint fort malade en son hostel des Montils lez Tours, tellement qu'il perdit la parolle & tout entendement : & en vindrent les nouuelles à Paris le mercredy xxvij. iour dudit mois qu'il estoit mort, par vnes lettres qu'en escriuiut maistre Iean Briçonnet : ausquelles lettres fut foy adioustée, pource que ledit Briçonnet estoit homme de bien & de credit. Et à ceste cause les Preuost des marchâs & escheuins de la ville de Paris, pour pourueoir aux affaires d'icelle ville, firent mettre garde aux portes de ladiete ville pour garder que homme n'en issist n'y entrast. Et à ceste cause fut bruit tout commun parmy ladiete ville de Paris, que le Roy estoit ainsi mort, dont il n'estoit riés : & s'en reuint, beut, parla & mangea tresbien & vesquit iusques au samedi au soir ensuiuant xxx. & penultime iour dudit mois d'Aoust, environ l'heure d'entre six & sept au soir qu'il rendit l'ame : & incontinent fut le corps habandonné de ceux qui l'auoient seruy en la vie. En apres ledit trespas son corps depuis fut appareillé, comme on a de coustume de faire, fut porté inhumer dudit lieu des Montils en l'Eglise nostre Dame de Clery, pource qu'il voulut & ordonna en son viuant, qu'ainsi fut fait. Et ne voulut estre mis avecques les deffuncts tresnobles Roys de France ses predecesseurs, en l'Eglise & Abbaye de monseigneur S. Denys en France, & ne voulut iamaïs dire la raison qui l'auoit meü ad ce : mais aucuns

pensoient que ce fut pour la cause de l'Eglise, où il feit moult de biens. Et aussi pour la grande deuotion qu'il auoit à la benoïste Vierge Marie, priée audit lieu de Clery. Lequel deffunct Roy en son viuant à cause d'aucuns personages, qui estoïent à l'entour de sa personne, comme Oliuier le Diable dit le Dain son barbier, Iean de Doyac & autres plusieurs: lesquels il croyoit plus que gens de son Royaume: feit durant son regne beaucoup d'iniustices, maulx & violences: & tellement qu'il auoit mis son peuple si au bas, qu'au iour de son trespas estoit presque au desespoir. Car les biens qu'il prenoit sur sondit peuple, donnoit & distribuait aux Eglises en grans pensions, en ambassades & gens de bas estat & condition: Aufquels pour les exaucer ne se pouoit tenir de leur donner argent, biens & possessions en telle façon, qu'il auoit donné & aliéné la pluspart du domaine de son Royaume. Et nonobstant qu'il eut durant sondit regne plusieurs affaires: toutesfois il meit en telle subiection ses ennemis, qu'ils vindrent tous par deuers luy à mercy: & fut si craint & redoubté qu'il n'y auoit si grad en son Royaume, & mesmement ceux de son sang, qui dormit & reposait seurement en sa maison. Et auant sondit trespas, fut moult fort molesté de plusieurs maladies: Pour le guerir desquelles maladies, furent faictes pour luy par les medecins, qui auoient la cure de sa personne de terribles & merueilleuses medecines. Lesquelles maladies luy puissent valloir au salut de son ame, & luy done son Paradis par sa misericorde, celuy qui vit & regne au siecles des siecles. Amen.

LES GRANDES CHRONIQUES DV TRESCHRESTIEN

Roy de France Charles viij. de ce nom, magnanime & victorieux, recueillies & assemblées par Pierre Desfrey simple Orateur de Troies en Champagne.



Eu & consideré la mutable instabilité de fortune, quant au regard de l'esperance de ceste vie trāsitoire, assez ne me puis esmerveiller: & me viennent les larmes aux yeux: Car j'ay deliberé d'escrire la Chronique du Treschrestien Roy de France Charles huitiesme de ce nom, lequel a esté vn Prince magnanime, plain de prouesse & victorieux: & toutesfois la volubilité d'icelle fortune apres plusieurs loüables & triumpantes conquestes, l'a mis & subiugué és ineuitables mains d'Atropos, luy existant au xxviij. an de son aage & florissante ieunesse. Pour le commencement donques de ceste presente Chronique le Roy Loÿs xj. de ce nom, mourut & trespassa en l'an mille quatre cens quatre vingts & trois, au mois d'Aoust ainsi qu'il est dit: & à luy succeda au Royaume de France son fils vni- que ledit Charles viij. Il estoit aucunement tendte & maladien en sa ieune enfance: mais quand il vint en aage adolescent, il commençoit en son entendement à donner expectation, par maniere de discerner entre les vices & vertus. Et par le decours d'aucuns ans, il fut encores tousiours plus dextre, mettant frein à sa volupté. Parquoy l'on pouoit facilement entendre, comment il eut esté preux & saige au temps aduenir, se la mort trop ineuitable ne l'eut saisy en sa ieunesse. Il estoit doux & bening de nature & entendement. Sondit pere le Roy Loÿs ne luy voulut faire donner introduction en langue Latine, pensant & estimant en

foy que lettres Latines peuuent donner empeschement à ceux qui regnent, & ont à regir: & pource aussi qu'iceluy son pere voyoir & cognoissoit l'excellent entendement de son fils, il vouloit dire comme ayant cogné plusieurs choses, que l'introduction d'icelles lettres luy eut peu faire aucune moleste, ainsi comme desirant proueroit à la tendre fragilité d'iceluy son fils: auquel il cognoissoit l'enfance n'estre assez ferme pour ce faire: car il estoit aussi adonques bien foible & debile de membres, pourquoy il n'eut peu bonnement porter le labeur de trop grande estude: mais toutesfois apres le trespas de son pere, & qu'il eut prins la dignité royalle: il commença moult volentiers à lire les liures escripts en langage François, & si voulut encores prouuer & faire experiment pour sçauoir la langue Latine: & de faire comme vn trefbon Prince, il occupa volontaiement sa ieune adolescence à seruir deuotement à Dieu, & ouïr le conseil des sages, desirant sçauoir & comprendre pour bien regir & gouverner. Il aimoit naturellement & de trefbon zeile tous ceux de son sang, afin que pareillement ils fussent tous inclinez au bien & vtilité de son peuple, & aussi de tout le Royaume.

Comment le Roy Charles huitiesme de ce nom, fut sacré à Reims. Et puis il visita consequemment plusieurs bonnes villes. Et comment il feit son entrée en sa bonne cité de Paris, là où furent pendus & executez maistre Oliuier le Dain & son seruiteur Daniel, & Jean Doyac: lequel eut les oreilles couppees & la langue percée d'un fer chault. Et d'autres entrefaictes par ledit Roy en aucunes ses bonnes villes.



^{1484.} An mille cccc. quatre vingts & quatre, le trefchrestien Roy Charles estât en l'aage de xiiij. ans, fut par les trefnobles seigneurs de son sang le Duc d'Orleans, le Comte d'Angoulesme, le Comte de Foix, le Comte de Vendosme, le seigneur de Beaujeu, le seigneur de Dunois, le Duc de Lorraine & plusieurs autres Princes, capitaines, cheualiers & notables seigneurs, conduit & mené en sa ville & cité de Reims, pour illec estre sacré de l'onction de la sainte Ampolle, là où il fut pareillement accompagné des xij. Pairs de France ou par leurs commis: lesquels tous d'un commun accord comparurent en iceluy lieu, pour assister & le seruir vn chacun endroit soy selon son office, & comme en tel cas est accoustumé. Et apres que l'office de ce saint Sacre fut parfait à la personne du Roy Charles en ladicte cité de Reims, là où il fut moult honnorablement receu & en grand triôphe, avecques tous les autres Princes & notables seigneurs: aucuns iours apres euolus il se partit dudit Reims, & se disposa aller veoir plusieurs bonnes villes illec à l'entour, esquelles il fut moult loüablement receu & en grâd honneur: c'est à sçauoir que les rues d'icelles estoient tendues & parées de tapisserie, le clergé & autres estats avecques le comon populaire chacun endroit soy, s'efforçoient & estoient employez de tout leurs courages, à luy demonstret bon signe d'amour & obeissance, comme à leur souuerain seigneur, faisans esbats & feux de ioye à sa venue & reception. Environ ce temps vn nommé Daniel natif de Flandres seruiteur de maistre Oliuier le Dain, fut pour plusieurs cas de crimes & pechez par luy commis & perpetrez, condamné à estre pendu & estanglé au gibet de Paris, & ainsi

fut executé. Et vn peu apres ledit maistre Oliuier son maistre, qui auoit esté seruiteur du feu Roy Loÿs, fut semblablement pour plusieurs ses demerites & trop hardies entreprinſes condamné, à estre comme l'ondit seruiteur pendu & estrâglé audit gibet: ce qui fut fait & executé. Et vn temps apres euolu, vn autre nommé Iean Doyac aussi seruiteur dudit Roy, pour aucunes ses folles entreprinſes & trop grandes hardieſſes faictes és biens & à la perſonne d'aucuns Princes, fut par arreſt de la Court battu & fuſtigé par le Bourreau: & puis vne oreille coupée & la langue percée d'vn fer chault au Pillory, eſtant és halles de la ville dudit Paris. Et apres ce fut mené iceluy Doyac dudit lieu de Paris à Montferrât, là où il fut pareillement battu & fuſtigé & eut l'autre oreille coupée. Et conſequemment apres ledit ſacre en ladiſte ville de Reims, iceluy Roy Charles fut conduit & amené en la ville de S. Denys en France, pour illec prendre la Couronne & faire les devoirs accouſtumez ainſi que droit eſt. Et de ce lieu de S. Denys, fut ſemblablement par leſdits ſeigneurs cōduict & amené en ſa bonne ville & cité de Paris, pour illec faire ſon entrée en la maniere qui'enſuit. Le vj. iour de Iuillet l'an que deſſus, mille quatre cens quatre vingts & quatre, pour aller au deuant dudit Roy à ſon entrée & reception iſſirent de ladiſte ville de Paris tous les eſtats d'icelle & par bel ordre, vn chacun habitué ſelon ſon eſtat pour venir trouuer le Roy venant de la ville de S. Denys, afin de luy faire l'honneur & reuerēce qu'à luy appartenoit: & en l'aſſemblée de ceſte iſſue eſtoit l'Eueſque de Paris avecques aucuns de ſon Clergé, la Court de Parlement, le Preuoſt de Paris, la chambre des Comptes, les autres chambres & tous officiers, le Preuoſt des marchans & eſcheuins, tous & chacun d'iceux moult honnorablement veſtus & habituez ſelon ſa qualité. Et tant marcherent auant leſdits Preuoſt des marchans & eſcheuins, qu'au lieu dit la Chappelle par delà ſainct Ladre, vindrent trouuer le Roy accompagné des treſnobiles Princes & ſeigneurs de ſon ſang, monſieur le Duc d'Orleans avecques les deſſus nommez, & encores pluſieurs autres notables ſeigneurs: & apres que leſdits Preuoſt & eſcheuins furent ainſi venuz au deuant du Roy, ils feirent l'honneur & reuerence comme il appartenoit: & là luy fut dit & propoſé pour ladiſte ville, en luy preſentant les clefs de la porte de S. Denys, par où il ſeit ladiſte entrée: & conſequemment luy feirent tous les autres chacun la reuerence, en luy propoſant auſſi de leurs affaires, en eux offrans à ſon ſeruice & commandement chacun ſelon ſa faculté. Et ce fait ils ſe retirerent tous à patt, pour marcher & entrer en ladiſte ville ſelon le train de leurs degrez. Et en ceſte maniere entra le Roy Charles viij. de ce nom dedans la ville de Paris, moult richement veſtu & accouſtré de drap d'or, avecques autres riches parures, armé d'vn riche blanc harnois excepté ſon helmet d'honneur: lequel eſtoit triumphamment porté deuant luy ſur vn courſier de pris accouſtré de meſme: au lieu d'iceluy helmet auoit vn chappeau ſur ſon chief, & vne moult riche couronne d'or fin & precieufes pierres, comme ſoy monſtrant eſtre Roy: & deſſus luy auſſi eſtoit porté vn treſriche ciel de drap d'or. Et pareillement eſtoient tous les Princes & ſeigneurs de ſon ſang, & autres ſeigneurs & capitaines moult richement & honnorablement accouſtrez, bien armez de toutes pieces deſſus leurs cheuaux: deſquels pluſieurs eſtoient bardez, & moult notablement parez de diuerſes ſortes & façons, pour luy faire hōneur

en ladicte entrée: & aussi y estoient les gentils hommes & pages d'honneur tresrichement appointez à cheual, & autres en si tresgrand nombre qu'il est impossible de dire, lesquels il faisoit tous bon veoir: plusieurs mysteres, histoires & esbatemens estoient demonstrez par la ville à l'honneur du prenommé Roy, qui seroient longs à reciter: chacun crioit Noël, & viue le Roy. Toutes les rues par où il deuoit passer cedit iour, estoient tendues & parées de riches tapisseries de plusieurs & diuerses manieres. A tous le passans faisans ladicte entrée & autres seiournans, estoit plantureusement donnée à boire de toutes manieres de vins: & si auoit diuers commis, pour en general donner à mâger & boire à tous passans & rappassans: Et brief chacun se perforça de faire en tous cas son deuoir par amour de cuer cordial, pour l'honneur du tresnoble Roy: Lequel ainsi fut honnorablement receu avecques tous ceux du clergé de ladicte ville: la plus part desquels luy estoient venus au deuant en procession, reuestus de tresriches chappes & en moult grâd nombre, portans plusieurs saintes reliques & diuers ioyaux: & fut directement conduit & mené en la grande Eglise nostre Dame audit Paris. Et de là assez pres du coing dedas la rue neufue nostre Dame, estoit attendant le Recteur de l'Vniuersité honnestement accompagné de plusieurs docteurs & autres scientifiques personages, lequel illecques feit la reuerence audit Roy en luy faisant proposer sa harengue: & puis il le conduisit iusques à ladicte Eglise, là où il feit son oraison. Et de cedit lieu il fut cōduit en son Palais royal en ladicte ville, là où fut fait vn tresmagnifique & plantureux soupper en la grande salle dudit Palais, ouquel il estoit en tresexcellent triumphe, accompagné de plusieurs Princes de sondit sang, & autres notables seigneurs: & illec coucha ceste nuit en sondit Palais. Et apres cestedicte entrée, le Roy tint le siege royal au Parlement dudit Palais: & seiourna plusieurs autres iours en icelle ville de Paris, où il demonstra chacun iour auoir bon zele & affection à la chose publique, & à la tresnoble couronne de France, de laquelle il estoit descendu: car il fut si tresbien instruit & maintenu en sa ieunesse, qu'il a esté tousiours bon Catholique & bien aymé de tout son peuple. Estant doncques ledit Roy Charles ainsi accompagné des Princes de son sang, & garny de gens sages en ladicte ville de Paris: furent plusieurs choses considerées & mises en conseil pour le bien & soulagement du Royaume, & de tout le peuple: & entre plusieurs autres choses fut diligemment regardé, que le feu Roy Loys son pere peu de tēps par auant decédé, auoit fait & concedé aucuns grans dons superflus en plusieurs lieux & diuerses manieres: ausquelles superflues donations toutes raisons considerez en y mettant droit & raison, furent reuouquées & remises à la bourse & au droit du Prince, pour tousiours soulager son peuple. Et ainsi toutes choses bien ordonnées & reduictes au droit, furent faictes ioustes & tonnoyemens sumptueux, pour le ioyeux aduenement dudit Roy Charles en ladicte ville de Paris. Et ainsi apres plusieurs choses politiques bien decidées, & mises en ordre par droit & iustice, ledit Roy Charles viij. se partit de sa bonne ville de Paris, pour aller visiter plusieurs autres lieux de son Royaume, ainsi comme il à Rouën, Troyes, Orleans & autres ses bonnes villes & citez: esquelles il feit son entrée tousiours accompagné de la plus grande partie des tresnobles Princes de son sang, & autres notables seigneurs & vaillans capitaines. Esquelles

bonnes villes, il fut avecques sa compagnie honnorablement receu : & luy furent faictes plusieurs bonnes cheres & loyaux seruices : & de la partie d'une chacune d'icelles villes & des habitans, à qui mieux mieux eux employans en tous esbats, triomphes & magnificences pour l'honneur de luy & des siens, car il estoit tant doux & plain de bonté, qu'il estoit craint, aymé & honoré de tout son peuple.

De la mort du Pape Sixte iiii. de ce nom. Et comment le Pape Innocent viij. fut eleu & luy succeda. De la guerre & victoire dudit Roy Charles au pais de Bretagne. Et commēt il espousa ma dame Anne fille de tresnoble Prince Francois Duc dudit Bretagne & autres choses aduenues.



Nuiron ce temps l'an mille quatre cēs quatre vingts & quatre mourut à Romme le Pape Sixte iiii. de ce nom, qui par auant auoit esté General de l'ordre des freres mineurs : & lequel auoit biē & catholiquement regy & gouverné le Sainct siege de souuerain prestre audir Romme, par enuiron l'espace de treize ans. Son trespas fut fort plainct & ploré de tous les Rommains, car il auoit esté tousiours bening & pacifique enuers vn chacun en son regne. Et auoit eu la cure & sollicitude de la chose publique en la reparation des Eglises, pour l'honneur de Dieu & de la cité de Romme moult affectueusement & de bon courage, sans y espargner ses deniers, comme zelateur de tout bien. En l'an du trespas dudit Pape Sixte és ides du mois d'Aoult, fut fait & créé Pape Innocent huitiesme de ce nom. Lequel estoit du païs de Genes : son pere fut nommé Aaron, de parens & estat moyen, mais biē louëz & honnorez : ledit Innocent estoit par auant dir & appellé Iean Baptiste, & fut Cardinal prestre du tiltre de sainte Cecille, & vulgairement appellé le Cardinal Malfait : il estoit entre les autres tresfreuerends Peres Cardinaux, le plus pauvre & humain de tous : & aussi pour la cause de sa benignité & treshumaine humilité, il merita de paruenir au saint siege Apostolique, comme souuerain : il estoit aussi tresprudent & magnanime en toutes ses euures, car en l'office de la legation en la cité de Siene & à Romme, feir & laboura si tresprudemment, qu'il donna grande esperance de son regime & de sa prudence aux autres Peres Cardinaux : il ouura & dispença tresliberallement le tresor de l'Eglise à tous fidelles chrestiens, en la remission de tous leurs pechez. Et a tousiours vescu pacifiquement en la bone amour & dilection des Romains, & de tout le peuple. Et en ce mesmes temps durant le regne dudit Pape Innocent huitiesme, le Roy Charles huitiesme de ce nom, estant encores en aage adolefcent, ordonna de ses guerres de Picardie, par les seigneurs de son sang & gens de conseil. Et en fut donnée la charge & gouuernement à messire Philippe de Creuecueur cheualier & seigneur des Querdes : Car en ce temps Maximien, qui auoit eu à femme & espouse dame Marie de Bourgogne fille du Duc Charles dudit Bourgogne, lequel auoit esté tué deuant la ville de Nancy au païs de Lorraine, felleua beliqueusement avecques vn grand ost & exercire de gens d'armes. Et au moyen de la mort dudit Duc Charles de Bourgogne, soy disant auoir aucun droit en sa succession pour luy & les siens, vouloit de toute sa force & puissance repeter & demander le païs d'Arthois, & autres païs de Bourgogne, nonobstant que
ja eussent

ja eussent esté tenus & occupez par le Roy Loÿs pere dudit Charles huitiesme. Au moyen dequoy fut ordonné ledit seigneur des Querdes audit paÿs de Picardie, pour obuiuer & resister aux entreprinſes dudit Maximien. Et ſuiuamment apres, comme dit maistre Robert Gaguin dedâs ſa Chronique en l'an mille quatre cens quatre vingts & cinq, fut pour aucune cauſe mûe & ſuſcitée vne grande guerre en Bretagne: laquelle fut ſi bien & prudemment conduicte de la partie dudit Roy Charles, qu'il gagna quaſi victorieuſement tout ledit paÿs de Bretagne. Et durant icelle guerre mourut & treſpaſſa le Duc François dudit Bretagne: & à luy ſuccederent deux filles, deſquelles l'une eſtoit dictée & appellée Anne, laquelle de brief & ſucceſſiuement apres le treſpas de l'autre fille, demoura vraye ſeuille heritiere: & pour ceſte cauſe le Roy Charles print armes luy meſmes pour eſtre & cōparoir à ceſte guerre en propre perſonne. Et avecques pluſieurs vaillans ſeigneurs & bons capitaines, furent donnez pluſieurs merueilleux aſſaux à la ville & cité de Nantes contre les Bretons, afin que les deux dictes filles du Duc de Bretagne, adoncques viuans, ne peuſſent prendre party de mariage avecques aucun ſans le conſentement dudit Roy: mais toutesfois cela tourna pour lors finalement à bien petit fait. Car le Roy Henry d'Angleterre vij. de ce nom, enuoya vn grand exercite d'Anglois pour ſecours auſdits Bretons: combien toutesfois qu'il n'y auoit pas guerres de tēps que ledit Roy Henry d'Angleterre, eſtoit venu cōme fugitif dudit paÿs deuers ledit Roy Charles à refuge: avecques lequel il demoura aſſez longuement, & luy ayda liberallement de ſes propres deniers: & avecques ce luy donna & departit encores de rechief pluſieurs de ſes gens d'armes: avecques leſquels il retourna nauigeant la mer iuſques audit paÿs d'Angleterre, là où apres que le Roy Richard fut occis, ledit Henry fut & demoura Roy pacifique dudit Royaume d'Angleterre, moyennant l'ayde du prenommé Charles: en quoy appert bien notamment l'ingratitude des Anglois: pour ceſt affaire ledit maistre Robert Gaguin, fut en pluſieurs ambaffades audit paÿs d'Angleterre, avecques le ſeigneur François de Luxembourg & Charles de Marigny par deuers iceluy Henry. Mais apres toutes choſes premises, les François avecques ledit Roy Charles en perſonne, feirent victorieux & vaillans faits d'armes au predit paÿs de Bretagne: entre leſquels dignes de memoire, fut la iournée de ſainct Aublin eſtant lors le Roy à Lauai: à laquelle iournée iceux François, furent ſi victorieuſement belliqueux & plains de prouèſſe, qu'ils gagnerent le champ de la bataille: & en ce lieu fut ſi grande deſconfiture & occiſion de Bretons & Anglois, leſquels eſtoient venus à leurs ſecours, ainſi que dit eſt, qu'on ne trouuoit ſinon gens morts par l'eſpace de plus de deux lieues de chemin: & avecques ce y auoit au champ de ladicte bataille vn moult grand nombre de Bretons occis. Et au pres d'iceluy champ, y auoit vn bois plain de pouldre d'artillerie: dedans lequel, parauant la deſconfiture, cuidans leſdits Bretons que les François y deuſſent faire leur embuche, ce qu'il ne fut pas fait par le diuin ayde de Dieu, vray protecteur du ſang de France: mais nonobſtant iceux Bretons eſtimans ainſi eſtre, ieſterent leur artillerie dedans ledit bois, où ils auoient mis ladicte pouldre, lequel fut incontinent comme tout brulé: de laquelle choſe leſdits François furent moult eſbahis: & d'iceluy bois iſſit ſoudainement vn cerf, lequel

print & adressa sa course iusques au lieu, où estoient les François: & fut dit adonques, qu'il sembloit que ledit cerf vint vers eux à refuge, comme ayant les larmes aux yeux. Et aussi il est à noter, que deuant ladicte journée de saint Aulbin au lieu dit à la croix de Malere, assez pres où fut faite ladicte rencontre, vindrent s'assembler vne grande multitude d'oiseaux: c'est à sçauoir de geais & de pies, lesquels oiseaux se battirent longuement ensemble, en telle maniere que l'une des parties fut surmontée & vaincue de l'autre: dont demourerent morts audit lieu environ deux lieues de longueur, qui fut chose moult merueilleuse. Et en ladicte journée de saint Aulbin, furent prins plusieurs prisonniers, & les autres chassés en fuite, lesquels se retirerent en aucunes fortes places dudit pays, pourquoy ils eurent leurs vies sauues. Et ainsi les François marcherent tousiours vigoreusement, ayant audacieuse force en telle maniere qu'ils gaignerent, & subiuguèrent la plus grand part de Bretagne. Et adonques les seigneurs de Bretagne, & autres plusieurs moult cognoissans ladicte grande puissance des François, & de tout le Royaume, se meirent diligemment en peine pour trouuer moyen de faire aucun bon appointement & traité de paix avecques ledit Charles en la maniere qui sensuit. C'est à sçauoir qu'iceluy bon Roy Charles huitiesme, considerant le courage & vouloir dudit Maximilian Roy des Rommains, & qui luy sembloit non auoir pour agreable le traité de mariage, qui auoit esté fait de luy avec sa fille dame Marguerite de Flandres, au moyen des picques & guerres qu'il auoit tousiours contre luy, ainsi que dit est, il se disposa par bon courage & noble vouloir de faire paix ausdits Bretons: & en ce faisant print à femme & espouse, ma dame Anne de Bretagne, adonques fille vniue & seule heritiere dudit feu Duc François de Bretagne: & par le moyen d'iceluy traité de mariage, ladicte Duché & pays de Bretagne, fut adonques paisiblement vnüe & accordée audit Royaume de France: & fut fait lors vne bonne paix & alliance entre tous les seigneurs d'une part & d'autre, dont plusieurs furent tresioyeux: car l'alliance estoit vtile pour le Royaume & pour le peuple.

Comment le Roy Charles rendit liberallement la Comté de Roussillon au Roy Ferdinand d'Arragon: & de l'institution de l'ordre des filles Repenties à Paris: de la prise de S. Omer par le seigneur des Querdes. Et comment il traita la paix avecques le Roy d'Angleterre apres le siege de Boulongne: de la trahison faite à Carqueleu en la ville d'Arras: de la bonne garde de la ville d'Amiens: Et du traité fait entre le Roy de France & le seigneur Archeduc d'Autriche.

Apres l'expedition du pays & Duché de Bretagne, & le traité fait ainsi que dit est. Le Roy Charles demonstrent tousiours son noble & loyal courage, feit rendre liberallement & par bonne amour la Comté de Roussillon au Roy Ferdinand d'Arragon: & si luy donna franchement & quittement tous les deniers dont il estoit tenu & obligé: & lesquels luy auoient esté presté sur ladicte Comté, pour laquelle chose parfaire, fut enuoyé pour ambassade le seigneur Loys d'Amboise Euesque d'Alby: Com bien toutesfoies que plusieurs n'estoient pas d'opinion, de faire la reduction de ceste Comté de Roussillon en ceste maniere: au moy de quoy & pour tout appaisement

païement du murmure, qui en pouoit estre: ledit Roy Charles feit vulgairement dire & manifester, que son pere le feu Roys Loÿs luy auoit ainsi ordonné & chargé de faire par son testament auât qu'il fut mort: parquoy il auoit ainsi faicte: & pour ceste cause fut adôcques aduis à plusieurs, qu'une perpetuelle amitié auroit esté faicte & souldée entre lesdits Roy de France, & le Roy d'Arragô.

L'AN de nostre salut mille quatre cés nonante quatre, fut institué l'orde des femmes & filles repenties, qui auoient esté publiquement pecheresses à Paris: le quel ordre en l'honneur de la benoïste Marie Magdaleine, fut commencé par la deuote predication de religieuse personne frere Iean Tisserant, de l'orde des freres Mineurs: & pour ce faire leur fut cōtribué la maison d'Orleans, en laquelle est à present ordonnée leur religion, où sont plusieurs deuotes femmes. Et en apres la reddition dudit Comté de Roussillon, messire Philippe de Creuecueur seigneur des Querdes, feit & se porta si vaillamment au pays de Picardie pour le Roy de France, que par force d'armes & puissance luy & ceux de sa compagnie, prindrent & gaignerent la ville de S. Omer. Dedans laquelle entra moult hardiment ledit seigneur des Querdes malgré ses ennemis, & passa moult vaillamment par dessus les murs la hache d'armes au poing, avecques vn grand nombre de vaillans gens d'armes François, apres luy criant à haulte voix en ladicte ville, *viue le Roy*: de laquelle prouësse les manans & habitans d'icelle ville & gés de guerre qu'ils estoient dedans, furent bien esbahis & esmerueillez, desquels il feit à son plaïst en recourant ladicte ville. Consequēment apres aucuns iours, ledit Roy Henry d'Angleterre ingrat du grand bien & ayde, qu'il auoit liberallement receu du Roy de France, ainsi qu'il est dit au precedent chapitre, descendit iusques à Calais & en Picardie, avecques vne grande compaignie de gens d'armes: tellement qu'il meit le siege deuant Boulongne sur mer, où il cuida monstrier aucuns grans efforts: & pour ceste cause ledit seigneur des Querdes gouverneur du pays d'Arthois, delaisant en la ville dudit S. Omer & autres places bonnes garnisons de gens d'armes, avecques le Bastard Cardon capitaine d'Arras & autres François en grand nombre, allerent diligemmet iusques à ladicte ville de Boulōgne, pour resister audit Roy d'Angleterre, & leuer son siege: & demoura seulement adôcques Carqueleuât vn Breton au chasteau d'Arras, parquoy aucuns traïstres liurerent ladicte ville d'Arras entre les mains de l'Archeduc, ainsi qu'il sera dict apres, & plus amplemet declairé. Et ainsi cōme ledit seigneur des Querdes fut parueniu iusques audit lieu de Boulongne, avecques luy le Bastard Cardon, apres aucune resistēce fait audit Roy Henry d'Angleterre: ils trouuerent façon & maniere de traicter la paix, pour & au nom du Roy de France avecques iceluy d'Angleterre, qui fut vn moult grand bien & profit pour tout le Royaume: car le traicté de paix fut ainsi fait, & accordé par telle maniere, q̄ le dessusdit Henry d'Angleterre & tous ses gens d'armes, retournerent en leurs pays sans plus faire aucune querelle. Dont sur ce passage dit maistre Robert Gaguin dedas sa chronique, que ceste paix fut bien agreable audit Roy Henry d'Angleterre: Et se retira sans faire aucune offence ne dōmage aux dessusdits François: car il les aimoit de courage, mais il auoit esté contrainct & pressé des Anglois, pour venir iusques audit lieu de Boulongne, plus qu'il n'auoit esté fait par son industrie & monitiō. Et ainsi il estoit venu pour leur obtē-

perer, affin qu'il fut suspicinné d'iceux Anglois, de monſtrer trop grande fa-
 ueur & ſigne de beniuolence audit Roy François: car il auoit amour à luy pour
 le bien & ayde qu'il luy auoit fait, ainſi comme il eſt dit: dont fut en brief trai-
 cté la Paix. Et incontinent deux ou trois iours apres ceſte paix ainſi accordée:
 la ville d'Arras par la negligéce & pareſſe dudit Breton Carqueleuant, fut prin-
 ſe & faiſie de nuit par les genſdarmes de l'exercite dudit Maximilian: leſquels
 entrèrent dedans la cité ſans trouuer aucune deſſenſe, ne perſonne pour reſiſter:
 car ledit capitaine Carqueleuant à l'appetit de quelques trahiſtres, auoit donné
 en garde les clefs des portes de ladiſte ville d'Arras à aucū de ſes gens: parquoy
 il fut trahy par ſa laſcheté & par faulte de bonne garde. Dont la puisſance des
 ennemis le vint tout à coup ſurprendre, eſtant couché dedans ſon liſt. Et adon-
 ques eſtoient pour l'armée & compagnie dudit Maximilian pluſieurs Allemās
 & Germaniens, qui eſtoient lors entrez en ladiſte ville: leſquels auoient eſtez
 long temps ſans receuoir aucuns gaiges d'iceluy Maximilian. Au moyen de
 quoy, il ne ceſſerent pas de faire pluſieurs rapines & pilleries en ladiſte ville:
 mais apres qu'ils eurent pillé & deſponillé pluſieurs bourgeois, marchans &
 autres manans & habitans de ladiſte cité d'Arras: ils commencerent à rober &
 piller les Eglifes. Et brief feirent telles inſolences & exactions, comme deſcript
 ledit Gaguin, qu'il ne ſembloit pas que ledit Maximilian ne ſes gens, fuſſent ve-
 nus pour recouurer icelle ville: mais plus toſt ſembloit qu'ils fuſſent venus pour
 la mettre totalement à extreme deſtruction. Et apres aucuns mois paſſez, ice-
 luy Maximilian feit abbatre & deſoler vne grande tour au marché d'Arras, a-
 uecques pluſieurs autres fortifications & propugnatoires, que le feu Roy Loys
 xj. auoit fait faire & edifier dedans la cité, & pour deſſendre à l'encontre de la
 ville dudit Arras: mais à l'oppoſite ledit Maximilian feit adonques rompre les
 murs de la cité & fortifier ladiſte ville contre icelle cité. Au moyen de quoy plu-
 ſieurs citoyens furent aucunement reſiouis, nonobſtāt leurs deſtruction, voyās
 la perturbation & dommage deſdits François: le nom deſquels ils ont touſiours
 euz en haine, combien que de toute antiquité ils ont touſiours eſté de droit &
 loy, ſous la maieſté & iuriſdictiō des Roys de France, auſquels ils ſont & ap-
 partiennent. Et quelque peu de temps apres icelles choſes, fut fait & trouué
 moyen, ou à tout le moins ſeinſt & ſimulé, d'eſtre fait aucune concorde & trai-
 cté d'accord entre le Roy & ledit Maximilian, pour paruenir à quelque autre
 effect. Et ſemblablement vn peu de temps apres euolu, aucuns genſdarmes de
 la garniſon dudit Arras, vindrent vne fois enuiron la minuiſt deuant la ville de
 Amiens, pour la cuider prendre d'aſſault, comme gens venus à l'emblee: mais
 la garniſon deſdits François & les manans & habitans d'icelle ville, qui veil-
 loient à faire bon guet, les ſeruirent ſi bien de trait & d'artillerie en les rebou-
 tant vaillamment, qu'ils ſe partirent ſoudainement des faulxbourgs de ſainſt
 Pierre, dudit Amiens, où ils eſtoient: & ſen retournerent bien diligemment en
 ladiſte ville d'Arras, de laquelle ils eſtoient venus. Et qui euſt adonc laiſſé faire
 le ſeigneur de Rubempré, il fut lors failly avecques aucuns de ſes gés de guer-
 re, & les manans & habitans de ladiſte ville: car il auoit vn mout grand deſir de
 deſfaire iceux ennemis: mais meſſire Anthoine Clabault cheualier, & pour lors
 Maire de ladiſte ville avecques le conſeil, ne voulut pas qu'il iſſit dehors: diſant
 pour

pour bonne opinion, qu'il souffisoit assez de bien garder & deffendre icelle ville d'Amiens, à l'encontre de leurs ennemis. Et adonques les seigneurs de France firent & traicterent par deuers le Roy, avecques l'aide des nobles seigneurs de Picardie d'autre part, qu'on feit appointement & bonne paix entre le Roy de France & l'Archedue: auquel fut rendue la Comté d'Artois: & à ceste cause fut toute la Picardie en bonne vnion avecques lesdits François, & sont encores de present, qui est vn moult grand bien pour ce Royaume.

Comment apres que le Roy Charles eut espousé Madame Anne de Bretagne, elle fut couronnée Royne de France en l'Eglise de monseigneur S. Denys. Et feit son entrée à Paris: Puis sera dit de leurs enfans: & comment le Roy alla visiter son pais de Picardie: D'un prestre executé & brulé à Paris: de la mort du Pape Innocent. viij. de son successeur le Pape Alexandre.vj.

POUR retourner à descrire en brieu du mariage du Roy Charles apres les choses dessusdictes: il est asscauoir que peu de temps apres, que le dessusdit Roy Charles eut espousé & prins à femme Madame Anne de Bretagne: pour demonstrier la bonne amour & dilection qu'il auoit avecques icelle dame, il voulut qu'elle fut noblement couronnée comme Royne & dame de France. Pour lequel mystere parfaire, fut dicté & celebrée vne messe solennelle en l'Eglise de monseigneur S. Denys en France, par vn tresreuerend Cardinal accompagné de l'Archeuesque de Sens & autres Euesques: à laquelle fut & assista la dessusdicté tresnoble dame, accompagnée de plusieurs grans Princes, seigneurs & notables personnes, & aussi de plusieurs nobles dames & damoiselles, & autres plusieurs personnages. Apres la celebration de ladicte Messe, fut ladicte Royne par solennel mystere dicté & couronnée Royne de France en moult grand triumphe & honneur. Et puis fut illec fait vn dîner tresplantureux & abandonné à pleine court ouuerte. Et apres qu'elle eut vn peu seiourné en ladicte ville de S. Denys, elle se disposa de venir faire son entrée en la ville de Paris capitale de France: là où icelle fut receuë moult honnorablement & en tresgrand honneur. Et vint au deuant d'elle hors ladicte ville de Paris, tout le clergé en moult belle procession, avecques riches chappes de drap d'or & saincts reliquaires. Et pareillement luy vindrent au deuant l'Euesque de Paris, Preuost des marchans & les Escheuins, avecques les autres officiers de ladicte ville: lesquels luy firent tous moult humble reuerence & honneur. Et puis icelle Royne entra dedans ladicte ville moult triumpamment, où toutes les rues d'icelle estoient moult richement tendues & parées de tapisseries, avecques plusieurs beaux mysteres & feux de joye: lesquels feux estoient faits pour l'honneur d'icelle Royne à sa bien venue, & ioyeuse reception dedans ladicte ville. Et ainsi fut moult honnorablement conduicte, & menée iusques en l'Eglise catedralle de nostre Dame audit Paris. Et illec en la rue neufue nostre Dame, estoit attendant le Recteur de l'vniuersité accôpagné de plusieurs docteurs & autres, pour luy faire la reuerence ainsi qu'il est accoustumé: puis elle alla faire son oraison en ladicte Eglise. Et apres fut tousiours ainsi conduicte iusques en son logis au Palais Royal: lequel estoit tresnoblement & sumptueusement appareillé, pour la recevoir ainsi que bien appartenoit. Et durant le temps

qu'icelle noble Roïne de France fut & sejourna adonc à Paris, furent faiz plusieurs ioyeux esbatemens par notables & vaillans seigneurs, comme ioustes & tournoyemens, tout à son honneur & louange: le Roy Charles vesquit amoureusement avec elle, & par bonne dilection: ils eurent estans ensemble en mariage selon le cours & par traicté de temps trois beaux enfant masles: lesquels velquirent aucun temps, mais apres successiuent deuant & depuis le voyage de Naples, furent morts & trespassez en leurs ieunes enfances, selon diuine disposition, Dieu leurs doint grace de prier pour nous. Toutes ces choses donques deduictes & considerées: apres le traicté qui fut fait avec l'Archeduc, ainsi que dit est au precedent chapitre: le Roy Charles se disposa d'aller en Picardie, pour veoir son pays: auquel il feit plusieurs pelerinages accompagné d'aucuns Princes de son sang, nobles, seigneurs & vaillans capitaines avecques plusieurs ses subiects. Et consequamment il feit son entrée en plusieurs bonnes villes dudit pays de Picardie, esquelles il fut moult honnorablement receu, & luy fut fait tresgrand honneur & moult bonne chiere: car tout le peuple auoit tresgrand desir, & affection de le veoir. Et entre les autres entrées de villes qui luy furent faictes chacun à qui mieux mieux: fut dit & maintenu que l'entrée laquelle luy auoit esté faicte dedans la ville d'Amié, estoit la plus belle & la plus sumptueuse. Les seigneurs & le commun peuple dudit pays de Picardie, furent tresioyeux & moult bien contens, de ce que ledit Roy les estoit allé visiter. Et furent des lors beaucoup plus ardans en son amour, qu'ils n'auoient esté parauant: car il estoit vn bening Prince & tresaggreable à chacun. Et enuiron ce temps le lendemain d'une feste Dieu, fut vn grand scandalle à Paris: car vn prestre nommé maistre Iean l'Anglois, estant cedit iour dedans la grande Eglise cathedrale nostre Dame dudit Paris, en la chapelle de S. Crespin & S. Crespinien, de courage mal me & tempre du Diable, vint & approcha le prestre qui diroit la Messe en ceste chappelle: & apres la cōsecration iceluy mauuais prestre, print furieusement la sacrée Hostie du precieux corps de nostre sauueur & redempteur Iesus Christ: laquelle il osta furieusement de la main dudit Prestre, lequel auoit consacré: & icelle Hostie ietta en terre par contemnement, cuidant mettre le pied dessus. Et pour ceste cause il fut incontinent prins & mené en prison: là où il fut gardé aucune espace de temps pour l'interroguer. Ce qui fut fait: mais il perseuera tousiours en sa mauuaise iniquité, & ne voulut laisser son erreur: pourquoy il fut publiquement degradé deuant la dessusdicté Eglise de nostre Dame de Paris: Et puis apres, il fut mis & delaisé entre les mains de maistre Pierre de la Porte pour lors Lieutenant criminel du preoust dudit Paris: lequel de la Porte condamna iceluy malfaicteur à estre villainement trainé dessus vne cloye: puis auoir la langue couppee, & finalement estre bruslé en vn feu, & son corps consumé en cendre dedans le Marché aux porceaux: ce qui fut fait & executé. Ces iours enuiron trespassa le saint Pere Innocent viij. de ce nom à Rome: lequel en dignité Papalle auoit bien & pacifiquement regy & gouverné l'Eglise par assez bonne espace de temps. Il fut plein de misericorde: car il deliura & absolut les Veniciens de interdit ecclesiastique, & de la censure laquelle auoit esté fulminée en iceux Veniciens dessusdits, par son predecesseur ledit Pape Sixte quatriesme de ce nom. Et consequamment apres ledit Pape Innocent

huiſtième de ce nom, fut fait & creé le Pape Alexandre vi. lequel eſtoit de la nation du païs d'Eſpaigne, homme robuſte & magnanime, qui par auant auoit eſté Viſchancelier dudit Pape Innocent. viij. Iceluy Alexandre fut de grande entreprinſe, & qui appetoit vengeance de ſes ennemis. Et au temps du regne de ce preſent Pape, furent par le bon Roy Charles viij. faiſtes grandes & victorieuſes entreprinſes és Italies & en Lombardie, comme il ſera dit cy apres.

De l'entreprinſe du voyage du Roy Charles pour aller reconuer ſon Royaume de Naples : & comment il fut meu à ce.



Pres que le treſchreſtien & victorieux Roy Charles viij. de ce nom, eut vaillammét & par bonne prudence conquis & ſubiugué les prochains ennemis és limites, lieux adiacens & circonuoifms de ſon Royaume de France : auquel il eut peu adonc viure & demourer en treſbon repos paſifique. Toutesfois comme magnanime & homme verueux, plain de prouéſſe & toute vâillance : Il entreprit & delibera d'aller recouuer ſon Royaume de Naples & Cecille, qui droictement & à iuſte tiltre luy appartenoit. Et combien qu'il fut petit de corps, toutesfois il auoit vne precellente magnitude de noble courage: car depuis qu'il eut deliberé de faire ceſte grande entreprinſe, homme ne l'en peut iamais deſinouuoir de la ſentence qu'il auoit en luy decretée, pour icelle parfaire & mener à chief. Et auſſi comme dit maiſtre Robert Guaguin dedans ſa chronique: Il ne voulut onques ouïr les orateurs & ambassadeurs qui pour ceſte cauſe luy furent enuoyez des Pariſiens, pour le retirer & deſinouuoir d'iceluy voyage. Mais en toute diligence fait aſſembler vn moult grand oſt, & exercite de vaillans gens d'armes à pied & à cheual, & auſſi par terre & par mer, & ordonna bons capitaines pour les bien conduire & mener. Et de ce faire fur auſſi ledit Roy treſgrandement exhorté par le Pape Alexandre de Romme ſixième de ce nom, & par le ſeigneur Ludouic Sforſia: leſquels pour lors auoient en haine & malalent Alphonſe Neapolitain: lequel auſſi adonques vſurpoit & tenoit à faux tiltre ledit Royaume de Naples: & ſi faiſoit pluſieurs grans griefs à tous les nobles du païs. Pourquoy leſdits Pape Alexandre & de Sforſia, appellerent iceluy Roy Charles pour venir ainſi és Italies: lequel Roy pour mieux aſſembler genſdarmes & faire ſon emprinſe, ſe retira en ſa bonne ville & cité de Lyon, approchant touſiours ſon voyage.

Comment vn nommé frere Hieroſme de Ferrare, preſcha l'aduenement du Roy des François au pais d'Italie. Et comment le Roy eſlant à Lyon ordonna prudeniment de tous ſes païs du Royaume de France. Et puis comment il partit dudit Lyon, & alla à Grenoble, là où au departir il print congé de la noble Roynie ſa femme.



V A N T que le Roy Charles huiſtième ſeit guerres ſemblant de marcher és parties des Itales. En l'an mille quatre cens quatre vingts & treize, vn deuot religieux dit & appellé frere Hieroſme de Ferrare, dit & preſcha publiquement l'aduenement dudit Roy Charles & des François en pluſieurs villes en Italie: & tellement que les Florentins eſtimoient eſtre vn bon Prophete. Et ainſi donques comme le Roy Charles eſtoit

à Lyon, delibéré de faire le voyage par luy entrepris esdictes Itales, pour recouurer son Royaume de Naples & Cecille: il enuoya deuant pour passer les monts monseigneur le Duc d'Orleans, avecques plusieurs grans seigneurs de ce Royaume de France, & autres accompagnez de plusieurs gens d'armes tant de ses ordonnances qu'autrement: lesquels furent ainsi enuoyez par terre, pour eux tirer chacun selon sa charge & commission deuers Milan, Gennes, Venise, Florence, Luques, Pise, Viterbe, Romme & autres plusieurs lieux de Lombardie & des Itales, pour les affaires de ceste entreprinse. Et afin qu'en toutes icelles villes & autres places, ils voulussent tenir la promesse qu'ils auoient faicte au Roy de France, pour recouurer sondit Royaume: pour lequel affaire, ils furent chacun endroit soy moult honnorablement receuz esdictes villes & pays: & leur fut fait vn moult bon recueil: Et puis ledit Duc d'Orleans retourna en sa Comté d'Ast. Et aussi firent moult bon exploict, & aduantageux tous les autres chacun en sa legation. Et leur fut encores de rechief promis & asseuré ce qu'ils demandoient. Et en ce temps le seigneur des Querdes, qui vulgairement estoit dit monseigneur des Cordes, cheut en vne griesue maladie luy estant à Lyon, disposé de passer les monts avec le Roy: pourquoy luy fut conseillé par les medecins de retourner en Picardie, dont il estoit natif, & que l'air luy pourroit ayder. Et adóc ledit Seigneur print cōgé du Roy & des autres nobles Princes & seigneurs de France: & se partit dudit Lyon & alla iusques à la Bresse, qui est à trois lieües de ladicte ville & illec trespassa en ce lieu: son corps fut mis en vn cercueil de plomb & porté à nostre Dame de Boulongue sur mer, où il est sepuluré comme il auoit dit. Et par le commandement du Roy, fut fait grand honneur & procession audit corps par les villes, où il passa. Estant encores adóc le Roy Charles à Lyon par bon conseil & meure deliberation, furent aussi de par luy commis & ordonnez plusieurs grans seigneurs & prudés personages, pour la garde & tuitiō du noble Royaume de France & y proueoir en tous affaires, ainsi que besoīn seroit. Et premierement fut commis seul Regent & principal chief dudit Royaume monseigneur Pierre Duc de Bourbon: lequel auoit espousé la sœur du Roy ma dame Anne de France, le seigneur de Bauldricourt fut mis gouuerneur de Bourgongne, les seigneurs d'Auaugourt & de Rohen gouuerneurs de Bretagne, le seigneur d'Orual gouuerneur en Champagne, le seigneur de Grauille fut ordonné es pays de Caux, Normâdie & toute Picardie, & le seigneur d'Angoulesme gouuerneur en Angoulemois & en tout le pays de Guienne. Tous lesquels ainsi ordonnez prindrent humble congé du Roy, & allerent vn chacun d'eux pour fournir à leursdictes charges. Et apres toutes ces choses ainsi disposées par bonne ordre, le Roy Charles demoura encores quelques iours à Lyon pour les delices & plaisirs d'icelle ville, ou aussi pour la bonne grace d'aucunes dames Lyonnoises: mais il suruint vne pestilence, au moyen de laquelle iceluy Roy se partit de ladicte ville de Lyon, accompagné de ma dame la Roïne sa femme, & autres plusieurs avecques eux, & vindrent iusques à Vienne qui est à cinq lieües de Lyon. Consequemment apres se departirent de la bonne ville & cité de Vienne le Roy & la Roïne, avecques leurs gens. Et en passant à Ville Neufue à la coste S. Andrieu & à Rinc, où ils furent tousiours bien receuz parusindrent iusques à Grenoble. Le samedy

xxiii. iour d'Aoust en l'an mille quatre cens quatre vingts & xiii. le prénommé Roy Charles accompagné de la Roynie sa femme & plusieurs autres Princes, seigneurs, avecques dames & damoiselles, feit son entrée dedans la ville & cité de Grenoble: laquelle fut tressumptueuse & magnifique, tant de la partie des gens d'Eglise: lesquels vindrent au deuant de luy & de ladicte Roynie en notable procession, garnis de plusieurs reliquaires & honnestement reuestus de moult riches chappes: comme de la partie des seigneurs de la Court du Parlement dudit Grenoble, & autres plusieurs officiers, avecques les nobles bourgeois manans & habitans de ladicte ville: lesquels estoient tous honnestement vestus & habitez selon leurs estats. C'est à sçauoir les vns vestus de belles liurées, & les autres de certaines deuises chacun à son plaisir. Et en ceste maniere, vindrent au deuant dudit Roy & sa compagnie. Et là par ceux à ce deputez comme bourgeois & escheuins, luy furent presentées les clefs de ladicte ville, en luy proposant & disant louenges par gens qui le sceurent bien faire, en signe d'honneur & obeissance. Puis fut mis & porté vn moult riche ciel dessus luy, & vn autre dessus la Roynie. Et ainsi accompagnez de leurs gens & vn moult grand nombre, furent conduits dedans la ville: laquelle estoit treshonnestement tendue & parée de tapisseries & autres riches paremens. Et en icelle ville estoient pareillement faits & demonstrez plusieurs histoires, & beaux mysteres designans l'excellent honneur & louenge du Roy & de la Roynie, autant que possible: car il n'y auoit riens obmis. Et ainsi fut conduict en ladicte ville & iusques en la grand Eglise dudit Grenoble, là où il feit son oraison: & puis fut mené en son logis, là où se tient le Parlement du Dauphiné, vn beau logis & spacieux. Le Roy & la Roynie demourerent six iours entiers dedans icelle ville, là où par les seigneurs presidens dudit Parlement & de son grand conseil, furent considerrez plusieurs choses pour l'appareil & armée dudit Roy, affin de facilement & en grande seureté, passer les haults monts de Sauoye. Et mesmement fut aduillé que pour tenir la voye opportune, seroient renuoyez les chariots & charrettes qui iusques en cedir lieu de Grenoble auoient esté ordonnez, pour apporter le bagage du Roy & autres choses necessaires à ladicte armée. Et en lieu de ce, furent ordonnez grand nombre de mulets pour icelles choses porter à grosses charges, ainsi qu'au païs de Sauoye ont accoustumé: car autrement n'eussent peu promptement passer. Et aussi furent ordonnez gens prudens & sages, pour prendre & limiter les logis du Roy & de son armée, selon qu'à vn chacun pouoit appartenir en vn tel affaire: duquel fut principalement donné la charge à vn nommé Pierre de Valetaur: lequel fut bien propre à ce faire, pource qu'il cognoissoit les lieux & les païs de tout ce voyage. Et consequamment par le Roy, lesdits seigneurs & gens de conseil, furent ordonnez saiges personnages, pour aller ça & là en plusieurs villes & lieux dudit païs, faire apporter viures & choses necessaires à ladicte armée: lesquels viures & autres choses estoient d'vn chacun payez & soluz à honnestes taux, & sans faire aucunes pilleries. Et pour ceste cause & y donner prouision, les ordonnez à ce eurent tiltres de Mareschaux, maistres d'hôtels & preuosts, qui bien en feirent leurs deuoirs. Et pour tousiours entretenir les seigneurs citoyens, manans & habitans des villes & citez de Lombardie & Italie, affin qu'ils fournissent leurs cōpromis au Roy

(pource que leur fidelité est aucunes fois bien petite) furent enuoyez ceux qui s'ensuiuent. Premièrement fut enuoyé vn maistre d'hostel nommé Jean de Cardonne à Florence, le seigneur Charles Brillart à Genes, Gaulcher de Tinteuille à Senes, la Ville Rigault d'Oreilles à Millan, Adrian de l'Isle à Pise, & le seigneur de Louan à Luques & autres iusques à Viterbe. Et auecques vn chacun d'iceux furent transmis gens de longues robes, eloquens & scientifiques orateurs, pour en cest affaire proposer harengues, quand mestier seroit. Item & pour ce mesme affaire, furent enuoyez deuers les Princes & regens desdits pays de Lombardie & Italie, les seigneurs qu'icy s'ensuiuent. Premièrement fut enuoyé le seigneur de la Trimoille au Roy des Rommains, Loys Lucas au seigneur Ludouic à Milan, le seigneur du boschage aux Venitiés, le seigneur d'Aulbigny & ses gens à Romme: auecques aussi monseigneur d'Aulun, le President Guesnay & General de Bidant ambassadeurs deuers le Pape. Et autre part fut enuoyé le seigneur d'Argenton accompagné de Monstreau. Et pour conduire l'ost & l'armée du Roy en iceluy voyage delà les mons, furent les Princes du sang Royal & autres seigneurs qui s'ensuiuent: monseigneur le Duc d'Orleans, le seigneur de Montpencier, le seigneur de Foués, le seigneur de Luxembourg, le seigneur de Vendosme, le seigneur Angillebert de Cleues, le seigneur Jean Iaques, le Prince de Salerne, le seigneur de Miolens & le seigneur de Pienne: les Marquis de Saluses, de Vienne & de Rothelin: les mareschaux de Gie & de Rieux, & auecques les Seneschaux de Beaucaire & de Normandie, tous & chacun d'eux accompagné de plusieurs notables capitaines, cheualiers, barons, gentils hommes, escuyers, & autres plusieurs dextres & loyaux gens d'armes. Et pour les mignons de la compagnie du Roy, furent ordonnez les seigneurs Bourdillon, Chastillon, la Palice, George Edouille, auecques aucuns familiers: comme Paris, Gabriel, d'Yjon, & autres plusieurs domestiques. Et en ceste noble compagnie estoient encores pour maistres d'hostels de chez le Roy & autres sans les dessus nommez, qui ja auoient esté enuoyez deuant pour les affaires solliciter & entretenir Guyot Loufiers, qui eut la charge de conduire l'artillerie: & aussi le seigneur Chaudoyr, lequel eut commission pour aller auecques la descharge de la grande nef de France, le Baillif de Vitry, le hannot du Tertre, Perot de Baché, le seigneur de Ville Neufue, René Parent, le Baillif S. Pierre du Montier, Jean Chasteau Dreux, Herné du Chefnoy, Jean de Lafnay, le seigneur du Fau, Adam de l'Isle, Girault & Charles de Sufaine, le seigneur de la Brosse, honoré seigneur du Chef & autres principaux officiers ordinaires: comme panetiers, eschançons, varlets de chambre, huissiers de salle & autres plusieurs, ainsi comme bien appartenoit à l'estat dudit Roy & en cest affaire. Et apres qu'iceluy Roy Charles eut seiourné l'espace de six iours dedās ladicte ville de Grenoble pour ordonner de tous ses affaires, il se partit d'icelle ville moult honorablement auecques sa noblesse, prenant congé de Madame la Royne & de ses gens, lesquels retournerent en France.

Comment le Roy partis de Grenoble pour passer delà les mons & aller à Naples.

Le vendredy



E vendredy vingtnuefiesme iour du mois d'Aoust en l'an que dessus le Roy apres auoir ouïy la messe se partit de la ville & cité de Grenoble, en prenant congé de la noble Roïne sa femme & de ses gens, ainsi q̄ dit est: & alla luy & demie sa cōpagnie dîner en vn lieu dit la Meure, qui est vn petit bourg dependant d'aucune baronnie appartenant au seigneur de Dunois. Et de là vint à soupper & au giste à Escoy vne petite ville, & là fut aussi honnorablement receu de tous les nobles bourgeois & habitans de ladicte ville. Et le lendemain samedy penultime d'Aoust il vint dîner à saint Bonnet, & puis alla au giste en vne petite cité nommée Gap en Daulphiné. Et le iour ensuiuant ledit Roy alla dîner aux Forges, & au soupper à nostre Dame d'Abrun, là où luy & sa compaignie furent pareillement honnestement receuz de tous les estats d'icelle cité, & fut logé en la maison de l'Euesque: lequel pour iceluy Roy estoit adonques allé en ambassade par deuers le Pape. Le lundy matin premier iour de Septembre apres ouïr la messe deuant nostre Dame, il s'en alla coucher à saint Crespin: & puis au giste à Briançon, là où il fut rreshonnorablement receu de l'Eglise, noblesse & labeur: & puis il fut par excellence mené loger hors la ville, en vne hostellerie la plus grande qu'on sache veoir. Et en ce lieu à luy & aux siens fut faicte moult plantureuse chere de diuerses sortes de viandes, & excellens vins. Et le deuxiesme iour dudit mois il alla dîner à Suzane: & pour le soir à la preuosté d'Ourse, auquel lieu apres le repas du Roy fait, luy fut présenté vn grand homme Robuste, natif de la Poille: lequel interrogué fut accusé estre vn des principaux maistres de la Vau-Pute: & apres que le Roy l'eut ouïy parler, il le remēt à la iustice chargé de son cas, l'information deuëment faicte par la iustice, fut ledit Robuste pendu & estranglé publicquement à vn gros arbre. Le lendemain le Roy alla dîner à Chaulmout, & incontinent apres il entra au pays de Sauoye, & alla choucher dedans Suse: & de ce lieu luy vint au deuant la dame de Sauoye moult richemēt accoustrée, & accompagnée de plusieurs notables personnes, grans seigneurs, barons, gentils-hommes, dames & damoiselles, qui tous luy firent grand honneur: & fut triumpamment receu & honnestement festoyé. Le iour suiuant apres, il partit dudit lieu de Suse, & alla dîner à saint Iouisset. Puis apres entra au pays de Piémont, & alla au giste à Villanne, là où il fut tousiours moult hōnorablemēt receu en vn chacun lieu. Et le lendemain qui estoit vendredy cinquiesme iour de Septēbre, ledit Roy delibera d'entrer moult triūphamment à Turin en la maniere qui ensuit.

De l'entrée du Roy en la ville de Turin au pais de Piémont. Et comment il y fut receu en moult grand honneur & solennité.



E vendredy cinquiesme iour de Septembre, ainsi que le Roy Charles alloit en la ville de Turin, les gens d'Eglise d'icelle ville luy vindrent au deuant en moult notable procession, comme en tel cas est accoustumé: & aussi ne faillirent pas à faire grandement leur deuoir gens de noblesse, & de labeur, manans & habitans de ladicte ville, & aussi l'vniuersité. Et pareillement luy vint au deuant la notable dame princeſſe de Piémont, biē sumptueusement accoustrée d'estat magnifique: car elle estoit habituée d'vn fin drap d'or

frizé, en habits & vesture de mode antique, bordez de gros saphirs, diamans, rubis & autres riches & precieuses pierres: elle auoit sur son chief vn grâd tas d'a-
liquets subrunis de fin or, plains des charboucles, de balais & iacintes avec houp-
pes dorées, gros fanons & bouquets d'orfauerie politement faits: elle portoit
aussy en son col colliers à grans roquets, garnis de grosses perles orientales:
bracellés de mesmes en ses bras & autres bien riches parures: & ainsi richemēt
vestue estoit montée sur vne hacquenée, laquelle estoit conduicte par six la-
quets bien accoustrez de fin drap d'or broché, avec vne bande de damoiselles
ordonnées en si bonne sorte, que brief n'y auoit que redire: elle estoit aussy ac-
compagnée de plusieurs nobles cheualiers, seigneurs, barons, escuyers, & pages
d'honneur. Et en ceste maniere entra le Roy dedans Turin, là où les rues estoient
rendues de fins draps d'or, & de drap de soye & autres riches paremens: & par-
my la ville estoient dressés grans eschauffaux remplis de mysteres & tant de la
loy de nature que de la loy escripte, gestes poetiques & histoires des vieil &
nouveau testamens: & estoit ainsi continué depuis l'entrée des faulxbourgs de
ladiète ville iusques au chasteau, auquel le Roy entra pour son logis en moult
grande triumphe, sonnant toute melodieuse armonie de trôpettes & clars: &
illec honorablement recueilly de ladiète dame & du Duc aussy son beau fils, ac-
compagné de son oncle le seigneur de Bresse & autres seigneurs & barons: les-
quels tous avec ladiète dame se presenterent de faire tout secours & ayde au
Roy & tant de leurs gens comme de leurs biens, luy monstrant grand signe d'a-
mour: & n'est pas à obmettre que parmy ladiète ville furent ce iour faictes plu-
sieurs repues franches, donnant plantureusement à manger & boire à tous pas-
sans & rapassans. Et le lendemain qui estoit samedy ladiète dame amena enco-
res ledit son beau fils en la chambre du Roy, & illec disnerent ioyeusement avec
luy en moult grande largesse de biens: & apres disner le Roy print congé de la-
diète dame & de son dit fils & autres seigneurs, pour aller soupper & coucher à
Quiers. Le samedy vij. iour de Septembre apres disner, le Roy Charles se partit
de la ville de Turin, & marcha tant avec sa compagnie, qu'il approcha la ville de
Quiers audit païs de Piémont: auquel lieu icelle dame auoit expressement mād-
de de bien receuoir ledit Roy, ainsi qu'il fut fait: & aussy furent faits plusieurs
ioyeux esbatemens en ladiète ville de Quiers à l'honneur du Roy & des siens,
qui furent tous moult bien receuz avecques le Triumphe des dames, & y se-
journerent trois iours.

*Comment le Roy se partit de Quiers pour venir en la ville d'Asi, où il eut certaines nou-
uelles des nobles faits de monseigneur le Duc d'Orleans au païs de Genes. Et cōment
Ludonic de Milan & sa femme vindrent veoir le Roy audit Asi: & d'une merueil-
le aduenue audit lieu de Genes.*

LE mardy ix. iour de Septēbre le Roy partit de la ville de Quiers, reme-
rçant honorablement les seigneurs & dames d'icelle ville, du bon re-
cueil qu'on luy auoit fait: & ce iour alla disner à Ville-noue, & puis il
vint au soir soupper dedans la ville d'Asi, appartenant à monseigneur le Duc de
Orleans, là où il fut moult ioyeusement receu de tous les estats, & non pas en
moindres qualitez quo les autres precedentes villes: mais feirent encores d'auā-
tage

tage selon leur pouoir, en la reception de luy & des siens. Et ainsi entra le Roy dedans la ville d'Ast, & fut premierement tresbien logé en l'hostel d'un nommé Jean Roger; & les autres seigneurs aussi tous logez en diuers logis. Et pour lors estoit ledit seigneur d'Orleans absent dudit Ast: car il naufrageoit sur la riuée de la mer de Genes pour les affaires dudit Roy, & en asseurant son voyage. Et le lendemain mercredy matin que le Roy fut arriué en ladicte ville, vint en diligence vn faulx poste, lequel (comme tout esperdu avec quelque escript fait à propos) rapporta nouuelles q̃ les François auoient tout perdu dessus nier: parquoy le Roy assembla diligemment son conseil avec les nobles seigneurs estans avec luy, pour incontinent donner & mettre prouision en tout cest affaire, & ce pendant se absentia ledit faulx poste. Et aussi il ne tarda gueres, que tantost apres vint vn certain poste: lequel dit & rapporta tresbonnes nouuelles, comment mondit seigneur d'Orleans, & les siens en naufrageant sur & enuiron le Rapail deuers le port de Genes, auoit deffait le Prince de Tarente & toute son armée, & si amenoit bien quarante prisonniers: & bref y auoit eu telle desconfiture & occision des ennemis de France, qu'il estoit impossible d'en sçauoir le nombre: car il n'eschappa d'eux sinon vn bien peu, lesquels prindrent diligemmet la fuite par dessus les monts, l'un des nepueuz du Cardinal de Genes, & l'un des fils de messire Fregore, furent prins prisonniers: dont Frederic qui estoit chef de ceste rencontre, fut mort & expiré de paour. Et aussi y estoit vne partie des principaux de la fleur des Itales: & à ceste victorieuse conqueste estoient avec mondit seigneur d'Orleans, le seigneur de Piennes, Jean de la Grange, Charles de Brillac, lequel illec fut fait chevalier: Le Bailly de Dijon, le seigneur dit Guyot de Loufiers, avec plusieurs hommes d'armes, & autres vaillans gens de guerre. Et apres icelle victoire, ledit seigneur d'Orleans fut aucunemēt surprins d'une fièvre ou autre maladie, en telle maniere qu'il luy conuint retourner en ladicte ville d'Ast, où estoit encores le Roy. Auquel lieu estoit venu de Milan Ludouic avec sa femme, laquelle estoit fille du Duc de Ferrare: & icelle auoit amenée en moult grand triumphe de habits & ioyaux d'or, & plusieurs riches pierres, pour ainsi estre monstrée deuant ledit Roy: avec lequel ils se deuiſoient aussi familieremēt comme paire de compagnons: mais iceluy trahistre Ludouic ne declairoit pas adonc l'iniquité de son maling & faux courage, comme il le demonstra depuis: & dont aussi finalement luy est mal prins & aduenü. Et apres que ledit Roy Charles eut sejourné aucuns iours en ladicte ville d'Ast, il fut aucunement mal disposé par deux ou trois iours: pourquoy il changea de logis, & fut logé aux Iacobins d'icelle ville, en aucune chambre propice dessus les iardins. Et là avec ledit seigneur d'Orleans & autres Princes & seigneurs & gens de conseil, ordonna & expedia de plusieurs affaires pour le bien & vtilité de son voyage & de tout le Royaume. Et ce pendant se retira ledit Ludouic par deuers Milan, & puis retourna assez tost apres: mais il faisoit tout fainctement & comme plain de trahison. Et durant ce temps estans encores plusieurs François à Genes, il aduint euz presens & plusieurs autres d'icelle ville, qu'un iour apres dîner pour passer temps, allerent pour eux esbatre trois ou quatre gentils compagnons, lesquels se baignerēt en la mer. Et en apres suruint encores vn autre, lequel se despouilla de ses habits pour soy baigner avec les dessusdits: & tantost forut

du fons de l'eäue vn gros poisson, lequel alla mordre ce dernier homme baigneur iusques au cler sang: dont luy se voyant ainsi blessé eschappa dudit poisson, en soy deffendant: mais quand le poisson eut succé de son sang, il retourna encores courir audit homme, & le mordit en plusieurs lieux: & tant fait sur luy par sa force, qu'il le traina dedans la mer, & iamaïs depuis ne fut veu, dont plusieurs furent esbahis en regardant ceste merueille. Et apres que le Roy eut demouré & seiourné en Ast depuis le neufiesme iour de Septembre iusques au sixiesme d'Octobre, il se departit d'icelle ville pour tousiours exploiéter chemin en parfaissant sondit voyage. Le lundy sixiesme iour du mois d'Octobre apres que le Roy Charles eut ouï la messe en la ville d'Ast, ainsi qu'il auoit de coustume, il print aucune petite refection: Et puis se departit de ladicte ville, & alla dîner à la Fariniere: & apres dîner se partit & alla au giste à Môçal, qui est la premiere place deuers Lombardie & vne tresbonne bourgade, qui estoit au feu Marquis de Mont-Ferrat, & où le Roy fut treshonorablement & moult bien receu: car là estoit adonclà noble dame de ce lieu veufue dudit Marquis, laquelle avec le seigneur son beau fils & son frere dit monsieur Constantin, le receut tresioyeusement & en grand honneur: & luy monstra toute la maniere & estat d'iceluy bourg & forteresse merueilleusement premuny, & assüsté de toutes choses seruant à la guerre & en tresgrande quantité: Et si luy monstra les testes de trois hommes traistres qui vn peu deuant auoiēt suscité guerre & discord entre Ludouic de Milan, & son mary le feu Marquis. Et en ceste honorable reception ladicte dame feit vne bonne chere & plantureuse audit prenommé Roy, en luy offránt tous & chacun ses biens & sa possession à son bô & loyal seruice: en luy rememorant amiablement, comment son feu mary en son trespassement, auoit delaissé elle & ses enfans en sa bône garde & protection: pourquoy ledit Roy les eut moult affectueusement recommandez enuers sa noble majesté. Et le lendemain matin se partit le Roy dudit Monçal, pour aller dîner & soupper à Cazal ville capitale dudit Marquis de Montferrat.

De l'entrée & reception du Roy en la ville de Cazal: & comment la dame & son fils se meirent en sa sauuegarde & protection.



Le mardy vij. iour d'Octobre, le Roy partit dudit Monçal & alla dîner & soupper à Cazal, qui est la ville capitale du Marquis de Mont-Ferrat: là où il fut louablement receu & cōduit iusques au chasteau, où fut ordonné son logis: & à l'entrée d'iceluy chasteau estoit la noble dame veufue du feu Marquis richement accoustree avec son fils le ieune Marquis, qui le saluerent humblement & en grande reuerence: & pource qu'ils ne sçauoient bonnement parler la langue Françoisse, le Comte de Foix & Loÿs Monseigneur firent leur harengue: disant en substance pour tousiours entretenir ses premieres parolles, qu'ils soubsmettoiēt tous & chacū leurs biens terriens entierement à son obeïssance, & sans riens excepter: & que pour totale resolution, ils mettoient leurs dicte ville de Cazal, le chasteau & generallement tous leurs autres lieux & places en sa sauuegarde & protection: ce que le Roy benignement print & accepta en sa garde, & puis il entra dedans ledit chasteau à son de cors, trompettes & clairôs: Et là fut festoyé le Roy aux despens de ladicte

Cette dame si bien & plantureusement de bons vins diuers, ypcras & diuerses viandes, qu'il estoit impossible de mieux : & aussi le lendemain le Roy donna riches & nouveaux habillemens au ieune Marquis à la mode de France, demonstrent sa liberalité, & comment il le receuoit en sa garde & protection : & ainsi sejourna le Roy trois iours dedans ladicte ville. Et le vendredy au matin enuiron le soleil leuant, le Roy se partit dudit Casal, & s'en alla disner à Conlle : & puis souper & coucher à Morterre, là où il fut honnorablement receu : puis fut mené loger au chasteau, qui estoit vn lieu treshonneste : & en ce lieu fut moult bien festoyé. Le samedy vnziesme iour dudit mois d'Octobre il disna encores en ce lieu, & puis il s'en alla au giste dedans la ville de Vigee, là où il fut aussi triumpamment receu, & en icelle ville fut en honneur solennel recueilly dudit Ludouic & sa femme, & aussi de plusieurs autres seigneurs du pays & des manans & habitans dudit lieu : & apres qu'on luy eut fait toute la reuerence, & proposé ce qu'on luy voulut dire, il fut conduit pour son logis iusques au chasteau, qui est vn beau lieu de plaissance : & ainsi fut luy & les siens traitablement entretenus. Le lundy treiziesme iour d'Octobre, le noble Roy alla aux Granges à demye lieu dudit Vigee : ces Granges sont au seigneur de Milan, qui est vn trespaisant & delectable lieu, & duquel sort vn bien innumerable : car c'est vn lieu pour nourritures, & pour garder bestes de toutes sortes & manieres : pourquoy ledit seigneur de Milan peut y receuoir moult grans droitz. Et premier y a vne moult grande & spacieuse court : aupres de laquelle est vne grande estable, là où le lieu est gentement fait & ordonné à haults pilliers & grans soubassemens : là où d'vn costé sont grans cheuaux & coursiers de pris, & d'autre part estoit le haras des iumens. Et pour ce temps en aucunes estables, y auoit bien dixhuit cens grosses bestes à cornes : comme gras beufs, grosses vaches, & bouffles : & es bergeries de chambre en chambre, estoit bien le nombre de enuiron quatorze mille bestes à pied fourché : comme moutons, brebis & cheures : & brief estoit iceluy lieu de moult grande estime & valeur.

De l'entrée du Roy à Paue: & comment il y fut receu.

A Pres que le Roy se fut departy du lieu dessusdit, & qu'il approchoit de la ville de Paue : ceux du clergé luy vindrent au deuant en moult honorable procession. Et en ceste maniere fut conduict le Roy iusques en la grande Eglise appellée le Dome, puis de là il fut mené loger au chasteau vn tresbeau lieu & spacieux. Et illec l'attendoient la Duchesse & son petit fils, pour luy faire la reuerence en sa ioyeuse bien venue : il fut tousiours moult notablement & bien entretenu de trefbons vins & diuerses viandes, luy & sa noble compagnie, depuis le mardy quatorziesme iour dudit mois d'Octobre, iusques au vendredy xvij. iour apres ensuiuant : auquel iour de vendredy il se departit dudit lieu apres ouïr la Messe, & alla disner à Beriofle, & apres disner vint souper, & au giste à Castel-sainct-Jean. Et le lendemain qui fut le samedy xviii. iour dudit mois, il fut au disner à Roqueste : & de là apres le midy, il se delibera faire son entrée dedans la ville de Plaissance.

Le iour d'un samedi xviii. iour d'Octobre apres dîner, le Roy Charles approchant de la bonne ville de Plaisance, les gens d'Eglise luy furent au deuant en moult belle procession, comme auoient fait les autres villes: & semblablement vindrent les seigneurs de renom, manas & habitans de ladicte ville: comme Iuges, Baillifs, Preuosts & Lieutenans avecques plusieurs autres officiers & conseillers d'icelle ville: lesquels luy feirent reuerence & fut honnestement receu, & puis triomphamment mené iusques en son logis moult bien appareillé. Et durant le temps qui fut illec dedans ladicte ville, accompagné de ses nobles seigneurs, il vint un poste en grande diligence luy donner lettres, lesquelles narroient en substance, que ce mesmes iour estoit mort & trespasé le petit Duc de Milan, dequoy le Roy fut moult esmeruillé & marry. Et sans aucune fiction luy en vindrent les larmes aux yeux, & encores pour parfaire son deuoir enuers Dieu & luy, feit le lendemain faire un seruice de funerailles tresfolenel: & apres iceluy seruice fut donné grande somme d'argent en aumosnes pour l'amour de Dieu, & tout aux despens dudit Roy: desquelles choses eut principale charge le seigneur Regnault d'Oreilles. Et est à noter qu'à ce seruice du feu petit Duc, furent de par le Roy inuitez tous les principaux & la plus part dudit lieu de Plaisance: lesquels pour recognoissance de sa benigne humanité, luy dōnerent plusieurs grans fromages, aussi grans quasi comme la largeur de meulles à moulin: lesquels il enuoya dudit lieu au païs de France pour faire present à la Roynne. Et apres plusieurs autres choses illec faictes & deliberées, le Roy se partit de Plaisance, où il auoit seiourné six iours.

De plusieurs autres villes & places, où le Roy passa de Plaisance iusques à la ville de Lucques.



Pres que le Roy eut ouï messe le leudy xxiiij. iour du mois d'Octobre, il se partit de la ville de Plaisance. Et alla ce iour dîner & soupper à Florensole, qui est une petite ville: là où il fut tresbien receu selon la possibilite du peuple, qui auoit bonne affection. Le vendredy apres dîner il alla soupper & coucher au Bourg S. Denys, une autre bien petite ville, là où il fut honnestement receu en obeissance. Et le samedi xxv. iour du mois d'Octobre, il alla au giste à Fornoue, qui est une grande bourgade ainsi qu'une village: mais il y a en iceluy lieu une belle & grande Abbaye, & est quasi le commencement des Alpes & hautes montaignes. Le lendemain qui estoit dimanche apres dîner, il alla loger à Terente Borg de Tarro: & le lundy apres ouïr la messe, il alla au soir à Beers: & en iceux lieux estoit assez estroitement logé tout le train du Roy, mais il faillloit piller patience selon le païs. Le lendemain mardy suiuant il se partit dudit lieu de Beers, & alla reposer à Pontresme, là où il fut receu en procession à grandes torches & luminaire de cite moult honnorablement, & luy fut fait une belle entrée comme és autres villes. Et en ce lieu vint par deuers le Roy, Pierre de Medicis pour luy apporter aucunes nouvelles de Florence: & à ce moyen il se soubmist en l'obeissance, & sauuegarde dudit Roy, & pour soy aussi exempter d'aucuns mutins, il promist luy soubmettre en sa main une petite ville appelée Sarzane: laquelle estoit subiecte aux Florentins: & apres ce luy donna encores une bonne place de ceux Florentins dicte

dicté Sarzanelle pres dudit Sarzane. Le mercredy matin le Roy fut à nostre Dame des Miracles pres ladicte ville de Pontrefme, & de là dîner à Yole. Et ce iour pour quelque debat, furent aucuns Allemans tuez dedans Pontrefme, dôt ils se vengerent au retour. Et le ieudy xxx. iour d'Octobre il feit marcher toute l'armée, & alla coucher à Sarzane: & illec en ce lieu reposa six iours à ordonner de ses affaires, pource que les Florentins estoient mutinez: & adonques le vint encores veoir en ce lieu Ludouic de Milan, lequel brassoit sa trahison, dôt il retourna bien soudain. Et le vj. iour de Novembre le Roy alla luy & son ost à Masse, qui est vn bourg, ouquel avn fort chasteau environné de grans fossez d'eau: & en ce lieu fut honnorablemēt receu de la dame, laquelle estoit en icelle place pres ce chasteau, à vne montaigne là où se prend le marbre blāc & noir: & d'illec on peut veoir la grand mer qui est environ à demie lieu pres. Le vendredy ensuiuant le Roy se partit dudit lieu de Masse, & alla au giste à Petre-Sainte, qui est vne petite ville, pour lors estant aux Florentins: mais le Roy avoit esté deüement informé qu'elle estoit du Duché de Genes, & que les habitants s'estoient ainsi retournéz par leurs cautelle & subtilité: au moyen dequoy il meit dedans le chasteau bonne garnison de gens d'armes iusques à son retour.

De l'entrée & reception du Roy en la ville de Luques.

VN samedi au mois de Novembre, le Roy feit son entrée en la ville de Luques, & alla le Clergé au deuant de luy plus d'une lieüe loing: Pareillement y allerent les seigneurs, bourgeois & autres de la ville, lesquels pour chose singuliere estoient pour la plus part vestus & habitez de fins draps d'or, & draps de velours. Et apres qu'eux tous l'eurent reueramment receu en obeissance, ils le menerent dedans la ville qui estoit richement parée avecques ieux & esbatemens: & fut logé en l'Euesché, où luy fut faicte bonne chere, & à toute sa compaignie.

Comment le Roy entra en la ville de Pise, & en autres iusques à Florence.

LE Roy partit le dimenche au matin de ladicte ville de Luques apres oüir messe, & alla dîner à Primat. Et puis ce iour apres dîner il feit son entrée dedās Pise, là où les gēs d'Eglise, Potestatz & gouverneurs d'icelle ville luy furent au deuant. Et n'est pas à doubter que sur tous autres, luy feirēt grād honneur & reception eux soubz-mettans du tout à son obeissance, & crioient du plus petit iusques aux plus grans avoir dessoubz luy liberte: car ils estoient grandement molestez des Florentins, qui les subiuguoier. Et brief estoit pitié d'oüir leurs complainctes de griefs & torts qu'on leur faisoit: dôt le Roy le retint à soy, & leur asseura de les tenir en bone franchise. Parquoy ils furent tāt ioyeux, qu'il n'est possible à reciter. Et aiusi n'est pas de merueilles, si fut grandement festoyé & tous les siens pareillement. Le lendemain matin le Roy partit de ladicte ville de Pise, & alla dîner à Pont-Codere, & puis au giste à Empoly. Et le mardy vnziesme iour de Novembre, le Roy apres dîner alla coucher au Pont de Signe, qui est vn beau lieu de plaïssance. Et là seiourna le Roy par cinq ou six iours: Pource que les Florentins festoient mutinez contre Pierre de Medicis: lequel avoit rendu aucunes places & chasteaux au

Roy : mais si bonne barbe fut lors monstrée aux dessusdits Florentins, & l'artillerie du Roy preparée pour aller contre eux : lesquels enuoyerent ambassade pour faire obeissance au Roy, & eux excuser de leurs fautes, en luy priant qu'il les allast veoir. Pour laquelle chose ainsi faire, il feit assembler son armée.

De l'entrée du Roy à Florence, avecques les autres seigneurs, & aussi toute son armée.



Le lundy xvij. iour de Novembre, le Roy qui auoit fait assembler toute son armée & son train, disna assez pres de Florence en vn grand Palais. Et là luy vindrent au deuant tous les seigneurs & bourgeois, & gens de tous estats de ladicte ville, pour luy faire la reuerence & le recevoir honnorablement. Et apres que les Florentins eurent du tout fait leur deuoir enuers le Roy, luy presentant les clefs de la ville: toutes les bades de l'armée du Roy commencerent à marcher en icelle ville, ayans chacun leurs capitaines, & sous bannieres desployées l'un apres l'autre par belle ordre: ce qui dura bien longuement, car là auoit plus de gens d'armes qu'onques Florentins n'auoient veuz. Et apres toutes icelles bandes passées, le Roy accompagné de plusieurs grans Princes & seigneurs, & entra dedans ladicte ville moult bien armé d'un riche harnois blanc, avecques sa garde & ses cent gentils-hommes aussi tous armez. Il fut honnorablement conduit & mené sous vn riche ciel desdits Florentins iusques à l'Eglise. Et puis de là fut mené au logis à luy preparé en l'hostel de Pierre de Medicis: là où luy & les siens furent si grandement festoyez, qu'on ne le pourroit estimer. Le Roy pour subiuguer & tenir les Florentins en son obeissance, sejourna douze iours à Florence. De laquelle ville il partit le vendredy ensuiuant xxj. iour de Novembre, & alla au giste en vn grand Palais par delà. Le lendemain iour de samedi il fut coucher à S. Cassan, où il demoura le dimanche. Et le lundy premier iour de Decembre il fut au giste à Pondibont, qui est vne petite ville assez peuplée & plaisante à veoir. Le lendemain le Roy alla disner à l'abbaye d'Aye, & puis au giste à Sene la Vieille.

De l'entrée du Roy & de ses gens en la ville de Sene la Vieille à Viterbe, & autres villes puis apres.



Le mardy deuxiesme iour de Decembre issirent de la ville de Sene les gens d'Eglise accompagnez des autres estats: & chacun en son deuoir furent bien vne lieue au deuant du Roy, & en le saluant & faisant leurs harengues, luy presenterent les clefs de la ville, comme le cognoissant à leur vray seigneur. Et avec grande solennité fut amené dedans ladicte ville moult bien & ioyeusement preparée à sa bien venue: & fut logé en l'Euesché pres la grande Eglise, & fut bien traité luy & toute sa compagnie. Le ieudy ensuiuant le Roy se partit dudit Sene & alla disner à Bon-Couuent: puis au giste à S. Clerico, & demoura illec tout le vendredy. Le samedi il disna à Ricoure & alla coucher à la Paille. Et le dimanche apres la messe ouïe il alla à Aiguependant, qui est vne ville en vn haut, & laquelle appartient au Pape: mais toutesfois le Roy y fut receu honnorablement en notable procession, & luy furent presentez les clefs de la ville. Le mercredi ensuiuant dixiesme iour de Decembre, le Roy passa à Mont

Mont Flacon, & alla au giste à Viterbe qui est aussi vne belle ville appartenant au Pape, mais toutesfois les habitans d'icelle ville luy feirent vne entrée d'excellence, eux soubmettant en sa subiection. Et le menerent honnorablement loger en l'Euesché, vn tresbeau lieu pres la porte Rommaine. Et en ce lieu de Viterbe le Roy y feit cinq iours residence, & visita plusieurs fois ma dame Sainte Rose: laquelle y est en chair & en os: Il meit le seigneur de Gaiafche en garnison dedans le chasteau: Et puis il enuoya le seigneur de la Trimouille par deuers le Pape Alexandre, lequel promet estre loyal au Roy. Et pour asseurance de ce luy renuoya aucuns Cardinaux & Euesques, & mesmemēt son confesseur. Le lundy xv. iour dudit mois de Decembre partit dudit Viterbe, & fut disner à Roussillon & au giste en vne petite ville appellée Naples, là où il fut iusques au vendredy. Et le vendredy dixneufiesme iour dudit mois, il alla disner & coucher à Braciane qui est à messire Vergille, là où le Roy assembla de rechief toute son armée. Tandis que le Roy demoura parqué audit Braciane bien accompagné de plusieurs grans Princes & seigneurs, & loyaux gens d'armes: Le Pape par son ambassade luy accorda mener son ost en la cité de Romme. Et ce pédant le seigneur de Ligny accompaigné d'une bonne bande, mena les Allemans iusques à Hostie, qui est vne forte place outre le Tibre sur vn port de mer. Et adonques estoit à Romme le Duc de Calabre, lequel par son outrecuidance luy sembloit qu'il feroit merueilles contre les François: mais il luy fut bon besoing de demarcher sans longue demeure, & s'en fuit deuers l'Apoüille: & incontinent alerent le seigneur de la Trimouille & le Marechal de Gyé, prendre les logis dedans Romme aussi priuement comme ils eussent fait és villes de France.

Comment le Roy entra en Romme avecques son armée: & de tout ce qui y fut fait.



Le dernier iour du mois de Decembre, Le Roy Charles avecques ses gens en armes princes & notables seigneurs: & comme tenant la main forte, entra en la cité de Romme avec toute son armée en bel ordre, dequoy plusieurs furēt estonnez: mais estoit adonc enuiron la nuit. Au moyen dequoy furent allumez vne grande quantité de torches & fallots: Et ainsi entra par la porte Flamine pres l'Eglise de S. Marie de Populo. Et en trauerfant vne partie de Romme, il alla luy & la seigneurie loger au Palais de S. Marc, où il feit ordonner son artillerie: Et les autres chacun en leurs logis, ainsi comme lesdits seigneurs les auoient ordonnez. Le Pape Alexandre sixiesme adonques aduertty de l'armée & grande puissance du Roy, s'en ferma adonques au chasteau S. Ange, doubtrant aucune motion, mais par le bon aduis du Roy & de son conseil, furēt enuoyez par deuers luy les Comtes de Foix, de Bresse & de Ligny avec le Marechal de Gyé, & l'Euesque d'Angiers, maistre Iean de Rely: lequel feit la harenque enuers ledit Pape, par telle maniere qu'il se contenta, & fut asseuré: dont de là en auant eut pacifique accointance & bonne amitié entre ledit Pape & le Roy, avec tous les nobles seigneurs. Le Roy occupoit tous les iours à ordonner son affaire par tout bon conseil, il visitoit deuotement les Eglises & saints lieux de Rôme: où luy furent monstrez en plusieurs lieux les saintes Reliques & merueilleux ioyaux: En quoy luy & les siés

prindrent vn singulier plaisir & deuotion. Et pour brief le Roy se demonstra auoir lors pouoir si vigoureux & magnifique en la cité de Rôme, qu'il y feit dresser trois ou quatre iustices: Et mesmement feit pendre, estrangler & decapiter aucuns larrons meurtriers & malfaiçteurs en Camp de Fleur. Il feit semblablement battre, fustiger, noyer, & efforeiller autres delinquans, pour demonstrier que comme vray fils de l'Eglise & Roy Treschrestien, il auoit haute iustice, moyen & basse dedans Romme, comme dedans sa ville de Paris ou autre de France. Et durant ce temps vn grand pan de muraille sans violence cheut du chasteau S. Ange dedans les fosses, dont ledit Pape fut aucunement irrité & espouenté. Et les Rommains cuidoiēt d'autre part, qu'il fut ainsi fait par miracle. Le Roy visita la sumptueuse place de Colisée, & autres merueilles de Romme. Le vendredy xvj. iour dudit mois de Ianuier, le Roy acompagné de toute sa noblesse, fut ouïr la messe à S. Pierre de Romme, & là par bonne paix & dilection le Pape & luy deuiſoient familieremēt ensemble, bras soubz bras comme compagnons. Et brief fut faicte vne telle amitié entre eux deux, que l'Euesque de S. Malo fut adonc fait Cardinal: & fut le Roy avec le Pape aucuns certains iours. Le mardy ensuiuant xx. iour de Ianuier le Roy ouït messe en vn lieu dit la Chappelle de France, là où il toucha & guerit les maladies des escrouelles: dont ceux des Italies voyans ce mystere, ne furent onc si esmerueillez. Et cedit iour le Pape chanta messe solennelle au grand autel de S. Pierre de Romme, present le Roy & toute sa noblesse, grans seigneurs & gens d'ordonnance: & là estoient en nombre xxv. Cardinaux avec enuiron trente Archeuesques & quarante Euesques, sans les Prothonotaires & autres seigneurs d'Eglise. Et apres la messe chantée le Pape & le Roy ensemble avec leurs gens desfusdits, vindrent en vne place preparée à l'entrée de S. Pierre. Et illec sur vn eschaffault pource ordonné, fut par vn Euesque present tout le peuple demonstrée la sainte face de Iesus. Christ trois fois: & là tout le peuple crioit adonc à haute voix, misericorde. Et apres ce fait le Pape fut porté sur vn eschaffault deuant ladicte Eglise: & là decoſte luy fut assis le Roy. Et en apres les Cardinaux chacun selon leur ordre, & les seigneurs du sang royal: Puis le S. Pere feit dire à tout le peuple, *Confiteor*, pour dōner pleniere remissiō de peine & de coulpe cōme à l'an Iubilé: laquelle fut publiée par trois Cardinaux en trois langages: c'est à sçauoir en Latin, en François & Italien. Et ainsi q̄ le Pape faisoit la benedictiō pour ce Iubilé, il auoit sa main senestre sur l'espaule du Roy. Et par ceste maniere fut illec chacū absoulſt de peine & coulpe en moult grāde deuotion. Et adonc estoit le Turc au chasteau S. Ange, leq̄ pouoit veoir tout ce peuple de quoy il fut moult esbahy. Et apres ce fait chacun se retira en son logis biē ioyeuſemēt. Le Roy visita les sept Eglises priuilegiées, qui sont dedans Romme & dehors. Et le dimanche apres ſuiuant le Pape & le Roy pour eux demonstrier bons amis cheuauchèrent ensemble par la ville de Romme. Le Roy demonstra au Pape & à ses Cardinaux le trein de son armée, qu'il auoit en Romme par belle ordonnance: qui estoit vne merueilleusement belle chose à veoir pour ceux qui l'aimoient, & vne crainte pour ses ennemis. Et depuis furent encores aucuns iours en la cité de Romme. Le mardy vingtseptiesme iour de Ianuier le Roy commanda de faire preparer tout son train, pour soy departir de ladicte ville de Romme:

& alla

& alla humblement prendre congé dudit Pape Alexandre & plusieurs de ses Cardinaux, qui tous luy auoient fait vn moult bon recueil.

Comment le Roy partit de la ville de Romme avec son armée, pour aller à Naples: & ce qu'il fut fait en chemin.



Le mercredy xxviij. iour dudit mois, le Roy alla encores desjeuner & disner au Palais du Pape. Et apres qu'ils eurent assez longuement deuisé ensemble pour aucuns cas expres, le Pape luy donna sa benediction. Et adonques se partit de Romme, & pour son plaisir emmena le Turc. Et avec luy estoient le Cardinal de Valence & le fils du Pape: & iceluy iour apres disner le Roy avec sa cōpagnie alla au giste à Marigne vne petite ville, qui est à enuiron vij. ou viij. mille de Romme. Et le lendemain il alla au giste à Belistre, qui est vne cité, & fut logé en l'hostel de l'Euesque, là où seiourna aucuns iours: & ce pendant ledit fils du Pape se desroba & comme traistr abandonna le Roy. Le samedy xxxj. & dernier iour du mois de Ianuier, estant encores le Roy audit lieu de Belistre, il eut certaines nouuelles par vn poste, comment le seigneur Angilbert de Cleues grand capitaine des Allemans & d'autres gens d'ordonnance, auoit par assault & vaillamment (nonobstant toute resistance) prins & gagné les ville & chasteau de Montfortin, appartenant au seigneur Iaques Comte, lequel festoit reuoqué du serment qu'il auoit fait au Roy: & pour ceste cause fut iceluy lieu mis au feu & à l'espée. En ce lieu furent prins les deux fils dudit Iaques Comte, & autres plusieurs prisonniers sous ledit seigneur de Cleues. Le dimenche premier iour de Feurier, & le lundy iour de la Purification nostre Dame, le Roy seiourna encores audit lieu de Belistre accompagné de quatre Cardinaux & six Archeuesques. Le mardy & le mercredy ensuiuant il passa à Valemonton, à la Tour & à la Botine. Et le iedy v. iour dudit mois il arriua à Florétine, là où il sarresta: pource qu'un Iuif luy vint humblement supplier pour receuoir baptisme, dōt le Roy le print par la main, & incontinent le mena à l'Eglise, & le feit baptizer par son confesseur l'Euesque d'Angiers, & luy donna le Roy à nom Charles, & luy feit du bien largement. Et en icelle ville est vne Abbaye, où l'on dit estre le corps S. Ambroise. Le vendredy le Roy alla disner & coucher à Verlie, là où les seigneurs d'icelle ville luy apporterent reuerement les clefs des portes, eux soubmetrans à son obeïssance: & dit on là estre le corps de sainte Marie Iacobi, sœur de nostre Dame, que le Roy voulut illec veoir, & y seiourna le dimeneche. Et le lundy ix. iour dudit Feurier le Roy alla disner à Bahur: & apres disner cōme Roy vertueux il alla tout armé veoir le siege, que les François auoient mis deuant Mont S. Jean, où il y auoit forte ville & moult fort chasteau, ausquels furent donnez merueilleux assaults, car ils estoient tous enuironnez de gens d'armes François: mais là dedans auoir vn ras de gens assemblez de diuerses nations, lesquels se defendirent merueilleusement, & blecerent plusieurs François. Et adonc le Roy present fut donné vn terrible assault à ladicte ville & chasteau en si grand effort, qu'on ne veit oncques: & lequel dura enuiron huit heures: dont par la bresche d'une moult forte tour, où l'on apperceut aucune trace de sang, entrerent incontinent les François dedans ledit lieu à toute violence, & tuerent tous les gens d'armes qui

furent trouvez en nombre enuiron neuf cens & cinquante cinq morts : mais il y auoit aussi eu plusieurs François blecez & aucuns tuez . Apres fut le siege leué , & icelles ville & chasteau donnez en garde au seigneur de Taillebourg, lequel en feit à son hōneur. Ceste place de Mont saint lean estoit estimée vn lieu imprenable. Et qu'il soit vray, il n'y auoit pas long temps qu'Alphonse Neapolitain auoit tenu son siege deuant, l'espace de sept ans : mais pour toute sa force & puissance n'y sceut onc riens conquerir . Et de ce lieu le Roy retourna audit Verbie, & puis alla coucher à Bahut, où il eut nouuelles que le Duc de Calabre, s'en estoit fōuy de la place de saint Germain, apres qu'il eut ouy les nouuelles dudit Mont saint lean. Ce lieu de saint Germain est la clef & entrée du Royaume de Naples : car il y a là ville forte, avec deux ou trois chasteaux de grand deffense : & au dessus de la ville vne grande Abbaye, dedans laquelle repose le corps de saint Benoist . Le ieudy douziesme iour de Feurier, le Roy alla coucher à Cyprienne vne petite ville, & le vendredy il alla disner en la ville d'Aquin, de là où estoit natif le Docteur saint Thomas d'Aquin : & puis au giste audit saint Germain , & de ce lieu le lendemain coucher à Mignane . Le lundy seiziesme iour dudit mois le Roy alla disner à nostre Dame de Corregre : & alla soupper à Triague, là où il luy fut faicte vne moult belle & ioyeuse entrée : & en ce lieu il eut nouuelle que ledit Duc de Calabre s'estoit encores fuy de la ville de Cappeloue : pourquoy les habitans vindrent apporter les clefs d'icelle ville audit Roy. En luy reuerant humblement & à ioinctes mains, qu'il les voulüst prendre à mercy. Le lendemain qui estoit mardy, le Roy se tint tout le iour à Coüy : & le mercredy dixhuietiesme iour dudit Feurier le Roy feit hōnorablement son entrée en ladicte ville de Cappeloue, & fut logé dedans le chasteau qui est vne place moult forte & la ville pareillemēt. Et le lendemain il alla disner & coucher à Averse, là où aussi luy fut faicte vne moult belle entrée, & fut logé en l'hostel de l'Euesque . Le vendredy vingtiesme dudit mois, les bourgeois & marchans de Naples vindrent humblement saluer le Roy en icelle ville, pour luy dire & certifier que le Roy Alphons & son fils s'en estoient fuis par la mer. Et en ce disant, ils luy presenterent les clefs de ladicte ville de Naples, eux soubsmettans du tout à son bon plaisir & obeissance. Et adonc le Roy y enuoya le Marechal de Gyé avec plusieurs autres seigneurs : lesquels ils receurent fort, & foible, ainsi qu'il leur pleut y entrer. Le samedy matin vingt & vniesme iour dudit mois le Roy se partit dudit Averse, & alla disner dedas Poge-Real, qui est vn lieu de moult grande plaissance, & beaucoup plus grand que n'est le bois de Vincennes remply de diuerses sortes d'arbres, & de plusieurs manieres d'oiseaux & bestes grandes & petites, fontaines, praeries & vins de bien grande excellence . Lesquelles toutes choses à dire & la magnificence du lieu, seroient trop longues à reciter.

Comment le Roy entra triumpamment en la ville & cité de Naples : des assaulx & prinſes du lieu dit la Citadelle, & du chasteau Norve, & du chasteau de Lorde : & des choses qui y furent faictes & ordonnées ainsi qu'il sera declaré.

LE dimenche xxij. iour de Feurier. En l'an mille cccc. quatre vingt & quatorze le Roy Charles s'accoustra triumpamment en ses riches habits. Et entra vertueusement en sa ville & cité de Naples, & ombien qu'il y feit depuis vne autre entrée comme il sera dit: mais toutesfois il se demonstra des ce iour vray Roy & puissant seigneur de Naples, car il s'en alla droictement loger au chasteau de Cappoue. Et pource qu'aucuns des gens dudit Alphons tenoient encores vne forte place, dictée la citadelle, le chasteau Nove & le chasteau de l'Ove dedés ledit Naples: le dessus nommé Roy Charles feit soudainement assieger ladicte citadelle qui a d'un costé la grand mer. Et pareillement feit faire les approches de sa grosse artillerie deuant ledit chasteau Nove, afin de les faire reneger. Les capitaines du guet pour le Roy estoient messire Gabriel de Montfaulcon, Jean de la Grange & plusieurs autres gens de bien. Et à brief parler fut vertueusement prins cedit lieu de la citadelle, par vn bien aspre & merueilleux assault, dont incontinent les Allemans, Espaignols & Neapolitains contraires au Roy qui resisterét audit assault, brulerent les faulxbourgs d'icelle place, & puis se retirerent dedans ledit chasteau Nove avec ceux qui ja y estoient. En ceste citadelle avoit la plus grosse artillerie qu'on veit iamais, & aussi y fut tant trouué de biens de diverses fortes & estranges manieres, qu'on fut plus de huit iours entiers à les tirer & vider dehors par force de gens, & de charretes, & encores n'en pouoit on trouver la fin tant y en avoit. Et le mercredy xxv. iour dudit mois, le Roy apres oïr messe à l'Eglise de l'Annonciade, distna au logis du seigneur de Montpencier: & de là accôpagné de tous les seigneurs du sang, alla veoir comment ladicte citadelle avoit esté assiegée & batuë: & ce fait il fut advisé comment on auroit ledit chasteau Nove, autrement dit le chasteau Neuf. Le lendemain qui fut le iedy xxvj. iour de Feurier, ceux qui estoient demourez audit chasteau, demanderent à parler: parquoy on laissa de tirer l'artillerie, & vindrent pour parler à eux le seigneur Angilbert de Cleues, le seigneur de Ligny, le Baillif de Dijon, & le grâd escuyer de la Royne. Et adonques iceux dudit chasteau demanderent & requierent ausdits seigneurs, que le bon plaisir du Roy fust de leur donner xxiiij. heures de trefues, ce qui leur fut volentiers accordé. Et pource que le lendemain ils demanderent sortir leurs vies & bagues saüves, il ne leur fut riens octroyé: Dont incontinent plus fort que deüât commença de bastons à feu la batterie, & les approches si merueilleusement, que c'estoit piteuse chose de veoir la ruine & demolitiô dudit chasteau Neuf, lequel estoit fort à merveilles. Pourquoy ceux de dedans voyans estre de si pres chassés, iecterent vne piece d'artillerie, laquelle rompit toute la nef de l'Eglise des freres Mineurs de l'Observance, sans faire mal à homme ne femme qui pour lors fut en ladicte Eglise, & si en y avoit largement. Ladicte batterie dura depuis le iedy iusques au lundy apres ensuiuant, si fort & si impetueusement qu'il estoit possible: dont ceux de dedans voyans ceste enorme batterie & de toutes pars. Le Roy en propre personne illec present furent encores contrains de rechief parler, dont cessa de tirer ladicte artillerie. Et adonques parla à eux le seigneur Angilbert de Cleues avecques le Baillif de Dijon, qui parlerent en Allemand. Lors firent les dessusdits leurs demandes, en requerans sortir leurs vies & bagues saüves, &

qu'ils seroient payez pour trois mois en seruâr le Roy sil luy plaisoit, ou qu'on leur donnast sautecouduit pour eux aller à l'adventure. Ce parlement dura iusques au mardy iij. iour de Mars, que trefues furent tousiours continuées à ceux de dedans, eux attendans auoir secours dudit Alphons ou de par luy: mais quâd ils veirent qu'il ne venoit point, & qu'on vouloit recommencer la batterie pire que iamais, & par assault hardy & furieux, ils furent contrains de tout abandonner, & se rendirent à la personne du Roy mesmes: lequel les receut, eux & leurs bagues sauues: c'est à sçauoir en laissant l'artillerie qu'ils auoient & les viures en ladicte place, auquel lieu le Roy meit incontinent ses gens & bons capitaines pour le bien garder. Il est à sçauoir qu'en ces iours estant le Roy à Poge-Real lieu sumptueux & magnifique, ainsi que dit est, la fille de la Duchesse de Melfy, en la presence de sa mere vint sur vn beau coursier de Pouille. Et à bride aualée tât qu'il en pouoit porter, le feit courir & estrader quatre ou cinq lôgues courses. Et brieu en soy presentant audit Roy, feit encôres iceluy coursier contourner, sauter & pennader aussi bien ou mieux qu'eut seu faire le mieux cheuauchant du monde: à quoy le Roy print grand plaisir, & luy feit quelque noble don. Le mercredy quatriesme iour du mois de Mars, le Roy feit mettre le siege au chasteau de l'Oue vulgairement dit en l'âgâge François, le chasteau de l'Oue, qui estoit quasi enuers le poinct du iour. Et fut iceluy chasteau merueilleusement battu d'artillerie du costé deuers la terre, pource que l'autre costé estoit deuers la mer. Et cedit iour le Roy ouït la messe aux Chartreux, & disna au logis du seigneur de Clerieux. Et apres disner il alla veoir son siege deuant ledit chasteau de l'Oue, duquel l'artillerie dudit siege auoit ja abbattu vne grande partie: car ceux qui en auoient la charge faisoient leur deuoir à merueilles. Et tellement qu'enuiroin cinq heures apres vespres ceux du chasteau demanderent à parlementer, le Roy estant illec present ce que volentiers leur permit, & enuoya par deuers eux le seigneur de Fouës, & le seigneur de Miolan: lesquels les ouïrent parler & rapportèrent la responce au soupper du Roy estât au chasteau de deçà. Le ieudy cinquiesme iour de Mars, le Roy retourna encôres apres disner veoir son siege deuant ledit chasteau. Et luy estant és trenchées de son artillerie, le Prince de Tarente vint parler à luy. Et auoient esté deuers ledits Prince, le seigneur de Guise, le seigneur de Ligny & le maistre d'hostel Brillac: lesquels estoient demourez en ostage, iusques à ce que ledit Prince fut retourné de son parlement: & adonc le Roy & ledit Prince tous deux honnestement vestus, parlerent eux deux seulement assez longuement ensemble en vn iardin ioignant l'artillerie: & à les veoir ils se contenoient eux deux bien sagement, en toutes leurs parolles: & apres leur parlemēt tenu, le Roy appella le seigneur de Montpencier, le seigneur de Fouës, le seigneur de la Trimouille, le seigneur de Miolan, & le Marechal de Gié avec plusieurs autres, & parlerent ensemble assez bonne piece, le guet & les gardes à l'entour. Et quand leur parlement fut finy ledit Prince print congé du Roy & retourna en sa galée qui flotroit sur mer deuant ledit siege: & à son retour le cōuoyèrent aucuns desdits seigneurs par le cōmandement du Roy. Et quâd il fut sur le bort de la mer, il print congé desdits seigneurs en se recōmandant tousiours à la bonne grace du Roy: puis quand il fut en sa galée les dessus nommez seigneurs de Guise & de Ligny avec

avec les autres, prindrent aussi congé dudit Prince de Tharente & retournerent deuers le Roy: auquel ils feirēt hōnorablement ses recōmandations, & se louèrent moult de l'hōneur & festoy q̄ les seigneurs dudit Prince leur auoiet faits en ladicte galée: & cedit iour ne fut tiré aucū coup d'artillerie d'une part ne d'autre.

Le vendredy sixiesme iour de Mars le Roy apres ouïr la messe, alla dīner en l'hostel du seigneur de Clerieux. Et ce mesmes iour se partirent encores aucūns personages dudit chasteau Nove, entre lesquels y en auoit plusieurs blesez: les Espaignols allerent au Prince de Tharente, & les Allemans se vindrent rendre au Roy tous par saufconduit: & de ce iour entra audit chasteau par commandement du Roy le seigneur de Cresfol, messire Gabriel de Montfaulcon, avec grande quantité de ses gens & des archiers du Roy qui eurent la charge d'iceluy chasteau, & des biens qui estoient dedās: lesquels estoient en moult grand nombre. Et le samedy septiesme iour dudit mois de Mars, le Roy alla veoir ledit chasteau Nove: lequel il veit moult volentiers, & puis il se partit & vint veoir son siege deuant l'autre chasteau de l'Ove: & sur le soir le Prince de Tharente vint encores parler au Roy ioignant l'artillerie, & furent pour luy en ostage le seigneur de Guise, & le seigneur de Ligny iusques à son retour, ce parlement fut brief: car il estoit tard, & puis ledit Prince retourna en sa galée, & lesdits seigneurs retournerent aussi par deuers le Roy. Il est à noter que ce iour de samedy le Prince de Salerne, lequel auoit esté fugitif cinq ans, pour la crainte du Roy Alphons, arriua en la ville de Naples, & trouua vn sien petit fils, que ledit Alphons auoit detenu prisonnier: mais le Cardinal S. Pierre *ad vincula* l'auoit aacheté & donné grosse rançon pour luy. Dimenche viij. iours de Mars la messe ouïe & apres dīner le Roy alla iouer en son siege, & enuoya le Preuost de Paris & l'escuyer Galiot pour sommer à ceux du chasteau, qu'ils se voulsissent rendre au Roy, ou autrement qu'en bien brief temps on leur monstreroit de beaux poincts: ce que l'on feit sans nulle faute, pource qu'ils n'y voulurent entendre: car depuis cedit iour de dimenche iusques au ieudy ensuiuant, ils furent tellement battus & assaillis d'artillerie, qu'ils ne sçauoient comme plus ou eux heberger: en telle maniere que cedit iour de ieudy douziesme de Mars, le capitaine du chasteau fut cōtrainct de sortir dehors por venir parler au Roy estāt en son siege: & illec ledit capitaine se vint prosterner à genoux, mains ioinctes, & la teste nue deuant ledit Roy en ayant trefues iusques au lendemain, priant qu'il les print à mercy, ce que le Roy luy octroya: puis iceluy capitaine, lequel estoit bel homme & auoit ja les cheveux tous blancs, retourna au chasteau de l'Ove: & avecques luy furent enuoyez de par le Roy le Prince de Salerne & le Marechal de Gié pour parler à ceux dudit chasteau, & allerent par mer avec ledit capitaine: & depuis y furent ordonnez capitaines Claude de Rabaudanges, & le seigneur de la Vernade sans riens oster dudit chasteau. Le dimenche seziemesme de Mars le Roy apres la messe ouïe retourna au chasteau de Cappoue, où il estoit estoit logé, & là demoura plusieurs iours à receuoir les fidelitez & hommages des Princes & Princesses du Royaume, ensemble plusieurs autres seigneurs & nobles hommes tant de la ville de Naples & Terre-de-Labeur, de Calabre, de Pouille que d'autres payz, qui ne sont cy nommez subiects audit Royaume: il y auoit lieu estably où l'on faisoit la Chancel-

lerie comme en France avec Presidents en estat: comme le President Guennay, le Chancelier & les secretaires du Roy sous luy, ayans seaux grans & petits, à simple & double queues, donnans graces & remissions, aubaines, forfaitures, ordonner coings à monnoye d'or & d'argent, & autre metal en plusieurs sortes: comme escus, ducats, grans blancs & autres pieces doubles & simples. Et estoient grauez esdits coings les armes de France d'un costé, & les armes de Cecile d'autre part à croisettes de Hierusalem. Et pour ceste ordonnance le Roy feit & crea plusieurs nouveaux officiers en ladicte cité de Naples, & autre part: comme iuges, maistres des monnoyes & autres en diuers offices. Et dès ce tēps en auant le Roy, fut plusieurs iours à Naples à visiter les saintes Eglises, & veoir autres plusieurs nouuelletez en ladicte ville & es enuiron. Et en ce faisant luy furent faictes plusieurs bonnes chieres par la seigneurie dudit Naples, & d'aucuns particuliers qui seroient longues choses à dire. Le mercredy xxv. de Mars vindrent nouuelles que Gayette estoit prinse des gens du Roy, lequel y enuoya le lendemain le Seneschal de Beaucaire pour en prendre possession. Au mois d'Auril le Roy visita son artillerie, & celle qui auoit esté trouuée esdictes places & chasteaux de Naples, dont la plus part fut amenée en France. Et en ces mesmes iours d'Auril le seigneur d'Aubigny partit de Naples, pour aller en Calabre accompagné de ses gens d'armes & Allemans, qui estoient assez grand nombre. Le mercredy quinziesme d'Auril le Roy ouït messe à l'Annonciade à Naples, où il se confessa & puis toucha & guerir les malades des escroüelles: lesquels malades estoient en moult grand nombre de toutes parties des Itales & autres lieux, dont tous les assistans desdits pays faisoient grand estime de ceste dignité. Et ce iour messire Virgille & le Comte de Petilane, vindrēt au Roy apres leur prinse. Le lendemain qui estoit le iedy absolu seiziesme d'Auril le Roy ouït le seruice à S. Iean vne belle Eglise, là où il feit sa Cene comme en France: c'est à sçauoir treize pauures, lesquels eurent à disner & xiiij. escus d'or. Et là feit le sermō nostre maistre Pinelle docteur de Paris, & les deux autres iours apres. Le iour de Pasques xix. d'Auril, le Roy fut confessé à S. Pierre ioignant son logis. Et puis il toucha les malades des escroüelles pour la seconde fois: & apres ce fait il alla ouïr la grande messe en ladicte Eglise de S. Iean: & apres disner il ouït le sermon fait par ledit docteur Pinelle. Et le mercredy xxij. d'Auril apres disner, le Roy alla aux lices où se deuoient faire les ioustes, qui estoient pres vne Eglise fondée des Roys de Cecile, c'est à sçauoir de ceux d'Anjou: & là trouua plusieurs seigneurs & dames des pays d'Italie. Et durerent les ioustes depuis ce mercredy iusques au premier iour de May: Les tenans du dedās desdictes ioustes se nommerent Chastillon & Bourdillon. Et au regard des deffendants du dehors, le nombre en estoit incogneu, mais trop bien y fut fait merueilles. Le dimanche troisieme iour de May le Roy audit Naples ouït la messe à saint Genny, qui est la feste de la grande Eglise cathedrale, où furent assemblez plusieurs Cardinaux, Euesques & autres Prelats d'Eglise. Et en ce lieu fut monsté au Roy le chief dudit saint Genny, qui est vne moult digne chose à veoir. Illec fut apporté de son sang en vne grande ampolle de voirre, lequel estoit dur comme vne pierre: ainsi comme le Roy prouua, en la touchant d'une petite verge d'argent. Et ceste ampolle mise deuant ledit chief sur le grand

le grand autel, le sang commença incontinent de soy eschauffer & amollir dedans ceste ampolle, dont plusieurs furent esbahis de veoir ce merueilleux miracle: & disoient les seigneurs d'Eglise & autres de la temporalité dudit Naples, que par ce digne chief & sang dudit saint Genny, auoient cognoissance de plusieurs de leurs requestes enuers Dieu. Car quand ils faisoient leurs prieres, celle estoit bone il famollissoit: & si elle n'estoit de iuste requeste, il demouroit dur. Et par ce aussi ils auoient aucune recognoissance de leur Prince, & fil deuoir estre leur seigneur ou nō, qui est chose bien merueilleuse. Lundy quatriesme de May le Roy enuoya Iean du Bois, Fontaines & le maistre d'hostel de Bresse, pour mettre par inuentoire les biens qui estoient dedans le chasteau Nove: lesquels estoient en si grande quantité de viures, & autres tous biens en diuerses especes & qualitez, de sorte que la valeur sembloit inestimable à priser. En ces iours le Roy visita plusieurs lieux de la ville de Naples & des enuirs. Et mesmement alla par sur le bord de la mer iusques au commencement de la montaigne de la Crotte, que Virgille feit percer bien subtilement: car celle montaigne est moult haute iignant de la mer, & n'y a autre chemin selon le train de la mer que cestuy là, qui est vne nouuelle chose comme scauent ceux qui l'ont veu. Et vn petit arriere de là est le lieu, où l'on fait le souffre sur vne grande montaigne moult forte, laquelle art & brulle tousiours sans feu, & veit le Roy faire le souffre. Et y a choses merueilleuses aussi dessus ceste montaigne de sources d'eaux chaudes & froides. Et en la vallée d'icelle montaigne à vn trou, dont il s'ourd vn si impetueux vent, qu'il soustient pierres, bois & tout ce qu'on iecte dedans ledit trou, lequel on dit estre moult chault. Le Roy alla consequemment en vn autre lieu de grāde excellence, là où l'on fait l'alun de roche, de quoy il en vit la maniere. Et apres ce, luy fut monstré vn trou tout rond en l'vne des montaignes, qui est vne chose doubteuse: car tout ce qui est mis à l'entrée est incontinent mort: ce qui fut experimenté deuant ledit Roy, car on y iecta vn asne tout viif, & vn chat qui furent subitement morts. Et quād le Roy eut tout ce veu il retourna coucher à Naples.

De l'entrée du Roy Charles en Naples comme Roy & seigneur du païs & le monarque des Itales.



Ardy douziesme iour de May le Roy ouit la messe en l'Eglise de l'Annoiciade: & puis apres dîner il issit de la ville de Naples pour aller audit lieu de Poge-Real, où s'assemblerent tous les Princes tant de France comme dudit Naples & des autres lieux d'Italie, pour honorablement accompagner le Roy à faire son entrée dedās icelle ville de Naples, comme Roy de France, de Cecile & de Hierusalem: laquelle entrée il feit en moult grand triomphe & excellence, en habillemant Imperial. Et aussi il fut adonc nommé & appellé Charles Cesar Auguste, il tenoit la pomme ronde en sa main dextre, & à la fenestre son sceptre. Il estoit aussi vestu & habité d'vn grād manteau de fine escarlate, fourré & moucheté d'hermines, à vn grād collet renuerzé, fourré de mesmes, & la noble couronne dessus son chief. Il estoit aussi richement monté sur vn beau cheual houslé & accoustre cōme biē luy appartenoit. Et dessus luy estoit vn moult riche poille à maniere d'vn ciel, porté par les

plus grans de la seigneurie dudit Naples, accompagné à l'entour de luy de ses laqueurs, tous richement habillez de drap d'or: le Preuost de l'hostel & ses archiers à l'entour de luy tous à pied, le Seneschal de Beaucaire representoit le Connestable de Naples, le seigneur de Montpencier estoit deuant luy honnestement monté & habitué comme vice Roy, & lieutenant general dudit Naples. Et là estoit semblablement le Prince de Salerne avec autres grans seigneurs de France, cheualiers de l'ordre & parens du Roy: comme le seigneur de Bresse, le seigneur de Fouez, le seigneur de Luxembourg, le seigneur de Vendosme, & autres grans seigneurs sans nombre: lesquels seigneurs estoient habitez de manteaux ainsi que le Roy comme senateurs: Et brieuf fut l'entrée moult honorablement, & pleine de triumphe: les nobles seigneurs de Naples avec leurs femmes en grand nombre presentoient au Roy leurs enfans de dix, douze, quinze, & seize ans, requerrans qu'il leur donnast cheualerie. Et aussi il les feit cheualiers à son entrée de sa propre main, qui fut moult noble chose à veoir. Et ainsi fut par les reuerens & venerables personages du clergé, honnestement accoustrez, & reueus de bien riches chappes, avecques reliquaires & precieux ioyaux, conduit & mené en la grande Eglise dudit Naples. Et sur le grand autel d'icelle Eglise estoit le chef du benoist S. Genny, & son digne sang qui autresfois auoit esté monsté au Roy, comme cy deuant a esté amplement déclaré. Et en icelle Eglise deuant ledit autel, le Roy feit le serment à tous ceux de Naples tant de l'Eglise que du temporel. Et leur octroya leurs requestes & principalement franche liberté, dont ils furent tous moult contens & firent grandes solennitez: c'est à sçauoir tant pour sa bien venue que pour le grand bien, qu'il leur faisoit volontairement. Et apres que tout fut bien ordonné en ceste maniere, le Roy se departit de là & fut conduit en son logis. Et plusieurs iours apres ensuiuant le Roy estant encores en ladicte ville de Naples receut plusieurs ambassades des villes d'iceluy Royaume & autres païs: comme de Calabre, de Pouille, de l'Abrusse, & autres lieux touchant le fait de leur gouuernement, & sçauoir que deuoit demourer audit païs pour leur gouuerneur & vice Roy, ainsi que de raison estoit. Le lundy xviii iour dudit mois de May le Roy feit preparer vn grãd soupper au chasteau Nove. Et illec feit vn sumptueux banquet aux princes & nobles seigneurs, estans à deux tables en la grand salle dudit chasteau, où l'on monte à plusieurs degrez de pierres. Et là fut seruy par le grãd Seneschal de Naples tout à cheual, vestu de blanc en tous ses mets, & force trompettes & clairons. Et apres souper le Roy print & receut le serment de tous lesdits Princes & seigneurs, & puis s'en alla coucher en son dit logis.

Comment le Roy se disposa de retourner en France, & print congé de ceux de Naples.

LE mercredy xxj. iour du mois de May, le Roy en grand triumphe & solennité ouït la Messe à l'Annonciade: & puis alla dîner en son logis. Et apres dîner tous les princes & seigneurs tant de France, de Naples que des autres païs dessusdits, vindrent au logis dudit seigneur, pour illec prendre congé de luy: & furent tous ensemble en vne grande sale. Et adonc tout conseil tenu & delibéré, & que lesdits seigneurs eurent prins congé: le Roy aussi print vn debonnaire & humain congé d'eux, & de tous ceux du païs

du païs estans en ce lieu. En leur presentant le seigneur de Montpencier pour leur Viceroy, maistre, seigneur & gouverneur en son absence. Et de ceste heure lesdits seigneurs & autres du Royaume de Naples, le receurent & accepterent pour Vice-roy, regent & gouverneur dudit Royaume de Naples. Et ce fait, conclud & paracheué apres tous congez prins, comme dir est, à belle compagnie triumpahment accoustrée tant de seigneurs, gentils-hommes, gens d'armes, Suisses, Allemans comme autres gens longs à reciter. Ce propre iour de mercredi il se partit de ladicte ville de Naples: & en retournant deuers France fut à coucher en la ville d'Averse.

Du voyage du Roy Charles en son retour de Naples au païs de France.

A Pres que le Roy Charles fut party de Naples le mercredi xxj. iour de May, & qu'il vint dudit Naples au giste en la ville d'Averse, ainsi que dit est. Le ieu dy xxij. iour dudit mois il se partit dudit Averse, & vint au giste iusques dedans Cappeloue. Et le lendemain vendredy, il disna & coucha en la maison episcopale de l'Euesque de Cesse. Et le samedi ainsi comme il venoit pour repaistre à Gayette, le chasteau se rompit aucunement par derriere, & ne peut on passer adonc, parquoy le Roy retourna audit lieu de Cesse: mais le dimanche apres qu'on eut donné prouision à cest affaire, il vint au giste à S. Germain. Et de ce lieu il passa à Pont-Corue, & à Cyprienne: puis vint iusques à Florentine, qui est vne petite cité: laquelle en ce temps estoit interdite de nostre saint Pere le Pape Alexandre, pource que les citoyens d'iceluy lieu auoient tué & couppé les bras de leur Euesque qui estoit Espaignol. Et la cause fut, pource qu'il vouloit formellement tenir le party du Roy Alphons Neapolitain contre ledit Roy Charles: lequel n'eut point ouï messe cedit iour, se n'eut esté qu'il auoit plain pouoir & puissance de faire chanter & celebrer en tous lieux, où que bon luy sembloit. Le vendredy xxix. iour dudit mois de May, le Roy vint au giste à Valmonton, là où estoient plusieurs haineux des François: pource qu'on auoit destruit & brulé Mont Fortin: mais non obstant ils vindrent le samedi au giste à Marine, là où le Roy seiourna le dimanche. Le lundy premier iour du mois de Iuing le Roy entra dedans Romme à son retour de Naples: & fut logé au Palais du Cardinal de S. Clement, assez pres de S. Pierre. Et estoit le Roy moult bien accompagné de tous ses gens d'armes avec ses pensionnaires & gentils-hommes, sa garde, ses arbalétriers, Suisses & Allemans en vn moult grand nombre. Et pource que ledit Pape Alexandre estoit pour lors absent de Rôme, il feit loger aucuns de ses gens en certains lieux, afin qu'aucune insolence ne fut suscitée audit lieu de Romme, là où il alla en l'Eglise de S. Pierre rendre graces & louées à Dieu: il se partit le mercredi prochain dudit Romme, puis vint disner à Isola, & au coucher à Campanolle. Le vendredy il vint disner à Rosillon: & ce iour mesmes avec toute son armée, il vint entrer dedans Viterbe, là où il fut encores honnorablemēt receu ainsi que deuât. Et là seiourna le Roy iusques le dimanche iour de Pentecouste, qu'il feit son deuoir à l'Eglise, & visita le corps de S. Rose audit Viterbe. Le lendemain lundy viij. iour de Iuing, le Roy fut à soupper & au giste en la ville de Montfalcon, où croissent les bons vins muscadets. Et de là il passa à la Paille & autres

lieux, & vint iusques en la cité de Senes la vicille : & là les habitans d'icelle ville luy vindrent au deuant en triumphe & magnificence, comme ils auoient fait à passer. Le mercredy xvij. iour de Iuing le Roy se partit dudit Senes apres dîner, & vint au giste à Pondibont, là où il demoura tout le matin, qui estoit le iedy iour du Saint Sacrement, & fut à la procession & à la grand Messe en bien deuote reuerence. Et apres dîner il alla au chasteau Florentin : Et le lendemain au matin dîner à Campane assez pres de Florence, là où il ne fut point à son retour, pource que faingnans estre François par trahison, fut prinç le ville de Pont-Velle. Le samedi xx. de Iuing le Roy entra dedans Pise, où ils le receurent encores moult honnorablement, & se soubismeirent du tout à sa maiesté, & y seiourna deux iours. Le mardy ensuiuant le Roy fut dîner à Pômart : & puis il vint au giste à Luques, où il fut tousiours bien receu : & meirent la ville en sa sauuegarde & protection : Il passa consequemment à Petre-saincte, & tant qu'il vint le samedi ensuiuant au lieu de Sarfaigne : là où il eut nouuelles de l'assemblée du Duc de Millan & des Venitiens : & pour ceste cause il ne voulut point coucher à Ville Franche, mais outre la riuere feit parquer son camp : auquel soubz les tentes & pauillons il souppa avecques ses gens d'armes, en attendant son artillerie & les Allemans de l'auantgarde, avecques les autres gens de guerre. Le iedy xxx. iour de Iuing le Roy partit de son camp pres ville Franche, & alla ouir Messe & dîner en vne grosse abbaye dessus Pontresme : pource que les Allemans auoient brulé iceluy lieu de Pôtresme, pour le tort que ceux de la ville leur auoient fait, quand ils tuerent aucuns de leurs gens au passer. Et apres dîner le Roy alla coucher au pied des Alpes. Et en ce lieu feit parquer son camp iusques à tant que toute son artillerie fut passée : de laquelle chose eurent charge & commission le seigneur de la Trimouille & Jean de la Grange : lesquels avecques tous leurs gens y firent grande diligence, car il estoit bien difficile pour les fors rochers qui y sont. Et le vendredy iij. de Iuillet & le lendemain, le Roy passa les Alpes, & fut à Verce, à Cassan, & puis il feit parquer son ost aupres de Tharète, là où il coucha soubz la seurte de bon guet & certaines gardes. Le dimanche cinquiesme de Iuillet le Roy ouit la Messe à Tarrence, & puis fut dîner à Fournoue, là où il donna tout l'ost de ses gens d'armes en belle bataille avec les auantgarde & arrieregarde, les aelles & guet accoustumé.

S'ensuit la journée de Fournoue, & excellente victoire du Roy & des nobles Francois.



Le lundy sixiesme iour du mois de Iuillet l'an mille quatre cens quatre vingts & quinze, en vn lieu dit Vergera ioignant le Val de Tarro à enuiron deux mille de Fournoue, & quatre mille de Parme : le preux Roy Charles viij. de ce nom accompagné de plusieurs grans seignrs & vaillans capitaines ja deuant nommez, avec enuiron de huiet à neuf mille bons gens d'armes, vint rencontrer enuiron de cinquante à soixante mille Lombars, Venitiens, Estradiots & autres ses ennemis : desquels auoient la charge & conduicte le Marquis de Mantoue pour les Venitiens, le Comte Galiache pour Ludouice de Milan, & le seigneur Ferrare pour aucuns autres trahistres, avecques plusieurs grans capitaines : le Roy estoit armé de pied en cappe de toutes pieces, d'un moult beau harnois comme Prince de grand nom : il auoit dessus ce harnois

harnois vne bien riche iaquette à courtes manches de couleur blanche & violette, à croisettes de Hierusalem : & son armet magnifiquement accoustre, garny de plumaceaux de mesmes, l'espée, la dague & autres choses appartenans à vn bon gens d'arme : & estoit bien monté sur vn puissant cheual de poil noir appelé Sauoye, bien bardé de mesmes couleurs, & semé desdictes croisettes : puis pour l'accompagner & tenir en bonne & seure garde contre les dessusdits ennemis, auoit à l'entour de luy gens d'entendement, expres & de bonne fiance, avecques bien enuiron deux mille hommes, vaillans & vertueux gens d'armes, comme ils le monstrerent au besoing : & apres que la bataille des François fut bien ordonnée & l'artillerie mise en son train, ils commencerent de marcher contre leurs ennemis en tel ordre & maniere de faire, comme le cas le requeroit, & comme ils sçauoient bien l'usage : & pource que lesdits ennemis ne sçauoient pas en quel endroit pouoit estre le Roy, ils enuoyerent vn herault faignant demander aucune chose au Roy : lequel herault rapporta auoir veu ledit Roy, en declairant la maniere de son accoustrement ainsi que dit est : adonc commencerent aussi de marcher lesdits Lombars, Venitiens & autres trahistres : lesquels venus en place auantageuse, ietterent vne grosse piece d'artillerie vers le costé de l'auantgarde des François, dequoy furent aucuns blesez : mais pour ce ne fut toutesfois desioindre ne séparée ladicte auantgarde : & tantost apres quelques coups ruez de l'artillerie desdits ennemis, incontinent que les canonniers du Roy les peurent choisir au descouuert à leur auantage, ils tirerent vn gros canon chargé d'vne boule de fonte avec autres pieces d'artillerie, en telle maniere que les bastons des ennemis dont ils tiroient impetueusement, furēt froissez & mis en pieces : & aussi fut adonc tué vn de leurs principaux canonniers, comme il fut sceu par vne trompette, lequel fut prins tantost apres : & brief les canonniers François continuerent si bien à tirer avec la diligence des bons gens d'armes, que les aduersaires furent contrains d'eux reirer pour ceste premiere fois : & aussi ils veoient les François estre en bon ordre, & conduite de perfection. C'estoit pareillement vne chose merueilleuse, de veoir adonc le tresvertueux Roy soy mettre en auant si vaillamment, comme il faisoit : mais avec ce il se demonstroït comme vn homme preux, & vaillât en contenâce, & en geste : bien deliberé en parolles, en bon conseil & demandes courageuses, qu'il faisoit à ses familiers & principaux amis, disant en ceste maniere. Que dictes vous messeigneurs & amis? estes vous pas deliberez de bien me seruir aujourdhy? voulez vous pas viure & mourir avec moy? & puis il disoit de rechef, la responce eue d'vn chacun. Prenez courage, & ne ayez peur : ie sçay de vray qu'ils sont dix fois autant que nous, mais vous sçauiez que sommes en bone querelle : parquoy ie me confie en Dieu, lequel m'a ja donné victoire contre mes aduersaires, ainsi comme vous auez apperceu en tout ce voyage : & aussi i'ay bonne esperance qu'il bataillera aujourdhy pour nous : & que par son digne plaisir nous aurons triumphe & victoire, & retournerons tous en France à la glorieuse louenge & à nostre honneur : & de ces propres mots ou autres termes en substance semblable, le hardy Roy Charles consoloit, & encourageoit ses gens d'armes merueilleusement : lesquels estoient tousiours en bonne ordonnance, de quoy les ennemis furent esmerueillez : dont pour les cuider desioindre & desemparer de

bon ordre, lesdits ennemis enuoyerent leurs Estradiots & autres plusieurs Albanois passer vne montaigne: lesquels vindrent sur le bagage, somniers & mulietiers portans les coffres & autres besongnes, qui ne estoient tenus en ordre pour aucun different entre eux, dont il ne leur print gueres bien: mais tout ce ne fut pas grand chose, comme il sera dit cy apres: car l'armée fut tousiours en ordre sans aucunement descamper. Ce voyant les ennemis Lombards, Veniciens & autres, enuoyerent vn herault par deuers le Roy de France pour demander aucunes trefues: auquel ledit Roy respondir, s'ils veulent auoir trefues qu'ils viennent à moy entre les deux batailles: mais apres ce le Roy leur manda, qu'ils le laissassent passer, luy & ses gens par bonne amour, ou que malgré qu'ils peussent auoir, il passeroit par dessus eux. Et quand ils ouïrent ainsi parler le herault du Roy, ils le detindrent & delibererent de venir frapper sur les François comme gens enragez: & sur tout en vouloient au Roy, lequel ils taschoient à surprendre pour le mettre à mort, mais Dieu estoit son protecteur. Et incontinent que ceux du guet veirent venir iceux aduersaires, ils vindrent de rechief aduertir le Roy, comment ils marchoiét gaignât le bois & les buissons. Lors le preux & vertueux Roy sous la bõne confidence qu'il auoit en Dieu, & à l'ayde de ses amis marcha avec sa bande iusques outre la greue, tellement que chacun commença de veoir sa partie aduersé. Et de fait pour chose certaine les dessus nomméz ennemis venoient hardiemēt bien deliberez, montez, bardez & accoustrez par bonne ordonnance, & comme gens bié asseurez de leur entreprinse & en beaucoup trop plus grand nombre, que les François, ainsi que dit est. Et si auoient mis leurs meilleurs gens d'armes deuant: parquoy de prime face choquerent vertueusement les auantcoureurs, & feirent moult grand deuoir à fort combattre d'une part & d'autre, comme gens fiers, & magnanimes, en donnant coups impetueux. Et pource que lesdits ennemis scauoient l'accoustrement du Roy par le herault qui vint à luy, ils feirent tant qu'ils vindrent iusques à la personne, & chargeoient sur luy fort & ferme: mais courageusement & cheualereusement le deffendit comme preux & hardy, en frappant virilement sur les ennemis sans quelsconques peur ne frayeur. Et tellement que par son moyen & par les vertueux faits de ceux qui estoient à l'entour de luy, les ennemis qui l'estoiēt tant approchez, furent Illec deffaits meurtris & accablez comme miserables: & mesmes les plus grans d'entre eux, lesquels pour leur plus grand honneur gaignerent au mieux fuir, car quand ils cogneurent leur deffait & si truelle resistance, la poincte de leurs esperons estoit adonc la meilleure piece de tous leurs harnois. Et ne fut fait prisonniers des François pour homme de nom que le seigneur Matthieu Bastard de Bourbon: lequel deffendit merueilleusement la personne du Roy. Et si fut prins en les suiuar quasi iusques en leurs barrieres. Il n'y eut, des François morts, sinon enuiron ix. ou x. gentils-hommes d'estime: combien que leurs ennemis fussent dix contre vn: desquels il en eschappa qui se sauuerent à fuir. Et pource il n'est pas à doubter que Dieu ayda moult aux François, qui leur donna ceste victoire contre iceux leurs desloyaux ennemis: lesquels furent vaincus & subiuguez en si peu d'espace. Le Roy fut tout le iour armé & à cheual, au moins iusques à ce que tout fut retiré au camp: là où apres ceste iournée vindrent deuers luy aucuns enuoyez deldits ennemis, pour demander

mander les prisonniers: mais il leur fut respondu qu'ils n'en auroient nuls, dont ils furent bien esbahis, pensant le grand nombre des morts, & des plus grans qui fussent entre eux. Le Roy & aussi tous les siens en signe de triumphe & victoïre, souperent & coucherent audit camp de bataille, où ils mangerent & beurent ce qu'ils pouoient auoir: & ainsi comme il pleut à Dieu, auquel ils rendirent chacun humbles graces & toutes louanges, ainsi que bien y estoient tenus.

Comment le Roy leua son camp dudit lieu de Fournoue, pour retourner au païs de France.



Le lendemain de la journée dudit lieu de Fournoue, qui estoit le mardy vij. iour de Iuillet l'an mille cccc. quatre vingts & xv. Le Roy au matin apres ouïr Messe feit leuer son camp, & alla loger en vn hault lieu appellé Magdelan, distant à enuiron demie lieuë de France, du lieu où estoit ledit camp: & là demoura tout le iour: auquel iour fut faicte telle diligence par les maistres de l'artillerie, que toute icelle fut tirée & amenée dudit camp pour estre tousiours à l'entour du Roy, ainsi qu'en tel cas appartient. Et le mercredi vij. iour de Iuillet, le Roy partit dudit Magdelan avecques toute son armée bien equipée de l'artillerie. Et en certains iours ensuiuât, ledit Roy passa en ceste manière par plusieurs villes & places ja dessus nommées, en allant où il rapassa malgré ses ennemis: & tant qu'il vint iusques au lieu de Nôuare, où il deliura monseigneur d'Orleans, lequel estoit avecques plusieurs de ses gens mis & enclos en icelle ville en danger du trahistre Ludouic de Milan: & puis ledit Roy vint en Ast, & iusques à Versel, où ledit seigneur d'Orleans vint par deuers luy, lequel il receut moult honnorablement, & par debonnaire amitié, souperent le soir ensemble. Le vendredy ij. iour du mois d'Octobre audit an mille quatre cens iij. xx. & xv. mourut & trespassa en ladicte ville de Versel le seigneur de Vendosme: dequoy le Roy fut moult controucé: & aussi furent tous les seigneurs de France, car il estoit moult notable Prince. Et le mardy ensuiuant le Roy feit faire le seruice des funerailles dudit seigneur moult solennellement en la grâde Eglise dudit Versel, qui est appellée sainte Eusebie: & là fut fait vn moult grand plainr & dueil de plusieurs seigneurs & de tout le peuple: & puis son corps fut apporté sepulchurer en France avecques ses predecesseurs. Le mercredi ensuiuant vij. iour dudit mois d'Octobre, l'Euesque de Syon arriva audit lieu de Versel: & amena plusieurs Suisses & aucuns à pied & à cheual des ligues d'Alemaigne au Roy, lequel les receut voulentiers, en merçant ledit Euesque qui feit grandement festoyer. Et le lendemain qui estoit ieudy, les ambassadeurs dudit Ludouic de Milan, & des Veniciens vindrent audit Versel par deuers le Roy, & demandoient en requérant instamment appointement, pour ce qu'ils auoient veu la force dudit Roy, & le franc courage de France: dont leur fut fait aucun traicté, mieux qu'il ne leur appartenoit. Le dimanche dixiesme iour d'Octobre le Roy ouït la Messe en l'Eglise des cordeliers dudit Versel, ioingnant son logis. Et apres disner se partit d'icelle ville, & sen alla au giste à Atrain, là où pour aucuns affaires il seiourna iusques au quinziesme iour dudit mois d'Octobre, qui vint au giste à Crescentin: & de ce lieu en venant à Grenoble passa par plusieurs iournées, & villes ainsi qu'il sensuit à Sillon, Cesse,

Turin, Quiers, Riuele, Suze, Briançon, nostre Dame d'Ambun, Sauine, & saint Eusebe, la Meure, & à Tault pres dudit Grenoble. Le mardy xxvij. iour du mois d'Octobre, le Roy arriva enuiron vespres dedans la cité de Grenoble, là où les habitans en tous estats le receurent moult honorablement à son retour, & luy feirent nouuelle entrée. Et là le Roy seiourna aucuns iours, pource qu'il fut vn peu malade. Le mercredy iiii. iour de Nouembre le Roy partit dudit lieu de Grenoble pour venir à Lyon: il passa aussi en aucuns iours à S. Rambert morain, Sillon, la coste S. Andry, Chatomay & de ce lieu vint coucher aupres de Lyon. Le samedy vij. iour du mois de Nouëbre l'an que dessus mille cccc. lxxx. & xv. le Roy Charles viij. de ce nom distna à Venissiere pour venir au giste à Lyon. Et pour luy venir au deuant issirent de Lyon en procession les gens d'Eglise reueus de toutes riches chappes, avecques leurs croix, saintuaires, reliquaires, & autres ioyaux, pour luy faire la reuerence à sa bien venue & ioyeux retour, en luy faisant nouuelle entrée, comme Roy de Hierusalem, de Naples, & Cecile: dont pour ce semblablement luy vindrent au deuant les gens de iustice, les officiers, seigneurs, bourgeois & marchans de ladicte ville de Lyon, avecques les principaux enfans d'honneur d'icelle ville, honnestement habitez. Et quand eux tous & chacun d'eux eurent fait la reuerence deuë enuers le Roy, ainsi que bien tenus estoient, & cōme il luy appartenoit: ils le conduirent moult honorablement & ladicte ville, avecques les nobles seigneurs & tous ceux de sa compagnie, lesquels il faisoit moult beau veoir. Et prenoit on moult grand plaisir à les regarder pour la noble triumphe & victoire, qu'ils auoient eue & obtenue sur tous leurs ennemis, en la compagnie de leur Prince. Et en ceste maniere les rues tendues & parées le long de Lyon, avecques feux de ioye & plusieurs mysteres & esbatemens demonstrez par ladicte ville, ledit Roy fut moult honnestement cōduit iusques en l'hostel de l'Archeuesque de Lyon, où son logis estoit appareillé. Et en ce mesmes logis l'attendoient Madame la Roynne sa femme & Madame de Bourbon sa seur, avecques plusieurs autres nobles dames & damoiselles, desquelles il fut receu à grande ioye & liesse, moult desiré singulierement, & aussi il le valoit bien. Ledit Roy Charles feit faire ioustes & tournois à Lyon les plus sumptueuses que merueilles, & mesmement és trois principaux lieux de ladicte ville: c'est à sçauoir en la Grenette deuant les Cordeliers, en la Luerie, & au Palais: esquelles ioustes & tournois iceluy Roy Charles estoit tousiours le premier soy presentant en champ de bataille, là où il se porta tousiours vaillamment & de bon courage: & feit plusieurs bons coups d'espée, & aussi furent plusieurs seigneurs de France: lesquels feirent plusieurs beaux faits d'armes à pied & à cheual. Et en memoire d'icelles ioustes furent faits & dressez trois pilliers de pierre, ausquels sont encores à present escripts aucuns vers en langue latine, composez pour icelles ioustes en grande singularité: car ledit Roy Charles viij. estoit le principal tenant. Il est pareillement à sçauoir que ledit Roy auant son voyage de Naples, auoit fait magnifiquement esleuer le corps du docteur Seraphique S. Bonaventure, estant sepulture aux cordeliers de ladicte ville de Lyon: & depuis monseigneur de Bourbon & Madame Anne de France sa femme, feirent couvrir de fin argent la chaise dudit S. Docteur: & aussi le Roy dessusdit fonda le conuent des cordeliers de l'obseruance en ladicte ville de Lyon, qui

qui est vn lieu deuocieux. Et apres qu'il eut seiourné aucuns iours à Lyon il delibera de marcher plus auât en France pour faire son voyage à S. Denys, & puis retourner à Amboise cômme il sera dit cy apres. En l'an mille cccc. iiij. xx. & xvj. le fils du Roy d'Espaigne mourut. Et en ce mesme an pareillement mourut & trespassa le Duc de Sauoye, lequel comme on disoit auoit esté empoisonné au païs de Piémont.

Du voyage du Roy Charles à S. Denys en France apres son retour de Naples. Et comment il retourna à Amboise, là où il mourut d'un caterre.



Pres que le Roy Charles eut seiourné plusieurs iours à Lyon : & que aucunes ioustes & tournois eurent depuis esté faictes à Moulins en Bourbonnois: celuy Roy alla à S. Denys en France pour accomplir le vœu & pelerinage, qu'il auoit fait: & pour redre graces & louenges à Dieu des bonnes victoires qu'il auoit eu & obtenu, à l'encontre de tous ses ennemis, en faisant son voyage de Naples, comme dessus a esté dit. Et aussi pour remettre les benoïsts corps des saincts martirs, qui illec reposent: lesquels auoient esté descendus de leurs places au departement d'iceluy Roy en sondit voyage: car vne louable coustume & maniere de faire a esté depuis long temps aux trefrestiens Roys de France, que quand ils veulent faire aucune loingtaine expedition, & voyager hors du Royaume pour leurs affaires & besoing: ils requierent & supplient humblement l'ayde & intercession des glorieux martirs saint Denys & ses compagnons S. Rustique, & S. Eleuthere. Et pour ceste cause au departement d'iceux Roys les chasses & fiertes des Saincts Martirs dessus nommez, sont descendus des propres lieux & repositaires, là où ils ont accoustumé d'estre gardez & verez d'un chacun en ladicte Eglise & monastere de S. Denys en France: & en telle maniere sont adonques mis & establis patement en laire de ladicte Eglise. Et quand lesdits corps saincts sont ainsi descendus: ils ne peuuent apres estre remonter ne mis en leurs propres lieux ordonnez, que premierelement le Roy en personne ne soit retourné de son voyage entrepris de faire loingtaine conqueste & cheualerie. Et ainsi apres que le bon Roy Charles eut victorieusement parfait son voyage du Royaume de Naples, en ensuiuant la bonne coustume de ses predecesseurs Roys de France, il vint par deuot pelerinage en l'Eglise dudit S. Denys: & par luy furent remises & colloquées les chasses & fiertes des dessusdits Martirs en leur propre lieu ordonné, à ce presens plusieurs grans seigneurs & autres de sa compagnie: mais en faisant iceluy voyage de S. Denys, il ne voulut aucunement passer ne rapasser par sa bonne ville & cité de Paris, pour aucunes causes qui à ce le peurent mouuoir: lesquelles ie delaisse à dire en euitant prolixité. Et pour ceste cause le Roy au partir dudit S. Denys, adressa son chemin par S. Anthoine des champs: & de la passa au Pont-de-Chalenton, & puis par la Beaulse s'en alla droitement à son chasteau d'Amboise: & illec trouua Madame la Roynne sa femme, avecques plusieurs autres seigneurs & dames de son noble sang. Et en iceluy lieu aussi fut moult honorablement receu de tous les estats, manans & habitans de toute la ville dudit Amboise. Et apres qu'il eut seiourné aucuns iours audit Amboise, il eut nouuelles de la trahison des Neapolitains & de la mort du noble Gilbert sei-

gneur de Montpencier: parquoy les autres capitaines impuissans à porter le fais de pardelà, sen retournerēt au mieux qu'ils peurent à l'ayde de nostre seigneur: car iceux trahistres Neapolitains, Lombars & autres nations se fortifierent soudainement contre eux: au moyen dequoy iceux capitaines & autres gens d'armes François ne peurent estre si brief secourus en si loingtain pays que Naples: & pour ce ledit Roy Charles viij. se dispoisoit de retourner audit pays de Naples pour soy licitement venger de leur desloyalle infidelité: mais le bon seigneur auoit ja prins tant de trauail en sa premiere adolescence, qu'il estoit foible de son corps & deuenoit maigre & attenué. Dont luy estant vn iour audit lieu d'Amboise en vne gallerie, où il se recreoit avecques la Roynie en regardant aucuns ioueurs de paume, il fut surprins d'aucun caterre, & mourut en bien brief espace, luy estant enuiron le xxviij. an de son aage, en l'an mille cccc. quatre vingts & seize le xij. iour du mois d'Auril Dieu vueille auoir l'ame de luy.

1497.

Du seruice fait es funerailles du Roy Charles viij. es lieux d'Amboise, Paris, & Saint Denys en France.



Pres le trespas du feu Roy Charles viij. que Dieu absolve, le seruice & obseques de ses funerailles fut moult solennellemēt fait à Amboise, en l'Eglise de S. Florent, par le tresreuerend Cardinal monseigneur Iean Peraule, assistās plusieurs grās seigneurs & autres personnages: & là avecques vn merueilleux nombre de luminaire, furent faictes plusieurs grādes aumosnes: & quād le seruice fut parfait en ladicte Eglise, le cuer dudit Roy Charles fut porté pour sepulchurer en l'Eglise de nostre Dame de Clery avecques son pere. Et puis son corps avecques la figure fort soleunellement apporté en grand triumphe de dueil, iusques en l'Eglise de nostre Dame des Chāps es faulxbourgs de Paris: & là fut veillé toute nuit par aucū de ses bōs amis. Et le lēdemain matin enuiron la fin du mois d'Auril, il s'irēt de la ville dudit Paris plusieurs gēs d'Eglise en processio avecques leurs croix. Et tāt de l'Eglise cathedralle cōme des autres parroisses, religieux, & mendiā: & pareillement futēt au deuant dudit corps messieurs de la Court de Parlemēt, la chābre des Cōptes, & autres chābres du Palais: les seignrs du Chastelet, & autres officiers, les Preuost & escheuins de ladite ville, avecques plusieurs bourgeois marchā & autres dudit Paris, tous & chacū d'eux vestus de robes de dueil selō qu'à eux appartenoit: & ainsi vindrent iusques audit lieu nostre Dame des Champs lez Paris: auquel lieu estoient attendans plusieurs grans seigneurs, capitaines, officiers & autres seruiteurs domestiques & pages d'honneur, tous vestus de robes de dueil & chappérons, iusques au nombre de plus de vij. mille: & ainsi chacun par ordre en la maniere qu'il est accoustumē, conduirent ledit corps iusques dedans ladicte ville de Paris, avecques cccc. torches allumées & les escussions des trois fleurs de lys: lesquelles torches estoient portées par cccc. pources tous vestus de robes, & chappérons de dueil. Et ainsi fut conduit & mené iusques en la grandre Eglise de nostre Dame de Paris, là où fut pareillement fait vn seruice tressolennel, pour ledit defunct, avecques moult grandes aumosnes: & iceluy seruice parfait & accōply, fut ledit corps avecques la figure retiré de ladicte Eglise de nostre Dame, & tousiours conduit en moult grande solennité de dueil parmy la ville de Paris & dehors,

dehors,iusques en l'Eglise de l'Abbaye de S. Denys en France : auquel lieu fut pareillement fait vn moult beau seruice pour ledit trespasſé , avecques présens de piece d'argent à tous les assistans pour les offrandes des Messes , & grandes aumosnes aux pources . Et apres ce seruice fait & toutes ceremonies obseruées , comme de coustume est,ledit corps du Roy Charles huiſtième, fut inhumé & sepulture au cercueil & sepulchre à luy préparé : puis le tout parfait & accompli fut fait vn disner & conuiue moult excellent à tous les assistans, pour l'honneur du dessusdit Roy,auquel Dieu face vray pardon. Amen.

DV ROY LOYS XII.



A V D I T an, c'est à ſçauoir mille quatre cens quatre vingts & dixhuiſt, & le xxviij. iour de May , Loys Duc d'Orleans fils du Duc Charles, fut ſacré à Reims comme ſes predeceſſeurs Roys de Frâce. Et fut nommé treſchreſtien Roy douxième de ce nom, & lv. Roy de France . Au ſacré duquel eſtoient mes trefredoubtez & honnorez ſeigneurs, meſſeigneurs les douze Pers de France ou autres pour eux . Pour le Duc de Bourgongne, monſeigneur le Duc d'Alençon . Pour le Duc de Normandie, le Duc de Lorraine: pour le Duc de Guyenne, le Duc de Bourbon: pour le Comte de Flandres, monſeigneur de Ravaſtain: pour le Comte de Champagne, Anguilebert monſeigneur de Cleues. Et pour le Comte de Thoulouſe, monſeigneur de Foix. Et brieſ audit ſacre eſtoit quaſi toute la nobleſſe de Frâce : le quel ſacre fut fait & ſolennifié à la maniere des autres Roys. Et eſtoit pour lors moſeigneur de S. Malo Archeueſque de Reims. Et apres le ſacre, incontinent le Roy ſeit cheualier & donna ſon ordre de S. Michel à monſeigneur de Taillebourg , à monſeigneur des Pierres , à monſeigneur de la Gruture , & à monſeigneur de Cleriex. Et en outre ſeit pluſieurs cheualiers iusques au nombre de quatre vingts ou plus, comme le ſeigneur de Myolans, meſſire Claude de Mont-lor ſeigneur de Chateau-neuf & de Salazuit, & pluſieurs autres qui ſeroient longs à nommer . Apres toutes ces choſes faiſtes , le Roy ſe delibera de faire ſon entrée à Paris . Le premier iour de Iuillet le Roy fut couronné à ſainct Denis en France, comme ſes predeceſſeurs en grand triumphe : & le lendemain il ſeit ſon entrée à Paris , laquelle fut treſſolennelle : puis ſ'en alla ſoupper au Palais . Apres toutes ces ſolennitez faiſtes , chacun ſe retira és lieux ordonnez de par le Roy . Le premier qui luy ſeit la guerre ce fut monſeigneur de Vergy , mais en brieſ temps la guerre fut ceſſée & fut en Bourgongne . Le dixhuiſtième iour d'Octobre le Comte de Valentinois qu'on diſoit eſtre fils du Pape Alexandre ſeptième , ſeit ſon entrée à Lyon ſur le Roſne , auquel le Roy auoit donné ladiſte Comté de Valentinois . Et vint en France pour aucunes cauſes , dont fut fait le mariage de luy & de la fille de monſeigneur d'Albret. Ceſtuy Comte de Valentinois eſtoit Cardinal , mais il laiffa ſa cardinalité pour venir en France, le quel vint en habit ſeculier en grand pompes & richelſſes . Le deuxième ou troiſième de Decembre, ſeit à Lyon ſi grand & impetueux vent que merueilles : tellement que aux cordeliers de ladiſte ville, la cuſtode où on mettoit les hoſties

sacrées estant dessus le grand autel, s'ouurit & fortirent lesdictes hosties volant par l'Eglise, qui fut grand scandale & fut à cause d'une verriere rompue, & fut enuiron huit heures deuers le matin. En cestuy an le Roy donna à Madame Iehanne de France la Duché de Berry: & pour le prouffit & vtilité de la chose publique, il espousa & print a femme Madame Anne de Bretagne, relaissée du feu Roy Charles: & de ce eut dispence du Pape Alexandre septiesme qui fut vn grand bien pour tout le païs. En l'an mille quatre cens quatre vingts & xix. fut enchassé aux cordeliers de Lyon le chef de saint Bonauenture, en vn beau & riche chef d'argent: cedit iour fut faicte procession en ladicte Eglise & sermon solennel, fait par vn religieux du conuent. En cestuy an le dixiesme iour de Iuillet, le Roy feit son entrée à Lyon sur le Rosne, laquelle fut tressolennelle, & fut fait plusieurs beaux mysteres & choses ioyeuses, & les rues richement tendues de fines tapisseries. Le Roy desirant auoir la iouissance de son païs de Milan, y enuoya grosse armée: tellement qu'en moins de quinze iours fut prinse la ville de Milan par les François, & fut le quatriesme iour de Septembre. En ladicte ville estoit le seigneur Ludouic, mais il sen partit subtilement: nonobstant il cuida estre prins. Et ceux d'Alexandrie de la Paille à cause qu'ils furent rebelles, furent pillés & la plus part de la ville. Et quād le Roy eut nouuelles que la ville de Milan estoit prinse, il partit de Lyon & y alla, & feit son entrée solennellement, puis meit ordre en son cas. Le Roy estant party de Lyon pour aller audit Milan, feit abbatre les bancs & auens de ladicte ville de Lyon, dont le seigneur de Berzac estoit commissaire de par le Roy. En cestuy an le vendredy deuant la Toussaincts xxv. d'Octobre au matin, tomba à Paris le pont nostre Dame, qui fut vn grand dommage: dont puis apres le Roy y enuoya Iean de Doyac pour donner la conduicte de refaire ledit pont, lequel fut fait en petit de temps. L'an mille cinq cens fut le grand pardon & Iubilé de Romme celebré par Pape Alexandre septiesme, auquel y auoit grand nombre de gens de toutes nations: il y en eust eu encores plus, si n'eust esté que le troisieme iour de Ianuier ou enuiron, la ville de Milan fut reprinse par le seigneur Ludouic, qui y estoit en personne accompagné de grand quantité d'Allemands. Ladicte ville fut prinse par la trahison des habitans: lesquels rendirent ladicte ville audit seigneur Ludouic, mais les François se porterent si vaillamment qu'ils tindrent tousiours le chasteau, & batirent fort ladicte ville. A cause dequoy és hostelleries sur le chemin de Romme, on feit mourir plusieurs François allans au Iubilé à Rōme: puis apres on le sceut par aucuns, & en fait on telle iustice, qu'on en brusta aucunes maisons, les hostes & famille dedans pour bailler exemple aux autres. Et bailloit le seigneur Ludouic vn ducat de chacune teste des François qu'on luy apportoit. Le Comte Gayache & sa femme vindrent en France, lequel estoit frere de Galiache. En cestuy an le vendredy dixneufiesme iour de Mars, la Royne feit à Lyon sa seconde entrée, laquelle fut auçentique & honneste: les rues tendues & plusieurs escharfaux, où estoient plusieurs mysteres iouez qui estoit belle chose à veoir. Enuiron huit iours apres, furent amenez à Lyon vers le Roy aucuns prisonniers, lesquels auoient fait au contraire de leurs sermens, dont chacun murmuroit.

Comment le seigneur Ludouic fut prins prisonnier deuant Nôuare, & amené en France.

LE ieudy deuant Pasques Flories les François firent tel deuoir, que le seigneur Ludouic s'en fuit avec cent cheuaux, & habandonna toute son armée & artillerie dedans la ville de Nôuare. Et quâd les lieutenans & armée des François approcherent, sortit de Nôuare vn capitaine des Bourguignons, appellé le capitaine des Yotiers, lequel se rendit ausdits François luy & ses gens. Le Baillif de Dijon alla audit Nôuare pour traiter & practiquer les Suisses du seigneur Ludouic, qui estoient dedans en nombre de quatre mille hommes, qui ne demandoient que payement : & au regard des Lanquenets, ils ne sçauoient encore qu'ils deuoient faire : car les Suisses du Roy ne les vouloient pas prendre à mercy : mais nonobstant les capitaines practiquerent tousiours, que tout se fait sans effusion de sang. Ils estoient à Nôuare vingt mille combatans : c'est à sçauoir huit mille Lanquenets, quatre mille Suisses, huit cens Bourgongnons, & le surplus Lombars : & d'auantaige quinze cens, qui leur venoient à secours qui estoient ja à vn mille de Verfeil sans ceux de Vigee. Peu de tēps apres reuint le seigneur Ludouic & son armée, sortit de Nôuare & se mit en camp contre les François : mais Dieu voyant la grâd vsurpation que faisoit ledit seigneur Ludouic, donna aux François tel courage, qu'ils estoient deliberez d'eux desfendre : ce nonobstant sans effusion de sang, fut finée la bataille : c'est à sçauoir que ledit seigneur Ludouic estant avec les gens, delibera de mettre à fin les François. On disoit que les Lanquenets ne voulerent point batailler cōtre leur enseigne : & d'autre part que ledit Ludouic n'auoit pas payé ses gens, comme il deuoit : parquoy n'auoient nulle volonté de le bien seruir. Et d'autre part les François estoient deliberez de frapper dessus l'armée des Millannois. Et quand vint à frapper l'armée dudit Ludouic, se rendit aux François sans coup frapper. Et apres ce le seigneur Ludouic cognoissant ceste chose, finalement cuidant eschapper, il se mit en habir de Cordelier, comme on disoit, & se mettoit parmy les gens. Monseigneur de Ligny, & monseigneur de la Trimouille firent es belle & si bonne ordonnance en l'armée, qu'il ne peut eschapper : car lesdits seigneurs firent passer route l'armée dudit seigneur Ludouic tous la pique, & finalement il fut cogneu & prins prisonnier, & mis en la garde des François en la ville de Nôuare, laquelle fut incontinent rendue es mains des François. Le seigneur Iean Iaqués ne faillit pas à la conquēte, car tousiours il auoit esté loyal au Roy : ledit seigneur Ludouic auoit vn astrologue Nigromancien, auquel il creoit fermement : mais son astrologie ne sa nigromancie ne luy valut riens, quand il fut prins. Et fut tel appointement fait entre les capitaines & autres gens de guerre, que les gens d'armes & autres dudit seigneur Ludouic, s'en allerent leurs bagues sauues : & le seigneur Ludouic & l'artillerie demoura au Roy, & par ainsi fut mené ledit Ludouic prisonnier à Nôuare. Adonc estoit monseigneur le Cardinal d'Amboise à Verfeil, lequel voia le Roy à nostre Dame de bonnes nouuelles. De ceste prinse eut le Roy nouuelles à Lyon la veille de Pasques Flories dōt il fut trefioyeux. Et celuy iour fut fait à Lyon feu de ioye, de ce que les François auoient

gaigné l'armée dudit Ludouic. Puis apres de rechief vindrent nouvelles que ledit Ludouic estoit prins, parquoy furent encores faits feux de ioye & plusieurs sollennitez audit Lyon: dont petits & grans menoient grand ioye de la victoire, & conqueste. Et furent les enfans dudit seigneur Ludouic menez en Allemagne.

Comment le Cardinal Ascaigne frere du seigneur Ludouic, fut prins & amené en France.

LE Cardinal Ascaigne frere dudit seigneur Ludouic, estoit en la ville de Milan: & quand il sceut la prinse de son frere, il sen fuit avecques six cens chéaux & aucune artillerie. Il auoit beaucoup d'Estardiots môtez sur genets, & avecques luy auoit les plus nobles de Milan: & estoit le capitaine principal le Comte Iean frere du Marquis de Mantuë, ils cuidoient aller au pays de Boulongne, mais on disoit qu'il auoit rencôtré vn capitaine Venicien nommé Soucin Bienfon, lequel assaillit ledit Cardinal: parquoy il cria qui viue, on luy respondit S. Marc & Frâce: ceste bataille dura quatre heures, dont ledit capitaine Venicien fut bien blessé & plusieurs de ses gens: mais quand ledit Cardinal qui estoit armé veit que mal alloit pour luy & pour ses gens, il sen fuit en vn chasteau, qui s'appelle Rivolle: lequel chasteau fut assiégué par ledit capitaine Venicien. Et brief le Cardinal perdit beaucoup de ses gens, & le capitaine frere du Marquis de Mantuë, fut mis à rançon. Avecques ce capitaine Venicien estoit vn nommé Charles des Vrsins. Vn capitaine nommé Badin fut prins avecques l'Abbé de Senelles, & avecques eux quatre Vicomtes & bien cent mille ducats, sans les bagues. Quand le chasteau fut assiégué, le Cardinal fut bien esbahy, à cause qu'il n'y auoit que manger pour luy: & qu'il auoit perdu tout son or & son argent. Ledit Cardinal pria ledit capitaine qu'il le print à rançon, lequel ne voulut: & finalement il se redit par tel si: sa vie sauue, & qu'apres la prinse il fut rendu au Roy de France. Le capitaine le vouloit mener prisonnier à Venise: mais le Seneschal de Beaucaire, monseigneur de Montoison & le Mage-Iuge de Prouence y estoient de par le Roy pour faire raison. Mais les Veniciens cognoissant que ledit Cardinal estoit ennemy du Roy, & qu'il auoit esté prins es pays du Roy es terres de Plaisance: & aussi qu'ils vouloient estre amis du Roy, le meirent & rendirēt es mains des seigneurs François dessusnommez, comme ils auoient promis. Et quand les habitans de Milan sceurent que le seigneur Ludouic auoit esté ainsi prins & son frere le Cardinal, ils trouuerent la maniere d'appointer vers le Cardinal d'Amboise lieutenant du Roy, dont l'ensuit la teneur.

Comment les habitans de la ville de Milan furent reduits, moyennans aucune somme d'argent.

LA N mille cinq cens le iour du grand Vendredy aoré xvij. iour d'Avril, les nobles, bourgeois & gens de mestier de la ville de Milan, en cognoissant leur tresgrande faute qu'ils auoiēt commis enuers le Roy Duc de Milan, treshumblement requirerēt & supplierent trefreuerend Pere en Dieu & trefnoble seigneur George d'Amboise du S. Siege Apostolique, Pre-

stre

stre Cardinal de sainct Sixte lieutenant general dudit seigneur, qu'il luy pleust (apres auoir accordé quelque petite somme eu egard à leur faculté pour l'amende prouffitabile, & pour les sauuer de pillerie & feu & sang, que les gens de guerre dudit seigneur estoient prests de faire se l'on ne les faisoit retirer incontinent) soy transporter en la maison du Roy dedans ladicte ville de Milan, pour receuoir l'amende honorable qu'ils auoient delibéré de faire, pour satisfaire en partie à leurdicte faute, en requerant la bonté & clemence du Roy, de prendre pour satisfaction ce qu'eux pourroient bonnement fournir. Lequel tresueuerend Pere en Dieu & tresnoble seigneur leur accorda, & se transporta en ladicte maison que l'on appelle la Court-vieille. Et en laquelle l'assemblerēt les nobles bourgeois, & gens de mestier & autres manans & habitans de ladicte ville en grand nombre: & mesmement des petits enfans, fils & filles tous à teste decouuerte, & habillez de toille blanche en procession, avecques l'image de nostre Seigneur en croix & l'enseigne de nostre Dame. Et mondit seigneur le Cardinal allis en son lieu, en la grand court de ladicte maison avecques plusieurs cōseilliers & capitaines du Roy nostre sire, maistre Michel Touss Docteur des premiers praticiens & aduocat de ladicte ville, monta sur vne chaire, laquelle on auoit preparée: & pour tous les nobles, bourgeois, manans & habitans de ladicte ville proposa en la maniere qui s'ensuit.

M O Y indigne suis monté en ceste chaire, tresueuerend & illustre monseigneur le Cardinal, j'ay bien desiré auoir memoire & eloquence pour exprimer le grand vouloir & deuotion que ont tous mes compatriotes & peuple Milannois, & moy avec eux enuers le treschrestien Roy de France nostre seigneur & Duc. Et combien que ie sceusse que mon treshōneste desir ne se pouoit pas accomplir: neantmoins comme bon citoyen de la ville, n'ay voulu refuser la charge: de laquelle ie me despescheray au moins mal que ie pourray selon ma petite puissance & entendement. Entre toutes les autres citez & villes des Italles, la ville de Milan sans point de doubte, tien la principauté quand elle seroit gouuerné de iustice & droit seigneur, ainsi que tousiours ont desiré les bōs & vrais citoyens: Et puis que Dieu le créateur leur auoit oſtroyé d'estre entre les mains du Roy treschrestien, vray & legitime Duc de Milan qu'ils ne pourroient auoir ne desirer meilleur, plus grand ne plus puissant Prince: leur deuoir estoit de perseuerer en la foy & fidelité, qu'ils auoient iuré entre les mains dudit seigneur: lequel les recut en grand humanité & benignité: & se pouoient bien dire qu'il auoit reintegrez les citoyés à la patrie, & la patrie à leur fondateur: pource que les François auoient edifié & fondé la ville de Milan & le païs, & iusques à au iourd'uy retient le nom de Gaule deçà les Monts. Mais, hélas, ils ont vaincu la plus grand partie de fragilité, en ensuiuant aucuns mauuais & principaux, auōs commis rebellion & crime de leze majesté à tort & sans cause: pource que le Roy nostre sire ne ceux qu'il auoit deputez au gouuernemēt du païs, n'ont fait chose, pour laquelle nous d'eussions estre mal contens: car au regard dudit seigneur nous n'auons trouué en luy que toute bonne humanité, amour & clemence. Et au regard de monseigneur de Lufon, que ledit seigneur auoit ordonné chief de la iustice par deçà, nous ne le pouons charger d'aucune chose: pource qu'il nous a bien & humainement recueilliz, ouïs & despeschez en iustice &

toute sa compagnie, tout ainsi que le bon pere fait à ses enfans. Semblablement du seigneur Iean Iaques, lequel nous a bien & equalement traicté sans differéce des personnes: en punissant plustost les siens que les autres, tout ainsi que les bons Romains Brutus & Torquat feirent qui pour le bien de la patrie feirent mourir leurs enfans. Et aussi ledit seigneur Iean Iaques nous donnoit tout ayde & faueur necessaire. Et aussi ont fait monseigneur de Come, & tous les autres de la maison de Triuoulce. Et sur tous sommes bien tenus audit seigneur Iean Iaques, pource q̄ cognoissant la mauuaitié d'aucuns qui ont esté cause de la rebellion, voulsist plustost les gagner par amour en leur faisant honneur & biens que par force: pour non la main mettre au sang de ses compatriotes, & pour garder la ville au Roy & ne la mettre à feu & à sang, ainsi qu'il deuoit faire, & par le deuoir de son office: & ayma mieulx soy retirer au chasteau, & de là s'en aller dôt est reuenu à si grand gloire & hôneur de la courône de France, que de faire quelque exploit de guerre en la patrie, dequoy est ensuiuie la conseruation de la ville, & la victoie digne de memoire sur toutes autres victoies, que ont eües les Roys de France: veu que le seigneur Ludouic Sforce & quasi tous les ennemis du Roy qui estoient à l'opposite de l'armée dudit seigneur, sont prisonniers. Et semblablement monseigneur le Cardinal Ascaigne, & tous ceux qui le suiuioint: parquoy Dieu le createur a mis hors de dangier & peril la ville & Duché de Milan. Et sont les manans & habitans de ladicte ville & Duché bien tenez à Dieu & au Roy nostre sire, qui n'a pas regardé à leurs fautes & crimes, ne les a voulu punir, ainsi qu'ils auoient gagné. Ains pour obuier à la future de son victorieux ost & armée, a pleu audit seigneur d'enuoyer en ladicte ville, vous tresfreuerend pere en Dieu & trefnoble seigneur, môseigneur le Cardinal en vous donnant plain pouoir & puissance, de laquelle auez vŕŕ si bien & prudemment qu'auez sauü la ville au Roy: dequoy nous trestous & noz enfans & successeurs en sommes tenez audit seigneur & à vous. Et aussi mercions mondit seigneur l'Euesque de Come des bonnes recommandations qu'il vous à fait: & des bons moyens qu'il a tenus pour la cōseruation de la patrie. Et puis que de vostre clemence & bonté tresfreuerend pere en Dieu & trefnoble seigneur, en ensuiuant le vouloir du Roy nostredit seigneur, vous à pleu nous faire dignes de vostre audience: messeigneurs les manans & habitans de ladicte ville & partenances d'icelle, m'ont ordonné de vous faire aucunes humbles requestes. Premièrement que vostre plaisir soit quand serez deuant le Roy nous recommander treshumblement à sa bonne grace: & mettre & asseurer la royale majesté, que iamaïs le peuple de Milan ne luy fera faute ne commettra rebellio contre son honneur ne son estat: & sera semblant à môseigneur S. Pierre, lequel apres qu'il auoit renié Dieu nostre redempteur eut si grand douleur de son peché qu'il en fut plus ardent & delibéré en son seruice, tousiours requerant mercy de sa faute. Tout ainsi que ie fais à vous, tresfreuerend Pere en Dieu & trefnoble seigneur, au nom du Roy nostre sire à deux genoux de par tous nobles, manans & habitans de ceste ville, qu'il vous plaise pardonner la faute & rebellion perpetrée & commise par nous, qui a esté cōtre la coustume dudit peuple, qui tousiours a gardé sa foy. Secondement, tresfreuerend pere en Dieu & trefnoble seigneur, combien qu'en partie des frais & mises faictes par le Roy nostre

stre sire par nostre coulpe & fautes & pour l'enuoyer les gēs d'armes qui estoient pour nous piller & tuer : nous ayōs promis & offert, & sommes obligez payer trois cens mille escus : c'est à sçauoir cinquante mille le xij. iour de ce mois, & autres cinquante mille le premier iour de May : & les deux cens mille à vostre volonté, qu'il vous plaise interceder pour nous enuers le Roy nostre sire, de remettre par grace & misericorde lesdits cc. mille escus : pource qu'il seroit impossible leuer tant d'argent & la ville en demoureroit abandonnée. Attendu que tout le bien de la ville gist en fait de marchandise & d'ouurage de drap de soye & de laine : & en ostant ladicte somme d'argent cesseroient toutes ouurages & marchandises : parquoy la ville en seroit destruite, & consequemment le païs & Duché qui descend d'elle. Erest office de Roy à enrichir ses subiects, plustost que les mettre en pauureté & mendicité. Tiercement nous vous supplions treshumblement, qu'il vous plaise faire vider les gens d'armes du païs le plustost que possible sera, pour sauuer les fruiets & recueillettes de ceste presente année pour la ville, les subiects dudit seigneur & pour son seruice. Quartement vous supplions qu'il vous plaise reintegrer chacun en son office. Vltimement puis que tressagement & à grande & meure deliberation, vous à pleu separer & exclurre de la grace & misericorde qu'il vous plaist faire aux manans & habitants de ceste ville, les principaux acteurs & participans de ladicte rebellion. Et à pleu à Dieu le createur que monseigneur le Cardinal Ascaigne, & la plus grand partie desdits acteurs participans, soient prisonniers pour la conseruation du païs : lesquels acteurs & participans pour l'auctorité & biens qu'ils auoient, tenoient les autres bēdez & en crainte reuerenciale : qu'il plaise au Roy & à vous, monseigneur, d'y dōner teller prouisiō & remede, qu'ils ne puissent doresnauāt troubler la ville ne le païs, & nous mettre en difficulté & dangier de noz vies, hōneur & bēz : ainsi qu'ils auoient fait dernieremēt, si n'eut esté la grace & misericorde du Roy & la vostre. En vous assurant, trespereuēd pere en Dieu & trefnoble seigneur, que nous qui sommes demourez, sommes deliberez d'estre tous vn corps & vn ame vnīs au bien & au seruice du Roy nostre sire : ne iamais doresnauāt ne se parlera plus de bendes, discordes ne differences entre nous, ainsi que l'experience vous monstera, en nous accordant noz trefnables requestes, ainsi que nous auons nostre parfaicte foy & esperāce pour vostre benigne grace, & vostre trespereuerente & noble seigneurie, fera ce qu'il appartient à vn trefnoble seigneur de la maison dont il est, & chose bien agreable à Dieu & digne de memoire, de coucher en impressiō de marbre à la louēge & gloire de la court celestielle, de la royal majestē & de vostre trespereuerende & trefnoble seigneurie : à laquelle ee peuple Milannois qui est icy, & moy de rechief à genoux treshumblement nous recommandons. Laquelle proposition faicte par ledit maistre Michel, mondit trespereuerend pere en Dieu, & trefnoble seigneur monseigneur le Cardinal cōsulta la respōce avec messeigneurs le Marechal de Triuoulce, l'Euesque de Luson Chancellier de Milan, monseigneur de Neuf-Chastel & autres chambellans, conseilliers & capitaines dudit seigneur, commanda à maistre Michel Ris docteur en droit ciuil & Canon, & conseiller dudit seigneur en son grand conseil en la Court de Parlement de Bourgogne, & en son Senat de Milan, de faire ladicte respōce qui fut faicte en la maniere qui s'ensuit.

MISERTVS est dominus super Ninivem civitatem: eo quod penitentiam egit in cinere & cilicio. A entendu, messeigneurs les Milannois, tresreuerend pere en Dieu & trefnoble seigneur monseigneur le Cardinal icy present, lieutenant general du Roy Duc de Milan, vostre humble requeste & proposition plus humainement que voz demerites ne requetoient. Et à cause que la tresgrande bonté & misericorde dudit seigneur soit plus manifestée, a ordonné de vous faire entendre vostre tresgrande faute & inexcusable rebellion: ce que volentiers fa tresreuerende & trefnoble seigneurie auroit fait par sa bouche, si eut bien sceu parler vostre langage. Et pource que ie suis iceluy qui par commandement, du treschrestien Roy nostre sire, le iour qu'il print de vous le sermēt de fidelité par son commandement, portay la parole, vous exhortant de par luy tenir foy & loyauté, dequoy vous en viendrois beaucoup d'honneur & de biens: & en ce faisant autrement beaucoup de maux & inconueniens: ensemble à pleu à mondit tresreuerend & trefnoble seigneur par moy, & par ma bouche vous faire recognoistre vostre tresgrande delloyauté & infidelité: & pour cognoistre plus appertement la tresgrande pitié & clemence du Roy nostre sire. Voz fautes & demerites, ô Milannois, sont si grandes & enormes qu'on ne scauroit trouuer punition egale: & ne seroit pas assez se le Roy vous punissoit ainsi que les Rommains feirent aux Samiens, desquels est escrit aux histoires. *Ita ruinas urbis diruerunt ut hodie Samus in ipsa Samo requiratur*. Ne la punition que feit Archila Roy des Gots contre les Rommains: de laquelle les enseignes en apparent au iourd'huy aux murailles & ediffices de ladicte ville. Ne celle que le Roy Alexandre feit contre les Thebains. Et l'on trouuera bien par les histoires, que pour moindre faute l'Empereur Charles le Grand Roy de France, & l'Empereur Frederich premier de ce nom punirent asprement ceste ville de Milan. Et pour vous faire cognoistre vostre tresgrande ingratitude ainsi quil a esté dit par vous, vous auez erigé, prince & comencement des François. Le treschrestien Roy est vostre vray, indubitat & naturel seigneur, auquel vous devez amour, foy & obeissance, ainsi que Dieu l'a ordonné & les loix: car le sage lignage au premier article q̄ les loix qu'il donna au Spartans dit. *Populum in obsequia principū principes ad iustitiam imperatorum infirmabit*. Et outre que le Roy nostredit seigneur soit vostre vray & naturel seigneur, né & descendu de la legitime, il vous a fait de sa bonté & clemence innumerables benefices. Il est venu en personne pour vous deliurer de seruage, auquel esliez non pas par ambition ne pour appetit desordonné d'acquérir Royaumes & pays: mais pour pitié qu'il auoit de vous vrais, subiects du Due Jean Galeache vostre premier Duc, & de tresexcellente Dame, dame Valentine sa fille grand mere dudit seigneur. Il vous rappelle à vostre pays: la iustice laquelle en estoit bannie, & le tout se conduisoit à l'arbitre d'un homme. Il vous assure de corps, d'honneur & de biens, que parauant n'estoit personne qui eut peu dire cecy est mien. Il vous a pareillement donné la liberté de mariage, que parauant le pere ne pouoit marier sa fille ne semblablement le frere la sœur à leur volenté: mais tout à l'appetit du seigneur. Les offices qui estoient par temps, il les a fait perpetuelles. Il vous a osté de toutes pilleries, concutions & exactions. En outre & par dessus les grans & innumerables benefices qu'auiez receuz de luy, vous estes obligez par serment à luy estre feaux & obeissans: & neantmoins

neantmoins aucuns en faisant le serment pensoient de le tromper. Et trestous vous autres Milannois oubliez le salut de vostre ame & de vostre honneur, non ayans regard au dangier, auquel vous vous mettiez, voz femmes, voz enfans & la ville: auez conspiré cõtre ledit seigneur, laissant le vray & iuste seigneur pour le Tirant: le premier Roy des Chrestiens, pour vn homme priuë de petite extraction: vn trespuissant Princee, pour vn homme pauue de cuer, de biens & d'amis. Et se i'eusse l'entendement & la langue pour accuser vn si tresgrand cas, ie ne le scauroye faire en deux iours, mais vostre conscience vous en dit plus auant que ie ne fais. Et si pouez bien dire de vous ce qui est escript: *Populus dure ceruicis*. Vostre seigneur Ludouic que vous auez rappellé en commettât si tresgrand fante & delloyauté contre vostre vray & naturel seigneur: Incontinent qu'il est arriué ne luy a pas esté assez de prendre les biens des particuliers, mais a prins les croix, calices & ioyaux des Eglises n'est à merueille: car comme est escript de Cambises Roy de Perse: *Difficile enim erat ut parceret suis, qui contempta religione grassatus etiam in Deos fuerat*. Et combien qu'à vn si grand & enorme delict y soient plusieurs desuoyez de coulpe, n'y a personne qui s'en puisse bonnement excuser: car il estoit bien aysé du commencement resister à la malignité des coniurateurs: lesquels ne se fussent pas aduâcez, s'ils eussent doubté du peuple de Milan. Ne se peut personne excuser d'auoir receu le seigneur Ludouic à si grande feste & ioye, comme se Dieu fut descendu du ciel en terre. Le peuple de Milan a aydé ledit seigneur Ludouic d'argent & de gens: les ioyes & festes que vniuersellement ont esté tenues pour sa venue, & pour ses courtes victoires d'auoir gaigné la ville de Nouare, sont toutes notoires. Regardez donc Milannois la iustice de Dieu le createur comment elle a esté manifestée. Et la tresgrand puissance qu'il luy a pleu donner au Roy nostre sire, que quãd vous cuidez auoir tout fait pour auoir gaigné Nouare, vous auez tout perdu: & vostre idolle le seigneur Ludouic prisonnier, & l'on dira de luy comme il est escript de Perse. *Seruit alteri cui nuper mediolanum seruiebat*. Quoy qu'il soit, ô Milannois, la grande fontaine de pitié du Roy nostre sire n'est pas cessée pour vostre grande ingratitude: & la bonté de modit seigneur le Cardinal vous est au iourd'huy assez manifestée, & en l'honneur & reuerence du iour: auquel pleut à Dieu nostre createur endurer mort & passion en l'arbre de la croix, mondit seigneur le Cardinal de par le Roy vous pardonne voz vies, vostre honneur & biens, vous exhortant à vous garder doreshauant de iamais plus encourir, non seulement crime de rebellion: mais seulement suspeçon quelcõque dudit crime: pource qu'en faisant quelque semblât de desuiuer de l'assinité dudit seigneur, vous serez punis si asprement que la memoire en demourera à tousiours & à iamais. Et en faisant ce que bons & loyaux subiects doiuent faire enuers leur vray & naturel seigneur, la ville & pays en amendera de mieux en mieux, & vous trouuerez tresfaïses & trescontens: pource que c'est vne grande liberte de viure sous vn vray & naturel seigneur. Et au regard de voz requestes, vous les baillerez par escript: & mondit seigneur le Cardinal vous en fera responce: de laquelle vous aurez occasion & matiere de vous contenter. En exceptant, toutesfoi, de la presente grace & remission, les auteurs & participans de ladite rebellion: & ce fait tous lesdits petits enfans en procession passerent par deuant

mondit seigneur le Cardinal en criant France, France, France & misericorde. Le iour saint George la Roïne partit de Lyon pour aller à saint Claude à moult belle compagnie, mais avant qu'elle reuin, elle fut commere du Prince d'Orange: car sa femme estoit accouchée en ce temps d'un fils. Audit an le ij. iour de May le seigneur Ludouic fut amené à Lyon, il auoit vne robe de camelot noir à la mode de Lombardie, & estoit monté sur un petit mulet. Le Preuost de l'hôtel & le Seneschal de Lyon luy furent au deuant, & le firent prisonnier de par le Roy, puis on le mit au chasteau de Pierre Size: & pour veoir le Ludouic, y auoir grand nombre de gens par les rues, par où il passa: & estoit le Roy à Lyo. En cestuy an & le xij. iour de May, fut fait à Lyon le mariage de monseigneur de la Roche, Baron de Bretagne & de la Princesse de Tharente, fille de Dom Frederich de Naples: pourquoy furent faites iustes & esbattemens present la Roïne, dames & damoiselles: & avec la Roïne estoit la femme du Comte Galliche, & en aucuns lieux de la ville furent faites iustes & rournois. Ledit seigneur de la Roche espousa le xvij. iour de May à S. Croix pres S. Jean de Lyon, dont de rechief on fait iuste en la Grenette. Les gentils-hommes qui ioustoient à cheual de bois & lisses de cordes couuertes de drap de soye qui estoit vne chose si mignonnement faite que merueilles & tresioeuse à veoir. Le xiiij. iour du mois de May le seigneur Ludouic fut par le vouloir du Roy & du conseil mis hors du chasteau deuant dir, & fut mené en France en un chasteau nommé Loches pres de Bourges. Le dimanche xxiiij. dudit mois monseigneur de Ligny retourna de Lombardie, & arriva à Lyon dont le Roy enuoya au deuant beaucoup de gens de bien. En cestuy an xvij. iour de Iuing veille de la feste Dieu, le Cardinal Ascaigne frere du seigneur Ludouic fut amené à Lyon prisonnier du Roy: & fut mis en prison au chasteau de Pierre Size, où son frere auoit esté mis: mais quand il fut en France, il fit tant qu'il fut en la grace du Roy & du conseil pour prison. Monseigneur le Cardinal d'Amboise & monseigneur de la Trimouille venant de Lombardie, arriuerent à Lyon le xxj. iour de Iuing: & avec eux estoit le seigneur Iean Jaques, lequel amena sa femme en France. Enuiron la fin de Iuillet le Pape Alexandre vij. estant à Romme, fut frappé de la tempeste & fort blessé: mais il se recommanda à Dieu & à nostre Dame, puis il surguary, & fit vne solennelle procession, où il fut en person: bailloit plaine absolution à chacun l'accompagnant comme en l'estat d'innocence: Et disoit on qu'il fut ainsi frappé la veille ou surueille de la S. Pierre. Audit an le xxj. de Iuillet, le Roy & la Roïne partirent de Lyon pour aller à Troye en Champagne à cause que l'ambassade d'Allemagne y deuoit venir. Audit an le iour S. Anne xxvj. iour de Iuillet trespasa à Lyon le Roy d'Uetot, & fut enterré à S. Croix pres S. Jean de Lyon. Audit an le xxvij. iour de Iuillet par un dimanche matin, tomba à Lyon la penulime arche du pont de Rosne vers Bechevelain, & demoura l'autre muraille & l'arche entiere: & n'y pouoit on passer fors qu'en dangier, & par dessus la muraille. Audit an les Suisses firent guerre es pays du Roy, à cause dequoy aucuns des Suisses de la garde du Roy s'en allerent en Suisse: mais ceste guerre fut tantost accordée. En cest an enuiron la saint Symon saint Iude, mourut monseigneur de Bordeaux Archeuesque de Lyon: & apres luy succeda à l'Archeuesché de Lyon François de Rohan fils de monseigneur le Marechal de

Gié. En cestuy an le Roy enuoya à la Vapute vn docteur de Paris pour les cōuertir d'aucunes fantasies qu'ils tiennent, mais il n'y feit riens. En cestuy an deuant Noël la riuiera de Sone fut gelée iusques à Mascon dont à cause qu'il ne venoit à Lyon bled n'y autre chose, le pain y fut chier. Et le iour de S. Thomas apres, le Rosne creut si fort iusques enuiron le disner, que c'estoit merueilles: & ne la voit on iamaïs en demy iour croistre si fort. L'an mille cinq cens & vn mourut l'Euesque d'Amiens natif de Bourgogne d'un lieu nommé Arbois: & luy succeda monseigneur de Neuers. En cestuy an fut vn Iubilé en France pour faire guerre aux Turcs, laquelle chose on feit: Il fut aussi prins en France dixiesme des benefices, aussi pour faire ladicte guerre. En cestuy an l'Archeduc Philippe & sa femme furent à Paris, & se declairerent amis du Roy: Puis alla ledit Archeduc en Espagne, & y mena sa femme, laquelle y accoucha d'un fils. En cestuy an on enuoya à Naples plusieurs pietons & grand nombre de lards & beufs salez: & estoit le Roy & la Roïne à Lyon pour veoir partir lesdits pietons Picards & Normans. La femme du Duc Regné de Lorraine avecques son fils, vint à S. Claude: puis vindrēt à Lyon vers le Roy & la Roïne: dōt ledit fils demoura en la court du Roy, & eut pēson: & la mere retourna en Lorraine, & la Roïne luy donna vne haquenée blanche tresrichemēt accoustree de bordure. C'est à sçauoir de veloux cramoisy semé de cordelieres, & fut le mois de Iuillet.

Comment le Roy enuoya grand nombre de pietons à Naples pour la reconquerir: & en petit de temps fut prinse & Frederich soy disant Roy vint en France.



LE Roy desirant auoir la iouissance de son Royaume de Naples, y enuoya grand nombre de gens d'armes par terre & par mer: & tant exploicta monseigneur d'Aubigny lieutenant general pour le Roy, qu'en brief temps il arriua audit païs: tellement qu'incontinent il print la ville de Naples. Et estoit adonc Dom Frederich audit Naples, lequel se disoit Roy du païs apres la mort du Duc de Calabre nommé Ferrand: lequel Frederich se rendit quād il veit qu'il ne pouoit resister: dōt il fut accordé qu'il deuoit venir en France vers le Roy, pour mettre ordre en tout: car il ne vouloit pas estre ennemy du Roy, considerant qu'il n'estoit pas pour resister à sa puissance. Aucuns de ses enfans furent prins secrettemēt & menez au Roy d'Espagne. De la prinse de Frederich & de la ville de Milan, furēt apportées nouuelles au Roy à Lyon le viij. iour d'Aoust, dont fut mené grand ioye & faits feux de ioye & processions, rendāt graces à Dieu de la victoire. En cestuy an le iour de nostre Dame de Septembre au soir, le feu se meit aux Celestins de Lyō, où il y eut grād dommage: car tout le conuēt cuida bruller: mais en brief tēps fut mieux edifié que iamaïs & se print le feu en la cheminée de la cuisine. En cestuy iour trespassā frere leā Tisserant Obseruantin, dont est parlé deuant. En cestuy an le ij. iour de Nouēbre iour des morts arriua à Lyon Dom Frederich de Naples, & fut mené en France.

Comment monseigneur le Cardinal d'Amboise feit son entrée à Lyon à cause qu'il fut Legat en France.



N cestuy an le dimenche vij. iour d'Octobre, monseigneur le Cardinal d'Amboise feit son entrée à Lyon, à cause qu'il fut fait Legat en France. Ladicte entrée fut tresbelle & sumptueuse: les rues tendues de tresriches tapis, & furent iouëz plusieurs beaux mysteres par les rues où il passa. Et estoit le peuple tresioyeux de sa venue, à cause que fut fait le traicté & appoinctement & paix entre les Princes Chrestiens: laquelle paix fut criée à Lyon le famedy deuant Noël, dont furent faits feux de ioye par les habitans de ladicte ville. Environ ce temps ma dame Marguerite fut mariée au Duc de Sauoye, & feit son entrée à Genéue le mois de Decembre.

Comment apres que Naples fut prinse les Francois seirent guerre aux Turcs.



'An mille cinq cens & deux fut le Iubilé pour la croisée: & fut en toute la Chrestienté comme on disoit, afin que chacun Prince feit guerre aux Turcs: mais les Princes eurent quelque diuision, parquoy faillit leur entreprinse: mais le Roy de France se monstra treschrestié comme il est appellé. Car apres la conqueste de son Royaume de Naples, luy desirant l'augmentation de la Chrestienté, feit marcher les François tant par mer que par terre pour faire guerre aux Turcs, lesquels estoient descenduz iusques vers Venise: car par auant les Turcs auoient fait guerre aux Veniciens. L'armée des François se porta vaillamment pour venir à la conqueste de Constantinoble, & l'a remettre à la foy Chrestienne. Monseigneur Philippe de Raustain estoit capitaine des François: lesquels meirent le siege deuant la ville de Methelin à la fiance des Veniciens, lesquels auoient promis au Roy d'auitailler l'armée des François: laquelle chose fut faicte au contraire, car les gens d'armes de France furent cinq iours sans auoir nuls viures. Et qui pis est, lesdits Veniciens donnerent passage à l'armée des Turcs, lesquels frapperent sur les François, là où mourut beaucoup de gens de bien: & furent prins trente & deux prisonniers, tellement que le Pape donna pardons pour les mettre hors de prison, & de tout ce, fait mention la bulle. Et moyennant ces choses l'armée fut rompue: mais qui eust tenu promesse aux François ils eussent en peu de tēps conquis la plus grād partie de Turquie. En cestuy an le iour de nostre Dame de Mars, fut le iour du Védredy Sainct, parquoy le pardon fut à nostre Damedu Puys en Auergne: auquel pardon y eut grand nōbre de gēs tuez, car la grād multitude des gens rōpirent vne muraille à force d'estre serrez: parquoy ladicte muraille rōpit & tua ceux qui estoient de l'autre costé en tombant dessus eux, plusieurs autres moururent en la presse. En cestuy an environ quinze iours deuant la S. George, mourut le Prince d'Oreng: & luy succeda vn sien fils bien ieune. En cestuy an fut fait le mariage du Roy de Hongrie & d'Anne de Candale fille de monseigneur de Candale de la maison de Foix: laquelle peu de temps apres elle feit son entrée à Lyon, où furent faits beaux mysteres: Puis elle partit de ladicte ville & fut menée en Hongrie, où fut le mariage consommé, & apres ont eu de beaux enfans ensemble. Petit de temps apres le Roy sen alla en Lombardie, & fut à Genes où il feit son entrée: & luy donnerent les habitans de la ville, grans dons & se donnerent à luy: en laquelle ville le Roy y fut long temps, puis retourna en France le mois de Septembre. Environ ce temps René Bastard de

de Sauoye fut dechassé dudit païs, lequel eut refuge au Roy de France, dont le Duc de Sauoye Philebert & ma dame Marguorite sa femme furent bien maris: car ledit René aduertit le Roy de plusieurs choses, lesquelles estoient machinées & disposées de faire au preiudice de la couronne de France: puis apres aucuns temps il fut en proces contre ladicte Dame, à cause d'aucunes places que le Duc auoit données à ladicte dame: lesquelles estoient audit René par achat. Le Roy estant au Daulphiné, le Duc de Sauoye & ma dame Marguerite vindrent à Lyon vers la Roïne & ne fut point faicte d'entrée: ils n'y furent gueres plus de quatre ou six iours, qu'ils retournerent en Sauoye vn petit deuant que le Roy arriuaist audit Lyon. Peu de temps apres le General des Cordeliers vint en France, & feist tenir à tous les Cordeliers l'ordre de l'Obseruace: car ainsi le vouloit le Roy, cognoissant qu'ils estoient trop mondains, & qu'il valoit mieux dix bons religieux que deux mille viciex. En ce temps la veille de la S. Martin, la femme de Dom Frederich vint en France, & amena son train & aucuns de ses enfans. L'an mille cinq cens & trois l'image nostre Dame du Cloistre, laquelle estoit au cloistre des Cordeliers de Lyon, fut apportée en l'Eglise en la chappelle de S. Francois: ceste image estoit paincte en plate paincture, parquoy on rompit le mur & fut portée en ladicte Chappelle, où elle est à present tresrichement accoustree. Enuiton Karesme entrant la grand maison du Roy de Dijon fut bruslée en nettoiyât la cheminée par vne couleuvre, qu'on y iecta, dont fut toute arsemais le Roy en peu de tēps apres la feist refaire toute neuue aussi belle que iamais. Audit an enuiron le xxj. iour d'Auril le Roy estant à Lyō feist vne abolition de payages, treuz, imposts & autres nouueaux subides mis sus depuis cēt ans sans octroy de Roy, de nō plus les leuer ne receuoir sur peine de perdition desdits payages, & d'amēde arbitraire par le Roy & par ses lettres patentes contenant edict perpetuel, octroyé aux marchans frequentans les riuieres du Rosne & de la Saonne, & autres riuieres nauigeables cheans & descēdants en icelles depuis la ville & lieu de Pontarly au dessus d'Auxonne iusques à la mer: & aussi par terre, tant France, Masconnois, Lyonnois, Languedoc que Daulphiné. Et aussi d'oster desdictes riuieres les escluses, pescherics, nassiers, molins, bennes, combres & autres choses empeschans le cours desdictes riuieres & passages de barques ou basteaux, sinon que premierement ne soit fait par commandement de Roy. Et fut ce passé à Lyon sur le Rosne. L'armée du Roy estant à Naples gaignoit tousiours païs marchant & conquerant vaillamment, iusques en Sicile, tellement que tout trembloit deuant eux.

Comment l'Archeduc feist son entrée à Lyon sur le Rosne, & du second heretique.

LE xxiiij. iour de Mars l'Archeduc Philippe feist son entrée à Lyon, laquelle fut tresbelle. Il venoit d'Espagne, mais auant qu'il entraist es païs & terres du Roy il demanda ostage: c'est à sçauoir que cinq ou six des plus prochains de la Couronne, fussent enuoyez en ses païs & terres durant le temps qu'il seroit en France: laquelle chose fut faicte, car le Roy n'y entendoit que tout bien: ledit Archeduc ne feist pas cela sans cause, presupposant qu'il doubtoit aucune chose: de la veüe duquel le peuple, se resioiuit à cause qu'il auoit charge de faire la paix entre le treschrestien Roy de France,

& le Roy d'Espagne, laquelle il feit: car le Roy estant à Lyon avec la Roynie & toute la noblesse de France, fut criée ladicte paix en ladicte ville de Lyon le iiii. iour d'Auril: c'est à sçauoir entre le Roy de France & le Roy d'Espagne, comprenant l'Archeduc & le Roy des Romains & leurs alliez. Puis ledit Archeduc s'en alla à Bourg en Bresse au pays de Sauoye, & là veit le Duc Philebert & sa sœur dame Marguerite femme dudit Duc Philebert de Sauoye. En ce tēps environ le xiiij. iour d'Auril vint à Lyon vers le Roy monseigneur Ican de Horne, Euesque du Liege à cause que monseigneur de la Marche estoit en different avec luy, & disoit on que le Roy en auoit la charge, & qu'ils s'en estoient remis du tout sur luy pour les accorder, laquelle chose fut faicte. Peu de temps apres l'Archeduc estant audit Bourg en Bresse, le Roy d'Espagne feit descendre à Naples grand armée, lesquels assaillirent les François qui entendoient estre en paix avec le Roy d'Espagne & les Espaignols. Nonobstant il y eut grand bruit, dont monseigneur de Nemours fut tué par grand trahison. Et nonobstant la paix, les Espaignols prindrēt la ville de Naples qui fut contre le sermēt du Roy d'Espagne: Et disoit on que le Pape Alexandre vij. auoit aitaillē les Espaignols. Monseigneur d'Aubigny se retira en la Calabre avec peu de gens: & si les François eussent esté secourus, ils eussent bien gardé leurs ennemis de venir à leur entreprinse. Encores disoit on plus, qu'aucuns François s'entendoient bien avec le Roy d'Espagne, qui par aduenture apres a bien esté sceu. Peu de temps apres fut enuoyé monseigneur de la Trimouille au pays de Naples, lieutenant general pour le Roy: mais si grieveuse maladie le print en chemin qu'il demoura, & finalement retourna en France. En cestuy an aduint à Paris vne chose merueilleuse: c'est à sçauoir d'un ieune escolier de l'age de xxij. ans, lequel estoit natif d'Abeuille: son pete & sa mere estoient gens de biē & d'autorité: cestuy escolier alla le iour S. Loys au mois d'Aoust en la S. Chappelle du Palais: On chantoit vne messe en vne chappelle à main dextre, & seruoit à ladicte messe cestuy escolier. Quand vint à l'heure de la cōsecration du corps de Iesus Christ, ledit escolier print l'hostie entre les mains du Prestre & s'en fuit, & l'éporta iusques à la court dudit Palais deuant la chambre des Comptes: & quand il veit qu'on le suiuoit il rompit ladicte hostie en pieces, & l'a iectā sur le pauē: parquoy il fut prins & mis en prison en la conciergerie, & ne peut estre conuertuy pour admonestement qu'on luy feit. Ce considéré on alla querre son pete & sa mere: & quand ils furent venus à Paris ils furent moult desplaisans du cas, & principalement de son obstination & malice: de laquelle chose sa mere mourut de dueil & de desplaisance en la ville de Paris. Et le pere le renōça à fils cōme hetetique & le vouloit tuer soy mesmes. La iustice l'interroqua quelle loy il tenoit: il disoit qu'il tenoit la loy de nature: & disoit on qu'il auoit hanté avec aucuns escoliers d'Espagne, lesquels s'en fuirēt. Aussi fut faicte processio generale à la S. Chappelle pour prier Dieu qu'il voulüst conuertir ledit escolier, en la presence duquel fut faicte la predication par un Docteur. Apres ladicte chose faicte la iustice voyāt qu'il estoit tousiours obstiné, il fut condamné d'estre traîné depuis la prison iusques au lieu, où il auoit iectée ladicte hostie. Puis fut mis en un tombereau au propre lieu, où il eut le poing couppe. Puis fut mené au marché aux pourceaux, où il fut bruslé. Du long du chemin fut tousiours admonesté de soy repētir par trois Docteurs,

monseigneur

monseigneur maistre Jean Standun, vn Cordelier & vn Iacobin: dōt ledit Standun ne le laissa point iusques à la mort, nonobstāt qu'il mourut en son obstinatio. Depuis l'heure qu'il eut commis le cas y eut tousiours vn drap d'or & deux cierges ardens dessus le lieu, où il iecta ladicte hostie: puis apres fut depaue & de nouveau repaue, & mis les pierres au tresor de la S. Chappelle avec les pieces de ladicte hostie, qui furent recueillies & assemblées à grand diligence & est tenu pour reliquaire. Audit an enuiron la fin du mois d'Aoust mourut le Pape Alexandre viij. le Roy de France estant à Macon: parquoy par le cōmandement du Roy monseigneur le Cardinal d'Amboise Legat de France, le Cardinal Afcaigne frere du seigneur Ludouic alors prisonnier en Frāce, le Cardinal S. George & autres Cardinaux & gens de bien, allerent à Romme pour eslire le Pape. Audit an le lundy deuant la S. Michel, enuiron neuf ou dix heures, tōba de tout poinct l'arche du pont du Rosne de Lyon.

L' Cardinal de Sene fut esleu Pape à Romme & nommé Pius tertius, lequel estoit nepueu de Pape Pie second: lequel apres son election ne vesquit qu'environ huit ou dix iours, & commençoit ja à faire de grans outrages aux François, & fut cent sixiesme Pape. Audit an le mercredy deuant la saint Lue mourut monseigneur Pierre de Bourbon, & estoit le Roy à Macon: lequel seigneur fut fort plainct, car il auoit tousiours esté bon & loyal à la couronne de France & de bon conseil. Audit an enuiron le disneufiesme d'Octobre, mourut à Romme le Pape Pie tiers: & comme dit est ne vesquit en sa Papalite que huit ou dix iours. Parquoy les Cardinaux feirent nouuelle election. Les François estans à Naples tuerent grand nombre d'Espaignols: & s'ils eussent peu auoir secours ils eussent fait fuir lesdits Espaignols de Naples, car monseigneur d'Aubigny sy monstra vaillant & courageux.

Comment le Cardinal de S. Pierre ad vincula fut fait Pape.

LE Cardinal de saint Pierre *ad vincula* Legat d'Auignon, nommé François de Sauone, fut fait Pape de Romme le cent septiesme & nommé Julius second, lequel estoit nepueu de feu Pape Sixte quatriesme: lequel auoit aussi nom François de Sauone auant sa Papalite, & estoit pareillement Legat d'Auignon & Cardinal de S. Pierre *ad vincula*. Cestuy Pape Iules à present est cestuy qui fut avec le Roy Charles à la conqueste de Naples. Apres son electio son nepueu fut Cardinal de S. Pierre *ad vincula* & Legat d'Auignon. L'armée du Roy estant deuant Saulse en la Côte de Roussillon, fut tresmal cōduicte par aucuns à qui le Roy auoit parfaicte & tresferme fiance: car ladicte armee estoit si tresbelle & biē entreprinse q̄ merueilles: les François ne vouloient nullement prendre le chasteau ne les gens d'armes & capitaine de dedans leurs vies sauues, nonobstāt que la plupart le vouloit, mais aucuns nō: Ledit chasteau fut miné sous terre iusques aux fondatiōs. Le siege estoit en vn pare subtillemēt fait, & en telle façō qu'on n'eut peu greuer les François: mais le Roy d'Espaigne à force d'argent cōme il a esté sceu depuis, auengla les yeux à aucuns tellement que les loyaux François furent biē esbahis quād il cogneurent la grād trahison & si euidēte. Mōseigneur le Marechal de Rieux Breto, lequel auoit la charge de l'armée, s'en alla à Narbone, dont les François furent mal cōtens, à cause

que le cap demoura sans cōduicte: mais nonobstāt chacū sy porta si vaillāmēt, qu'ils leuerēt l'ost & emmenerent l'artillerie sans riēs perdre, & si vaillāmēt se defendirent q̄ merueilles, parquoy chacū se retira: mais qui eust fait comme on deuoit & tenu promesse au Roy, deuāt peu de tēps on eust gaignē grand païs, veu la belle ordonnance de l'armée des François. Deuant ledit Saulse fut tué d'un coup d'artillerie monseigneur de la Roche-For, dont ce fut grand dommage: car il estoit vn bon & vaillant cheualier & en fut le Roy marry à merueilles, & aussi tous ceux de l'armée. L'armée de Naples estoit tousiours en vertu, car les François gaignoient tousiours païs. En cestuy an la veille de Noël, mourut à Lyon Loys mōseigneur de Luxembourg seigneur de Ligny enuiron la minuit: dont le Roy, les gentils-hommes de court, manans & habitans de Lyon, furent bien marries & non sans cause, car c'estoit vn seigneur bien aymé de chacun. En cestuy an le troisiēme iour de Iuillet par vn matin, trespassa frere Pierre Cardinal d'Ambusson grand maistre de Rhodes, lequel gouerna Rhodes vingt & sept ans: dōt és premiers ans fut assailly de guerre par les Turcs iusques en la ville de Rhodes, dont ledit Cardinal & maistre des Rhodiens fut victorieux, & y demourerent plus de xl. mille Turcs morts, & tous les autres Turcs qui là estoient sen foyrent: de laquelle chose furent les habitans de Turquie tresdeplaisans, quand ils sceurent la grand desconforture de leurs gens: dont crierent tous à haulte voix: Mahon donne nous en vengeance. Et le grand Turc voyant son armée ainsi deffaicte, feit vn cry horrible à ouir, dōt les Turcs furent moult desconfortez. Puis apres le grand Turc iura deuant tous d'en prendre vengeance, & feir marcher son armée vers Rhodes, mais ainsi delibéré il mourut. Ledit grand maistre de Rhodes tint treize ans prisonnier l'heritier du grand Turc outre le gré de plusieurs: puis le rendit au Pape: le Pape Innocent luy enuoya le chapeau de Cardinal à Rhodes. Puis il feir reparer les murs de ladicte ville, lesquels auoient esté par les Turcs gastez & rompus. Apres il conuertit tous les Iuifs de la ville de Rhodes, & a obtenu l'alliāce de tous les Princes Chrestiens, & plusieurs grans biens ont esté par luy faits. Et apres luy est succédé vn des freres de monseigneur le Legat de Frāce, lequel incontīnēt alla à Rhodes pour resister aux Turcs, lesquels faisoient bataille & guerre aux Chrestiens.

Comment Sophiz feir guerre à Vsson Cassan Turc.

LE septiesme iour de Decembre mille cinq cens & deux, cestuy grand maistre de Rhodes Cardinal d'Ambusson eut nouvelles du païs d'Armenie & de Perse: c'est à sçauoir d'un nommé Sophiz Chrestien ou bonnet rouge d'armenie, comme luy voulant venger la mort de son feu pere, lequel fut tué par Vsson Cassan Turc & ses gens deffaits: lesquels estoient en nombre quarante mille hommes: & aussi luy desirant recouurer tous les Sophines, qui alloient expressément par la Turquie. Et attendu la mauuaise compagnie & iniquité que le grand Turc faisoit ausdits Sophines, sest party de son païs appellé Adanil, loing de Thoris douze iournées: & estoit venu pres de Arzian ville dudit Vsson Cassan, accompagné de cent hommes de guerre tant seulement en bonne paix & amour: lequel impetra dudit Vsson Cassan foy d'amirance, cōme son loyal amy & parent à cause de sa mere: laquelle estoit seur dudit Vsson

Cassan,

Cassan, en faignant d'attendre certain nombre de ses gens pour paruenir à son intention, pource qu'il se tenoit fort iniurié du grand Turc: lequel comme dit est, lesdits Sophines ses vassaux en telle maniere qu'en l'espace de quinze iours, recoura de les gens iusques au nombre de seize mille hommes: avec lesquels entra dedans Arzian violement & par force, & fait tailler en pieces petis & grans. Et entre les autres choses qui sont dignes de memoire, fait que tous les Mosques des Turcs, autrement appelez temples pour plus grand mesprisement, fait lier dedans iceux les cheuaux comme vne estable, puis les fait abbatre & arraser iusques au fondement. Illec aupres auoit vn temple de Chrestiens qui auoit autresfois esté destruit par le Turc, lequel temple incontinent ledit Sophiz fait reparer & refaire solennellement puis partit tousiours croissant son armée: puis alla en la Prouince de Firnam qui est seigneurie fort diuerse, laquelle appartenoit audit Vison Cassan. Voyant ledit Vison Cassan, que ledit Sophiz subiugoit ainsi son pays & grand nombre de Turcs iusques au nombre de cinquante mille Turcs tous d'icelle Prouince: & incontinent, Collatis signis, fut combattu, tué & mis en pieces avec toutes ses gens par ledit Sophiz: lequel print le seigneur Vison Cassan, & entra victorieusement dedans la cité de Firnam & obtint le pays: & mesmement la ville de Sarda, en laquelle il se tint & demoura l'espace de trois mois: puis s'en vint à Tharabe, laquelle estoit audit Vison Cassan, laquelle se rendit incontinent. Et afin qu'il fut memoire dudit Sophiz, alla iusques au pays de Sultanie, où il trouua les enfans de Vison Cassan qui luy estoient venus au deuant avec xxv. mille de leurs vassaux. Et incontinent que ledit Sophiz les vit il les combatit en telle maniere que l'un desdits enfans fut tué en la bataille, & les autres trois prins prisonniers: lesquels incontinent ledit Sophiz fait mourir de mort vilaine & despecer en pieces, & aussi toutes leurs gens furent mis à l'espee, & n'en demoura pas vn. Parquoy ceux de la cité de Thauriz voyant la grand puissance de Sophiz, & qu'il auoit defait leur seigneur avec ses enfans, se rendirent avec la cité sans faire bataille: auquel lieu il sejourna plusieurs iours avec ses gens. Et les citoiens de Thauriz voyant la grand sagesse & prudence dudit Sophiz, le meirent en possession de l'estat & pays dudit Vison Cassan. Puis il partit de là & alla en vne grosse ville nommée Lingia, à trois iournées de Thauriz: puis vint avec ses gens en vne autre ville appelée Passy, qui est la derniere ville de Vison Cassan. Sophiz voyant qu'il auoit subiugué & mis en son obeissance la region & pays dudit Vison Cassan, & mis seurement & stablement chacun en son endroit selon son estat, retourna en ladicte ville de Thauriz, qui est la cité principale du pays dont la mere dudit Sophiz, accompagnée de plusieurs dames & damoiselles & de maintes esclaves siennes, suiuant continuellement son fils bien aymé, voyât & considerant le grand outrage que le grand Turc faisoit aux Sophines ses vassaux, manda ambassadeurs audit grand Turc, luy mandant qu'il eust à donner liberté & franchise à tous les Sophiz ses subiects: & en outre qu'il eust à se mettre le bonnet rouge à la coustume de ses gens Sophines: ou autrement elle luy feroit cognoistre la grand force de son fils. Pourquoy ledit grand Turc retint ledit ambassadeur Sophine à Constantinople, & se doutoit fort le Turc que ledit Sophine descendiât avec son armée au pays de Natholie, lequel appartient

au grād Turc. Parquoy ledit grand Turc feit preparer grande armée au païs de Angori : & manda à tous ceux de la Pierre qu'ils se preparassent de prendre armes contre Sophiz Chrestien ou bonnet rouge: lesquels furent rebelles & refusans de ce faire : & estoient quasi tous deliberez de leur rendre audit Sophiz. Et comme disoient les Armeniens, ledit Sophiz n'estime ledit grand Turc vn bou-ton : car il a en son armée le nombre de quatre vingts & dix mille hōmes d'armes bien armez : & sans les gens qui luy suruiennent tous les iours de ses gens de son païs d'Arménie . Et furent ces nouuelles apportées au Roy de France estant à Moretel au Daulphiné l'an mille cinq cens & trois.

De la male saison, & de la grand mortalité qui fut, de la mort de plusieurs grans personnages.



L'An mille cinq cens & quatre trefues furent faictes entre le Roy de France & le Roy d'Espaigne, touchant la Comté de Roussillon. Et ce pendant les Espaignols qui estoient à Saulse s'en allerent secretemēt à Naples. Et aussi disoit on que le Roy d'Espaigne auoit donné aucune somme d'argent à aucuns François, dont apres furent accusez : parquoy les Espaignols prindrent le païs de Naples . Et y furent prins prisonniers monseigneur d'Aubigny, & monseigneur d'Alegre principaux capitaines des François : & y mourut plusieurs de l'armée de France, à cause qu'ils n'auoient nuls viures: nonobstant sans grand effusion de sang retournerent les François : & tousiours tenoit bon le lieutenant de monseigneur de Ligny, lequel estoit és terres & places de la feu femme dudit seigneur, nonobstant les François prindrent aucuns prisonniers gens d'apparence : parquoy furent renduz lesdits seigneurs d'Aubigny & d'Alegre. En cestuy an feit vn esté treschault : tellement que les bleds furent de petite monstre, & en petite quantité és païs de Lyonnois, Daulphiné, Auvergne, Bourgogne, Sauoye, & autres païs . Dés le mois de Mars les villageois cognoissans le temps mal disposé, estoient moult desolés & faisoient ja processions en plusieurs lieux : tellement qu'en la ville de Lyon y venoit grand nombre de processions des villages : & tous les iours & d'heure en heure, dont les bourgeois, marchans & habitans de ladicte ville, leur donnoient pain & vin en abondance, & les religieux pareillement . Esdictes processions estoient les filles ieunes vestues de linge blanc, pieds nuds, & vn couurechef en la teste, & vne chandelle en la main: les enfans masles apres aussi vestus de linge blanc, nuds pieds, teste nue: puis apres les prestres, les hommes, & les femmes en chantant la letanie. Et aucunesfois crioient à haulte-voix. *Sancta Maria: ora pro nobis*. Puis. *Misericorde*. Les parroisses de Lyon faisoient semblables processions, & allerent à nostre Dame de l'Isle à vne lieuë Françoisie pres de Lyon. Le iedy penultime iour de May, fut apporté à Lyon l'Innocent de S. Iust des faulxbourgs dudit Lyon, qu'homme viuant n'auoit iamais veu apporter en la ville . Et avec ce fut apporté S. Iust en procession, chantant & criant comme les autres & alloient d'Eglise en Eglise. Le iour ensuiuant on porta la machoire de S. Iean Baptiste en procession aux Augustins: laquelle machoire n'auoit iamais esté portée hors de S. Iean de Lyon, où elle est. Et huit iours apres il pleut, mais la seicheresse fut comme deuant. Les religieux de nostre Dame de l'Isle avec plusieurs villa-

ges,

ges, vindrent à Lyon en procession, & apporterēt nostre Dame de l'Isle, & saint Loup qu'on n'auoit iamais apporté à Lyon, & fut le vij. iour de Iuing. Aussi fut apporté audit Lyō saint Hereny Prince des dixneuf mille martirs. Il venoit des processions de quatre & cinq lieues. Et plusieurs villages furent bien cinq ou six iours errans & allans par les champs de lieu en autre, sans retourner en leurs maisons. Et brief c'estoit si grand pitié, qu'il n'y auoit si dur cuer ne si inhumain qui n'eust esté esmeu à plore & à laisser toute liesse, voyant la grand desolation du peuple. Enuiron le mois de Septembre y auoit à Lyon en la riuere de Saonne grand nombre de petis anguillons gros comme vn petit doigt, & n'en osoit on manger. En ceste année furent beaucoup de malades. Enuiron le neuuesiesme iour de Septembre, mourut au pont Dain le Duc de Sauoye Philebert, & disoit on qu'on l'auoit empoisonné: luy succeda vn sien frere seculier, & en auoit vn autre Euesque de Genefue.

L'AN mille cinq cens & cinq mourut Madame Iehanue Duchesse de Berry, & est enterrée au chasteau de Bourges en vne chapelle, laquelle auoit fait fonder & augmenter de rentes. Ceste année c'est à sçauoir iusques à la S. Iean, & l'année de deuant depuis ladicte saint Iean à l'autre, fait tresmale saison & chere: car le bled valoit à Lyon xxvj. & xxvij. sols le bichet. Et pource que ladicte saison estoit si male, vindrent à Lyon si grand abondance de pources gens des villages, que c'estoit pitié: les vns laissoient leurs maisons vagues: les autres laissoient femmes & enfans, & les femmes, enfans & maris, & tous demandans l'aumosne: dont il en mourut innumerablement: nonobstant que chacun qui auoit dequoy leur donnoit suffisamment: car à Lyon se faisoient autant d'aumosnes que iamais on veist faire en ville, chacun si efforçoit de sa puissance. Et avec ce y regnoit vne maladie, dont il mourut si grand nombre de gens que merueilles, & principalement à l'hostel Dieu de Lyon, y en mourut des pources villageois quasi innumerables. Beaucoup de riches gens aussi moururent, lesquels estoient de grand auctorité. Et comme on disoit, l'année estoit par tout semblable en mortalité. Es monraignes de Sauoye & és villages à l'entour moururent de faim plusieurs gens: & demourerent ceste année plusieurs possessions à labourer. En cestuy an en Kareme le Roy feit apporter de Blois les os de son feu pere Charles Duc d'Orleans à Paris, lesquels furent mis en sepulture aux Celestins en la chapelle, laquelle est fondée des Ducs d'Orleans. Et quand on apportoit lesdits os y auoit aussi bel honneur qu'il estoit possible, qui fut vne chose sumptueuse & digne de memoire. Enuiron ce temps le Roy fut malade, tellement qu'on cuidoit qu'il fut trespasé, dont les seigneurs de Court furent si courrouce que merueilles: à cause dequoy plusieurs des principaux le vouèrent en plusieurs lieux & pelerinages, & furēt faictes processions par tout le Royaume, priant Iesus Christ qu'il luy voulsist donner santé, laquelle luy fut octroyée: car luy estant comme mort, se reuint & racompta vne vision qu'il auoit eue: laquelle estoit de grand efficace, & digne de memoire: & croy fermement que ce fut plus tost chose miraculeuse qu'autrement. Et peu de temps apres sa maladie, impetra du Pape vn pardon & iubilé en son païs de France, & en ses autres terres & païs, & ne falloit point donner d'argent. Et le xxvj. iour de Iuing, qui fut feste de saint Pierre & saint Paul, fut faicte vne procession: en laquelle on por-

toit le *Corpus Domini* comme le iour de la feste Dieu : & le Roy cognoissant que son peuple auoit prié pour luy en sadicte maladie & luy non voulant estre ingrat, mais les remunerer, feit impettrer cestuy pardon. En cestuy an mourut en France Dom Frederich de Naples, auquel le Roy auoit fait de grans biens & grandes recompenses, touchant le Royaume de Naples.

L'AN mille cinq cens & six mourut Yfabel Royne d'Espagne : laquelle a fait plusieurs beaux faits de guerre en son viuant deuant Grenade: apres la mort de laquelle, fut baillée audit Roy à femme la seur de monseigneur de Foix & fut fait par le Roy. Et par ainsi fut fait aucun appoinctement entre le Roy de France, & le Roy d'Espagne touchant Naples & Roussillon. En cestuy an fut guerre entre le Duc de Sauoye & les Valoisiens, laquelle fut tantost accordée. En cestuy an enuiron le mois de Iuillet fur à Romme tenu chapitre general des Cordeliers, lequel n'y auoit esté tenu depuis le temps de S. François. Et fut à cause (comme dit est deuant) que les Cordeliers du Royaume de France auoient esté reformez par auant : mais aucuns n'en estoient pas contens, dont pour faire le cas plus seur en fut determiné audit chapitre : c'est à sçauoir que le Pape vouloit qu'il n'y eust que deux manieres de viure : & principalement que ceux qui estoient reformez le demouroient, & par consequent tous les conuens de France sont demourez de l'obseruance sans riens repliquer. En ce temps estoit aussi à Romme chapitre de ceux de S. Iean de Rhodes, dont plusieurs & grand nombre furent noyez en mer en venant audit chapitre par l'impetuosité de la mer. Le dixhuitiesme iour de Iuillet feste de monseigneur saint Panthaleon, fut fait & donné vn pardon à tous confez & repentans qui donneroient de leurs biens aux Eglises, fondées des seigneurs de Rhodes : à cause que l'an deuant le Grand maistre de Rhodes nouveau, & frere de monseigneur George d'Amboise Cardinal & pour ce temps Legat en France, auoit gaigné vne iournée contre les Turcs & desconfit toute l'armée, qui fut chose digne de memoire. A cause dequoy feit ledit Grand-maistre fonder deux chapelles en la ville de Rhodes, dôt l'une fut de saint Panthaleon. En cestuy an le iour de l'Ascension de nostre seigneur Iesus Christ, monseigneur d'Angoulesme seconde personne de France, fiança à Tours Madame Claude de France, fille vnique du Roy Loys douziesme, & de la Royne Madame Anne de Bretaigne: dont fut faicte en France grande ioye, procession & feste, avecques feux de ioye & grande resiouissance de tout le peuple. Le quatorziesme iour d'Aoust reuerend pere en Dieu monseigneur François de Rohan, fils du Marechal de Gié Archeuesque de Lyon & d'Angiers, feit son entrée audit Lyon moult triumpamment. A laquelle entrée furent fais plusieurs mysteres par les rues, par où il passa & tendu de tapisserie. Le iour ensuiuant, qui fut le iour del'Assumption nostre Dame, il chanta la grâd Messe en l'Eglise de S. Iean dudit Lyon en grand Pontificat. En cest an le Duc de Gueldres feit guerre audit païs de Gueldres que tenoit l'Archeduc.

Comment l'Archeduc & la Royne de Hongrie moururent. De la guerre du Pape contre les Boulegnois.

L'an

E Archodue Philippe estant en Espagne en la ville de Burgnies, mourut le xxv. de Septembre oudit an mille cinq cens & six. La Royne de Hongrie mourut le iour de la nostre Dame d'Aoust, laquelle estoit acconchée quinze iours deuant d'un fils nommé Loys: & le porta baptiser le fils du marquis de Brandebourg, pour & au nom du Roy de France. Elle auoit eu par auant vne fille, laquelle auoit enuiron trois ans quand ladicte Royne mourut, & viuent lesdits enfans. Es Lombardies y a vne fille religieuse de l'ordre des iacobins comme sainte Katherine de Sene, laquelle tous les vendredis a les cicatrices aux pieds, mains & costé, comme nostre seigneur Iesus Christ, & y abonde le sang qui est vne chose merueilleuse.

La prinse de Boulongne la Grasse par le Pape Iulius deuxiesme & les François.

En cestuy an mille cinq cens & six, le Pape Iulius deuxiesme considerant que la terre de Boulongne la Grasse en comprenant citez, villes & chasteaux & places sont des biens de l'Eglise & terre Papale, il se disposa de trouuer les moyens de la reduire à son obeissance. Ceste terre estoit detenue violement à force par vn nommé mesure Iean de Bentiuole, lequel l'auoit long temps vsurpée. Toutes ces choses considerées, il se pensa qu'il n'y auoit Prince en toute la terre qui mieux luy peust ayder à la conquiesce que le Roy de France treschrestien, & setme pillier soustenant l'Eglise: car maintenant il florit en victoire entre tous les Princes de la terre: à cause de quoy le Pape l'aduertit de la chose. Et incontinent voulant servir nostre mere sainte Eglise, enuoya en son païs de Milan grand nombre de gens d'armes, avecques ceux de quoy il se pouoit servir. Le Pape avec grande armée estoit du costé de Romme & par ainsi la ville de Boulongne fut assiegée de deux costez: par le Pape d'une part, & par les François d'autre, & fut ou mois d'Octobre. Les François (comme dit est) estans vers Modene se porterent si vaillamment, qu'ils prindrent le chasteil Franque & le pillerent, à cause qu'ils ne se vouloient point rendre. Les gens du Pape prindrent aussi vn autre chasteau: & se porterent vaillans les gens d'armes d'un party & d'autre, tant que les Boulegnois furent moult esbahis & espouentez: parquoy eux considerans qu'ils estoient assiegez de deux costez, & qu'il n'estoit possible de resister à l'encontre du Pape & du Roy de France, ils rendirent au Pape la ville de Boullogne, & en dechasserent ledit mesure Iean de Bentiuole, lequel tenoit ladicte ville par force, comme dit est; notwithstanding quelle fut naturellement au Pape. Et par ainsi pour en rendre graces à Dieu le createur, nostre S. Pere le Pape y chanta Messe le iour de la Toussaints en l'Eglise de S. Petron tresdeuotement.

De Damoiselle Triulce.

En ce temps regnoit au païs de Milan vne fille vierge, nommée damoiselle Triulce: laquelle de son ieune aage fut mise à l'estude, depuis l'aage de sept ans iusques à xiiij. Elle apprint son a. b. c. iusques à Grammaire parfaite: & au xiiij. an estoit treseloquente, & prenoit grand plaisir à l'estude, qui estoit quasi chose miraculeuse. Elle est de noble maison, de la famille de ceux de Triulce. Son pere estoit nommé Iean, lequel estoit

cheualier, bon clerc, aussi estoient tous ceux de sa lignée. Sa mere se nomme Angele noble, de la lignée des Martinengois. Et certes pour bien louer ladicte pucelle, ne sçauroye mieux faire que de me accorder avec Prosper, disant. *Naturæ sequitur semina quisque suæ*. Sa mere n'estoit point experte en science, mais plaine de grans vertus. Ceste fille est si deuote & eloquente, qu'elle semble plus angelique qu'humaine en ses oraisons. Et certes s'elle continue toute sa vie aussi sainctement & aussi abondante en vertus qu'elle a fait iusques à present, elle sera digne d'estre reputée saincte. En l'age de douze ans, elle commença estre oratrice. Elle fut inuquée en la compagnie de plusieurs grans clercs, tant ecclesiastiques que seculiers: entre lesquels estoit l'Euesque de Losenne grand orateur, l'Euesque de Cumenie son oncle & François Triulce: aussi son oncle de l'ordre des freres mineurs grâs clercs, & plusieurs autres gens experts en science lesquels apres plusieurs argumentations & disputations faictes, tindrent grand cōpte de la pucelle. Avec ce elle est philosophe & entend merueilleusement bien Themistocles, Seneque Philosophes, & aussi Pierre de Rauene. Quelque chose qu'elle veit, qu'elle ouit ou entendit en lieu où elle allast, sans faillir le racomptoit à son pere quand elle retournoit en la maison, cōme s'elle l'eust eu par escript. Elle est aussi experte en l'art poëtique, tellement qu'un iour elle composa grand quantité de vers, & si bien que son maistre en fut tout esmerueillé. En peu de temps elle fut tresexperte és lettres grecques. Elle cōposa plusieurs epistres en toutes sciēces, lesquelles elle enuoya à plusieurs grâs clercs, lesquels les trouuerent treseloquentes. Elle est trespatiente en aduersitez, & les tourne en lieses. Et brief en tous ses faits elle est si tresparfaicte, que c'est chose merueilleuse, plustost miraculeuse que humaine. Et quand on luy parle de la marier, elle respond que iamais n'espousera homme, qu'elle ne sçache qu'il soit vierge comme elle.

En ce mesmes temps mille cinq cens & six, les Geneuois vñs de leurs trahisons accoustumées, non contents des fautes par eux commises peu par auant enuers le Roy leur seigneur, contre luy se reuolterent, & feirent vn Duc à leur plaisir nommé Paule Noyus, qui auoit autresfois exercé le mestier de Taincturier. Le Roy voyant leur rebellion meit sus son armée, & y alla en propre personne en sorte qu'il les subiuga & remeit en son obeissance: ce neantmoins que lesdits Geneuois auoient fait gros preparatifs & munitions de guerre, & eux confians en vn fort rampart & bastillon imprenable ce leur estoit aduis, se tenoient des plus fors: mais sur ces entrefaictes aucuns hardis auaturlers François, mōterent secrettement iusques aupres dudit rampart & bastillon: parquoy les Geneuois bien estonnez & esbahis ayans les cueurs faillis s'en fuirent & retrahirent dedans la ville, où ils feirent conclusion d'eux en venir rendre deuers le Roy: laquelle chose & pour euer de respādre sang humain, & aussi le dōmage que c'eust esté d'abandonner vne si belle ville: le Roy les receut benignement à mercy, & entra dedans la ville avec toute son armée, & luy feit on belle & magnifiquē reception. Ce pendāt le delict leur Duc Paule Noyus fut prins par vne Barque François: lequel s'en estoit fuy, & ramené à Genes, où il fut decapité. Et deslors en auant deffendu publiquement de non plus crier. Adorne Fregose. &c. ce qu'ils auoient de coustume de faire parauant icelle reduction.

Du traicté & appointement fait à Cambray par monseigneur le Legat George d'Amboise entre le Pape, l'Empereur Maximilian, le Roy de France, & le Roy d'Espagne. Et comment ledit Roy de France desconfit les Veniciens au lieu d'Aignadel.



Nuiron ce temps le Roy enuoya monseigneur le Legat à Cambray, où il eut appointement entre le Pape, l'Empereur Maximilian, le Roy de France, le Roy d'Espagne, Madame Marguerite comme gouuernante de l'Archeduc. Lequel appointement ne dura pas longuement, & fut cause de la mort de deux cens mille hommes, qui depuis au moyen de la rachine & frauduleuses pensées des confederez, ont esté occis comme verrez cy apres par plusieurs batailles & rencontres : & encores qui pis est, nous sommes du temps present & serons, se Dieu n'y boute remede, en la captiuité dudit appointement : mais le Roy voulût ou cuidant auoir tousiours bone paix & confederation avecques les Princes circonuoisins a esté deceu, comme il est apparu depuis à la journée de Pesquiere contre les Veniciens : car luy seul avecques son armée print l'adventure hardiement, passa les monts & vint en Milan : Puis feit marcher son armée, où fut fait vne chose digne de memoire : car où il passa il feit rompre les ponts apres luy, pour môstrer qu'il ne faillloit point fuir : en apres print pour commencement le chasteau de Treuis : Puis feit marcher son camp iusques à Pesquiere, où fut la journée au lieu dit Aignadel. Et vertueusement cinq iours apres le dit camp dressé, assaillit les Veniciens & leur armée : lesquels Veniciens ayans les cueurs failliz, furent incôtinent vaincu moyennant le seigneur de Bourbon : lequel si porta vaillamment & y eut grand occision, ce que les confederez en l'appointement n'eussent iamais pensé auoir esté fait par l'armée seule du Roy, mesmes les Veniciens ne le vouloient croire iusques à ce que le Comte Petillane qui s'en estoit fuy, lequel menoit l'arrieregarde leur manifesta la deffaicte. Et de fait ce fut vne chose bienheureuse : car la bataille fut le quatorziesme iour de May, qui estoit le vj. iour apres que le Roy fut arriué au camp. Par ainsi ne dura la guerre entre les deux armées que cinq iours entiers : pourtant que apres celle victoire n'y eut plus de guerre ne de deffence, qui empeschast que le Roy n'eust tout ce qu'il demandoit. Parquoy ie dis que ce fut vn grand heur, veu qu'ils estoient aux lieux auantageux & gardans les forts passages : dont ils auoient moult grand nombre, & aussi leur puissance : car quelque puissance qu'ils eussent qui estoit suffisante, non pas seulement pour resister à tout autre, & garder le pays qu'ils tenoient : mais pour assaillir & combattre : pourtant qu'ils auoient en leur camp plus de mille sept cens hommes d'armes, & d'autres cheuaux legiers que d'autres iusques au nombre de neuf mille cinq cens, & de gens de pied plus de xxij. mille : tous bien armez & accoustrez, & d'artillerie grosse plus de vingt pieces aussi bonnes ou meilleures que le Roy en auoit point : & au surplus les meilleurs conducteurs & capiraines qui furent lors en Italie, comme messire Bartholomy d'Aluiane principal de l'armée, lequel fut cedit iour prins prisonnier, comme il estoit avecques aucunes gens de pied : lesquels il auoit rassemblez : & fut prins en ladicte journée grand nombre d'autres capitaines, & principalement plus renomez de la seigneurie de Venise, lesquels furent amenez en France & mis en fortes places : les enseignes à S. Denys

en France. Et ne fut occis de l'armée du Roy que deux cens hommes, & des Veniciens bié quinze mille. Apres la journée faicte le Roy feit ensevelir les morts & ordonner vne chapelle audit lieu, fondée de certaines Messes pour les ames de ceux, qui estoient morts en estat de grace. Et tantost apres furent rendues sous la puissance du Roy de France les villes, que auoient vsurpées lesdits Veniciens: c'est à sçauoir de Bergame, Bresse, Creme & Cremonne appartenant de la Duché de Milan. Le Pape Iulius ij. de ce nom recouura pareillement à l'ayde d'iceluy Roy ses villes de l'Eglise: c'est à sçauoir Seruie, Rauenne, Imole, Fauance, Foreliue & autres terres qu'ils tenoient appartenant à l'Eglise. Maximilian Empereur recouura aussi ses villes que lesdits Veniciens tenoient, Veronne, Vincenne & Padouë: lequel Padouë ne garda pas longuement ledit Empereur, car par sa negligence ou paour qu'il auoit, n'osa venir iusques au camp du Roy, ce nonobstant les promesses qu'il auoit faictes au Roy l'absenta de luy: ce neantmoins le Roy depuis luy bailla quantité de gens d'armes, dont estoit chef monseigneur de la Palisse pour rauoir ladicte cité de Padouë, & y fut le siege longuement: & en la fin ce ne fut riens. Le Roy d'Espaigne aussi receut pareillement ses villes, que detenoient iceux Veniciens: c'est à sçauoir Brondouse, Tarente & autres lieux semblablement. Et brief apres tout reduit & mis en la subiection du Roy Loys, & auoir donné secours au S. Pere le Pape Iulius cōme vray pillier de l'Eglise, aydant à chacun par charité, & luy auoir fait plusieurs autres bōs seruiCES & courtoisies: comme de luy mettre en ses mains la cité de Boulongne la Grasse & expulsé messire Iean de Bentiuole, ainsi comme il est dit dessus: mais nonobstant icelles gratuitez à luy faictes par le Roy, iceluy Pape moyennant la suscitation des Veniciens & autres, print leur alliance, meit son armée aux chāps avec celle des Veniciens: parquoy il print Mutine & Mirandule, laquelle il restitua à sire Iean Francisque Picus, qui disoit estre vainement seigneur dudit lieu. Apres la journée faicte contre les Veniciens le Roy print son chemin vers Milan, où luy fut faicte vne triumpante & magnifique entrée en maniere du tēps passé, comme faisoient iadis les Rommains: & y auoit chars triumpans, où estoient des plus belles dames de la ville: & accomparageoient le Roy à Cesar, d'auoir submis vne si superbe seigneurie en sa subiection, eux qui estoient craints & doubtez par tout le môde. Et de fait lesdits Milannois luy firent vn tresbeau recueil. Et de là s'en vint le Roy à Sauonne, où il fut receu hōnestement. Durant ce temps Ferdinand Roy d'Arragon vint par mer en ladicte ville de Sauonne, avec plusieurs galeres, qu'il faisoit beau veoir: & fut receu par le Roy Loys luy & sa femme, & firent tresbonne chiere ensemble, & vserent le corps nostre seigneur le Roy de France & le Roy d'Arragon, pour confermer la paix, laquelle ne dura pas longuement comme pourrez veoir cy apres. Il ya plusieurs qui font bon marché de leurs consciēces & promesses: il eut esté de besoing que l'un eust vŕé vn charbon ardant des lors, car maintes creatures ont achetez les pariremens qui n'en auoient que faire, & en estoient Innocens.

Cōment guerre fut meue entre le Pape Iulius & le Roy de France, à cause du Duc de Ferrare: & du concille fait à l'instance de l'Empereur Maximilia & dudit Roy, dōt le Pape ne fut pas cōtēt. Et cōmēt la ville de Boulongne la Grasse fut prinse par les Francois.

Environ



Nuiron ce temps la ville & place de Myrandole, fut vaillamment reprise par les François: & aussi fut deliurée la ville de Mutine au Roy des Rommains. Durant ce temps fut prins prisonnier le Marquis de Mantouë par les Veniciens, & mené à Venise: mais depuis en est fort bien aysemēt. En apres s'ouurit encore vne autre guerre entre le Pape Iulius, & le Duc de Ferrare cōfederé du Roy de Frâce: Parquoy le Roy laissa pour son lieutenant general en la Duché de Milan, le Comte Gaston de Foix: auquel le Roy luy donna la Duché de Nemours, lequel feist merueilles d'armes au pays d'Italie. Depuis la reueneue d'Italie monseigneur le Cardinal d'Amboise cheut malade à Lyon, dont il mourut qui fut grand dommage, comme l'on à veu depuis: ce neantmoins que aucuns en ont murmuré au contraire: mais ils ne consideroient pas ses vertus, n'en quoy il seruoit. Durant sa vie il a tousiours bien gouuerné son maistré, en sorte que le peuple n'estoit pas trop raillé: car quelque guerré que le Roy Loys a fait delà les monts, il n'a point creu les tailles autrement qu'ils estoient par auant: mais quand l'affaire est venue & que les ennemis sont venuz iusques au fumier & vray possesseoir de France, ce luy a esté force de les croistre. Et n'estoit point nommé pour neant pere du peuple: jaoit ce qu'aucuns en ont escript durant sa vie en maniere de flaterie, & desprisoient les autres Roys pour collauder iceluy. L'on ne peult trop bien dire d'un homme vertueux en son absence: mais en sa presence non, cela sent trop sa lucratiue. Ledit Legar ja trespaslé fut mis & embausmé en vn sercueil de plomb, & porté ensepulchurer à Rouën. De là le Roy vint à Blois, & emmena la Roynne enceinte d'une belle fille: laquelle le Roy auoit vouée à monseigneur saint René Euesque d'Angiers, où il feist son voyage luy & la Roynne peu apres qu'elle fut deliurée, & eut nom Renée: & fut le seigneur Jean Jaques compere du Roy. Ension ce temps fut prins par les Portugalois en vne terre nouuellement trouuée par eux en l'Isle d'Orane tirant vers Affrique, vne maniere de gens sauages assez de noire couleur: & auoient aucuns stigmates en la face, grosses leures en la bouche, les crins noirs & gros comme vn cheual. Il n'ont iamais barbe n'apparenee d'en auoir en tout le corps, sinon les cheveux & sourcils: leurs nauires sont d'escores de bois legieres, qu'un homme en porteroit bien vne. Ils ont vn arc bendé de nerfs de bestes, les traits sont de cane, emmanchez de pierres ou os de poisson. Ils n'ont vsaige ne de pain, ne de vin, ne d'argenr. Et se traient à terre comme bestes: ils mangent la chair creüe: & sont vestus de peaux de bestes seulement. Ils viuent vne partie de temps dedans la mer. Et furent amenez par aucuns Normans iusques à Rouën, & en presenterent deux au Roy: lesquels ne vescuèrent pas longuement, ne les autres qu'on auoit amenez. Pour donques retourner à la matiere precedente, vn peu de temps apres se meut vn concille requis par Maximilian eleu Empereur, & par le Roy Loys douziesme dont le Pape Iulius n'en fut pas content, jaoit qu'il auoit ja faulcé sa foy, suscitant le Roy d'Arragon & la seigneurie de Venise & autres, delaisant la chaire saint Pierre, pour prendre le tiltre de Mars Dieu des batailles, desployer aux champs les trois couronnes, & dormir en eschauguere: & Dieu sceut comment ses mitres, croix & crosses estoient belles à veoir voltiger parmi les champs: le diable n'auoit garde d'y estre, car l'on faisoit trop bon mar-

ché de bénédictions . Et pour commencement la guerre fut contre le Duc de Ferrare allié du Roy, où il y eut maintes rencontres & sièges mis & leuez. Et se demenoit la guerre huiuer & esté, comme auez peu veoir du siege de Bouloungne, où monseigneur de Nemours estoit comme Visroy : en sorte que ceux de Bouloungne fuirent deuant sa presence : & posseda ladicte ville de Bouloungne la Grasse comme verrez cy apres. Enuiron ce temps le Pape Iulius suscita les Suisses pour descendre en la Duché de Milan, ce qu'ils feirent : & vindrent iour & nuict iusques aupres de Milan, où ils feirent beaucoup de maux : & principalement en vne abbaye de nonnains, où ils rauirent & prindrent par force tout ce qu'ils trouuerent . Monseigneur de Conty aduertty comme cheualereux capitaine y alla, où il feit merueilles d'armes : mais à la fin il fut enclos & y demoura qui fut grand dommage. Peu apres monseigneur de Nemours appoincta ausdits Suisses, moyennant l'argent qu'ils eurent comme ils ont de coustume d'auoir: puis s'en retournerent pour reuenir bien tost requerir d'autre pecune.

De ce temps les habitans & citadins de Bresse, se reuolterent par la subornation d'aucuns personages & delaisserent le party des François, & retournerent au party de la seigneurie de Venise, dont mal leur en print peu apres. Et semblablement se reuolterent ceux de Bergame, & consecutiuelement retournerent aux Veniciens : mais nonobstant demourerent les chasteaux de Bresse, Bergame & autres villes en la possession du Roy de France, où estoient bons capitaines qui bien seruirent le Roy : principalement au pays d'Italie, dont aucuns en ont esté mal recompensez. Durant le temps de ce concille premierement allegué : lequel commença à Tours, puis fut décidé à Lyon, & de là fut remis general à Pise, où il y auoit plusieurs Cardinaux, Archeuesques, Euesques, abbez, prieurs & autres grans personages en l'Eglise . Et principalement de trescientifiques docteurs en theologie, canonistes & autres gens litterez à cest affaire, tant qu'il y eut aucuns bons points decidez & concluds en aucunes cessions d'iceluy concille: mais pour plusieurs causes suruenantes, il fut consequamment translaté en Milan, & puis fut charroyé à Lyon où il demoura. Le siege fut mis deuant Bouloungne la Grasse par monseigneur de Nemours, où les gens d'armes François souffroient beaucoup de mal, à cause qu'il faisoit encores huiuer: mais ce nonobstant vindrent au dessus & chasserent le Pape & ses Archeuesques & toute son armée, & repulserent tout deuant eux en sorte qu'ils entrerent dedans la ville comme vainqueurs.

Comment le Duc de Nemours alla contre ceux de Bresse, qui festoient reuoltez contre le Roy : & de la grand occision faicte en icelle ville.



Neontinent ces choses aduenues, nouuelles vindrent au Duc de Nemours, comment ceux de Bresse festoient reuoltez : & comment les Veniciens estoit endedans & faisoient grand appareil de guerre contre les François, lors : & sans demeurer ledit Duc de Nemours feit marcher son armée iour & nuict tirant vers Bresse à grand traicte : & ie vous promeis que le Roy auoit de gens de bien à celle heure: aussi que la promesse & liberalité dudit Duc de Nemours, qu'il leur auoit promise en estoit bien cause, car ils furent incontinent deuant Bresse . Et ceux du chasteau voyant que les François

François estoient pres ouurirent la porte du chasteau, où il y en entra vne partie par la ville par force. Helas le grand deluge, les grans criemens & lamentations qu'il y auoit aux pources citadins de la ville, ce fut vne bien grand pitié. Et est vne merueille que pour soubstenir le tiltre & querelle des Princes & seigneurs, que tant de pources gens meurent, ce nonobstant qu'ils auoient bien merité d'estre punis bien griefuement, d'auoir faulcé leur serment. Incontinens que le Duc de Nemours homme tresbelliqueux eut gaigné la citadelle & le Palais, il entra dedans la ville vn bras tout nud, l'espee au poing criant France, & consequamment tous les François. Lors les Veniciens bien esbahis sen fuirent vne partie par vne porte de ladicte ville, les autres occis, aucuns prisonniers & des plus grans personnaiges de la seigneurie de Venise, lesquels furent enuoyez au Roy de France. Les pources citadins de la ville mis à l'espee & leurs biens pillez, & tout le demourant fut mis à sacment. Lors les aduenturies de France beau drap d'or & drap de soye dechiquetoient par despit. On y faisoit bon marché à celle heure desdits draps de soye. Le grand pleur faisoient les dames & petis enfans de la ville, de veoir ainsi leurs maris occis & ietter par les fenestres & leurs biens tous pillez. Et à brieuf parler, ils pensoient que ce fut la fureur & ire de Dieu, qui fut descendue sur eux: car les auenturiers François & autres estoient acharnez sur eux, pour autant que lesdits citadins & leur famille auoient resisté contre eux, en leur iettans grans pieces de bois, pierres des fenestres desdictes maisons, pour eux cuider tousiours desfendre, doubtant que leur ville seroit pillée, pource que ladicte ville estoit moult riche & comblée de biens. Et de fair les plus grans seigneurs François y eurent beaucoup à souffrir. Mais apres toute resistance & que ceux de la ville de Bresse, & les gens d'armes des Veniciens eurent fait tout ce qu'ils peurent pour eux desfendre & resister. Les François submirent & subiuguèrent tout dessous leur puissance, & occirent tous les hommes qu'ils trouuerent, si que les rues de la ville estoient plaines de morts, sans ceux qui estoient occis aux champs. Et brieuf y eut beaucoup & grand nombre de milliers de gens morts. Des prisonniers furent messire André Gritti, messire Iean Paulle, Caufre & son fils, & le Comte Ludouic Adanago, lequel auoit fait la trahison de ladicte ville, dont ne sen trouua pas bien. Apres celle victoire faicte par les François, furent mises les garnisons aux chasteaux & villes de Bresse, & force municions de viures pour pourueoir aux choses futures: & fut commis le seigneur d'Aulbigny pour garder Bresse. La ville & chasteau de Bergame furent pareillement rendus, & remis entre les mains du Roy de France, à cause de sa Duché de Milan, & plusieurs autres places & fortereffes estant audit pays: lesquelles aussi s'estoient reuoltées, & souffrirent beaucoup de miseres & de grâs dommaiges. Et vint nouuelles au Duc de Nemours, que les Espaignols auoient laissé leur grosse artillerie & bagaige à Imolle, & estoient venuz en diligence avec quelque quantité d'artillerie legiere loger à Bondoye, & es environs en la plaine: lesquels se vantoient d'eux venir ioindre & assembler avecques l'armée des Veniciens pour secourir Bresse: mais ie croy qu'eux aduertis de la destruction de Bresse, changerent bien tost de propos. Environ ce temps estoit en la terre d'Auguste Vindelice vne vierge appelée Anne, laquelle estoit ja paruenue en l'age de xl. ans sans boire, ne sans manger, ne dormir & sans euacuer aucu-

ne chose de son corps. Pourquoy l'on pouoit cognoistre qu'elle estoit la sainte grace de nostre seigneur Iesus-Christ, avec ce qu'elle estoit addonnée tousiours en diuines & deuotes contemplations: c'est vne bien grand merueille vne autre merueille en la ville de Rauenne auoit vn monstre nouueu né: lequel monstre pour le comencement estoit cornu au chief, ayant elles cōme vne chauue souris, vn pied comme vn oyseau rauissant, & l'autre pied cōme vn homme humain. Il auoit vn œil en vn genoil, & auoit sexe masculin & femenin: Il auoit stigmates & signe d'vn Y, en la poitrine & vne semblance de croix: & vn croissant au dessous, signifiant plusieurs choses selon messeigneurs les philosophes & prognosticateurs.

Comment le Duc de Nemours & les Francois desconfirent l'armée du Pape: des Veniciens & Espaignols apres de Rauene. Et comment ledit Duc de Nemours apres la victoire obtenue & ses ennemis chassés hors du camp fut occis.



R est doncques à sçauoir pour retourner à nostre matiere touchant des guerres d'Italie, & autres: que durant le saint temps de quarantaine l'an mille cinq cens & douze, le Duc de Nemours s'en alla deuers Rauene, où l'armée du Pape & des Espaignols & Veniciens estoit, pout cuider tousiours prendre vengeance des François, ou leur cuider iouer quelque mauuais tour, lesquels auoient fait gros preparatifs & mouuemens de guerre. Le Duc de Nemours aduert de tout, partit acompaigné de plusieurs nobles & vaillans capitaines: comme le seigneur de la Palice, le seigneur d'Alegré & son fils, le seigneur Iean Iaques, le seigneur de Chastillon Preuost de Paris, le seigneur de Molare, Maugeron, la Crotte & autres vaillans & renommez capitaines: & vindrent vistement iusques apres dudit Rauene, où estoient leurs ennemis Italiens & Espaignols: où les François tindrent vn peu longuement le camp, car il n'y auoit pas trop de munitions de viures, & souffrirent beaucoup l'edits François. Mais eux voyans que les viures leur estoient faillis, comme hardis & belliqueux gens d'armes: aussi avec le grand desir que le Duc de Nemours auoit de rencontrer & chocquer ses ennemis, delibererent en vn soir la veille de Pasques de donner le lendemain, qui estoit le iour de la resurrection nostre seigneur Iesus-Christ, l'assault & la bataille à leurs ennemis: ce qu'ils feirent, & vindrent hardiement approcher de leurs ennemis: ordonnerent leurs gens tant d'un costé que d'autre, & marcha l'artillerie premiere: laquelle tira l'espace de plus de quatre heures sans cesser de costé & d'autre: & feit l'artillerie des François grand dommage aux Espaignols, principalement à leurs hommes d'armes. Apres aucuns Espaignols sortirent de leur fort, & les François d'entrer dedas & ioignirent ensemble. Là fut veu deux nations superbes & hardies aux armes, avec aussi grande voulenté & desir qu'auoient les François d'eux rencontrer. On ne veit iamais mieux chamailler ne frapper: si qu'ils estoient encharnez les vns sur les autres, que c'estoit bien grand pitié à les regarder. Mesmes le gentil Duc de Nemours se boutoit auant, faisant merueilles d'armes, donnant courage à ses gens. Et de fait y eut vne merueilleuse rencontre, & fut vne grand piece que l'on ne sçauoit lequel l'auroit du meilleur de l'un ou l'autre: tellement que les Espaignols erioient aucunesfois victoire Iulle:

Iulle:

Iulle, l'autresfois les François crioiẽt de leur victoire. Mais à la fin les François les enchasserent: ce nonobstant que durât la bataille le seigneur Molare fut occis d'une piece d'artillerie, qui fut vn tresgrand dommage au Royaume de France d'auoir perdu vn si vaillant & hardy capitaine: ledit Molare menoit les gens de pied de France, qui estoit vne hardie bande. Aussi fut tué la Crotte vaillant homme, le capitaine Iacob qui menoit les Lansquenets, qui fut aussi grand dommage: Et furent tuez des premiers. Ce nonobstant leurs gens tant François que Lansquenets prindrent bon cuer, & hardiement vengerent la mort de leurs bons capitaines: & gaignerent la place tant qu'ils vindrent iusques au bagaige & viures des Espaignols, où aucuns affamez aduenturiers commencerent à desfoncer les tonneaux de vin: comme maluoisie, & vins de Romanie & aures & de boire parmy la place: & apres qu'ils eurent beu retournerent à la fuite, & demeurant des Espaignols qui battailloient encores: car ie vous promets qu'ils moururent en gens de bien & n'estoient pas gés recreus que lesdits Espaignols. Et ne treuve point que de long temps vne si cruelle bataille ait esté & en vn si digne iour: Dieu vueille pardonner aux trespassez. Le demeurât des Espaignols & Italiens qui eschapperent, s'en allerēt par routes çà & là: & y eut plus de vingt grans seigneurs d'Italie, qui demourerent occis au çap: & plusieurs prisonniers, comme Petre de Nauarre, Dom Iean de Cardonne, le Marquis de Pesquiere, Pomare, Epinose, Castignago, Iean Anthoine Vosino, le Comte de Montelon, le Marquis de Betonde, le Marquis de l'Estelle, le fils du Comte de Consege & autres, qui estoient de renommée, le Duc du Traitēt qui estoit avec eux l'on ne sceut qu'il deuint. Le Vice-Roy de Naples se sauua à fuir tant qu'il se meit sur la mer pour aller à Naples. Le Marquis de la Padulle, & le Comte de Populle trouuerent maniere d'eschapper durant ce conflict, avec vnze ou douze cens cheuaux tant hommes d'armes que cheuaux legiers, & seize ou dix sept cens homes de pied qui fut la reste de leur armée, & se sauuerent où ils peurent: parquoy n'est pas à doubter qu'il y demeura beaucoup des François, car les Espaignols eurent gros cuer: & mesmement quand les hommes d'armes François retournerēt de la chasse de leurs ennemis, & qu'ils passerent par le camp où les morts & occis estoient: aucuns desdits blesez & naurez à mort amasserent leurs espées ou autres, & tous couchez qu'ils estoient couppoiēt les iambes des cheuaux surquoy les hommes d'armes François reuindrent. Le Pape Iulius lors estoit à Romme, quand les nouvelles luy furent annoncées: & Dieu scait quelle chere il feit, car il auoit beaucoup perdu en icelle iournée. Incontinent qu'il eut les nouvelles, il s'en vouloit partir pour s'en aller à Naples de peur qu'il auoit, que l'on vint le querre iusques à Romme.

A PRES celle desconfiture le tresillustre & preux Duc de Nemours Gaston de Foix tenant encores les rens, vint & apperceut aucuns homes de guerre tenans la partie des Italiens & autres ses ennemis, lesquels auoient prins fuite comme gens esgaré, parquoy iceluy magnanime Prince, homme de cuer, peu attempé, non ayant souffisance & regard de la victoire que Dieu luy auoit donnée, pria & requist instamment à aucuns nobles & vaillans capitaines qu'il leur pleust marcher avecques luy pour expedier ceste reste de leurs ennemis. Et combien qu'aucuns prudens seigneurs & bons capitaines, qui de long temps

auoient veu quelles issues il y a à la guerre, luy peurent remonstrer quelle en pourroit estre la fin, & qu'il fait bon soy contenter de chose raisonnable sans trop hardie & legiere volenté. Ce nonobstant il fut tousiours permanent en sa forte hardiesse, & pria de techief estre suiuy disant qui m'aymera si me suiue. Donc quand le seigneur Alegre, son fils, Maugeron, le Bastard de Cliete & autre bien petit nombre, veirent qu'il estoit deliberé & ja party le suiuirent. En entra ledit Duc de Nemours le premier dedans la route desdits ennemis: lesquels estoient grand quantité pour eux, & vint ferir & frapper sur eux d'un terrible courage: & là eussiez veu grand merueilles d'armes que faisoit ce gentil Prince, tant que du premier il estonna lesdits ennemis & en tuoit beaucoup, & faisoit vne grand place entour luy: si que nul n'osoit approcher de luy ne de son cheual: lequel estoit bon à merueilles. Et brief c'estoit triumphe de veoir vn si ieune homme en telle aduenture. Les ennemis voyant qu'il ne luy venoit nul secours, & qu'ils n'estoient que bien peu de gens avec luy s'ellargirent, & fut enclos le gentil Prince & tuerent premierement son cheual: puis à grans coups sur luy de force picques, haches & autres bastons, frapperent dessus en sorte qu'il mourut glorieusement, & tous ceux qui le suiuirent tous occis. Là la grosse perte pour le Royaume de France, d'auoit perdu vn si noble & cheualereux Prince digne d'estre mis au triūphant throsne & temple des nobles & excellens preux: luy qui eust esté suiuy par tout le monde sans croix ne pille pour la grand liberalité & franche volenté qui estoit en luy, lequel en quatre mois auoit esté vainqueur de trois batailles. Apres celle piteuse aduenture, le seigneur de la Palice & autres capitaines vindrent pour venget la mort de si nobles hommes: & tuerent ceux qui auoient occis ledit Duc de Nemours & seigneur d'Alegre & autres: si qu'il feist telle execution, qu'il n'en eschappa pas vn. Et ainsi demeura le camp victorieux aux François. Et de là allerent assieget la ville de Rauenne, laquelle vigoureusement ils prindrent d'assault & submeirent à leur volenté. Et entrerent dedans, pillerent & occirent vne partie de ceux de ladicte ville de Rauenne, où il y eut vne grand pitié & confusion, car elle fut fort destruiete. Et cōsequemment apres toutes choses reduictes & expediees, les François vindrent au camp pour honnestement leuer & donner honorable sepulture en Eglise aux feux Duc de Nemours, & autres seigneurs dessusdits. Lequel tresnoble Prince & Duc Vice-Roy au pays d'Italie, fut moult hōnorablement & en grād triūphe de dueil prins & leué d'iceluy camp, où il auoit esté occis, & plongé son sang en victoire: & fut porté deuers Milan pour y estre magnifiquement sepulture, cōme bien luy appartenoit. Le corps dudit Duc de Nemours fut apporté à Milan le xxvj. iour du mois d'Auril mille cccc. xij. & estoient deuant luy tous les prisonniers qui auoient esté prins & detenus à celle iournée de Rauenne. Et pareillement estoit porté deuant son corps toutes les bānieres, guidōs & estandarts que les François auoient victorieusement cōquis en celle bataille, tant de ceux des Italiens comme semblablement celles des Veniciens, & aussi celles des Espaignols, avecq's celles de Galice, & autres prouinces & seigneuries, lesquels auoient esté tuez & occis en icelle bataille. Pourquoy y auoit ioie & dueil à ceste trefmagnifique sepulture: car il y auoit moult belle ordre à ses obseques & funerailles, & si estoit vne moult belle chose à veoir passer vn tel triumphe.

Les seigneurs & capitaines y estoient par ordre en tresgrád dueil, côme on a accoustumé de faire à vn tel Prince. Et n'y auoit si dur cueur qui ne plorast à celle heure deuant son corps : & estoient ses paiges & gens domestiques de sa maison, qui menoient ses grans cheuaux d'honneur & autres coursiers, dequoy il estoit bien garny : on portoit deuant luy son helmet, l'espee de victoire comme lieutenant general du Roy. Et brief ceux de l'armée qui estoient à son conuoy tous en dueil, demenoient merueilleuses plainctes & lamentations : car ils l'auoient trouué liberal & debonnaire, & ne se prisoit riens en la guerre. Les gens & seigneurs de la ville, citadins & autre populaire tous reueremment vestus & habillez de robes noires, & chapperons de dueil, avec grand luminaire allumé, où estoient les armes & blason dudit deffunct : duquel le corps estoit accompagné de deux cens lances bons gens d'armes, & autres gens de pied à grand nôbre. Et ainsi fut en grand triumphe & pompe de dueil honorablement conduit iusques en l'Eglise principale de Milan, où fut fait vn tressolennel seruice assistans tous les gentils-hommes & autres, semblablement les gens domestiques de la maison dudit seigneur. Penſez le grand dueil qu'eut lors le Roy & la Royne, lesquels estoient à Blois à l'heure qu'on apporta les nouuelles, car ils l'aymoient comme leur enfant. Et ie vous promets que ceux qui iamais ne l'auoient veu, se prindrent à pleurer pour la grád renommée de ses vertus & honnestetez & proëſſes, qu'ils auoient oüy dire de luy : Dieu en ait l'ame.

Comment apres les batailles dessusdictes & le depart des Francois, les Suisses prindrent la ville de Milan & autres places qui tenoient pour le Roy.

VN peu apres le temps de ces terribles batailles dessusdictes, esquelles furent faictes plusieurs execrables occisions & grand effusion de sang humain, principalement des Italiens & autres gés amassez Veniciens & leurs aliez par les François : desquels aussi de leur costé en est demouré aucune quârité. Et qui pis est des plus gens de bien & de grosse renommée, desquels les pauvres dames & damoiselles sont deuenues veufues en France. Iceux François que ie ne mente, ou ceux qui auoient l'administration des deniers pour lors, pensoient auoir tout conquis iusques à Romme & plus auant ce leur sembloit, casserent les gens de pied & autres à l'heure qu'il en failloit auoir d'autres : car il failloit beaucoup de gens d'armes aux garnisons des villes & chasteaux nouuellement conquis. Et apres aucuns insatiables martiaux & bibules de sang humain, ce qui ne leur appartenoit, s'esmeurent & susciterēt les esprits de la reste de leurs gens d'armes & autres par eux appelez. Parquoy eux voyans ainsi les François dispersez en leurs garnisons, considerant que la vertu dispersée & respandue n'est si forte que la vertu ensemble vnée, firent vn nouuel ost & exercite de gens d'armes pour leur desordonnée vindication, & venir dessus les François. Aussi q̄ le Pere Saint courroucé bien amerement contre les François, pour la perte qu'il auoit eüe desia par trois fois, suscita Cantons & ligues des Suisses, dont les François auoient delaisſé leur accointance par auant. Aussi qu'ils ne viuent que des pensions des Roys & Princes : & moyennant aussi vn Cardinal de Syon que feit le Pape au paÿs des Suisses : lequel Cardinal les suscitoit & preschoit publiquement, pour accomplir le vouloir dudit

Pere Saint. Et aussi moyenant que l'Eleu Empereur Maximilian auoit retourné la robbe, qui leur deuoit faire ouuerture & ayde par deuers Veronne & autres lieux. Et d'autre part fencouragerent les Espaignols, tant qu'ils furent assez espandus par iceluy pays d'Italie & Lombardie. Et vindrent tous lesdits ennemis iusques aupres de Milan, iacoit que la iustice de Milan estoit ja partie pour eux en reuenir en France: ce qui desespera les pauures Milannois & ne scauoient de quel part leur tourner: Eux voyans que tous les François s'en retournoient en si grand diligence, se tindrent des plus forts comme ils ont de coustume, & entreterrent lesdits ennemis dedans, ce neantmoins que le chasteau tenoit bon, & y estoit le seigneur de Louvain & plusieurs autres François. Et consequemment aux autres places comme à Bresse, le seigneur d'Aubigny tenoit aussi le chasteau dudit Bresse.

D v commencement du partement des François de la Duché de Milan, vindrent à Paue où il y eut gros escarmouche: car aucuns adueniuriers de France se battirent contre leurs ennemis pres d'un pont, où ils se retiroient & en demoura aucun nombre, lesquels se porterent vaillamment. Et ensuiuant ceux de Paue mauuais François leur feirent si grand opprobre & inhumanité, que l'on ne scauroit penser. Entre lesquelles execrables villennies, y eut vn citadin dudit Paue, lequel dist à vn François lequel n'auoit peu suiure les autres, mon amy i'ayme la generatiō de France: le te prie viens en ma maison, & ie te garderay à celle fin que ne sois occis des ennemis. Le pauvre aduenturier soubz la fidelité du citadin s'en va quand & luy: quand il fut en sa maison, le tiranniza & luy couppa les genitoires & pria: puis le mit en chemise & le boutta en la rue disant, voy là encores vn François. Incontinent sortirent les autres citadins & feirent force charbonnées de son corps, & le martyrerent de taillades de leurs espées. D'un autre citadin dudit Paue mesmes, qui mangea du cuer d'un autre François par villaine vindication. Et n'est pas la premiere fois de leurs tyrannies. Et croy qu'iceux & autres du pays d'Italie que de Lombardie, soit cause que tout le mal & misere qu'ils ont souffert, a esté par leurs iniquitez & infames malfaits qui sentent leur Sodome & Gomorre: l'air en est infect de le reciter, Dieu les vueille amender & tous autres.

Incidence.

D'Autre part les François ont perseueré & accoustumé principalement au pays d'Italie de blasphemer nostre seigneur Iesus-Christ, nostre Dame & autres sortes de iuremens deshonnestes, & y prenoient plaisir: peut estre que Dieu soit courroucé, & que moyennant iceux detestables blasphemes, & aussi la grād gloire dont lesdits François sont tousiours plains Dieu a permis leur donner des verges, pour monstrier que c'est celuy qui donne les victoires & bonnes fortunes. Et mesmement suiuant iceluy propos, lesdits François en eux partant d'Italie auoient vne cremeur terrible, & ne scauoient dont leur venoit: & estoient bien ioyeux d'eux en venir en France, pensant à eux que ce fut permission diuine. Ce sont des fortunes de ce monde. En ce mesme an mille cinq cens & douze, le Pape Iulius second, qui iniustement & sans cause & en retribuant mal pour bien, fut merueilleusement obstiné & animé contre les François.

François. Et apres que son pauvre vouloir fut vne partie accomply, d'auoir esté cause de repulser les François hors d'Italie, mourut & trespassa à Romme en l'an neuuesime de son Pontificat Dieu luy face pardon. Enuiron ce temps toutes choses considerées & faictes, furent accordées trefues pour certaine espace de temps entre le Roy de France & le Roy d'Arragon, compris les Espaignols. Et fut esleu le Pape Leon, dixiesme de ce nom à present regnant: Fut consacré à Romme & succeda apres le Pape Iulius. Iceluy Leon estoit natif de Florence, c'est à sçauoir de trefriches, honnestes & renommez parens, son pere auoit nom Laurés de Medicis, esquels Medicis le Roy Loÿs xj. leur permit porter en leurs armes les trois fleurs de Lys.

De la guerre de Guyenne: & comment le Roy de France enuoya secours au Roy de Nauarre. Des preparations que feit le Roy d'Angleterre pour venir en France guerroyer. Et comment deux gros nauires, l'un François & l'autre Anglois, se combattirent sur la mer.

N peu apres ce temps, se meust vne autre guerre en Guyenne, principalement au Royaume de Nauarre: auquel Royaume le Roy d'Arragon estoit ja entré dedans, & auoit prins Pampelune & autres villes appartenant audit Royaume, soy disant heritier à cause de sa femme sœur du feu Duc de Nemours & Comte de Foix, lequel ses gens mesmes auoient occis à la journée de Rauenne. Parquoy le bon Roy de Nauarre requist & demanda du secours au Roy de France, pour luy ayder à recouurer ses places. Le Roy de France considerant la bonne fidelité qu'iceluy Roy de Nauarre luy auoit tousiours tenue, luy enuoya secours & grand quantité d'hommes d'armes, & autres gens de pied & autres. Et fut le Duc de Longueuille & Dunois conducteur d'icelle armée pour le commencement. Et y eut en icelle guerre de grosses despences pour le Roy de France: car l'on y fut longuement sans coup frapper. Ensuivant icelle guerre aucuns Anglois venus par mer iusques aupres de Roncevaux, & saint lean Pie-de-Porc par le suscitement que leur auoit fait ledit bon Roy d'Arragon, & aussi le bon vouloir les Anglois venir audit Guyenne, comme eux disans hereditaires dudit lieu à cause des guerres du tēps iadis. Ce nonobstant lesdits Anglois ne peurent ioindre & sen retournerent en leur paÿs.

L'AN mille cinq cens & treize le Roy Henry d'Angleterre fils du Roy Héry d'Angleterre vij. lequel par l'ayde du Roy Charles viij. fut fait paisible Roy dudit Royaume d'Angleterre apres la mort & occision du noble Richard de l'Enclastre: pourquoy il est tenu ou doit estre à la couronne de France: mais nonobstant toutes ces choses, & que la verité soit telle, & mesmement que feu son pere Roy luy enchargea à sa mort qu'il ne feit riens contre le Roy de France fil vouloit longuement prosperer. Ce qu'il n'a fait: mais incontinent apres la mort dudit Roy d'Angleterre son pere: & aussi avec la grand deuotion qu'auoient lesdits Anglois venir au Royaume de France, enuoya ledit Roy d'Angleterre au paÿs de Flandres vers l'Archeduc, à tout le moins ma dame Marguerite comme gouuernante dudit seigneur & paÿs: pour auoir force harnois, artillerie & autres munitions de guerre: & principallemēt treize grosses pieces d'artillerie que

feit faire ledit Roy d'Angleterre audit païs de Flandres: lesquelles munitions de guerre luy furent incontinent toutes deliurées, moyénant force angelots qui demeurèrent car il y auoit trop long temps, qu'ils n'estoient vollez en autre cōtrée qu'en la leur. Et aussi moyennant la bonne confederation & promesse secrette, qu'il y auoit entre le Roy des Romains & l'Archeduc avec ledit Roy d'Angleterre. Pourquoy ledit Roy d'Angleterre fut assuré par lesdits Flamens, fait faire les preparatifs forces nauires, viures & autres vtancilles necessaires à la guerre. Entre lesquelles choses enuoya vers Bretagne son Admiral, accompagné de plusieurs nauires: & principalement auoit vn grand nauire, où estoit ledit Admiral d'Angleterre: lesquels vindrent escumât la mer au long de la coste de Bretagne. Laquelle chose voyant les François qui n'estoient pas assez pour resister encontre tant de nef & nauires, & mesmement des gens qu'il y auoit dedans, vn vaillant capitaine de mer nommé Primaugay, lequel estoit en vne nauire grande nommée la cordeliere: laquelle nauire la Roïne de France auoit fait faire depuis peu de temps, qui auoit cousté gros argent: dont iceluy Primaugay vint chocquer hardiement la grand nef d'Angleterre nommée la regente, aussi belle nef & plus grāde que la cordeliere: & quand vint au ioindre eut force artillerie deschargée. Puis vindrent à ancrer l'un & l'autre & de battre & frapper l'un sur l'autre d'une terrible sorte: mais à la fin celuy de la cordeliere qui estoit en la hufine, iecta le feu dedans la regente, & se meit le feu aux poudres de fallepestres, où ils furent tous bruslez tant de costé que d'autre: & entre les autres demeura ledit Amiral d'Angleterre & ses gēs: ledit Primaugay voyāt le feu si pres de luy, & qu'il n'y auoit plus de remede ne autre secours se lancea dedans la mer tout armé & là fut noyé, qui fut vn grand dommage, car il estoit vaillant & hardy homme. Et furent lesdites deux nef & toutes brüllées: les autres nef & du Roy d'Angleterre s'en retournerēt dire des nouuelles au Roy d'Angleterre, lequel en fut bien courroucé, & non sans cause.

Comment le Roy d'Angleterre descendit à Calais à tout son armée: & comment les François furent desconfits à Nouare par les Suisses.

DVrant ledit temps apres que ledit Roy d'Angleterre eut fait ses preparacions, ordōna son armée & se meit sur mer, pour venir en France, & vint descēdre droit à Calais: puis print son chemin vers le quartier de Flandres, avec aucune quantité de ses gens. Et qui eut donné dedās des lors on n'eut pas esté en la perplexité, où l'on a esté depuis. De ce mesme temps le Roy de France feit vne armée pour recouurer la Duché de Milan: & fut principal conducteur le seigneur de la Trimouille, ensemble le seigneur Jean Iaques, messire Robert de la Marche, le seigneur d'Albanie & autres capitaines. Laquelle armée passa les monts, vindrent en Piémont attendant encores le demeurant de ladicte armée: ce neantmoins passerent outre & approcherent iusques aupres de Nouare, auquel estoient quelque quantité de Suisses. Les François voyans qu'il n'y auoit pas grand nombre, furent deliberez de donner la bataille, ce qu'ils firent: mais il estoit descendu le soir de deuant grand nombre d'autres Suisses, de quoy lesdits François n'estoient pas aduertis: ce nonobstāt vindrent donner dedans lesdits Suisses, & desfirent la premiere routte. Apres vindrent

vindrent grand multitude de Suisses de costé & d'autre, parquoy lesdits François furent bien estonnez: & brief s'en reculerent iusques à Turin, & demoura aucun nombre de gens de pied François qui moururent vaillamment, & principalement se porterent vaillans les fils du seigneur de la Marche. Et gaignerēt leidits Suisses vn beau parc d'artillerie, qu'auoit fait amener le seigneur de la Marche & autres bagages. En apres manda le Roy de France le demeurant de l'armée pour eux reuenir en France, & en enuoya vne partie vers Guyenne: auquel Guyenne y fut le tresillustre seigneur de Bourbon, accompagné de plusieurs gentils-hōmes & autres: & furent iusques au Royaume de Navarre, où il auoit vn moult beau camp: & furēt faictes maintes courses des vns sur les autres. Depuis enuoya le Roy son successeur, c'est à sçauoir le Duc de Valois, Côte d'Angoulesme, avec force gentils-hommes pour estre chief dudit camp & armée, où ils furent moult longuement: mais à la fin ce ne fut riens, & s'en reuindrent vers France: & de là le Roy les enuoya vers Picardie au deuant des Anglois, lesquels estoient descedus & tiroiēt chemin vers Theroüenne, & mourut le seigneur de Longueuille incontinent la reueneue de Guyenne. En celle mesme année apparurent vers Suze en Piémont trois soleils & trois lunes, & aucuns stigmates & figures de cercles ou arcs de diuerses couleurs, & vne croix blāche au milieu: ce sont terribles augures: & croy que c'estoit l'année des merueilles. Mesmement au païs de Suisses aduint plusieurs semblables augures, qui les esmerueilloiēt terriblement. Ensuiaūt ce temps le Roy enuoya le seigneur de la Trimouille par deuers les Cantons des Suisses: lesquels ne voulurent oncques parlemēter s'ils n'auoient quelque somme de deniers, lesquels deniers leur furent deliurez. Puis parlementerent audit seigneur de la Trimouille, où il fut longuement en leur faisant grans dons pour les cuider auoir: mais apres qu'ils eurent force argent ils renuoyerēt ledit seigneur de la Trimouille qui reuint par deuers la Bourgogne, pour faire repārer lesdictes villes de Bourgogne, esuelles lesdits Suisses auoiēt delibéré de venir: ce qu'ils feirent. Et vindrēt lesdits Suisses iour & nuēt en grād diligence, où à venir feirent de moult griefs maulx & degasts: & brief marcherent iusques deuant Dijon, où estoit ledit seigneur de la Trimouille avec quelque peu d'hōmes d'armes & de gens de pied, mais il n'y auoit pas alors pour resister encōtre si grād multitude de Suisses: ce nonobstāt ledit seigneur de la Trimouille feit tout retirer ce qui peut dedans la ville de Dijon. Lesdits ennemis estoiet deuant, où ils saluerent la ville à force d'artillerie, si que la ville souffrit beaucoup. Ledit seigneur de la Trimouille bien conseilē parlements avecques lesdits Suisses, en sorte qu'il appoincta à eux moyennāt cent mille escus d'or, qui leur furēt deliurez deuant q̄ partir de deuant ladicte ville, puis s'en retournērēt en leur païs.

Comment aucune compagnie de François reuenans d'aitailler la ville de Theroüenne, qui estoit assiēgée des Anglois & Hennuiers furent desconfits & mis en fuite.

Durant ce temps le Roy de France marcha en personne vers Picardie, & vint iusques à Amyens, où il eut belle reception de ceux du païs. De là enuoya le Duc de Valois & Comte d'Angoulesme au camp contre les Anglois, comme lieutenant general du Roy de France, pour ordonner des choses necessaires à cest affaire: & principalement pour

l'auitaillement de la ville de Theroüenne, ouquel estoient le Roy des Romains, & le Roy d'Angleterre, & force seigneurs de Flandres, & principalement force Hainuiers & autres gés de guerre: lesquels estoient emparquez en vn fort pres la ville de Theroüenne, où là estoit battue ladicte ville de grosse & forte artillerie: ce nonobstant que ceux de ladicte ville tenoient contre icelle puissance & honnestement se porterent & vaillamment: mais les pauvres gens n'auoient plus de viures, parquoy fut fait vn preparatif pour y porter des viures: & fut monseigneur de Longueuille le principal chief, & autres grans seigneurs: dont pour abbreger partirent bien equippez portans viures, vindrent iusques deuant Theroüenne, & là deschargerent leurs viures: mais au reuenir trouuerent vne embuscche, dequoy lesdits François ne se doubtoient mie, en sorte qu'ils s'en vindrent aucuns esbanoyant parmy les champs, non pensant à nulle embuscche ne trahison du monde: sortirent les ennemis, vindrent courir sur les François: lesquels François bien eslonnez, commencerent à fuir: ce nonobstant ledit seigneur de Longueuille, le capitaine Bayard, le seigneur de Bussy & plusieurs autres capitaines de nom, furent prins prisonniers & menez aucuns en Angleterre & mis en bien grand rançon. Sur ces entrefaites enuoya le Roy de France à Paris commander au Preuost des marchans & escheuins de ladicte ville pour faire les monstres des mestiers & autres gens de ladicte ville lesquelles monstres furent faites honnestement. Et y en auoit de richement accoustrez & bien armez & tous robbez de liurée. Et fut trouué vn tresgrand nombre de citadins & autres sortes de gens en ladicte ville par le rapport des commissaires qui furent deleguez en cest affaire ou furent portez les bannieres desdits mestiers.

Comment le Roy d'Escoce entra en Angleterre à tout grosse armée: & comment il fut occis: & de la paix faicte & crüe entre le Roy & les Veniciens.

DVrant ce conflit & enhaïssement dessusdit, le tresnoble & debonnaire Roy d'Escoce descendit au Royaume d'Angleterre, cōme pretendait droit audit Royaume à cause de sa femme: & aussi pour la bonne confederation & amour que ledit Roy d'Escoce a tousiours eue avec les Roys de France, le voulut bien secourir & aider à son besoing, à tout le moins trouuer occasion & moyen de nuire ou faire retourner lesdits ennemis du Royaume de France, pour euitier plus grans inconueniens. Parquoy ledit bon Roy d'Escoce entra dedans ledit Royaume d'Angleterre, & y feit de grans domages: ce nonobstant qu'ils eurent vne grand bataille ou maints Anglois furent occis, & quelque grand quantité de ceux d'Escoce, & principalement le bon Roy d'Escoce qui y demoura cheualereusement: qui fut vn tresgrand dommage & grand perte au Royaume de France. On ne trouue pas beaucoup de tels hommes de mettre son corps & ses biens en voye de mort, pour vn sien amy voir encores en son absence. Ce nonobstant les Escossois gaignerent le camp, posé qu'il en fut beaucoup occis: car il y auoit long réps que les Anglois & Escossois auoient grand desir deux rencontrer, pource ne faut pas doubter qu'il y eut maints coups donnez: Dieu vueille pardonner aux trespasses. Celle année mesmes l'an de grace mille cccc. xiiij le vendredy iij. iour de Iuing, fut crüe & publiée à Paris sur la pierre de marbre au Palais alliance, bonne confederation & paix

paix entre le Roy treschrestien Loys xij. de ce nô, & la tresillustissime seigneurie de Venise. C'est à sçauoir pour eux & leurs successeurs d'une part & d'autre perpetuellemēt, & à iamais. Et par ce traicté fut renuoyé à ladicte seigneurie de Venise, le gentil chevalier messire Berthelemy d'Aluiane, messire André Gritti & autres, auxquels le Roy feit de grans dons & presens pour leur bien allée.

Comment les villes de Theroüenne & Tournay furent rendues aux Anglois par composition.

Ensuiuant nostre premiere matiere touchant la guerre des Anglois, estant en Picardie: lesquels tindrent longuement camp deuant la ville de Theroüenne, en donnant l'assault par plusieurs fois: mais ceux de dedans ladicte ville se monstrent bonnes gens de guerre, & se deffendirent vaillamment: mais en la fin les viures leurs faillirēt, & leur fut force d'eux rendre par composition. Et enterrent lesdits aduersaires dedans Theroüenne, & ne tindrent pas promesse lesdits aduersaires: Car quand ils furent dedans la ville, ils commencerent à faire griefs excez aux pauures gens manans & habitans de ladicte ville, en sorte qu'ils pillerent vne partie des pauures citadins: tant qu'ils furent contrains de chercher autre lieu pour habiter, qui fut vne grosse pitié: encorés ne leur fust il point, car à la fin bruslerent partie d'icelle & ruerent les murs par terre. Il ne se faut pas esbahir si les Anglois estoient descendus si hardiement en France, principallemēt vers la Picardie, veu la grosse intelligence euidente qu'ils auoient aux Flamens: lesquels maintenant en lauent leurs mains, & mesmement à ceux de Tournay qui oncques n'auoit tourné ce disent ils: ce nonobstant qu'ils auoient ja fait le chapitre, *De venditionibus* deuant que lesdits Anglois se boutassent sur mer. Ce n'est point trop honnestement fait à eux, veu qu'ils auoient assez receant seigneur, & ont bien desrogué contre leurs premiers tiltres. Et s'ils sen trouuent mal, ils ne s'en prendront qu'à eux mesmes, Et brief apres que lesdits Anglois eurent prins Theroüenne par composition, tirerent vers Tournay, qui sans aucune resistance leur fut liurée par les mains des principaux de ladicte ville, ainsi qu'il auoit esté cōclud ensemble. Apres cesdictes prinſes le Roy d'Angleterre s'en retourna en son païs, pareillement le Roy des Rommains, & laisserent garnison à Tournay. Aussi s'en retourna le Roy de France à Blois avecques la Roïne. Durānt le temps de ceste guerre des Anglois, & peu auant la descente d'iceux au siege de Theroüennes, se fit vn combat sur mer les xxij. & xxv. iours d'Auil entre Pregent capitaine François & Milort Hauart Amiral d'Angleterre: car ledit Pregent le vendredy veille de S. George euidant venir à Brest se ioindre avec l'armée François qui là estoit, rencontré d'une routte de quarante à cinquante nauires, fut assailly & inuadé de deux galeasses & quatre ou cinq nauires d'icelle routte Anglesche: & tellement qu'à l'approcher l'un de l'autre par l'espace de deux heures, y eut merueilleux combat d'artillerie, d'arballestres & d'arcs, ce qui ne fut pas fait sans grand occision d'une part & d'autre: mais finalement les Anglois contrains d'eux leuer & retraire, allerent deux de leurs nauires en fons. Semblablement le lundy ensuiuant (qui fut le iour S. Marc) ledit Pregent & sa suite fut de rechief assailly d'iceux Anglois, lesquels estoient en nombre trente na-

uires, & vingt & cinq ou trente basteaux, duquel nombre la gallée dudit Pregent fut assaillie de deux galleasses & trois nauires, dont ledit Pregent se deliura en telle sorte, que tous ceux qui dedans la premiere galleasse estoient, furent tuez à coups de picques: & les autres iectez en mer, exceptez deux prisonniers seulement, dont l'un fut enuoyé en fons. Et mesmement en ce conflict demoura ledit Milort Hauart Amiral d'Angleterre: lequel fut pesché, & le corps d'iceluy embasme pour mettre en sepulture. Laquelle chose voyant lesdits nauires Anglois: & aussi que ces cinq ne pouoient nuire ne preualoir contre la gallée dudit Pregent que singulierement ils auoient assaillie, parlement eu entre eux, prindrent le chemin aual la mer en façon telle, que deuant ledit Pregent nul d'iceux ne demoura & eut alors chemin deliuré. Item durant ces debats dessusdits, se feit à Honnefleu vne assemblée & grosse congregation de nauires Françoises pour aller empescher le Roy d'Angleterre qui s'en retournoit: mais quād ils furent sur mer suruint si grand tempeste, que l'entreprise fut rompue, & y eut aucuns nauires periz. En cest an mille cinqtens & treize fut vn si long & merueilleux hyuer, que la riuere de Seine & autres fleuves furent prins & gelez, iusques à passer asseurement par dessus. Et quand vint au desgel il y eut plusieurs maisons & moulins versez & emmenez par lesdictes riuieres. Environ ce temps fut quelques nouuelles que les Suisses vouloient reuenir en Bourgogne, parquoy le Roy y enuoya le seigneur de Bourbon, avecques quelque quantité d'hommes d'armes & autres gens de guerre, mais lesdits Suisses ne descendirent point. Celle année mesmes reuindrent les garnisons qui estoient au païs d'Italie pour le Roy de France, moyennant l'appoinctement qui fut fait deuant Dijon avec les Suisses: c'est à sçauoir ceux du chasteau de Milan, & autres de ladicte Duché. Puis reuint aussi le seigneur d'Aubigny la lance sur la cuisse luy & ses gens, lesquels estoient au chasteau de Bresse: & se bouterent dedans ledit chasteau les espaignols, pensans les Veniciens que ce fut en leurs priuez noms, mais quand lesdits Espaignols furent dedans leur chäterent l'Euangile des Vierges, c'est du dementé de la guerre.

Du trespas & sepulture de la treschrestienne Roynie de France Anne Duchesse de Bretagne.



Pres icelles ennuy euses nouuelles, la tresillustre & debonaire Roynie de France & Duchesse de Bretagne & autres lieux, cheut malade au chasteau de Blois le lundy ij. iour de Ianuier mille cccc. & xij. Et tant persista & continua ladicte maladie d'icelle tresbonne dame, qu'elle trespasla tresdeuotement en Iesus-Christ nostre souverain seigneur: auquel elle rendit humblement son esprit, le lundy apres ensuiuant ix. iour dudit mois de Ianuier: duquel trespasement furent faits & iectez moult grans plains, pleurs, regrets & lamentations de dueil. Puis fut son corps embasme & mis en vn riche cercueil. Apres laquelle chose faicte, le corps de ladicte dame avec grand quantité de luminaire, fut apporté de la ville de Blois en l'Abbaye de S. Denys en France: où honnorablement il fut ensepulture au grand regret de ses gentils-hommes & officiers domestiques. Et fut audit lieu son seruice fait, ainsi comme à telle dame appartenoit: Dieu luy soit vray ayde à l'ame i

Au

Au mois d'Auril mille cinq cens & treize auant Pasques, furent à Paris criées & publiées trefues entre le Roy de France Loys xij. & le Roy d'Arragon.

Comment le Roy de France espousa & print à femme ma dame Marie sœur du Roy Henry d'Angleterre. Et commēt monseigneur Francois Duc de Valois & Comte d'Angoulesme espousa ma dame Claude fille dudit Roy de France. Et de l'entrée d'icelle dame Marie faicte à Paris.



Pres icelles funerailles pour reuenir à la matiere precedente, vint le Roy à Paris vn peu apres le trespasement de ladicte Royne, & fut logé aux tournelles: & de fait vouloit que nul ne parlaist à luy, sil n'estoit vestu de drap noir. Peu de temps apres manda ses filles, lesquelles estoient à Blois: c'est à sçauoir ma dame Claude & ma dame Renée, lesquelles cōduisoit ma dame d'Angoulesme. Puis māda tous les Princes & seigneurs, Prelats & autres gens de conseil pour subuenir aux affaires de la paix du Royaume. Et enuoya le Roy en Angleterre son general de Normandie, le President de Roüen, & autres pour le traicté de la paix: & avec ce le seigneur de Longueuille, lequel estoit prisonnier audit Angleterre, qui fut en affaire pour ledit appointement. Durant ledit temps fut le Roy bien malade au Bois de Vincennes: & pour la guerison ordonna generallyment, qu'on chantaist. *O salutaris hostia*, à la leuation du saint Sacrement du precieux corps de nostre sauueur Iesus Christ, qui luy auoit fait grand ayde: & manda par tout le Royaume de France estre dit & continué. De là sen alla ledit Roy Loys à saint Germain en Laye pour passer temps, & aussi pour euitier la melencolie de son dueil: car c'est vn pays bien recreatif pour les bois, buissons, boscages, & principalement pour le gibier. Et aussi fut illec traicté de plusieurs affaires dudit Royaume & pays. Et fut adonc fait le mariage de mōseigneur le Duc de Vallois & Bretagne, Comte d'Angoulesme & autres lieux, avec la fille du Roy ma dame Claude: & espouserent tous en dueil, vestus de drap noir. Et fut fait ledit mariage en la chapelle du chasteau present le Roy accompagné du sang royal, & plusieurs autres nobles Princes & seigneurs, Prelats d'Eglise tous vestus de noir. Et fut le xvij. iour du mois de May mille cinq cens & quatorze. Enuiron ce temps estant encores le Roy à saint Germain en Laye, fut fait appointement par les ambassadeurs enuoyez de par le Roy en Angleterre, entre le Roy de France Loys xij. & Henry Roy d'Angleterre, moyennant que le Roy de France espouseroit ma dame Marie sœur dudit Roy d'Angleterre. Pourquoy de la partie dudit Henry d'Angleterre, furent pareillement enuoyez ambassadeurs d'iceluy pays: c'est à sçauoir aucuns grans seigneurs temporels & spirituels: lesquels vindrēt iusques en ladicte ville & cité de Paris par deuers ledit Roy Loys, pour confermer le mariage entre luy & dame Marie sœur dudit Roy Henry: Et pour aussi entretenir & confermer la paix dessusdicte entre les dessus nommez Roys: ce qu'ils ont iuré & promis entre le Roy Loys de France & lesdits Prelats ambassadeurs, scāt qu'icelle paix & cōcorde generallyment fut criée & publiée esdits pays de France & d'Angleterre. Et fut le mercredy xvj. iour d'Aoust mille cccc. xiiij. à force troytes & clairōs sur la pierre de marbre à Paris, & furēt faicts feux de ioye: & incontinēt apres ledit cry vint vn herault d'armes nommé Mont-ioye, lequel publica &

inuoqua tous Princes, seigneurs & gentils-hommes de venir à iour nommé à vn tournay, lequel seroit fait à Paris par monseigneur le Duc de Valois & Bretagne, Comte d'Angoulême, & autres lieux, où il feist faite grandes preparations. Apres peu de temps ladicte dame Marie fut conduicte & menée en France par plusieurs bien nobles seigneurs, & grans personages dudit Royaume d'Angleterre: aussi en la compagnie d'aucuns seigneurs du païs & Royaume de France. Et adonques estoit party de Paris le Roy de France accompagné de plusieurs grans Princes, Barons & seigneurs de sondit Royaume, pour aller au deuant de ladicte dame Marie, iusques au païs de Picardie au lieu d'Abbeuille, où il y fut en brief. Et tant fut bien conduicte par le païs icelle dame, que le dimenche huietiesme iour d'Octobre mille cinq cés & quatorze, feist son entrée audit lieu d'Abbeuille moult triumphamment, accompagnée de monseigneur le Duc de Valois & autres princes & grans seigneurs, tant du Royaume d'Angleterre que de France: lesquels estoient bien richement accoustrez & force grosses chaines d'or, principalement les Anglois. Ladicte dame estoit tresrichement accoustree, & consequamment tout son train seigneurs, dames & damoiselles, & chariots bien triumphans. Brief c'estoit vne chose magnifique. Et deuant ladicte dame marchioient cc. archiers dudit païs, qui estoient garnis de force saiettes l'arc au poing. Ledit Roy sçachant la venue, monta sur vn courcier, feist semblant d'aller soy esbatre aux champs accompagné de force de gens: lequel vint au deuant de ladicte dame & la baïsa tout à cheual, en luy disant trois ou quatre parolles ioyeuses comme moult bien le sçauoit faire. Puis reuint en ladicte ville d'Abbeuille, là où fut receüe honorablement ladicte dame: & sans point de faulte chacun feist son deuoir de luy faire belle reception, & principalement les citadins dudit Abbeuille. Le lendemain qui fut le iour monseigneur saint Denys, furent espousez ledit Roy de France & ladicte dame Marie d'Angleterre ensemble: laquelle estoit tresmagnifiquement accoustree de force pierres precieuses, & autres ioyeaux. Puis fut fait vn banquet treffingulier, où il y eut grand ioye. Et furēt aucune espace de temps audit Abbeuille à eux solacier, ce qui ne dura pas longuement. Puis apres se partirent dudit Abbeuille en tirant vers Paris: en passant par les villes de Picardie, leur furent faictes entrées solennelles. Et deliura ladicte dame les prisonniers en tous les lieux, par où elle passoit de par le commandement du Roy. Tant approcherent dudit Paris, qu'ils vindrent iusques à saint Denys en France, où ladicte dame fut couronnée Roynne de France, & y eut moult grand triumphe de force Archeuesques, Euesques & autres gens dignes de nom.

Le lundy sixiesme iour de Nouembre mille cinq cens & quatorze, la Roynne feist sa triumphatique entrée en la ville & cité de Paris, chef & principalle de France, où tout le clergé alla au deuant de ladicte Dame. Puis y fut la Court de Parlement, & generallement tous ceux qui ont l'administration de la Iustice: Puis la chambre des comptes: Puis allerent les Preuosts & escheuins de ladicte ville de Paris: & consequamment les marchans & officiers de ladicte ville, comme archiers, arbalétriers, & sergens de ladicte ville: Puis le Cheualier du guet & tous les gens par ordre. Ladicte dame estoit assise en vne riche litiere bien ornée de pierres precieuses. Et la conduisoient monseigneur le Duc de Valois & Bretagne

& Bretagne & autres lieux, monseigneur d'Alençon, m^oseigneur de Bourbon, monseigneur de Vendosme, François monseigneur son frere, Loys de Neuers, avec autres grans seigneurs, tant de France que d'Angleterre, & force de Prelats & gens d'Eglise. Puis Madame Claude fille du Roy de France, Madame d'Angoulesme, Madame d'Alençon, Madame de Vendosme, Madame de Neuers, & plusieurs autres princesses & nobles dames, tant de France que d'Angleterre. Et en icelle manière entra ladicte Roïne en nostre dame de Paris, où elle feit le serment accoustumé. Puis vint au Palais Royal, où il fut fait vn gr^d banquet solennel, qui estoit moult beau à veoir. Puis allerent le Roy & la Roïne coucher dedans le Palais mesmes, pour abbreger ses iours bien tost.

Des ioustes faictes à Paris. Et du trespas & sepulture du Roy Loïs douzieme.



Le lendemain alla le Roy & la Roïne aux tournelles pour veoir le Tournoy, qui auoit esté publié par cy deuant: auquel Tournoy y auoit vne arche triumpante, en laquelle estoient elleuez les escuz du Roy & de la Roïne. Puis apres consequamment tous les autres escuz & blasons des seigneurs & princes, tant tenans comme deffendans. Et estoit monseigneur le Duc de Valois & Bretagne, Comte d'Angoulesme seul tenant avec ses aydes. Et y auoit moult belles lies, où furent faictes maintes belles cources & coups de lance: là où aucuns se trouuerent bien, les autres mal. Et brief il faisoit moult beau veoir ledit tournoy. Et tout pour l'amour de la bienvenue de ladicte Roïne Marie, laquelle ne dura guerres qui fut vn gros domage pour les pources gens: ce nonobstant qu'ils fussent fort taillez, car le Roy auoit grand volenté de faire amender les tailles, sil eust vescu plus longuement, comme il pensoit. Apres lesdictes ioustes & tournois, mena le Roy la Roïne à saint Germain en Laye, où ils furent quelque peu d'espace de temps demenant ioyeuse vie, au mieux que ledit Roy pouoit. Apres reuint à Paris à son logis des tornelles, où il accoucha malade, disposa de sa conscience comme vn bon chrestien doit faire. Puis rendit l'esprit à Dieu le lundy premier iour de Ianuier l'an dessusdit mille cinq cens & quatorze. Son corps fut aromatiquement embasné, & gardé par aucuns iours ausdictes tournelles, où chacun l'alloit veoir qui vouloit. Puis luy furent faictes les cerimonies en la maniere accoustumée, comme il appartient à vn Roy qui seroit trop long à descire. Aucuns iours apres fut porté à nostre dame de Paris, & y auoit moult bel ordre audit obsequer: & fut mis en vne chapelle, laquelle auoit esté faicte diligemment au cuer de ladicte Eglise de nostre Dame. Et feit le seruice l'Euesque de Paris: le lendemain fut ledit corps du Roy porté iusques à vne croix pres saint Denys où messeigneurs de saint Denys le vindrent querre. Et par eux fut ensepulturé triumpamment & à grand dueil de ses seruiteurs, & officiers domestiques. Et fut ensepulturé pres de la Roïne Anne de Bretagne son espouse: Dieu leur vueille faire pardon. Ceux qui faisoient le grand dueil estoit le seigneur d'Alençon, le seigneur de Bourbon, le seigneur de Vendosme & autres bien grans princes & seigneurs.

Incidence.

En'est pas peu de chose quand vn Roy ou grand Prince meurt, qui aucunesfois ont esté cause de la mort de beaucoup d'hommes: lesquels sont creatures humaines comme lesdits Princes ou seigneurs: & croy qu'en l'autre monde ils ont beaucoup d'affaires, & principalement pour vne raison. C'est qu'un poure homme lequel aura six ou sept petis enfans, & n'aura que vingt sols vaillant, & il est taxé à dix ou à vingt sols pour la taille, & le recepueur viendra pour executer ledit poute homme, & il n'aura ne ne pourra nullement finer dudit argent: ce nonobstant sera mis en prison. Le vouldroye bien que l'on monstrest la loy par escript d'icelle belle raison: mais il n'y a nul qui l'ose remonstrer, pour autant que chacun veult faire ses besongnes: Dieu vueille ayder au poure populaire.

COMMENT LE TRESCHRESTIEN ROY DE

France François premier de ce nom, fut sacré Roy à Reims, & fit son entrée en la ville de Paris & autres lieux. Et comment ledit Roy partit de France pour aller de là les monts contre les Suisses qui detenoient la Duché de Milan.



PRIS le Roy Loÿs douziesme, succeda audit Royaume de France François premier de ce nom lviij. Roy dudit Royaume. Partit de Paris pour sen aller faire sacrer en la ville & cité de Reims, comme estoit de coustume de faire à ses predecesseurs. Là où il fut moult dignement sacré & enoinct de la saintevnction le ieudy xxv. iour de lanuiet mille cinq cens & quatorze. Les douze pers de France, ou les deputez à ce faire illec assistens & appelez faisant vn chacun son office ainssi qu'il est accoustumé, ce qui fut fait moult reueremment & en grand triumphe. Et fut audit sacre Madame sa mere, Madame de Bourbon, Madame de Vendosme & autres dames & damoiselles. Il vint suiuaument à saint Denys en France, & en son reuenir eut plusieurs belles entrées: sicomme à Laon, à Noyon, Compiengne, Senlis & autres villes. Et tellement qu'il vint iusques à Paris tousiours accompagné de grans Princes & seigneurs dudit Royaume. Et brief fait son entrée la plus triumpicante & magnifique, que jamais fut veüe des viuans. Car c'estoit toute orfauerie des accoustremens & des bardes des cheuaux, tout drap d'or frisé: Somme que les seigneurs & gentils hommes estoient ceus & leurs cheuaux, pour le moins, tous couuers de drap d'or: à aucuns desdits accoustremens estoit force orfauerie à l'entour desdictes bardes. Et entra ledit Roy François ainssi triumpicamment accompagné: & estoient les accoustremens du Roy tous d'orfauerie d'argent blanc, & ses lacquets & autres gens auoient de drap d'argent blanc. Puis alla au palais royal, comme de coustume estoit à ses predecesseurs: & là fut fait vn solennel banquet, où estoient force instrumens & chaires de plusieurs sortes qu'il faisoit moult beau veoit. Apres furēt faictes ioules & tournois en la rue saint Anthoine audit Paris, où le Roy se porta vaillamment. De ce téps fut fait appoinctement entre le Roy de France & l'Archedue, moyenant Madame Renée seur dudit Roy, & fille du feu Roy Loÿs xij. laquelle fut accordée

accordée audit Archeduc par ambassadeurs deleguez audit affaire, & fut le Comte de Nanſau: lequel Comte de Nanſau auſſi fut marié, & depuis eſpouſé avec la fille du Prince d'Orange. De ce temps fut fait au Palais de Paris monſieur de Bourbon Conneſtable de France. De ce temps meſmes que le Roy eſtoit à Paris, qui eſtoit le ſainct temps de la quarantaine, eſpouſa le Duc de Suffort Madame Marie Roïne Blanche du Royaume de Frâce, ſeur du Roy d'Angleterre: lequel Roy d'Angleterre auoit enuoyé en France ledit Duc de Suffort: & emmena ſadiſte femme en Angleterre, laquelle fut conduicte & accompnée de bien grans Princes & ſeigneurs. Auſſi fut confermée la paix entre le Roy de France & d'Angleterre. De ce temps enuoya le Roy querir Pierre de Nauarre, lequel eſtoit en priſon: & luy feit le Roy de grans dons, & luy bailla charge de gens.

APRES tous iceux appointemens & mariages, le Roy feit ſes Paſques à Paris: puis ſen alla par eue, conſequamment la Roïne, Madame ſa mere & autres: & furent par eue iuſques à Monſtereau Fault-Yonne. De là partit le premier iour du mois de May, alla iuſques à vn petit chateau nommé Egreuil-le, où là fut fait vn petit Tournoy & iouſtes. De là vint à Montargis, & de là à Briare, où il ſe meit ſur la riuere de Loire: brief vint à Amboiſe faiſant par tout, où il paſſoit entrées auſdiſtes villes: côme à Meun, Monteraue, Montargis, Blais, Amboiſe & autres petites villes, où luy fut fait belle reception. Sicomme il fut à Amboiſe, fut à la chaffe vn iour, où il ſe meit vne eſpine dedans la iambe, qui luy perça ſa botte & chaufſes, tant que ladiſte eſpine luy feit groſſe douleur & en fut bié malade. De ce temps meſmes que le Roy eſtoit à Amboiſe, fut eſpouſé monſieur de Lorraine avec Madamoifelle de Bourbon, ſeur du Conneſtable de France, ſeigneur dudit Bourbon. Et fut fait gros triumphe auſdiſtes nopces, & eſtoit le donjon du chateau d'Amboiſe tout couuert de toilles de peur du ſoleil. Quand vint vers la nuit, y eut pluſieurs mommeries & mourifques bien richement accouſtrez, qui faiſoit bon veoir. Apres toutes icelles ioyeuſetez ſe partit le Roy vn iour bié matin, pour venir à Remorantin, où auſſi fut fait pareillement bonne chere. Et feſtoya Madame ſa mere le Roy ſon ſils pour ſa bien allée. Car à l'heure le Roy eut nouuelles que les Suiſſes eſtoient venus courir iuſques aupres de Brianſon, qui eſt au païs de Daulphiné, & auoiét btuſlé vn village pres du chateau Daulphin. Parquoy le Roy partit ſoudainement, print congé de Madame ſadiſte mere, & vint à Bourges, où luy fut fait vne moult belle entrée. Le Roy partit lendemain vint en poſte à Moulins, où Madame de Bourbon le receut treſhonneſtement, & eut belle entrée pour vne ſi petite ville: car il y auoit chars triumpfans où eſtoient belles dames, nauires, beſtes eſtranges, où eſtoient montéz deſſus moult belles dames tous marchans deuant le Roy. Enſuiuant vint le Roy à Lyon, où pareillement luy feirent les citadins treſbelle & magnifique entrée. Et ſa ordonna des affaires pour les munitions de la guerre, laquelle eſtoit ja encommencée pour aller à Milan, & paſſer les mons. Enſuiuant iceluy voyage delaiſſa le Roy pour gouuerner en France ce pendant qu'il ſeroit hors du Royaume, Madame ſa mere Duchefſe d'Anjou & du Maine, Comteſſe d'Angoulefme & autres lieux. Vn peu de temps apres le Roy partit de Lyon & vint en la ville de Grenoble, où il eut auſſi treſbelle en-

trée: où il fut aucun peu de temps ce pendant que les preparatifs se faisoient pour ladicte guerre. Enuiron ce temps mourut le petit fils de Frederich, iadis Roy de Naples: lequel petit enfant commençoit à iuuer la guerre, & croy que sil eust vescu il eust fait bon fruit, car il estoit moult gentil & honneste. Apres se partit le Roy de Grenoble pour passer les mós, & alla par nostre dame d'Ambun, nonobstant que tout le train de la guerre au moins la plus grand partie alla par le bourg Duissant, où le Roy auoit fait faire sur ledit chemin grand provision de viures pour ladicte armée. Et brieu le Roy vint à Guillestre, de là à S. Paul. Et finalement passa vn chemin impossible, où iamais homme n'estoit passé. Et y eurent beaucoup de miseres les pources piétons & autres. Le Roy feit mener vne partie de l'artillerie par cedit chemin: & de fait fut demontée l'artillerie pour la passer par cedit chemin. Sur ces entrefaictes le Pape auoit enuoyé bien quinze cens cheuaux, bien equipez & accoustrez, dont estoit chef vn nommé Prospere Coulonne natif de la Rommanie: lequel Prospere & ses gens estoient venus en ayde à Maximilian, & ses alliez pour cuider surprendre le Roy de France ou ses gens aux passages: mais ledit Prospere ne scauoit pas que les François fussent si pres, & qu'ils eussent passé les mós: parquoy ledit Prospere se vint rafreschir en vne ville nommée ville Franche de la Morette, qui est au pays de Piémont. Ce pendant estoit vn des gentils-hommes du Roy nommé le seigneur de Morette, auquel vn villain du pays vint dire l'auenture. Et que Prospere Coulonne estoit en ladicte ville de ville Franche à se rafreschir: & qu'il ne se doubtoit de riens, & qu'il y feroit bon aller pour les surprendre viftement. Parquoy ledit seigneur de Morette vint annoncer au Marechal & seigneur de la Palisse, au seigneur d'Aubigny, au capitaine Imbercourt, Bayard & autres: lesquels furent tous d'accord moyennant le seigneur d'Imbercourt, qui marcha le premier, & enuoya sommer le guet par vn de ses archiers: lequel luy feit rapport qu'il y feroit bon aller incontinent: & que ledit Prospere Coulonne & ses gens estoient prests de disner, & qu'ils ne se doubtoient de riens: parquoy diligemment enuoya ledit Imbercourt par deuers le Marechal de la Palisse & autres, à celle fin qu'ils vinsent hastiuement. Ce nonobstant ledit seigneur d'Imbercourt hardiement marcha le premier, & entra incontinent à grans courtes de cheual, luy & ses gens dedans la ville, où estoit ledit Prospere & ses gens: & quand vint à la porte de ladicte ville, la trompette bouta son cheual auant & commença à sonner dedans dedans, en sorte que le col de son cheual fut enseré entre les portes de ladicte ville: mais il eut incontinent des hommes d'armes, qui croiserent leurs lances & enterrent dedans, & tuerent & occirent tous ceux qui auoient resisté contre eux à ladicte porte. Puis coururent parmy la ville & marcherent ctiant France France, & vindrent iusques où estoit ledit Prospere Coulonne, lequel disnoit alors: où il y eut moult batu & frappé à l'entrée dudit lieu: ce pendant ledit seigneur de la Palisse & autres vindrent diligemment. Et brieu fut prins ledit Prospere Coulonne & aueue quantité de ses gens occis: & tout leur bagage prins & pillé, & force de beaux cheuaux qui furent trouuez dedans les estables de ladicte ville. Et fut amené ledit Prospere Coulonne & autres prisonniers deuers le Roy: puis fut amené en France & mis au chasteau de Montagu appartenant audit seigneur de la Palisse.

Comment le Roy de France à tout son armée suiuit les Suisses. Et comment la ville & chasteau de Nouare furent rendus au Roy.



Pres icelle deffaicte, le Pere Sainct eut nouuelles à Romme comment ledit Prospere & ses gens d'armes estoient deffaits & prins prisonniers, dont il fut moult esbahy & non sans cause: car il n'eust iamais creu, que le Roy eust sceu passer par ce chemin terrible, & à grand peine le vouloir il croire. De là aussi vindrent nouuelles aux Suisses, lesquels estoient à Suze, à Villane & Riuolle, & autres lieux pour garder les passages. Les Suisses aduertis au vray, incontinent & à grand diligence commencerent à marcher & eux en aller tirant vers Milan. Lors les François suiuians lesdits Suisses de bien pres, vindrent iusques à Thurin, où le Duc de Sauoye estoit: lequel vint au deuant du Roy de France son parent & confrere, & luy feit bonne reception. Et le Roy le mena quand & luy du deuis, & feit mener le Roy cinq grosses pieces d'artillerie quand & eux: laquelle artillerie estoit audit Duc de Sauoye. En apres marcherent tousiours apres lesdits Suisses, lesquels auoient desia passé la riuere du Pau d'une terrible sorte: car ils n'auoient nuls basteaux ne ponts sinon des cordes, où ils tiroient tout leur artillerie & bagage, & s'en allerent iour & nuict. En eux allant vindrent en vne petite ville nommée Chiuas, où ils bruslerent le chasteau & aucunes maisons dudit Chiuas, ladicte ville appartenant au Duc de Sauoye: & occirent & pillerent vne partie de ladicte ville, qui estoit grand pitié à veoir: & auoient ce fait les Suisses, pource que ceux dudit Chiuas ne leur voulurent donner aucuns viures & aussi passage dedans ladicte ville: & furent occis aucuns Suisses, lesquels estoient demeurez à piller ladicte ville. Durant ce temps vint le seigneur de Prie accompagné des Geneuois, lequel arriua à Alexandrie & autres villes, laquelle il pillà ce nonobstant que lesdits citadins s'en estoient ja fuis: lesquels auoient bien merité auoir beaucoup de mal, pour les bons tours que souuent & de coustume ont ioué aux François. En ensuiuant icelle guerre & la suite que les François faisoient apres les Suisses, lesquels marcherent se sembloit vers Iurée, ce nonobstant tirent tout court & vindrent à Nouare. Lors le Roy & ses gens tousiours suiuians vint en la ville de Verfeil, où il y eut aucun bruit & mention de quelques paroles d'appoinctement entre le Roy & les Suisses: & y estoit commis mōseigneur le Bastard de Sauoye, le seigneur de Lautrec & autres. Ce non pourtant le Roy faisoit tousiours marcher son camp apres lesdits Suisses, lesquels s'en estoient desia partis de Nouare, & teindrent le chemin vers Milan. Ce pendant vint de renfort au Roy vne bande de Lansquenets, qu'on appelloit la bande noire: laquelle bande estoit bien accoustree. Et feit le Roy marcher son camp deuant Nouare, où fut donné incontinent l'assault par Pietre de Nauarre & autres: mais ceux de dedans furent incontinent rendus, & submis entre les mains du Roy. Durant ce temps accoucha à Amboise la Roynie de France d'une belle fille, laquelle fut nommée Loÿse: dont fut enuoyé apres peu de temps sa pourtraicture au Roy, lequel estoit ja delà les monts. Apres que le Roy eut prins & conquis la ville & chasteau de Nouare, ce nonobstant que ladicte ville ne fut point pillée par le commandement du Roy, le camp marcha & tira vers Milan & al-

lerent à Bufalore. Ce pendant fut nouuelles que l'appoinctement estoit fait entre le Roy de France, & les Suisses : ce qui fut accordé moyennant grand nombre d'or, que leur auoit promis le Roy : & de fait iurerent leur foy lefdits Suisses & passerent appoinctement, ce qu'ils ne teindrent pas & faucerent leur foy & promesse.

Comment le treschrestien Roy Francois de France desconfit pres de Marignan au Camp S. Brigide, l'armée des Suisses le iour de l'exaltation sainte Croix. Et de la cruelle bataille & occision qui fut lors entre les Francois & Suisses.



LE Roy pensant estre asseuré de ladicte promesse des dessusdits Suisses, feit marcher son camp à Marignan approchant pres de Milan : mais il ny fut pas longuement que les Suisses ne retournerent leurs robbes, ce nonobstant que le Roy leur auoit enuoyé par monseigneur de Lautrec & autres, vne somme d'or qui leur auoit esté promise en accordant ledit appoinctement. Ce temps pendant que l'on menoit iceluy argent, iceux Suisses & leurs alliez furent deliberez de venir surprendre le Roy & son armée. Aussi que le Cardinal de Syô les auoit corrompus & preschez, avec aussi la requeste que leur faisoit Maximilian fils de Ludouic, iadis prins prisonnier audit pays d'Italie par le feu Roy Loÿs douziesme : & aussi la priere que leur faisoient les citadins & autres gens de Milan, en leur liurant & baillant plusieurs alecrets & vtencilles pour le fait de la guerre : & aussi les belles promesses, que ceux iouissans pour lors du pays leur faisoient : lesquels Suisses voyant le pays pour eux & principalement regarderent le grand hazard, où ils se bautoient, pensant que si la fortune leur disoient bien, qu'ils seroient seigneurs de beaucoup de prouinces & crains & redoubtez de tout le monde : & fut la cause pourquoy ils vindrent si hardiement.

LORS le Roy eut des nouuelles vn bien peu deuant que la bataille se donast, que lefdits Suisses auoient deliberé de combattre, dont il fut bien esbahy, veu que l'argent qu'il leur auoit promis estoit en voye, & cuidoit qu'ils comptassent ledit argent à l'heure. Ce nonobstant comme hardy & vaillant, non ayant cremeur, se delibera de receuoir lefdits ennemis, & feit mettre diligemment ses gens en bon ordre. Si comme il estoit en tels affaires, nouuelles luy vindrent qu'il estoit sorty de la ville de Milan vn grand nombre de gens de pied bien armez, qui venoient donner la bataille avec les Suisses ses aduersaires, ce qu'ils feirent car incontinent la journée mesmes entre trois & quatre heures deuers le soir, vindrent vne route & grand compagnie de Suisses hardiement frapper sur l'armée du Roy de France, où ils furent receuz vertueusement, ce nonobstant qu'il y en eut qui n'en voulurent oncques manger, & regardoient par où ils s'en retourneroient.

LE Roy qui menoit la bataille voyant les ennemis venus, incontinent luy mesmes vint en personne avec aucuns de ses gentils-hommes en la bataille, & vaillamment chargerent dessus, en sorte qu'il en deffait vne bande. Puis gentils auenturiers François se vindrent mettre ou lieu des Lansquenets, lesquels vne partie auoient tourné le doz : mais de ce ne les en fault blâmer, car par auant on
leur

leur auoit signifié l'appoinctement, dont ils estoient bien courroucez & ne demandoient qu'à combattre: pourquoy lesdits Lansquenets estoient bien estonnez, pour la cause qu'on leur auoit signifié l'appoinctement, & du depuis signifié d'eux venir combattre. Et en auoit aucuns qui cuidoient que le Roy les vouloit faire tuer: ce non pourtant quand ils veirent que les auenturiers François se bautoient si hardiement dedans lesdits Suisses, ils prindrent cueur & se portèrent au mieux qui leur fut possible: mais à brief parler les auenturiers François faisoient merueilles, & si n'y auoit pas grand quantité desdits auenturiers François, & deffeirent vne bande desdits Suisses, où ils estoient bien quatre mille, & lesdits François auenturiers n'estoient pas deux mille. Là eussiez veu chamailler, frapper à grans coups de piques fortes & roides, & force espées à deux mains: somme toute, que l'on ne sçauoit lequel auoit du meilleur. Lesdits Suisses vindrent si treshardiement que merueilles, & chargerent sus la bataille & arriere-garde, qui estonna fort les François: & pensoient faire lesdits Suisses comme ils feirent à la journée de Nouare. Lors l'artillerie qui pas ne dormoit, recueillit bien lesdits Suisses: ce nonobstant que du commencement lesdits Suisses cuiderent venir ruer dessus pour la gagner: mais ils trouuerent forte résistance, & ne tiroit coup ladicte artillerie, qu'elle n'occist beaucoup desdits ennemis. Brief la bataille dura iusques à la lune couchant, avec ce qu'il faisoit vne merueilleuse pouliere pour la grand chaleur qu'il auoit fait audit pays d'Italie. Et de fait combattirent tousiours, tant qu'ils se peurent veoir: & y en eut aucuns qui cuiderent estre retirez en leur camp, & ils estoient au camp des François: & mesmement aussi des François en leur camp: & encores vne chose qui abusâ lesdits deux parties, c'est que les Suisses croioient France France, & puis occioient les François: la nuit ne fut pas longue. Et fut tousiours le Roy parmy ses gens en leur donnant courage & bon espoir, sollicitant de lieu en autre ses gens, & principalement à son artillerie: en laquelle auoit grand nombre de Lansquenets, qui la gardoient bien. Puis le Roy se reposa vn petit sur le limon d'une charette tout armé. Et vous promets & si n'ya nulle faulte, que sans sa presence les François eussent eu bien affaire.

QUAND vint au matin que le iour commença à poindre, lesdits Suisses encharmez sur lesdits François, ce nonobstant que des le soir auoient lesdits Suisses perdu plus de gens qu'ils ne pensoient, vindrent cedit iour sainte Croix le quatorziesme iour du mois de Septembre mille cinq cens & quinze, au lieu dit sainte Brigide hardiement: & eussiez dit qu'ils venoient à vne dance, & donnerent vertueusement sur les François. Et lors eussiez veu battre & chamailler les vns sur les autres, c'estoit à qui en auroit du meilleur: mais l'artillerie où estoit le Roy faisoit beaucoup de meurtre desdits Suisses, & principalement en vne grosse routte & compagnie desdits Suisses, lesquels estoient emparquez ensemble & ne bougeoient: mais à la fin eux voyans qu'on tuoit tant de leurs gens, se retirerent & tournerent le dos vers Milan: eux voyant aussi que le demeurant de leurs gens, lesquels combattoient, ne resisteroit pas longuement contre les François, delibererent d'eux en fuir. Et à brief parler tout le demeurant fut amassé & vaincu. Et n'eust esté la grand pouliere qu'il faisoit lors, il n'en fut pas tant retourné: mais à grand peine veoit on l'un l'autre alors. Et souffrit

beaucoup de soif ledit seigneur ce soir, car il faisoit vne merueilleuse chaleur: & avec ce ne sçauoit on trouuer nulle eaüe qui fut bonne à boire, pource que toutes les eaües de là entour estoient toutes ensanglantées: ce neantmoins que ce fut force d'en boire audit seigneur & ses gens, ce nonobstant à la fin aucun luy en apporta de clere. Et estoit moult ioyeux d'auoir rencontré lesdits Suisses, en attendant hardiement le lendemain, comme vne brisée que l'on fait, quand on suit la chasse d'un cerf. Et demoura lendemain desdits Suisses audit camp bien de quinze à seize mille hommes, lesquels ne moururent pas en enfans, mais en gens de grand proësse: & en demoura beaucoup de morts par le chemin en eux fuyant vers Come & Milan, lesquels auoient esté naurez & blecez en bataille. Ce fut vne merueilleuse victoire pour la première bataille du commencement du regne du Roy, veu qu'ils le surprindrent par matiere de deception, ensuiuant leur appoinctement par eux promis des iours precedens de la bataille. C'est bien chose digne de memoire d'auoir combattu si hardie nation & en si grand nombre: car ie ne treuve point par escript, que iamais en fut deffait en vn camp seize mille de leurdicte nation, sinon du temps de Iulius Cesar. Le Roy Loys vnzième luy estant Dauphin, en deffait de trois à quatre mille: & vn Duc de Milan en deffait vne fois de deux à trois mille. Parquoy ie dis que ce fut vne moult bien heureuse bataille pour le Roy, aussi qu'ils estoient grand nombre desdits ennemis & bien deliberez: car ils estoient sortis dudit lieu de Milan. xxxvj. mille hommes.

LORS arriua le secours de la seigneurie de Venise, que le seigneur de Bourbon Connestable de France auoit esté querir: lequel secours venoit à grand diligence tresbien accoustrez & fort bien empoint pour combattre, lesquels trouuerent les Suisses ja deffaits, qui fuioient vers Milan & vers Come. Donc voyant les Veniciens les ennemis fuir, frapperent sur lesdits Suisses & leurs allies, & se monstrent gens de bien. Principalement messire Barthelomy d'Aluiane, chief & capitaine general de l'armée des Veniciens. Et aussi le fils du Comte de Petillane, lequel feit merueilles d'armes: mais comme il vouloit faillit vn fossé lequel estoit par trop large, son cheual cheut & luy dessous ledit cheual, lequel fut occis par lesdits Suisses & aussi n'auoit pas gens à l'heure avec luy pour le secourir. Et mesmement mourut cheualeresquement le seigneur de Imbercourt, lequel entra dedans eux eschauffé comme vn sanglier, qui fut vn tresgrand dommage: car ie vous promets que c'estoit vn homme tresbelliqueux, & hardy comme vn lyon: & qui ne soit ainsi on l'a veu par plusieurs fois en de gros affaires. Aussi y demoura & fut occis François monseigneur de Bourbon: lequel s'y porta vaillamment, & fut enclos desdits Suisses, par ce qu'il ne fut pas luyuy ne secouru à lors. Aussi fut occis le Prince de Tallemont: apres demeura aussi le Comte de Sanxerre, le seigneur de Busli, le capitaine Mouÿ & autres grans nobles seigneurs & capitaines, porteurs d'enseignes & gens vltiez à la guerre & dignes de nom. Et vous promets que durant la bataille, le bagage n'auoit garde d'estre perdu: car il y auoit moult de gens de guerre, & autres qui le gardoient, & si auoient aussi grand paour que ceux qui batilloient: mais au fort il y en auoit de bien montez, si le cas fut escheu que la mauuaïse fortune eust dit aux poures auenturiers & vaillans hommes d'ar-

mes,

mes, qui s'y portèrent furieusement enuers leurs ennemis. Cedit iour fut fait par le Roy beaucoup de cheualiers. Durant ce conflict, s'en fuit le Cardinal de Syon, cause de la mort de tant de gens de bien : & se retira faignant & donnant à entendre audit seigneur Maximilian, qu'il alloit requerir du secours, mais il reuint trop tard.

APRES icelle piteuse occision, se retira aucun grand nombre de Suisses vers vne cassine de l'auantgarde, où estoit le Connestable de France seigneur de Bourbon : lequel suiuant lesdits Suisses, les feit brusler tous dedans ladicte cassine, & n'en eschappa pas vn s'il ne volla par dessus ledit feu. Dieu vucille auoit leurs ames, & principalement de tous ceux d'icelle iournée : c'est grand pitié que pour la faueur & suscitement de deux ou trois personages, auoir esté cause de faire mourir tant d'hommes humains. Aucuns n'en font estime non plus que de moutons. Helàs ! ce ne sont pas bestes : car les hommes ont sens & raison ou doiuent auoir, ce neantmoins que aucunesfois leur sens fault par leur mauuaise intention. Aucuns Suisses naurez & blecez s'en retournerent à Milan, les autres vers Come. Ceux qui entrentent dedans Milan, disoient aux ciadins qu'ils auoient gaigné la iournée : parquoy lesdits citadins les feirent bouter en l'hostel Dieu pour estre pensez : mais quand les Lansquenets furent à Milan, ils les acheuerent de medeciner d'vne estrange & terrible sorte.

Comment les Milanois rendirent la ville de Milan au Roy. Et comment le siege fut mis par les Francois deuant le chasteau de ladicte ville. Et comment il fut rendu au Roy par composition.



N peu apres icelle funereuse & furieuse bataille, vindrent ceux de Milan par deuers le Roy, luy criant mercy & pardon de la faulte qu'ils auoient faicte enuers luy, & luy liuerent les clefs de ladicte ville de Milan : le Roy misericordieux les receut moyennant quelque appoinctement, qui fut fait presentement d'œure pecunielle. Vn peu apres, le Roy enuoya son camp deuant le chasteau de Milan, où estoit le seigneur Maximilian & aucune quantité de Suisses & autres gens amassez : auquel chasteau le Roy feit donner l'assault & battre de force grosse artillerie, tant qu'en peu de iours feirent de grans breches & ouuertes audit chasteau. Aussi pareillement fut fait par Pietre de Nauarte vne mine sous terre, adressant audit chasteau, où ledit capitaine Pietre de Nauarte feit fondre & cheoir quantité dudit chasteau de Milan.

DVRAND ledit siege & batterie dudit chasteau, enuoya le seigneur Maximilian par deuers le Roy de France soy voyant par succession de temps en grand dangier, pour traicter d'appoinctement. Parquoy le Roy y enuoya son chancelier, & aucune grand quantité de ses gentils-hommes : lesquels estoient bien accoustrez : & auoit ledit Chancelier vne grand robe de drap d'or frisé : entra dedans le chasteau, auquel estoit ledit seigneur Maximilian, où ils traicterent de matiere de paix. En sorte que le Chancelier de France amena le seigneur Maximilian quand & luy, & vindrent au camp par deuers le Roy : & là

fut ledit appoinctement confirmé, moyennant que les Suisses qui estoient audit chasteau s'en allerent leurs bagues sauues, & receurent argent de par le Roy qui auoit esté dit par ledit appoinctement. Aussi declaira ledit seigneur Maximilian qu'à perpetuité il ne pretendoit à la Duché de Milan : & luy feit le Roy bon recueil, & l'enuoya au pays de France pour y demeurer & tenir. Incontinent apres entra le Roy à Milan, où luy fut fait assez belle entrée : & y demoura assez longuement en ladicte ville, où ceux & plusieurs des gentils-hommes de la ville, luy feirent force beaux conuiues & banquets. Au regard des citadins de Paue on n'auoit garde de les prendre ne piller : car il n'y auoit riens que les pures gens du pays, & estoient retirez la plus grande partie à Milan quand ils furent aduertis que les François auoient gaigné la plaine. Et aussi fut fait appoinctement moyennant qu'ils baillèrent quelque somme d'argent.

Comment le Pape Leon dixiesme & le Roy conuindrent ensemble en la ville de Boulongne, où ils traisterent de leurs affaires: & comme le Roy reuint en France.

E Nuiroen ce temps mourut le capitaine general des Veniciens, mesure Barthelemy d'Aluiane : lequel festoit eschauffé en sorte qu'il eut la fièvre dont il mourut, qui fut grand dommage, car il estoit vaillant & hardy homme & bon François. Durant ce temps eurent les Lansquenets double paye par deux fois, que le Roy leur feit bailler. Et durant que le Roy estoit audit Milan, fut conclud & pacifié appoinctement entre le Roy de France & aucuns Cantons des Lignes des Suisses, moyennant grosse somme d'or que leur bailloit le Roy, ce nonobstant qu'ils auoient esté vaincus & battus par les François. Apres celuy appoinctement y eut ambassadeurs entre le saint Pere & le Roy de France tant de costé que d'autre, & fut conclud que le Pape se transporterait iusques à Boulongne la Grasse, & aussi que le Roy de France y viendrait en personne pour eux veoir & faire bonne chere & bonne confederation d'amitié ensemble. Parquoy le Roy partit & se mit à chemin menant grand train, & principalement force hommes d'armes & autres, tant qu'il arriua audit Boulongne, où luy fut faite belle réception. Et feit le Roy la reuerence au Pere Saint, & se feirent bonne chere l'un à l'autre, & parlerent longuement de plusieurs affaires. Vn iour feit le Pere Saint Leon dixiesme le seruite, où assista le Roy, & dura ledit seruite moult longuement. Et brief feirent bonne paix & vnion ensemble : & bailla & deliura le Pape au Roy aucunes villes luy appartenant à cause de la Duché de Milan. Et donna un chapeau rouge à l'Euesque de Constances, frere du grand maistre de France. Apres iceluy appoinctement le Roy reuint à Milan, & puis se mit à chemin pour reuenir en France delaisant le seigneur de Bourbon Connestable de France, lieutenant general pour luy en la Duché de Milan. Et s'en vint le Roy en grand diligence au trauers des montaignes iusques à la Baufme, où estoient allez la Roïne & ma dame sa mere en voyage, où il fut receu à grand ioye & triumphe, & luy fut fait plusieurs entrées au pays de Prouence. De là le Roy & la Roïne, ma dame sa mere & tout leur train arriuerent en Auignon, où ils eurent tresbelle entrée. Puis vindrent à Lyon, où la Roïne feit son entrée tresbelle & magnifique, & luy fait on tresbelle reception. De ce temps mourut

rut Ferdinand Roy d'Arragon en Espagne: lequel Roy d'Arragon en son vivant aconquis plusieurs Royaumes & païs vers le païs d'Occident & Midy, & principalement contre les Mores Blancs, lesquels il a subuertis durant sa vie. De ce temps mourut aussi le magnifique Laurens de Medicis frere du Pape, lequel auoit nagueres par auant espouse la sœur du Duc de Sauoye, & sœur de ma dame la Duchesse d'Anjou & du Maine, Comtesse d'Angouleme & autres lieux, mere du Roy de France, lequel magnifique estoit capitaine de l'Eglise. De ce temps mesmes ensuiuant fut vne grosse iournée entre Sophy dit Ismaël, & le grand Turc de Tartarie: si que le Turc gagna vne grand iournée contre ledit Sophy, où il fut bien occis cent soixante mille hommes. Et du depuis ledit Sophy Ismaël rassembla ses gens, & refait vne autre nouuelle armée, si qu'il rassembla grand nombre de gens. Puis de rechief rassembla contre ledit Turc & ses alliez, en sorte qu'il vainquit ledit Turc & ses gens, & les poursuivit iusques en nostre terre detniere de Constantinoble, qui est la premiere Grece: & desherita ledit Turc de ses premiers païs, où ledit Sophy est encores possesseur, & ledit Turc demeure captif sur les marches de la terre Chrestien ne & de iour en iour guertoient les vns contre les autres.

Comment l'Empereur Maximilian assemble grosse armée de gens pour cuidoer reprendre la ville de Milan, & en iecter hors les Francois. Et comment monseigneur de Bourbon lieutenant general du Roy alla contre luy.

EN Nuiro n ce temps que le Roy de France estoit à Lyon, qui estoit vers la fin de la sainte quarantaine mille cinq cens & quinze, survint & meust vne autre guerre au païs d'Italie par le moyen des bōs tours accoustumez de l'Empereur Maximilian, lequel suscita les angelots du Roy Henry d'Angleterre: lesquels auoit long temps qu'ils n'auoient voillé en son païs, consequemment au païs des Cantons de la ligue grise des Suisses: aussi suscita ledit Empereur leldits Suisses par le moyen d'une partie desdits angelots d'Angleterre qu'ils receurent. Aussi qu'il suscita & inuoca aucuns citadins de la ville de Milan, & principalement les Galiaches Vicomtes dudit Milan, pensant estre causes de faire reuolter ladicte ville. Parquoy iceux gens amassez & subornez par ledit Empereur, avec ce qu'ils estoient mauuais François, se delibera pour venir à Milan ayant avec luy le frere de Maximilian qui estoit à Milan par auant: lequel Maximilian auoit fait amener le Roy en France par leur appoinctement, comme j'ay recité par cy deuant en ladicte conquete faicte par ledit Roy de France. Donc pour ensuiuir la matiere precedente, ledit Empereur rassembla grand nombre de gens. Puis les feit descendre en la plaine de Veronne iusques à Laude. Ensuiuant icelle entreprinse si nouvellement engendrée, le seigneur de Bourbon Connestable de France & lieutenant general pour le Roy au païs d'Italie, rassembla le plustost qu'il luy fut possible gens d'armes & autres gens necessaires à la guerre: Puis marcha en personne, quand & son camp, lesquels n'estoient pas grand nombre à cause de l'entreprinse si soubdaine: ce nonobstant que bien sept semaines deuant il en estoit aucunes nouvelles, mais non pas assurées. Ledit seigneur de Bourbon

fait marcher tousiours ses gens iusques à la riuere d'Ade, où les ennemis estoient ja descendus de leur costé de ladicte riuere d'Ade, & estoient l'un deuant l'autre. Vn peu deuant ce conflict, furent mandez de par le Roy de France aucuns confederez des citadins de Milan: lesquels se meirent à chemin & vindrēt iusques à Suze, lesquels se trouuerent enuiron trente & sept: & parlerenter ensemble audit Suze, & le lendemain s'en fuirent trente & trois vers le Roy des Rommains: les autres quatre lesquels se trouuerent bons François vindrēt par deuers le Roy à Lyon qui comptèrent le cas des autres. Pour retourner à nostre matiere premiere, ledit seigneur de Bourbon estant deuant les ennemis, auoit enuoyé par deuers les Cantons des Suisses: ausquels le Roy de Frâce auoit eu appoinctement par auant, pour & à celle fin d'en auoir aucun nombre pour secourir la Duché de Milan: parquoy en descendit iusques au nombre de neuf à dix mille deuers Ivrée. Ledit seigneur de Bourbon luy estant pres la riuere d'Ade prest de combattre contre lesdits ennemis, fut aduertty que ceux de la ville de Milan se vouloient reuolter: aussi qu'ils n'estoient pas assez pour attendre l'armée de l'Empereur, veu qu'ils estoient si grand nombre: fut conseillé le seigneur de Bourbon pour retourner vers Milan: ce nonobstār que ledit seigneur vouloit bien attendre le choc & le hafart de combattre les ennemis, supposé qu'ils n'auoit pas quantité pour resister, fut soudainement conclud & aduisé qu'ils retourneroient vers la ville de Milan, & attēderoient le secours des Suisses qui estoient à Ivrée, lesquels furent longuement à marcher. Ledit seigneur de Bourbon fait marcher son armée à grand diligence tant qu'ils arriuerent audit Milan, où ceux de la ville furent moult esbahis de les veoir ainsi accourir. Incontinent que ledit seigneur fut arriué en la ville, voulut sçauoir ceux qui se vouloient reuolter, & les feir prendre & bouter en prison: aucuns eurent la reste trencée. Quand les autres citadins veirent que les François auoient gagnée la ville, & qu'ils n'estoient pas les plus forts, delibererent de vouloir mourir quand & les François si la fortune leur disoit mal. Lors le Roy des Rommains voyant que l'armée des François s'en estoit allée si soudainement, pensoit les auoir desia vaincuz: fait marcher son camp apres & passerent la riuere d'Ade, & tirerēt vers la ville de Milan, & se vint loger ledit Empereur pres Margnau. Et ne doubtez pas que ceux de Milan auoient alors grand paour. Ledit seigneur de Bourbon fait incontinent brusler vn faulxbourg de ladicte ville de paour que les ennemis ne se fortiffiasent audit faulxbourg. Peu de iour apres enuoya ledit seigneur de Bourbon aux Suisses aucunes pieces de draps d'or, & draps de soye pour les principaux capitaines, pour & à celle fin de venir vistement à secours. Parquoy lesdits Suisses vindrent incontinent, & entrerent par deuers le chasteau. Et les receut ledit seigneur de Bourbon à grand ioye. Incontinent ledit seigneur fait besongner aux fosses & autour de ladicte ville de Milan, pour la fortifier mieux qu'elle n'estoit par auant. Lors ledit Empereur lequel estoit deuant Milan & tour son camp, où estoit moult grand nombre de gens, fait saluer la ville de force pieces d'artillerie, & ceux de dedās la ville mesmement contre lesdits ennemis deschargerent hardiement.

Comment l'Empereur Maximilian soy voyant qu'il ne pouoit venir à chief de son entreprinse se departit de deuant la ville de Milan.

Edit Empereur soy voyant si grand nombre de gens : lesquels n'auoient nuls viures fut bien estonné : car il cuidoit que ceux de la ville se deussent reuolter incontinent qu'il seroit deuant, comme luy auoit promis Galias Viscomte, ce qui fut bien au contraire. Parquoy ledit Empereur cognoissant que les François auoient eu secours de nouveau : & aussi qu'il ne pourroit pas tenir son camp longuement deuant ladicte ville sans auoir viures, aussi qu'il n'auoit plus grand compagnie d'anges d'Angleterre, se retira vers Bergame, où il feit sommer la ville : lesquels citadins d'icelle ville voyant que ceux de Milan estoient en affaires, se tãxerent & baillerẽt quelque somme d'argent audit Empereur. Puis se retira ledit Empereur quand & son camp vers Laude, où ils pillerent ladicte ville & occirent beaucoup des citadins d'icelle, & bruslerent partie de ladicte ville, qui a esté vn grand dommaige. Ledit seigneur de Bourbon estoit tousiours à la queue du camp dudit Empereur, où il en escarmouchoit aucuns nombres deldits ennemis, puis çà puis là, aucunesfois cinq cens, par fois huiet cens, trois cens, deux cens, somme qu'il en demoura grand quantité d'occis. Apres que ledit Empereur eut fait les choses dessusdites, il feit tant qu'il eschappa de ses gens, & feit mention que le Roy de Hongrie estoit trespaslé, & qu'il l'y en alloit hastiuement, & laissa ses gens entre deux & ars : lesquels se retirerent du depuis chez eux, ce non pourtant ampoigna durant ce temps ledit Empereur cinquante mille Angelois, que le Roy d'Angleterre auoit enuoyé de renfort, cuidãt que ledit Empereur fut desia possesseur de la Duché de Milan, dont il estoit bien loing. Enuiron ce temps auoit enuoyé le Roy par deuers ledit seigneur de Bourbon aucuns gentils-hommes de sa chambre, pour subuenir & ayder aux affaires precedens.

Comment le Roy partit de Lyon pour aller en pelerinage au saint Snaire de nostre seigneur. Et comment appointement & paix fut faicte entre luy & l'Archeduc Roy d'Espagne.

Enuiron ce temps que l'on disoit mille cinq cens & seize enuiron la Pentecouste, le Roy partit de Lyon accompagné de plusieurs gentils 1516. hômes, pour aller & faire vn vœu & voyage au saint Snaire de nostre Seigneur, lequel est à Chambéry, & estoit la deuotion du Roy d'aller à pied : parquoy le Roy partit de Lyon à pied, consequemment avec luy force gentils-hommes qu'il faisoit moult beau veoir car ils estoient fort gorgias d'accoustremens sans à plaisir & force plusmars, & tous à pied suivant le Roy : & fut le Roy en celle sorte à pied iusques audir Chambéry : auquel Chambéry se trouua le seigneur de Bourbon à grand ioye & consolation, lequel reuenoit du pays d'Italie. Et fut festoyé le Roy par plusieurs iours du Duc de Sauoye. De ce temps fut fait appointement aux Espaignols, & gës amassez au chasteau & ville de Bresse, lesquels s'en allerent leurs bagues sauues. Puis se transporterent dedans la ville & chasteau les Veniciens, ausquels appartenoit ledit Bresse

par appoinctement fait avec le feu Roy Loÿs douzielme & lesdits Veniciens . Vn peu deuant iceluy temps y eut quelque gens amassez, principalement aucuns Comtes d'Allemagne & Lansquenets : lesquels vindrent es parties de Lorraine, où ils feirent quelque tumulte de guerre pour occasion d'aucunes mines dependâtes d'iceluy paÿs de Lorraine : lesquels Lansquenets & autres vouloiēt vltirper, mais ce nonobstant les repulsa ledit seigneur de Lorraine, & ne fut pas grand chose. Et depuis sont venus lesdits Comtes d'Allemagne par deuers le Roy de France, lequel estoit à Tours : & les amena le seigneur de Florenge fils du capitaine de la Marche . Peu de tēps apres reuint le Roy du paÿs de Sauoye & Lyonnoys , & sen vint au paÿs de Tourraine . De ce temps mourut le Roy de Nauarre fils du seigneur d'Albrēt : lequel Roy de Nauarre estoit repulſé de sondit Royaume de par le Roy Ferdinand d'Arragon, comme i'ay descrit par cy deuant . Ensuuiant ce temps fut fait appoinctement entre le Roy de France, & l'Archeduc Roy d'Espaigne : & fut crieē & publiée la paix à Paris & autres villes du Royaume, moyennant que ledit Roy d'Espaigne prendroit à mariage madame Loÿse, fille vnique du Roy François premier de ce nom . Et y furent en ambassade le grand Maistre, l'Euesque de Paris, le president Oliuier & autres, & fut ledit appoinctement composé en la ville de Noyon, esquels estoient de grans seigneurs de Flandres, d'Espaigne & autres. Et du depuis fut enuoyé de par l'Archeduc Roy d'Espaigne le seigneur de Rauestain, par deuers le Roy de France. Et fut accompagné ledit seigneur de Rauestain de plusieurs grans seigneurs de Picardie & autres. Ensuuiant ce temps mesmes le samedy vi. iour du mois d'Octobre mille cinq cens & seize, arriua le Roy en sa bonne ville & cité de Paris, où il fut receu honnestement en la maniere accoustumée . Et lendemain au matin qui fut le dimanche ensuiuant, partir le Roy de Paris pour aller à S. Denys en France, à celle fin de remettre les corps Saints, qui par luy & à sa requeste, & pour le bien & vtilité de sondit Royaume, auoient esté descenduz en les remerciant humblement de la victoire, que par leur merite il auoit eüe & gaignée. Aussi que c'est la coustume ausdits Roys de France d'estre en personne pour remettre lesdits corps Saints.

Cy finist le tiers & dernier volume d'Enguerran de Monstrelet, Auecques les grandes Chroniques des Roys de France : des Papes regnans en leurs temps : & plusieurs autres nouuelles choses aduenues en Lombardie: & Itales & autres diuers païs, es temps du regne desdits Roys . Le tout fait & adionsté auecques la Chronique dudit de Monstrelet, acheué d'imprimer à Paris, par Iean le Blanc, l'an de grace mille cinq cens septante & vn .







TABLE DES CHOSES QVI SONT DIGNES
D'ESTRE REMARQUEES CONTENUES
en ces Chroniques d'Enguerran de Monstrelet: de
laquelle, A signifie la premiere pa-
ge, B la seconde.

ABOITION des poiges sur les riuieres
de Reine Saane, & autres riuies en iselles.
235. a.
Adolph de Cleues au seruice du Duc Philop-
pes contre les Gantois. 42. a.
Adouement de Luis xi. à la couronne de France. 182. a.
Adouement du Roy Charles viij. à la Couronne, & la
nouuerure de sa ieuue. 108. b.
Adouement du Roy Luis xi. à la Couronne de France, &
le sacre d'islay. 119. a.
Adouement du Roy François à la Couronne. 249. b.
Adouement de deux archers Picards contre les Gantois.
48. b.
Adouement perilleux à la Roynie d'Angleterre fille de la
maison d'Euon. 96. b.
Adouement d'un bourgoignen pendu par les Liegeois dont
la corde se rompit miraculeusement, par ce qu'il se fust
venü à sonü l'auques l'Esprit. 111. a.
Adouement d'unier adouement à Paris. 137. a. & b.
Adouement au Roy Luis xi. à la bataille de Stenlebery:
dont il fut recü au fuyper chez Charles de Stenleu
à Paris. 138. b.
Adouement perilleux au Roy Luis xi. à Alençon. 174. a.
Adouement merueilleux d'un gros canon à Paris. 199. b.
Adouement estrange de quelques soldats François se ba-
gnans au port de Genes. 217. a.
Adouement comme il fut puny par le Parlement de Paris.
150. b.
Adouement vengé sur le champ par le seigneur de Brez
contre sa femme Charlotte de France, fille bastarde de
Charles viij. & de la belle Agnes. 188. a.
Agnes la belle qu'on par quelle occasion elle entra en
la grace du Roy Charles viij. avec bous disours de la vie
mors & tres pas d'iselle. 15. a.
Albanus querelle la couronne d'Esse. 106. b.
Albret pour le Roy Charles viij. au siege de Dax en Gui-
ne. 35. b.
Albret & Tartas son fils au siege de Bayonne avec deux
cens lances & trois mille archiers leurs subiects. 138. b.
Albret à la conquête seconde de Guenne. 58. a.
Alexandre v. de nation Espagnol creü Pape. 214. a.
Alençon Duc arresté prisonnier par le commandement du
Roy Charles viij. pour cause d'intelligence avec les An-
glois. 67. b.
Alençon condamné de crime de lese maiesté par arrest du
Paris l'an 1458. 111. a.
Alençon tenu du Duché de Normandie. 173. a.
Alençon de rechef prisonnier. 177. a.
Alençon de rechef condamné à mourir. 177. a.
Alençon eslay de la prison du Loure. 186. a.
Alençon Capitaine Anglois pris à la bataille de Formi-
gny. 27. a.
Alliance perpetuelle des Allemans & François faite au
temps du Roy Charles viij. 2. a.

Alliance des Rois de France & Castille. 63. b.
Alliance des Rois de France & de Castille. 67. a.
Alliance du Roy Luis xi. avec les Liegeois pour guerroyer
le Duc de Bourgogne. 119. a.
Alliance de l'Empereur Sigismund & du Roy Luis xi. 179. a.
Alliance entre France & Castille publiée à Paris. 199. a.
Alliance du Roy Edouard & du Cote de Charles. 106. b.
Allais pour neant assaillir par les Gantois & avec leur per-
te. 50. b.
Ambassade de France pour reconcilier le Duc Philippe a-
vec les Gantois. 45. a.
Ambassade de Hongrie au Roy Charles viij. 72. b.
Ambassades des Princes de leuant vers le Roy de France,
pour le manoir à faire la guerre au Turc. 87. a.
Ambassade du Roy Luis xi. par le Duc de Bourgogne
pour se plaindre du Cote de Charles. C'est le com-
mencement de l'histoire de Philippe de Comines. 104. b.
Ambassade d'Arragon en France. 176. a.
Ambassade du Roy Luis xi. en Angleterre. 150. b.
Ambassade du Roy Luis xi. vers les Gantois. 152. b.
Ambassadeurs de Bourgogne à Paris, pour faire publier
ci enuers souverains dudit lieu le traité de Peronne. 16. b.
Ambassade d'Allemagne en France de laquelle eust
chef le Duc de Baviere. 176. a.
Ambassade du Roy de Castille born venue à Paris. 101. a.
Ambassade des Flamens vers le Roy Luis xi. pour traictier
du mariage de Charles son fils, & de Marguerite fille
de Maximilian. 105. a.
Ambasi Cardinal gouverneur à Milan. 231. a.
Ambrosin Grand-maître de Rhodes, ce qu'il fect en son
vniuers. 136. b.
Ami Duc de Scauoy eleu Pape par le Concile de Basle.
4. a.
Amende honorable de Gantois au Duc Philippe j. leur
seigneur pour la rebellion qu'ils auoient contre
loy ordre & cerimonie d'iselle amende. 54. b.
Ampoule d'auant de Rome portée au Roy Luis xi. estant
malade à Tournai. 108. a.
Anatomie d'un homme visif faite à Paris par permission
du Roy. 178. a.
Angloisisme Comte frere du Duc d'Orleans à la conquête
de Guenne. 37. a.
Anglois pas mis en la main du Roy. 177. a.
Anglois ramme les Anglois en Guenne. 41. a.
Anne d'Anglois vianant sans manger. 142. b.
Antoine baillard de Bourgogne au seruice du Duc Phi-
lippes contre les Gantois. 42. b.
Antoine & Randouyn baillards de Bourgogne au voya-
ge de Turquie. 101. b.
Antoine & Randouyn baillards de Bourgogne de re-
tour du voyage de Turquie sans auoir rien exploité pour
la mortalité qui se mist en leur compagne. 106. b.
Apenage second de Monseigneur Charles frere du Roy
Luis xi. 158. a. les autres apenages voy Normandie &

DE MONSTRELET.

Paris . 141. a.
 Rische l'un des commis de la pari des Princes pour com-
 parer leurs différens avec le Roy Lays xi. 145. b.
 Riciaysen au secours des François deuant Bayonne. 39. a.
 Ronce capitaine Hongre & ce qu'il fit sur les Turcs. 65. b.
 Manchefort gentil-homme Berryer occis au service de
 Charles vij. deuant J. Jancme le Viconte en Norman.
 & fort plaint. 19. a.
 Manville lieutenant du Roy Charles vij. au siege de Touc-
 ques. 17. a.
 Manville à la conquête de Norman. 12. b.
 Mat Senechal d'Auvergne fait capitaine de la bastille de
 Paris. 151. a.
 Mat gentil-homme Bourguignon porte la banniere du Comte
 de Charolais à la bataille de Montleberry. 115. b.
 Donnameture au rang des samitis, son corps esleu à Lyon &
 mis en chasie couruë d'argent aux despens de la Du-
 chesse de Bourbon. 117. b.
 Boscage fauori du Roy Lays xi. 106. a.
 Bordesville remette de l'obeyssance de Charles vij. & la cam-
 pte de ce. 55. a.
 Bousqueux au service du Duc Philippe contre les Gantois.
 42. b.
 Bordes à la conquête de Guienne. 36. a.
 Bordes delictueux de la capitainerie de la bastille de Paris.
 151. a.
 Boudat au service de Charles vij. à la seconde conquête
 de Guienne. 56. b.
 Bouchet general de France à la conquête de Guienne. 15. a.
 Bouchet tresorier general de France fait maire de Bayonne.
 39. b.
 Bouchet l'un de ceux qui furent commis par le Roy Lays
 xi. pour pacifier la guerre du bien public. 146. b.
 Baudy tue au service du Duc de Bourgogne contre les
 Gantois. 44. a.
 Boulenger President au Parlement de Paris l'un des depu-
 tez pour aller pardenours les Princes. 141. b.
 Boulenger fait premier President du Parlement de Paris.
 193. b.
 Bouffille Chevalier Lombard se presente en la place de greue
 à Paris, pour combattre à oultrance contre son aduer-
 saire qui y desfailit. 166. a.
 Bourbon en disgrace du Roy Lays xi. 103. b.
 Bourbon Duc compris au traité fait par le Roy Lays xi.
 avec les Princes affiez, pour le bien public. 111. a.
 Bourbons de la maison ainsie neveux du Duc Philippe de
 Bourgogne de par sa seur & comme il les pourraent &
 esleua. 195. b.
 Bourdillon & Chastillon gentils-hommes François tenez
 les iussies à Naples. 113. b.
 Bourga Comte de Valentinois en France pardenours le Roy
 Lays xij. 119. a.
 Bourgogne maison illustre son apuy & pillier de la cou-
 ronne de France. 103. b.
 Bourgogne reduite en la paisseance du Roy Lays xi. apres la
 mort du Duc Charles. 191. b.
 Bourgogne reduite en l'obeyssance du Roy par le gouver-
 neur de Champagne nommè Charles d'Amboise. 198. a.
 Bourgoyon capitaine au service du Duc Philippe contre
 les Gantois. 42. b.
 Bourgoyon Bailif de Montargis tue au siege de Henne-
 fleur. 16. a.
 Bouffat capitaine François au service de Char. vij. 18. b.

Bouffat à la prise de Bayonne. 39. b.
 Bou, chevalier couruy par les Gantois avec un Chartrien
 pour moyenner leur pacification avec le Duc Philippe
 leur Seigneur. 49. a.
 Brillac capitaine François à la bataille de Rapallo. 117. a.
 Bresse sacagee par le Duc de Nemours. 142. a.
 Brice Thibault de Paris renommé predicateur. 162. b.
 Bretagne tenu du Duc de Normandie. 112. a.
 Bretons font quelques ransages sur la ceste d'Angleterre.
 72. a.
 Brez Senechal de Poitou capitaine de cent hommes d'ar-
 mes du Roy Charles vij. 10. a.
 Brez grand Senechal de Normandie gouverneur de Rouen.
 33. a.
 Brez Comte de Montcurier avec Floques Bailly d'Euzeux
 courent la mer d'Angleterre y font quelque desleste
 pres de Sandwic & prennent d'assault un fort de terre &
 ladicte ville. 70. b.
 Brez seigneur de la Varenne au service de la Roynie de
 Angleterre & le donneur qu'il y fait. 95. b.
 Brez seigneur de Varenne Senechal de Normandie donne
 meisme aduis au Roy Lays xi. que tous les autres capiti-
 nes sur le fait de la bataille de Montleberry. 115. a.
 Brez chef de l'euesquerie du Roy à la bataille de Mon-
 leberry. 115. a.
 Brez Senechal de Normandie occis à la bataille de Mon-
 leberry. 116. a.
 Brez & outremer Varenne inhumé aux freres precheurs à
 Paris. 117. a.
 Breuquem capitaine du Palais de Rouen, emprisonné par
 son frere d'estre du party des Princes. 145. b.
 Bueil capitaine François commis à la garde de Cheloberg
 par le Roy Charles vij. 114. a.
 Bueil à la conquête de Normandie. 114. b.
 Bueil du Duc Philippe descript. 90. b.
 Bureau tresorier du Roy Charles vij. 10. a.
 Bureau tresorier de France maistre de l'artillerie du Roy
 Charles vij. & capitaine de mil cinq cens archiers. 51. a.
 Bureau à la conquête de Normandie. 114. b.
 Bureau à la conquête de Guienne. 55. a.
 Bureau & l'assard son frere maistres de l'artillerie à la se-
 conde conquête de Guienne. 57. a.
 Bureau fait Maire de Bordeaux pour recompense du ser-
 uice qu'il auoit fait à la conquête de Guienne. 16. b.
 Bureau tresorier de France fait chevalier au sacre du Roy
 Lays xi. 88. b.

C.

Cadet d'Albret decapité à Poitiers pour la trahison
 de l'illure. 173. b.
 Caen ville en Normandie & son chasteau amplement des-
 crit. 19. b.
 Calabre fils du Roy de Naples abandonne S. Germain qui
 estoit l'entrée du Royaume de Naples au Roy Char. vij.
 111. b.
 Calen seul demeuré en l'obeyssance des Anglois de la
 mer. 40. a.
 Calende capitaine Anglois priu à la bataille de Formigny.
 27. a.
 Cambrai en l'obeyssance du Roy Lays xi. 191. b.
 Cambrai prins sur le Roy par les Flamens. 100. b.
 Campobasse Comte Italien trahit le Duc de Bourgogne. 190. a.

TABLE DV III. VOLUME

<i>Carrus hoflard de Sambreffe Anglois amene renfort de gens & de vivres à Taillebot en Guienne.</i>	42.b.	<i>France.</i>	151.a.
<i>Capital de Buzi gentil-homme Gascon pour la part Angloise.</i>	37.b.	<i>Chevalier Tresorier de France l'un de ceux qui furent tenuz par le Roy Loyz xi. pour pacifier la guerre du bien public.</i>	141.b.
<i>Capitain Hengre & de ce qu'il fist sur les Turcs.</i>	65.b.	<i>Chimay Bailly de Hamonts ambassadeur du Duc Philippe pour contenter le Roy de ce que le Dauphin s'estoit retiré en Bourgogne.</i>	69.a.
<i>Capitainus Cordelier Hengre dans Belgrade assiégé des Turcs, & les sermens prierez qu'il fist à Dieu pour la delivrance du siege.</i>	68.a.	<i>Chimay ambassadeur du Duc Philippe vers le Roy Loyz xi. & les termes rigoureux qu'il eut du Roy qui fut cause de leur dissentiment.</i>	95.a.
<i>Carbonnel seigneur de Chereuses à la prinse de Sandouich en Angleterre.</i>	71.a.	<i>Choart lieutenant civil au Chastellet de Paris.</i>	141.b.
<i>Cardanne l'un des maistres d'hostel du Roy Charles viij. employé ambassadeur à Florence.</i>	215.b.	<i>Choart bonny de Paris.</i>	142.a.
<i>Cartier commun de Xacnon cueuxmen de fanlx & de penelat.</i>	34.a.	<i>Cholot puny du furet pour avoir sans occasion effrayé le peuple de Paris.</i>	140.a.
<i>Caillres l'un des capitaines du Roy Charles viij. à la bataille de Formigny.</i>	26.b.	<i>Clarence Duc Anglois fuisit en France.</i>	164.a.
<i>Caillres Comte à la conquesse de Normandie.</i>	32.b.	<i>Clarence Prince Anglois noyé en une pipe de maladesse par le commandement du Roy Edouart son frere.</i>	195.a.
<i>Caillres à la conquesse de Guienne.</i>	37.a.	<i>Cleze village pres Meaux & le chasteau de l'Eusque de Meaux y estant ruiné par le desbord de la riviere de Marne l'an 1460.</i>	134.a.
<i>Candlers & de sa fortune.</i>	179.b.	<i>Clerieux fait chevalier de l'ordre au sacre du Roy Loyz xiij.</i>	219.a.
<i>Cremusier qui servit ceux de Rouen à la reception de leur Duc Charles.</i>	149.a.	<i>Cleret Duc napuon & allié du Duc Philippe à son serment contre les Liguois.</i>	119.a.
<i>Crispyn Grefrier cunil au Parlement de Paris.</i>	116.a.	<i>Comatere de la Trinite à Paris quant on commença à enterer les pestiferez.</i>	152.a.
<i>Chabanne Grand-maistre d'hostel du Roy Charles viij. à la conquesse de Guienne.</i>	31.a.	<i>Coligny à la conquesse de Normandie.</i>	32.b.
<i>Chabanne au service de Charles viij. à la seconde conquesse de Guienne.</i>	56.b.	<i>Coligny en son nom Olivier Seneschal de Guienne à la conquesse d'iceluy pays.</i>	37.b.
<i>Chabanne Comte de Dammartin condamné de lese-majesté.</i>	97.b.	<i>Coligny Seneschal de Guienne prins en la ville de Bordeaux par les Anglois.</i>	41.b.
<i>Chabanne Comte de Dammartin eschape de la prison de la bastille de Paris, par un trou qu'il fist en la muraille.</i>	109.b.	<i>Cobem porteur l'ensogne du hoflard de Bourgogne contre les Liegeois.</i>	127.a.
<i>Chabanne Comte de Dammartin remis en la grace du Roy Loyz xi.</i>	150.a.	<i>Colombel bourgeois de Paris homme riche accusé Tjabeau de Cambraz sa femme d'adultere & venefice & le jugement de la court de Parlement sur ce.</i>	150.b.
<i>Chabanne Comte de Dammartin fait grand-maistre de France par Loyz xi.</i>	152.b.	<i>Commercy fils du seigneur de Commercy à la conquesse de Guienne.</i>	36.a.
<i>Chanceaux Grefrier en la court de Parlement à Paris priné de son estat pour avoir refusé de prester argens au Roy.</i>	139.a.	<i>Comete apparu l'an 1456.</i>	67.b.
<i>Cham capitaine pour le Roy Charles à Pontoise prend le chofel d'Aupin en Normandie sur les Anglois.</i>	14.a.	<i>Comete apparu l'an 1461.</i>	134.b.
<i>Charlemagne au rang des saints une faine pour solemniser sa memoire le xxvij. jour de Janvier.</i>	178.b.	<i>Comete espouvantable sur la ville de Paris.</i>	148.b.
<i>Charney Comte bourgeois prin apres la bataille de Montlebery.</i>	117.b.	<i>Comete au ciel fainant le Roy Loyz xi.</i>	155.b.
<i>Charolais à la bataille de Montlebery nauré au vi. age.</i>	116.a.	<i>Comete apparu à Cologne en Allemagne.</i>	195.b.
<i>Charolais se porte vaillamment à la bataille de Montlebery.</i>	116.a.	<i>Commissaires pour reformer l'estat de France tenus conseil au Palas de Paris.</i>	111.b.
<i>Charolais respond bravellement à l'Eusque de Paris.</i>	117.a.	<i>Compaign l'un des communs de la part des Princes pour composer leurs differens avec le Roy Loyz xi.</i>	145.b.
<i>Cherrier Eusque de Paris fait faire une procession de porter enfans pour remercier Dieu de la victoire de Formigny.</i>	27.b.	<i>Compositon d'entre le hoflard de Bourgogne & Brederode pour l'Archevêque de Trebis.</i>	67.a.
<i>Cherrier Eusque de Paris en ambassade vers le comte de Charolais & la response qu'il eut.</i>	117.a.	<i>Comte Barin Romain requiert le serment qu'il avoit fait de tenir le party du Roy Charles viij. adant à Naples qui fut occasion de ce que son chasteau de Montfortin & ses enfans y furent prins par les François.</i>	221.a.
<i>Cherrier Eusque de Paris eut plusieurs honnestes & saiges propos au Roy Loyz xi. estant à Paris au temps de la guerre du bien public.</i>	139.a.	<i>Comte l'un des gentils-hommes qui se tramerent à un sinner avec le Roy, chez le seigneur d'Armenanville à Paris.</i>	141.a.
<i>Chasteaux seigneur du Lau prisonnier par le commandement de Charles viij.</i>	150.b.	<i>Concile universel tenu à Basse du regne de Charles viij. le fisisse qui en adont & le desair en quoy se metit le Roy pour le pacifier.</i>	4.a.
<i>Chasteaux edifizé à Bordeaux l'an 1454. pour affermer la ville en l'obissance du Roy Charles viij. à la diligence de Bureau & Bousier tresoriers de France.</i>	65.b.	<i>Concile national indit par le Roy Loyz xi.</i>	186.a.
<i>Chastillon frere de Labaux maistre des coines & forets de</i>		<i>Concile national tenu à Orleans lequel se departit sans rien conclure.</i>	199.a.
		<i>Cofederatiō des Princes de France eūtre le Roy Loyz xi. 103.b</i>	

- Caribon capitaine de gens d'armes du temps de Lays xi.
 155. a.
 Contrain gentil-homme Picard capitaine de gens d'armes
 au service de Lays xi.
 105. a.
 Conseillers pris du Parlement de l'université & maison
 de ville de Paris pour assister au prince conseil du Roy
 Lays xi. estant appresté de la guerre du bien public. 139. a.
 Confrain attaché d'avoir voulu emprisonner le Duc Phi-
 lippe de Bourgogne & son filz.
 94. a.
 Confrain au supplice.
 94. b.
 Corbie conseiller au Parlement de Paris amy du Roy Lays
 xi. & par luy fait premier President de Dauphiné.
 135. a.
 Cornets au service du Duc Philippe contre les Gantois.
 40. b.
 Cornille bastard de Bourgogne au service du Duc Philip-
 pe contre les Gantois.
 42. a.
 Courcelles Docteur en Théologie frere Erasme fructeur de
 Charles vij.
 93. b.
 Courcelles Docteur de Paris l'un des deputez pour aller par-
 douter les Princes.
 141. b.
 Coint l'un des capitaines qui descendirent la ville de Beau-
 nai contre les Bourgongnois.
 170. b.
 Couren capitaine François au service du Roy Charles vij.
 12. d.
 Courtes & bruslemens faits au territoire de Gand par les
 Gantois & Bourgongnois en guerre civile.
 47. b.
 Courtes de Gantois nuisibles à Engleyn & Tournay.
 50. a.
 Courtes d'Engleyn sur le Boulouais.
 79. a.
 Courtois capitaine Anglois assiéger dans Honnestour.
 26. a.
 Couvroux extreme du Duc Philippe contre le Comte son
 filz & les occasions de ce.
 107. a.
 Courtes prelatrice du Roy au pays d'Artois decapité à
 Tournay.
 199. b.
 Coust de France en la court de Bourgogne & l'ordre des
 escheques Anglois au Roy Charles vij.
 88. b.
 Cousin bourgeois de Paris pend les meurtriers de son filz es-
 tant en ce faisant exccuteur de justice en sa propre cause.
 124. b.
 Constat commis pour examiner le Cardinal Balue prison-
 nier.
 162. b.
 Cusilliers du temps de Charles vij.
 129. a.
 Couteleur capitaine des Gantois homme gros & pesant leur
 primes mercuriales & eux à lay.
 45. a.
 Couteleur desconfit & pen par le bastard de Bourgogne.
 45. b.
 Couran l'un des capitaines du Roy Charles vij. à la ba-
 taille de Formigny.
 26. b.
 Couran à la conquête de Normandie.
 32. b.
 Craen l'un des gentils-hommes qui se trouverent à un
 supper avec le Roy elze le seigneur d'Armenonville à
 Paris.
 141. a.
 Craus fait grand-maître de France par Lays xi.
 150. a.
 Craus lieutenant du Roy Lays xi. au secours de Lorraine.
 174. b.
 Crespi porteur d'ordre du Duc Philippe au Roy d'Arregon.
 87. a.
 Crespin & Crespinian Saints & Martires desquels les
 basses furent apportées de Seigns à Paris pour faire
 essier le pestier par leur intercession.
 152. a.
 Creuencour au service du Duc Philippe contre les Gan-
 tois.
 42. b.
 Creuencour l'un des gentils-hommes qui se trouverent à
 un supper avec le Roy elze le seigneur d'Armenon-
 ville à Paris.
 141. a.
 Croi au service du Duc de Bourgogne Philippe contre les
 Gantois.
 42. a.
 Croi en Luxembourg contre les Allemands & se gnil y
 explailla.
 54. b.
 Croi fait grand-maître de France par Lays xi.
 97. a.
 Croi & ses freres chassés de court de Bourgogne.
 106. b.
 Crouteux l'un des gens du Duc Philippe & les Gan-
 tois.
 47. b.
 Crusil au Crusil familial du Roy Lays xi. arresté prison-
 nier par le Duc de Bourbon à Cosne.
 136. a.
 Crusil pour le Roy dans Brannau assiéger par les Bourgong-
 nois.
 170. a.
 Cueur argentier & conseiller du Roy l'un des promoteurs
 & munitionnaires à la conquête de Normandie.
 33. a.
 Cueur prins prisonnier & les causes pourquoi.
 40. b.
 Cuene condamné de peccat sansfais & avoir porté des ar-
 mes aux Turcs & vendra un chrestien.
 62. b.
 Culant grand-maître de France.
 10. b.
 Culant grand-maître d'ordonnance du Roy Charles vij. à la
 conquête de Normandie.
 32. b.
 Cramagen à la conquête de Normandie.
 32. b.
 Cyboz téné au service du Duc de Bourgogne contre les
 Gantois.
 44. a.

D.

D'adie capitaine François au service de Charles vij.
 28. b.

Dain & Depas sauerz du Roy Lays xi. punis apres la
 mort d'Arday.
 109. b.

Dammartin Comte emprins au traité fait par le Roy
 Lays xi. avec les Princes assés pour le bien public.
 112. a.

Dauphin saisi par le Roy Charles vij. pour la desobéissan-
 ce du Dauphin son filz.
 65. b.

Dauphin fuist de France en court de Bourgogne.
 68. b.

Damiel bastard de Bourgogne Eusque de Tournement fait
 Eusque du Trevis à l'ayde du Duc Philippe son pere.
 64. b.

Danout premier president à Paris.
 148. a.

Deffaite d'Anglais assés de Fougieres par les Bretons.
 10. a.

Deffaite d'Anglais en Hesce.
 11. b.

Deffaite de Salomon capitaine Anglois par les gens du
 Comte de Foix.
 25. b.

Deffaite d'Anglais & Bourdelon en Medoc par Oradels
 du seigneur d'Albret.
 34. a.

Deffaite de Gantois.
 42. a.

Deffaite de trois mille Gantois devant Audenarde par
 les Picards estans au service du Duc Philippe.
 42. b.

Deffaite de Gantois au pays de Fvau par les gens du Duc
 Philippe.
 43. b.

Deffaite de Gantois à Niemeu.
 44. a.

Deffaite de Gantois pres Huille.
 45. b.

Deffaite de Gantois par Jean de Cui seigneur de Chimay.
 51. a.

Deffaite de Liegeois par les Bourgongnois.
 111. b.

Deffaite de Flamens en val de Cassel.
 144. a.

Deffaite d'Anverrou remons le party de Bourgogne.
 170. a.

Deffaite de Bourgongnois en Allemagne.
 178. b.

TABLE DV III. VOLUME

Deffaitte de Bourguignons par les gens du Duc de Bour-
 gogne & les noms des gentils-hommes qui y furent pris.
 180.b.
 Deffaitte de Bourguignons devant Arras par l'Amiral
 de France. 180.b.
 Deffaitte de Bourguignons par le seigneur de Craon. 193.a.
 Deffaitte du Duc de Gueldres par le Duc de Touraine. 193.b.
 Deffaitte du Roy d'Angleterre au Roy de France. 177.b.
 Deprecation du Duc Philippe au Roy Charles pour le
 Duc d'Alençon prisonnier pour crime de lèse-majesté.
 78.a.
 Deffaitte de Charles vij. sur la conquête de Normandie.
 33.a.
 Deffaitte de l'ambassadeur du Roy Charles
 vij. au Castille. 63.b.
 Deffaitte des Generaux des menues. 185.b.
 Deffaitte entre le Duc Philippe & le Comte S. Pol. 72.a.
 Deffaitte entre le Roy Lays xi. & le Duc Philippe. 103.a.
 Deffaitte entre le Roy Lays vij. le Duc de Savoie. 235.a.
 Digne que les Gentils-volent rompre pour nager le pais
 de France. 44.a.
 Dinandou obligez à leur grand dommage. 128.a.
 Dinde tué au service du Duc de Bourgogne entre les Gen-
 tilz. 44.a.
 Discipline militaire du Roy Charles vij. en sa conquête de
 Normandie. 32.a.
 Distinction d'entre le Roy Charles vij. & le Dauphin son
 fils. 65.b.
 Distinction entre le Duc Philippe & le Comte de Char-
 lois son fils à l'occasion de ceux de la maison de Crau.
 69.b.
 Distinction du Roy de Castille & du Comte de Feix paci-
 ficé par Lays xi. 97.a.
 Distinction entre le Duc Philippe & le Comte de Char-
 lois son fils pour raison de ceux Crau cōpés par les eslatz
 pais-bas. 93.a.
 Distinction entre le Roy de France le Duc Philippe & son
 fils qui fut commencement de la guerre du bien public.
 104.b.
 Dîmes ne sont deues aux curiez sur les terres des curiez
 d'entremer. 85.a.
 Dile saccagé par les François. 100.b.
 Dinard au service du Duc Philippe. 51.a.
 Dinglos & Ormou comtes d'Escluse se portent vaillam-
 ment à la deffence de leur pais. 11.b.
 Dormant l'un des gentils-hommes qui se trouverent à un
 soupper avec le Roy chez le seigneur d'Armenouville à
 Paris. 141.a.
 Doyat & Dain seigneur du sen Roy Lays xi. p. 109.b.
 Doyner affecté à Leche pour la translation de Leire. 172.b.
 Drake capitaine Anglois pris à la bataille de Formigny.
 17.a.
 Duc pour plaisir fait en court d'Angleterre entre le ba-
 rde de Bourgogne & le seigneur d'Escluse Anglois.
 130.b.
 Dunois redonné lieutenant general du Roy Charles vij. &
 guerres de Normandie & Guienne. 10.b. & 32.b.
 Dunois chef des commissaires reformateurs de l'estat de
 France. 151.b.
 Dunois Comte comprins au traité fait par le Roy Lays xi.
 avec les Princes allies pour le bien public. 121.a.
 Dure l'un des gentils-hommes qui se trouverent à un

soupper avec le Roy chez le seigneur d'Armenouville à
 Paris. 141.a.

E.

Edelin Docteur en Theologie condamné de magie &
 sorceries. 67.a.
 Edouard notable du Roy Lays xi. sur le fait de la grand-ma-
 rin. 171.b.
 Edouard refuse son alliance au Roy Lays xi. 106.b.
 Edouard chassé du royaume d'Angleterre. 165.b.
 Edouard recouvre le royaume d'Angleterre. 167.a.
 Embralement d'Escluse fait par le Duc de Bourgogne sur
 les Gantois. 48.a.
 Embralement aduenné à Dordrecht en Hollande. 72.a.
 Embralement miraculeux au village de l'echy pres cam-
 bray. 86.b.
 Embralement de la ville d'Encre. 91.a.
 Embralement de la ville d'Ardes par beutefeu. 119.b.
 Embralement de l'Eglise de Escluse en Normandie.
 134.a.
 Embralement de la maison Ducale de Dijon. 235.a.
 Embralement d'une maison au champ-gaillard à Paris,
 durant la guerre du bien public, qui s'appelle le Roy
 Lays xi. 146.b.
 Embralement du Pont aux Menfieurs à Paris. 158.b.
 Embralement de l'Eglise de nostre Dame de clery. 169.a.
 Embralement du clerc de S. Genesius de Paris. 207.b.
 Embuscade vaine des Gantois pour surprendre la Duches-
 se de Bourgogne allant à Bruges. 49.b.
 Englemonstier ars par les Gantois. 49.b.
 Enguhen en Hainault faulx sur le comte de S. Pol par au-
 thorité du Duc Philippe & les occasions de ce. 72.b.
 Em poisonnement machiné contre le Roy Lays xi. 171.a.
 Emprunts faits à Paris par le Roy Lays xi. les refusaient de
 prêter pruz, de leurs offices. 139.a.
 Emprunt d'argent fait par le Duc de Bourgogne aux Pe-
 niciens. 174.b.
 Emprunts que voulait faire le Duc de Bourgogne, sur
 ses subiects pour continuer la guerre contre les Suisses
 & le refus qui lay fut fait. 187.b.
 Entrée du Roy Charles vij. à Rouen & les pompes des sei-
 gneurs qui l'accompagnoient. 21.b.
 Entrée pompeuse des François en Bordeaux après la redon-
 nation du lieu en l'obissance du Roy Charles vij. 37.a.
 Entrée du Duc Philippe en Gand la premiere qu'il y eut
 après les guerres qu'il eut contre les Gantois, pompes &
 magnificences qui y furent faites. 74.b.
 Entrée pompeuse du Roy Lays xi. en Paris sacée le dernier
 jour d'Aoust l'an 1461. 89.a.
 Entrée du Roy Lays xi. en Arras la cité & ce qu'il y fit.
 101.a.
 Entrée du Duc Charles de Berry frere de Lays xi. à Rouen
 pour s'empareur du Duché de Normandie suivant le
 traité de Compiègne. 124.b.
 Entrée de la Reine femme du Roy Lays xi. en la ville de
 Paris par la ruere de Seine vers le serraen de nostre Dame
 les honneurs & magnificences qui y furent faites.
 154.a.
 Entrée d'un Prince de Piémont fils du Duc de Savoie à
 Paris & les honneurs qui lay furent faits. 159.a.
 Entrée de la Reine d'Angleterre & du Prince de Galles à
 Paris & les honneurs qui leur furent faits par le com-

DE MONSTRELET.

mandement du Roy Loys xi.	165.b.	F.
Entrée du Roy de Portugal à Paris.	188.b.	
Entrée de Marguerite de Flandres à Paris, les honneurs qui lui furent faits.	207.a.	F Afflicteurs du sang du Roy pour & de quelle sorte.
Entrée du Roy Char. viij. à Paris.	209.b.	193.a.
Entrée de la Reine Anne à Paris.	213.a.	Fai capitaine Bourgignon dedans Roye.
Entrée du Roy Charles viij. à Tatin & les honneurs qui lui furent faits.	216.a.	Perrand bastard d'Alphonse Roy de Naples approbende la succession de son pere contre la violence du Pape Calixte qui lui en fist la guerre.
Entrée du Roy Char. viij. à Casal de Montferrat.	217.b.	75.a.
Entrée du Roy Charles viij. en France & autres lieux de Lombardie.	218.a.	Fertel bourgeois de Paris maistre des requestes extraordinaires du Roy Loys xi.
Entrée du Roy Char. viij. à Lucques, Pise & Florence, Senne, Piterbe & autres villes.	219.a.	Fellins fait à la court de Bourgogne avec mascarades & tournoi.
Entrée du Roy Char. viij. en la ville de Remme.	220.a.	Fellins magnifiques faits à Tours aux fiançailles de Margarete fille de Charles viij. avec le Roy de Hongrie.
Entrée du Roy Char. viij. à Naples.	222.a.	Foygements faits au Dauphin Loys de Flandres & ystant fust.
Entrée seconde du Roy Char. viij. à Naples comme Roy pasteur du lion.	224.a.	171.b.
Entreue des Royz de France & d'Angleterre à Picquigny.	281.b.	Pestins entre-mets & autres magnificences faites aux fiançailles de la fille du Roy Charles & du Roy de Hongrie.
Esgales Anglois combat en Duch contre le bastard de Bourgogne.	320.b.	73.a.
Esgarmaches bien meslées des Parisiens & Bourgignons.	333.b.	Pestins aux chevaliers de la toison d'or fait par le Duc Philippe.
Esgarmaches deuant Paris.	341.a.	86.b.
Esgle houlle les Gantois.	48.a.	Foygements & esbats que fist le Roy Loys xi. au Comte de Charolais qui le vint veue à Tour au commencement de son regne.
Esgle en guerre contre les Anglois.	106.b.	91.b.
Esgle d'or vallant xxvij. m. den. par an. l'an 1466.	144.a.	Foygements de ceuz de Bruges pour la consulescence du Duc Philippe.
Esgle capitaine Gelson pour la part Angloise.	36.b.	96.b.
Esgle seigneur de Thionne maistre d'hostel du Duc de Bretagne fait maistre des caues & forests de France.	176.a.	Pierres en son mon Thibault de Luxembourg frere du Comte de S. Pol se rend mayne de Citeaux.
Esgle de Messien panetier du Roy Eslen de Paris & Prevost des marchans parvenit sagement à la garde de Paris lors que le Duc de Bourgogne estoit deuant Beauvais.	170.a.	69.a.
Esgle cousin germain du Duc de Bourgogne capitaine general contre les Gantois.	42.a.	Flauz navié en Assisime par les gens de Pierre de Luxembourg.
Esgle neveu du Duc de Bretagne à la seconde conquête de Guenne.	56.b.	38.a.
Esgle comte pretendu par leon de Bretagne & leon de Bourgogne son neveu Comte l'un & l'autre.	79.a.	101.b.
Esgle nomme leon de Bourgogne cousin du Duc Philippe banny de sa court pour mayne.	97.a.	Flauz occu par sa femme.
Esgle comte à Tours sur le différend d'entre le Roy Loys xi. & Charles son frere.	118.a.	Flauz ou Flauz bastid d'Enteux capitaine François au service du Roy Charles.
Esgle general de Normandie noyé par le commandement du Roy Loys xi. pour avoir suivy le party du Duc de Berry frere du Roy.	124.b.	31.a.
Esgle comte de Besançon frere d'entre le Roy Loys xi. & Charles son frere.	148.a.	Flauz autrement Floquet Bailly d'Eureux à la prise de Landauich en Angleterre.
Esgle general de Normandie noyé par le commandement du Roy Loys xi. pour avoir suivy le party du Duc de Berry frere du Roy.	124.b.	71.a.
Esgle comte de Besançon frere d'entre le Roy Loys xi. & Charles son frere.	148.a.	Floquet l'un des capitaines pour le Roy à la bataille de Montlebery.
Esgle comte de Besançon frere d'entre le Roy Loys xi. & Charles son frere.	148.a.	111.a.
Esgle comte de Besançon frere d'entre le Roy Loys xi. & Charles son frere.	148.a.	Floquet occu à la bataille de Montlebery.
Esgle comte de Besançon frere d'entre le Roy Loys xi. & Charles son frere.	148.a.	116.a.
Esgle comte de Besançon frere d'entre le Roy Loys xi. & Charles son frere.	148.a.	Florence & des seditions contre la maison de Medici.
Esgle comte de Besançon frere d'entre le Roy Loys xi. & Charles son frere.	148.a.	194.b.
Esgle comte de Besançon frere d'entre le Roy Loys xi. & Charles son frere.	148.a.	Fais Comte pour le Roy Charles viij. au siege de Dax en Guenne.
Esgle comte de Besançon frere d'entre le Roy Loys xi. & Charles son frere.	148.a.	35.b.
Esgle comte de Besançon frere d'entre le Roy Loys xi. & Charles son frere.	148.a.	Fais Comte lieutenant du Roy Charles viij. à la prise de Bayonne.
Esgle comte de Besançon frere d'entre le Roy Loys xi. & Charles son frere.	148.a.	38.b.
Esgle comte de Besançon frere d'entre le Roy Loys xi. & Charles son frere.	148.a.	Fais à la seconde conquête de Guenne.
Esgle comte de Besançon frere d'entre le Roy Loys xi. & Charles son frere.	148.a.	58.a.
Esgle comte de Besançon frere d'entre le Roy Loys xi. & Charles son frere.	148.a.	Fais Comte amoureux d'une dame de Paris nomme Eslien nete de Besançon & ce qui il en fit.
Esgle comte de Besançon frere d'entre le Roy Loys xi. & Charles son frere.	148.a.	167.a.
Esgle comte de Besançon frere d'entre le Roy Loys xi. & Charles son frere.	148.a.	Ponteville esjoy d'esjoyes au service du Roy Char. viij.
Esgle comte de Besançon frere d'entre le Roy Loys xi. & Charles son frere.	148.a.	22.a.
Esgle comte de Besançon frere d'entre le Roy Loys xi. & Charles son frere.	148.a.	Fontenelles à la conquête de Guenne.
Esgle comte de Besançon frere d'entre le Roy Loys xi. & Charles son frere.	148.a.	38.a.
Esgle comte de Besançon frere d'entre le Roy Loys xi. & Charles son frere.	148.a.	Pont d'artillerie ordonné par le Roy Loys xi. en divers lieux de son royaume.
Esgle comte de Besançon frere d'entre le Roy Loys xi. & Charles son frere.	148.a.	39.b.
Esgle comte de Besançon frere d'entre le Roy Loys xi. & Charles son frere.	148.a.	Forcier bastard pris deuant Rouen par les Anglois.
Esgle comte de Besançon frere d'entre le Roy Loys xi. & Charles son frere.	148.a.	18.a.
Esgle comte de Besançon frere d'entre le Roy Loys xi. & Charles son frere.	148.a.	Forcier lieutenant de l'archevêque de Rouen trahit par son frere aux Princes pour le bien public.
Esgle comte de Besançon frere d'entre le Roy Loys xi. & Charles son frere.	148.a.	147.a.
Esgle comte de Besançon frere d'entre le Roy Loys xi. & Charles son frere.	148.a.	Forcier & Montigny voy Montigny.
Esgle comte de Besançon frere d'entre le Roy Loys xi. & Charles son frere.	148.a.	32.b.
Esgle comte de Besançon frere d'entre le Roy Loys xi. & Charles son frere.	148.a.	Forsier capitaine Bourgignon.
Esgle comte de Besançon frere d'entre le Roy Loys xi. & Charles son frere.	148.a.	32.b.
Esgle comte de Besançon frere d'entre le Roy Loys xi. & Charles son frere.	148.a.	Foudre tombée sur le Pape Alexandre sans le tuer.
Esgle comte de Besançon frere d'entre le Roy Loys xi. & Charles son frere.	148.a.	33.b.
Esgle comte de Besançon frere d'entre le Roy Loys xi. & Charles son frere.	148.a.	Fournier conseiller au Parlement de Paris l'un des députés pour aller par deniers les Princes.
Esgle comte de Besançon frere d'entre le Roy Loys xi. & Charles son frere.	148.a.	147.b.
Esgle comte de Besançon frere d'entre le Roy Loys xi. & Charles son frere.	148.a.	Forcier archer & de leur premiere institution.
Esgle comte de Besançon frere d'entre le Roy Loys xi. & Charles son frere.	148.a.	6.b.
Esgle comte de Besançon frere d'entre le Roy Loys xi. & Charles son frere.	148.a.	Franc archer du temps de Char. viij.
Esgle comte de Besançon frere d'entre le Roy Loys xi. & Charles son frere.	148.a.	29.a.
Esgle comte de Besançon frere d'entre le Roy Loys xi. & Charles son frere.	148.a.	Francz à la seconde conquête de Guenne.
Esgle comte de Besançon frere d'entre le Roy Loys xi. & Charles son frere.	148.a.	6.b.

TABLE DV III. VOLUME

Frederic Duc d'Autriche couronné Empereur à Rome & marié à la fille du Roy de Portugal par le Pape Nicolas.
40.a.
Promises capitaine Bourgongne à la surprise de Peronne & du Comte de S. Pol.
121.a.
Promesses esuyer Picard occis par infidélité à un tournoement fait à Bruges.
98.b.
Fraisat fort chasteau chambre royale la clef de Guineus.
36.a.

G.

Gabelle de sel que le Duc Philippe de Bourgogne voulut imposer sur les Flamens dont vint l'occasion de la venue des Gens.
34.b.
Gabelle de sel abolie puis remise sur par le Comte de Charolais aux pays deçà & là.
116.b.
Gabelles & aides diminuées à Paris par le Roy Lays xi. se voyant oppressé de la guerre du bien public.
139.b.
Ganeus en guerre contre le Duc Philippe leur Seigneur.
40.b.
Gaucourt vint chevalier François.
17.b.
Gaucourt l'un des prouvoiers & munitionnaires du Roy Charles vi. à la conquête de Normandie.
33.a.
Gauchecque au service du Duc Philippe contre les Liegeois.
121.b.
Gecpe chasteau de plaisance en Brabant où sejournoit le Dauphin Lays pendant sa suite.
69.a.
Gencous se donnent au Roy Charles vi. puis le renouvellent.
3.b.
Gemeau chasteau de leur venue par le Roy Lays xi. & leur Duc Paule Noyes devint.
239.b.
Gens & S. Pol advenez à comparoir en personnes pour fait de sedition.
98.b.
Gessirey de S. Belin à la conquête de Guineus.
35.a.
Gilles de Bretagne frere du Duc de Bretagne emprisné & fait mourir par le commandement du Duc son frere parce qu'il avoit pris le party des Anglois.
3.b.
Gyl au voyage de Naples avec le Roy Char. viij.
210.a.
Gusfier emprisné pour magre.
66.b.
Gusnel capitaine Anglois d'alen Chierbourg assiéger par les François rend la place par composition.
32.a.
Gournay en Normandie donné par le Roy au Comte Lays de S. Pol.
14.b.
Gouvernement de Normandie donné par le Roy Lays xi. au Comte de Charolais avec 36. mille livres de pension.
97.b.
Gouvernement de Languedoc oïé au Comte de Maine par le Roy Lays xi.
151.a.
Gratien capitaine d'Espaignois pour le Roy Charles vi. au siège de Dax en Guineus.
35.b.
Gratien demeure à la garde de Bayonne.
39.b.
Gratys à la conquête de Guineus.
36.a.
Grandmont ville en Flandres pres de Gand.
42.a.
Grassy gentil-homme François à la bataille de Moullebery prout vint son frere le Comte de Charolais mais il fut vaincu.
133.a.
Grimeux à la conquête de Guineus.
36.a.
Gron capitaine de gens d'armes au service de Lays xi.
197.a.
Grutere ou Grutuse emprisné en Estosse par le Duc Philippe pour empêcher le mariage du Prince de Galles & de la fille d'Escois son aïeul-magre pour sa hayne qu'il portoit à la maison d'Arjois dont estoit le Prince de Galles de par sa mere.
86.a.

Grutuse fait chevalier de l'ordre de la toison d'or.
87.a.
Grutuse au service du Duc Philippe contre les Liegeois.
121.b.
Grutere fait chevalier de l'ordre de France au sacre du Roy Lays xi.
219.a.
Galles fils du Roy Henry d'Angleterre est en court de France demandant secours au Roy Lays xi.
164.b.
Gualdres Duc ingrat avec les Frisins machine une surprise contre le Duc Philippe de Bourg. laquelle fut découverte par sa femme qui se vint retirer avec son fils aîné Philippe son oncle.
67.b.
Gualdres Duc neveu & allié du Duc Philippe à son secours contre les Liegeois.
119.a.
Gualdres pass assailli par le Duc de Bourgogne.
174.a.
Guertin le Gros pour le Roy dans Beaumont assiéger par les Bourgongnes.
170.a.
Guerrons natif de Lusignan en Poitou rendu pour essien à Paris lors de la guerre du bien public.
139.b.
Guineus baillie en aprouage à Char. frere du Roy Lays xi.
162.b.
Guillaume de Poitrou capitaine Anglois rend S. Lo en Normandie aux François.
16.a.
Gusfarnier du temps de Char. vi.
29.a.
Gusnes Comte donnée par le Roy Lays xi. au seigneur de Crou.
97.a.
Gusnes Comte cédé au Comte de Charolais par Lays xi.
122.a.

H.

Habillemens de pourpre usitez aux Rois de France incontinent que leur predecesseur est decédé.
88.b.
Habillemens d'hommes & femmes de quelle façon ils estoient l'an 1467.
130.b.
Hames au service du Duc Philippe.
51.a.
Hames Bourgongne occis à la bataille de Moullebery.
116.a.
Hanton & Paris Anglois desfaits avec leurs troupes en Estosse.
11.b.
Haplencourt capitaine Bourgongne abandonné le Comte de Charolais à la bataille de Moullebery.
116.a.
Harby prisonnier pour emprisnement qu'il avoit conféré contre le Roy.
173.a.
Harby esiercé par arrest de Parlement.
173.b.
Harduin tresorier de France l'un des prouvoiers & munitionnaires du Roy Charles vi. à la conquête de Normandie.
33.a.
Harcourt Comte Normant au conseil de Charles frere du Roy Lays xi.
124.b.
Harengue du Roy Lays aux états de Picardie.
104.a.
Harengue pour le peuple de Milan au Cardinal d'Amboise lieutenant du Roy.
231.a.
Harengue du Comte de Charolais resposne à celle des ambassadeurs de France.
105.a.
Harley chevalier du port à Paris.
186.a.
Haste advocat en Parlement l'un des deputés pour aller parler aux Princes ennemis pour le bien public.
141.b.
Haste banny de Paris.
142.a.
Haste advocat du Roy en Parlement de Paris vint le Duc de Bourbon en la personne de ses officiers à la faveur de Doyat.
202.a.
Hatre courtois grandement tué au service du Duc Philippe contre les Gens.
42.b.
Hamard grand esuyer d'Angleterre.
182.a.

DE MONSTRELET.

Fleuras Abbe priu prisonnier par commandement du Comte de Charolais par ce quil estoit de plus prunier serment du seigneur de Crai. 110. a.
 Haults Bourdon heffard de s. Pol priné de la capitainerie de Mortaigne par Loy. 20. 98. a.
 Helyne de la maison de Bourgenque & d'Anjou. 86. a.
 Hebert ambassade pour le Roy Loy. 21. vers les Gantois. 32. b.
 Helien frere du Duc Philippez oule Roy Loy. 21. alla visir. 97. b.
 Henry Roy d'Angleterre: priu par le Roy Edouard mené à Londres & exposé en derision du peuple. 110. b.
 Henry refusié au Royaume d'Angleterre. 65. b.
 Henry Roy d'Angleterre iugé vers le Roy Char. viij. qui l'auait esléu à la couronne. 211. a.
 Hierusalem capitaine François au serue de Charles v. 30. a.
 Hierfien Bailif de Cain Angluis. 30. a.
 Hierriual au serue du Duc de Bourgenque contre les Gantois. 44. a.
 Hiermafrule en Auvergne & se qui en admini. 139. a.
 Hiermate à la conqueste de Guerne. 36. a.
 Hiesfien & Paillart bourgeois de Paris contray pour former leux d'Auxerre. 106. a.
 Hieronyme de Ferrare predis le voyage du Roy Char. viij. à Naples. 214. a.
 Hieronymi sermerais magistrats esleuz par les Gantois estans en guerre contre le Duc Philippe leur seigneur. 40. b.
 Hieronymi despituez par les Gantois pour auoir mal fait leurs serueurs desans Anderarde. 43. a.
 Hiermage fait au Roy Charles des Destré de Bretagne & Comte de Montifort par le Duc François. 3. a.
 Hiermage fait au Roy Char. viij. de la Duché de Bretagne & Comte de Montifort par le Duc Pierre. 34. a.
 Hiermage que fist le Duc Philippe de ses terres de Bourgenque & d'Arion au Roy Loy. 22. 87. a.
 Hiermage du Duché de Normandie fait au Roy Loy. 21. par le Duc Charles son frere. 123. b.
 Hiermage & obliances que firent les Barons de Naples au Roy Charles viij. 213. a.
 Hiermes d'armes d'ordonnances de France instreuz par le Roy Char. viij. & leur regle & discipline. 2. a.
 Hiermes d'armes des ordonnances du Roy Char. viij. leur regle & equipe. 87. b.
 Hiermet en guerre contre les Turcs l'an 1466. 66. a.
 Hierne Comte au secours du Duc Philippez contre les Liégeois. 119. a.
 Hierri de la Misse sauir entre les mains d'un prestre à Paris & se qui en aduint du temps de Loy. 21. 235. b.
 Hierre se porta vaillamment contre les Gantois au serue du Duc de Bourgenque. 43. b.
 Hierre prisonnier & coupe la langue de peur qu'elle seüll cause de sa mort. 161. b.
 Hierre capitaine Anglois deuant François & par quelle occasin. 11. a.
 Hierre se pirame Anglois à la feld des Gantois les induit par trahison à s'irer aux champs avec toute leur puissance pour donner bataille au Duc Philippe leur seigneur en Lagnoy des lieux desconfits. 12. a.
 Hierre des vagues haine d'armes du seigneur de la Berde aduener le Roy de l'entreprinse des Primes sur Manté. Rouen. 145. a.
 Hierre à la seconde conqueste de Guene. 57. a.
 Hierre occis à la bataille de Montlebery. 116. a.
 Hierre merueilleux l'an 1457. 74. a.
 Hierre merueilleux emié froid l'an 1464. comme il fut creu apres l'an 1564. 106. b.
 Hierre merueilleux à Paris 1481. 103. a.
 Hierre.
 Hierre Maréchal de France. 14. b.
 Hierre Maréchal de France regnait Char. viij. 30. a.
 Hierre de Lorraine à la conqueste de Normandie. 31. b.
 Hierre de Bourgenque Comte & d'Ilampes succede au comte de Neuers son frere. 101. a.
 Hierre capitaine François laissé par le comte de Dunois pour gouverner le siege de Verneuil. 10. b.
 Hierre sur la traicte des vins à un eseu pour pippe. 136. b.
 Hierre plus grueusement pruy en la femme qu'en l'homme. 151. a.
 Hierre & pardons à ceux qui deuient d'Anne Maria à mady. 168. b.
 Hierre voy. creé Pape. 210. b.
 Hierre sur prouisionnes en Flandres. 161. b.
 Hierre étrange de ruines de Marie & Seine l'an 1460. 134. a.
 Hierre s'empare du gouvernement d'Angleterre & met en prison Sumbress & Glacetre. 63. b.
 Hierre hors de court d'Angleterre. 84. a.
 Hierre & gigne la bataille contre le Roy d'Angleterre. 61. a.
 Hierre desconfit & fust decapité avec son second fils par le court d'Angleterre. 85. a.
 Hierre fils du susd. gaigne la bataille contre le Roy Henry d'Angleterre puis paix par laquelle deuant offre Roy apres la mort de Henry. 81. a.
 Hierre esuaye ses freres en Hollande & les en retire estant paruenus à la couronne d'Angleterre. 86. a.
 Hierre & tourna à Lyon au retour du Roy Charles viij. de son voyage de Naples. 227. b.
 Hierre & tourna vers la court de Bourgenque à la venue de la Duchesse de Bourbon sur du Duc Philippe. 96. a.
 Hierre à Bruges pour les nuyces du Duc de Gueldres. 98. b.
 Hierre à Paris. 158. b.
 Hierre fils de Talbot amene renfort de gens & de viures à Talbot son pere en Guerne. 41. b.
 Hierre Adam capitaine au serue du Duc Philippe. 51. b.
 Hierre à la feld du Duc de Bourgenque. 174. b.
 Hierre remis à vingting ans par le Pape Paul ij. 168. a.
 Hierre capitaine Bourgenquois abandonne le comte de Charolais à la bataille de Montlebery. 116. a.
 Hierre encensé des enfans à la semblance de Iesou christ & ce qui en aduint. 195. a.
 Hierre second créé Pape en paruenant auant François de Salme cardinal au vinctes Legat d'Angou. 236. a.
 Hierre Pape second en guerre contre les François. 243. b.
 Hierre des Prins chancelier de France regnait Char. viij. 11. b.
 Hierre des Prins chancelier de France estoit armé à l'entree de Bordeaux la ville estant reduite en l'obissance de Charles vij. 37. a.
 Hierre des Prins chancelier de France destitue de son estat par Loy. 20. auant à la couronne. 135. a.
 Hierre des Prins seigneur de Tramel arresté prisonnier.

TABLE DV III. VOLUME

à Melun par le Duc de Bourbon. 136.a.
Inueral des Vifins reftitué en l'office de Chancelier de France. 148.b.

K.

K Athirine de Sene & le miracle d'elle. 239.a.
Keriel capitaine de grand renom Anglois defcend à Churbourg avec trois mille Anglois. 26.a.
Kerueby capitaine Anglois pris à la bataille de Formigny. 27.a.
Keriel capitaine Anglois pris à la bataille de Formigny. 27.a.

L.

L & Cloche procureur du Roy au Chastellet enuyé par le Roy Lays xi. pour pouruoir à la fortification & munition de Roye. 166.b.
Ladchors lieutenant criminel de Paris. 179.a.
Ladrefche tresorier de France. 157.a.
La Haye à la conqueſte de Guienne. 36.a.
Lalauz au ſeruite du Duc Philippe contre les Gantois. 40.b.
Lalauz capitaine de l'Eclafe à peine eſchappe l'emboſche des Gantois. 49.b.
Lalauz nommé Philippe occiſ à la bataille de Montleherby. 116.a.
Lampet capitaine Anglois dans Auranches. 28.a.
Lanes & Leſpares rament les Anglois en Guienne. 41.a.
Lanney au ſeruite du Duc Philippe. 44.b.
Lanuy conſin de Croi ſait Bailly d'Amiens par Lays xi. 98.a.
Lartidun Baron pour le Roy Charles vi. au ſiege de Dax en Guienne. 35.b.
Lauat à la bataille de Formigny. 27.a.
Laudon à la conqueſte ſeconde de Guienne. 58.a.
Lau grand bouteiller de France grand Chambellan & ſeneſchal de Guienne. 156.a.
Lau enadi de la priſon d'Yſen dont les gardes furent pouruz de mort. 159.a.
Lautric Picomteſſere du Comte de Faux pour le Roy Charles vi. au ſiege de Dax en Guienne. 35.b.
Legat de Rome en France. 202.a.
Lem l'un des gentils-hommes qui ſe trouverent à un ſouper avec le Roy chez le ſeigneur d'Armenemulle à Paris. 141.a.
Leſſare & autres gentils-hommes Gascons rament les Anglois en Guienne. 41.a.
Leſſare gentil-homme Gascon decapité à Poitiers pour crime de trahiſon. 64.a.
L'Eſtrange à la conqueſte de Guienne. 36.b.
Lettres patentes du Comte de Charolais aux eſtats de Bourgogne contre ceux de Croi plaines de charges & reproches. 107.b.
Lettres du Duc de Berry frere du Roy Lays xi. plainſmes contre le Roy pour auoir la guerre du bien public. 110.a.
Lettres du Roy Lays xi. au Duc de Bourbon & de luy au Roy ſur le commencement de la guerre du bien public. 112.a.
Lettres patentes du Roy contre les conuierz du bien public. 111.a.
Lettres patentes du Roy Lays xi. ſur la pacification de la guerre civile du bien public. 112.b.

Lettres & ordonnance du Roy ſur le ſait de l'impetration des officiers. 156.b.
Lettres du Duc de Bourgogne à la court de Parlement de Paris plainſmes de ce que le Roy contremant au traité de Peronne. 164.a.
Libelles diffamatoires & plaquars contre le Comte de S. Pol Connellable de France. 167.b.
Libourne bailli au Comte d'Angoulême. 36.a.
Liegeux en guerre contre le Duc de Bourgogne. 119.a.
Liegeux inuient de paroles le Duc Philippe & ſon ſils. 120.a.
Liegeux en guerre contre leur Eueſque & le Duc de Bourgogne. 155.a.
Liegeux en guerre contre les Bourgongnois. 160.a.
Liege pris & ſaccagé par les Bourgongnois. 160.b.
Lien eſchapié en Anuergne & ce qui en aduint. 159.a.
Lignes à la priſe de Sanduich en Angleterre. 72.a.
Libeat capitaine François au ſeruite du Roy Charles vi. 12.a.
Libeat Mareſchal de France à la bataille de Formigny. 27.a.
Libeat à la priſe de Bayonne. 39.b.
Libeat reſtitué en l'office de Mareſchal de France. 148.b.
Lougue-yeu bourgeois de Paris au conſeil privé du Roy Lays xi. 148.b.
Longueval au ſeruite du Roy Lays xi. 166.a.
Lorraine aſſaillie par le Duc Charles de Bourgogne. 174.b.
Loutier capitaine François à la bataille de Rapelle. 174.a.
Lonnain capitaine François commun à la garde de Chollaie. 33.b.
Lonnain à la conqueſte de Guienne. 36.b.
Lonnain occiſ par Raoul de Flony. 102.b.
Loutiers Eſcheuſon du Roy. 38.b.
Luce gentil-homme Gascon laiſſe la part Angloiſe pour recouurer ſon chasteau de Manleu en Gascongne que les François auoient pris. 16.b.
Ludoue ſforce Duc de Milan viſite le Roy Charles vi. au 151. 217.a.
Lutlier eſcheueu bourgeois de Paris l'un des deputez pour aller pardeners les Francois. 141.b.
Lutlier nommé Iean Clerc de la maiſon de ville de Paris. 145.a.
Lutlier & ſes freres hennet de Paris. 142.a.
Lutlier changeur & bourgeois de Paris à la ſuite du Roy Lays xi. par ſon communement. 148.b.
Lutlier tresorier de Carcaffonne. 148.b.
Luſſac à la ſeconde conqueſte de Guienne. 56.b.

34.

M Adre capitaine François trahiſ le pont S. Maxence aux Bourgongnois. 157.b.
Maitrebrun S. Remy & d'orequerque gentils-hommes François tueſ en leur maiſon par ceux de la part Angloiſe pendant la treſce. 10.a.
Mailly ſeigneur de Bouilleuſent echeuier hardy du party de Bourgogne. 113.b.
Mame Comte de la maiſon d'Anjou cheſ de l'arriere-garde pour le Roy à la bataille de Montleherby. 115.b.
Mame Prince de la maiſon d'Anjou ſait mauvais drouer à la bataille de Montleherby. 116.a.
Majorce Eueſque d'Allemagne ſeruite par le Duc Phi-

- lipper. 96.a.
 Mace la tubel fortifiée par les Anglois contrevenant
 aux articles de la trêve. 7.b.
 Magdelaine fille du Roy Charles viij. accordée en mariage
 au Roy de Hongrie. 70.a.
 Magniers attains d'avoir voulu charmer le Duc Philippe
 & son fils. 96.a.
 Magnificence du Duc Philippe à l'entrée du Roy Loyi xi.
 à Paris. 90.a.
 Malade fort gresueux au Duc Philippe. 93.a.
 Maladie fort gresueux du Duc Philippe à Bruxelles. 106.b.
 Maldeghen chevalier Florent au service du Duc Philip-
 pe contre les Gantois. 49.b.
 Malicornes gentil-homme de la maison du Duc de Guenne
 & sauz d'ulroy. 169.a.
 Malotie l'un des capitaines pour le Roy à la bataille de
 Montlehercy. 115.a.
 Malotie garde les passages des rivières contre les Bretons.
 140.a.
 Manuel lieutenant du Bailly de Rouen pendu & étranglé.
 150.b.
 Marelli à la prise de Sandwich en Angleterre. 72.a.
 Marelli à la garde de Paris lors de la guerre du bien com-
 mun. 139.a.
 Marchant l'un des commis de la part des Princes pour com-
 poser leurs différens avec le Roy Loyi xi. 145.b.
 Marche à la seconde conquête de Guienne. 96.b.
 Marche fils du Duc d'Orléans descendant la royne d'Angleterre
 & se fait Roy. 85.b.
 Marriage de la fille du Roy de Sicile Duc d'Aragon & de
 Lorraine avec le Roy Henry d'Angleterre en l'an 1444.
 1.a.
 Mariage du Comte de Charlevis fils unique du Duc Philip-
 pe de Bourgogne avec l'Isabel de Bourbon fille du Duc
 de Bourbon. 64.a.
 Marriage du Dauphin Loyi & de Charlotte fille du Duc
 de Savoie cinq ans après qu'il fut commencé. 71.b.
 Marriage d'une fille du Roy d'Escoce avec le Prince de Gal-
 les faitif d'Angleterre. 86.a.
 Marriage du Duc de Gueldres avec une fille de Bourbon.
 98.b.
 Marriage d'Edouard Roy d'Angleterre & de la fille du
 seigneur de Rivières excellentement belle. 106.a.
 Marriage de la Baillarde du Roy Loyi xi. avec le Baffard de
 Bourbon. 148.a.
 Marriage du seigneur de Beaujeu & de la fille aînée du
 Roy de France. 174.b.
 Marriage du Dauphin Charles avec Marguerite de Flan-
 dres. 208.a.
 Marriage du Roy Charles avec Anne de Bretagne. 211.b.
 Marriage du Roy Loyi xi. avec Anne de Bretagne. 212.b.
 Marriage du Roy Ferdinand d'Aragon avec la sœur du
 Comte de Foix. 238.b.
 Marriage du Roy Loyi xi. avec la sœur du Roy Henry d'An-
 gleterre les honneurs & réceptions qui luy furent fai-
 tes. 248.a.
 Marriage du Roy François avec la royne Claude. 248.a.
 Marotte lieutenant criminel de la Prevosté de Paris.
 167.b.
 Marie Comte fille (à mon avis) du Comte de S. Pol assistée
 au Comte Charles à la guerre des Liégeois. 127.a.
 Marre se porte vaillamment contre les Gantois au service
 du Duc de Bourgogne. 43.b.
 Masse en Téniscane où il se trouve plusieurs carrières de
 marbre blanc & noir. 239.a.
 Matage capitaine Anglois. 26.b.
 Matage fait à la bataille de Formigny & abandonné ses
 gens. 27.a.
 Matage rend Bayeux aux François. 28.b.
 Mathieu Baillard de Bourbon à la bataille de Formigny.
 226.b.
 Maunly capitaine de cent hommes d'armes. 20.a.
 Manner capitaine de gens d'armes au service du Roy xi.
 200.a.
 Maximilian remuante la guerre contre les François. 110.b.
 Measse seigneur de Mangonneville capitaine de Franc-ar-
 chers à la conquête de Guienne. 35.a.
 Melon Baillif de Sens. 117.b.
 Melon lieutenant du Roy Loyi xi. en Paris avec le Maré-
 chal Jacobin Renhaute au temps de la guerre du bien pu-
 blic & l'ordre qu'il y donna. 138.a.
 Melan fait grand-maître de France pour récompense du
 gouvernement de Paris. 140.b.
 Melan destitué de l'office de grand-maître de France.
 150.a.
 Melan decapité à Andely par le commandement du Roy
 Loyi xi. 159.b.
 Mesnages à la seconde conquête de Guienne. 96.b.
 Merveilles & singularitez des lieux d'autour de Naples
 visités par le Roy Char. viij. 214.a.
 Merbury chevalier Anglois au service de Charles viij.
 17.b.
 Merm baillard de Rochesmart conduit des Arbalétriers
 au service de Beauvais. 170.a.
 Mersi & conditions du Roy Loyi xi. 208.b.
 Mersi & conditions du Roy Loyi xi. 97.b.
 Meurre du Chancelier d'Angleterre & du Marquis de
 Suffolk voy mutuelle. 170.a.
 Meurre de Loyi de Bourbon Evesque du Liege. 205.b.
 Meurre du Duc de Milan par traidement. 189.b.
 Mignin capitaine de deux cents archiers à cheval au service
 du Roy Loyi xi. 140.a.
 Miramont tué au service du Duc Philippe deuent Gand.
 43.a.
 Michellets d'est à dire voyageurs à S. Michel dont il fut grand
 année l'an 1456. 74.b.
 Monprou l'un des gentils-hommes qui se trouvèrent à un
 souper avec le Roy chez le seigneur d'Armenouville à
 Paris. 141.a.
 Monnoye baillif de prix. 175.b.
 Monnoye baillif. 185.b.
 Monnières en armes des Parisiens. 154.b.
 Monnières en armes du peuple de Paris. 176.a.
 Monière ou prodige d'une femme à Peronne. 195.a.
 Montagu à la conquête de Guienne. 37.a.
 Montauban à la seconde conquête de Guienne. 57.a.
 Montauban Admiral de France issu de la maison de
 Bourbon fait massacré deuant à la bataille de Montlehercy.
 116.a.
 Montaignon l'un des capitaines du Roy Char. viij. à la ba-
 taille de Formigny. 26.b.
 Montaignon à la prise de Bayonne. 39.b.
 Montaignon à la conquête de Guienne. 34.a.
 Montigny & Forestel ambassadeurs du Duc Philippe sur
 le fait de son voyage d'aller contre les Turcs. 96.b.
 Montigny en Guienne pris sur les Anglois par com-

TABLE DV III. VOLUME

<i>frion.</i>	35.a.	<i>Mort de Robert le Jeune gouverneur d'Arras qui avoit esté</i>	
<i>Montferrant capitaine Gascon pour la part Angloise.</i>		<i>aidu partial pour la faction Bourgeoynne pour laquelle</i>	
35.b.		<i>il avoit autrefois fait mourir un party contraire plus</i>	
<i>Montferrant ramene les Anglois en Guienne.</i>	41.a.	<i>de neuf cens personnes estant Bailly d'Amiens.</i>	96.a.
<i>Montmorin à la prise de Bayonne.</i>	39.b.	<i>Mort de Marie d'Anjou Reine de France veuve de Char-</i>	
<i>Montpencier ordonne Picquery à Naples par le Roy Charles</i>		<i>les vij. & mere de Loy xi.</i>	98.b.
<i>vij.</i>	215.a.	<i>Mort de Charles de Bourgoigne Comte de Nevers.</i>	102.a.
<i>Montbery capitaine Anglois.</i>	26.b.	<i>Mort de Charles Duc d'Orleans disfavoré de ses mœurs &</i>	
<i>Moreau capitaine François à la soldé des Cantais.</i>	50.a.	<i>fortunes.</i>	106.a.
<i>Moréau au service du Duc Philippe.</i>	51.a.	<i>Mort de Marie de Bourbon femme du Comte de Charolais.</i>	121.a.
<i>Martin trésorier du Duc de Berry tenoit la grosse tour de</i>		<i>Mort de Haultbourdon bastard de S. Pol renommé capitaine</i>	
<i>Bourges pour son maistré contre le Roy Loy xi.</i>	136.a.	<i>ne Bourgoynne.</i>	127.a.
<i>Mortagne demouré condamné de calumnie.</i>	63.a.	<i>Mort du Duc Philippe de Bourgoigne.</i>	131.a.
<i>Mortalité au camp des Bretons devant Fongerey d'où mour-</i>		<i>Mort du Roy Charles vij. advenue en 1461.</i>	134.b.
<i>ut le fils du Comte de Rohan.</i>	23.b.	<i>Mort du Duc Charles d'Orleans advenue à Châteleraud.</i>	135.b.
<i>Mort des Roynes d'Espagne, Portugal, & d'Escosse, & de la</i>		<i>Mort du Pape Pie xi.</i>	136.b.
<i>Dauphine advenues en mesme temps en l'au</i>	1445.	<i>Mort de Montcaban Admiral de France son eclairé donné</i>	
2. b.		<i>au bastard de Bourbon.</i>	137.a.
<i>Mort de Gilles frere du Duc de Bretagne & l'occasion pour-</i>		<i>Mort du Duc Philippe.</i>	138.a.
<i>quoy.</i>	31.a.	<i>Mort du Prince de Galles.</i>	167.a.
<i>Mort de Tendual le bourgeois bailly de Troye tué d'une ca-</i>		<i>Mort du Comte d'Eu.</i>	167.b.
<i>nonnade au siege de Chiebourg.</i>	31.b.	<i>Mort du Comte de Flandres.</i>	167.a.
<i>Mort de Catinz seigneur de Roze, Admiral capitaine de</i>		<i>Mort du Chartier Escheque de Paris fort regretté jusqu'à</i>	
<i>François tué d'une canonade au siege de Chiebourg.</i>	31. b.	<i>du Roy Loy xi. qui l'estimoit avoir tenu party contraire.</i>	168.b.
<i>Mort de Chahannes Grand-maistré d'hôtel du Roy Char-</i>		<i>Mort du Pape Paul. ii.</i>	168.a.
<i>les vij.</i>	39.a.	<i>Mort du Comte d'Armagnac en l'Escluse.</i>	173.a.
<i>Mort de Certeille Bastard de Bourgoigne en la victoire de</i>		<i>Mort de François de France Duc de Berry second fils du</i>	
<i>Poussilly.</i>	44.b.	<i>Roy Loy xi.</i>	174.a.
<i>Mort de messire Jacques de Lelaing fort plainte à la guerre</i>		<i>Mort d'Agnes de Bourgoigne Duchesse de Bourbon & le</i>	
<i>des Gantois au siege de Pontiers.</i>	51.b.	<i>nombre de ses enfans.</i>	190.a.
<i>Mort de Tholbert capitaine Anglois fort renommé à la</i>		<i>Mort de Charles Duc de Bourgoigne.</i>	191.a.
<i>bataille de Chailidon.</i>	57. b.	<i>Mort de messire Robert d'Estampille qui avoit esté Pre-</i>	
<i>Mort de Beaumais seigneur de la Beziere.</i>	59.a.	<i>voist de Paris l'espace de xlv. ans & l'office de son</i>	
<i>Mort de l'Empereur de Constantinople à la prise de sa cité.</i>	60. b.	<i>quatre son fils par le Roy Loy xi.</i>	200. b.
<i>Mort du Pape Nicolas.</i>	63.b.	<i>Mort de plusieurs grands personnages à Paris en mesme</i>	
<i>Mort du Roy de Castille.</i>	63.b.	<i>temps.</i>	204.b.
<i>Mort du Roy de Hongrie nommé Lancelot à qui étoit ac-</i>		<i>Mort de la Duchesse de Bourbon fille du Roy Charles vi.</i>	
<i>cordée la fille de Charles vij.</i>	73.b.	<i>Mort de la Comtesse de Flandres fille du Duc Charles de</i>	
<i>Mort du Roy de Cypro.</i>	74.a.	<i>Bourgoigne.</i>	204.b.
<i>Mort du Duc de Bretagne.</i>	74.a.	<i>Mort du Roy Edouard d'Angleterre.</i>	207.b.
<i>Mort d'Alphonse d'Arragon Roy de Naples.</i>	75.a.	<i>Mort du Roy Loy xi. advenue au Plessis les Tours le pa-</i>	
<i>Mort du Duc Arim de Bretagne qui avoit autrefois esté</i>		<i>noulxime jour d'Aoust 1483.</i>	208.a.
<i>appelé Comte de Richemont Councillable de France.</i>	79.a.	<i>Mort du Pape Sixte iiij.</i>	210.b.
<i>Mort du Roy d'Escosse qui avoit épousé la fille du Duc de</i>		<i>Mort du Pape Innocent vij.</i>	213.b.
<i>Gueldres mere du Duc Philippe.</i>	84.a.	<i>Mort du seigneur des Cardes ou des Querdes Philippe de</i>	
<i>Mort du Roy Charles vij. avec diverses notable de la for-</i>		<i>Crenequeur Marechal de France.</i>	214. b.
<i>tune & meurt d'iceluy.</i>	87.b.	<i>Mort du Comte de Flandres au retour du voyage de Na-</i>	
<i>Mort du Roy Charles vij. advenue pour la fustigie qu'il a-</i>		<i>ples.</i>	227.a.
<i>voit, qu'on le vouloit empoisonner.</i>	86. b.	<i>Mort du Roy Charles vij. à Ambouy & ses absences.</i>	228.b.
<i>Mort du renommé capitaine Polbon de S. Triville Sene-</i>		<i>Mort du Roy d'Inver.</i>	233.b.
<i>chal de Guenne.</i>	91.a.	<i>Mort du Pape Alexandre Espagnol Valentinien.</i>	236.a.
<i>Mort de Gamaun Quivet renommé capitaine Bourgoynne.</i>	92.b.	<i>Mort du Duc Pierre de Bourbon.</i>	236.b.
<i>Mort de Flaquet autrement dit Flaques Bailly d'Eureux</i>		<i>Mort de Loy de Luxembourg Comte de Ligny.</i>	238.a.
<i>renommé capitaine.</i>	92.a.	<i>Mort de Dom Frederich de Naples estant en France.</i>	238.a.
<i>Mort de Raulin chancelier de Bourgoigne qui avoit esté ad-</i>		<i>Mort du Duc Philippe de Savoie.</i>	239.a.
<i>voqué en Parlement à Paris & les grands biens qu'il ac-</i>		<i>Mort de l'Archevesque Philippe d'Autriche.</i>	241.a.
<i>quisit au service du Duc Philippe.</i>	92.a.	<i>Mort du Cardinal d'Ambouy grand amy du Roy Loy xi.</i>	
<i>Mort de Jean du Clerc Abbé de S. Vast fort regretté pour</i>			
<i>sa charité & sainteté.</i>	95.a.		

DE MONSTRELET.

Mort de Gaillon de Foix Duc de Nemours. 243.b.
Mort du Roy d'Escoce en une bataille qu'il perdit contre les Français. 246.b.
Mort de la Reine Anne femme du Roy Loys xij. 247.b.
Mort du Roy Loys xij. advenue le jour de l'annier 1514. 249.a.
Mortuier destiné de l'office de Chancelier de France. 148.b.
Moultins Anglois amene renfort de gens & de vivres à Tallebot en Guienne. 41.b.
Mory gentil-homme François pendu pour avoir adhérent à ceuz du bien public. 138.b.
Moi capitaine au service de Charles vij. 11.a.
Moi en Beaumais à la conquête de Normandie. 32.b.
Moi à la prise de Crencheur. 105.b.
Moi fait grand deuil contre les Bourguignons. 116.b.
Moi capitaine dedans Reye contre les Bourguignons. 169.b.
Mourmerie du peuple de Londres contre le Roy d'Angleterre appaisée par le meistre du Chancelier & du Marquis de Suffolk & autres conseillers du Roy. 7.b.
Mourmerie entre ceuz de Sainton au Loge & les soldats du Comte de Charolais. 126.a.
Mourmerie entre les pages de court & les clerks du Palais à Paris. 151.b.

N.

Naissance de Marie fille du Duc Charles de Bourgogne lani Comte de Charolais. 69.b.
Naissance du Roy Loys xij. en l'an 1461. 92.b.
Naissance d'une fille au Roy Loys xi. laquelle l'auteur ne nomme point. 135.b.
Naissance d'un second fils au Roy Loys xi. qui fut appelé François Duc de Berry & ne vescu guerres. 172.b.
Naissance de Loys Roy de Hongrie dont le Roy Loys de France fut perveu par le fils du Marquis de Brandebourg. 239.a.
Naissance de madame Renée de France depuis Duchesse de Ferrare qui fut en l'an 1512. 241.a.
Naissance de Charles vij. 164.b.
Nanterre premier President de Paris destiné de son office. 148.a.
Nassau Comte au secours du Duc Philippe contre les Liegeois. 119.a. 121.b. 127.a.
Navale bataille entre les Français & Anglois. 247.a.
Navarre Royaume occupé par les Espagnols. 245.a.
Nevers Comte à la conquête de Normandie. 32.b.
Nevers Jean de Bourgogne gouverneur de Picardie. 104.a.
Nier les delinquans par forme de supplice usité du temps du Roy Loys xi. 135.b. 124.b.
Noms des capitaines Français qui se trouuerent à la conquête de Normandie avec le Roy Char. vij. 32.b.
Noms des seigneurs & capitaines qui suivirent le Roy Charles vij. au voyage de Naples. 215.b.
Norbey capitaine Anglois pris à la bataille de Formigny. 27.a.
Norrenton l'un des capitaines pour le Roy à la bataille de Montleber. 115.a.
Normandie reconuerite ville à ville sur les Anglois par le Roy Charles vij. en 1461 an qui fut l'an 1450. 32.a.
Normandie coustent six semaines de long quatre de large & dedans y a six Eueschez & une Archeuesché & cent villes. 32.a.

Normandie reconuerite par le Roy Loys xi. sur Charles son frere. 149.a.
Normandie donnée en apenage à Charles frere du Roy Loys xi. par le travail de Conflans. 145.b.
Normandie ravagée par les Bretons. 156.b.
Nouvelles Baron pour le Roy Charles vij. au siege de Dax en Guienne. 35.b.
Noyers emprisonné pour avoir voulu charmer le Duc Philippe. 96.a.
Nuz, en mitailé à la venue du Duc de Bourgogne qui tenoit le siege deuant. 180.b.

O.

Obfèques faits à Paris en l'honneur du Roy de Hongrie trespassé qui avoit fiancé Magdelaine fille du Roy Charles vij. 70.b.
Obseques du Roy Charles vij. 88.b.
Obseques du Roy Charles vij. faités à Paris & a S. Denis avec ample description de l'ordre & ceremonie d'icelles. 97.b.
Obseques magnifiques faités au corps du Duc Philippe trespassé à Bruges. 151.a.
Obilication des prisonniers Cantons qui aymerent mieux estre pendus que de cruer mortz au Duc Philippe. 45.b.
Officiers despassez par le Roy Loys xi. à son advenement à la couronne. 135.a.
Offrandes tresriches du Roy Loys xi. à diverses Eglises & mesmement à S. Martin de Tours d'un Treillis d'argent peints dixsept mille marcs. 198.b.
Oiselers du pont au Change à Paris ce qu'ils font tenuz faire aux entrées des Rois. 134.b.
Oline docteur en Theologie renommé predicateur à Paris. 137.a.
Oline docteur en Theologie l'un des deputez pour aller pardeniers les Princes. 141.b.
Oliver le Roy conseiller & maistre des comptes ambassadeur pour le Roy en Angleterre. 180.b.
Orange prend le party du Roy Loys xi. 180.b.
Orseur seigneur d'Ermenouville capitaine Parisien à la defense de sa ville contre les Bourguignons. 133.b.
Orgement seigneur de Mery ou Mery tresorier de France. 148.b.
Orget homme d'armes de la compagnie du seigneur de la Harde chadé de Paris pour aller au party des Princes. 144.b.
Ornel general des finances arresté prisonnier à Melins par le Duc de Bourbon. 136.a.
Ornel l'un des communs de la part des Princes pour composer leurs differens avec le Roy Loys xi. 145.b.
Ornel l'un des communs pour examiner le Cardinal Baluiz prisonnier. 161.b.
Oru general des finances du Roy Loys xi. laisse son party pour suivre celuy des Princes. 141.b.
Ormon Comte d'Essex se parte vaillamment à la defense de son pais. 11.b.
Ormon de la rue de S. Denis à l'entrée du Roy Loys xi. à Paris. 90.a.
Ornel à la conquête de Normandie. 32.b.
Ornel fils d'Albert à la conquête de Guienne. 34.a.
Ornel fils du seigneur d'Albert pour le Roy Charles vij. au siege de Dax en Guienne. 35.b.
Ornel à la prise de Bayonne. 39.b.

TABLE DV III. VOLUME

Oruel à la conquête seconde de Guienne. 58. a.
Osmile gentil-homme Gascon capitaine de cent hommes
d'armes decapité à Taverne son lieutenant. 100. a.
Orlu Castellan argentier du Roy Charles vij. emprisonné
pour mariage. 66. b.
Oterente saccagé par les Turcs. 195. a.
Oulard de Burz conseiller au Parlement decapité à Melun
pour crime de lèz-majesté. 192. b.

P.

Paix fourrée entre le Roy & les Ducs de Bourbon de
Nemours Comtes d'Armignac & d'Albret lors de
la guerre du bien public. 138. a.
Paix d'entre le Roy & le Duc de Bourgogne publiée à
Paris. 161. a.
Paillart conseiller des comptes l'un de ceux qui furent
commis par le Roy Lays xi. pour pacifier la guerre du
bien public. 145. b.
Paillart & Hostelin bourgeois de Paris ennuyez pour som-
mer ceux d'Anzerre. 166. a.
Parisien en esjouy pour la garde de leur ville. 145. a.
Parisien joignent au salut de leur Roy Lays xi. 147. b.
Parisien font leurs mestiers en armes deuant le Roy Lays xi.
154. b.
Parisien font mestiers en armes deuant le Cardinal Ba-
lue commis adon par le Roy Lays xi. 157. a.
Parzes capitaine Anglois en Caen. 30. a.
Parpignan & le Comte de Rousillon redoublé en l'obeyssance
du Roy. 178. a.
Parpignan rendit au Roy d'Aragon. 111. b.
Parlement du Duc de Bourgogne avec le Roy Lays xi. a-
pres l'entree de Paris & les gracieux propos qu'il eu-
rent ensemble. 90. b.
Parlement du Comte de Charolais de deuant Paris. 114. a.
Passage dextrement fait des riuieres d'Osse de Seine par
l'armée Bourgongnonne sous la conduite du Comte de
Charolais. 114. a.
Passage de l'Archiduc d'Autriche par France. 234. a.
Passage de l'Archiduc d'Autriche par Lyon. 235. a.
Passage premier du Roy François en Italie. 250. b.
Pausanias Secrétaire de Thoulouze à la conquête de Guie-
nne. 37. a.
Paul y. Pape. 136. b.
Pelerinage du Roy Lays xi. à S. Claude au Comte de Bour-
gogne. 104. a.
Pelerinage d'iceluy à nostre Dame de Hault-bain voy-
voyage. 104. a.
Perdrel enfant de Paris a commission de prendre tous les
vieilles priués apris à parler qui se trouueront à Paris
& luy porter à Ambuse. 161. a.
Perle du Royaume de Naples. 228. a.
Pelle à Gand qui les contraingnit d'entendre à paix avec
le Duc Philippe leur seigneur. 45. b.
Peitence à Paris en laquelle moururent plus de quarante
mille creatures. 152. a.
Perit-Lai capitaine d'escouys pour le Roy Charles vij. au sie-
ge de Dax en Guienne. 35. b.
Picard conseiller de la chambre des Comtes priné de son
estat pour auoir refusé de prêter argent au Roy. 139. a.
Picquigny videsme d'Amiens emprisonné par ambusie
du Duc Philippe de Bourgogne. 84. a.
Pierres à la bataille de Repelle. 217. a.

Pie y. auparavant nommé Eneas Silvius créé Pape par
la mort de Calixte. 75. b.
Pie tiers Pape & son peu de regne. 236. a.
Pierres fait cheualier de l'ordre au sacre du Roy Lays xij.
219. a.
Philippe y. Duc de Bourgogne se porte vaillamment en
la victoire qu'il eut contre les Gantois à Ganeve. 53. a.
Philippe y. Duc de Bourgogne raprile les Gantois en sa
grace apres la bataille de Ganeve. 53. a.
Philippe iy. Duc de Bourgogne se met en deuoir d'aller
à la guerre contre le Turc dont il fut comché par l'em-
pereur Frederic qui ayment la paix. 56. b.
Philippe Duc de Bourgogne assiste au Roy Lays xi. à son
entree à Paris en fort richissime. 89. b.
Philippe de Sauoye emprisonné par commandement du
Roy Lays xi. pour l'entreprinse qu'il auoit faicte sur l'an-
thorité du Duc de Sauoye son frere. 102. a.
Philippe monseigneur de Sauoye la soldie du Roy Lays xi.
175. a.
Pilliers visité par le Roy Lays xi. auquel lieu Charles son
frere s'esjouy en Bretaigne qui fut le commencement de
la guerre du bien public. 135. b.
Pinture au service de Charles vij. à la seconde conque-
ste de Guienne. 56. b.
Pinture Comte François à la conquête de Guienne.
35. a.
Popaincourt seigneur de Cerceles capitaine Parisien à la
deffence de sa ville contre les Bourgongnons. 133. b.
Popaincourt & Roze ambassadeurs pour le Roy Lays xi.
153. a.
Popaincourt ambassadeur pour le Roy en Angleterre.
150. b.
Pothou de S. Treille Bailly de Berry. 37. b.
Pet Bailly de Vermandois saour du Roy Lays xi. 106. a.
Pragmatique-Sanctionnables en France au pourchaz du
Cardinal d'Arras. 92. a.
Pragmatique-Sanction mise en. 99. a.
Pragmatique-Sanction maintenue en France par le moyen
de l'opposition que forma leon de S. Roman procureur
general au Parlement de Paris contre les bulles de l'abo-
lition d'icelle. 155. b.
Produrations d'un Cordelier à Paris de grand effray. 197. a.
Preigent frere de sen de Calvyn Admiral de France. 37. b.
Preparatifs du Duc de Bourgogne pour la guerre du bien
public. 112. a.
Preparatifs de guerre du Roy Lays xi. pour rompre la paix
de Constance. 126. a.
Preparatifs du Roy Lays xi. contre le Duc de Bourgogne.
151. b.
Preysy capitaine François au service de Charles vij.
12. a.
Prenest tuc au service du Duc de Bourgogne contre les
Gantois. 44. a.
Prenest Notaire & Secrétaire du Roy surprend la Bastille
de Paris sur le seigneur des bardes capitaine d'icelle le-
quel estoit genéral de Melun qui estoit sussest au Roy
Lays xi. 151. a.
Prise d'Arce en Flandres sur les Gantois. 44. b.
Prise d'Arce sur les Flamens. 205. a.
Prise d'Anjou Chastel en Normandie, peult estre faulx
Andely. 14. a.
Prise d'Argentan sur les Anglois. 17. a.
Prise d'Arce sur les François par Maximilien. 112. b.

DE MONSTRELET.

Prise par composition des villes d'Arques Tanquarville, Iste-Bonne, Montiersuillier & Candebert, sur les Anglois.	23. b.	Prise de Dax sur les Anglois.	35. b.
Prise d'Alisy sur les Anglois par le Duc d'Alençon & par quelle occasion.	35. b.	Prise de Dax sur les Anglois.	36. b.
Prise d'Amblay sur les Anglois.	16. a.	Prise de Danfrant sur les Anglois.	31. a.
Prise d'Amancebes sur les Anglois.	28. a.	Prise & sac de Dinan au large.	128. b.
Prise de Bayeux sur les Anglois.	28. a.	Prise & sacagement de Dole par les François.	200. b.
Prise de Bayonne sur les Anglois.	39. a.	Prise d'En par les Bourgeois.	171. b.
Prise de Beaulieu & plusieurs autres villes en Bourgogne par Charles d'Amboise.	198. a.	Prise d'En & de S. Fallery sur les Bourgeois.	172. a.
Prise de Beaulieu en Picardie par les Bourgongnois.	113. b.	Prise de Fescamp sur les Anglois & un navire venant à leur secours.	15. b.
Prise de Bergerac sur les Anglois.	33. b.	Prise de Fougieres par les Anglois sur les Bretons dont s'en suivit rompre de trefves entre les François & An- glois.	6. b.
Prise de Beusenville sur les Anglois.	16. a.	Prise de Fougieres ville & chasteau par le Duc de Bre- tagne sur les Anglois.	23. b.
Prise de Blaye sur les Anglois.	35. b.	Prise de Fresnay sur les Anglois.	26. a.
Prise de Boucham par les Flamens.	200. b.	Prise de Fresnay en Normandie sur les Anglois par le Duc d'Alençon.	17. b.
Prise d'Alençon sur les Anglois par le Duc d'icelle ville.	16. a.	Prise de Fronsac sur les Anglois.	36. a.
Prise de Boulougne la Grassie par le Bentouille.	219. a.	Prise de Fronsac sur les François par les Anglois.	56. b.
Prise premiere de Bordeaux, voy entrée pompeuse.		Prise de Fronsac sur les Anglois pour la seconde fois & étant en personne le roy Char. viij.	58. a.
Prise de Bordeaux sur les François avec la plus part des villes de Guienne par les Anglois sous la conduite de Tallbot.	41. b.	Prise de Gaverre par le Duc Philippe supplice de ceux qui la tenoient contre luy meismes de deux Cordeliers qui y furent trunchez.	52. a.
Prise seconde de Bordeaux par composition sur les Anglois & les conditions d'icelle fait l'an 1454. le 17. jour d'Octo- bre.	59. a.	Prise de Gauray sur les Anglois.	16. a.
Prise de Bricebe sur les Anglois.	28. a.	Prise de Gazerre par les François.	223. b.
Prise de Caen sur les Anglois par composition.	30. a.	Prise de Gerberoy en Beauvoisis sur les Anglois par le seigneur de Moi gouverneur pour le Roy de France au- du pais.	9. a.
Prise de Caen & autres villes de Normandie par la ligue des Princes sur le Roy Loys xi.	147. b.	Prise de Gisors pour le Roy.	17. b.
Prise de Caen & de Bayeux sur le Roy Loys xi. par les Bre- tons.	156. a.	Prise de Gournay en Normandie par le Comte S. Pol pour le Roy Charles viij.	14. b.
Prise de Caillard Chasteau imprenable en Normandie par composition sur les Anglois.	23. b.	Prise par une seule composition de plusieurs citez que te- noient les Anglois en Guienne.	36. a.
Prise de Cambrai par les Flamens sur le Roy Loys xi.	200. b.	Prise de Gniſſeben & autres places fortes entre Aux & Bayonne par le Comte de Fux.	25. b.
Prise de Cambresis chasteau en Normandie sur les Anglois par le Comte de Dnnas.	15. a.	Prise de Hambie sur les Anglois.	16. a.
Prise de Carenton sur les Anglois.	16. a.	Prise de Harcourt en Norman. sur les Anglois.	15. a.
Prise de Carlat en Auvergne & du Duc de Nemours y estant.	187. a.	Prise de Harfleur par les François.	24. b.
Prise de Candebert sur les Anglois.	21. a.	Prise de la Flaye-du-Fin sur les Anglois.	16. a.
Prise de Challaz sur les Anglois.	33. b.	Prise de Hedin par le Roy Loys xi.	192. a.
Prise de Challaz sur les Anglois pour la seconde fois.	56. b.	Prise de Hefebecque ou Harlebecque par assaut sur les Gantois.	51. a.
Prise de Charenton sur les Anglois.	16. a.	Prise de Honnesteur sur les Anglois.	21. a. 26. a.
Prise de Chasteauneuf de Medoc S. Matheire, Langon, Ca- dillac, Blanquefort sur les Anglois à la seconde conque- ste de Guienne.	58. a.	Prise d'Huile par les Gantois sur le Duc Philippe.	47. a.
Prise du Chasteau-Nue à Naples.	223. a.	Prise de Janſen sur les Anglois.	33. b.
Prise de Chastillon sur les Anglois.	31. b.	Prise de Lagny sur les Anglois.	21. a.
Prise de Chastillon en Guienne sur les Anglois.	57. b.	Prise de Lagny en cimme il pense l'Anglo en Normandie sur les Anglois.	13. a.
Prise de Cléz en Constantin sur les Anglois.	16. a.	Prise de Lannoy par les Bourgongnois pour surprendre le seigneur du Lieu neveu de Cré.	209. b.
Prise de Comber ville en Normandie par Floquet d'Eureux sur les Anglois.	9. a.	Prise de Lestore & du seigneur de Beaujeu frere du Duc de Bourbon par le Comte d'Armagnac.	172. b.
Prise de Conde prei Tourney.	197. a.	Prise de Lestore sur le Comte d'Armagnac & le meurtre d'iceluy.	173. a.
Prise de Cines & S. Maigrin villes en Bourdelou sur les Anglois.	10. a.	Prise de Libourne sur les Anglois.	36. a.

TABLE DV III. VOLUME

<i>Prise de Mantou en Gasconne sur les Anglois par le Comte de Foug. lieutenant du Roy en ueluy pais.</i>	16.b.	<i>Prise de S. Katherine du mont de Reuen sur les Anglois par le Roy Char. vii. assiegant Reuen.</i>	20.a.
<i>Prise de Meruile en Normandie par les Bretons & la mort du seigneur du Lieu.</i>	159.a.	<i>Prise de S. La en Normandie sur les Anglois par le Duc de Bretagne & le Comte de Richemont Connestable de France son frere.</i>	16.a.
<i>Prise de Milan par les gens du Roy Loys xij.</i>	129.b.	<i>Prise de S. Milan Libourne & autres places sur les Angl. a la seconde conqueste de Guienne.</i>	57.b.
<i>Prise de Milan sur le Roy Loys xij.</i>	129.b.	<i>Prise de S. Milan sur les Anglois.</i>	35.b.
<i>Prise de Milan en Gilbert par les Bourgongnois.</i>	177.b.	<i>Prise de S. Omer sur les Bourgongnois par le seigneur de Querdes.</i>	213.a.
<i>Prise de Montdidier sur les Bourgongnois.</i>	180.a.	<i>Prise de S. Quentin sur les Bourgongnois.</i>	166.a.
<i>Prise de Montlouen sur le Duc de Bourbon.</i>	136.b.	<i>Prise de S. Sauveur le Picmont sur les Anglois.</i>	28.a.
<i>Prise de Montluc sur les Anglois.</i>	21.a.	<i>Prise de S. Valery par les Bourgongnois.</i>	171.b.
<i>Prise de Montferrant sur les Anglois.</i>	33.b.	<i>Prise de Tancarville sur les Anglois.</i>	21.a.
<i>Prise de Mont S. Jean au Royaume de Naples par le Roy Charles viij.</i>	212.a.	<i>Prise de Tombelaine en Norm.</i>	28.a.
<i>Prise de Motte-Lours sur les Anglois.</i>	16.a.	<i>Prise de Tancqueri chateau sur la mer en Normandie sur les Anglois.</i>	17.a.
<i>Prise de Montlebeque sur les Gantois.</i>	45.b.	<i>Prise de Torgny sur les Anglois.</i>	16.a.
<i>Prise de Nancy sur les Bourgongnois par le Duc de Lorraine.</i>	188.b.	<i>Prise de Torgny par assaut sur les Bourgongnois.</i>	179.b.
<i>Prise de Naples sur les François par les Arragonnois du temps de Loys xij.</i>	231.b.	<i>Prise de Valangni en Normandie sur les François par les Anglois.</i>	16.a.
<i>Prise de Naples sur les François du temps du Roy Loys xij.</i>	237.b.	<i>Prise de Valangni sur les Anglois.</i>	28.a.
<i>Prise de Nerlle & du seigneur du Lieu par le Comte de Charolais.</i>	113.b.	<i>Prise de Verdun en Lorraine sur le Roy par les Bourgongnois.</i>	177.b.
<i>Prise & saccagement de Nerlle par les Bourgongnois.</i>	169.b.	<i>Prise d'Emblée de Fernand ville de Normandie par les François sur les Anglois par le moyen d'un menfieur.</i>	10.a.
<i>Prise de Neufchâtel de Nicourt sur les Anglois par les Comtes d'Eu & de S. Pol.</i>	35.a.	<i>Prise de Fernon en Normandie sur les Anglois.</i>	33.a.
<i>Prise & saccagement de Neufchâtel de Nicourt en Normandie par les Bourgongnois.</i>	171.b.	<i>Prise de Vire en Normandie.</i>	28.a.
<i>Prise de Nogent en Normandie par composition sur les Anglois.</i>	10.b.	<i>Prise d'Ycommes en Norm. sur les Anglois.</i>	17.a.
<i>Prise de Perpignan par les Arragonnois sur les François.</i>	173.b.	<i>Prison du Comte de S. Pol.</i>	182.b.
<i>Prise de Perpignan sur les Arragonnois.</i>	179.a.	<i>Privilèges de la principauté d'Orange.</i>	181.a.
<i>Prise de Peronne & du Comte de Nevers par les Bourgongnois.</i>	121.a.	<i>Procession des pechez enfanst à Paris.</i>	179.b.
<i>Prise de Pont-Audmer ville de Normandie sur les Anglois.</i>	11.a.	<i>Prodige d'un feu veu au ciel sur Arras.</i>	121.b.
<i>Prise du Pont-de-l'Arche ville située près Reuen sur les Anglois à l'adieu du Duc de Bretagne.</i>	8.a.	<i>Prise de Colonne pris à Velle-Franche.</i>	150.b.
<i>Prise du Pont-de-l'Arche par le Roy Loys sur le Duc Charles son frere.</i>	149.b.	<i>Protestation notable faicte par les François contre les Anglois sur l'observation de la trêve.</i>	8.b.
<i>Prise de Pont-d'Oue sur les Anglois.</i>	16.a.	<i>Prouence déuotée à la couronne de France par le Roy de Sicile.</i>	187.b.
<i>Prise de Ponthuise sur le Roy Loys xi. par la faulx du bien public.</i>	120.b.	<i>Puy Sensfichal à la seconde conqueste de Guienne.</i>	56.b.
<i>Prise du Pont S. Maxence sur les Bourgongnois.</i>	171.a.		
<i>Prise de Ponthuise sur les Gantois.</i>	51.a.		
<i>Prise de Roibe-Guyon chateau en Normandie sur les Anglois lequel fut rendu au seigneur à qui il appartenait.</i>	14.b.		
<i>Prise de Reuen sur les Anglois.</i>	19.a.		
<i>Prise de Reuen sur le Roy Loys xi. par la faulx du bien public.</i>	120.b.		
<i>Prise de Reuen par monsieur le Duc de Bourbon sur le Roy Loys xi.</i>	145.b.		
<i>Prise de Roze & Montdidier par les Bourgongnois.</i>	113.b.		
<i>Prise de Roze sur les Bourgongnois.</i>	180.a.		
<i>Prise de S. Amand Lédur sur le Duc de Bourbon.</i>	136.b.		
<i>Prise de Sandrich en Angleterre par le Sieur de Breteuil seuechal de Normandie.</i>	71.a.		
<i>Prise de S. Foy sur les Anglois.</i>	33.b.		
<i>Prise de S. Guilhem de Martain ville de Normandie par les François sur les Anglois.</i>	12.a.		

R.

Quiet rapitaine Picard au service du Duc Philippe contre les Gantois. 49.b.
Quenay capitaine de gens d'armes au service de Loys xi. 197.a.

R.

Rabodenghes capitaine Bourgongnois abandonne le Comte de Charolais à la bataille de Montleberg. 116.a.
Rachapt des villes de la riniere de Somme par Loys xi. 97.b.
Redesfort Anglois dans Caen. 29.b.
Rogier fils du tresorier de Normandie aux ussiles à Paris. 158.b.
Rozz, Admiral de France l'un des capitaines du Roy Charles vi. à la bataille de Formigny. 128.b.
Rappel de femmes pour le service du Duc Philippe. 128.b.
Renaulain au service du Duc de Bourgogne contre les Luyens. 127.a.

DE MONSTRELET.

Reconciliation du Duc Philippe & de son fils le Comte de Charolais. 112. a.
 Reconciliation finale du Roy Loys xi. & de Charles son frere. 162. b.
 Refus fait par le Duc de Bretagne d'accepter l'ordre du Roy Loys xi. 163. b.
 Regnault de s. Jean capitaine Gascou pour la part Angloise. 35. a.
 Regnault de Velours gentil-homme de Poillon escharrelé de Paris pour s'estre entremis de faillies contre le Roy Loys xi. 182. b.
 Rembours emouyé par le Comte d'Eu gouverneur de Paris vers les Princes comurés pour sauoir leur intention. 141. a.
 Remercement du Roy Loys xi. au peuple de Paris. 148. a.
 Renouciation que fait le Duc de Bretagne à l'alliance du Duc de Bourgogne. 164. b.
 Renouy fait par la court de Parlement d'un religieux de l'ordre de s. Jean accusé de meurtre à la justice du temple de Paris. 153. b.
 Repentes ou penitentes religieuses instituees à Paris en l'hôtel d'Orleans. 212. a.
 Repeuplement de Paris depuë par les guerres ciuiles. 153. b.
 Responce superbe des Anglois aux ambassadeurs du Pape Nicolas. 40. a.
 Retour du Roy Loys xi. en Paris le camp des Princes estant devant. 142. a.
 Retour du voyage de Naples du Roy Charles vij. 224. b.
 Retracte honteuse de l'Empereur Maximilian hors de Lombardie. 255. a.
 Reuële du Prince d'Orange gouverneur pour le Roy Loys xi. au Comté de Bourgogne. 191. a.
 Reuële de Neapolitains. 228. a.
 Richaudequins espees de canons d'artillerie. 38. b.
 Richemont Connestable de France & le Duc de Bretagne son frere ayent le Roy Charles vij. en la reduction de Normandie. 15. b.
 Richemont Comte frere du Duc de Bretagne Connestable de France à la bataille de Formigny. 26. a.
 Richemont Connestable de France gouverneur de Normandie. 33. a.
 Richme François qui fut trouuë sur le lict du Roy Charles vij. luy retournant de la Messe. 3. a.
 Riuier capitaine de gens d'armes destituë de sa charge. 148. b.
 Robert de hannuyer capitaine pour la part Angloise dedans s. Sauueur le Viconte. 28. b.
 Robecquars à la conqueste de Guienne. 36. a.
 Roche-foucault à la conqueste de Guienne. 36. a.
 Roche-pot fait cheualier de l'ordre de la toison d'or. 87. a.
 Rodemac Damoiseau a refuge vers le Roy Char. vij. 74. a.
 Rodem paisné de sauoy pour la part Bourgongnoise. 180. b.
 Roban remené les Anglois en Guienne. 41. a.
 Rotheim Marquis au secours du Duc Philippe contre les

Renhauls capitaine François au service du Roy Char. vij. 12. a.
 Renhauls nommé Abel frere de Isachin Renhauls capitaine dedans Falangues en Norman soustint plougement le siege qui y merirent les Anglois. 26. a.
 Renhauls nommé Isachin l'un des capitaines du Roy Charles vij. à la bataille de Formigny. 26. b.
 Renhauls à la conqueste de Guienne. 35. a.
 Renhauls fait Contable de Bordeaux. 36. b.
 Renhauls Marechal de France dedans Paris contre la faction du bien public. 114. a.
 Renhauls à la deffence de Paris contre les Bourgongnois. 133. b.
 Renhauls pour le Roy dans Beaumais assigé par les Bourgongnois. 170. a.
 Renouille Baillard de Bourbon Admiral de France. 150. b.
 Renouy fils du Comte s. Pol Connestable de France estant au service du Duc de Bourgogne gaille le territoire de Troye & de Tonnerre. 172. a.
 Renouy fils du Comte de s. Pol prisonnier à Tours & ce qui en fut fait. 183. b.
 Rupte des Bourgongnois à Grenson contre les Suisses. 186. b.
 Rupte de Bourgongnois à Morat contre les Suisses. 188. a.
 Rupte de Bourgongnois à Nancy. 190. b.
 Rupte de Nivare. 246. a.
 Rupte des Elherons & la perte de Terrenne & Tournay qui s'en ensuyuit. 246. b.
 Rupture de paix entre le Duc Philippe & les Liegeois commencée par ceux de Dinan. 116. b.
 Reux & Papeincourt ambassadeurs pour le Roy Loys xi. 153. a.
 Roze capitaine au service de Char. vij. 11. a.
 Roz Baron pour le Roy Charles vij. au siege de Dax en Guienne. 35. b.
 Rubempré Baillard en Hollande pour surprendre le Comte de Charolais. 103. a.
 Rubempré grand Baillif de Hainault au service du Duc Philippe contre les Liegeois. 121. b.
 Rubempré Baillard prins en Hollande. 135. b.
 Rubempré capitaine dedans Roze contre les Bourgongnois. 169. b.
 Ruë du pont nostre Dame à Paris. 229. b.
 Ruë du Duc Charles de Bourgogne qui vouloit faire d'une fille deux gendres. 169. a.

S.

Sacre du Roy Loys xi. 88. b.
 Sacre du Roy Charles vij. 209. a.
 Saillie furieuse des Anglois assigés dans Falaise. 30. b.
 Saillie de ceux de Beaumais sous la conduite de Sallesart sur les Bourgongnois. 170. b.
 s. Belin Bailly de Chammont en assigné à la conqueste de Guienne. 37. b.

TABLE DV III. VOLUME

<i>S. Pal Comte au service de Char. viij.</i>	11. a.	<i>à la guerre contre les Turcs.</i>	35. b.
<i>S. Pal Comte à la conquête de Normandie.</i>	32. b.	<i>Senansy enfant de Paris aux mailles à Paris.</i>	118. b.
<i>S. Pal & Genly adjuvèrent, à composer en personne pour fait de sedition.</i>	98. b.	<i>Serment reciproque des gens du Roy & des Estats de Gascongne d'estre loyaux au Roy & de leur concerver leurs privileges.</i>	37. b.
<i>S. Pal Comte chef de l'adjuventarde pour le Comte de Charolais à la bataille de Montleherby.</i>	115. b.	<i>Siege d'Audenarde par les Gandins.</i>	42. a.
<i>S. Pal Comte fait Cónseillable de France par le Roy Loys xi.</i>	122. a.	<i>Siege des Gandous devant Audenarde leué par le Duc Philippe & eux rompuz.</i>	43. a.
<i>S. Pal Cónseillable de France au service du Duc de Bourgogne contre les Liegeois.</i>	117. a.	<i>Siege de Reymone par les Comtes de Foix & de Dunois Lieutenant du Roy Char. viij.</i>	128. b.
<i>S. Remain Procureur general du Roy au Parlement de Paris deffend la Pragmatique-saintum.</i>	155. b.	<i>Siege de Beaulieu par le Duc Charles de Bourgogne.</i>	170. a.
<i>S. Simon Bailif de Senlis à la garde de Paris lors de la guerre du bien commun.</i>	115. a.	<i>Siege de Belgrade par les Turcs leurs assauts terribles & la miraculeuse delivrance d'iceulx.</i>	68. a.
<i>S. Teneur au service de Charles viij. à la seconde conquête de Guenene.</i>	16. b.	<i>Siege de Boulougne par les Anglois leué peu apres.</i>	112. a.
<i>S. Treille grand Escurier de France.</i>	22. a.	<i>Siege de Caen par le Roy Char. viij.</i>	29. a.
<i>S. Treille à la conquête de Normandie.</i>	32. b.	<i>Siege de Chailillon en Perigord.</i>	16. b.
<i>S. Treille grand Escurier d'Escurie à la conquête seconde de Guenene.</i>	58. a.	<i>Siege devant Cherbourg par les François sous la charge des Comtes de Clevermont & Richemont.</i>	30. b.
<i>S. Vincent de l'Ordre des Jacobins canonizé à l'entree par le Legat du Pape.</i>	67. a.	<i>Siege à Damette par le Duc Philippe pour faire renouiller Eusque du Treth son fils bastard.</i>	67. a.
<i>Sallezart l'un des capitaines pour le Roy à la bataille de Montleherby.</i>	115. a.	<i>Siege de Dinant au Liège par les Bourgongnois.</i>	127. b.
<i>Sallezart garde les passages des rivières contre les Bretons.</i>	140. a.	<i>Siege d'Asinal par les Genevois.</i>	5. b.
<i>Sallezart capitaine de gens d'armes fa pompe & braveré.</i>	146. b.	<i>Siege devant Falaise par les François.</i>	10. b.
<i>Sallezart l'un des capitaines qui descendirent la ville de Beaulieu contre les Bourgongnois.</i>	170. b.	<i>Siege de Harfleur par les François.</i>	24. a.
<i>Sampan enfant de Paris aux mailles à Paris.</i>	158. b.	<i>Siege de Honnefleure par le Comte de Dunois.</i>	25. b.
<i>Sauveuse capitaine au service de Charles viij.</i>	111. a.	<i>Siege de Metz en Lorraine par les Rois de France & de Sicille & la composition qu'ils firent avec les habitants d'icelle ville.</i>	12. b.
<i>Sauveuse à la prise de Reymone.</i>	39. b.	<i>Siege des chasteaux de Naples.</i>	212. b.
<i>Sauveuse au service du Duc Philippe contre les Gandins.</i>	42. b.	<i>Siege de Nisse par le Duc de Bourgogne.</i>	169. a.
<i>Sauveuse priu de sa capitainerie d'Amiens par le Roy Loys xi.</i>	98. a.	<i>Siege de Nemours leué & le Duc d'Orleans deliuré.</i>	117. a.
<i>Sauveuse reconcilie le Comte de Charolais au Duc Philippe son pere.</i>	102. b.	<i>Siege de Narbonne par le Duc de Bourgogne.</i>	177. b.
<i>Sauveuse capitaine Bourgongnois & ce qu'il fit pour son party.</i>	118. b.	<i>Siege de Paris par les Princes conuier, pour le bien public.</i>	118. a.
<i>Sauveuse amène Heurs d'argent & de gens au Comte de Charolais & l'aura devant Paris.</i>	119. b.	<i>Siege de Perpignan par l'Armée du Roy Loys.</i>	173. b.
<i>Sauveuse Duc deffoi en guerre par Charles viij.</i>	41. a.	<i>Siege de Rhodes par les Turcs.</i>	191. a.
<i>Sauveuse hommes descouverts par les Normans & Esleignais.</i>	141. a.	<i>Siege de Rouen par Charles viij.</i>	18. a.
<i>Sau l'un des gentil-hommes qui se trouuerent à un supper avec le Roy chez le seigneur d'Armenouville à Paris.</i>	141. a.	<i>Siege de S. Maurice par Charles de Melun Bailif de Sens.</i>	137. b.
<i>Scandale fait en l'hostie de la d'esse à Paris du temps de Charles viij. & la punition qui s'en ensuyuit.</i>	213. b.	<i>Siege de Saules par les François.</i>	136. a.
<i>Schisme d'entre le Pape Felix & Nicolas appaisé & paisé par condiction que Felix renuier au Pape & demourerit Legat en les terres de Sauve & Picmont & c.</i>	121. a.	<i>Sixte vij. Pape, ses moeurs & auarres.</i>	168. a.
<i>Sellezart agité par les Turcs.</i>	196. a.	<i>Simbresse & Talbot rendent par composition les Palais & chasteau de Rouen au Roy Char. viij.</i>	20. b.
<i>Scherbessy en l'an 1504. dont s'ensuyuit grande famine.</i>	137. b.	<i>Simbresse banuy d'Angleterre est à la court de France.</i>	91. b.
<i>Secours de Jean Duc de Cleus au Duc Philippe contre les Gandins.</i>	44. a.	<i>Simbresse fait sa paix au Roy Edouart abandonnant la Reine d'Angleterre.</i>	91. b.
<i>Sellier Archeuesque de Troye & conseiller au Parlement de Paris un des deputés pour aller parler aux les Princes.</i>	141. b.	<i>Simbresse vaincu en bataille & fait decapiter par le Roy Edouart fils du Duc d'York.</i>	101. a.
<i>Semence que fait le Pape Nicolas au Duc Philippe d'aller</i>		<i>Simmaton que fit le Roy Charles viij. au Duc Philippe pour assister comme Pair de France au iugement du Duc d'Alencon.</i>	77. a.
		<i>Sorrellement horrible fait par un curé d'Ampres de Suisse.</i>	81. a.
		<i>Stene vierge au pais de Pessiphare est visiblement les stigmates des playes de Iesus Christ.</i>	168. b.
		<i>Subsidies accordés au Duc Philippe par ceux de son pais bas pour faire le voyage de Turquie.</i>	64. b.
		<i>Support Comte Anglois acie par les gens du Comte de Simbressy.</i>	17. b.
		<i>Suisse occupent la Duché de Milan sur les François.</i>	144. b.
		<i>Suppliee de femme mueron & estrange au peuple Parisien.</i>	

DE MONSTRELET.

fiert par ce qu'on n'auoit au siecle d'alors veu mourir
semmes par infuice. 84.
Supplce de plusieurs mauuais garçons au pais d'Artois.
 95.4.
Supplce de plusieurs larrons à Paris. 162.4.
Supplce du Comte de S. Pol. 184.4.
Supplce d'un heretique Flandois du temps de Char. viij.
Sur ou surré se porte vaillamment contre les Gantois au
seruice du Duc de Bourgogne. 43.4.

T.

T *Albebourg fait cheualier de l'ordre au sacre du Roy*
Loy. xj. 219.4.
Tallebot Anglois entreprend de leuer le siege de Perneuil
Or ce qui en aduint. 10.4.
Tallebot au recouuement de Guienne pour les Anglois.
 41.4.
Tallebot Or quelles conuictiues il receut du Roy Charles vij.
estant prisonnier en France. 55.4.
Tanneguy du Chastel gouuerneur de Roussillon l'un des
commis pour examiner le Cardinal Baillet prisonnier.
 162.4.
Tanquarville Comte à la conqueste de Guienne. 39.4.
Tarente fils du Roy de Naples vient parlementer au Roy
Charles vij. 222.4.
Tarmes Bailly de Chartres à la prise de Sanduich en An-
gleterre. 71.4.
Tartace Baron pour le Roy Charles vij. au siege de Dax en
Guienne. 35.4.
Tartas fils du seigneur d'Albres pour le Roy Charles vij.
au siege de Dax en Guienne. 35.4.
Tillieres Secretaires du Roy occis par mesadenture. 137.4.
Tilly Bailly de Vermandois à la conqueste de Normandie.
 32.4.
Tianville en Luxembourg occupée par les Allemans où le
Duc fut contrainct d'y enuoyer partie de ses gens de
guerre dont il se dyait contre les Gantois. 51.4.
Tison prison à Paris dont enaderent plusieurs prisonniers.
 146.4.
Torsy à la prise de Crenecuer. 105.4.
Torsy l'un des commis pour examiner le Cardinal Baillet
prisonnier. 162.4.
Torsy pour le Roy dont Beauuais assiege par les Bourgogne-
gnens. 170.4.
Torsy et Vaquer capitaines Anglois assiege dans Fres-
may en Normandie. 26.4.
Thoretz premier president au Parlement de Paris. 148.4.
Touffe docteur harangue au lieutenant du Roy Loy. xj. pour
le peuple de Milan. 231.4.
Toutenille ou Estouteuille capitaine François au seruice de
Charles vij. 28.4.
Toutenille Cardinal compse les differens du Roy Char. vij.
Or du Duc de Sawoye. 41.4.
Toutenille Cardinal enuoyé par le Pape Nicolas pour reconcil-
lier les Rois de France Or d'Angleterre. 40.4.

Or punie. 110.4.
Trahsion du Connestable S. Pol descanuerie. 182.4.
Traicté Or appoinctement entre le Roy de Sicile Or le
Duc de Bourgogne par lesquels le val de Cassel en Flan-
dres demeura au Duc. 2.4.
Traicté de paix entre les Gantois Or le Duc Philippe par
le moyen des ambassadeurs de France lequel ne sortit
aucun effect. 46.4.
Traicté de paix troisieme d'entre le Duc Or les Gantois
qui ne sortit effect par l'insensance du populace de
Gand. 50.4.
Traicté final d'entre le Duc Philippe Or les Gantois le-
quel sortit effect. 53.4.
Traicté de paix entre le Roy le Comte de Charolais Or les
Princes conuient pour le bien public. 120.4.
Traicté entre le Roy Loy. xi. Or les Princes conuient pour le
bien public. 121.4.
Traicté de paix entre le Duc Philippe Or les Ligeois qui
ne sortit effect. 125.4.
Traicté de paix entre les Ligeois Or le Duc Philippe qui
n'eut aucun effect. 130.4.
Traicté Or pour orlé d'apoinctement entre le Roy Loy
xi. Or les Princes. 144.4.
Traicté second d'accord entre le Roy Loy xi. Or Charles
son frere. 147.4.
Traicté d'appoinctement entre le Roy Charles son frere Or
le Duc de Bretagne. 159.4.
Traicté de paix à Peronne entre le Roy Or le Duc de Bur-
gogne. 160.4.
Traicté de paix entre le Roy Loy xi. Or le Duc de Bourgogne
à senlu. 174.4.
Traicté de reconciliation entre le Roy Or le Connestable de
S. Pol. 175.4.
Traicté de paix premier entre le Roy François Or Charles
d'Autriche. 250.4.
Traicté de paix d'entre le Roy Or les Flamens publié en
la cour de Parlement de Paris. 207.4.
Traicté de Cambrai entre le Roy Or autres Princes Chre-
tiens contre la seigneurie de Venise. 240.4.
Traicté second du Roy François avec Charles d'Autri-
che. 355.4.
Translation des statues de Charlemagne Or Loy. ix. pour
les poser à la chapelle des presidents. 196.4.
Translation de nostre Dame des Cluifres de Lyon. 235.4.
Translation des or du Duc Charles d'Orléans de Blois aux
Celestins de Paris. 238.4.
Trefues entre les Anglois Or les Bourgognons. 71.4.
Trefues entre le Roy Or le Duc de Bourgogne. 156.4.
Trefues entre le Roy Or le Duc de Bourgogne. 167.4.
Trefues continue entre le Roy Loy xi. Or le Duc Charles
de Bourgogne. 169.4.
Trefues rompues par le Duc de Bourgogne. 169.4.
Trefues entre les François Bretons Or leurs allies. 172.4.
Trefues entre France Or Angleterre. 181.4.
Trefue marchande entre Bourgogne Or Angleterre.
 182.4.

Trijfen l'hermite prenoit de l'hostel du Roy. 355.
Truvaise damoiselle Milanaise ses moeurs & conditions. 359.
Turec deuant Constantinople. 392.
Turenne viconte à la conqueste de Guienne. 364.
Turenne à la conqueste seconde de Guienne. 384.

V.

V. Acquer capitaine Anglois pris à la bataille de Formigny. 274.
Valetaille Marechal du camp du Roy Charles vij. au voyage de Naples. 2154.
Vallée lieutenant de la compagnie du Senechal de Normandie au secours de la ville de Beaumont assiegee par le Duc de Bourgogne. 1704.
Valpergue Senechal de Lyon l'un des prouoyeurs & munitionnaires du Roy Charles vij. à la conqueste de Normandie. 334.
Valpergue baillif de Lyon à la conqueste seide de Guienne. 584.
Vendouin heritier de Lorraine prisonnier en Allemagne. 1744.
Vendouin c'est à dire magie ou heresie des Vendouins en grecours au pais d'Artois l'an 1458. comment il y fut puny & l'abus des inquisiteurs de ce crime. 1434.
Vanquie pais d'heretiques auxquels le Royennoye un deffeur en theologie pour les convertir. 2344.
Vendouin Comte à la conqueste de Guienne. 364.
Vendouin le Bastard à la conqueste de Guienne. 364.
Vex capitaine Anglois. 264.
Vex fut à la bataille de Formigny & abandonne ses gens. 274.
Verde tente faction de citoyens Gantois. 494.
Vere gentil-homme Hollandais au service du Duc Philippe. 444.
Vernon demni par le Roy Charles vij. au Comte de Daunois. 144.
Vex & protestation que feit le Duc de Bourgogne de guerroyer les Turcs si le Roy de France vouloit leur son pais en paix. 564.
Villiers de Formigny. 264.
Villiers du Duc Philippe contre les Gantois à Passendel. 444.
Villiers de Chastillon en Guienne où Thibault fut desconfit & les Anglois & Gascons. 574.
Villiers de Gamme ou Gamere en laquelle le Duc Philippe desfit vingt mille Gantois. 524.
Villiers de Montlebery incertain sur la part Bourgongnoise en France. 1164.
Villiers de Montlebery autrement descript par l'addresse de la Chronique d'Enguerran. 1324.

Villiers navale des François contre les Flamens. 2014.
Villiers navale du Duc Lays d'Orleans sur les Neapolitains à Repallo sur la Comte de Gènes. 2174.
Villiers de Formou. 2254.
Villiers de Raucoune. 2414.
Villiers de Agnadel contre les Venitiens. 2404.
Villiers de s. Aubert contre les Bretons. 2134.
Villiers de Guingault incertaine. 2014.
Villiers de Marignan sur les Suisses & le recouvrement de Milan. 2514.
Villiers lieutenant de Vescic descend vaillamment Abbeil contre les Gantois. 504.
Villiers capitaine de gens d'armes du temps du Roy Lays xi. 1554.
Villiers-le-lusage chargé d'aider blesé de mort à Paris Bal-lus Ensigne d'Eureux. 1444.
Villiers ou plusieurs Thoms Vicomte en Poitou d'au Roy Lays xi. 1634.
Villiers seigneur de l'Esle-Adam destitué de l'office de Prevost de Paris. 1484.
Vins vers Lan 1456. 674.
Vins à s'usen l'an 1462. 1554.
Vins vers Lan 1481. 2034.
Vint capitaine general des habitants de Metz & ce qu'il faisoit durant le siege d'icelle ville. 244.
Voyage du Roy Lays xi. à nostre Dame des Hauts-bois en Allemagne. 1604.
Voyage de Naples du Roy Charles vij. 2344.
Vallée des deniers du Roy. 1644.
Vex capitaine Anglois à la seld des Gantois. 524.
Vex en Anversonne donné au baillard de Bourbon par le Roy Lays xi. 1514.
Vexum Cassim & l'histoire de la guerre de Thors. 2364.
Vvarmich Comte Anglois bien venu en France & s'usen par le Roy Lays xi. 1554.
Vvarmich Comte Anglois faitif en France. 1644.
Vvarmich en Angleterre avec armée contre le Roy Edouard. 1654.
Vvax pais entre Gand & Amers amplement descript. 434.
Vvaxinsfort Comte Anglois finis en France. 1644.
Vvaxic capitaine au service du Duc Philippe. 474.
Vvaxic au secours d'Alloit. 504.

X.

X *Aucuns tresorier general de France prisonnier à Tones pour pecular.* 334.

F I N.

ANNOTATIONS ET CORRECTIONS SVR
LE TROISIESME VOLVME D'ENGVERRAN
de Monstrelet.

- Fuillet 1. page 1. L'auteur ne deduit l'occasion de ceste guerre que mena le Dauphin Loïs cõtre les Suisses, aucũs ont escrit que ce fut au pourchats de l'Archeduc d'Autriche qui auoit perdu deux ou trois batailles contre eux, autres sans propos ont voulu dire que les Dauphins de Viennois auoient quelques droict̃s au païs d'Oultre-Iure vsurpez par les communaultez de Suisse.
- fuil. 1. p. 2. En lieu de Val-de-Lieure, peut estre faudroit Val-de-Lierre, qui est vne ville au païs dont est mention: toutesfois Nicole Gilles l'appelle aussi Vau-du-Lieure, peult estre faudroit Iure en lieu de Liepure.
- f. 3. p. 1. En la rithme Francoise en vn vers qui se commence Et au besoing, par ce qu'il est court fault Et au besoing sont les derniers.
- En la mesme page. Au Roy d'Angleterre son nepueu, pour oster l'equivoque soit mise vne virgule apres nepueu.
- f. 4. p. 2. Euesque de Leit en Languedoc, fault d'Alerth, & ainsi aux lieux ensuiuans où il en est fait mention, en la mesme page trouuoit ame, est meilleur trouuoit, cõme sinõ q̃ ce feust vne phrase Picarde: encores faudroit il vn comma a trouuyt.
- f. 5. p. 2. Fineste vielle, peult estre fault citē vielle, qui est ciuita Vecchia au mesme païs dõt parle l'auteur, aucuns ont estimē que ce fut Centumcella.
- f. 6. p. 2. au tiltre du chapitre, fault sur la fin les grans maux qui feirent les Antecod. en lieu de Ponteaudemer, on escrit cor̃ctement Pont-Audemer.
- f. 30. Daufront & Dardenne, on dit Darnfront & Dardaine.
- f. 38. p. 2. le Comte de Foix auoit avec luy deux mille arbalestriers & les pauesieux, c'estoient porteurs de pauois, grans escuz à couuert dequoy les arbalestriers rebandoient.
- f. 43. p. 2. Thibault seigneur de Siēnes, fault Fiennes, comme il se trouue ailleurs au mesme volume.
- f. 44. p. 1. Cy parle de la bataille de Rippe-monde, toutesfois il n'est fait aucune mention de Ripemõde en tout le chapitre ains seulement de Vauselles mais Ripemonde ou Rypelmonde n'est pas loing de là.
- f. 58. p. 2. Geoffroy de S. Strellin, peult estre fault de S. Belin comme on le trouue en autres lieux subsequens.
- f. 50. p. Ce Morbesan fils d'Orestes, est Mahommes second fils d'Amurath: Morbesan toutesfois en langue Turque signifie Duc ou Duchē: & Morbesalen en langue Suriene sonne ces mots d'Euangile, vade in pace, qui sont surnoms que le peuple de Turquie auoit peu donner à ce Mahõmet, ce que les Chrestiens d'alors auoient prins pour nom propre. Ainsi l'escrit Anthoine Geuffroy cheualier de l'ordre de S. Iean de Hierusalem, en sa description de la court du grand Turc.
- f. 60. p. 2. Ce Cheualier Blanc Marechal de Hongrie c'est Huniad capitaine Hongre renommē, cõme escrit le susdits Geuffroy.

- ostée, sinõ qu'on eust peult estre crié que ce seroit violer l'auteur, partant le vous laissons (comme l'on dit en prouerbe) à tout son poil.
- f. 65. p. 2. Otho Castellan, fault Otho ou Odo.
- f. 87. p. 2. Calais, Guines, Hamet, fault Hames.
- f. 92. p. 1. Pragmatique-Sanction fust mise sus, lisez ius, idem en un ou deux lieux ensuiuans.
- f. 121. p. 1. le Seigneur de Saily, peult estre fault Suyly.
- cod. Rubempré Baillif de Hainault, il se trouue en autres lieux Rubencourt.
- f. 123. p. 1. oncle de Boulongne, en lieu de Bourgongne,
- f. 126. p. 2. Mainbrugs, c'est à dire protecteurs, ce mot se trouue aux precedens volumes & aux memoires de Langey, où il appelle l'Empereur Maximilian Mainbrug de Charl. son petit fils.
- f. 138. p. 1. Charles de Charlay son Cheualier du guet, il y a en autres lieux subsequens de Harlay.
- f. 146. p. 2. Loïs Sorbier, fault Forbier cõme il se trouue ailleurs.
- f. 133. p. 1. en doutant de ce ledit de Croï, lisez en deboutant.
- f. 154. de lx. à lxxx. vintg, ostiez vintg.

f. 164. p. Durant ces choses, le Vicomte, & seigneur de Villars en Poitou alla de vie à trespas, lequel en son viuant auoit donnée & laissée sa succession au Roy, pour en iouir par luy incõtinẽt apres son decez & c. On dit qu'il fault lire Toüars en lieu de Villars, & que le seigneur de Amboise Vicomte de Toüars, vendit au Roy Loïs xi. par vendition imaginaire tout son vaillant en hayne du seigneur de la Trimouille son heritier: toutesfois que le Roy Loïs xi. men de conscience, restitua le tout au seigneur de la Trimouille, fors Amboise, qu'il se reserua pour l'amenisté du lieu, lequel le Roy Charles viij. orna depuis de somptueux bastimens par ce qu'il y naquit.

- f. 164. fosse de Laire, fault de Euvre.
- f. 232. p. 2. en la harengue des Milanois, en lieu de sage lignage, lisez Licurge, & au latin populum ad obsequia principum, principes ad iustitiam Imperator confirmabit, & un peu au dessus durex certuicis, en lieu de dure.

Au tiltre de la table de ce troiesme volume à esté malmis que ce fut la table de tout l'auure, il faillloit mettre que c'estoit la table des choses plus notables du troiesme volume.